


Cohãcjũ Yere
Yahuducuri Tju



New Testament in Piratapuyo (CO:pir:Piratapuyo)

Cohãcjũ Yere Yahuducuri Tju
New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022
ad83cef1-6eb5-5233-a8f3-356e47bbda0d

Contents

San Mateo	1
San Marcos	69
San Lucas	110
San Juan	181
Hechos	231
Romanos	294
1 Corintios	324
2 Corintios	354
Gálatas	373
Efesios	383
Filipenses	394
Colosenses	401
1 Tesalonicenses	408
2 Tesalonicenses	414
1 Timoteo	417
2 Timoteo	425
Tito	431
Filemón	435
Hebreos	437
Santiago	461
1 San Pedro	469
2 San Pedro	477
1 San Juan	482
2 San Juan	489
3 San Juan	490
San Judas	491
Apocalipsis	494

San Mateo

Jesucristo Cohãcjũ macũno tiquiro acaye panopũ cjẽna ijire (Lc 3.23-38)

¹ Jesucristo acayere panopũ cjẽnare yahutja yũhũ. Tiquiro ñecũno mũnano panopũ cjũno Davi wame tiriquire ijie tiahye. Tiquiro ijiato pano tiquina ñecũno mũnano iji turiariquiro Abrahã wame tiriquire ijie tiahye.

² Abrahã Isaac pacũro ijiahye. Isaac Jacob pacũro ijiahye. Jacob Judã gãhũ pacũro ijiahye. ³ Fare, Zara mehna tiquina pacũro Judã ijiahye. Tiquina pacoro Tamar wame tiricoro ijiahye. Fare Esrom pacũro ijiahye. Esrom Aram pacũro ijiahye. ⁴ Aram Aminadab pacũro ijiahye. Aminadab Naasón pacũro ijiahye. Naasón Salmón pacũro ijiahye. ⁵ Salmón Booz pacũro ijiahye. Tiquiro pacoro Rahab ijiahye. Booz Obed pacũro ijiahye. Tiquiro pacoro Rut ijiahye. Obed Isaí pacũro ijiahye. ⁶ Isaí Davi pacũro ijiahye. Davi pehe Israe masa pũhoro ijiahye. Tiquiro Uria wame tiriquire mũnano namonore tiquiro namo tiri bato Salomo wame tiriquire pohna tiahye.

⁷ Salomo Roboam pacũro ijiahye. Roboam Abia pacũro ijiahye. Abia Asa pacũro ijiahye. ⁸ Asa Josafat pacũro ijiahye. Josafat Joram pacũro ijiahye. Joram Uzia pacũro ijiahye. ⁹ Uzia Jotam pacũro ijiahye. Jotam Acaz pacũro ijiahye. Acaz Ezequia pacũro ijiahye. ¹⁰ Ezequia Manase pacũro ijiahye. Manase Amón pacũro ijiahye. Amón Josia pacũro ijiahye. ¹¹ Josia Jeconia gãhũ pacũro ijiahye. Tiquina ijiri pjere Israe yehpa cjẽnare Babilonia cjẽna pehe ñehe cãhye tiquina ya yehpapũ.

¹² Sa ye Babilonia yehpapũ tiquina esari bato, Jeconia Salatiere pohna tiahye. Salatiel Zorobabel pacũro ijiahye. ¹³ Zorobabel Abiud pacũro

ijiahye. Abiud Eliaquim pacũro ijiahye. Eliaquim Azor pacũro ijiahye. ¹⁴ Azor Zadoc pacũro ijiahye. Zadoc Aquim pacũro ijiahye. Aquim Eliud pacũro ijiahye. ¹⁵ Eliud Eleazar pacũro ijiahye. Eleazar Matán pacũro ijiahye. Matán Jacob pacũro ijiahye. ¹⁶ Jacob José pacũro ijiahye. José María manũno ijiahye. María pehe Jesu pacoro ijiri. Jesu pehe masare yũhdũoatiquiro ijiro, Cristo tiquina ni pisuriquiro ijiri.

¹⁷ Sa yeye Abrahãre mari queo mũhtagũ tee Davire mari queo bato tigũ ahriquina ijipihtiequina tiquina panamena mehna ijiye, catorce cururi waro ijiahye. Sa yeye mari pari turi Davire mari queo mũhtagũ tee Babiloniapũ Israe masare tiquina neato pano mari queo bato tigũ ijipihtiequina tiquina panamena mehna ijiye, catorce cururi waro pari turi ijiahye. Sa ye tuhasa Babiloniapũ tiquina esari bato mari queo mũhtagũ tee Cristo tiquiro masa bajuagũpũ mari queo bato tigũ ijipihtiequina tiquina panamena mehna ijiye, catorce cururi waro ijiahye tja.

Jesucristo tiquiro masa bajuarire yahuahye (Lc 2.1-7)

¹⁸ Sa ye ohõ saha Jesucristo masa bajuari jiri. Tiquiro pacoro María pehe José mehna omoca dũhteaticoro ijiahye. Sa yero ticoro omoca dũhteato pano Espiritu Santo tutuaye mehna coã nijinogãre ne bucua cãhtarõ masiahye ticoro basi. ¹⁹ Sa yero José ticorore omoca dũhteatiquiro tire masino, poto ijiyere yeriquiro ijiro ticorore cohãno taro nimahye. Masa tiquina ihõno ticorore bũoro ye dueraro, masa tiquina tũhoato pano yahuro marieno ticorore cohãno taro nimahye. ²⁰ Tire tiquiro tũhoturi watoa Cohãcjũ yaquiro angel pehe quehẽnopũ Josere bajuaro, ohõ saha niahye:

—José, Davi manano panami iji turiagu, María mehna bue tiro marieno omoca dakteya. Ticoro Espiritu Santo yedohoro mehna coã nijinogãre ne bucua cãhtarico ijire. Sa yegu bue tiro marieno omoca dakteya ticorore. ²¹ Ticoro pohna tirota. Tiquirota ticoro macanota tiquiro ya maca cjẽnare pecapu wahaboriquinare yuhduoatiquiro ijirota. Tiquiro sa yuhduoatiquiro ijigũ ihñagũ Jesu wame yeguta mahu tiquirogãre, niahye angel Josere.

²² Ahri ijipihtiye sa wahahye panopu cjãno Cohãcjũ yere yahu mahitariquiro tiquiro ni ojoariro sahata. Tire tiquirore Cohãcjũ oja dutiahye. Ohõ saha ni ojoahye Cohãcjũ yere:

²³ Nuhmino, nijinogãre bocaro pohna tirota ticoro macanogãre. Sa yero Emanuel wame tirota tiquirogã, ni ojoahye Cohãcjũ yere.

“Emanuel” nino “Cohãcjũ mari mehnata ijire”, nino niaga.

²⁴ Cohãcjũ yaquiro angel Josere tiquiro ni yahuri bato José pehe wahcã, angel dutiriro sahata María mehna omoca dakteahye. ²⁵ Tiquiro macanogãre ticoro pohna tiato pano José pehe ticoro mehna ijiera tiahye. Ticoro pehe pohna tia wahahye. Sa yero tiquiro pehe macanogãre Jesu wame yeahye.

2

Asũ mɔja taro cjẽna Jesugãre ihñañe esahye

¹ Herode Judea yehpa cjẽna puhtoro tiquiro ijiri pje ti yehpapu ijiri macapu Belẽpu Jesu masa bajuahye. Tiquiro sa masa bajuari bato ñahpicohare buheyequina ñahpicohare quehnoano masiñequina asũ mɔja taro cjẽna ahta, Jerusalẽpu wihiahye. ² Sa wihiye, masare to cjẽnare sinituahye:

—¿Judio masa puhtoro ijiatiquiro yojopare nohopu masa bajuagari tiquiro? Asũ mɔja taropu cjãna ijiaja. Sa yena ñahpicoha coã bajua wahã

sagũ ihñana “Puhtoro masa bajuaro niaga”, ni masii usã. Sa tia bajuagũ ihñana, usã ihcãno mehna tiquirore ño peona ahtau ohõpu, ni, yahuahye buheyequina masare.

³ Sa ye apequina Herodere tire yahuahye. Tiquina sa yahugũ tuhoro Herode pehe bujua witi tuhutuahye. Sa yeye ijipihtiyequina Jerusalẽ cjẽna gũhu tiquiro yero sahata bujua witi tuhutuahye tiquina gũhu. ⁴ Sa yero Herode pehe ijipihtiyequina pahia puhtoare, mari judio masare buheyequina gũhare tiquiro piji cahmecoa peho, tiquinare sinituahye tiquiro:

—¿Nohopu masa bajuaboagari Cristo pehe, masa tuhutugũ? ni sinituahye tiquiro.

⁵ Ohõ saha ni yahuahye tiquirore:

—Belẽpu, Judea yehpapu ijiri macapu Cristo masa bajuarota. Ohõ saha ni ojoahye Cohãcjũ yere yahu mahitariquiro:

⁶ Belẽpu yeequinare Israe masare dutiatiquiro, tiquinare cohteatiquiro ahtarota. Sa yero apeye macari Judea yehpapu ijire macari yuhduoro ijire Belẽ pehe, ni ojoahye Cohãcjũ yere, ni yahuahye tiquina Herodere.

⁷ Tiquina sa ni yahuri bato Herode masa tuhoeropu asũ mɔja taropu ahtariquinare pijioahye. Tiquiro cahapu tiquina esagũ ihñano, tiquinare sinituahye. Tiquiro sa sinitugũ tuhoye, tiquina ñahpicohare ihñari decore yahuahye tiquina. ⁸ Tiquina sa yahuri bato Herode pehe tiquinare Belẽpu ohoro, ohõ saha niahye tiquinare:

—Tiquirogãre quehnoano macaña. Tiquirogãre bocana yuhure tojoana yahu tojoaya. Yuhu gũhu tiquirogãre ño peou wahau tuu niaja, niahye tiquinare Herode.

⁹ Tiquiro sa nidi bato, tiquina wahahye. Tiquina sa wahagũ asũ mɔja taropu tiquina ihñaria ñahpicoha pehe tiquina pano uhmu tãducuahye. Sa yero nijinogã tiquiro ijiro bui waro tojoa wahã sahye tia

ñahpicoha. ¹⁰ Sa yeye ñahpicohare ihñañe, tutuaro bucueahye tiquina. ¹¹ Nijinogã tiquiro ijiri wãhũpũ esa, sajãa wahahye tiquina. Sa sajã saye, nijinogãre tiquiro pacoro mehna ijiriquirogãre ihñahye tiquina. Sa ihñañe tiquina dusepe curi mehna quehe sa, tiquirogãre ño peoahye. Ño peo tuhasa tiquina acarire pãoahye. Urure, bueyere, mirra wame tiye ehme sitiye gãhũre ne wio, tire tiquirogãre wapa marieno ohoahye. ¹² Tire oho tuhasa carĩa wahahye tiquina. Tiquina sa carĩgũ quehẽnopũ Cohãcjũ yahuahye tiquinare: “Herode cahapũ tojoracãhña”, ni yahuahye Cohãcjũ tiquinare quehẽnopũre. Tiquiro sa ni yahuri bato, tiquina pehe wahcãhye. Tiquina sa wahcãri bato ape mahapũ tiquina ya dihtarũ tojoaa wahahye.

José gãhũ Jesugãre Egiptopũ ne duhti cãa wahahye

¹³ Tiquina sa wahari bato Cohãcjũ yaquiro angel quehẽnopũ Josere bajuaro, ohõ saha niahye:

—Wahcãña. Herode pehe nijinogãre wejẽno taro, macano nine yojopũre. Sa ye nijinogãre tiquiro pacoro gãhũre Egiptopũ amũñano ne duhti cãa wahaya. Topũre yũhũ nidiro punota ijiya, tee yũhũ yahugũpũ, ni yahuahye angel Josere.

¹⁴ Tiquiro sa nigũ tãhoro, José pehe ñamita wahcã, nijinogãre, tiquiro pacoro gãhũre Egiptopũ ne duhti cãa wahahye. ¹⁵ Egiptopũ esa, Herode catiro puno topũre ijiahye tiquina. Sa yeahye panopũ cjãno Cohãcjũ yere yahu mãhtariquiro tiquiro ni ojoariro sahata. Tire tiquirore Cohãcjũ oja dutiahye. Ohõ saha ni ojoahye Cohãcjũ yere: “Egiptopũ ijiriquirore yũhũ macũre pijiou”, ni ojoahye Cohãcjũ yere.

Herode macanagãre wejẽ dutiahye

¹⁶ Sa ye ñahpicohare buheyequina tiquina duhti yãhdũ cãgũ tãhoro Herode pehe usua yãhdũa wahahye. Sa usuario, Belẽ cjẽnare, ti maca dũhtũ caha cjẽna gãhũre tiquina pohne

amũagãre pũa cũhma cũoyequinagãre wejẽ bato ti dutiahye tiquiro. Coã warore ñahpicohare buheyequina ñahpicohare tiquina ihñari decore yahuahye Herodere. Tiquina sa nigũ tãhoro tiquiro wejẽ duariquirogã masa bajuari decore masino, “Ohõpe cũhmari cũore” nino, pũa cũhma cũoyequinagãre wejẽ bato ti dutiahye. ¹⁷ Panopũ cjãno Jeremia Cohãcjũ yere yahu mãhtariquiro tiquiro ni ojoariro sahata wahahye. Ohõ saha ni ojoahye tiquiro:

¹⁸ “Ramã wame tiropũ bisirota. Tutuaro bũjũa witiye mehna utiye bisirota. Raquel panamena numia iji turiaye numiapũ Israe masa namosãnumia tiquina pohne tutuaro utieta. Tiquina pohne apequina wejẽgũ ihñañe, ne bũjũa witi duhusi”, ni ojoahye panopũ.

¹⁹ Sa ye Herode tiquiro yariari bato Egiptopũ ijiriquirore Josere Cohãcjũ yaquiro angel quehẽnopũ bajuahye. Sa bajuaro ohõ saha niahye Josere:

²⁰—Nijinogãre wejẽ duamediquina yariaa wahari. Sa yegũ wahcãña. Tiquirogãre pacoro mehna Israe yehpapũ ne tojoaa wahaya mãhũ, ni yahuahye angel Josere:

²¹ Tiquiro sa nidi bato José wahcã, nijinogãre pacoro mehnata Israe yehpapũ ne tojoaa wahahye. ²² Sa yeperota Arquelao Herode macũno pehe tiquiro pacũro comesariquiro ijigũ tãhoro José pehe Judea yehpapũ tojoa duaro cueahye. Sa yero pari turi tja quehẽnopũ tiquirore yahu nemoahye. Tiquirore pari turi Judea yehpapũ iji dutierahye. Tiquiro sa ni yahuri bato, tiquina Galilea yehpapũ wahaa wahahye. ²³ Ti yehpapũre Nazare wame tiri macapũ ijiahye tiquina. Sa yeahye tiquina Cohãcjũ yere yahu mãhtariquina tiquina ojoariro sahata. Ohõ saha ni ojoahye: “ ‘Cristo Nazare cjũnota ijire’, nieta masa”, ni ojoahye Cohãcjũ yere yahu mãhtariquina panopũ cjẽna.

3

Ñu wame yeriquiro masare yahuahye

(Mr 1.1-8; Lc 3.1-9, 15-17; Jn 1.19-28)

¹ Sa ye ti pjere Ñu Cohãcjũ yequinare wame yeriquiro ijiahye. Judea yehpapũ masa marienopũ tiquiro Cohãcjũ yere yahu dũcahye masare. ² Ohõ saha ni yahuahye tiquinare:

—Musa ñaÑe yerire bũjũa witiya. Tire duhuya. Ëhmũse cjãno Cohãcjũ musa puhtoro tiquiro ijiaho mehenogã dũhsare, ni yahuahye tiquiro.

³ Panopũ cjãno Isaia Cohãcjũ yere yahu mũhtariquiro Ñu tiquiro buheatire ohõ saha ni ojoahye:

Masa marienopũ yahuducu sañuducuroti quiro

ohõ saha ni buherota tiquiro: “Mari puhtoro ahtato pano mahare mari quehnoyuro saha quehnoana ijiyuya musa. Musa ñaÑe yerire bũjũa witiya”, ni sañuducurota, ni ojoahye Isaia Ñure.

⁴ Sa yero Ñu camello poari suhtirore sañariquiro, wahiquiro cahsero mehna tũã dihoriquiro ijiahye. Poreroare, nucũ cjẽ umi gũhũre ihyae tiahye. ⁵ Jerusalẽ cjẽna, ijipihtiro Judea yehpapũ ijieyquina, Jordã wame tiri ma cahapũ ijieyquina gũhũ tiquirore tũhoye ahtahye. ⁶ Wihĩ, tiquirore tũho, tiquina ñaÑe yerire bũjũa witi, Cohãcjũre tire yahu yũhdũahye tiquina. Sa tiquina yahugũ tũhoro Jordãpũ Ñu tiquinare wame yeahye.

⁷ Sa yero peyequina fariseo masa, saduceo masa gũhũ Ñure tiquina wame ye dutiye ahtagũ ihñano tiquiro yahuahye tiquinare:

—Aña yero saha ña yũhdũana ijire musa. Musa ñaÑe yerire bũjũa witi duerana Cohãcjũ musa ñaÑe yeri buhiri tiquiro buhiri dahreato pano duhti masiedare musa. ⁸ Sa yena potota musa ñaÑene bũjũa witiya. Quehnoañene comesaya. Sa yena

quehnoañe pehere yeya musa. ⁹ Ohõ saha ni tũhotueracãhña: “Panopũ cjãno Abrahã mari ñecũ mũnãno ijie tiahye. Sa yena tiquiro panamena iji turiana ijina mari Cohãcjũ yequina ijiaja”, ni, tũhotueracãhña musa. Musare niita niaja. Abrahã panamena iji turiana ijimene musa. Musa sa ijiepegãta ti musa sa ijie duhseati ijierare. Cohãcjũ pehe ahri utã paca mehna Abrahã panamenare dojogũ ye masine. Sa yero Abrahã panamena iji turiana musa ijie ihyo waro ijire utã paca ti paca ihyo waro ijiro sahata. ¹⁰ Ohõ saha ijire: Masa yucũri yero saha ijire. Cohãcjũ pehe yucũri quẽatiare comeare cõoriquiro yero saha ijire. Sa yero ñaÑe dũca tiye cjũre quẽ cohã, ti nũhcori gũhũre dũte surerota. Dũte sure tuhasa, pecapũ mũjũanota tiquiro ti cjũre, nũhcori gũhũre. Sata yerota masa gũhũre tiquirore cahmeeñequinare. ¹¹ Yũhũ bato yũhũ yũhdũoro tutuariquiro ahtarota. Quehnoa yũhdũariquiro ijire tiquiro. Tiquiro yero saha ijieraja yũhũ pehe. Sa yegũ tiquirore tũhotugũ, “Ihyo ijigũ ijiaja yũhũ”, ni tũhotuaja yũhũ. Yũhũ pehe musa ñaÑe yerire bũjũa witi duti, musare wame yegũ aco mehna yemi. Tiquiro pehe yũhũ yũhdũoro yerota. Espĩritu Santore masa mehna ijiducugũ yerota tiquiro. Sa yero peca ñaÑene mũjũa wero sahata tiquiro ahtariquiro pehe musa ñaÑe yerire cose werota. ¹² Yũhũ bato ahtariquiro cahseri cohãriquiro yero saha ijire. Cahseri cohãriquiro tiquiro batiro mehna ijipihtiyẽ trigo cahserire puti were. Tiquiro sa puti weri bato trigo pehere tiquiro ihbori wũhũpũ ihborota. Sata yerota tiquina ñaÑene bũjũa witiyequinare yũhũ bato ahtariquiro. Tiquiro puti weye cahseri pehere tiquiro mũjũanota. Ti peca mũjũari peca ne yatisi. Sata yerota tiquiro yũhũ bato ahtariquiro tiquina ñaÑene bũjũa witiyequinare, ni yahuahye Ñu.

*Ñu Jesure wame yeahye
(Mr 1.9-11; Lc 3.21-22)*

¹³ Came Jesu Galileap_u ijiriquiro waha, Jordā wame tiri map_u buha sahye Ñure wame ye dutiro. ¹⁴ Coã warore Ñu wame ye dueramahye.

—Yohou, m_uh_u pehe y_uh_u y_uh_ud_uoro tutuag_u y_uh_u pehere m_uh_u wame yeg_u quehnoaboaga. M_uh_ure wame yebog_u ijieraja y_uh_u, ni y_uhtimahye Ñu Jesure.

¹⁵ Jesu pehe y_uhtiahye tiquirore:

—Y_uh_ure wame yeya. Ohō saha yena, Cohācjū dutiro saha sohtoa tina niaja mari, niahye Jesu.

Tiquiro sa nig_u t_uhoro,

—A_u, ni y_uhtiahye Ñu.

¹⁶ Sa ni tuhasa, Jesure wame yeahye. Tiquiro wame ye tuhasag_u Jesu diap_u ducuriquiro maja d_ucag_u, _uh_um_uanop_u parī maahye. Cohācjū yaquiro Espíritu bujua yero saha tiquiro bui dijia tag_u ihñahye. ¹⁷ Sa dijia tag_u _uh_um_uanop_u yahuducuye bisiahye:

—Ahriquiro y_uh_u mac_u y_uh_u cahñiquiro ijire. Tiquiro mehna tutuaro bucueja, niahye _uh_um_uanop_u.

4

*Watīno ñañene ye dutimahye Jesure
(Mr 1.12-13; Lc 4.1-13)*

¹ Sa ye Espíritu Santo pehe Jesure masa marienop_u neahye, top_u watīno tiquirore ñañene ye dutiato saha.

² Top_u esaro cuarenta decori waro ihyarō marieno ijiahye Jesu. Sa yero _uj_ua ahbahye. ³ _uj_ua tiquirore ahbag_u ihñano watīno pehe tiquiro cahap_u esaro, ohō saha niahye:

—M_uh_u Cohācjū mac_u ijig_u, ahria utāre ihyaye dojomehneña, niahye tiquiro Jesure.

⁴ Jesu ohō saha ni y_uhtiahye:

—Yeraja. Cohācjū yere tiquina ojoari p_up_u ohō saha nine: “Masare ihyaye mehna dihita catieraro cahmene. Ijipihtiye Cohācjū tiquiro ye yahuye mehna ijiro cahmene”,

nine Cohācjū, ni y_uhtiahye Jesu watīnore.

⁵ Tiquiro sa ni y_uhtiri bato watīno pehe Jerusalēp_u “Cohācjū ya maca” tiquina nidi macap_u Jesure neahye. Top_u esa, Cohācjū ya w_uh_u bui Jesure ne sahye tiquiro. ⁶ Ne sa tuhasa, tiquirore ohō saha niahye:

—Cohācjū yere tiquina ojoari p_u ohō saha nine:

“Cohācjū tiquiro yequina angelere m_uh_ure ihña ihbo dutirota. Sa yeye tiquina pehe m_uh_ure ihña ihboeta ‘Utāp_u p_uha tu maari,’ niñe”, nine tiquiro ojoari p_u.

Tiquiro sa nidi poto ijig_u m_uh_u Cohācjū mac_u ijig_u yehpap_u uhpu dijia ihñoña y_uh_ure. M_uh_ure tiquina yedohog_u ihñoña y_uh_ure, niahye watīno.

⁷ Jesu uhpu dijia ihño dueraro ohō saha ni y_uhtiahye:

—Cohācjū yere tiquina ojoari p_u ohō saha nine: “M_usa p_uhtoro Cohācjū tiquiro nidire ‘¿Poto ijiajari?’ ni masi duana Cohācjūre ye ihño duti tuhueracāhña”, nine Cohācjū yere tiquina ojoari p_u, niahye Jesu.

⁸ Tiquiro sa ni y_uhtiri bato _uh_um_ua y_uh_ud_ud_u can_up_u Jesure ne m_ujahye watīno tja. T_u buip_u ne m_uja sa pje, ijipihtiye macarine ihñodoque dijioahye Jesure. Tiquina c_uoye g_uh_ure ihñoahye. ⁹ Sa ihño Jesure ohō saha niahye:

—Y_uh_ure d_usepe curi mehna quehe sa, ño peoya m_uh_u. M_uh_u sa yeg_u ijipihtiye ahri macarine m_uh_ure ohoutja, ni yahumahye watīno.

¹⁰ Tiquiro sa nig_u Jesu ohō saha ni y_uhtiahye:

—Satana, wahaya m_uh_u. Ohō saha nine Cohācjū yere tiquina ojoari p_u: “M_uh_u p_uhtoro Cohācjū dihitaro ño peoya. Tiquiro ye dutiye dihitaro yeya”, nine Cohācjū yere tiquina ojoari p_u, niahye Jesu watīnore.

¹¹ Tiquiro sa nig_u t_uhoro watīno waha wahahye. Tiquiro wahari bato angele pehe wihi, Jesure yedohoye ihyayere ohoahye angele.

*Galilea yehpapu Jesu buhe ducahye
(Mr 1.14-15; Lc 4.14-15)*

¹² Sa ye Ñure peresupu tiquina yegũ tũhoro, wahaa wahahye Jesu. Waha, Galilea yehpapu esahye. ¹³ Topu ijiri macapu Nazarepu waha, yũhdu cã, Capernau wame tiri macapu esahye. Galilea wame tiri ditara dũhtu cahapu ijiri Capernau. Ti maca Zebulón yehpa cahapu, Neftalí yehpa cahapu ijiri Capernau. Topu esa, ijiahye Jesu. ¹⁴ Sata yeahye Jesu panopu cãno Cohãcjũ yere yahu mũhtariquiro Isaia tiquiro ni ojoariro sahata. Ohõ saha ni ojoahye: ¹⁵ Zebulón yehpa cahapu, Neftalí yehpa cahapu, ditarapu wahari mahapu, Jordã wame tiri ma ape sie pahrẽpu Galilea yehpa ijire. Ti yehpa judio masa ijieyequina ya yehpa ijire. ¹⁶ To cjẽna Cohãcjũ yere quehnoano masiedare. Sa masiedapeta quehnoariquirore ihñañepu masieta. Tiquina pehe Cohãcjũre ne masiedare. Sa yeye pecapu wahaboriquina ijimahye. Sa yero ihcãquiro tiquinare Cohãcjũ yere masigũ yerota, ni ojoahye Isaia.

¹⁷ Topu ijiro, Cohãcjũ yere yahu ducahye Jesu:

—Musa ñaño yerire bujua witiya. Sa yena quehnoañene comesaya. Æhmuse cãno Cohãcjũ ijipihtiyequina pũhtoro tiquiro ijiato mehenogã dũhsare, ni yahu ducahye tiquiro.

*Pititiaro wahi wejẽñequinare tiquiro
mehna cjẽna ijiatiquinare pijiahye Jesu
(Mr 1.16-20; Lc 5.1-11)*

¹⁸ Sa ye Galilea wame tiri ditara dũhtu cahapu esaro, Simore, tiquiro bahuro Andre mehna boca sahye Jesu. Simo tiquina Pedro ni pisuriquiro ijiahye. Tiquina pehe wahi wejẽñequina ijiye, tiquina wẽñecjũre doque ñoñe niahye ditarapu.

¹⁹ —Yũhu mehna cjẽna ijianaja ahtaya musa. Yũhu mehna musa ahtagũ musa wahire ñehe cahmecoana musa ijiro saha, Cohãcjũ yequina ijiatiquinare masare piji cahmecoana ijigũ yeitja musare. Yũhu mehna musa ahtagũ sa yeanaajare cõtja musare, niahye tiquiro tiquinare.

²⁰ Tiquiro sa nigũ tũhoyeta tiquina wẽñecjũre cũ cã, tiquiro mehna wahahye.

²¹ Sa ye Jesu tiquina mehna yũhdu cã, Santiagore tiquiro bahuro Ñu gũhure boca sahye tja. Tiquina Zebedeo pohne ijiri. Tiquina yaria yucsapu tiquina pacuro mehna tiquina wẽñecjũre quehnoñe niahye. Tiquina pũarore tiquiro pijioahye. ²² Tiquiro sa pijiogũ tũhoye, tiquina pehe duita tiquina pacurore, yucsa gũhure cũ, Jesu mehna wahahye.

*Peyequina masare buheahye Jesu
(Lc 6.17-19)*

²³ Sa ye ijipihtiropu Galilea yehpare Jesu buhe tinidi. Judio masa mari buheye wũhusepu quehnoañe buheyere, Æhmuse cãno tiquiro pũhtoro ijiye tiyere buheri. Tiquinare buhe, dohatiyequinare quehnoa wahagũ yero, ijipihtiye dohatiyere yũhduori tiquiro. ²⁴ Tiquiro sa yegũ tũhoye Siria yehpa cjẽna ijipihtiropu ti yehpapu ijieyequina tiquirore masi ducari. Sa masiñe, sijoro saha ijiye dohatiye cũoyequinare, wafiare cũoyequinare, ñama yariaye cũoyequinare, tini masieñequina gũhure ne sari. Sa yero ijipihtiyequina tiquinare yũhdugũ yeri Jesu. ²⁵ Tiquiro sa yegũ ihñañe, Galilea yehpa cjẽna, Decapoli cjẽna, Jerusalẽ cjẽna, Judea yehpa cjẽna, Jordã ape sie pahrẽ cjẽna peyequina masa tiquiro mehna wahari.

5

*Cũnpu mũja, topu buheahye Jesu
masare
(Lc 6.20-23)*

¹ Sa ye masa peyequina tiquiro cahapu tiquina esagũ ihñano Jesu

сунару мујаа wahahye. Муја са, топү дужаһые. Топү дужигү тигуиро буһеуекина тигуиро чаһарү есаһые. ² Тигуина есагү иһһано оһо саһа ни буһе дүсаһые.

³ —Тигуина һаһене бујуа witiyequina Cohäcjüre cahmeñequina bucueyequina ijire. Өһмүсе сјүно тигуиро паһторо ијиропүре wahaeta тигуина. Өһмүсе сјө тигуина ye ijire.

⁴ 'Utiyequina гүһү bucueyequina ijire. Tiquinare bucuegү yerota mari Pacү.

⁵ 'Apequinare yүhdүdүca dueyequina "Thyo ijina iјаја үсә", ni tүhotuyequina bucueyequina ijire. Cohäcjү "Ohoutja", tiquinare тигуиро nidi yehpare сәоета тигуина.

⁶ 'Cohäcjү dutiro saһа ye duayequina, quehnoañene ye duayequina bucueyequina ijire. Cohäcjү тигуиро yedohogү тигуина quehnoañene yeducueta.

⁷ 'Apequinare paja ihñañequina bucueyequina ijire. Tiquina sa paja ihñagү Cohäcjү тигуина гүһүре paja ihñanota.

⁸ 'Tiquina һаһене cosenohriquina bucueyequina ijire. Cohäcjüre ihñaeta тигуина.

⁹ 'Apequinare cahmequedagү yeyequina bucueyequina ijire. Tiquinare "Yүһү pohna ijire", ninota Cohäcjү.

¹⁰ 'Cohäcjү dutiyere тигуина yeri buhiri apequina һаһано yere Cohäcjү тигуиро dutiriquire. Tiquina sa һаһано yegү bucueyequina ijire тигуина pehe. Өһмүсе сјүно тигуиро паһторо ијиропү тигуиро yere сәоета тигуина.

¹¹ 'Yeere мүса yeri buhiri apequina мүсаре тигуина tuhtiepegүта bucuenta ijire мүса. Мүсаре тигуина һаһано yepegүта bucuenta ijire мүса. Yeequina мүса ijiri buhiri мүсаре ијипиһтиye һаһне тигуина қити dojomehnepegүта тигуина ni mehoepegүта bucuenta ijire мүса. ¹² Cohäcjү yere yahu мүһтариquire мүса pano ијиригуинаре тигуинаре һаһано ye мүһтаһые. Tiquinare yeriro saһата

мүса гүһүре apequina sa yegү bucueya. Quehnoano jeripohna tiya. Sa yero үһмүсепү мүса есагү pajiro quehnoano yerota мүсаре Cohäcjү, ni yahuahye Jesu.

Moa yero saһа, buhrioro yero saһа ijire Jesu yequina

(Mr 9.50; Lc 14.34-35)

¹³ Sa ye Jesu buhe nemoahye:

—Moa mehna wahiquiro dihire ti һаһано wahaeragү yero saһата мүса pehe yeequina pehe ијипиһтиyequina apequinare һаһене тигуина ye dueragү yere. Sa ијиеperota moa pehe ti һаһне wahagү pari turi quehnoañe ye masiedare. Ti moa ne quehnoaedare. Ti sa wahagү ti moare cohäno cahmene. Ti moare cohäri bato ti bui masa сүһта сүре. Ne дүһсеати ијераре ti moa тигуиро cohäñe. (Ti дүһсеати ијераро saһа ијерасәһһа мүса. Cohäcjү ye pehere cohäedacәһһа,) ni yahuahye Jesu.

¹⁴ Sa ye тигуиро buhe nemoahye:

—Buhrioro marine ihñagү yero saһата мүса pehe yeequina pehe ahri yehpa сјенаре Cohäcjüre masigү yere. Сүһү bui ijiri macare нәоно basioerare. ¹⁵ Sa ye sihäriare masa sihäñe, sutu docapү moha dapo masiedare. Tiare sihäriare үһмүанопү duhu peore ti wүһү сјөна ијипиһтиyequina тигуина ihñatiare. ¹⁶ Ohö saһата мүса гүһү buhrioro yero saһа ijina, quehnoañene yeya. Мүса sa yegү ihñañe masa mari Pacү үһмүсе сјеноре һо peo, "Tutuagү, quehnoagү ijire", nieta, ni yahuahye Jesu.

Cohäcjү тигуиро dutiyere тигуиро ojoari гүһүре yahuahye Jesu

¹⁷ Sa ni tuһasa, tiquinare yahu nemoahye:

—Ahrire мүса masigү cahmeaja yүһү. Cohäcjү dutiyere Moisere тигуиро сүрире, тигуиро yere yahu мүһтаһнеquina тигуина ojoari гүһүре cohägү tagү niedү. Ti dutiyere мүсаре quehnoano yahu potou түһ nii. Ti dutiyere poto ијигү иһһоу аһтаү. Ti dutiye nidiro saһата ye soһтори тii түһ nii. ¹⁸ Ijirota мүсаре niја. Pihtiri

deco pano ijinigã Cohãcjũ dutiye Moiserere tiquiro cŭrire ne mehenogã cohãsi mari. Ahri yehpa, ʼhmuse gũhũ ti ijiro puno tiquiro dutiye gũhũ ijirota. ¹⁹ Sa yeye ti dutiyere ihquẽquina yũhdũcaye, apequinare sata ye dutiye, ʼhmuse cjãno tiquiro pũhtoro ijiropũ cahacjẽna yero saha ijjeta. Ihcã dutirogã ijiepegũta tiquina yũhdũcaye, cahacjẽna yero saha ijjeta tiquina. Apequina ti dutiyere quehnoano yeye, apequinare tiquina yero saha ye dutiye, ʼhmuse cjãno tiquiro pũhtoro ijiropũ pũhtoa yero saha ijjeta tiquina pehe. ²⁰ Mũsare niita niaja yũhũ. Judio masare buheyequina, fariseo masa gũhũ Cohãcjũ cahmeñene queoro yerare. Tiquina yũhdũoro Cohãcjũ cahmeñene yeya mũsa. Mũsa sa yerana, tiquiro pũhtoro ijiropũre ne esasi mũsa, ni yahuahye Jesu.

*Usuayere yahuahye Jesu
(Lc 12.57-59)*

²¹ Sa ni tuhasa, tiquinare yahu nemoahye:

—Panopũ cjẽna ohõ saha ni tiquina yahurire tũhori jimedi mũsa: “Masare wejẽdacãhña. Masare wejẽdiquirore tiquina buhiri dahreatiquiro ijire”, tiquina nidire tũhori jimedi mũsa. ²² Ahri tiquina yahuri yũhdũo cjũno mũsare ahri pehere yahu nemoutja. Tiquiro acayũro mehna usuariquiro pehe tiquina buhiri dahreatiquiro ijire masũnore wejẽdiquiro yero saha. Tiquiro acayũrore tuhtiriquiro “Ne tũho masiñe mariegũ ijire mũhũ”, nidiquiro buhiri dahre dutiyequina cahapũ tiquina neatiquiro ijire. “Tũho masiegũ ijire mũhũ”, tiquiro acayũrore sa nidiquirore pecapũ wahaboaga tiquiro.

²³ Mũsa acayũro mũsare tiquiro ihña tuhtigũ ohõ saha yeya. Cohãcjũ wũhũpũ Cohãcjũre mũsa ño peoato pano, tiquirore wahiquirore mũsa ohoato pano ohõ saha yeya. ²⁴ Cohãcjũre mũsa ohoatire duhu cũ, mũsa acayũro cahapũ waha, “Pari

turi cahmequedacũhna. To punota duhuuhna tire”, niña tiquirore. Mũsa sa nidi bato Cohãcjũre oho, ño peona wahaya tiquiro ya wũhũpũ.

²⁵ Apequiro mũhũre yahusã duaro, pũhtoro masare beseriquiro cahapũ mũhũre tiquiro nea duagũ, tiquiro mehna usuaro marieno ijija. Beseriquiro cahapũ tiquiro neatopano tiquiro mehna quehnoano ijija. Mũhũ sa yegũ ihñano tiquiro mũhũre yahusãedaboaga. Mũhũ sa quehnoano ijieragũ ihñano topũre mũsa esagũ tiquiro pehe mũhũre masare beseriquirore yahusãnota. Tiquiro sa yahusãgũ, beseriquiro pehe peresu yeyequinapũre mũhũre ohorota. Sa yeye tiquina mũhũre peresu yeeta. ²⁶ Ijirota niaja mũhũre. Topũ ijiniita mũhũ. Tee tiquina wapa ye dutirire mũhũ wapa ye pehogũpũ wijiagũta mũhũ, ni yahuahye Jesu.

Apequiro namono mehna ñano yeyere yahuahye Jesu

²⁷ Ohõ saha ni yahu nemoahye Jesu:

—Panopũ cjẽnare ohõ saha tiquina ni yahurire tũhori jimedi mũsa: “Apequiro namono mehna ñano yeracãhña”, tiquina nidire tũhori jimedi mũsa. ²⁸ Ahri tiquina yahuri yũhdũo cjũno mũsare ahri pehere yahu nemoutja. Numinore ñehedaperota, ihcãquiro ticorore ñano tutuaro cahmeno, ñano wacũ tũhoturo, ñano ye tuhasari ticoro mehna.

²⁹ Sa yegũ mũhũ capea poto pehepũ ijiria mehna ñano yegũ, tiare ore we ne mũhũ cohãboriro sahata ti ñañene duhuya. Tire duhueragũ pecapũ wahagũta. Mũhũ capeare mũhũ cohãgũ tia capea dihita butire. Mũhũ pehere pecapũ mũhũ wahagũ ña yũhdũare. Sa yegũ ti ñañene duhuya. ³⁰ Sa yegũ mũhũ omoca poto pehe ijiri omoca mehna ñano yegũ, ti omocare mũhũ dũte cohãboriro sahata ti ñañene duhuya. Tire duhueragũ pecapũ wahagũta. Mũhũ omocare mũhũ cohãgũ ti omoca dihita butire. Mũhũ pehe pecapũ mũhũ wahagũ ña

yahduare. Sa yegũ ti ñañene duhuya, ni yahuahye Jesu.

Tiquiro namonore cohãñene, wame peoye gãhũre yahuahye Jesu

(Mt 19.9; Mr 10.11-12; Lc 16.18)

³¹ Ohõ saha ni yahu nemoahye Jesu:

—Panopũ ahri gãhũre niahye: “Tiquiro namonore cohã duariquiro tiquiro cohãtire yahuri pũ mehna ticorore cohã masine”, nimahye panopũ. ³² Ahri tiquina yahuri yahduo cjũno musare ahri pehere yahu nemoutja. Tiquiro namono apequiro mehna ñano yericoro ticoro ijierapegũta ticoro manũno ticorore cohãboaga. Ticoro sa cohãnohricoro apequiro mehna omoca duhtero, ñano yero niaga ticoro apequiro mehna ijiro. Ticoro manũno ticorore tiquiro cohãri bato ticorore apequiro mehna ñano yegũ yere. Sa yero tiquiro bato namo tiriquireo gãhũ ticoro mehna ñano yero nine, ni yahuahye Jesu.

³³ Ohõ saha ni yahu nemoahye Jesu:

—Panopũ cjẽna ohõ saha tiquina ni yahurire tũhori jimedi musa: “Musa nidiro sahata yeya. ‘Cohãcjũ mehna poto sa yeitja’ musa nidiro sahata yeya”, tiquina ni yahurire tũhori jimedi musa. ³⁴ Ahri tiquina yahuri yahduo cjũno musare ahri pehere yahu nemoutja. “Uhmũse mehna poto nii niaja”, ni uhmũse mehna wame peoeracãhña. Uhmũse pehe Cohãcjũ mari pũhtoro tiquiro ijiro ijire. Ihyo ijiro ijierare. Sa ijigũ ihñana sa niedacãhña. ³⁵ Ahri yehpa mehna ne wame peoeracãhña. Ahri yehpa Cohãcjũ ya yehpa ijire. Sa ijigũ ihñana sa niedacãhña. Jerusalẽ mehna ne wame peoeracãhña. Tutu-ariquireo mari pũhtoro ya maca ijire Jerusalẽ. Ihyo ijiri maca ijierare. Sa ijigũ ihñana sa niedacãhña ti wamene. ³⁶ “Yũhũ dapu mehna poto nii niaja”, ni wame peoeracãhña. Musa poari yehseye poari wahagũ ye masiedare musa. Ti poarire ñiñe wahagũ gãhũre

ye masiedare musa. Sa ye masiena “Yũhũ dapu mehna poto nii niaja”, ni wame peoeracãhña. ³⁷ “Yenatja”, nina wame peoro marieno ohõ saha dihita tire niducuya. “Yesi”, nina gãhũ wame peoro marieno niducuya. Musa wame peo nina, watĩno ñariquireo dutiro saha yena niaga, ni yahuahye Jesu.

Tiquina cahme ihña tuhtiyere yahuahye Jesu

(Lc 6.29-30)

³⁸ Ohõ saha ni yahu nemoahye Jesu:

—Panopũ ohõ saha tiquina ni yahurire tũhori jimedi musa. “Mũhũre apequiro mũhũ capeare tiquiro quẽ tihãriro sahata mũhũ gãhũ tiquirore quẽ tihã cahmeña. Mũhũ upiriare tiquiro quẽ nuhariro saha mũhũ gãhũ quẽ nuha cahmeña”, tiquina nidire tũhori jimedi musa. ³⁹ Tiquina yahuri yahduo cjũno ahri pehere yahu nemoutja musare. Mũhũre ñano yeriquirore sa ihña cãhña. Ihcã pehe mũhũ wahsupure tiquiro quẽgũ, ape sie gãhũre quẽ dutiya tiquirore. ⁴⁰ Apequiro buhiri dahre dutiriquirore mũhũre tiquiro yahusãgũ, dutiriquiro pehe mũhũ camisare mũhũre yahusãriquireo oho dutiboaga. Tiquiro oho dutigũ, tiquirore ohoya. Mũhũ bui cjã suhtiro gãhũre oho nemoña tiquirore. ⁴¹ Apequiro surara apee borore ihcã kilómetro mũhũre tiquiro nea basa dutigũ, ape kilómetrore waha nemoña tja. ⁴² Mũhũre sinidiquirore ohoya. Sa yegũ apequiro mũhũre waso dutigũ wasoya tiquirore, ni yahuahye Jesu.

Mũsare ihña tuhtiyequinare cahña
(Lc 6.27-28, 32-36)

⁴³ Ohõ saha ni yahu nemoahye Jesu:

—Masa ohõ saha nine: “Musa mehna cjẽnare cahña. Sa yena musare ihña tuhtiyequinare ihña tuhti cahmeña tja”, tiquina nidire tũhori jimedi musa. ⁴⁴ Tiquina yahuri yahduo cjũno ahri pehere

yahu nemoutja musare: Musare ihña tuhtiequinare cahña. Musare ñano yeyequinare tiquina ye ijiatire Cohãcjũre sini basaya. ⁴⁵ Musa sa yena mari Pacu umuse cjũno pohna ijire musa. Cohãcjũ pehe ihcãno saha yere masare. Ñañequina gãhure quehnoañequina gãhure asũ asigũ yere tiquiro. Sa yero Cohãcjũ dutiyere yeyequinina gãhure, yeyequinina gãhure acoro ahtagũ yere tiquiro. Masare ihcãno saha tiquiro yeriro sahata musa gãhu yeya. ⁴⁶ Musare cahñequina dihitare musa cahĩgũ ti ne dahseati ijierare. Wapa ne cohteyequina gãhu sata yere. Sa yena ijipihtiequinare cahña. ⁴⁷ Musa acaye dihitare musa quehnoano piti cagũ ti ne dahseati ijierare. Cohãcjũre masieñequina gãhu sata yere. Sa yena ijipihtiequinare quehnoano piti caya. ⁴⁸ Ñañe mariena ijiya musa. Mari Pacu umuse cjũno tiquiro ñañe marieniquiro tiquiro ijiro sahata musa gãhu ñañe mariena ijiya, ni yahuahye Jesu.

6

Quehnoañe yeyere yahuahye Jesu

¹ Pari turi tiquiro yahu nemoahye:

—Cohãcjũ ye ijiatire quehnoañene yena, tire masare “Ohõ saha ijigũ ijiaja yuhũ”, ni ye ihñoedacãhña apequinare. Musa sa ni ye ihñori buhiri quehnoañene musa yeri dahseati ijierare. Sa yero Cohãcjũ umuse cjũno quehnoañene musa yeri wapa musare ohosi. ² Sa yena pejecuoyequinare yedohona, tire masare ye ihñoedacãhña. Masa tiquina ihñenopũ yedohoya tiquinare. Sata ihquẽquina ye ihñore mahapũ ijiyequinare, judio masa mari buheye wuhusepũ ijiyequinina gãhure. Tiquina mari ihñono dihita quehnoano iji mehoñequina ijire. Sa ye ihñore tiquina, “Quehnoañequina ijire ahriquina”, masare ni ihña dutiye. Tiquina sa ni ihñagũ sa ye ihñoñequina pehe bucue tuhasari. “Quehnoañequina ijire”, ni masa

tiquina ño peogũ bucue tuhasari tiquina. Sa yero Cohãcjũ pehe ne bucue nemogũ yesi tiquinare. ³ Sa yena pejecuoyequinare yedohona, masa tiquina ihñenopũ yedohoya tiquinare. Musa mehna cjẽna mehna ijina tiquina ihñeno pejecuoyequinare yedohoya. ⁴ Masa tiquina ihñenopũ musa yedohoepegũta Cohãcjũ pehe ihñare. Sa ihñano musa sa yeri wapa ohorota musare, ni yahuahye Jesu.

Cohãcjũre siniñene yahuahye Jesu (Lc 11.2-4)

⁵ Pari turi tiquiro yahu nemoahye:

—Cohãcjũre sinina, masa ihñono dihita quehnoano iji mehoñequina yero saha yeracãhña musa. Judio masa mari buheye wuhusepũ ducu, mahapũ gãhure ducu, Cohãcjũre sini ihñore tiquina masare. Sa sini ihñoñe poto masa tiquina ño peoye mehna tiquina bucue tuhasari. ⁶ Cohãcjũre sinigũ tagũ, mũhu ya tucũpũ biha sajàña. Biha sajà, mari Pacu ihñamehneniquirore siniña. Musa sa yegũ masa marienopũ musa siniepegũta mari Pacu musare tuhoro. Sa tuhoro musare quehnoano yerota tiquiro.

⁷ Sa yena Cohãcjũre sinina, tuhuro marieno musa sinidireta pari turi sini majare tojoeracãhña. Ohõ sahata yere Cohãcjũre masieñequina. “Peye tahari ihcãno saha usã sinigũ Cohãcjũ usãre tuhoro”, ni tuhutumene tiquina.

⁸ Tiquina yero saha yeracãhña musa. Musa siniato pano mari Pacu musa cahmeñene masi tuhasare. ⁹ Sa yena ohõ saha ni siniña musa Cohãcjũre:

Usã Pacu, umuse cjũ mũhu quehnoagũ sa ijiducure.

¹⁰ Yojopũre ijipihtiequinina puhto ijiya. Uhmusepũ mũhu dutiro sahata tiquina yeriro sahata ahri yehpa cjẽna gãhu yeahro.

¹¹ Sa yegũ decoripe usã ihyatire ohoducuya usãre.

¹² Apequina usãre tiquina ñano yerire usã boaja. Sa yegu mahu gũhu usã ñano yerire boya.

¹³ Sa yegu usã ñañene ye duagũ usã tutuaro cahmegũ ihñagũ tire usãre ye dutieguta. Sa yegu usãre usã ñañene yeragũ yeya.

Muhu usã pũhto tutuagu sa ijiducuguta. Ijipihtiyequina mũhure sa ño peoducuahro, ni siniña Cohãcjũre.

¹⁴ 'Apequina musare tiquina ñano yerire masa bogũ ihñano, mari Pacu umuse cjãno gũhu masa ñano yerire borota. ¹⁵ Sa boeperota apequina musare tiquina ñano yerire masa boeragũ mari Pacu gũhu masa ñano yerire bosì, ni yahuahye Jesu.

Sijiyere bueahye Jesu

¹⁶ Sa yero tiquiro tiquinare yahu nemoahye:

—Cohãcjũre ño peona tana sijina bujua witiyequina yero saha ye ihñoedacãhña. Sata yere masa ihñoone dihita quehnoano iji mehoñequina. Tiquina wũhdoa paca bujua witiyequina yero saha ijire. Tiquina sa ijiyequina ijigũ tiquina sijigũ ihña masine masa. Ijirota musare nii niaja. Masa tiquinare ño peogũ cahmene tiquina. Sa yeye tiquinare tiquina ño peogũ ihñañe bucue tuhasari. Cohãcjũ pehe tiquirore tiquina ño peori wapa tiquinare bucuegũ yesì. Sa yena tiquina yero saha ye ihñoedacãhña masa. ¹⁷ Musa sijina, masa poarire aco mehna wa peo wũhapo peoya. Sa yena masa wũhdoa pacare coseya. ¹⁸ Musa sa yegũ masa sijigũ ihña masisi masa. Cohãcjũ dihita masa sijiyere ihña masinota. Masa sehsaro masa ijigũ tiquiro masa mehna sa ijiducure. Sa ihñano tiquiro musare quehnoano yerota tiquirore masa ño peori wapa, ni yahuahye Jesu.

Umuse cjẽne cuo dutiahye Jesu
(Lc 12.33-34)

¹⁹ Sa yero tiquiro yahu nemoahye:

—Ahri yehpa cjẽne ne cahme-coedacãhña. Ohõ cjẽ ahbaa waha boaga. Ti ahbaeragũ yaqueriquiro neboaga tire. Tiquiro yaqueragũ mecasia tũaboaga. Sa yero ahri yehpa cjẽ butiaro cuarĩne. Sa yena ahri yehpa cjẽne tutuaro cahmedacãhña. ²⁰ Umuse cjẽ pehere cahmeña masa. Umuse cjẽne mecasia tũa masiedare. Topu masa cuoye ne ahbaerare. Topure yaqueriquiro ne masiedare. Sa yena umuse cjẽne cahmeña masa. ²¹ Topu masa cuoye ijigũ, umuse cjẽne Cohãcjũ yere tutuaro wacũre masa, ni yahuahye Jesu.

Masa tiquina tũhoturo sahata yere (Lc 11.34-36)

²² Sa yero ohõ saha ni yahu nemoahye tiquinare:

—Sihãria quehnoano buhriogũ mari quehnoano ihña masino sahata quehnoañene tũhotuye mehna quehnoano ye masinata masa. Masa tũhoturo sahata yere masa. Quehnoañene tũhotuna quehnoano yere masa. ²³ Quehnoañene tũhotuerana ñañene yere masa. Masa ñañe dihitaro masa tũhotuducugũ ti ñañe pehe ña yũhdũye ijire, ni yahuahye Jesu.

Niñerure cahñequina, Cohãcjũ pehere cahẽdare (Lc 16.13)

²⁴ Sa yero tiquiro yahu nemoahye tiquinare:

—Ihcãquiro Cohãcjũ pehere wacũno, tutua yũhdũaro niñeru pehere wacũedare. Niñeru pehere tutua yũhdũaro wacũno Cohãcjũ pehere wacũedare. Niñeru dihitaro cahmediquiro ijiro Cohãcjũre bucuegũ yerare. Cohãcjũ gũhure, niñeru gũhure pũarore cahme yũhdũcaro basioerare musare.

Cohãcjũ tiquiro pohne ihña ihbore (Lc 12.22-31)

²⁵ 'Sa yegu ahrire musare nii niaja: Masa ihyayere, sihniñene, suhti gũhure pajiro bujua witi

tuhotueracãhña. Músare bajumehnenno ihyayere ihyatina dihitare suhti sañatina dihitare Cohãcjũ yerari músare. ²⁶ Minicjua parire Cohãcjũ tiquiro ihña ihboyere masiña musa. Tiquina weseri marieñequina ijire. Sa yeye ihyayere tiquina ihboye wuhuse tiquinare mariedare. Mari Pacu pehe tiquinare tiquina ihyatire ohore. Minicjua yuhduoro musa pehere cahñe Cohãcjũ. Sa yero musa gãhure ihña ihborota tiquiro. ²⁷ Pajiro musa tuhotuye mehna ti músare ihcã hora cati nemogũ yerare. Sa yero musa pajiro tuhotuye duhseati ijierare.

²⁸ Sa yena musa suhti sañatire pajiro bujua witi tuhotueracãhña. Nacu cjẽ cohoru ti cohoyere tuhotuya. Ti cohoru ti basi suhtire yerare. Sa yerapeta ti cohoru quehnoañe suhti yero saha quehnoañe cohoru bature. ²⁹ Salomo manano quehnoañe suhtire sañariquiro tiquiro ijiepegũta ti cohoru pehe tiquiro yuhduoro quehnoa yuhduaye cohoru waro ijire. ³⁰ Cohorire quehnoañe cohoru yere Cohãcjũ pehe. Ti cohoru pehe meheñe decorigã ijiducu ñai bora dijiaa wahare. Mehenogã iji, ape decopu pecapu ujã wahare. Sa ijiepegũta cohorire quehnoañe cohoru ijigũ yere Cohãcjũ. Sa yero Cohãcjũ cohorire tiquiro quehnoañe cohoru tiquiro yeriro yuhduoro musa gãhure quehnoano yerota. Suhtire ohorota. Cohãcjũre mehenogã wacũ tutuare musa. ³¹ Sa yena musa ihyatire, musa sihniatire, musa suhti sañatire pajiro bujua witi tuhotueracãhña. ³² Cohãcjũre cahmeeñequina pehe tire sa macaducuye nine. Mari Pacu uhmuse cjũno ijipihtiye musa cahmeñene masine. Tiquiro sa masigũ pajiro bujua witi tuhotueracãhña. ³³ Cohãcjũ musa puhtoro tiquiro ijiatore cahme mahtaña musa. Ijipihtiye apee boro yuhduoro tiquirore cahmeña musa. Quehnoañene tiquiro ye dutiye gãhure cahmeña. Musa sa yeri bato Cohãcjũ pehe musa cahmeñe duhsagũ ohorota. ³⁴ Sa yena

ñamiapure musa duhse wahatore pajiro bujua witi tuhotueracãhña. Ñamiare musa ñano yuhdugũ Cohãcjũ yedohorota músare. Miare musa ñano yuhduato iji tuhasare. Sa yena mia cjẽ dihitare tuhotuya. Ape deco cjẽne pajiro bujua witi tuhotu nemoedacãhña. Cohãcjũ pehe músare yedohorota, ni yahuahye Jesu.

7

*Apequinare “Ñañequina ijire”,
niedacãhña
(Lc 6.37-38, 41-42)*

¹ Sa yero tiquiro tiquinare yahu nemoahye:

—Apequinare “Ñañequina ijire”, niedacãhña musa. Musa sa niedagũ Cohãcjũ músare “Ñana ijire”, nisi. ² Apequinare “Quehnoano yerare”, musa ni ihñano sahata Cohãcjũ pehe musa gãhure sata ni ihñanota. ³ Mari queoye mehna mari buhegũ ohõ saha yena ijire musa. Musa acayuro tiquiro capeapu meheni pohcarogã sajãgũ ti pohcarogãre quehnoano ihñare musa. Musa ya capea pehere pajiri pjĩ ijiepegũta ti pjĩne ne ihñedare musa. Meheni pohcarogãre musa ihñano saha musa acayuro tiquiro ñano yeye pehere quehnoano ihñare musa. Musa basi musa ñañene tutuaro yepenata tire masiedare musa, pajiri pjĩne musa ihñeno saha. ¿Duhse ijiro boro sa ijiajari musa? ⁴ Ohõ saha nibona ijire musa: “Yuhũ acayũ, ñañene yei nine mahũ. Sa yegũ tire duhuya”, nibona ijire musa. Sa nibona ijiepenata pajiro ñañene yere musa. ¿Duhse musa ñañene yepenata tire masiedajari musa? ⁵ Masa tiquina ihñono dihita quehnoano iji mehona ijire musa sa yena. Pajiri pjĩne musa capeapu ijiri pjĩne musa ne mahtaboriro sahata musa ñano yeye pehere duhu mahtaña. Musa sa yeri bato musa acayuro tiquiro ñano yeyere duhugũ ye masiboaga, meheni pohcarogãre musa neboriro sahata.

⁶ 'Diayea yero saha ijiyequina, yesea yero saha ijiyequina gāhū ñañequina Cohācjū yere quehnoa yūhdūyere tiquina ño peoerare. Tiquina pehere yahueracāhña. "Tiquina bājape, ñano niari", nina, yahueracāhña tiquinare, ni yahuahye Jesu.

Cohācjūre mari siniñene yahuahye Jesu

(Lc 11.9-13; 6.31)

⁷ Sa yero tiquiro tiquinare yahu nemoahye:

—Cohācjūre siniña mūsa. Sinina mūsa nenata. Mūsa sinidire bocanata. Tiquirore sa siniducuya mūsa. Mūsa sa yegū tiquiro mūsare ohorota. ⁸ Ijipihtiyequina Cohācjūre siniñequina neeta. Sa yeye tiquina sinidire bocaeta. Sa yero ijipihtiyequina Cohācjūre sa siniducuyequinare tiquiro tiquinare ohorota.

⁹ ¿Mūsa pohna pāgāre mūsare tiquina sinigū utā pehere ohoboagari mūsa tiquinare? Ne ohosi.

¹⁰ ¿Mūsa pohna wahire mūsare tiquina sinigū añā pehere ohoboagari mūsa tiquinare? Ne ohosi. ¹¹ Mūsa ñana ijiepenata mūsa pohnare quehnoañene ohoe tiri mūsa. Sa yero Cohācjū pehe mūsa yūhdūoro quehnoañene ohore mūsare tiquiro pohnare tiquirore sininare. Mūsa pohnare mūsa ohoriro yūhdūoro Cohācjū pehe tiquiro pohnene ohore.

¹² 'Apequina mūsare tiquina quehnoano yegū cahmene mūsa. Tiquinare mūsa quehnoano yegū cahmeno sahata quehnoano yeya tiquina gūhure. Tiquina quehnoano yerapegūta mūsa pehe tiquinare quehnoano yeya. Sata ye dutire Cohācjū dutiye Moiserere tiquiro cūripū, Cohācjū yere yahu mūhtariquina tiquina ojoari gāhū, ni yahuahye Jesu.

Meheni sopecahagā quitire yahuahye Jesu
(Lc 13.24)

¹³ Sa yero tiquiro yahu nemoahye tiquinare.

—Ūhmūsepū Cohācjū cahapū waha duana tiquiro yere yero cahmene mūsare. Sa yena tiquiro yere sa ye macaedacāno cahmene. Meheni sopecahagāpū mūsa sajā duagū mijorīne. Sata mijorīne Cohācjū cahapū mūsa waha duagū. Pecapū masa tiquina wahagū mijoedare. Pajiri sopecahapū mari sajāgū mijoedare. Ti sopecahapū masa tiquina sajāboro saha pecapū masa tiquina wahagū mijoedare. Sa yeye peyequina masa topū wahaye nine. ¹⁴ Cohācjū cahapū mūsa waha duagū mijorīne. Meheñequinagā masa topū wa-haeta. Topū wahayequina ijipihtiye decori Cohācjū mehna ijiducuenta, ni yahuahye Jesu.

Yucūgū dūcare masina, tū padū gūhure masine mūsa

(Lc 6.43-44)

¹⁵ Sa yero tiquiro yahu nemoahye tiquinare:

—Quehnoano yeya. "Cohācjū yere yahu mūhtana ijiaja", ni mehoñequinare tūhoeracāhña mūsa. Tiquina oveja yero saha usueyequina saha bajumene. Tiquina tūhotuyepū ñañequina ijire tiquina.

¹⁶ Tiquina ñano yegū ihñana, ñañequina tiquina ijigū masinata mūsa. Tiquina quehnoano yegū ihñana quehnoañequina tiquina ijigū masinata mūsa. Pota būcūgū ūhse tōhorine dūca tierare. Potagū higuera pacare dūca tierare. ¹⁷ Quehnoadū yucūgū quehnoañene dūca tire. Ñadū pehe ñañene dūca tire. ¹⁸ Quehnoadū yucūgū ñañene ne dūca tierare. Sa yero ñadū quehnoañene dūca tierare. ¹⁹ Quehnoañene dūca tieye cjure dute cohā cā, pecapū ūjūanota.

Sata yerota Cohācjū tiquiro cahmene yerariquinare. ²⁰ Sa yena "Cohācjū yere yahu mūhtana ijiaja", ni mehoñequinare ohō saha masinata. Tiquina yerire ihñana, tiquina ni mehoñequina ijigū masinata, ni yahuahye Jesu.

*“M̄sare ne masiedaja”, ninota
Cohãcjũ peyequina masare
(Lc 13.25-27)*

²¹ Sa yero tiquiro yahu nemoahye tiquinare:

—Peyequina yuhure “Puhto” niñequina ijiepetata umuse cjãno Cohãcjũ tiquiro puhtoro ijiropure wahasi tiquina. Yuhũ Pacũ umuse cjãno tiquiro cahmeñene yeyequina dihita tiquiro puhtoro ijiropure wahaeta. ²² Decorĩ pihtigũpore peyequina masa ohõ saha nieta yuhure: “Puhto, mũhũ yere usã buhei. Mũhũ wame mehna watĩare cohãũ. Sa yena mũhũ tutuaye mehna peye bajumehneñene yei usã”, yuhure niñequina ijietata. ²³ Ohõ saha yuhtitja tiquinare: “M̄sare ne masiedaja. Ñañene yena ijire m̄sa. Yuhũ cahapũ ahtaeracãhña”, niitja yuhũ tiquinare, ni yahuahye Jesu.

*Pũa wuhũ yeyequina quitire
yahuahye Jesu
(Mr 1.22; Lc 6.47-49)*

²⁴ Sa yero tiquiro yahu nemoahye tiquinare:

—Sa ye ijipihtiyequina ahri yuhũ buherire tũhoriquina yuhũ dutiyere yeyequina, quehnoano tũho masiniquiro wuhũ dahreriquiro yero saha ijire tiquina. Tiquiro pehe uhcũãñe coperi sehe, wuhure doco dũcahye. ²⁵ Ti wuhure peho tuhasari bato acoro tutuaro ahta, dia mini yuhũ waha, tutuaro wihnono wẽahye. Sa ti tutuaro wẽpegũta ti wuhũ uhcũãno tiquiro docori wuhũ ijero ne waha sa queherahye. ²⁶ Sa yeye ijipihtiyequina yuhũ buherire tũhoepeta yuhũ dutiyere yerariquina, tũho masieniquiro wuhũ dahreriquiro yero saha ijire. Tiquiro pehe ti wuhure padũro buigã doco, quehnoano ye dũcaerahye. ²⁷ Ti wuhure peho tuhasari bato, acoro tutuaro ahta, dia mini yuhũ waha, wihnono tutuaro wẽahye. Sa tutuaro wẽno ti wuhũ pehere wẽdoque cũ cãhye. Sa yero ti wuhũ tutuaro bora

sa quehea wahahye, ni yahuahye Jesu.

²⁸ Tiquiro sa ni buhegũ tũhoye, tũho maria wahahye masa. ²⁹ “Tiquiro potota puhtoro ijire. Sa yero quehnoano masi pehoriquire ijero marine buhere tiquiro. Mari judio masare buheyequina yero saha buherare”, ni tũhotuahye tiquina.

8

*Jesu cami bũcũ mũna wihirore
yuhũ wuhũ wahagũ yehye
(Mr 1.40-45; Lc 5.12-16)*

¹ Jesu cunũpũ buhe dujiriquiro dijiã wahahye. Tiquiro dijiãgũ ihñãñe masa peyequina tiquiro bato wahahye. ² Tiquiro sa wahagũ ihcãquiro cami bũcũ mũna wihiro tiquirore piti ca, dũsepe curi mehna quehe sa, tiquirore siniahye.

—Puhto, mũhũ yuhure yuhũ duagũ yuhũoia, niahye.

³ Tiquiro sa nigũ tũhoro tiquiro omoca mehna Jesu tiquirore ña peoahye.

—Tire ye duaja. Mũhure yuhũgũ yeitja, niahye Jesu tiquirore.

Tiquiro sa nigũta cami bũcũ mũna yatia wahahye. ⁴ Sa ni tuhasa Jesu tiquirore niahye tja:

—Yuhũ mũhure ohõ saha yerire ne apequinare yaueracãhña. Mũhũ pagure quehnoari pagũ waharire pahire ihñogũ wahaya. Moiserẽ Cohãcjũ tiquiro cũriro sahata pahire minicjũare ohoya mũhũ yuhũrĩre masa ijipihtiyequina tiquina masino quehnoano, niahye Jesu.

*Surara puhtoro tiquiro cahacjũno
dohatigũ Jesu yuhũoiahye tiquirore
(Lc 7.1-10)*

⁵ Sa ye Jesu Capernau wame tiri macapũ tiquiro esagũ cien surara puhtoro tiquiro cahapũ esa, tiquirore tutuaro ohõ saha ni sinidi:

⁶ —Puhto, yuhũ cahacjũno ne pagũ tutueriquiro waha masiedaro tiquirore tutuaro purigũ ya wuhũpũ cuñari tiquiro, nidi tiquiro Jesure.

⁷ Tiquiro sa nigũ,

—Añ, tiquiro dohatiyere yuhduogu wahañtja, nidi Jesu.

Tiquiro sa nigũ ohõ saha nidi surara pãhtoro:

8-9 —Pãhto, quehnoanota. Wahæguta. Yuhũ yuhduoro quehnoa yuhduagu ijire mũhu. Ya wuhũpũ mũhũre sajã ta dutibogu ijieraja yuhũ. Mũhu masiñe mehna yuhduoya tiquirore. Mũhu sa yegũ yuhũ cahacjũno quehnoa waharota. Yuhũre yuhũ bui ijiyequina apequina pãhtoa dutire. Yuhũ gũhu surarare dutiaja. Ihcãquiore “Wahaya”, yuhũ nigũ tiquiro wahare. Apequiore “Ahtaya”, yuhũ nigũ tiquiro ahtare. Yuhũ cahacjũnore “Ahrire yeya”, yuhũ nigũ tire yere. Mũhu gũhu dutiguta ijire. Sa yero mũhu dutiro sahata tiquiro dohatiriquiro yuhduarota, nidi tiquiro.

10 Tiquiro sa nigũ tãho maria waharo, peyequina masa tiquiro mehna ijiyequinare ohõ saha nidi Jesu:

—Ijirota mũsare niita niaja. Ahriquiore surara pãhtoro Israe masũno ijieriquiro Cohãcjũre tutuaro wacũ tutuare. Tiquiro cahacjũnore yuhũ yuhdugũ yeatire masi tuhasare. Ne Israe masare ahriquiore yero saha ijiyequinare ihñedaga yuhũ.

11 Mũsare niita niaja. Peyequina ahriquiore yero saha Cohãcjũre wacũ tutuayequina ijipihitiro cjẽna gũhu ãhmũse cjãno pãhtoro tiquiro ijiropũ esa, topũ ijiyequina mehna ihyæta. Abrahã, Isaac, Jacob mehna ihyæta tiquina. 12 Masa apequina pehe Cohãcjũ tiquiro pãhtoro ijiropũ waha-boriquina tiquina ijipegũta ñanopũ nahitãnopũ cohã cãnota tiquinare. Topũ tiquiro cohãriquina tutuaro uti, bujã witiye mehna bahque dihoeta, ni yahuri Jesu.

13 Tire sa ni tuhasa, surara pãhtoro nidi.

—Tojoahya mũhu ya wuhũpũ. Mũhu cahacjũno yuhduarota. “Potota yuhduarota”, ni mũhu tãhoturiro sahata yuhduarota, nidi Jesu.

Sa nigũta tiquiro cahacjũno pehe quehnoa wahari.

Pedro mareonore dohatiricorore yuhduoahye Jesu

(Mr 1.29-31; Lc 4.38-39)

14 Sa ye Jesu Pedro ya wuhũpũ esa, Pedro mareono dohatigũ ihñahye tiquiro. Ujuaye tigũ cuñahye ticoro. 15 Ticoro sa ijigũ ihñano ticoro omocare ña peoahye. Tiquiro sa ña peogũta ujuaye surua wahahye. Surugũ tãhoturo ticoro pehe wahcãduca, tiquinare ihyayere peoahye.

Jesu peyequina dohatiyequinare yuhduoahye

(Mr 1.32-34; Lc 4.40-41)

16 Sa ye ñamicahapũ peyequina watĩare cõoyequinare masa ne wihahye Jesu cahapũ. Tiquina sa ne wihigũ ihñano ihcã tahata tiquiro waha dutigũ watĩa wahaa wahahye. Sa yero ijipihitiyequina dohatiyequina tiquina ne sariquinare yuhduo pehoahye Jesu. 17 Sata yeahye tiquiro panopũ cjũno Cohãcjũ yere yahu mãhtariquiro Isaia tiquiro nidiro sahata. Ohõ saha ni ojoahye: “Mari dohatiyere yuhduo cãnota tiquiro. Mari duti tiyere cohã cãnota”, ni ojoahye Isaia Jesure.

Ihquẽquina Jesu mehna waha duamahye

(Lc 9.57-62)

18 Ape taha Jesu peyequina masa tiquiro cahapũ tiquina ijigũ ihñano, ohõ saha nidi.

—Ape sie pahrẽpũ isa pehãhna, nidi.

19 Sa usã pehãto pano mari judio masare buheriquiro Jesu cahapũ esa, ohõ saha nidi:

—Buhegu, mũhu mehna waha duaja noho mũhu waharopũ, nidi.

20 Jesu ohõ saha ni yãhtiri:

—Ihquẽquina nũcũ cjẽna wahiquina tiquina coperi cõore. Minicjã gũhu tiquina suhti cõore. Yuhũ masũ Cohãcjũ ohorigũ pehe yuhũ carĩni wuhũ cõoeraja, ni yãhtiri Jesu.

21 Sa ye apequiore Jesu buheriquiro ohõ saha nidi:

—Pãhto, yuhũ pacũ tiquiro yariagũ yarĩgatja. Sa ya tuhasagu pũrita

muhu mehna wahagutja, nidi tiquiro Jesure.

²² Jesu yuhtiri:

—Yuhure cahmeeñequina yariariquina yero saha ijire. Tiquina pehe yariariquinare yaahro. Sa yegu muhu pehe yuhu mehna cju ijicju ahtaya, nidi tiquiro.

Jesu wihnonore yusu dutiahye
(Mr 4.35-41; Lc 8.22-25)

²³ Sa ni tuhasa yucusapu sajari. Sa yena usa tiquiro buhena guhu tiquiro mehna waha, sajahu. ²⁴ Ti ditarapu usa pehagu waro wihnono tutuaro wedi. Sa yero pahcõri yucusare que mio camedi. Sa wihnono wepeguta Jesu pehe carino nidi. ²⁵ Sa wahagu ihnana usa tiquirore wahcõu. Wahcõ ohõ saha nii:

—Puhõto, yuhduoya. Mari minina tana niaju, nii usa.

²⁶ Usa sa nigu Jesu yuhtiri:

—¿Duhse cue maca cari musa? Yuhure wacu tutuerare musa, nidi Jesu usare.

Sa ninota wahcaduca sa, wihnonore pahcõri guhure “Yusuahya”, nidi. Tiquiro sa nigu wihnono yuhduu wahari. Sa ye pahcõri guhu yusu dijiaa wahari. ²⁷ Tiquiro sa yegu ihna acana, ohõ saha nii usa:

—¿Yohou, duhse ijiriquiro boro masano ijajari ahriquiri? Ahri wihnono, pahcõri guhu tiquiro dutigu yuhducaerare tiquirore, nii usa.

Watia cuoyequinare watiare cohahye Jesu

(Mr 5.1-20; Lc 8.26-39)

²⁸ To bato peha sa, Gadara cjenã ya yehrapu esau. Topu usa esagu puaro umuã masa coperi cahapu ijiyequina Jesure piti cari. Tiquina watiare cuoyequina cuayequina ijiri. Sa yero topu masa tiquina wahamehnenõ ijiri. ²⁹ Tiquirore piti ca, sañuducuri:

—¿Muhu Cohacju macu duhse yegu ahtajari muhu usa cahapure? ¿Usare Cohacju tiquiro buhiri dahreati pje ijierapeguta usare buhiri dahrei ahtau niajari muhu? ni sañuducuri tiquina.

³⁰ Tiquina cahapu peyequina yesea maca ihyaye nidi. ³¹ Tiquinare ihnañe, watia ohõ saha nidi Jesure:

—Usare cohagu sisequina cahapu waha dutiya usare. Tiquina mehna iji dutiya usare, ni sinidi watia Jesure.

³² —Au, wahaya, nidi Jesu.

Tiquiro sa nigu watia puaro masa mehna ijiriquina waha, yesea cahapu esari. Tiquina mehna tiquina ijiguta yesea pari, pari cjuõpõ oma maa buha, ditarapu bora ñojoa, mini yaria pihtia wahari.

³³ Tiquina sa wahagu ihnañe yeseare ihna ihboyequina pehe cuea waha, oma maa caa wahari. Macapu esa, yesea tiquina minidire yahu site pehoahye. Watiare cuoriquinare Jesu watiare tiquinapure ijiriquinare cohã wiori guhure yahu pehoahye tiquina. ³⁴ Sa tiquina yahu siteri bato ti maca cjenã ijipihtiyequina Jesure ihnañe ahtari. Sa ye tiquirore ihnañe, tutuaro mehna waha dutiri tiquirore.

9

Tini masieniquirore yuhduoahye Jesu

(Mr 2.1-12; Lc 5.17-26)

¹ Sa ye Jesu yucusapu sajã, ditarapu peha, tiquiro masari macapu esahye.

² Topu apequina tini masieniquirore tiquiro cuñari cahsero mehna yo wua wihiahye Jesu cahapu. “Jesu ahriquiri dohatiyere yuhdugu yerota”, ni tuhutuahye tiquina. Tiquina sa ni tuhutugu masino dohatiriquirore ohõ saha niahye Jesu:

—Bucueya muhu. Muhu ñaño yeyere cohã tuhasau yuhu, niahye tiquiro.

³ Tiquiro sa nigu tuhoye ihquẽquina mari judio masare buheyequina ohõ saha ni tuhutumahye. “Ahriquiri ihyo ijiriquiro sa nino ‘Cohacju ijiaja’, nino nine. Sa nino Cohacjare ñano nino nine”, ni tuhutumahye tiquina.

⁴ Tiquina sa ni tuhutugu masino, ohõ saha niahye Jesu:

—¿Duhse sa ñano tuhutuajari musa? ⁵ “Muhu ñaño yeyere

cohã tuhasaja”, yuhũ nigũ “Ni mehogu ijire”, nine m̄sa quehnoano masiedapenata. “Wahcãdũca, wahaya”, yuhũ nigũ tiquiro tinigũ ihñana, yuhũ nidi potõ ijigũ duita m̄sa masinata. ⁶ Yuhũ masũ Cohãcjũ ohorigũ ahri yehpapũ masa tiquina ñañe yeyere cohã masiaja yuhũ. Masa tiquina ñañe yeyere cohãcjũre cũri Cohãcjũ yuhũre. Yuhũ sa cohãrire m̄sa masiato saha ohõ sahata ye ihñoutja m̄sa ihñatire, niahye Jesu.

Sa ni tuhasa tini masieniquirore ohõ saha niahye:

—Wahcãdũcaya. M̄hũ cuñari cahserore ne cãhña m̄hũ ya wuhũpũ, niahye tiquirore.

⁷ Tiquiro sa nigũ tũhoro tini masieniquiro wahcãdũca sa, tiquiro ya wuhũpũ tojoa wahahye. ⁸ Sa wahagũ ihñañe masa cueahye. Sa ye Jesure Cohãcjũ tiquiro tutuayere tiquiro ohogũ ihñañe masa Cohãcjũre ño peo, quehnoano yahuducuahye.

Jesu Mateore pijiahye

(Mr 2.13-17; Lc 5.27-32)

⁹ Tiquina sa yeri bato Jesu topũ ijiriquiro ahta, yuhũre Mateore boca sari. Pũhtoa ye ijiatire masare wapa ne cohtegũ ijimi. Sa yegũ ti pjere yuhũ dahrari tucũpũ dujii. Topũ yuhũ dujigũ ihñano ohõ saha nidi yuhũre:

—Yuhũ mehna cjũ ijiajũ ahtaya, nidi Jesu yuhũre.

Tiquiro sa nigũ tũhogũ wahcãdũca tiquiro mehna wahũ.

¹⁰ Came ya wuhũpũ Jesu gũhũ ihyaye ahtari. Peyequina wapa ne cohteyequina, “Ñano yeyequina”, tiquina niñequina gũhũ usã mehna ihyari. ¹¹ Tiquina mehna usã ihyagũ ihñañe, fariseo masa usãre Jesu buhenare ohõ saha nidi:

—¿Dũhse yero m̄sare buheriquiro wapa ne cohteyequina mehna, ñano yeyequina mehna ihyajari? nidi tiquina usãre tiquiro buhenare.

¹²⁻¹³ Tiquina sa nigũ tũhoro Jesu pehe queoye mehna buhero yũhtiri:

—Dohatiewequina duturure macaedare. Dohatiewequina dihita

duturure macare. Ñañequina dohatiewequina yero saha ijire. Sa yegu ñañequina dihitare tiquina ñañene yerire bũjũa witi duti, quehnoañe pehere comesagũ yei ahtaũ nii yuhũ. Tiquina basi “Quehnoana ijiaja usã”, ni tũhotuyequinare yedohogũ ahtaerũ. Cohãcjũ tiquiro nidire tiquina ojoarire masiña m̄sa. “Wahiquinare m̄sa wejẽ, mũã m̄soñe mehna yuhũre m̄sa ño peogũ cahmedaja. Apequinare m̄sa paja ihñagũ pehere cahmeaja”, ni ojoahye. Ahri tiquiro ojoari dũhse nidire masiña m̄sa. Tire quehnoano buhe nemona wahaya, nidi Jesu fariseo masare.

Sijiyere sinituahye Ñu buheyequina Jesure

(Mr 2.18-22; Lc 5.33-39)

¹⁴ Came Ñu wame yeriquiro buheyequina Jesu cahapũ esa, sinituri:

—Usã Ñu buhena pehe peye tahari Cohãcjũre ño peona tana, sijiaja. Fariseo masa gũhũ sata sijire. ¿Dũhse yeye m̄hũ buheyequina pehe sijierajari? nidi tiquina Jesure.

¹⁵ Jesu tiquiro tũhotuye mehna queoye mehna buhero taro tiquinare ohõ saha ni yũhtiri:

—Ohõ saha ijire ti: Omoca dũhteropũ tiquina pijioriquina omoca dũhteriquiro mehna ijiye, siji masiedare. Sata yuhũ buheyequina gũhũ yuhũ mehna ijiye, siji masiedare. Yuhũ omoca dũhteriquiro yero saha ijiaja. Omoca dũhteriquiro bose deco tiquiro yegũ tiquiro mehna cjẽna bũjũa witiye mehna ijierare. Sa yeye ihyeyequina ijierare. Yuhũ Pacũ Cohãcjũ yuhũre tiquiro nedi bato pũritare yuhũ buheyequina mehna ijisi yuhũ. Sa yeye ti pjepũta yuhũ buheyequina gũhũ sijieta, ni yũhtiri Jesu.

¹⁶ Panopũ cjẽ buheye wahma buheye mehna tiquina buhe more duagũ ihñano ohõ saha ni nemori Jesu tiquinare queoye mehna buhero.

—Ne wahma cahsero suhtiro cahsero mehna m̄nano suhtirore sere ohõno cahmedare. Sa yegũ

wahma cahsero mari coseri bato munano suhtirore weje cahmecoa, paji yuhduaro tuhngũ yere. (Ahri yero saha muna buheyere wahma buheye mehna piti dahre buheraro cahmene.)¹⁷ Sa yena ne uhse co bisiye core wahiquiro cahsero ajurore muna ajurore pose yeraro cahmene. Sa yegũ uhse co bisiye pahmuñerũ muna ajurore tahrẽ cãhre. Sa tuhngũ uhse co gãhu, ajuro gãhu cohãa wahare. Sa yena uhse co wahma core wahma ajurore pose yero cahmene. Sa yegũ uhse co cohãeda, ajuro gãhu cohãedare. (Sata wahma buheye muna buheye mehna buhe moredaro cahmene,) ni yahuri Jesu tiquinare.

Jairo maconore maso, dii muna dohatiducuricoro gãhure yuhduoahye Jesu

(Mr 5.21-43; Lc 8.40-56)

¹⁸ Tiquiro sa ni yahuri watoa mari judio masa pũhtoa mehna cjũno Jesu caharũ wihiri. Wihi, dusepe curi mehna quehe sa, ohõ saha nidi.

—Yuhũ maco mianogã yariaa wahari. Ticorore mũhũ omocare duhu peogũ ahtaya. Mũhũ sa yegũ masanota, nidi tiquiro Jesure.

¹⁹ Tiquiro sa nigũ tuhoro Jesu wahcãdũca tiquiro mehna wahari. Usã tiquiro buhena gãhu wahaũ.

²⁰ Usã maharũ wahaducugũ topũ numino dii muna dohatiducuricoro Jesu batopũ ahta, tiquiro suhtiro sohtoare dahra tuhuahye. Doce cahmari waro decoripe dii muna dohatiro niahye.

²¹ Ohõ saha ni tuhutuahye ticoro sa yero: “Ti suhtirore dahra tuhugo, quehnoa wahagota”, ni tuhutuahye ticoro.

²² Ticoro sa yegũ masino Jesu maredũca, ticorore nidi.

—Maco, bucueya mũhũ. Mũhũ yuhũre wacũ tutuaye mehna quehnoago tojoare yojopũre, nidi tiquiro.

Tiquiro sa nigũta yuhduũ wahari ticoro.

²³ Sa ye tuhasa Jesu pũhoro ya wuhũrũ esari. Topũ esa, ñehe quea

utiyequinare weõgũ mũte pohoro saha ijidũre putiyequinare ihñari. Peyequina masa tiquina ñano bisigũ gãhure tuhori tiquiro.²⁴ Tiquina sa yegũ ihñano masare ohõ saha nidi:

—Wijiaya mũsa. Yarierare ticoro. Carĩno nine, nidi tiquinare.

Tiquiro sa nigũ tuhoye “Sa ni maca cãno nine ahriquiro”, niñe, masa bujari tiquirore.²⁵ Sa yero wuhũ puhiapũre ijiyequina masare tiquiro wio pehori bato yariaricoro caharũ esa, ticoro omocare ñeheahye. Tiquiro sa ñehẽgũ masa quehe sa, wahcãdũca sahye ticoro.²⁶ Tiquiro sa yerire tuhoye, to cjẽna masa ijipihtiyequina yahu siteri.

Pũaro caperi bajueyequinare ihñagũ yeahye Jesu

²⁷ Sa yero Jesu topũ ijiriquiro wahagũ, pũaro caperi bajueyequina tiquirore pisu nanũ tãri:

—Davi panami iji turiagũ, masare yuhduoacjũ, usãre paja ihñaña mũhũ, ni sañuducuri tiquina.

²⁸ Tiquina sa nigũta Jesu ape wuhũrũ sajãri. Tiquiro sa sajãgũ masiñe caperi bajueyequina tiquiro caharũ sajãa wahari. Tiquina sa sajã sagũ ihñano tiquiro pehe sinituri tiquinare:

—¿“Marine ihñagũ yerota tiquiro”, ni tuhutuajari mũsa yuhũre? nidi tiquiro.

—Pũhto, sata ni tuhutuaja usã, ni yuhũtiri tiquina.

²⁹ Tiquina sa nigũta tiquina caperire ña peori. Ña peo ohõ saha nidi:

—Yuhũre “Sa yerota”, mũsa ni tuhoturiro sahata sa yeaja mũsare, nidi Jesu.

³⁰ Tiquiro sa nigũta tiquina caperi pehe quehnoa wahari. Sa ye Jesu ohõ saha nidi tiquinare:

—Ahri yuhũ ohõ saha yerire apequinare ne yahueracãhña, nidi.

³¹ Tiquiro sa niepegũta waha, topũ ijiyequinare yahu siteri tiquina tiquiro sa yerire.

Yahuducueriquirore yahuducugũ yeahye Jesu

³² Ti wuhure tiquina wijiagũ waro ihcãquiro yahuducueriquirore ne cãhtari masa. Watĩno tiquiro mehna ijiriquiro tiquirore yahuducueragũ yeahye. ³³ Tiquina ne sagũ ihñano watĩnore Jesu cohã wiori. Tiquiro sa cohãgũ watĩnore cœoriquiro pehe yahuducua wahari. Tiquiro sa yegũ ihñañe ijipihtiyequina ihña maria pihitia wahari.

—Ne, ahri yehpa Israe yehpapure ohõ saha yeyere ihñedahti mari, ni yahuducuri tiquina basi.

³⁴ Fariseo masa pehe sijoro saha ni yahuducuri:

—Watĩa puhtoro tutuaye mehna watĩare cohãre ahriquiro, ni yahuducuri tiquina.

Masare paja ihñahye Jesu

³⁵ Sa ye ijipihtiye macari topũ ijiye macarigãre, bujuye macari gũhure buhe tinino wahari Jesu. Quehnoañe buheyere judio masa mari buheye wuhusepũ buhero wahari tiquiro. Sa yero Cohãcjũ puhtoro tiquiro ijiatire yahuri. Ijipihtiye dohatiye gũhure to cjẽnare yuhdœori tiquiro. ³⁶ Masa peyequina ñano yuhdũyequinare, pejecœoro wahayequinare tiquina ijigũ ihñano Jesu tiquinare paja ihñari. Tiquina oveja opana marieñequina yero saha tiquina ijigũ ihñano Jesu tutuaro paja ihñari tiquinare. ³⁷ Sa yero ohõ saha nidi tiquiro usãre tiquiro buhenare, queoye mehna buhero:

—Trigo peye bucua tuhasagũ peye ijigũ dahraye pajiro ijire. Sa ijiepegũta dahrayequina pehe meheñequinagã ijire. Sata quehnoañe buheyere tũhoatiquina peyequina ijigũ pajiro ijire mari dahraye. Sa ijiepegũta meheñequinagã dahrari masa yero saha quehnoañe buheyere buheatiquina gũhũ meheñequinagã ijire. ³⁸ Sa yena quehnoañe buheyere buheatiquinare apequinare tiquiro ohoatire siniña Cohãcjũre, nidi Jesu.

10

Jesu doce waro beseahye tiquiro ohoatiquinare

(Mr 3.13-19; Lc 6.12-16)

¹ Came doce usãre tiquiro buhenare Jesu pijio, tutuayere ohori usãre. Watĩare usã cohã masiatire ijipihtiye dohatiyere usã cohã masiatire ohori usãre.

² Ohõ saha wame tii usã Jesu cũrina: Simo ijiri. Tiquiroreta Pedro ni pisuri Jesu. Simo bahuro Andre gũhũ ijiri. Santiago gũhũ tiquiro bahuro Ñu mehna ijiri. Tiquina Santiago gũhũ pacuro Zebedeo wame tiri. ³ Felipe, Bartolomé, Tomasu, yuhũ Mateo ijii usã. Yuhũ pehe puhtoa ye ijiatire masare wapa ne cohtegũ ijimi. Usã mehna Santiago ijiri. Tiquiro pehe Alfeo macano ijiri. Sa yero Tadeo gũhũ ijiri. ⁴ Simo celote ya curua cjãno ijimediquiro, Juda Iscariote gũhũ ijiri. Juda pehe Jesure ihña tuhtiyequinare ihñoatiquiro ijiri.

Jesu tiquiro buheyequinare buhe dutiro ohoahye

(Mr 6.7-13; Lc 9.1-6)

⁵ Sa ye usãre doce tiquiro buhenare ohoro, “Ohõ saha yeya”, ni yahuri usãre Jesu:

—Judio masa ijieyequina cahapure wahaeracãhña. Ne Samaria yehpapũ ijiye macaripũ gũhure wahaeracãhña. ⁶ Israe yehpa cjẽna cahapũ pehere wahaya. Cohãcjũre masieñequina ijire tiquina. ⁷ “Uhmuse cjãno puhtoro tiquiro ijianto mehenogã dũhsare”, ni buheya tiquinare. ⁸ Sa yena cami bucũ mana wihare, apeye peye sijoro saha ijiye dohatiyere cœoyequina gũhure yuhdũgũ yeya. Yariariquinare masoña. Watĩa masa mehna ijieyequinare cohãña tiquinare. Musare sa ohogũ niaja ahri tutuayere. Sa yena masa gũhũ yuhũ sa ohoriro sahata masare yuhdũgũ yeya wapa neno marieno.

⁹ Mũsa wahana niñerure ne nedacãhña. ¹⁰ Ne masa ajurore, puaro camisare, puã pa dahpo suhtire,

tuaye cju gũhure nedacãhña. Musa sañano dihitare sañaa wahaya. Apeye suhtire nedacãhña. Musa buhena waharopu ijiyequina tiquina pehe musare pohe ijiatire ohoeta. Sata ohoro cahmene tiquinare.

11 'Ti macaripu esana, musare quehnoano piti catiquirore macaña. Sa yena ti wuhuputa tojoarña. Tee, coã wahanapu wijiaya ti wuhure. 12 Sa yena wuhupu sajãna, "¿Ijiari musa?" niña ti wuhu cjẽnare. Musare quehnoano tiquina cahmegũ "Cohãcjũ mehna quehnoano ijiya musa", niña tiquinare. 13 Musare tiquina cahmedagũ, musa sa niborire niedacãhña. 14 Sa yena musare tiquina cahmedagũ, tiquina tuho dueragũ ti wuhure wijiaya. Wijiana, dahpocãri cjẽ dihta esa wahãrire wejẽ site cũña musa tiquinare tiquina ye buhirire masigũ yena. Ti maca cjẽna musare cahmedagũ sata yeya tiquina gũhure. 15 Ijirota musare niita niaja. Ahri deco pihtigũpũre Sodoma cjẽna, Gomorra cjẽna gũhu tutuaro buhiri tiatiquinata ijire. Tiquina sa ijiepegũta tiquina yuhduoro musare cahmeeñequina buhiri tiatiquina ijietã, ni yahuri Jesu.

Jesu yequinare apequina ñano yeatire yahuahye Jesu

16 Sa ni tuhasa ohõ saha ni nemori: —Yuhure tuhoya musa. Oveja yero saha ijinare musare ñañequina watoa ohogu niaja. Tiquina ñañequina nũcu cjẽna yayia usuayequina yero saha ijire. Sa yena musa pehe apequina wahiquina wacũ masiñequina yero saha ijiya. Sa ijina ijiepenata bujua yero saha ne usuena ijiya musa. 17 Quehnoano yeya musa. Musare masa puhtoare ohoeta. Judio masa mari buheye wuhusepu quẽeta musare. 18 Sa yeye yeequina musa ijiri buhiri macari cjẽna puhtoahapu tiquina bui ijiyequina puhtoahapu gũhure neañeta musare. Sa yena musare topu tiquina neagũ puhtoare, judio masa ijieyequina

gũhure quehnoañe buheye buhenata musa. 19-20 Musare puhtoare tiquina ohogu tiquinare musa niatire "Yohou, masiedaboaga", ni tuhhotueracãhña. Musare tiquina sinitugũta musa niatire masinata. Sa masina tiquinare yahuna, musa tire musa esa tuharo yahuducuna nisi. Cohãcjũ pehe mari Pacu tiquiro yaquiro Espiritu mehna musare yahuducugũ yerota.

21 'Ti pjere tiquina wahmisũmũa tiquina bahanare wejẽ dutiye ohoeta puhtoare yeequina tiquina ijiri buhiri. Tiquina pacũsumũa tiquina pohnene wejẽ dutiye ohoeta puhtoare. Tiquina pohne pehe tiquina pacũsumũare wejẽ dutiye ohoeta puhtoare. 22 Sa yeye yeequina musa ijiri buhiri ihña tuhtietã masa ijipihtiyequina musare. Tiquina sa yepegũta ahri yehrapu musa catiro puno musare tiquina ñano yerire ihcãno sahana yuhure duhuerana, yuhduanata musa. 23 Ihcã macapu musare tiquina ñano yegũ ape macapu duhti cãhña. Ijirota musare niita niaja. Israe yehrapu ijiye macarine musa pehoato pano, yuhu masu Cohãcjũ ohorigu ahri yehrapu tojoa taatja.

24 'Ne ihcãquiro buheriquiro tiquirore yahuriquiro buipũ ijierare. Sa yero cahacjũno gũhu tiquiro puhtoro bui cjũno ijierare. 25 Sa yero ohõ saha tuhhoturo cahmene buheriquirore: "Yuhure buheriquiro yero sahata ijigũtja", ni tuhhoturo cahmene. Cahacjũno gũhure sata ni tuhhoturo cahmene. "Yuhu puhtoro yero sahata ijigũtja", ni tuhhoturo cahmene. "Tiquiro bui ijigũtja. Sa yegu yuhu puhtoro tiquiro ñano yuhduriro sahata ñano yuhduasi yuhu pehe", ni tuhhotueraro cahmene. Yuhu pehe wuhu cjãno yero saha ijiaja. Musa pehe ti wuhupu dahrayequina yero saha ijire. Sa yeye masa yuhure "Beelzebú ijire", ni yahusãñe, musa gũhure yeequinare ñano ni yahuducuetã tiquina, ni yahuri Jesu.

*“¿Noa pehere cuegũ quehnoajari?”
ni yahuahye Jesu*

(Lc 12.2-7)

²⁶ Sa ni tuhasa ohõ saha ni nemori:
—Sa yena musare ñano yeye-
quinare cueracãhña. Masa tiquina
yahuerarire came apequina masieta.
Sa yeye tiquina ñari gũhare ape-
quina masieta. ²⁷ Musare tũhoerogã
yũhũ yahurire peyequina masa wa-
toa buhe turiaya musa. ²⁸ Masũnore
wejẽnequina tiquiropagũ dihitare
wejẽne. Tiquiropagũ jeripohna yari-
erare. Sa yena musare wejẽ du-
ayequinare cueracãhña. Cohãcjũ pe-
here cueya. Tiquiropagũ mũsa pagũ-
rire, mũsa jeripohnari gũhare pecapũ
cohã masine. Sa yena tiquiropagũ
pehere cueya.

²⁹ Pũaro siripia wapa mariedare.
Tiquina sa wapa mariedapegũta
ihcãquirogãre Cohãcjũ ne boerare.
Cohãcjũ dutieragũ ne yariere
tiquiropagũ. ³⁰ Sa yero mũsa poarire
ne ihcã poa da dũhsaro marieno
masi pehere Cohãcjũ. Sata mũsa ijiye
tiye gũhare masi pehere Cohãcjũ.
Sa masino musare ihña ihboducure.
³¹ Siripiare tiquiropagũ cahĩno
yũhdũoro, mũsa pehere cahĩne
Cohãcjũ. Sa yena pajiro tũhotueracãhña
mũsa.

*Jesure mũsa wacũ tutuarire
yahuya masare*

(Lc 12.8-9)

³² Ihcãquiro “Jesu yaquiro ijiaya”,
masare tiquiropagũ ni yahugũ yũhũ
gũhũ tiquiropagũre “Yaquiro ijire”,
ni yahugũtja yũhũ Pacũre ãhmũse
cjũnore. ³³ Sa ijipegũta ihcãquiro
“Jesu yaquiro ijieraja”, masare
tiquiropagũ nigũ yũhũ gũhũ “Yaquiro
ijierare tiquiropagũ”, ni yahugũtja
yũhũ Pacũre, ni yahuri Jesu.

Jesu masare tu wagũ yere
(Lc 12.51-53; 14.26-27)

³⁴ Sa ni tuhasa ohõ saha ni yahu
nemori:

—¿Dũhse ni tũhotuajari mũsa
yũhũre? ¿“Tiquiropagũ masare
tiquiropagũ buheri bato apequina
tiquinare ihña tuhtisi”, ni, tũhotuajari
mũsa? Sa ijierare. Masare yũhũ
buheri bato

ihquẽquina yeere tũhoeta. Apequina
pehe tiquinare ihña tuhtietia. Ihcãno
saha ijisi masa. ³⁵ Bũcũna yũhũ
buheyere tiquina tũhori buhiri
tiquina pohne tiquinare ihña tuhtie-
ta. Bũcũna numia gũhũ yũhũ
buheyere tiquina tũhori buhiri
tiquina pohna numia tiquinare ihña
tuhtietia. Tiquina mareosãnumia
yũhũ buheyere tiquina tũhori buhiri
tiquina macũ namosãnumia tiquinare
ihña tuhtietia. ³⁶ Sa yeye masa
tiquina acayere ihña tuhtiequina
ijietia.

³⁷ Yũhũre tiquina cahĩboriro
yũhdũoro tiquina pacũsmũna pehere
cahĩ yũhdũũcaye, yeequina ijisi
tiquina. Yũhũre tiquina cahĩboriro
yũhdũoro tiquina pohne pehere cahĩ
yũhdũũcaye, yeequina ijisi tiquina.

³⁸ Sa yeye apequina curusapũ yari-
ariro saha yeequina tiquina ijiri
buhiri ñano yũhdũeta tiquina gũhũ.
Sata ñano yũhdũ dueyequina yee-
quina ijisi tiquina. ³⁹ Masa yũhũre
wacũno marieno tiquina esa tuharo
yeye pecapũ wahaeta tiquina. Sa
yeye yeere sa yeducuye ijipihtie
decori yũhũ mehna ijietia tiquina,
ni yahuri Jesu.

Mari wapatatire yahuahye Jesu
(Mr 9.41)

⁴⁰ Sa ni tuhasa ohõ saha ni yahu
nemori:

—Musare yeequinare ihcãquiro
quehnoano cahmeno, yũhũ gũhũre
cahmeno nine tiquiropagũ. Sa yero
tiquiropagũ yũhũre quehnoano cahmediquiro
yũhũre ohoriquiro gũhũre cahmeno
nine. ⁴¹ Sa yero Cohãcjũ yere
yahuriquiro wapatarota. Tiquiropagũ
quehnoano yerota Cohãcjũ. Sa yero
tiquiropagũ yere yahuriquiro tiquiropagũ
ijigũ ihñano apequiro pehe yahuriquiro
quehnoano cahmeno, yahuriquiro
yero sahata wapatarota tiquiropagũ
gũhũ. Sa ye apequiro quehnoano yeriquiro
wapatarota. Sa yero quehnoano
yeriquiro tiquiropagũ ijigũ ihñano ape-
quiro pehe tiquiropagũre quehnoano
cahmeno, quehnoano yeriquiro
yero saha wapatarota tiquiropagũ
gũhũ.

42 Yaquirogã ihcãquiro tiquiro ijigũ ihñañe dahse ijiyequina tiquiogãre acore mehenogã tiquina sihõpegãta, potota tiquinare quehnoano yerota Cohãcjũ, ni yahuri Jesu.

11

Ñu wame yeriquiro tiquiro buheyequinare Jesure sinitu dutiro ohoahye (Lc 7.18-35)

1 Ûsãre tiquiro buhenare tiquiro sa ni yahuri bato to cahapũ ijiye macaripũ buhero wahari tiquiro.

2 Sa ye tiquiro yerire Ñu peresupũ ijiriquiro tũhooahye. Sa tũhoro Ñu tiquiro buheyequinare Jesure sinitu dutiro ohoahye. 3 Sa ye Jesu cahapũ esa, sinituri tiquina Ñu buheyequina.

—¿Ñu “Yũhũ bato apequiro ahtarota”, tiquiro nidigũ ijiajari mũhũ? ¿Tiquiro nidigũ mũhũ ijieragũ apequirore cohtenatari usã? ni sinituri tiquina pehe Jesure.

4 Tiquina sa nigũ tũhoro Jesu yũhtiri:

—Yojopũre mũsa tũhorire, mũsa ihñarire Ñure yahuna wahaya:

5 “ ‘Caperi bajueyequina ihñare. Tini masieñequina tinine. Cami bũcũna quehnoa wahare. Cahmono tũhoeyequina tũhoa wahare. Yari-ariquina masaa wahare. Tiquina ijipihtiyequinare quehnoa wahagũ yei yũhũ. Sa yegũ pejecũoyequinare quehnoañe buheyere yahuaja. 6 Yũhare tũhoriquiro “Poto ijire”, niniquiro tiquiro bucueriquiro ijire”, nidi”, ni, Ñure yahuna wahaya, nidi Jesu.

7 Ñu buheyequina tiquina wahari bato, Jesu pehe Ñu ijiye tiyere yahu dũcari peyequina masare:

—Masa marienopũ taare wih-nono wẽdoqueo mũjagũ ihñana eserari mũsa. 8 “Quehnoañe suhti tiriquire ihñana wahaũhna”, niedari mũsa masa marienopũ wahana. Quehnoañe suhti tiye-quina wapa bũjũyere cũoyequina pũhtoa ye wãhũserũ ijire. 9 Masa marienopũ esana Cohãcjũ yere

yahu mũhtariquire ihñana esari mũsa. Ijirota ijire. Ñu Cohãcjũ yere yahu mũhtariquire ijire. Apequina Cohãcjũ yere yahu mũhtañequina yũhdũoro ijiriquiro ijire tiquiro pehe. 10 Panopũ Cohãcjũ yere tiquina ojoari pũpũ Ñure ohõ saha ni yahuahye:

Mari Pacũ tiquiro macũnore ohõ saha niahye: “Mũhũ pano mũhare yahuyuatiquirore ohogũ niaja”, niahye, ni ojoahye panopũre Ñure.

11 Mũsare ijirota niaja. Apequina ijipihtiyequina bui ijire Ñu wame yeriquiro. Ahri decoripũre tiquiro sa ijiepegãta uhmũse cjãno pũhoro ijipopũre ijipihtiyequina docapũ ijiriquiro pũrita Ñu bui ijire.

12 ‘Ñu wame yeriquiro tiquiro buhe, wame ye dũcagũ peyequina masa uhmũse cjãno pũhoro ijipopũ tiquina tutuaye mehna, tiquina esa tuharo sajã duamedì. 13 Cohãcjũ yere yahu mũhtañequina tiquina ojoarire, Cohãcjũ Moiserere tiquiro cũripũ gũhũre buhena Cohãcjũ tiquiro pũhoro ijiatore masiaja mari. Ñu gũhũ tireta yahuri. 14 “Elia ahtarota”, panopũ tiquina nidiquirota ijire Ñu pehe. Panopũ cjẽna tiquina nidire “Poto ijire”, ni duana Ñu tiquina sa nidiquiro tiquiro ijigũ masinata mũsa. 15 Quehnoano tũhoya mũsa ahrire.

16 ‘¿Yojopũ cjẽna masa yabequina yero saha ijiajari tiquina, mũsa tũhotugũ? Tiquina macanagã yero saha ijire. Apequina tiquina cahmeno saha tiquina yeragũ bucuere-tiquinagã. Doeri cjẽ duaropũ ape dujiye, ohõ saha ni pisupere tiquinagã basi: 17 “Mũsa basatire usã putipemi. ¿Dũhsena mũsa basaerari usã tire putigũ? Ûsã tutuaro ñehe quea utipe, sañuducupemi. ¿Mũsa pehe dũhsena usã mehna utiperari?” niducuriquina yero sahata ijire yojopũ cjẽna gũhũ. Yojopũ cjẽna tiquina cahmeno saha usã yeragũ ihñañe bucuere tiquina gũhũ. 18 Tiquina yero saha yena ohõ saha yere mũsa yojopũ

cjāna. Nū wame yeriquiro Cohācjūre ño peoro taro sijiro, vinore sihniedari. Tiquiro sa sihniedagū ihñana “Watñore cūoriquiro ijire”, nimesi mūsa tiquiro pehere. ¹⁹ Yūhū masū Cohācjū ohorigū ijigū yūhū ihya, sihniaja. Yūhū sa yegū ihñana ohō saha nine mūsa yūhū pehere: “Ihñaña. Ahriquiro pajiro ihyariquiro, queheriquiro ijire. Wapa ne cohteyequina, ñano yeyequina gūhū tiquina piti tiquiro ijire tiquiro”, nine mūsa yūhūre. Sa nina macanagā yero saha yahuducuna nine mūsa. Mūsa cahmeno saha usā yeragū bucuere mūsa. Sa masiedapenata usā ye ihñorire ihñana, Cohācjū yere usā masigū masinata mūsa, nidi Jesu tiquinare.

Tiquina ñañene bujua witiyequina ye macari cjēnare tuhtiahye Jesu (Lc 10.13-15)

²⁰ Apeye macari cjēnare tuhtiri Jesu. Ti macarine apeye macari yūhdūoro Cohācjū tutuaye mehna ye ihñomedi tiquiro. Tiquiro sa ye ihñoepegūta tiquina ñañe yerire duhuerari tiquina. Sa yero ohō saha ni tuhtiri Jesu tiquinare.

²¹ —Corazín cjāna, mūsa ñano yūhdūnata. Betsaida cjāna, mūsa gūhū ñano yūhdūnata. Mūsa ye macaripūre Cohācjū tutuaye mehna ye ihñomi. Tiro wame tiri macare, Sidō wame tiri maca gūhūre tiquiro tutuaye mehna yūhū ye ihñogū ihñañe panopū to cjēna pehe tiquina ñañene bujua witiyoaga. Sa yeye quehnoañene comesaboaga. Masa dija suhtire saña, peca cjē nujuare tiquina bui dahra site peoboaga tiquina ñañene bujua witiyere ihñoñe. ²² Mū sare niita niaja. Buhiri dahreati deco ijigū Cohācjū Tiro cjēna, Sidō cjēna yūhdūoro mūsa pehere mūsa ñari buhirire ña yūhdūaro buhiri dahrerota. ²³ Capernau cjāna, mūsa esa tuharo ūhmūsepū waha duamedi. Mū sare Cohācjū pecapū cohānota. Mūsa ya macapū Cohācjū tutuaye mehna ye ihñomi. Mūsa

yūhūre tuhoerari. Sodoma wame tiri macare Cohācjū tutuaye mehna yūhū ye ihñogū ti maca pehe yojopūre ijiboaga. ²⁴ Mū sare niita niaja. Buhiri dahrerari deco ijigū Cohācjū Sodoma cjēna yūhdūoro, mūsa pehere mūsa ñari buhiri ña yūhdūaro buhiri dahrerota, nidi Jesu ti macari cjēnare.

—Yūhū cahapū sona taya, niahye Jesu (Lc 10.21-22)

²⁵ Ti pjere ohō saha nidi Jesu tiquiro Pacūro mehna yahuducuro:

—Yūhū Pacū, mūhū ūhmūse cjēna pūhto, ahri yehpa cjēna pūhto ijire. Ahri mūhū buheyere “Quehnoano masina ijaia usā”, niñequinare masigū yerare mūhū. Buhe pehoeyequina pehere mūhū yere masigū yere mūhū. Mūhū sa yegū, “Quehnoare”, niaja yūhū mūhūre. ²⁶ Sata ijire. Tiquina pehere masigū cahmedi mūhū, nidi Jesu tiquiro Pacūrore.

²⁷ Sa yero masare ohō saha ni yahu nemori:

—Yūhū Pacū ijipihtiyere yūhūre ohori. Tiquiro dihita yūhūre quehnoano masine. Sa yena usā dihita yūhū masi dutiyequina mehna yūhū Pacūre masiaja usā. ²⁸ Mūsa ñañe apee boro nūcūñe yero saha ijire. Nūcūñene wūana mūsa tahrīno saha ñañene wahyia wahare mūsa. Sa wahyiarina ijina yūhūre cahmeña mūsa. Mū sare sogū yeitja. Mūsa ñañe yeyere duhugū yeitja. ²⁹ Yūhū dutiyere yeya. Yeere quehnoano masiña. Yūhū paja ihñagū ijaia. Sa yegū yūhdūdūcaegū ijaia. Yūhū sa ijigū yeere quehnoano masiña mūsa. Sa yena soye mehna quehnoano jeripohna tinata mūsa. ³⁰ Yeere mūsa yegū mijoedare. Sa yero mūsa wūaye ti nūcūedarō sahata yūhū pehe mū sare mehenogā ye dutiaja, nidi Jesu.

12

Judio masa tiquina sori decore trigore peheahye Jesu buheyequina (Mr 2.23-28; Lc 6.1-5)

1 Mehenogã tiquiro sa ni buheri bato saurú ijigũ usã Jesu mehna trigo wesepu esau. Usã tiquiro buhena ujua ahbana, trigore pehe, ihya tuhasa, yuhdu cãa waha usã. 2 Usã sa yegũ ihñañe, fariseo masa Jesure ohõ saha nidi:

—Tuhorĩña usãre. ¿Dahse ye muhu buheyequina saurú mari sori deco ijiepegũta dahrajari? Marine dutiyere yuhduducaye nine, nidi tiquina.

3-4 Jesu yuhtiri. “Yuhu buheyequina yuhduducaye niedare”, ni yahuro taro ohõ saha ni yuhtiri:

—Davi tiquiro mehna cjëna mehna ujua ahbaro Cohãcjũ wuhupu sajã, Cohãcjũ ye pãre ihyahye. Ti pãre pahia dihita ihyae tiahye. Cohãcjũ dutiyere tiquina ojoari pũ apequnare ti pãre ihya dutierare. ¿Davi gũhu tire tiquina yerire Cohãcjũ ojoari pũpu buherari musa? (Ti pãre ihyaro Cohãcjũre yuhduducaro niedahye. Miare ahri pjerire ihyaye yuhu buheyequina gũhu Cohãcjũre yuhduducaye niedare.) 5 Sa ye Cohãcjũ wuhupu dahrayequina pahia ne soerare mari soye decorire. Sa soerapeta Cohãcjũ dutiyere yuhduducayequina ijierare. ¿Tire buherari musa Cohãcjũ Moiserre tiquiro cûri pũpu? 6 Musare niita niaja. Cohãcjũ wuhure ño peona ti wuhupu dahrayequina tiquina soeragũ ihñaepenata “Quehnoanota”, nine musa. Ti wuhu yuhduoro yuhu pehere ño peoro cahmene. 7 Cohãcjũ yere tiquina ojoari pũ ohõ saha nine: “Wahiquinare wejẽ, ujua muoñe mehna wuhure musa ño peogũ cahmedaja. Apequnare musa raja ihñagũ pehere cahmeaja yuhu”, nine tiquiro yere tiquina ojoari pũ. Tiquiro sa nidire musa quehnoano tuhona, yuhu buheyequinare tiquina buhiri mariedapegũta tiquinare tuhtieraboaga musa. 8 Yuhu masu Cohãcjũ ohorigu ahri deco saurú deco masa tiquina yeatire yahugu ijigũ puhto ijiaja, nidi Jesu fariseo masare.

Omoca buhariquiro quti ijire (Mr 3.1-6; Lc 6.6-11)

9 Tiquiro sa nidi bato waha, judio masa mari buheri wuhupu esau usã Jesu mehna. 10 Topu omoca buhariquiro ijiri. Sa yeye fariseo masa pehe Jesure yahusãñe tehe, tiquirore sinituri:

—Saurú deco mari sori deco masunore yuhduo dutierare Cohãcjũ. ¿Sata ijiajari, muhu tahotugũ? ni sinituri tiquina.

11 Jesu yuhtiri tiquinare:

—¿Musa yaquiro oveja saurú ijigũ copepu tiquiro bora sajãgũ tiquirore ne wioeraboagari musa? Ne wionata musa. 12 Oveja yuhduoro ijire masuno pehe Cohãcjũ tiquiro ihñagũ. Sa yero saurú ijigũ quehnoañene mari yegũ quehnoarĩne, ni yuhtiri Jesu tiquinare.

13 Tiquiro sa nidi bato omoca buhariquirore ohõ saha nidi:

—Muhu omocare siõ potoya, nidi tiquiro.

Tiquiro sa nigũ omoca buhariquiro pehe siõ poto, omoca quehnoa wahari ape omoca quehnoari omoca yero saha. 14 Sori deco tiquiro sa yegũ ihñañe, fariseo masa waha, tiquina basi ohõ saha niahye:

—¿Dahse Jesure wejënatarari mari? niahye tiquina basi.

Cohãcjũ yere yahu muhtariquiro panopu cjãno Jesure yahuahye

15 Jesu tiquina sa nidire masino, waha wahari. Tiquiro sa wahagũ peyequina masa tiquirore nunu tãri. Sa yero tiquiro pehe ijipihtiequina tiquina mehna cjënare dohatiequinare yuhdugũ yeri. 16 Sa yero dohatiequinare tiquinare tiquiro yuhduorire apequnare yahu site dutierari tiquiro. 17 Sa dohatiequinare yuhdugũ yero, Cohãcjũ yere yahu muhtariquiro Isaia panopu tiquiro ni ojoariri sahata yero nidi Jesu. Ohõ saha ni ojoahye Isaia:

18 Ohõ saha nine Cohãcjũ: “Ahriquiro yuhu cahacjãno ijire. Tiquiro yuhu beseriquiro ijire. Tiquirore

cahñaja. Sa yegu tiquiro mehna bucueaja. Yaquiro Espíriture tiquirore ohogutja. Sa yero yahuh tutuaye mehna ijipihtiyequina masare yahuh buheyere yahurota tiquiro. ¹⁹ Sa yahuro tiquiro ne purño mehna yahusi. Sa yero sañuducusi. Sa yero maca cjã mahapuh peyequina masa watoa tiquiro tutuaro sañuducu yahusi. ²⁰ Wuhuguh nuhrino cuadu tiquiro nuhriedaguh yero saha masa gũhure quehnoano yerota tiquiro. Mehenogã ujuri pecare tiquiro yatiguh yeraro saha masa gũhure quehnoano yerota tiquiro. Sata yeducurota tiquiro watĩnore tiquiro yuhducatu pano. ²¹ Sa yeye peyequina masa tiquirore wacũ tutueta”, nine Cohãcjũ, ni ojoahye Isaia.

—*Jesu watĩno tutuayere chore, ni yahusãhye masa*

(*Mr 3.20-30; Lc 11.14-23; 12.10*)

²² Ihcã deco watĩno choriqirore masa ne cãhtari Jesu cahapuh. Tiquiro pehe watĩnore choro yahuducu masiedari. Sa yero caperi ne bajuerari. Tiquina sa ne wihiguh ihñano, yuhduguh yeri Jesu tiquirore. Tiquiro sa yeguh watĩno choriqiro ihña, yahuducuri. ²³ Tiquiro sa wahaguh ihñañe, masa ihña maria wahari.

—¿Ahriqiro Davi panamino iji turiariquiro masare yuhduoatiquiro ijiajari? nidi tiquina basi.

²⁴ Jesu watĩare tiquiro cohãrire tuhoye fariseo masa ohõ saha ni tuhaturi:

—Beelzebú watĩa puhoro tiquiro tutuaye mehna watĩare cohãre Jesu, ni tuhaturi tiquina.

²⁵ Tiquina sa ni tuhohuguh masino, Jesu queoye mehna yahuri tiquinare, “Watĩno ye tutuaye mehna watĩare cohãgũ niedaja”, nino taro:

—Ihcã yehpa cjẽna tiquina basi cahmequeñe, ti yehpa cjẽna waha pihtia wahaboaga. Ihcã maca cjẽna

tiquina basi cahmequeñe ti maca cjẽna waha pihtia wahaboaga. Ihcã wuhuh cjẽna gũhuh sata wahaboaga. ²⁶ Sa yeye Beelzebú watĩa puhoro pehe watĩare cohãno, tiquina watĩa tiquina basi cahmequeñe niboaga. Sa ye tiquina gũhuh waha pihtia wahaboaga. ²⁷ Ohõ saha ni yahusãre masa yuhure: “Tiquiro Beelzebú yedohoye mehna watĩare cohãre”, ni yahusãre masa. Masa mehna cjẽna gũhuh watĩare cohãre. ¿Watĩno tiquiro tutuaye mehna watĩare cohãjari tiquina gũhuh, masa ihñaguh? Sa cohãedare. Tire masine masa. Yuhuh gũhuh watĩno tutuaye mehna watĩare cohãedaja. ²⁸ Sa yegu yuhuh pehe watĩare cohãgũ Cohãcjũ yaquiro Espíritu tutuaye mehna tiquinare cohãja. Yuhuh sa cohãgũ ihñana ohõ saha masiña masa: Cohãcjũ masa bui puhoro ahri yehpapure iji tuhasare vojopure.

²⁹ 'Ohõ sahata ijire queoye mehna mari buheguh: Tutuariqiro ya wuhupuh apeqiro sajã sa yaque masiedare. Tutuariqirore duhteraro tiquiro ya wuhupuh sajã sa yaque masiedare. Tutuariqirore tiquiro duhteri bato sajã sa yaque masine, ni yahuri Jesu.

(Sa ni yahuri, watĩnore tiquiro yuhducarire yahuro. Watĩno tutuariqiro tiquiro ijiepegũta Jesu tiquirore yuhducare watĩare cohãno.)

Sa ni tuhasa ohõ saha ni yahu nemori Jesu.

³⁰ —Ihcãqiro yuhure cahmedaro, yuhure ihña tuhtiriquiro ijire. Ihcãqiro yuhure yedohoeraro, yuhure wape tiguh yero nine.

³¹ 'Sa yegu masare poto niita niaja yuhuh. Ijipihtiyeh ñañene masa tiquina yeguh, yahuducuguh gũhure Cohãcjũ bo masine. Sa boeperota Espíritu Santore tiquina ñano ni yahuducuguh ti puritare ne bosì. ³² Yuhure masu Cohãcjũ ohorigure yuhure tiquina ñano ni yahuducurire bo masine Cohãcjũ. Espíritu Santo pehere tiquina ñano ni yahuducurire ne

bosi Cohãcjũ. Yojoꝑure, deco pihigũ gũhare tiquina sa nidire bosi tiquiro, ni buheri Jesu tiquinare.

Masa tiquina yahuducuyere tũhona tiquina ijiye tiyere masiaja mari

(Lc 6.43-45)

³³ Sa yero queoye mehna buhero ohõ saha ni yahu nemori tiquinare:

—Quehnoadũ yucũgũ quehnoañene dũca tire. Ñadũ yucũgũ ñañene dũca tire. Yucũgũ dũcare masina “Tũ dũcata ijire”, ni masiaja mari. Mari sa masino saha masa tiquina yahuducuyere tũhona tiquina ijiye tiyere masiaja mari. ³⁴ Aña yero saha ñana ijire mũsa. Mũsa ñana ijina, quehnoañene ni masiedare mũsa. Mari wacũñepũ mari tũhoturiro saha mari dũseropũ wijiare.

³⁵ Quehnoariquiro quehnoañene tũhoture. Sa yero quehnoañene yahuducure. Ñariquiro ñañene tũhoture. Sa yero ñañene yahuducure. ³⁶ Quehnoano tũhotu yahuducuna ijiya mũsa. Quehnoano yahuducuerana, buhiri dahreati deco ijigũ mũsa sa ni maca cãrire Cohãcjũre yahu yũhdũnata.

³⁷ Queoro mũsa yahuducurire masino “Quehnoana ijire”, ninota Cohãcjũ. Sa yero ñano mũsa yahuducurire masino “Ñana ijire”, ninota tiquiro, nidi Jesu tiquinare.

Masa ñañequina Jesure Cohãcjũ tutuaye mehna ye ihõo dutiahye

(Mr 8.12; Lc 11.29-32)

³⁸ Tiquiro sa nidi bato mari judio masare buheyequina, fariseo masa gũhũ tiquirore ohõ saha nidi:

—Buhegũ, Cohãcjũ ohorigũ ijigũ Cohãcjũ tutuaye mehna ye ihõoña usãre, nimesi tiquina.

³⁹ Jesu yãhtiri:

—Yojoꝑũ cjeña ñañequina, Cohãcjũre cahmeeñequina Cohãcjũ tutuaye mehna yũhũ ye ihõogũ ihõa duamene. Tiquina sa ihõa duepegũta Cohãcjũ yere yahu mũhtariquirore Jona panopũ cjeñore Cohãcjũ tiquiro tutuaye mehna tiquiro yerĩ dihitare

ye ihõnnota masare. ⁴⁰ Jona ihtia deco waro pajiriquiro wahi paa puhiapũ ijiahye. Tiquiro sa wahariro saha yũhũ gũhũ masũ Cohãcjũ ohorigũ ihtia deco waro masa copeꝑũ ijigũta.

⁴¹ Nĩnive cjeña pehe Jona Cohãcjũ yere tiquiro yahurire tũhoye tiquina ñañe yerire bujũa witiahye. Sa bujũa witiyequina ijiye buhiri dahreati deco ijigũ tiquina yojoꝑũ cjeñare tiquina ñañene bujũa witiyequinare “Ñañequina ijire”, ni, yahusãeta. Jona tiquinare Cohãcjũ yere tiquiro yahugũ tũhoye quehnoañene cahmeahye tiquina pehe. Sa cahmeñe quehnoano yeye niahye yojoꝑũ cjeña yũhdũoro. Sa yeye tiquina yojoꝑũ cjeñare yahusãeta. Mũsare niita niaja. Yojoꝑũ mũsare yũhũ buheye Jona tiquiro buheri yũhdũoro ijire.

⁴² Sa ye buhiri dahreati deco ijigũ pũhtoro sur cjeño panopũ cjeño ducu, yojoꝑũ cjeñare “Ñañequina ijire”, ni yahusãnota ticoro gũhũ. Ticoro Salomo panopũ cjeño tiquiro masiñene tũho duaro yoaropũ ahri yehpa ape sieꝑũ ijiricoro Salomoro tũhoro ahtahye. Sa yero quehnoano yero niahye yojoꝑũ cjeña yũhdũoro. Sa yero ticoro yahusãnota yojoꝑũ cjeñare. Mũsare niita niaja. Yojoꝑũ mũsare yũhũ buheri Salomo tiquiro buheri yũhdũoro ijire, nidi Jesu tiquinare.

Watĩno pari turi masũnore tiquiro sajãri quitire yahuahye Jesu

(Lc 11.24-26)

⁴³ Sa yero pari turi Jesu tiquiro tũhotuye mehna ohõ saha ni quitĩ yahuri tiquinare:

—Watĩno masũno mehna ijiriquiro waha, aco marieni yehpapũ tini, tiquiro ijiatore macamahye. ⁴⁴ Sa bocaeraro, ohõ saha ni tũhotuahye tiquiro. “Masũno yũhũ cohãriquiro mehnata pari turi ijigũ wahaũtja”, ni tũhotuahye tiquiro. Sa ni tũhoturo tojoaa waha, tiquiro cohãriquiroreta bocahe. Sa tiquiro bocagũ masũno pehe quehnoariquiro ijimahye. ⁴⁵ Sa yero watĩno apequina siete watĩare

tiquiro yuhduoro ñañequinare pijiro wahahye. Tiquiro sa pijigã tiquina ijipihtyequina tiquiro mehna iji-ahye. Masano pehe to pano ihcãquiro watĩnore curo, ñariquiro ijimahye. Camerũ pehere peyequina watĩare cãoriquiro ijiro, to pano tiquiro ijiriro yuhduoro ña yuhduariquiro ijiahye. Yojopũ cjẽna Cohãcjũre cãomediquina tiquirore cohãñe, tiquina gũhũ ña yuhduayequina waro wahaeta, nidi Jesu tiquinare.

Jesu acaye tiquirore yahu duahye
(Mr 3.31-35; Lc 8.19-21)

⁴⁶ Masare tiquiro sa ni yahuducuri watoa tiquiro pacoro tiquiro bahana mehna sopecahapũ ducu, tiquirore yahu duari. ⁴⁷ Sa yero ihcãquiro Jesure yahuri:

—Mũhũ paco mũhũ bahana mehna mũhũre yahu duaye sopecahapũ ducuri, nidi.

⁴⁸ Tiquiro sa nigũ tũhoro topũ ijiye-quinare ohõ saha nidi Jesu tiquinare buhero taro:

—¿Noa ijiajari yũhũ paco, yũhũ bahana gũhũ, mũsa ihñagũ? nidi.

⁴⁹ Sa nino, usãre tiquiro buhenare ñupuha, ohõ saha nidi:

—Ahriquina ijire yũhũ paco, yũhũ bahana yero saha ijiyequina.

⁵⁰ Tiquina yũhũ Pacũ ahmũse cjũno tiquiro cahmeñene yere. Sa yeye-quina yũhũ bahũ, yũhũ baho, yũhũ paco yero saha ijire, nidi Jesu tiquinare.

13

Jesu oteriquiro quitire yahuahye
(Mr 4.1-9; Lc 8.4-8)

¹ Ti decota Jesu wũhũpũ ijiriquiro wijiari. Wijia, ditarapũ waha, ditara dũhtũ cahapũ dujiri. ² Tiquiro sa dujigũ ihñañe peyequina masa tiquiro cahapũ cahmecoa wahpaa waha, bihsaro yeri Jesure. Sa bihsagũ ihñano yucũsapũ sajã, tiapũ dujiri tiquiro. Masa pehe padũropũ ducuri.

³ Sa yero tiquiro peye queoye mehna yahuri tiquinare, buhero taro. Ohõ saha nidi tiquiro:

—Oteriquiro otero wahahye.

⁴ Tiquiro sa otero wahagũ apeye pjeri maha dũhtũ cahapũ bora quehe sahye. Topũ bora quehe saye pjerire minicjũa ahta, ihya cãhye. ⁵ Sa ye apeye pjeri utã paca watoa bora quehe sahye. Utã paca watoa dihta marieda cjũnopũ duita pihnimahye.

⁶ Sa pihnieperota asũ tutuaro asigũ, nũhcori marieda, ñaia wahahye. ⁷ Apeye pjeri taa watoa bora quehe sahye. Taa pehe dia yuhduũ waha, oteye pehere wejẽahye. ⁸ Apeye pjeri quehnoari yehparũ bora quehe sahye. Quehnoano pihni, dũca tiahye. Apeye cjũ cien pjeri, apeye cjũ sesenta pjeri, apeye cjũ treinta pjeri dũca tiahye. ⁹ Ahrire quehnoano tũhoya mũsa, nidi Jesu.

Jesu queoye mehna tiquiro buherire yahuahye
(Mr 4.10-12; Lc 8.9-10)

¹⁰ Tiquiro sa nidi bato usã tiquiro buhena tiquiro cahapũ esa, sinituu usã tiquirore:

—¿Dũhse yegũ masare queoye mehna buheajari mũhũ? ni, sinituu usã.

¹¹ Jesu yũhtiri:

—Uhmũse cjũno tiquiro pũhtoro ijiyere panopũ cjẽna tiquina masiedarire mũsare yũhũ buhenare masigũ yere Cohãcjũ. Apequina pehere sa yerare tiquiro. ¹² Sa yero masiñequinare masi nemogũ yerota tiquiro. Sa yeye tiquina pehe quehnoano masieta. Masiñequina pehe mehenogã tiquina masiepegũta tiquina pehere masiedagũ yerota tiquiro. ¹³ Sa yegũ queoye mehna buheaja. Ohõ saha ijire. Yojopũ cjẽna ihñapeta, ihñedariquina yero saha tojoare. Sa yeye tũhoepeta masiedare. Tire tũhoeyequina yero saha ijire tiquina. ¹⁴ Sa ijiyequina ijiye Isaia panopũ cjũno tiquiro ni ojoariro sahata yere tiquina. Ohõ saha ni ojoahye:

Ohõ saha nine Cohãcjũ: “Cohãcjũ yere tũhonata mũsa. Sa tũhoepenata, ne masisi mũsa.

15 Ahriquina masa dapu paca butiyequina tojoare. Sa ye tiquina cahmo coperire bihare, 'tũhoari', niñe. Tiquina caperire ihmitihãre, 'ihñari', niñe. Sa yeraye quehnoano ihñañe, masiboaga tiquina. Sa ye tũhoye, masiboaga tiquina. Tiquina wacũñepũ quehnoano masiboaga. Sa masiñe yũhũre Cohãcjũre cahmeboaga tiquina. Sa yũhũre cahmegũ tiquina ñañene cohã, tiquinare pecapũ waha-boriquinare yũhdũgũ yeboaga yũhũ", nine Cohãcjũ, ni ojoahye Isaia.

16 'Mũsa pehe mũsa caperi mehna ihñana, masine. Mũsa cahmo mehna tũhona, masine. Sa yena bucuena ijire mũsa. 17 Mũsare niita niaja. Yojoũpũ mũsa ihñañene mũsa tũhoyere panopũ cjẽna Cohãcjũ yequina tutuaro ihña duamahye. Cohãcjũ yere yahu mãhtariquina gũhũ tire tutuaro ihña duamahye. Sa ihña duepeta ne ihñedahye. Yojoũpũ mũsa tũhoye gũhũre tutuaro tũho duamahye tiquina. Sa masi duepeta tire masiedahye, ni yahuri Jesu usãre tiquiro buhenare.

Jesu oteriquiro queoyere yahu pehoahye

(Mr 4.13-20; Lc 8.11-15)

18 Came Jesu usãre yahu nemori: —Tũhoya mũsa. Oteriquiro queoyere mũsare yahutja. Yũhũre tũhona, quehnoano masiña. 19 Oteye pjeri quehnoañe buheye yero saha ijire. Sa yeye maha dũhtũ cahapũ borari pjeri quehnoañe buheye yero saha ijire. Sa yeye masa quehnoañe buheyere tũhoepeta ne masiedare. Sa yero masa quehnoañe buheyere tiquina tũhogũ ihñano watĩno pehe ahta, ti buheyere quehnoañe buheyere masi dutiare masare. Minicjũa ti pjerire tiquina dote nediro saha yere watĩno. 20 Sa ye utã paca watoa borari pjeri quehnoañe buheye yero saha ijire. Sa yeye masa quehnoañe

buheyere tũho, bucueye mehna duita tire tũho nene. 21 Sa tũho nepeta utã paca watoa ijiye cjũ nũhcori marieñe cjũ yero saha ahriquina masa gũhũ tutuerare. Sa tutueraye ñano yũhdũye, yeequina tiquina ijiri buhiri apequina tiquinare ñano yegũ ihñañe yee pehere duhu cãhre. Apequina tiquinare ñano yegũ tire ihcãno sahaeraye, yeere duhu cãhre. 22 Sa ye taa watoa borari pjeri quehnoañe buheye yero saha ijire. Sa yeye masa quehnoañe buheyere tũhoepeta, ahri yehpa cjẽne pajiro bujũa witi tũhotuye, niñeru pehere cahñe. Tiquina sa yegũ ti pehe quehnoañe buheyere cahmotare. Sa cahmotagũ masa quehnoañe pehere yerare. 23 Sa ye quehnoari yehpapũ borari pjeri quehnoañe buheye yero saha ijire. Sa ye masa quehnoañe buheyere tũhoye, tire quehnoano masine. Sa masiñequina ijiye, Cohãcjũ cahmeno sahata quehnoañene yere tiquina. Ihquẽquina pajiro quehnoañene yere cien pjeri dũca tiro saha. Apequina doca cjũnogã quehnoañene yere sesenta pjeri dũca tiro saha. Apequina mehenogã quehnoañene yere treinta pjeri dũca tiro saha, ni yahuri Jesu usãre.

Trigo watoa taa diari queoyere yahuahye

24 Sa ye pari turi queoye mehna buheri Jesu:

—Uhmũse cjũno tiquiro pũhtoro ijiye ohõ saha ijire. Wese upũro tiquiro wesepũ quehnoañe pjerire tiquiro oteriro saha ijire uhmũse cjũno tiquiro pũhtoro ijiye. 25 Wese upũro ijipihtiyequina tiquiro mehna cjẽna gũhũ tiquina carĩno watoa tiquirore ihña tuhtiriquiro ahtahye. Sa ahtarõ trigore ti oteriropũ taare oteahye. Ote tuhasa wahaa wahahye. 26 Came trigo pihniahye. Sa ye ti dũca tiro taro yegũ waro diaa wahahye. 27 Sa ye wese upũrore dahra cohteyequina tiquiro cahapũ esa, yahuahye: "¿Pũhto, quehnoañe pjeri dihitare mãhũ wesere mãhũ

otepegãta, dahse ye taa gãhu di-ajari ti wesere?” nidi tiquina. ²⁸ “Yũhũre ihña tuhtiriquiro ijiaga ti taare oteriquiro”, niahye wese upũro. “¿Taare usã curegũ cahmeajari mũhũ?” nimahye tiquirore dahra cohteyequina. ²⁹ “Taare cureracãhña, ‘Trigo pehere cureari’, nina. ³⁰ Trigo taa mehnata bũcũarĩahdo. Dũca nedi pje ijigũ neñequinare ohõ saha niitja: ‘Taare cure mũhtaña. Tuhasa mũsa curerire mũjãña. Came trigore peheya. Pehe peho, tire yũhũ ihbori wũhũpũ cũña’, niitja tiquinare”, niahye wese upũro, nidi Jesu, queoye mehna yahuro.

Mostaza pje queoyere yahuahye Jesu

(Mr 4.30-32; Lc 13.18-19)

³¹ Sa ye apeye queoye mehna usãre ohõ saha ni buheri tja:

—Uhmũse cjãno tiquiro pũhtoro ijiye mostaza pjegã yero saha ijire. Ti pjegã meheni pjegã waro ijire. ³² Ti pjegãre wesepũ tiquiro oteri bato, quehnoano pihnine. Sa yero paji yũhdũadu wahare. Sa wahagũ minicjũa pari ti dũpũripũ suhti suhare, ni yahuri Jesu. (Sa nino ohõ saha nino niahye. Mostaza pjegã pajidũ tũ bũcũariro saha uhmũse cjãnore mari pũhtoro masiñequina meheñequinagã tiquina iji mũhtapegãta camerũ peyequina wahaeta.)

Pãre pugũ yeye queoyere yahuahye Jesu

(Lc 13.20-21)

³³ Sa ye apeye queoye mehna usãre ohõ saha ni buheri tja:

—Uhmũse cjãno tiquiro pũhtoro ijiye pãre pugũ yeye yero saha ijire. Tire numino ihcã ajuro trigore aco mehna quehnoano tire dahra morene pã bũcũatire. Ticoro sa yegũ pãre pugũ yeye pehe trigore quehnoano sehssa wahare, nidi Jesu. (Sa nino ohõ saha nino niahye. Pãre pugũ yeye trigore ti sehssa wahariro saha uhmũse cjãnore mari

pũhtoro peyequina masa ijipihtiro cjẽna masieta.)

Queoye mehna Jesu tiquiro buherire yahuahye

(Mr 4.33-34)

³⁴ Ahri ijipihtiyere buhero, queoye mehna yahuri Jesu. Queoye marieno yahuerari tiquiro tiquinare. ³⁵ Sata yeri tiquiro Cohãcjũ yere yahu mũhtariquiro ni ojoariro sahata. Ohõ saha ni ojoahye panopũ:

Queoye mehna yahutja. Cohãcjũ ahri yehpare tiquiro bajúmehnedi bato ne masare tiquiro yahuerarire yahutja, ni ojoahye Cohãcjũ yere yahu mũhtariquiro mũnano.

Trigo watoa taa diari queoyere yahu pehoahye

³⁶ Sa ye masare cohe ti, wũhũpũ sajãa wahari Jesu. Sa yena usã tiquiro buhena tiquiro cahapũ esa, sinituu usã:

—Trigo watoa taa diari queoyere yahu pehoya usãre, nii usã tiquirore.

³⁷ Jesu yũhtiri usãre:

—Wese upũro quehnoañe pjerire oteriquiro yero saha ijiaja yũhũ. Yũhũ masũ Cohãcjũ ohorigũ ijiaja. ³⁸ Wese pehe ahri yehpa yero saha ijire. Quehnoañe pjeri pihniñe uhmũse cjãno pũhtoro ijiropũ ijiatiquina yero saha ijire. Taa pehe watĩno yequina yero saha ijire. ³⁹ Wese upũrore ihña tuhtiriquiro taare oteriquiro watĩno yero saha ijire. Tire nedi pje pihtiri deco yero saha ijire. Sa ye trigore neñequina angele yero saha ijire. ⁴⁰ Taare tiquina cure mũjariro saha pihtiri deco ijigũ watĩno yequinare pecapũ cohãeta tiquinare.

⁴¹ Yũhũ masũ Cohãcjũ ohorigũ yequina angelere ohogatja. Yũhũ ohogũ angele pehe ñañene ye dutiyequinare, ñañene yeyequinare yũhũ pũhtoro ijiropũ neañeta. ⁴² Ne sa tuhasa pecapũ cohãeta tiquinare. Topũ tiquina tutuaro uti, bũjũa witiye mehna bahque dihoeta.

⁴³ Sa ye Cohãcjũ yequina tiquina Pacũro tiquiro pũhtoro ijiropũ ijietã.

Topu ijiye, asu deco cjano yero saha quehnoano buhrioeta tiquina. Ahrire quehnoano tuhoya musa, ni yahuri Jesu.

Quehnoayuhduyere tiquiro naurire tiquiro bocari queoyere yahuahye

⁴⁴ Sa ye apeye queoye mehna yahuri tja:

—Uhmuse cjano tiquiro puhtoro ijiye niñeru tiquiro nauri yero saha ijire. Masano tire wesepu wacueno mehna boca, pari turi tire nuo nemoahye. Sa bocaro tutuaro bucueahye tiquiro. Sa yero tiquiro bocarire neno taro, ti wesere du duahye. Sa yero tiquiro yere dua peho, ti wesere duahye, ni yahuri Jesu. (Sa nino ohõ saha nino niahye. Uhmuse cjano tiquiro puhtoro ijiye tiquiro bocari yero saha ijire. Tiquiro bocarire tiquiro tutuaro cahmediro sahata uhmuse cjanore masa puhtorore tiquina masidi bato masa tutuaro cahmene tiquirore.)

Wapa bujuri pje queoyere yahuahye

⁴⁵ Sa ye apeye queoye mehna yahuri tja:

—Uhmuse cjano tiquiro puhtoro ijiye wapa bujuye pjerire perla wame tiye pjerire duriquiro yero saha ijire. ⁴⁶ Ti pjerire macano quehnoa yuhduari pjere bocahe. Bocaro, ti pjere du duaro, ijipihitiye tiquiro yere dua pehoru wahahye. Sa dua tuhaya ti pjere wapa bujuri pjere duahye, nidi Jesu. (Sa nino ohõ saha nino niahye. Ti pjere perla pjere tiquiro cahmediro sahata uhmuse cjanore masa puhtorore quehnoano tiquina masidi bato masa tutuaro cahmene tiquirore.)

Wẽñanu queoyere yahuahye

⁴⁷ Sa ye apeye queoye mehna Jesu yahuri tja:

—Uhmuse cjano tiquiro puhtoro ijiye wẽñanu tiquina doque ñodu yero saha ijire. Tu wẽñanu mehna peyequina wahi sijoro saha ijiyequinare ñehene. ⁴⁸ Tu wahpaa wahagũ wahi wejẽñequina pehe tare paduropu weje nuja, quehnoañequina wahire

besere. Quehnoañequinare tiquina puhsepũ bese sajãre. Ñañequina wahire cohãre. ⁴⁹ Pihitiri deco ijigũ ohõ saha ijiruta. Angele pehe masare beseeta. Ñañequinare ne wioeta quehnoañequina cahapu ijiyequinare. ⁵⁰ Ne wio, tiquinare pecapu cohãeta. Topu tiquina uti, tutuaro buja witiye mehna upiri bahque dihoeta ñañequina pehe, ni yahuri Jesu.

Muna buheyere, wahma buheyegũhure yahuahye

⁵¹ Tiquiro sa ni yahuri bato sinituri usãre:

—¿Ahri ijipihitiyere tuhoajari musa? ni sinituri tiquiro.

—Tuhoaja usã, ni yuhtii usã.

⁵² Usã sa nigũ tiquiro yahuri usãre:

—Judio masare buheyequina uhmuse cjano tiquiro puhtoro ijiyere buheyere, puaro buheyere yahure. Muna buheyere, wahma buheyegũhure yahure. Tiquina wuhũ upuro yero saha ijire. Tiquiro wuhũpu ijiyere quehnoañene ne wioro, wahmare, muna gũhure ne wioro tiquiro, nidi Jesu usãre.

Jesu Nazarepu wahahye

(Mr 6.1-6; Lc 4.16-30)

⁵³ Ti queoyere tiquiro buheri bato, wahau usã tiquiro mehna.

⁵⁴ Waha, tiquiro masari macapu esa. Topu esa, judio masa mari buheyere wuhũsepũ buheri tiquiro. Tiquiro sa buhegũ tuhoye, tuho maria wahari tiquina.

—¿Ahriquiro nohopu tuhoyari ahri buheyere? ¿Duhsero quehnoano masi pehoajari tiquiro? Cohãcjũ tutuaye mehna ye ihñore tiquiro basi.

⁵⁵ Ahriquiro taboa dahrariquiro macano ijire. Sa ye tiquiro pacoro María ijire. Sa ye Santiago, José, Simo, Juda, tiquiro bahana ijire. ⁵⁶ Yojopure tiquiro bahana numia ahri macapu ijire. Sa yero tiquiro mari yero saha ijiriquiro ijire. ¿Sa ijieperota nohopu tuhoyari tiquiro ahri buheyere? ni yahuducuri tiquina basi.

⁵⁷ Sa ye tiquina tiquirore cahmedari. Tiquina sa cahmedagũ ihñano ohõ saha nidi Jesu tiquinare:

—Cohãcjũ yere yahu mahtariquirore apequina ño peore. Tiquina sa ño peopegũta tiquiro ya maca cjẽna, tiquiro acaye tiquirore ño peerare. Sa yena yũhare ño peerare masa ohõpũ yũhũ masarigũ ijigũ, nidi tiquiro tiquinare.

⁵⁸ Sa yero tiquirore tiquina wacũ tutueragũ ihñano, ti macapũ Cohãcjũ tutuaye mehna peye tahari ye ihñoadari Jesu.

14

*Ñu wame yeriquiro manano yari-
arire yahuahye*

(Mr 6.14-29; Lc 9.7-9)

¹ Ti pjere Herode Galilea cjãno pãhoro Jesu yerire tũhooahye. ² Sa tũhoro ohõ saha nimahye:

—Ñu wame yeriquiro ijiaga masatjiãno. Sa yero yojopũre tiquiro masari bato ahri tutuayere cũore tiquiro bajumehneñene yero, nimahye Herode tiquiro cahacjẽnare. Jesure “Ñuta ijire”, ni tũhotumahye tiquiro Ñure tiquina wejẽdi bato.

³⁻⁵ Sa yero Ñure tiquiro wejẽ dutiato pano Herode tiquiro bahũro Felipe namonore namo tiahye. Tiquiro sa yegũ ihñano Ñu wame yeriquiro Herode pehere ohõ saha nie timahye:

—Mũhũ bahũ namonore namo tigũ Cohãcjũ dutiyere yũhdũdcagũ nine mũhũ, nie timahye Ñu.

Tiquiro sa nidi buhiri Herode tiquirore wejẽ duamahye. “Ñu Cohãcjũ yere yahu mahtariquiro ijire”, ni tũhoturi judio masa”, nino, tiquina pehere cueahye Herode. “Ñure yũhũ wejẽgũ tiquina usuaboaga”, nino tiquinare cueahye. Sa cuero Ñure wejẽ dueramahye. Sa wejẽ dueraperota Herode tiquirore ñehe dũhte duti, peresu yeahye. Tiquiro namono Herodia dutiro mehna sa yeahye Herode. ⁶ Sa ye Herode masa bajuari deco ijigũ bosc

deco yeahye tiquiro. Topũ Herodia macono bosc deco wihiyequina tiquina ihñonopũ basa ihñoahye. Ticoro sa basa ihñogũ ihñano Herode bucueahye. Sa bucuerdo ticorore niahye:

⁷ —Cohãcjũ mehna poto niita niaja. Yũhũre mũhũ sinino punota ohogũtja yũhũ mũhũre, niahye Herode pehe Herodia maconore.

⁸ Tiquiro sa nigũ tũhoro Herodia ticoro maconore ticoro siniatire yahuahye ticorore. Ticoro sa yahugũ ticoro macono pehe ohõ saha ni siniahye Herodere.

—Ñu wame yeriquiro dapure dũte sure dutiya. Sa yegũ waparo mehna tiquiro dapure ohoya yũhũre, niahye ticoro.

⁹ Ticoro sa nigũ tũhoro Herode tutuaro bũjũa witiyahye. Masa tiquina ihñonopũ “Ohogũtja mũhũre”, niahye tiquiro. Sa yero tiquiro bæ tiro “Mũhũre ohoeraja”, ni masiedahye ticorore. Sa yero ticoro dutiro sa-hata Herode pehe tiquiro cahacjẽnare Ñure wejẽ dutiahye. ¹⁰ Sa yero Ñu dapure dũte sure dutiahye. ¹¹ Sa dũte sure tuhasa, waparo mehna tiquiro dapure ne cãhtahye tiquina. Herodia maconore tiquiro dapure tiquina ohogũ, ticoro pehe ticoro pacorore yũhdũoahye tja.

¹² Tiquina sa yeri bato Ñu buheyequina ahta, tiquiro pagũre masa copepũ nea cũahye. Sa cũ tuhasa, tiquina tire Jesure yahuye wihiri.

*Cinco mil masare ihyaye ohoahye
Jesu*

(Mr 6.30-44; Lc 9.10-17; Jn 6.1-14)

¹³ Tiquina sa ni yahugũ tũhoro, Jesu usã mehna yucũsapũ sajã, masa marienopũ siho wahari. Jesu topũ wahagũ tũhoye, masa tiquina ye macaripũ ijiriquina ahta, mahapũ tiquirore nũnũ tã cãa wahari. ¹⁴ Sa yero usã wahã sari bato tiquiro peyequina masare ihñano, paja ihñari tiquinare. Sa paja ihñano tiquina mehna cjẽna dohatiyequina yũhdũgũ yeri. ¹⁵ Ñamicahapũ

usã tiquiro buhena tiquirore ohõ saha nii:

—Ñamicahapũ waharo nine. Ohõ masa marienopũ ijire. Sa yegũ macaripũ masare tiquina ihyatire dú dutiya tiquina pohe tiatire, nimi usã tiquirore.

¹⁶ Jesu yuhtiri usãre:

—Wahaeracãhdo tiquina. Mũsa bawita ihyayere ohoya tiquinare, nidi usãre.

¹⁷—Ihcã omope paca pã paca, wahi pũaro to punota ijire usãre, ni yuhtii usã.

¹⁸—Tire yuhũre ne cãhtaya mũsa, nidi usãre.

¹⁹ Tiquiro sa nigũ tuhona neau usã. Usã ne sari bato taa bui masare tiquiro duji dutiri. Tiquina dujigũ ihcã omope paca pã pacare, pũaro wahire ne, uhmũsepũ ihña mũo, Cohãcjũre “Quehnoare”, nidi. Sa ninota pã pacare nuhano, usãre tiquiro buhenare ohori. Tiquiro sa ohogũ usã pehe tire masare itii.

²⁰ Sa ye ijipihtiequina quehnoano ihya, yapi yuhdũa wahari. Tiquina yapi wehorire doce pũhũse waro ne cahmecoa, wahpo dapou usã tiquiro buhena. ²¹ Topũ tire ihyariquina umũa dihitare queogũ cinco mil umũa ijiri. Numia, macanagã gũhũ ijiri.

Jesu aco bui tiniyahye

(Mr 6.45-52; Jn 6.16-21)

²² Came usãre tiquiro buhenare Jesu ditara ape sie pahrẽpũ pehãyu dutiri masare tiquiro cohe tiri watoa. ²³ Cohe ti tuhasa, cũnũpũ mũja, Cohãcjũre sinino wahahye. Ñamine topũ tiquiro ihcãquirota ijiahye. ²⁴ Ti pjeta ditara decopũ yucũsa mehna pehãducuna nimi usã. Wihnono tutuaro ahta, pahcõri bujũye wahcã, yucũsare quẽ sajãri. ²⁵ Sa wahagũ bohrea mũja tato pano Jesu aco bui tini cãhtari usã cahapũ. ²⁶ Usã cahapũ tiquiro ahtagũ ihñana cue nii usã. Sa cuena sañuducumi usã.

—Yariariquiro mũnanao pagũ ijire, ni sañuducumi usã.

²⁷ Usã sa cuegũ ihñano Jesu ohõ saha nidi:

—Ne yuhũre ihña cueracãhña. Yuhũta ijiaja, nidi usãre.

²⁸ Tiquiro sa nigũ tuhoro Pedro nidi tiquirore:

—Puhto, potota mũhũta ijigũ, aco bui yuhũre mũhũ cahapũ ducu cã dutiya, nidi tiquiro.

²⁹—Ahtaya, ni yuhtiri tiquiro pehe.

Tiquiro sa nigũ Pedro yucũsare dijia, aco bui Jesu cahapũ ducu cãmedi.

³⁰ Wihnono tutuaro ahtagũ ihñano cueri tiquiro. Sa cuero diha dijiaa wahamedi.

—Yuhũre yedohoya puhto, ni sañuducuri tiquiro Jesure.

³¹ Tiquiro sa nigũta tiquiro omocare ñehe,

—Mehenogã wacũ tutuare mũhũ yuhũre. ¿Dũhsegũ yuhũre wacũ tutuerajari mũhũ? nidi tiquiro Pedore.

³² Tiquiro sa nidi bato yucũsapũ sajãri tiquina. Tiquina sa sajãri bato wihnono yuhdũa wahari. ³³ Sa yena usã tiquiro buhena yucũsapũ ijina Jesure ño peou.

—Potota mũhũ Cohãcjũ macũta ijire, nii usã tiquirore.

Genesare cjẽna dohatiyequinare yuhdũoahye Jesu

(Mr 6.53-56)

³⁴ Sa yeri bato pehã, Genesare wame tiri yehpapũ esau. ³⁵ To cjẽna Jesure ihña masidi. Sa masiñe tiquiro cahapũ ijieyequinare dohatiyequinare ne cãhta dutiri. Sa ye tiquina dohatiyequinare tiquiro cahapũ ne cãhtari.

³⁶—Mũhũ suhtiro dũhtũ caha dihitare usãre ñehe tuhu dutiya, ni sinidi tiquina Jesure.

Sa ye tiquiro suhtirore ñehe tuhuriquinape topequinata quehnoa wahari.

15

Masa ñañequina wahagũ yeyere yahuahye Jesu

(Mr 7.1-23)

¹ Sa ye Jerusalẽ cjẽna, fariseo masa, marine judio masare buheyequina

mehna Jesu cahapꝰ wihiye, sinituri tiquirore:

² —¿Duhse ijero boro mari acaye bucꝰna mꝰnapꝰ tiquina dutirire yerajari mꝰhꝰ buheyequina pehe? Tiquina ihyato pano tiquina dutiriro sahata omo coserare, nidi tiquina Jesure.

³ Jesu yꝰhtiri tiquinare:

—¿Duhse yena mari acaye panopꝰ cjēna ye dutiye dihitare yena tana Cohācjū ye dutiye pehere yerajari mꝰsa pehe? ⁴ Ohō saha nine Cohācjū: “Mꝰsa pacꝰsumꝰare ño peoya”, nine. Sa yero “Thcāquiro tiquiro pacꝰsumꝰare ñañene quitidahreriquiro ijero ti buhiri apequina tiquina wejēatiquiro ijirota”, nine Cohācjū. ⁵ Tiquiro sa niepegāta ohō saha ye dutire mꝰsa pehe tiquina pacꝰsumꝰare yedoho dutierana: Tiquina pacꝰsumꝰare ohoborire Cohācjū pehere oho dutire mꝰsa. Sa ni buhemene mꝰsa. ⁶ Sa buhena tiquina pacꝰsumꝰare ño peogū yerare mꝰsa. Mꝰsa sa yena Cohācjū dutiyere yꝰhdꝰdꝰcana nine mꝰsa, mari acaye panopꝰ cjēna ye dutiye dihitare yena. ⁷ Masa tiquina ihñono dihita quehnoano iji mehona ijire mꝰsa. Cohācjū yere yahu mꝰhtariquiro Isaia mꝰsare potota yahu ojoahye panopꝰre:

⁸ Ahriquina masa yꝰhꝰre quehnoano yahuducuepeta yꝰhꝰre ne ño peoerare. ⁹ Sa ye yꝰhꝰre tiquina ñu buheye ne duhseati ijierare. “Cohācjū ye dutiye ijire ahri”, ni meho buhere tiquina ye buheye pehere, ni ojoahye Isaia, nidi Jesu fariseo masare, mari judio masare buheyequina gāhꝰre.

¹⁰ Sa ni tuhasa tiquiro cahapꝰ masare pijio, ohō saha nidi:

¹¹ —Tꝰhoya mꝰsa. Yꝰhꝰ ñiñene quehnoano masiña mꝰsa. Mꝰsa dꝰserire sajāñe pehe mꝰsa ihyaye pehe mꝰsare ñana ijigū yerare. Mꝰsa ñañe yahuducuye pehe mꝰsa dꝰseri wijiaye pehe mꝰsare ñana ijigū yere, nidi Jesu.

¹² Tiquiro sa ni buheri bato usā tiquiro buhena pehe tiquirore yahuu.

—Mꝰhꝰ sa nigū tꝰhoye fariseo masa usuari, ni yahuu usā tiquirore.

¹³ Tire tꝰho, ohō saha ni yꝰhtiri usāre:

—Tiquina fariseo masa taa yero saha ijire. Yꝰhꝰ Pacꝰ hꝰmꝰse cjūno ijipihtiye oteyere tiquiro oterarire nꝰhꝰcori mehnata cure, cohānota. Sata yerota tiquinare. ¹⁴ Tiquinare sa ihñā cāhñā mꝰsa. Tiquina caperi bajueyequina tiquina ihñā masiedaro saha ne Cohācjū yere masiedare. Sa ye pecapꝰ wahaeta. Sa masiedapeta apequina masieñequinare buhe duamedi. Sa ye caperi bajueyequina copepꝰ tiquina boraboriro saha tiquina buhenohriquina gāhꝰ pecapꝰ wahaeta, nidi Jesu.

¹⁵ Tiquiro sa nigū tꝰhoro Pedro nidi:

—Ahri quitire masa tiquina dꝰseri wijiaye quitire yahu nemoña usāre tja, nidi tiquiro Jesure.

¹⁶ Jesu yꝰhtiri:

—¿Ne, yojopꝰ tꝰhoerajari mꝰsa? ¹⁷ Masa ihyayere ihyagū tiquina dꝰseripꝰ sajāre. Sa ye tiquina paapꝰ sajā, yꝰhdꝰa wahare. Ihyo waro ijire. Mari ihyaye marine ñana wahagū yerare. ¿Ahrire masiedajari mꝰsa? ¹⁸ Masa dꝰseripꝰ wijiaye, tiquina yahuducuye pehe tiquina tꝰhotuyepꝰ ahtare. Tiquina yahuducuye pehe ñañe ijero, masare ñañequina ijigū yere. ¹⁹ Ñañe tꝰhotuye, masare wejēñe, apequiro namono mehna ñano yeye, ñano yeye numia mehna ñano yeye, yaqueye, ni mehoñe, masare ñañe quitidahreya masa tꝰhotuyepꝰ ahtare. ²⁰ Ti ñañe pehe masare ñañequina ijigū yere. Sa yepegāta bucꝰna yee tiriro sahata masa omo coserapeta tiquina ihyagū ti masare ñañequina ijigū yerare, nidi Jesu.

*Judio masono ijericoro Jesure
wacū tutuahye
(Mr 7.24-30)*

²¹ Sa ni buhe tuhasa, usāre siho wahari tja. Tiro wame tiri maca cahap_u Sidō wame tiri maca cahap_u esau usā. ²² Usā top_u esagū Canaa yehpa cjo_{no} top_u ijiricoro Jesu cahap_u esa, sañuducuri:

—P_uhto, Davi panami iji turiagu masare y_uhd_uoacj_u, y_uh_ure paja ihñaña m_uh_u. Y_uh_u maco watinore c_uoro, ña y_uhd_uaro y_uhd_uari ticoro, ni sañuducuri ticoro.

²³ Ticoro sa niepegūta Jesu y_uhtierari. Sa yegū ihñana usā tiquiro buhena pehe tiquirore ohō saha nimi.

—Waha dutiya ticorore. Ñano cariboro bisiaga, nimi usā.

²⁴ Usā sa nigū t_uhoro y_uhtiri ticorore:

—Israe masare Cohācj_ure masieñequina —Israe masa usā p_uhto, Cohācj_u tuagu, quehnoagu ijire, ni ño peori tiquina Cohācj_ure.

²⁵ Tiquiro sa niepegūta Jesu dahpocāri cahap_u d_usepe curi mehna quehe sari ticoro.

—P_uhto, yedohoya y_uh_ure, nidi ticoro.

²⁶ Jesu y_uhtiri ticorore.

—Ohō saha ijire ahri: Coā warore w_uh_u up_uro pohne ye ihyayere diayearo oho m_uhtagū quehnoaedare. Israe masa yere ape yehpa cjenare y_uh_u oho m_uhtagū quehnoaedare, nidi Jesu ticorore queoye mehna yahuro.

²⁷ —Sata ijire p_uhto. Sa ijiepegūta diayea g_uh_u w_uh_u up_uro mesa docap_u tiquina ihya site boroyere ihya cohtere tiquina g_uh_u. Ape yehpa cjo y_uh_u ijiepegūta y_uh_u g_uh_ure yedoho masine m_uh_u, ni y_uhtiri ticoro.

²⁸ Ticoro sa nigū tiquiro y_uhtiri:

—Numio, m_uh_u y_uh_ure tutuaro wacū tutuare. M_uh_u cahmeno sahata sa waha_urota, nidi Jesu ticorore.

Tiquiro sa nigūta duita quehnoa wahari ticoro macono.

Peyequina dohatiyequinare y_uhd_ugū yehye Jesu

²⁹ Sa ni tuhasa usāre siho waha, Galilea wame tiri ditara d_uht_u cahap_u siho esari tja. Esa, mehenagū c_un_ure m_uja, t_u buip_u dujiri. ³⁰ Top_u

tiquiro ijigū peyequina masa tini masieñequinare, caperi bajueyequinare, pari yuri wahayequinare, yahuducu masieñequinare, peyequina apequina dohatiyequinare tiquiro cahap_u ne wihiri masa. Ne wihi tuhasa Jesu dahpocāri cahap_u duhu cūri tiquina. Tiquina sa duhu cūri bato quehnoa wahagū yeri Jesu tiquinare. ³¹ Tiquiro sa yegū ihñañe masa ihña maria wahari. Yahuducu masieñequina tiquina yahuducugū ihñañe, pari yuri wahayequina tiquina quehnoa wahagū ihñañe, tini masieñequina tiquina tinigū ihñañe, caperi bajueyequina tiquina ihñagū ihñañe, ihña maria wahari tiquina. Sa ye ohō saha nidi:

Cuatro mil masare ihyayere ohoahye Jesu (Mr 8.1-10)

³² Tiquiro sa yeri bato Jesu usāre tiquiro buhenare ohō saha nidi:

—Ahriquina masa y_uh_u mehna ihtia deco waro iji tuhasare. Sa ye pohe mariedare tiquinare. Pohe mariedagū ihñagu tiquinare paja ihñaja. “Tiquina _uja ahbayequina, mahap_u borari”, nig_u tiquinare ihyaye marieno tiquina ye w_uh_usep_u waha duti d_ueraja. Sa yeg_u tiquinare pohe oho duaja, nidi tiquiro.

³³ Tiquiro sa nigū usā tiquiro buhena tiquirore sinituu:

—¿D_uhse mari ohōre masa marienop_ure p_ure boca ohoboagari mari? ni_u usā tiquirore.

³⁴ —¿Nohope paca p_u pacare c_uoajari m_usa? nidi.

—Siete p_u pacare, meheñequinagā wahire c_uoaja, ni y_uhtii usā.

³⁵ Usā sa nigū tiquiro masare yehpap_u duji dutiri. ³⁶ Tuhasa siete p_u pacare, wahigā g_uh_ure ne, Cohācj_ure “Quehnoare”, nidi. Sa ninota p_u pacare nuha, usāre tiquiro buhenare ohori. Sa yena usā pehe ti ihyayere masare itii. ³⁷ Sa ye masa tire ihya,

yapi yuhduu wahari. Tiquina yapi wehorire siete puhuse waro ne cahmecoa, wahpo dapou usã. ³⁸ Topu ihyariquinare umua dihitare queogũ cuatro mil waro umua ijiri. Numia, macanagã gũhu ijiri. ³⁹ Tiquina sa ihya tuhasagũ Jesu masare waha duti, yucasapu sajã, Magadán wame tiri yehrapu usãre siho esari.

16

Fariseo masa, saduceo masa gũhu Cohãcjũ tutuaye mehna ye ihñogũ ihña duamahye

(Mr 8.11-13; Lc 12.54-56)

¹ Sa ye fariseo masa, saduceo masa mehna Jesu cahapu wihiri. Tiquiro ñano yegũ ihña duamedi tiquirore yahusã duaye. Sa ye tiquina tiquirore Cohãcjũ tutuaye mehna ye ihño dutimedi tiquiro masiedagũ ihña duaye, “Cohãcjũ ohoriquiro ijierare”, ni duaye. ² Tiquina sa ye dutigũ Jesu yuhtiri tiquinare:

—Ñamicahapu umuano sohãgũ ihñana “Quehnoari ñami ijirota”, nine musa. ³ Sa yena bohrearo umuano sohãgũ, ñicuri deco ijigũ ihñana “Acoro ahtarota”, nine musa. Sa quehnoano masiepenata Cohãcjũ tutuaye mehna musare yuhu ye ihñogũ ihñaepenata ne tire quehnoano masiedare musa. ⁴ Yojopu cjëna ña yuhduyequina Cohãcjũre ño peo dueyequina Cohãcjũ tutuaye mehna ye ihñogũ ihña duamene. Ye ihñosi yuhu. Cohãcjũ yere yahu muhtariquiro Jona tiquiro dahse waharire masi tuhasare musa. Ti dihitare ihñoutja musare, ni yuhtiri Jesu.

Sa ni yahu tuhasa siho wahaa wahari tja.

Fariseo masa saduceo masa tiquina ñahe buheyere yahuahye Jesu
(Mr 8.14-21)

⁵ Ditarare usã pehãna, pãre bo cũ cã, pehã tari jii usã. ⁶ Sa yero Jesu usãre yahuri:

—Quehnoano yeya. Fariseo masa, saduceo masa tiquina ye pã pugũ

yeyere ihñana quehnoano yeya. Cuarĩne ti, ni yahuri.

⁷ Tiquiro sa nigũ tuhona tuhomasiedana, usã basi tire yahuducuu:

—Mari pãre mari ne cãhtaeragũ ihñano sa niaga ahriquiro, nimi usã basi.

⁸ Usã sa nidire masino, usãre sinituri:

—¿Duhseña musa pã borire wacũajari musa? Mehenogã waro yuhure wacũ tutuare musa. ⁹ ¿Yojopu masiedajari musa? ¿Cinco mil umuare ihcã omope pã pacare yuhu nuha ohorire, numia gũhure yuhu ohorire wacũedagari musa? ¿Nohope puhuse waro musa ne cahmecoa wahpo daporire wacũedagari musa? ¹⁰ ¿Sa yegu siete pã pacare nuha, cuatro mil umuare yuhu ohorire, numia gũhure yuhu ohorire wacũedagari musa? ¿Nohope puhuse waro musa ne cahmecoa wahpo daporire wacũedagari musa? ¹¹ ¿Sa yena pã pugũ yeyere yuhu yahugũ dahse yena quehnoano tãhoerajari musa? Sa nigũ pã warore nigũ niedaja. Fariseo masa, saduceo masa tiquina pã pugũ yeyere ihñana quehnoano yeya. Cuarĩne ti, ni yahuri usãre tiquiro.

¹² Tiquiro sa ni yahugũpu usã masii. “Pã pugũ yeye”, nino pã warore nino niedari. Sa nino fariseo masa, saduceo masa tiquina buheyere nino nidi. “Tiquina ye buheyere tãhoeracãhña”, nino nidi.

Jesu poto Cristo tiquiro ijyere Cohãcjũ ohoriquiro tiquiro ijyere yahuahye Pedro

(Mr 8.27-30; Lc 9.18-21)

¹³ Sa ye Jesu mehna wahana, Cesarea Filipino wame tiri maca cahapu ijiye macaripu esau usã. Sa yero macapu sajã sari bato Jesu usãre tiquiro buhenare sinituri:

—¿Noa boro ijiagari yuhu, masa yuhure tiquina tãhotugũ? ni sinituri tiquiro.

¹⁴ —“Ñu wame yeriquiro ijire”, nine muhure. Apequina “Elia ijire”, nine. Apequina “Jeremia ijiboaga o apequiro Cohãcjũ yere

yahu mahtariquina mehna cĵano munano ijiĵoaga”, nine, ni yahtii usã tiquirore.

¹⁵ —¿Musa pehe musa tãhotugũ noa boro ijiagari yahu? ni, sinituri tiquiro.

¹⁶ Simo Pedro yahtiri:

—Muhu Cristo Cohãcjũ ohorigu ijire. Cohãcjũ catiriquiro waro macu ijire muhu, ni yahtiri Simo Pedro.

¹⁷ —Simo Ñu macu muhu bucuegu ijire. Ohõ saha ni muhu yuhare yahtiyeh masa tiquina yahuri ijierare. Yuhu Pacu umuse cĵano pehe tire muhare masigũ yeri. ¹⁸ Muhare niita niaja. Muhu Pedro wame tigu ijire. (Pedro nino utã nino nine.) Ahri utã paa bui tutuari wuhare yuhu yeboriro saha yeequina pehere wacũ tutu-ayequina ijigũ yeitja yuhu. Sa ye yeequina ne pecapu wahasi. ¹⁹ Umuse cĵano mari puhtoro ijiro cã sawire muhare ohoutja. Sa yegu ahri yehpare muhu ye dutieragũ umusepu gũhare ye dutisi. Ahri yehpare muhu ye dutigũ umusepu gũhare ye dutiye ijieti, nidi Jesu.

²⁰ Tiquiro sa nidi bato usãre tiquiro buhenare ohõ saha nidi:

—Yuhare “Cristo ijire tiquiro”, ni yahu sitenedacãhãa apequinare, ni, dutiri usãre.

Jesu tiquiro yaria masa wijiatire yahuahye

(Mr 8.31–9.1; Lc 9.22-27)

²¹ Ti pjeta Jesu usãre tiquiro buhenare quehnoano yahu peho ducari:

—Jerusalẽpu yuhare waharo cahmene yojopure. Topu judio masa mari bucuna, mari pahia puhtoa, marine judio masare buheyequina gũhu yuhare ñano yeeta. Yuhare wejẽeta. Sata ñano yuhdaro cahmene yuhare. Sa yegu ihtia deco wahaboro masa wijiaĵata, ni yahuri usãre tiquiro.

²² Tiquiro sa nigũ tãhoro Pedro pehe ape sie cĵunogã Jesure ne saduca, tiquirore ohõ saha nidi:

—Puhto, muhu nino saha sa wahaeracãhdo. Muhare tiquina wejẽdacãhdo, nimesi tiquiro Jesure.

²³ Tiquiro sa nigũ tãhoro Jesu majareduca, tiquirore ohõ saha nidi:

—Satana yero saha yahuducugu nine muhu. Sa niedacãhãa. Muhu tãhotuye masa ye ijire. Cohãcjũ ye ijierare. Sa yegu yuhu yeatire cahmota duare muhu, nidi Jesu Pedore.

²⁴ Tiquiro sa nidi bato usãre yahuri:

—Ihcãquiro yaquiro iji duaro, tiquiro cahmeno ye duamedire duhu cãnota. Sa yero yaquiro tiquiro ijiri buhiri ñano yuhduperota yuhare duhusi. Sa yero yeere yeducuriquiro ijirota. ²⁵ Masano yuhare wacũno marieno tiquiro esa tuharo tiquiro cahmeno sahata yero, pecapu waharota. Sa yero yeere masano sa yeducuriquiro ijipihtiyeh decori yuhu mehna umusepu ijirota tiquiro.

²⁶ ¿Ihcãquiro masano ahri yehpa cĵene ijipihtiyeh cõriquiro Cohãcjũre cahmedaro pecapu waharo, yabere wapatajari tiquiro? Sa ijiriquiro ne wapataerare. Pecapu tiquiro jeripohna wahagũ ne dũhse wapa ye wioro basioerare. ²⁷ Yuhu masu Cohãcjũ ohorigu yeequina angele mehna ahri yehpapu tojoa tagu yuhu Pacu asi siteye mehna tojoa tagu ijipihtiyequina masare tiquina ñaãe yeri buhiri buhiri dahreitja. Tiquina quehnoaãe pehere yegũ quehnoano yeitja tiquinare. ²⁸ Ijirota musare yahutja. Ihquẽquina musa ohõpore ijina musa yariato pano yuhare yuhu puhto sajãgũ ihãanata, ni yahuri Jesu.

17

Jesu tiquiro pagure comesahye

(Mr 9.2-13; Lc 9.28-36)

¹ Sa ye seis decori bato Jesu Pedore, Santiagore tiquiro baharo Ñu gũhare umuanu cunapu tiquina dihitare piji mujari. ² Umuanoru tiquina esari bato tiquina ihõonoru tiquiro pagure comesahye. Tiquiro wãhdoa asũ deco cĵano yero saha asi siteahye. Sa yero tiquiro suhtiro

buhriero yero saha yehsero wahahye. ³ Sa ye Jesu Moise m̄n̄n̄ano, Elia m̄n̄n̄ano mehna tiquina yahuducugã ihñahye tiquina ihtiaro buheyequina. ⁴ Sa yero Pedro Jesure nimahye:

—Pũhto, mari ohõpũ ijigũ quehnoa duare. Mũhũ cahmegũ ihtia wũhũgã yeitja. Mũhũ ya wũhũgã, Moise ya wũhũgã, Elia ya wũhũgã yeitja, nimahye tiquiro.

⁵ Tiquiro sa ni yahuducuri watoa ehmeo quehnoano asiye ehmeo tiquinare cahmotahye. Sa wahagũ ehmeo watoapũ yahuducuye bisiro ca tahye.

—Ahriquiro yũhũ macũ yũhũ cahñiquiro ijire. Tiquiro mehna bucueaja. Tiquirore tũhoya, ni yahuducuro ca tahye.

⁶ Sa nigũ tũhoye tiquiro buheyequina tũho maria waha, yehpapũ doque quehe sahye. ⁷ Tiquina sa wahari bato Jesu tiquina cahapũ esa, tiquinare buacarero, ohõ saha ni ahye:

—Wahcãdũcaya m̄sa. Yojopũre m̄sa ihñarire, m̄sa tũhori gũhũre cueracãhña, niahye tiquiro tiquinare.

⁸ Tiquiro sa nigũ tiquina ihña wahcõ, Jesu dihitaro ihñahye. Tiquina ihñariquina pehe mariedahye.

⁹ Sa ye cũnũpũ tiquina dijia tagũ Jesu tiquinare tutuaro mehna ni ahye:

—Mianogãta yũhũ sa waharire apequinare yahueracãhña. Yũhũ masũ Cohãcjũ ohorigũ yũhũ yaria masa wi-jiari batopũ tire apequinare yahuya m̄sa, niahye Jesu.

¹⁰ Tiquiro sa nidi bato Pedro gũhũ tiquirore sinituahye:

—“Cristo masare yũhdũoatiquiro tiquiro ahtato pano Eliare ahta mũhtano cahmene”, nine marine judio masa buheyequina. ¿Dũhse ijiro boro sa niajari tiquina? ni sinituahye tiquina tiquirore.

¹¹ Jesu yũhtiahye:

—Potota ijire. Eliare ahta mũhta dutiri Cohãcjũ, ijipihtiyere quehno

mũhtatiquirore. ¹² Ohõ saha nigũ masare nigũ niaja. Elia wihi tuhasari. Tiquiro sa wihiepegãta tiquina tiquirore ne ihña masiedari. Sa ye tiquina dũhse ye duaro yeri jiri tiquirore. Sata yeeta yũhũ gũhũre. Yũhũ masũ Cohãcjũ ohorigũ ijiaja. Tiquina sa yegũ ñano yũhdũgũtja yũhũ, niahye Jesu.

¹³ Tiquiro sa ni yahugũ tiquina quehnoano tũhoahye. “Elia”, nino, Ñũ wame yeriquirore nino niahye. Tire masiahye tiquina.

Jesu watĩnore cũoriquirore yũhdũoahye (Mr 9.14-29; Lc 9.37-43)

¹⁴ Sa ye peyequina masa cahapũ tiquina dijia tagũ ihñano ihcãquiro m̄m̄no Jesu cahapũ esa, dũsepe curi mehna quehe sari.

¹⁵ —Pũhto, yũhũ macũre paja ihñaña. Tiquiro ñama yariayere dohatiriquiro ijire. Sa yero ña yũhdũaro yũhdũare. Peye tahari pecapũ bora sa quehea mũjare tiquiro. Ihquẽ tahari diapũ bora ñojoa mũjare. ¹⁶ Sa yegũ mũhũ buheyequina cahapũ tiquirore ne sami. Tiquina tiquirore yũhdũo masiedari, nidi tiquiro Jesure.

¹⁷ Jesu yũhtiri:

—Yojopũ cjãna, ñana ijire m̄sa. Yũhũre ne wacũ tutuerare. Yoa yũhdũari pje m̄sare buhemi yũhũ. ¿Noho puno yoari pje yũhũre m̄sa cariboajari? Tiquirore ne cãhtaya yũhũre, nidi Jesu.

¹⁸ Sa yero watĩnore tiquiro tuhtigũta watĩno pehe masũno mehna ijiriquiro wahaa wahari. Sa wahari batogãta quehnoa wahari tiquiro.

¹⁹ Came usã tiquiro buhena usã sehsaro ijina Jesure sinituu:

—¿Dũhsena usã pehe ahriquiro pehere watĩnore cohã masiedari, mũhũ tũhotugũ? ni sinituu usã.

²⁰ Jesu yũhtiri:

—Yũhũre mehenogã wacũ tutuare m̄sa. Poto m̄sare yahugũta niaja. Mostaza capegã meheni pjegã ijire. Ti yero saha Cohãcjũre mehenogã

musa wacū tutuana ohō saha wahagū ye masinata musa. Ahdu cunure “Sohōpū wahaya”, musa nigū, waharota. Cohācjūre sata wacū tutuana, ijipihiyere ye masine musa. [²¹ Sa ijiepegūta ahriquiuro boro watīnore musa cohā duana Cohācjūre tutuaro sinino cahmene musare. Sa ye duana sijiro cahmene musare Cohācjūre sinina tana,] nidi Jesu usāre.

Pari turi Jesu tiquiro yaria masa wijiatiye yahuahye

(Mr 9.30-32; Lc 9.43-45)

²² Sa ye Galilea yehpapū usā tinigū, Jesu usāre yahuri:

—Yūhū masū Cohācjū ohorigū iji-aja. Masa yūhūre ñehe, apequinapūre yūhūre ohoeta. ²³ Sa tiquina ohori bato yūhūre wejēeta. Sa tiquina wejēgū ihtia deco wahaboro masa wi-jiagūta, ni yahuri tiquiro usāre.

Tiquiro sa ni yahugū tutuaro bujūa witiū usā.

Cohācjū wūhū cjē wapare sinitu-ahye apequina

²⁴ Sa yena Capernaupū sajā sagū, Cohācjū wūhū cjē ijiatiye wapa ne cohteyequina Pedro cahapū esa, tiquirore sinituahye.

—¿Musare buheriquiro Cohācjū wūhū cjē wapa ijiatiye wapa yeajari tiquiro? ni sinituahye tiquina.

²⁵ —Wapa yere tiquiro, ni yūhtiahye Pedro.

Tiquiro sa nidi bato wūhapū tiquiro sajāgū Jesu sinitu mahtahye Pedore:

—¿Simo dūhse ni tūhotuajari mūhū? ¿Ahri yehpa cjēna pūhtoā yabequina pehere wapa neajari, mūhū tūhotugū? ¿Tiquina mehna cjēnare wapa neajari? ¿O ape yehpa cjēna pehere wapa neajari, mūhū tūhotugū? ni sinituahye tiquiro Pedore.

²⁶ —Ape yehpa cjēna pehere wapa nene, ni yūhtiahye Pedro.

Tiquiro sa nigū Jesu yahuahye:

—Sa yero pūhtoro tiquiro ya yehpa cjēnare wapa nedari. ²⁷ Sa ijiepegūta wapa ne cohteyequinare usuagū ye dueraja mari. Sa yena wapa

yenata. Ditarapū wahaya. Topū esa, yohyeri dare doque ñoña. Sa yegū wahi mūhūre ihyariquiore weje nūoña. Tiquiro dūseropū niñeru cjoere bocagūta mūhū. Ti cjoe queoro wapa tiri cjoe ijirota. Yūhūre, mūhū gūhūre Cohācjū wūhū cjēna tiquina wapa negū quehnoano queoro esa tuharota ti cjoe. Ti cjoere bocagū mari wapamonore wapa yegū wahaya, niahye Jesu Pedore.

18

Jesu buheyequina tiquina mehna cjūnore pūhto sō duamahye

(Mr 9.33-37; Lc 9.46-48)

¹ Ti pjere usā tiquiro buhena Jesu cahapū esa, sinituu tiquirore:

—¿Uhmūse cjūno pūhtoro ijiropūre usā mehna cjūno noa wahaboagari pūhtoro? ni sinituu usā.

² Usā sa nigū Jesu nijinogāre pijio, tiquirogāre usā caha duhu docori. Duhu doco tuhasa, usāre nidi:

³ —Poto musare yahugūta. Ahriquina macanagā Cohācjūre tiquina pūhtoro waro tūhoture. Sa yena musa gūhū tiquina yero saha tūhotuna, quehnoañene comesana, uhmūse cjūno pūhtoro ijiropūre wahanata. Tiquina yero saha tūhotuerana pūhtoro tiquiro ijiropūre wahasi musa. ⁴ Sa yero uhmūse cjūno pūhtoro ijiropūre sa tūhotu cāriquiuro ahriquiuro nijinogā yero saha tūhoturiquiurota apequina bui pūhtoro wahare. ⁵ Sa yena yeere yena tana ohō saha ijieyequinagāre cahmena, yūhū gūhūre cahmene musa, ni yahuri Jesu.

Ñañene yegū cuarīne

(Mr 9.42-48; Lc 17.1-2)

⁶ Sa yero tiquinare yahu nemori:

—Ahriquiogā yero saha ijiriquiro yūhūre wacū tutuariquiogāre yahutja musare. Apequiuro ahriquiogā yero saha ijiriquirore ñañene ye dutiro tiquiro ña yūhdūaro yūhdūrota. Tiquiro wamūare pajiria utāre dūhte yo, pajiri mapū tiquirore cohāgū ñano wahaboaga tiquiro. Sa ijiepegūta

ahriquirrogã yero saha ijiriquirore ñañene ye dutiriquiro tiquiro pehe pajiri mapu tiquina cohãriquiru yuhduoro ñano yuhdurota. ⁷ Masare ñañene yegũ yeye ijire. Tire yeye ahri yehpa cjẽna ñano yuhdare. Ñañene yeducure masa. Tiquina sa yegũ tiquinare ñañene yegũ yeyequina pehe ña yuhduaro yuhdueta.

⁸ Mũhũ omoca mehna ñano yegu ti omocare mũhũ dũte cohãboro saha ti ñañene duhuya. Tire duhueragu pecapu wahagũta. Topũre ne peca yatierare. Mũhũ omocare mũhũ cohãgũ ti si dihita butiboaga. Sa yegu mũhũ pehe sa bajuri turu ijiepegũta came Cohãcjũ mehna ijigũta. Pũa omoca mehna pecapu wahagu mũhũ sa wahagũ ña yuhduaboaga. Sa yegu ti ñañene duhuya. Mũhũ dahpocã mehna ñano yegu ti dahpocã gũhũre mũhũ dũte cohãboro saha ti ñañene duhuya. Tire duhueragu pecapu wahagũta. Topũre ne peca yatierare. Mũhũ dahpocãre mũhũ cohãgũ ti si dihita butiboaga. Sa yegu sa bajuri turu ijiepegũta came Cohãcjũ mehna ijigũta. Pũa dahpocã mehna pecapu wahagu mũhũ sa wahagũ ña yuhduaboaga. Sa yegu ti ñañene duhuya. ⁹ Mũhũ capea mehna ñano yegu tiare ore we mũhũ cohãboro saha ti ñañene duhuya. Tire duhueragu pecapu wahagũta. Topũre ne peca yatierare. Tiare mũhũ cohãgũ tia dihita butiboaga. Ihcã pehe capea mariedapegũta came Cohãcjũ mehna ijigũta. Pũa capea mehna pecapu wahagu mũhũ sa wahagũ ña yuhduaboaga. Sa yegu ti ñañene duhuya, ni yahuri Jesu.

Oveja butiriquiro queoyere yahuahye Jesu

(Lc 15.3-7)

¹⁰ Sa ni tuhasa ohõ saha ni yahu nemori:

—Ne, ahriquinagãre macanagãre ihña tuhtieracãhña. Mũsare niita ni-aja yuhũ. Tiquinagã yeequina angele tiquinagãre cohteyequina uhmũsepũ ijiequina pehe yuhũ Pacũ cahapu sa ijiducure. [¹¹ Yuhũ masũ Cohãcjũ

ohorigũ ahri yehpau pecapu waha- boriquinare yuhduogu tũũ nii yuhũ,] ni yahuri Jesu.

¹² Sa ni tuhasa tiquiro tũhotuye mehna ohõ saha ni queoye mehna buheri usãre.

—Ovejare cohteriquiro cien ovejare cãoriquiro ihcãquiro oveja butia wahagũ ohõ saha yerota tiquinare cohteriquiro pehe. Apequina ovejare noventa y nueve ovejare tiquina ihyaropũ duhu doco, butiriquirore macano waharota. ¹³ Ijirota nii ni-aja mũsare. Tiquirore bocaro bucuero tiquiro. Apequina noventa y nueve dahsayequina mehna bucuero tiquiro. Tiquinare tiquiro bucuero yuhduoro butiriquiro pehere bocaro tutuaro bucuero. ¹⁴ Sata mari Pacũ uhmũse cjãno ahriquina ihyo ijiequina gũhũre pecapu tiquina wahagũ cahmedare, ni yahuri Jesu.

Mũhũ acayũro mũhũre ñano yegũ ohõ saha ye dutiahye Jesu

(Lc 17.3)

¹⁵ Sa ni tuhasa ohõ saha ni yahu nemori:

—Mũhũ acayũro mũhũre ñano tiquiro yegũ tiquiro mehna yahugũ wahaya. Mũsa sehsaro tire yahuya. Mũhũ sa yegũ tiquiro mũhũre tũhoboaga. Tiquiro tũhogũ “Mũhũre ne pari turi ohõ saha yesi yuhũ”, tiquiro nigũ mũhũ acayũrore pari turi piti tigu niaga mũhũ. ¹⁶ Mũhũre tiquiro tũho dueragũ pũrita ihcãquiro mehna waha duagu o pũaro mehna waha duagu tiquinare piti ti cã, pari turi tiquirore yahuna wahaya. Mũsa sa yena pũana o ihtiana tiquirore mũsa yahusãgũ, “Poto tjire”, ni masieta apequina. ¹⁷ Sa yena mũhũ mehna cjẽna gũhũre tiquiro tũho dueragũ ijipihtiequina Jesu yequina cahmecoãnequinare yahusãna wahaya. Sa yena Jesu yequina cahmecoãnequinare tiquiro tũho dueragũ ihñana Cohãcjũre ño peo dueriquiro tiquiro ijiro saha yeya tiquirore. Wapa ne cohteriquiro tiquiro ijiro saha yeya tiquirore.

18 'Ijirota musare niita niaja. Ahri yehparu musa Jesu yequina ñañene musa ye dutieragũ umusepu gũhare ye dutisi. Ahri yehparu musa quehnoañene ye dutigũ umusepu gũhare ye dutiye ijirota.

19 'Pari turi musare yahutja ahrire: Musa pũana Cohãcjũre sinigũ, musa pũana musa sinidire ihcãno saha musa tũhotugũ yũhũ Pacũ umusecjũno tire yerota. 20 Pũaro o ihtiaro yeequina, yeere yeatiquina tiquina cahmecoagũ yũhũ tiquina mehna ijiaja, ni yahuri Jesu.

Cahacjũno apequiro tiquiro wapamonore tiquiro bo duerari quitire yahuahye Jesu

21 Came Pedro Jesu cahapu esa, sinituri:

—¿Pũhto, yũhũ acayũro mũhũ yaquiro peye tahari yũhare ñano tiquiro yegũ ihñagu nohope tahari tire bogũtari yũhũ? ¿Siete tahari bogũtari yũhũ? ni sinituri Pedro.

22 Jesu yũhtiri:

—Siete taharita mũhũre apequiro ñano yerire mũhũ bogũ to wahaerare. Peye tahari mũhũre ñano tiquiro yegũ gũhare boya.

23 'Umusecjũno masa pũhoro tiquiro ijiye ahri queoye yero saha ijire. Ijipihtiequina masa pũhoro tiquiro cahacjũnare tiquirore wapamoñequinare wapa ye peho duti duamahye. 24 Tiquina wapamori tiquiro queo dũcagũ, tiquirore dahra cohteyequina pehe pajiro wapamori tiquiro cahapu ne cãhtahye. Wapamori pajiro yũhũaro wapamoahye tiquiro pũhoro. 25 Sa yero tiquiro wapa ye masiedagũ tiquiro pũhoro tiquirore, tiquiro namonore, tiquiro pohnene cahacjũna sũ, tiquinare apequinare dua dutimahye. Sa ye ijipihtie tiquiro cũoye gũhare dua dutimahye, tiquiro wapamonore wapa ye peho dutiro. 26 Tiquiro sa dua dutigũ pajiro wapamori pehe dũsepe curi mehna quehe sa, tiquiro pũhoro tutuaro siniahye: “Pũhto, yũhare paja

ihñagu cohteniña. Mũhare wapa ye pehoutja”, niahye tiquiro pũhoro. 27 Tiquiro sa nigũ tũhoro, tiquirore paja ihñano tiquiro wapamonore sata bo cãhye.

28 Tiquiro sa yeri bato wapamori tiquiro pehe waha, apequiro cahacjũnare tiquirore mehenogã wapamori tiquirore boca sahye. Sa boca saro wamũa ñeheahye tiquirore. “Yũhare mũhũ wapamonore wapa ye pehoya”, niahye tiquiro mehna cjũnare tiquiro yero saha ijiri tiquirore cahacjũnare. 29 Tiquiro sa nigũ apequiro cahacjũno pehe dũsepe curi mehna quehe sa, tiquirore tutuaro siniahye. “Yũhare paja ihñagu mehenogã cohteniña. Mũhare wapa ye pehoutja”, niahye apequiro cahacjũno tiquirore. 30 Tiquiro sa ni siniepegũta yũhtierahye. Sa yero tiquiro apequiro cahacjũnare peresu ye dutiahye. Tee tiquiro wapa ye pehogũpu wioro taro niahye tiquirore. 31 Pajiro wapamori tiquiro mehenogã wapamori tiquiro sa yegũ ihña, usua, apequina cahacjũna pehe tiquina pũhoro yahusãne wahahye. 32 Tiquina sa ni yahusãgũ tũhoro tiquina pũhoro tiquina yahusãri tiquirore pijio, ohũ saha niahye: “Mũhũ ña yũhũagu ijire. Mũhũ yũhare tutuaro sinigũ mũhũ wapamonore bo pehomi yũhũ. 33 Mũhare yũhũ sa yepegũta mũhũ pehe mũhũre wapamori tiquirore boerañohiti. Mũhũ wapamono pehere yũhũ boriro sahta tiquiro mũhũre wapamono gũhare mũhũ bogũ quehnoa yũhũaboaga. ¿Dũhsegu tiquirore paja ihñedari mũhũ, sa yegũ?” niahye pũhoro tiquirore. 34 Sa nino tutuaro usua, peresu yehye tiquiro cahacjũnare. Tee tiquiro wapa ye pehogũpu wioro taro niahye, ni yahuri Jesu.

35 Sa yero ohũ saha ni ahri quitire yahu bato tiri:

—Sata yerota yũhũ Pacũ umusecjũno musare. Musa ijipihtina musa acaye musare tiquina ñano yerire

quehnoano m̄sa bo pehoeragū tiquiro m̄sare buhiri dahrerota, nidi Jesu.

19

Tiquina namosānumiare cohāñene yahuahye Jesu

(Mr 10.1-12; Lc 16.18)

¹ Tire tiquiro sa ni yahuri bato tiquiro Galileap̄ ijiriquiro Judea yehpap̄ us̄are siho wahari. Jordā wame tiri ma ape sie pahrēp̄ esau us̄ā. ² Top̄ us̄ā wahagū peyequina masa us̄are n̄n̄ tā cāri. Tiquina mehna cjēnare dohatiyequinare ȳhd̄gū yeri tiquiro.

³ Sa ye ihquēquina fariseo masa Jesure yahusā duaye, ñano tiquiro yahuducugū t̄ho duaye, tiquirore sinituri:

—¿Mari namosānumiare cohāgū quehnoaboagari? ¿Mari dutiye pehe sata ye dutiagari, m̄h̄ t̄hotugū? ni sinituri tiquina.

⁴ Jesu ȳhtiri:

—¿Cohācjū yere tiquina ojoari p̄p̄ ne ahrire buherari m̄sa? Ohō saha ni ojoahye: “Coā warop̄are ahri yehpare bajumehnediquiro um̄no, numino ḡh̄are yeahye”, ni ojoahye. ⁵ Sa yero ohō saha ni ojoa nemoahye: “Sa yero um̄no tiquiro pacusum̄are cohā wijia, tiquiro namono mehna ijirota. Sa ye tiquina p̄aro ijiepetā ihcā paḡ yero saha ijire. ⁶ Sa ye tiquina p̄aro yero saha ijierare. Ihcā paḡ yero saha ijiye nine. Cohācjū tiquiro omoca d̄hte dutiyequina ijire. Sa ye tiquinare cahme duhueraro cahmene”, ni ojoahye, nidi Jesu tiquinare.

⁷ Tiquiro sa nigū fariseo masa sinituri tja:

—M̄h̄ ohō saha ni yahuepegūta ohō saha ni ojoahye Moise pehe: “M̄h̄ namonore cohā duaḡ p̄pera p̄re tire ojoaya. Sa ojoaḡ ti p̄re m̄h̄ namonore m̄h̄ ohori bato ticorore cohā masine m̄h̄”, ni ojoahye Moise. ¿M̄h̄ nino saha ijiepegūta Moise pehe d̄hsero ohō

saha ni ojoayari? ni ȳhtiri tiquina tiquirore.

⁸ Jesu ȳhti cahmedi tiquinare:

—Cohācjūre m̄sa ñecusum̄a panop̄ cjēna tiquina t̄ho dueragū ihñano tiquina namosānumiare tiquina cohāgū, “Sata wahacūnahdo”, niahye Moise. Tiquiro sa niepegūta coā warop̄are ahri yehpare sa ijierari. ⁹ M̄sare niita niaja. Mas̄no tiquiro namono ticoro ñano yerapegūta ticorore cohāno, apecorore namo tiro, tiquiro apecoro mehna ñano yero nine. [Sa yero ahriquirō cohāricorore namo tiriquirō ḡh̄ ticoro mehna ñano yeriquirō ijire,] nidi Jesu.

¹⁰ Tiquina sa nigū t̄hona, us̄ā tiquiro buhena pehe tiquirore ohō saha nii:

—Sata um̄no tiquiro namono mehna tiquina cahme cohāedagū mari pehere mari namo tieragū quehnoaboaga, nii us̄ā.

¹¹ Jesu ȳhtiri:

—Ihquēquinareta namo ti dutierare Cohācjū. Tiquiro namo ti dutiriquina dihita namo tieta. ¹² Um̄are namo ti dutieraye ihquēgā ijire. Ihquēquina um̄a numiare cahmeeñequina masa bajuare. Apequina um̄a masa tiquina apēni t̄ho tiquina weriquina pehe namo ti masiedare. Apequina um̄a um̄use cjāno tiquina p̄htoro yere yedoho duaye, namo tierare. Sa ye ahriquina namo ti dueyequina sata t̄hotu cāhñequina, sata tiquina sohtori tigū quehnoare, nidi Jesu us̄are.

Macanagā ye ijiatire Cohācjūre sini basahye Jesu

(Mr 10.13-16; Lc 18.15-17)

¹³ Sa ye masa macanagāre Jesu cahap̄ ne wihiri. Sa ne wihiye, tiquina Jesure tiquiro omocare tiquinagā bui ña peo duti duamedi. Sa ye tiquinagāre Cohācjūre sini basa duti duamedi Jesure. Tiquina sa yegū ihñana us̄ā tiquiro buhena tiquinare tuhtimi. ¹⁴ Us̄ā sa tuhtigū ihñano, us̄are Jesu ohō saha nidi:

—Macanagã yuhũ cahapũ ah-taahro. “Waharĩsa”, niedacãhña tiquinagãre. Tiquinagã Cohãcjũre tiquina pũhtoro tũhoture. Sa ye tiquiro uhmũse cjũno pũhtoro ijiropũ ahriquinagã yero saha tũhotuyequina ijire topũre, nidi Jesu usãre.

¹⁵ Sa ninota tiquiro omocare tiquinagã bui ña peo tuhasa, wahaa wahari.

*Doeri cjẽ upũro Jesure sinituahye
(Mr 10.17-31; Lc 18.18-30)*

¹⁶ Tiquiro sa yeri bato ihcãquiro Jesu cahapũ wihi, sinituri tiquirore:

—¿Ne quehnoagũ buhegũ, ijip-ihtiyere decori Cohãcjũ mehna iji duagũ, quehnoañene ye duagũ dũhse yeboagari yuhũ? nidi tiquiro.

¹⁷ —¿Dũhse ijiro boro yuhũre quehnoañene sinituajari mũhũ? Cohãcjũ dihita quehnoariquiro ijire. Ijipihtiyere decori Cohãcjũ mehna iji duagũ tiquiro dutiyere yeya, nidi Jesu.

¹⁸ —¿Dise boro dutiyere pehere nigu niajari? ni sinitu nemori tiquiro.

Jesu yũhtiri:

—Masare wejẽdacãhña. Wũana tieracãhña. Yaqueracãhña. Ni mehoedacãhña. ¹⁹ Mũhũ pacũsumũare ño peoya. Mũhũ basi mũhũ cahĩno saha mũhũ cahapũ ijiriquiro gũhũre cahĩña. Ahri dutiyere yero cahmene, nidi Jesu.

²⁰ —Ahri dutiyere ne yuhũdũcaera tii yuhũ. ¿Dũhse ye nemoagari yuhũ ijipihtiyere decori Cohãcjũ mehna iji duagũ? nidi tiquiro Jesure.

²¹ Tiquiro sa nigũ tũhoro Jesu yahu nemori:

—Mũhũ ñañe mariegũ iji duagũ mũhũ ye ijipihtiyere duagũ wahaya. Sa duagũ ijipihtiyere mũhũ wapatarari niñerure pejecũoyequinare ohoya. Mũhũ sa yegũ pajiro mũhũ ye uhmũsepũ, Cohãcjũ cahapũ ijirota. Mũhũ sa yeri bato yuhũ mehna cjũ ijigũ ahtaya, ni yahuri Jesu.

²² Tiquiro sa nigũ tũhoro tutuaro bujũa witiri. Tiquiro doeri cjẽ upũro ijipihtiyere cũoriquiro ijiri. Sa yero

Jesu yahugũ tũhoro tutuaro bujũa witiri. Pejecũoyequinare oho dueraro wahaa wahari.

²³ Tiquiro sa wahari bato Jesu usãre tiquiro buhenare yahu nemori:

—Ijirota mũsare niita niaja. Doeri cjẽ upũro Cohãcjũ pũhtoro ijiropũre tiquirore waharo basioera cjũre. ²⁴ Mũsare yahu nemoutja:

Camello pehe awia copepũ tiquiro sajã duagũ basioerare tiquirore. Tiquiro sa ijiro yuhũdũoro doeri cjẽ upũro Cohãcjũre cahmedaro, Cohãcjũ pũhtoro ijiropũre waharo basioerare, nidi tiquiro.

²⁵ Tiquiro sa nigũ tũhona usã tũho maria waha, usã basi ohõ saha nii:

—Aa, dũhse tiquiro nino sahata ijigũ, ne ihcãquiro masũno Cohãcjũ cahapũ waha masiedaboaga, nii usã basi.

²⁶ Usã sa nigũ Jesu usãre ihñano, yahuri:

—Masa tiquina esa tuharo tiquina quehnoano yeri mehna Cohãcjũ cahapũ waha masiedare. Cohãcjũ pehe masare pecapũ wahaboriquinare yuhũdũo masine. Tiquiro ijipihtiyere quehnoano ye masi peho cãre, nidi tiquiro usãre.

²⁷ Tiquiro sa nigũ Pedro tiquirore nidi:

—Tũhorĩña. Usã pehe usã ye ijipihtiyere cũ cãũ mũhũ mehna wahana tana. ¿Usã ohõ saha yena, dũhse ijiyere wapatanatarari usã? nidi tiquiro.

²⁸ Tiquiro sa nigũ tũhoro ohõ saha nidi Jesu:

—Mũsare niita niaja: Pihtiri deco bato ijipihtiyere wahma dihita came-saeta. Ti pjepũre yuhũ masũ Cohãcjũ ohorigũ yuhũ pũhtoro yuhũ dujiropũ asi siteropũ dujiitja yuhũ. Topũ yuhũ dujigũ mũsa gũhũ doce dujiye pahtaripũ pũhtoa tiquina dujiye pahtaripũ dujinata. Sa yena Israe masare doce cururi cjẽnare besenata mũsa quehnoañequina gũhũre, ñañequina gũhũre. ²⁹ Sa ye yeere yena tana mũsa wũhũsere, mũsa bahanare, mũsa pacũsumũare, mũsa

pohnare, m̄sa weserire c̄rina ijina, pajiro wapatanata. Sa yena ijipihitiye decori Cohãcjũ mehna ijinata. ³⁰ Sa ijiepegũta yojop̄re peyequina p̄htoa ijiriquina ti p̄ep̄re ihyo ijieyequina tojoaeta. Sa ye yojop̄re peyequina ihyo ijieyequina ijimediquina ti p̄ep̄re p̄htoa comesaeta, ni yahuri Jesu ʘsãre tiquiro buhenare.

20

ʘhse wesere dahrayequina queoyere yahuahye Jesu

¹ Sa ye Jesu pari turi queoye mehna yahu nemori tja:

—ʘhm̄se cj̄no masa p̄hthora ijire. Wese up̄ro queoye mehna tiquiro p̄hthora ijiyere yahutja m̄sare. Tiquiro wese up̄ro bohrea quehagũ tiquiro ya wesere dahratiquinare pijiro wahahye. ² “Ihcã cjoe niñeru cjoe wapa yegutja ihcã decore”, niahye tiquinare. “Aʘ”, niahye dahratiquina. Tiquina sa nigũ wese p̄ra dahra dutiro ohoahye tiquiro tiquinare. ³ Sa yero decop̄ra nueve ijigũ doeri cjẽ duarop̄ra wahahye tiquiro. Top̄ra esaro, apequina dahraeyequinare ihñahye. ⁴ Sa ihñano tiquinare niahye: “M̄sa gũra ya wesere dahrana wahaya. Quehnoano wapa yegutja”, niahye tiquiro. ⁵ Sa ye tiquina wese p̄ra dahraye wahahye. Sa ye wese up̄ro coheri p̄ra ijigũ, ñamicahap̄ra tres ijigũ gũra dahra dutiahye. ⁶ Sa ye ñamicahap̄ra cinco ijigũ doeri cjẽ duarop̄ra tiquiro wahahye tja. Top̄ra esa, apequina dahraeyequinare ihñano, tiquinare niahye: “¿M̄sa dahse yena nijari dahraerapenata ohõp̄re?” ni sinituahye tiquinare. ⁷ “Ne, ʘsãre dahraye mariedare”, ni yuh̄tiahye tiquina. “M̄sa gũra ya wesere dahrana wahaya”, niahye tiquinare. Sa ye tiquiro nidiro sahata tiquiro ya wesere dahraye wahahye.

⁸ Sa ye ñamicahap̄ra dahra duhuri p̄ra ijigũ wese up̄ro tiquiro dahrayequinare cohteriquirore ohõ saha niahye: “Dahrayequinare

pijiya. Tiquina wihigũ tiquinare wapa yeya. Camep̄ra yuh̄ra dahra dutiriquinare wapa ye m̄htaña. Tiquinare wapa ye tuhasa, apequina gũra wapa ye tuhasa, yuh̄ra dahra duti m̄htariquinare wapa ye bato tiya”, niahye tiquiro. ⁹ Sa yero cinco ijigũ dahra d̄cayequinare ihcã cjoe niñeru cjoe wapa yeahye. ¹⁰ Tiquiro sa wapa yegũ ihñañe, “ʘsãre paji cjũnogã wapa yerota”, ni t̄hotumahye tiquiro duti m̄htariquina pehe. Tiquina gũra ihcãno saha wapa yeahye. ¹¹ Sa ye niñerure tiquiro wapa yegũ tiquina p̄hthora mehna usuaye, tiquina basi cahme niahye: ¹² “Ahriquina ʘsã batop̄ra tiquiro dahra dutiriquina pehe ihcã horata dahrari. ʘsã pehe ihcã deco quehnoano dahra nahñoa wahami. Ñano asũ asiri ʘsãre. ʘsã sa yoari p̄ra dahraep̄gũta ʘsã batop̄ra dahra d̄cariquina gũra ihcãno saha wapa yeri tiquiro”, ni usuahye tiquina basi. ¹³ Ihcãquiro tiquina mehna cj̄no tiquiro sa nigũ t̄horo, wese up̄ro yuh̄tiahye tiquirore: “Ne yuh̄ra acayra, ‘Ihcã cjoe niñeru cjoere wapa yegutja’, nimi m̄sare. Yuh̄ra sa nigũ yuh̄tiri m̄sa. Sa yegũ yuh̄ra nidiro sahata m̄sare wapa yei yuh̄ra. Queoro wapa yei m̄sare. Ne yaquer̄ra m̄sare. ¹⁴ Sa yegũ yuh̄ra wapa yerire ne, m̄ra ya wuh̄p̄ra tojoarisa. Ahriquirore came yuh̄ra dahra dutiriquiro gũra m̄sare yuh̄ra wapa yeriro punota wapa yegutja. ¹⁵ Yee niñeru ijire ahri. Sa yegũ yuh̄ra cahmeno sahata ahri mehna wapa yegutja. ¿Apequinare bui cjũnogã yuh̄ra quehnoano wapa yegũ ihña tuhtijari m̄ra?” niahye tiquiro wese up̄ro, ni yahuri ti queoyere Jesu.

¹⁶ Sa nino, yahu nemori tiquiro:

—Ahri queoye nidiro saha came cjã curua iji m̄htari curua ijirota ʘhm̄sep̄ra. Sa ye iji m̄htari curua pehe tiquina camep̄ra cjã curua tojoarota ʘhm̄sep̄ra, ni yahuri Jesu.

Pari turi Jesu tiquiro yaria masa

*wijiatire yahuahye**(Mr 10.32-34; Lc 18.31-34)*

¹⁷ Sa ye Jerusalēp̄wahaducu, usāre doce tiqiro buhenare pijio tuhasa, ape siep̄ usāre usā sehsaro neari Jesu. Usā sehsaro usā ijigū usāre yahuri:

¹⁸ —Tuhoya yuhure. Yojopure Jerusalēp̄wahana niaja mari. Top̄ yuhure masare Cohācjū ohorigure ñehe, apequinapure yuhure ohoeta. Pahia p̄htoare, judio masare buheyequina gūhure yuhure ohoeta. Sa ye yuhure wejē dutieta tiquina.

¹⁹ Sa wejē dutiye, judio masa ijieyequinare yuhure ohoeta. Tiquina sa ohori bato tiquina pehe yuhure b̄j̄p̄e, tana, curusap̄ quē bihaeta yuhure. Sa yeḡ yuh̄ yariari bato ihtia deco wahaboro masa wijiagutja, ni yahuri Jesu usāre.

*Santiago, Ñu mehna tiquina pacoro pehe tiquinare sini basahye Jesure**(Mr 10.35-45)*

²⁰ Sa ye Zebedeo namono p̄aro ticoro pohne mehna Jesu cahap̄ esa, d̄sepe curi mehna quehe sahye tiqirore sinino taro.

²¹ —¿Duhse yuh̄ yeḡ cahmeajari m̄h̄? niahye Jesu ticorore.

—M̄h̄ p̄hto sajāḡ yuh̄ poh̄nare dutiyequina sōña. Sa yeḡ m̄h̄ p̄a peherip̄ duji dutiya tiquinare, ni siniahye ticoro.

²² Jesu ohō saha niahye:

—M̄sa ñano yuh̄d̄atire masiedap̄e nata sa sinine m̄sa. ¿Yojopure yuh̄ ñano yuh̄d̄ato saha m̄sa gūh̄ ñano yuh̄d̄ana ihcāno sahaboagari m̄sa? niahye Jesu ticoro poh̄nene.

—Ihcāno sahanata, ni yuh̄tiahye Santiago, Ñu mehna.

²³ —Ijirota niita niaja m̄sare. Yuh̄ ñano yuh̄d̄ato saha ñano yuh̄d̄anata m̄sa gūh̄. Sa ijiepeḡta yuh̄ mehna dutiatiquinare, yuh̄ mehna dujia-tiquinare bese masiedaja yuh̄. Yuh̄ Pac̄ pehe quehno tuhasari tire. Sa ye tiqiro beseatiquina dihita yuh̄

poto pehe yuh̄ cū pehe pehe dujieta, niahye Jesu tiquinare.

²⁴ Sa yena usā apequina diez tiqiro buhena pehe Santiago, Ñu ahriquina p̄aro mehna usuau usā. Jesure tiquina pacoro ticoro sini basarire t̄hona usuau tiquina mehna. ²⁵ Usā sa usuaḡ ihñano, Jesu usāre ijipihtina tiqiro buhenare p̄ji cahmeco, yahuri usāre:

—Cohācjūre masieñequina p̄hto pehe tiquina masare dutiye, usuaro mehna dutire. ²⁶ M̄sa pehe ne sa yesi m̄sa basi. M̄sa mehna cjūno p̄h̄toro iji duaro, ijipihtiequina tiqiro mehna cjēna cahacjūno ijiro cahmene tiqirore. ²⁷ Sa yero ijip̄ihtiequinare dutiriquiro iji duaro, apequina cahacjūno ijiro cahmene tiqirore. ²⁸ Sata ijiḡ ijaaja yuh̄ gūh̄. Yuh̄ mas̄ Cohācjū ohorigū ahri yehpap̄e masare yedohogū ahtā. Sa yeḡ peyequina masa ye buhirire yariaḡ ahtā nii. Sa yeḡ masare pecap̄ wahaboriquinare yuh̄d̄ogū ahtā nii. Masare dutipeḡ taḡ nied̄, nidi Jesu usāre.

*P̄aro caperi bajueyequinare ihñagū yeahye Jesu**(Mr 10.46-52; Lc 18.35-43)*

²⁹ Sa ye Jericóp̄ ijirina usā wahaḡ peyequina masa Jesure n̄n̄ t̄ari.

³⁰ Sa ye Jesu tiqiro yuh̄d̄aḡ p̄aro caperi bajueyequina maha d̄ht̄ cahap̄ dujiyequina t̄hori. Sa t̄hoye, ohō saha ni sañuducuri:

—P̄hto, Davi m̄n̄ano panami iji turiaḡ, masare yuh̄d̄oacj̄, usāre paja ihñaña, ni sañuducuri.

³¹ Tiquina sa ni sañuducuḡ masa pehe tiquinare tuhtiri.

—Dihta mariahña, nidi masa tiquinare.

Tiquina sa tuhtiḡ t̄hoye, to pano tiquina sañuducuro yuh̄d̄oro sañuducu nemori tja.

—Usā p̄hto, Davi m̄n̄ano panami iji turiaḡ, usāre paja ihñaña, ni sañuducu nemori.

³² Tiquina sa niḡ t̄horo Jesu esad̄ca, tiquinare pijio, sinituri:

—¿Duhse yuhū yegū cahmeajari mūsa? ni sinituri.

³³ —Puhto, usāre ihñagū yeya, ni yuhtiri tiquina.

³⁴ Tiquina sa nigū Jesu tiquinare paja ihñari. Sa paja ihñano tiquina caperire ña peori. Tiquiro sa ña peogūta tiquina pehe ihñaa wahari. Sa ihñañe, tiquiore nūnū tā cāa wahari.

21

Jerusalēpū esahye Jesu

(Mr 11.1-11; Lc 19.28-40; Jn 12.12-19)

¹ Sa ye Jerusalēpū esana tana Betfagé wame tiri macapū esa mūhtaū usā Jesu mehna. Cūnū Olivo wame tidū cahapū Betfagé ijiri. Topū esaro, usā tiquiro buhena mehna cjēnare pūaro Jesu tiquiro pano oho mūhtari. ² Ohō saha dutiri tiquinare:

—Si macapū burroare nena wahaya. Topū esana, duita burrore ticoro macūnogā mehna tiquina dūhte docoricorore bocanata. Tiquinare boca, yuta dare pā, ne cāhta basaya yuhūre. ³ Mūsa sa yegū ihñano, burroa upūro “¿Duhse tana burroare pājari mūsa?” tiquiro nigū tūhona ohō saha ni yuhtiya. “Mari pūhtoro burroare cahmedi. Sa yero mianogā wiarota tiquiro”, ni yuhtiya tiquirore, ni duti ohori Jesu pūaro tiquiro buheyequinare.

⁴ Sa yeri Cohācjū yere yahu mūhtariquiro tiquiro ni ojoariro sahata. Ohō sahata ni ojoahye panopū:

⁵ Jerusalē cjēnare ohō saha ni yahuya:

“Ihñaña mūsa. Mūsa pūhtoro mūsa cahapū ahtare. Tiquiro quehnoano masa quehnoariquiro ijire. Burro macūnogā bui pesariquiro ahtarota”, ni yahuya Jerusalē cjēnare, ni ojoahye panopū.

⁶ Jesu tiquiro dutiriquina pūaro ti macapū esa, tiquiro dutiriro sahata yeahye tiquina. ⁷ Burrore, ticoro macūnogā gūhūre ne cāhta, tiquina bui sañañe suhtire tu we ne, burrogā

bui duhu peori tiquina. Tiquina sa yeri bato Jesu tiquirogā bui mūja pjeri, waharo taro. ⁸ Mūja pje tuhasa, tiquirogā bui Jerusalēpū wahari. Tiquiro ahtagū ihñañe masa peyequina tiquina bui cjē suhtire tu we ne, seō cū mūhtari tiquiro wahari mahare, Jesure ño peoye. Apequina pehe pūri tiye dūpūrire mahapū cū mūhtari tiquirore ño peoye. ⁹ Sa ye tiquiro pano wahayequina, tiquiro bato nūnū tāñequina mehna sañuducuri:

—Davi panamino iji turitariquirore marine yūhdūoatiquirore ño peouhna. Ahriquiro Cohācjū ohoriquiro quehnoano ijiahro. Ūhmūse cjūnore “Tutuagū ijire”, ni ño peouhna, ni sañuducuri masa.

¹⁰ Sa ye Jerusalēpū tiquina esagū to cjēna pehe ihña maria wahari.

—¿Noa ijiajari ahriquiro? ni cahme sinituri tiquina.

¹¹ Apequina masa yuhtiri:

—Ahriquiro Cohācjū yere yahu mūhtariquiro Nazare cjūno Jesu wame tiriquiro ijire, ni yahuri tiquina masare.

Cohācjū wūhūpū esahye Jesu

(Mr 11.15-19; Lc 19.45-48; Jn 2.13-22)

¹² Came Cohācjū wūhūpū esari Jesu. Ti wūhūpū esa, sajāa wahari. Ti wūhūpū duayequinare, dúyequina gūhūre cohā wiori tiquiro. Sa yero niñeru comesaye mesarire ne majare cū mūjari. Bujuaare duayequina tiquina dujiye pahtari gūhūre sata yeri. ¹³ Sa yero tiquinare ohō saha nidi:

—Cohācjū yere tiquina ojoari pūpū ohō saha nine: “Ya wūhū Cohācjū mehna yahuducuri wūhū wame tirota”, nimene tiquiro ojoari pūpū. Mūsa pehe ahri wūhūpū duana mūsa basi cahme yaquere mūsa, nidi tiquiro tiquinare.

¹⁴ Tiquiro sa yeri bato caperi bajueyequina, tini masieñequina gūhū Cohācjū wūhūpū tiquiro cahapū wihiri. Tiquina sa wihigū tiquinare yūhdūgū yeri tiquiro. ¹⁵ Sa

quehnoañene tiquiro yegũ ihñañe, pahia pũtoa, marine judio masare buheyequina gũhu usuari tiquiro mehna. Sa ye macanagã Jesure “Davi panami iji turiagu, masare yũhdũoacjũ, tutuagu ijire mũhu”, tiquina ni ño peogũ tũhoye usuari pari turi tiquina. ¹⁶ Sa usuaye ohõ saha nidi Jesure:

—¿Tiquina sa nigũ tũhoerajari mũhu? Sa niedacãhdo, ni tuhtiri tiquina Jesure.

—Tiquina sa nigũ tũhoaja. ¿Cohãcjũ ojoari pũpũ ahrire ne buherari mũsa? Macanagãre Cohãcjũre quehnoano ño peogũ yeri mũhu, nine Cohãcjũ yere tiquina ojoari pũpũ, nidi Jesu.

¹⁷ Sa ni tuhasa tiquinare cohã cã, Betania wame tiri macapũ esa, ti ñamine topũ ijiri.

Jesu higuerağure yaria dutiahye
(Mr 11.12-14, 20-26)

¹⁸ Ape deco bohrearopũ Jerusalẽpũ tojoaro, ẽjũ ahbari Jesu. ¹⁹ Sa ẽjũ ahbaro, maha dũhtũ cahapũ ijidũ higuerağũ wame tidũre ihñano, tũ dũcare macano wahamedi. Dũca mariedari tũ pehe. Pũri dihita ijiri. Tũ sa ijigũ ihñano Jesu tũre ohõ saha nidi:

—Ahdũ ne pari turi dũca tisi, nidi tiquiro.

Tiquiro sa nigũta duita tũ pehe ñaia wahari. ²⁰ Tũ sa wahagũ ihñana usã tiquiro buhena ihña maria wahau.

—¿Yohou, dũhsero ahdũ duita ñaia wahajari? ni sinituu usã.

²¹ Jesu yũhtiri:

—Ahrire wacũña mũsa. Cohãcjũre quehnoano wacũ tutuaya. “Potota sa yerota tiquiro”, nina, ahdũre yũhu yeriro sahata ye masinata mũsa gũhu. Sa yena ahdũre yũhu yaria dutiriro yũhdũoro ye masinata mũsa. Ahdũ cũnũre “Duha ne, pajiri mapũ cohãdũ ijiaħro”, mũsa nigũ duha cohãdũ ijirota. ²² Cohãcjũre mũsa wacũ tutuagũ, “Yũhu sinidiro sahata waharota”, mũsa ni wacũgũ mũsa sinidiro sahata waharota, nidi Jesu usãre.

Jesure dutiriquirore sinituahye
apequina

(Mr 11.27-33; Lc 20.1-8)

²³ Sa ye Cohãcjũ wũhũpũ tojoa sa, buheri tiquiro. Tiquiro sa buhegũ pahia pũtoa, mari judio masa bũcũna mehna tiquiro cahapũ wihi, sinituri:

—¿Dũhsegũ canũ ñamicahare sa yeari mũhu? ¿Noa mũhũre tire sa ye dutiari? ni sinituri tiquina.

²⁴ Tiquina sa nigũ Jesu yũhtiri:

—Mũsa pehere sinitu mũhtagũtja. Quehnoano yũhũre mũsa queoro yũhtigũ mũsare yahutja yũhu gũhu.

²⁵ ¿Ñu masare tiquiro wame yegũ noa boro pehe tiquirore wame ye dutiyari, mũsa tũhotugũ? ¿O Cohãcjũ dutierayari? ¿O masa pehe dutiyari, mũsa tũhotugũ? ni sinituri Jesu tiquinare.

Tiquiro sa nigũ tiquina pehe tiquina basi ohõ saha nidi:

—¿Dũhse ni yũhtinatari mari? “Cohãcjũ Ñure dutie tiahye”, mari nigũ, “¿Dũhsena Ñu tiquiro dutiepegũta tũho duerari mũsa?” niboaga Jesu marine. Sa yena “Cohãcjũ Ñure dutie tiahye”, ni yũhti masiedaja mari. ²⁶ Ahriquina masa pehe “Potota Ñu Cohãcjũ yere yahu mũhtariquiro ijiri”, ni tũhoturi tiquina. Sa ni tũhotuye “Ñu tiquiro wame yegũ Cohãcjũ pehe tiquirore dutierahye”, mari nigũ tũhoye masa usueta mari mehna. Sa yena ti gũhũre yahu masiedaja mari, nidi tiquina basi.

²⁷ Tiquina sa nidi bato Jesure yũhtiri tiquina.

—Ñure wame ye dutiriquirore usã masiedaga, nidi tiquina.

Tiquina sa nigũ tũhoro ohõ saha nidi Jesu:

—Ti pje pũrita yũhu gũhu mũsa sinitu mũhtarire yahueraja mũsare. Yũhu yerire dutiriquirore yahueraja mũsare, nidi tiquiro tiquinare.

Pũaro pacũro queoyere yahuahye
Jesu

²⁸ Tiquiro sa nidi bato Jesu queoye mehna buhe nemori tiquinare:

—¿Ne, dahse t̄hotuajari m̄sa ahri queoyere? P̄aro pac̄ro iji-ahye. Wahmino pehere oh̄o saha niahye tiquiro pac̄ro: “Mac̄, wesep̄ dahraḡ wahaya”, niahye. ²⁹ “Wahaeraja”, ni ȳhtimahye tiquiro mac̄no coã warore. Sa nieperota camer̄re wesep̄ waha duaro ijahye tiquirore. Sa yero wahahye tiquiro. ³⁰ Sa yero tiquina pac̄ro tiquiro mac̄no d̄hsariquiro cahap̄ esa, tiquiro wahminore tiquiro dutiriro sahata wesep̄ waha dutimahye. “Au”, nimahye d̄hsariquiro. Sa nieperota wahaer-ahye tiquiro. ³¹ ¿Diquiro pehe tiquiro pac̄ro dutiriro sahata yeari? ni sinituri Jesu.

—Tiquiro wahmino pehe yeahye, ni ȳhtiri tiquina.

Tiquina sa niḡ Jesu yahuri:

—M̄sare niita niaja. Wapa ne cohteyequina, am̄a mehna ñano yeducuye numia tiquina buip̄ waro m̄sa pehe ña ȳhd̄ana ijire. Sa ye Coh̄c̄j̄ p̄htoro ijirop̄re m̄sa esaborirore tiquina pehe m̄sare esa m̄htaboaga. ³² Ñu wame yeriquiro buhero m̄sare “Quehnoano yeya”, ni yahumedi. Sa tiquiro yahuḡ d̄hsariquiro pac̄rore tiquiro ȳhtierariro sahata tiquirore t̄hoerari m̄sa. Sa yena tiquirore ȳhtierari. Wapa ne cohteyequina pehe, am̄a mehna ñano yeducuye numia ḡh̄ tiquirore t̄hori. Tiquina sa t̄hoḡ ih̄ari m̄sa. M̄sa sa ih̄aepenata tiquirore ne t̄ho duerari. Sa yena t̄hoerari m̄sa, nidi Jesu pahia p̄htoare, mari judio masa b̄c̄na ḡh̄re.

Ñañequina dahra cohteyequina queoyere yahuahye Jesu

(Mr 12.1-12; Lc 20.9-19)

³³ Sa ye Jesu pari turi queoye mehna oh̄o saha ni tiquinare buhe nemori:

—Apeye queoyere t̄hoya m̄sa. Dihta c̄oriquiro ijahye. Tiquiro ya

dihtap̄ ūhse darire oteahye. Ote tuhasa, sahr̄nore ye tuhasa, ūhsere tiquina cahta m̄toati copere sehe, am̄ari w̄huḡ yeahye.

’Sa yero ti wesere apequinare ihc̄a pehe pahr̄ p̄hma c̄uahye. Sa yero ti wesere tiquinare ih̄na ihbo duti, ape yehpap̄ wahaa wahahye tiquiro.

³⁴ Sa ye ūhse ñidi p̄je ijiḡ wese up̄ro tiquiro cahacj̄nare wesere ih̄na ihboyequina cahap̄ ohoahye. Wese c̄j̄ tiquiro oteri d̄care tiquiro ya pahr̄ c̄j̄ d̄care ne dutiro ohom-ahye. ³⁵ Sa ye wesere ih̄na ihboye-quina pehe tiquiro cahacj̄nare ñano yeahye. Ihc̄aquiore tutuaro quē, apequiore wej̄, apequiore ut̄a mehna doqueahye. ³⁶ Came wese up̄ro pari turi tiquiro cahacj̄nare tiquiro oho m̄htariquina ȳhd̄o c̄j̄no ijiri curuare ohomahye tja. Sa ye wesere ih̄na ihboyequina tiquina ḡh̄re m̄nanota yeahye tja.

³⁷ ’Sa yero tiquiro oho bato tiriquire tiquiro mac̄no ijahye. “Ȳh̄ mac̄ pehere ño peoeta”, nino tiquirore ohomahye. ³⁸ Tiquiro sa ni t̄hotuepeḡta wesere ih̄na ihboye-quina tiquiro mac̄no ahtaḡ ih̄ñañe, oh̄o saha niahye: “Wese up̄ro mac̄no ijire ahriquire. Tiquirore wej̄ihna mari. Sa yero ahri wese mari ya wese tojarota”, nimahye tiquina basi. ³⁹ Sa niñeta tiquirore ñehe, wese d̄ht̄ cahap̄ ne c̄a, wej̄eahye tiquina tiquirore.

⁴⁰ ’¿Ne, wese up̄ro ahtaro dahse yerotari tiquiro wesere ih̄na ihboye-quinare? ni sinituri Jesu pahia p̄htoare, b̄c̄na ḡh̄re.

⁴¹ Tiquiro sa niḡ tiquina ȳhtiri:

—Tiquiro apequinare wesere ih̄na ihboatiquinare comesarota iji m̄htañequinare ña ȳhd̄ayequinare wej̄no taro. Tiquirore queoro d̄care tu watiquina pehere ih̄na ihbo dutirota, ni ȳhtiri tiquina.

⁴² Tiquina sa niḡta Jesu yahu nemori tiquinare:

—¿Coh̄c̄j̄ yere tiquina ojoari p̄p̄ ahrire ȳh̄re tiquiro ni ojoarire ne buherari m̄sa?

Ahriquiroy Cristo utā yero saha ijire. Utāre wahu dahreyequina tiquina cohāno saha masa tiquiore cohāeta. Tiquina sa yepegūta yojopure wahu dahreyequina wuhare yeye tiquina cū mahtaria utāre tiquina cūno saha Cohācjū tiquiore pūhtoro sōri. Cohācjū pehe ahrire yeri. Tiquiro sa yegū ihāna, “Quehnoa yuhdūare”, ni, tūhotuaja mari, ni ojoahye panopu.

‘¿Tire ne buherari mūsa? 43 Mūsare niita niaja yahu. Cohācjū tiquiroy pūhtoro ijiro mūsa ijiato ijiyoaga. Tiquiro pūhtoro ijirore apequina pehere mūsa ijiborirore ohorota Cohācjū. Apequina masa pehe tiquiroy dutiro sahata yeeta. [44 Ijipihtiyequina tia utā bui doque queheyequinare mūta sitea wahaeta. Sa yero tia utā pehe masūno bui bora pjero mūtaa wahagū yerota tiquiore. Tiquiro pagu mūnanore daye manarigā wahagū yerota. (Sata yuhare űno peo dueyequina yahu buhiri dahreatiquina űnano yuhdūeta.)] nidi Jesu pahia pūhtoare, mari acaye judio masa bācūna gūhare.

45 Ti queoyere tiquiroy nigū tūhoye, “Sohō tiquiroy yahu mahtari queoye, wesere ihā ihboyequina queoye mehna marine nino niaga tiquiroy”, ni tūhoturi tiquina. 46 Sa ni tūhotuye, tiquiore űhehe duamedī. Masa pehe Jesure űno peo, “Cohācjū yere yahu mahtariquiroy ijire tiquiroy”, niűnequina ijie tiri tiquina. Tire masiűe, pahia pūhtoa, bācūna mehna masare cūeye, Jesure űhedari.

22

Pajiri bōse deco cjē queoyere yahuahye Jesu
(Lc 14.15-24)

1 Sa ye pari turi queoye mehna tiquinare buhe dūcari Jesu.

2 —Uhmūse cjāno pūhtoro ijiro ahri queoye yero saha ijire. Ihcā yehpa cjēna pūhtoro ijiahye. Sa

yero tiquiroy macūno ya deco bōse deco yeahye. Tiquiro omoca dūhteri bōse deco ijiahye. 3 Sa yero pūhtoro tiquiroy cahacjēnare bōse decore ihāűe ahtatiquinare piji dutiro ohomahye. Tiquina pehe ahta duerahye. 4 Sa yero apequinare piji dutiro ohomahye tja tiquiroy cahacjēnare. “Yahu pijioriquinare ohō saha ni yahuya. ‘Mari ihyatire dahre tuhasari. Wecūare, wecūagā dihi tiyequinagā gūhare wejē tuhasari. Sa yero ijipihtiro bōse deco cjē ijiatire quehno tuhasari. Sa yena bōse deco cjēne ihyana ahtaya’, ni yahuya tiquinare”, ni ohomahye pūhtoro tiquiroy cahacjēnare. 5 Tiquina sa yahuri bato tiquiroy pijionohriquina sa tūhotu cāhye. Bōse decore ihāűe wahaerahye. Ihcāquiroy tiquiroy ya wesepu wahaahye. Apequiroy tiquiroy dahrayere ihāno wahaahye. 6 Apequina pehe tiquiroy cahacjēnare űehe, tiquinare űano ye, wejē cāhye. 7 Tiquina sa yegū tūhoro, pūhtoro pehe usuahye. Usua, tiquina sa wejēdi buhiri buhiri dahre dutiro tiquiroy surarare ohoahye. Sa ye surara tiquinare wejē peho, tiquina ya macare űjūa cāhye. 8 Tiquina sa yeri bato, pūhtoro tiquiroy cahacjēnare ohō saha niahye: “Bōse deco cjē ijiatire quehno tuhasamedī. Sa ijiepegūta yahu pijio mahtariquina yahu bōse decore ihāboriquina ijierare. űaűnequina ijiri tiquina. 9 Sa yena macare ijie maharipu dūhse ijieyequina mūsa boca sayequinare bōse decore ihātiquinare pijiya”, niahye tiquiroy cahacjēnare. 10 Tiquiro sa nigū tiquiroy cahacjēna maharipu waha, ijipihtiyequinare tiquina boca sayequinare, űaűnequina, quehnoaűnequina gūhare yahuahye. Tiquina sa pijiri bato esahye tiquina pari. Quehnoano ti bōse deco tiquina yeri tucūre masa wahpa yuhdūa wahaahye.

11 ‘Topu tiquina dujigū pūhtoro pehe ihcāquiroy omoca dūhteri deco cjā suhtirore saűeniquirore ihāhye.

12 “¿Ne yũhũ acayũ, dahse yegũ omoca dahteri deco cjã suhtirore sañedapegũta sajã tari mahũ?” ni sinituahye pũhtoro.

“Tiquiro sa sinitugũ masũno pehe yũhtierahye. 13 Tiquiro sa yũhtieragũ ihñano tiquiro cahacjẽnare ohõ saha niahye: “Ahriqirore omocarine dahteya. Tiquiro dahpocãri gũhũre dahteya. Dahte tuhãsa ne wi-jia, sopecahapũ cohãña tiquirore nahitianopũ. Topũ tiquiro tutuaro uti, bujũa witiro mehna bahque dihorota”, niahye pũhtoro, ni yahuri Jesu.

14 Tiquiro sa nidi bato ohõ saha ni bato tiri tiquiro:

—Ahri queoye ijiro saha Cohãcjũ peyequina masa tiquiro pijioriquina ijiepetã meheñequinagã tiquiro mehna tojoaeta, ni yahu bato tiri Jesu.

Pũhtoa ye wapare apequina sinituahye Jesure

(Mr 12.13-17; Lc 20.20-26)

15 Tiquiro sa nidi bato fariseo masa waha, tiquirore tiquina yahusãtire tiquina basi yahuducuahye. Tiquiro ñano yũhtigũ tũho duaye nimahye tiquirore yahusãñe tehe. 16 Sa yahuducuye tiquina mehna cjẽnare, Herode ya curua cjẽna gũhũre Jesure sinitu dutiye ohoahye. Tiquina pehe Jesu cahapũ wihi, tiquirore meje cũ sinitumedi:

—Buhegũ, poto yahuducugũ ni mehoñe mariegũ mahũ ijigũ masiaja usã. Cohãcjũ yere queoro mahũ yahugũ gũhũre usã masiaja. Sa yegũ ihcãquiro pũhtoro waro ijiepegũta tiquiro gũhũre dóyaro marieno potota yahure mahũ. 17 Sa yegũ usãre yahuya. ¿Roma cjãno ijipihtiyequina pũhtoro yere marine wapa yero cahmeajari, mahũ tũhotugũ? ¿Mari dutiye wapa ye dutiajari, mahũ tũhotugũ? ni sinitumedi tiquina Jesure.

18 Tiquina sa nigũ tũhoro tiquirore tiquina ñano ye duayere masino ohõ saha nidi:

—Masa ihñono dihita quehnoano iji mehona ijire masa. ¿Dahsena yũhũ ñano yahuducugũ tũho duajari masa?

19 Yojobũre niñeru cjoere pũhtoare wapa yeati cjoere ne cãhtaya. Ti cjoere ihñauhna, nidi tiquiro.

Tiquiro sa nigũ tũhoye niñeru cjoere ne cãhtari tiquina.

20 Sa yero tiquiro sinituri tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituri.

21 —César, masa ijipihtiyequina pũhtoro queoye, tiquiro wame gũhũ wahñare, ni yũhtiri tiquina.

Tiquina sa nigũ tũhoro Jesu yahuri:

—Ti pje pũrita masa ijipihtiyequina pũhtoro yere tiquiro pehere ohoya. Cohãcjũ yere Cohãcjũ pehere ohoya, nidi Jesu.

22 Tiquiro sa nigũ tũhoye, tũho maria waha, waha wahari.

Saduceo masa Cohãcjũ tiquiro masoñene sinituahye Jesure

(Mr 12.18-27; Lc 20.27-40)

23 Sa ye ti decota ihquẽquina saduceo masa Jesu cahapũ wihiri. Saduceo masa pehe “Cohãcjũ yariariquinare masosi”, ni tũhotuyequina ijiri. Sa ye ohõ saha nidi tiquina tiquirore:

24 —Buhegũ, ohõ saha ni buheahye Moise: “Ihcãquiro wahmino namo tiriqiro pohna mariedaperota yariagũ ihñano tiquiro bahũrore tiquiro wahmino namono ijiricorore nũoano cahmene. Sa yero wahmino manano tiquiro pohna tiboriro saha pohna tiro cahmene tiquiro bahũrore. Sa ye tiquiro pohne tiquiro wahmino manano pohne yero saha ijietã”, ni ojoahye Moise, nidi tiquina saduceo masa.

25 Tire sa ni yahu tuhãsa ahri queoyere yahu nemori tiquina Jesure:

—Ihcãquiro masũno ijiahye. Seis bahana tiahye tiquiro. Tiquina wahmino pehe namo ti, pohna mariediquiro yariaa wahahye. Sa yero apequiro tiquiro bahũro

gãhũ tiquiro wahmino namono ijiricorore nœoahye. ²⁶ Sa nœoari bato tiquiro wahmino yero sahata pohna mariedaperota yariaa wahahye tja. Sa yero ahriquiroyo bahuro tiquiro wahmino munano yero sahata pohna mariedaperota yariaa wahahye. Sa dihita wahahye ihcãquiroyo pohne waro. Ne pohna mariedapeta yaria pihtia wahahye tiquina. ²⁷ Tiquina namono ijiricoro gãhũ tiquina bato yariaa wahahye. ²⁸ ¿Cohãcjũ ijipihtiyequinare yariariquina munare tiquiro masogũ diquiroyo boro namono pehe ijiboagari ticoro? Tiquina ijipihtiyequina ticorore namo tiriquina mana ijiahye. ¿Sa yero diquiroyo namono pehe ijiboagari ticoro pototi? ni sinituri tiquina.

²⁹ Jesu yãhtiri tiquinare:

—Cohãcjũ yere tiquina ojoari pũre, tiquiro masiñe gãhũre ne masiedare mœsa. Sa ye mœsa tãhotuye pehe ne poto ijierare. ³⁰ Yariariquina mana tiquina masa mœjari bato tiquina angele yero saha ijire. Namonã marieñequina, manũ marieñe numia ijire topœre. ³¹ Yariariquina mana tiquina masa wijiato pehere mœsare yahutja. ¿Cohãcjũ mœsare tiquiro nidire ne buherari mœsa? Ohõ saha niahye tiquiro. ³² “Yũhũ Abrahã, Isaac, Jacob tiquina pãhto ijiaja”, nine Cohãcjũ”, ni ojoahye panopœre. Tiquina yariari bato “Tiquina pãhto ijiaja”, ni yahuahye Cohãcjũ. Sa nieperota yariariquina mana pãhtoro ijierare Cohãcjũ. “Tiquina pãhto ijiaja”, tiquiro niñe mehna catiyequina tiquina ijigũ masiaja mari. Tiquiro catiyequina pãhtoro ijire, ni yahuri Jesu tiquinare.

³³ Tiquiro sa ni buhegũ tãhoye peyequina masa tãho maria wahari.

Quehnoa yãhdũari dutirore yahuahye Jesu

(Mr 12.28-34)

³⁴ Sa ye saduceo masa Jesure tiquina yãhti masiedagũ tãhoye, fariseo masa pehe tiquiro cahapũ

cahmecoari. ³⁵ Sa yero tiquina mehna cjãno marine judio masare buheriquiro pehe Jesu tiquiro ñano nigũ tãho duaro meje cũ sinitumedi tiquirore.

³⁶ —¿Buhegũ, Cohãcjũ ye dutiro quehnoa yãhdũari dutiro noho pehe ijiajari, mœhũ tãhotugũ? ni sinituri tiquiro.

³⁷ Jesu tiquirore yãhtiri:

—“Tutuario mœsa jeripohna mehna, mœsa tutuaye mehna, quehnoano mœsa wacũñe mehna Cohãcjũre cahiña”, nine Cohãcjũ. ³⁸ Ahri dutirota ijire quehnoa yãhdũari dutiro apeye dutiye yãhdũoro. ³⁹ Ahri dutiro bato apero dutiro quehnoa yãhdũare: “Mœhũ basi mœhũ cahiño saha mœhũ cahapũ ijiyequina gãhũre cahiña”, nine Cohãcjũ. ⁴⁰ Ahri pãa dutirota apeye dutiye gãhũre masi pehogũ yere. Ahri pãa dutirore yena, ijipihtiyeyo apeye dutiyere ye pehona niaja mari. Cohãcjũ yere yahu mœhtariquina panopœ tiquina ojoari gãhũre yena niaja mari, ni yahuri Jesu.

Cristo Davi munano pãhtoro ijire (Mr 12.35-37; Lc 20.41-44)

⁴¹ Sa ye fariseo masa topœ cahmecoañequina tiquina ijigũ Jesu tiquinare sinituri:

⁴² —“Cristo Cohãcjũ tiquiro ohoatiquiro ijire”, nine mœsa. ¿Noa boro ijiajari tiquiro ñecãno munano panopœ cjãno, mœsa tãhotugũ? nidi tiquiro.

—Cristo Davi munano panamino iji turiariquiroyo ijirota, ni yãhtiri tiquina.

Jesu yahuri:

⁴³ —¿Cristo Davi munano panamino iji turiariquiroyo tiquiro ijigũ dãhse yero Davi pehe pãhtoro tiyari Cristore? ¿Dãhse yero sa pãhtoro ti dutiyari Espiritu Santo tiquirore? Ohõ saha niahye Davi:

⁴⁴ Cohãcjũ yãhũ pãhtoro ohõ saha nidi: “Ohõpœ yãhũ poto pehepœ dujiya. Sa yegũ mœhũre ihña tuhtiyequinare mœhũre yãhdũdũca basãtja yãhũ”, nidi

Cohācjū yuhū pūhtorore, ni ojoahye Davi.

⁴⁵ Sa ni ojoarota Davi pūhtoro tiahye Cristore. ¿Davi Cristo ñecāno iji turiariquiro ijiro dūhse yero tiquiro pūhtoro tiyari Cristore? Cristo Davi pūhtoro ijire, ni yahuri Jesu.

⁴⁶ Tiquiro sa ni yahugū tiquina tiquirore ne yūhti masiedari. Sa ye to punota sinitu duhu cāri tiquina tiquirore. Sa ye cueye, parī turi sinituerari tiquirore.

23

Judio masare buheyequina, fariseo masa gūhū tiquina ñano yeyere yahuahye Jesu

(Mr 12.38-40; Lc 11.37-54; 20.45-47)

¹ Sa ye peyequina masare, usā gūhare Jesu yahuri tja.

² —Marine judio masare buheyequina fariseo masa gūhū Cohācjū dūtiye Moiserē tiquiro cūrire yahueyehyaquina ijire tiquina. ³ Tiquina sa yahueyehyaquina ijigū māsare tiquina yahuriro sahata tire ye pehoya mūsa. Sa yepenata tiquinare ihña cūedacāhña mūsa. Tiquina buheriro sahata yerare tiquina. ⁴ Masare peye dūtiye tiquina. Sa dūtiepeta tiquina dūtiro saha masa yeragū ihñañe tiquinare yedohoerare. ⁵ Masa tiquina ihñono dihita quehnoano ye ihñomene tiquina. Cohācjū yere tiquina ojoari pūre tiquina duhu sāñe acarigāre, bujū cjūñe acarigāre tiquina wūhdoā bui dūhte yori, masare ihña dūtiye. Tiquina omocari gūhare dūhte yori. Sa ye tiquina suhti tu pjeri da bui tiquina ohōri da ehya yūhdūari da ijire. Cohācjūre tiquina ño peorire masa pehere ye ihñone nimene tiquina. Ti queoro ijierare tiquina sa ye ihñone. ⁶ Sa ye bose decori ijigū pūhtoa tiquina dujiyepū duji duare. Sa ye judio masa mari buheye wūhūsepū gūhare quehnoañe dujiye pahtari dihitare cahmene tiquina. ⁷ Sa ye doeri cjē duaropū apequina pūhtoare quehnoano ño peo tiquina sinino saha tiquina piti

cagū cahmene tiquina. Tiquinare “Buhegū”, masa tiquina ni pisugū cahmene.

⁸ ‘Apequina māsare pisuye “Buhegū”, niedacāhdo. Mūsa ijipihina ihcāno saha ijina nine. Sa yegū māsare buhegū ihcūta ijiaja. ⁹ Sa yena ahri yehpa cjēnare “Mari pacū”, nina tiquinare ño peona niaga. Ne sa niedacāhña. Ūhmūse cjūno dihita mari Pacū ijire. Tiquiro dihitare ño peoro cahmene marine. ¹⁰ Sa yena masunore “Pūhto”, niedacāhña. Mūsa pūhto yuhū Cristo pehe ihcūta ijiaja. ¹¹ Cahacjūno yero saha māsare yedohoriquiro tiquiro ijire mūsa pūhtoro ijiatiquiro. ¹² Ihcāquiro pūhtoro iji duaro tiquirore ihyo ijiriquiro yero saha ijiro cahmene. Sa yero “Ihō ijigū ijiaja yuhū”, ni tūhoturiquiro pehe pūhtoro ijirota, ni yahuri Jesu.

Judio masare buheyequina, fariseo masa mehna tiquina ni mehoñe yahuahye Jesu

¹³ Tiquiro sa nidi bato tiquinare yahu nemori:

—Mūsa judio masare buhena, fariseo masa gūhū ñano yūhdūnata. Masa ihñono dihita quehnoano iji mehona ijire mūsa. Sijoro saha mūsa buhegū tūhoye masa pehe Cohācjū pūhtoro ijiropūre wahasi. Mūsa gūhū topūre wahasi. Sa yena topūre waha duayequinare cahmotare mūsa.

[¹⁴ ‘Mūsa judio masare buhena, fariseo masa gūhū ñano yūhdūnata. Masa ihñono dihita quehnoano iji mehona ijire mūsa. Wape wiha numia ye wūhūserē tiquina cūoye gūhare ehmare mūsa tiquina numiare. Sa yena yoari pje masa ihñonopū Cohācjūre sini ihñomene mūsa masare. Mūsa sa yeri buhiri peyequina yūhdūoro Cohācjū buhiri dahrerota māsare.]

¹⁵ ‘Mūsa judio masare buhena, fariseo masa gūhū ñano yūhdūnata. Masa ihñono dihita quehnoano iji mehona ijire mūsa. Pajiri mapū pehā, yoaro cjē yehparipū wahare mūsa, mūsa dūtiyere yeatiquirore macana

tana. M_{usa} dutiyere yeatiquirore boca, tiquirore buhere. M_{usa} sa yegū tiquiro pehe m_{usa} y_{ah}h_{oro} pecap_u wahatiquiro ijirota.

16 'M_{usa} ñano y_{ah}h_{unata}. Caperi bajueyequina tiquina ihña masieno saha masiena ijire m_{usa}. Sa ijiepenata apequinare buhemene m_{usa}. Ohō saha ni buhemene m_{usa}: “Cohācjū w_{ah}h_u mehna y_{ah}h_u nino sahata yeitja’, nidiquiro, tiquiro nidiro sahata yerapegūta quehnoanota”, ni buhemene m_{usa}. “Cohācjū ya w_{ah}h_u cjē uru mehna y_{ah}h_u nino sahata yeitja’, nidiquiro tiquiro pehere tiquiro nidiro sahata ye sohtori tiro cahmene”, ni ti gūh_{are} buhemene m_{usa}.

17 Caperi bajueyequina tiquina ihña masieno saha masiena ijire m_{usa}. Tūho masiena ijire. ¿Dise boro pehere ño peoro cahmeajari? Urure ño peoeraro cahmene. Cohācjū pehe ti uru ti w_{ah}h_u ijjigū quehnoañe ijjigū yere tire. Sa yena ti w_{ah}h_u pehere ño peoro cahmene m_{usare}. Sa ye m_{usa} buheye pehe queoro ijierare.

18 Ahri gūh_{are} buhemene m_{usa}: “Cohācjū w_{ah}h_u cjā altar mehna y_{ah}h_u nino sahata yeitja’, nidiquiro tiquiro nidiro sahata yeragū quehnoanota”, ni buhemene m_{usa}. “Ti altar bui ijiye mehna Cohācjūre tiquina ohori mehna y_{ah}h_u nino sahata yeitja’, nidiquiro tiquiro pehere tiquiro nidiro sahata ye sohtori tiro cahmene”, ni buhemene m_{usa}.

19 Caperi bajueyequina tiquina ihña masieno saha masiena ijire m_{usa}. ¿Dise boro pehe ti waro ijjajari, m_{usa} tūhotugū? Cohācjūre masano tiquiro ohori ti waro ijiera cjūre. Ti altar bui Cohācjūre tiquiro ohogū, quehnoañe wahare ti altar bui ijiye. Sa yero ti altar pehe ihyo ijiri altar ijierare. Cohācjūre tiquina ohori bui cjūnogā quehnoari altar ijire.

20 Sa yero “Cohācjū w_{ah}h_u cjā altar mehna y_{ah}h_u nino sahata yeitja”, ihcāquiuro nino, ti altar bui cjē tiquiro ohori mehna sa nino niaga. Sa ye m_{usa} buheye pehe queoro ijierare. 21 Sa yero “Cohācjū w_{ah}h_u mehna y_{ah}h_u

nino sahata yeitja”, ihcāquiuro nino, potota Cohācjū mehnata sa ninota niaga. Cohācjū ti w_{ah}h_u cjāno ijire.

22 Sa yero “Uhm_{use} mehna y_{ah}h_u nino sahata yeitja”, ihcāquiuro nino, Cohācjū ijirop_u mehnata sa nino niaga. Sa yero Cohācjū mehnata sa nino niaga. Tiquiro pehe to cjāno ijire. Sa ye m_{usa} buheye pehe queoro ijierare.

23 'M_{usa} judio masare buhena, fariseo masa gūh_u ñano y_{ah}h_{unata}. Masa ihñono dihita quehnoano iji mehona ijire m_{usa}. Moa yero saha ijiyere ihyayere ocagū yeyere c_uona mehenogā ohomene m_{usa}. Cohācjūre ño peona tana pahiare ohomene m_{usa}. Mehenogā ohomene m_{usa}. Menta, anís, comino wame tiye ocagū yeyere ohomene m_{usa}. Sa ohoepenata quehnoañene yerare m_{usa}. Sa yena masare paja ihñedare m_{usa}. Sa yena Cohācjūre wacū tutuerare m_{usa}. Oteye d_ucare m_{usa} nedire mehenogā pahiare m_{usa} ohogū quehnoare. Sa ohona ohō saha ye nemoña: Quehnoañene yeya. Sa yena paja ihñaña masare. Sa yena Cohācjūre wacū tutuaya. 24 Caperi bajueyequina tiquina ihña masieno saha masiena ijire m_{usa}. Ohō saha yere m_{usa}: M_{usa} ye dutiyere ye dutina, ihyo ijiyegā warore dutiyere yere m_{usa}. Sa yepenata Cohācjū pototi tiquiro dutiye warore yerare m_{usa}.

25 'M_{usa} judio masare buhena, fariseo masa gūh_u ñano y_{ah}h_{unata} m_{usa}. Masa ihñono dihita quehnoano iji mehona ijire m_{usa}. M_{usa} w_{ah}parire, m_{usa} sihniñe w_{ah}jarire bui m_{usa} cosero saha quehnoañene ye ihñore m_{usa} buigā warona. Sa yepenata Cohācjū yere queoro yerare m_{usa}. Apequina yere ehmana, m_{usa} basi dihita b_uj_uyere ne duana ijire m_{usa}. Sa dihita tūhoture m_{usa}.

26 Caperi bajueyequina tiquina ihña masieno saha masiena ijire m_{usa} fariseo masa. M_{usa} jeripohnarine comesaya m_{usa}. Quehnoañe pehere yeya. M_{usa} sa yena masa tiquina

ihñonopu quehnoana ijinata musa.

²⁷ Musa judio masare buhena, fariseo masa gũhũ ñano yuhdũnata. Masa ihñono dihita quehnoano iji mehona ijire musa. Masa cope, yehseye mehna tiquina wisõri cope yero saha ijire musa. Masa ti copere tiquina ihñagũ quehnoari cope bajure. Sa bajuepegũta, puhiapu ahbariquirore, tiquiro cohãrine, ñañene ihñedare tiquina. ²⁸ Sata musa gũhũ masa ihñonopu quehnoañequina yero saha bajumene musa. Sa quehnoañequina yero saha bajuna musa ijiepegũta musa tuhutuyepu ñañe, ni mehoñe iji yuhdũare ahbaye yero saha, ni yahuri Jesu.

Judio masare buheyequina, fariseo masa gũhare tiquiro buhiri dahreatire yahuahye Jesu

²⁹ Sa ni tuhasa ohõ saha ni yahu nemori tiquinare:

—Musa judio masare buhena, fariseo masa gũhũ ñano yuhdũnata. Masa ihñono dihita quehnoano iji mehona ijire musa. Cohãcjũ yere yahu mũhtañequina panopu cjẽna tiquina masa coperire quehnoano quehnomene musa, tiquinare ño peoro saha yena. Sa yena quehnoano yeyequina muna tiquina queoyere musa yeri queoyere quehnoano quehnomene musa. ³⁰ Sa yena ohõ saha niducumene musa: “Panopure usã ñecusumua iji turiayequina muna tiquina yeriro saha usã pehe yeraboaga. Ti pjeru ijiyequinare Cohãcjũ yere yahu mũhtariquinare usã wejẽdaboaga”, niducumene musa. ³¹ Sa nina musa ñecusumua iji turiayequina Cohãcjũ yere yahu mũhtariquinare wejẽdiquina muna tiquina yerire ihñona nine. Tiquinare wejẽdiquina muna tiquina panamena iji turiana musa ijiye gũhare ihñona nine musa. ³² Musa ñecusumua iji turiayequina muna tiquina yeriro sahata ye sohtori ticũnahña.

³³ Aña yero saha ña yuhdũana ijire musa. Musa ñañe yerire bujua witi duerana Cohãcjũ musa ñañe buhirire

pecapu musare tiquiro cohãto pano duhti masiedare musa. ³⁴ Sa yegu musare niita niaja. Cohãcjũ yere yahu mũhtariquinare, apequina quehnoano masiñequinare, apequina musare buheatiquinare musa cahapu ohoutja. Yuhũ sa ohogũ musa pehe ihquẽquina tiquinare wejẽnata. Apequinare curusapu quẽ bihanata. Apequinare musa buheye wũhũsepũ tananata. Sa yena macariperu tiquinare ñano yena, oma nunũ tãnata musa. ³⁵ Musa sa yena ijip-ihitiyequina ñañe marieñequinare musa wejẽdi buhiri buhiri tinata. Abe mnanore Caĩ wejẽdi buhiri ijipihtina musa gũhũ buhiri tinata. Ijipihtiyequina tiquiro bato ijiyequinare quehnoañequinare tiquina wejẽdi buhiri gũhare buhiri tinata musa gũhũ. Sa yena Cohãcjũ wũhũ cahapu wahiquinare musa ohori altar cahapu Zacariare wejẽahye musa. Tiquiro pehe Berequia macũno ijiahye. Sa yena tiquiro gũhare musa wejẽdi buhiri buhiri tinata musa. ³⁶ Ijirota musare yahugũta niaja. Tiquina ijipihtiyequinare tiquina wejẽdi buhiri yojopu cjẽna gũhũ buhiri tieta, ni yahuri Jesu.

Jerusalẽ cjẽnare tutuaro cahãahye Jesu

(Lc 13.34-35)

³⁷ Sa ni tuhasa ohõ saha ni nemori: —Ahyou, Jerusalẽ cjãna, Cohãcjũ yere yahu mũhtariquinare wejẽdina ijire musa. Musa acaye panopu cjẽna gũhũ sata yeyequina muna ijiahye. Sa yena musa cahapu tiquiro ohoriquinare utã paca mehna doque wejẽdina ijire musa. Canaca ticoro pohnene ticoro wũye dũpuri mehna ticoro moha cuñano saha peye tahari cahĩducumi musare. Musare cahmemi. Musa pehe yuhũre ne cahmedari. ³⁸ Yojopu musa ya maca cohõri maca ijirota. ³⁹ Ijirota musare niita niaja. Cameru ahtautja yuhũ. Sa yuhũ ahtagũ ihñana musa yuhũre “Cohãcjũ tutuaye mehna ahtariquiro quehnoahdo”, ninata. Yuhũre musa tire niato pano yuhũ tojoa tato pano

pari turi yuhure ihñasi musa, nidi Jesu tiquinare.

24

—Cohãcjũ wuhũ cohãri wuhũ ijirota, niahye Jesu

(Mr 13.1-2; Lc 21.5-6)

¹ Sa ye Cohãcjũ wuhũpũ ijiriquiro Jesu tiquiro wijia wihigũ usã tiquiro buhena ti wuhure ti wuhũ cahapũ ijiye wuhuse gãhure ihñana,

—Quehnoa yuhduye wuhuse ijicjoare. Ihñaña mũhũ gãhũ, nii usã tiquirore.

² Jesu yuhtiri:

—Ahri wuhũsere yojopũre ihñamene musa. Mũsare yahugũta niaja. Ahri wuhũsere ijipihtiye musa ihñari, ahri wuhuse cjẽ utã paca gãhure cohã pehoeta. Ne ihcãria utã tojoasi, nidi tiquiro usãre.

Pihtiri deco ijiatire yahuahye Jesu

(Mr 13.3-23; Lc 21.7-24; 17.22-24)

³ Came Olivo wame tidũ canũpũ esa, topũ dujiri Jesu. Topũ dujigũ usã tiquiro buhena usã sehsaro tiquiro cahapũ esau.

—Yahuya usãre. ¿Dũhse ijigũ sa waharotari mũhũ nidiro saha waharo? ¿Ahri yehpapũ mũhũ tojoa tati deco, pihtiatĩ deco panogã ijigũ dũhse ti waha dũcagũ ihñanatarĩ usã? ni sinĩtuũ usã.

⁴ Jesu yuhtiri:

—Quehnoano yeya musa. Sa yena mũsare apequina tiquina ni mehoñene tũhoeracãhña. ⁵ Peyequina masa “Cristo ijiaja yuhũ”, ni mehoñequina ahtaeta. Tiquina sa ni mehogũ tũhoye peyequina masa Cohãcjũ yere duhueta. ⁶ Mũsa cahagãpũ masa apequina tiquina cahme wejẽgũ tũhonata mũsa. Sa yena yoaropũ gãhure tiquina cahme wejẽgũ tũhoonata mũsa. Sa tũhooopenata ne tire pajiro wacũedacãhña. Sa waharota. Tiquina sa yegũ pihtiatĩ deco dũhsarĩnota.

⁷ Ti pjere ihcã yehpa cjẽna ape yehpa cjẽna mehna cahme wejẽeta. Sa ye ihcãquiro pũhtoro yequina apequiro pũhtoro yequina mehna

cahme wejẽeta. Sa ye peyequina masa ujuũ mehna yarieta. Sa yero peye yehparipũ yehpa ñuhminota. ⁸ Sa wahagũ ahri yehpa cjẽnare tiquina ñano yuhdu nemoato dũhsarota ti pjere. Ñano yuhdu nemoeta.

⁹ Ti pjere apequina mũsare ñehe, ñano ye dutiye ohoeta mũsare apequina pũhtoapũre. Tiquina sa ohogũ mũsare wejẽeta. Yeequina masa ijiri buhiri ijipihtiyequina mũsare ihña tuhtietã. ¹⁰ Ti pjere peyequina yeequina ijimediquina yuhure cohãeta. Sa ye tiquina mehna cjẽnare tiquina ihña tuhtietã. Sa ye tiquina mehna cjẽna tiquina ijiepegũta tiquinare ñano yeatiquinare ohoeta tiquina. ¹¹ Ti pjere peyequina “Cohãcjũ yere yahu mũhtana ijiaja”, ni mehoñequina ijietã. Sa ye peyequina masa tiquina ni mehoñene tũhoeta. ¹² Ti pjere ña yuhduaro yeeta masa. Sa ye tiquina mehna cjẽnare cahĩ nemosi. ¹³ Sa yena mũsa tutuana ijina, ahri yehpapũ mũsa catinino puno ihcãno sahana, yuhduata mũsa. ¹⁴ Sa yero ahri quehnoañe buheye ijipihtiropũ ahri yehpapũre tiquina yahuri buheye ijirota. Cohãcjũ pũhtoro ijiyere yahuri buheye tiquina yahu siteri buheye ijirota, ijipihtiyequina ti buheyere tiquina masiatũ saha. Tiquina sa yahuri bato pihtiri deco dũcarota.

¹⁵ Cohãcjũ yere yahu mũhtariquiro Daniel mũnano panopũ cjẽno ña yuhduariquirore Cohãcjũ yere ñano yeriquirore yahue tiahye panopũre. Ti pjere tiquiro ñariquiro pehe Cohãcjũ ya wuhũpũ tiquiro ducugũ ihñanata mũsa. Ahri yuhũ nidire quehnoano masiña mũsa. ¹⁶ Topũ tiquiro ducugũ ihñañe, Judea yehpapũ ijieyehquina pehe canũ cahapũ oma duhtiahro. ¹⁷ Sojaro mehna oma duhtiahro. Ti pjere tiquina wuhũseri bui cjẽ paaripũ ijieyehquina wuhũ puhiapũ ijiyere tiquina yere neñe wahaeracãhdo tiquina umũñano waharo. ¹⁸ Sa ye ti pjere apequina weseripũ ijieyehquina tiquina bui cjẽ

suhti wuhupɩ ijiye suhtire neñe wahaeracãhdo tiquina umuñano waha-ro. ¹⁹ Ti pjere niji pacosãnumia, tiquina pohnene apũoñe numia gũhɩ pejecuro wahaeta. ²⁰ Sa yena Cohãcjũre ohõ saha ni siniña: “Pohecũ ijigũ judio masa usã soye decori ijigũ gũhare usã oma duhtiati deco ijier-acãhdo”, ni siniña mɩsa Cohãcjũre. ²¹ Ti decorire masa ña yuhduaro wahaeta. Ahri yehpare tiquiro bajumehnedi bato masa ñano yuhduetiahye. Tiquina sa yuhdupegũta ijipihtiyeti purĩñe yuhduoro pihtiri deco panogã ña yuhduaro yuhdueta masa. Sa ñano tiquina yuhduari bato pari turi sata ñano yuhduasi ahri yehpapɩ. ²² Cohãcjũ ti decorire meheñe decorigã ijigũ yerota. Tiquiro sa yeragũ ne ihcãquiro masano yuhdueraboaga. Sa yero tiquiro beseriquina tiquina yuhduatire meheñe decorigã cũnota Cohãcjũ.

²³ Ti pjere apequina mɩsare “Ihñaña. Ohõpɩ ijire Cristo”, tiquina nigũ tiquinare tũhoeracãhña. “Topɩ ijire Cristo”, tiquina nigũ tiquinare tũhoeracãhña. ²⁴ “Cristo ijiaja”, ni mehoñequina, “Cohãcjũ yere yahu mũhtarina ijiaja”, ni mehoñequina ijieta ti pjere. Sa ye Cohãcjũ tiquiro beseriquinare ni mehoñe, tiquina bajumehneñene ye ihñoeta. Cohãcjũ yequinare Cohãcjũre tiquina cohãgũ ye duare tiquina ni mehoñequina. ²⁵ Ahri ijipihtiyere yahuyujaja mɩsare ti sa wahato pano. Sa yena tũhoya mɩsa. ²⁶ Apequina masa mɩsare “Ihñaña. Masa marienopɩ ijire Cristo”, tiquina nigũ topɩre ihñana wahaeracãhña. Sa yena “Ohõpɩ ahri tucũripɩ ijire tiquiro”, tiquina nigũ tiquinare tũhoeracãhña. ²⁷ Yuhɩ masɩ Cohãcjũ ohorigɩ wacũeno mehna tojoa tautja. Upo miadoqueoro umɩsere asũ mɩja taropɩ, asũ sajãnopɩ wacũeno mehna ti miadoqueoro saha wacũeno mehna tojoa tautja yuhɩ. ²⁸ Masa tiquina ñañe yeducuripɩ topɩ Cohãcjũ tiquina ñañe buhiri buhiri dahrerota

tiquinare, ni yahuri Jesu.

Cristo ahri yehpapɩ tiquiro tojoa tatire yahuahye tiquiro

(Mr 13.24-37; Lc 21.25-33; 17.26-30, 34-36)

²⁹ Sa ye tiquinare yahu nemori:

—Ti ñano yuhduye decori bato asũ deco cjũno, ñami cjũno gũhɩ buhrio duhueta. Tiquina sa wahagũ ñahpicoha paca umɩsepɩ ijiye paca bora dijia taeta. Sa ye umɩse cjẽ yehpari, ñahpicoha gũhɩ ti sa waha-ducurore comesaeta. Sa ye ñuhmieta. ³⁰ Ti pjeta yuhɩ masɩ Cohãcjũ ohorigɩ umɩsepɩ yuhɩ bajumehnenore yuhɩ ihñogũ ihñaeta masa. Sa ye ijipihtiyeti cururi cjẽna utieta. Sa yegɩ yuhɩ tutuaye mehna, yuhɩ asi siteye mehna umɩano cjẽ ehmeo cururi bui ahri yehpapɩre yuhɩ tojoa tagũ ihñaeta tiquina. ³¹ Corneta bisirota. Sa yegɩ yeequina angelere ijipihtiropɩ ahri yehpapɩ ohoutja yuhɩ. Sa ye ijipihtiropɩ yeequina yuhɩ beseriquinare tiquina neeta.

³² Yojopɩre higueraɩre tũhotuya mɩsa. Tũ queoye mehna mɩsare buheitja. Tũ yucugɩ pũri tigũ ihñana, cãhma mehenogã dũhsagũ masine mɩsa. ³³ Sata ahri ijipihtiyeti yuhɩ ni-dire ti sa wahagũ ihñana, yuhɩ tojoa tato mehenogã ti dũhsagũ masinata mɩsa. ³⁴ Ijirota niita niaja mɩsare. Ti pje cjẽna tiquina yariato pano ijipihtiyeti yuhɩ ni-diro sahata sa waharota. Umɩse, ahri yehpa gũhɩ pihtia waha-rota. ³⁵ Yuhɩ yahuducuyeti pehe ne comesasi. Ijipihtiyeti yuhɩ ni-diro sahata sa waha sohtori tirota.

³⁶ Ti decore yuhɩ tojoa tati decore, ti hora gũhare masiedaja yuhɩ. Angele gũhɩ tire masiedare. Masa gũhɩ masiedare. Yuhɩ Pacɩ dihita tire masine.

³⁷ Noé tiquiro ijiri pje cjẽna tiquina ijiriro sahata ahri yehpapɩ yuhɩ tojoa tato panogãre sata ijieta masa. ³⁸ Yehpa miniato pano masa ihya, sihni, yeahye. Sa yeye umɩa, numia mehna omoca dũhteahye. Noé gũhɩ yucɩsapɩ tiquina sajãto pano sa yee timahye masa. ³⁹ Duita tutuaro acoro

ahta, wacũeno mehna yehpa minia wahahye. Masa gãhũ mini pihtia wahahye. Wacũeno mehna tiquina minidiro saha yũhũ masũ Cohãcjũ ohorigũ ahri yehpapũre wacũeno mehna tojoa taũtja. ⁴⁰ Ti pjere wesepũ pũaro dahrayequina ijigũ ihcãquiro yũhũre cahmediquirore neitja. Sa yero yũhũre cahmeediquiro topũ tojoarota. ⁴¹ Ti pjere pũaro numia ihcãnopũ tiquina trigore ña mutoñequina numia ijigũ ihcãcoro yũhũre cahmedicorore neitja. Sa yero yũhũre cahmeedicoro topũta tojoarota.

⁴² 'Quehnoano wacũ masi cohteya. Yũhũ mũsa pũhto, yũhũ tojoa tati decore ne masiedare mũsa. ⁴³ Ahrire wacũña. Yaqueriquiro wãhũpũ tiquiro sajã yaqueato panore wãhũ upũro masino, ti ñami tiquiro carĩedaboaga, yaqueriquirore cohtero. Sa yero yaqueriquirore tiquiro ya wãhũpũ sajã dutieraboaga. Yaqueriquiro tiquiro wacũeno mehna tiquiro ahtariro saha wacũeno mehna ahtaũtja yũhũ. ⁴⁴ Sa yena yeere sa yeducuna yũhũre cohteya. Yũhũ masũ Cohãcjũ ohorigũ ahri yehpapũ tojoa tagũ wacũeno mehna ahtaũtja, nidi Jesu.

Apequiro dahra cohteriquiro tiquiro pũhtoro ño peo, apequiro ño peoerare

(Lc 12.41-48)

⁴⁵ Sa ye Jesu queoye mehna ohõ saha ni buhe nemori tja:

—Dahra cohteriquiro tiquiro pũhtoro ño peoriquiro tũho masiniquiro ijire. Tiquiro sa ijigũ ihñano apequina dahra cohteyequina bui cũre tiquirore tiquiro pũhtoro pehe waharo taro. Sa tiquirore cũ tuhasa wahaa wahare pũhtoro. Sa yero ihyari pje ijigũ dahra cohteriquiro apequinare ihyayere itire. ⁴⁶ Came pũhtoro tiquiro ya wãhũpũ tojoa wihire. Tiquiro tojoa wihigũ ihñano dahra cohteriquiro pehe tiquiro pũhtoro dutiriro sahata ye pehoriquiro ijiro,

bucueriquiro ijirota. ⁴⁷ Ijirota mũsare niita niaja. Tiquiro sa yegũ ihñano tiquiro pũhtoro ijipihtiye tiquiro yere ihña ihboriquiro cũnota tiquirore. ⁴⁸ Sa yepegũta ñariquiro dahra cohteriquiro pehe “Yũhũ pũhtoro bajuerare”, nino, ⁴⁹ apequina dahra cohteyequinare quẽpe, pajiro ihya, sihni, queheyequina mehna queherota. ⁵⁰ Came tiquiro pũhtoro wacũeno mehna tojoa tarota. Ti deco, ti hora gãhũre ne masiedare dahra cohteriquiro. ⁵¹ Pũhtoro pehe tojoa taro ñariquiro tiquiro ñano yerire tũhoro, tiquirore tutuaro buhiri dahrerota. Sa yero ni mehoñequina tiquina waharopũ cohãnota tiquirore. Topũre tiquiro tutuaro uti, bujũa witiro mehna bahque dihorota, ni yahuri Jesu.

25

Pũa omope nuhmia queoye mehna buheahye Jesu

¹ Sa ye Jesu pari turi queoye mehna ohõ saha ni buhe nemori tja:

—Uhmũse cjãno pũhtoro tiquiro ijiye ahri queoye yero saha ijire: Pũa omope nuhmia ijiahye. Ihcã ñami tiquina sihõñe paca mehna omoca dũhteatiquirore piti caye wahahye.

² Tiquina mehna ihcã omope numia tũho masieñequina numia ijiahye. Apequina numia pehe ihcã omope numia tũho masieñequina numia ijiahye. ³ Tũho masieñequina numia pehe tiquina sihõñe pacare, pose tiye pacare nemahye. Apee pacare ãhse pose tiye pacare ti pihtigũ tiquina pioborire nedahye. ⁴ Tũho masieñequina numia pehe tiquina sihõñe paca ãhse pose tiye pacare neahye. Apee paca tiquina pioati paca gãhũre neahye. ⁵ Sa ye omoca dũhteatiquiro tiquiro bajueragũ tiquina numiare wãjũa purigũ carĩa wahahye. ⁶ Sa yero ñami decopũ sañuducugũ tũhoahye. “Tũhoya. Omoca dũhteatiquiro ahtarõ ca tare. Tiquirore piti cana ahtaya”, ni sañuducugũ tũhoahye. ⁷ Tiquiro sa

nigū tuhoye numia wahcā, tiquina ye sihōñe pacare quehnoahye. ⁸ Sa ye tūho masieñequina numia pehe apee numia tūho masieñequina numiare ohō saha niahye: “Ūsā sihōñe paca yatiro nine. Sa yena mehenogā mūsa ye ūhsere ohoya ūsāre”, ni sinimahye tiquina numia. ⁹ Tiquina sa siniepegūta tūho masieñequina numia ohō saha yūhtiahye: “Ūsā ye ūhse mari ijipihtinare esa tuhaeraboaga. Sa yena ūhse cūoyequinare mūsa basi dūna wahaya”, ni yūhtiahye tūho masieñequina numia pehe. ¹⁰ Sa ye tūho masieñequina numia dúye wahahye. Tiquina sa wahari bato omoca dūhteatiquiro wihiahye. Tiquiro wihigū ihña tiquina yere quehno tuhasariquina numia tūho masieñequina numia tiquirore piti cahye. Piti ca bose deco omoca dūhteri decopū tiquiro mehna ihñañe wahahye. Sa ye bose decore tiquina yeri wūhūpū apequina mehna numia tiquina sajāri bato, sopechare biha cāhye. ¹¹ Camepū tūho masieñequina numia pehe wihimahye. “Pūhto, ūsāre pōhña”, nimahye tiquina numia. ¹² “Ijirota mū sare niita niaja. Mū sare masiedaja yūhū”, niahye tiquiro tiquina numiare.

¹³ ‘Sa yena tūho masieñequina numia tiquina yere quehnoano quehno tuhasa, tiquina cohteriro saha quehnoana, ñañe mariena iji, cohteya mūsa gūhū. Yūhū tojoa tati decore ti hora gūhūre ne masiedare mūsa, ni yahuri Jesu.

Niñeru cjoeri uru cjoeri queoyere yahuahye Jesu

¹⁴ Sa ni yahu tuhasa queoye mehna ohō saha ni buhe nemori tja:

—Ti pjere yūhū tojoa tati pje ahri queoye yero saha ijirota. Wūhū upūro ijiahye. Tiquiro ape siepū tinino waharo taro, tiquirore dahra cohteyequinare pijioahye. Sa yero tiquinare tiquiro yere cohte duti-ahye.

¹⁵ ‘Sa cohte dutiro tiquina ihbo masino puno tiquinare niñeru cjoerire ohoahye. Ihcāquirore ihcā omope cjoeri wapa būjūye cjoerire uru cjoerire ohoahye. Apequirore pūa cjoerire ohoahye. Apequirore ihcā cjoerire ohoahye. Tiquinare oho tuhasa, wahaa wahahye. ¹⁶ Sa ye ihcā omope cjoeri tiquiro ohoriquiro duita tiquiro wahari batota ti cjoeri mehna apee borore dúahye. Tiquiro dúrire apequinare duahye. Tiquiro duari wapa pūa omope cjoeri wapa yeahye tiquirore. Sa yero pūa omope cjoeri cūoahye. ¹⁷ Sa yero pūa cjoerire tiquiro ohoriquiro duita tiquiro wahari batota ti cjoeri mehna apee borore dúahye. Tiquiro dúrire apequinare duahye. Tiquiro duari wapa pititia cjoerire wapa yeahye tiquirore. Sa yero pititia cjoerire cūoahye. ¹⁸ Ihcā cjoerire tiquiro ohoriquiro pehe cope sehe, ti cjoerire yahye, ti copepū nūono.

¹⁹ ‘Came yoari batō tiquina pūhtoro wihiahye. Sa wihiro tiquiro niñeru cjoerire mehna tiquina ñehe nemorire queoro ahtaro tiquirore dahra cohteyequinare pijioahye. ²⁰ Sa yero ihcā omope cjoerire tiquiro ohoriquiro pūhtoro cahapū esa, pūa omope cjoerire wiahye tiquirore. “Ihcā omope cjoerire yūhūre ohori mūhū. Ihñaña. Ti cjoerire mehna apeye cjoerire ñehe nemou”, niahye tiquirore. ²¹ “Quehnoano yeaya mūhū. Mūhū quehnoagū, yūhū dutiriro saha yerigū ijire. Mehenogāre quehnoano yeaya mūhū. Sa yegū yojopūre mūhūre pajiro mūhū dahratire cūtja. Sa yegū yūhū mehna bucueya mūhū”, niahye tiquiro pūhtoro. ²² Sa yero pūa cjoerire ñehediquiro pūhtoro cahapū esa, yahuahye tiquirore: “Pūa cjoerire yūhūre ohori mūhū. Ihñaña. Ti cjoerire mehna apeye cjoerire pūa cjoerire ñehe nemou”, niahye tiquiro. ²³ “Quehnoano yeaya mūhū. Mūhū quehnoagū, yūhū dutiriro saha yerigū ijire. Mehenogāre quehnoano yeaya mūhū. Sa yegū yojopūre pajiro mūhū dahratire cūtja. Sa yegū yūhū mehna bucueya mūhū”, niahye tiquiro pūhtoro.

24 'Sa yero ihcã cjoere ñehediquiro pũhoro cahapu esa, yahuahye tiquirore: "Pũhto, mũhũ apeqũna pehere tutuaro dahra dutigũ ijire. Sa tutuaro dahra dutigũ ijigũ mũhũ basi oterapegũta ti dũcare nene mũhũ. 25 Mũhũ sa ijigũ mũhũre cuei. Sa cuegũ cope sehe, ti copere mũhũ niñeru cjoere mũou. Ihñaña. Ohõru ijire mũhũ ya cjoe niñeru cjoe", niahye tiquiro. 26 "Mũhũ ñagũ, cape bũjũgũ ijire. Yũhũ basi oterapegũta ti dũcare yũhũ negũ ijigũ masine mũhũ. 27 Yũhũ sa ijigũ ihñaepẽgũta yũhũ niñeru cjoere niñeru ihbori wũhũrũ ihboboaya mũhũ. Mũhũ sa ihbogũ tiquina ti cjoere wiayerũ apee niñeru oho nemoboaya tiquina", niahye pũhoro tiquirore. 28 Sa nino apeqũna tiquiro dahra cohteyequinare dutiahye tiquiro: "Niñeru cjoere ehmaña tiquirore. Pũa omope cjoerire cũoriquiro pehere ohoya. 29 Cũoyequinare oho nemoutja. Sa ye pajiro cũoeta. Cũoyequina pehere mehenogã tiquina cũoepegũta tire ehmatja. 30 Ahriquiro dahra cohteriquiro dũhseatiquiro ijierare. Nahitianopũ ñanopũ cohã cãhña tiquirore. Topũ tiquiro tutuaro uti, bũjũa witiro mehna bahque dihorota", niahye pũhoro, ni yahuri Jesu.

Buhiri dahreatire yahuahye Jesu

31 Sa ye Jesu yahu nemori:

—Yũhũ masũ Cohãcjũ ohorigũ ijipihtiyequina angele mehna pũhto ijigũ tagũ, yũhũ pũhoro dujiropũ yũhũ asi siteye mehna dujigũtja. 32 Sa yũhũ dujigũ, ahri yehpa cjẽna ijipihtiyequina yũhũ cahapu cahmecoeta. Tiquina sa cahmecoari bato pũa curua tu waũtja tiquinare. Ovejare ihña ihboriquiro ovejare, cabra gũhũre tiquiro tu wariro saha masare tu wa docoutja. 33 Sa tu wagũ oveja yero saha ijieyequinare quehnoañequinare yũhũ poto pehe bese docoutja. Sa yegũ cabra yero saha ijieyequinare ñañequinare yũhũ cũ pehe peherũ bese docoutja. 34 Yũhũ sa yeri

bato yũhũ ijipihtiyequina pũhto pehe yũhũ poto peherũ yũhũ bese docoriquinare ohõ saha ni yahutja: "Yũhũ Pacũ masare quehnoano yere. Ahri yehpare bajumehnenopũ mũsa ye ijiatire tiquiro pũhoro ijire quehnoyu tuhasari Cohãcjũ. Sa yena yojopũre tiquiro quehnoropũre ijina ahtaya. 35 Yũhũ mũjũa ahbagũ mũsa pehe yũhũre ihyayere ohori. Yũhũ aco wũogũ yũhũre mũsa sihõri. Mũsa cahapu yũhũ tinigũ yũhũre ihña masiedapenata yũhũre quehnoano piti cari mũsa. 36 Suhti mariegũ yũhũ ijigũ ihñana mũsa pehe yũhũre suhti sãari. Dohatigũ yũhũ ijigũ mũsa yũhũre ihñana ahtari. Peresupũ yũhũ ijigũ gũhũre yũhũre ihñana ahtari mũsa", niitja quehnoañequinare. 37 Yũhũ sa nigũ tũhoye tiquina yũhũre sinitueta: "¿Pũhto, dũhse ijigũ mũhũ mũjũa ahbagũ mũhũre ihyayere ohori usã? ¿Dũhse ijigũ mũhũ aco wũogũ mũhũre sihõri usã? 38 ¿Dũhse ijigũ mũhũre ihña masiedapenata mũhũre quehnoano piti cari usã? ¿Dũhse ijigũ suhti mariegũ mũhũ ijigũ mũhũre suhti sãari usã? 39 ¿Dũhse ijigũ mũhũ dohatigũ o peresupũ mũhũ ijigũ gũhũre mũhũre ihñana esari usã?" nieta yũhũre. 40 Tiquina sa ni sinitugũ tũhogũ yũhũ pũhto tiquinare yahutja. "Ijirota mũsare niita niaja. Ahriquina yeequina mehna cjũno ihyo ijiriquiro tiquiro ijiepegũta, tiquirore mũsa sata yeri. Sa ijiriquirore sa yena, yũhũre yero saha yena nidi mũsa tiquinare", ni yahutja.

41 'Quehnoañequinare yũhũ sa ni yahuri bato yũhũ cũ pehe peherũ ducuyequinare yũhũ ijipihtiyequina pũhto ohõ saha ni yahutja: "Cohãcjũ tiquiro buhiri dahreatina ijire mũsa. Yũhũ mehna tojoeracãhña. Pecapũ wahaya mũsa. Ti peca ne yatierare. Watĩno, tiquiro yequina angele gũhũ tiquina ijiatire ti pecare yeri Cohãcjũ. 42 Yũhũ mũjũa ahbagũ mũsa pehe yũhũre ihyayere ohoerari. Yũhũ aco wũogũ mũsa yũhũre sihõdari. 43 Yũhũre masiedana

musa yuhare piti caerari. Sa ihña cãri. Suhti mariegu yuhã ijiepegãta, yuhare suhti sãaedari musa. Dohatigu yuhã ijigũ peresupũ yuhã ijigũ gũhare sa ihña cãri musa yuhare”, ni yahutja tiquinare ñañequinare. ⁴⁴ Yuhã sa nigũ tuhoye tiquina yuhare sinitueta: “¿Pũhto, mũhu ẽjũa ahbagũ, mũhu aco wũogũ, usã masiedigu mũhu ijigũ, suhti mariegu mũhu ijigũ, dohatigu mũhu ijigũ, peresupũ mũhu ijigũ dũhse ijigũ usã pehe mũhare yedohoerari?” ni sinitueta yuhare. ⁴⁵ Tiquina sa ni sinitugũ yuhã tiquinare ohõ saha ni yahutja: “Ijirota musare niita niaja. Ahriquina yeequina mehna cãno ihyo ijiriquirore musa ne yedohoerari. Sa ijiriquirore musa yedohoerana, yuhareta sa yena nidi musa”, ni yahutja tiquinare. ⁴⁶ Sa yero tiquinare sa buhiri dahreducurota Cohãcjũ. Ti buhiri dahreye ne pihtisi. Sa ye, quehnoañequina pehe ijipihtiye decori quehnoano ijietã, ni yahuri Jesu.

26

Pahia pũhtoã, judio masa bũcũna mehna Jesure wejẽ duahye

(Mr 14.1-2; Lc 22.1-2; Jn 11.45-53)

¹ Ti ijipihtiyere tiquiro buheri bato Jesu usãre tiquiro buhenare yahuri:

² —Pũã deco bato pascua ijirota. Tire musa masine. Ti pjere yuhã masure Cohãcjũ ohorigure ñeheeta. Ñeheñe, yuhare curusapũ wejẽeta, nidi tiquiro usãre.

³ Sa ye pahia pũhtoã, judio masa bũcũna gũhũ cahmecoahye. Caifa pahia pũhtoro ya wũhũpũ cahmecoahye tiquina. ⁴ Topũ cahmecoã, tiquina ni mehoñe mehna Jesure ñehe tiquina wejẽatire cahme yahuye niahye.

⁵ —Bose deco ijigũ tiquirore ñehedacũhna, “Masa usuari”, nina, niahye tiquina basi.

Numino ehme sitiye usã mehna Jesure pio peoahye

(Mr 14.3-9; Jn 12.1-8)

⁶ Ti pjere Simo cami bũcũ mũna wihiro ijimediquiro ya wũhũpũ ijiri Jesu. Tiquiro ijiri macã Betania wame tiri macã ijiri. ⁷ Ti wũhũpũ tiquiro ihyari watoã ihcãcoro numino ehme sitiye ne cãhta, Jesu dapu bui pio peori. Ti ehme sitiye alabastro wame tiriapũ pose tiri. Wapa bũjũye co ijiri. ⁸ Ticoro sa pio peogũ ihñana usã Jesu buhena usuã.

—¿Dũhsero ahricoro ahri core wapa bũjũyere sa ye siteajari? ⁹ Ti ehme sitiye duaboaya. Sa duaro pajiro wapa ñeheboaya. Sa ñeheno ti niñerure pejecũoyequinare ohoboaya ahricoro, ni usã tiquiro buhena.

¹⁰ Usã sa ni usuagũ ihñano, Jesu yahuri usãre:

—Sa niedacãhña ticorore. Yuhare quehnoano yero nine. ¹¹ Pejecũoyequina pehe musa mehna sa ijiducueta. Sa yena tiquina pehere musa oho masine. Yuhã pehe ahri yehpapũre musa mehna sa ijiducusi. ¹² Yuhare tiquina yato pano yuhã pagure quehnoyuro, ticoro yuhare pio peori. ¹³ Ijirota musare niita niaja. Ijipihtiro ahri yehpapũ quehnoañe buheyere tiquina yahurũpũ ahricoro yojorũre ticoro yerire yahueta. Tiquina sa yahugũ tuhoye ticorore masa peyequina wacũeta, ni yahuri Jesu usãre.

Juda Iscariote Jesure ihña tuhtiyequinare ihñoahye

(Mr 14.10-11; Lc 22.3-6)

¹⁴ Ti pjere ihcãquiro usã mehna cãno Juda Iscariote pahia pũhtoã cahapũ esahye. ¹⁵ Esa, tiquinare sinituahye.

—¿Jesure musare yuhã ihñogũ noho puno wapa yenatari musa? ni sinituahye tiquinare.

Tiquiro sa nigũ tiquina tiquirore treinta cjoeri plata cjoerire ohoahye.

¹⁶ Tiquina sa ohogũ Juda pehe Jesure tiquiro ihñoati ñamine cohtero niahye.

Jesu tiquiuro buheyequina mehna tiquiuro ihya bato tiri deco ijiahye

(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Sa ye pugũ yeye moremehneñe pãre tiquina ihyati deco bose deco iji dũcari deco usã tiquiuro buhena Jesu cahapũ waha, sinituu tiquiore:

—¿Noho boropũ bose deco ijigũ mari ihyatire quehnoyu dutigũ ohoutjari mũhũ usãre? nii tiquiore.

¹⁸ Usã sa nigũ tiquiuro yũhtiri:

—Jerusalẽpũ wahaya. Topũ ijiriquire ohõ saha ni yahuya: “Marine buheriquiro tiquiuro ñano yũhdũati deco mehenogã dũhsatjiãñohiti. Pascua ijigũ mũhũ ya wũhũpũ Jesu usãre tiquiuro buhenare siho ihyati ijiñohiti”, ni yahuya ti wũhũ upũrore, ni ohori Jesu usãre.

¹⁹ Sa yena usãre tiquiuro dutiriro sahata yena, pascua ijigũ usã ihyatire quehnoy usã.

²⁰ Sa ye ti ñamine usã mehna doce tiquiuro buhena mehna ihyaro nidi Jesu. ²¹ Usã ihyari watoa tiquiuro usãre yahuri:

—Ijirota mũsare niita niaja. Ihcãquiuro mũsa mehna cjãno yũhũre ihña tuhtiyequinare ihñonota yũhũre, ni yahuri tiquiuro usãre.

²² Tiquiro sa nigũ tũhona tutuaro bũjũa witina, tiquiore sinitu dũcaũ usã ijipihtina:

—¿Pũhto, yũhũta ijiajari mũhũre ihñocjũ? ni sinituu.

²³ Usã sa ni sinitugũ tiquiuro yũhtiri:

—Yũhũ ihyari papũ yũhũ mehna soha ihyariquiro ijire yũhũre ihña tuhtiyequinare ihñoatiquiuro.

²⁴ Panopũ yũhũre tiquina ojoariro sahata yũhũ masũ Cohãcjũ ohorigũ yariagũtja. Sa yero yũhũre ihña tuhtiyequinare ihñoatiquiuro ñano yũhdũrota. Tiquiro pehe masa bajueraro quehnoa yũhdũaboaya. Ñano yũhdũeraboaya, nidi Jesu.

²⁵ Tiquiro sa nigũta tiquiore ihñoatiquiuro Juda sinituri:

—¿Buhegũ, mũhũre ihñocjũ ijiajari yũhũ? ni sinituri tiquiuro.

Jesu yũhtiri:

—Ehũ. Mũhũta ijire, nidi.

²⁶ Sa ni yahu tuhasa usã tiquiuro buhena mehna ihyaro taro nidi. Sa yero Jesu pãre ne, Cohãcjũre “Quehnoare”, nidi. Sa ni tuhasa tire nuha, usãre tiquiuro buhenare itiri.

—Ahrire ne, ihyaya. Ahri yũhũ pagũ ijire, nidi tiquiuro.

²⁷ Sa ni tuhasa tiquiuro sihnidi pare ne, Cohãcjũre “Quehnoare”, ni, usãre ohori.

—Mũsa ijipihtina ahrire sihniña.

²⁸ Ahri yũhũ dii ijire. Peyequina masa tiquina ñañe yerire cohãgũ tagũ yariũtja. Sa yegũ yũhũ diire cohãũtja. Cohãcjũ “Mũsare yũhdũoutja”, tiquiuro nidiro esagũ yũhũ yariaro mehna tiquiuro nidiro sohtori tirota. ²⁹ Mũsare niita niaja. Yũhũ Pacũ tiquiuro pũhtoro ijiropũ uhmũsepũ mũsa mehna wahma core uhsẽ core sihniitja. Mari sa sihniato pano ahri core sihni nemosi yũhũ, nidi Jesu usãre.

³⁰ Sa yena Cohãcjũ yere basa tuhasana cãnũpũ Olivo wame tidũpũ wahau usã.

Pedro Jesure tiquiuro cohãtire yahuahye Jesu

(Mr 14.26-31; Lc 22.31-34; Jn 13.36-38)

³¹ Topũ usã esagũ Jesu pehe usãre yahuri:

—Mia ñami yũhũre cohã cãnata mũsa. Ohõ sahata nine Cohãcjũ tiquiuro yere tiquina ojoari pũpũ yũhũre yahuro: “Ovejare ihña ihboriquiro yero saha ijiriquire yũhũ Cohãcjũ cohãgũtja. Yũhũ sa cohãgũ tiquiuro yequina oveja yero saha ijiyequina duhti site cãa wahaeta”, nine Cohãcjũ tiquiuro yere tiquina ojoari pũpũ. ³² Sa yegũ Cohãcjũ yũhũre tiquiuro masori bato mũsa pano Galileapũ wahayutja yũhũ, nidi tiquiuro.

³³ Tiquiro sa nigũ tũhoro ohõ saha nimedĩ Pedro:

—Yũhũ mehna cjẽna ijipihtiyequina mũhũre tiquina cohãepẽgũta

yuhu pehe mahure ne cohāsi, nimesi Pedro tiquirore.

³⁴ Jesu yuhtiri:

—Ijirota niita niaja mahure. Mia ñami canaca tiquiro yahuato pano “Yuhū Jesure masiedaga”, niita mahū. Ihtia taha sa niita mahū, nidi tiquiro Pedrore.

³⁵ Tiquiro sa niepegūta Pedro ohō saha ni yuhtiri:

—Mahū mehna yuhure tiquina wejē duepegūta “Jesure masiedaga”, ne nisi yuhū, ni yuhtimedi Pedro.

Sa yena usā gūhū apequina tiquiro buhena Pedro tiquiro nidiro sahata nimi usā Jesure.

*Getsemaní wame tiri wesepū
Cohācjūre siniahye Jesu
(Mr 14.32-42; Lc 22.39-46)*

³⁶ Sa ye Getsemaní wame tiri wesepū Jesu usā tiquiro buhena mehna waha, topū esa, usāre nidi:

—Ohō dujiyuya. Mūsa ohō dujiri watoa sohō cjūnogāpū Cohācjūre sinigū wahagū niaja, nidi tiquiro usāre.

³⁷ Sa ni tuhasa, Pedrore, pūaro Zebedeo pohnene tiquina ihtiarore piji cāri. Sa yero tiquiro tutuaro bujūa witi, ñano jeripohna tiahye. ³⁸ Sa bujūa witiro tiquiro mehna cjēnare tiquiro piji cāriquinare ohō saha niahye:

—Tutuaro ñano jeripohna tiaja yuhū. Yuhure tutuaro purīno saha tuhotugū niaja. Sohō cjūnogā wahagū niaja. Ohōpū tojoaya. Sa yena yuhū mehnata carīedacāhña mūsa gūhū, niahye tiquiro tiquinare.

³⁹ Sa ni tuhasa mehenogā waha nemo, yehpapū quehe sa, Cohācjūre niahye:

—Mai, yuhū ñano yuhduatire ye dueragū yeracāhña. Yuhū sa niepegūta yuhū cahmeno saha yeracāhña. Mahū pehe masine. Mahū cahmeno saha yeya yuhure, ni siniahye tiquiro Cohācjūre.

⁴⁰ Sa ni tuhasa, ihtiaro tiquiro buheyequina cahapū wihiro, carīñequinare ihñahye. Tiquinare ihñano, Pedrore ohō saha niahye:

—¿Ihcā hora waro yuhū mehna carīegū iji masiedajari mahū?

⁴¹ Quehnoano yeya mūsa. Sa yena Cohācjūre siniducuya mūsa, “Ñano yeari”, nina. Mūsa tuhotuye mehna quehnoañene ye duamene mūsa. Mūsa sehsaro sa ye duepenata tire ye masiedare mūsa, ni yahuahye Jesu.

⁴² Sa ni yahu tuhasa, pari turi waha, Cohācjūre siniahye:

—Mai, yuhū ñano yuhduatire ye duagū yeya yuhure. Mahū cahmeno saha yeya, ni siniahye tiquiro.

⁴³ Ni, tiquiro buheyequina ihtiaro buheyequina cahapū pari turi wihiahye tja. Sa wihiro carīñequinareta ihñahye tja. Wujūa purī yuhduahye tiquinare. ⁴⁴ Sa yero tiquinare cū cā, pari turi waha, Cohācjūre siniahye. To pano tiquiro nidiro sahata niahye tja. ⁴⁵ Sa ni tuhasa tiquiro buheyequina cahapū wihī, tiquinare ohō saha niahye:

—¿Yojopū pūritare carīnina niajari mūsa? ¿Sorīna niajari mūsa? niahye tiquiro.

Sa ni tuhasa, masa tiquina ahtagū ihñano, ohō saha niahye.

—Tuhoya. Mianogāta yuhū masure Cohācjū ohorigūre ñañequinare ohoeta yuhure. ⁴⁶ Wahcāña. Isa wahana. Ihñaña. Yuhure ihña tuhtiyequinare ihñootiquiro ohōpū ahtare, niahye tiquiro.

*Jesure ihña tuhtiyequina tiquirore
peresu yeahye*

(Mr 14.43-50; Lc 22.47-53; Jn 18.2-11)

⁴⁷ Tiquiro sa nino watoa usā mehna cjāno ijimediquire Juda pehe wihiri. Masa peyequina ahtari tiquiro mehna. Tiquina pahia pūhtoā, judio masa bucūna gūhū tiquina ohoriquina ijiri. Ñoseñe pñjine, yucū tiāri gūhure cūori. ⁴⁸ Coā warore Jesure ihña tuhtiyequinare ihñootiquiro masare ohō saha ni yahuyu tuhasahye:

—Yuhū wahsupu ihmidiquirota ijirota mūsa ñeheatiquiro. Tiquirore

yuh ihmidi bato ñehaña tiquirore, niahye Juda tiquinare.

⁴⁹ Sa ye wihiro Jesu cahap duita wahari.

—¿Buheg, ijiajari mah? ni, tiquirore wahsupu ihmidi.

⁵⁰ Tiquiro sa ihmigã Jesu ohõ saha nidi:

—Yuh acay, ohõpãre mah yei tuh ahtarire yeya mah, nidi tiquiro.

Sa ye tiquina Jesure ñehedi.

⁵¹ Tiquina sa yegã ihñano Jesu mehna cjãno tiquiro ñoseni pjine tuh we ne, pahia pãhoro cahacjãnore cahmonore dute pahrẽ cãri. ⁵² Tiquiro sa yegã ihñano Jesu tiquirore yahuri.

—Mah ñoseni pjine ihboya. Apequinare mah ñosegã tiquina ñose cahmegã yariagãta mah. ⁵³ Yuh Pacure yuhare yuh yedoho dutigã tiquiro pehe peyequina angelere doce cururire yuh cahap ohoboaya tiquiro. ¿Tire masiedajari mah? ⁵⁴ Sa yedohoboriquiro tiquiro ijiepegãta tiquirore yuhare yedoho dutisi yuh. Yuh sa dutieragã Cohãcjũ yere tiquina ojoari pũ ti nidiro sahata sa waharota, nidi tiquiro.

⁵⁵ Sa ni tuhasa masare yahuri tiquiro:

—¿Dãhse ijiro boro m̄sa ñoseñe pjini mehna, yuc tiãri mehna yaque bucurore yero saha m̄sa yuhare ñehena ahtajari? Decoripe Cohãcjũ wãhãpã m̄sare yuh buhe dujigã, m̄sa yuhare ne ñehedari. ⁵⁶ Sa ijiepegãta ahri ijipihtiye sa waharo nine Cohãcjũ yere yahu m̄htariquina tiquina ni ojoariro sahata, nidi Jesu.

Tiquirore tiquina sa ñehegã ihñana usã tiquiro buhena tiquirore cohã oma cãa waha usã.

Judio masa pãhtoa Jesure sinituahye

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Sa ye tiquirore ñehediquina pahia pãhoro Caifa wame tiquirore ya wãhãpã ne sahye tiquirore. Ti wãhãpãta marine judio masare

buheyequina, bucuna gũh cahme-coahye. ⁵⁸ Topã Jesure tiquina neagã Pedro yoaropã tiquinare ihña nãnã tãhye. Sa nãnã tãno Caifa ya wãhãre cahmotari sahrĩnore esa, ti sahrĩno puhiapã sajãa wahahye. Sajã sa, ti wãhãre cohteyequina surara mehna dujiahye. Jesure tiquina dãhse yegã ihñano taro niahye.

⁵⁹ Sa ye pahia pãhtoa, apequina pãhtoa mehna Jesure wejẽ duti duaye, ni mehoñe mehna tiquirore tiquina ñano buhiri dahreatire wacũ macamahye. ⁶⁰ Tiquina yahusãtire wacũ bocaerahye. Sa wacũ bocaerapeta peyequina masa tiquirore sa ni meho yahusã maca cãhye. Sa ye pãaro tiquina bato wihiyequina tiquirore yahusãhye tja.

⁶¹ —Ahriquirõ ohõ saha nidi: “Cohãcjũ wãhãre cohã masiaja. Sa cohãgã ihtia deco wahaboro ti wãhãre pari turi yeitja”, tiquiro nigã tuhõ usã, ni yahusã maca cãhye Jesure.

⁶² Tiquina sa nidi bato pahia pãhoro wahcãdãca sa, Jesure sinituahye:

—¿Ahriquina mahare tiquina yahusãepegãta tiquinare yãhti cahmedajari mah? niahye pãhoro.

⁶³ Tiquiro sa nigã tuhõeperota Jesu sata tuhõtu cãhye. Tiquiro sa yãhtieragã ihñano pahia pãhoro pari turi sinituahye tja:

—Cohãcjũ catiriquiro wame mehna poto niña mah. Mah sa niedagã tiquiro mahare buhiri dahrerota. Yahuya usãre. ¿Cristo Cohãcjũ macãta ijiajari mah? ni sinituahye tja.

⁶⁴ Tiquiro sa nigãpãta Jesu yãhtiahye:

—Tiquirota ijiaja. M̄sare poto yahugãta niaja. Came yuh masã Cohãcjũ ohorigã yuh Pacã tutu-ariquirõ cahapã tiquiro poto pehepã yuh dujigã ihñanata m̄sa. Sa yena ãhm̄se cjẽ ehmeo cururi bui yuh ahtagã gũhare ihñanata m̄sa, ni yãhtiahye Jesu.

⁶⁵ Tiquiro sa nigũ tãhoro pahia pãhtoro tiquiro sañari suhtirore tãhrẽ cãhye apequinare “Usua yãhdũare”, ni ihña masi dutiro.

—Cohãcjũre pajiro ñano yahuducuro nine ahriquiroro. Sa ye tiquiro ñano yahuducuyere tãho tuhasaja mari. Sa ye topequinata yahusãahdo ahriquiroro. Ohõpũta tiquiro ñano yahuducugũ tãhoaja mari basita. ⁶⁶ ¿Dũhse yenatari mari yojopũre ahriquiroro? ni sinituahye tiquiro apequina pãhtoare.

—Tiquiro ñari buhiri wejẽ cãno cahmene tiquirore, ni yãhtiahye tiquina.

⁶⁷ Tiquina sa nidi bato tiquiro wãhdoare sihco puti ohõ, tiquirore quẽpeahye tiquina. ⁶⁸ Tiquirore quẽpe tuhasa, ohõ saha niahye tiquirore:

—¿Noa pehe mũhũre quẽajari? Cristo ijigũ ihñedapegũta yahuya usãre, ni bũjũpeahye tiquina.

—*Tiquirore masiedaga, niahye Pedro Jesure*

(Mr 14.66-72; Lc 22.56-62; Jn 18.15-18, 25-27)

⁶⁹ Sa ye ti wãhũ cahapũ ijiri paapũ quehnoari paapũ Pedro pehe dujiahye. Tiquiro sa dujigũ ihñano pahia pãhtoro cahacjõno tiquiro cahapũ esaro, ohõ saha niahye:

—Mũhũ gũhũ Jesu Galilea cjũno mehna ijiri, niahye ticoro.

⁷⁰ Ticoro sa nigũ tãhoro, Pedro ohõ saha niahye:

—¿Dũhse ni maca cõo niajari mũhũ? Mũhũ nidiquirore ne masiedaga yãhũ, niahye Pedro ticorore ijipihtiyequina tiquina tãhoropũ.

⁷¹ Tiquiro sa nidi bato ti paa cjã sahrĩno sopecaha cahapũ wahahye Pedro. Topũ tiquiro ijigũ apecoro cahacjõno tiquirore ihñano, topũ ijiyequinare ohõ saha niahye:

—Jesu Nazare cjũno mehna ijiri ahriquiroro, niahye ticoro Pedroro tja.

⁷² Ticoro sa nigũ tãhoro Pedro yãhtiahye:

—Cohãcjũ mehna poto nii niaja. Tiquiro mũhũ nidiquirore ne masiedaga yãhũ, ni yãhtiahye Pedro.

⁷³ Sa ye came cjũno topũ ducuyequina Pedro cahapũ waha, tiquirore ohõ saha niahye tja:

—Poto tjire. Jesu yequina mehna cjũ ijire mũhũ gũhũ. Tiquina yero saha yahuducure mũhũ, niahye tiquina Pedroro.

⁷⁴ Tiquina sa nigũ Pedro yãhtiahye:

—Poto Cohãcjũ mehna nii niaja mũsare. Yũhũ poto yãhũ niedagũ Cohãcjũ yãhũre buhiri dahreahro. Tiquirore mũsa nidiquirore ne masiedaga yãhũ, ni yãhtiahye tiquiro tiquinare.

Tiquiro sa nigũta canaca yahuahye.

⁷⁵ Tiquiro yahugũ tãhoro Jesu tiquirore nidire wacũahye. “Canaca tiquiro yahuato pano ‘Jesure masiedaga’, niita mũhũ. Ihtia taha waro sa niita mũhũ”, Jesu tiquirore nidire wacũahye Pedro. Sa wacũno, ti sahrĩnore wijia, tutuaro utiahye.

27

Pilato cahapũ Jesure neahye

(Mr 15.1; Lc 23.1-2; Jn 18.28-32)

¹ Sa ye bohrea quehagũpũ pahia pãhtoa mari judio masa bũcũna gũhũ Jesure tiquina wejẽ dutiatire cahme yahuducuahye. ² Tiquina sa yeri bato tiquirore dũhte, Pilato cahapũ nea, tiquirore ohoahye Pilatoro. Pilato pehe ti yehpa cjẽna pãhtoro ijiri.

Juda Iscariote yariaa wahahye

³ Sa yero Jesure tiquina wejẽ dutigũ ihñano Juda pehe Jesure ihñoriquiro tiquirore tiquiro ihñorire tutuaro wacũ bũjũna witiyahye. Sa bũjũna witiro treinta cjoeri tiquiro ñehedi niñeru cjoerire wiaro waharo, pahia cahapũ, bũcũna cahapũ esa, ohõ saha niahye:

⁴ —Jesu mũsare yãhũ ihñoriquiro ñañe marieniquiro tiquiro ijiepegũta tiquina wejẽ dutiri tiquirore. Sa yegũ mũsare tiquirore ihñogũ ñano yegũ niaya yãhũ, ni yahuahye Juda tiquinare.

Tiquiro sa ni yahuri bato tiquina yuhtiahye:

—Sata yecūnahdo. Usāre dūhseati ijierare ti mūhū sa niñe. Mūhū di-hita sa ni tuhoture tire, ni yuhtiahye tiquina tiquirore.

⁵ Tiquina sa ni yuhtiri bato Cohācjū ya wūhūpū Juda tiquiro ye niñeru cjoerire doque site cūahye. Doque site cū, wahaah wahahye. Waha, yuta dare dūhte ohō, tiquiro basi wamūare tu suha, uhpu cjū sa, yariaa wahahye.

⁶ Sa ye pahia pūhtoa niñeru cjoerire ne, ohō saha niahye:

—Ahri niñerure Cohācjū wūhū cjā acaropū niñeru ihbori acaropū mari cū masiedaja. Ahri niñeru mehnata masunore wejē dutiri. Sa ye mari ye dutiye marine sa ijiye niñerure ihbo dutierare, niahye tiquina basi.

⁷ Tiquina sa nidi bato “Ohō saha yeihna”, tiquina ni yahuri bato dihi suturire yeriquiro ya yehpare dúahye. Ti cjoeri mehna dúahye. Ape sie cjēna tiquina wihi tiquina yariagū tiquina yati yehpa ijiatore ti yehpare dúahye. ⁸ Sa ye ti yehpare “Dii yehpa”, wame yeri masa. Yojopū gūhūre sata wame tire. ⁹ Ahri ijipihtiye sa wahahye Jeremia panopū “Sa waharota”, tiquiro ni ojoariro sahata. Tiquiro Cohācjū yere yahu mūhtariquiro ijiahye. Ohō saha ni ojoahye tiquiro: “Treinta niñeru cjoerire plata cjoerire ‘To punota wapa yenata tiquirore usā ñeheatire’, nieta Israe masa. ¹⁰ Sa ye ti cjoeri mehna dihi suturire yeriquiro ya yehpare dúeta tiquina. Ohō sahata yūhūre ye dutiri Cohācjū”, ni ojoahye Jeremia panopū.

Pilato Jesure sinituahye

(Mr 15.2-5; Lc 23.3-5; Jn 18.33-38)

¹¹ Sa ye Pilatore tiquina ohori bato tiquiro pehe Jesure sinituahye:

—¿Potota judio masa pūhtota ijia-jari mūhū? ni sinituahye Jesure.

—Mūhū nino sahata ijiaja, ni yuhtiahye Jesu.

¹² Sa ni yuhtieperota, pahia pūhtoa, būcūna gūhū tiquina

tiquirore yahusāgū yuhtierahye Jesu. ¹³ Tiquiro sa yuhtieragū ihñano Pilato sinituahye:

—¿Ahri ijipihtiye mūhūre tiquina yahusārire tūhoerajari mūhū? ni sinituahye tiquiro Jesure.

¹⁴ Tiquiro sa ni sinituepegāta Jesu ne mehenogā yuhtierahye. Tiquiro sa yuhtieragū ihñano Pilato ne dūhse ni masiedahye.

Jesure wejē dutiahye

(Mr 15.6-20; Lc 23.13-25; Jn 18.38-19.16)

¹⁵ Cūhmaripe pascua ijigū masa yaquiro ijiatiquirore ihcāquiro peresupū ijiriquirore Pilato sa wio basaducue tiahye. ¹⁶ Ti pjere Barrabá wame tiriquire peresupū ijiahye. Tiquirore masiahye masa. ¹⁷ Sa yero tiquina cahmecoagū Pilato pehe sinituahye tiquinare:

—¿Diquiro pehere mū sare wio basaboagari yūhū? ¿O Barrabá pehere o Jesure Cristo tiquina nidiquirore wio basaboagari yūhū? ni sinituahye tiquiro.

¹⁸ Jesure masa cahīgū ihñañe judio masa mari pūhtoa tiquirore ihñā tuhtiahye. Sa ihñā tuhtiye tiquirore ohoahye Pilatore. Sa yero masa tiquina cahīdi buhiri tiquina ihñā tuhtirire masino Pilato Jesure wio duamahye.

¹⁹ Sa ye Pilato masare ñañe yeyequinare tiquiro beseri pūhtapū dujigū tiquiro namono tiquirore quititi ohoahye: “Mia ñamine Jesure quehēgo, tutuaro ñano yūhdūhū. Sa yegū tiquirore ñañe marieniquirore ne sijoro saha yeracāhñā mūhū”, ni yahudoqueoahye tiquiro namono Pilatore.

²⁰ Sa ye coā waropūre pahia pūhtoa, būcūna gūhū masare ohō saha ni duti tuhasahye. “Barrabá pehere wio duti, Jesu pehere wejē dutiya”, ni dutiahye masare. ²¹ Sa yero Pilato masare sinituahye:

—¿Ahriquina pūarore diquiro pehere mū sare wio basaboagari yūhū? ni sinituahye.

—Barrabá pehere wio basaya usãre, ni yuhtiahye.

²² —¿Ahriquiroy Jesu Cristo tiquina nidiquiro pehere dahse yeitari yuħu, masa sa ni sañuducugũ? ni sinituahye tiquiro.

—Curusapũ quẽ biha wejẽña tiquirore, ni yuhtiahye masa ijipihtiyequina.

²³ —¿Yabe borore ñañene yeari ahriquiroy, masa sa nigũ? niahye tiquiro.

Tiquiro sa nigũ tuħoye tiquina tutuaro mehna sañuducuahye:

—Curusapũ quẽ biha wejẽña tiquirore, ni sañuducuahye masa tiquirore.

²⁴ Tiquina sa ni sañuducugũ tuħoro, tiquirore tiquina tuħo dueragũ ihñano “Masa usua, cahmequeboaga”, nino, yuhtiro ohõ saha yeahye Pilato. Masa tiquina ihñonopũ tiquiro omo coseahye. Sa omo cosero ohõ saha niahye.

—Ahriquiroyre wejẽdi buhiri yee buhiri ijierare. Masa ye buhiri ijire, nino omo coseahye.

²⁵ Tiquiro sa nigũ tuħoye ijipihtiyequina masa ohõ saha niahye.

—Ahriquiroyre wejẽdi buhiri usã, usã pohna gũħu usã ye buhiri ijiahro, niahye masa.

²⁶ Tiquina sa nigũ tuħoro Pilato Barrabáre peresupũ ijiriquirore wio dutiahye masa tiquina cahmeniquirore. Sa ye tuhasa Jesu pehere yuta dari mehna tana duti, tiquirore curusapũ wejẽ dutiro ohoahye surarare.

²⁷ Tiquiro sa ohogũ Pilato ya wũħũ tiquiro yequina surara Jesure neñe esahye. Sa ye tiquina surara ijipihtiyequina Jesu cahapũ cahmecoahye. ²⁸ Sa ye tiquiro suhtire tu we ne, puħtoro ya suhtiro saha bajuri suhtirore tiquirore sãahye. ²⁹ Sa sãa tuhasa, pota behtore ye tuhasa, tiquiro dapu bui duhu peoahye. Sa duhu peo tuhasa, yucũgũre pota pehe dahra suhahye. Dahra suha tuhasa, dũsepe curi mehna quehe sa, bujũpeahye tiquirore.

—Quehnoano ahtaya. Judio masa puħto, quehnoano ahtaya, ni bujũpeahye tiquirore.

³⁰ Sa nieta tiquirore sihco puti ohõ, tiquina dahra suhadũre tiquirore tuũ we ne, tiquiro dapure quẽahye tu mehnata. ³¹ Tiquina sa bujũperi bato tiquina sãari suhtirore tu we ne, tiquiro ye suhti pehere sãahye tja. Sãa tuhasa, curusapũ wejẽñe tehe, tiquirore ne wijiahye.

Tiquina Jesure curusapũ quẽ biha, wejẽahye

(Mr 15.21-32; Lc 23.26-43; Jn 19.17-27)

³² Tiquirore ne cã, Simo wame tiriquirere Cirene cjanore piti ca, tiquirore Jesu wũari curusare wũa cã dutiri.

³³ Wũa cã Gólgota wame tiropũ esari. “Gólgota”, nino “Dapu peħtoro”, nino nine. ³⁴ Sa ye vinore suẽñe co mehna tiquina moreñe core Jesure ohomedi. Ti acore sihni tuhu, sihniedari tiquiro.

³⁵ Sa ye Jesu ye suhtire tiquina tu we nedi bato tiquirore curusapũ quẽ bihari tiquina. Sa quẽ biha tuhasa, tiquiro ye suhtire “¿Noa yaro ijirrotari ohõ?” ni, cahme doqueperi, ni ojoahye panopũ. ³⁶ Doquepe tuhasa tiquirore ihña dujiducuri tiquina. ³⁷ Tiquiro dapu bui curusapũ ohõ saha ni ojoari pjĩne duhu ohõri tiquina tiquiro ñañe buhirire yahu duaye. “AHRIQUIROY JESU JUDIO MASA PUHTORO IJIRE”, ni ojoari tiquina ti pjĩne.

³⁸ Came puħaro yaque bucuħnare Jesu cahapũ apeye curusaripũ quẽ biha docori tiquina. Ihcãquiroy tiquiro pota pehe, apequiroy tiquiro cũ pehe pehe quẽ biha docori tiquina. ³⁹ Curusari cahapũ yũħdu cãñequina Jesure ihña, tiquina dapu pacare yure, tiquirore ñano yahuducuri:

⁴⁰ —¿Cohãcjũ wũħũre cohã, ihtia deco wahaboro pari turi ti wũħũre dahreborigũ ijiajari mũħũ? Cohãcjũ macũ ijigũ mũħũ basi dijia taya. Sa yegũ mũħũ basi yedohoya, nidi masa.

⁴¹ Sata ni bujuperi tiquiore. Pahia pũtoa gũhũ, marine judio masare buheyequina gũhũ, bũcũna gũhũ tiquiore sa ni bujuperi.

⁴²—Tiquiro apequinare yũhdũoriquire ijiro tiquiore basi gũhũ yũhdũoahro. “Israe masa pũto ijiaja”, nimene tiquiore. Sa yena tiquiore basi dijia tagũ ihũana tiquiore wacũ tutuanata.

⁴³ Tiquiro pehe Cohãcjũre wacũ tutuamene. Sa yero “Cohãcjũ macũ ijiaja”, nimene tiquiore. Tiquiro sa ijigũ Cohãcjũ pehe tiquiore yedohoahro, ni bujuperi tiquina.

⁴⁴ Yaque bũcũna tiquiore cahapũ tiquina quẽ bihanohriquina sata tiquiore bujupere, ñano yahuducuri tiquina gũhũ.

Jesu yariaa wahahye

(Mr 15.33-41; Lc 23.44-49; Jn 19.28-30; He 6.19-20; 10.19-20)

⁴⁵ Sa ye coheri pje ijigũ ihtia hora waro ijipihtiropũ nahitiano ijiri. ⁴⁶ Sa yero ti pjere nahitia yũhdũgũ waro Jesu tutuaro sañuducuri:

—¿Elí, Elí lema sabactani? nidi tiquiore. Sa nino ohõ saha nino niahye: “¿Yũhũ Pacũ, yũhũ Pacũ, dũhsegũ yũhare cohãjari mahũ?” nino nidi.

⁴⁷ Tiquiro sa nigũ tũhoye ihquẽquina topũ ducuyequina ohõ saha nimesi:

—Cohãcjũ yere yahu mũhtariquiore Eliare pijoro niboaga, nimesi tiquina.

⁴⁸ Sa yero ihcãquiore tiquina mehna cjũno oma cã, aco ihmini sũhte mehna vino sũẽñe core soha tuhasa, yucũgũ sohtoapũ dũhte ohõ, Jesu cahapũ esa, tiquiore sihõmedi.

⁴⁹ Tiquiro sa yegũ ihũañe apequina sihõriquiore ohõ saha nidi:

—Cohteniña. Elia ahriquiore tiquiore yũhdũogũ ihũaũhna mari, nidi apequina.

⁵⁰ Tiquina sa nidi bato pari turi sañuducu, Jesu pehe yariaa wahari.

⁵¹ Tiquiro yariagũta Cohãcjũ wũhũ cjã suhtiro cahsero, topũ tiquina cahmotari cahsero deco tũhũ maa dijia, cjũ saa wahahye. Sa yero yehpa gũhũ ñuhmide. Sa ñuhmigũ utã

paca bujũye paca wahtia wahari.

⁵² Sa ye masa coperi parĩgũ, peyequina Cohãcjũ yequina mũna panopũ yariariquina mũna masa wijiahye.

⁵³ Masa wijia, Jesu masa wijiaro bato ti coperire cohã cã, quehnoari macapũ Jerusalẽpũ wahari tiquina. Topũ tiquina wahagũ peyequina masa ihũahye tiquinare.

⁵⁴ Sa ye ti ijipihtiyere ihũañe, yehpa ñuhmigũ ihũañe, surara pũhtoro tiquiore yequina surara mehna ihũa maria wahari. Tiquina Jesure curusapũ ijiriquiore cohteyequina ijiri. Ihũa maria waha, ohõ saha nidi:

—Ijirota ijire. Ahriquiore Cohãcjũ macũnota ijimeya, nidi tiquina.

⁵⁵ Sa ye Galileapũ Jesu mehna ahtariquina numia tiquiore yedohoriquina numia yooropũ tiquiore curusapũ ijiriquiore ihũaducuye nidi. ⁵⁶ Tiquina numia mehna María Magdalena ijiri. Apecoro María wame tiricoro gũhũ ijiri. Ticoro pehe Santiago, José gũhũ pacoro ijiri. Apecoro Zebedeo namono ijiri.

Jesu pagũre masa copepũ cũahye José

(Mr 15.42-47; Lc 23.50-56; Jn 19.38-42)

⁵⁷ Sa ye ñamicahapũ José Arimatea cjũno doeri cjẽ upũro topũ wihiahye. Tiquiro Jesu buheriquiro ijiri.

⁵⁸ Wihi, Pilato cahapũ esa, Jesu pagũre siniahye. Tiquiro sa sinigũ tũhoro Jesu pagũre tiquiore oho dutiahye Pilato. ⁵⁹ Tiquiro sa dutiri bato José pehe tiquiore pagũre ne dijio, quehnoari suhtiro wete marieni suhtiro mehna tiquiore pagũre wahmeahye.

⁶⁰ Wahme tuhasa, José tiquiore ya masa copepũ cũahye Jesu pagũre. Ti cope tiquina utãpũ seheri cope wahma cope ijiri. Ti copepũ ne sajã duhu cũ tuhasa, pajiria utãre tu torẽ cãhye tia mehna biharo taro. Biha tuhasa, wahaa wahahye. ⁶¹ Sa ye María Magdalena, apecoro María mehna ti copere ihũa dujiducuahye.

Jesure tiquina cūri copere surara cohteahye

⁶² Sa ye ape deco, pascua ijiatire tiquina quehnoani deco bato, saurú ijigū pahia pūhto, fariseo masa gūhū Pilato cahapū cahmecoahye. ⁶³ Cahmeco tuhasa ohō saha niahye tiquina Pilatore:

—Pūhto, tiquiro ni mehoriquiro Jesu catiro ohō saha niahye: “Ihtia deco wahaboro masa wijiagūta yūhū”, niahye tiquiro. ⁶⁴ Tiquiro sa nidiquiro ijigū tiquiro buheyequina pehe tiquiro pagūre yaqueboaga. Sa yaqueye masare ohō saha niboaga: “Jesu masa wijiari”, niboaga tiquina. Tiquiro Jesu pehe masare ni mehono nidi. Sa ijiepegūta tiquiro buheyequina pehe “Tiquiro masa wijiari”, niñe, ni mehoñe nieta. Sa yero Jesu tiquiro ni mehoriro yūhdūoro tiquina ye ni mehoñe pehe ña yūhdūarota. “Sa yaqueari”, nigū ihtia deco waro tiquiro masa copere mūhū yequina surarare cohte dutiya, niahye tiquina Pilatore.

⁶⁵ Pilato yūhtiahye:

—Aū. Ti copere cohteahro. Sa yena mūsa gūhū mūsa ye masino puno ti copere quehnoano cohteya, niahye tiquiro tiquinare.

⁶⁶ Tiquiro sa nigū tiquina waha, ti copere biharia utā mehnapūta ñehogūpūta wihtā ñeheahye masa tiquina sajāgū ihña masiñe tehe. Sa ye surarare ti copere cohte dutiahye.

28

Jesu masa wijiahye

(Mr 16.1-8; Lc 24.1-12; Jn 20.1-10)

¹ Sa ye judio masa mari sori deco saurú pehe yūhdūgū domingo ijigū ñami cjūnogā ijigū María Magdalena apecoro María mehna Jesu masa copere ihñañe wahahye. ² Sa yero duita yehpa tutuaro ñuhmiahye. Sa ñuhmigū mari pūhtoro tiquiro yaquiro angel ūhmūsepū ijiriquiro dijia ta, masa copere biharia utāre tu torē cā, tia bui dujiahye. ³ Ūpo miadoqueoro yero saha quehnoano asi siteahye tiquiro. Sa ye tiquiro suhti

ehmeo curua yero saha quehnoano yehseye suhti ijahye. ⁴ Tiquiro sa bajuagū ti copere cohteyequina surara cue yūhdūye, nanare yūhdūa waha, buigā warona yaria yūhdūa wahahye. ⁵ Sa yero angel pehe tiquina numiare ohō saha niahye:

—Yūhūre cueracāhña. Curusapū tiquina quē bihariquiro, Jesure mūsa macagū masiaja yūhū. ⁶ Tiquiro yojopūre ohōre mariedare. Tiquiro nidiro sahata masa wijiāa wahari. Tiquiro pagūre tiquina cūriroro ihñana ahtaya. ⁷ Sa yena tiquiro buheyequina cahapū ūmūñano waha, ohō saha ni yahuna wahaya: “Jesu masa wijiari. Sa yero mūsa pano Galileapū tiquiro wahayurota. Topū tiquirore ihñanata mūsa”, ni yahuna wahaya mūsa. Ahrita ijire mū sare yūhū yahuri quti, niahye angel tiquina numiare.

⁸ Tiquiro sa nidi bato tiquina numia masa copepū ijiye numia sojaro mehna wijiā, tiquirore cuepeta bucue yūhdūye mehna Jesu buheyequinare yahuye oma cāa wahahye. ⁹ Sa wahayequina numiare Jesu piti ca, ohō saha niahye:

—¿Quehnoano ijiajari mūsa? niahye tiquiro.

Tiquiro sa nidi bato, tiquina pehe tiquiro cahapū esa, dahpocārine ñehe, tiquirore ño peoahye.

¹⁰ —Cueracāhña mūsa. Yūhū bahanare “Galileapū wahaya”, ni yahuna wahaya. Topū yūhūre ihñaeta tiquina, niahye Jesu tiquinare.

Masa copere cohteyequina surara tiquina ihñarire yahuahye

¹¹ Tiquiro sa nidi bato numia wahari watoa ihquēquina masa copere cohteriquina mehna cjēna surara, Jerusalēpū pahia pūhtoare ijipihtiyere yahu pehoye wahahye. Jesu tiquiro masa copepū wijiārire yahu peho cāhye. ¹² Tiquina sa ni yahugū pahia pūhto, judio masa mari bucūna mehna cahmecoahye. Cahmeco, yahuducuahye. Sa yeye

surarare ni meho dutiye niñerure wapa yeahye.

¹³ —Ohō saha niña m̄sa masare: “Ñami ʉsã carĩdi bato tiquiro buheye-quina pehe masa copep̄a wihi, tiquiro pagare ne cãri jiri”, ni yahuya masare. ¹⁴ M̄sa sa ni yahugũ Pilato pehe m̄sa carĩ yahduarire tuhoboaga. Tiquiro sa tuhogũ, “M̄sare tuhtiari”, nina, m̄sare yahu basanata ʉsã tiquirore, niahye tiquina surarare.

¹⁵ Tiquina sa nidi bato surara pehe niñerure ñehe, tiquinare tiquina ni meho dutiriro sahata masare yahuye wahahye. Sa ye tiquina ni mehoriro sahata Jesu tiquiro masa copere wijiarire yahuducuri judio masa. Yojop̄a gũhare sata nine tiquina.

Jesu tiquiro yere buhe dutiro ohoahye tiquiro buheyequinare

(Mr 16.14-18; Lc 24.36-49; Jn 20.19-23)

¹⁶ Sa ye ʉsã Jesu buhena once buhena cun̄p̄a Galileap̄a ijid̄p̄a Jesu tiquiro waha dutid̄p̄a waha ʉsã.

¹⁷ Top̄a esa, Jesure ihñana, ño peou ʉsã tiquirore. Sa ño peopenata, ʉsã ihquẽquina “Ahriquiro Cohãcjũ mac̄no ijieraboaga”, ni tuhotumi.

¹⁸ ʉsã sa ño peogũ tiquiro pehe ʉsã cahap̄a wihi, ohō saha nidi:

—Ahri yehpap̄are, ʉhm̄sep̄a gũhare Cohãcjũ ijipihtiyequina bui tutuayere ohori yah̄are. ¹⁹ Tiquiro sa ohogũ ohō saha dutiaja m̄sare: Ijipihtiro cjẽnare yeere buhena wahaya. Yeequina tiquina wahatire buhena wahaya. Sa yena mari Pac̄a wame mehna, yah̄a wame mehna, Espiritu Santo wame mehna tiquinare wame yeya. ²⁰ Sa yena m̄sare yah̄a dutirire tiquina ye pehoatire buheya tiquinare m̄sa. Sa yena ahrire yah̄a niatire wacũña: Ijipihtiye decori ahri yehpa ijiro puno m̄sa mehna sa ijiducuḡtja. M̄sa mehna yah̄a sa ijiducuatire wacũña m̄sa, ni yahuri ʉsãre Jesu.

San Marcos

Ñu wame yeriquiro buhe dñcahye
(Mt 3.1-12; Lc 3.1-9, 15-17; Jn 1.19-28)

¹ Ahri pũpũ Jesucristo Cohãcjũ macano tiquiro yerire quehnoañe buheyere yahu dñcaja. ² Cohãcjũ yere yahu mñhtariquiro mñnano Isaia tiquiro ojoariro sahata yahuye ijire. Ohõ saha ni ojoahye tiquiro:

Cohãcjũ tiquiro macanore ohõ saha niahye: “Mũhũ pano mñhare yahuyuatiquirore ohoyugũ niaja. ³ Sa yero tiquiro masa marienopũ waharota. Tiquirore tũhoyequinare yahuro sañuducurota: ‘Mari pũhtoro tiquiro ahtato pano mahare mari quehnoyuro saha quehnoana ijĩyuya mñsa. Mñsa ñañe yerire bujũa witiya,’ ni sañuducurota,” niahye Cohãcjũ, ni ojoahye Isaia.

⁴ Ñu wame yeriquiro masa marienopũ buhee tiahye.

—Mñsa ñañe yerire bujũa witiya. Yojobũre quehnoañe pehere came-saya. Sa yena wame yenohrina ijiya. Mñsa sa comesagũ ihñano Cohãcjũ mñsa ñañe yerire borota, ni buhee tiahye tiquiro.

⁵ Sa yero ijipihtiyequina Judea dihta cjẽ macari cjẽna Jerusalẽ cjẽna mehna tiquiro cahapũ esagũ ihñano Ñu pehe Jordã wame tiri mapũ wame yeahye tiquinare. Tiquinare tiquiro wame yegũ tiquina pehe tiquina ñañe yerire yahu yũhdũahye Cohãcjũre.

⁶ Sa yero Ñu camello poari suhtirore sañariquiro wahiquina cahsero mehna tũã dihoriquiro ijiahye. Poreroare, umiquina nũcũ cjẽna umine ihyaeh tiahye. ⁷ Sa yero ohõ saha ni buhee tiahye.

—Yũhũ bato yũhũ yũhdũoro tuuariquiro ahtarota. Quehnoa yũhdũariquiro ijire tiquiro. Tiquiro yero saha ijieraja yũhũ pehe. Sa yegũ

tiquirore tũhotugũ, “Ihyo ijigũ ijiaja yũhũ”, ni tũhotuaja yũhũ. ⁸ Mñsare wame yegũ aco mehna wame yei. Tiquiro pehe yũhũ yũhdũoro yerota. Espĩritu Santore masa mehna ijiducugũ yerota, ni buhee tiahye Ñu.

Ñu Jesure wame yeahye
(Mt 3.13-17; Lc 3.21-22)

⁹ Sa ye ti pjere Jesu Nazarepũ Galilea yehpapũ ijiri macapũ ijiriquiro Jordã wame tiri mapũ esahye. Topũ tiquiro esagũ Ñu wame yeahye tiquirore. ¹⁰ Tiquiro wame ye tuhasagũ Jesu diapũ ijiriquiro maja sadũca uhmũanopũ ihñna mñoahye. Uhmũse parĩ maa wahahye. To parĩ maagũta Espĩritu bujua yero saha Jesu bui dijia tahye. ¹¹ Sa yero uhmũsepũ yahuducuro ca tahye:

—Mũhũ yũhũ macũ yũhũ cahĩgũ ijire. Mũhũ mehna tutuaro bucueaja, nino ca tahye uhmũsepũ.

Satana ñañene ye dutimahye Jesure
(Mt 4.1-11; Lc 4.1-13)

¹² Ti pjere Jesure masa marienopũ Espĩritu Santo neahye. ¹³ Topũre esaro cuarenta decori waro ijiahye. Watĩno pehe Jesu tiquiro ñañene yegũ ihñna duaro ñañene ye dutimahye tiquirore. Sa yero Jesu wahiquina nũcũ cjẽna mehna ijiahye. Topũ tiquiro ijigũ ihñañe angele pehe tiquirore yedohoahye.

Jesu Galilea yehpapũ buhe dñcahye
(Mt 4.12-17; Lc 4.14-15)

¹⁴ Sa ye Ñure peresupũ tiquina biha dapori bato Jesu pehe Galilea yehpapũ quehnoañe buheyere Cohãcjũ pũhtoro ijiyere yahuro wahahye. ¹⁵ Ohõ saha ni yahuahye:

—Yojobũre ohõ saha ijire. Cohãcjũ tiquiro pũhtoro ijiato mehenogã dũhsare. Mñsa ñañe yerire bujũa witiya. Sa yena quehnoañene came-saya. Quehnoañe buheyere tũhoya mñsa, ni buhee tiahye Jesu.

Jesu pititiaro wahi yohyeyequinare
“Yũhũ mehna cjãna ijiana ahtaya”, ni-ahye
(Mt 4.18-22; Lc 5.1-11)

16 Tire yahu tuhasaro Galilea wame tiri ditara duhtu cahapu esaro, ihñahye Simore, tiquiro baharo Andre mehna. Tiquina wahi yohyeyequina ijiahye. Sa ye tiquina wēñecjare doque ñoñe niahye ti ditarapu.

17 —Yuhu mehna cjāna ijiana ah-taya musa. Yuhu mehna musa ahtagū musa wahire ñehe cahmecoana musa ijiro saha Cohācjū yequina ijiatiquinare masare piji cahme-coana ijigū yeitja musare. Yuhu mehna musa ahtagū sa yeana-jare cūtja musare, niahye Jesu.

18 Tiquiro sa nigū tūhoye tiquina wēñecjare cū cā, tiquiro mehna wahahye.

19 Sa ye tiquina mehenogā yuhdu cā, Santiagore, tiquiro baharo Ñu gūhare boca sahye tja. Tiquina pehe Zebedeo pohne ijiahye. Tiquina yaria yucsapu wēñecjare quehnoñe niahye. 20 Sa yero tiquiro pijogū tiquina pehe tiquina pacurore, tiquirore yedohoyequina mehna yucsapu cū cā, Jesu mehna wahahye.

Watīare cūoriquiro Jesure piti cahye
(Lc 4.31-37)

21 Sa ye tiquina Capernau wame tiri macapu esahye. Sa yero saurū ijigū judio masa buheri wuhapu buhero esahye tiquiro. 22 Sa yero tiquiro quehnoano masi pehoriquiro buhero usā judio masare buheye-quina yero saha ijierahye tiquiro. Tiquiro sa buhegū ti maca cjēna tūho maria wahahye. 23 Ti pjere ti wuhapu ijiriquiro watīare cūoriquiro ijiahye. Sa yero ohō saha niahye Jesure:

24—Muhu Jesu Nazare cjū cariboer-acāñña usāre. ¿Duhse yei tūu niajari usāre? ¿Muhu usāre butigū yei tūu niajari? Cohācjū macu quehnoagu muhu ijigū yuhu masiaja, ni sañuducuahye tiquiro Jesure.

25 Tiquiro sa nigū tūhoro Jesu tuhti-ahye watīare:

—Dihta mariahña. Duhuya tiquirore, niahye Jesu.

26 Sa yeye watīa tiquirore yehpapu doque quehe sa tunugū yeye, tiquiro tutuaro sañuducuri watoa duhuahye tiquirore. 27 Sa ye ijipihtiyequina ti wuhapu dujiyequina acua yuhduu waha, ohō saha niahye:

—Ahyou. ¿Ahri wahma buheye ijiajari? Tiquiro puhtoro yero saha dutire watīare. Tiquiro dutigū tiquina watīa pehe yuhduucaerare tiquirore, ni yahuducuahye ti wuhapu dujiyequina tiquina basi.

28 Sa ye meheñe decori batota duita ijipihtiyequina Galilea yehpa cjēna tire tiquiro sa yerire tūhoahye.

Jesu Simo Pedro mareonore duti yuhdugū yeahye

(Mt 8.14-15; Lc 4.38-39)

29 Sa ye Jesu gūhu judio masa buheri wuhapu ijiriquina wijiaa wahahye. Tiquina sa wijiari bato Jesu, Santiago, Ñu, apequina tiquina mehna cjēna gūhare, Simo, tiquiro baharo Andre mehna tiquina ya wuhapu siho sajā sahye. 30 Ti pjere Simo mareono ujuaye dohatiricoro cuñano bui ticoro cuñagū ihñañe yahuahye Jesure. 31 Tiquina sa ni yahugū tūhoro tiquiro pehe ticoro cahapu esaro, ticoro omocare ñehe, ticorore weje wahcō dapoahye. Tiquiro sa weje wahcō dapogūta ticorore ujuaye surua wahahye. Ti sa sururi bato ticorota ihyayere peoahye.

Jesu peyequina dohatiyequinare yuhduoahye

(Mt 8.16-17; Lc 4.40-41)

32 Ñamicahapu asū sajāri bato masa peyequina dohatiyequinare, watīa cūoyequinare Jesu cahapu ne sahye. 33 Sa ye ijipihtiyequina ti maca cjēna cahmecoa dūca sahye ti wuhu sopec-ahapu. 34 Sa yero Jesu peyequina dohatiyequinare, peyequina watīa cūoyequinare quehnoa wahagū yeahye. Peyequina watīare cohāhye. Sa yero Jesure watīa tiquirore masigū

ihñano Jesu pehe tiquinare yahuducu dutierahye.

Jesu buhe tinino wahahye
(Lc 4.42-44)

³⁵ Sa ye ñami cjũno wahcã, nahitia cjũgũ masa marienopũ Cohãcjũre sinino wahahye Jesu. ³⁶ Tiquiro sa wahagũ ihñañe Simo gũhũ tiquirore macañe esahye. ³⁷ Sa ye tiquirore piti caye, ohõ saha niahye:

—Masa ijipihtiyequina mũhũre macañe nidi, niahye tiquina.

³⁸ Tiquina sa nigũ tũhoro ohõ saha niahye Jesu:

—Ahri macarine buhegũ ahtaũ yũhũ. Sa yena apeye macari ohõ cahagã cjẽ macaripũ wahaũhna mari. Yũhũ ti macari gũhũre buheitja, niahye Jesu tiquinare.

³⁹ Sa yero ijipihtiyere Galilea yehpare buhe tiniahye. Sa yero macaripe judio masa buheye wũhũsepũ buhero, watĩare masa mehna ijiyequinare cohã wioahye.

Jesu cami bũcũ mũna wihirore yũhdũoahye
(Mt 8.1-4; Lc 5.12-16)

⁴⁰ Sa ye apequiro dohatiriquiro cami bũcũ mũna wihiro Jesure piti caro dũsepe curi mehna quehe sa siniahye:

—Mũhũ yũhũre yũhdũo duagũ yũhdũoya, niahye cami bũcũ mũna wihiro.

⁴¹ Tiquiro sa nigũ tũhoro Jesu tiquirore paja ihñahye. Sa yero tiquiro omocare siõdoqueo tiquirore ña peoahye. Sa ña peoro ohõ saha niahye:

—Tire ye duaja. Quehnoagũ ijiya mũhũ, niahye Jesu.

⁴² Tiquiro sa nigũta tiquiro cami ahbari yati maa wahahye. Quehnoa wahahye tiquiro. ⁴³ Tiquiro sa wahagũ ihñano Jesu tiquirore tutuaro mehna yahuahye:

⁴⁴ —Apequinare ahrire yahu sit-eracãhña. Sa yahuerapegũta mũhũ pagũre pahire ihñoña. Cohãcjũ dutiye Moisere tiquiro cũriro sahata yeya. Sa yegũ minicjũare ohoya

pahire mũhũ quehnoagũ mũhũ waha-
harire masare mũhũ ihñoatire, niahye
Jesu. Sa ni tuhasa “Wahaya”, niahye
tiquirore.

⁴⁵ Tiquiro sa yahu dutierapegũta tiquiro waha, ijipihtiyere macari cjẽnare Jesu yerire yahuahye. Tiquiro sa yahuri bato Jesu masa peyequina ijiropũre waha masiedahye. Sa yero tiquiro meheñequinagã ijiropũ ijiahye. Topũ tiquiro ijigũ peye macari cjẽna tiquiro cahapũ esahye.

2

Jesu tini masieniquirore tinigũ yeahye

(Mt 9.1-8; Lc 5.17-26)

¹ Meheñe decori bato Jesu Capernaupũ tojoa wahahye. Wũhũpũ tiquiro ijigũ masa tũhoahye. ² Sa ye topũ masa peyequina cahmecoa, ti wũhũre wahpa wijiadũca saa wahahye. Sa yero Jesu tiquinare quehnoañe buheyere yahuahye.

³ Sa ye apequina gũhũ ahta, pititiaro umũa tini masieniquirore ne wihiahye. ⁴ Tiquina masa peyequina ijigũ ihñañe Jesu cahapũ sajã masiedahye. Sa ye tiquina wũhũ buipũ muji pahmare ne wedoqueo, Jesu bui waro meheni copegã dahre, tini masieniquirore tiquiro cuñari cahsero mehna duhu dijioahye Jesu caha waro. “Jesu ahriquiroro tiquiro dohatiyere yũhdũgũ yerota”, ni tũhotuahye tiquina. ⁵ Tiquina sa ni tũhotugũ masino Jesu pehe dohatiriquirore ohõ saha ni yahuahye:

—Yũhũ macũ, mũhũ ñañe yerire cohã tuhasũ, niahye Jesu tini masieniquirore.

⁶ Tiquiro sa nigũ tũhoye, usã acaye judio masare buheyequina topũre dujiyequina tiquina basi ohõ saha ni tũhotumahye: ⁷ “Ahriquiroro sa ni yahuducueracãhdo. Cohãcjũre ñano yahuducuro nine tiquiro. Masũno mari yero saha ijiriquiro ijire tiquiro gũhũ. Sa yero tiquiro ahriquiroro ñañe yerire cohã masiedare. Cohãcjũ di-hita masa tiquina ñañe yerire cohã

masine”, ni t̄hotumahye tiquina. ⁸ Tiquina sa ni t̄hotugū ihñano Jesu tiquina t̄hotuyere masino ohō saha niahye:

—¿D̄hse yena m̄sa sa ni t̄hotuajari? ⁹ “M̄h̄ ñañe yerire cohā tuhasaja”, ȳh̄ nigū, “Ni mehoḡ ijire”, ȳh̄re nina nine m̄sa masiedapenata. Tiquiro tini masieniquirore “Wahcād̄ca, wahaya”, ȳh̄ nigū, tiquiro tinigū ihñana ȳh̄ nidi potota ijigū duita masinata m̄sa. ¹⁰ Ȳh̄ mas̄ Cohācjū ohoriḡ ahri yehpar̄re masa tiquina ñañe yerire cohā masiaja ȳh̄. Ȳh̄ sa cohārire m̄sa masiato saha ohō saha tiquiro wahagū yeitja, niahye Jesu judío masare buheyequinare.

Sa ni tuhasa tini masieniquirore ohō saha niahye:

¹¹—M̄h̄re niita niaja. Wahcād̄caȳh̄ hatieȳquina yero saha ijire. Sa M̄h̄ cuñari cahserore ne cāhña m̄h̄ ya wah̄p̄, niahye Jesu tiquirore.

¹² Tiquiro sa nigūta tini masieniquirore wahcād̄ca sa, tiquiro cuñari cahserore ne, ijipihtieȳquina tiquina ihñono wijiaa wahahye. Tiquiro sa yegū ihñañe tiquina ijipihtieȳquina ihña ac̄aa wahahye. “Cohācjū tutuariquiro ijire. Ne mari ohō saha yegūre ihñeda tii”, niahye tiquina basi.

Jesu Levíre “Ȳh̄ mehna cjū ijiacjū ahtaya”, niahye

(Mt 9.9-13; Lc 5.27-32)

¹³ Sa ye pari turi Jesu ditara d̄ht̄ cahap̄ wahahye. Sa yero masa peyequina tiquiro cahap̄ tiquina cahmecoagū ihñano tiquiro buheahye tiquinare. ¹⁴ Sa ye tuhasa top̄ ijiriquiro waharo Levíre Alfeo mac̄nore tiquiro dahrari tuc̄p̄ boca sahye. Apequina mehna p̄htoa ye ijiatire wapa ne cohteyequina ijiahye Leví ḡh̄. Tiquirore boca saro ohō saha niahye:

—Ȳh̄ mehna cjū ijiacjū ahtaya m̄h̄, niahye Jesu Levíre.

Tiquiro sa nigū Leví pehe wahcād̄ca sa, Jesu mehna wahahye.

¹⁵ Jesu mehna wahayequina peyequina ijiahye. Sa yero Leví ya wah̄p̄ mesa cahap̄ peyequina wapa ne cohteyequina mehna, “Ñano yeyequina”, tiquina niñequina mehna tiquiro buheyequina mehna dujiahye Jesu. ¹⁶ Top̄ tiquina dujiri bato apequina us̄a judío masare buheyequina, fariseo masa mehna Jesu tiquiro ihyagū ihñahye tiquina. Sa ihñañe ohō saha niahye:

—¿D̄hsero ñano yeyequina, wapa ne cohteyequina mehna ihyajari Jesu? ni sinituahye judío masare buheyequina Jesu buheyequinare.

¹⁷ Tiquina sa nigū t̄horo queoye mehna ȳhtiahye Jesu:

—Dohatieȳquina duturure macaedare. Dohatieȳquina dihita duturure macare. Ñañequina dohatieȳquina yero saha ijire. Sa yegū ñañequina dihitar̄e tiquina ñañe yerire b̄j̄a witi duti, quehnoañe pehere tiquinare comesagū yegū tagū nii ȳh̄. Tiquina basi “Quehnoana ijiaja us̄a”, ni t̄hotuyequinare yedohoḡ tagū nied̄ ȳh̄, niahye tiquiro tiquinare.

Sijiyere Jesure sinituahye apequina (Mt 9.14-17; Lc 5.33-39)

¹⁸ Ti pjere Ñu buheyequina, fariseo masa ḡh̄ Cohācjūre ño peoye tehe, sijie tiahye. Sa ye masa Jesure sinituahye:

—Ñu buheyequina, fariseo masa buheyequina ḡh̄ Cohācjūre ño peoye tehe sijire. ¿D̄hse ye m̄h̄ buheyequina sijierajari? niahye tiquina Jesure.

¹⁹ Jesu tiquiro t̄hotuye mehna queoye mehna buhero tiquinare ohō saha ni ȳhtiahye:

—Ohō saha ijire ti: Omoca d̄ht̄eriquiro bose deco ijigū tiquiro mehna cjēna b̄j̄a witiro mehna ijierare. Sa ye sijiyequina ijierare. Sata ȳh̄ buheyequina ḡh̄ ȳh̄ mehna ijiye, siji masiedare. ²⁰ Ȳh̄ Pac̄ Cohācjū ȳh̄re tiquiro neari bato p̄ritare pari turi ȳh̄ buheyequina mehna ijisi ȳh̄. Sa ye ti

pjeru yuhu buheyequina gūhu sijieta, niahye Jesu.

²¹ Panopu cjē buheye mehna tiquina buhe more duagū ihñano ohō saha ni nemoahye Jesu tiquinare queoye mehna buhero.

—Ne wahma cahsero suhtiro cahsero mehna munano suhtirore sere ohōno cahmedare. Sa yegū wahma cahsero mari coseri bato munano suhtirore weje cahmeco, paji yuhduaro tahnugū yere. (Sata muna buheye wahma buheye mehna piti dahre buheraro cahmene.)

²² Sa yena ne uhse co bisiye core wahiquiro cahsero ajuropare muna ajuropare pose yeraro cahmene. Sa yegū uhse co bisiye pahmuñepu muna ajurore tahnū dijiaa wahare. Ti ajuro tahnugū uhse co gūhu ajuro gūhu cohāa wahare. Sa yena uhse co wahma core wahma ajuropu pose yero cahmene. (Sata wahma buheye muna buheye mehna buhe moredaro cahmene,) ni buheahye Jesu tiquinare.

Saurú ijigū Jesu buheyequina trigo parorire peheahye

(Mt 12.1-8; Lc 6.1-5)

²³ Ape deco saurú ijigū Jesu gūhu trigo wesepu wahahye. Tiquiro buheyequina pehe trigo parorire pehe yuhdu cāhye. ²⁴ Tiquina sa yegū ihñañe ohō saha ni tuhtiahye fariseo masa Jesure:

—Tuhorīña usāre. ¿Duhse ye mahu buheyequina saurú mari sori deco ijiepegāta dahrajari? Mari dutiyere yuhduhcayē nine, niahye tiquina Jesure.

²⁵⁻²⁶ Tiquina sa nigū tūhoro Jesu tiquinare yuhtiahye. “Yuhu buheyequina yuhduhcayē niedare”, nino taro ohō saha niahye:

—Davi munano tiquiro mehna cjēna mehna ujua ahbaro, Cohācjū wuhupū sajā, Cohācjū ye pāre ihyahye. Sa yero tiquiro mehna cjēna gūhure ti pāre ohoahye. Ti pāre pahia dihita ihyae tiahye. Cohācjū dutiye tiquina ojoari pū apequinare ti pāre ihyā dutierare. Ti pjere Abiatar wame

tiriquiro pahia puhtoro ijiahye. ¿Davi gūhu tire tiquina yerire Cohācjū yere tiquina ojoari pūre buherari masa? (Ti pāre ihyaro Cohācjūre yuhduhcayē niedahye. Miare ahri pjerire ihyaye yuhu buheyequina gūhu Cohācjūre yuhduhcayē niedare,) niahye Jesu tiquinare.

²⁷ Sa ni tuhasa ohō saha ni nemoahye:

—Sa yero Cohācjū saurú decore tiquina sori deco cūno, masa ya deco cūno nidi dahra wahyariquinare so dutiro. Ti deco cahacjēna ijiatire cūno niedari masare. ²⁸ Sa yegū yuhu masu Cohācjū ohorigu ahri deco saurú decore masa tiquina yeatire yahugu ijigū puhto ijiaja, niahye Jesu tiquinare.

3

Omoca buhariquiro qiti ijire

(Mt 12.9-14; Lc 6.6-11)

¹ Sa ye Jesu usā judio masa buheri wuhupū esaro, sajāhye tja. Sa yero omoca buhariquiro gūhu topu ijiahye. Sa ye ti wuhupū ijieyequina Jesu dihitarē ihñadoque ohōahye. ² Saurú ijigū Jesu omoca buhariquirore tiquiro yuhduogū ihñā duahye tiquina. Tiquiro sa yegū ihñañe tiquirore yahusā duahye. “Mari sori decore Jesu dahraro nine”, ni yahusā duahye tiquina. ³ Sa yero ohō saha niahye Jesu omoca buhariquirore:

—Wahcādūca saya. Ohōpu ahtaya, niahye.

Sa ni tuhasa ti wuhupū ijieyequinare yahuahye:

⁴ —¿Saurú ijigū quehnoañene yegū quehnoaedajari? ¿O ñañe yegū pehere quehnoajari, masa tuhotugū? Saurú ijigū masunore masogū quehnoarīne. Masunore wejēgū pehere quehnoaedare, ni yahuahye Jesu tiquinare.

Tiquiro sa niepegāta tiquina pehe ne yuhtierahye. ⁵ Tiquina sa yuhtieragū ihñano Jesu tiquina mehna usuahye. Tiquina tūho dueragū ihñano Jesu bujua witiahye.

—Muhū omocare siō potoya, ni-ahye tiquiro omoca buhariquirore.

Tiquiro sa nigū tūhoro tiquiro omocare siō potoahye. Tiquiro siō potogāta omoca quehnoa wahahye. ⁶ Sa omoca quehnoa wahagū ihñañe fariseo masa wijiaa wahahye. Wijia, Herode mehna cjēna mehna cahmecoa, “¿Dahse ye Jesure wejēnatari mari?” niahye tiquina basi.

Masa peyequina ditara dūhtū cahapū ijiahye

⁷⁻⁸ Sa ye Jesu tiquiro buheyequina mehna ditara cahapū wahahye. Tiquina sa wahagū ihñañe Galilea cjēna masa peyequina tiquiro bato esahye. Sa ye Judea yehpa cjēna, Jerusalē cjēna, Idumea yehpa cjēna, Jordā wame tiri ma ape sie pahrē cjēna, Tiro wame tiri maca cjēna, to cahapū ijiyequina, Sidō wame tiri maca cjēna, to cahapū ijiyequina mehna masa peyequina ijihiyequina tiquiro yerire tūhoye, tiquiro cahapū esahye. ⁹ Sa ye masa peyequina ijiye, Jesu cahare bihsa dūca sahye. Sa yero Jesu yucū sare quehno pahsa dutiahye tiquiro buheyequinare. ¹⁰ Peyequina dohatiyequinare tiquiro yūhdūogū ihñañe apequina dohatiyequina gūhū Jesure piha duaye, bihsa dūca sahye. ¹¹ Sa ye watīare cūoyequina pehe Jesure ihñañe tiquiro cahapū dūsepe curi mehna quehe sahye.

—Muhū Cohācjū macū ijire, ni sañuducuahye tiquina tiquirore.

¹² Sa yero tiquinare Cohācjū macūno tiquiro ijiyere tutuaro mehna apequinare yahu dutierahye Jesu.

Jesu tiquiro buheyequinare doce tiquiro ohoatiquinare bese docoahye
(Mt 10.1-4; Lc 6.12-16)

¹³ Sa ye Jesu cūnūpū mūja, tiquiro cahmeñequinare pijiahye. Tiquiro pijigū tūhoye, tiquiro cahapū esahye tiquina. ¹⁴ Sa yero doce ūmūare tiquiro mehna cjēnare, tiquiro ohoatiquinare, apeye macaripūare tiquiro yere buheatiquinare bese docoahye

Jesu. Sa ye tiquina ya curua Jesu cūriquina wame tiahye. ¹⁵ Sa yero dohatiyequinare yūhdūoatire, watīare cohāti gūhūre cūahye tiquinare. ¹⁶⁻¹⁹ Ahriquina ijiahye doce ūmūa Jesu tiquiro bese docoriquina: Simo, Santiago Zebedeo macūno, Ūu Santiago bahūro, Andre, Felipe, Bartolomé, Mateo, Tomasu, Santiago Alfeo macūno, Tadeo, Simo celote ya curua cjāno ijimediquiro, Juda Iscariote, ahriquina ijiahye tiquiro bese docoriquina. Jesu Simore Pedro wame yeahye. Santiagore, Ūu mehna Boanerges wame yeahye. Boanerges “Ūpo cjēna”, nino nine. Juda Iscariote Jesure ihñā tuhtiyequinare ihñoatiquiro ijiahye.

—Jesu watīno tutuayere cūore, ni yahusāhye masa

(Mt 12.22-32; Lc 11.14-23; 12.10)

²⁰ Tiquinare bese doco tuhasa, dija, Jesu tiquiro buheyequina mehna wūhūpū sajāa wahahye. Sa ye topū pari turi masa peyequina cahmecoañe, bihsaa wahahye. Tiquina sa bihsagū ihñāno Jesu ihya masiedahye. Sa ye tiquiro buheyequina gūhū ihya masiedahye. ²¹ Sa ye apequina Jesu acaye tire tūhoye tiquiro cahapū esaye, tiquirore ñehemahye. “Tiquiro tūho masieniquiro waharo nine”, nimahye tiquina.

²² Apequina ohō saha nimahye:

—Beelzebú tiquirore sa wahagū yero niaga. Tiquiro watīare cohāno, Beelzebú watīa pūhoro tutuaye mehna tiquinare cohāre, nimahye Jerusalēpū ahtariquina ūsā judio masare buheyequina.

²³ Tiquina sa nigū tūhoro Jesu pehe tiquinare piji, tiquiro tūhotuye mehna queoye mehna yahuahye tiquinare, “Watīno ye tutuaye mehna watīare cohāgū niedaja”, nino taro.

²⁴ —Watīa tiquina basi cohā masiedare. Sa ye ihcā yehpa cjēna tiquina basi cahme wejē, ti yehpa cjēna yaria pihtia wahaboaga. ²⁵ Sa

ye ihcã wãhã cjëna tiquina basi cahmequeñe ti wãhã cjëna waha pihtia wahaboaga. ²⁶ Sa yero Satana watia pãhtoro pehe watiare cohãno tiquina basita cahmequeñe niboaga. Sa ye tiquina waha pihtia wahaboaga.

²⁷ 'Ohõ sahata ijire mari queoye mehna buhegã. Tutuariquiro ya wãhãpã apeqiro sajã sa yaque masiedare. Tutuariquirore dãhteraro tiquiro ya wãhãpã sajã sa yaque masiedare. Tutuariquirore tiquiro dãhteri bato sajã sa yaque masine, ni yahuahye Jesu.

(Ohõ saha ni yahuahye watinore tiquiro yãhdãdãcarire yahuro. Watino tutuariquiro tiquiro ijiepegãta Jesu tiquirore yãhdãdãcare watiare cohãno.)

²⁸ Sa ni tuhasa ohõ saha ni yahu nemoahye Jesu:

—Poto niita niaja mãsare. Ijipihitiye ñaãe masa tiquina yegã tiquina yahuducugã gãhãre Cohãcjã bo masine. ²⁹ Sa boeperota Espiritu Santore tiquina ñano yahuducugã ti pãritare ne bosì. Tiquina sa nidi buhiri sa buhiri tiducuyequina ijietã, niahye Jesu tiquinare.

³⁰ Jesu Espiritu Santo tiquiro tutuaye mehna watiare tiquiro cohãepegãta “Tiquiro watino tutuaye mehna watiare cohãno nine”, nimahye masa. Tiquina sa nigã tãhoro ti quitire Espiritu Santo quitire yahuahye Jesu tiquinare.

Jesu acaye tiquirore pijiahye
(Mt 12.46-50; Lc 8.19-21)

³¹ Sa ye Jesu bahana tiquiro pacoro mehna wihiahye. Sa wihiye sopecahãpã ijiahye. Apequinare piji dutiahye tiquirore. ³² Sa ye masa tiquiro cahãpã dujiyequina yahuahye tiquirore.

—Mãhã pacoro, mãhã bahana mehna sopecahãpã mãhãre pijiri, niahye.

³³ Tiquina sa nigã tãhoro ohõ saha niahye Jesu tiquinare buhero taro:

—¿Noa ijiajari yãhã pacoro, yãhã bahana gãhã, mãsa ihãagã? niahye tiquiro tiquinare buhero.

³⁴ Sa nino tiquiro caha dujiyequinare ihãano ohõ saha niahye:

—Ahriquina ijire yãhã pacoro, yãhã bahana yero saha ijiyequina. Cohãcjã cahmeñene yere ahriquina.

³⁵ Sa yeyequina yãhã bahã, yãhã baho, yãhã pacoro yero saha ijire, ni buheahye Jesu tiquinare.

4

Jesu oteriquiro quitire buheahye
(Mt 13.1-9; Lc 8.4-8)

¹ Sa ye pari turi ditara dãhtã cahãpã Jesu buhe dãcahye. Sa ye topãre buhe dãcaro masa peyequina tiquiro cahãpã tiquina cahmecoagã ihãano Jesu pehe yucãsapã buhe pahsahe. Sa ye masa pehe ditara dãhtã cahãpã ducuahe. ² Sa yero Jesu peye tiquiro tãhotuye mehna piti dahre yahuahye tiquinare buhero.

³ —Ahri quitire tãhoya mãsa, niahye tiquiro.

—Oteriquiro otero wahahye.

⁴ Tiquiro sa otegã apeye pjeri maha dãhtã cahãpã bora quehe sahye. Sa bora quehe saye pjerire minicjã ahta, ihya cãhye. ⁵ Sa ye apeye pjeri ãtã pjeri watoa bora quehe sahye. Ëtã pjeri watoa dihta marieda cjũno ijiepegã duita pihnimahye. ⁶ Sa pihniidi ijieperota, asã tutuaro asigã nãhãcori marieda, ñaia wahahye. ⁷ Apeye pjeri taa watoa bora quehe sahye. Taa pehe dia yãhdã waha, oteri pehere wejã cãhye. Sa yero dãca mariedahye. ⁸ Apeye pjeri quehnoari dihtare bora quehe sahye. Quehnoano pihniãe ijero quehnoano dãca tiahye. Apeye cjã treinta pjeri, apeye cjã sesenta pjeri, apeye cjã cien pjeri dãca tiahye. ⁹ Ahrire quehnoano tãhoya mãsa, niahye Jesu.

Jesu quitì mehna tiquiro buherire yahuahye

(Mt 13.10-17; Lc 8.9-10)

¹⁰ Sa ye tiquina sehsaro ijiye doce buheyequina, apeqina Jesu mehna ijiyequina ti quitire masi duaye, Jesure sinituahye. ¹¹ Tiquina

sa sinituri bato Jesu ohō saha ni yahuahye:

—Cohācjū masa p̄htoro tiquiro ijiyere, panop̄a apequina tiquina masiedarire m̄sare masigū yere Cohācjū. Apequina pehere sa yerare tiquiro. Tiquinare q̄iti mehnata buheitja. ¹² Sa ye tiquina ihñāepeta ihñedariquina yero saha tojoare. Sa ye t̄hoepeta masisi. Tiquina masiñe quehnoañe pehere comesaboaya. Tiquina sa comesagū ihñano tiquina ñañe yerire boboaya Cohācjū. (Sa ijiepegūta tiquina pehe ne t̄ho duerare,) niahye Jesu.

Jesu oteriquiro quitire yahu pehoahye

(Mt 13.18-23; Lc 8.11-15)

¹³ Tiquiro sa nidi bato ohō saha ni yahu nemoahye tiquinare:

—¿Ahri quitire t̄hoena niajari m̄sa? ¿M̄sa ahri quitire t̄hoerana, d̄hse apeye quitire t̄honatari m̄sa? niahye Jesu tiquinare.

Sa ni tuhasa ohō saha ni yahu nemoahye tiquinare:

¹⁴ —Oteriquiro tiquiro oteri p̄jeri quehnoañe buheye yero saha ijire. ¹⁵ Sa yero maha d̄ht̄a caha bora quehe sari p̄jeri quehnoañe buheye yero saha ijire. Sa yero masa quehnoañe buheyere tiquina t̄hogū ihñano Satana pehe ahta, ti buheye quehnoañe buheyere masi dutierare tiquinare, minicj̄a ti p̄jerire tiquina dote nediro saha yero. ¹⁶ Sa ye ut̄a p̄jeri watoa bora quehe sari p̄jeri quehnoañe buheye yero saha ijire. Sa ye masa quehnoañe buheyere t̄ho, bucueye mehna duita tire t̄ho ñehe maa wahare. ¹⁷ Sa t̄ho ñehepeta ut̄a p̄jeri watoa ijiye cj̄a n̄hcori marieñe cj̄a yero saha ahriquina masa ḡh̄u tutuerare. Sa tutueraye, ñano yahd̄aye, yeequina tiquina ijiri buhiri apequina tiquinare ñano yegū ihñañe yee pehere duhu c̄ahre. Apequina tiquinare ñano yegū tire ihc̄ano sahaeraye, yeere duhu c̄ahre. ¹⁸ Sa ye taa watoa bora quehe sari p̄jeri quehnoañe buheye yero saha

ijire. ¹⁹ Sa ye masa quehnoañe buheyere t̄hoepeta, ahri yehpa cj̄ene pajiro buj̄aa witi t̄hotuye, niñeru pehere cahñe. Apee boro ḡh̄are peye tutuaro cahmene. Tiquina sa ni t̄hotugū ti pehe quehnoañe buheyere cahmotare. Ti sa cahmotagū masa quehnoañe pehere yerare. ²⁰ Sa ye quehnoari yehpap̄a bora quehe sari p̄jeri quehnoañe buheye yero saha ijire. Sa ye masa quehnoañe buheyere t̄hoye tire cahmene. Sa masiñequina ijiye, Cohācjū tiquiro cahmeno sahata quehnoañene yere tiquina. Ihquēquina meheno quehnoañene yere treinta p̄jeri d̄ca tiro saha. Apequina bui cj̄ūno quehnoañene yere sesenta p̄jeri d̄ca tiro saha. Apequina pajiro quehnoañene yere cien p̄jeri d̄ca tiro saha, ni yahuahye Jesu tiquinare.

Jesu sihāria quitire buheahye

(Lc 8.16-18)

²¹ Sa ni tuhasa ohō saha ni nemoahye:

—Ne sihāriare dihi sutu docap̄a c̄edare. Sa ye tiare cumuno docap̄a c̄edare. Ūhm̄anop̄a duhu peore quehnoano buhriō dutiye.

²² Ijipihtiye tiquina masiedarire came masa masieta. Sihāria buhriogū mari ihña masino saha panop̄are tiquina masiedarire masieta masa.

²³ Ahrire quehnoano t̄hoya m̄sa.

²⁴ Mehenogā masi duana mehenogā masinata. Pajiro masi duana pajiro masinata. Sa yena m̄sa t̄hona quehnoano t̄ho n̄n̄ña.

²⁵ Quehnoano t̄ho n̄n̄ariquiro quehnoano masinota. T̄ho n̄n̄eniquiro, “Mehenogā t̄hoaja”,

tiquiro niepegūta ti pehe butia waha-
harota, niahye Jesu tiquinare.

Jesu trigore oteriquiro quitire buheahye

²⁶ Sa ni tuhasa ohō saha ni yahu nemoahye:

—Cohācjū masa p̄htoro tiquiro ijiye trigore oteriquiro yero saha ijire. ²⁷ Ote tuhasa bohrearo

tiquiro oteri pihniñene ihñare tiquiro. “¿Duhse pihni wijia ta ducajari?” ni ihña masiedare oteriquiro tiquiro basi. ²⁸ Ti oteri ti basi ducã tire. Pari pũgã wijia mũhtare. Came pari paro wijia, bucũare. ²⁹ Ti parori bucũa tuhasagũ ihñano, pehere peheri pje ijigũ. (Tiquiro ote, ti bucũarire tiquiro masiedaro saha Cohãcjũ yequina masa tiquina wahari gũhure yahu peho masiedare masa,) ni buheahye Jesu.

*Mostaza pje quitire yahuahye Jesu
(Mt 13.31-32; Lc 13.18-19)*

³⁰ Sa ni tuhasa ohõ saha ni buhe nemoahye queoye mehna buhero:

—¿Ne Cohãcjũ masa pũhtoro tiquiro ijiye yabe boro yero saha ijiajari, mũsa tũhotugũ? ¿Dise quiti mehna tire yahunatari? ³¹ Mostaza pjegã yero saha ijire Cohãcjũ pũhtoro ijiye. Ti pjegã tiquiro otegũre meheni pjegã waro ijire. ³² Sa ijieperota ti pjegã quehnoano pihnine. Sa yero pajidũ wahare. Sa ye tũ dũpũri bũjũye dũpũri bucũagũ ihñañe minicjũa ti dũpũripũ suhti suhare, niahye Jesu. (Sa nino ohõ saha nino niahye. Mostaza pjegã pajidũ tũ bucũariro saha uhmũse cjũnore mari pũhtorore masiñequina meheñequinagã tiquina iji mũhtaepẽgũta camerũre peyequina wahaeta.)

Quiti mehna tiquiro buherire yahuahye Jesu

(Mt 13.34-35)

³³ Sa yero ti quiti tiquiro nidiro saha peye quitire tiquina tũho ñeheno puno quehnoañe buheyere buheahye tiquinare. ³⁴ Quiti marieno yahuerahye tiquinare. Sa yero tiquina sehsaro ijiyequinare Jesu quehnoano yahu pehoahye tiquiro buheyequinare.

*Jesu wihnonore yũsũ dutiahye
(Mt 8.23-27; Lc 8.22-25)*

³⁵ Sa ye ti decore ñamicahapũ Jesu tiquiro buheyequinare ohõ saha niahye:

—Isa, si pahrẽpũ pehãhna, niahye tiquinare.

³⁶ Tiquiro sa nigũ tũhoye yucũsapũ sajã, masare yehpapũ ducuyequinare tota cũ, tiquiro buheyequina dihita Jesure ne pehã wahahye. Sa ye apeye yucũsari mehna apequina tiquina bato pehãhye. ³⁷ Tiquina sa pehãgũ wihnono tutuaro wẽahye. Sa wẽno yucũsare tutuaro pahcõri quẽ sajãhye. Mehenogã dũhsamahye tiquina miniboriro. ³⁸ Sa wahari watoa Jesu yucũsa ohoturopũ suhti puti buipũ carĩno niahye. Sa ye tiquina tiquirore wahcõahye.

—¿Buhegũ, mũhũ cuerajari? Mari minina tana niajũ, niahye tiquina tiquirore.

³⁹ Tiquina sa nigũta Jesu pehe wahcã, wihnonore,

—To punota wẽ duhuya, niahye.

Sa ninota pahcõri gũhure,

—Yũsũahya, niahye.

Tiquiro sa nigũta wihnono yũhdũa wahahye. Sa ye pahcõri gũhũ yũsũ dijiaa wahahye.

⁴⁰ —¿Duhse yena cue maca cãna niajari mũsa? ¿Mũsa yũhure wacũ tutuerajari? niahye Jesu.

⁴¹ Sa wahagũ ihñañe acũa yũhdũa wahahye.

—¿Yohou, dũhse ijiriquiro boro masũno ijiajari ahriquiri? Ahri wihnono, pahcõri gũhũ tiquiro dutigũ yũhdũadũcaerare tiquirore, niahye tiquina pehe.

5

Watĩare cũoriquirore yũhdũoahye Jesu

(Mt 8.28-34; Lc 8.26-39)

¹⁻² Sa ye tiquina si pahrẽpũ Gerasa cjẽna ya yehpapũ pehã sahye. Sa yero Jesu pehe yucũsapũ sañariquiro maja sadũcahye. Tiquiro sa maja sadũcari bato watĩa cũoriquiro masa coperi utã coperi watoapũ ijiriquiro wijia ta, tiquiro cahapũ ahtahye.

³ Watĩa cũoriquiro masa coperi watoa ijiriquiro ijiahye. Apequina pehe tiquirore come da pajiri da mehna ñehe dũhte masiedahye. ⁴ Sa ye peye tahari masa tiquirore dahpocãri apõñe behtori mehna, come dari

mehna dūhtemahye. Tiquiro omo-cari gūhure dūhtemahye. Sa yero tiquiro pehe come darire nuha, dah-pocāri apōñe behtori gūhure nuha site mājahye. Sa ye tutuariquiro tiquiro ijiro mehna masa pehe tiquirore ñehe masiedahye. ⁵ Ñami ijigū, deco ijigū utā coperi watoapū cūnūpū sa sañuducue tiahye tiquiro. Sa yero utā mehna tiquiro basi tiquiro pagure quēe tiahye. ⁶ Sa yero yoaropū Jesure ihñadoqueo tiquiro cahapū oma maa cāhta, dūsepe curi mehna quehe sahye tiquirore ño peoro taro.

⁷⁻⁸ —Watīa duhuya tiquirore, ni-ahye Jesu.

Tiquiro sa nigū tūhoro watīa cūoriquiro ohō saha niahye:

—¿Jesu, Cohācjū tutuariquiro macū, yabere yegū tūū niajari mūhū yūhure? Cohācjū tiquiro ihñonopū siniaja yūhū mūhure. Yūhure ñano yeracāhña, ni sañuducuahye watīa cūoriquiro Jesure.

⁹ —¿Dūhse wame tiajari mūhū? ni-ahye Jesu tiquirore.

—Ūsā peyequina ijiaja. Sa yena “Peyequina watīa” wame tiaja. ¹⁰ Ūsā ahri dihtapū ijinare ape siepū waha dutieracāhña, niahye watīa cūoriquiro.

¹¹ Tī pjere yesea peyequina tiquina cahapū cūnū dahpotopū ihyaye ni-ahye. ¹² Topū tiquina ihyaducugū ihñañe, ohō saha ni siniahye watīa:

—Sisequina yesea cahapū waha dutiya ūsāre. Tiquina mehna iji dutiya ūsāre, ni siniahye watīa tiquirore.

¹³ Tiquina sa nigū tūhoro tiquinare waha dutiahye Jesu. Tiquiro sa waha dutigū watīa masūno mehna ijiriquina waha, yesea dos mil yesea cahapū esahye. Tiquina cahapū tiquina esari bato yesea pehe ijipihtiyequina ditara dūhtū cahapū oma buha, tī ditarapū bora ñojoa, mini varia pihtia wahahye.

¹⁴ Tiquina sa minigū ihñañe, yeseare cohteyequina pajiri macapū, daye macarigāpū gūhure tire yahuye waha, oma cāa wahahye. Tiquina

sa yahugū tūhoye masa pehe peyequina tiquiro yerire ihñañe wahahye.

¹⁵ Sa ye Jesu cahapū wihiye, watīa cūoriquiro tiquiro suhti tiriquiro, tūho masiniquiro tiquiro dujigū ihñañe, ihñā maria waha, cueahye.

¹⁶ Sa ye watīa cūomediquiro, yesea gūhure tiquina sa waharire ihñariquina apequinare yahu pehoahye.

¹⁷ Tiquina sa yahu pehogū tūhoye, Jesure tutuaro mehna ape siepū waha dutiahye.

¹⁸ Sa yero yucūsapū Jesu tiquiro sajāgū ihñano, “Mūhū mehna waha duaja”, ni tutuaro sinimahye watīare cūomediquiro Jesure. ¹⁹ Tiquiro sa nigū Jesu tiquirore yahuahye:

—Yūhū mehna wahaeracāhña. Mūhū ya wūhūpū mūhū caha ijiyequina cahapū yūhū mūhū pūhto mūhure yūhū yerire yahugū wahaya. Mūhure yūhū paja ihñarire yahugū wahaya tiquinare, niahye tiquirore.

²⁰ Tiquiro sa nigū watīa cūomediquiro pehe Decapoli wame tiri macapū Jesu tiquirore yūhdūorire yahu dūcahye. Tiquiro sa ni yahugū tūhoye ijipihtiyequina masa tūho maria wahahye.

Jairo maconore yūhdūoro, dūi mūna wihoro dohatiducuricoro gūhure yūhdūoahye Jesu

(Mt 9.18-26; Lc 8.40-56)

²¹ Sa ye pari turi Jesu tiquiro majare pehā sagū masa peyequina tiquiro cahapū ditara dūhtū cahapū cahmecoahye. ²² Sa yero ūsā judio masa buheri wūhure ihñā ihboriquiro Jairo wame tiriquiro ahta, Jesure ihñā, tiquiro dahpocāri cahapū dūsepe curi mehna quehe saro, ohō saha niahye:

²³ —Yūhū macogā yariaro nidi. Sa yegū ticorore mūhū omoca mehna ña peogū, yūhdūogū ahtaya. Mūhū sa yegū ticoro masanota, niahye tiquiro Jesure.

²⁴ Tiquiro sa nigū Jesu gūhū pehe tiquiro mehna wahahye. Mahapū tiquiro wahagū masa peyequina tiquirore nūnū tā cā bihsaro esadūca

sahye. ²⁵ Sa yero numino doce cãhmari waro decoripe dii m̃ana dohatiducuricoro top̃a ijiahye. To pano peyequina duturua ticorore ñano yãhd̃gã yeahye. ²⁶ Sa yero duturuare ijipihtiye ticoro niñeru mehna wapa yemahye ticoro aco ye dutiro. Tiquina sa yepegãta ticoro m̃ananota ijiducu cãhye. Sa yero ticoro tiquinare ihñari bato to pano ijiriro yãhd̃oro ñano wahahye. ²⁷ Ticoro sa ñano yãhd̃ari bato Jesu yeyere tãhoye, apequina yahuahye ticorore. Sa yero ticoro Jesu bato masa peyequina watoa ahta, Jesu suhtirore ñehe tuhuhahye. ²⁸ “Yãh̃u tiquiro suhtiro dihitare ñehe tuhugo quehnoa wahagota”, ni tãhotuahye. ²⁹ Sa yero ticoro sa ñehe tuhuri bato ticoro dii m̃ana dohatiyere yãhd̃gã ticoro pag̃ure quehnoari pag̃a tãhotuahye. ³⁰ Sa yero Jesu tiquiro tutuaye mehna dohatiyere tiquiro cohãrire masino, masa watoa majared̃uca sa ihñahye.

—¿Noa yãh̃u suhtirore ñehe tuhujari? niahye tiquiro.

³¹ Tiquiro sa nigã tãhoye tiquiro buheyequina ohõ saha niahye:

—Bihsar̃ine. Sa ye masa peyequina m̃ah̃ure pihare. “¿Noa yãh̃ure ñehe tuhujari?” nig̃u, ¿d̃ah̃se nig̃u sa nijari m̃ah̃u? niahye tiquina pehe tiquirore.

³² Sa yero Jesu tiquirore ñehe tuhuricorore macahye. ³³ Tiquiro sa macano watoa ticoro pehe ticoro pag̃a quehnoa wahagã tãhoturo, cue nanare d̃usepe curi mehna quehe sahye tiquiro caha tiquirore ño peoro. ³⁴ Sa yero ticoro potota yahu pehoahye tiquirore. Ticoro sa ni yahuri bato Jesu ticorore yahuahye:

—Maco, yãh̃ure m̃ah̃u wacũ tutuaye mehna quehnoago tojoare yojop̃are. Bucueye mehna wahaya. Dohatiye mariego ijiya, niahye Jesu ticorore.

³⁵ Tiquiro sa ni yahuducuri bato judio masare buheri wãh̃ure ihña ihboriquiro ya wãh̃u cjẽna yahuye wihihahye.

—Mãh̃u maco yaria wahari. Sa yeg̃u buheriquirore piji cãhteracãhña, niahye tiquina.

³⁶ Tiquina sa niepegãta sa tãhotu cãhno, Jesu ti wãh̃ure ihña ihboriquirore ohõ saha ni yahuahye:

—Bujãa witieracãhña. Yãh̃ure wacũ tutuaya. Ti dihitare yeya, niahye ti wãh̃ure ihña ihboriquirore.

³⁷ Sa ni tuhasa Santiago, tiquiro bah̃aro Ñu, Pedro tiquina dihitare “Yãh̃u mehna ahtaya”, niahye Jesu. ³⁸ Sa yero judio masa buheri wãh̃ure ihña ihboriquiro ya wãh̃up̃a esahye. Ti wãh̃up̃a masa peyequina ñano bisi ñehe quea utigã, tiquina sañuducugã tãhoahye Jesu.

³⁹ —Ñano ni, ñehe quea utieracãhña masa. Ticorogã masa sa ni utigã yarierare. Car̃ino nine, niahye Jesu tiquinare.

⁴⁰ Tiquiro sa nigã tãhoye “Sa ni maca cãhno nine ahriquirõ”, ni bujahye tiquina pehe tiquirore.

Sa yero tiquiro tiquinare sopecahap̃a wio peho cãhye. Sa wio tuhasaro ticorogã pac̃usum̃are, tiquiro mehna cjẽna g̃ãh̃ure ticorogã cahap̃a neahye Jesu. ⁴¹ Sa yero Jesu ticoro omocare ñehe, “Talita cum”, niahye tiquiro. “Talita cum”, nino, “ ‘Mehenicorogã wahcãña’, niaja yãh̃u”, nino nine.

⁴² Tiquiro sa nigã ticorogã wahcãd̃uca sa, tiniahye. Doce cãhmari cãoricoro ijiahye ticoro. Ticorore tiquiro sa yegã ihñañe tiquina ihña maria wahahye. ⁴³ Sa yero Jesu tutuaro mehna tiquiro sa yerire yahu site dutierahye. Sa ye tuhasa ticorore ihyayere oho dutiahye.

6

Nazare cjẽna Jesure cahmedahye (Mt 13.53-58; Lc 4.16-30)

¹ Sa ye top̃a ijiriquiro Jesu waha, tiquiro buheyequina mehna tiquiro ya dihtap̃a tojoa sahye. ² Sa yero Jesu saurú ijigã judio masa buheri wãh̃up̃a buhe d̃ucahye. Tiquiro sa

buhegũ masa peyequina tiquirore tũhoye, acua wahahye.

—¿Ahriquiroy nohopũ tũhoyari ahri buheyere? ¿Dũhse yero quehnoano masi pehoajari ahriquiroy? Cohãcjũ tutuaye mehna ye ihũore ahriquiroy masare. ³ Ahriquiroy taboa dahrari masũno María macũno, Santiago, José, Juda, Simo tiquina wahminota ijimederoy. Sa ye tiquiro bahana numia mari ya macapũ ijinimedi. Sa yero tiquiro gũhũ mari yero saha ijiriquiroy ijire, niahye tiquina Jesure tũhoriquina.

Sa ye Jesure ihũa tuhtiye, tiquirore cahmedahye. ⁴ Tiquina sa cahmedagũ ihũano ohõ saha niahye Jesu:

—Cohãcjũ yere yahu mũhtariquiroyrore apequina ño peore. Tiquina sa ño peopegũta tiquiro ya maca cjẽna, tiquiro acaye tiquiro ya wũhũpũ ijiyequinata ño peerare tiquirore. Sa yena yũhare ño peerare mũsa ohõre bũcũarigũ yũhũ ijigũ, niahye Jesu tiquinare.

⁵ Sa yero ti macapũ ijiriquiroy Jesu Cohãcjũ tutuaye mehna ye ihũo masiedahye. Sa ye ihũoedaperota ihquẽquina dohatiyequina bui tiquiro omocare duhu peo, yũhdũoahye tiquiro. ⁶ Sa yero to cjẽna Jesure tiquina wacũ tutueragũ ihũano, “¿Dũhse ijiro boro yũhare cahmedajari?” ni tũhotuahye tiquiro. Sa yero Jesu ti maca cahapũ ijiye macaripũ buhero wahahye.

Jesu doce buheyequinare buhe dutiro ohoahye

(Mt 10.5-15; Lc 9.1-6)

⁷ Sa ye Jesu doce tiquiro buheyequinare pijio, pũeyequina dihita ohoahye tiquinare macaripũre buhe dutiro. Sa yero tiquiro tutuayere ohoahye tiquinare watĩare tiquina cohãtire. ⁸ Sa ohoro apee boro, ihyayere, ajurire, niũerure tiquiro ne cã dutierahye tiquinare. Tiquina tuaye cjũ dihitare ne cã dutiahye tiquinare. Ihcãnota suhtirore saña dutiahye tiquinare. Pũaro saña

dutierahye. ⁹ Sa yero cũhta cũne cahserire saña dutiahye tiquinare. Ihcã suhtirota saña dutiahye tiquinare. Pũaro saña dutierahye. ¹⁰ Sa yero ohõ saha ni yahuahye tiquinare:

—Ijipihtiye macaripũre mũsare tiquina carĩno ohogũ ti wũhũpũta tojoarĩña. Coã wahanapũ wijiaya ti wũhũare. ¹¹ Sa yena ape maca cjẽna mũsare tiquina cahmedagũ tiquina tũho dueragũ ti macare yũhdũana dahpocãri cjẽ dihta esa wahãrere wejẽ site cũña mũsa tiquinare tiquina ye buhirire masigũ yena, ni yahuahye Jesu tiquinare.

¹² Sa ye doce buheyequina masare tiquina ñaũe yerire bũjũa witi dutiye, quehnoañe pehere ye dutiye, buheye wahahye. ¹³ Sa wahaye peyequina watĩare cohãne, dohatiyequinare mũhse mehna wisõne yũhdũgũ yeahye.

Ñu wame yeriquiroyrore apequina wejẽahye

(Mt 14.1-12; Lc 9.7-9)

¹⁴ Sa ye Jesure masa peyequina masiahye. Sa yero tiquiro yerire pũhoro Herode tũhooahye. Sa tũhoro ohõ saha ni tũhotumahye tiquiro: “Ñu wame yeriquiroy yariariquiroy pari turi bajuaro niaga. Sa bajuariquiroy ijiro tiquiro tutuaye mehna tire yero niaga”, ni tũhotumahye Herode. “Jesu Ñuta ijire”, ni tũhotumahye. ¹⁵ Apequina pehe ohõ saha ni tũhotumahye: “Elia ijire”, ni tũhotumahye. Apequina pehe “Cohãcjũ yere yahu mũhtariquiroy panopũ cjẽna yero saha ijire tiquiro”, ni tũhotumahye tiquina Jesure. ¹⁶ Tiquina sa ni tũhotuepegũta Herode pehe Jesu tiquiro yerire tũhoro ohõ saha ni tũhotumahye. “Ñu yũhũ dapu dũte sure dutiriquiroy bajuaro niaga”, ni tũhotumahye.

¹⁷⁻¹⁸ Ñure tiquina wejẽato pano Herode tiquirore ñehe duti, peresu ye dutiahye. Herode tiquiro bahũro Felipe namonore Herodia wame tiricorore ehma, namo tiahye.

—Muhū bahū namonore namo tigū Cohācjū dutiyere yūhdūdcagū nine mūhū, ni yahuahye Ñū Herodere.

Tiquiro sa nidi buhiri Herode namono Herodia Ñure peresu tiquina yegū cahmeahye. ¹⁹ Sa

yero ticoro pehe Ñure ihña tuhtiro, tiquirore wejē duti duamahye. Sa ye dueperota ticoro tiquirore wejē duti masiedahye. ²⁰ Herode Ñure

cuero “Ñū quehnoañene yeriquiro, quehnoariquiro ijire”, ni tūhotuahye.

Sa yero Herodere cariboro yeahye Ñū pehe tiquirore yahuro. Sa cari-

boepēgāta tiquiro bucueye mehna tūhomahye Ñure. ²¹ Tiquiro sa bu-

cueye mehna tūhoepegāta Herodia tiquirore ticoro wejē dutiati deco-

ūmū sahye. Ti pje Herode masa bajuari deco ijigū tiquiro bose deco

dahreahye. Sa ye tiquiro yequina go-

bierno cjēna, surara pūhtoa, Galilea cjēna pūhtoa gūhū tiquiro ya bose

decore ihñañe wihyahye. ²² Sa yero Herodia macono bose decore

ihñano wihiro tiquina ihñonopū basa ihñohye. Ticoro sa basa ihñogū

ihñañe, Herode tiquiro pijioriquina gūhū bucueahye. Tiquina sa bucuegū

ihñano ohō saha niahye Herode:

—Muhū cahmeñene siniña yūhūre. Sa yegū ohogūtja mūhūre mūhū cahmeñene. ²³ Cohācjū mehna poto niaja mūhūre. Muhū sinino puno yeere deco mehna ohogūtja mūhūre, niahye tiquiro ticorore.

²⁴ Tiquiro sa nigū ticoro Herodia macono pehe ticoro pacoro cahapū waha, sinituahye:

—¿Yabere sinigotari yūhū? ni sinituahye ticoro pacorore.

—Ñū wame yeriquiro dapure siniña, niahye ticoro pacoro pehe.

²⁵ Ticoro sa nigūta Herodia macono ūmūñano pūhtoro Herode cahapū waha, siniahye:

—Mianogāta Ñū wame yeriquiro dapure waparo mehna ohoya yūhūre, niahye ticoro.

²⁶ Ticoro sa nigū tūhoro pūhtoro Herode pehe tutuaro būjūa witiyahye.

Masa tiquina ihñonopū “Ohogūtja mūhūre”, niahye tiquiro. Sa yero bue

tiro, tiquiro “Mūhūre ohoeraja”, ni masiedahye ticorore. ²⁷ Sa yero duita

surarare peresupū ijiyequinare co-

hteriquirore Ñū dapure dūte sure ne cāhta dutiahye. ²⁸ Tiquiro sa dutigū

tūhoro surara pehe waha, tiquiro dapure dūte sure, waparo mehna

ne cāhtahye. Ne cāhta nuhminore Herodia maconore ohoahye. Sa yero

ticoro tiquiro dapure ñehe, ticoro pacorore oho yūhdūohye.

²⁹ Sa ye Ñū buheyequina ijiriquina pehe tire tūhoye, topū esa, tiquiro pagūre masa copepū ne cā, cūahye.

Jesu cinco mil masare ihyaye ohoahye

(Mt 14.13-21; Lc 9.10-17; Jn 6.1-14)

³⁰ Sa ye Jesu ohoriquina tiquiro cahapū tojoa saye, tiquina yerire,

tiquina buherire yahuahye tiquirore. ³¹ Ti pjere masa peyequina sa ma-

jareducuye, tiquinare ne ihyaro ohoerahye. Sa yero ohō saha niahye Jesu tiquinare.

—Masa marienopū mari sehsaro sona wahañhna, niahye tiquinare.

³² Sa ye tiquina sehsaro yucūsa mehna masa marienopū wahahye.

³³ Tiquina sa wahagū ihñañe masa peyequina tiquinare masiahye. Sa

masiñe peye macari cjēna mahapū waha, Jesu tiquiro esatopū tiquina

masa pehe oma cā esa mūhtahye. ³⁴ Tiquina sa esagū Jesu tuha sa paha,

yucūsapū sañariquiro maja dūcaro, tiquiro masa peyequina ijigū ihñahye.

Oveja cohteriquiro marieñequina yero saha ijiahye masa, tiquiro

ihñagū. Sa yero Jesu tiquinare paja ihñano, peye quehnoañe buheyere

buheahye. ³⁵ Ñamicahapū doce buheyequina Jesu cahapū esa, ohō saha niahye:

—Ohō masa marienopū ijire. Ñamicaha waharo nine. ³⁶ Ohō cahagū

ijiye wūhūseripū, macaripū gūhūre tiquina ihyatire dú dutiya masare

tiquina pohe tiatire, niahye tiquina Jesure.

³⁷ —Ihyayere ohoya tiquinare, nimahye Jesu tiquiro buheye-quinare.

Tiquiro sa nigū ohō saha ni yuhtiahye:

—¿Dos cientos niñeru cjoeri mehna tiquina ihyati pāre dúnatari usā? niahye tiquina Jesure.

³⁸ —¿Nohope paca pā ijiajari? Ihñana wahaya, niahye tiquiro.

Tiquiro sa nigū tiquina pehe ihyayere bocaye, ohō saha niahye:

—Ihcā omope paca pā paca, puaro wahi ijire, niahye tiquina pehe.

³⁹ Tiquina sa nigū tūhoro Jesu pehe pe cururi taa bui duji dutiahye masare. ⁴⁰ Tiquiro sa duji dutiri bato tiquina pe cururi dujiahye. Ihquē cururire cincuenta masa ijiahye. Apeye cururi pehere cien masa ijiahye. ⁴¹ Tiquina sa duji tuhasagū ihñano Jesu pehe ihcā omope paca pā pacare, puaro wahi mehna ne, uhmusepu ihña mūoahye. Sa ihña mūono Cohācjūre “Quehnoare”, nino niahye. Tiquiro sa nidi bato pā pacare nuha, tiquiro buheyequinare masare iti duti ohoahye. Sa yero puaro wahire iti dutiahye ijipihtie-quinare. ⁴² Sa ye ijipihtiequina ihya, yapi yuhduā wahahye. ⁴³ Tiquina ihya duharire doce puhuse waro pāre, wahi gūhure ne cahmecoā wahpo dapoahye tiquina. ⁴⁴ Sa ye pāre ihyariquina umūa dihitare tiquina queogū cinco mil umūa ijiahye.

Jesu aco bui tiniahye

(Mt 14.22-27; Jn 6.16-21)

⁴⁵ Ti pjeta Jesu tiquiro buheye-quinare yucūsapū sajā duti, ape sie pahrēpu Betsaidapu tiquiro pano pehāyu dutiahye. Sa yero tiquina pehāri watoa Jesu pehe masare cohe tiahye. ⁴⁶ Cohe ti tuhasa cūnūpu Cohācjūre sinino wahahye. ⁴⁷ Came ñamirū yucūsa mehna ditarapu tiquina pehāducugū Jesu ihcāquirola tiquina pehā tariropū ijiahye. ⁴⁸ Sa yero tiquina ñano

yuhduā wajagū, tiquina pano wihnono wēgū ihñadoqueoahye tiquiro. Sa yero bohrea mūja tato pano tiquina cahapu esaro, aco bui tini cāa wahahye. Tiquinare tiquiro yuhduā cā duamahye. ⁴⁹ Tiquiro yuhduā cā duepegūta tiquirore aco bui ahtagū ihñañe, cue niahye. “Yariariquiro ijiboaga”, ni ihñamahye tiquina. Sa ni tūhotuye tiquina sañuducuahye. ⁵⁰ Ijipihtiequina tiquirore ihñañe, ihña maria wahahye. Tiquina sa ihña mariagū ihñano Jesu tiquinare yahuahye:

—Wacū tutuaya masa. Ne, yuhure cueracāhña. Yuhuta ijiaja, niahye tiquinare.

⁵¹ Sa ni tuhasa tiquiro tiquina mehna yucūsapū sajāhye. Tiquiro sajāri batogāta wihnono yuhduā wahahye. Sa wahagū tiquina pehe acūa yuhduā wahahye. ⁵² Tiquiro pāre peye yerire wacūedahye tiquina. Tire quehnoano masiedahye.

Jesu Genesare cjēnare, dohatiye-quinare yuhduoahye

(Mt 14.34-36)

⁵³ Sa ye tiquina pehā sa, Genesare dihtapu pehā sa, tiare duhte poho, duhtū cahapu pahsahye. ⁵⁴ Sa ye yucūsapū ijiriquina tiquina majagūta masa pehe Jesure ihña masiahye. ⁵⁵ Sa ihña masiñe ijipihtiro tiquina ya yehpapu oma maja, dohatiyequinare tiquina cuñañe cahseri mehna yo cāhtahye. “Jesu topū ijiri”, masa nigū tahoye topūre esahye tiquina. ⁵⁶ Sa ye ijipihtie macari tiquiro esaye macaripū, bujūye macaripū, daye macarigāpū, meheñe wuhūsegā ijiye cahapu gūhure masa dohatiye-quinare Jesu cahapu nea cūahye. Sa topū maharipū tiquina cūnopū Jesure tiquiro suhtiro duhtū cahare ñehe tuhu duaye, tutuaro siniahye tiquina:

—Muhū suhtiro duhtū caha dihitare usāre ñehe tuhu dutiya, ni siniahye.

Sa ye tiquiro suhtirore ñehe tuhuriquinape quehnoa wahahye tiquina.

7

Masa ñañequina wahagũ yeyere yahuahye Jesu
(Mt 15.1-20)

¹ Sa ye Jerusalēpũ ahtariquina usã acaye judio masare buheyequina, fariseo masa gũhũ Jesu cahapũ cahmecoahye. ²⁻⁴ Fariseo masa ijipihtiyequina apequina judio masa mehna panopũ cjēna tiquina dutiriro saha tiquina omocarine omo coserape ihyera tiahye. Sa ye doeri cjē duayequina cahapũ esayequina tiquina ye wũhũsepe wihye tiquina dutiriro saha tiquina omocarine omo coserape ihyera tiahye. Sa ye peye apeye dutiyere panopũ cjēna judio masa tiquina dutiyere yee tiahye. Sihniñe parire coseye, dihi suturire coseye, come suturire coseye, yee tiahye tiquina judio masa, “Cohãcjũ sa cahmene”, niñe. Sa ye Jesu cahapũ cahmecoañe Jesu buheyequina judio masa tiquina dutiriro saha tiquina omo coseragũ ihñahye fariseo masa.

⁵ Sa ihña tuhasaye Jesure sinituahye:

—Mũhũ buheyequina ihyaye mari ñecũsumũa mũna tiquina dutiriro sahata tiquina omocarine omo coserare. ¿Dũhse yeye mari dutiyere yerajari? niahye tiquina Jesure.

⁶ Tiquina sa nigũ tũhoro Jesu yahuahye tiquinare.

—Masa tiquina ihñono dihita quehnoano iji mehona ijire mũsa. Cohãcjũ yere yahu mũhtariquiro mũnana Isaia mũsare panopũre potota yahue tiahye. Ohõ saha niahye:

Ahriquina masa yũhũre quehnoano yahuducuepeta yũhũre ne ño peerare. ⁷ Sa ye yũhũre tiquina ñu buheye dũhseati ijierare. “Cohãcjũ ye dutiye ijire ahri”, ni meho buhere tiquina buheye, ni ojoahye Isaia.

⁸ Ti ijirota ijire. Panopũ cjēna ye dutiye pehere yena tana Cohãcjũ ye dutiyere yerare mũsa. ⁹ Cohãcjũ ye dutiyere cohãna, mũsa acaye ye dutiye pehere yere mũsa. ¹⁰ Ohõ saha yena Cohãcjũ ye pehere yũhdũducana nine mũsa. Panopũre ohõ saha niahye Cohãcjũ tiquiro dutiyere Moisere cũno: “Mũsa pacũsumũare ño peoya. Ihcãquiro tiquiro pacũsumũare ñano quitu dahreriquiro ijiro ti buhiri tiquina wejẽatiquiro ijirota”, niahye Cohãcjũ Moisere tiquiro cũri dutiye. ¹¹ Tiquiro sa niepegũta ohõ saha ye dutire mũsa tiquina pacũsumũare yedoho dutierana: Tiquina pacũsumũare tiquina ohoborire Cohãcjũ pehere oho dutire mũsa. Sa ni buhemene mũsa. ¹² Sa buhena tiquina pacũsumũare ño peogũ yerare mũsa tiquinare. ¹³ Sa yena Cohãcjũ dutiyere yũhdũducana nine mũsa mari acaye panopũ cjēna ye dutiye pehere yena. Apequinare mũsa ye buheye dihitare tũho dutire mũsa. Peye sa ijiyere yere mũsa, niahye Jesu tiquinare.

¹⁴ Sa ni tuhasaro apequinare pijioahye. Ohõ saha niahye:

—Mũsa ijipihtina tũhoya yũhũre. Yũhũ niñene quehnoano masiña mũsa. ¹⁵ Mũsa dũserire sajãñe pehe mũsa ihyaye pehe mũsare ñana ijigũ yerare. Mũsa ñañe yahuducuye pehe mũsa dũseri wijiaye pehe mũsare ñana ijigũ yere. [¹⁶ Yũhũre quehnoano tũhoya,] niahye Jesu.

¹⁷ Sa ni tuhasa Jesu masa cahapũ ijiriquiro waha, wũhũpũ sajãa wahahye. Sa sajã sagũ ihñañe tiquiro buheyequina pehe tiquiro buherire sinituahye. Tiquina sa sinitugũ tũhoro ohõ saha niahye tiquiro:

¹⁸ —¿Ne tũho ñehedajari mũsa? Mũsa dũserire sajãñe pehe mũsa ihyaye pehe mũsare ñana ijigũ yerare. ¹⁹ Ti mũsa tũhotuyepũre sajãedare. Mũsa paapũ sajã yũhdũa wahare, niahye Jesu.

Sa nino “Ijipihtiyehyaye quehnoañe ijire”, nino niahye. ²⁰ Ohõ saha ni nemoahye:

—Musa ñañe yahuducuye pehe musa duseri wijiaye pehe musare ñana ijigū yere. ²¹⁻²² Ñano tūhotuye, wūana tiye, numia mehna ñano yeducuye, umūa mehna ñano yeducuye, masare wejēñe, yaqueye, apequro yere tutuaro cahme yūhdūye, ñano yeye, ni mehoñe, peye ñañene yeducuye, apequro yere coo ihña tuhtiye, ñano qūiti dahreye, “Apeqūinare yūhdūducaja”, ni tūhotuye, tūho masieñequina ijiye, ti ijipihtiye musare musa tūhotuyepū ahtare. ²³ Ijipihtiye ahri ñañe musa tūhotuyepū ahta, musare ñana ijigū yere, niahye Jesu.

Judio masono ijericoro Jesure wacū tutuahye
(Mt 15.21-28)

²⁴ Sa yero Tiro wame tiri maca cahapū esaro, to cĵā wūhūpū sajāa wahahye. Sa yero apeqūinare tiquiro ijiri wūhūre yahu dutierahye. Sa yahu dutieraperota tiquinare tiquiro duhti masiedahye. ²⁵ Ti pjereta numino ticoro macono watīno cūoricoro tiquiro cahapū ijiahye. Sa ye Jesu yerire ihñañe apeqūina ticoro pacorore yahuahye. Tiquina sa yahuri bato ticoro pacoro pehe waha, Jesu dahpocāri cahapū dūsepe curi mehna quehe sahye tiquirore ño peoro. ²⁶ Ticoro Siria yehpapū ijiri yehpa Fenicia wame tiri yehpa cĵōno ijiahye.

—Watīnore cohāriñña yūhū macore, ni siniahye ticoro Jesure.

²⁷ Ticoro sa sinigū tūhoro ohō saha niahye Jesu:

—Wahmanore wūhū upūro pohne ye ihyayere diayeare yūhū oho mūhtagū to wahaerare. (Israe masa yere ape yehpa cĵēnare yūhū oho mūhtagū to wahaerare,) niahye Jesu ticorore queoye mehna yahuro.

²⁸ —Sa tjire pūhto. Sa ijiepegūta diayea gūhū mesa doca tiquina pohne ihya site dijioyere ihya cohtere tiquina gūhū. (Ape yehpa cĵō yūhū ijiepegūta yūhū gūhūre yedoho masine mūhū,) ni yūhtiahye ticoro.

²⁹ —Mūhū sa ni yūhtigū mūhū macore watīno duhu tuhasari. Ihñago wahaya, niahye Jesu ticorore.

³⁰ Tiquiro sa nigū tūhoro waha, ticoro wūhūpū esaro, ticoro maconore watīno marienicoropūre cuñanopū ijiricorore ihñahye.

Cahmono tūhoeriquirore, yahuducu masieniquirore yūhdūoahye Jesu

³¹ Ti pjere Jesu Tiro wame tiri maca cahapū ijiriquiro waha, Sidō wame tiri macare esa yūhdū cā, Decapoli wame tiri macare esa yūhdū cā, Galilea wame tiri ditarapū esahye.

³² Sa ye cahmono tūhoeriquirore, yahuducu masieniquirore Jesu cahapū ne cāhtahye apeqūina.

—Mūhū omoca mehna ña peoya tiquirore, ni siniahye tiquina tiquirore.

³³ Tiquina sa nigūta Jesu pehe tūhoeriquirore ne cā, masa marienopū siho esahye. Tiquina sehsaro ijiahye. Sa yero Jesu tiquiro omo piri mehna tūhoeriquirore cahmo coperire ohbe sōahye. Sa ye tuhasa, sihco puti, tiquiro ñehmenore ña peoahye.

³⁴ Sa ye tuhasa ūhmūsepū ihñā mūo, jeri ne, ohō saha niahye:

—Efata, niahye Jesu. “Efata”, nino “Pōohña”, nino nine. Sa nino tiquirore tūho dutiro niahye. Sa yero yahuducu dutiro niahye.

³⁵ Tiquiro sa nigūta tiquiro pehe tūho boca, tiquiro ñehmeno cahbiro wahagū tūhoturo quehnoano yahuducuahye.

³⁶ Sa yero Jesu tiquinare tire apeqūinare yahu site dutierahye. Tiquiro sa yahu site dutieraripe taharita tja tiquina apeqūinare yahu site nemoahye.

³⁷ Sa ye masa tūho maria wahaye, ohō saha niahye:

—Ijipihtiyere tiquiro quehnoano yere. Tūhoeyequinare quehnoano tūhogū yere. Yahuducu masieñequina gūhūre quehnoano yahuducugū yere Jesu, niahye masa.

8

Cuatro mil masare ihyayere ohoahye Jesu
(Mt 15.32-39)

¹ Ti pjere pari turi masa peyequina cahmecoari bato ihyaye marieñequina tiquina ijigũ ihñano Jesu tiquiro buheyequinare pijioahye:

² —Ahriquina masa ihtia deco waro yũhũ mehna iji tuhasari. Sa ye tiquinare pohe mariedare. Tiquina pohe mariedagũ ihñagũ tiquinare paja ihñaja yũhũ. ³ Apequina tiquina mehna cjẽna yoaropũ ahtari. “Tiquinapũ ɱjũa ahbayequina mahapũ borari”, nigũ tiquinare ihyaye marieno tiquina ye wũhũsepũ waha duti dueraja. Sa yegũ tiquinare pohe oho duaja, niahye Jesu tiquiro buheyequinare.

⁴ —¿Dũhse ye mari ohõre masa marienopũre pãre boca ohoboagari mari? niahye Jesu buheyequina tiquirore.

⁵ —¿Nohope paca pã pacare cũoajari mũsa? ni sinituahye Jesu.

—Siete pã paca ijire, niahye tiquina.

⁶ Sa yero tiquiro masare yehpapũ duji duti, siete pã pacare ne, Cohãcjãre “Quehnoare”, niahye. Sa ni tuhasa, ti pacare nuha, tiquiro buheyequinare oho, masare iti dutiahye. Tiquiro sa dutiri bato tiquiro buheyequina pehe pãre masare itiahye. ⁷ Sa ye wahi gũhũre meheñequinagã cũoahye tiquina. Sa yero tiquinare Cohãcjãre “Quehnoare”, ni, wahi gũhũre iti dutiahye. ⁸ Tiquina iti tuhasagũ tiquina ihyaye, yapĩ yũhdũa wahahye. Tiquina ihya dũharire siete pũhũse waro ne cahmecoa wahpo dapoahye tiquina. Tiquina cuatro mil masa ijiahye. ⁹⁻¹⁰ Sa ye tuhasa Jesu masare cohe tiahye. Cohe ti tuhasa tiquiro buheyequina mehna yucũsapũ sajãhye. Sajã tuhasa Dalmanuta wame tiri maca cahapũ wahahye.

Fariseo masa Jesure Cohãcjũ tutuaye mehna ye ihñõ dutiahye
(Mt 16.1-4; Lc 12.54-56)

¹¹ Sa ye fariseo masa wihi, Jesu mehna cahme dũse tutuahye. Tiquina Jesure Cohãcjũ tutuaye mehna ye ihñõ dutiye, tiquiro ye ihñõ masiedagũ ihña duamahye. ¹² Tiquina sa dutigũ tũhoro Jesu tutuaro bujũa witi pihopũri, jeri sajãedarõ, ohõ saha niahye:

—¿Mũsa yojopũ cjãna dũhse yena mũsa Cohãcjũ tutuaye mehna ye ihñõñene ihña duajari? Potota niita niaja mũsare. Yojopũ cjãnare mũsare Cohãcjũ tutuaye mehna ne ye ihñõsi yũhũ, niahye Jesu.

¹³ Sa ni tuhasa waha, pari turi yucũsapũ sajã, ape sie pahrẽpũ pehãa wahahye.

Fariseo masa, Herode mehna cjẽna gũhũre tiquina ñañe buheyere yahuahye Jesu
(Mt 16.5-12)

¹⁴ Sa wahaye, pãre bo cũ, yucũsapũ ihcãriata pãre cũoahye tiquina.

¹⁵ Sa yero Jesu cua pesaro mehna yahuahye tiquinare.

—Quehnoano yeya. Fariseo masa, Herode mehna cjẽna gũhũ tiquina ye pãre pugũ yeyere ihñana quehnoano yeya. Cuarĩne ti, ni yahuahye.

¹⁶ Tiquiro sa nigũ tũhoye tiquiro buheyequina pehe tire tiquina basi yahuducuahye.

—Mari pãre mari ne cãhtaeragũ ihñano sa niaga ahriquiro, nimahye tiquina.

¹⁷ Tiquina sa nidire masino tiquinare sinituahye Jesu:

—¿Dũhse yena mũsa pã borire wacũajari mũsa? ¿Mũsa masiedajari? ¿Tũhoerajari? ¿Tũho duerajari mũsa?

¹⁸ ¿Caperi tina ijiepenata ihñedajari mũsa? ¿Sa yena cahmono tina ijiepenata tũhoerajari mũsa? ¿Mũsa ahrire wacũedajari? ¹⁹ ¿Yũhũ ihcã omope paca pã pacare nuha, cinco mil masare yũhũ ohõrre wacũedajari mũsa? ¿Tiquina ihya dũharire nohope

p̄h̄sere p̄a pacare m̄sa ne cahme-coa wahpo dapor̄i p̄h̄sere neari m̄sa? niahye Jesu tiquinare.

—Doce p̄h̄se nei, niahye tiquina tiqiurore.

²⁰ —¿Sa ye ȳh̄siete p̄a pacare cuatro mil masare ȳh̄s ohoŕi bato nohope p̄h̄sere p̄a pacare m̄sa wahpo dapor̄i p̄h̄sere neari m̄sa? niahye Jesu.

—Siete p̄h̄se nei, niahye tiquina tiqiurore.

²¹ —¿Sa ih̄naepenata quehnoano masiedajari m̄sa? niahye Jesu tiquinare.

Jesu caperi bajueriquiurore ih̄nagũ yeahye

²² Sa ye Betsaidap̄u tiquina esagũ ih̄nañe, masa pehe caperi bajueriquiurore ne cãhtahye.

—Tiqiurore ña peoya, ni tutuaro siniahye tiquina Jesure.

²³ Sa yero Jesu caperi bajueriquiurore omocare ñehe, ti maca d̄ht̄u cahap̄u tiqiurore t̄ã cãhye. Top̄u ne sa, tiqiurore caperire sihco puti, tiqiurore omocari mehna tiqiurore ña peohye.

—¿M̄h̄u ih̄nagũ bajuajari? ni sinituahye Jesu.

²⁴ Tiqiurore sa nigũ tiqiurore pehe ih̄nano ohõ saha niahye:

—Ûm̄are ih̄naja. Ȳh̄s sa ih̄naep̄ḡta tiquina yuc̄ari tiniñe c̄u yero saha bajure, niahye caperi bajueriquiurore.

²⁵ Tiqiurore sa nigũ t̄horo Jesu pehe tiqiurore omocari mehna tiqiurore caperire ña peohye t̄ja. Tiqiurore sa ña peori bato caperi bajueriquiurore tutuaro tiqiurore ih̄nagũ caperi quehnoano bajuahye. Sa yero ij̄pihtiyere quehnoano ih̄nahye tiqiurore. ²⁶ Sa yero Jesu tiqiurore tiqiurore ya w̄h̄p̄u ohoahye.

—Macap̄u p̄iritare wahaeracãh̄na, niahye Jesu tiqiurore.

Jesu potota Cristo tiqiurore ij̄iyere Cohãcj̄u ohoriqiurore tiqiurore ij̄iyere yahuahye Pedro

(Mt 16.13-20; Lc 9.18-21)

²⁷ Sa ye Jesu tiqiurore buheyequina mehna Cesarea Filipo wame tiri maca cahap̄u ij̄iyere macarip̄u waha nemoahye. Top̄u waharo Jesu sinituahye tiqiurore buheyequinare:

—¿Noa boro ij̄iagari ȳh̄s, masa ȳh̄sere tiquina t̄hotugũ? ni sinituahye tiqiurore.

²⁸ Tiqiurore sa sinitugũ t̄hoye ȳhtiahye tiquina:

—“Ñu wame yeriquiurore ij̄ire”, nine. Apequina “Elia ij̄ire”, nine. Apequina “Cohãcj̄u yere yahu m̄htariquina mehna c̄j̄ano ij̄iboaga”, nine, ni ȳhtiahye tiqiurore buheyequina tiqiurore.

²⁹ Tiqiurore sa nidi bato Jesu sinituahye nemoahye:

—¿M̄sa pehe t̄hotugũ noa boro ij̄iagari ȳh̄s? ni sinituahye t̄ja.

—M̄h̄u Cristo Cohãcj̄u ohoriḡu ij̄ire, ni ȳhtiahye Pedro.

³⁰ Tiqiurore sa nigũ t̄horo Jesu ohõ saha niahye:

—Ȳh̄sere “Cristo ij̄ire tiqiurore”, ni yahu site niedacãh̄na apequinap̄ure, niahye tiquinare.

Jesu tiqiurore yaria masa wijiatiŕe yahuahye

(Mt 16.21-28; Lc 9.22-27)

³¹ Sa ye tiqiurore buhe d̄cahye tiquinare.

—Ȳh̄s mas̄u Cohãcj̄u ohoriḡu ij̄i-aja. Sa yeḡu tutuaro ñano ȳhd̄ḡta. Sata waharo cahmene ȳh̄sere. Judio masa buc̄na, pahia p̄htoa, mari judio masare buheyequina ȳh̄sere cahmedaye, ȳh̄sere wej̄eta. Tiquina sa wej̄gũ ihtia deco wahaboro masa wijiaḡt̄ja, niahye Jesu tiquinare.

³² Sa nino ne t̄ho wisiagũ yero marieno yahuro niahye tiquinare. Tiqiurore sa nigũ t̄horo Pedro pehe yoa c̄j̄unogã Jesure ne sad̄ca, tiqiurore sa ni dutierahye. ³³ Tiqiurore sa ni dutieragũ t̄horo Jesu tiqiurore buheyequinare majare ih̄na, tuhtiahye Pedore.

—Satana yero saha yahuducuḡu nine m̄h̄u. Sa niedacãh̄na. M̄h̄u

tuhotuye masa ye ijire. Cohãcjũ ye ijierare, niahye tiquiro Pedrore.

³⁴ Sa ni tuhasa masare tiquiro buheyequina mehna tiquiro cahapũ pijio ohõ saha niahye:

—Ihcãquiro yaquiro iji duaro, tiquiro esa tuharo ye duamedire duhu cãnota. Sa yero yaquiro tiquiro ijiri buhiri ñano yũhdæperota yũhare duhusi. Sa yero yeere yeducuriquiro ijirota. ³⁵ Masũno tiquiro esa tuharo tiquiro cahmeno sahata yeriquiro pecapũ waharota. Sa yero masũno, yeere sa yeducuro, quehnoañe buheyere sa yeducuro, ijipihtiyere decori yũhũ mehna uhmũsepũ ijiducurota. ³⁶ ¿Ihcãquiro masũno ahri yehpa cjẽne ijipihtiyere cuoriquiro pecapũ waharo yabere wapatajari tiquiro? Sa ijiriquiro ne wapataerare. ³⁷ Pecapũ tiquiro jeripohna wahagũ ne dũhse wapa ye wioro basioeraga. Masũno jeripohna ihyo waro ijierare. ³⁸ Yojopũre, ñañequina Cohãcjũre cahmeeñequina tiquina esa tuharo yeri deco ijiro nine. Ihquẽquina yũhare, yũhũ buheye gũhare bũe tisãboaga. Tiquina sa yegũ ihñagũ yũhũ masũ Cohãcjũ ohorigũ quehnoañequina angele mehna yũhũ Pacũ asi sitero mehna tojoa tagũ yũhare bũe tisãñequinare bũe tisãgũtja yũhũ gũhũ, ni yahuahye Jesu.

9

¹ Sa ni tuhasa ohõ saha ni nemoahye Jesu:

—Potota niita niaja mũsare. Ihquẽquina mũsa ohõpũre ijina mũsa yariato pano Cohãcjũ tiquiro pũhtoro ijirorpũre yũhũ sajãgũ yũhare ihñanata, niahye Jesu tiquinare.

*Jesu tiquiro pagũre comesahye
(Mt 17.1-13; Lc 9.28-36)*

² Sa ye seis decori bato Jesu Pedrore, Santiagore, tiquiro baharo Ñu gũhare uhmũanũ cũnũpũ tiquina dihitare piji majahye. Uhmũanopũ esari bato tiquina ihñonopũ tiquiro pagũre comesaa wahahye. ³ Tiquiro suhtiro asi sitero yero saha yehsero

wahahye. Ahri yehpa cjẽna numia suhti coseyequina numia sa yehseye ye masiedare. ⁴ Sa ye Jesu Elia mũnano, Moise mũnano mehna tiquina yahuducugũ ihñahye tiquina ihtiaro tiquiro buheyequina. ⁵⁻⁶ Sa ye tiquina tutuaro cueahye. Sa cuero dũhse ni masiedamehno ohõ saha nimahye Pedro:

—Pũhto, mari ohõ ijigũ quehnoa duare. Ihtia wũhũgã yematja. Mũhũ ya wũhũgã, Moise ya wũhũgã, Elia ya wũhũgã yematja, nimahye tiquiro Jesure.

⁷ Sa yero tiquina bui ehmeo curua cahmotahye. Sa cahmotagũta ehmeo watoapũ nino ca tahye:

—Ahriquiro yũhũ macũ yũhũ cahñiquiro ijire. Tũhoya tiquirore, nino ca tahye.

⁸ Sa nigũta Pedro gũhũ ihñamahye. Jesu dihitare ihñahye. Tiquina ihñariquina pehe mariedahye. ⁹ Sa yero cũnũpũ tiquina dijia tagũ Jesu tiquinare yahuahye:

—Mianogã yũhare sa waharire apequinare yahueracãhña. Yũhũ masũ Cohãcjũ ohorigũ yũhũ yaria masa wijiari bato tire apequinare yahuya mũsa, ni yahuahye tiquiro.

¹⁰ Sa ye tiquiro dutiriro sahata tiquina ihñarire yahuerahye apequinare. Sa ye tiquina basi ohõ saha ni sinitu yahuducuahye:

—¿“Yũhũ yaria masa wijiari bato”, nino dũhse nino niari tiquiro? ni, yahuducuahye tiquina.

Sa ye Jesure ohõ saha ni sinituahye:

¹¹ —“Cristo tiquiro ahtato pano Eliare ahta mũhtano cahmene”, nine mari acaye judio masare buheyequina. ¿Dũhse ijiro boro sa niagari tiquina? ni sinituahye tiquina tiquirore.

¹²⁻¹³ Jesu yũhtiahye:

—Ijirota ijire. Eliare ahta mũhta dutiri Cohãcjũ, ijipihtiyere quehno mũhtatiquirore. Yũhũ masũ Cohãcjũ ohorigũ peye tahari ñano yũhdũgũta. Apequina yũhare cahmedaye, ñano yeeta. ¿Dũhse ijiro boro tire sa ni

ojoari, m̄sa t̄hotuḡũ? Sa yeḡu ahrire niitja m̄sare: Elia wihi tuhasari. Tiquiro sa wihiepeḡata tiquina cahmediro saha tiquirore ñano yeahye. Sata ni ojoahye tiquirore, niahye Jesu tiquinare.

Jesu coã wahm̄na cãhtariquirore ȳhd̄oahye

(Mt 17.14-21; Lc 9.37-43)

¹⁴ Sa ye dijia ta, apequina buheyequina cahap̄u esa, peyequina masare ih̄ñahye. Tiquiro buheyequina pehe judio masare buheyequina mehna cahme d̄use tutuaye niahye. ¹⁵ Sa ye Jesu ḡh̄u tiquina dijia taḡũ ih̄ñañe, ijipih̄tiyequina masa ac̄na waha, tiquiro cahap̄u oma cãa wahahye. Tiquiro cahap̄u esaye,

—¿Ahtajari? niahye tiquirore.

¹⁶ —Ahtaja, ni tuhasa,

—¿D̄uhse ni cahme d̄use tutuana niari m̄sa tiquina mehna? ni sinituahye Jesu tiquiro buheyequinare.

¹⁷ Tiquiro sa ni sinituḡũ t̄horo, masa watoa ducuriquiro yahuahye tiquirore:

—Buheḡu, ȳh̄u mac̄ure wat̄no c̄horiquirore m̄h̄ure ne cãhtami. Wat̄no pehe tiquirore yahuducu dutierare. ¹⁸ Ȳh̄u mac̄ure tiquiro ñeh̄eḡũ yehpap̄u bora, bahque diho, bahaa wahae tiri tiquiro. Sa waharo sahpo tua wahae tiri. Sa yeḡu m̄h̄u buheyequinare wat̄nore cohã dutimi. Ȳh̄u sa dutiepeḡata tiquina cohã masiedari wat̄nore, ni yahuahye Jesure.

¹⁹ Tiquiro sa niḡũ t̄horo Jesu oh̄o saha niahye tiquinare:

—Ne, ȳh̄ure wacũ tutuerare m̄sa. Yoari pje m̄sare buhemaja ȳh̄u. ¿Noho puno yoari pje ȳh̄ure m̄sa cariboajari? Tiquirore ne cãhtaya ȳh̄ure, niahye Jesu.

²⁰ Tiquiro sa niḡũ t̄hoye wat̄no c̄horiquirore Jesu caha ne cãhtahye. Tiquina ne wihiḡũ ih̄ñano wat̄no pehe coã wahm̄na cãhtariquirore yehpap̄u doque quehe sa, tunu nanareḡũ yeahye. Sa yero sahpo tuaa wahahye.

²¹ —¿Noho puno yoari pje wat̄nore c̄hoajari ahriquiro? ni, sinituahye Jesu pehe tiquiro pac̄urore.

—Nijinoḡã ijirop̄ata tiquirore c̄ho d̄ucari. ²² Sa yero wat̄no pehe tiquirore pecap̄u, acop̄u cohã wej̄medi. Sa yeḡu m̄h̄u ye masigu us̄are paja ih̄ña, yedohoya, niahye tiquiro pac̄uro Jesure.

²³ Tiquiro sa niḡũ t̄horo oh̄o saha niahye Jesu:

—¿“M̄h̄u ye masieḡu ijire”, niajari m̄h̄u ȳh̄ure? Ȳh̄ure m̄h̄u wacũ tutuaḡũ ih̄ñano, Cohãcj̄ũ ijipih̄tiyere ye peho masine, m̄h̄ure yedohoro, niahye Jesu.

²⁴ Tiquiro sa niḡũta coã wahm̄na cãhtariquiro pac̄uro oh̄o saha ni sañuducuahye:

—M̄h̄ure wacũ tutuaja. Ȳh̄u wacũ tutueraḡũ ih̄ñagu ȳh̄ure yedohoya m̄h̄ure ȳh̄u wacũ tutuato saha, niahye tiquiro.

²⁵ Sa yero masa peyequina tiquina cahap̄u oma cãhta, tiquina cahme-coaḡũ ih̄ñano, Jesu wat̄nore oh̄o saha ni tuhtiahye:

—M̄h̄u yahuducu dutieḡu, t̄ho dutieḡu ahriquiro mehna ijiriḡu wahaya. Sa wahagu tiquirore pari turi cariboeracãh̄ña, niahye Jesu.

²⁶ Tiquiro sa niḡũ t̄horo wat̄no sañuducu, coã wahm̄na cãhtariquirore yehpap̄u doque quehe sa tunu nanareḡũ ye, wahahye. Tiquiro sa yeḡũ coã wahm̄na cãhtariquiro yariariquiro yero saha wahahye.

²⁷ —Tiquiro yariaa wahare, nimahye masa peyequina.

Tiquina sa niepeḡata Jesu pehe tiquiro omocare ñeh̄e, tiquirore wahcõahye. Tiquiro sa wahcõḡũ wahcãh̄ye tiquiro pehe. ²⁸ Came Jesu ḡh̄u w̄h̄p̄u tiquina sajã saḡũ tiquiro buheyequina tiquirore sinituahye:

—¿D̄uhse yena us̄a pehe wat̄nore cohã masiedayari, m̄h̄u t̄hotuḡũ? ni sinituahye tiquina.

²⁹ —Ahriquiro boro wat̄nore cohã duana Cohãcj̄ure tutuaro sinino

cahmene m̄sare, ni yuhtiahye Jesu tiquinare.

Pari turi Jesu tiquiro yaria masa wijiatiye yahuahye

(Mt 17.22-23; Lc 9.43-45)

³⁰ Sa ye top̄ ijiriquina waha, Galilea yehpap̄ esa, yuhd̄ua wahahye. Top̄ tiquina waharire apequina masiḡ cahmedahye Jesu tiquiro yequinare buhero taro.

³¹ Top̄ esaro tiquiro buheyequinare buheahye. Oh̄o saha ni buheahye:

—Yuh̄ mas̄ Coh̄c̄j̄u ohorigu iji-aja. Masa yuh̄re ñeh̄e, apequinap̄re yuh̄re ohoeta. Tiquina sa ohori bato yuh̄re wej̄eta. Tiquina sa wej̄origu ijiepeḡata ihtia deco wahaboro masa wijiaḡutja, niahye tiquinare.

³² Tiquiro sa niḡ t̄hoye tiquina quehnoano t̄ho ñehedahye. Sa ye cueye, tiquirore tire sinitu nemoedahye.

Jesu buheyequina tiquina mehna cj̄anore p̄hto s̄o duaye nimahye

(Mt 18.1-5; Lc 9.46-48)

³³ Sa ye Capernaup̄ tiquina esari bato wuh̄p̄ tiquina ijiḡ Jesu pehe sinituahye tiquinare.

—¿Mahap̄re ahtana, d̄ahse ni yahuducu c̄htana niari m̄sa? ni, sinituahye tiquinare.

³⁴ Tiquiro sa sinituḡ tiquina yuhtierahye. Mahap̄re ahtaye, cahme oh̄o saha ni yahuducu c̄htaye niahye:

—¿Mari mehna cj̄anore diquiro pehere mari p̄htoro s̄onataro mari? ni yahuducuye niahye mahap̄re ahtaye.

³⁵ Sa ye tiquina sa nidire b̄e tiye Jesure yuhtierahye. Tiquina sa yuhtieraḡ ih̄ñano Jesu nuju sa, tiquiro buheyequinare doce buheyequinare pijio oh̄o saha niahye:

—M̄sa p̄htoa iji duana ijipihtiyequina masa tiquina cahac̄j̄ana ijiro cahmene m̄sare. Sa yena ihyo ijina ijipihtiyequina docap̄ ijinata m̄sa, niahye Jesu tiquinare.

³⁶ Sa nino nijinoḡ tiquina watoa duhu docoahye. Duhu doco

tuhasa tiquiroḡare ne w̄a, oh̄o saha ni yahuahye:

³⁷ —Yeere ye duana ahriquioḡare m̄sa cahmena, yuh̄ ḡuh̄re cahmene m̄sa. Sa yena yuh̄re cahmena, yuh̄re ohoriquiro mari Pac̄ ḡuh̄re cahmene m̄sa, niahye Jesu tiquinare.

Marine ih̄ña tuhtiriquiro ijieraro, mari mehna cj̄ano ijire

(Mt 10.42; Lc 9.49-50)

³⁸ Came Ñ̄u oh̄o saha niahye Jesure:

—Buhegu, m̄h̄ wame mehna wat̄are coh̄ariquirore us̄ ih̄ñau. Mari mehna cj̄ano tiquiro ijieraḡ ih̄ñana tire tiquirore ye dutierahti us̄, niahye tiquina.

³⁹ Tiquina sa niḡ t̄horo Jesu tiquinare yahuahye:

—Sa niedac̄h̄ña m̄sa tiquirore. Ihc̄aquioḡ yuh̄ wame mehna Coh̄c̄j̄u tutuaye mehna yero, came yuh̄re ñano ni yahuducu masiedare.

⁴⁰ Marine ih̄ña tuhtiriquiro ijieraro, tiquiro mari mehna cj̄ano ijire.

⁴¹ M̄sare potota nii niaja. Yeequina m̄sa ijiḡ ih̄ñañe apequina m̄sare tiquina yedohoḡ ih̄ñano Coh̄c̄j̄u tiquinare quehnoano yerota. Acore m̄sare tiquina mehenoḡ sih̄oḡ tiquinare quehnoano yerota Coh̄c̄j̄u tiquina sa yeri wapa, niahye Jesu tiquinare.

Ñañene yeḡ cuar̄ine

(Mt 18.6-9; Lc 17.1-2)

⁴² Sa yero Jesu yahu nemoahye:

—Ahriquioḡ yero saha ijiriquirore yuh̄re wac̄u tutua d̄cariquirore yahuḡutja m̄sare. Apequiro

ahriquioḡ yero saha ijiriquirore ñañene ye dutiro tiquiro ña yuh̄d̄aro yuh̄d̄arota. Ihc̄aquiore tiquiro

wam̄p̄ pajiria ut̄are d̄hte yo, pajiri map̄ tiquirore tiquina coh̄aḡ ñano wahaboaga tiquiro. Sa

ijiepeḡata ahriquioḡ yero saha ijiriquirore ñañene ye dutiriquiro tiquiro pehe pajiri map̄ tiquina coh̄ariquiro yuh̄d̄oro ñano yuh̄d̄arota.

⁴³⁻⁴⁴ M̄h̄ omoca mehna ñano yeḡ ti omocare m̄h̄ d̄te coh̄aboro saha

ti m̄h̄h̄ ñano yeye pehere duhuya. Tire duhueraḡu pecap̄u wahaḡuta. Top̄ure ne peca yatierare. Sa ye becoa ne yarierare. M̄h̄h̄ omocare coh̄āḡu ti si dihita butiboaga. Sa yeḡu m̄h̄h̄ pehe sa bajuri turu ijiepeḡuta came Coh̄ācj̄ū mehna ijiḡuta. P̄ua omoca mehna pecap̄u wahaḡu m̄h̄h̄ sa wahaḡū ña ȳhd̄h̄aboaga. Sa yeḡu ti m̄h̄h̄ ñano yeye pehere duhuya. ⁴⁵⁻⁴⁶ M̄h̄h̄ dahpoc̄ā mehna ñano yeḡu ti dahpoc̄ā ḡūh̄ure m̄h̄h̄ dute coh̄āboriro saha ti m̄h̄h̄ ñano yeye pehere duhuya. Tire duhueraḡu pecap̄u wahaḡuta. Top̄ure ne peca yatierare. Sa ye becoa ne yarierare. M̄h̄h̄ dahpoc̄āre m̄h̄h̄ coh̄āḡū ti si dihita butiboaga. Sa yeḡu sa bajuri turu ijiepeḡuta came Coh̄ācj̄ū mehna ijiḡuta. P̄ua dahpoc̄ā mehna pecap̄u wahaḡu m̄h̄h̄ sa wahaḡū ña ȳhd̄h̄aboaga. Sa yeḡu ti m̄h̄h̄ ñano yeye pehere duhuya. ⁴⁷⁻⁴⁸ M̄h̄h̄ capea mehna ñano yeḡu tiare ore we m̄h̄h̄ coh̄āboriro saha ti m̄h̄h̄ ñano yeye pehere duhuya. Tire duhueraḡu pecap̄u wahaḡuta. Top̄ure ne peca yatierare. Sa ye becoa ne yarierare. Tiare m̄h̄h̄ coh̄āḡū tia dihita butiboaga. Ihc̄ā capea mariedapeḡuta came Coh̄ācj̄ū mehna ijiḡuta. P̄ua capea mehna pecap̄u wahaḡu m̄h̄h̄ sa wahaḡū ña ȳhd̄h̄aboaga. Sa yeḡu ti m̄h̄h̄ ñano yeye pehere duhuya.

⁴⁹ 'Ahri yehpap̄u ijina ñano ȳhd̄h̄anata m̄sa. Pecap̄u mari ūj̄ūḡū marine pur̄ino saha ñano ȳhd̄h̄anata m̄sa. ⁵⁰ Moa quehnoano ocare. Moa ocaeraḡū ti moare ocaḡū yero basioerare. Moa ocaeraro ti moa ne quehnoaedare. Ti moare d̄h̄sero basioerare. Sa ijiḡū ih̄ñana ti moare coh̄āno cahmene. Moa quehnoano ti ocaro saha m̄sa ḡūh̄ masa quehnoana ijiya. Sa yena apequina mehna quehnoano mehna ijiya, ni yahuahye Jesu tiquinare.

10

Tiquina namos̄ānumiare coh̄āñene yahuahye Jesu
(Mt 19.1-12; Lc 16.18)

¹ Sa ye tiquiro top̄u ijiriquiro waha, Judea yehpa cahap̄u esa, Jordā wame tiri ma ape sie pah̄r̄ep̄u esahye. Top̄u tiquiro esaḡū ih̄ñañe masa peyequina tiquiro cahap̄u cahmecoahye tja. Tiquina sa cahmecoaḡū ih̄ñano to pano tiquiro buheriro sahata pari turi buheahye tja. ² Tiquiro sa buheri watoa fariseo masa wihiahye. Jesure ñano tiquiro yahuducuḡū t̄h̄o duamahye tiquina. Sa t̄h̄o duaye tiquina Jesure sinituahye.

—¿Mari namos̄ānumiare coh̄āḡū quehnoaboagari? ¿Mari dutiye pehe sata ye dutiajari, m̄h̄h̄ t̄h̄otuḡū? ni sinituahye tiquina.

³ —¿D̄h̄se ye dutiajari to Moise m̄sare tiquiro c̄ūri? ni ȳht̄iahye Jesu.

⁴ —“Papera p̄ure m̄sa coh̄āñene yahuyere ojoana m̄sa namos̄ānumiare coh̄ā masine”, ni ahye Moise, ni ȳht̄iahye fariseo masa pehe.

⁵ Tiquina sa niḡū t̄h̄oro oh̄o saha ni yahuahye Jesu:

—Coh̄ācj̄ū dutiyere m̄sa ye dueraḡū ih̄ñano sa ni ojoahye Moise.

⁶ Tiquiro sa ni ojoari ijiepeḡuta ahri yehpare bajumehnediquiro ūmano, numino ḡūh̄ure yeahye. ⁷ Sa yero ūmano tiquiro pac̄s̄um̄are coh̄ā wijia, tiquiro namono mehna ijirota.

⁸ Sa ye tiquina p̄aro ijiepet̄a ihc̄ā paḡu yero saha ijire. Sa ye tiquina p̄aro yero saha ijierare. Ihc̄ā paḡu yero saha ijiye nine. ⁹ Coh̄ācj̄ū tiquiro omoca d̄hte dutiriquina ijire. Sa ye tiquinare cahme duhueraro cahmene, niahye Jesu tiquinare.

¹⁰ Sa ni tuhasa tiquiro buheyequina mehna w̄h̄up̄u saj̄ā wahahye. W̄h̄up̄u saj̄ā sa, tiquina namos̄ānumiare coh̄āñene tiquiro buheyequina sinituahye tja tiquirore.

¹¹ Tiquina sa sinituḡū tiquiro ȳht̄iahye:

—Tiquiro namonore coh̄āriquirō apecorore namo tiro, apecoro mehna ñano yeriquiro ijire. Sa yero tiquiro coh̄āricorore ñano wahaḡū yero nine.

¹² Sa yero numino pehe ticoro

manunore cohãno, apequiore manũ tiro, tiquiro mehna ñano yericoro ijire, niahye Jesu tiquinare.

Macanagã ye ijiatire Cohãcjũre sini basahye Jesu

(Mt 19.13-15; Lc 18.15-17)

¹³ Sa ye macanagãre Jesure ña peo dutiye tehe tiquinagãre Jesu cahapũ ne cãhtaye niahye. Tiquina sa yegũ ihñañe tiquiro buheyequina pehe tiquinagãre ne cãhtayequinare tuhtiahye. ¹⁴ Tiquina sa tuhtigũ ihñano Jesu usuaro, ohõ saha niahye tiquinare:

—Macanagã yũhũ cahapũ ahtaahro. “Waharĩsa”, niedacãhña tiquinagãre. Tiquinagã Cohãcjũre tiquina pãhtoro tũhoture. Sa ye Cohãcjũ tiquiro pãhtoro ijiropũre ahriquinagã yero saha tũhotuyequina ijire topũre. ¹⁵ Ijirota niita niaja mũsare. Ahriquinagã Cohãcjũre tiquina cahmeno saha mũsa pehe cahmedana, tiquiro cahapũ wahaasi mũsa. Mũsa wahaeragũ mũsa pãhtoro ijisi tiquiro, niahye Jesu.

¹⁶ Sa ni tuhasa Jesu macanagãre ne wũa, tiquinagãre ña peoro ohõ saha niahye:

—Ahriquinagã quehnoañequina wahaahro, ni sini basahye Cohãcjũre.

Doeri cjẽ upũro Jesure sinituahye
(Mt 19.16-30; Lc 18.18-30)

¹⁷ Sa ye Jesu mahapũ tiquiro waducugũ apequiore pehe oma cã, tiquiro dahpocãri cahapũ dũsepe curi mehna quehe sahye tiquirore ño peoro.

—¿Ne, quehnoagũ buhegũ, yũhũ ijipihitiye decori Cohãcjũ mehna iji duagũ dũhse yegũtari yũhũ? niahye tiquiro Jesure.

¹⁸ Tiquiro sa nigũ Jesu yũhtiahye:

—¿Dũhse ijiro boro yũhũre “Quehnoagũ”, ni pisuajari mũhũ? Cohãcjũ dihita quehnoariquiro ijire.

¹⁹ Ahri Cohãcjũ dutiyere masine mũhũ: Masare wejẽdacãhña. Wũana tieracãhña. Yaqueracãhña. Ni mehoedacãhña. Apequina yere ni meho nedacãhña. Mũsa pacũsumũare

ñõ peoya. Ahri dutiyere yero cahmene masare, ni yahuahye Jesu tiquirore.

²⁰ —Buhegũ, tire ijipihitiyere coã wahmũa cãhtagũ ijigũpũta yũhdũdũcaera tii yũhũ, niahye tiquiro Jesure.

²¹ Tiquiro sa nigũ tũhoro Jesu pehe tiquirore ihñadoque ohõ, cahñahye. Sa yero ohõ saha niahye:

—Mehenogã dũhsare mũhũre mũhũ ye pehoato. Ijipihitiyere mũhũ yere duagũ wahaya. Sa yegũ ijipihitiye mũhũ wapatari niñerure pejecũoyequinare ohoya. Mũhũ sa yegũ pajiro mũhũ ye hũmũsepe, Cohãcjũ cahapũ ijirota. Mũhũ sa yeri bato yũhũ mehna cjũ ijicajũ ahtaya, niahye Jesu tiquirore.

²² Tiquiro sa nigũ tũhoro tiquiro pehe peye doeri cjẽ cãoriquiro ijiro tire pejecũoyequinare oho dueraro, bũjũa witi, coaera, wahaa wahahye.

²³ Tiquiro sa bũjũa witiyũ ihñano Jesu majaredũca sa, tiquiro buheyequinare ihñadoque ohõ, ohõ saha niahye:

—Doeri cjẽ cãoyequina Cohãcjũ pãhtoro ijiropũre tiquinare waharo basioera cjũre, niahye tiquinare.

²⁴ Tiquiro sa nigũ tũhoye tiquina pehe tiquirore tũho maria wahahye. Sa ni tuhasa Jesu pari turi yahuahye tiquinare:

—Yũhũ acaye, ijipihitiyequina doeri cjẽ opana Cohãcjũre wacũno marieno Cohãcjũ pãhtoro ijiropũ tiquinare waharo basioerare. ²⁵ Camello pehe awia copepe tiquiro sajã duagũ basioerare. Tiquiro sa ijiro yũhdũoro doeri cjẽ cãoriquirore Cohãcjũre wacũno marieno Cohãcjũ pãhtoro tiquiro ijiropũre tiquirore waharo basioerare, ni yahuahye tiquinare.

²⁶ Tiquiro sa nigũ tũhoye to pano tiquina tũho mariariro yũhdũoro tũho maria waha, tiquina basi ohõ saha niahye:

—Yohou, tiquiro nino sahata potota ijigũ ne ihcãquiro masunore yũhdũoeraboaga Cohãcjũ, niahye tiquina basi.

27 Tiquina sa nigũ tuhoro Jesu tiquinare ihñadoque ohõ, ohõ saha niahye:

—Masa tiquina esa tuharo quehnoano yeri mehna Cohãcjũ cahapũ waha masiedare. Cohãcjũ pehe masare pecapũ wahaboriquinare yuhduo masine. Tiquiro ijipihtiyere quehnoano ye masi peho cãhre, niahye Jesu tiquinare.

28 Tiquiro sa nigũ Pedro tiquirore ohõ saha niahye:

—Tuhorĩña. Usã pehe ijipihtiyere usã yere cũ cãu mũhũ mehna wahana tana, niahye tiquiro Jesure.

29 Tiquiro sa nigũta Jesu ohõ saha niahye:

—Ijirota niita niaja mũsare. Quehnoañe buheyere, yeere yena tana yuhũre ño peona tana mũsa wuhũsere, mũsa bahanare, mũsa pacũsumũare, mũsa pohnare, mũsa weserire cũrina ijina, pajiro wap-atanata mũsa yojopũre. 30 Sa yena mũsa wuhũsere, mũsa bahanare, mũsa pacosãnumiare, mũsa pohnare, weserire, to pano mũsa cũoriro yuhduoro yojopũre peye cũonata mũsa. Sa ye apequina mũsare ñano yeeta. Sa yena camerũre ape tjuropũ ijipihtiyere decori Cohãcjũ mehna ijinata. 31 Yojopũre peyequina pũhtoia ijiriquina ti pjerũre ihyo ijiyequina tojoaeta. Sa ye yojopũre peyequina ihyo ijiyequina ijiriquina ti pjerũre pũhtoia comesaeta tja, ni yahuahye Jesu tiquinare.

Pari turi Jesu tiquiro yaria masa wijiatiye yahuahye

(Mt 20.17-19; Lc 18.31-34)

32 Sa ye tiquina mahapũ maja, Jerusalẽpũ mũjañe niahye. Jesu tiquina panogã uhmũ tãhye. Sa tiquiro uhmũ tãgũ ihñañe tiquiro buheyequina ihña maria wahahye. Sa ye tiquina bato nũnũ tãriquina pehe cuero mehna nũnũ tãhye. Sa yero Jesu tiquiro buheyequinare tiquina sehsaro neahye tja. Sa yero masa tiquirore dũhse yeatiye Jesu yahu dũcahye tiquinare.

33 —Tuhoya yuhũre. Yojopũre Jerusalẽpũ wahana niaja mari. Topũ masa yuhũ masũre Cohãcjũ ohorigũre ñehe, apequinapũre yuhũre ohoeta. Pahia pũhtoare, mari acaye judio masare buheyequina gũhũre yuhũre ohoeta. Sa ye yuhũre wejẽ dutieta tiquina. Sa wejẽ dutiye judio masa ijiyequina pehere yuhũre ohoeta.

34 Tiquina sa ohori bato tiquina pehe yuhũre bũjũpe, sihco puti ohõ, tana, wejẽeta. Sa yegũ yuhũ yariari bato ihtia deco wahaboro masa wijiagatja, ni yahuahye Jesu tiquinare.

Santiago, Ñu mehna Jesure sini-ahye

(Mt 20.20-28)

35 Sa ye Santiago, Ñu mehna Jesu cahapũ esaye, siniyahye tiquirore. Tiquina Zebedeo pohne ijiahye. Sa ye ohõ saha ni siniyahye:

—Buhegũ, usã sinino saha usãre yeya mũhũ, niahye tiquina Jesure.

36 —¿Dũhse yuhũ yegũ cahmeajari mũsa? niahye Jesu tiquinare.

37 —Ijipihtiyequina pũhtoro ijigũ usãre mũhũ mehna duji dutiya. Ihcãquiro mũhũ poto pehe, apequiro mũhũ cũ pehe pehe duji dutiya usãre, mũhũ mehna pũhtoia usã ijiato saha, niahye tiquina Jesure.

38 Tiquina sa nigũ tuhoro ohõ saha ni yahuahye Jesu tiquinare:

—Mũsa ñano yuhduatore masiedapenata sa sinine yuhũre. ¿Yojopũre yuhũ ñano yuhduato saha mũsa gũhũ ñano yuhduana ihcãno sahaboagari? ni sinituahye tiquinare.

39 Tiquiro sa sinitugũ tuhoye tiquina yũhtiahye:

—Ihcãno sahanata, ni yũhtiahye tiquina.

Tiquina sa nigũ Jesu ohõ saha ni yahuahye:

—Yuhũ ñano yuhduato saha ñano yuhduanata mũsa gũhũ. 40 Mũsa sa yuhduanaja mũsa ijipegũta, yuhũ mehna dutiatiquinare, yuhũ mehna dujiatiquinare bese masiedaja yuhũ. Ahrire yuhũ Pacũ pehe quehno tuhasari. Sa ye tiquiro beseatiquina

dihita yuhũ poto pehe yuhũ cũ pehe pehe dujieta, niahye Jesu tiquinare.

⁴¹ Sa ye apequina pũa omopequina buheyequina Santiago, Ñu ahriquina pũaro mehna usuahye tiquina sa sinidire tũhoye. ⁴² Tiquina sa usuagũ ihñano Jesu tiquiro buheyequinare pijio ohõ saha niahye:

—Cohãcjũre masieñequina pũhtoa pehe tiquina masare dutiye, usuaro mehna dutire. ⁴³ Mũsa pehe ne sa yesi mũsa basi. Mũsa mehna cjũno pũhtoro iji duaro, ijipihtiyequina tiquiro mehna cjẽna cahacjũno ijiro cahmene tiquirore. ⁴⁴ Sa yero ijipihitiyequinare dutiriquiro iji duaro, apequina cahacjũno ijiro cahmene tiquirore. ⁴⁵ Sata ijigũ ijiaja yuhũ gũhũ. Yuhũ masũ Cohãcjũ ohorigũ ijiepegũta ahri yehpapũ masare yedohogũ ahtaũ. Sa yegũ peyequina masa ye buhirire yariagũ ahtagũ nii. Sa yegũ peyequina masare pecapũ wahaboriquinare yũhdũogũ ahtagũ nii. Masare dutipegũ ahtagũ niedũ, niahye Jesu tiquinare.

Bartimeore, caperi bajueriquirore ihñagũ yeahye Jesu

(Mt 20.29-34; Lc 18.35-43)

⁴⁶ Sa ye tiquina Jericórpũ esahye. Sa yero Jesu tiquiro buheyequina, masa peyequina mehna ti macapũ ijieyequina tiquina wahagũ Bartimeo pehe maha dũhtũ cahapũ dujiahye. Tiquiro Timeo macũno caperi bajueriquiro ijiro, decoripe masare niñerure siniducuriquiro ijiahye. ⁴⁷ Sa yero topũ Jesu Nazare cjũno tiquiro cahapũ ahtagũ tũhoro Bartimeo ohõ saha ni sañuducuahye:

—Jesu, Davi mũnanao panami iji turiagũ, masare yũhdũoacjũ, paja ihñaña yũhũre, ni sañuducuahye Jesure.

⁴⁸ Tiquiro sa nigũ tũhoye masa peyequina Bartimeore “Dihta marihña”, ni tuhtiahye tiquina tiquirore. Tiquina sa tuhtigũ tũhoro Bartimeo to pano tiquiro sañuducuriro yũhdũo cjũno sañuducu nemoahye tja:

—Jesu, Davi mũnanao panami iji turiagũ, masare yũhdũoacjũ, paja ihñaña yũhũre, ni sañuducuahye tiquiro.

⁴⁹ Tiquiro sa ni sañuducugũ tũhoro Jesu pehe esadũca, “Pijiohya tiquirore”, niahye. Tiquiro sa nigũ tiquina pehe caperi bajueriquirore pijĩ cãhye:

—Bucueya. Wahcãdũcaya. Tiquiro mũhũre pijiore, niahye tiquina Bartimeore.

⁵⁰ Tiquina sa nigũ tũhoro tiquiro bui cjã suhtirore tu we cũ, uhpu yũhdũ cã, Jesu cahapũ esadũcahye.

⁵¹ Sa yero Jesu sinituahye tiquirore.

—¿Dũhse yuhũ yegũ cahmeajari mũhũ? niahye Jesu tiquirore.

—Yuhũ pũhto, yũhũre ihñagũ yeya, niahye caperi bajueriquiro.

⁵² —Wahaya. Mũhũ yũhũre wacũ tutuagũ quehnoa wahare, niahye Jesu tiquirore.

Tiquiro sa nigũta caperi bajueriquiro ihñaa wahahye. Sa quehnoa waharo Jesu mehna mahapũ wahaa wahahye.

11

Jerusalẽrpũ esahye Jesu

(Mt 21.1-11; Lc 19.28-40; Jn 12.12-19)

¹ Sa ye Jerusalẽrpũ tiquina esato panogã Betfagã wame tiri maca cahapũ, Betania wame tiri maca cahapũ ijidũrpũ, Olivo wame tidũ cũnrũpũ esa mũhtahye. Topũ esaro pũarore tiquiro buheyequina mehna cjẽnare Jesu ohoro ohõ saha niahye:

² —Si macapũ wahaya. Topũ esana duita burrogãre tiquina dũhte docoriquirogãre bocanata. Apequina pesamehnediquirogã ijiaja. Tiquirogãre bocana, yuta dare pã, ne cãhta basaya yũhũre. ³ Mũsa sa yegũ ihñano burrogã upũro “¿Dũhsena burrogãre pãjari?” tiquiro nigũ tũhona, ohõ saha ni yũhtiya tiquirore: “Mari pũhtoro burrogãre cahmedoqueo nidi. Sa yero mianogãta wiarota tiquiro”, ni yahuya tiquirore, ni yahu

duti ohoahye tiquiro buheyequinare p̄arore.

⁴ Tiquiro sa nigũ waha, w̄h̄u cahap̄u ijiri mahap̄u sopecaha cahap̄u burrogãre tiquina d̄hte docoriquirogãre bocahye. ⁵ Sa ye tiquirogãre yuta dare tiquina p̄gũ ihñañe top̄u ducuyequina sinituahye tiquinare:

—¿D̄h̄se yena tana m̄sa yuta dare p̄jari burrogãre? ni sinituahye tiquina.

⁶ Tiquina sa nigũ t̄hoye, tiquina pehe Jesu tiquiro nidiro sahata yuahye top̄u ducuyequinare. Tiquina sa yahugũ t̄hoye top̄u ducuyequina pehe “Neahña”, niahye tiquinare. ⁷ Sa ye tiquina burrogãre Jesu cahap̄u ne sahye. Tiquina ne sari bato tiquirogã bui tiquina suhtire duhu peo tuhasagũ ihñano, Jesu pehe tiquirogã bui m̄ja pjeahye, waharo taro. ⁸ Sa ye masa peyequina tiquina bui sañañe suhtire tu we ne, mahap̄u seõ cũ m̄htahye, Jesure ño peoye. Apequina pehe p̄uri tiye d̄p̄urire weserip̄u tiquina ne cãhtari d̄p̄urire mahap̄u cũahye.

⁹ Sa ye tiquiro pano wahayequina, tiquiro bato ahtayequina mehna ohõ saha ni sañuducuahye:

—Ahriquirore ño peouhna. Ahriquiri Cohãcjũ tiquiro ohoriquiro quehnoano ijiahro. ¹⁰ Mari ñec̄u iji turiariquiro Davi m̄nano p̄htoro tiquiro ijiriro saha ahtariquiro quehnoano ijiahro. Ëhm̄se cj̄nore “Tutuaḡu ijire”, ni ño peouhna, ni sañuducuahye tiquina.

¹¹ Sa yero Jesu Jerusalẽp̄u esaro Cohãcjũ ya w̄h̄p̄u sajã saro, ti w̄h̄p̄u ijiyere ijipihiyere ihña peho cãhye. Ihña tuhasa “Ñamicahap̄u ijire. Deco cj̄nota wahañhna”, nino, Jesu tiquiro buheyequina doce buheyequina mehna Betaniap̄u wahahye.

Jesu higuera ḡre yaria dutiahye
(Mt 21.18-19)

¹² Sa ye ape deco tiquina Betaniap̄u ijiriquina waha wahahye. Sa yero Jesu pehe ñja ahbaa waha, yoarop̄u

higuera wame tid̄re quehnoano p̄uri tid̄re ihñano t̄ d̄care macano wahamahye. ¹³ D̄ca mariedahye. D̄ca tiri pje ijieraro p̄uri dihita ijiahye. ¹⁴ Sa yero d̄ca mariedagũ ihñano ohõ saha niahye:

—Ahd̄u d̄care masa ne pari turi ihyeracãhdo. Ne d̄ca tieracãhdo, niahye Jesu.

Tiquiro sa nigũ tiquiro buheyequina pehe t̄hoahye.

Jesu Cohãcjũ w̄h̄re Cohãcjũ mehna yahuducuri w̄h̄u ye dutiahye
(Mt 21.12-17; Lc 19.45-48; Jn 2.13-22)

¹⁵ Tiquiro sa yeri bato tiquina Jerusalẽp̄u esahye. Top̄u esaro, Jesu Cohãcjũ ya w̄h̄p̄u sajã saro apee boro duayequinare, d̄yequina ḡh̄re cohã wioahye. Sa yero niñeru comesaye mesarire yo wahcõ, ne majare cũ m̄jahye. Bujuaare duayequina tiquina dujiye pahtari ḡh̄re sata yeahye. ¹⁶ Sa yero apee borore ne sajã dutierahye masare. ¹⁷ Sa yero Jesu ohõ saha ni buheahye tiquinare:

—Ohõ saha nine Cohãcjũ yere tiquina ojoari p̄u: “Ya w̄h̄u Cohãcjũ mehna yahuducuri w̄h̄u wame tirota. Sa yero ijipihitiro cj̄ena ya w̄h̄u ijirota”, ni ojoahye Cohãcjũ yere tiquina ojoari p̄u. Ti p̄u sa niepegãta m̄sa pehe ahri w̄h̄p̄u duana, m̄sa basi cahme yaquere m̄sa, ni buheahye tiquinare.

¹⁸ Tiquiro sa ni buhegũ ijipihiyequina masa pehe t̄ho maria wahahye. Sa ye pahia p̄htoa, ñsã judio masa buheyequina mehna tiquirore cue niahye. Sa ye tiquina tiquirore wejẽatire wacũ macamahye. ¹⁹ Tiquina sa yegũ ñamicahap̄u Jesu tiquiro buheyequina mehna ti macap̄u ijiriquina waha wahahye.

Higuera ḡ ñaia wahahye
(Mt 21.20-22)

²⁰ Sa ye bohrearo mahap̄u maja taye, higuera ḡre ihñahye. T̄u n̄h̄corip̄u ñai d̄ca, ñaia wahahye t̄.

21 Ture ihñano Pedro pehe wacũ, ohõ saha niahye:

—Buhegũ, ihñaña. Higuera gũ mũhũ yaria dutidũ yaria wahaya, niahye Pedro.

22 Tiquiro sa nigãta Jesu yahuahye tiquinare:

—Cohãcjũre wacũ tutuaya mũsa. 23 Ijirota niita niaja mũsare. Ahdũ cũnũre pajiri mapũ mũsa cohã dutigũ mũsa nidiro saha sa waharota. Cohãcjũre quehnoano mũsa wacũ tutuagũ “Yũhũ sinidiro saha waharota”, mũsa ni tãhotugũ mũsa nidiro saha waharota. 24 Sa yegũ ahrire yahugũtja mũsare. Cohãcjũ mehna yahuducuna, tiquire sinina, “Yũhũ sinidiro saha ohorota yũhũre”, ni tãhotuya. Mũsa sa yegũ ihñano Cohãcjũ mũsa siniñene ohorota. 25 Sa yena Cohãcjũ mehna mũsa yahuducuo pano mũsare apequina tiquina ñano yegũ mũsa usarire duhuya. Mũsa sa yegũ ihñano mari Pacũ ãhmũse cjãno mũsa ñañe yeri pehere tiquire gũhũ usũ duhurota. [26 Mũsare ñano yeriquinare mũsa usua duhueragũ mari Pacũ gũhũ ãhmũse cjãno mũsa ñañe yeri pehere usuaro ne duhusi tiquire gũhũ,] niahye Jesu.

Pahia pũhtoa, judio masare buheyequina, bũcũna mehna Jesu mehna cahme dũse tini wiahye
(Mt 21.23-27; Lc 20.1-8)

27 Tiquiro sa nidi bato tiquina Jerusalẽpũ wahahye tja. Sa ye Jesu Cohãcjũ wãhũpũ tiquire tinigũ ihñañe pahia pũhtoa, usã judio masare buheyequina, bũcũna gũhũ tiquire cahapũ esaye, tiquire sinituahye:

28 —¿Dũhsegũ canũre sa yeari mũhũ? ¿Noa mũhũre tire sa ye dutiari? ni sinituahye tiquina Jesure.

29 Tiquina sa nigã Jesu yãhtiahye:

—Mũsa pehere sinitu mãtagũtja. Quehnoano yũhũre mũsa yãhtigũ mũsare yahugũtja yũhũ gũhũ. 30 ¿Ñũ masare tiquire wame yegũ noa boro pehe tiquire wame ye dutiyari,

mũsa tãhotugũ? ¿O Cohãcjũ dutiera-yari? ¿O masa pehe tiquire duti-yari, mũsa tãhotugũ? ni sinituahye tiquinare.

31 Tiquiro sa nigã tiquina pehe tiquina basi ohõ saha niahye:

—¿Dũhse ni yãhtinatari mari? “Cohãcjũ Ñũre dutiri jiri”, mari nigũ, “¿Dũhsena Cohãcjũ Ñũre tiquire dutiepegãta tiquire tãho duerari mũsa?” niboaga Jesu marine. 32 Sa yero “Ñũ tiquire wame yegũ Cohãcjũ pehe tiquire dutierari jiri”, mari nigũ masa pehe usueta mari mehna, niahye tiquina basi.

“Potota Ñũ Cohãcjũ yere yahu mãhtariquire ijire”, ni tãhotue tiahye masa pehe. Sa ye pahia pũhtoa, usã judio masare buheyequina, bũcũna mehna tiquinare cue niahye. 33 Sa ye tiquina Jesure ohõ saha ni yãhtiahye:

—Ñũre wame ye dutiriquire usã masiedaga, niahye tiquina Jesure.

—Ti pje pũrita yũhũ gũhũ ahrire yũhũ yerire dutiriquire yahueraja mũsare, niahye Jesu tiquinare.

12

Ñañequina dahra cohteyequina quitire yahuahye Jesu
(Mt 21.33-46; Lc 20.9-19)

1 Sa ye Jesu tiquire tãhotuye mehna ohõ saha ni queoye mehna buhe dũcahye tiquinare.

—Wese upũro ãhse darire oteahye. Ote tuhasa, sahrĩnore doco, ãhsere tiquina cahta mãtoati copere sehe, ãhmũari wãhũgã dahreahye tiquire. Sa yero ti wesere apequinare ihcã pehe pahma cũno, ti wesere cohte dutiahye. Cohte duti tuhasa ape siepũ wahaa wahahye tiquire. 2 Came ãhse ñidi pje ijigũ wese upũro tiquire cahacjũnore wese cjẽ tiquire ya pahma cjẽ dũcare ne dutiro ohomahye. 3 Sa ye wesere cohteyequina pehe tiquire cahacjũnore ñehe, quẽahye tiquire. Sa ye tuhasa tiquire cahacjũnore ãhse tõhorine ohoerapeta tojoa dutiahye tiquire. 4 Sa yero wese upũro apequi tiquire cahacjũnore

ohomahye tja. Sa ye cohteyequina pehe tiquiro dapure cami dahre, ñano yeahye tiquina tiquirore. ⁵ Sa yero apequiro pehere tiquiro ohogū cohteyequina tiquirore wejēahye. Peyequina apequina gūhare sa dihita ye mūjahye. Apequina pehere quē, apequina pehere wejēahye tiquina.

⁶ 'Sa yero wese uparo macano dihita dahsahye. Tiquiro cahñiquiro ijiahye. Sa yero tiquiro macanore ohoahye, "Yuhū macu pehere ño peoeta", nino. ⁷ Tiquiro sa ni tūhotuepegūta cohteyequina tiquina basi ohō saha ni yahuducuahye: "Wese uparo macano ijire ahriquiro. Tiquirore wejēihna mari. Sa yero ahri wese mari ya wese tojoarota", nimahye tiquina basi. ⁸ Sa niñe tiquirore ñehe, wejē, wese dūhtu cahapū ne cā, cohā cāhye tiquina tiquirore.

⁹ '¿Ne wese uparo ahtaro dūhse yerotari tiquiro wesere cohteyequinare, mūsa tūhotugū? Ohō saha yerota tiquinare: Tiquiro tiquinare wejēno, apequina pehere wesere cohte dutirota. ¹⁰⁻¹¹ ¿Cohācjū yere tiquina ojoari pūre ahrire buherari mūsa? Ohō saha ni ojoahye:

Ahriquiro Cristo utā yero saha ijire. Utāre wūhare dahreyequina tiquina cohāno saha masa tiquirore cohāeta. Tiquina sa cohāpepegūta yojopare wūhare dahreyequina wūhare yeye, tiquina cū mūhtaria utāre tiquina cūno saha Cohācjū tiquirore pūhtoro sōri. Cohācjū pehe ahrire yeri. Tiquiro sa yegū ihñana, "Quehnoa yūhdūare", ni tūhotuaja mari, ni ojoahye panopare.

¿Tire ne buherari mūsa? niahye Jesu tiquinare.

¹² Tiquiro sa nigū tūhoye pahia pūhtoa, usā acaye judio masare buheyequina, būcūna mehna ohō saha ni tūhotuahye: "Jesu wesere cohteyequina quitī mehna marine tuhtiro nine", ni tūhotuahye. Sa ni tūhotuye Jesure ñehe duamahye. Sa

ñehe duepeta masare cue niahye. Sa cueye tiquirore cohā cāa wahahye.

Fariseo masa, Herode ya curua cjēna mehna gobierno cjē wapare sinituahye Jesure

(Mt 22.15-22; Lc 20.20-26)

¹³ Waha, tiquina fariseo masare, Herode ya curua cjēna gūhare Jesure sinitu dutiye ohoahye tja. Jesu ñano tiquiro yūhtigū ye duamahye tiquina, tiquirore yahusāne tehe. ¹⁴ Sa ye Jesu cahapū esaye, tiquirore niji sio sinitumahye:

—Buhegū, poto yahuducugū, ni mehoñe mariegū mūhū ijigū masiaja usā. Cohācjū yere queoro mūhū yahugū gūhare masiaja usā. Sa yegū ihcāquiro pūhtoro waro ijiepegūta tiquiro gūhare dōyaro marieno potota yahure mūhū. Sa yegū usāre yahuya. ¿Roma cjūno ijipihtiyequina pūhtoro yere marine wapa yero cahmeajari, mūhū tūhotugū? ¿Mari dutiye wapa ye dutiajari, mūhū tūhotugū? ni sinituahye tiquina Jesure.

¹⁵ Tiquina sa sinitugū tūhoro tiquina ñano ye duayere masino Jesu ohō saha ni sinituahye tiquinare:

—¿Dūhse yena yūhū ñano yahuducugū tūho duajari mūsa? Yojopare niñeru cjoere ne cāhtaya. Ti cjoere ihñauhna, niahye Jesu tiquinare.

¹⁶ Tiquiro sa nigū tūhoye tiquina pehe ihcā cjoe ne cāhtahye. Tiquina ne wihigū Jesu sinituahye tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituahye tiquiro.

—César, masa ijipihtiyequina pūhtoro queoye, tiquiro wame gūhū wahñare, ni yūhtiahye tiquina.

¹⁷ Tiquina sa nigū Jesu yahuahye tiquinare:

—Ti pje pūrita masa ijipihtiyequina pūhtoro yere tiquiro pehere ohoya. Cohācjū yere Cohācjū pehere ohoya, ni yahuahye Jesu.

Tiquiro sa nigū tūhoye tūho maria wahahye.

Cohãcjũ tiquiro masoatire yahuahye Jesu saduceo masare

(Mt 22.23-33; Lc 20.27-40)

¹⁸ Sa ye ihcãquino saduceo masa Jesu cahapũ wihiahye. Saduceo masa pehe “Cohãcjũ yariariquinare masosi”, ni tãhotuyequina ijiahye. ¹⁹ Sa ye tiquina ohõ saha niahye tiquirore: —Buhegũ, ohõ saha ni buheahye Moise: “Ihcãquiro wahmino namo tiriquireo pohna mariedaperota yariagũ ihñano tiquiro bahũrore tiquiro wahmino namono ijiricorore nũoano cahmene. Sa yero wahmino mũnano tiquiro pohna tiboro saha pohna tiro cahmene tiquiro bahũrore. Sa ye tiquiro pohne tiquiro wahmino mũnano pohne yero saha ijietta”, ni ojoahye Moise, niahye tiquina Jesure.

²⁰ Tire ni tuhasa, ahri quitireta yahu nemoahye Jesure:

—Ihcãquiro masano ijiahye. Seis bahana tiahye. Tiquiro wahmino pehe namo ti, pohna mariedaperota yariaa wahahye. ²¹ Sa yero apequiro tiquiro bahũro gũhũ tiquiro wahmino namono ijiricorore cãomahye. Tiquiro sa nũoari bato tiquiro wahmino yero saha pohna mariedaperota yariaa wahahye tja. Sa yero ahriquireo bahũro tiquiro wahmino mũnano yero saha pohna mariedaperota yariaa wahahye. ²² Sa dihita wahahye ihcãquiro pohne waro. Ne pohna mariedapeta yaria pihtia wahahye tiquina. Tiquina namono ijiricoro gũhũ tiquina batota yariaa wahahye. ²³ ¿Ne, Cohãcjũ ijipihtiyequinare yariariquina mũnare tiquiro masogũ diquireo namono pehe ijiritari ticoro? Tiquina ijipihtiyequina ticoro namo tiriquina mũna ijiahye. ¿Sa yero diquireo namono pehe ijiboagari ticoro pototi? ni sinituahye tiquina.

²⁴ Jesu yãhtiahye tiquinare:

—Cohãcjũ yere tiquina ojoari pũre, tiquiro masiñe gũhũre ne masiedare mũsa. Sa yero mũsa tãhotuye pehe ne pototo ijierare. ²⁵ Yariariquina mũna tiquina masa mũjari bato angele

yero saha ijire. Namu marieñequina, manũ marieñe numia ijire topũre. ²⁶ Yariariquina mũna tiquina masa wijiato pehere mũsare yahugãtja: Tire Moise quehnoano yahu pehoahye. Mehenũgã mũjari quitire ohõ saha ni yahuahye tiquiro: “Yũhũ Abrahã, Isaac, Jacob tiquina pũhto tjiaja”, ni yahuri Cohãcjũ yũhũre”, ni ojoahye Moise tiquiro ojoari pũpũ. ²⁷ Tiquina yariari bato “Tiquina pũhto tjiaja”, ni yahuahye Cohãcjũ. Sa nieperota yariariquina mũna pũhtoro ijierare Cohãcjũ. “Tiquina pũhto tjiaja”, tiquiro niñe mehna catiyequina tiquina ijigũ masiaja mari. Tiquiro catiyequina pũhtoro ijire. Sa yena “Yariariquina masasi”, ni tãhotuna potota tãhotuerare mũsa, niahye Jesu tiquinare.

Quehnoa yãhdũro dutirore yahuahye Jesu

(Mt 22.34-40)

²⁸ Sa ye ihcãquiro usã acaye judio masare buheyequina mehna cãno tiquina cahapũ wihi, tiquina cahme yahuducugũ tãhoahye. Jesu quehnoano yãhtiyere tãhoro sinituahye tiquirore.

—¿Cohãcjũ ye dutiro quehnoa yãhdũari dutiro noho pehe ijiajari, mũhũ tãhotugũ? ni sinituahye tiquiro Jesure.

²⁹ Jesu tiquirore yahuahye:

—Ahri dutiro ijire apeye dutiye bui quehnoa yãhdũari dutiro: “Israe masa, tãhoya. Cohãcjũ mũsa pũhtoro yũhũ ihcũta ijiaja. ³⁰ Tutuaro mũsa jeripohnari mehna, quehnoano mũsa wacũñe mehna, mũsa tutuaye mehna yũhũre cahĩña”, nine Cohãcjũ. ³¹ Ahri dutiro bato apero dutiro quehnoano ijire. “Mũhũ basi mũhũ cahĩno saha mũhũ cahapũ ijিয়েequina gũhũre cahĩña”, nine Cohãcjũ. Ahri pũaro dutirota ijipihtiyey apeye dutiye yãhdũoro ijire, ni yahuahye Jesu tiquirore.

³² Tiquiro sa nigũ judio masare buheriquiro ohõ saha niahye:

—Sa tjire. Buhegũ, potota nine mũhũ. Cohãcjũ ihcãquirola ijire. Apequiro tiquiro yero saha ijiriquiro mariedare. Mũhũ niñe potota ijire. ³³ Cohãcjũre tutuaro mari jeripohnari mehna, mari wacũñe mehna, mari tutuaye mehna tiquirore cahĩno cahmene marine. Yũhũ caha ijiyequinare yũhũ basi yũhũ cahĩno saha tiquina gũhare cahĩno cahmene yũhare. Wahiquinare wejẽ ujũa mũo mari ohori mehna mari ño peogũ quehnoarĩmene. Ahri yũhdũoro Cohãcjũre, masa gũhare mari cahĩne quehnoa yũhdũare. Mũhũ sa niñe ijirota ijire, niahye judio masare buheriquiro Jesure.

³⁴ Tiquiro sa quehnoano yũhtigũ tũhoro Jesu yahuahye tiquirore:

—Mehenogã dũhsare mũhare Cohãcjũre mũhũ quehnoano masiato, niahye tiquirore.

Tiquiro sa nigũ tũhoye apequina cuye, ne sinituerahye Jesure.

Cristo Davi mũnano pũhtoro ijire
(Mt 22.41-46; Lc 20.41-44)

³⁵ Sa ye Cohãcjũ wũhũpũ buhero ohõ saha niahye Jesu:

—“Cristo Davi mũnano panamino iji turiariquiro ijire”, ni buhere mari acaye judio masare buheyequina. ¿Dũhse niñe sa ni buheajari tiquina?

³⁶ Davi tiquiro basi Espĩritu Santo tiquiro dutiriro sahata ohõ saha ni yahuahye:

Cohãcjũ yũhũ pũhtoro ohõ saha nidi: “Ohõpũ yũhũ poto pehe dujiya. Sa yegũ mũhare ihña tuhtiyequinare mũhare yũhdũdũca basagũtja yũhũ”, nidi Cohãcjũ yũhũ pũhtoro, ni ojoahye Davi mũnano.

³⁷ Sa ni ojoaro Davi mũnano pũhtoro tiahye Cristore. ¿Davi mũnano Cristo ñecũno mũnano iji turiariquiro ijieperota dũhsero Davi pehe pũhtoro tiyari Cristore? Cristo Davi mũnano pũhtoro ijire, ni yahuahye Jesu.

Tiquiro sa ni buhegũ peyequina masa bucueye mehna tũhoahye tiquirore.

Jesu judio masare buheyequina tiquina ñañene yahuahye

(Mt 23.1-36; Lc 11.37-54; 20.45-47)

³⁸ Sa yero tiquiro buhe nemono ohõ saha niahye:

—Mari acaye judio masare buheyequina tiquina ñañe yeyere quehnoano ihñaña. Sa yena tiquina yero saha yeracãhña. Tiquina yoaye suhti saña, masa tiquina ihñonopũ majare, doeri cjẽ duaropũ apequina pũhtoare quehnoano ño peo tiquina sinino saha tiquina piti ca sinigũ cahmene tiquina. ³⁹ Sa ye mari judio masa buheye wũhũsepũ quehnoañe dujiye dihitare duji duare. Sa ye bose deco ijigũ topũ gũhare quehnoañe dujiye dihitare cahmene tiquina.

⁴⁰ Tiquina wape wiha numia ye wũhũsere tiquina cũoye gũhare ehmare ti numiare. Sa ye tiquina masa ihñonopũ yoari pje Cohãcjũre siniducumene masare ihña dutiye. Tiquina sa yeri buhiri apequina bui cjũno tiquinare Cohãcjũ pajiro buhiri dahrerota, niahye Jesu tiquinare.

Wape wihoro ticoro ohorire yahuahye Jesu

(Lc 21.1-4)

⁴¹ Sa yero Jesu Cohãcjũ wũhũ cjẽ niñeru tiquina sãri acarõ cahapũ dujiahye. Topũ masa tiquina niñeru duhu sãgũ ihña dujiro niahye. Sa ye niñeru opana ti acaropũ pajiro duhu sãhye. ⁴² Sa yero wape wihoro pejecũoricoro ti acaropũ ahta, pũa cjoegã duhu sãhye. Pũa cjoie ihcã centavo pose ijire. ⁴³ Ti cjoeri ticoro duhu sãgũ ihñano tiquiro buheyequinare pijioahye:

—Ijirota niita niaja mũsare. Ahricoro wape wihoro pejecũoricoro pehe niñeru ihbori acaropũ duhu sãno apequina ijipihtiyequina tiquina ohori yũhdũoro ohori ticoro pehe. ⁴⁴ Apequina doeri cjẽ opana pajiro tiquina ohoepẽgũta tiquina ye pajiro dũhsare. Ahricoro pehe

pejecuoricoro ijieperota ijipihtiye ticoro ihyatire dúborigãre oho pehori, niahye Jesu.

13

—Cohãcjũ wuhũ cohãri wuhũ ijirota, niahye Jesu
(Mt 24.1-2; Lc 21.5-6)

¹ Sa ye Cohãcjũ wuhũpũre tiquina wijiagũ ihcãquiro buheyequina mehna cjũno ohõ saha niahye:

—Buhegũ, ihñaña. Ahri wuhũse quehnoañe utã paca mehna tiquina yeri wuhũse quehnoa yuhduaye wuhũse ijicjoare, niahye tiquiro.

² Tiquiro sa nigũ Jesu yahuahye tiquinare:

—Ahri ijipihtiye mari ihñari wuhũse, ahri wuhũse cjẽ utã paca gãhũre cohã pehoeta. Ne ihcãria utã tojoasi, niahye Jesu tiquinare.

Decori pihtiatire yahuahye Jesu
(Mt 24.3-28; Lc 21.7-24; 17.22-24)

³ Sa ye Jesu Olivo wame tidũ cunũpũ Cohãcjũ wuhũ potopũ ijidũpũ esahye. Tũ buipũ dujiahye. Topũ Pedro, Santiago, Ñũ, Andre mehna tiquina sehsharo ijiye, tiquina tiquirore sinituahye:

⁴ —Yahuya usãre. ¿Duhse ijigũ sa waharotari mũhũ nidiro saha waharo? ¿Deco pihtiato panogã ijigũ duhse ti waha ducagũ ihñanatari usã? ni sinituahye tiquina Jesure.

⁵ Jesu yuhtiahye:

—Quehnoano yeya mũsa. Sa yena apequina tiquina ni mehoñene tũhoeracãhña mũsa. ⁶ Peyequina masa “Cristo ijiaja yuhũ”, ni mehoñequina ahtaeta. Tiquina sa ni mehogũ tũhoye peyequina masa Cohãcjũ yere duhueta.

⁷ Mũsa cahagã masa apequina tiquina cahme wejẽgũ tũhonata mũsa. Sa yena yoaropũ gãhũre tiquina cahme wejẽgũ tũhoonata mũsa. Sa tũhooopenata ne tire pajiro tũhotueracãhña. Sa waharota. Tiquina sa yegũ pihtiatu deco duhsarĩnota. ⁸ Ti pjere ihcã yehpa cjẽna ape yehpa cjẽna mehna cahme

wejẽeta. Sa ye ihcãquiro pũhtoro yequina apequiro pũhtoro yequina mehna cahme wejẽeta. Sa yero ijipihtiri yehpa ñuhminota. Sa ye peyequina masa mũsa mehna yarieta. Sa wahagũ ahri yehpa cjẽnare tiquina ñano yuhdu nemoato duhsarĩnota. Ñano yuhduĩeta.

⁹ Sa wahagũ ihñana mũsa basi quehnoano yeya. Apequina mũsare ñehe, ñano ye dutiye ohoeta apequina pũhtoapũre. Sa ye judio masa mari buheye wuhũsepũ mũsare quẽeta. Tiquina sa yegũ bujũye macari cjẽna pũhtoa, tiquina bui pũhtoa gãhũ mũsare buhiri dahreye tehe sinitueta mũsare. Yeequina mũsa ijiri buhirire apequina mũsare yahusãeta. Sa yena yeere yahunata mũsa tiquinare. ¹⁰ Sa ye pihtiatu deco pano quehnoañe buheye ijipihtiye yehpari cjẽnare buheripũ ijirota. ¹¹ Sa yena mũsare buhiri dahre dutiye, buhiri dahre dutiatiquiro cahapũ tiquina neagũ tiquirore mũsa niatire “Yahu masiedaboaga”, ni tũhotueracãhña mũsa. Ti pjere mũsa niatire mũsare Espĩritu Santo yahurota. Tiquiro sa yahurire yahuya mũsa. Mũsa esa tuharo yahuducusi mũsa. Espĩritu Santo mũsare yahuducu basarota.

¹² Ti pjere tiquina wahmisũmũ tiquina bahanare wejẽ dutiye ohoeta pũhtoare, yeequina tiquina ijiri buhiri. Tiquina pacũsũmũ tiquina pohnene wejẽ dutiye ohoeta pũhtoare. Tiquina pohne pehe tiquina pacũsũmũare wejẽ dutiye ohoeta pũhtoare. ¹³ Sa ye yeequina mũsa ijiri buhiri mũsare masa ijipihtiyequina ihña tuhtietu. Tiquina sa yepegũta ahri yehpapũ mũsa catiro puno mũsare tiquina ñano yerire ihcãno sahana yuhũre duhuerana, yuhduanata mũsa.

¹⁴ Sa yena ña yuhduariquirore Cohãcjũ yere ñano yeriquirore ihñanata mũsa. Cohãcjũ ya wuhũpũ tiquiro ducugũ ihñanata. Topũ tiquirore ijieraro cahmene. Topũ tiquiro ducugũ ihñaña Judea yehpapũ

ijiyequina cunꝑ cjuꝑ duhti oma mujaa wahaahro. Ahri yuhꝑ nidire quehnoano masiña mꝑsa. ¹⁵ Sojaro mehna oma duhtiahro. Ti pjere tiquina wuhꝑse bui cjẽ paaripꝑ ijiyequina wuhꝑ puhiapꝑ ijiyere tiquina yere neñe wahaeracãhdo tiquina waha madoqueoato saha. ¹⁶ Sa ye ti pjere apequina tiquina weseripꝑ ijiyequina tiquina bui cjẽ suhtire wuhꝑꝑ ijiye suhtire neñe wahaeracãhdo tiquina waha madoqueoato saha. ¹⁷ Ti pjere niji pacosãnumia, tiquina pohnene apũoñe numia gũhꝑ pejesꝑoro wahaeta. ¹⁸ Sa yena ohõ saha ni siniña Cohãcjũre: “Pohecꝑ ijigũ sa wahaeracãhdo”, ni siniña tiquiore. ¹⁹ Ti decorire masa ña yuhduaro wahaeta. Ahri yehpare tiquiore bajumehnedi bato masa ñano yuhduẽ tiahye. Ti sa ijiepegũta ijipihtiye ti puriñe yuhduoro pihatiati deco ijigũre ña yuhduaro masa yuhdueta. Sa ñano tiquina yuhduari bato pari turi sa ña yuhduaro yuhduasi ahri yehpapꝑ. ²⁰ Sa yero Cohãcjũ ti decorire meheñe decorigã ijigũ yerota. Tiquiro sa yeragũ ne ihcãquiore masano yuhdueraboaga. Sa yero tiquiro beseriquina tiquina yuhduatire meheñe decorigã cũnota Cohãcjũ.

²¹ “Ti pjere apequina mꝑsare “Ihñaña. Ahriquiore ijire Cristo”, tiquina nigũ tiquinare tuhoeracãhña. “Topꝑ ijire Cristo”, tiquina nigũ gũhꝑre tuhoeracãhña. ²² “Cristo ijiaja”, ni mehoñequina, “Cohãcjũ yere yahu mahtana ijiaja”, ni mehoñequina ijietati pjereta. Sa ye Cohãcjũ beseriquinare ni mehoñe, tiquina tutuaye mehna ye ihñoeta. Cohãcjũ yequinare Cohãcjũre tiquina cohã duagũ ye duare tiquina mehoñequina. ²³ Ahrire yahuyuaja mꝑsare sa wahato pano. Sa yena quehnoano yeya mꝑsa, ni yahuahye Jesu.

*Jesu ahri dihtapꝑre tiquiro tojoa tatire yahuahye
(Mt 24.29-35, 42-44; Lc 21.25-36)*

²⁴ Sa ni tuhasa ohõ saha ni yahuahye Jesu:

—Ti decori ijigũ tiquina ñano yuhduari bato asũ deco cjũno, ñami cjũno gũhꝑ buhrio duhu cãeta. ²⁵ Tiquina sa wahagũta ñahpicoha paca uhmꝑsepꝑ ijiye paca bora dijiaa wahaeta. Sa ye uhmꝑse cjẽ yehpari, ñahpicoha gũhꝑ ti sa wahaducurore comesaeta. Sa ye ñuhmieta. ²⁶ Ti pjeta yuhꝑ masꝑ Cohãcjũ ohorigꝑ ahtagutja. Sa ye uhmꝑsepꝑ yuhꝑ tutuaye mehna yuhꝑ asi siteye mehna uhmꝑse cjẽ ehmeo cururi buipꝑ ahri yehpapꝑre yuhꝑ tojoa tagũ ihñaeta masa. ²⁷ Sa yegꝑ yeequina angelere ijipihtiropꝑ ahri yehpapꝑ ohogutja. Sa ye ijipihtiropꝑ yeequina yuhꝑ beseriquinare tiquina neeta.

²⁸ “Yojopꝑre higuera gũre tuhotuya mꝑsa. Tu quti mehna mꝑsare queoye mehna buhegutja. Tu yucꝑgũ pũri tigũ ihñana cũhma mehenogã duhsagũ masine mꝑsa. ²⁹ Sata ahri ijipihtiye yuhꝑ nidi sa wahagũ ihñana, yuhꝑ tojoa tato mehenogã duhsagũ masinata mꝑsa. ³⁰ Ijirota niita niaja mꝑsare. Ti pje cjẽna tiquina yariato panore ijipihtiye yuhꝑ nidiro sahata sa waharota. ³¹ Uhmꝑse, ahri yehpa gũhꝑ pihtia waharota. Yuhꝑ yahuducuye pehe ne comesasi. Ijipihtiye yuhꝑ nidiro sahata sa waha sohtori tiarota.

³² “Ti decore yuhꝑ tojoa tati decore, ti hora gũhꝑre masiedaja yuhꝑ. Angele gũhꝑ tire masiedare. Masa gũhꝑ ne masiedare. Yuhꝑ Pacꝑ dihita tire masine.

³³ “Mꝑsa gũhꝑ ti decore masiedare. Sa yena quehnoano yeya. Quehnoano cohteya. Cohãcjũre siniña mꝑsa. ³⁴ Ohõ saha cohteya mꝑsa. Ahri quti mehna mꝑsare queoye mehna buhegutja. Wuhꝑ upꝑro yoaropꝑ tiquiro tinino saha ijire ahri. Tiquiro wahato pano tiquiro cahacjẽnare wuhꝑre cohte dutiahye. Tiquinape tiquina dahrayere cũahye. Sa yero wuhꝑre cohteriquirore tiquiro tojoa tatore cohte dutiahye. ³⁵ Sa yena mꝑsa gũhꝑ quehnoano wacũ masi

cohteya. Wuhu upuro tiquiro tojoa tatore tiquina masiedariro saha yuhu masa pũhto tojoa tati decore masiedare masa gũhu. Ñamicaharu, ñami deco, canaca tiquiro yahuri pje ijigũ bohrearopu ahtaboaga. ³⁶ Yuhu sa wacũeno mehna yuhu wihiatore masina, yeere sa yeducuya. Sa yena yuhare quehnoano cohteya. ³⁷ Sa yegu masare yuhu nino sahata ijipihitiyequinare sa niaja: Quehnoano wacũ masi cohteya, niahye Jesu tiquinare.

14

Pahia pũhtoa, judio masare buheyequina mehna Jesure wejẽ duahye

(Mt 26.1-5; Lc 22.1-2; Jn 11.45-53)

¹ Sa ye ti pjere pascua wame tiri bõse deco pano pugũ yeye moremehneñe pãre tiquina ihyati deco pano, pũa deco duhsariãhye. Ti pjere pahia pũhtoa, usã acaye judio masare buheyequina mehna Jesure tiquina ni mehoñe mehna tiquina ñehe wejẽatire cahme yahuducuye niahye.

² —Bõse deco ijigũ tiquirore ñehedacũhna “Masa usuari”, nina, niahye tiquina basi.

Numino ehme sitiye uhse mehna Jesure pio peoahye

(Mt 26.6-13; Jn 12.1-8)

³ Sa ye Jesu gũhu Betaniaru, Simo cami bucu mana wihiro ijimediquiro ya wuhuru ijiahye. Sa yero tiquina ihyari watoa numino pehe alabastro mehna yeriare ehme sitiye nardo wame tiye uhsere pose tiriare ne wihiãhye. Ti uhse pehe wapa bujũye ijiahye. Sa yero ticoro tiare pohadoqueo, Jesu dapu bui pio peoahye. ⁴ Ticoro sa yegũ ihñañe apequina usuaa wahahye.

—¿Dũhse yero ahricoro ahri ehme sitiye co wapa bujũyere sa ye siteajari? ⁵ Tire ticoro duaboaya. Tire duaro tres cientos ñiñeru cjoerire wapataboaya. Sa yero ti ñiñerure pejecũoyequinare ohoboaya ticoro, ni

cohteahye apequina pehe ticoro sa yegũ ihñañe.

Sa ye tiquina ticorore tuhtiahye.

⁶ Tiquina sa nigũ tũhoro Jesu tiquinare yahuahye:

—Sa niedacãhña ticorore. Yuhare ticoro quehnoano yero nine.

⁷ Pejecũoyequina pehe masa mehna sa ijiducueta. Sa yena masa cahmedi pje tiquinare oho masine. Yuhu pehe ahri yehpare masa mehna sa ijiducusi.

⁸ Ticoro cũoro puno mehna ticoro yuhare sa yeri. Yuhare tiquina yato pano yuhu pagure quehnoyuro, ehme sitiye pio peori ticoro.

⁹ Sa yegu potota niita niaja masare. Ijipihtiro ahri yehparu quehnoañe buheyere tiquina yahuatopu ahricoro yojopure ticoro yerire yahueta.

Tiquina sa yahugũ tũhoye ticorore masa peyequina wacũeta, ni yahuahye Jesu.

Juda Iscariote Jesure ihña tuhtiequinare tiquiro ihñaotire yahuahye pahia pũhtoare

(Mt 26.14-16; Lc 22.3-6)

¹⁰ Ti pjereta Juda Iscariote doce buheyequina mehna cãno Jesure tiquiro ihñaotire yahuro wahahye tiquirore ihña tuhtiequinare, pahia pũhtoare. ¹¹ Sa ye pahia pũhtoa tire tũhoye bucueahye.

—Muhare ñiñerure ohonatja, niahye tiquina Judare.

Sa yero Jesure ihña tuhtiequinare tiquiro ihñaotire wacũ macahye.

Jesu tiquiro buheyequina mehna tiquina ihya bato tiri deco ijiahye

(Mt 26.17-29; Lc 22.7-23; Jn 13.21-30; 1 Co 11.23-26)

¹² Pugũ yeye moremehneñe pãre tiquina ihyati bõse deco iji ducari deco, ovejare pascua deco ijigũ ihyati tiquirore tiquina wejẽati deco ijiahye. Ti pjere tiquiro buheyequina pehe sinituahye Jesure:

—¿Noho boropu bõse deco ijigũ mari ihyatire quehnoyu dutigu ohoutjari mũhu usãre? niahye tiquirore.

13 Tiquina sa nigūta Jesu pehe p̄aro tiquiro buheyequina mehna cjenare ohoahye.

—Jerusalēp̄u wahaya. Top̄u m̄usa esagū aco suture w̄ariquiro m̄sare piti carota. Tiquiro piti cagū tiquiro mehna wahaya. 14 Sa wahana tiquiro siho sajāri w̄h̄p̄u esana w̄h̄u up̄arore ohō saha ni yahuya:

“¿Nohop̄u ȳh̄u buheyequina mehna pascua cjē ihyayere ihyanatari?” nidi buheriquiro”, niña w̄h̄u up̄arore. 15 M̄usa sa nigū t̄horo uhm̄ano cjā

tucūre pajiri tucūre mari cahmeñe mehna tiquina quehnoari tucūre ihñonota w̄h̄u up̄aro. Top̄u mari ihyatire dahreya m̄usa, niahye Jesu tiquinare.

16 Tiquiro sa nigū t̄hoye tiquina tiquiro buheyequina ti macap̄u wahahye. Top̄u esagū tiquinare tiquiro nidiro sahata wahahye. Sa ye tiquina pascua cjē ihyayere dahreahye.

17 Sa ye nahitia cāhtagū Jesu doce tiquiro buheyequina mehna top̄are esahye. 18 Sa yero tiquina mehna mesap̄u ihyaro Jesu tiquinare yahuahye:

—Poto niita niaja m̄sare. Ihcāquiro m̄usa mehna cj̄no ȳh̄u mehna ihyariquirota ȳh̄are ihña tuhtiyequinare ihñonota, ni yahuahye Jesu tiquinare.

19 Tiquiro sa nigū t̄hoye tiquina pehe b̄j̄na witiahye.

—¿Ȳh̄ata ijjajari m̄h̄are ihñoc̄j̄u? ni sinitu pihtiahye tiquina Jesure.

20 —M̄usa mehna cj̄nota ijire tiquiro. Ȳh̄u ihyari pap̄u ȳh̄u mehna soha ihyariquirota ijire ȳh̄are ihña tuhtiyequinare ihñoc̄j̄u.

21 Panop̄u ȳh̄are tiquina yahu ojoariro sahata ȳh̄u mas̄u Cohācj̄u ohoriḡu yariaḡta. Sa yero ȳh̄are ihña tuhtiyequinare ihñoriquiro pejes̄oro ȳh̄urota. Tiquiro pehe masa bajueragū, quehnoa ȳh̄uaboya. N̄ano ȳh̄eraboya, niahye Jesu tiquinare.

22 Sa ni yahu tuhasaro tiquiro buheyequina mehna ihyaro taro niahye. Sa yero Jesu p̄are ne, Cohācj̄ure “Quehnoare”, niahye. Sa ninota tiare nuha, itiahye tiquinare.

—Ahr̄ire ne ihyaya. Ahri ȳh̄u paḡu ijire, niahye tiquiro tiquinare.

23 Sa ni tuhasa tiquiro sihnini pare ne, Cohācj̄ure “Quehnoare”, ni tuhasa, ohoahye tiquinare. Tiquiro oho tuhasagū tiquina ijipihtiyequina tire sihniahye.

24 —Ahri ȳh̄u dii ijire. Peyequina masa tiquina ñañe yerire cohāḡu taḡu yariaḡtja. Sa yeḡu ȳh̄u diire cohāḡtja. Mari Pac̄u “M̄sare ȳh̄uoḡtja”, tiquiro nidiro esagū ȳh̄u yariaro mehna tiquiro nidiro sohtori tirota. 25 Poto niita niaja m̄sare. Cohācj̄u tiquiro p̄h̄toro ijirop̄u wahma core ūh̄se core ȳh̄u sihniato pano, ahri dihtap̄are ūh̄se core pari turi sihnisi ȳh̄u, niahye Jesu tiquinare.

Pedro Jesure tiquiro cohātire yahuahye Jesu

(Mt 26.30-35; Lc 22.31-34; Jn 13.36-38)

26 Sa ye tiquina ihcā taha Cohācj̄u ye basayere basa tuhasa, c̄n̄p̄u Olivo wame tid̄p̄u wahaa wahahye.

27 Top̄u siho esaro Jesu tiquinare yahuahye:

—Yojop̄are m̄usa ijipihtina ȳh̄are cohānata. Ohō sahata nine Cohācj̄u yere tiquina ojoari p̄p̄u ȳh̄are yahuro: “Ovejare ihña ihboriquiro yero saha ijiriquirore Cohācj̄u cohānata. Sa tiquiro cohāḡu tiquiro yequina oveja yero saha ijieyequina duhti site cāa wahaeta”, nine Cohācj̄u yere tiquina ojoari p̄p̄u. 28 Sa yeḡu Cohācj̄u ȳh̄are tiquiro masori bato m̄usa pano Galileap̄u wahayuḡtja ȳh̄u, niahye Jesu tiquinare.

29 Tiquiro sa nigū Pedro ohō saha niahye:

—Ȳh̄u mehna cj̄ena ijipihtiyequina tiquina cohā c̄arep̄ḡta ȳh̄u pehe m̄h̄are ne cohāsi, nimahye Pedro tiquirore.

³⁰ Jesu yuhtiahye:

—Potota niita niaja mahuere. Mia ñamita canaca pua taha tiquiro yahuato pano “Yuhu Jesure masiedaja”, niguta mahu. Ihtia taha sa niguta mahu, niahye Jesu Pedrore.

³¹ Tiquiro sa niepegata Pedro ohõ saha ni tutuaro bisiro yuhtiahye:

—Mahu mehna yuhure tiquina wejẽ duepegata “Jesure masiedaja”, ne nisi yuhu, ni yuhtimahye tiquiro Jesure.

Pedro sa nigũ tãhoye tiquiro mehna cjẽna gũhu sa dihita ni yuhtiahye.

Getsemaní wame tiri wesepu Jesu Cohãcjũre siniahye

(Mt 26.36-46; Lc 22.39-46)

³² Sa ye tiquina Getsemaní wame tiri wesepu wahahye. Topu esaro ohõ saha niahye Jesu:

—Yuhu Cohãcjũre yuhu sinino watoa ohõ dujiyuya, niahye tiquiro buheyequinare.

³³ Sa ni tuhasa Pedrore, Santiagore, Ñure tiquinare ihtiarore piji cãhye. Tiquinare sa piji cãno, pajiro tãhotu dũcahye tiquiro. Sa yero ñano jeripohna tiahye.

³⁴ Sa bujua witiro tiquiro mehna cjẽnare tiquiro piji cãriquinare ohõ saha niahye:

—Yuhu ñano jeripohna tiaja. Yuhure tutuaro purĩno saha tãhotugũ niaja. Ohõ tojoaya. Sa yena yuhu mehnata carĩedacãhña musa gũhu, niahye Jesu tiquinare.

³⁵⁻³⁶ Sa ni tuhasa tiquiro topu mehenogã waha nemo, yehpapu quehe saro, Cohãcjũre niahye:

—Mai, mahu ijipihiyere ye masine. Sa yegu yuhu ñano yuhduatire ye dueragu yeracãhña. Yuhu sa niepegata yuhu cahmeno saha yeracãhña. Mahu pehe masine. Mahu cahmeno saha yeya yuhure, ni siniahye tiquiro Cohãcjũre.

³⁷ Sa ni tuhasa, ihtiaro tiquiro buheyequina cahapu wihiro, carĩnequinare ihñahye. Tiquinare ihñano Pedrore niahye:

—¿Simo, carĩgu niajari mahu? ¿Ihcã hora waro yuhu ihcãno mehna carĩegu iji masiedajari mahu?

³⁸ Quehnoano yeya musa. Sa yena Cohãcjũre siniducuya musa, “Ñano yeari”, nina. Musa tãhotuye mehna quehnoañene ye duamene musa. Musa sehsaro sa ye duepenata tire ye masiedare musa, niahye Jesu Pedrore.

³⁹ Sa ni yahu tuhasa pari turi waha, Cohãcjũre siniahye. To pano tiquiro sinidiro sahata siniahye tja. ⁴⁰ Sa sini tuhasaro pari turi tiquina cahapu wihiahye tja. Sa wihiro carĩnequinare ihñahye tja. Wajua quehe yuhduahye tiquina. Sa ye tiquina Jesure dũhse ni masiedahye. ⁴¹ Sa yero pari turi Cohãcjũre tiquiro sinidi bato tiquina cahapu wihi, tiquinare niahye:

—¿Yojopu pũritare carĩnina niajari musa? ¿Sorĩna niajari musa? To punota umu saro taro nine. Mi-anogãta yuhure Cohãcjũ ohorigure ñañequinare tiquina ohoati pje umu saro nine. ⁴² Wahcãña. Isa wahana. Ihñaña. Yuhure ihña tuhtiyequinare ihñootiquiro ohõ ahtare, niahye Jesu tiquinare.

Jesure ihña tuhtiyequina tiquirore peresu yeahye

(Mt 26.47-56; Lc 22.47-53; Jn 18.2-11)

⁴³ Tiquiro sa nino watoata Juda, doce buheyequina mehna cjũno ijimediquiro wihiahye. Sa ye masa peyequina ñoseñe pjĩni, yucu tiãri cuoyequina tiquiro mehna wihiahye. Pahia puhto, judio masare buheyequina, bucuna, tiquina ohoriquina masa pehe ijiahye. ⁴⁴ Coã warore Jesure ihña tuhtiyequinare ihñootiquiro masare ohõ saha ni yahu queo tuhasahye.

—Wahsupure yuhu ihmidiquiro tiquirota ijirota musa ñeheatiquiro. Tiquirore yuhu ihmidi bato ñeheña tiquirore. Sa yena quehnoano ñeheña tiquirore “Duhtiarĩ”, nina, ni yahu tuhasahye Juda pehe.

⁴⁵ Sa yero wihirota Jesu cahapũ duita waha madoqueoahye.

—Buhegũ, ninota wahsupure ihmi-ahye tiquiore.

⁴⁶ Tiquiro sa yegũ ihñañe tiquina Jesure ñeheahye.

⁴⁷ Tiquina sa yegũ ihñano to cahapũ ducuyequina mehna cjãno tiquiro ñoseni pjĩne tãã we nedoqueo, pahia pũhoro cahacjãnore tiquiro cahmonore dũte pahrẽ cãhye.

⁴⁸ Sa yero Jesu ohõ saha niahye:

—¿Dũhse ijiro boro mũsa ñoseñe pjĩni mehna, yucũ tiãri mehna ahtana, yaqueriquiore yero saha yũhare ñehena ahtajari? ⁴⁹ Decoripe Cohãcjũ wũhũpũ mũsare yũhũ buhe dujigũ, mũsa yũhũre ne ñehedari. Sa ijiepegũta ahri ijipihtiye sa waharo niaga Cohãcjũ yere tiquina ni ojoariro sahata, niahye Jesu masare.

⁵⁰ Sa ye Jesu buheyequina tiquiore cohã cã, ijipihtiyequina oma site cãa wahahye.

⁵¹ Sa yero wahmũno suhti mariediquiro ihcãno coma cjũno dihita comariquiro Jesu bato nũnũ tãmahye. Tiquiro sa nũnũ tãgũ ihñañe tiquiore ñehemahye.

⁵² Tiquiore tiquina ñehe duagũ ihñano tiquiro coma cjũnore cohã cã, suhti mariediquiro oma cãa wahahye.

Pũhtoa cahapũ neahye Jesure

(Mt 26.57-68; Lc 22.54-55, 63-71; Jn 18.12-14, 19-24)

⁵³ Sa ye pahia pũhoro cahapũ Jesure ne cãhye. Sa ye ijipihtiyequina pahia pũhtoa, bũcũna, usã acaye judio masare buheyequina gũhũ cahmecoahye. ⁵⁴ Sa yero Pedro pehe Jesu bato yoaropũ nũnũ tãhye. Sa nũnũ tãno pahia pũhtoa ya wũhũ cahapũ esahye. Sa yero tiquiro ti wũhũre cohteyequina surara mehna peca dũhtũ cahapũ sohma dujiahye.

⁵⁵ Pahia pũhtoa, ijipihtiyequina apequina pũhtoa gũhũ Jesure wejẽ duti duaye, ni mehoñe mehna tiquiore tiquina ñano buhiri dahreatore wacũ macañe nimahye.

Tiquina yahusãtire wacũ bocaer-ahye. ⁵⁶ Sa wacũ bocaerapeta

peyequina masa tiquiore sa yahusã maca cãhye. Tiquina yahusãñe poto ijierahye. Apequiro sijoro saha ni, apequiro sijoro saha niahye.

⁵⁷ Sa ye apequina topũ esaye, Jesure yahusãhye.

⁵⁸ —Ahriquiro ohõ saha nidi: “Yũhũ ahri wũhũre Cohãcjũ wũhũre masa tiquina dahreri wũhũre cohãgũtja. Sa cohãgũ ihtia deco wahaboro ti wũhũre pari turi yegũtja. Ti wũhũ masa tiquina dahreri wũhũ ijisi”, tiquiro nigũ usã tũhou, niahye ni meho yahusãñequina.

⁵⁹ Tiquina sa ni yahusãepegũta tiquina yahusãñe gũhũ poto ijierahye. Apequiro sijoro saha ni, apequiro sijoro saha niahye.

⁶⁰ Tiquina sa nigũ tũhoro pahia pũhoro tiquina watoa ducuriquiro wahcãdũca sa, Jesure sinituahye:

—¿Ahriquina mũhũre tiquina yahusãepegũta tiquinare yũhti cahmedajari mũhũ? ¿Mũhũre tiquina yahusãrire dũhse ni yũhti cahmeajari mũhũ? niahye tiquiro Jesure.

⁶¹ Tiquiro sa nigũ tũhoeperota Jesu sata tũhotu cãhye. Tiquiro sa yũhtieragũ ihñano pahia pũhoro tiquiore sinituahye tja:

—¿Cristota ijiajari mũhũ? ¿Quehnoariquiro Cohãcjũ macũ warota ijiajari mũhũ? niahye tiquiro Jesure.

⁶² —Tiquiro tjiaja. Sa yena yũhũre masare Cohãcjũ ohorigure yũhũ Pacũ tutuariquiro poto pehepũ yũhũ dujigũ ihñanata mũsa. Sa yena uhmũse cjẽ ehmeo cururi watoa yũhũ ahtagũ gũhũre ihñanata mũsa, niahye Jesu tiquiore.

⁶³⁻⁶⁴ Tiquiro sa nigũta pahia pũhoro pehe tiquiro sañari suhtirore tiquiro basi tũhrẽ cãhye, apequinare “Usua yũhdũare”, ni ihña masi dutiro.

—Cohãcjũre ñano yahuducuro nine ahriquiro. Sa yena tiquiro ñano yahuducuyere tũho tuhasaja mari. Sa ye topequinata yahusãhdo ahriquiore. ¿Sa yena dũhse yenatari

mari yojopure ahriquirore? niahye pahia puhtoro apequina puhtoare.

—Tiquiro ñari buhiri wejēno cahmene tiquirore, ni yahtiahye apequina puhtoa.

⁶⁵ Sa ye tiquina mehna cjēna Jesure sihco puti, tiquiro caperire dūhte biha, tiquirore quēpeahye. Quēpe tuhasa ohō saha nipeahye:

—¿Noa pehe mūhure quēari? Ihñedapegata yahuya usāre, ni bujūpeahye tiquina.

Sa ye puhtoro yequina surara pehe Jesure quēpe tuhasa, neahye.

—*Tiquirore masiedaga, niahye Pedro Jesure*

(Mt 26.69-75; Lc 22.56-62; Jn 18.15-18, 25-29)

⁶⁶ Sa yero wūhū caha ijiri paapū quehnoari paapū Pedro ijigū pahia puhtoro cahacjōno wihiahye.

⁶⁷ Pedro tiquiro sohmagū ihñano ticoro tiquiro dihitare ihñaducuahye.

—Nazare cjūno mehna, Jesu mehna mūhū gūhū ijiri, niahye ticoro Pedrore.

⁶⁸ Ticoro sa nigū tūhoro tiquiro ohō saha niahye:

—¿Dūhse ni macago niajari mūhū? Mūhū nidiquirore ne masiedaja yūhū, niahye Pedro ticorore.

Tiquiro sa nidi bato Pedro sahrīno sopecaha cahapū wahahye. Sa yero topū tiquiro ducugū canaca yahuahye. ⁶⁹ Topū tiquiro ijigū ihñano cahacjōno pehe ticoro cahapū ducuyequinare yahuahye tja:

—Ahriquirō gūhū Jesu buheyequina mehna cjūno ijire, niahye ticoro.

⁷⁰ Ticoro sa nigū tūhoro Pedro pari turi ohō saha niahye tja:

—Tiquirore masiedaja yūhū, niahye tja.

Sa yero came cjūnopū topū ducuriquina Pedrore ohō saha niahye:

—Ijirota ijire. Mūhū Galilea cjū ijire. Sa yegū tiquina mehna cjūta ijire mūhū, niahye tiquina tiquirore.

⁷¹ Tiquina sa nigū tūhoro tiquiro yahtiahye:

—Potota Cohācjū mehna niaja masare. Potota yūhū niedagū Cohācjū yūhūre buhiri dahreahro. Tiquirore masa nidiquirore ne masiedaga yūhū, ni yahtiahye Pedro tiquinare.

⁷² Tiquiro sa nigūta canaca yahuahye tja. Tiquiro sa yahugū tūhoro Jesu tiquirore nidire wacūahye Pedro: “Canaca pūa taha tiquiro yahuato pano mūhū yūhūre ‘Jesure masiedaga’, nigūta mūhū. Ihtia taha sa nigūta mūhū”, Jesu tiquiro nidire wacūahye Pedro pehe. Tiquiro sa nidire wacūno, tutuaro utiahye Pedro.

15

Pilato Jesure sinituahye

(Mt 27.1-2, 11-14; Lc 23.1-5; Jn 18.28-38)

¹ Sa ye bohrearopū pahia puhtoa, bucūna, usā judio masare buheyequina, ijipihtiyequina apequina puhtoa mehna cahmecoa, yahuducuahye tiquina yeatire masiñe tehe. Tiquina basi yahuducu tuhasa, Jesure dūhte, ne cā, Pilatore ohoahye tiquirore. ² Tiquina ne sagū ihñano Pilato tiquirore sinituahye:

—¿Potota judio masa puhtota ijjajari mūhū? niahye tiquiro Jesure.

—Mūhū nino sahata ijjaja, ni yahtiahye Jesu.

³ Sa ye pahia puhtoa peye yahusāhye tiquirore. ⁴ Tiquina sa ni yahusāgū tūhoro Pilato tiquirore sinituahye tja:

—Ahriquina mūhūre peye yahusāñe nine. ¿Tiquina sa yahusāpegūta yahtierajari mūhū? niahye tiquiro.

⁵ Tiquiro sa niepegūta Jesu ne pari turi yahti nemoedahye. Sa yero Pilato ne dūhse ni masiedahye.

Jesure wejē dutiahye

(Mt 27.15-31; Lc 23.13-25; Jn 18.38-19.16)

⁶ Cūhmaripe pasuaripe masa yaquiro ijiatiquirore ihcāquiro peresupū ijiriquirore tiquina cahmediquirore Pilato wio basaducue tiahye. ⁷ Ti pjere Barrabá wame

tiriquireo peresup_u ijiahye. Tiquiro p_uhtoare cohã duayequina, masare wejẽnequina mehna c_uño ijiahye. ⁸ Sa ye masa peyequina Pilato cahap_u esaye, tiquirore siniahye:

—C_uhmaripe _usãre m_uh_u yedu-
curiuro sahata yeya _usãre. Ihcãquiuro
peresup_u ijiriquirore _usãre wio
basaya, niahye tiquina.

⁹ Tiquina sa nig_uta Pilato tiquinare
sinituahye:

—¿M_usa yaquiuro ijiatiquirore m_usa
judio masa p_uhtoro wio basaboar-
gari y_uh_u? ni sinituahye masare
Jesure wio duaro.

¹⁰ Jesure masa tiquina cah_ug_u
ihñañe pahia p_uhtoa g_uh_u tiquirore
ihña tuhtiahye. Sa ihña tuhtiyeh
tiquirore ohoahye Pilatop_ure. Sa
yero masa tiquina cah_udi buhiri
tiquina ihña tuhtirire masino Pilato
Jesure wio duamahye. ¹¹ Tiquiro
sa wio duepeg_uta pahia p_uhtoa Jesu
mehna masare usuag_u yeahye. Oh_u
saha ni dutiahye tiquinare: “Barrabá
pehere wioya. Jesure wej_u dutiya”, ni
duliahye masare. ¹² Sa yero Pilatore
Barrabáre tiquina wio dutiri bato
Pilato tiquinare sinituahye tja:

—¿Ahriquiuro judio masa p_uhtoro
m_usa nidiquiro pehere dahse
yeg_utari y_uh_u, m_usa sa nig_u? ni
sinituahye tiquiro.

¹³ —Curusap_u qu_u biha wej_uña
tiquirore, ni sañuducuahye masa.

¹⁴ —¿Yabe borore ñañene yeari
ahriquiuro, m_usa sa ni sañuducug_u? ni
sinituahye tiquinare.

Tiquiro sa nig_u t_uhoye tiquina
sañuducu nemoahye tja:

—Curusap_u qu_u biha wej_uña
tiquirore, ni sañuducuahye tiquina.

¹⁵ Tiquina sa ni sañuducug_u t_uhoro
Pilato pehe masare bucueg_u ye
duaro Barrabá pehere peresup_u
ijiriquirore wio dutiahye masa
tiquina cahmediquirore. Sa yero
Jesu pehere yuta dari mehna tana
duti, curusap_u qu_u biha wej_u dutiuro
ohoahye surarare.

¹⁶ Sa ye surara Pilato ya w_uh_up_u
pretorio wame tiri w_uh_up_u tiquirore
ne sahye. Ne sa tuhasa tiquina
apequina surarare tiquina mehna
c_uñare cahmecoañe tehe pijioahye.

¹⁷ Sa ye tiquina p_uhtoro ya suhtiro
yero saha bajuri suhtirore Jesure
sãa, pota behtore dahre, ti behtore
tiquiro dapu bui duhu peoahye. ¹⁸ Sa
ye tuhasa oh_u saha ni b_uj_upeahye
tiquina tiquirore:

—Quehnoano ahtaya. Judio
masa p_uhto, quehnoano ahtaya, ni
b_uj_upeahye.

¹⁹ Sa nieta yuc_ug_u mehna tiquiro
dapure qu_u, tiquirore sihco puti wis_u,
cua pesaro yeyequina yero saha
tiquirore quehe sa, ño peoro saha
yeahye. Tiquirore ñano yeye niahye.
Sa ye b_uj_upeye niahye. ²⁰ Sa yepe
tuhasa tiquina sãari suhtirore tu we
nedoqueo, tiquiro ye suhti pehere
tiquirore sãa, tiquirore curusap_u qu_u
biha wej_uñe wahaye, nea wahahye
tiquina.

*Tiquina Jesure curusap_u qu_u biha
wej_uñahye*

*(Mt 27.32-44; Lc 23.26-43; Jn 19.17-
27)*

²¹ Sa ye top_u wahariquiuro, Simo
Cirene c_uño ihqu_u w_uh_use ijirop_u
esariquiuro, tiquina cahap_u wihig_u
ihñañe surara pehe tiquirore Jesu ya
curusare w_u ca dutiahye. Alejan-
dro, Rufo pac_uro ijiahye Simo pehe.

²² Waha, Gólgota wame tirop_u
esahye. Gólgota nino “Dapu pehtoro”,
nino nine. ²³ Sa ye vinore mirra
wame tiye co mehna tiquina moredi
core Jesure ohomahye. Sa yero ti
core sihni duerahye tiquiro. ²⁴ Sa ye
curusap_u Jesure qu_u bihahye tiquina.
Qu_u biha tuhasa tiquiro suhti ijirire
“¿Noa yaro ijiretari oh_u?” ni cahme
doquepeahye tiquina.

²⁵ Jesure curusap_u tiquina qu_u
bihag_u ihtia hora dahsahye coheri
pje esato. ²⁶ Sa ye curusap_u oh_u
saha ni ojoari p_uñe duhu oh_uahye
tiquina tiquiro ñañe buhirire yahu
duaye. “AHRIQUIRO JUDIO MASA

PŪHTORO IJIRE”, ni ojoahye tiquina ti pjīne. ²⁷ Sa ye p̄aro yaque b̄c̄na Jesu caha apeye curusarip̄u tiquina quē biha ohōriquina ijiahye tiquina. Ihcāquiro poto pehe, apeq̄u cū pehe pehe quē biha ohōahye tiquina ḡh̄re. [²⁸ Tiquina sa yeḡu panop̄u Cohācj̄u yere tiquina yahu ojoariro sahata waharo niahye. Ohō saha ni ojoahye: “ ‘Dutiyere ȳhd̄d̄cayequina mehna cj̄no ijire’, ni, t̄hoturi masa tiquirore”, ni ojoahye panop̄u.]

²⁹ Sa ye curusari cahap̄u ȳhd̄d̄ cāñequina Jesure ih̄na, tiquina dapu pacare yuredoqueo, tiquirore ñano ni yahuducuahye:

—Quehnoare. Quehnoare. ¿Cohācj̄u w̄h̄re cohā, ihtia deco wahaboro pari turi ti w̄h̄re dahreacj̄u ijiajari m̄h̄u? ³⁰ M̄h̄u basi dijiahya. Sa yeḡu m̄h̄u basi yedohoya. Sa yeḡu ȳhd̄d̄ witiḡta m̄h̄u, ni b̄j̄peahye tiquina.

³¹ Tiquina yero sahata pahia p̄h̄toa ḡh̄u ʒs̄a judio masare buheyequina ḡh̄u tiquirore sa ni b̄j̄peahye. Sa ni b̄j̄peye ohō saha niahye tiquina basi:

—Tiquiro apeq̄u ȳhd̄d̄riquirō ijieperota tiquiro basi ȳhd̄d̄o masiedare. ³² “Israe masa p̄h̄to, Cristo ijiaja”, nimeri tiquiro. Sa yena tiquiro basi dijia taḡu ih̄nana tiquirore wacū tutuanata, ni b̄j̄peahye tiquina.

Sa ye yaque b̄c̄na tiquiro caha tiquina quē biha ohōriquina ḡh̄u sata ñano ni b̄j̄peahye tiquirore tja.

Jesu yariaa wahahye

(Mt 27.45-56; Lc 23.44-49; Jn 19.28-30; He 6.19-20; 10.19-20)

³³ Sa ye coheri pje ijiḡu ihtia hora waro ijipihtirop̄u nahitiaa wahahye.

³⁴ Sa yero nahitia ȳhd̄d̄ḡu waro Jesu tutuaro sañuducuahye:

—¿Eloi, Eloi lema sabactani? ni ahye tiquiro.

Sa nino ohō saha nino niahye. “¿Ȳh̄u Pac̄u, ȳh̄u Pac̄u, d̄h̄seḡu ȳh̄re cohājari m̄h̄u?” nino niahye.

³⁵ Tiquiro sa niḡu t̄hoye ihquēquina top̄u ducuriquina ohō saha niahye:

—Cohācj̄u yere yahu m̄h̄tariquirōre Elia m̄nanore pijioro niboaga, niahye tiquina.

³⁶ Sa yero ihcāquiro tiquina mehna cj̄no oma cā, aco ihmini s̄h̄tere vino s̄ēñe core tiquiro sohari s̄h̄tere ne cā, yuc̄ḡu sohtoap̄u d̄h̄te ohō, Jesure sihōmahye. Sa sihōno ohō saha niahye:

—Cohteniña. Elia m̄nana ahriquirōre tiquiro ȳhd̄d̄oḡu ih̄nar̄ih̄na mari, niahye tiquiro apeq̄u.

³⁷ Tiquiro sa nidi bato Jesu pehe tutuaro sañuducu, yariaa wahahye.

³⁸ Tiquiro yariaḡta Cohācj̄u w̄h̄u cj̄a suhtiro cahsero tore tiquina cahmotari cahsero deco mehna bui pehe t̄h̄n̄u dijia ta, t̄h̄n̄u maa cj̄u saa wahahye. ³⁹ Tiquiro sa yariaḡu ih̄nana surara p̄h̄toro Jesu caha ducuriquiro ohō saha niahye:

—Ijirota ijire. Ahriquirō Cohācj̄u mac̄nata ijire, niahye tiquiro.

⁴⁰ Sa ye yorop̄u ducuye numia Jesure ih̄naducuye niahye. Tiquina numia mehna María Magdalena ijiahye. Apecoro María wame tiri-coro ḡh̄u ijiahye. Ticoro pehe José, tiquiro bah̄ro Santiago, tiquina pacoro ijiahye. Apecoro Salomé ijiahye. ⁴¹ Tiquina numia Jesu yere quehnoano t̄hoyequina numia ijiye, Galilea yehpap̄u tiquiro ijiḡu tiquirore yedohoe tiahye. Tiquina numia mehna peyequina apeq̄u numia ḡh̄u Jerusalēp̄u Jesu mehna ahtariquina numia ijiahye.

⁴²⁻⁴³ Sa ye ti deco tiquiro yariari deco saurú pano judio masa ʒs̄a sori deco pano ijiri deco ijiahye. Sa yero pascua cj̄e ijiatire tiquina quehnoyuri deco ijiahye. Ti ñamita José Arimatea cj̄no cuero marieno Pilato cahap̄u esahye Jesu paḡure sinino esaro. José judio masa ʒs̄a p̄h̄toa mehna cj̄no, p̄h̄toa tiquina

Jesu paḡure masa copep̄u cūahye

(Mt 27.57-61; Lc 23.50-56; Jn 19.38-42)

⁴²⁻⁴³ Sa ye ti deco tiquiro yariari deco saurú pano judio masa ʒs̄a sori deco pano ijiri deco ijiahye. Sa yero pascua cj̄e ijiatire tiquina quehnoyuri deco ijiahye. Ti ñamita José Arimatea cj̄no cuero marieno Pilato cahap̄u esahye Jesu paḡure sinino esaro. José judio masa ʒs̄a p̄h̄toa mehna cj̄no, p̄h̄toa tiquina

cua pesaro ihñariquiro waro ijiahye. Sa yero Cohãcjũ masa bui tiquiro pũhtoro sajãtore cohtero niahye. ⁴⁴ Sa yero José Pilatore tiquiro sini tuhasagũ tũhoro tũho maria wahahye Pilato pehe. “¿Jesu yaria tuhasayari?” ni tũhoturo, tũho maria wahahye. Sa yero surara pũhtorore pijio ohõ saha niahye tiquirore:

—¿Jesu yariaa wahari? ni, sinitu-ahye tiquirore.

⁴⁵ Tiquiro sa nigũ surara pũhtoro yũhtiahye:

—Yariaa wahari, niahye.

Tiquiro sa nigũ Pilato Jesu pagũre oho dutiahye Josere. ⁴⁶ Tiquiro sa oho dutiri bato José quehnoari suhtirore dúahye. Dú tuhasa, Jesu pagũre ne dijio, suhtiro mehna wahme, masa copepũ utãpũ tiquina seheri copepũ tiquiro pagũre cũahye. Cũ tuhasa, ti cope caha ijiria utãre pajiria utãre tu torẽ cã, ti copere bihahye. ⁴⁷ Sa ye María Magdalena, María José pacoro Jesure tiquina cũrirore ihñahye.

16

Jesu masa wijiahye

(Mt 28.1-10; Lc 24.1-12; Jn 20.1-10)

¹ Sa ye saurũ yũhdũgũ María Magdalena, María Santiago pacoro, Salomé mehna wisõñe co ehme sitiye dũahye tiquiro pagũre wisõñe tehe.

² Sa ye domingo bohrea queharo Jesure tiquina cũri copepũ wahahye tiquina. ³ Wahaducuye, ohõ saha niahye:

—¿Ti copere biharia utãre noa marine põo basarotari na? niahye tiquina basi.

⁴ Ti copepũ esaye, ti copere biharia utãre pajiria utãre tiquina põo cũriare ihñahye tiquina. ⁵ Sa ihñañe ti copepũ sajã sahye. Sa sajã saye, wahmũnore poto pehe dujiriquire yehseye suhti tiriquire ihña, acũaa wahahye. ⁶ Tiquina sa acũagũ ohõ saha niahye tiquiro:

—Yũhũre ihña acũeracãhña. Jesu Nazare cjãno tiquina quẽ biha wejẽdiquiro mũsa macariquiro masa

wijia tuhasari. Ohõre mariedare. Tiquirore tiquina cũrirore ihñañe. ⁷ “Tiquiro mũsa pano Galileapũ waharota”, ni yahuna wahaya tiquiro buheyequinare, Pedro gũhũre. Topũ tiquiro nidiro sahta mũsa tiquirore ihñanata, ni yahuahye wahmũno tiquinare.

⁸ Tiquiro sa nigũ tũhoye tiquina cueye, nanare, masa cope cahapũ ijiriquina oma cãa wahahye. Sa cueye apequinare yahuerahye.

Jesu María Magdalenare bajuahye (Jn 20.11-18)

[⁹ Sa ye domingo ijigũ Jesu tiquiro masa wijari bato María Magdalenare baja mũhtahye. Ticoro siete watĩare cũmedicoro ijimahye. Sa yero Jesu tiquiro yariato pano watĩare tiquiro cohãnohricoro ijiahye. Sa yero ticoro pehere baja mũhtahye tiquiro masa wijari bato. ¹⁰ Sa ye Jesu mehna cjẽna tiquiro yariagũ ihñañe tutuaro bũjũa witi, utiye niahye. Sa tiquina utiri watoa ticoro pehe tiquirore ihñarire yahumahye tiquinare. ¹¹ “Cristo catiri. Ihñaa”, ticoro ni yahuepegũta tũho duerahye.

Jesu tiquiro buheyequinare bajuahye

(Lc 24.13-35)

¹² Came pũaro tiquina mehna cjẽna wũhũse marienopũ tiquina tinigũ Jesu sijoro saha bajuriquiro tiquinare bajuahye. ¹³ Tiquiro sa bajuagũ ihñañe tiquina tojoaa waha, apequinare Jesu yequinare tire yahuahye. Tiquina sa ni yahuepegũta tiquina pehe tũho duerahye.

Jesu tiquiro yere buhe dutiro ohoahye tiquiro buheyequinare

(Mt 28.16-20; Lc 24.36-49; Jn 20.19-23)

¹⁴ Came doce tiquiro buheyequinare mesa cahapũ tiquina dujigũ tiquinare bajuahye tiquiro. Sa yero tiquirore ihñariquinare tiquina yahugũ tũho dueyequinare masino

Jesu tiquinare tuhtiahye. Tiquirore tiquina quehnoano wacũ tutuerari buhirire tuhtiahye tiquinare. ¹⁵ Sa tuhti tuhasaro tiquinare ohõ saha niahye:

—Ahri yehpa ijipihrop_u quehnoañe buheyere ijipihrop_u masare buhena wahaya. ¹⁶ Y_uh_ure wacũ tutuayequinare tiquina wame yenhriquinare pecap_u waha-boriquinare y_uhd_uorota Cohãcjũ. Sa ye y_uh_ure wacũ tutueyequina Cohãcjũ tiquiro buhiri dahreatiquina pecap_u wahatiquina ijieta. ¹⁷ Sa ye y_uh_ure wacũ tutuayequina y_uh_u tutuaye mehna ohõ saha yeeta: Y_uh_u tutuaye mehna, y_uh_u wame mehna watãare cohãeta. Sa ye wahma yahuducuyere yahuducueta. ¹⁸ Sa ye añare tiquina ñehegũ, ijipihrop_u nima d_uhse ijiye nimare tiquina sihnigũ, tiquinare ne purĩsi. Sa ye dohatiyequina bui tiquina omocarine tiquina ña peogũ dohatiyequina pehe quehnoa wahaeta, niahye Jesu tiquiro buheyequinare.

*Jesu _uhm_usep_u m_ujaa wahahye
(Lc 24.50-53)*

¹⁹ Sa ni yahu tuhasa mari p_uhtoro Jesu _uhm_usep_u m_ujaa wahahye. Top_u esaro Cohãcjũ poto pehe dujiahye tiquiro mehna p_uhtoro ijiro. ²⁰ Sa ye Jesu buheyequina ijipihrop_u quehnoañe buheyere buheye waha wahahye. Tiquina sa buhegũ mari p_uhtoro tiquinare yedohoahye. Tiquiro tutuaye mehna ye ih_uño, masigũ yeahye tiquinare, masare tiquiro ye buheyere t_uho dutiro. To punota ijire.]

San Lucas

1-2 Puh̄to Teófilo, ah̄rire m̄h̄u buheatire m̄h̄u oja ohoḡu niaja. Jesu us̄a mehna ijinino tiquiro yerire apequina oja d̄uca tuhasari jiri. Coã warop̄are Jesure ih̄ñariquina, tiquiro yere buheriquina tiquina ni yahuriro sahata apequina tire oja d̄uca tuhasari jiri. ³ Sa yeḡu ah̄ri ijihihtiyere quehnoano masi peho duaḡu buhei. Sa yeḡu yuh̄u ḡuh̄u tire quehnoano oja duaja m̄h̄u buheatire yeḡu. ⁴ Jesu yere yahuyequina m̄h̄u buhe tuhasari. Tire quehnoano m̄h̄u masi nemoatire ah̄ri p̄ure m̄h̄u oja ohoḡu niaja.

Ñu wame yeatiquiro tiquiro masa bajuatire angel yahuahye

⁵ Jesu masa bajuato pano, Herode Judea yehpa cj̄ena puh̄toro tiquiro ijiḡu Zacaria wame tiriquiro pehe pahi ijiahye. Sa yero Zacaria tiquiro ya curua cj̄ena pehe pahia curua Abia m̄n̄ano ya curua cj̄ena ijiahye. Zacaria namono ḡuh̄u pahi Aaron m̄n̄ano panameono iji turiaricorop̄u ijiahye. Ticoro pehe Elisabe wame tiricoro ijiahye. ⁶ Tiquina p̄aro Coh̄cj̄u dutiyere quehnoano ye pehoyequina tiquina ijiḡu ih̄ñano, “Decoripe quehnoañene yere”, ni ih̄ñahye Coh̄cj̄u tiquinare. ⁷ Elisabe ne pohna marienico ijiahye. Ticoro Zacaria mehna sata muh̄ñu c̄ahye pohna mariedape.

⁸ Pahia dahrayere dahraye tehe, decoripe tiquina comesae tiahye. “Zacaria ya curua cj̄ena ijire”, tiquina nidi bato tiquiro pahia decoripe tiquina yeducuro saha Coh̄cj̄u ya wuh̄up̄u dahraro taro niahye Zacaria. ⁹ Pahia sa yeducuro saha tiquina “¿Noare ijirrotari uh̄j̄a m̄uotiquiro?” niñe, doquepeye mehna bueyere ehme sitiye uh̄j̄a m̄uotiquirore beseahye. Coh̄cj̄u ño peori altarp̄u tiquina beseriquiro Zacaria ehme sitiye uh̄j̄a m̄uotiquiro ijiahye. Sa yero tiquiro Coh̄cj̄u wuh̄up̄u

saj̄a wahahye uh̄j̄a m̄uono waharo. ¹⁰ Wuh̄up̄u ijiro ehme sitiye tiquiro uh̄j̄a m̄uono watoa ijihihtiyequina masa pehe sopechah̄u Coh̄cj̄u sinie tiahye. ¹¹ Ti pjere Coh̄cj̄u yaquiro angel Coh̄cj̄u ño peori altar poto pehe bajuad̄uca sahye Zacariare. ¹² Tiquiro sa bajuaḡu ih̄ñano Zacaria tiquirore ih̄ña maria, cuea wahahye. ¹³ Sa tiquiro cueḡu ih̄ñano angel tiquirore yahuahye:

—Zacaria, cuerac̄h̄ña. Coh̄cj̄u m̄h̄u sinidire t̄h̄ori. Sa yena m̄sa pohna tinata. M̄sa mac̄u masa bajarota. Tiquiro bajuaḡu Ñu wame yeya tiquiroḡare. ¹⁴⁻¹⁷ “Tiquiro quehnoariquiro, tutuariquiro ijire”, ni, ih̄ñanota Coh̄cj̄u m̄h̄u mac̄u. Tiquiro masa bajuari bato vinore, sihbiorire sihnisi. Sa yero tiquiro masa bajuari bato Esp̄iritu Santo nidiro sahata yeriquiro ijirrotari tiquiro. Sa yero peyequina m̄h̄u acaye Israe masare Coh̄cj̄u mari puh̄torore quehnoano cahmeḡu yerota m̄h̄u mac̄u. Sa yero tiquiro Coh̄cj̄u yere buhero Elia m̄n̄ano Coh̄cj̄u yere yahu m̄htariquiro tiquiro buheriro sahata Esp̄iritu Santo yedohoro mehna Coh̄cj̄u tutuaye mehna m̄h̄u mac̄u ḡuh̄u buherota. Sa buhero tiquina pac̄us̄m̄u tiquina pohne mehna quehnoano cahme cah̄iḡu yerota. Sa yero dutiyere yuh̄d̄ud̄ucariquinare quehnoano tiquina ño peoye mehna yuh̄tiḡu yerota. Sa buhero mari puh̄toro Coh̄cj̄u yequina ijiatire yerota tiquiro. Sa yeḡu tiquiro masa bajuari bato m̄h̄u bucueḡu. Peyequina apequina ḡuh̄u bucueeta, niahye angel Zacariare.

¹⁸ Tiquiro sa niḡu t̄h̄oro Zacaria pehe sinituahye angelre:

—Us̄a buc̄na ijiaja. ¿Sa yeḡu m̄h̄u nidi poto ijiḡu d̄uh̄se masiḡutari yuh̄u? niahye tiquiro.

¹⁹ Tiquiro sa niḡu angel pehe tiquirore yahuahye:

—Yuh̄u Gabriel wame tiḡu ijiaja. Coh̄cj̄u cah̄cj̄u tiquiro cah̄ap̄u ducuḡu ijiaja yuh̄u. Coh̄cj̄u ah̄ri

quehnoañe quitire yahu dutiro, m̄h̄h̄ cahap̄h̄ ȳh̄h̄re ohori. ²⁰ Ȳh̄h̄ yahuriro sahata potota waharota. Ȳh̄h̄ sa niepeḡta ȳh̄h̄re m̄h̄h̄ pototo t̄h̄oerari. Sa yeḡh̄ yojop̄are m̄h̄h̄ yahuducueḡh̄ wahaḡta. M̄h̄h̄ mac̄h̄ tiquiro bajuari bato yahuducuḡta t̄ja, niahye angel Zacariare.

²¹ Sopecahap̄h̄ ijiyequina masa Zacariare cohteye niahye. “¿D̄h̄h̄se ijiro boro tiquiro Coh̄c̄j̄ w̄h̄h̄p̄h̄ ijiro, sojaro wijia taerajari?” ni, cohteye niahye masa tiquirore. ²² Sa yero ti w̄h̄h̄p̄h̄ ijiriquiro wijia wihi, tiquina mehna yahuducu masiedahye. Tiquiro sa yahuducu masiedaḡh̄ ih̄ñañe “Tiquiro Coh̄c̄j̄ w̄h̄h̄p̄h̄ bajuanohno niaya”, ni, t̄hotuahye tiquina. Sa yero yahuducu masiedaro tiquiro omocari mehna masare yahuducuahye.

²³ Coh̄c̄j̄ w̄h̄h̄p̄h̄ tiquiro dahraye pihtiḡh̄, tojoaa wahahye tiquiro ya w̄h̄h̄p̄h̄. ²⁴ Tiquiro sa wahari bato tiquiro namono Elisabe coã nijinore c̄h̄o c̄ãhtaro niahye. Sa yero ticoro ih̄c̄ã omope as̄uri waro masa cahap̄h̄ wahaerahye. ²⁵ Oh̄o saha niahye ticoro: “Yojop̄are ȳh̄h̄re Coh̄c̄j̄ yedohori. Ȳh̄h̄ pohna mariego ijigo tutuaro b̄h̄oro t̄hotuu ȳh̄h̄. Coh̄c̄j̄ yedohoro mehna nijinoḡare bocagota”, ni t̄hotuahye ticoro.

Jesu tiquiro masa bajuatire yahuahye angel

²⁶⁻²⁷ Elisabe seis as̄uri ticoro niji pacoro ticoro ijiri bato Coh̄c̄j̄ pehe angel Gabriel wame tiriquire nuhmino cahap̄h̄ ohoahye. Ticoro Nazarep̄h̄ Galilea yehpap̄h̄ ijiri macap̄h̄ ijiahye. María wame tiricoro ijiahye. José wame tiriquire ijiahye ticoro mehna omoca d̄h̄teatiquiro. Tiquiro panop̄h̄ c̄j̄no Davi m̄n̄ano panamino iji turiariquiro ijiahye. ²⁸ Sa yero María cahap̄h̄ esaro, angel yahuahye:

—¿Ne, ijiajari m̄h̄h̄, María? Coh̄c̄j̄ m̄h̄h̄ mehna ijiro nine. Sa yero m̄h̄h̄re quehnoano yero nine. [Ijipihtye numia apequina numia

ȳh̄d̄h̄oro quehnoano yere m̄h̄h̄re,] niahye angel ticorore.

²⁹ Tiquiro sa niḡh̄ t̄h̄oro, ticoro tutuaro wac̄u t̄hotuahye. Angel tiquiro yahurire t̄hoturo “¿D̄h̄h̄se nino ȳh̄h̄re sa niagari?” ni wac̄uahye ticoro. ³⁰ Ticoro sa ni wac̄ḡh̄ ih̄ñano angel yahuahye ticorore:

—María, Coh̄c̄j̄ m̄h̄h̄re tutuaro cah̄ne. Sa yego m̄h̄h̄re ȳh̄h̄ yahuatire t̄ho ac̄uerac̄h̄ña. ³¹ Quehnoano t̄h̄oya. Nijinore bocagota m̄h̄h̄. Sa yero m̄h̄h̄ mac̄h̄ masa bajarota. Tiquirore Jesu wame yegota m̄h̄h̄. ³²⁻³³ Tiquiro tutua ȳh̄d̄h̄ariquiro ijirota. Sa ye tiquirore “Coh̄c̄j̄ h̄m̄se c̄j̄no mac̄h̄no ijire”, nieta masa. Sa yero m̄h̄h̄ mac̄h̄ ñec̄h̄no iji turiariquiro m̄n̄anop̄h̄ Davi m̄n̄ano Israe masa tiquina p̄h̄toro tiquiro ijiriro sahata m̄h̄h̄ mac̄h̄ ḡh̄re c̄n̄ota Coh̄c̄j̄. Sa yero ijipihtye decori tiquiro Israe masare dutirota. Sa yero tiquiro p̄h̄toro ijiye pehe ne pihtisi, niahye angel.

³⁴ Tiquiro sa niḡh̄ María pehe sinituahe:

—¿D̄h̄h̄se ȳh̄h̄ man̄h̄ mariedapegota pohna tiboagari ȳh̄h̄? niahye ticoro.

³⁵ Ticoro sa niḡh̄ angel pehe yahuahye:

—Esp̄iritu Santo m̄h̄h̄re pohna tiḡh̄ yerota. Sa yero Coh̄c̄j̄ tiquiro tutuaye ehmeo curua yero saha ahtarota m̄h̄h̄re. Sa ye “Coh̄c̄j̄ mac̄h̄no ijire”, nieta masa m̄h̄h̄ mac̄h̄re ñañe yerariquirore. ³⁶⁻³⁷ Coh̄c̄j̄ ijipihtyere ye masine. Sa yero m̄h̄h̄ acayoro Elisabe b̄h̄c̄h̄oro ijieperota nijinoḡare bocari ticoro ḡh̄h̄. Ticoro pohna tirota h̄m̄noḡare. Masa ticorore “Pohna marienico ijire”, tiquina nidicoro, yojop̄are seis as̄uri waro wahare nijino ticoro bocari bato, niahye angel Maríare.

³⁸ Tiquiro sa niḡh̄ María ȳh̄htiahye: —Ȳh̄h̄re t̄h̄oya. Mari p̄h̄toro tiquiro cahac̄j̄ ijiaja ȳh̄h̄. M̄h̄h̄ ni diro saha ȳh̄h̄re sa wahaahro, niahye ticoro.

Ticoro sa nidi bato angel wahaa wahahye.

María Elisabere ihñano wahahye

³⁹ Tiquiro sa nidi bato María cunꝰ cꝰ ijiri yehpapꝰ Judea yehpapꝰ ijiri macapꝰ sojaro mehna wahaa wahahye. ⁴⁰ Topꝰ esaro, Zacaria ya wuhꝰꝰ sajãno, “¿Ne, ijiajari?” niahye ticoro Elisabere. ⁴¹ Ticoro sa nigũ Elisabe tũhogũta, ticoro macꝰno pehe niji suhtiroꝰ ijiriquiro ñuhmiahye. Elisabe Espiritu Santo dutiriro sahata ye pehoricoro ijiro, tiquiro tutuayere cꝰoricoro ijiahye. ⁴² Sa yero tutuaro bucueye mehna ticoro tutuaro yahuducuahye.

—Ijipihtiyequina numia yuhꝰoro mũhꝰe quehnoano yeri Cohãcjũ. Mũhꝰ macꝰ gũhꝰe quehnoano yeri Cohãcjũ. ⁴³ Cuehi, yuhꝰ pũhtoro pacoro yuhꝰ cahapꝰ ahtagũ quehnoano yeri yuhꝰe Cohãcjũ. ⁴⁴ Mũhꝰ yuhꝰe “¿Ne, ijiajari?” mũhꝰ nigũ yuhꝰ macꝰ pehe niji suhtiroꝰ ijiriquiro bucueye mehna ñuhmiahti yuhꝰe. ⁴⁵ Cohãcjũ tiquiro nidiro sahata yerota. Sa yego tiquiro yahurire tũhorigo ijigo bucuego ijire mũhꝰ, niahye Elisabe.

⁴⁶ Ticoro sa nigũ María yũhtiahye: “Cohãcjũ quehnoariquiro, tutu-ariquiro ijire”, niaja. Yuhꝰ quehnoano jeripohna tiaja. ⁴⁷ Cohãcjũ yuhꝰe pecapꝰ wahaborigore yedohoriquiro ijire. Sa yero yojopꝰre yuhꝰe quehnoano bucueye mehna ijigũ yere. ⁴⁸⁻⁴⁹ Yuhꝰe tiquiro cahacjõre wacũri jiri. Cohãcjũ tutua yuhꝰariquiro quehnoañe dihitare yuhꝰe yedohori. Sa ye yojopꝰre “Ticorore Cohãcjũ quehnoano yeri”, ijipihtiyequina masa sa ni, yahuducueta yuhꝰe. Cohãcjũ ñañe marieniquiro ijire. ⁵⁰ Ijipihtiyequina tiquirore ño peoyequinare tiquiro paja ihñariquiro ijire. ⁵¹ Cohãcjũ tiquiro tutuaye mehna

yehahye. “Apequinare masi yuhꝰducaja”, niñequinare yuhꝰducahaye tiquiro. ⁵² Pũhtoare cohãhaye tiquiro. Sa yero cahacjẽna pehere pũhtoa yero saha cũahye tiquinare. ⁵³ Ujũa ahbayequinare tiquiro quehnoañe ihyayere ohoahye. Sa yero peye doeri cẽ cꝰoyequinare doeri cẽ cꝰoeragũ yehahye tiquiro. ⁵⁴⁻⁵⁵ Mari ñecꝰsumꝰa iji turi-ayequina manare tiquiro yahu cũriro sahata ye pehoahye Cohãcjũ. “Pecapꝰ wahaboriquinare yuhꝰoutja”, tiquiro ni yahu cũriro sahata ye pehoahye. Sa yero tiquiro cahacjẽnare Israe masare tiquiro yedohoahye. Abrahã mananore mari ñecꝰsumꝰa manare ijipihtiyequina tiquiro acaye tiquiro bato ijiyequina gũhꝰe Cohãcjũ ijipihtiyequina sa paja ihñaducuriquiro ijie tiahye. Tiquinare tiquiro yahu cũrire boerahye Cohãcjũ, niahye María.

⁵⁶ Ihtia asũ waro Elisabe mehna ijiahye. To puno ticoro ijiri bato ticoro ya macapꝰ tojoaa wahahye María.

Ñu masa bajuahye

⁵⁷ Elisabe ticoro niji wahcõ, pohna tiahye. Ticoro macꝰno masa bajuahye. ⁵⁸ Sa yero Cohãcjũ ticorore tiquiro sa yegũ ticoro ya maca cẽna ticoro acaye gũhꝰ ticoro mehna bucueahye. ⁵⁹ Ocho decori tiquiro masa bajuari bato, tiquiro pacꝰsumꝰa tiquirogãre cuhnucunꝰ sohtoa cahserogãre yuhꝰe ne dutiye tee niahye. Sa yeye tiquina mehna cẽna tiquina cahapꝰ esahye tiquina yuhꝰe negũ ihñañe tehe. Tiquina mehna cẽna Zacaria tiquiro pacꝰro wamene tiquirogãre wame ye duamahye. ⁶⁰ Tiquina sa wame ye duepegũta tiquiro pacoro ohõ saha niahye:

—Tiquiro pacuro wamene wame yeraja. Ñu wame yematja tiquirogãre, niahye ticoro.

⁶¹ —Mũhũ acaye ne ihcãquiro Ñu wame tiquiro mariedare, niahye tiquina ticorore.

⁶² Sa ye tiquina omocari mehna yahuducu, Zacariare sinituahye tiquina:

—¿Mũhũ waro dahse wame ye duajari mũhũ macare? ni, sinituahye tiquirore.

⁶³ Tiquina sa nigũ tiquiro pehe ojoari pjĩne sini, ñehe, ojoahye: “Yũhũ macũ Ñu wame tirota”, ni, ojoahye Zacaria. Tiquiro sa ni ojoagũ tiquina pehe tũho maria wahahye. ⁶⁴ Tiquiro sa ni ojoari bato tiquirore yahuducugũ yeahye Cohãcjũ. Sa yero tiquiro yahuducua wahahye.

—Cohãcjũ tutuariquiro, quehnoariquiro ijire, niahye tiquiro.

⁶⁵ Tiquiro sa ni yahuducugũ tũhoye to cjẽna tũho maria wahahye. Sa ye ahri ijipihiyere Judea yehpa cjẽnare cũnũ cju watoa ijiyequinare masa yahu siteahye. Sa ye masa to cjẽna quehnoano masi pihitia wahahye. ⁶⁶ Ijipihiyequina tire tũhoye wacũahye. “Cohãcjũ tutuayere ahriquirogã cũore. Sa yero ihyo ijiriquiro ijisi tiquirogã”, ni, tũhotuahye masa.

Zacaria Cohãcjũre ño peoahye

⁶⁷ Sa yero tiquiro pacuro Zacaria Espiritu Santo dutiro sahata ye pehoriquiro ijiro tiquiro tutuayere cũoriquiro ijiro Cohãcjũ yere yahuahye:

⁶⁸ Cohãcjũre ño peouhna mari. Mari Israe masa tiquiro yequina ijiaja mari. Sa yero mari cahapũ wihiro, marine yedohoro quehnoano yũhdũgũ yerota. ⁶⁹ Sa yero Cohãcjũ tutuariquirore marine pecapũ wahaborinare quehnoano yũhdũgũ yeatiquirore ohori jiri. Marine quehnoano yũhdũoatiquiro tiquiro acayũro mũnano Davi

ijire. Davi mũnano pehe marine yũhdũoatiquiro cahãcjũno ijire. ⁷⁰ Panopũ tiquiro yere yahu mũhtariquinare Cohãcjũ ohõ sahata ni ahrire yahu dutiahye. ⁷¹ Marine ihña tuhtiyequina marine ñano tiquina ye duagũ ihñano “Mũsare yedohoutja”, ni, cũahye Cohãcjũ marine. ⁷² Mari ñecusũmũa mũnare “Mũsare paja ihñagũ, yedohoutja. Mũsare yũhũ yahu cũrire wacũtja”, niahye Cohãcjũ mari ñecusũmũa iji turiayequina mũnare. Ti pjepũre tiquiro nidiro sahata marine yojopũre yere. ⁷³⁻⁷⁵ Ohõ saha ni cũahye Cohãcjũ panopũre Abrahãre: “Mũhũ acaye camerũ ijiyequinare ihña tuhtiyequina tiquina ijigũ cohãtja. Sa yegũ mũhũ acayere yedohoutja. Sa ye tiquina cuero marieno yũhũ dutiyere ye masieta. Sa yegũ tiquina ñañene yũhũ cohãgũ, tiquina yũhũ ihñonopũ ijipihiyere decori quehnoañequina ijiducueta”, ni, yahu cũahye panopũ Cohãcjũ mari acayũro mũnanore Abrahãre, niahye Zacaria.

Sa ni tuhasa tiquiro macũnore ohõ saha niahye:

⁷⁶⁻⁷⁷ Macũ, mũhũre ohõ saha nieta masa: “Cohãcjũ tutuayehũariquiro tiquiro yere yahu mũhtariquiro ijire”, nieta mũhũre. Sa yegũ mũhũ mari pũthoro Cristo pano wahayugũta mũhũ. Sa wahagũ ohõ saha ni yahugũta mũhũ. “Cohãcjũ masa ñañene cohãno, pecapũ wahaborinare yũhdũorota mũsare”, ni, yahugũta mũhũ. Sa ni yahugũ mari pũthoro tiquiro ahtatire yahuyugũ nigũta mũhũ. ⁷⁸ Cohãcjũ pehe marine tutuaro paja ihñariquiro marine quehnoano yeriquiro ijiro, tiquiro marine

pecarꝰ wahaborinare yꝰhdꝰo duare. Marine yꝰhdꝰoro ahtarō Cristo mari caharꝰ ahtarōta. ⁷⁹ Ijipihtiyequina marine pecarꝰ wahaborinare yꝰhdꝰo duare tiquiro. Sa yero Cohācjūre masiena mari ijigū ihñano marine masigū ye duare tiquiro. Sa yero mari quehnoano ihcāno mehna mari ijiatire yahurota marine, niahye Zacaria.

⁸⁰ Sa yero Zacaria macꝰno quehnoano pagꝰ tiriquire masahye. Sa yero Cohācjūre tutuaro ño peohye. Sa yero yoari pje masa marienopꝰ ijie tiahye. Israe masare buhe dꝰcaro topꝰta ijie tiahye.

2

Jesu masa bajuahye (Mt 1.18-25)

¹ Ti pjere ijipihtiye yehpari cjēna pꝰhtoro Augusto ijie tiahye. Sa yero ijipihtiyequinare queo dutiahye. ² Ahriquina masare tiquina coā queo dꝰcagū Siria yehpa cjēna pꝰhtoro Cirenio wame tiriquire ijiahye. ³ Sa ye ijipihtiyequina tiquina ñecꝰsumꝰa panopꝰ cjēna ye macaripꝰ tiquina wamene ojoa ohōñe wahahye. ⁴ José gūhꝰ Nazarepꝰ Galilea yehpapꝰ ijiri macarꝰ ijiriquina waha, Judea yehpapꝰ Belē wame tiri macarꝰ esahye. Pꝰhtoro Davi mꝰnano panopꝰ cjēno tiquiro masa bajariro ijiahye Belē. José Davi mꝰnano panamino iji turiquiro ijiri Belēpꝰ tiquiro wamene ojoa ohō dutiro wahahye. ⁵ Sa yero María tiquiro omoca dꝰhteaticoro mehna topꝰ tiquiro wamene ojoa ohō dutiro esahye. Ticoro pehere meheñe decorigā dꝰhsahye nijino bajuato. ⁶ Sa yero Belēpꝰ esaro ticoro niji wahcōahye. ⁷ Topꝰre masa tiquina carīni wꝰhꝰ ne esa tuhaerahye tiquinare. Sa yero ticoro pohna ti tuhasa, tiquirogāre suhtiro mehna coma, wecꝰa tiquina ihyari cohropꝰ, taa bui tiquirogāre duhu

peohye. Tiquirogā ticoro coā macꝰ ti mꝰhtariquiregā ijiahye.

Angele ovejare ihña ihboyequinare bajuahye

⁸ Ti ñamine oveja tiquina ijiropꝰ ovejare ihña ihboyequina tiquina yequina ovejare ihña ihboye niahye. ⁹ Sa yero Cohācjū ohoriquire angel tiquinare bajuahye. Tiquiro sa bajuagū Cohācjū asi siteye tiquinare buhrioahye. Tiquiro sa asi sitegū ihñañe, ovejare ihña ihboyequina cuea wahahye. ¹⁰ Tiquina sa wahagū angel tiquinare yahuahye:

—Quehnoañe quitire mꝰsare yahugꝰ ahtaja. Ijipihtiyequinare masare bucuegū yerota ahri quiti. Sa yena yꝰhꝰare cueracāhña mꝰsa. ¹¹ Mia ñamine pꝰhtoro Davi mꝰnano ya macarꝰ mꝰsare pecarꝰ wahaborinare yꝰhdꝰoatiquiro, Cristo Cohācjū ohoriquire mari pꝰhtoro masa bajua tuhasari. ¹² Sa yero suhtiro mehna comariquirogā wecꝰa ihyari cohro bui tiquina duhu peoriquirogā mꝰsa ihñatiquirogā tiquiro ijirota, ni yahuahye angel tiquinare.

¹³ Tiquiro sa nigūta peyequina ꝰhmꝰse cjēna iji mꝰhtariquire angel mehna Cohācjūre ño peohye. Ohō saha ni ño peohye tiquina:

¹⁴ Cohācjūre ꝰhmꝰse cjūnore ño peouhna. Sa ye Cohācjū tiquiro cahñequina cuero marieno cahmequeno marieno quehnoano ijiahro, ni, ño peohye angele pari.

¹⁵ Sa ni tuhasa ꝰhmꝰsepꝰ tiquina mꝰjari bato ovejare ihña ihboyequina pehe tiquina basi cahme yahuducuahye:

—Ahrire Cohācjū marine tiquiro yahurire Belēpꝰ isa ihñꝰhna, niahye tiquina basi.

¹⁶ Sa niñe sojaro mehna waha wahahye. Tiquina Mariare, Josére boca sa, nijinogāre wecꝰa ihyari cohropꝰ tiquina duhu peoriquirogāre ihñahye tiquina. ¹⁷ Ovejare ihña ihboyequina tiquirogāre ihña tuhasa nijinogāre angel tiquiro yahurire yahuahye

apequinare. ¹⁸ Tiquina sa ni yahugũ ijipihtiyequina tiquinare tũho maria wahahye. ¹⁹ Ahri ijipihtiyere María wacũ tũhotuahye. ²⁰ Sa yeye ovejare ihña ihboyequina pehe angel tiquiro yahuriro saha ijigũ ihñañe, “Cohãcjũ tutuariquiro ijire”, ni bucueahye. Sa ni bucueye tojoaa wahahye.

Cohãcjũ wũhũpũ Jesu pacũsumũa tiquirogãre neahye

²¹ Ihcã semana bato nijinogã tiquiro cuhnucunũ sohtoa cahserogãre yũhre ne tuhasa tiquirogãre tiquina Jesu wame yeahye. Jesure coã waro ticoro bocato pano angel pehe “Jesu wame yeya tiquirogãre”, ni yahu tuhasahye. Sa yeye tiquirogãre Jesu wame yeahye.

²²⁻²⁴ Cohãcjũ dutiye Moise tiquiro yahuriro saha yeye tehe, José, María mehna Jerusalẽpũ wahahye. Topũ wahahye María ticoro pohna tiri bato pagũ quehnoaricoro ticoro tojoarire ihñoño taro. Cohãcjũ dutiriro sahata tiquina minicjũare ohoye wahahye Cohãcjũre ño peoye. Ohõ saha dutiahye Cohãcjũ: “Bujuaare pũaro ohoya yũhre. O tiquina mariedagũ apequina boro minicjũare ohoya yũhre ño peona”, ni dutiahye Cohãcjũ. Tiquiro dutiriro sahata yeahye tiquina ticoro pagũ quehnoari pagũ ticoro waharire ihñoñe taye.

Topũ wahaye tiquina Jesugãre neahye. Tiquirogãre Cohãcjũre “Ahriquirogã mũhũ yaquiro ijia-tiquirogã ijire”, ni ihñoñe wahahye. Ohõ saha yeahye Cohãcjũ yere tiquina ojoari pũpũ tiquiro ye dutiriro sahata. “Ijipihtiyequina mũsa pohna coã bajua mũhtañequinagãre Cohãcjũre ihñoña. ‘Ahriquirogã mũhũ yaquirogã ijiatiquiro ijire’, ni ihñoña”, ni dutiahye Cohãcjũ. Sa ye tiquiro dutiriro sahata yeahye tiquina, Jerusalẽpũ ijiye.

²⁵ Ti macapũ Simeo wame tiri quiro ijiahye. Tiquiro quehnoariquiro, Cohãcjũre ño peoriquiro ijiro, Israe masare Cohãcjũ yedohoatire

cohteriquiro ijiahye. Sa yero Simeo Espiritu Santo tiquiro nidiro saha yeri quiro ijiahye. ²⁶ Sa yero tiquiro yariato pano Cohãcjũ tiquiro ohoatiquirore Cristore tiquiro ihñatire yahuahye Espiritu Santo tiquirore Simeore. ²⁷ Sa yero Espiritu Santo tiquirore dutigũ Cohãcjũ wũhũpũ sajãa wahahye. Tiquiro sajã sari bato Jesu pacũsumũa tiquina macũnogãre ne sajãhye. Cohãcjũ tiquiro dutiriro sahata yeye niahye. ²⁸ Simeo pehe tiquirogãre wũa ne, Cohãcjũre ño peo, “Quehnoare”, ni, tiquiro mehna yahuducuahye.

Ohõ saha niahye tiquiro Cohãcjũre:

²⁹⁻³² Yojopũ pũritare pũhto, mũhũ nidiro sahata masare pecapũ wãhaboriquinare yũhdũoatiquirore ohori jiri mũhũ. Tiquiro judio masa ijieyequinare buhero mũhũre quehnoano masigũ yerota tiquinare. Masare yũhdũoatiquiro Israe masũnore mũhũ cũahye. Usã acayũrore Israe masũnore mũhũ cũgũ ijipihtiyequina masiñe, “Israe masare quehnoano yere Cohãcjũ”, nieta masa. Ahriquirogã usãre yũhdũoatiquiro ijire. Sa yegũ ahriquirogãre ihña tuhasagũ, yojopũre quehnoano bucuegũ yariatja, niahye Simeo.

³³ Simeo tiquirogãre tiquiro sa nigũ tiquirogã pacũsumũa pehe tũho maria wahahye. ³⁴ Sa yero Simeo tiquinare “Quehnoano ijiya mũsa”, nino tiquiro María Jesu pacorore yahuahye:

—Cohãcjũ ahriquirogãre beseahye. Sa beseriquirogã tiquiro ijiepegũta judio masa peyequina tiquirore yũhdũadũcaeta. Sa ye tiquina pecapũ wahaeta. Sa yero judio masare peyequina tiquiro yũhdũoatiquiro gũhũre Cohãcjũ beseri tiquirogãre. Tiquiro Cohãcjũ yere yahuriquiro tiquiro ijiepegũta masa peyequina tiquirore ñano ni yahuducũeta.

³⁵ Tiquina sa yegũ apequina tiquina ñano wacũñene masieta. Sa yego

muhu tutuaro purino yero saha buja witigota, niahye Simeo Mariare.

³⁶ Topu Cohacjũ yere yahu mhtaricoro Ana wame tiricoro ijiahye. Ticoro Fanuel macono ijiro, Aser manano ya curua cõno ijiahye. Bucuro waro ijiahye. Ticoro nuhmino ijiro man tiahye. Sa yero siete cahmari waro ticoro manano mehna ijiahye. To puno tiquiro ijiri bato ticoro manano yariaa wahahye.

³⁷ Sa yero ochenta y cuatro cahmari waro wape wihoro ijie tiahye ticoro. Sa yero ticoro deco gũhure ñami gũhure Cohacjũ yere yero taro siji, Cohacjũ mehna yahuducu, Cohacjũ wuhure ne wijiaera tiahye. ³⁸ Simeo tiquiro yahuducuri watoa ticoro tiquina cahpu wihiro, bucuero, Cohacjũre “Quehnoare”, niahye. Sa yero Jerusalẽ cjẽnare pecapu wahaboriquinare yuhduatiquirore cohteyequinare ticoro Jesugãre yahuahye peyequina masare.

José, María, Jesu mehna Nazarepu tojoaa wahahye tja

³⁹ Cohacjũ dutiriro sahata ye tuhasaye, tiquina ya macapu Nazarepu tojoaa wahahye. Galilea yehpapu ijiahye ti maca Nazare.

⁴⁰ Sa yero Jesu quehnoano masa, tutuariquiro wahahye. Sa yero tiquiro quehnoano tũho masiniquiro ijiahye. Sa yero tiquirore Cohacjũ quehnoano yeahye.

Jesu coã wahnũa dũcaro, Cohacjũ ya wuhũpu judio masare buheyequina mehna yahuducuro niahye

⁴¹ Cahmaripe Jesu pacũsumũa Jerusalẽpu pascua decorire bose decorire ihñañe wahae tiahye. ⁴² Jesu doce cahmari tiquiro cuogũ tiquina yeducuriro sahata tiquina ijipihtiequina Jerusalẽpu wahahye. ⁴³ Sa yeye bose decorire ihña tuhasa tiquina ya macapu tojoaa wahahye tja. Tiquina sa tojoepegũta Jesu pehe Jerusalẽpu tojoa cãhye. Tiquiro pacũsumũa tiquiro tojoa queherire masiedahye. ⁴⁴ “Tiquiro mari mehna cjẽna mehna ijiaga”, ni tũhotumahye

tiquina. Sa ye tiquina ihcã deco waro Jesu marieno wahamahye. Sa ye tiquina Jesure tiquina acaye watoa macamahye. ⁴⁵ Ne bocaerahye. Sa ye tiquina Jerusalẽpu tiquirore macañe wahahye.

⁴⁶ Ihtia deco bato Cohacjũ wuhũpu tiquirore boca sahye. Sa yero Jesu judio masare buheyequinare tũho, tiquinare sinituro niahye. Sa ye cahme yahuducuye niahye.

⁴⁷ Tiquina ijipihtiequina Jesure tũhoye quehnoano masiniquirogã tiquiro ijigũ ihñañe, tiquina tũho maria wahahye. ⁴⁸ Tiquiro pacũsumũa gũhũ Jesure ihñañe, ihña maria wahahye. Sa yero tiquiro pacoro tiquirore ohõ saha niahye:

—¿Macu, dũhsegũ sa yeajari muhũ usãre? Muhũ pacũsumũa ohõ saha ni tũhotuu usã. “Tiquiro butia wahaga”, ni macaja usã mũhũre, niahye ticoro macũnore.

⁴⁹ Ticoro sa nigũ tiquiro pacũsumũare yahuahye:

—¿Dũhsena yũhũre macajari mũsa? Yũhũ Pacu yũhũre tiquiro dutiriro saha yegũ niaja. ¿Tire masiedajari mũsa? niahye tiquiro.

⁵⁰ Tiquiro sa niepegũta tiquina tũho ñehedahye.

⁵¹ Sa yero Jesu Nazarepu tojoaa waha, tiquiro pacũsumũare ne yuhducaerahye. Ahri ijipihtie tiquiro yerire María quehnoano wacũahye. ⁵² Sa yero Jesu bucũa, quehnoano tũho masiniquiro wahahye. Sa ye Cohacjũ, masa gũhũ “Quehnoariquiro ijire”, ni ihña hye tiquirore.

3

Ñu wame yeriquiro masare Cohacjũ yere yahuahye

(Mt 3.1-12; Mr 1.1-8; Jn 1.19-28)

¹ Ti pjere tiquina pũtoro Tiberio wame tiriquiro pũtoro ijiri bato quince cahmari wahahye. Sa yero Poncio Pilato wame tiriquiro Judea yehpa cjẽna pũtoro ijiahye. Sa yero Herode wame tiriquiro Galilea yehpa cjẽna pũtoro ijiahye. Tiquiro

bahuro Felipe Iturea yehpa cjēna, Traconite yehpa cjēna gūhu tiquina pūhoro ijiahye. Sa yero Lisania wame tiriquire Abilinia yehpa cjēna pūhoro ijiahye. ² Sa ye Anás, Caifa mehna ijipihtiyequina pahia pūhoro ijiahye. Ahriquina ijipihtiyequina tiquina ijiri pjere Ńu Zacaria macno masa marienopu ijiriquire Cohācjū pehe tiquire tiquire yere yahu dutiahye. ³ Sa yero Jordā wame tiri ma duhtu cahapu ijiri yehpau ijipihtirou Ńu buhero wahahye.

—Musa ñaŃe yeyere bujua witiya. Yojobure quehnoañe pehere comesaya. Sa yena wame yenohrina ijiya. Musa sa comesagū ihñano Cohācjū musa ñaŃe yerire borota, ni, buhee tiahye tiquire.

⁴ Isaia munano panopu cūno Cohācjū yere yahu mūhtariquire ojoariro sahata ahriquire yojobure yero niahye. Ohō saha ni ojoahye Isaia Ńu tiquire buheatire:

Masa marienopu yahuducu sañuducuriquire

ohō saha ni buherota: “Mari pūhoro ahtato pano mahare mari quehnoyuriro saha quehnoana ijiyuya musa. Musa ñaŃe yerire bujua witiya. ⁵ Pe wūhtari, pe buhuari gūhure quehnoari paa mari yeriro saha, pari yawi ijiye maharine potoye mahari mari yeriro saha, ñaŃe maharine quehnoañe maharine mari yeriro saha, wetere musa coseriro saha musa ñaŃe yeyere duhuya.

⁶ Musa sa yegū Cohācjū musare pecapu wahaborinare tiquire yūhdugū ihñæta ijipihtiri yehpa cjēna”, ninota tiquire sañuducu yahuriquire pehe, ni ojoahye Isaia munano panopure.

⁷ Masa peyequina Ńu cahapu wihiye tiquire tiquire wame yegū cahmeahye tiquina. Sa yero tiquire tiquire yahuahye:

—Añaa pari yero saha ña yūhduna, cue duhti duana ijire musa. Musa

ñaŃe yerire bujua witi duerana Cohācjū musa ñaŃe buhirire tiquire buhiri dahreato pano duhti masiedare musa. ⁸ Sa yena potota musa ñaŃene bujua witina ijina, quehnoañene comesana ijina, quehnoañe pehere yeya musa. Ohō saha ni tūhotueracāhña. “Panopu cūno Abrahā mari ñecu munano ijie tiahye. Sa yena tiquire panamena ijina mari Cohācjū yequina ijiya”, ni tūhotueracāhña musa. Musare niita niaja. Abrahā panamena iji turiana ijimene musa. Musa sa ijepegūta ti musa sa ijiye duhseati ijierare. Cohācjū pehe ahri utā paca mehna Abrahā acayere dahre masine. Sa ye Abrahā acaye musa ijiye ihyo waro ijire utā paca ihyo waro ti ijiro saha.

⁹ Ohō saha ijire: Masa yucari yero saha ijire. Cohācjū pehe yucarire quēatiare comeare cūoriquire yero saha ijire. Sa yero ñaŃe dūca tiye cūare dūte cohā, ti nūhcori gūhure dūte sure peho cānota. Dūte sure tuhasa, pecapu ujuanota tiquire ti cūare, nūhcori gūhure. Sata yerota masa gūhure tiquire cahmeeñequinare, niahye Ńu masare.

¹⁰ Tiquire sa nigū tūhoye masa pehe tiquire sinituahye:

—¿Dūhse yenatari usā? niahye tiquina Ńure.

¹¹ —Pua suhtiro cūoriquire suhti mariediquire ihcāno ohoya. Sa yena musa ihyaye cūona apequina gūhure ohoya, niahye Ńu.

¹² Meheñequinagā pūhoro ye ijiatire wapa ne cohteyequina wame yenhriquina iji duahe tiquina gūhu. Sa yeye Ńu cahapu wihiye, tiquire sinituahye:

—¿Buhegu, usā pehe dūhse yenatari usā? niahye tiquina tiquire.

¹³ —Musa pūhoro tiquina dutiro punota masare wapa neña. Ni meho wapa ne nemoedacāhña, ni yahuahye Ńu tiquire.

¹⁴ Apequina surara tiquire sinituahye tja:

—¿Usã pehe dũhse yenatari? ni-ahye tiquina tiquirore tja.

—Masa yere niñerure ehmedacãhña. Sa yena tiquina ye niñerure ni meho nedacãhña. Mũsare tiquina wapa yero punota bucueya, ni, yahuahye Ñu.

¹⁵ Masa Cristore Cohãcjũ tiquiro ohoatiquirore cohteye niahye. Sa yeye ohõ saha ni tũhotu dũcahye tiquina Ñure. “Ahriquiro Ñu pehe Cristo ijiboaga”, ni tũhotumahye tiquina. ¹⁶ Tiquina sa nigũ tũhoro Ñu ijipihtiyequinare yahuahye:

—Yũhũ bato yũhũ yũhdũoro tu-tuariquiro ahtarota. Quehnoa yũhdũariquiro ijire tiquiro. Tiquiro yero saha ijieraja yũhũ pehe. Sa yegũ tiquirore tũhotugũ, “Ihyo ijigũ ijiaja”, ni tũhotuaja yũhũ. Yũhũ pehe mũsare wame yegũ aco mehna wame yemi. Tiquiro pehe yũhũ yũhdũoro yerota. Espĩritu Santore masa mehna ijiducugũ yerota. Sa yero pecapũ ñañene tiquiro ujũa wero saha tiquiro ahtariquiro pehe mũsa ñano yeyere cose werota. ¹⁷ Yũhũ bato ahtariquiro trigo cahseri cohãriquiro yero saha ijire. Ti cahserire cohãriquiro tiquiro batiro mehna ijipihtiye trigo pjeri cahserire puti were. Sa ye tuhasa trigo pehere tiquiro ihbori wũhũpũ cũnota. Sata yerota tiquina ñañene bũjũa witiyequinare yũhũ bato ahtariquiro. Tiquiro puti weri cahseri pehere ujũanota. Ti peca tiquiro ujũari peca ne yatisi. Sata yerota tiquiro yũhũ bato ahtariquiro tiquina ñañene bũjũa witiyequinare, ni yahuahye Ñu.

¹⁸ Peye tiquiro sa ni yahuye mehna masare quehnoañe buheyere yahuahye Ñu. ¹⁹ Sa yero pũhtoro Herode pehe tiquiro bahũro Felipe namonore tiquiro namo tiri buhiri, pajiro ñañene tiquiro yeri buhiri gũhare Ñu tiquirore yahumahye. ²⁰ Tiquiro sa ni yahuri buhiri Herode pehe Ñure peresu yeahye, pari turi ñañene yero.

*Ñu Jesure wame yeahye
(Mt 3.13-17; Mr 1.9-11)*

²¹ Ñure tiquina peresu yeato pano apequina masare Ñu pehe wame yero niahye. Tiquinare wame yero Jesu gũhare wame yeahye. Sa yero Jesu diapũ ducuriquiro Cohãcjũre tiquiro sinino watoa uhmũse parĩ maa wahahye. ²² Sa parĩ maari bato Espĩritu Santo bujua yero saha bajuriquiro Jesu buipũ dijia tahye. Tiquiro ahtagũ uhmũsepũ yahuducuro ca tahye:

—Mũhũ yũhũ macũ yũhũ cahĩgũ ijire. Mũhũ mehna tutuaro bucueaja, nino ca tahye uhmũsepũ.

*Jesu acaye panopũ cjẽna ijiahye
(Mt 1.1-17)*

²³ Jesu buhe dũcari cũhmare treinta cũhmari cũoahye tiquiro. “Tiquiro José macũno ijire”, ni, tũhotumahye masa. José pehe Elí macũno ijiahye. ²⁴ Elí Matat macũno ijiahye. Matat Leví macũno ijiahye. Leví Melqui macũno ijiahye. Melqui Jana macũno ijiahye. Jana José macũno ijiahye. ²⁵ José Matatía macũno ijiahye. Matatía Amós macũno ijiahye. Amós Nahúm macũno ijiahye. Nahúm Esli macũno ijiahye. Esli Nagai macũno ijiahye. ²⁶ Nagai Maat macũno ijiahye. Maat Matatía macũno ijiahye. Matatía Semei macũno ijiahye. Semei Josec macũno ijiahye. Josec Judá macũno ijiahye. ²⁷ Judá Joanán macũno ijiahye. Joanán Resa macũno ijiahye. Resa Zorobabel macũno ijiahye. Zorobabel Salatiel macũno ijiahye. Salatiel Neri macũno ijiahye. ²⁸ Neri Melqui macũno ijiahye. Melqui Adi macũno ijiahye. Adi Cosam macũno ijiahye. Cosam Elmadam macũno ijiahye. Elmadam Er macũno ijiahye. ²⁹ Er Josué macũno ijiahye. Josué Eliezer macũno ijiahye. Eliezer Jorim macũno ijiahye. Jorim Matat macũno ijiahye. ³⁰ Matat Leví macũno ijiahye. Leví Simeo macũno ijiahye. Simeo Judá macũno ijiahye. Judá José macũno ijiahye. José Jonam macũno

ijiahye. Jonam Eliaquim macuno ijiahye. ³¹ Eliaquim Melea macuno ijiahye. Melea Mena macuno ijiahye. Mena Matata macuno ijiahye. Matata Natán macuno ijiahye. ³² Natán Davi macuno ijiahye. Davi Isaí macuno ijiahye. Isaí Obed macuno ijiahye. Obed Booz macuno ijiahye. Booz Salmón macuno ijiahye. Salmón Naasón macuno ijiahye. ³³ Naasón Aminadab macuno ijiahye. Aminadab Admin macuno ijiahye. Admin Arni macuno ijiahye. Arni Esrom macuno ijiahye. Esrom Fare macuno ijiahye. Fare Judá macuno ijiahye. ³⁴ Judá Jacob macuno ijiahye. Jacob Isaac macuno ijiahye. Isaac Abrahã macuno ijiahye. Abrahã Taré macuno ijiahye. Taré Nacor macuno ijiahye. ³⁵ Nacor Serug macuno ijiahye. Serug Ragau macuno ijiahye. Ragau Peleg macuno ijiahye. Peleg Heber macuno ijiahye. Heber Sala macuno ijiahye. ³⁶ Sala Cainán macuno ijiahye. Cainán Arfaxad macuno ijiahye. Arfaxad Sem macuno ijiahye. Sem Noé macuno ijiahye. Noé Lamec macuno ijiahye. ³⁷ Lamec Matusalē macuno ijiahye. Matusalē Enoco macuno ijiahye. Enoco Jared macuno ijiahye. Jared Mahalaleel macuno ijiahye. Mahalaleel Cainán macuno ijiahye. ³⁸ Cainán Eno macuno ijiahye. Eno Sete macuno ijiahye. Sete Adán macuno ijiahye. Adán Cohãcjũ yeriquiro ijiahye.

4

Watño ñañene ye dutimahye Jesure (Mt 4.1-11; Mr 1.12-13)

¹ Jesu Espíritu Santo dutiro saha ye pehoriquiro ijiro, Jordã wame tiri ma caharũ ijiriquiro tojoaa wahahye. Tiquiro sa tojoaa wahagũ Espíritu Santo pehe tiquirore masa marienopũ neahye. ² Topũ esaro cuarenta decori ijiahye. Sa yero watño pehe Jesure ñañene yegũ cahmemahye. Sa yero ñañene ye dutimahye tiquirore. Ti decorire ne

Jesu ihyerahye. Sa yero ti decori pihtigũ waro tiquiro uña ahbahye.

³ Tiquiro sa uña ahbagũ ihñano watño ohõ saha nimahye Jesure:

—Mũhũ Cohãcjũ macũ ijigũ, ahria utãre ihyaye dojomehneña, nimahye Jesure.

⁴ Jesu ohõ saha ni yũhtiahye:

—Yeraja. Cohãcjũ yere tiquina ojoari pũpũ ohõ saha nine: “Masare ihyaye mehna dihita catieraro cahmene. Ijipihtiye Cohãcjũ ye yahuye mehna ijiro cahmene”, nine Cohãcjũ, ni yũhtiahye Jesu watñore.

⁵ Tiquiro sa nidi bato watño pehe tiquirore cãũũ uhmũanũ buipũ ne mũja saro, duita ijipihtiye macarine ihño dijioahye Jesure. ⁶ Sa ihñono Jesure yahuahye:

—Ijipihtiye ahri macari yũhũre tiquiro ohori ijire. Sa yegũ yũhũ cahmediquirore oho masiaja. Sa yegũ ahri macarine, ahri macari cjẽnare dutiati gũhũre, tiquina cũoye mehna mũhũre ohoutja. ⁷ Yũhũre mũhũ ño peogũ ahri macari ijipihtiye macarine mũhũre ohoutja, niahye watño Jesure.

⁸ Jesu ohõ saha ni yũhtiahye tiquirore:

—Mũhũre ño peoeraja. Ohõ saha nine Cohãcjũ yere tiquina ojoari pũ: “Mũhũ pũhtoro Cohãcjũ dihitare ño peoya. Tiquiro ye dutiye dihitare yeya”, ni ojoahye Cohãcjũ yere, niahye Jesu watñore.

⁹⁻¹¹ Tiquiro sa nidi bato Jerusalẽpũ watño pehe tiquirore ne cã, Cohãcjũ wũhũ buipũ ne sahye. Ne sa tuhasa tiquirore ohõ saha nimahye:

—Cohãcjũ yere tiquina ojoari pũ ohõ saha nine: “Cohãcjũ tiquiro yequina angelere mũhũre ihña ihbo dutirota. Sa yeye tiquina pehe mũhũre ihña ihboeta, ‘Mũhũpũ utãpũ pũhari’, niñe”, ni ojoahye Cohãcjũ yere tiquina ojoari pũpũ. Tiquiro sa nidi poto ijigũ mũhũ Cohãcjũ macũ ijigũ, yehpapũ uhpu dijia ihñoña yũhũre. Mũhũre tiquina yedohogũ ihñoña yũhũre, nimahye watño Jesure.

12 Jesu uhpu dijia ihño dueraro ohõ saha ni yahyahye tiqiurore:

—Cohãcjũ yere tiquina ojoari pũ ohõ saha nine: “Musa puhtoro Cohãcjũ tiqiuro nidire ‘¿Poto ijiajari?’ ni masi duana, Cohãcjũre ye ihño duti tuhueracãhña”, nine Cohãcjũ yere tiquina ojoari pũpũ, niahye Jesu watĩnore.

13 Sa yero watĩno ijipihtiye ñañene Jesure ye dutimahye. Sa duti tuhasaro mehenogã duhu cãriahye.

Galilea yehpapũ Jesu buhe dũcahye (Mt 4.12-17; Mr 1.14-15)

14 Came Jesu Galileapũ tojoaa wahahye. Sa yero tiqiuro Espĩritu Santo tutuaye mehna yeahye. Topũ ijipihtiropũ masa tiqiurore quti tiahye. 15 Judio masa buheye wũhũsepũ Jesu gũhũ buhee tiahye. Sa ye ijipihtiyequina masa tiqiurore quehnoano yahuducuahye.

Nazare cjẽna Jesure ne cahmedahye (Mt 13.53-58; Mr 6.1-6)

16-17 Came Nazarepũ Jesu tiqiuro masariropũta esahye. Topũ esa, saurũ ijigũ tiqiuro sa yeducuriro saha judio masa tiquina buheri wũhũpũ sajã sahye. Topũ tiqiuro Cohãcjũ yere tiquina ojoari pũre buhero taro topũ ducuahye. Tiquiro sa ducugũ ihñañe to cjẽna pehe Cohãcjũ yere yahu mãhtariqiuro Isaia mũnano tiqiuro ojoari pũre tiqiurore ohoahye. Ti pũpũ Jesu ahri yahuyere bocaro buheahye:

18 Cohãcjũ yaqiuro Espĩritu yahũ mehna ijiro, yahũre dutiri. Tiquiro pejecũoyequinare quehnoañe buheyere yahu dutiro ohori yahũre. Sa yero peresupũ ijieyequina gũhũre tiquinare tiqiuro yahũoatire yahu dutiro ohori yahũre. Caperi bajueyequina tiquina quehnoano ihñatire ohori yahũre. Sa yero masa ñano tiquina yenohriquinare wioacjũre yahũre ohori. 19 Mari puhtoro Cohãcjũ tiqiuro yequinare pecapũ

wahaboriquinare tiqiuro yahũoatire yahũre yahu dutiro ohori, ni buheahye Jesu.

20 Sa ni buhe tuhasa Jesu ti pũre quehnoari tunu torẽ, wũhũ cjũnore wia tuhasa, nuju sahye. Tiquiro nuju sagũ ihñañe topũ ijieyequina ijipihtiyequina tiqiuro dihitare ihñahye.

21 Tiquina sa yegũ tiqiuro tiquinare yahu dũcahye:

—Ahri mianogãta yahũ buhero saha Cohãcjũ tiqiuro nidiro sahata waharo nine, niahye Jesu.

22 Tiquiro sa nigũ tahoye “Ahriqiuro quehnoariqiuro ijire”, ni tahotuahye tiquina. Sa yeye tiquina tiqiuro quehnoano yahuducugũ tahoye, tũho maria wahahye. Sa yeye ohõ saha niahye tiquina basi:

—¿Yohnah, José macũno ijierajari ahriqiuro? niahye tiquina basi.

23 Tiquina sa nigũ masino Jesu yahuahye tiquinare:

—Yahũ buheyere tũho duerana, ohõ saha ni tahoture mũsa yahũre: “Duturu dohatiro tiqiuro basi aco ti masine duturu waro tiqiuro ijieyere ihñono. Mũhũ gũhũ duturu tiqiuro ye ihñono saha mũhũ nidiro saha ijigũ Cohãcjũ tutuaye mehna ye ihñoña usãre. Capernaupũre Cohãcjũ tutuaye mehna ye ihñoñohiti mũhũ. Usã gũhũre sa ye ihñoña, mũhũ buheyere ‘Poto tjire’, usã niato saha”, ni duare mũsa yahũre. 24 Ahrire yahutja mũsare. Cohãcjũ yere yahu mãhtariqiurore tiqiuro ya maca cjẽna ño peoerare. Sa yena yahũre ño peoerare mũsa ohõpũ yahũ masarigũ ijigũ. 25 Sata ijiahye panopũre.

Panopũ Elia tiqiuro ijiri pjere ihtia cũhma ape cũhma deco waro ne acoro ahtaerahye. Sa yero ijipihtiropũta ne ihyaye mariedahye. 26 Ti pjere peyequina wape wiha numia Israe yehpapũ tiquina ijiepegãta Cohãcjũ Elia mũnanore tiquinare yedoho dutiro ohoerahye. Tiquiro ya macare sa ye dutieraperota ape yehpapũ Sidõ cahapũ ijiri macapũ Sarepta wame tiri maca cjõno wape wihorore yedoho dutiro Elia

m̄nanore ohoahye Cohãcjũ. ²⁷ Came Cohãcjũ yere yahu m̄htariquiro Eliseo m̄nanao tiquiro ijiri pjere Israe yehpap̄ peyequina cami b̄uc̄ m̄na wiha tiquina ijepegũta ihcãquiro Israe mas̄nore ne quehnoa wahagũ yerahye Eliseo m̄nanao. Tiquiro ya yehpa cj̄nare yeraperota Naamán wame tiri quiro Siria yehpa cj̄no dihitare quehnoa wahagũ yeahye tiquiro. Sa yero Israe masare yedohoeraro, Israe masa ijieyequina pehere yedohoahye Cohãcjũ, niahye Jesu tiquinare.

²⁸ Tiquiro sa nigũ t̄hoye ijipihtiyequina ti w̄h̄p̄ ijieyequina usua ȳhd̄a wahahye. ²⁹ Sa yeye tiquina wahcãd̄ca, Jesure ne wijia, ti maca d̄ht̄ cahap̄ ijiri c̄n̄p̄ tiquirore tudoque dijio duamahye. ³⁰ Tiquina sa ye duepegũta Jesu tiquina watoata wahaa wahahye.

Wat̄nore c̄oriquiro Jesure piti cahye

(Mr 1.21-28)

³¹ Came Jesu Galilea yehpap̄ ijiri macap̄ Capernau wame tiri macap̄ esa, saurú ijigũ masare buheahye.

³² Quehnoano masi pehoriquiro tiquiro buhegũ t̄hoye masa t̄ho maria wahahye. ³³ Ti w̄h̄p̄ wat̄nore c̄oriquiro ijiahye. Tutuaro sañuducuahye:

³⁴ —M̄h̄ Jesu Nazare cjũ usãre cariboeracãh̄na m̄h̄. ¿D̄h̄se yegũ tagũ nijari usãre? ¿M̄h̄ usãre butigũ yegũ tagũ nijari? Cohãcjũ mac̄, quehnoagũ m̄h̄ ijigũ ȳh̄ masiaja, ni sañuducuahye Jesure.

³⁵ Tiquiro sa nigũ t̄horo Jesu tuhti-ahye wat̄nore:

—Dihta mariah̄na. Duhuya tiquirore, niahye Jesu.

Tiquiro sa nidi bato mas̄nore wat̄no pehe yehpap̄ doque quehe sa tunugũ yeahye. Tiquiro sa yeri bato tiquiro pehe quehnoa wahahye.

³⁶ Top̄ ijieyequina ijipihtiyequina tiquiro sa wahagũ ih̄ñañe, ih̄ña maria wahahye. Sa ye tiquina basi oh̄ saha ni yahuducuahye:

—¿Yabe boro buheye ijiajari ahri sa wahagũ yeye? Yohnah. Tutuaro mehna p̄htoro yero saha ahriquiro waf̄are dutire. Sa yeye tiquiro dutiro sahata tiquina masare duhure, ni yahuducuahye tiquina basi.

³⁷ Tiquiro sa yegũ ih̄ñañe ti yehpap̄ ijipihtirop̄ masa Jesure quiti dahreahye.

Jesu Simo Pedro mareonore dutire ȳhd̄oahye

(Mt 8.14-15; Mr 1.29-31)

³⁸ Judio masa tiquina buheri w̄h̄re wijia, Simo ya w̄h̄p̄ sajã sahye Jesu. Top̄ Simo mareono dohatiro niahye. Tutuaro ujuaye tiahye. Sa ye tiquina ticoro dohatigũ yahuahye Jesure. ³⁹ Tiquina yahuri bato tiquiro ticoro cahap̄ esa, ujuayere suru dutiahye. Tiquiro sa suru dutiri bato ticorore ujuaye surua waha, duita quehnoa wahahye. Ticoro sa waharo wahcã nuju sa, ticorota tiquinare ihyayere peoahye.

Peyequina dohatieyquinare ȳhd̄oahye Jesu

(Mt 8.16-17; Mr 1.32-34)

⁴⁰ Asũ sajãri bato ijipihtiyequina masa tiquiro cahap̄ ijieyequina dohatieyquinare Jesu cahap̄ ne sahye. Dohatieyquina peyequina sijoro saha ijieye dohatiyere c̄oahye. Sa yero Jesu tiquiro omocari mehna tiquina bui ña peo, ijipihtiyequinare tiquina dohatiyere quehnoano ȳhd̄oahye. ⁴¹ Wat̄a ḡh̄re Jesu duhu dutigũ tiquina duhuye sañuducuahye:

—M̄h̄ potota Cohãcjũ mac̄ ijire, niahye tiquina Jesure.

Jesu Cohãcjũ ohoriquiro tiquiro Cristo ijigũ wat̄a masiahye. Sa yero Jesu tiquinare yahuducu dutierahye, “Cristo ijire”, ni yahu siteari”, nino.

Galilea yehpap̄ buheahye Jesu

(Mr 1.35-39)

⁴² Bohrea m̄ja tagũ Jesu ti macap̄ ijiriquiro waha, masa marienop̄ esahye. Tiquiro sa esari bato masa tiquirore maca cã, boca saye, oh̄ saha niahye:

—Usã ya macapũ tojoaya usã mehna. Ape sie wahaegũta, nimahye tiquina Jesure.

⁴³ Tiquina sa niepegũta tiquiro pehe ohõ saha ni yũhtiahye:

—Cohãcjũ tiquiro pũhoro ijiyere quehnoañe buheyere apeye macaripũ gũhare buhe duaja yũhũ. Cohãcjũ yũhare ohori tire yahuacjũre, niahye Jesu tiquinare.

⁴⁴ Sa yero Judea yehpapũ ijiye wũhũserũ, judio masa tiquina buhe eye wũhũserũ tiquiro buhe tiniahye.

5

*Jesu tiquiro buheyequinare peye-
quina wahi wejẽgũ yeahye*

(Mt 4.18-22; Mr 1.16-20)

¹ Ape deco Jesu Genesare wame tiri ditara dũhtũ cahapũ esahye. Topũ tiquiro ijigũ ihñañe peyequina masa Cohãcjũ yere tũho duaye tiquirore nũnũ tã sahye. Quehnoano wahpa dũca saa wahahye masa pari. ² Pũa yucũsa padũropũ pahsaye yucũsarire Jesu ihñahye. Ti yucũsari cjẽna yohyeyequina maja sadũca, tiquina wẽñecjũre coseye niahye. ³ Sa yero Jesu Simo yariapũ sajãhye. Sajã tuhasa tia yucũsare dia dũhtũ cahapũ cuñariare weje buho dutiahye. Sa yero yucũsapũ duji, masare buheahye. ⁴ Buhe tuhasa, Jesu Simore ohõ saha niahye:

—Deco cjũnogã tu wioya. Sa yena mũhũ mehna cjẽna mehna mũsa wẽñecjũre doque ñoña wahi ñeheanaja, niahye Jesu.

⁵ Tiquiro sa nigũ tũhoro Simo Jesure yũhtiahye:

—Pũhto, wahi wejẽ bohreami usã mia ñamine. Bohreepenata ne ihcãquirogã wejẽdahti usã. Sa wejẽdapenata mũhũ dutiro saha doque ño tuhunata, ni yũhtiahye Simo.

⁶ Sa ni tuhasa tiquina doque ñoahye. Sa tiquina doque ñogũ tiquina wẽñecjũre peyequina wahi sajãhye. Peyequina tiquina sajãgũ wẽñecjũ tũhnũa wahamahye. ⁷ Sa wahagũ

ihñañe aperia cjẽnare tiquina mehna cjẽnare pijioahye.

—Mũsa gũhũ yedohona ahtaya usãre, ni pijioahye Simo gũhũ.

Tiquina sa yedohori bato pũaria yucũsa quehnoano miniparo bocahye wahire. ⁸ Simo Pedro sa wahi peyequina tiquina sajãgũ ihñano, Jesu cahapũ dũsepe curi mehna quehe sa, tiquirore niahye:

—Yũhũ pũhto, mũhũ mehna ijibogũ ijieraja yũhũ. Ñagũ ijiaja yũhũ. Sa yegũ yũhare duhuya, niahye Simo Jesure.

⁹ Tiquiro, ijipihtiyequina tiquiro mehna cjẽna gũhũ peyequina wahi sajãgũ ihñañe, ihñã maria wahahye tiquina gũhũ. ¹⁰ Pũaro Simo mehna cjẽna Zebedeo pohne Santiago, tiquiro bahũro Ñu mehna, tiquina gũhũ ihñã maria wahahye. Tiquina sa ihñã mariagũ ihñano Jesu Pedrore yahuahye:

—Ihñã mariedacãhña. Yojoorũre mũhũ wahire ñehe cahmecoagũ mũhũ ijiro saha Cohãcjũ yequina ijiatiquinare piji cahmecoagũ ijigũta mũhũ, niahye Jesu Simore.

¹¹ Tiquiro sa nidi bato tiquina yucũsarire ditara dũhtũ cahapũ weje mo cũ cã, tiquina ye ijipihtiyere topũta cũ cã, Jesu mehna wahaa wahahye.

*Jesu cami bũcũ mũna wihirore cami
yatigũ yeahye*

(Mt 8.1-4; Mr 1.40-45)

¹² Jesu ape macapũ tiquiro ijigũ cami bũcũ mũna wihiro tiquirore piti cahye. Sa piti caro tiquiro Jesure ihñã, dũsepe curi mehna quehe sa, tutuaro siniahye:

—Pũhto, mũhũ yũhare yũhdũo duagũ yũhdũoya, ni siniahye.

¹³ Tiquiro sa nidi bato Jesu tiquirore ña peoro ohõ saha niahye:

—Tire ye duaja. Yojoorũ quehnoagũ ijiya mũhũ, niahye.

Tiquiro sa nigũta tiquiro cami ahbari yatia wahahye. ¹⁴ Sa yero Jesu tiquirore dutiahye:

—Ahri yuhũ ohõ saha yerire ape-
quinare yahueracãhña. Pahi cahapũ
wahaya yojopũre. Sa yegũ mũhũ
pagũre quehnoari pagũ waharire
ihñõña tiquirore. Cohãcjũ dutiye
Moisere tiquiro cũri nidiro saha yeya.
Sa yegũ pahire pũaro minicjũare
ohoya mũhũ camĩ yũhdũrĩre ijipi-
htiyequinare ihñogũ tũhũ, niahye
camĩ bũcũ mũna cũomediquirore.

15 “Yahueracãhña”, tiquiro sa
niepegũta ijipihĩropũ masa Jesure
quiti dahre nemoahye. Tiquina sa
quiti dahregũ tũhoye masa peye-
quina tiquiro cahapũ esahye. Do-
hatiyequina yũhdũ duaye, tiquina
gũhũ tiquiro cahapũ esahye.
16 Tiquina sa esaepẽgũta Jesu masa
marienopũ Cohãcjũre sinino wahaa
wahahye.

Jesu tini masieniquirore yũhdũoahye
(Mt 9.1-8; Mr 2.1-12)

17 Ape deco Jesu buhegũ fariseo
masa, judio masare buheyequina
gũhũ topũ dujahye. Tiquina peye
macari Galileapũ ijiye macari cjẽna,
Judeapũ ijiye macari cjẽna, Jerusalẽ
cjẽna ijiahye. Sa yero Jesu Cohãcjũ
tutuaye mehna dohatiyequinare
yũhdũoahye. 18 Meheñequinagã
ũmũa tini masieniquirore tiquiro
cuñari cahsero mehna yo wũa wi-
hiahye. Sa yeye tiquirore Jesu
cahapũ cũ duaye, wũhũpũ yo sajã
duamahye tiquina tiquirore. 19 Sa
sajã duepeta masa peyequina ijigũ
tiquina tiquirore yo sajã masiedahye.
Sa yeye tiquirore wũhũ buipũ yo
mũjahye. Yo mũja sa, mehenogã pũo
we, ti copepũ tini masieniquirore
tiquiro cuñari cahsero mehna
duhu dijioahye Jesu cahapũ ijiye-
quina watoa. 20 “Jesu ahriquiroro
tiquiro dohatiyere yũhdũgũ yerota”,
ni tũhotuahye tiquina. Tiquina
sa ni tũhotugũ masino Cohãcjũre
tiquina wacũ tutuayere masino, Jesu
tini masieniquirore ohõ saha ni
yahuahye:

—Yuhũ acayũ, mũhũ ñañe yeyere
yuhũ cohã tuhasau, niahye Jesu
tiquirore.

21 Tiquiro sa nigũ tũhoye fariseo
masa, judio masare buheyequina
gũhũ tiquina basi ohõ saha ni
tũhotumahye: “Ahriquiroro sa ni
yahuducueracãhdo. Masũno mari
yero saha ijero, tiquiro ñañe yeyere
cohã masiedare. Cohãcjũ dihita masa
tiquina ñañe yeyere cohã masine”, ni,
tũhotumahye tiquina.

22 Jesu tiquina tũhotuyere masino,
ohõ saha niahye:

—¿Dũhse yena sa ni tũhotuajari
mũsa?

23 “Mũhũ ñañe yeyere
yuhũ cohã tuhasaja”, yuhũ nigũ,
“Ni mehogũ ijire”, yũhũre nine
mũsa quehnoano masiedapenata.
“Wahcãdũca wahaya”, yuhũ nigũ
tiquiro tinigũ ihñana yuhũ nidi poto
ijigũ duita masinata. 24 Yuhũ masũ
Cohãcjũ ohorigũ ahri yehpũpũ ñañe
yeyere cohã masiaja yuhũ. Masa
tiquina ñañe yeyere cohãcjũre cũri
Cohãcjũ yũhũre. Yuhũ sa cohãrĩre
mũsa masiato saha ohõ saha ye
ihñoutja mũsa ihñatire, niahye Jesu.

Sa ni tuhasa tini masieniquirore
ohõ saha niahye:

—Mũhũre niita niaja. Wahcãdũcaya.
Mũhũ cuñari cahserore ne cãhña
mũhũ ya wũhũpũ, niahye tiquirore.

25 Tiquiro sa nigũ tũhorota
ijipihĩtiyequina tiquina ihñonopũ
wahcãdũca, tiquiro cuñari cahserore
ne, tiquiro ya wũhũpũ tojoa wahahye.
Sa waharo tiquiro Cohãcjũre ño
peoro, bucueye mehna quehnoano
yahuducuahye. 26 Tiquiro sa yegũ
ihñañe masa pehe ijipihĩtiyequina
ihña maria wahahye. Tiquina ihña
maria waha, Cohãcjũre ño peoye,
bucueye mehna quehnoano yahudu-
cuahye:

—Miare sijoro saha ijiyere ihñau
mari, niahye tiquina.

Jesu Levĩre pijiahye
(Mt 9.9-13; Mr 2.13-17)

27 Sa ye tuhasa waha, Levĩ wame
tiriquiroro tiquiro dahrari tucũpũ

ijiriquirore boca sahye Jesu. Leví pehe pahtoa ye ijiatire masare wapa ne cohteriquiro ijiahye. Sa boca saro tiquirore ohõ saha niahye:

—Yuhuh mehna cjũ ijiacjũ ahtaya, niahye tiquiro Levíre.

²⁸ Tiquiro sa nigũ Leví pehe ijipihitiye tiquiro dahrayere duhu cã, Jesu mehna wahaa wahahye.

²⁹ Came Leví ya wuhupuh Jesu ya bose deco yeye niahye. Topuh peyequina wapa ne cohteyequina, apequina Leví gãhuh mehna dujiahye.

³⁰ Tiquina mehna Jesu gãhuh dujigũ ihñañe meheñequinagã fariseo masa, judío masare buheyequina mehna usua, Jesu buheyequinare sinituahye.

—¿Duhhsena ñano yeyequina, wapa ne cohteyequina mehna ihyajari muna? ni tuhtiahye tiquina.

³¹ Tiquina sa nigũ tuhoro Jesu yuhtiahye tiquinare. Ohõ saha ni queoye mehna buheahye:

—Dohatieyequina duturure macaedare. Dohatieyequina dihita duturure macare. Ñañequina dohatieyequina yero saha ijire. ³² Sa yeguh ñañequina dihitaré tiquina ñañene bujua witi dutiguh, quehnoañe pehere comesagũ yeguh tuh nii yuhuh. Tiquina basi “Quehnoana ijiaja usã”, ni tuhohuyequinare yedohoguh ahtaeruh yuhuh, niahye Jesu.

Sijiyere Jesure sinituahye apequina (Mt 9.14-17; Mr 2.18-22)

³³ Sa yeye meheñequinagã masa Jesure ohõ saha ni sinituahye:

—Ñu buheyequina peye tahari Cohãcjũre ño peoye tehe, sijire. Sa yeye, tiquina peye tahari Cohãcjũre sinine. Fariseo buheyequina gãhuh tiquina yero saha yere. Tiquina sa yepegũta mahuh buheyequina pehe ihya, sihnine. Sa ye Cohãcjũre ño peoye tehe, sijierare. ¿Duhse yeye sa yerajari tiquina? niahye tiquina Jesure.

³⁴ Tiquina sa nigũ Jesu tiquiro tuhohuyé mehna quiti dahre buhero taro tiquinare ohõ saha ni yuhtiahye:

—Ohõ saha ijire ti: Omoca duhteropuh tiquina pijioriquina omoca duhteriquiro mehna ijiye, siji masiedare. Sata yuhuh buheyequina gãhuh yuhuh mehna ijiye, siji masiedare. Yuhuh omoca duhteriquiro yero saha ijiaja. Omoca duhteriquiro bose deco tiquiro yegũ tiquiro mehna cjẽna ihyeyequina ijierare. ³⁵ Yuhuh Pacuh Cohãcjũ yuhuhre tiquiro nedi bato pũritare yuhuh buheyequina mehna ijisi yuhuh. Sa yeye ti pjerũta yuhuh buheyequina gãhuh sijieta, niahye Jesu.

³⁶ Panopuh cjẽ buheye wahma buheye mehna tiquina buhe more duagũ ihñano ohõ saha ni nemoahye Jesu tiquinare queoye mehna buhero.

—Ne wahma suhtirore meheni cahserogã tuhrẽ ne, muna suhtirore sere ohõno cahmedare. Mari sa sere ohõna wahma cahserore tuhrẽ cohãna niaja. Sa yero wahma cahsero muna suhtiro mehna ihcãno saha bajuerare. ³⁷ Sa yena ne uhse co bisiye core wahiquire cahsero ajuropuhre muna ajuropuhre pose yero cahmedare. Sa yegũ uhse co bisiye pahmuñepuh muna ajurore tuhrẽ cãhre. Sa tuhnuagũ uhse co gãhuh, ajuro gãhuh cohãa wahare. ³⁸ Sa yena uhse co wahma core wahma ajuropuh pose yero cahmene. (Sata wahma buheye muna buheye mehna buhe moredaro cahmene.) ³⁹ Muna core masa tiquina sihnidi bato, wahma core cahmedare tiquina. Ohõ saha nine masa. “Muna co wahma co bui cjũnogã quehnoañe ijire”, nine masa, niahye Jesu tiquinare.

6

Judio masa tiquina sori decore trigore peheahye Jesu buheyequina (Mt 12.1-8; Mr 2.23-28)

¹ Ape deco saurú ijigũ Jesu gãhuh trigo wesepuh esahye. Topuh esa, tiquiro buheyequina pehe trigo parorire pehe, ti pjerire sahquẽ site dijio, ti pjerire ihya cã wahaa wahahye tiquina. ² Tiquina sa yegũ

ihñañe meheñequinagã fariseo masa tiquinare sinituahye:

—¿Duhse yena masa saurú mari sori deco ijiepegãta Cohãcjũ tiquiro dutierari decore dahrajari masa? niahye fariseo masa.

Tiquina sa nigũ tũhoro Jesu tiquinare yũhtiahye “Yũhũ buheyequina yũhdũducaye niedare”, nino tãro:

³⁻⁴ —Davi mũnãno tiquiro mehna cjẽna mehna mũja ahbaro, Cohãcjũ wũhũpũ sajã, Cohãcjũ ye pãre ihyahye. Sa ihyaro tiquiro mehna cjẽna gãhũre ti pãre ihya dutiro ohoahye. Ti pãre pahia dihita ihyae tiahye. Cohãcjũ dutiye ti pãre apequinare ihya dutierare. ¿Davi mũnãno tire tiquiro yerire buherari masa? (Ti pãre ihyaro Cohãcjũre yũhdũducaro niedahye. Miare ahri pjerire ihyaye yũhũ buheyequina gãhũ Cohãcjũre yũhdũducaye niedare.) ⁵ Yũhũ masũ Cohãcjũ ohorigũ ahri deco saurú decore masa tiquina yeatire yahugũ ijigũ pũhto ijiaja, niahye Jesu.

*Omoca bũhariquiro quiti
(Mt 12.9-14; Mr 3.1-6)*

⁶ Ape deco saurú ijigũ Jesu judio masa tiquina buheri wũhũpũ sajã saro, buheahye masare. Topũ omoca potõ pehe bũhariquiro ijiahye. ⁷ Meheñequinagã judio masare buheyequina, fariseo masa gãhũ Jesure yahusã duamahye. “Saurú decore masũnore dohatiyere yũhdũoboaga Jesu”, ni, ihña nũnũ yahusã duamahye tiquina Jesure. ⁸ Jesu tiquina tũhotuyere masino, omoca bũhariquirore ohõ saha niahye:

—Wahcãducaya. Ohõpũ ahtaya, niahye tiquiro.

Tiquiro sa nidi bato omoca bũhariquiro pehe wahcãducã, topũ ducuahye. ⁹ Sa yero Jesu tiquinare sinituahye.

—Mũsare sinitutja: ¿Saurú ijigũ yabere ye dutiajari Cohãcjũ dutiye? ¿Quehnoañene yegũ quehnoaedajari?

¿Ñañene yegũ pehere quehnoabogari, masa tũhotugũ? Saurú ijigũ masũnore masogũ quehnoañene. Saurú ijigũ masũnore wejẽgũ pehere quehnoaedare. Ñañene, niahye Jesu tiquinare.

¹⁰ Sa nino Jesu tiquinare ijip-ihtiyequinare ihñadoqueo, omoca bũhariquirore ohõ saha niahye tja:

—Mũhũ omocare siõ potoya, niahye tiquiro.

Tiquiro sa nigãta omoca bũhariquiro pehe siõ potogãta, omoca quehnoa wahahye. ¹¹ Tiquiro sa yegũ ihñañe tiquina tiquiro mehna tutuaro usuahye.

—¿Duhse yenatari mari ahriquirore? niahye tiquina basi.

*Jesu tiquiro buheyequinare docere tiquiro ohoatiquinare bese docoahye
(Mt 10.1-4; Mr 3.13-19)*

¹² Ti decorire Jesu cũnũpũ Cohãcjũre sinino mũjaa wahahye. Topũ ijiro, ñamine Cohãcjũ mehna yahuducu bohreahye. ¹³ Bohrearopũ tiquiro buheyequinare tiquiro cahapũ pijioahye. Pijio tuhasa, tiquina mehna cjẽnare doce waro tiquiro ohoatiquinare bese docoahye. Sa ye tiquiro cũriquina wame tiahye. ¹⁴⁻¹⁵ Ahriquina ijiahye Jesu tiquiro bese docoriquina: Simo ijiahye. Simore Pedro ni pisuahye Jesu pehe. Simo bahũro Andre, Santiago, Ñũ, Felipe, Bartolomé, Mateo, Tomasu, Santiago ijiahye. Santiago pehe Alfeo macũno ijiahye. Sa ye Simo celote ya curua cjãno ijimediquiro, ¹⁶ Juda Santiago bahũro, Juda Iscariote tiquina ijiahye tiquiro bese docoriquina. Juda Iscariote pehe Jesure ihña tuhtiyequinare ihñootiquiro ijiahye.

*Jesu peyequina masare buheahye
(Mt 4.23-25)*

¹⁷ Sa ye Jesu tiquiro buheyequina mehna cũnũ buipũ ijiriquina dijia taye, peyequina apequina tiquiro buheyequina mehna dijia wihidũca, quehnoari paapũ ducuahye tiquina. Ijipihtiropũ Judea yehpapũ ijiye

macari cjēna, Jerusalē cjēna, Tiro wame tiri maca cjēna, Sidō wame tiri maca cjēna pajiri ma dūhtu cahapū ijiye macari cjēna masa peyequina tiquiro cahapū wihiahye. ¹⁸ Tiquina Jesu buheyere tūhoye tehe, tiquina dohatiyere cohāgū cahmeahye. Watīa cūoyequina gūhū tiquiro cahapū wihi, quehnoa wahahye. ¹⁹ Jesu tiquiro tutuaye mehna yūhdugū yeahye tiquinare. Sa ye tiquina ijipihtiyequina tiquirore dahra tuhuye ahtahye.

Jesu bucueye, bujua witiye gūhure buheahye

(Mt 5.1-12)

²⁰ Came Jesu tiquiro buheyequinare ihña, yahuahye:

—Musa pejecūona, (musa ñañene bujua witina), Cohācjū tiquiro pūhtoro ijiropū wahanata musa. Sa yena musa bucuenata.

²¹ 'Yojopure musa ujua ahbana, yapina ijinata. Sa yena bucuenata.

'Yojopū utina ijina, came musa bujūnata. Sa yena musa bucuenata.

²² 'Yūhū masū Cohācjū ohorigū ijiaja. Sa yena yeere yena musa ijiri buhiri apequina musare tiquina ihña tuhtiepegūta bucuenta ijire musa. Musare tiquina cohāepegūta bucuenata. Musare tiquina ñano yahuducuepegūta "Ñana ijire", musare tiquina niepegūta musa pehe bucuenata. ²³ Musare tiquina sa yegū ihñano ūhmūsepū musa esagū pajiro quehnoano yerota Cohācjū musare. Sa yena tutuaro bucuenta ijiya. Quehnoano jeripohna tina ijiya. Musare ihña tuhtiyequina tiquina acaye panopū cjēna sata ñano yeahye Cohācjū yere yahu māhtariquina gūhure.

²⁴ 'Sa yena musa yojopū peye cūona ahri yehpapū musa quehnoano iji cā tuhasari. Sa yena ñano yūhdūna ijinata musa.

²⁵ 'Yojopū yapina musa ujua ahbanata. Musa sa ijirina ñano yūhdūnata.

'Yojopure musa bujūrina ijina camepure utinata. Sa yena ñano yūhdūnata.

²⁶ "Cohācjū yere yahu māhtana iji-aja", ni mehoñequinare "Quehnoañequina ijire", nimahye peyequina panopū cjēna. Sa nimediquina tiquina acaye yojopū cjēna gūhū sata "Quehnoañequina ijire", niboaga ihquēquina musa mehna cjēnare. Tiquina sa ninohrina musa ijina ñano yūhdūnata musa gūhū, ni buheahye Jesu.

Musare ihña tuhtiyequina tiquina ijiepegūta tiquina gūhure cahñña

(Mt 5.38-48; 7.12)

²⁷ Sa yero ohō saha ni buhe nemoahye Jesu:

—Yūhure tūho duanare, musareta nigū niaja. Musare ihña tuhtiyequina tiquina ijiepegūta tiquina gūhure cahñña. Musare ihña tuhtiyequinare quehnoano yeya. ²⁸ Musare "Ñano yūhdūahro", niñequina tiquina ijiepegūta quehnoa dutiya tiquinare. Musare ñano yeyequina tiquina ijiepegūta "Tiquina gūhū quehnoano ijiahro", ni sini basaya Cohācjūre. ²⁹ Ihcāquiro musa wahsupure tiquiro quēgū, ape sie gūhure quē dutiya tiquirore. Musa bui cā suhtirore tiquiro ehmagū musa camisa gūhure sa oho cāhña tiquirore. ³⁰ Musare sinidiquirore tiquiro sinino punota ohoya tiquirore. Musa yere tiquiro negū tiquirore sinitueracāhña pari turi tire. ³¹ Apequina musare tiquina quehnoano yegū cahmene musa. Tiquinare musa quehnoano yegū cahmeno saha quehnoano yeya tiquina gūhure. Tiquina quehnoano yerapegūta musa pehe tiquinare quehnoano yeya.

³² 'Musare cahññequina dihitare musa cahīgū ti ne dūhseati ijierare apequina pehere musa cahñedagū. Ñañequina gūhū sata yere. ³³ Sa yena musare quehnoano yeyequina dihitare musa quehnoano yegū ti gūhū ne dūhseati ijierare apequina pehere musa quehnoano yeragū.

Tire ñañequina gũhũ yere. ³⁴ Sa yero “Yũhũre wiaya tire”, mũsa niñequina dihitare mũsa wasogũ ne ti dũhseati ijierare. Ñañequina gũhũ apequinare “Yũhũre wiaya tire”, tiquina niñequinare wasore. ³⁵ Sa yena mũsa pehe mũsare ihña tuhtiyequina gũhũre cahña. Sa yena tiquinare quehnoano yeya. Apequirore wasona “Yũhũre ne wiasi ahriquiore”, ni tuhotuenata tiquiore wasoya. Cohãcjũ pehe tiquiore “Quehnoare”, nieñequina gũhũre, ñañequina gũhũre quehnoano yere. Tiquiro yero saha yeya mũsa gũhũ. Mũsa sa yegũ Cohãcjũ tutuaro quehnoano yerota mũsare. Sa yena Cohãcjũ tutua yũhdũariquiore uhmũse cjũno pohna ijinata. ³⁶ Mari Pacũ uhmũse cjũno tiquiro paja ihñariro sahata mũsa gũhũ masare paja ihñaña, ni yahuahye Jesu.

Apequina gũhũre “Ñañequina ijire”, niedacãhña (Mt 7.1-5)

³⁷ Sa yero tiquinare yahu nemoahye:

—Apequinare “Ñañequina ijire”, niedacãhña mũsa. Mũsa sa niedagũ Cohãcjũ mũsa gũhũre “Ñana ijire”, nisi. Apequina mũsare tiquina ñano yerire tiquina ñano nidi gũhũre boya mũsa. Mũsa sa bogũ ihñano Cohãcjũ mũsa gũhũre mũsa ñañe yerire borota. ³⁸ Apee borore cũona apequinare ohoya. Mũsa sa ohogũ Cohãcjũ gũhũ mũsare ohorota. Sa ohoro quehnoano queoro mũsare pajiro ohorota. Quehnoano wahpa yũhdũro ohorota. Apequinare mũsa ohoriro punota Cohãcjũ gũhũ mũsa gũhũre ohorota, niahye Jesu tiquinare.

³⁹ Sa ni tuhasa Jesu quiti mehna buhero ohõ saha ni yahu nemoahye:

—Caperi bajueyequina sehsaro tiquina basi quehnoano tuã cã masiedare. Sa tuã cãñe, tiquina pũaropũ bora maa sajãa wahaeta coperpũ. (Sata Cohãcjũ yere masieñequina apequinare

buhe masiedare. Sa ye tiquina ijipihtiyequina pecapũ wahaeta.)

⁴⁰ Buheyequina tiquinare buheriquirore masi yũhdũdũcaerare. Sa ijiepetã ijipihtiyequina buheyequina tiquina quehnoano buhe pehori bato tiquinare buheriquiro yero saha ijietta, niahye Jesu.

⁴¹ Sa ni tuhasa apeye quiti mehna yahu nemoahye:

—Mari queoye mehna buhegũ ohõ saha yena ijire mũsa: Mũsa acayũro tiquiro capeapũ meheni pohcarogã tiquirore bora sajãgũ ti pohcarogãre quehnoano ihñare mũsa. Mũsa ya capeapũ pajiri pjĩ ijiepegũta ti pjĩne ne ihñedare mũsa. Meheni pohcarogãre mũsa ihñano saha mũsa acayũro tiquiro ñano yeye pehere quehnoano ihñare mũsa. Mũsa basi mũsa ñañene tutuaro yepenata tire masiedare mũsa pajiri pjĩne mũsa ihñedaro sahata. ¿Dũhse yena sa yeajari mũsa? ⁴² Ohõ saha nina yero saha ijire mũsa: “Yũhũ acayũ, ñañene yegũ nine mũhũ. Sa yegũ tire duhuya”, nina yero saha ijire mũsa. Sa nina ijiepenata pajiro ñañene yere mũsa pehe. ¿Dũhse yena mũsa ñañene yepenata tire masiedajari mũsa? Masa ihñono dihita quehnoano iji mehona ijire mũsa sa yena. Pajiri pjĩne mũsa capeapũ ijiri pjĩne mũsa ne mũhtaboriro saha mũsa ñano yeye pehere duhu mũhtaña. Mũsa sa yeri bato mũsa acayũro tiquiro ñano yeyere duhugũ ye masiboaga meheni pohcarogãre mũsa neboriro saha, ni buheahye Jesu.

Masa yahuducuyere tuhona tiquina ijiye tiyere masiaja mari (Mt 7.17-20; 12.34-35)

⁴³ Sa yero queoye mehna buhero ohõ saha ni yahu nemoahye tiquinare:

—Quehnoadũ yucũgũ ñañene dũca tierare. Sa yero ñadũ quehnoañene dũca tierare. ⁴⁴ Yucũ dũcare masina tũre masine mũsa. Potagũ higuera pacare dũca tierare. Sa yero pota bũcũgũ uñse tũhorine

daca tierare. ⁴⁵ Sata ijire masa gũhũ. Quehnoariquiro tiquiro tũhotuyepũ quehnoañe ijire. Sa yero tiquiro quehnoañene yere quehnoadũ quehnoañene dũca tiro saha. Ñariquiro tiquiro tũhotuyepũre ñañe ijire. Sa yero tiquiro ñañene yere ñadũ ñañene dũca tiro saha. Mari tũhotuyepũ marine ti ijiro saha yahuducuaja mari, ni yahuahye Jesu.

Pũa wũhũ yeyequina quitire yahuahye Jesu (Mt 7.24-27)

⁴⁶ Sa yero tiquinare yahu nemoahye:

—Mũsa yũhare “Pũhto”, nine. Sa niepenata yũhũ dutiye pehere yerare mũsa. ¿Dũhse ijiro boro sa yerajari? ⁴⁷ Ijipihtiyequina yũhare cahmeñequina yũhũ yahuyere tũhore. Sa yeye yũhũ dutiyere yũhdũdũcaerare. Ohõ sahata ijire yũhare yũhdũdũcaeyequina:

⁴⁸ Wũhũ dahreriquiro yero saha ijire tiquina. Tiquiro uhcũañe coperire sehe, wũhare doco dũcare. Ti wũhũ quehnoano tiquiro yeri wũhũ ijiro dia minigũ tutuaro aco tutuepegũta ti wũhũ quehnoano tojoare. ⁴⁹ Sa yeye yũhũ dutiyere tũhoepeta yũhdũdũcayequina pehe wũhare quehnoano yerariquiro yero saha ijire. Ti wũhare buigã doco, quehnoano ye dũcaerare. Tiquiro sa yeri wũhũ ijiro dia minigũ aco tutuagũ duita ti wũhũ cohõ burua wahare. Sa yero ti wũhũ tutuaro bora quehea wahare, niahye Jesu.

7

Surara pũhtoro cahacjũnore tiquiro dohatigũ Jesu yũhdũoahye tiquirore

(Mt 8.5-13)

¹ Ti quitire masare yahu tuhasa Jesu gũhũ Capernaupũ esahye. ² Topũ ijiriquiro cien surara pũhtoro tiquiro cahacjũnore tutuaro cahĩahye. Tiquiro cahacjũno pehe tutuaro dohatiro, yariaropũ niahye. ³ Sa yero Jesu yeyere tũhoro, judio masa

bũcũnare Jesu cahapũ ohoahye pũhtoro pehe.

—Dohatiriquirore yũhdũogũ ah-taya, ni, yahu dutiro bũcũnare ohoahye pũhtoro.

⁴ Tiquina Jesu cahapũ esa, ohõ saha ni tutuaro mehna yahuahye tiquirore:

—Surara pũhtoro usãre ohori. Tiquiro cahacjũnore dohatiriquirore yũhdũgũ cahmedi tiquiro. Tiquiro pũhtoro pehe quehnoariquiro ijire. Tiquiro sa ijigũ yedohoya tiquirore. ⁵ Mari ya maca cjẽnare tiquiro cahĩne. Sa yero tiquiro usã buheri wũhare tiquina yeri wapare wapa yere, niahye bũcũna Jesure.

⁶ Tiquina sa ni yahugũ tũhoro Jesu pehe tiquina mehna wahahye. Surara pũhtoro ya wũhũ cahagãpũ tiquiro esagũ pũhtoro pehe tiquiro mehna cjẽnare Jesure ohõ saha ni yahu dutiro ohoahye:

—Pũhto, quehnoanota. Ahtaer-acãhña. Quehnoagũ ijieraja yũhũ. Ya wũhũpũ mũhũre sajã ta dutibogũ ijieraja yũhũ. ⁷ Sa yegũ mũhũ cahapũ wahaeraja. Yũhũ sa ijiepegũta mũhũ masiñe mehna yũhdũ dutiya mũhũ tiquirore. Mũhũ sa yegũ yũhũ cahacjũno quehnoanota. ⁸ Yũhare yũhũ bui ijiequina apequina pũhtoa dutire. Sa yegũ yũhũ gũhũ surarare duti-aja. Ihcãquiore “Wahaya”, yũhũ nigũ tiquiro wahare. Apequiore “Ah-taya”, yũhũ nigũ tiquiro ahtare. Yũhũ cahacjũnore “Ahrire yeya”, yũhũ nigũ tire tiquiro yere. Mũhũ gũhũ dutigũta ijire. Sa yero mũhũ dutiro saha tiquiro dohatiriquiro yũhdũrota, ni yahu dutiahye surara pũhtoro.

⁹ Tiquiro sa nigũ tũho maria waharo, peyequina masa tiquiro mehna ijieyequinare majaredũca sa, yahuahye:

—Mũsare niita niaja. Tiquiro surara pũhtoro Israe masũno ijieriquiro Cohãcjũre tutuaro wacũ tutuare. Tiquiro cahacjũnore yũhũ yũhdũgũ yeatire masi tuhasare. Israe masare ne ahriquiro yero saha

ijiyequinare ihñeda tiru yuhu, niahye Jesu.

¹⁰ Tiquiro sa nidi bato surara puhtoro Jesu cahapu tiquiro ohoriquina tiquina puhtoro ya wuhupu tojoaa wahahye. Tojoa sa dohatiriquiro yuhduriquiopure ihñahye tiquina.

Jesu wape wihoro macanore masoahye

¹¹ Came cjünogã Nai wame tiri macapu Jesu tiquiro buheyequina mehna peyequina masa mehna wahahye. ¹² Ti macare sajãri sopecaha cahapu tiquiro esagã yariariquiore masa ne wijia taye niahye. Yariariquiore pacoro wape wihoro iji-ahye. Ihcãquiota ijiriquiro yariahye. Sa ye to cjëna masa peyequina ticoro mehna wahahye. ¹³ Tiquina sa wahagã ihñano Jesu ticorore paja ihñahye.

—Utieracãhña, niahye Jesu ticorore.

¹⁴ Sa nino yariariquiore tiquiro masa putire ña peoahye. Tiquiro sa ña peogã ihñañe ti putire wuayequina pehe esaducahye.

—Macu, yuhu mähure ohõ saha nija. Wahcã nujuña, niahye Jesu.

¹⁵ Tiquiro sa nidi bato yariariquiore manano wahcã nuju, yahuducuahye. Sa yero Jesu tiquirore tiquiro pacorore wiahye. ¹⁶ Tiquiro sa yegã ihñañe tiquina ijipihtiyequina cuea wahahye. Sa yeye tiquina Cohãcjüre ño peo, ohõ saha niahye:

—Cohãcjü yere yahu mähitariquiore masi yuhduriquiore yojopu püritare mari watoa ijire, niahye tiquina.

—Cohãcjü marine tiquiro yequinare yedohoro wihi tuhasare, niahye apequina.

¹⁷ Sa yeye ijipihtiyequina Judea yehpa cjënare ti yehpa duhtu cahapu ijiye macari cjënare Jesu yerire masa yahu site pehoahye.

Ñu wame yeriquiro tiquiro buheyequinare Jesure sinitu dutiahye (Mt 11.2-19)

¹⁸ Sa ye Jesu yerire ihñañe Ñure yahuahye tiquiro buheyequina. Sa tiquina yahugã tãhoro puarore tiquiro cahapu pijio, ¹⁹ Jesure sinitu dutiro ohoahye Ñu. Ohõ saha ni sinitu dutiahye:

—¿Ñu “Yuhu bato apequiore ahtarota”, tiquiro nidigãta ijiajari mähü? ¿Tiquiro nidigã mähü ijieragã apequiore cohtenatari usã? ni sinitu dutiahye Ñu puaro tiquiro buheyequinare.

²⁰ Sa ye tiquina Jesu cahapu esa, sinituahye tiquirore:

—Ñu wame yeriquiro mähure sinitu dutiro ohori usãre. ¿Ñu “Yuhu bato apequiore ahtarota”, tiquiro nidigãta ijiajari mähü? ¿Tiquiro nidigã mähü ijieragã apequiore cohtenatari usã? ni sinituahye tiquina Jesure.

²¹ Ti pjeta peyequina dohatiyequinare, watia cuoyequinare, caperi bajueyequinare yuhdugã yeahye Jesu. ²² Sa yero Ñu ohoriquinare Jesu yuhtiahye:

—Yojopure masa ihñarire masa tãhorire Ñure yahuna wahaya: Ohõ saha niña: “Caperi bajueyequina ihñare. Tini masieñequina tinine. Cami ahbariquina quehnoa wahare. Tãhoerariquina tãhoa wahare. Yariariquina masaa wahare. Tiquina ijipihtiyequinare quehnoa wahagã yei yuhu. Sa yegu pejecuoyequinare quehnoañe buheyere yahujaja. ²³ Yuhure tãhoriquiro ‘Poto ijire’, nidiquiro tiquiro bucueriquiro ijire”, Ñure ni yahuna wahaya, niahye Jesu.

²⁴ Ñu buheyequina tiquina wahari bato Jesu pehe Ñu tiquiro ijiye tiyere yahu ducahye peyequina masare:

—Masa marienopu esana, taare wihnono wëdoqueo mujagã ihñana eserari masa. ²⁵ “Quehnoañe suhti sañariquiore ihñana wahañhna”, niedari masa masa marienopu wahana. Quehnoañe suhti sañañequina wapa bujuyere cuoyequina puhto ya wuhusepu ijire. Masa marienopu

ijierare. ²⁶ Masa marienopu esana Cohācjū yere yahu mūhtariquirore ihñana esari mūsa. Ijirota ijire. Ñu Cohācjū yere yahu mūhtariquiro ijire. Apequina Cohācjū yere yahu mūhtariquina yuhduoro ijiriquiro ijire tiquiro pehe. ²⁷ Panopu Cohācjū yere tiquina ojoari pūpu Ñure ohō saha ni yahuahye:

Mari Pacu tiquiro macunore ohō saha niahye: “Mūhu pano mūhare yahuyuatiquirore ohogutja. Mūhu wihiatore quehnoyurota tiquiro”, niahye Cohācjū, ni ojoahye panopure Ñure.

²⁸ Mūsare poto niita niaja. Apequina masa ijipihtiequina bui ijire Ñu. Ahri decoripure tiquiro sa ijiepegāta Cohācjū tiquiro puhtoro ijiropure ijipihtiequina docapu ijiriquiro pūrita Ñu bui ijire, niahye Jesu masare.

²⁹ Tiquiro sa nigū tūhoye ijipihtiequina masa, wapa ne cohteyequina mehna Ñu tiquiro wame yenohriquina ijiye ohō saha ni tūhotuahye Cohācjūre. “Cohācjū poto yeriquiro ijire”, ni tūhotuahye tiquina. ³⁰ Fariseo masa pehe, judio masare buheyequina gūhu Ñu wame yenohriquina iji duerahye. Sa ye tiquinare Cohācjū yequina tiquiro ye duagū cahmedahye tiquina.

³¹ Sa yero Jesu pari turi yahuahye:

—¿Yojopu cjēna masa disequina yero saha ijiajari tiquina, mūsa tūhotugū? ³² Tiquina macanagā yero saha ijire. Apequina tiquina cahmeno saha yeragū bucuere tiquinagā. Doeri cjē duaropu apepe dujiye, ohō saha ni pisuducure tiquinagā basi: “Mūsa basatire usā putipemi. ¿Dūhsena mūsa basaerari usā putipegū? Usā tutuaro ñehe quea utipe, sañuducumi. ¿Mūsa pehe dūhsena usā mehna utiperari?” niducuyequina yero sahata ijire yojopu cjēna gūhu. Yojopu cjēna tiquina cahmeno saha usā yeragū ihñañe bucuere tiquina gūhu. ³³ Ñu wame

yeriquiro Cohācjūre ño peoro taro sijiro, vinore sihniedare. Tiquiro sa sihniedagū ihñana, “Watñore cūore. Sa yero tūho masieniquiro ijire”, nimesi mūsa tiquirore. ³⁴ Yūhu masu Cohācjū ohorigu ijigu, yūhu ihya sihniaja. Yūhu sa yegū ihñana ohō saha nine mūsa yūhu pehere. “Ihñaña. Ahriquiro pajiro ihyariquiro, queheriquiro ijire. Wapa ne cohteyequina, ñano yeyequina gūhu tiquina mehna piti tiriquiro ijire tiquiro”, nine mūsa yūhare. Sa nina macanagā yero saha yahuducuna ijire mūsa. Mūsa cahmeno saha usā yeragū bucuere mūsa. ³⁵ Sa masiedapenata usā ye ihñorire ihñana, Cohācjū yere usā masigū masinata mūsa, ni yahuahye Jesu.

Simo wame tiriquiro fariseo masuno ya wūhupu ijiahye Jesu

³⁶ Fariseo masuno tiquiro ya wūhupu ihya dutiro pijiahye Jesure. Tiquiro sa pijigū Jesu tiquiro ya wūhupu esa, tiquina ihyari mesa cahapu nuju sahye. ³⁷⁻³⁸ Ti macapure ñañe yericoro ijiahye. Jesu fariseo masuno ya wūhupu tiquiro dujigū ticoro tūhoahye. Sa tūhoro alabastro mehna yeriare ehme sitiye pose tiriare ne cāhta, Jesu behero pehepu wihiduca, utiahye. Sa utiro, Jesu dahpocārine ticoro yahco co mehna weo, ticoro poari mehna wūoahye. Tiquiro dahpocāri wūagū ihñano ticoro tiquiro dahpocārine ihmi, ehme sitiye mehna pio peoahye. ³⁹ Ticoro sa yegū ihñano fariseo masuno Jesure pijiriquiro tiquiro basi ohō saha ni tūhotumahye: “Ahricoro tiquirore ñehe tuhuricoro ñañe yericoro ijire. Ahriquiro Jesu Cohācjū yere yahu mūhtariquiro ijiro tire masiboaga”, ni, tūhotumahye. ⁴⁰ Tiquiro sa ni tūhotuyere masino Jesu yahuahye tiquirore:

—Simo, yojopu pūritare mūhare yahu duaja, niahye Jesu.

—¿Buegu, yūhare dūhse ni yahu duajari mūhu? niahye Simo.

⁴¹ Tiquiro sa nigã Jesu ohõ saha ni queoye mehna buhe yahuahye:

—Pũhtorore pũaro wapamoñequina ijiahye. Ihcãquiro wapamoriquire quinientos niñeru cjoerire wapamoahye. Apequiro pehe cincuenta niñeru cjoerire wapamoahye. ⁴² Sa ye tire tiquina wapa ye masiedagũ ihñano tiquiro tiquina wapamoñene wapa ye dutierahye. ¿Yojoꝑũ pũritare diquire pehe wapamoriquire tiquiro pũhtorore cahĩ yũhdũrotari? ni sinituahye Jesu.

⁴³ Simo yũhtiahye:

—Õbah, pajiro wapamoriquire mehenogã wapamoriquire yũhdũoro tiquiro pũhtorore cahĩboaga, niahye Simo.

—Poto yũhtiri mũhũ yũhare, niahye Jesu.

⁴⁴ Sa ni tuhasa tiquirore pio peoricorore majare ihña, Jesu Simore yahu nemoahye:

—Ahricorore ihñaña mũhũ. Mũhũ ya wũhũpũ yũhũ sajã wihiri bato yũhũ dahpocãrine coseati acore yũhare ohoerari mũhũ. Ahricoro pehe ticoro yahco co mehna yũhũ dahpocãrine weo, ticoro poari mehna wũori yũhare. ⁴⁵ Mũhũ pehe yũhare piti ca ihmiedari. Ahricoro pehe ohõꝑũ yũhũ dujiro puno yũhũ dahpocãrine ihmidi. ⁴⁶ Mũhũ pehe yũhũ dapure uhse mehna pio peorari. Ticoro pehe yũhũ dahpocãrine ehme sitiye mehna pio peori. ⁴⁷ Sa nigũ mũhũreta yahugũta niaja. Ahricoro ticoro ñañe yeye pe yũhdũaye ijire. Sa ijieperota ticoro tutuaro cahĩne yũhare. Sa yegũ ticoro ñañene bou. Sa yeye tiquina ñañene mehenogã yũhũ bonohriquina mehenogã cahĩne yũhare, niahye Jesu Simore.

⁴⁸ Sa ni tuhasa tiquiro ticorore yahuahye:

—Yojoꝑũ pũritare mũhũ ñañe yeyere bou, niahye Jesu.

⁴⁹ Tiquiro sa nigũ tũhoye Jesu mehna dujiyequina tiquina basi ohõ saha ni yahuducuahye:

—Ahriquiro potota ñañe yeyere boriquire ijire. ¿Dũhse ijiriquiro boro

ijiajari ahriquire ñañene boriquire? niahye tiquina basi.

⁵⁰ Sa yero Jesu numinore ohõ saha ni yahuahye:

—Yũhare mũhũ wacũ tutuagũ mũhare pecapũ wahaborigore yũhdũoaja. Cuero marieno mũhũ ya wũhũpũ tojoaa wahaya, niahye Jesu ticorore.

8

Numia Jesure yedohoahye

¹ Came bũjũye macaripũ, daye macarigãpũ gũhare esa, Cohãcũ tiquiro pũhtoro ijyere quehnoañe buheyere yahuahye Jesu. Doce tiquiro buheyequina pehe tiquiro mehna ijiahye. ² Sa ye numia gũhũ watĩa cũomediquina numia, dohatimediquina numia Jesu quehnoa wahagã tiquiro yeriquina numia tiquiro mehna tiniahye. “María”, tiquina nidicorore “Magdalena”, ni pisue tiahye ticorore. Ticorore siete watĩare Jesu cohãhye to pano. Sa yero ticoro gũhũ Jesu mehna tiniahye. ³ Chuza wame tiriquiro Herodere yedohomediquiro namono Juana gũhũ Jesu mehna tiniahye. Susana wame tiricoro gũhũ apequina numia mehna peyequina tiquina cũoye mehna Jesu gũhare yedohoahye.

Jesu oteriquiro quitire yahuahye (Mt 13.1-9; Mr 4.1-9)

⁴ Sa ye peye macari cjẽna Jesu cahapũ cahmecoahye. Tiquina sa cahmecoari bato Jesu tiquiro tũhotuye mehna queoye mehna tiquinare yahuahye buhero taro:

⁵ —Oteriquiro otero wahahye. Tiquiro sa otegũ apeye pjeri maha dũhtũ cahapũ bora quehe sahye. Sa yeye ti pjerire masa cãhta diho cũahye. Sa ye minicũa pari pehe ti pjerire ihyahye. ⁶ Sa ye apeye pjeri utã paca watoa bora quehe sahye. Topũ yehpapũ aco mariedahye. Sa ye ti pjeri pihni wahcãdũca ñaia wahahye. ⁷ Apeye pjeri taa watoa bora quehe sahye. Taa pehe ti oteye mehna pihniahye. Taa pehe

dia yuhduu waha, oteyere wejēahye. ⁸ Apeye pjeri quehnoari yehpapu bora quehe sahye. Quehnoano pihni, duca tiahye. Sa ye peye duca tiahye, niahye Jesu.

Sa ni tuhasa ohō saha tutuaro ni nemoahye:

—Ahrire quehnoano tūhoya masa, niahye tiquiro.

Jesu queoye mehna tiquiro buherire yahuahye

(Mt 13.10-17; Mr 4.10-12)

⁹ Came tiquiro buheyequina ti queoyere masi duaye, Jesure sinituahye:

—¿Ahri queoye mehna duhse ni yahugu niajari mahū? ni, sinituahye tiquina.

¹⁰ Tiquina sa nigū Jesu yahtiahye:

—Cohācjū masa pūhtoro tiquiro ijiyere panopu apequina tiquina masiedarire masare masigū yerota Cohācjū. Apequina pehere sa yerare tiquiro. Tiquinare queoye mehnata buheitja. Yuhu sa yegū tiquina yahu buheyere tūhoepeta masisi, niahye Jesu tiquiro buheyequinare.

Jesu oteriquiro quitire yahu pehoahye

(Mt 13.18-23; Mr 4.13-20)

¹¹ Sa ni tuhasa tiquinare yahu nemoahye:

—Ohō saha ni yahure ahri quitire: Oteye pjeri quehnoañe buheye yero saha ijire. ¹² Sa ye maha duhtu cahapu borari pjeri pehe quehnoañe buheye yero saha ijire. Sa yero masa quehnoañe buheyere tiquina tūhogū ihñano watino pehe ahta, ti buheyere masi dutierare masare. Minicjūa ti pjerire tiquina dote nediro saha yere. Tiquiro sa yeragū tiquina Cohācjūre wacū tutuaboa. Tiquina sa wacū tutuagū ihñano Cohācjū pehe tiquinare pecapu wahaboriquinare yuhduoboa. ¹³ Utā pjeri watoa borari pjeri quehnoañe buheye yero saha ijire. Sa ye masa quehnoañe buheyere tūho, bucueye mehna tire tūho nene. Sa tūho nepeta utā watoa ijiye cju nahcori marieñe cju yero

saha ahriquina masa gūhu tutuerare. Sa tutueraye yeequina tiquina ijiri buhiri apequina tiquinare ñano yegū ihñañe yee pehere duhu cāhre. ¹⁴ Sa ye taa watoa borari pjeri quehnoañe buheye yero saha ijire. Sa ye masa quehnoañe buheyere tūhoepeta, ahri yehpa cjēne pajiro bujūa witi tūhotu, niñeru pehere cahī, ahri yehpa cjēne bucuere tiquina. Sa yeye ti pehe quehnoañe buheyere cahmotagū, masa pehe quehnoañe pehere yerare. ¹⁵ Sa ye quehnoari yehpapu borari pjeri quehnoañe buheye yero saha ijire. Sa yeye masa quehnoañe buheyere tūhoye, quehnoano mehna ti buheyere yuhduucaerare. Sa ye yucūgu duca tiro saha quehnoañe buheyere tūhoyequina pehe Cohācjū tiquiro cahmeno saha quehnoañene yere, niahye Jesu.

Jesu sihāria quitire buheahye

(Mr 4.21-25)

¹⁶ Sa ni tuhasa apeye queoye mehna buheahye tiquiro:

—Ne sihāriare dihi sutu docapu cūedare masa. Sa ye tiare cumuno docapu cūedare. Uhmuanopu tiare duhu peore wuhūpu sajā tayequina tiquina quehnoano ihña sajā tato saha. ¹⁷ Ijipihtiye tiquina masiedarire came masa masieta. Sihāria buhriogū mari ihña masino saha panopu tiquina masiedarire masieta masa.

¹⁸ Sa yena masa tūhona quehnoano tūho nūnūña. Quehnoano tūho nūnūriquiuro, quehnoano masinota. Tūho nūnūmediquiuro “Mehenogā tūhoaja”, tiquiro niepegāta ti pehere boaa waharota, niahye Jesu.

Jesu acaye tiquirore pijiahye

(Mt 12.46-50; Mr 3.31-35)

¹⁹ Came Jesu bahana tiquina pacoro mehna tiquiro cahapu wahaye nimahye. Masa peyequina ijigū tiquiro cahapu eserahye. ²⁰ Sa yero ihcāquiuro Jesure yahuahye:

—Mūhu paco mūhu bahana mehna sopecahapu ducuri. Mūhure ihñañe taye niñohiti, niahye tiquiro Jesure.

21 Tiquiro sa nigū Jesu ohō saha ni yahuahye ijipihtiyequinare:

—Cohācjū buheyere tūhoyequina, tire yūhdūcaeyequina tiquinata yūhū paco yūhū bahana yero saha ijire, niahye Jesu tiquinare.

Jesu wihnonore yūsu dutiahye
(Mt 8.23-27; Mr 4.35-41)

22 Ape deco Jesu tiquiro buheyequina mehna yucūsapū sajāhye.

—Isa, pehāhna, ni, tiquina ijipihtiyequina tia mehna ditarapū pehāa wahahye.

23 Sa pehāno carīa wahahye Jesu. Tiquina sa pehādūcurōpū tutuaro wihnono wēahye. Wihnono wēgū bājūye pahcōri wahcā, tiquinare mio cāmahye. Sa waharo miono cua yūhdūahye tiquinare. 24 Sa wahagū ihñañe, acūaa waha, Jesu cahapū waha, tiquirore wahcōahye.

—Buhegū, mari yariana tana niajā, niahye tiquina.

Tiquina sa nigū Jesu pehe wahcā, wihnonore,

—To punota wē duhuya, niahye.

Sa nino pahcōri gūhūre,

—Yūsuā wahaya, niahye.

Tiquiro sa nigūta wihnono yūhdūa wahahye. Sa ye pahcōri gūhū yūsu dijiaa wahahye. 25 Sa wahari bato Jesu tiquinare ohō saha niahye:

—¿Mūsa yūhūre wacū tutuerajari? niahye tiquiro.

Tiquiro sa nigū tiquina pehe cue, acūaa waha, tiquina basi ohō saha ni yahuducuahye:

—¿Yohou, dūhse ijiriquiro boro masūno ijiajari ahriquirō? Ahri wihnono, pahcōri gūhū tiquiro dutigū yūhdūcaerare tiquirore, niahye tiquina basi.

Watīa cūoriquirore yūhdūoahye
Jesu

(Mt 8.28-34; Mr 5.1-20)

26 Sa ye tiquina ape sie pahrēpū Gerasa cjēna ya yehpapū pehā sahye. Ti yehpa Galilea yehpa poto ijiahye.

27 Topū Jesu tiquiro maja sadūcagū waro to cjūno watīa cūoriquiro tiquiro cahapū ahtahye. Tiquiro

yoari pje suhti marieniquiro ijiro, tiquiro ya wūhūpūre ne ijierahye. Sa yero masa coperi utāpū tiquina seheri coperi cahapū ijie tiahye tiquiro. 28-29 Sa ye peye tahari watīa tiquirore ñeheahye. Sa yero tiquiro peresupū ijigū tiquiro omocarine, dahpocārine come dari mehna dūhteriquiro ijieperota, ti darire tūā sure mūjahye. Sa ye watīa pehe tiquirore masa marienopū ne cā mūjae tiahye. Sa yero tiquiro Jesure ihñadoqueo, tutuaro sañuducu, Jesu cahapū dūsepe curi mehna quehe sahye. Tiquiro sa yegū ihñano Jesu pehe tiquirore dutiahye:

—Ahriquirō mehna ijieracāhñā. Wahaya watīa, niahye.

Tiquiro sa nigū tūhoro watīa cūoriquiro tutuaro sañuducu, sinituahye Jesure:

—¿Jesu, ūhmūse cjū Cohācjū macū yabere yei tūū niajari mūhū yūhūre? Yūhūre ñano yeracāhñā, niahye watīa cūoriquiro.

30 Tiquiro sa nigū Jesu pehe sinituahye tiquirore:

—¿Dūhse wame tiajari mūhū? ni ahye.

Peyequina watīa tiquiro mehna ijiahye. Sa yero ohō saha niahye tiquinare cūoriquiro.

—Watīa peyequina wame tiaja ūsā, ni, yūhtiahye watīa cūoriquiro.

31 —Ūhcūāri copepū ūsāre waha dūtieracāhñā, ni, tutuaro siniahye watīa pehe.

32 Ti pjere topū cūnū dahpotopū yesea peyequina ihyaye niahye. Tiquina topū ihyagū ihñañe watīa ohō saha ni siniahye Jesure:

—Sisequina yesea cahapū waha dutiya ūsāre. Tiquina mehna iji dutiya ūsāre, ni, siniahye watīa.

Tiquina sa nigū tūhoro Jesu tiquinare yesea cahapū waha dutiahye. 33 Tiquiro sa waha dutiri bato watīa pehe masūno mehna ijimediquina waha, yesea cahapū esahye. Tiquina cahapū tiquina esari bato yesea pehe pari cjūpū oma maa

buhaa waha, ditarapꝰ bora ñojoa mini yaria pihtia wahahye.

³⁴ Yeseare cohteyequina yesea tiquina sa minigũ ihñañe, cue, oma cãa wahahye. Sa oma cã macapꝰ esa, ti maca cjênare, ihquẽ wuhuse ijiro cjêna gãhare tiquina ihñarire yahu siteahye. ³⁵ Tiquina sa yahu siteri bato masa ihñañe wahahye. Sa ye Jesu cahapꝰ esa, watia cꝰomediquirore suhti sañariquiro tũho masiniquiro tiquiro dujigũ ihñañe tiquina. Tiquina ijipihiyere ihñañe, tiquina cue niahye. ³⁶ Watia cꝰomediquiro tiquiro quehnoa waharire ihñañequina apequinare tiquina ihñarire yahuahye. ³⁷ Ti pjeta Gerasa yehpa cjêna peyequina Jesure tutuaro cueye, tiquirore waha dutiahye. Tiquina sa waha dutigũ Jesu yucꝰsapꝰ sajã, waharo taro niahye. ³⁸ Watia cꝰomediquiro Jesu wahato pano tutuaro sinimahye tiquirore:

—Mũhũ mehna waha duaja, ni sinimahye.

³⁹ Tiquiro sa nigũta Jesu tiquirore yũhtiahye:

—Mũhũ ya macapꝰ wahaya. Sa wahagũ Cohãcjũ mũhũre tiquiro yerire yahuya apequinare, niahye Jesu.

Tiquiro sa nidi bato waha, tiquiro ya macapꝰ esaro, masũno pehe Jesu tiquirore yerire ijipihiyequina tiquiro ya maca cjênare yahuahye.

Jairo maconore yũhdũoro, dii mũna wihoro dohatiducuricoro gãhare yũhdũoahye Jesu

(Mt 9.18-26; Mr 5.21-43)

⁴⁰ Ape sie pahrẽpꝰ Jesu pari turi tiquiro pehã sagũ ihñañe masa peyequina tiquirore cohte, bucueye mehna piti cahye tiquirore. ⁴¹⁻⁴² Topũ judio masa buheri wũhũ cohteriquiro Jairo wame tiriquiro Jesu cahapꝰ esa, tiquiro dahpocãri cahapꝰ dũsepe curi mehna quehe sahye tiquirore ño peoro. Tiquiro macono yariaro niahye. Ticoro ihcãcorota ijiricoro doce cãhmari cãoricoro ijiahye. Sa yero tiquiro ya wũhũpꝰ Jesure piji

cãhye. “Aũ”, ni, tiquiro mehna wahahye Jesu gãhũ.

Mahapꝰ tiquina sa wahagũ pe yũhdũayequina masa ijiye, wahpa yũhdũahye. ⁴³ Sa yero apecoro numino doce cãhmari waro dii mũna dohatiducuricoro topũ ijiahye. To pano duturuare ijipihiyere ticoro ye niñeru mehna wapa yemahye ticoro aco ye dutiro. Tiquina sa aco yepegũta mũnanota ijiducu cãhye ticoro. ⁴⁴ Sa yero ticoro Jesu behero pehepꝰ ahta, tiquiro suhtiro sohtoare ticoro ñehe tuhugũta ticoro dohatiyere pihtia wahahye. ⁴⁵ Ticoro sa ñehe tuhugũ tãhoturo Jesu sinituahye.

—¿Noa yũhũ suhtirore ñehe tuhujari? niahye tiquiro.

Ijipihiyequina “Ñehe tuhuerũ”, niahye. Sa ye Pedro gãhũ ohõ saha niahye:

—Buhegũ, bihsarĩne. Sa yeye masa peyequina mũhũre ñehe tuhure. ¿Dũhsegũ sa ni sinituajari mũhũ? niahye tiquina Jesure.

⁴⁶ Tiquina sa nigũ Jesu yũhtiahye:

—Mianogãta yũhũ yũhdũgũ yei ihcãcorore. Sa yegũ yũhũre ticoro ñehe tuhugũ masiaja, niahye tiquiro.

⁴⁷ Tiquiro sa nigũ tãhoro ticoro duhti masiedaro, nanarericoro Jesu cahapꝰ dũsepe curi mehna quehe sahye tiquirore ño peoro. Sa ye ijipihiyequina masa tiquina tãhoropꝰ ticoro dohatiyere, Jesure ticoro ñehe tuhurire, ticoro quehnoa waharire yahuahye ticoro. ⁴⁸ Ticoro yahu tuhasagũ Jesu ticorore yahuahye:

—Maco, yũhũre mũhũ wacũ tutuaye mehna quehnoago tojoare yojopũre. Bucueye mehna wahaya, niahye ticorore.

⁴⁹ Tiquiro sa nini watoa Jairo ya wũhũpꝰ ijiriquiro yahuro wihiahye:

—Mũhũ macogã yariaa wahari. Sa yegũ buheriquirore piji cãhtaeracãhña, niahye tiquiro.

⁵⁰ Tiquiro sa nigũ tãhoro, Jairore ohõ saha ni yahuahye Jesu:

—Bũjũa witi tãhotueracãhña. Yũhũre wacũ tutuaya. Ti dihitare

yeya. M̄h̄u sa yegũ ticorogã masaa waharota, niahye Jesu.

⁵¹ Sa ni tuhasa tiquiro ya w̄h̄ūp̄ū esa, Pedro, Ñu, Santiago, dohatiricoro pac̄sum̄ua topequinata ne sajãhye. Apequina pehere Jesu sajã dutierahye. ⁵² Top̄ū ijipihtiyequina masa tiquina ñehe quea utiri watoa sajã sahye Jesu.

—Utieracãhña. Ticorogã yariere. Carño nine, niahye tiquiro.

⁵³ Tiquiro sa nigũ t̄hoye tiquina pehe ticoro yariaricoro ijigũ masiñe, Jesure buj̄uahye. “Sa ni maca cãno nine”, ni buj̄uahye. ⁵⁴ Sa yero Jesu ticorogã omocare ñehe, pisuahye:

—Mehenicorogã wahcãña, niahye.

⁵⁵ Tiquiro sa nigũta yariaricoro masaa waha, wahcãduca sahye ticorogã. Ticoro wahcãducari bato Jesu ticorore ihyayere oho dutiahye.

⁵⁶ Ticoro sa masagũ ihñañe ticoro pac̄sum̄ua ihña maria wahahye. Sa yero Jesu tire apequinare yahu dutierahye.

9

Jesu doce tiquiro buheyequinare buhe dutiro ohoahye

(Mt 10.5-15; Mr 6.7-13)

¹ Sa ye Jesu docere tiquiro buheyequinare pijio, tiquiro tutuayere ohoahye tiquinare. Watĩare tiquina cohãtire, dohatieyquinare ȳhd̄ugũ yeati gãh̄ure tiquiro tutuayere ohoahye tiquinare. ² Sa ye tuhasa tiquinare Cohãcjũ tiquiro p̄h̄toro ijiyere buhe dutiro, dohatieyquinare ȳhd̄uo dutiro ohoahye tiquinare.

³ Ohõ saha ni dutiahye Jesu tiquinare:

—M̄sa wahana apee borore nedacãhña. Tua d̄are, ajurore, ihyayere, niñerure nedacãhña. M̄sa sañano dihitare saña cãhña. Apeye suhtire nedacãhña. ⁴ Ijipihtiye macarip̄ū m̄sare tiquina carño ohogũ ti w̄h̄ūp̄ūta ijiniña. Coã wahanap̄ū wijiaya ti w̄h̄ure.

⁵ Apeye macari cjẽna m̄sare tiquina cahmedagũ ihñana ti macarine ȳhd̄u cãa wahaya. Sa wahana m̄sa

dahpocãri cjẽ dihta esa wahãrire wejẽ site cũña m̄sa tiquinare tiquina ye buhirire masigũ yena, niahye Jesu.

⁶ Tiquiro sa nidi bato tiquiro buheyequina pehe waha, ijipihtiye macarip̄ū quehnoañe buheyere yahu tiniahye. Sa ye dohatieyquinare ȳhd̄uoe tiahye.

Jesu tiquiro yerire Herode t̄hoahye

(Mt 14.1-12; Mr 6.14-29)

⁷ Sa ye Herode Galilea yehpa cjẽna p̄h̄toro Jesu yerire t̄hoahye. “¿Noa boro ijiajari tiquiro Jesu?” nieperota ne masiedahye. Ihquẽquina ohõ saha nimahye Jesure. “Ñu wame yeriquiro m̄n̄ano masa m̄jahye. Sa yero ‘Jesu’, tiquina nidiquiro tiquirota ijire”, nimahye ihquẽquina. Tiquina sa nigũ t̄horo Herode Jesure d̄h̄se ni masiedahye. ⁸ Sa ye apequina “Tiquiro Elia m̄n̄ano yojop̄ū bajuaro nine”, nimahye. Apequina pehe “Cohãcjũ yere yahu m̄htariquina panop̄ū cjẽna mehna cjãno yojop̄ū masa bajuaro nine”, nimahye Jesure.

⁹ Tiquina sa ni yahuducuepegãta ohõ saha ni t̄hotuahye Herode: “Ñu dapure d̄ate sure duti tuhasa ȳh̄u. ¿Yojop̄ūre ijiriquiro masa tiquina yahuriquiro noa boro ijiboagari tiquiro pehe?” ni, t̄hoturo tiquiro Jesure ihña duamahye.

Jesu cinco mil masare ihyayere ohoahye

(Mt 14.13-21; Mr 6.30-44; Jn 6.1-14)

¹⁰ Sa ye Jesu tiquiro ohoriquina tiquiro cahap̄ū tojoa sa, tiquina yerire yahuahye Jesure. Tiquina yahu tuhasagũ Jesu tiquina dihitare Betsaida wame tiri macap̄ū siho wahahye. ¹¹ Tiquina waharire masiñe, masa peyequina tiquinare n̄n̄u tã cãa wahahye. Jesure tiquina um̄u sagũ ihñano piti cahye Jesu tiquinare. Sa yero tiquiro Cohãcjũ p̄h̄toro ijiyere tiquinare yahu, dohatieyquinare ȳhd̄ugũ yeahye.

¹² Ñamicahap̄ doce tiquiro buheyequina tiquiro cahap̄ esa, Jesure yahuahye:

—Ohō masa marienop̄ ijire. Ohō majano cjē w̄h̄usep̄ ahriquina masare ohoya. Carīato, tiquina ihyati ḡh̄are maca dutiya tiquinare, niahye tiquina Jesure.

¹³⁻¹⁴ Tiquina sa nigū Jesu yahtiahye tiquinare:

—Sa niedac̄h̄ña. Ihyayere ohoya tiquinare, niahye.

Tiquiro sa nigū tahoye tiquina yahtiahye:

—Ihcā omope paca p̄a paca, p̄aro wahi to punota c̄oaja mari. ¿Ahriquina peyequina masa tiquina ihyatire dúboagari us̄a? niahye tiquiro buheyequina.

Peyequina masa tiquina ijigū ihñañe sa niahye tiquiro buheyequina. Top̄are cinco mil um̄a ijiahye. Sa yero Jesu yahuahye tiquiro buheyequinare:

—Cincuenta masare ihcā curua duji dutiya. Apeye cururi ḡh̄are topequinata duji dutiya, niahye Jesu tiquiro buheyequinare.

¹⁵ Tiquiro sa nigū buheyequina tiquiro dutiriro sahata ye, ijipihtiyequina masare duji dutiahye. ¹⁶ Duji duti tuhasa Jesu ihcā omope paca p̄a pacare p̄aro wahire ne, um̄anop̄ ihñña m̄oahye. Sa ihñña m̄ono Coh̄cj̄are “Quehnoare”, niahye. Tiquiro sa nidi bato p̄a pacare nuha, tiquiro buheyequinare masare iti dutiro ohoahye. ¹⁷ Sa ye tiquina ijipihtiyequina masa ihya, yapi ȳhd̄a wahahye. Tiquina yapi wehorire doce p̄h̄use ne cahmecoahapo dapoahye tiquiro buheyequina.

Jesu potota Cristo tiquiro ijiyere Coh̄cj̄a ohoriquiro tiquiro ijiyere yahuahye Pedro

(Mt 16.13-19; Mr 8.27-29)

¹⁸ Ihcā deco Jesu ihcāquirota ijiro, Coh̄cj̄are sinino niahye. Tiquiro sinini watoa tiquiro buheyequina tiquiro cahap̄ esahye. Sa yero Jesu sinituahye tiquinare:

—¿Noa boro ijiagari ȳh̄, masa ȳh̄are tiquina tahotugū? ni sinituahye.

Tiquiro sa sinitugū tahoye tiquiro buheyequina yahtiahye:

¹⁹ —“Ñu wame yeriquiro ijire”, nine m̄h̄are. Apequina “Elia ijire”, nine. Apequina “Coh̄cj̄a yere yahu m̄htariquina mehna cj̄no panop̄ cj̄no masa bajoaro nine yojop̄are”, nine, ni yahtiahye tiquiro buheyequina pehe tiquirore.

²⁰ Tiquina sa nidi bato Jesu tiquinare sinituahye tja:

—¿M̄sa pehe m̄sa tahotugū, noa boro ijiagari ȳh̄? ni, sinituahye tja.

—M̄h̄ Cristo Coh̄cj̄a ohorigu ijire, ni yahtiahye Pedro.

Jesu tiquiro yaria masa wijiatire yahuahye

(Mt 16.20-28; Mr 8.30-9.1)

²¹ Sa ye Pedro “Cristo ijire m̄h̄”, tiquiro nidire apequinare Jesu yahu site dutierahye tiquiro buheyequinare. ²² Sa ni yahu site dutiera tuhasa ohō saha ni nemoahye:

—Ȳh̄ mas̄ Coh̄cj̄a ohorigu tutuaro ñano ȳhd̄ta. Sata ȳhd̄ro cahmene ȳh̄are. Sa ye mari judio masare buheyequina, b̄c̄na, pahia p̄h̄toa mehna ȳh̄are cahmeda, ȳh̄are wej̄eta. Tiquina wej̄edi bato ihtia deco wahaboro masa wijiajutja, niahye Jesu tiquinare.

²³ Came ijipihtiyequinare ohō saha ni yahuahye Jesu:

—Ihcāquiro yaquiro iji duaro, tiquiro cahmeno ye duamedire duhu c̄nota. Sa yero yaquiro tiquiro ijiri buhiri ñano ȳhd̄eperota ȳh̄are duhusi. Sa yero yeere yeducuriquiro ijirota. ²⁴ Mas̄no ȳh̄are wac̄no marieno tiquiro esa tuharo tiquiro cahmeno saha yero, pecap̄ waharota. Sa yero yeere sa yeducuriquiro ijipihtiyede cori ȳh̄ mehna um̄usep̄ ijiducurota.

²⁵ ¿Ihcāquiro mas̄no ahri yehpa cj̄ene ijipihtiyere c̄oriquiro Coh̄cj̄are cahmedaro pecap̄ waharo, yabere wapatajari tiquiro? Sa ijiriquiro

ne wapataerare. ²⁶ Ihquẽquina yũhare, yũhu buheye gũhare bue tisãboaga. Tiquina sa yegũ ihñagu yũhu gũhu yũhare sa yeyequinare bue tisãgũtja. Yũhu masũ Cohãcjũ ohorigũ quehnoañequina angele mehna usã asi siteropũ, yũhu Pacũ tiquiro asi siteropũ tojoa tagũ tiquinare bue tisãgũta. ²⁷ Poto niita niaja mũsare. Yojoapũre ihquẽquina mũsa ohõpũre ijiyequina mũsa yariato pano Cohãcjũ ijipihtiyequina bui pũhtoro tiquiro iji dũcagũ ihñanata mũsa, niahye Jesu tiquinare.

Jesu tiquiro pagũre comesahye
(Mt 17.1-8; Mr 9.2-8)

²⁸ Sa ye ocho decori tire tiquiro yahuri bato Jesu Pedore, Ñure, Santiagore tiquina dihitare pijiahye. Sa ye waha, Cohãcjũre siniñe waha, cũnũpũ mũjaa wahahye tiquina. ²⁹ Cohãcjũre tiquiro sinini watoa Jesu ya wũhdoa comesahye. Sa yero tiquiro suhtiro asi siteri suhtiro quehnoano yehseri suhtiro wahahye. ³⁰ Tiquiro sa wahari watoa pũaro mũma tiquiro mehna yahuducuye niahye. Yahuducuyequina pehe Elia mũnano, Moise mũnano gũhu ijiahye. ³¹ Tiquina mũmũse cjẽ asi siteye mehna bajuahye. Jesu camegãta Jerusalẽpũ tiquiro yariatire tiquina Jesu mehna yahuducuye niahye. ³² Pedro gũhare wũjũa purĩ yũhdũahye. Sa carĩepeta acũa, wahcã wihi, Jesu tiquiro asi siteyere ihñañe, pũaro tiquiro mehna ducuyequina gũhare ihñahye. ³³ Moise mũnano gũhu tiquina wahato panogã Pedro Jesure ohõ saha nimahye:

—Pũhto, mari ohõre ijigũ quehnoa duare. Ihtia wũhũgã yematja. Mũhu ya wũhũgã, Moise ya wũhũgã, Elia ya wũhũgã yematja, nimahye Pedro.

Sa nieperota tiquiro nidire ne masiedahye. ³⁴ Tiquiro sa ni yahuducuri watoa tiquinare ehmeo curua cahmotahye. Sa cahmotagũ ihñañe tiquina cuea wahahye. ³⁵ Sa yero ehmeo puhiapũ yahuducuye bisiro ca tahye:

—Ahriquiro yũhu macũ, yũhu besequiro ijire. Quehnoano tũhoya tiquirore, nino ca tahye ehmeo curua puhiapũre.

³⁶ Tiquiro sa nidi bato Jesu dihitare ihñahye tiquina. Came tiquina ihñarire apequinare yahuerahye. Ne ihcãquirore yahuerahye.

Jesu watĩno cũoriquirogãre yũhdũoahye
(Mt 17.14-21; Mr 9.14-29)

³⁷ Ape deco tiquina cũnũpũ tiquina dijia tagũ peyequina masa Jesure piti cahye. ³⁸ Sa yero tiquina mehna cjãno Jesure pisuahye:

—Buhegũ, mũhare tutuaro ahrire sini duaja yũhu. Yũhu macũ ihcãquirota ijire. Sa yegũ tiquirore ihña basaya mũhu. ³⁹ Watĩno tiquirore ñehe, sañuducu tunu nanaregũ ye, sahpo tua wahagũ yee tire. Sa yero watĩno yũhu macũre ñano yũhdũgũ ye, ne duhu duerare. ⁴⁰ Mũhu buheyequinare watĩnore cohã dutigũ tutuaro sinimi. Yũhu sa siniepegũta tiquina tiquirore cohã masiedari, niahye tiquiro Jesure.

⁴¹ Tiquiro sa nigũ Jesu pehe ohõ saha niahye tiquiro buheyequinare:

—Yojoapũ cjẽna mũsa ñana ijire. ¿Yũhare ne wacũ tutuerabutiajari? Yoabutiari pje mũsare buhemi yũhu. ¿Noho puno yoari pje yũhare mũsa cariboboagari? ni tuhtiahye Jesu.

Sa ni tuhasa watĩa cũoriquiro pacũrore ohõ saha niahye:

—Mũhu macũre ne cãhtaya, niahye.

⁴² Tiquiro sa nidi bato tiquiro macũno Jesu cahapũ tiquiro ahtari watoa watĩno pehe tiquirore yehpapũ doque quehe sa, tunu nanaregũ yeahye. Tiquiro sa yegũ Jesu watĩnore waha dutiahye. Tiquiro sa dutigũ watĩnore cũoriquirogã yũhdũa wahahye. Sa yero Jesu pehe tiquirogãre wiahye tiquiro pacũrore. ⁴³ Ijipihtiyequina masa Cohãcjũ tutuaye mehna tiquiro quehnoa wahagũ ihñañe, ihña maria wahahye.

Pari turi Jesu tiquiro yaria masa wijiatiye yahuahye
(Mt 17.22-23; Mr 9.30-32)

Masa Jesu tiquiro yerire tiquina ihña, ihña maria wahagũ Jesu pehe tiquiro buheyequinare ohõ saha ni yahuahye:

⁴⁴ —Mianogãta yũhũ yahuatire boeracãhña mũsa. Yũhũre Cohãcjũ tiquiro ohorigũre apequiro yũhũre ñehe dutiro ohorota masare, niahye Jesu.

⁴⁵ Tiquiro sa niepegãta tiquina pehe tiquiro yahuyere quehnoano tũhoerahye. Tiquiro yahurire tiquinare masino basioerahye. Ti pjeta Cohãcjũ tiquinare tire tũho dutiero niahye. Sa ye tiquina cueye, tire tiquirore sinituerahye.

Jesu buheyequina tiquina mehna cjãnore pũhto sũ duamahye
(Mt 18.1-5; Mr 9.33-37)

⁴⁶ Came Jesu buheyequina cahme sehña soye niahye:

—¿Mari mehna cjãno diquiro pehe pũhtoro sajãnotari? niñe niahye tiquina basi.

⁴⁷ Tiquina sa nigũ Jesu pehe tiquina tũhotuyere masino, ni-jinogãre tiquiro cahapũ ducu duti, tiquiro buheyequinare yahuahye:

⁴⁸ —Yeere yena tana ahriquirrogãre cahmena, yũhũ gũhũre cahmene mũsa. Sa yena yũhũre cahmena, yũhũre ohoriquiro gũhũre cahmene mũsa. Mũsa mehna cjãno mũsa cahacjãno ijiro tiquiro gũhũ pũhtoro ijirota, niahye Jesu.

Marine ihña tuhtiriquiro ijieraro, mari mehna cjãno ijire
(Mr 9.38-40)

⁴⁹ Came Ñu Jesure ohõ saha ni yahuahye:

—Buhegũ, mũhũ wame mehna watĩare cohãriquiroro usã ihñaũ. Mari mehna cjãno tiquiro ijieragũ ihñana tire tiquirore ye dutierũ usã, niahye Ñu Jesure.

⁵⁰ Tiquiro sa nigũ Jesu Ñure apequina buheyequina gũhũre ohõ saha ni yahuahye:

—Sa niedacãhña mũsa tiquirore. Marine ihña tuhtiriquiro ijieraro,

tiquiro mari mehna cjãno ijire, niahye Jesu tiquiro buheyequinare.

Jesu Santiagore, Ñu gũhũre tuhtiahye

⁵¹ Ti pjere Jesu uhmũsepũ tiquiro wahato panogã, “Jerusalẽpũ wahatja”, niahye tiquiro. Sa nino topũ waharo niahye. ⁵² Sa ye Jesu tiquiro pano ohoriquina waha, Samaria yehpa cjã macapũ esa, topũ Jesu tiquiro ijiatire quehno duamahye. ⁵³ Jesu Jerusalẽpũ waharo taro niahye. Topũ wahatiquiro tiquiro ijigũ tũhoye, tũ cjẽna tiquirore cahmedahye. ⁵⁴ Tire tũhoye Santiago, Ñu mehna yahuahye Jesure:

—Pũhto, mũhũ cahmegũ uhmũse cjã peca mehna tiquinare wejẽ dutinata, nimahye tiquina tiquirore.

⁵⁵ Tiquina sa nigũ Jesu majare ihña, tuhtiahye tiquina pũarore.

⁵⁶ Sa tuhti tuhasa, ape macapũ Jesu gũhũ wahaa wahahye.

Apequina Jesu mehna wahamahye
(Mt 8.19-22)

⁵⁷ Ti mahapũ tiquina wahagũ, ihcãquiro Jesure yahuahye:

—Mũhũ mehna waha duaja noho mũhũ waharopũ, niahye tiquiro.

⁵⁸ Tiquiro sa ni tuhasagũ Jesu yũhtiahye:

—Ihquẽquina nũcũ cjẽna wahiquina tiquina coperi cũore. Minicjũa gũhũ tiquina suhti cũore. Yũhũ masũ Cohãcjũ ohorigũ pehe yũhũ carĩni wũhũ cũoeraja, niahye Jesu.

⁵⁹ Came apequirore Jesu pijiahye:

—Yũhũ mehna cjũ ijiajũ ahtaya, niahye.

Tiquiro sa nigũ yũhtiahye Jesure:

—Pũhto, yũhũ pacũ tiquiro yariagũ yariĩgatja. Sa ya tuhasagũ pũrita mũhũ mehna wahagũtja, niahye tiquiro.

⁶⁰ Tiquiro sa nigũ Jesu yahuahye:

—Yũhũre cahmeeñequina yariariquina yero saha ijire. Tiquina pehe yariariquinare yaahro. Sa yegũ mũhũ pehe Cohãcjũ tiquiro pũhtoro ijyere quehnoañe buheyere buhegũ ahtaya, niahye Jesu tiquirore.

⁶¹ Sa yero apequiro Jesure ohō saha niahye:

—Pũhto, mũhũ mehna wahaũtja. Mũhũ mehna yũhũ wahato pano yũhũ acayere cohe tiniĩ wahaũtja, niahye tiquiro Jesure.

⁶² Tiquiro sa nigũ Jesu yahuahye tiquirore:

—Dahrariquiro dahra dueraro tiquiro dũhseatiquiro ijierare. Tiquiro yero sahata ijiriquiro ohō saha ijire: “Cohãcjũ yere ye duaja”, nieperota tire yerare. Tiquiro Cohãcjũ yaquiro ijiboriquiro ijierare, niahye Jesu.

10

Jesu setenta y dos buheyequinare buhe dutiro ohoahye

¹ Came Jesu apequina buheyequinare setenta y dos buheyequinare bese, macaripũ tiquiro wahato pano ohoyuahye. Ti macarine pũeyequina dihita ohoyuahye tiquiro. ² Sa ohoyuro ohō saha ni yahuahye tiquinare queoye mehna buhero:

—Trigo peye ti bũcũa tuhasagũ peye ijigũ dahraye pajiro ijire. Sa ijiepegũta dahrayequina pehe meheñequinagã ijire. Sata quehnoañe buheyere tũhoatiquina peyequina ijigũ pajiro ijire mari dahraye. Sa ijiepegũta meheñequinagã dahrari masa yero sahata quehnoañe buheyere buheatiquina gũhũ meheñequinagã ijire. Sa yena quehnoañe buheyere buheatiquinare apequinare tiquiro ohoatire siniña Cohãcjũre mũsa. ³ Wahaya mũsa. Mũsare yũhũ ohogũ mũsa oveja pohne yayia watoa tiquina ijiro sahata mũsa gũhũ ñañequina usuayequina watoa ijinata. ⁴ Niñeru ajurore, paji cjũri ajuro gũhũre, dahpo suhtire nedacãhña. Mũsa mahapũ tinina apequinare boca sa yahuducueracãhña. Poto wahaya. ⁵ Ijipihtiyẽ mũsa sajãñe wũhũsepũ sajãna, “Ahri wũhũ cjẽna quehnoano ijiahro”, ni mũhtaña. ⁶ Ti wũhũ cjẽna quehnoano mehna ijiyequina

cahmequeno marieñequina tiquina ijigũ, tire niña tiquinare. Quehnoano mehna tiquina ijieragũ ihñana ti wũhũ cjẽnare sa niedacãhña. ⁷ Ihcã wũhũpũ sajã sadũcana tiquina quehnoañequina ijigũ ti wũhũpũta tojoaya. Topũ tiquina duhu peorire ihya, sihniña. Dahrayequinare tiquina wapatayere neno cahmene. Sa yena tiquina wapatayere tiquina neno sahata tiquina duhu peorire neña mũsa gũhũ. Sa yena ihcã wũhũpũta mũsa esari wũhũpũta ijina, ti maca cjẽ wũhũsepũ carĩ tiniedacãhña. ⁸ Macapũre mũsa esana to cjẽna pehe mũsare tiquina cahmeñequina ijigũ ti ihyayere tiquina duhu peorire ihyaya. ⁹ To cjẽna dohatiyequinare yũhdũoya. Sa yena ohō saha niña to cjẽnare: “Cohãcjũ yojopũre mari pũhtoro tiquiro ijiatĩ mehenogã dũhsare”, niña tiquinare. ¹⁰ Ape macapũ mũsa esagũ tiquina pehe mũsare cahmedaboaga. Tiquina cahmedagũ ihñana ti maca decopũ waha, ohō saha niña tiquinare. ¹¹ “Ahri maca cjẽ dihtare dahpocãri cjẽ dihtare wejẽ site cohãna niaja usãre mũsa cahmedari buhiri ihñona. Sa yena ahrire wacũña. Cohãcjũ mari pũhtoro yojopũre tiquiro ijiatĩ mehenogã dũhsare”, niña tiquinare. ¹² Mũsare poto niita niaja. Sodoma cjẽna ña yũhdũayequina ijiahye. Tiquina sa ijiepegũta pihtiatĩ deco ijigũ Cohãcjũ tiquiro buhiri dahreatĩ deco ijigũ Sodoma cjẽna yũhdũoro mũsare cahmeeñequina pehere buhiri dahrerota, niahye Jesu.

Apeye macari cjẽna Cohãcjũre yũhdũũcayequina ijire
(Mt 11.20-24)

¹³ Came Jesu ohō saha niahye macari cjẽnare:

—Corazĩn cjãna, mũsa ñano yũhdũnata. Betsaida cjãna, mũsa gũhũ ñano yũhdũnata. Mũsa ye macaripũre Cohãcjũ tutuaye mehna ye ihñomi. Tiro wame tiri macare, Sidõ wame tiri maca gũhũre tiquiro

tutuaye mehna yuhu ye ihñogũ ihñañe panopu to cjēna pehe tiquina ñañene bujua witiboaga. Sa ye quehnoañene comesaboaga. Duita tiquina masa dija suhtire saña, tiquina basi peca cjē nujuare tiquina bui dahra site peoboaga tiquina ñañene bujua witiyere ihñoñe. ¹⁴ Cohãcjũ tiquiro buhiri dahreati deco ijigũ Tiro cjēna, Sidõ cjēna yuhduoro musa pehere musa ñari buhiri musare tutuaro buhiri dahrerota tiquiro. ¹⁵ Capernau cjãna, musa esa tuharo umusepu waha duamene. Musa sa waha duepegũta musa ñari buhiri musare Cohãcjũ pecapu cohãnota, niahye Jesu.

¹⁶ Sa ni tuhasa Jesu tiquiro buheyequinare yahuahye:

—Musare tãhoyequina yuhu gũhare tãhore. Musare cahmeeñequina, yuhu gũhare cahmedare. Sa yeye yuhare cahmeeñequina, tiquina yuhare ohoriqiro gũhare cahmedare, niahye Jesu tiquinare.

Setenta y dos buheyequina tojoa wihiahye

¹⁷ Came setenta y dos buheyequina bucueye mehna tojoa wihiahye:

—Puhto, mahu wame mehna mahu tutuaye mehna watãare usã dutigũ tiquina pehe usãre yuhducaerare, niahye tiquina Jesure.

¹⁸ Tiquina sa nigũ Jesu yahtiahye tiquinare:

—Umusepu mia sitedoque dijioro sahata, watĩno tiquiro bora dijia tagũ ihña. ¹⁹ Quehnoano tãhoya. Musare yuhu tutuayere ohou yuhu. Sa yegu aña parire, cutipa parire, watĩnore marine ihña tuhtiriqirore musa yuhducatire ohou yuhu. Sa ye tiquina musare ñano ye masiedare. ²⁰ Yuhu sa ohopegũta watãa musare tiquina yuhducaeragũ ihñana ti dihitare bucueracãhña. Ahri pehere bucueya. Umusepu Cohãcjũ yequina tiquina wamene tiquiro ojoa ohõri tjupu musa wamene tiquiro ojoa ohõgũ ihñana, ti pehere bucueya musa, niahye Jesu tiquinare.

Jesu bucueahye

(Mt 11.25-27; 13.16-17)

²¹ Ti pjere Espiritu Santo Jesure tutuaro bucuegũ yeahye. Sa yero Jesu ohõ saha niahye:

—Mai, mahu umusepu gũhare yehpau gũhare puhto ijire. Masi yuhducaeyequinare mahu yahuerarire ihyo ijiyequina pehere yahuri mahu. Mahu sa yegũ ihñagu “Quehnoa yuhduare”, niaja. Sata ijire mai. Mahu ye duariro sahata, mahu cahmediro sahata tiquinare mahu yere yahuri mahu, niahye Jesu.

Sa ni tuhasa apequinare ohõ saha niahye:

²² —Yuhu Pacu ijipihtiyere yuhare ohori. Yuhu Pacu dihita yuhare masine. Yuhu gũhu tiquirore masiaja. Yuhu beseriquina gũhu tiquirore masine, yuhu masi dutiyequina ijiye. Topequinata yuhu Pacure masiaja usã, niahye Jesu.

²³ Tiquiro sa nidi bato tiquina sehsaro ijigũ Jesu tiquiro buheyequinare ohõ saha niahye:

—Ahri ijipihtiyere musa ihñana bucuenã ijire. ²⁴ Ijirota ijire. Peyequina Cohãcjũ yere yahu mahtariquina, ihquẽ yehpari cjēna puhto gũhu yojopu musa ihñarire ihña duamahye tiquina gũhu. Sa ye musa tãhori gũhare tuho duamahye, niahye Jesu.

Quehnoariqiro Samaria cjãno quitire yahuahye Jesu

²⁵ Ti pjeta judio masare buheriqiro Jesu cahapu wihi, Jesure tiquiro ñano yahuducugũ ye duamahye:

—¿Buhegu, yuhu ijipihtiyere decori Cohãcjũ mehna iji duagu dũhse yeboagari yuhu? ni, sinituahye tiquiro Jesure.

²⁶ Tiquiro sa nigũ Jesu yahtiahye tiquirore:

—¿Dũhse ni yahuajari Cohãcjũ yere tiquina ojoari pũpu? ¿Cohãcjũ tiquiro ni ojoarire dũhse ni tãhotuajari mahu? niahye Jesu tiquirore.

²⁷ Jesu sa nigũ tiquiro yahtiahye:

—Ohõ saha niahye Cohãcjũ: “Tutuaro musa jeripohnari mehna,

quehnoano m_{usa} tutuaye mehna, m_{usa} wacũñe mehna Cohãcjüre cahĩña. Sa ye m_{uh}u basi m_{uh}u cahĩno saha m_{uh}u cahap_u ijiyequina gãhure cahĩña”, niahye tiquiro Jesure.

²⁸ Tiquiro sa nigũ Jesu yãhtiahye:

—Potota nine m_{uh}u. Tire yeya. Sa yeg_u ijipihtiye decori Cohãcjũ mehna ijigũta m_{uh}u, niahye tiquirore.

²⁹ “Ahriquiore Cohãcjũ dutiyere ye pehoriquiore ijire”, masa tiquirore tiquina ni ihñagũ cahmeahye judio masare buheriquiro. Sa cahmeno tiquiro Jesure ohõ saha ni sinituahye:

—¿Noa boro ijiboagari yãhure m_{uh}u cahĩ dutiriquiro? niahye tiquiro.

³⁰ Tiquiro sa nigũ Jesu ohõ saha ni queoye mehna piti dahre buheahye:

—Ihcã deco Jerusalẽp_u ahtariquiore Jericóp_u wahariquiore mahap_u tiquiro tinigũ yaqueyequina tiquirore ñeheahye. Sa ñeheñe, tiquiro suhtirore tu we ne, tiquirore tutuaro quẽahye. Sa tutuaro quẽ, tiquiro yariaro taro yegũ duhuahye tiquina tiquirore.

³¹ Ti pjeta pahi ti mahap_u ahtahye. Sa ahtaro tiquina quẽdiquirore ihñaeperota maha ape sie dũht_u cahap_u yãhd_u cãa wahahye. ³² Sa ye Cohãcjũ wãhãp_u dahrariquiore gãh_u pejecãoriquiore cahap_u esa, tiquirore ihña, maha ape sier_u yãhd_u cãa wahahye. ³³ Sa ye Samaria cjũno pehe top_u waha, yoa cjũnop_u pejecãoriquiore ihña, tiquirore paja ihñahye. ³⁴ Sa yero tiquiro pejecãoriquiore cahap_u esa, ãhse, vino mehna moredire tiquiro camine pio peoahye. Pio peo tuhasa suhtiro cahsero mehna dũhteahye tiquiro camine. Tuhasa, pejecãoriquiore tiquiro yaquiore burro bui duhu peo, carĩni wãhãp_u ne cãh_uye tiquirore. Top_u ijiro, Samaria cjũno quehnoano ihña ihboahye tiquirore. ³⁵ Ape deco tiquiro carĩni wãhã upãrore pãa cjoe niñeru cjoerire oho, ohõ saha niahye:

“Ahriquiore ihña ihboya. Ahri esa tuhaeragũ pari turi tojoa tag_u wapa ye pehoutja”, niahye Samaria cjũno wãhã upãrore, niahye Jesu.

³⁶ Sa ni tuhasa judio masare buheriquirore sinituahye Jesu:

—¿Ahriquina ihtiaro ãmãa diquiore pehe ijiajari pejecãoriquiore cahĩdiquiro? niahye Jesu.

³⁷ Tiquiro sa nigũ tãhoro buheriquiro pehe Jesure yãhtiahye:

—Pejecãoriquiore yedohoriquiore ijiaga tiquirore cahĩdiquiro, niahye tiquiro Jesure.

—Wahaya. M_{uh}u gãh_u masare sata yei wahaya, niahye Jesu buheriquirore.

Marta, María gãh_u cahap_u tiniahye Jesu

³⁸ Sa ye Jesu tiquiro buheyequina mehna tiquina wahagũ, ape macap_u tiquina tinigũ, Marta wame tircoro tiquinare ticoro ya wãhãp_u sajã ta dutiahye. ³⁹ Ticoro bahoro María tiquiro dahpocãri cahap_u duji, tiquiro buheyere tãhoahye. ⁴⁰ Ticoro sa yegũ ihñano Marta ticoro dahraye peye ijigũ usuahye. Sa yero ticoro Jesure yahuahye:

—¿Pũhto, yãh_u ihcõta dahragã yãhure yãh_u baho ticoro yedohoreragũ mãhure quehnoajari, mãh_u ihñagũ? Ticorore yãhure yedoho dutiya, niahye Marta Jesure.

⁴¹ Ticoro sa nigũ Jesu yãhtiahye:

—Marta, dahraye peye cãogo pajiro tãhoture mãh_u. ⁴² Cohãcjũ tiquiro yere tãho dutire. María quehnoañene yero taro, tire cahmene. Sa yeg_u yãhure ticoro tãhogũ “Yedohogo wahaya”, niedaja ticorore, niahye Jesu Martare.

11

Jesu Cohãcjüre siniñene buheahye (Mt 6.9-15; 7.7-11)

¹ Ihcã deco Jesu Cohãcjüre sinino niahye. Tiquiro sini tuhasagũ, ihcãquiore tiquiro buheyequina mehna cjũno tiquirore ohõ saha niahye:

—Pũhto, Ñ_u tiquiro buheyequinare tiquiro buheriro sahata Cohãcjüre siniñene ãsã gãhure buheya mãh_u, niahye tiquiro Jesure.

2 Tiquiro sa nigũ tũhoro Jesu tiquinare yahuahye:

—Ohõ saha Cohãcjũre siniña: “Ůsã Pacũ, uhmũse cjũ mahũ quehnoagũ sa ijiducure. Yojopũre ijipihtiyequina pũhto ijiya. 3 Sa yegũ decoripe usã ihyatire ohoducuya usãre. 4 Apequina usãre tiquina ñañe yerire usã boaja. Sa yegũ mahũ gũhũ usã ñañe yerire boya. Sa yegũ usã ñañene ye duagũ usã tutuaro cahmegũ ihñagu tire usãre ye dutiegũta”, ni siniña Cohãcjũre, niahye Jesu tiquinare.

5 Came Jesu quiti mehna tiquiro buheyequinare ohõ saha ni buheahye:

—Ihcãquiro ñami decopũ tiquiro acayũro ya wũhũpũ waha, tiquirore siniahye: “Yũhũ acayũ, ihtiarĩa pã pacare ohoya yũhũre. 6 Apequiro yũhũ acayũro tinino ahtariquiro mianogãta ya wũhũpũ wihiri. Sa yegũ tiquirore yũhũ nuati mariedare”, niahye tiquiro acayũrore. 7 Tiquiro sa nigũ tiquiro acayũro wũhũ puhiapũ ijiriquiro yũhtiahye: “Yũhũre cariboeracãhña. Sopecaha bihariro ijire. Yũhũ, yũhũ pohna mehna carĩna niaja. Wahcãno pjeraga yũhũre mahũre ihyayere ohoborigũ”, niahye tiquiro acayũro. 8 ¿Dũhse waharotari sinidiquirore? Poto niaja mũsare. Tiquiro acayũro ijieperota, ihyaye ohoboriguero wahcã duerahye. Tiquiro wahcã duerapegãta ihyaye sinidiquiro pehe bũe tiro marieno tiquiro yoari pje siniducugã ijipihtiyequiro sinidiro sahata ohorota. 9 Sa yegũ ahrĩre mũsare ni yahugũ niaja: Cohãcjũre siniña. Sa sinina mũsa nenata. Mũsa sinidire bocanata. Tiquirore sa siniducuya. Mũsa sa yegũ tiquiro ohorota. 10 Ijipihtiyequina Cohãcjũre siniñequina neeta. Sa ye tiquina sinidire bocaeta. Sa yero ijipihtiyequina Cohãcjũre sa siniducuyequinare tiquiro tiquinare ohorota.

11 ¿Mũsa pohna mũsare wahire tiquina sinigũ añare ohoboagari

mũsa tiquinare? 12 ¿Mũsa pohna canaca dũere tiquina sinigũ cutipare ohoboagari mũsa tiquinare? Ne ohosi. 13 Mũsa ñana ijiepenata mũsa pohna quehnoañene ohoe tiri mũsa. Sa yero Cohãcjũ pehe mũsa ohori yũhdũoro quehnoañene ohore mũsare. Tiquiro mari Pacũ uhmũse cjũno Espĩritu Santore ohorota tiquirore siniñequinare, niahye Jesu tiquiro buheyequinare.

—Jesu watĩno tutuayere cũore, ni, yahusãhye masa
(Mt 12.22-30; Mr 3.20-27)

14 Ti pjere Jesu watĩnore cohãno niahye. Watĩno pehe yahuducu masiedagũ yeahye masũnore. Sa yero watĩno masũnore tiquiro duhuri bato masũno pehe yahuducu dũcahye. Tiquiro yahuducugã tũhoye masa peyequina tũho maria wahahye. 15 Tiquina sa tũho mariepegũta apequina pehe ohõ saha niahye:

—Ahriquiro Jesu watĩare tiquiro cohãgũ Beelzebũ wame tiriquiro watĩa pũhtoro pehe tiquirore yedohore, niahye apequina.

16 Apequina “¿Jesu Cohãcjũ tiquiro ohoriquiro ijiajari?” ni masi duaye tiquirore Cohãcjũ tutuaye mehna ye ihñõ dutimahye. 17 Tiquina sa dutigũ tũhoro “Watĩno tutuaye mehna watĩare cohãre”, ni, tiquina tũhotuyere masino, tiquinare ohõ saha ni yahuahye Jesu, “Watĩno ye tutuaye mehna watĩare cohãgũ niedaja”, nino taro:

—Ihcã yehpa cjẽna tiquina basi cahmequeñe, ti yehpa cjẽna yaria pihtia wahaboaga. Sa ye ihcã wũhũ cjẽna tiquina basi cahmequeñe, ti wũhũ cjẽna waha pihtia wahaboaga. 18 Sa ye, watĩno yequina watĩa tiquina basi cahmequeñe, tiquina watĩa gũhũ waha pihtia wahaboaga. Ihcã curua iji masiedaboaga. Mũsa yũhũre ohõ saha nine. “Tiquiro watĩno tutuaye mehna watĩare cohãre”, mũsa yũhũre nina niaga. 19 ¿Yũhũre mũsa nidi poto ijigũ mũsa mehna

cjēna watīare cohāñe watīno tutuaye mehnata cohājari tiquina gūh, masa ihñagū? Masa mehna cjēna watīare cohāñe, watīno tutuaye mehna cohāñe niedare. Ahrire masina watīno tiquiro tutuaye mehna watīare yūh cohāedagū masinata masa. ²⁰ Sa yegū yūh pehe watīare cohāgū Cohācjū tutuaye mehna cohāja. Ahrire masina, Cohācjū tiquiro pūhtoro iji dūcayere masinata masa.

²¹ Tutuariquiro tiquiro ye wamo mehna tiquiro ya wūhure tiquiro ihña ihbogū tiquiro yere apequina yaque masiedare. ²² Tiquiro sa ihña ihbopegūta apequiro tutua yūhdūriquiro tiquiro mehna cahmeque, tiquirore yūhdūduca, tiquiro ye wamoare ehma cā, tiquiro yere ehma cāhre. Ohō sahata ye yūhdūducaro cahmene watīare. ²³ Ihcāquiro yūhure cahmedaro, yūhure ihña tuhtiriquiro ijire. Ihcāquiro yūhure yedohoeraro yūhure ñano yero nine, ni buheahye Jesu.

Watīno pari turi masūnore tiquiro sajāri quitire yahuahye Jesu
(Mt 12.43-45)

²⁴ Sa yero tiquiro tūhotuye mehna ohō saha ni queoye mehna buheahye tiquinare:

—Watīno masūno mehna ijiriquiro waha, tiquiro aco marieni yehpapū tinino, tiquiro ijiatore macamahye. Bocaeraro, ohō saha ni tūhotuahye: “Masūno yūhū duhuriquiro mehna pari turi ijigū wahātja”, ni, tūhotuahye tiquiro. ²⁵ Sa nino tiquiro tojoa waha, masūnore bocahye. Sa tiquiro bocagū masūno pehe quehnoariquiro ijimahye. ²⁶ Sa yero watīno apequina siete watīare tiquiro yūhdūoro ñañequinare pijiro wahahye. Tiquiro sa pijigū tiquina ijipihtiyequina watīa masūno mehna ijiahye. Sa yero masūno pehe to pano ihcāquiro watīnore cūoro, ñariquiro ijimahye. Camerū pehere peyequina watīare cūoriquiro ijiro, to pano tiquiro ijiriro yūhdūoro ña yūhdūariquiro ijiahye, niahye Jesu.

Jesu bucueyere yahuahye

²⁷ Tire tiquiro sa nigū masa watoa ijiricoro numino Jesure yahuahye:

—Mūhure pohna tiricoro, mūhure apūoricoro bucuericoro ijire, niahye Jesure.

²⁸ Ticoro sa ni tuhasagū tūhoro Jesu ticorore yūhtiahye:

—Cohācjū yahuducuyere tūhoyequina tiquiro dutiyere yeyequina tiquinata ijiaga bucueyequina, niahye Jesu ticorore.

Masa ñañequina Jesure Cohācjū tutuaye mehna ye ihño dutiahye
(Mt 12.38-42; Mr 8.12)

²⁹ Sa ye peyequina masa Jesu cahapū tiquina wihigū, tiquiro tiquinare yahu nemoahye:

—Yojopū cjēna ñañequina ijire. Yūhure poto nigū yūhū ijiyere tiquina masi duaye, Cohācjū tutuaye mehna yūhū ye ihñogū ihña duamene. Tiquina sa ihña duepegūta Jona panopū cjūno Cohācjū tutuaye mehna tiquiro yeri dihitare ihñonota Cohācjū tiquinare. ³⁰ Jona Cohācjū yere yahu mūhtariquiro ijiro, tiquiro Nínive wame tiri maca cjēnare Cohācjū yere tiquiro masigū yeriro sahata yūhū masū Cohācjū ohorigū masigū yeaja yojopū cjēnare. ³¹ Buhiri dahreati deco ijigū pūhtoro sur cjōno panopū cjōno ducu, yojopū cjēnare “Ñana ijire masa”, ni, yahusānota ticoro. Ticoro Salomo panopū cjūno tiquiro masiñene tūho duaro yoaropū ahri yehpa ape siepū ijiricoro Salomore tūhoro ahtahye. Sa yero quehnoano yero niahye yojopū cjēna yūhdūoro. Sa yero ticoro yahusānota yojopū cjēnare. Sa nigū masare poto niita niaja. Yojopū masare yūhū buheye Salomo tiquiro buheri yūhdūoro ijire. ³² Buhiri dahreati deco ijigū Nínive wame tiri maca cjēna gūhū ducu, yojopū cjēnare “Ñana ijire masa”, ni yahusāeta tiquina. Jona tiquinare Cohācjū yere tiquiro yahugū tūhoye, tiquina ñañene bājūa witi, quehnoañene

cahmeahye tiquina pehe. Sa cahmeñe quehnoano yeye niahye yojopu cjēna yuhduoro. Sa ye tiquina gūhu yojopu cjēnare “Ñana ijire masa”, ni yahusāeta. Musare poto niita niaja. Yojopu musare yuhu buheye Jona tiquiro buheri yuhduoro ijire, ni yahuahye Jesu.

Masa tiquina tūhoturo sahata yere (Mt 5.15; 6.22-23)

³³ Sa yero queoye mehna buhero ohō saha ni yahu nemoahye tiquinare:

—Masa sihāriare sihāñe nuodare. Tiare sihāñe dihi sutu docapu duhu dapoerare. Tiare uhmusepu duhu peore wuhupu saja tayequina tiquina quehnoano ihña saja tatore yeye.

³⁴ Sihāria quehnoano buhriogū mari quehnoano ihña masino sahata quehnoañene tūhotuye mehna quehnoano ye masinata masa. Masa tūhoturo sahata yere masa. Quehnoañene tūhotuna quehnoano yere masa. Quehnoañene tūhotuerana ñañe pehere yere masa.

³⁵ Sa yena quehnoano yeya. Masa tūhotuyepu ñañene wacūedacāhña. Ñañene ne cahmedacāhña. ³⁶ Tuhasa masa tūhotuyepu quehnoañe ijigū, ñañe ne mariedagū quehnoañe dihitare tūhotunata, ni buheahye Jesu.

Fariseo masare, judio masare buheyequina gūhure Jesu tuhti yahuahye

(Mt 23.1-36; Mr 12.38-40; Lc 20.45-47)

³⁷ Jesu tiquiro buhe tuhasagū ihña, fariseo masano tiquirore tiquiro ya wuhupu ihya dutiro pijiahye. Sa yero Jesu tiquiro ya wuhupu saja sa, tiquina ihyaropu tiquina mehna nuju sahye. ³⁸ Tiquiro sa nuju sagū fariseo masano pehe Jesure ihña nununo judio masa tiquina omo coseducuro sahata tiquiro omo coseragū ihñano ohō saha ni tūhotuahye: “Yohou. ¿Ahriquiri dūhsero omo coserajari usā yero saha?” ni tūhotuahye. ³⁹ Tiquiro sa ni tūhotugū masino Jesu tiquirore yahuahye:

—Masa fariseo masa sihniñe parire, wapari gūhure bui pehe dihitare masa cosero sahata quehnoañene ye ihñore masa buigā warona. Sa yepenata Cohācjū yere queoro yerare. Apequina yere ehma mujare masa. Sa yena ñañe dihitare tūhoture masa. ⁴⁰ Tūho masiedare masa. Cohācjū masa pagurire yeriquiro masa tūho masiñe gūhure yeahye. ¿Tire masiedajari masa? ⁴¹ Sa yena masa yere pejecoyequinare ohoya masa. Masa sa yena quehnoañene tūhotuna ijinata.

⁴² 'Masa fariseo masa ñano yuhduñata. Moa yero saha ijiyere ihyayere ocagū yeyere cūona mehenogā ohomene masa. Cohācjūre ño peona tana pahiare ohomene masa. Sa ohoepenata quehnoañene yerare masa. Sa yena masare paja ihñedare masa. Sa yena Cohācjūre ño peoerare masa. Oteye dūcagāre masa nedire mehenogā Cohācjūre masa ohogū quehnoarñe. Sa ohona ohō saha ye nemoña: Quehnoañene yeya. Sa yena paja ihñaña masare. Sa yena Cohācjūre ño peoya masa.

⁴³ 'Masa fariseo masa ñano yuhduñata. Buheri wuhupu ijina, quehnoañe dujiye dihitare duji duare masa. Doeri cjē duaropu apequina pūhtoare quehnoano ño peo tiquina sinino saha musare piti cagū cahmene masa.

⁴⁴ 'Ñano yuhduñata masa. Masa cope nūori cope yero saha ijire masa. Ti cope cahagā masa ijiye, puhiapu cjūno ahbariquirore ihñedare tiquina. (Sata masa masa cahagā ijiye, masa tūhotuyepure ñañe ijiyere masiedare tiquina,) niahye Jesu tiquinare.

⁴⁵ Tiquiro sa nigū tūhoro judio masare buheyequina mehna cjūno Jesure yahuahye:

—Buhegu, tire nigū usā gūhure ñano nii niaga mūhu, niahye tiquiro Jesure.

⁴⁶ Tiquiro sa nigū Jesu yūhtiahye:

—Ijirota ijire. Judio masare buhena masa gūhu ñano yuhduñata.

Musa apequnare tiquina ye masiedarire ye dutire musa tiquinare. Sa ye dutiepenata musa pehe tiquinare ne mehenogã yedohoerare ti dutiyere tiquina yeati pehere.

⁴⁷ 'Sa yena musa ñano yahdunata. Cohãcjũ yere yahu mahtariquina panopũ cjẽna tiquina masa coperire quehnoano quehnomene musa tiquinare ño peoro saha yena. Musa sa yepegũta panopũ cjẽna musa acaye pehe tiquinare wejẽahye. ⁴⁸ Musa acaye panopũ cjẽna pehe Cohãcjũ yere yahu mahtariquinare tiquina wejẽdiro sahata musa gũhu yeboaga. Sa yena yojopũre ti masa coperire quehnomene musa. Sa quehnona musa acaye tiquinare tiquina wejẽdire wacũre musa. Sa tiquina wejõrire wacũna "Quehnoa cãhre", ni wacũre musa.

⁴⁹ 'Cohãcjũ tiquiro masiñe mehna ohõ saha ni yahuahye: "Yeere yahu mahtariquina gũhure yũhu buhe duti cũriquina gũhure ohoutja tiquinare. Sa yeye tiquina yũhu ohoriquinare apequnare wejẽ, apequnare ñano yeeta", niahye Cohãcjũ. ⁵⁰⁻⁵¹ Ahri yehpare Cohãcjũ tiquiro bajumehnedi bato Caĩ pehe Abere wejẽahye. Sa ye Cohãcjũ yere yahu mahtariquinare Abe bato ijieyquina gũhure ñañequina wejẽahye. Came Zacariare Cohãcjũ wũhũpũ Cohãcjũre ño peori altar cahapũ musa acaye wejẽahye. Ijipihtiyequina tiquinare tiquina wejẽdi buhiri yojopũ cjẽnare Cohãcjũ buhiri dahrerota. Sata ijire. Musare nigũta niaja. Ijipihtiyequina tiquinare tiquina wejẽdi buhirire yojopũ cjẽnare Cohãcjũ buhiri dahrerota.

⁵² 'Musa judio masare buhena, musa ñano yahdunata. Cohãcjũ masiñene tiquina ojoari pũrine cãoepenata apequnare yahuerare musa. Musa basi Cohãcjũ yere tũhoerare. Sa yena apequnare tiquiro yere tiquina tũho duepegũta tire musa tiquinare tũho dutierare, niahye Jesu tiquinare.

⁵³⁻⁵⁴ Tiquiro sa nigũ tũhoye judio masare buheyequina, fariseo masa

gũhu tiquiro mehna usua, tiquirore ñano yahuducuahye. Sa ye Jesu tiquiro ñano yãhtigũ tũho duaye, tiquina peye ni meho cũ sinitumahye tiquirore, tiquirore yahusã duaye.

12

Tiquina ni mehoducurire Jesu yahuahye

(Mt 16.6; 10.26-27; Mr 8.15)

¹ Sa ye Jesu cahapũ masa peyequina cahmecoa, wahpa yahdũahye. Topũ Jesu tiquiro buheyequinare ohõ saha ni yahu dũcahye:

—Quehnoano wacũ masiña musa. Fariseo masa tiquina ye pãre pugũ yeyere ihñana quehnoano wacũ masiña. Tiquina ni mehoducurire nigũ niaja "Pãre pugũ yeye", nigũ. ² Ijipihtiye apequnare tiquina masiedarire came masieta. ³ Sa yero ñamipũre tiquina nũo yahuducurire buhrioropũ bajugũ yero sahata Cohãcjũ yahurota. Bihari tucũpũ apequrore cahmono caha tiquina nidire masa peyequina watoa yahurota Cohãcjũ, ni yahuahye Jesu.

Masa tiquina cueatiquirore yahuahye Jesu

(Mt 10.28-31)

⁴ Sa yero Jesu yahu nemoahye tiquinare:

—Poto niita niaja musare. Masare wejẽñequina wejẽ tuhasa pari turi tiquina wejõriquina mũnare ñano ye nemo masiedare. Sa yena musare wejẽ duayequinare cueracãhña. ⁵ Yojopũre musa cueatiquirore musa ño peotiquirore yahutja. Cohãcjũ pehere cue, ño peoya. Tiquiro musa yariari bato pecapũ cohã masine musare. Sata ijire. Poto nigũ niaja. Cohãcjũ pehere cue, ño peoya.

⁶ 'Ihcã omopequnare siripia wapa mariedare. Sa wapa mariedapegũta ihcãquirogãre Cohãcjũ ne boerare. ⁷ Sa yero musa poarire ne ihcã poa da dũsaro marieno masi pehore Cohãcjũ. Sata musa ijieye tiye gũhure masi pehore Cohãcjũ. Sa masino musare ihña ihboducure. Siripia

yuhduoro Cohãcjũ cahĩne m̄sa pehere. Sa yena tiquirore ño peona, cueracãhña m̄sa, niahye Jesu.

Jesu yequina m̄sa ijiyere yahuya masare
(Mt 10.32-33; 12.32; 10.19-20)

⁸ Sa ye Jesu yahu nemoahye:

—M̄sare niita niaja. Ihcãquiro “Jesu yaquiro ijiaja”, masare tiquiro nigũ ihñagũ, yuhũ masũ Cohãcjũ ohorigũ “Tiquiro yaquiro ijire”, ni yahutja Cohãcjũ yequina angelere. ⁹ Ihcãquiro “Jesu yaquiro ijieraja”, masare tiquiro nigũ, yuhũ gũhũ “Tiquiro yaquiro ijierare”, ni, yahutja Cohãcjũ yequina angelere.

¹⁰ Ihcãquiro yuhũre ñano tiquiro ni yahuducugũ ti ñañene Cohãcjũ bo masine. Sa boeperota ihcãquiro Espiritu Santo pehere tiquiro ñano ni yahuducugũ ti ñañene ne Cohãcjũ bosì.

¹¹ Mari judio masa buheri wuhũpũ pũhtoa cahapũ apeqũna m̄sare ne sajã “Ñañequina ijire”, ni yahusãeta. Tiquina sa yahusãgũ m̄sa yahuducuatire “Acuehi, masiedaboaga”, ni tũhotueracãhña. ¹² Tiquina m̄sare yahusãgũta Espiritu Santo m̄sa yahuducuatire yahurota, niahye Jesu.

Doeri cjẽ upũro quitire yahuahye Jesu

¹³ Sa ye masa mehna cjũno Jesure ohõ saha ni yahuahye:

—Buhegũ, usã pacũ tiquiro yariari bato tiquiro ye usãre tojoare. Sa yegũ yuhũ wahmine tire yuhũ gũhũre queoro tu wa dutiya, niahye tiquiro Jesure.

¹⁴ Tiquiro sa nigũ Jesu yũhtiahye:

—Ne ti borore tu wabogũ ijieraja yuhũ, niahye Jesu tiquirore.

¹⁵ Sa ni tuhasa Jesu ijipihtiyequinare yahuahye:

—Quehnoano yeya m̄sa. Doeri cjẽne, apee boro gũhũre cahĩedacãhña. Peye c̄uopenata ti mehnata bucuedueraja mari, niahye Jesu.

¹⁶ Sa ni tuhasa Jesu quitì mehna yahuahye tiquinare:

—Doeri cjẽ upũro quehnoari yehpare c̄uohaye. Sa ye ti yehpapũ tiquiro otegũ quehnoano d̄uca tiahye. ¹⁷ Sa yero tiquiro basi ohõ saha ni tũhotumahye: “D̄uca ihboye wuhũse ne esa tuhaerare. ¹⁸ Yojopũre ohõ saha yeitja: Yojopũ yuhũ ihboye wuhũsere cohã cã, m̄na wuhũse yuhduoro wahma wuhũse yeitja. Ti wuhũsepũ yuhũ oteye d̄ucare, ijipihtiyere yeere ihboutja. ¹⁹ Yuhũ sa yeri bato, ohõ saha ni, tũhotutja yuhũ basi: ‘Yuhũ peye apee boro c̄uogũ ijiaja. Quehnoano soutja. Sa yegũ ihya, sihni, bucueitja’, ni tũhotutja yuhũ basi”, ni tũhotumahye tiquiro. ²⁰ Tiquiro sa ni tũhotugũ Cohãcjũ tiquirore yahuahye: “Muhũ ne tũho masiegũ ijire. Mia ñamita m̄hũ yariagũta. Muhũ sa wahagũ m̄hũ ye, m̄hũ cahĩdi butia waharota”, niahye Cohãcjũ tiquirore, niahye Jesu masare.

²¹ Tire nino, masare ohõ saha ni yahuahye Jesu:

—Sata wahaeta doeri cjẽ opana Cohãcjũre wacũeñequina. Sa yero peye doeri cjẽne, niñerure tiquiro ye ijiahi dihitare ihboriquiro Cohãcjũre wacũedarõ, tiquiro pejec̄uoriquiro yero saha ijirota, Cohãcjũ tiquiro ihñagũ. Sa yero Cohãcjũ tiquirore ihña bucuerare, niahye Jesu.

Cohãcjũ tiquiro pohnene ihña ihbore

(Mt 6.25-34)

²² Sa ye Jesu tiquiro buheyequinare ohõ saha ni yahuahye:

—Ahrire m̄sare nigũ niaja: M̄sa ihyatire, m̄sa suhti sañatire, pajiro bujũa witi tũhotueracãhña. ²³ Cohãcjũ m̄sare bajumehnenõ, ihyatiquina dihitare yerari m̄sare. Sa yero suhti sañatiquina dihitare yerari m̄sare tiquiro. ²⁴ Minicjũa parire Cohãcjũ tiquiro ihña ihboyere masiña. Tiquina weseri marieñequina ijire. Sa ye ihyayere tiquina ihboye wuhũse tiquinare mariedare. Tiquina sa ijigũ ihñano tiquinare Cohãcjũ tiquina ihyatire ohore. Minicjũa yuhduoro m̄sa pehere cahĩne Cohãcjũ. ²⁵ Pajiro

musa t̄hotuye mehna ti musare ihcā hora cati nemogū yerare. Sa yero musa pajiro t̄hotuye d̄hseati ijierare. ²⁶ Sa ye pajiro musa t̄hotuye mehna ne mehenogā ye masiedare musa. ¿Sa yena pajiro musa t̄hotuye ti d̄hseati ijierapegūta d̄hse yena musa ihyatire, musa sihniatire, musa sañatire pajiro buj̄na witi t̄hotuajari?

²⁷ 'N̄c̄u cjē cohorire t̄hotuya. Ti cohuri ti basi suhtire yerare. Sa yerapeta quehnoañe suhti sañañequina yero saha quehnoano bajure ti cohuri. Salomo manano quehnoañe suhtire sañariquiro tiquiro ijiepegūta ti cohuri pehe tiquiro ȳhd̄oro quehnoa ȳhd̄aye cohuri waro ijire. ²⁸ Cohorire quehnoañe cohuri yere Cohācjū pehe. Tiquiro sa yeppegūta cohuri pehe meheñe decorigā iiducume ñai bora dijiaa wahare. Mehenogā iji, ape deco pecar̄u uj̄a wahare. Ti sa ijiepegūta cohorire quehnoañe cohuri ijigū yere Cohācjū. Sa yero Cohācjū cohorire tiquiro quehnoañe cohuri tiquiro yeriro ȳhd̄oro musa gūhare quehnoano yerota. Suhtire ohorota. Mehenogā Cohācjūre wacū tutuare musa. ²⁹ Sa yena musa ihyatire, musa sihniatire pajiro buj̄na witi t̄hotueracāhña. ³⁰ Cohācjūre cahmeñequina pehe ahri yehpa cjēna pehe tire sa macaducuye nine. Mari Pac̄u uhm̄use cj̄no ijipihtiye musa cahmeñene masine. Tiquiro sa masigū pajiro buj̄na witi t̄hotueracāhña. ³¹ "Cohācjū ȳhu p̄h̄toro ijire", ni t̄hotu, tiquirore cahmeña musa. Musa sa yeri bato Cohācjū pehe musa cahmeñe d̄hsagū ohorota, ni yahu nemoahye Jesu.

*Uhm̄usep̄u mari peye c̄u masiaja
(Mt 6.19-21)*

³² Sa yero tiquinare yahu nemoahye:

—Ȳhu cahña, meheñequinagā ijiepenata, cueracāhña musa. Cohācjū tiquiro p̄h̄toro ijirop̄re tiquiro mehna musa ijigū cahmene tiquiro. ³³ Sa yena musa yere dua p̄hoya. Tire dua, ti niñerure ne,

pejec̄oyequinare ohoya. Sata musa yegū uhm̄use cjē musa wapataye ne pihtisi. Uhm̄usep̄u musa ye ijiro ne pihtierare. Top̄re musa yere nea masiedare yaqueriquiro. Sa ye mecasia gūhu tire t̄a masiedare. ³⁴ Uhm̄usep̄u musa ye ijigū uhm̄use cjē dihitare t̄hotunata musa, niahye Jesu.

*Jesu tiquiro tojoa tatire cohte duti-
ahye tiquiro yequinare*

³⁵⁻³⁶ Sa ni tuhasa tiquinare yahu nemoahye:

—Musa yere quehnoyu tuhasariquina yero saha yeere sa yeducuna ijina ȳhare cohteya. Dahra cohteyequina tiquina p̄h̄toro omoca d̄h̄teri bose decop̄u tiquiro wahagū tiquiro tojoa tatire tiquina cohtere. Tiquina sa cohteriro saha ȳhu tojoa tatire cohteya musa gūhu. P̄h̄toro tiquiro w̄h̄p̄u wihi, sopecahare tiquiro dotegū t̄hoye tiquina duita p̄o s̄ore tiquirore. ³⁷ Dahra cohteyequina tiquina p̄h̄toro wihigū tiquiro cahmeno sahata yeducuyequina ijiye, bucuyequina ijieta. Tiquina sa yegū ihñano p̄h̄toro pehe dahra cohteriquiro yero saha comesarota. Sa yero dahra cohteyequinare duji dutiro, tiquiro tiquina ihyayere peorota. ³⁸ Tiquiro wihiri p̄e ñami decop̄u, o bohreaḡp̄u ijiepegūta dahra cohteyequina pehe tiquiro wihiri p̄jere tiquirore quehnoano cohteyequina ijiye, bucuyequina ijieta tiquina. ³⁹ Ahrire wacūña. Yaqueriquiro w̄h̄p̄u tiquiro wihiatore pano ti w̄hu cj̄no masiedare. W̄hu cj̄no yaqueriquiro tiquiro wihiatore masino, yaqueriquirore sajā ta dutieraboaga. Sa yero wacūeno mehna ahtare yaqueriquiro. ⁴⁰ Sa yena musa gūhu cohteya. Ȳhu mas̄u Cohācjū ohoriḡu wacūeno mehna ahtātja. Sa yena yeere sa yeducuna ijina cohteya musa, niahye Jesu tiquinare.

*Apequiro dahra cohteriquiro
tiquiro p̄h̄torore tiquiro ño peogū,
apequiro pehe ño peerahye
(Mt 24.45-51)*

⁴¹ Tiquiro sa nigã Pedro pehe sini-tuahye Jesure:

—¿Ahri quitire yahugũ usãre nigũ niajari? ¿O ijipihtiyequinare sa nigũ niajari? niahye Pedro.

⁴² Tiquiro sa nigã Jesu tiquiro tãhotuye mehna ohõ saha ni queoye mehna buheahye tiquinare:

—Dahra cohteriquiro tiquiro pãhtoro ño peoriquiro tãho masiniquiro ohõ sahata ijire. Pãhtoro tinino waharo, dahra cohteriquirore tiquiro ya wãhure cũre. Tiquiro cũnohriquiri pehe dutiriquiro ijirota. Sa yero tiquiro ihyari pje ijigã apequina dahra cohteyequinare ihyayere itire. ⁴³ Came pãhtoro tiquiro wihigã dahra cohteriquiro pehe tiquiro pãhtoro tiquiro dutiriro sahata ye pehoriquiro ijiro, tiquiro bucueriquiro ijirota. ⁴⁴ Poto nigãta niaja m̃sare. Tiquiro sa yegũ tiquiro pãhtoro ijipihtiyequinare yere ihña ihboriquiro cũnota tiquirore. ⁴⁵ Apequiro dahra cohteriquiro pehe “Yũhũ pãhtoro yoari pje bajuerare”, niboaga. Sa nino apequina dahra cohteyequinare um̃are, numia gãhare quẽ m̃aja, pajiro ihya, sihni, queheboaga. ⁴⁶ Tiquiro sa yeri bato wacũeno mehna tiquiro pãhtoro wihirota. Sa wihiro tiquirore ñano buhiri dahrerota. Sa yero Cohãcjũre yãhdãdũcayequinare tiquiro cohãnopũ tiquirore cohãnota.

⁴⁷ ‘Sa yero dahra cohteriquiro tiquiro pãhtoro cahmeñene masiniquiro ijieperota tire tiquiro yeragã, tiquiro quehnoano dahraeragã tiquiro pãhtoro pehe tiquirore yuta da mehna tananota. ⁴⁸ Apequiro pehe dahra cohteriquiro tiquiro pãhtoro cahmeñene masieniquiro ijiro quehnoano yeragã ihñano tiquiro pãhtoro pehe derogã tiquirore tananota. Cohãcjũ pajiro masare ohoro pajiro tiquinare apequinare oho dutirota. Sa yero tiquiro cahmeñene masigã yere masare. Quehnoano tiquiro masigã yenhriquinare quehnoano yãhti dutire tiquiro, niahye Jesu.

Jesu masare cahme tu wagã yere
(Mt 10.34-36)

⁴⁹ Sa ni tuhasa Jesu tiquinare yahuahye tja:

—Peca ãjã weriro sahata yũhũ ahri yehpapũre masa tiquina ñãñe yeyere cose wegũ ahtagũ nii. Yojoꝛũ pũrita peca ãjã wero saha ñãñe marieñequina masa tiquina ijigã tutuaro cahmeaja yũhũ. ⁵⁰ Yũhũ ñano yãhdãtja. Yũhũ sa ñano yãhdãtũre cohtegũ, ñano jeripohna tiaja yũhũ. ⁵¹ ¿Dũhse ni tãhotuajari m̃sa yãhure? ¿“Tiquiro masare tiquiro buheri bato apequina tiquina basi ihña tuhtisi”, ni tãhotuajari m̃sa yãhure? Sa ijierare. Masare yũhũ buheri bato ihquẽquina yeere tãhoeta. Apequina pehe tiquinare ihña tuhtietã. Ihcãno saha ijisi masa. M̃sare nigãta niaja. Masa yũhũ buheyere tãhoye, pã curua cahme tu waeta. ⁵² Yojoꝛũre ihcã wãhũ cjẽna ihcã omopequina masa yũhũ buheyere tãhoye, pã curua tiquina basi cahme tu waeta. Ihcã curua ihtiaro, ape curua pãro ijietã. ⁵³ Tiquiro pacũro tiquiro macũnore ihña tuhtirota yaquiro tiquiro ijiri buhiri. Tiquiro macũno gãhũ tiquiro pacũrore ihña tuhtirota yaquiro tiquiro ijiri buhiri. Sa yero ticoro pacoro maconore ihña tuhtirota yacoro ticoro ijiri buhiri. Sa yero apecoro macono gãhũ ticoro pacorore ihña tuhtirota yacoro ticoro ijiri buhiri. Sa yero ticoro mareono ticoro macũ namonore ihña tuhtirota yacoro ticoro ijiri buhiri. Sa yero apecoro macũ namono gãhũ ticoro mareonore ihña tuhtirota yacoro ticoro ijiri buhiri. Sa waharota, yũhũ buheyere tiquina tãhogã, niahye Jesu.

Quehnoari deco ijiatire, ñari deco ijiatire masa tiquina masiñene yahuahye Jesu

(Mt 16.1-4; Mr 8.11-13)

⁵⁴ Sa ye Jesu masare ohõ saha ni yahuahye tja:

—Ahrie pehepũ acoro cururire ihñana, duita “Acoro ahtarota”, nine m̃sa. M̃sa sa nidi bato acoro ahtare.

⁵⁵ Sa yena surpu wihnono ahtagũ “Asiri deco ijirota”, nine musa ahri yehparu ijina. Musa sa nidi bato cahmari deco ijire. ⁵⁶ Musa masa ihñonopu quehnoano iji mehoducuna ijire. Musa ahri yehpare uhmuse gũhare ihñana, quehnoari deco ijiatire, ñari deco ijiami gũhare masine musa. ¿Sa yena yojopu cje decorire masiepenata dũhsena ahri yehpa cjana yojopure musa dũhse wahatire masiedajari musa? niahye Jesu.

Musare ihña tuhtiriquiro mehna musa cahmequedire cahmeque duhuya

(Mt 5.25-26)

⁵⁷ Sa ni tuhasa ohõ saha ni yahu nemoahye:

—¿Musa poto yeatire yojopu masiedajari musa? ⁵⁸ Apequiro mũhare yahusãno waharo buhiri dahre dutiri wũhũpũ waha dutiboaga. Topũ wahana “Pari turi mũhare sa yesi”, nigũ cahmeque duhuya. Mũhũ sa duhueragũ tiquiro buhiri dahre dutiriquiro caharu neaboaga mũhare. Sa yero buhiri dahre dutiriquiro pehe mũhare surarare tiquiro ohogũ, mũhare surara peresu yeeta. ⁵⁹ Mũhare nigũ niaja. Topũ ijiniita mũhũ. Tee tiquina wapa ye dutirire mũhũ wapa ye pehogũpũ wijiagũta mũhũ, niahye Jesu.

13

Musa ñahe yerire bujua witi, quehnoañe pehere comesaya

¹ Ti pjere meheñequinagã masa Jesure ohõ saha ni yahue tiahye:

—Galilea cjeña wahiquirore wejẽ ujũa mũo Cohãcjũre tiquina ño pëori watoa Pilato pehe tiquinare wejẽahye. Tiquiro sa wejẽgũ wahiquiro dii mehna masa dii moreahye, ni, yahuahye tiquina Jesure.

² Tiquina yahu tuhasagũ Jesu yahutiahye:

—¿Galilea cjeña Pilato tiquiro wejẽgũ wejõriquina mũnare dũhse ni tũhotuajari musa? ¿Tiquina sa yariagũ apequina Galilea cjeña yũhdũoro

ñañequina tiquina ijiri buhiri sa yeyari Cohãcjũ tiquinare, musa tũhotugũ? ³ Ijierare. Musare niita niaja. Musa pehe musa ñañene bujua witierana, quehnoañe pehere comesaerana, musa gũhũ yariana pecaru wahanata. ⁴ Sa ye sohõ ijiriquina diez y ocho masa Siloé wame tiri wũhũ uhmũari wũhũ tiquina bui wihnoa dijiaro, tiquinare wejẽ pehoahye. ¿Sa waha yariaye, apequina Jerusalẽ cjeña yũhdũoro ñañequina ijiyari tiquina, musa tũhotugũ? ⁵ Ijierare. Musare niita niaja. Musa ñañene bujua witierana quehnoañe pehere comesaerana, musa gũhũ yarianata. Sa yena pecaru wahanata, niahye Jesu tiquinare.

Higueragũ dũca mariedũ quitire yahuahye Jesu

⁶ Sa ni tuhasa apeye queoye mehna piti dahre yahuahye tiquinare:

—Wese upũro tiquiro wesepũ higueragũre cũoahye. Sa yero tiquiro tũ dũcare macano wahamahye. Bocaerahye. ⁷ Bocaeraro tiquiro wese dahrariquirore yahuahye. “Tũhoya yũhũre. Ihtia cũhma waro higueragũ dũcare macamaja. Dũca mariedare. Tũ dũca mariedagũ tũre quẽ cohã cãhña. Tũ ya wesepũ ijigũ apedũre otero basioerare. Apedũ tũ ihyaborire ihyaboaga tũ dũca mariedũ pehe”, niahye wese upũro tiquirore dahra cohteriquirore. ⁸ Tiquiro sa nigũ tũhoro dahra cohteriquiro ohõ saha niahye: “Pũhto, ahũ ihcã cũhma waro ducurĩahdo. Tũ nũhcoripũ yũhũ sehegũtja. Tuhasa, wahiquiro cũhta mehna ti copere yautja. ⁹ Yũhũ sa yeri bato tũ ape cũhma dũca tiro dũca tiboaga. Tũ dũca mariedagũ mũhũ quẽ cohã dutigũta”, niahye dahra cohteriquiro wese upũrore, ni, yahuahye Jesu.

Saurũ deco ijigũ Jesu dohatiricorore yũhdũoahye

¹⁰ Ti pjere saurũ deco ijigũ Jesu judio masa buheri wũhũpũ buhero niahye. ¹¹ Topũ watĩno cũoricoro ijiahye. Watĩno pehe diez y ocho

cuhmari waro dohatigũ yeahye tiorore. Sa yero pari tjũ ducuricoro ijiro, poto ducu masiedahye. ¹² Tioro sa ijigã ihñano Jesu tiorore ihña, pisuahye:

—Numio, mahu dohatiye pihtia wahare, ni, pisuahye Jesu.

¹³ Tiquiro pisuri bato tiorore tiquiro ña peogũ duita tioro quehnoano poto duca sahye. Sa waharo “Cohãcjũ tutuagu, quehnoagu ijire mahu”, ni ño peohye tioro.

¹⁴ Jesu tiorore saurũ deco ijigã tiquiro yuhduogũ ihñano judio masa buheri wahu cohteriquiro pehe tiquiro mehna usuahye. Sa usuaro tiquiro masare ohõ saha niahye:

—Seis decori ijire mari dahraye decori. Sa yena masa dohatiyequinare yuhduo duana, ti decorire tire yeya. Saurũ mari sori decore tire yeracãhña, niahye ti wuhare cohteriquiro.

¹⁵ Tiquiro sa nigã Jesu ohõ saha ni yuhtiahye:

—Masa ihñono dihita quehnoana iji mehona ijire masa. Masa wecare, burro gũhare cuona saurũ decore tiquina duhteri dare pã, tiquinare ne buha, sihni dutiboaga. ¹⁶ Yojopu ahricorore Abrahã manano acayorore watĩno diez y ocho cuhmari waro tiorore dohatigũ yere. ¿Saurũ deco ijigã tiorore yuhduo dutierajari masa? niahye Jesu.

¹⁷ Tiquiro sa nigã tuhoye, tiquina buoro wahahye. Sa ye apequina pehe ijipihtiequina Jesu yerire ihña, bucueahye.

Mostaza pje queoyere yahuahye Jesu

(Mt 13.31-32; Mr 4.30-32)

¹⁸ Sa ye Jesu queoye mehna buheahye masare:

—¿Ne Cohãcjũ masa puhtoro tiquiro ijiye yabe boro yero saha ijiajari? Ahri quti mehna tire tiquiro puhtoro ijyere yahutja yahu.

¹⁹ Mostaza pjegã yero saha ijire. Ti pjegãre oteriquiro tiquiro ya wesere otere. Tiquiro oteri bato ti pjegã

pihnine. Sa ye tu bucuagũ minicjua pari ti duparipu suhti suhare, niahye Jesu. (Sa nino ohõ saha nino niahye. Mostaza pjegã pajidu tu bucuariro saha uhmuse cjũnore mari puhtoro masiñequina meheñequinagã tiquina iji mautaepegũta cameru tiquina peyequina wahaeta.)

Pã pugũ yeye queoyere yahuahye Jesu

(Mt 13.33)

²⁰ Sa yero pari turi Jesu queoye mehna buheahye:

—¿Ne Cohãcjũ masa puhtoro tiquiro ijiye yabe boro yero saha ijiajari? ²¹ Pãre pugũ yeye yero saha ijire. Tire numino ihcã ajuro trigore aco mehna quehnoano tire dahra morene pã bucuatire. Tioro sa yegũ pãre pugũ yeye pehe trigore quehnoano sehsaa wahare, niahye Jesu. (Sa nino ohõ saha nino niahye. Pãre pugũ yeye trigore ti sehsaa wahariro saha uhmuse cjũnore mari puhtoro peyequina masa ijipihtiro cjẽna masieta.)

Meheni sopecahagã quitire yahuahye Jesu

(Mt 7.13-14, 21-23)

²² Sa ye Jesu bujaye macaripu, daye macarigãpu gũhare buhe cã, Jerusalẽpu esaro taro niahye. ²³ Tiquiro sa wahari watoa masũno Jesure ohõ saha ni sinituahye:

—¿Puhto, meheñequinagã masare pecaru wahaboriquinare yuhduorotari Cohãcjũ? niahye tiquiro Jesure.

Tiquiro sa nigã Jesu queoye mehna buhero ohõ saha ni yahuahye:

²⁴ —Peyequina masa Cohãcjũ caharu waha duaye, sajã duamene. Mehni sopecahagãre masa sajã duagũ mijorĩne. Sata Cohãcjũ caharu masa waha duagũ mijorĩne. Masa sa sajã duepeta sajã masiedare. Sa yena masa pehe mehni sopecahagãre masa tutuaro sajã duaboro sahata Cohãcjũ pehere tutuaro masiña.

²⁵ Ohõ saha yerota Cohãcjũ peyequina masare. Tiquiro wahu upuro yero saha ijire. Wahu upuro wahcã,

sopecahagāre biharota. Tiquiro sa yegū sopecahagāpɛ ducuna, dote-nata. Dotena ohō saha ninata. “Pɛhto, sope pahmare pōohña”, mɛsa nigū wɛhɛ upɛro pehe yɛhtirota. “Mɛsare, mɛsa ahtariro gūhɛre ne masiedaja yɛhɛ”, ni yɛhtirota. ²⁶ Tiquiro sa nigū mɛsa yɛhtinata. “Mɛhɛ mehna ɛsā ihya, sihnii. Ʋsā ya macapɛ buheri mɛhɛ”, ninata mɛsa. ²⁷ Mɛsa sa nigū tiquiro pehe yɛhtirota. “Mɛsare, mɛsa ahtariro gūhɛre ne masiedaja. Ijipihtina mɛsa ñañe yerina yɛhɛ cahapɛ ahtaeracāhña”, ninota wɛhɛ upɛro. ²⁸ Sa ye Abrahāre, Isaare, Jacore, ijipihtiequina Cohācjū yere yahu mɛhtariquinare Cohācjū tiquiro pɛhtoro ijirore tiquina ijigū ihñana, mɛsa pehe sopecahapɛ cohōrina ijina tutuaro utinata. Sa yena mɛsa tutuaro bujɛa witina, bahque dihonata. ²⁹ Ti pjere ijipihtiro cjēna Cohācjū tiquiro pɛhtoro ijiropɛre esa, tiquiro mehna ihya dujieta. ³⁰ Yojopɛre ihyo ijiyequina ijiriquina ti pjere pɛhtoa ijieta. Sa yeye yojopɛre pɛhtoa ijiriquina ti pjepɛre ihyo ijiyequina ijieta, niahye Jesu.

Jerusalē cjēnare tutuaro cahñahye Jesu

(Mt 23.37-39)

³¹ Ti pjere meheñequinagā fariseo masa Jesu cahapɛ esa, tiquirore yahuahye:

—Herode mɛhɛre wejē duare. Sa yegɛ ape siepɛ wahaya mɛhɛ, niahye tiquirore.

³² Tiquina sa nigū Jesu pehe yɛhtiahye:

—Herode ni mehoñe peyariquiro ijire tiquiro. Ohō saha ni yahuya tiquirore: “Jesu watīare cohāno nine. Sa yero dohatiequinare yɛhdɛoro nine. Tire miare, ñamia gūhɛre yerota. Sa yero ñamia bohrearo dahra bato tirota”, ni yahuya Herodere. ³³ Sa yegɛ miare waha, ñamia gūhɛre waha, ñamia bohrearo gūhɛre waha, Jerusalēpɛ esautja. Cohācjū yere yahu mɛhtagɛre yɛhɛre

wejēeta masa. Cohācjū yere yahu mɛhtariquinare tiquina wejēgū Jerusalēpɛ ijiro cahmene tiquinare. Sa yegɛ yɛhɛ gūhɛre Jerusalēpɛ ijiro cahmene.

³⁴ ‘Ahyou, Jerusalē cjāna, mɛsa Cohācjū yere yahu mɛhtariquinare wejē, mɛsa cahapɛ tiquiro ohoriquinare ɛtā paca mehna doque wejēdi mɛsa. Canaca ticoro pohne ne wɛye dɛpɛri mehna ticoro moha cuñano saha peye tahari mɛsare cahīducumi. Mɛsare cahmemi. Mɛsa pehe yɛhɛre ne cahmedari. ³⁵ Yojopɛ mɛsa ya maca cohōri maca ijirota. Ijirota niita niaja mɛsare. Cohācjū mari pɛhtoro tiquiro tutuaye mehna ahtaɛtja yɛhɛ. Yɛhɛ ahtagū mɛsa yɛhɛre “Cohācjū tutuaye mehna ahtariquiro quehnoahdo”, ninata. Yɛhɛre mɛsa tire niato pano pari turi yɛhɛre ihñasi mɛsa, niahye Jesu.

14

Dohatiriquirore yɛhdɛoahye Jesu

¹ Ape deco saurú ijigū fariseo masa pɛhtoa mehna cjūno ya wɛhɛpɛ Jesu ihyaro wahahye. Ti wɛhɛpɛ ijiyequina tiquirore ihña nɛnɛahye. ² Sa yero omoca, ñecɛ gūhɛ ipinohriquiro tiquiro cahapɛ esahye. ³ Sa yero Jesu judio masare buheyequinare, fariseo masa gūhɛre sinituahye:

—¿Saurú ijigū dohatiriquirore yɛhdɛo dutiajari Cohācjū yere tiquina ojoari pūpɛ? niahye Jesu.

⁴ Tiquiro sa ni sinituepegūta tiquina yɛhtierahye. Tiquina yɛhtieragū ihñano Jesu dohatiriquirore yɛhdɛo, “Wahaya”, niahye tiquirore.

⁵ Sa ye tuhasaro, tiquinare sinituahye tja:

—¿Ihcāquiro mɛsa mehna cjūno tiquiro macɛno saurú deco mari sori deco ijigū aco ijiri copepɛ tiquiro bora sajāgū ne wioeraboagari, mɛsa tuhutugū? ¿Tiquiro yaquiro wecɛ gūhɛre ne wioeraboagari, mɛsa sa nina? Ne wioboaga tiquiro, niahye Jesu.

6 Tiquiro sa niepegãta tiquina tiquiro siniturire yuhti masiedahye tja.

Omoca dũhteri bose deco ijigũ pijoriquinare yahuahye Jesu

7 Fariseo masũno ya wũhũpũ ijiro ti wũhũ cjũno tiquiro pijoriquinare quehnoañe dujiyere tiquina besegũ ihñahye Jesu. Sa ihña tuhasa ohõ saha ni yahuahye ijipihtiyequinare:

8 —Omoca dũhteri bose deco musare tiquiro pijiogũ, quehnoañe dujiyere bese dujieracãhña. Mũsa yũhdũoro cua pesayequinare pijiboaga ahri wũhũ upũro. 9 Tiquiro sa yegũ mũsa quehnoañe dujiyepũ dujigũ “Ahriquinare cua pesayequinare pehere mũsa dujiyere ohoya”, ni-boaga wũhũ upũro musare. Tiquiro sa nigũ mũsa pehe bũoro wahana, ñañe dujiyepũ dujiboaga. 10 Sa yena wũhũ upũro musare tiquiro pijiogũ, ñañe dujiyepũ duji mũhtaña. Mũsa sa yegũ wũhũ upũro musare “Quehnoañe dujiye pehere dujina ahtaya”, ninota musare tiquiro. Mũsa sa wahagũ apequina tiquiro pijoriquinare pehe musare ño peoye mehna ihñaeta. 11 Ihcãquiro tiquiro basi “Pũhtota ijiaja”, ni tũhoturiquiro cahacjũno ijirota. Sa yero apequiro “Cahacjũ ijiaja”, ni, tũhoturiquiro, apequinare yũhdũũca dueriquiro tiquiro pehe pũhtoro ijirota, niahye Jesu tiquinare.

12 Sa ni tuhasa Jesu wũhũ upũrore yahuahye:

—Mũhũ bose deco dahregũ mũhũ cahapũ ijiequinare, mũhũ bahanare, mũhũ acayere, doeri cjẽ opanare pijioeracãhña. Mũhũ tiquinare pijiogũ mũhũ gũhare tiquina gũhũ piji cahmeeta. Sa piji cahmeñe mũhare tiquina wapa-monore wapa yeeta. 13 Mũhũ bose deco dahregũ pejecũoyequinare, tini masieñequinare, pari yuri wahayequinare, caperi bajueyequinare pijiohya. 14 Mũhũ sa yegũ ihñano Cohãcjũ mũhare quehnoano yerota.

Tiquina pehe mũhare tiquina wapa-monore wapa ye masiedare. Sa yero quehnoañequina yariariquina tiquina masa mũjari pje ijigũ Cohãcjũ pehe quehnoano mũhũ yeri wapa mũhare quehnoano yerota, niahye Jesu wũhũ upũrore.

Pajiri bose deco queoyere yahuahye Jesu

(Mt 22.1-10)

15 Tiquiro sa nigũ tũhoro apequiro ihyari mesa cahapũ dujiriquiro, Jesure yahuahye:

—Cohãcjũ tiquiro pũhtoro ijiorũ tiquiro ihyari mesa cahapũ dujiyequinare tutuaro bucueyequina ijietã, niahye tiquiro Jesure.

16 Tiquiro sa nigũ Jesu ahri queoyere yahuahye tiquirore:

—Pajiri bose deco dahreriquiro peyequina masare pijioahye.

17 Tiquiro pijiori bato bose deco tiquiro cahacjũnore tiquiro pijoriquinare yahu dutiro ohoahye. “Isa, ijipihtiyere bose deco cjẽ ijiatire quehno tuhasari. Sa yero musare pijiori”, ni, yahu dutiahye tiquiro cahacjũnore. 18 Tiquiro cahacjũno tiquiro sa ni yahuepegãta, tiquiro pijionohriquinare pehe “Waha masiedaja”, niahye tiquina. Tiquiro pijio mũhtanohriquiro ohõ saha ni yahuahye tiquiro cahacjũnore.

“Mianogãta yehpare dũũ. Sa yegũ ti yehpare ihñagũ wahagũ niaja. Sa yero waharo basioeraga. Ño peo cjũña mũhũ yũhare. Yũhare basioerare”, niahye tiquiro pijio mũhtanohriquiro pehe tiquiro cahacjũnore. 19 Apequiro pehe ohõ saha niahye: “Wecũare pũa omoca pihtiyequinare mianogãta dũũ. Buhe tuhugũ wahagũ tũũ niaja ti weje cãtore. Sa yegũ wecũare ‘¿Quehnoano dahrajari?’ ni ihñagũ wahagũ tũũ niaja. Sa yegũ wahasi. Yũhare basioerare”, niahye tiquiro gũhũ.

20 Apequiro pehe ohõ saha niahye: “Yũhũ mianogãta omoca dũhteĩ. Sa yero bose decopũ waharo basioeraga yũhare”, niahye tiquiro cahacjũnore.

21 "Tiquiro sa nigũ cahacjũno pehe tojoa waha, tiquiro pãhtoropure tiquina nidire yahu peho cãhye. Tiquiro sa ni yahugã tiquiro pãhtoro tutuaro usua, ohõ saha niahye tiquiro cahacjũnore. "Wãhuse watoa cjẽ maharipũ wahaya. Pejeyeyequinare macarĩsa. Sa yegũ pe-
 jeyeyequinare, tini masieñequinare, caperi bajueyeyequinare, pari yuri wahayeyequinare umãñano ne cãhtaya tiquinare", niahye pãhtoro. 22 Came cjũnogã tiquiro cahacjũno yahuahye tiquiro pãhtorore: "Pãhto, mãhũ dutiriro sahata yei. Yũhũ sa yepegũta apequina gũhũ esa tuhaeta", niahye tiquiro cahacjũno. 23 Tiquiro sa nigũ pãhtoro tiquirore dutiahye: "Ihquẽ wãhuse ijiropũ wahaya. Topũ bujaye maharipũ, daye maharigãpũ gũhũre masare ya wãhũpũ ahta dutiya, ya wãhũpũ tiquina wahpagã. 24 Poto niita niaja mãhũre. Ahriquina yũhũ pijio mãhtamediquina yũhũ ihyayere ne mehenogã ihyasi", niahye pãhtoro, ni yahuahye Jesu.

Jesu mehna wahagã mijorĩne
 (Mt 10.37-38)

25 Ti pjere peyequina masa Jesu mehna wahahye. Sa yero Jesu tiquinare majare ihña, yahuahye:

26 —Ihcãquiro yũhũ buheriquiro iji duaro apequina yũhdũoro yũhũ pehere cahĩno cahmene. Tiquiro pacorore, tiquiro pacorore, tiquiro namonore, tiquiro pohnene, tiquiro bahanare, tiquiro pagũ gũhũre tiquiro cahĩno yũhdũoro yũhũ pehere cahĩno cahmene. 27 Ihcãquiro yũhũ buheriquiro iji duaro yeere sa yeducuriquiro ijirota. Sa yero yaquiro tiquiro ijiri buhiri ñano yũhdũeperota yũhũre ne duhusi. 28 Ahrire masiyuro cahmene mãsare. Ohõ saha ijire ti: Wãhũ dahreriquiro tiquiro umãhari wãhũre yeato pano wãhũ wapa tiatire queo mãhtare. Sa yero, ti wãhũre tiquiro pehoatire masine tiquiro. 29 Wapa tiyere queoraro ti wãhũre yero pehoerabo. Sa ye tiquirore ihñañequina bujũpeboa.

30 "Ahriquiro ti wãhũre yero, tutuerare", ni, bujũpeboa. 31 Pãhtoro apequiro pãhtoro yeequina mehna tiquina cahmequeato pano, tiquiro yequina surarare tiquiro cahme wejẽ dutiato pano, tiquiro yequina surarare queorota. "¿Yũhũ diez mil surara mehna apequiro veinte mil surara cãoriquiro mehna cahme wejẽgã tutueraboagari yũhũ?" ni, tãhoturo queorota tiquiro. 32 Sa queoro, tiquiro tutueratire masinota. Sa masino apequiro pãhtoro tiquiro yequina surara mehna cahme wejẽno ahtariquiro yoropũ tiquiro ijigũta, tutueriquiro pehe "Cahme wejẽdacãhna", ni dutiro ohoboaga dahra cohteriquirore. 33 Sa yena yũhũ buhena iji duana, mãsa yeatire mãsare masino cahmene. Mãsa ye duaye pehere duhu duerana, yũhũ buhena iji masiedare, ni yahuahye Jesu.

Moa ocayere yahuahye Jesu
 (Mt 5.13; Mr 9.50)

34 Sa yero tiquinare yahu nemoahye:

—Moa quehnoano ocare. Ti ocaeragã ocaye yero basioerare. 35 Moa ocaeraro ti moa ne quehnoaedare. Ti moare dũhsero basioerare. Ti sa ijigã ti moare cohãno cahmene. Ne dũhseati ijierare ti moa. (Ti dũhseati ijieraro saha ijieracãhña mãsa. Cohãcjũ ye pehere cohãedacãhña.) Ahrire quehnoano tũhoya mãsa, niahye Jesu.

15

Oveja butiriquiro queoyere yahuahye Jesu
 (Mt 18.10-14)

1 Sa ye ape deco peyequina wapa ne cohteyequina apequina "Ñañequina", tiquina niñequina mehna Jesure tũhoye ahtahye.

2 Tiquina sa yegã ihñañe fariseo masa, judio masare buhoyequina gũhũ Jesure ihña tuhtiye, ohõ saha niahye tiquina basi:

—Ahriquiroy ñañequinare piti tire. Sa yero tiquina mehna ihyare, ni, yahuducuahye tiquina basi.

³ Tiquina sa ni yahuducugū Jesu tiquiro tūhotuye mehna ohō saha ni, queoye mehna buheahye tiquinare:

⁴ —¿Cien oveja cūoriquiro ihcāquiro oveja butigū ihñano dūhse yerotari tiquiro? Ohō saha yerota. Tiquiro noventa y nueve ovejare tiquina ihyariropū cū, butiriquirore macano waharota. Ovejare bocaropū duhurota. ⁵ Tiquirore bocaro bucuero. Sa yero tiquiro butiriquirore wūa peo, tiquiro ya wūhūpū ne tojoaa waharota. ⁶ Ne tojoa sa, tiquiro cahapū ijiyequinare, tiquiro acayere piji cahmecoanota. “Yaquiro oveja butiriquirore boca tuhasa. Sa yena yūhū mehna bucueya”, ninota tiquiro tiquinare. ⁷ Poto niita niaja mū sare. Noventa y nueve oveja peyequina tiquina ijiro sahata, peyequina masa ohō saha ni tūhoture: “Ñano yeraja. Sa yegū yūhū ñañene būjūa wītisi. Quehnoañe pehere comesasi yūhū”, ni, tūhoture peyequina masa. Tiquina sa ni tūhotugū ihñañe ūhmūse cjēna Cohācjū cahapū ijiyequina bucuere. Apequiro pehere bucuere. Butiriquiro oveja ihcāquirota butiriro sahata tiquiro upūro tiquirore bocariro sahata ihcāquiro ñariquiro tiquiro ñañene būjūa wītigū, quehnoañe pehere comesagū ihñañe, Cohācjū cahapū ijiyequina tutuaro bucuere, niahye Jesu.

Niñeru cjoer butiri queoyere yahuahye Jesu

⁸ Sa ni yahu tuhasa, queoye mehna yahu nemoahye tja:

—¿Pūa omope cjoeri niñeru cjoeri cūoricoro ihcā cjoer butigū dūhse yerotari ticoro? Ohō saha yerota ticoro. Sihāriare sihā, wūhūre coha, quehnoano maca pehorota. Ti cjoere bocaropū duhurota. ⁹ Ti cjoere boca tuhasa, ticoro cahapū ijiyequinare, ticoro mehna cjēnare piji cahmecoanota. “Niñeru cjoer

yūhūre butiri cjoere boca. Sa yena yūhū mehna bucueya”, ninota ticoro. ¹⁰ Potota niita niaja mū sare. Sata ihcāquiro ñariquiro tiquiro ñañene būjūa wītigū quehnoañe pehere comesagū Cohācjū yequina angele pehe tutuaro bucueta, niahye Jesu.

Tiquiro macano butiri queoyere yahuahye Jesu

¹¹ Sa ni yahu tuhasa Jesu queoye mehna yahu nemoahye tja:

—Būcūro pohne pūaro ūmūa iji-ahye. ¹² Dūhsariquiro pehe ohō saha niahye tiquiro pacūrore: “Mai, mūhū yariari bato mūhū ohoatire yūhūre ohoya”, niahye tiquiro pacūrore. Tiquiro sa nigū tiquina pacūro pūaropūreta tiquiro pohnene itiahye tiquiro cūorire. ¹³ Meheñe decorigā bato dūhsariquiro tiquiro yere ijipihiyere ne, yoaropū ape yehpāpū wahaa wahahye. Topū esaro tūho masieniquiro yero saha ye, tiquiro niñerure, tiquiro yere ye site peho cāhye. ¹⁴ Tiquiro ye site pehori bato ti yehpāpūre ne ihyaye mariedi pje iji dūcahye. Sa yero tiquiro ūjūa ahbahye. ¹⁵ Sa yero ti yehpā cjē dahrayere macahye. Tiquiro bocagū tiquiro pūatoro yesea cohteriquiro sōahye tiquirore. ¹⁶ Sa yero tiquiro yeseare nu, tiquina ihyayere ihya duamahye. Tiquiro sa ihya duepegūta ti ihyayere to cjēna ohoerahye tiquirore. ¹⁷ Sa ye tiquiro topū wacūahye. “Yūhū pacūre dahra cohteyequina pehe būjūye ihyayere ihyare. Tiquina ihya dūhari gūhū būjūye dūhsare. Tiquina sa quehnoano yūhdūri watoa yūhū pehe ohōpū ijigū, ūjūa ahbagū niaga. ¹⁸ Yojopūre yūhū pacū cahapū tojoagūta. Yūhū pacū cahapū esagū ohō saha niitja tiquirore: ‘Mai, Cohācjūre ñano yei. Mūhū gūhūre ñano yei. ¹⁹ Ñagū ijiaja yūhū. Mūhū macū yero saha ijibogū ijieraja yūhū. Mūhūre dahra cohteriquiro yero saha yeya yūhūre’, niitja yūhū pacūre”, ni tūhotuahye tiquiro. ²⁰ Sa ni tūhoturota wahcādūca, tiquiro

pacuro cahapu tojoa wahahye. Topu tiquiro esariquiro tojoa tagu tiquiro pacuro pehe yoaroputa tiquiro macunore ihñahye.

’Tiquiro sa wihigū ihñano macunore paja ihñahye. Paja ihñano tiquiro cahapu oma cā, tiquirore quē suhsu maa, tiquiro wahsupure ihmiahye pacuro tiquiro macunore. ²¹ “Mai, Cohācjüre ñano yei. Mūhu gūhare ñano yei. Ñagu ijiaja yūhu. Mūhu macu yero saha ijibogu ijieraja yūhu”, niahye tiquiro pacurore. ²² Tiquiro sa nigū tūhoro pacuro pehe dahra cohteyequinare pijiahye. “Sojaro mehna, quehnoa yūhdūari suhtirore ne cāhtaya. Sa yena yūhu macure sāña. Sāa tuhasa, tiquiro omoca sañari behtore sāa, dahpo suhti gūhare sāña. ²³ Sāa tuhasa, dihi tiriquiregāre wecūgāre wejēña. Bose deco yeihna mari. ²⁴ Ahriquiro yūhu macu yariariquiro yero saha wahariquiro ijire. Sa wahaeperota yojopare catire tiquiro. Tiquiro butimediquirore pari turi bocaū. Sa yena bosc deco yeihna mari”, niahye tiquiro pacuro. Tiquiro sa nidi bato bosc deco dahre dūcahye tiquina.

²⁵ ’Ti pjere tiquiro wahmino pehe wesepu ijiahye. Wesepu ijiriquiro cohe tojoa taro wūhu cahapu esaro, tiquina basayere tūhoahye tiquiro. ²⁶ Tūhoro, ihcāquiro dahra cohteriquirore pijio, tiquirore sinituahye tiquiro: “¿Dūhse ijio boro basaye niari?” niahye tiquiro dahra cohteriquirore. ²⁷ “Mūhu bahū coheri. Tiquiro quehnoariquiro, catiriquiro tiquiro cohegū mūhu pacu dihi tiriquiregāre wecūgāre wejē dutiri”, ni yūhtiahye dahra cohteriquiro. ²⁸ Tiquiro sa ni yahugū tiquiro wahmino pehe tutuaro usuaro, wūhūpu sajāedahye. Tiquiro sajāedagū ihñano tiquiro pacuro sopecahapu wijia ta, “Sajā taya”, ni, pijimahye tiquiro macunore. ²⁹ Tiquiro sa pijigū macuno yūhtiahye. “Tūhoya mai. Yoari pje mūhare dahra cohteriquiro

yero saha mūhare yedohomi. Sa yegu mūhu dutiyere ne ihcā taha yūhdūcaeru. Yūhu mūhare dahra cohtepegūta yūhare ne ohoerari mūhu. Ne ihcāquiro wahiquiregāre ne ohoerari mūhu yūhare yūhu piti tiyequina mehna yūhu bosc deco dahreatire. ³⁰ Sa yero ahriquiro mūhu macu pehe ñañequina numia mehna mūhu yere ye site pehoñhti. Tire ye site peho tuhasa, wūhūpu tiquiro tojoa wihigū dihi tiriquiregāre wecūgāre wejē dutiñhti mūhu tiquiro ihyatiquirore”, niahye tiquiro wahmino pehe pacurore. ³¹ “Macu, yūhu mehna ijipihtiye decori mūhu ijigū ijipihtiye yūhu cūoye mūhu ye ijire. ³² Mūhu bahū pehe yariariquiro yero saha wahari marine. Sa ye yojopare tiquiro catiriquiro ijire. Tiquiro butiriquiro yero saha ijiri. Tiquiro sa wahari bato yojopare tiquirore bocaū. Sa yero tiquiro tojoa wihigū mari bosc deco ye bucuegū quehnoare”, niahye tiquiro macunore, niahye Jesu tiquinare.

16

Niñeru cohteriquiro tūho masiniquiro quitire Jesu yahuahye

¹ Sa ye ahri quitire tiquiro buheyequinare yahuahye Jesu:

—Doeri cje upuro ye niñerure cohteriquiro niñerure quehnoano tiquiro ihboeragū ihñano apequiro pehe yahusāhye doeri cje upurore. “Mūhu ye niñerure ye sitero nine”, ni yahusāhye tiquirore. ² Tiquiro yahusā tuhasari bato niñeru cohteriquirore pijioahye. Sa yero tiquiro wihigū ihñano, tiquirore pūhtoro yahuahye. “Yee niñerure mūhu ye siterire apequiro yūhare yahuri. Sa yegu yeere cohtegu iji nemosi mūhu. Sa yegu yeere mūhu yerire yahu peho ojoaya. Mūhare cohāgu niaja”, niahye pūhtoro tiquirore. ³ Tiquiro sa nidi bato ohō saha ni tūhotuahye cohteriquiro tiquiro basi: “Yūhu pūhtoro yūhare

cohãno taro niaga. Yũhũ tutueraja. Sa yegũ tutuaro dahra masiedaja. Sa yegũ apequinare yũhũ niñerure sinigũ buoro yũhdũboaga yũhũ. ¿Sa yegũ dahse yeitari yũhũ? ⁴ Yojopũ pũritare yũhũ yeatire masiaja yũhũ. Ohõ saha yũhũ yegũ yũhũ dahraye mariedagũ yũhũ pũhtorore wapamoñequina yũhũre cahĩeta. Sa ye tiquina ye wũhũsepũ sajã dutieta yũhũre”, ni tũhotuahye tiquiro. ⁵ Sa ni tũhoturo tiquiro ijipihtiyequina tiquiro pũhtorore wapamoñequinare pijioahye. Pijio tuhasa, cohteahye. Wihi mũhtariquirore ohõ saha ni sinituahye tiquiro. “¿Yũhũ pũhtorore noho puno wapamoajari mũhũ?” niahye tiquiro. ⁶ Tiquiro sa nigũ wapamoriquiro pehe yũhtiahye. “Cien tambores ãhsere olivo dũca mehna tiquina yeri ãhsere wapamoaja tiquirore”, ni, yũhtiahye. Tiquiro sa ni yahugũ cohteriquiro pehe ohõ saha ni yahuahye. “Ohõpũ ijire mũhũ wapamonore ojoa ohõri pũ. Dujiya. Sa yegũ mũhũ wapamonore deco mehna ne, deco mehna ojoa quehnoña”, niahye cohteriquiro wapamoriquirore. ⁷ Sa ni tuhasa apequiro wapamoriquirore sinituahye tiquiro. “¿Mũhũ waro, noho puno wapamoajari?” niahye tja. “Cien ajuri trigo pjeri ajurire wapamoaja yũhũ”, niahye wapamoriquiro niñerure cohteriquirore. “Ohõpũ ijire mũhũ wapamonore ojoa ohõri pũ. Mũhũ wapamonore ochenta ojoa quehnoña”, niahye cohteriquiro. ⁸ Tiquiro sa quehnoano ni meho mihnigũ ihñano “Ahriquiro ni mehoriquiro quehnoano masidiquiro ijiaga”, ni tũhotuahye tiquiro pũhtoro niñerure cohteriquirore. Ahri deco cjẽna, Cohãcjũre cahmeeñequina tiquina yere quehnorire tiquina niñeru ihborire Cohãcjũ yequina yũhdũoro masiaga tiquina, niahye Jesu.

⁹ Sa ni tuhasa Jesu yahu nemoahye:

—Sa yegũ mũsare niita niaja. Mũsa cũoyere, pejecũoyequinare mũsa ohogũ, tiquina pehe mũsare cahĩeta. Mũsa sa yegũ mũsa cũoye pihtiari

bato mũsa ãhmũsepũ esagũ mũsare cahĩeta topũre.

¹⁰ 'Ihyo ijiyequina ye dahrayere poto yena, pũhtoa ye dahraye gũhũre poto yenata. Ihyo ijiyequina ye dahrayere queoro yerana, pũhtoa ye dahraye gũhũre queoro yesi mũsa. ¹¹ Sa yena ahri yehpapũ mũsa cũoye mehna mũsa quehnoano yerana Cohãcjũ mũsare tiquiro ye buheye gũhũre quehnoano yesi mũsa. Sa yero ti buheyere cũsi tiquiro. ¹² Sa yena apequiro yere mũsa quehnoano ye basaeragũ ihñano mũsa ye ijiatire ohosi mũsare.

¹³ 'Ihcãquiro Cohãcjũ pehere wacũno, tutua yũhdũaro niñeru pehere wacũedare. Niñeru pehere tutua yũhdũaro wacũno Cohãcjũ pehere wacũedare. Niñeru dihitare cahmediquiro ijiro Cohãcjũre bucuegũ yerare. Cohãcjũ gũhũre, niñeru gũhũre pũarore cahme yũhdũũcaro basioerare mũsare. Niñerure cahme yũhdũariquiro Cohãcjũre quehnoano ño peo masiedare, niahye Jesu.

¹⁴ Tiquiro sa nigũ tũhoye fariseo masa pehe tiquirore bũjũpeahye. Tiquina pehe niñerure cahĩahye. Sa ye bũjũpeahye. ¹⁵ Tiquina bũjũpegũ tũhoro Jesu tiquinare yahuahye:

—Masa tiquina ihñonore mũsa quehnoano yemene. Mũsa sa yegũ “Quehnoañequina, poto yeyequina ijire”, nimene masa mũsare. Cohãcjũ pehe mũsa tũhotuyere masine. Masa “Quehnoa yũhdũare”, tiquina nidire Cohãcjũ pehe sijoro saha ni tũhoture. Tire ihña yabire, niahye Jesu.

Cohãcjũ dutiyere, tiquiro pũhtoro ijiyere yahuahye Jesu

¹⁶ Sa ni tuhasa ohõ saha ni nemoahye Jesu:

—Ñu wame yeriquiro tiquiro ijianto pano Moiserere tiquiro cũri dutiye mehna Cohãcjũ marine dutiri. Cohãcjũ yere yahu mũhtariquina tiquina ojoari mehna gũhũ marine dutiri. Yojopũ pehere Ñu tiquiro buhe dũcari bato quehnoañe buheyere, Cohãcjũ tiquiro pũhtoro ijiye gũhũre

masi ducare masa. Sa masiñe masa tiquina esa tuharo tiquina tutuaye mehna Cohãcjũ tiquiro pãhtoro ijire sa jã duamene. ¹⁷ Moiseri tiquiro cãri dutiyerũ Cohãcjũ nidiro sahata ye pehorota tiquiro. Æhmuse gãhũ ahri yehpa gãhũ phtia wahaepegũta Cohãcjũ nidiro sahata ye pehorota, niahye Jesu.

Namonore cohãñene yahuahye Jesu

(Mt 19.1-12; Mr 10.1-12)

¹⁸ Sa ni tuhasa ohõ saha ni nemoahye Jesu:

—Masũno tiquiro namonore cohãno, apecoro mehna omoca dũhtero, ticoro mehna ñano yero nine. Apequiro tiquiro cohãricoro mehna omoca dũhtero, tiquiro gãhũ ticoro mehna ñano yero nine, niahye Jesu.

Doeri cjẽ upũro, pejecũoriquiro queoyere yahuahye Jesu

¹⁹ Sa ye queoye mehna yahuahye Jesu:

—Ti pjerũre doeri cjẽ upũro ijie tiahye. Tiquiro suhti pehe wapa bũjũ yũhdũahye. Sa yero decoripe quehnoañe dihitaro ihyaro, peye cũoahye tiquiro. ²⁰ Sa yero ti pjere apequiro pejecũoriquiro, Lázaro wame tiriquire ijie tiahye. Tiquiro pagũ peye cami tiriquire ijiahye. Sa ye apequina pehe tiquiro doeri cjẽ upũro ya wũhũ cjã sahrĩno cahapũ ne sae tiahye. ²¹ Sa yero pejecũoriquiro pehe doeri cjẽ upũro tiquiro ihyari mesa docapũ yehpapũ dujiro tiquiro ihya site dijioyere ihyae timahye. “Tiquiro ihya site dijiorire ihyagũ yapigũta yũhũ”, ni, tũhotue timahye tiquiro. Sa ye diayea tiquiro camine nehneñe ahtae tiahye.

²² Sa yero pejecũoriquiro tiquiro yariaa wahagũ, Abrahã cahapũ paraíso wame tiropũ angele tiquiro ne mũjahye. Sa yero doeri cjẽ upũro gãhũ tiquiro batogãta yariaa wahahye. Tiquiro yariagũ tiquiro yahye. ²³ Sa yero doeri cjẽ upũrore tutuaro peca mũjahye. Sa yero

pecapũ ijire Æhmusepũ ijiriquirore Abrahãre ihñahye. Lázaro gãhũre ihñahye. ²⁴ Ihña tuhasa, tiquiro Abrahãre pisuahye. “Yũhũ acayũ Abrahã, paja ihñaña yũhũre. Pecapũ yũhũ ñano yũhdũgũ niaja. Yũhũ sa wahagũ Lázaro yũhũre ohoya. Sa yero acore tiquiro omo piriapũ soha, yũhũ ñehmenore aco mehna nehono ahtaahro. Tire yũhũoahro tiquiro”, niahye doeri cjẽ upũro. ²⁵ Tiquiro sa nigũ Abrahã tiquirore yahuahye: “Yũhũ acayũ, catigapũ mũhũ ijipihiyere quehnoañene cũori. Lázaro pehe decoripe ñano yũhdũri. Yojoapũ pehere mũhũ ñano yũhdũgũ tiquiro pehe ohõpũre bucueye mehna ijire nine. ²⁶ Sa ye mari watoa Æhcũari cope ijire. Sa ye ohõre ijieyequina topũre waha masiedare. Sa ye topũ ijieyequina ohõpũre ahta duayequina ahta masiedare”, niahye Abrahã doeri cjẽ upũrore. ²⁷ Tiquiro sa nigũ doeri cjẽ upũro ohõ saha ni nemoahye: “Yũhũ acayũ, tutuaro siniaja mũhũre. Lázaro yũhũ pacũ ya wũhũpũ ohoya. ²⁸ Yũhũ ihcã omopequina bahana tii. Lázaro tiquinare yahuahro. Tiquina ohõre ñano yũhdũropũre ahtaeracãhdo”, niahye tiquiro. ²⁹ Sa nigũ Abrahã pehe yũhtiahye: “Cohãcjũ dutiyere Moise marine cũrire, Cohãcjũ yere yahu mũhtariquina tiquina ojoarire cũore mũhũ bahana. Sa ye mũhũ bahana tireta tũhoahro”, niahye Abrahã. ³⁰ Tiquiro sa nigũ doeri cjẽ upũro pehe yũhtiahye: “Yũhũ acayũ Abrahã, tire cũoepeta quehnoano tũhosi. Lázaro yariariquiro masa bajua, tiquina cahapũ esagũ ihñaña tiquina pehe ñañene bũjũ witi, quehnoañe pehere comesaeta. Sa ye quehnoañene yeeta yũhũ bahana pehe”, niahye doeri cjẽ upũro mũnano. ³¹ Tiquiro sa nigũ Abrahã pehe yahuahye: “Mũhũ bahana Moise cũri pũ tiquiro yahuyere, Cohãcjũ yere yahu mũhtariquina mũna tiquina yahuyere tũho dueyequina ijire. Sa ye Lázaro yari-

ariquiro munano masa bajuepegūta tiquina Cohācjüre tuho duasi”, niahye Abrahā, ni, yahuahye Jesu.

17

Ñañene yegū cuarīne
(Mt 18.6-7, 21-22; Mr 9.42)

¹ Sa ye Jesu yahuahye tiquiro buheyequinare:

—Masare ñañe yegū yeye peye ijire. Sa yeye masa ñañene yere. Ti sa ijiepegūta masunore ñañene yegū yeriquiro pehe ña yuhduaro yuhdurota. ² Masunore tiquiro wamaparū pajiria utāre duhte yo, pajiri mapū tiquirore cohāgū ñano wahaboaga tiquiro. Apequiro pehe ahriquinagā mehna cjānogāre ñañene yegū yero pajiri mapū tiquina cohāriquiro yuhduoro ñano yuhdurota. Tiquirore tutuaro buhiri dahrero cahmene. ³ Quehnoano yeya mūsa. Mūsa acayuro ñano tiquiro yegū ihñana “Yeracāhña”, niña tiquirore. Sa yena tiquiro ñañene bujua witigū, quehnoañene comesagū mūsa pehe tiquiro ñañe yeyere boya. ⁴ Sa yero mūsa acayuro ihcā decota siete tahari mūsa ñano tiquiro yegū mūsa tiquiro bo dutigū boya. “Pari turi mūhare ñano yesi”, siete tahari tiquiro nigū tope taharita tiquiro ñano yerire boya, niahye Jesu.

Cohācjüre wacū tutuayere yahuahye Jesu

⁵ Sa ye Jesu buheyequina tiquirore ohō saha niahye:

—Cohācjüre usāre quehnoano wacū tutua nemogū yeya, niahye tiquina Jesure.

⁶ Tiquina sa nigū Jesu yūhtiahye:

—Mostaza capegā meheni pjegā ijire. Ti yero saha Cohācjüre mehenogā wacū tutuana, ohō saha wahagū ye masinata mūsa: Ahdu yucugure ohō saha ni masine: “Mūhu yucugū mūhu basi duhtu cā, pajiri mapū bora ñojoaña”, ni masine mūsa. Mūsa sa nigū tu yucugū pehe mūsa dutiro sahata waharota, niahye Jesu.

Dahra coheriquiro tiquiro dahrayere yahuahye Jesu

⁷ Came ahri quitire yahuahye Jesu:

—Mūsa ñañe dahra coheriquiro ijero wesepū tanare. Sa yero ovejare ihña ihbore. ¿Dahra coheriquiro tiquiro tojoa wihigū dahse niboagari mūsa tiquirore? ¿“Sojaro mehna ahtaya. Mūhu ihyaye ohōpū ijire”, niboagari mūsa? ⁸ Sa niedare mūsa. Tiquirore ohō saha nine mūsa: “Yūhu ihyayere doha quehnoña. Sa yegū yūhu ihya sihnigū yūhare cohteya. Yūhu bato mūhu gūhu ihya sihniña”, nine mūsa dahra coheriquirore. ⁹ Dahra coheriquiro mūsa dutiyere tiquiro yegū tiquirore “Quehnoare”, niedare mūsa. Tiquiro dahraye dihitare yero niaga tiquiro. ¹⁰ Mūsa gūhu tiquiro yero saha ijire. Cohācjū dutiriro sahata ye pehona ohō saha ni, tuhotuya mūsa. “Usā gūhu dahra cohtena dihita ijiaja. Ihyo ijina ijiaja usā. Usā dahraye dihitare yei usā”, ni, tuhotuya mūsa, niahye Jesu tiquiro buheyequinare.

Pua omopequina cami bucu muna wihare yuhduoahye Jesu

¹¹ Ape deco Jerusalēpū Jesu waharo niahye. Topū waharo Samaria yehpa, Galilea yehpa, ti pua yehpa watoa yuhdu cāhye. ¹²⁻¹³ Ape macapū wahari mahapū tiquiro tinigū pua omopequina cami bucu muna wiha pehe tiquirore piti cahye. Sa ye yoa cjūnopū ducuye pisuahye:

—Jesu, puhto, usāre paja ihñaña, niahye tiquina.

¹⁴ Sa nigū tiquinare ihña, yahuahye Jesu:

—Pahire mūsa pagurire quehnoañe paguri mūsa waharire ihñona wahaya, niahye tiquinare.

Sa nidi bato tiquina wahari watoa quehnoa wahahye. ¹⁵ Sa yero ihcāquiro tiquina mehna cjūno quehnoano tiquiro pagū wahagū ihñano, Jesu cahapū majare tojoa tahye. Sa tojoa taro tutuaro mehna Cohācjüre ño peohye. “Cohācjū tutuariquiro, quehnoariquiro ijire”,

ni, ño peohye tiquiro. ¹⁶ Sa nino tiquiro Jesu dahpocãri caha dusepe curi mehna quehe sa, “Quehnoare”, niahye tiquiro. Samaria cjãno ijiahye. ¹⁷ Tiquiro sa yeri bato Jesu ohõ saha ni sinituahye:

—Pua omopequina ijiri masa quehnoa wahariquina. ¿Apequina nueve dhsayequina pehe nohopu ijiagari tiquina? ¹⁸ Ahriquirõ ape yehpa cjãno dihita Cohãcjũre “Quehnoare”, nino taro tojoa tari. ¿Duhse ijiro boro apequina ahtaerajari? niahye Jesu.

¹⁹ Sa ni tuhasa Jesu yahuahye dusepe curi mehna quehe sariquirõre.

—Wahcãducaya. Wahaya. Mũhũ Cohãcjũre wacũ tutuagu, yãhdũre mũhũ, niahye Jesu tiquirore.

Cohãcjũ tiquiro pũhtoro ijiatire yahuahye Jesu

(Mt 24.23-28, 36-41)

²⁰ Ti pjere meheñequinagã fariseo masa Jesure sinituahye:

—¿Duhse ijigũ Cohãcjũ pũhtoro iji dũcarotari? niahye tiquina.

Tiquina sa nigũ Jesu yãhtiahye:

—Cohãcjũ tiquiro pũhtoro iji dũcagũ masa ihña masiedare. ²¹ “Cohãcjũ pũhtoro ijiye ohõpu ijire”, ni masiedare. “Sohõpu ijire”, ni masiedare. Cohãcjũ tiquiro pũhtoro ijiye masa tiquina tãhotuyepũ ijire, niahye Jesu fariseo masare.

²² Sa ni tuhasa Jesu tiquiro buheyequinare ohõ saha ni yahuahye:

—Came yũhũ masũ Cohãcjũ ohorigũ ahri yehpapũ yũhũ tojoa tatire tutuaro cahmenata mũsa. Mehenogã yũhũre ihña duepenata yũhũre ihñasi mũsa. Mũsa yũhũre sa ihña duepegũta ti pjere ahtasi yũhũ.

²³ Apequina mũsare ohõ saha nieta. “Tiquirore ihñaña. Cristo ijire. Ahriquirõre ihñaña. Cristo ijire”, nieta mũsare. Tiquina sa niepegũta tiquinare tũhoeracãhña. ²⁴ Hpo miadoqueoro wacũeno mehna ti mia sitedoqueoro sahata yũhũ gũhũ masũ Cohãcjũ ohorigũ wacũeno mehna tojoa taũtja. ²⁵ Ahrire yũhũ yeato

pano yũhũ tutuaro ñano yãhdũta. Sa ye yojopũ cjẽna yũhũre cahmesi.

²⁶ Noé tiquiro ijiri pje cjẽna tiquina ijiriro sahata yũhũ masũ Cohãcjũ ohorigũ yũhũ tojoa tagũ sata ijietã masa. ²⁷ Noé tiquiro ijiri pjere ijipihtiyequina masa sa ihyaducue tiahye. Sa ye sihniducue tiahye.

Uũhũ, numia mehna omoca dũhtee tiahye. Noé pajiria yucũsapũ tiquiro sajãto pano Cohãcjũ tiquinare tiquiro mioato pano ti ijipihtiyere masa yeducue tiahye. Sata ijirota yũhũ tojoa tagũ gũhũre. ²⁸ Lote tiquiro ijiri pje cjẽna tiquina ijiriro sahata yũhũ tojoa tagũ ijietã masa. Lote tiquiro ijie tiri pjere masa ihya, sihni, dú, dua, weserire ote, wũhũse yeahye. ²⁹ Tiquina sa yeri watoa Sodoma wame tiri macapũ ijiriquiro Lote tiquiro wahari deco uũmũse

cjã peca, peca asiye paca uũtã pjeri gũhũ acoro ahtaro saha tiquina bui bora pje, tiquinare wejẽ pehoe tiahye. ³⁰ Yũhũ masũ Cohãcjũ ohorigũ wacũeno mehna yũhũ tojoa tagũ tiquina yero sahata yeyequina ijietã masa ti pjere.

³¹ ‘Ti pjere ihcãquiro tiquiro ya wũhũ bui cjã paapũ quehnoari paapũ ijiriquiro wũhũ puhiapũ tiquiro ye ijigũ tire neno wahaeracãhdo tiquiro sojaro mehna wahato saha. Sa yero wesepũ ijiriquiro gũhũ ti pjere tiquiro ya wũhũpũ piheracãhdo tiquiro sojaro mehna wahato saha. ³² Lote namono ticoro waharire wacũña mũsa. ³³ Masũno yũhũre wacũno marieno tiquiro esa tuharo tiquiro cahmeno saha yero, pecapũ waharota. Sa yero yeere sa yeducuriquiro ijipihtiyere decori yũhũ mehna uũmũsepũ ijirota.

³⁴ ‘Ti ñamine pũaro ihcã cuñanopũ carĩnequinare ihcãquiro yũhũre cahmeniquirore neitja. Sa yero yũhũre cahmedariquiro topũ tojoarota.

³⁵ Ti pjere pũaro numia ihcãnopũ tiquina trigore tu mũtoñe numiare ihcãcoro yũhũre cahmenicorore neitja. Sa yero yũhũre cahmedaricoro topũta tojoarota. ³⁶ [Sa ye

wesepu puaro dahrayequina tiquina ijigũ ihcãquirola neitja. Ihcãquirola topu tojoarota,] niahye Jesu.

³⁷ Sa nigũ tiquiro buheyequina pehe sinituahye tiquirore.

—¿Nohopu sa waharotari? ni sinituahye tiquina.

Tiquina sa nigũ Jesu yuhtiahye:

—Masa tiquina ñano yeducuriropu, topu Cohãcjũ buhiri dahrerota tiquinare, niahye Jesu.

18

Wape wihoro ticoro buhiri dahre dutiye queoyere yahuahye Jesu

¹ Sa ye Jesu tiquinare Cohãcjũre siniñene yahuro ohõ saha niahye:

—Musa Cohãcjũre sinina, cohteya tiquiro yuhtiatire. Yoari pje cohtepinata bujua witieracãhña. Tiquirore sinina duhueracãhña, niahye Jesu.

² Tiquiro sa nidire buhero taro ahri queoye mehna yahuahye tiquinare:

—Ape macapu tiquina buhiri dahre dutiriquiro ijiahye. Tiquiro Cohãcjũre ño peerahye. Sa yero masa gãhure ño peerahye. ³ Sa yero wape wihoro gãhu topu ijiahye. Ticoro tiquiro cahapu sa majareno ohõ saha niahye: “Yuhure ihña tuhtiriquirore buhiri dahre dutiya mahu. Yuhure ni cahmota basaya”, ni siniducuahye ticoro tiquirore. ⁴ Ticoro sa nigũ peye tahari tiquiro “Yesi yuhu”, nimahye ticorore. Tiquiro sa niepegũta ticoro peye tahari sa siniducuro tiquirore ni cariboro ye cãmahye. Ticoro caribogũ, ohõ saha niahye tiquiro basi. “Yuhu Cohãcjũre, masa gãhure ño peeraja. ⁵ Yuhu sa ño peogeu yuhu ijiepegũta ahricoro pehe yuhure caribo ye cãmaga. Yuhure sa cariboro yuhure caributigũ yerota ticoro. Sa ni yahusãducugũ ticorore ihña tuhtiriquirore buhiri dahre dutiitja”, niahye buhiri dahre dutiriquiro, niahye Jesu.

⁶ Sa nino Jesu tiquinare yahu nemoahye:

—Sa niahye ñariquiro buhiri dahre dutiriquiro. Tiquiro nidire wacũña musa. ⁷ Tiquiro yuhuro Cohãcjũ pehe tiquiro yequina tiquiro beseriquinare ñamipũ, decopu tiquirore sinidiquinare yuhtiro, yedohorota. ⁸ Musare niita niaja. Cohãcjũre tiquina sinidiro sahata duita tiquinare yedohorota. ¿Tiquiro sa yuhtiriquiro ijiepegũta yuhu masu Cohãcjũ ohorigu ahri yehpapu tojoa tagu Cohãcjũre wacũ tutuayequinare bocaboagari yuhu? niahye Jesu.

Puaro masa Cohãcjũre tiquina siniñe quitire yahuahye Jesu

⁹ Sa ye apeye quitire mehna ohõ saha ni yahuahye Jesu: “Usã pehe quehnoana ijiaja. Apequina pehe ñano yeyequina ijire”, ni, tuhotuyequinare ahri quitire yahuahye:

¹⁰ —Cohãcjũ ya wuhupu puaro umua Cohãcjũre siniñe wahahye. Ihcãquirola fariseo masuno ijiahye. Apequiro wapa ne cohteriquiro ijiahye. ¹¹ Sa yero fariseo masuno pehe ducu, ohõ saha ni yahuahye Cohãcjũre: “Yuhu yaquerigu, ñañene yerigu, numia mehna ñano yerigu ijieraja. Apequina yero saha ijieraja. Ahriquiro wapa ne cohteriquiro yero saha ñagu ijieraja. Sa yegu mahuare ‘Quehnoare’, niaja Cohãcjũ. ¹² Yuhu semanaripe pu decore mahu yere yegu sijiaja. Sa yegu pu omope cjoeri niñeru cjoerire wapatagu ihcã cjoere mahuare ohoaja”, niahye fariseo masuno Cohãcjũre. ¹³ Sa yero wapa ne cohteriquiro pehe yoaropu muhri yo ducu, tiquiro ñañene bujua witi, uhmusepũre ihñedahye. Tiquiro ñañene bujua wiritiquiro ijero tiquiro cutirore quẽ ohõ, siniahye Cohãcjũre: “Cohãcjũ, yuhu ñagu ijiaja. Sa yegu mahu paja ihñaña yuhure”, niahye tiquiro Cohãcjũre. ¹⁴ Musare niita niaja. Ahriquiro wapa ne cohteriquiro pehere tiquiro ya wuhupu tojoagũ Cohãcjũ pehe “Mahu ñañene cohã tuhasu”, niahye tiquirore. Apequiro fariseo

masunore “Muhũ ñañene cohãũ”, niedahye Cohãcjũ. “Yuhũ quehnoagu ijiaja”, nidiquiro Cohãcjũ ihñagũ ñariquiro ijire. “Yuhũ ñagu ijiaja. Sa yegu yee ñañene bujua witiaja”, nidiquirore Cohãcjũ quehnoariquiro ijigũ yerota tiquirore, niahye Jesu.

Macanagãre tiquina ye ijiatire Cohãcjũre sini basahye Jesu (Mt 19.13-15; Mr 10.13-16)

¹⁵ Sa ye masa tiquina pohnene macanagãre Jesure ña peo dutiye tehe, tiquiro cahapũ ne wihiahye. Tiquina sa yegũ ihñañe Jesu buheyequina tiquinagãre ne wihiyequinare tuhtiahye. ¹⁶ Tiquina sa tuhtigũ ihñano Jesu macanagãre pijioahye tiquiro cahapũ. Pijio tuhasa ohõ saha niahye tiquiro buheyequinare:

—Macanagã yuhũ cahapũ ahtaahro. “Waharĩsa”, niedacãhña tiquinagãre. Tiquinagã Cohãcjũre tiquina pãhtoro tuhoture. Sa ye Cohãcjũ pãhtoro ijiropũre ahriquinagã yero sahata tuhotuyequina ijire topũre. ¹⁷ Potota niita niaja musare. Ahriquinagã Cohãcjũre tiquina cahmeno saha musa pehe cahmedana, tiquiro cahapũ wahasĩ musa. Musa wahaeragũ musa pãhtoro ijisi tiquiro, niahye Jesu.

Doeri cjẽ upũro Jesure sinituahye (Mt 19.16-30; Mr 10.17-31)

¹⁸ Tiquiro sa nidi bato judio masa pãhtoa mehna cjũno Jesure sinituahye:

—¿Ne, quehnoagu, buhegu, ijipihitiye decori Cohãcjũ mehna iji duagu, dahse yeboagari yuhũ? niahye tiquiro.

¹⁹ Tiquiro sa nigũ Jesu yãhtiahye:

—¿Dahse ijiro boro yuhũre “Quehnoagu”, ni pisuajari muhũ? Cohãcjũ dihita quehnoariquiro ijire.

²⁰ Ahri Cohãcjũ dutiyere masine muhũ. “Wuhana tieracãhña. Masare wejẽdacãhña. Yaqueracãhña. Ni mehoedacãhña. Musa pacusumũare ño peoya”, ni, sa ye dutire Cohãcjũ. Sa yegu tire yeya muhũ, niahye Jesu.

²¹ Tiquiro sa nigũ Jesure yãhtiahye:

—Tire ijipihitiyere yuhũ coã wahmua cãhtagũ ijigũputa yuhdũducaerahti, niahye tiquiro.

²² Tiquiro sa nigũ tuhorõ, Jesu tiquirore ohõ saha ni yahuahye:

—Mehenogã dahsare muhũre muhũ ye pehoati. Ijipihitiyere muhũ yere duagu wahaya. Sa yegu ijipihitiye muhũ wapatari niñerure pejecũoyequinare ohoya. Muhũ sa yegũ peye muhũ ye umũsepũ, Cohãcjũ cahapũ ijirota. Sa ye tuhasagu yuhũ mehna cjũ ijiacjũ ahtaya, niahye Jesu tiquirore.

²³ Tiquiro sa nigũ tuhorõ tiquiro pehe peye doeri cjẽ cãoriquiro ijiro tire pejecũoyequinare oho dueraro, tutuaro bujua witi, wahaahye.

²⁴ Tiquiro sa bujua witiyũ ihñano Jesu ohõ saha ni yahuahye apeqũinare:

—Doeri cjẽ opana Cohãcjũ tiquiro pãhtoro ijiropũre tiquinare waharo basioera cjũre. ²⁵ Camello pehe awia copepũ tiquiro sajã duagũ basioerare tiquirore. Tiquiro sa ijiro yuhdũoro doeri cjẽ upũro Cohãcjũre cahmedaro, Cohãcjũ tiquiro pãhtoro ijiropũre waharo basioerare, niahye Jesu.

²⁶ Tiquiro sa nigũ tiquirore tuhoyequina ohõ saha niahye:

—Aa, dahse tiquiro nino saha poto ijigũ, ne ihcãquiro masuno Cohãcjũ cahapũ waha masiedaboaga, niahye tiquina basi.

²⁷ Tiquina sa nigũ Jesu yãhtiahye:

—Masa tiquina esa tuharõ quehnoano yeri mehna Cohãcjũ cahapũ waha masiedare. Cohãcjũ pehe masare pecapũ wahaboriquinare yuhdũo masine. Tiquiro ijipihitiyere quehnoano ye masi peho cãre, niahye Jesu tiquinare.

²⁸ Tiquiro sa nigũ Pedro tiquirore ohõ saha niahye:

—Tuhorĩña. Usã pehe ijipihitiye usã yere cũ cã muhũ mehna wahana, niahye tiquiro Jesure.

²⁹ Tiquiro sa nigũ Jesu ohõ saha niahye:

—Potota musare niita niaja. Musa Cohācjū yere yena tana musa wuhusere, musa pacusumhare, musa bahanare, musa namosānumiare, musa pohhare cūrīna ijina pajiro wapatanata musa yojopure. ³⁰ Musa cūrī yuhdoro wapatanata. Sa yena musa yariari bato ijipihitaye decori Cohācjū mehna ijinata musa, niahaye Jesu tiquire.

Pari turi Jesu tiquire yaria masa wijiatiye yahuahaye

(Mt 20.17-19; Mr 10.32-34)

³¹ Sa ye Jesu doce tiquire buheyequinare neahaye. Sa neano tiquire yahuahaye:

—Tuhoya yuhare. Yojopure mari Jerusalēpū wahana niaja. Topū yuhare masare Cohācjū ohorigure Cohācjū yere yahu mātariquina panopū tiquina yahuriro sahata sa yeeta yuhare. ³² Topū masa yuhare ñehēñe, judio masa ijieyequinare ohoeta yuhare. Yuhare tiquina ohoeta bato tiquina yuhare bujūpe, ñano ni, yuhare sihco puti ohōeta. ³³ Sa ye yuta dari mehna tana tuhasa wejēeta yuhare. Sa yegū ihtia deco wahaboro masa wijiagūta yuhū, niahaye Jesu tiquire.

³⁴ Tiquire sa ni yahurire quehnoano masiedahaye tiquire buheyequina. Cohācjū tire tiquire quehnoano masigū yeraniahaye.

Caperi bajueriquirore ihñagū yeahye Jesu

(Mt 20.29-34; Mr 10.46-52)

³⁵ Sa ye Jesu gūhū Jericó wame tiri maca cahagāpū esahaye. Topū caperi bajueriquiro maha dūhtū caha duji, niñeru sinino niahaye. ³⁶ Sa yero masa peyequina tiquire caha yuhdūagū tuhoro sinituahaye tiquire:

—¿Dūhse ijiro boro masa peyequina yuhdūajari? ni sinituahaye tiquire.

³⁷ —Jesu Nazare cāno waharo nine, ni, yahuahaye apequina tiquire.

³⁸ Tiquina sa ni yahugū tuhoro tiquire sañuducuhaye:

—Jesu, Davi mūnāno panami iji turiagu, masare yuhdūoacjū, yuhare paja ihñaña, ni sañuducuhaye Jesure.

³⁹ Tiquire sa nigū tiquire caha ihñaducuyequina pehe, “Dihta mari-ahña”, ni tuhtiahaye tiquire. Tiquina sa ni tuhtiepegūta to pano tiquire sañuducuriro yuhdūoro sañuducu nemoahaye tja:

—Davi mūnāno panami iji turiagu, masare yuhdūoacjū, yuhare paja ihñaña, ni sañuducuhaye tiquire.

⁴⁰ Tiquire sa ni sañuducugū tuhoro, Jesu pehe esadūca, “Pijioya tiquire”, niahaye. Tiquire sa nigū tiquina pehe caperi bajueriquirore piji cāhaye. Tiquina sa piji cāgū Jesu cahapū esagū Jesu pehe tiquire sinituahaye:

⁴¹ —¿Dūhse yuhū yegū cahmeajari mūhū? niahaye Jesu.

—Yuhū pūhto, yuhare ihñagū yeya, ni yuhthiahaye caperi bajueriquiro.

⁴² —Ihñaña. Yuhare wacū tutuagu, quehnoa wahare mūhū, niahaye Jesu tiquire.

⁴³ Tiquire sa nigūta caperi bajueriquiro ihñaa wahahaye. Sa quehnoa waharo, tiquire Jesu mehna wahahaye. “Cohācjū tutuariquiro ijire”, niahaye tiquire. Sa ye masa peyequina caperi bajueriquiro ihñagū ihñañe “Cohācjū quehnoariquiro, tutuariquiro ijire”, niahaye tiquina gūhū.

19

Zaqueo Jesure piti cahye

¹ Sa ye Jesu Jericópa esa, ti macapū yuhdū cāno taro niahaye.

² Doeri cje upūro Zaqueo wame tiriquire wapa ne cohteyequina pūhtoro topū ijiahaye.

³ Sa yero tiquire Jesure “¿Diquire boro ijia-gari?” ni ihña masino taro Jesure ihña duamahaye.

Sa tiquire ihña duepegūta uhmūediquirogā ijigū masa peyequina tiquiregāre cahmotahaye.

⁴ Sa yero tiquire masare oma yuhdū cā, sicómoro wame tidū yucūgūpū mājahaye Jesure ihñano

taro. Came cĵunogã tu cahapũ Jesu yũhdũaro taro niahye. Sa yero Zaqueo tũpũ cohtero niahye. ⁵ Tiquiro sa cohte pesari watoa Jesu pehe tu dahpotopũ esadũca, Zaqueore ihña mũo, tiquirore pisuahye:

—Zaqueo yojopũre mũhũ ya wũhũpũ tojoagũtja. Sa yegũ sojaro mehna dijia taya, niahye Jesu.

⁶ Tiquiro sa nigũ Zaqueo pehe sojaro mehna dijia ta, tutuaro bucueye mehna tiquiro ya wũhũpũ waha dutiahye Jesure. ⁷ Tiquiro sa piti cagũ ihñañe, ijipihtiyequina masa tiquina basi ohõ saha ni yahuducuahye:

—Ahriquiro Jesu ñariquiro ya wũhũpũ tinino waha duare, ni, yahuducuahye ijipihtiyequina tiquina basi.

⁸ Zaqueo pehe piti ca tuhasa topũ ducuro, Jesure yahuahye:

—Pũhto, tuhoya yũhũre. Ijipihtiye yeere deco mehna pejecũoyequinare ohoutja. Sa yegũ yũhũ apeqũirore cien niñeru cjoerire ni meho ehmarigũ ijigũ, cuatro cientos niñeru cjoerire wapa ye bui peoutja tiquirore, niahye Zaqueo Jesure.

⁹ Tiquiro sa nigũ Jesu pehe yahuahye tiquirore:

—Miare mũhũre mũhũ ya wũhũpũ ijiiyequina gũhũre pecapũ wahaboriquinare Cohãcjũ yũhdũo tuhasare. Mũhũ gũhũ Abrahã mũnano acayũ ijire. ¹⁰ Yũhũ masũ Cohãcjũ ohorigũ pecapũ wahaboriquinare macagũ ahtagũ nii. Topũ wahaboriquinare quehnoano yũhdũogũ ahtagũ nii, niahye Jesu Zaqueore.

Niñeru cjoeri uru cjoeri quitire yahuahye Jesu (Mt 25.14-30)

¹¹ Sa ye tiquirore tuhoyequinare Jesu apeye queoye mehna yahuahye. Mehenogã dũhsahye Jerusalẽpũ tiquiro esato. Sa ye tiquirore tuhoyequina ohõ saha ni tuhoutuahye: “Cohãcjũ pũhtoro yojopũre iji dũcaro taro nine”, ni, tuhoutuahye tiquina.

¹² Tiquina sa ni tuhhotugũ Jesu yahuahye tiquinare:

—Ihcãquiro pũhtoro macũno pũhtoro sajãtiquiro yoaropũ ape yehpapũ waharo taro niahye. Topũre esagũ ihñano tiquina tiquirore pũhtoro sõñe tee niahye. Came tiquiro ya wũhũpũ tojoa wihiro taro niahye. ¹³ Coã warore tiquiro wahato panore pũhtoro pũa omopequina dahra cohteyequinare pijioahye. Sa pijioro, tiquiro tiquinare tiquinape cjoeri niñeru cjoeri wapa bũjũye cjoeri uru cjoerire ohoahye. Oho tuhasa, yahuahye tiquinare: “Yũhũ mariedagũ ahri niñeru mehna mũsa wapata nemoatire macaña”, niahye tiquiro dahra cohteyequinare. ¹⁴ Sa ye tiquiro ya maca cĵenata tiquirore cahmedahye. Sa cahmedaye, apeqũinare tiquirore pũhtoro yahu dutiye ohoahye. “Mũhũ mũsã pũhto ijigũ cahmedaja mũsã”, niahye tiquina yahu dutiriquina pehe. ¹⁵ Sa tiquina cahmedapegũta came tiquina pũhtoro sajãhye tiquiro. Pũhtoro sajã tuhasa tiquiro ya wũhũpũ tojoa tahye.

’Sa tojoa wihiro dahra cohteyequinare tiquiro ye niñeru mehna tiquina wapata nemorire masino taro, tiquinare pijioahye. ¹⁶ Tiquiro pijiori bato, wihi mũhtariquiro tiquirore yahuahye: “Pũhto, mũhũ niñeru cjoer, yũhũre mũhũ ohori cjoer mehna pũa omope cjoeri wapata nemou yũhũ”, niahye dahra cohteriquiro pũhtoro. ¹⁷ “Quehnoano yeaya mũhũ. Mũhũ quehnoagũ dahra cohtegũ ijire. Mũhũ mehenogã mehna yũhũ dutihiro sahata ye pehogũ ijigũ yojopũ pũa omope macari cĵena tiquina pũhto ijiiacjũ wahagũta mũhũ”, niahye pũhtoro dahra cohteriquirore. ¹⁸ Tiquiro bato wihiriquiro tiquiro mehna cĵeno ohõ saha niahye: “Pũhto, mũhũ ya cjoer niñeru cjoer yũhũre mũhũ ohori cjoer mehna ihcã omope cjoeri wapata nemou yũhũ gũhũ”, ni yahuahye tiquiro pũhtoro. ¹⁹ “Ihcã omope macari cĵena pũhto ijiiacjũ wahagũta

mahu”, niahye puhtoro tiquirore. ²⁰ Tiquiro sa nidi bato apequiro dahra cohteriquiro wihi, yahuahye: “Puhto, mahu niñeru cjoere ohõ ijire. Suhtiro cahsero mehna coma, ti cjoere ihbou. ²¹ Mahu tutuaro dahra dutigu ijire. Sa tutuaro dahra dutigu ijigu mahu basi oterapeguta ti ducare nene mahu. Sa yegu mahure cue nii”, niahye tiquiro puhtoro “Ti cjoere mehna wapataeru yahu”, ni yahuro. ²² Tiquiro sa nigã tiquiro puhtoro ohõ saha niahye: “Mahu sa nigu ñagu ijire mahu. Yuhure mahu sa nidi buhiri mahure buhiri dahregutja yahu. Yuhu mahure tutuaro dahra dutigu yuhu ijigã masine mahu. Apequina yere yuhu negã yuhu oterarigu ijepeguta ducare negu yuhu ijigã masine mahu. ²³ Yuhu sa ijigã ihñaepaguta ya cjoere niñeru ihbori wuhuru cūedahya mahu. Tire tiquina wasori wapa wapata nemoboaya mahu. ¿Duhsegã sa yerari mahu? Tire mahu yegã tojoa wihigu wapata nemoboaya yahu”, niahye tiquina puhtoro. ²⁴ Sa ni tuhasa tiquiro cahapu ducuyequinare dutiahye: “Niñeru cjoere ehmaña tiquirore. Pua omope cjoerire cuoriquirore ohoya”, niahye puhtoro. ²⁵ Tiquiro sa nigã tiquina pehe yahuahye tiquirore: “Puhto, pua omope cjoeri cuoriquiro peye cuo tuhasare”, niahye tiquina. ²⁶ Tiquina sa nigã puhtoro yuhtiahye: “Mhsare niita niaja. Ijipihtiyequina cuoyequinare oho nemoutja. Cuoriquiro pehere mehenogã tiquiro cuoepaguta tire ehmagutja. ²⁷ Yojopu puritare yuhure ihña tuhtiyequinare yuhure tiquina puhtoro iji dutierariquinare yuhu cahapu ne cãhtaya. Sa yena yuhu ihñonopu wejẽña tiquinare”, niahye puhtoro dahra cohteyequinare, ni, buheahye Jesu.

Jerusalẽpu esahye Jesu

(Mt 21.1-11; Mr 11.1-11; Jn 12.12-19)

²⁸ Sa ni tuhasa Jesu apequina pano Jerusalẽpu wahahye. ²⁹ Tiquiro

Betfagẽ wame tiri maca cahapu Betania wame tiri maca cahapu esa, canu Olivo wame tidu cahapu esa mahtahye. Jerusalẽpu tiquiro esato mehenogã dahsatjiãhye. Sa yero puaro tiquiro buheyequinare Jesu ohoro ohõ saha niahye:

³⁰ —Si macapu burrogãre nena wahaya. Topu esana, burrogãre tiquina duhte docoriquirogãre boca sanata. Apequina pesamehnediquirogã ijigã. Tiquirogãre bocana, yuta dare pã, ne cãhta basaya yuhure. ³¹ Mhsa sa yegã ihñano, burrogã upuro “¿Duhseña burrogãre pãjari?” tiquiro nigã tuhona ohõ saha ni yuhtiya tiquirore: “Mari puhtoro burrogãre cahmedoqueo nidi”, ni, yahuya tiquirore, ni yahu duti ohoahye tiquiro buheyequinare puarore.

³² Tiquiro sa nigã tiquina puaro pehe tiquiro nidiropu esahye. Tiquina sa esagã ijipihtiye Jesu tiquiro nidiro sahata ijiahye. ³³ Sa ye tiquirogãre tiquina pagã ihñañe tiquirogã opana tiquinare sinituahye:

—¿Duhse yena tana mhsa yuta dare pãjari burrogãre? ni, sinituahye tiquina.

³⁴ —Mari puhtoro burrogãre cahmedoqueo nidi, ni yuhtiahye tiquina.

³⁵ Sa ni yahu tuhasa tiquirogãre Jesu cahapu ne sahye. Ne sa tuhasa tiquina bui cje suhtire tiquirogã bui seõ peo, tiquirogã buipu Jesu maha pjegã yedohoahye tiquina. ³⁶ Jesu tiquirogã bui pesagã tiquiro wahato pano masa tiquina bui cje suhtire tu we ne, mahapu seõ cū mahtahye Jesure ño peoye. ³⁷ Sa ye tiquina Jerusalẽ cahagãpu esa, Olivo wame tidupu dijia tari mahapu esahye. Topu Jesu buhegã tuhoyequina peyequina ijipihtiye Cohãcjã tutuaye mehna tiquiro ye ihñorire, tiquiro quehnoañe yerire tiquina ihñarire wacũñe, Cohãcjãre “Quehnoagu, tutuagu ijire”, ni sañuducuahye. Sa ye tutuaro sañuducu, Cohãcjãre ño peoye, ohõ saha niahye:

38 —Ahriquiro Cohācjū tiquiro ohoriquirore, mari puhtorore Cohācjū quehnoano yeahro. Ʋhmuse cjēna quehnoano ijiahro. Cohācjū tiquiro tutuariquiro ijigū ijipihtiyequina masiahdo, ni ño peohaye tiquina.

39 Tiquina sa nigū tūhoye fariseo masa meheñequinagā tiquina watoa ijiyequina Jesure yahuahye:

—Buhegū, mūhū buheyequinare dihta maria dutiya, niahye tiquina.

40 —Mūsare niita niaja. Tiquina sañuducueragū utā paca pari pehe sañuducuboga, niahye Jesu fariseo masare.

41 Sa ni tuhasa Jesu Jerusalē cahagāpū esa, ti macare ihñano, utiahye. 42 Ohō saha niahye tiquiro:

—Jerusalē cjāna yojopū pūritare mūsare pecapū wahaborinare Cohācjū tiquiro yūhdūoatire mūsa masigū quehnoa yūhdūaboaga. Sa ijiepegāta yojopūre mūsa tire ne tūho duerare. Sa yero Cohācjū tire mūsare masi dutierare. 43 Mūsare ihña tuhtiyequina mūsa ijiri macare cahmota sotoa peho quēheeta. Sa ye, mūsare tiquina wijia dutisi. 44 Ti pjeta tiquina mūsa ya macare cohā pehoeta. Mūsa gūhūre wejēta. Mūsare ihña tuhtiyequina quehnoano cohā pehoeta mūsa ya macare. Cohācjū pecapū wahaborinare mūsare tiquiro yūhdūoatire mūsa masi duerari. Mūsa masi duerari buhiri mūsare ihña tuhtiyequinare Cohācjū mūsare cohā dutirota, niahye Jesu Jerusalē cjēnare.

Cohācjū wūhūpū Jesu esahye

(Mt 21.12-17; Mr 11.15-19; Jn 2.13-22)

45 Sa ye Jerusalēpū esaro, Jesu Cohācjū wūhūpū sajāa wahahye. Sa yero apee boro duayequinare ti wūhūpū ijiyequinare boca saro, tiquinare cohā wio cāhye. Ohō saha niahye tiquinare:

46 —Cohācjū yere tiquina ojoari pūpū ohō saha nine: “Ya wūhū Cohācjū mehna yahuducuri wūhū wame tirota”, niahye tiquiro yere

tiquina ojoari pūpū. Tiquiro sa niepegāta mūsa pehe ahri wūhūpū duana, mūsa basi cahme yaquere mūsa, niahye Jesu.

47 Sa ye decoripe Cohācjū wūhūpū Jesu buheahye. Sa ye pahia puhtoa, judio masare buheyequina, masa puhtoa gūhū tiquirore tiquina wejēatire wacū macahye. 48 Masa ijipihtiyequina tiquirore sa tūhoducuye, tiquiro buheyere quehnoano tūho nūnūñequina ijiahye. Tiquina sa quehnoano tūho nūnūgū Jesure wejē duayequina pehe tiquirore tiquina wejēatire bocaerahye.

20

Pahia puhtoa, judio masare buheyequina, būcūna gūhū Jesu mehna cahme tuhtiye niahye

(Mt 21.23-27; Mr 11.27-33)

1 Ape deco Cohācjū wūhūpū Jesu masare quehnoañe buheyere buhero niahye. Tiquiro sa buhegū pahia puhtoa, judio masare buheyequina, būcūna mehna tiquiro cahapū wihiye, sinituahye:

2 —Yahuya usāre. ¿Dūhsegū canūre sa yeari mūhū? ¿Noa mūhūre tire sa ye dutiari? niahye tiquina Jesure.

3 Tiquina sa nigū Jesu yūhtiahye tiquinare:

—Mūsa pehere sinitu mūhtagatja. Yahuya yūhūre. 4 ¿Ñū masare tiquiro wame yegū noa boro pehe tiquirore wame ye dutiyari, mūsa tūhotugū? ¿O Cohācjū dutierayari? ¿O masa pehe dutiyari, mūsa tūhotugū? ni sinituahye Jesu tiquinare.

5 Tiquiro sa nigū tiquina pehe tiquina basi ohō saha niahye:

—¿Dūhse ni yūhtinatari mari? “Cohācjū Ñūre dutie tiahye”, mari nigū, “¿Dūhsena Ñūre Cohācjū dutiepegāta tiquirore tūho duerari mūsa?” niboaga Jesu marine. Sa yena “Cohācjū Ñūre dutiye tiahye”, ni yūhti masiedaja mari. 6 Ahriquina masa pehe “Potota Ñū Cohācjū yere yahu mūhtariquiro ijire”, ni tūhoture tiquina. Sa ni tūhotuye “Ñū tiquiro

wame yegū Cohācjū tiquirore dutierahye”, mari nigū tūhoye marine masa utā paca mehna doqueeta. Sa yena ti gūhure yūhti masiedaja mari, ni yahuducuahye tiquina basi.

⁷ Sa ni yahuducu tuhasa tiquina Jesure yūhtiahye:

—Ñure wame ye dutiriquirore usā masiedaja, niahye tiquina.

⁸ Tiquina sa nigū Jesu yūhtiahye:

—Ti pje pūrita yūhū gūhū mūsa sinitu mūhtarire yahueraja mū sare. Ahrire yūhū yerire dutiriquirore yahueraja mū sare, niahye tiquinare.

Ñañequina dahra cohteyequina queoyere yahuahye Jesu

(Mt 21.33-44; Mr 12.1-11)

⁹ Sa ye Jesu tiquiro tūhotuye mehna queoye mehna ohō saha ni buhe dūcahaye masare:

—Wese upūro ūhse darire oteahye. Ote tuhasa, ti wesere apequinare ihcā pehe pahma cūahye. Pahma cūno ti wesere tiquinare ihña ihbo dutiahye. Sa duti tuhasa ape yehpapū waha, yoari pje bajuerahye. ¹⁰ Sa yero ūhse ñidi pje ijigū wese upūro tiquiro cahacjūnore wesere ihña ihboyequina cahapū ohoahye. Wese cjē oteri dūcare tiquiro ya pahrē cjēne ne dutiro ohomahye. Sa ye ihña ihboyequina pehe tiquiro cahacjūnore piti ca quēahye tiquirore. Sa ye tiquina tiquirore dūcare ohoerapeta tojoa dutiahye. ¹¹ Sa yero wese upūro apequiro tiquiro cahacjūnore ti wese cjē oteri dūcare ne dutiro ohomahye tja. Sa ye wesere ihña ihboyequina tiquiro gūhure quē, ñano yeahye tiquirore. Sa ye tuhasa tiquirore ti dūcare ohoerapeta tojoa dutiahye tja.

¹² Tiquina sa yeri bato wese upūro apequiro cahacjūnore ohomahye tja. Sa ye wesere ihña ihboyequina pehe tiquiro gūhure camī dahre, ti wese dūhtū cahapū cohā cāhye tiquirore.

¹³ Tiquina sa yeri bato wese upūro ohō saha ni tūhotumahye: “¿Dūhse yegūtari yūhū? Ohō saha yegūtja. Yūhū macūre yūhū cahñiquirore ohogūtja. Ijirota ijire. Tiquina

tiquirore ño peoeta”, ni tūhotumahye wese upūro pehe. ¹⁴ Sa ye tiquiro macūnore tiquiro ohoriquirore esagū ihñañe ihña ihboyequina pehe tiquina basi ohō saha ni, yahuducuahye. “Ahriquiro wese upūro macūno ijire. Tiquirore wejēihna. Sa yero ahri wese mari ya wese tojoarota”, nimahye tiquina basi. ¹⁵ Sa ni tuhasa wese upūro macūnore wese dūhtū cahapū nea, wejē cāhye tiquirore. ¿Tiquina sa yegū ihñano dūhse yerotari wese upūro wesere ihña ihboyequinare? niahye Jesu.

¹⁶ —Ti wesere ihña ihboyequinare wejēno taro, apequinare wesere ihña ihbo dutirota, ni yūhtiahye Jesu tiquiro basi.

Tiquiro sa nigū tūhoye masa pehe ohō saha niahye:

—Marine sa wahaeracāhdo, niahye tiquina.

¹⁷ Tiquina sa nigū Jesu pehe tiquinare sinituahye:

—¿Cohācjū yere tiquina ojoari pūre ohō saha ni yahuducuye, dūhse nino niajari, mūsa tūhotugū?

Ahriquiro Cristo utā yero saha ijire. Utāre wūhū dahreyequina tiquina cohāno saha masa tiquirore cohāeta. Tiquina sa yepegūta yojopūre wūhū dahreyequina wūhūre yeye tiquina cū mūhtarīa utāre tiquina cūno saha Cohācjū tiquirore pūhtoro sōri, ni ojoahye.

¹⁸ Tjipihtiyequina tia utā bui doque queheyequinare mūta sitea wahaeta. Sa yero tia utā masūno bui bora pjero, mūtaa wahagū yerota tiquirore. Tiquiro pagū mūnanore daye manarīgā wahagū yerota, niahye Jesu. (Sa nino tiquirore cahmedarīquina, tiquiro buhiri dahreatiquina tiquina ñano yūhdūatire yahuro niahye.)

Pūhtoā ye wapare apequina sinituahye Jesure

(Mt 21.45-46; 22.15-22; Mr 12.13-17)

19 Tiquiro sa nigũ tũhoye judio masare buheyequina, pahia pũhtoah gũhũ, “Jesu wesere ihña ihboyequina queoye mehna marine tuhtiro nine”, ni, tũhotuahye tiquina.

Sa ni tũhotuyehye tiquina Jesure ñehe duamahye. Sa ñehe duepeta tiquina masare cue niahye. 20 Sa cueye, Jesure tiquina ñeheatĩ pĩere cohteahye tiquina. Sa ye “Poto ijiyequina yero saha ye meho ijiya mũsa”, niahye tiquina apequinare. Tiquiro ñano ni yũhtigũ ye duaye nimahye tiquirore yahusã duaye. Sa ye Jesure sinitu dutiye ohoahye ni mehoñequinare. Jesu ñano ni yahuducugũ tũhoye ti yehpa cĩena pũhtoro peresu ye dutiye tee nimahye. 21 Sa ye tiquina Jesure ni meje cũ sinituyehye nimahye:

—Buhegũ, poto yahuducugũ, ni mehoñe mariegũ mũhũ ijigũ usã masi-aja. Sa yegũ ihcãquiro pũhtoro waro tiquiro ijipegũta tiquiro gũhare dũyaro marieno potota yahure mũhũ. Mũhũ Cohãcjũ yere poto mũhũ buhegũ gũhare usã masi-aja. 22 Yahuya usãre. ¿Ne, Roma cĩanore ijipihtiyequina pũhtoro gobierno cĩene marine wapa yero cahmeajari, mũhũ tũhotugũ? ¿Mari dutiye wapa ye dutiajari, mũhũ tũhotugũ? ni sinituahye tiquina Jesure.

23 Tiquina sa nigũ tũhoro Jesu tiquina ñano ye duayere masino, tiquinare yũhtiahye:

24 —Yojopũre niñeru cjoere pũhtoare wapa yeati cjoere ne cãhtaya. Ti cjoere ihñaũhna, niahye.

Ti cjoere tiquina ne wihigũ ihñano ohõ saha niahye Jesu:

—¿Noa boro queoye wahñajari ahri cjoere? ¿Noa boro wame wahñajari? niahye Jesu tiquinare.

—César, masa ijipihtiyequina pũhtoro queoye, tiquiro wame gũhũ wahñare, ni yũhtiahye tiquina.

25 Tiquina sa nigũ Jesu yahuahye:

—Ti pje pũrita masa ijipihtiyequina pũhtoro yere tiquiro pehere ohoya. Cohãcjũ yere Cohãcjũ pehere ohoya, niahye Jesu tiquinare.

26 Sa ye masa tiquina ihñonopũ Jesure ñano ni yahuducugũ ye masiedahye tiquina. Sa ye Jesu yũhtiyere tũhoye, tiquina tũho maria wahahye. Sa tũho maria waha, dihta maria wahahye.

Cohãcjũ tiquiro masoatire yahuahye Jesu saduceo masare

(Mt 22.23-33; Mr 12.18-27)

27 Sa ye meheñequinagã saduceo masa Jesu cahapũ wihiahye. “Cohãcjũ yariariquinare masosi”, ni tũhotuyequina ijiahye saduceo masa. Sa ye tiquina ohõ saha niahye tiquirore:

28 —Buhegũ, ohõ saha ni buheahye Moise: “Ihcãquiro tiquiro wahmino namo tiriquire pohna mariedaperota tiquiro yariagũ ihñano tiquiro bahũrore tiquiro wahmino namono ijiricoro nũoano cahmene. Sa yero tiquiro wahmino mũnano tiquiro pohna tiboriro sahata pohna tiro cahmene tiquiro bahũrore. Sa ye tiquiro pohne tiquiro wahmino mũnano pohne yero saha ijieta”, ni, ojoahye Moise, niahye tiquina.

29 Tire ni tuhasa ahri quitire tja yahu nemoahye Jesure:

—Ihcãquiro masũno ijiahye. Seis bahana tiahye. Tiquina wahmino pehe namo ti, pohna mariediquiro yariaa wahahye. 30 Sa yero apequiro tiquiro bahũro gũhũ tiquiro wahmino namono ijiricoro nũoahye. Tiquiro sa nũoari bato tiquiro wahmino yero sahata pohna mariedaperota tiquiro gũhũ yariaa wahahye.

31 Sa yero ahriquire bahũro gũhũ tiquiro wahmino mũnano yero sahata pohna mariedaperota yariaa wahahye. Sa dihita wahahye ihcãquiro pohne waro. Ne pohna mariedapeta yaria pihtia wahahye.

32 Tiquina namono ijiricoro gũhũ tiquina batota yariaa wahahye.

33 ¿Ne, Cohãcjũ ijipihtiyequinare yariariquina mũnare tiquiro masogũ diquiro namono pehe ijiboagari ticoro pototi? Tiquina ijipihtiyequina ticoro namo tiriquire mũna

ijiahye. ¿Sa yero diquiro namono pehe ijirrotari? ni sinituahye tiquina.

³⁴ Tiquina sa nigũ Jesu yahtiahye:

—Yojopũ cjēna omoca dũhtere.

³⁵ Tiquina sa dũhtepegũta apequina pehe topũ cjēna pehe sa ijierare. Apequina umũare, numia gũhare poto yeyequinare Cohãcjũ quehnoañequina ijigũ yerota. Tiquina yariari bato masa mũjaeta. Sa ye tiquina topũ omoca dũhterare. ³⁶ Sa ye tiquina angele yero sahata ne yariasi. Tiquina Cohãcjũ masoriquina ijiye, Cohãcjũ pohne ijire. ³⁷ Yojopũre yariariquina mũna tiquina masa wijiatu pehere mũsare yahutja. Tire Moise quehnoano yahu pehoahye. Tiquiro mehenagã ujãri quitire ohõ saha ni yahuahye: “Abrahã, Isaac, Jacob tiquina pũhtoro ijire Cohãcjũ,” ni ojoahye Moise. ³⁸ Tiquina yariari bato “Tiquina pũhto ijiaja”, ni yahuahye Cohãcjũ. Sa nieperota yariariquina mũna pũhtoro ijierare Cohãcjũ. “Tiquina pũhto ijiaja”, tiquiro niñe mehna catiyequina tiquina ijigũ masiaja mari. Tiquiro catiyequina pũhtoro ijire. Ijipihtiyequina masa catire, Cohãcjũ ihñagũ, niahye Jesu tiquinare.

³⁹ Tiquiro sa nigũ meheñequinagã judio masare buheyequina ohõ saha niahye:

—Buhegũ, mũhũ quehnoano yahtiri, niahye tiquina Jesure.

⁴⁰ Sa ye pari turi Jesure sinitu duerahye tiquina.

Cristo pehe Davi mũnano pũhtoro ijire

(Mt 22.41-46; Mr 12.35-37)

⁴¹ Came Jesu ohõ saha ni yahu nemoahye tiquinare:

—“Cristo Davi mũnano panamino iji turiariquiro ijirrotari”, ni buhere apequina. ¿Dũhse ye tiquina sa ni buheajari? ⁴² Davi mũnano tiquiro basi Salmopũ tiquiro ojoari pũpũ ohõ saha ni, ojoahye:

Cohãcjũ yũhũ pũhtorore ohõ saha nidi: “Ohõpũ yũhũ poto pehepũ dujiya. ⁴³ Sa yegũ mũhare

ihña tuhtiyequinare mũhare yũhdũdũca basautja yũhũ”, nidi Cohãcjũ yũhũ pũhtorore, ni, ojoahye Davi mũnano.

⁴⁴ Sa ni ojoaro Davi mũnano Cristore “Yũhũ pũhtoro”, ni pisuahye. Davi mũnano Cristo ñecũno iji turiariquiro ijieperota Cristore “Yũhũ pũhtoro”, ni pisuahye. ¿Davi mũnano Cristo ñecũno iji turiariquiro ijieperota dũhse ijiro boro tiquiro “Yũhũ pũhtoro”, ni pisuyari Cristore? Cristo pehe Davi mũnano pũhtoro ijire, ni yahuahye Jesu.

Judio masare buheyequina tiquina ñañe yeyere yahuahye Jesu

(Mt 23.1-36; Mr 12.38-40; Lc 11.37-54)

⁴⁵ Masa peyequina Jesure tiquina tũhori watoa Jesu pehe tiquiro buheyequinare ohõ saha ni yahuahye:

⁴⁶ —Mari judio masare buheyequina tiquina ñañe yeyere ihñana quehnoano wacũ masiña. Sa yena tiquina yero saha yeracãhña. Tiquina yoaye suhti saña, masa tiquina ihñonopũ tini, doeri cjẽ duaropũ apequina pũhtoare quehnoano ño peo tiquina sinino saha tiquina piti ca sinigũ cahmene tiquina. Sa ye tiquina mari judio masa buheye wũhũsepũ quehnoañe dujiye dihitare duji duare. Sa ye bose deco ijigũ topũ gũhare quehnoañe dujiye dihitare cahmene. ⁴⁷ Tiquina wape wiha numia ye wũhũsere tiquina cũoye gũhare ehmare ti numiare. Sa ye tiquina masa ihñonopũ yoari pje Cohãcjũre siniducumene masare ihña dutiye. Tiquina sa yegũ apequina bui cjũno tiquinare Cohãcjũ buhiri dahrerota, niahye Jesu tiquinare.

21

Wape wihoro Cohãcjũ wũhũpũ ticoro ohorire yahuahye Jesu

(Mr 12.41-44)

¹ Sa ni yahu tuhasa Cohãcjũ wũhũ cjẽ niñeru tiquina sãri acarore niñeru opana tiquina ye niñerure duhu

sāgū ihña dujiro niahye Jesu. ² Sa ihñano wape wihoro pejecuoricoro pua cjoegāre ticoro duhu sāgū gūhare ihñahye. ³ Tire ihña tuhasa ohō saha ni yahuahye:

—Potota niita niaja musare. Ahricoro wape wihoro pejecuoricoro pehe niñeru sāri acaropu duhu sāno apequina ijipihtiyequina ohori yanduro ohori ticoro pehe. ⁴ Apequina niñeru opana pajiro tiquina ohopegāta tiquina ye pajiro dūhsare. Ahricoro pehe pejecuoricoro ijieperota ijipihtiye ticoro ihyatire ticoro dūborigāre oho pehori, niahye Jesu.

—*Cohācjū wūhu cohōri wūhu ijirota, niahye Jesu*

(Mt 24.1-2; Mr 13.1-2)

⁵ Sa ye apequina Cohācjū wūhare ohō saha niahye:

—Quehnoañe utā paca mehna yeri wūhu, quehnoa yanduri wūhu ijicjoare. Masa Cohācjū ya wūhu ijiatire tiquina ohori gūhu ti wūhupure quehnoano cūri jire, ni, yahuducuye niahye.

Tiquina sa nigū Jesu yahuahye tiquinare:

⁶ —Ahri ijipihtiye mari ihñari wūhūserere, ahri utā paca gūhare cohā pehoeta. Ne ihcāria utā tojoasi, niahye Jesu tiquinare.

Pihtiati deco ijiatire yahuahye Jesu
(Mt 24.3-28; Mr 13.3-23)

⁷ Tiquiro sa nigū tūhoye tiquina pehe sinituahye tiquirore:

—¿Buhegu, dūhse ijigū mūhu nidiro saha sa waharotari? ¿Pihtiati deco panogā ijigū dūhse ti waha dūcagū ihñanatarī usā? ni sinituahye tiquina Jesure.

⁸ Jesu yūhtiahye tiquinare:

—Quehnoano yeya musa. Sa yena musare apequina tiquina ni mehoñene tūhoeracāhña. Peyequina masa “Cristo ijiaja yūhu”, ni mehoñequina ahtaeta. Sa niñe, “Yojopure pihtiati deco ijia to mehenogā dūhsare”, nieta. Tiquina sa nigū tūhoeracāhña. ⁹ Sa ye apequina

“Cahme wejēne nine”, musare nieta. “Yojopure puhtoare masa cohāne nine”, nieta. Musa tire tūhona cueracāhña. Pihtiati deco pano ohō saha waha mūhtanota. Sa wahagū pihtiati deco wahato dūhsarīnota, niahye Jesu.

¹⁰ Sa ni tuhasa ohō saha ni yahu nemoahye:

—Ihcā yehpa cjēna ape yehpa cjēna mehna cahme wejēeta. ¹¹ Sa yero tutuaro yehpa űuhmi, masa peyequina űjua mehna yaria, ijipihitiro cjēna dohatieta. Sa ye űhmuse cjē cua pesaye bajuagū ihñañe, masa ihña maria waeta.

¹² Ahri ijipihtiye sa wahato pano, apequina musare ñehe, ñano yeeta. Sa ye mari judio masa buheye wūhūsepū tiquina musare yahusā, peresu yeeta musare. Tiquina sa yegū peye yehpari cjēna puhto cahapū, peye macari cjēna puhto cahapū ducunata musa tiquina yahusānohrina. Yeequina musa ijiri buhiri sa yeeta. ¹³ Tiquina sa yahusāgū musa pehe quehnoañe buheyere tiquinare yahunata. ¹⁴ Ti pjere musare tiquina yahusāgū puhtorore musa yūhtiatire “Yahu masiedaboaga”, ni tūhotueracāhña musa. ¹⁵ Yūhu musare yahu basautja. Musare sa yedohogu tūho masiñene, quehnoañe yahuducuye gūhare musare yahugū yeitja. Musa sa yegū musare ihña tuhtiyequina pehe musa yahuducuyere tūho, “Ti potō ijierare”, ni, yūhti masisi. ¹⁶ Ti pjere musa pacusumua, musa bahana, musa acaye, musa mehna cjēna gūhu musare ihña tuhtiyequinare ohoeta musare, yeequina musa ijiri buhiri. Tiquina sa yegū musare ihña tuhtiyequina musa mehna cjēnare apequinare wejēeta. ¹⁷ Sa ye yeequina musa ijigū ihñañe, ijipihtiyequina musare ihña tuhtietā. ¹⁸ Musare sa ihña tuhtiepeta ne mehenogā musare ñano yesi. ¹⁹ Sa yena musa wacū tutuana ijiya. Musa sa yena, Cohācjū mehna sa ijiducunata.

20 'Sa ye peyequina surara Jerusalēpɥ tiquina cahmota sotoa peho cāgũ ihñana, Jerusalēne tiquina cohāto mehenogā dɥhsagũ masinata mɥsa. 21 Ti sa wahagũ ihñañe Judea yehpapɥ ijiyequina cɥnɥ cɥ cahapɥ oma duhtiahro. Sa ye Jerusalēpɥ ijiyequina wahaahro. Sa ye weseripɥ ijiyequina Jerusalēpɥ tojoeracāhdo sojaro mehna tiquina wahato pehe. 22 Ti decoripɥ buhiri dahreye decoripɥ ijipihtiye Cohācjũ tiquiro ojoari pũ tiquiro nidiro sahata sa waharota. 23 Ijipihtiropɥ ahri yehpapɥ ñano yɥhdɥeta. Ti sa wahagũ, niji wahcõñe numia, tiquina pohnene apũoñe numia gãhɥ pejecɥoro wahaeta. 24 Apequina ahri maca cjēna mehna cahme wejēeta. Sa ye apequina ahri maca cjēnare ijipihtiye yehparipɥ ne cã, peresu yeeta. Sa ye judio masa ijieyequina Jerusalēne ñano ye, tiquinare yɥhdɥɥcaeta. Judio masa ijieyequina ya deco pihtigãpɥ Jerusalē cjēnare ñano ye duhueta, ni yahuahye Jesu.

Jesu ahri yehpapɥ tiquiro tojoa tatire yahuahye

(Mt 24.29-35, 42-44; Mr 13.24-37)

25 Sa yero tiquinare yahu nemoahye:

—Ti pjere asũ deco cjēno, ñami cjēno, ñahpicoha gãhɥ sijoro saha ijiyequina wahaeta. Ijipihtiyequina ahri yehpa cjēna “Acuehi, yarianata”, ni tɥhotuyequina pajiri ma cjē pahcõri cua yɥhdɥaro ti pahcõri bisi cãhtagũ tɥhoye tutuaro cueeta. 26 Ti pjere ɥhmɥse cjē yehpari, ñahpicoha gãhɥ ti sa wahaducurore comesaeta. Sa ye ñuhmieta. Ti sa wahagũ ihñañe, masa pehe ahri yehpa pihtiatire cohteye, tutuaro cueeta. 27 Ti pjeta yɥhɥ masɥ Cohācjũ ohorigɥ Cohācjũ tutuaye mehna tiquiro asi siteye mehna ehmeo curua buipɥ yɥhɥ ahtagũ ihñañe masa. 28 Ahri sa waha dɥcagũ ihñana, wacũ tutuana ijiya. Sa yena ɥhmɥsepɥ ihñañe. Ti pjere Cohācjũ mɥsare pecapɥ

wahaborinare tiquiro yɥhdɥoato mehenogā dɥhsarota, niahye Jesu.

29 Sa ni tuhasa ahri queoye mehna buheahye Jesu:

—Higueragure, apeye cɥ gãhɥre tɥhotuya mɥsa. 30 Tɥ yucɥgɥ pũri tigũ ihñana, cɥhma mehenogā dɥhsagũ masine mɥsa. 31 Sata ahri ijipihtiye yɥhɥ nidire ti sa wahagũ ihñana, Cohācjũ tiquiro pɥhtoro ijiati pje mehenogā dɥhsagũ masinata mɥsa.

32 'Mɥsare poto niita niaja. Ti pje cjēna tiquina yariato pano ijipihtiye yɥhɥ nidiro sahata sa waharota. 33 ɥhmɥse, ahri yehpa gãhɥ pihtia waharota. Yɥhɥ yahuducuye pehe ne comesasi. Ijipihtiye yɥhɥ nidiro sahata sa waha sohtori tirota.

34 'Yɥhɥ tojoa tati decore ne masiedare mɥsa. Sa yena quehnoano yeya. Bose decorire queheye decorire yeducueracāhña. Sa yena queheracāhña. Ahri yehpa cjēne pajiro tɥhotueracāhña. Mɥsa yɥhɥ nidiro sahata yena, wacũeno mehna ahri yehpapɥ yɥhɥ ahtagũ mɥsa ne acɥasi. 35 Wahiquirore yuri da wacũeno mehna ti da tã suhoro saha wacũeno mehna ahtautja yɥhɥ. Ijipihtiyequina ahri yehpa cjēna tiquina masiedi watoa ti deco wacũeno mehna sa waharota. 36 Quehnoano wacũ masi cohteya. Sa yena Cohācjũre ahrire sa siniducuya: “Ahri pihtiatire decore sa wahagũ yɥhɥre yedohoya. Tutuayere ohoya yɥhɥre ahrire quehnoano yɥhɥ yɥhdɥatire. Sa yegɥ Cristore mɥhɥ ohoriquirore cuero marieno yɥhɥre piti cagũ yeya”, ni, siniña Cohācjũre, niahye Jesu.

37 Sa ye ti decorire Cohācjũ wɥhɥpɥ Jesu buhee tiahye. Ñaminipe buhe tuhasaro Olivo wame tidɥ cɥnɥpɥ waha, topɥ iji bohreaye tiahye.

38 Bohreayepɥ tahari ijipihtiyequina masa Cohācjũ wɥhɥpɥ tiquirore tɥhoye wahae tiahye.

22

Pahia pɥhtoa, judio masare buheyequina mehna wejē duahye

Cohãcjũ “Mũsare yũhdũoutja”, tiquiro nidiro esa tuhagũ yũhũ yariaro mehna tiquiro nidiro sohtori tirota.

²¹ 'Yojopũre tuhoya mũsa. Yũhũre ihña tuhtiequinare yũhũre ihñoatiquiro yojopũre yũhũ mehna ohõ dujire.

²² Cohãcjũ tiquiro dutiriro sahata yũhũ masũ Cohãcjũ ohorigũ yariũtja. Tiquiro sa yaria dutiepegũta yũhũre ihña tuhtiequinare ihñoatiquiro pũrita ña yũhdũaro yũhdũrota, niahye Jesu tiquinare.

²³ Tiquiro sa nigũ tiquina pehe tiquina basi ohõ saha ni sinituahye:

—¿Jesure ihña tuhtiequinare ihñoatiquiro mari mehna cjũno diquiro boro ijiagari? ni, yahuducuahye tiquina basi.

—¿Mari mehna cjũno diquiro pehe ijiagari pũhtoro? ni yahuducuahye Jesu buheyequina tiquina basi

²⁴ Came Jesu buheyequina ohõ saha ni yahuducuahye:

—¿Mari mehna cjũno diquiro pehe ijiagari pũhtoro? ni yahuducuahye tiquina basi.

²⁵ Tiquina sa ni yahuducugũ tuhoro Jesu tiquinare yahuahye:

—Cohãcjũre cahmeeñequina pũhtoa pehe tiquina masare dutiye, purĩno mehna dutire. Sa ye pũhtoare “Tiquina masare yedohoyequina ijire”, nimene apequina masa tiquinare. ²⁶ Mũsa pehe sa yesi mũsa basi. Mũsa mehna cjũno mũsa wahmi pehere tiquiro bahũro yero saha ijero cahmene. Mũsa mehna cjũno pũhtoro iji duaro cahacjũno yero saha ijero cahmene tiquirore.

²⁷ ¿Diquiro ijiagari pũhtoro? ¿Ihya dujiriquiro pehe pũhtoro ijiagari? ¿O ihyayere itiriquiro pehe pũhtoro ijiagari? Ihya dujiriquirota ijiaga pũhtoro. Tiquiro sa ijiepegũta yũhũ pehe cahacjũno yero saha mũsare yedohogũ ahtaũ.

²⁸ 'Masa yũhũre tiquina ñano yepegũta mũsa pehe yũhũre duhuerare. ²⁹ Sa yegũ yũhũ Pacũ yũhũre tiquiro pũhtoro sũriro sahata mũsa gũhũre pũhtoa sũgatja yũhũ. ³⁰ Yũhũ

pũhto yũhũ ijigũ yũhũ ihyari mesapũ mũsa gũhũ ihya, sihninata. Sa yena mũsa pũhtoa dujiyere dujinata. Mũsa topũ dujina Israe masare doce cururi cjẽnare besenata mũsa ñañequinare, quehnoañequinare, ni-ahye Jesu tiquiro buheyequinare.

Pedro Jesure tiquiro cohãtire yahuahye Jesu

(Mt 26.31-35; Mr 14.27-31; Jn 13.36-38)

³¹ Sa ni tuhasa Pedrore Jesu ohõ saha ni yahuahye:

—Simo Pedro yũhũre tuhoya. Mũsare ijipihtinare watĩno yũhũre cohãgũ ye duare. Trigo wese cjũno trigore tiquiro wejẽ site cohãriro sahata mũsare ijipihtinare watĩno ñano ye duare. Sa ye duaro, Cohãcjũre sinidi. ³² Tiquiro sa sinigũ ihñagũ yũhũ pehe Cohãcjũre sini basũ mahũre. Yũhũre mahũ wacũ tutua duhueratire sini basũ mahũre. Sa yegũ mahũ yũhũ mehna cjũ pari turi ijigũ yeequinare yedohoya mahũ, yũhũre tiquina wacũ tutua nemoati, niahye Jesu Pedrore.

³³ Tiquiro sa nigũ Pedro yũhtiahye:

—Pũhto, yũhũre tiquina peresu yepegũta, yũhũre tiquina wejẽ duepegũta mahũ mehna cjũ ijiũtja, niahye Pedro.

³⁴ Jesu yũhtiahye:

—Pedro, mahũre niita niaja. Mia ñami canaca tiquiro yahuato pano “Jesure masiedaja”, nigũta mahũ apequinare. Ihtia taha sa nigũta mahũ, niahye Jesu Pedrore.

Jesure tiquina ñano ye dũcato mehenogã dũhsahye

³⁵ Sa ni tuhasa Jesu tiquiro buheyequinare yahuahye:

—¿Sohõ ijiri pje niñeru ajuro mariena, pajiri ajuro mariena, dahpo suhti mariena mũsare yũhũ ohogũ apee boro dũhsari mũsare? ni sinituahye Jesu.

—Ne usãre yabe dũhsaerari, ni yũhtiahye tiquina.

³⁶—Ti pjere mũsare dũhsaerapegũta yojopũ pehere niñeru ajurore cũona

tire neña. Pajiri ajurore c̄ona ḡh̄u neña. Sa yena m̄sare ñoseni p̄j̄ mariedaḡ m̄sa suhtire duana ti p̄j̄ne dúya. ³⁷ Ahrire m̄sare nii niaja. Coh̄c̄j̄ yere tiquina ojoari p̄p̄u tiquina nidiro sahata ȳh̄ure sa waharo cahmene. Oh̄o saha niahye ti p̄p̄u: “‘Tiquiro dutiyere ȳh̄d̄d̄c̄ayequina mehna c̄j̄no ijire’, nieta masa”, ni, ojoahye, niahye Jesu.

³⁸ —Ih̄ñaña p̄h̄to. P̄u p̄j̄ ñoseñe p̄j̄nine c̄oaja us̄a, niahye tiquiro buheyequina.

—To punota ijire, ni ȳhtiahye Jesu.

Getsemaní wame tiri wesep̄u Jesu Coh̄c̄j̄re siniahye

(Mt 26.36-46; Mr 14.32-42)

³⁹ Sa ye Jesu tiquiro sa yedu-
curi sahata Olivo wame tid̄u
c̄n̄p̄u wahahye. Tiquiro sa wahaḡu
tiquiro buheyequina tiquiro mehna
wahahye. ⁴⁰ Top̄u esaro tiquiro
tiquinare yahuahye:

—Coh̄c̄j̄re siniña m̄sa ñano yer-
atire, niahye Jesu tiquinare.

⁴¹ Sa ni tuhasa tiquiro dihita
mehenoḡa waha nemo, d̄usepe curi
mehna quehe sa, Coh̄c̄j̄re siniahye:

⁴² —Mai, ȳh̄u ñano ȳh̄d̄atire
ye dueragu yerac̄h̄ña. Ȳh̄u sa
niepeḡta ȳh̄u cahmeñe pehere
yerac̄h̄ña. M̄h̄u pehe masine.
M̄h̄u cahmeno saha yeya ȳh̄ure, ni
siniahye Jesu Coh̄c̄j̄re.

⁴³ Tiquiro sa siniḡu uhm̄sep̄u
ahtariquiro angel Jesure bajua,
yedohoahye tiquirore. ⁴⁴ Sa yero Jesu
ñano jeripohna ti, tutuaro mehna
Coh̄c̄j̄re siniahye. Sa yero tiquiro
asi ti cuhsaye dii p̄jeri yero saha
tiquirore wijia, yehpap̄u bora quehe
sahye.

⁴⁵ Coh̄c̄j̄re sini bato ti, wahc̄d̄aca
sa, tiquiro buheyequina cahap̄u
wihiahye. Tiquiro wihiḡu tiquiro
buheyequina tutuaro bajua witiye-
quina ijiye, car̄ñe niahye. ⁴⁶ Sa yero
Jesu tiquinare oh̄o saha ni yahuahye:

—¿D̄ahsena car̄ñajari m̄sa?
Wahc̄ña. Coh̄c̄j̄re siniña m̄sa,

“Ñano yeari”, nina, niahye Jesu
tiquinare.

*Jesure ih̄ña tuhtiyequina tiquirore
peresu yeahye*

*(Mt 26.47-56; Mr 14.43-50; Jn 18.2-
11)*

⁴⁷ Tiquiro sa ni yahuducuri wa-
toa masa peyequina wihiahye.
Juda doce buheyequina mehna
c̄j̄no ijimediquiro masare uhm̄u t̄a
c̄ãhtariquiro ijiahye. Sa yero tiquiro
Jesu cahap̄u wih̄i, wahsupu ihm̄iahye
tiquirore. ⁴⁸ Tiquiro sa ihm̄iḡu Jesu
tiquirore sinituahye:

—¿Juda, ȳh̄u mas̄ure Coh̄c̄j̄
ohoriḡure ȳh̄ure ih̄ña tuhtiy-
equinare ih̄noḡu ȳh̄ure wahsupu
ih̄miñe mehna sa yeajari m̄h̄u?
niahye Jesu.

⁴⁹ Tiquiro sa nidi bato Jesu buheye-
quina masa Jesure tiquina ñeheatire
masiñe, tiquirore sinituahye:

—¿P̄h̄to, us̄a ñoseñe p̄j̄ni mehna
tiquina mehna cahmequema? ni-
ahye tiquina.

⁵⁰ Tiquina sa nidi bato ihc̄ãquiro
Jesu buheyequina mehna c̄j̄no pehe
pahia p̄h̄to cahaçj̄n̄ore tiquiro
ñoseni p̄j̄ mehna tiquiro cahmonore
poto pehe ijiri cahmonore d̄ate pahr̄e
c̄ãhye. ⁵¹ Tiquiro sa yeḡu ih̄ñano Jesu
tiquirore oh̄o saha niahye:

—Sa yerac̄h̄ña, niahye.

Ni, cahac̄j̄no cahmono ijirirop̄u
ña oh̄ahye. Tiquiro ña oh̄oḡta
cahmono m̄n̄ano sahata ijiahye
tja. ⁵² Sa ye tuhasa pahia p̄h̄toare
Coh̄c̄j̄ w̄h̄u c̄j̄na surara p̄h̄toare,
b̄c̄na ḡh̄ure tiquirore ñeheñe
ahtariquinare Jesu sinituahye:

—¿D̄ahse ijero boro m̄sa ñoseñe
p̄j̄ni, yuca tiãri mehna yaque-
riquirore tiquina yeriro saha m̄sa
ȳh̄ure ñehena ahtajari? ⁵³ Decoripe
Coh̄c̄j̄ w̄h̄up̄u m̄sa mehna ȳh̄u
ijiḡu, m̄sa ȳh̄ure ñehedari. Sa
ijiepeḡta yojop̄ure m̄sa ya deco
ȳh̄ure m̄sa ñano yeati deco ijire.
Yojop̄u wat̄no tiquiro ñano yeati deco
ḡh̄u ijire, niahye Jesu.

—*Tiquirore masiedaja, niahye Pedro Jesure*

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Tiquina Jesure ñehe tuhasa pahia pãhtoro ya wãhãpã neahye tiquina tiquirore. Tiquina topã neagũ Pedro yoropã tiquinare ihña nãnã tãhye.

⁵⁵ Pãhtoro ya wãhãpã esa, topã wãhã cahapã ijiri paapã, quehnoari paa decopã peca wijiãhye apequina. Tiquina wijiãgã ihñano Pedro peca cahapã dujiyequina mehna dujiahye.

⁵⁶ Tiquiro dujiri bato ihcãcoro cahacjõno tiquirore quehnoano ihña, apequinare ohõ saha ni yahuahye:

—Ahriquiro gãhã tiquiro mehna ijiri, niahye ticoro.

⁵⁷ Ticoro sa nigũ tãhoro Pedro yãhtiahye:

—Numio, tiquirore ne masiedaja yãhã, nimahye tiquiro.

⁵⁸ Came cjũnogã apequiro Pedroro ihña, ohõ saha ni yahuahye:

—Mãhã gãhã tiquina mehna cjũ ijire, niahye tiquiro.

—Ne ijieraja, nimahye Pedro.

⁵⁹ Ihcã hora bato apequiro apequinare ohõ saha ni yahuahye:

—Ijirota ijire. Ahriquiro Galilea cjãno ijire. Sa yero potota Jesu mehna ijiri ahriquiro gãhã, niahye tiquiro apequinare.

⁶⁰ Tiquiro sa nigũ Pedro yãhtiahye:

—Ne, mãhã nidiquirore masiedaja yãhã, ni yãhtiahye Pedro.

Tiquiro sa ni yahuducuri watoa canaca yahuahye. ⁶¹ Tiquiro yahugãta Jesu wãhã cahapã ijiriquiro Pedroro majare ihñadoqueoahye. Tiquiro sa yegã Pedro pehe Jesu tiquiro nidire wacũahye. “Mia ñami canaca tiquiro yahuato pano, ‘Yãhã Jesure masiedaja’, nigãta mãhã. Ihtia taha sa nigãta mãhã”, Jesu tiquiro nidire wacũahye Pedro. ⁶² Sa wacũno Pedro topã wijia ta, tutuaro utiahye.

Jesure bãjãpe, quẽahye tiquina

(Mt 26.67-68; Mr 14.65)

⁶³ Sa ye Jesure cohteyequina surara tiquirore bãjãpe, quẽpeahye. ⁶⁴ Sa

quẽpeye, tiquiro caperire dãhte cahmota, tiquirore sinituahye:

—¿Diquiro mãhãre quẽari? Ihñedapegãta yahuya ãsãre, ni sinitupeahye tiquina.

⁶⁵ Sa ye peye ñano ni yahuducuahye tiquina tiquirore.

Jesure pãhtoa sinituahye

(Mt 26.59-66; Mr 14.55-64; Jn 18.19-24)

⁶⁶ Bohrearopã judio masa bãcãna, pahia pãhtoa, judio masare buheyequina gãhã cahmecoahye. Tiquina sa cahmecoanopã apequina tiquina cahapã Jesure ne cãhtahye.

⁶⁷ —Yahuya ãsãre. ¿Cristota ijiajari mãhã? ni sinituahye tiquina Jesure.

Tiquina sa nigũ Jesu yãhtiahye:

—Mãsare yãhã yahugã, yãhãre tãhosi mãsa. ⁶⁸ Mãsare yãhã sinitugã yãhãre yãhtisi mãsa. Sa yena yãhãre wiosi mãsa. ⁶⁹ Mãsa wioerapegãta came cjũnogã ijipihtiye decori yãhã masã Cohãcjã ohorigã Cohãcjã tutuariquiro tiquiro poto pehepã dujigãtja, niahye Jesu.

⁷⁰ Tiquiro sa nigũ tiquina ijipihtiyequina sinituahye tja pari turi:

—¿Sa nigã Cohãcjã macãta ijiajari mãhã? niahye tiquina.

—Mãsa nino sahata ijiaja, ni yãhtiahye Jesu tiquinare.

⁷¹ Tiquiro sa nigũ tiquina ohõ saha ni yahuducuahye tiquina basi:

—Ahriquiro Cohãcjãre pajiro tiquiro ñano yahuducugã mari basi tãhou. Sa ye topequinata yahusãahdo ahriquirore, niahye tiquina basi.

23

Pilato Jesure sinituahye

(Mt 27.1-2, 11-14; Mr 15.1-5; Jn 18.28-38)

¹ Sa ni tuhasa tiquina ijipihtiyequina wahcãdãca, Jesure Pilato cahapã neahye. ² Ne esa, Jesure yahusã dũcahye:

—Ahriquiro mari ya yehpa cjẽnare tiquiro ñano ye dutigã ãsã tãhou. Mari pãhtoro ahriquiro wapa ye

dutierare. Sa yero tiquiro “Pũhto iji-aja. Cristo masare yũhdũoacjũ ijiaja yũhũ”, ni yahuducure tiquiro basi, ni yahusãhye tiquina Jesure.

³ Tiquina sa ni yahusãri bato Pilato Jesure sinituahye:

—¿Judio masa pũhtota ijiajari mũhũ? niahye tiquiro Jesure.

—Mũhũ nino sahata ijiaja, ni yũhtiahye Jesu.

⁴ Tiquiro sa nigũ Pilato pahia pũhtoare, masa gãhũre yahuahye:

—Ahriquiro buhiri mariedare, niahye tiquiro.

⁵ Tiquiro sa niepegũta tiquina tutuaro yahusã nemoahye:

—Tiquiro buheye mehna masare cahmequegũ yere. Galilea yehpapũ tiquiro tire ye dũcari. Sa ye dũca tuhasa ijipihtiro Judea yehpapũ tire tiquiro yere. Sa yero yojopũ ohõpũ gãhũre tire yero taro nine, ni, yahusãhye tiquina.

Herode Jesure sinituahye

⁶ Tiquina sa ni yahusãgũ tũhoro Pilato pehe sinituahye:

—¿Ahriquiro Galilea cjũno ijiajari? niahye tiquiro.

⁷ —To cjũnota ijire, ni yũhtiahye apequina.

Tiquina sa ni yũhtigũ tũhoro Pilato pehe Jesu tiquiro ijiri yehpare masino pũhtoro Herode ya yehpa cjũno Jesu tiquiro ijigũ masiahye. Tire masino Jesure Herode cahapũ ohoahye. Ti pjere Herode Jerusalẽpũ ijiyahye. ⁸ To pano Herode Jesure tũho tuhasahye. Tiquiro sa tũhori bato yoari bato tiquirore ihña duahye. Jesu Cohãcjũ tutuaye mehna tiquiro ye ihñogũ ihña duamahye tiquiro. Sa yero tiquiro Jesure ihñano, bucueahye. ⁹ Sa yero peye tahari sinituahye Jesure. Tiquiro sa sinituepegũta Jesu ne yũhtierahye tiquirore. ¹⁰ Pahia pũhtoa, judio masare buheyequina gãhũ Herode cahapũ esa, tutuaro Jesure yahusãhye. ¹¹ Tiquina yahusãri bato, Herode tiquiro yequina surara mehna bujũpe, Jesure ñano yeahye.

Sa bujũpeye, quehnoari suhtirore pũhtoro tiquiro sañari suhtiro yero saha bajuri suhtirore sãahye tiquina Jesure. Sa bujũpe tuhasa, tiquirore Pilato cahapũ ohoahye tja. ¹² Ti decore Herode, Pilato mehna quehnoano tiquina basi cahme yeyequina iji dũcahye. To panore tiquina basi cahme ihña tuhtiyequina ijinimahye.

Masa Jesure wejẽ dutiahye

(Mt 27.15-26; Mr 15.6-15; Jn 18.39-19.16)

¹³ Sa ye Pilato pahia pũhtoare, apequina pũhtoare, masa gãhũre tiquiro pijiogũ, cahmecoahye. ¹⁴ Tiquina cahmecoa pihtigũ ihñano ohõ saha niahye Pilato tiquinare:

—Ahriquirore yũhũre ne cãhtana, “Tiquiro masare ñano ye dutiri”, nimesi mũsa yũhũre. Yojopũ mũsa ihñonopũ ahriquirore quehnoano sinitu pehou tja. Yũhũ sa sinituri bato mũsa tiquirore sa yahusãducugũ tiquirore ñañe buhiri ne mariedare, yũhũ ihñagũ. ¹⁵ Herode gãhũ tiquirore “Ne, ñañe buhiri mariedare”, nidi. Sa nino ahriquirore pari turi usãre oho majare tojore tja. Sa yena ahriquirore tiquiro ñañe buhiri mariedagũ tiquirore mũsa wejẽ duti masiedare. ¹⁶ Sa yegũ tiquirore yuta dari mehna tana dutiitja yũhũ. Sa tiquina tanari bato tiquirore wioutja, nimahye Pilato masare.

[¹⁷ Cũhmaripe pascua bose decorire masa yaquiro ijiatiquirore ihcãquiro peresupũ ijiriquirore Pilato wio basaducue tiahye.] ¹⁸ Sa ye Pilato “Jesure wioutja”, tiquiro nigũ tũhoye ijipihtiyequina masa ohõ saha ni sañuducuahye:

—Tiquirore Jesure wejẽña. Barrabá pehere usãre wio basaya, ni sañuducuahye masa.

¹⁹ To pano Barrabá pehere Jerusalẽpũ pũhtoare tiquiro cohã dutiri buhiri, masare tiquiro cahmeque dutiri buhiri, tiquiro wejẽdi buhiri, peresu yeahye tiquirore. Sa ye camepũre tiquirore masa wio dutiye niahye. ²⁰ Pilato Jesu pehere wio

duamahye. Sa yero tiquiro masare sinituahye tja. ²¹ Tiquiro sa wio duepegāta tiquina tiquirore niahye tja:

—Curusap_u quē biha wejēña tiquirore. Wejēña tiquirore, ni sañuducuahye tiquina.

²² Tiquina sa nigū Pilato ihtia taha waro ohō saha nimahye tiquinare:

—¿Yabere ñano yeri tiquiro masa sa ni sañuducugū? Ne tiquirore ñañe buhiri mariedare. Sa yeg_u tiquirore wejē duti masiedaja. Tiquirore yuta dari mehna tana dutiitja. To punota ye dutiitja. Sa yeg_u wioutja tiquirore, nimahye Pilato.

²³ Tiquiro sa niepegāta tiquina tutaro mehna sañuducu nemo, Jesure curusap_u wejē dutiahye. Tiquina sa ni sañuducugū tūhoro tiquina cahmediro sahata Pilato yeahye.

²⁴ Sa yero tiquina sinidiro sahata Pilato Jesure wejē dutiahye. ²⁵ Sa dutiro tiquiro peresup_u ijiriquirore masare cahmequegū yeriquirore, masare wejēdiquirore masa tiquina sinidiro sahata Pilato Barrabá pehere wioahye. Sa yero Pilato Jesure curusap_u wejē dutiahye.

Tiquina Jesure curusap_u quē biha wejēahye

(Mt 27.32-44; Mr 15.21-32; Jn 19.17-27)

²⁶ Sa ye tiquina Jesure wejēñe wahaye, neahye. Ti pje tiquina sa yeri watoa Simo wame tiriquire Cirene cñano ihquē wāhuse ijirōp_u esariquire tojoa taro niahye. Jerusalēp_u tiquiro wihigū ihñañe Jesure neañequina tiquirore piti ca, ñehe, curusare tiquirore wā cā dutiahye Jesu bato pehe.

²⁷ Sa ye masa peyequina Jesure ihña nñu tāhye. Sa ye masa watoa ijiyequina numia tiquirore tiquina sa yegū ihñañe tutaro utiahye.

²⁸ Tiquina utigū tūhoro, tiquina numiare Jesu majare ihña, ohō saha niahye:

—Jerusalē cñana numia, yūhare utieracāhña. Masa ye ijiatire, masa

pohna ye ijiati gūhure utiya. ²⁹ Apeye decori ijigū ña yūhdūaro yūhdūnata masa. Ti pjere masa ohō saha nieta. “Pohna mariena numia, pohna tien numia, apūoedari numia yojop_u mari ijigū quehnoa yūhdūaboaga”, nieta numia. ³⁰ Ti pjere cūnare ohō saha ni yahuducueta masa. “Mūh_u cūn_u usā buip_u bora dijia taya. Usāre nūoña”, nieta masa cueye. ³¹ Masa yūhare buhiri mariegare ohō saha tiquina yegū, ñañe buhiri cūoyequina pehe ña yūhdūaro wahaeta, niahye Jesu.

³² Apequina pūaro dutiyere yūhdūducayequina tiquina ijigū tiquina gūhure Jesu mehna tiquina wejēatiquinare neahye tiquina.

³³ Tiquinare nea, “Dapu pehtoro”, wame tirop_u esa, curusap_u Jesure quē biha ohōahye. Sa ye pūaro yūhdūducayequina gūhure apequire tiquiro poto pehe, apequire tiquiro cū pehe pehe quē biha ohōahye. ³⁴ Tiquina sa yegū Jesu ohō saha niahye:

—Mai, ahriquina yūhare wejēatiquina yojop_u tiquina ñano yerire boya tiquinare. Tiquina dūhse yerire masiedare tiquina. Sa yeg_u tiquina ñano yerire boya, niahye Jesu.

Sa ye Jesu suhtire cahme itiyē, tiquina doquepeahye. Tiquiro suhtire “¿Noa yaro ijirotari ohō?” ni cahme doquepeahye tiquina. ³⁵ Sa ye masa top_u ducyequina tiquina ihñaducuri watoa judio masa pūhto Jesure bājūpeahye:

—Tiquiro apequina masare yariaboriquinare yūhdūoñoti. Sa yero tiquiro Cristo Cohācjū beseriquiro ijiro, yojop_u yariaboriquiro ijiro, tiquiro basi yūhdūoahro, ni, bājūpeahye tiquina.

³⁶ Surara gūh_u tiquirore bājūpeahye. Jesu cahap_u esa, tiquina tiquirore ñañe co vinore ohomahye. ³⁷ Tire yeye ohō saha niahye tiquina:

—Mūh_u judio masa tiquina pūhto ijigū mūh_u basi yūhdūya. Sa yeg_u yūhdū witigūta mūh_u, ni, bājūpeahye tiquina.

³⁸ Sa ye tiquiro bui ohō saha ni ojoa ohōahye. “AHRIQUIRO JUDIO MASA PŪHTORO IJIRE”, ni, ojoa ohōahye.

³⁹ Apequiro tiquiro mehna tiquina quē biha ohōriquiro yāhduducariquiro pehe ñano yahuducuahye Jesure:

—¿Muhu Cristo masare yāhduducacjū ijierajari? Muhu basi, usā gūhare yedohoya, niahye tiquiro Jesure.

⁴⁰ Tiquiro sa nigū tuhoro apequiro yāhduducariquiro Jesu poto pehepū tiquina quē biha ohōriquiro pehe tiquirore ohō saha niahye:

—Mari gūhare poto ijiye mehna buhiri dahrere tiquina. ¿Duhsegū Cohācjūre ne ño peoerajari mahu?

⁴¹ Marine ñañe buhiri ye, poto yeye nine tiquina. Ñañene mari yeri buhiri marine buhiri dahrere tiquina. Ahriquiro pehe ñañene yerare, niahye tiquiro apequiro yāhduducariquirore.

⁴² Sa nino, tiquiro Jesure ohō saha niahye:

—Jesu, mahu pūhto ijigū tojoa tagū, yūhare wacūña, niahye tiquiro Jesure.

⁴³ —Muhare ahrire nii niaja. Mi-are paraíso wame tiropū mahu yūhu mehna ijiita, niahye Jesu tiquirore.

Jesu yariaa wahahye

(Mt 27.45-56; Mr 15.33-41; Jn 19.28-30; He 6.19-20; 10.19-20)

⁴⁴ Sa ye coheri pje ijigū asū asi duhuahye. Sa yero ijipihitiro ti dihtapūre ihtia hora waro quehnoano nahitiahye. ⁴⁵ Nahitiari watoa, Cohācjū wahu cjā suhtiro cahsero, tiquina tore cahmotari cahsero decopū ti cahsero uhmūsepū tuhnu dūca, tuhnu yojoa saa wahahye. ⁴⁶ Sa yero Jesu tutuaro sañuducuahye:

—Mai, yūhu jeripohnare mahure wiaja mahu ihña ihboatire, ni, sañuducuahye Jesu.

Sa ni tuhasa yariaa wahahye.

⁴⁷ Tiquiro sa yariagū ihñano, surara pūhtoro pehe “Cohācjū tutuariquiro ijire”, nino, “Ahriquiro Jesu mūnana potota quehnoariquiro ijimeya”, niahye surara pūhtoro.

⁴⁸ Sa ye tiquina wejēgū ihñañe ahtariquina Jesu tiquiro yariagū ihñañe, tiquina ye wūhūsepū tojoaa wahahye. Tojoaa waha, tiquina ñañe yerire bujūa witiye mehna tiquina cutiro bui quē ohōahye.

⁴⁹ Ijipihitiyequina Jesu yequina tiquiro mehna cjēna Galileapū tiquiro mehna ahtariquina numia gūhu Jesure yoaropū ihñaducuahye.

Jesu pagure masa copepū cūahye

(Mt 27.57-61; Mr 15.42-47; Jn 19.38-42)

⁵⁰⁻⁵¹ Ti pjere José wame tiriquiro topū ijiahye. Judea yehpa cjā maca Arimatea wame tiri maça cjāno ijiahye. Sa yero tiquiro quehnoariquiro, poto yeriquiro ijiro, Cohācjū pūhtoro iji dūcatire cohteriquiro ijiahye. Sa yero tiquiro judio masa pūhtoa mehna cjāno ijieperota Jesure tiquina wejē dutigū cahmedamahye tiquiro. ⁵² Sa yero Pilato cahapū esa, Jesu pagure sini-ahye. ⁵³ Sini tuhasa, Jesu pagure ne dijio, quehnoari suhtiro mehna tiquiro pagure wahmeahye. Sa wahme tuhasa, masa copepū utāpū tiquina seheri copepū cūahye tiquiro pagure. Ti copere ne apequina yariariquinare cūedarīahye. ⁵⁴ Ti deco saurú deco ijiatire tiquina quehnoyuri deco ijiahye. Saurú tiquina sori deco ijiatī mehenogā dūhsahye.

⁵⁵ Sa ye Galileapū Jesu mehna ahtariquina numia masa copepū José mehna wahahye. Masa copepū esa, ti copere ihña, Jesu pagure tiquina cūrire ihñahye. ⁵⁶ Came tiquina ye wūhūsepū tojoaa waha, ehme sitiye co, wisōñe mehna quehnoahye tiquina. Sa ye saurú ijigū Cohācjū dutiye Moiserē tiquiro cūri dutiye nino sahata tiquina soahye.

24

Jesu masa wijiahye

(Mt 28.1-10; Mr 16.1-8; Jn 20.1-10)

¹ Domingo ijigū bohrearopū tiquina numia ehme sitiye tiquina

quehnorire Jesu masa copep̄ ne cāmahye. ² Ti copep̄ esa, ti copere bihariare utāre tiquina p̄o duhu cūria utāre ihñahye. ³ Sa ihñañe tiquina ti copep̄ sajāa wahahye. Jesu pagure bocaerahye tiquina. ⁴ Tiquiro pagure bocaera, “¿Duhse wahayari?” ni t̄hotuahye tiquina. Tiquina sa ni t̄hotu yahuducuri watoa p̄aro um̄a asi siteye suhti sañañequina tiquina cahap̄ ducuahye. ⁵ Top̄ tiquina ducugū ihña, numia cueye, dusepe curi mehna quehe sahye. Sa ye um̄a pehe tiquinare yahuahye:

—¿Duhse yariariquiro ijirone Jesure macajari m̄sa? Yojop̄re tiquiro catiriquiro ijire. ⁶ Tiquiro ohōre mariedare. Masa wijia tuhasari. ¿Sohō ijiri pjere tiquiro Galileap̄ m̄sa mehna ijiro m̄sare tiquiro nidire wacūajari m̄sa? ⁷ “Yuhare Cohācjū ohorigure apequiro ohorota ñañequinare. Tiquiro ohori bato yuhare curusap̄ quē biha wejēta tiquina. Sa yeḡ yuh̄ yariari bato ihtia deco wahaboro masa wijagut̄ja yuh̄”, nidi m̄sare. ¿Tiquiro sa nidire wacūajari m̄sa? niahye um̄a pehe.

⁸ Tiquina sa nigū t̄hoye, numia pehe tiquiro nidire wacūahye. ⁹ Tiquina sa nidi bato tiquina tojoaa waha, once buheyequinare apequina ḡh̄re tire yahu pehoahye. ¹⁰ Tiquina numia pehe María Magdalena, Juana, María Santiago pacoro ijiahye. Tiquina numia apequina numia ḡh̄ ijiahye Jesu buheyequinare yahuri numia. ¹¹ Tiquina sa ni yahuepeḡta Jesu buheyequina pehe “Poto niñe niedaga. Ni mehoñe niaga ahriquina numia”, ni t̄hotumahye. Sa ye tiquina numiare t̄ho duer-ahye.

¹² Tiquina sa nigū t̄horo, Pedro pehe masa copep̄ oma cā, ihñano wahahye. Ti copep̄ esa, tiquiro muhri ihña sōahye. Jesure tiquina wahmedi suhtiro dihitaro ihñahye. “¿Duhse wahayari?” ni, t̄hotu, tiquiro ya wuh̄p̄ tojoaa wahahye.

Emau wame tiri maca cjā mahap̄ Jesu bajuahye

(Mr 16.12-13)

¹³ Ti decota p̄aro Jesu buheyequina mehna cjēna Emau wame tiri macap̄ wahaye niahye. Jerusalē once kilómetro yoaro ijire Emaup̄ esato. ¹⁴ Emaup̄ waha, ijipihtiye Jerusalēp̄ ti pjere Jesu tiquiro sa waharire tiquirore tiquina ñano yerire yahuducu cāne niahye. ¹⁵ Tiquina sa ni yahuducuri watoa Jesu pehe tiquina cahap̄ esa, tiquina mehna wahahye. ¹⁶ Sa ye tiquirore ihñapeta tiquina tiquirore ihña masiedahye.

¹⁷ —¿Duhse ni yahuducu cāna nijari m̄sa? ni, sinituahye Jesu.

Tiquiro sa nigū tiquina buj̄a witiyequina esaducahye.

¹⁸ Cleofa wame tiriquiro pehe Jesure yuh̄tiahye:

—¿Yojop̄re Jerusalēp̄ tiquina yerire m̄h̄ dihita masiedajari? ni sinituahye tiquiro.

¹⁹ —¿Duhse wahari Jerusalēp̄re? niahye Jesu.

Tiquiro sa nigū Cleofa yuh̄tiahye:

—Jesure Nazare cjūnore tiquina yerire nina niaja. Tiquiro Cohācjū yere yahu m̄htariquiro ijimedi. Sa ye tiquiro yahuducurire t̄hoye, tiquiro yeri ḡh̄re ihñañe, “Tutuariquiro ijire”, ni, t̄hotumedi masa. Cohācjū ḡh̄ sata ni t̄hotuaga. ²⁰ Mari pahia p̄htoa, apequina p̄htoa mehna tiquirore wejē dutiye, apequinare ohori. Tiquina sa ohogū apequina pehe tiquirore curusap̄ quē biha wejēdi.

²¹ “Roma cjēnare cohātiquiro Israe masa p̄htoro ijiatiquiro ijire”, ni, t̄hotumi us̄a tiquirore. Mia mehna ihtia deco wahare tiquiro yariari bato. ²² Meheñequinaḡa numia us̄a mehna cjēna numia us̄are ac̄agū yeri. Bohrearop̄ Jesu tiquiro masa copep̄ tiquina numia esa, ²³ tiquiro pagure bocaerañoh̄ti. Tiquiro pagure bocaeraye, tiquina tojoa wihi yahuri. “Us̄are angele bajuari. Jesu catiñoh̄ti”, ni yahuri us̄are numia pehe. ²⁴ Tiquina sa

nigū apequina usā mehna cjēna ti copepū esa, numia tiquina nidiro sahata ihñañohti. Tiquina gūhū Jesure ihñedañohti, niahye tiquiro Jesure.

²⁵ Tiquiro sa nidi bato Jesu yahuahye tiquinare:

—Musa ne tuho masiedare. ¿Cohācjū yere yahu māhtariquina muna tiquina nidire quehnoano tūhoerari musa? ²⁶ Cristore tiquiro pūhtoro ijiato pano ūhmūsepū tiquiro mājato pano tiquirore ñano yūhdūro cahmedi. ¿Tire masiedajari musa? niahye Jesu tiquinare.

²⁷ Sa nino Cohācjū Cristore tiquiro ni yahu tiquina ojoarire Jesu yahu peho cāhye tiquinare. Moise mūnāno tiquiro ojoarire Jesu yahu dūcahye. Sa yero ijipihtiyequina Cohācjū yere yahu māhtariquina Cristore tiquina ojoari gūhūre yahu peho cāhye tiquiro.

²⁸ Tiquina wahari macapū tiquina esaye taye yegū, Jesu pehe tiquinare yūhdū cāa wahamahye. ²⁹ Tiquiro sa yepegūta tiquina tiquirore waha dutierahye:

—Usā mehna tojoaya. Ñamicahapū ijire. Nahinopū nine, niahye tiquina tiquirore.

Sa yero Jesu tiquina mehna wūhūpū sajāa wahahye. ³⁰ Wūhūpū sajā sa, tiquiro tiquina mehna ihyari mesapū nuju sa, pāre ne, Cohācjūre “Quehnoare”, niahye. Sa nino ti pāre nuha ne, tiquinare ohoahye.

³¹ Tiquiro sa yegū ihñañe tiquina Jesure ihña masiahye. Tiquina ihña masi dūcagūta tiquiro buti maa wahahye. ³² Tiquiro sa buti maa wahagū ihñañe tiquina basi ohō saha ni yahuducuahye:

—Mahapū tiquiro marine tiquiro yahuducuri watoa Cohācjū tiquiro ojoarire tiquiro yahuri watoa mari jeripohnari mehna quehnoano bucueye mehna tūhotuu mari, niahye tiquina basi.

³³ Sa ni tuhasa tiquina duita Jerusalēpū majare tojoaa wahahye tja. Topū esa, once buheyequinare

apequina mehna cahmecoañequinare bocahe. ³⁴ Tiquina esagū, once buheyequina ohō saha niahye:

—Potota mari pūhtoro masa wijiañohti. Simo Pedro tiquirore ihñañohti, niahye once buheyequina.

³⁵ Tiquina sa nigū pūaro Emau cjēna mahapū Jesure tiquina ihñarire yahuahye:

—Jesu pāre tiquiro nuhagū usā ihña masii tiquirore, ni, yahu pehoahye tiquina apequinare.

Jesu tiquiro buheyequinare bajuahye

(Mt 28.16-20; Mr 16.14-18; Jn 20.19-23)

³⁶ Tiquina sa ni yahuri watoa tiquina cahapū iji tuhasahye Jesu pehe.

—¿Ijiajari musa? niahye tiquiro tiquinare.

³⁷ Tiquiro sa nigū tūhoye tiquina “Mari yariariquiro mūnanore ihñana niaja”, ni tūhotuye, tutuaro cueahye.

³⁸ Tiquina sa cūegū ihñano tiquiro tiquinare yahuahye:

—¿Dūhsena cueajari musa? ¿Dūhsena “Ahri poto ijierare”, niajari musa? ³⁹ Yūhū omocarine, yūhū dahpocāri gūhūre ihñaña. Musa yūhūre ihñana, ihña masinata. Yūhūre ñehe tuhuya. Ñehe tuhuna masinata musa. Yariariquiro mūnanopū pagū mariedare. Yūhū pehe pagū tiaja, niahye Jesu.

⁴⁰ Sa nino tiquiro omocari gūhūre, tiquiro dahpocāri gūhūre ihñoahye tiquinare. ⁴¹ Tiquiro sa ihñoepēgūta tiquina tutuaro bucue, ihña maria waha, “Ahri poto ijieraga”, ni tūhoturīahye. Tiquina sa tūhotugū masino Jesu tiquinare sinituahye:

—¿Ohōpū ihyaye ijiajari? niahye tiquiro.

⁴² Tiquiro sa nigū tūhoye wahi dohariquirore ohoahye tiquirore.

⁴³ Tire ne, tiquina ihñonopū Jesu ihyahye. ⁴⁴ Ihya tuhasa, Jesu yahuahye tiquinare:

—Sohō ijiri pje musa mehna ijigu mūsare yūhū yahuriro sahata yojopū

yahu sa wahu. Cohācjū dutiye Moise ño peohye tiquina tiquirore. To marine tiquiro cūri tiquiro sa ni punota ijire. ojoariro sahata yahure sa wahari. Cohācjū yere yahu m̄htariquina, Salmo ojoari pūre ojoayequina gāh̄ panop̄ yahure tiquina ni yahuriro sahata yojop̄re yahure sa wahari. Sa wahacjūta ijii yahu, niahye Jesu.

⁴⁵ Sa ni tuhasa Cohācjū yere tiquina yahu ojoarire tiquiro buheyequinare masigū yeahye Jesu:

⁴⁶—Cohācjū yere tiquina ojoari ohō saha nine: “Cristore ñano yūhdūro cahmene. Sa yero ihtia deco wahaboro tiquiro yariari bato tiquiro masa wijiarota. ⁴⁷ Tiquiro masa wijari bato ijipihtiye yehparip̄ tiquiro yequina Cristo yere yahueta. Masa tiquina ñañene tiquina b̄jūa witiatire, quehnoañene tiquina comesatire Cohācjū tiquina ñañene tiquiro cohātire yahueta tiquiro yequina. Sa yahuye taye, Jerusalēp̄ yahu d̄caeta”, niahye Cohācjū yere tiquina ojoari pūp̄, niahye Jesu.

⁴⁸ Sa ni tuhasa ohō saha ni yahu nemoahye:

—Musa pehe ahri ijipihtiyere ihñarina ijire. Sa yena apequinare yahunata. ⁴⁹ “Esp̄ritu Santore m̄sare ohoutja”, Cohācjū tiquiro ni-diquirore yahu pehe m̄sare ohoutja. Tiquiro ūhm̄se cjē tutuayere ohoatiquiro ijire. Sa yena Jerusalēp̄ tiquiro wihiatire cohteya m̄sa, niahye Jesu tiquiro buheyequinare.

*Jesu ūhm̄sep̄ m̄jaa wahahye
(Mr 16.19-20)*

⁵⁰ Sa ni tuhasa Jesu tiquinare Jerusalēp̄ ijiyequinare Betania cahap̄ neahye. Top̄ esa, Jesu tiquiro omocarine ne m̄o, “Quehnoano ijiya”, niahye tiquinare. ⁵¹ Sa ni tuhasa, tiquinare cū, ūhm̄sep̄ m̄jaa wahahye. ⁵² Tiquiro m̄jari bato tiquina tiquirore ño peo, Jerusalēp̄ tutuaro bucueye mehna tojoaa wahahye. ⁵³ Top̄ iji, decoripe tiquina Cohācjū w̄h̄p̄ Cohācjū mehna yahuducu, “Quehnoare”, ni

San Juan

*Cohãcjũ ye yahuducuyere yahuriquiros
masũnota iji dũcahye*

¹ Duitapũta ahri yehpa to iji-ato panopũta Cohãcjũ ye yahuducuyere yahuriquiros Cristo masare yũhdũoatiquiros duita iji tuhasae tiahye. Tiquiro Cohãcjũ mehna ijiahye. Sa yero tiquiro Cohãcjũta iji cãhno niahye. ² Duitapũta coã waropũre Cristo Cohãcjũ mehna ijiahye. ³ Sa yero coã waropũre ne mariedarire bajumehneahye. Ahri yehpare, uhmũsere, ijipihiyere, masa gãhũre bajumehne dutiahye Cohãcjũ tiquirore. Sa yero ahrire bajumehne pehoahye tiquiro. Ahrire yojopũre mari ihñañene, mari ihñedari gãhũre tiquiro bajumehnedagũ ne mariedaboya. ⁴ Cristo catiyere ohoriquiro ijiro nine. Buhrioro marine to quehnoano ihña masigũ yero saha mari Pacũre quehnoano masigũ yere. Sa yero mari Pacũre masigũ yere masare. ⁵ Ahri yehpa cjẽna ñañene wacũ, tiquina tutuaro cahmeñe nahitiano yero saha ijiye nine. Buhrioro quehnoano marine to ihña masigũ yero saha Cohãcjũ ye yahuducuyere yahuriquiros masare masigũ yere. Sa yero nahitiano buhriorore to yũhdũdũcaero sahata Cristore ne ñañe yũhdũdũcaerare.

⁶⁻⁷ Cohãcjũ Ñũ wame tiriquiros pehere ohoahye, Cristo buhrioro yero saha ijiriquirore masare yahu mũhta dutiro. Tiquiro ohogũ Ñũ pehe masare yahuro ahtari tiquiro yahuriquiros Cristore ijipihiyequina tiquina wacũ tutuatire. ⁸ Ñũ pehe Cristo ijierari. Sa ijieraro tiquiro Cristo pehere masare yahu mũhtano ahtari. ⁹ Cristo buhrioro yero saha ijiriquiro ijipihiyequina masare Cohãcjũre masigũ yeatiquiros pehe ahri yehpapũ ahtari jiri. Ijirota

ijire ahri. Tiquiro buhrioro yero saha ijiriquiro warota ijire.

¹⁰ Sa yero Cristo ahri yehpapũ ijiri jimedi. Ahri yehpare bajumehnediquiro ijiahye. Tiquiro sa ijiepegũta tiquiro ya yehpa cjẽna tiquirore ne masiedari. ¹¹ Tiquiro ya yehpapũ masa bajuari jimedi. Tiquiro ya yehpapũ tiquiro masa bajuariquiros ijiepegũta tiquiro ya yehpa cjẽna pehe ne tiquirore cahmedari jiri. ¹² Tiquina sa cahmedapegũta apequina pehere ijipihiyequina tiquirore cahmeñequina pehere tiquinare Cohãcjũ tiquiro pohne ijigũ yeri jiri. Tiquirore wacũ tutuayequina pũrita potota tiquiro pohne warota ijire. ¹³ Tiquina Cohãcjũ pohnetã ijiye nine. Sa ye masa tiquina masa bajuari saha ijierare, Cohãcjũ pohne tiquina wahagũ.

¹⁴ Sa yero Cristo masũno tiquiro iji dũcari bato mari mehnata ijire tiquiro. Tiquiro sa ijigũ ihñana masare cahñiquiro, potota yahuriquiros tiquiro ijigũ usã masii. Tiquiro dihita Cohãcjũ macũno ijiro tutuariquiros quehnoariquiros ijiri. Tiquiro sa ijiriquiro ijigũ usã masii. ¹⁵ Ñũ Cristore yahu mũhtano ohõ saha ni sañuducuri masare yahuro:

—Siquiro ahtare yũhũ ohõ saha ni yahuriquiros: “Tiquiro yũhũ bato ahtariquiros ijire. Sa ijieperota tiquiro yũhũ yũhdũoro tutuariquiros ijire. Tiquiro yũhũ masa bajuato panopũ iji tuhasahye. Sa yero tiquiro yũhũ yũhdũoro tutuariquiros ijire”, mũsare yũhũ ni yahuriquiros ahriquiros ijire, nidi Ñũ Jesure masare yahuro.

¹⁶ Tiquiro Cristo pehe quehnoano tutuaro masare cahñiquiro ijiro marine ijipihitinare quehnoano yeducuri. ¹⁷ Cohãcjũ dutiyere Moise pehe cũ mũhtahye marine. Jesucristo pehe Cohãcjũ masare tiquiro cahñene buhero ahtari. Cohãcjũ tiquiro potota yahuducuye gãhũre buhero ahtari. ¹⁸ Masa ne Cohãcjũre ihñedare.

Tiquirore mari ihñedapegūta tiquiro macano ihcāquirola ijiriquiro tiquiro Pacuro mehna sa ijiducure. Sa yero tiquiro Pacurore marine masigū yeri.

Apequina Ñu wame yeriquirore sinituahye

(Mt 3.3, 11-12; Mr 1.2-3, 7-8; Lc 3.4-6, 15-17)

¹⁹ Usā acaye judio masa pūtoa Jerusalēpū ijiequinare pahiare, Cohācjū wūhūpū dahrayequina gūhūre Ñu cahapū ohori jiri. “¿Noa boro ijiajari mūhū?” ni sinitu dutiye ohori jiri tiquinare. Tiquina sa sinitugū ohō saha ni yahuri Ñu pehe. ²⁰ Yeero boro marieno yahuri. Potota yahuri:

—Yūhū Cristo Cohācjū masare yūhdūo dutiro tiquiro ohorigū ijieraja, nidi tiquiro.

²¹ Tiquiro sa nigū tiquina pehe tiquirore pari turi sinituri tja:

—¿Mūhū Cristo ijieragū Elia pehe ijiajari mūhū? nidi tiquina.

—Ijieraja yūhū, nidi tiquiro.

—¿Usā cohterigū Cohācjū yere yahu mūhtacjū pehe ijiajari mūhū? nidi tiquina.

—Tiquiro ijieraja yūhū, nidi Ñu pehe.

²² Tiquiro sa nigū tiquina tiquirore pari turi sinituri tja:

—Usāre sinitu dutiriquinare usā yahuro quehnoano poto usāre yahu madoqueohya. ¿Noa boro pehe ijiajari mūhū? ¿Mūhū basita dūhse ijigū ijiajari mūhū? “Sa ijigū ijiaja yūhū”, ni yahuya usāre, nidi tiquina Ñure.

²³ Tiquina sa nigū ohō saha ni yūhtiri tiquiro:

—Masa marienopū ohō saha ni sañuducugū ijiaja yūhū, Cohācjū yere yahu mūhtariquiro Isaia mūnano tiquiro ni yahuriro sahata: “Mari pūhtoro tiquiro ahtato pano mahare mari quehnoyuro saha quehnoana ijiyuya mūsa”, ni masare yahu sañuducugū ijiaja yūhū, nidi Ñu tiquinare.

²⁴ Ñure sinituyequina fariseo masa tiquina ohoriquina ijiri. ²⁵ Sa ye tiquina Ñure sinituri tja:

—¿Mūhū Cristo, Elia, Cohācjū yere yahu mūhtagū usā cohterigū ijierapegūta dūhsegū masare wame yeajari mūhū? nidi tiquina.

²⁶ Tiquina sa nigū tūhoro yūhtiri tiquiro:

—Yūhū aco mehna masare wame yeaja. Apequiro pehe mūsa masieniquiro pehe mūsa watoa iji tuhasare. ²⁷ Tiquiro pehe yūhū bato ahtariquiro yūhū yūhdūoro tutuariquiro ijire. Quehnoa yūhdūariquiro ijire. Tiquiro yero saha ijieraja yūhū pehe. Sa yegū tiquirore tūhotugū, “Ihyo ijigū ijiaja yūhū”, ni tūhotuaja yūhū, nidi Ñu tiquinare.

²⁸ Sa ni yahuducuri tiquina, Beta-niapū Jordā wame tiri ma ape sie pahrēpū, Ñu masare tiquiro wame yeriropū.

Jesu Cohācjū ohoriquiro tiquiro yaquiro cordero yero saha ijiriquiro ijire

²⁹ Ape decopū Jesu Ñu cahagā cjūno tiquiro ahtagū Ñu tiquirore ihñano ohō saha nidi:

—Ihñaña. Ahriquiro Cohācjū ohoriquiro tiquiro yaquiro cordero yero saha ijiriquiro ijire. Corderore mari wejēdiro sahata masa ahriquiro gūhūre wejēeta. Sa yariaro ahri yehpa cjēnare tiquina ñañe yerire cohānota tiquiro. ³⁰ Ahriquirota ijire yūhū ohō saha nidiquiro: “Yūhū bato ahtariquiro yūhū yūhdūoro tutuariquiro ijire. Yūhū masa bajuato pano tiquiro iji tuhasahye. Sa yero tiquiro yūhū yūhdūoro tutuare”, yūhū nidiquiro ahriquirota ijire. ³¹ Yūhū pehe ahriquirore masiedahti. Sa masiedapegūta aco mehna wame yei ahtaū nii yūhū acaye Israe masa ahriquirore tiquina masiatore, nidi Ñu.

³² Sa ni tuhasa Ñu yahu nemori:

—Espíritu Santo ūhmūsepū bujua yero saha Cristo bui dijia ta, tiquiro

bui wihiducagũ ihña. ³³ Cohãcjũ yuhare tiquiro yahueragũ tiquirore ne masiedaboaga yuhũ. Tiquiro yuhare musare aco mehna wame ye dutiro ohoriquiro Cohãcjũ pehe ohõ saha ni yahu mahta tuhasari yuhare: “Espíritu Santo dijia ta tiquiro bui wihiducanohriquiro tiquirota ijirota. Tiquiro pehe Espíritu Santore masa mehna ijiducugũ yerota”, nidi Cohãcjũ yuhare. ³⁴ Yojopũ pũritare tiquirore ihña tuhasaũ yuhũ. Sa ihñagu “Potota Cohãcjũ macũno ijire”, nii yuhũ musare, ni yahuri Ñu usãre.

Jesu buheyequina tiquiro piji mahtariquina ijire

³⁵⁻³⁶ Ape decopũ Ñu mehna usã pũana tiquiro buhena usã ducugũ, Jesu usã cahapũ yuhdũ cãno nidi. Tiquiro sa yuhdũ cãgũ Ñu tiquirore ihñano, pari turi ohõ saha nidi usãre:

—Ihñaña. Ahriquiro Cohãcjũ yaquiro cordero yero saha ijiriquiro ijire, nidi Ñu.

³⁷ Tiquiro sa nigũ usã pũana tiquiro buhena pehe tire tuhona Jesure nũnũ tãũ. ³⁸ Usã sa nũnũ tãgũ ihñano Jesu usãre majare ihña, sinituri:

—¿Yabere macana niajari mũsa? nidi tiquiro.

Tiquiro sa nigũ usã gũhũ sinituu tiquirore:

—¿Buhegu, nohopũ ijiajari mũhũ? nii usã tiquirore.

³⁹ —Yuhũ mehna ahtatjiãna ihñana taya, nidi Jesu usãre.

Tiquiro sa nigũ usã pehe tiquiro ijiropũ ihñana wahaũ. Ti pjere ñamicahapũ cuatro hora ijiri. Sa yena ti decore tiquiro mehna tojoaũ usã.

⁴⁰ Usã pũana Ñure tuhõrina, Jesure nũnũ tãrina yuhũ piti Andre mehna ijii. Andre pehe Simo bahũro ijiri.

⁴¹ Sa yero duita tiquiro wahminore Simore maca, boca, tiquirore ohõ saha ni yahuahye:

—Mesiare Cohãcjũ marine yuhdũo dutiro tiquiro ohoriquirore usã bocaũ, niahye Andre Simore. Mesia usã ye mehna nina, Cristo nina niaja.

⁴² Sa ni tuhasa tiquiro Simore Jesu cahapũ neari. Tiquiro cahapũ esagũ ihñano Jesu pehe Simore ohõ saha nidi:

—Muhũ Simo wame tigũ, Ñu macũ ijire. Yojopũre mũhũre Cefa wame yeitja, nidi Jesu Simore. Cefa usã ye mehna nina, Pedro nina niaja.

Felipere, Natanae gũhũre pijiahye Jesu

⁴³ Ape decopũ Jesu Galilea yehpapũ waha duari. Sa yero tiquiro wahato pano Felipere piti ca ohõ saha nidi:

—Yuhũ mehna cjũ ijiajari ahtaya, nidi Jesu.

⁴⁴ Felipe pehe Betsaida cjãno ijiri. Tiquiro Andre, Pedro mehna ihcã maca cjẽna ijiri tiquina. ⁴⁵ Sa yero Felipe Natanaene maca, tiquirore bocaro ohõ saha ni yahuri:

—Cohãcjũ dutiyere Moise tiquiro ojoari pũpũ tiquiro yahuriquirore apequina Cohãcjũ yere yahu mahtariquina gũhũ tiquina yahuriquirore usã bocaũ. Jesu Nazare cjãno, José macũnota ijire, nidi tiquiro Natanaene.

⁴⁶ —Nazarepũre ne ihcãquiro quehnoariquiro mariedare, nidi Natanae.

—Ihñagu taya mũhũ, nidi Felipe.

⁴⁷ Sa ye Jesu cahapũ tiquiro esagũ ihñano Jesu pehe ohõ saha nidi Natanaene:

—Ahriquiro yojopũ ahtariquiro potota quehnoariquiro judio masũno warota ijire. Tiquirore mehoñe ne mariedare, nidi Jesu Natanae pehere.

⁴⁸ Tiquiro sa nigũ tuhõro Natanae pehe tiquirore sinituri:

—¿Duhsegũ yuhũre quehnoano masiajari mũhũ? nidi.

—Felipe mũhũre tiquiro pijiato pano, higueraũ docapũ mũhũ ijigũ ihñaũ yuhũ mũhũre, nidi Jesu.

⁴⁹ Tiquiro sa nigũ Natanae pehe ohõ saha nidi tja:

—Buhegu, potota mũhũ Cohãcjũ macũ ijire. Mũhũ Israe masa usã pũhto ijiajari ijire, nidi Natanae.

⁵⁰ Tiquiro sa nigũ tuhõro ohõ saha ni yuhtiri Jesu:

—Higueragu docapu yuhu mahure ihñarire masigu yuhare “Cohãcjũ macu ijire”, ni wacũ tutuare mahu. ¿Tita mahure sa masigũ yeajari? Ahri mahure yuhu ihñari yuhduoro Cohãcjũ tutuaye mehna ye ihñogutja yuhu mahure. Yuhu sa ye ihñogũ ihñaguta mahu, nidi Jesu Natanaene.

⁵¹ Sa ninota ohõ saha ni yahu nemori:

—Potota mahure niita niaja. Yuhu masu Cohãcjũ ohoriguta iji-aja. Æhmusepu parĩ maagũ Cohãcjũ tiquiro yequina angele yuhu bui tiquina dijia tagũ, tiquina mujagũ gũhare ihñaguta mahu, nidi Jesu tiquirore.

2

Caná wame tiri macapu tiquina omoca dũhteropu Jesu wahahye

¹ Ihtia deco bato Canápu Galilea yehparu ijiri macapu omoca dũhteri bose deco ijiri. Sa yero Jesu pacoro ti wuhapu ijiri. ² Jesu mehna usãre tiquiro buhena gũhare omoca dũhteropu pijiori tiquina. ³ Ti bose deco cjẽ vino pihdigũ Jesu pacoro tiquirore yahuri:

—Yojopure vino pihdia wahari, nidi ticoro Jesure.

⁴ Ticoro sa nigũ tuhoro Jesu ohõ saha nidi:

—¿Iño, dũhsego tago tire yuhare yahuajari mahu? Masa yuhare tiquina masiato dũhsarĩne, nidi Jesu tiquiro pacorore.

⁵ Tiquiro sa nidi bato tiquiro pacoro pehe tiquina cahacjẽnare dutiri:

—Yuhu macu tiquiro dutiro sahata yeya, nidi ticoro.

⁶ Ti pjepure usã acaye judio masa Cohãcjũ yere yeye tehe masare tiquina pagurire sa coseducu dutie tiri. Sa ye ti wuhapure seis suturi utã mehna tiquina yeri suturi aco pose tiye suturi ijiri. Ti suturi Cohãcjũ yere yeye tehe tiquina coseye aco pose tiye suturi ijiri. Ti suturi cincuenta o setenta litro pose esa tuhari. ⁷ Sa yero tiquina cahacjẽnare dutiri Jesu:

—Ahri suturire acore pio sã nemoña. Quehnoano wahpo dapoya, nidi Jesu.

Tiquiro sa nigũ tiquina pehe quehnoano wahpo dapõ peho cãhri ti suturire.

⁸ Tiquina sa yeri bato Jesu tiquinare dutiri tja:

—Yojopure ti acore wa ne, wuhu cjãnore ohoya, nidi.

Tiquiro sa nigũ tuhoye ti acore wa ne, wuhu cjãnore ohori. ⁹ Tiquina sa ohogũ tiquiro pehe ti acore vino wahagũ yeri acore sihni tuhuri. Ti acore tiquiro dũhse yerire masiedari tiquiro. Tiquiro sa masiedapegũta tiquiro cahacjẽna ti acore wayequina pehe masidi. Wuhu cjãno sa masiedaro omoca dũhteriquirore pijio, ohõ saha ni yahuri:

¹⁰ —Apequina masa quehnoañe vinore sihõ mũhtare. Masa tiquina quehnoano sihnidi batopu ña cjũne core sihõri tiquina. Muhu pehe quehnoañe core ihbo, came cjũno ti core sihõri usãre, nidi wuhu cjãno omoca dũhteriquirore.

¹¹ Canápu Galileapu ijiri macapu Jesu acore vino tiquiro wahagũ yero, topu Cohãcjũ tutuaye mehna coã ye dũcari. Sa yero apequinare tiquiro tutuayere ihñori Jesu. Tiquiro sa ihñori bato usã tiquiro buhena tiquirore wacũ tutuau.

¹² Came Jesu tiquiro pacorore, tiquiro bahanare, usãre tiquiro buhena gũhare Capernaupu siho esari. Topu esana, meheñe decorigã tojoarĩ usã.

Jesu Cohãcjũ wuhapure esahye
(Mt 21.12-13; Mr 11.15-18; Lc 19.45-46)

¹³ Pascua ijigũ judio masa usã bose deco ijiato mehenogã dũhsatjiãri. Sa yero Jesu Jerusalẽpu esari. ¹⁴ Topu esaro tiquiro Cohãcjũ wuhapu sajã saro, wecuare, ovejare, bujuaare duayequinare boca sari. Sa yero niñerure comesayequina mesaripu dujigũ tiquina gũhare boca sari. ¹⁵ Sa boca saro yuta dari mehna tanari da

ye, tiquinare ijipihitequinare sopec-ahap_u tana n_un_u wiori. Oveja, wecua g_uh_u tana n_un_u wio c_uri tiquiro. Sa yero niñeru comesayequina ye mesarire ne majaredoqueo, doque c_u c_uri. Ti niñeru cjoeri g_uh_ure doque site c_uri. ¹⁶ Sa ye tuhasa bujuaare duayequinare oh_o saha nidi:

—M_usa bujuaare ne wijiaya. Y_uh_u Pac_u ya w_uh_ure apee boro duari w_uh_u yerac_uh_uña, nidi Jesu tiquinare.

¹⁷ Tiquiro sa yeg_u ihñana us_u tiquiro buhena pehe Coh_uñc_u yere tiquina ojoari p_up_u tiquiro nidire wac_uu: “Coh_uñc_u, m_uh_u ya w_uh_ure tutuaro cah_uja. Sa cah_ug_u ti w_uh_ure ñano tiquina yeg_u ihñag_u tutuaro bujua w_uti_uja y_uh_u’, ni ojoahye Coh_uñc_u yere tiquina ojoari p_up_u”, ni wac_uu us_u Jesu buhena.

¹⁸ Jesu tiquiro sa yeri bato us_u acaye judio masa p_uh_utoa tiquirore sinituri:

—¿D_uhseg_u m_uh_u ahriquinare Coh_uñc_u w_uh_up_ure ijiyequinare coh_u wioari? Coh_uñc_u m_uh_ure tire ye dutiriquiro tiquiro ijig_u Coh_uñc_u tutuaye mehna ye ihñ_uña m_uh_u us_u ihñ_uatire, nidi tiquina Jesure.

¹⁹ Tiquina sa nig_u Jesu y_uhtiri:

—Ahri w_uh_ure m_usa coh_ug_u ihtia deco wahaboro tuhasa_utja y_uh_u, nidi Jesu tiquinare.

²⁰ —Ihtia deco ahri w_uh_ure yesi m_uh_u. Cuarenta y seis c_uh_umari waro tiquina yeri w_uh_u ijire ahri w_uh_u, nidi tiquina pehe Jesure.

²¹ Tiquiro sa nig_u tiquina tiquirore quehnoano t_uhoerari. Jesu “Ahri w_uh_ure”, nino tiquiro pag_ure nino nidi jimedi.

²² Sa ye tiquiro yariari bato, tiquiro masa wijiari bato us_u tiquiro buhena pehe tiquiro nidire wac_una, Coh_uñc_u yere tiquina ojoari p_ure Jesu tiquiro yahuri g_uh_ure “Ti ijirota ijire”, ni wac_uu us_u.

Ijipihitequinare tiquina wac_uñene Jesu masine

²³ Pascua bose deco ijig_u Jesu Jerusal_up_u ijiri. Top_u tiquiro ijig_u

masa peyequina Coh_uñc_u tutuaye mehna tiquiro ye ihñ_ug_u ihñ_uñe tiquirore wac_u tutuari. ²⁴ Tiquina sa wac_u tutuepeg_uta Jesu masa tiquina wac_uñene quehnoano masino, “Y_uh_ure sa wac_u tutuaducueta”, ni t_uhotuerahye. ²⁵ Masa tiquina t_uhotuyere quehnoano masidi tiquiro. Sa masino masa tiquina t_uhotuyere apequinare ne sinituerari.

3

Jesu Nicodemore yahuahye

¹ Ti macare Nicodemo wame tiriquire, judio masa p_uh_utoa mehna c_uño ijiri. Tiquiro fariseo masa ya curua c_uño ijiri. ² Sa yero ihc_u ñami tiquiro Jesu cahap_u ahta, tiquiro mehna yahuducuahye:

—Buheg_u, m_uh_u Coh_uñc_u buhe dutiro tiquiro ohorig_u m_uh_u ijig_u us_u masiaja. Coh_uñc_u m_uh_ure tiquiro yedohoerag_u m_uh_u pehe tiquiro tutuaye mehna ne ye ihñ_uedaboaga. M_uh_u peye tahari Coh_uñc_u tutuaye mehna ye ihñ_uore, niahye Nicodemo Jesure.

³ Tiquiro sa nig_u Jesu pehe yahuahye:

—Ijirota m_uh_ure niita niaja. Wahma masa bajuariquire yero saha pari turi masa bajuariquire dihita Coh_uñc_u yaquire iji masine, niahye Jesu.

⁴ —Yohnah. ¿B_uc_uro pehe d_uhse ye pari turi masa bajuaboari tiquiro? Tiquiro pacoro niji suhtirop_u majare saj_u, pari turi bajua masiedaboaga tiquiro, niahye Nicodemo.

Tiquiro sa nig_u Jesu y_uhtiahye:

⁵ —Ijirota niita niaja m_uh_ure. Wahma masa bajuariquire yero saha aco mehna, Esp_uritu Santo tiquiro tutuaye mehna pari turi masa bajuariquire dihita Coh_uñc_u yaquire iji masine. ⁶ Numia niji pacos_unumia ijiye, macanag_ure masa bajuag_u yere. Esp_uritu Santo pehe masare Coh_uñc_u pohne ijig_u yere. ⁷ “Wahma masa bajuariquire yero saha pari turi masa bajuariquire dihita Coh_uñc_u yaquire iji masine”, y_uh_u nig_u,

tũho wisieracãhña. ⁸ Espíritu Santo masare Cohãcjũ pohne tiquiro yegũ ti wihnono yero saha ijire. Wihnono to ahtaropũ ahtare. To ahtaro ca tagũ mari tũhoaja. Sa tũhoepenata to ahtarirore, to waharirore ne masiedaja. Sata yere Espíritu Santo masare Cohãcjũ pohne yero, niahye Jesu Nicodemore.

⁹ —Mũhũ niñene quehnoano masiedaga, niahye Nicodemo.

¹⁰ Tiquiro sa nigũ tũhoro ohõ saha niahye Jesu:

—¿Mũhũ judio masare buhegũ ijiepegũta, dahsegũ yũhũ niñene tũhoerajari? ¹¹ Ijirota niita niaja mũhũre. Usã masidire usã ihñarire usã yahuaja. Usã sa yahuepegũta ne mũsa acaye judio masa ne tũho duerare. ¹² Ahri yehpa cjẽ mehna masa tiquina masa bajuari mehna mũsare queoye mehna yũhũ buhe mũhtarire “Ijirota ijire”, niedare mũsa. Sa niedana queoye mehna buhero marieno Cohãcjũ yere yũhũ yahugũ gũhũre “Ijirota ijire”, nisi mũsa.

¹³ 'Ne ihcãquiro ãhmũsepũ Cohãcjũ cahapũ wahariquiro ne pari turi tojoa tasi. Yũhũ masũ Cohãcjũ ohorigũ yũhũ dihita ãhmũsepũ ijirigũ ahri yehpapũ ahtaũ. Sa yegũ yũhũ dihita Cohãcjũ yere mũsare yahu masi-aja. ¹⁴ Panopũre masa marienopũ Moise mũnano bronce wame tiri come mehna tiquina yeriquirore añare yucũgũ tiquina docodũpũ duhu yoahye. Yucũgũpũ tiquina duhu yoriro sahata yũhũre masũre Cohãcjũ ohorigũre tiquirore tiquina yeriro sahata yũhũ gũhũre duhu yoeta. ¹⁵ Yũhũre tiquina sa yeri bato ijipihtiyequina yũhũre wacũ tutu-ayequina ijipihtiye decori Cohãcjũ mehna ijiducueta, niahye Jesu.

Cohãcjũ ijipihtiyequinare cahĩne

¹⁶ Sa ni tuhasa ohõ saha ni nemoahye:

—Cohãcjũ ijipihtiyequina ahri yehpa cjẽnare tutuaro cahĩne. Sa yero yũhũre tiquiro macũre ihcãta ijigũre Cohãcjũ ohori ijipihtiyequina

yũhũre wacũ tutuayequina pecapũ tiquina “Wahaeracãhdo”, nino. Sa ye ijipihtiye decori Cohãcjũ mehna ijjeta tiquina. ¹⁷ Cohãcjũ yũhũre tiquiro macũre masare buhiri dahre dutiro ohoerari yũhũre ahri yehpapũre. Sa yero masare pecapũ wahaboriquinare yũhdũoacjũre yũhũre ohori.

¹⁸ 'Yũhũre Cohãcjũ macũre wacũ tutuayequinare ne buhiri dahresi Cohãcjũ. Yũhũre wacũ tutueyequina pũritare Cohãcjũ buhiri dahre duti tuhasari. Masa yũhũre Cohãcjũ macũre ihcãta ijigũre tiquina wacũ tutuerari buhiri, buhiri dahrerota tiquinare. ¹⁹ Yũhũ, Cohãcjũ macũ ahri yehpapũ ahtagũ buhrioro quehnoano marine to ihña masigũ yero sahata Cohãcjũ yere quehnoano masigũ yeaja. Yũhũ sa masigũ yegũ ihñañe yũhũre wacũ tutueyequina yũhũre cahmedare. Tiquina ñañe yeye pehere quehnoano cahmene. Tiquina sa cahmedi buhiri tiquinare buhiri dahrerota. ²⁰ Ijipihtiyequina ñañene yeyequina tiquina ñañe yeyere duhu duerare. Sa ye buhrioro to bajumehnenno sahata tiquina ñañe yerire “Bajumehneari”, niñe, yũhũre cahmedari tiquina. ²¹ Quehnoañene yeyequina pehe yũhũre, yũhũ buheye gũhũre cahmene. Cohãcjũ yere tiquina yeyere yũhũ quehnoano bajuro dahregũ bue tierare tiquina. Sa ye yũhũre buhrioro yero saha ijigũre cahmene, ni yahuahye Jesu.

Pari turi Ñũ wame yeriquiro Jesure yahuahye

²² Came Jesu usãre tiquiro buhenare Judea yehpapũ siho wahari. Topũ esaro to cjẽna mehna meheñe decorigã tojoa, wame yeri tiquinare. ²³ Ñũ gũhũ masare wame yero niahye Enón wame tiri macapũ. Enón Salim wame tiri maca cahapũ ijiri. Topũ dia ijiri. Sa yero Ñũ topũ wame yero niahye masare. ²⁴ Tiquina peresu yeato pano Enópũ wame yero niahye Ñũ. ²⁵ Ti pjere Ñũ buheyequina mehna

cjēna meheñequinagã judio masuno mehna wame yeyere yahuducuye niahye. ²⁶ Sa ye tiquina Ñu cahapu esa, tiquirore yahuahye:

—Buhegu, Jordã si pahrēpu mahū mehna ijiriquiro “Tiquirota ijiaga”, mahū nidiquiro pehe yojopare masare wame yero nine. Tiquiro sa yegū ijipihtiequina tiquiro cahapu dihita wahare, niahye tiquina Ñure.

²⁷ Tiquina sa nigū tūhoro Ñu yūhtiahye:

—Tiquiro tutuariquiro ijigū Cohācjū pehe tiquirore sa ijigū yere. ²⁸ “Cristo ijieraja”, yūhū nigū mūsa tūhori. Sa ijierapegūta tiquiro pano ohonoho mūhtarigu ijiaja yūhū. ²⁹ Cristo mehna masa tiquina wahagū ihñagu tutuaro bucueaja. Ohō saha ijire ti: Omoca dūhtericoro ticoro manano mehna ijiro wahare. Omoca dūhtegū cohteriquiro pehe dūhteatiquiro namo tigū ihñano tiquiro yahuducugū tūhoro tutuaro bucuere. Sa yegu yūhū omoca dūhtegū cohteriquiro tiquiro bucuero saha Cristo mehna masa tiquina wahagū ihñagu tutuaro bucueaja. ³⁰ Cristo pehere wacū tutuaro cahmene masare. Yūhū pehere wacū tutueraro cahmene masare, ni yūhtiahye Ñu.

Cohācjū macuno ūhmūsepū ahtariquiro ijire

³¹ Sa ni tuhasaro ohō saha ni nemoahye Ñu:

—Ūhmūsepū ahtariquiro ijipihtiequina yūhdūoro tutuariquiro ijire. Ahri yehpāpū masarina ijina ahri yehpa cjāna ijiaja mari. Sa yena ahri yehpa cjēne yahuducuaaja mari. Ūhmūsepū ahtariquiro pehe ijipihtiequina yūhdūoro tutuariquiro ijire. ³² Tiquiro ihñarire, tiquiro tūhorire tiquiro yahure. Tiquiro sa yahuepegūta tiquiro yahuyere masa pehe ne tūho duerare. ³³ Ūhmūsepū ahtariquiro tiquiro yahuyere masa tūhoye, “Cohācjū potota nidiquiro ijire”, niñe nine tiquina. ³⁴ Ahriquiro Cristore Cohācjū ohoriquirore

Espiritu Santo ye tutuayere oho pehore Cohācjū. Sa yero tiquiro Cohācjū ye yahuducuyere yahure.

³⁵ Cohācjū tiquiro macunore tutuaro cahine. Sa yero ijipihtiequina pūhtoro iji dutiri tiquiro macunore. Ijipihtie upūro iji dutire tiquirore.

³⁶ Cohācjū macunore wacū tutuayequina pehe ijipihtie decori Cohācjū mehna ijieta. Tiquiro macunore yūhdūducayequina pehe Cohācjū cahapu wahasi. Sa ye ijipihtie decori ūhmūsepū ijisi. Sa yero Cohācjū tiquinare tutuaro buhiri dahrerota, niahye Ñu.

4

Jesu Samaria cjōno mehna yahuducuro niahye

¹ Jesu Ñu yūhdūoro peyequina buheyequinare tiquiro cūogū, Ñu yūhdūoro masare tiquiro wame yegū fariseo masa tūhoahye. ² Tiquina sa tūhoepegūta Jesu pehe tiquiro basi masare wame yerari. Ūsā tiquiro buhena pehe masare wame yei. ³ Fariseo masa tiquina sa masigū tūhoro Jesu pehe Judea yehpāpū ijiriquiro Galilea yehpāpū ūsāre siho tojoaa wahari.

⁴ Topū wahana Samaria yehpare esa yūhdū cāna tana nii ūsā. ⁵ Sa yūhdū cāna Samaria yehpāpū ijiri macapū Sicar wame tiri macapū esau. Ti maca cahapu panopū cjōno Jacob mūnano tiquiro macuno José mūnanore tiquiro ohori yehpa ijiri. ⁶ Topū Jacob mūnano tiquiro sihnidi cope ijiri. Sa yero Jesu pehe yoaropū ahtariquiro ijiro, tiquiro wahyia yūhdūaro ti cope dūhtū cahapu nuju sari. Ti pje tiquiro nuju sari pje coheri pje waro ijiri. ⁷⁻⁸ Ūsā tiquiro buhena pehe macapū ihyayere ūsā dūna wahari bato ihcāquiota tiquiro topū tojoa nuju sari. Sa yero Samaria cjōno ti copepū aco waro wihigū Jesu ticorore acore siniahye:

—Acore ohoya yūhūre, niahye.

⁹ —Mūhū judio masū ijire. Yūhū pehe Samaria cjō ijiaja. ¿Dūhsegū

yahure acore siniajari mahu? niahye ticoro Jesure.

Judio masa Samaria cjenare ihna tuhtyequina ijire. Sa yero ticoro sa niahye.

¹⁰ Ticoro sa nidi bato Jesu ticorore yahuahye:

—Mahure Cohacju tiquiro yedoho duayere masigo, mahure acore sinigure masigo, mahu yahu pehere siniboaya. Mahu sa sinigu apeye aco pehere ohoboaya yahu. Ti aco pehe catigu yere, niahye Jesu ticorore.

¹¹ Tiquiro sa nigu tahoro ticoro yuhtiahye tiquirore:

—Ne mahure sutu mariedare. Sa yero ahri cope uhcarine. ¿Sa yegu ahri catigu yeye acore nohoru wa neboagari mahu? ¹² Mari necu manano Jacob panoru cjuano ahri copere marine cu tiahye. Tiquiro, tiquiro pohne, nuñequina guh ahri acore sihnie tiahye. ¿“Apeye acore ohoboaya yahu”, mahu nigu, Jacob yuhdoro tutuagu ijiajari mahu, sa ni tuhotugu? niahye ticoro.

¹³ Ticoro sa nigu Jesu yuhtiahye:

—Ijipihtyequina ahri acore sihniñequina, pari turi aco wnoeta. ¹⁴ Yee aco pehere sihniñequina ne pari turi aco wnosu. Sa ye, yee acore sihniñequina Cohacju mehna sa ijiducuetu. Ma pohteru aco to sa wjiaducuro sahata yee aco ne phtisi, niahye Jesu.

¹⁵ Tiquiro sa nigu tahoro numino pehe ohõ saha niahye:

—Ti acore ohoya yahure pari turi yahu aco wnoeraro quehnoano. Sa yego pari turi ne ohõpare aco wasi yahu, niahye ticoro.

¹⁶ Ticoro sa nigu Jesu ticorore yahuahye:

—Ti pje purita mahu mannore pijigo wahaya. Piji tuhasa ohõru ahtaya tiquiro mehna, niahye Jesu ticorore.

¹⁷⁻¹⁸ —Manu mariego ijiaja yahu, niahye ticoro.

—Ijirota nimene mahu. Ihca omope tahari manu ti tuhasamedi mahu. Sa yero yojopure mahu mehna

ijiriquiro mahu manano ijierare. Sa ye “Manu mariego ijiaja”, nigo potota nimene mahu, niahye Jesu ticorore.

¹⁹ Tiquiro sa nigu tahoro ohõ saha niahye ticoro:

—Aa, Cohacju yere yahu mahtagu ijire mahu, yahu tuhotugu. ²⁰ Usa necusuma iji turiayequina mana ahdu canaru Cohacjure ño peoetiahye. Sa yena masa pehe judio masa “Jerusaleru Cohacjure ño peoro cahmene masare”, nie tiri masa judio masa, niahye ticoro.

Ticoro sa nigu Jesu yuhtiahye:

²¹ —Numio, yahu pehere tuhorina. Cameru ahdu canaru, Jerusaleru guhure mari Pacure ño peosi masa.

²² Masa pehe masa ño peoriquirore masiedare. Masare yuhdootiquiro judio masnota ijire. Sa yena usa judio masa pehe usa ño peoriquirore masiaja. ²³ Yojopure, cameru guhure Cohacjure potota ño peoyequina tiquina quehnoano tuhotuye mehna tiquirore ño peoeta. Sa mari ño peogu cahmene Cohacju. ²⁴ Cohacjure, pagu marieniquiro tiquiro ijigu masa tiquirore ihnedare. Sa ye tiquirore ño peoye, tiquina quehnoano tuhotuye mehna tiquirore quehnoano potota ño peoro cahmene masare, niahye Jesu.

²⁵ Tiquiro sa nigata ticoro yuhtiahye:

—Mesa, “Cristo” tiquina nidiquiro pehe masare yuhdootiquiro tiquiro ahtatire masiaja yahu. Tiquiro ahtaro marine ijipihtiyere buhe peho canota, niahye ticoro.

²⁶ —Yuhuta ijiaja Cristo, niahye Jesu ticorore.

²⁷ Tiquiro sa nigu waro wihii usa. Sa yena usa tiquiro buhena pehe Jesu numino mehna tiquiro yahuducugu ihana, ihna maria waha. Sa ihna mariepenata, “¿Duhse cahmeajari mahu? ¿Duhse niari mahu ticorore?” ni sinitueru tiquirore. ²⁸ Sa yero numino ticoro ya suture duhu dapo ca, macaru waha wahari. Toru esaro masare yahuro, ohõ saha niahye:

29 —Yuhu yerire yahu pehoriquire ihñana ahtaya musa. Tiquiro potota Cristo ijiboaga, ape taha yero, niahye ticoro.

30 Ticoro sa nigū tūhoye ti maca cjenā pehe Jesure ihñañe ahtari. 31 Ti pjere usā Jesu buhena pehe tiquirore tutuaro ihya dutimi:

—Buhegū, ihyaya, nimi usā.

32 —Sijoro ijiye ihyayere cuoaja yuhū. Tire musa masiedare, nidi tiquiro.

33 Tiquiro sa nigū tūhona usā basi ohō saha ni yahuducu:

—¿Apequina tiquirore ihyaye oho tuhasayari? nii usā basi.

Usā sa nigū Jesu yahuri:

34 —Masa pehe ihya coare. Yuhure ohoriquire tiquiro cahmeñe pehere ye coaja yuhū pehe. 35 “Pititia asū dūhsare mari dūca duha neato”, wese upuro tiquiro nidiro saha musa pehe ni tūhotueracāhña. “Cohācjū yere usā yahuato dūhsarīne”, ni tūhotueracāhña. Ijirota niita niaja musare. Yojopū pūritare masare ihñañe. Dūcare neni pje to ijiro sahata, yojopū pūrita masa yuhū buheyere tiquina tūhoati pje ijiro nine. 36 Oteye dūcare neñequinare tiquina wapa yeriro sahata yeere buheriquinare, yeequina ijia-tiquinare pijiyequinare, tiquina sa yeri wapa tiquinare quehnoano yeitja yuhū. Tiquina sa buhegū tūhoye yuhū buheyere tūhoyequina yeequina pehe Cohācjū mehna ijipihtiyē decori ijiducueta. Sa ye tiquinare buhe mūhtañequina, came yeequina wahagū yeyequina gūhū ihcāno saha bucueducueta. 37 “Ihcāquiro ote mūhtariquire ijire. Apequiro pehe dūcare neniquire ijire”, nie tiahye panopū. Ti ijirota ijire. Tiquina sa nidiro sahata ihquēquina yeere yahu mūhtañequina ijire. Apequina pehe yeere buheye, yeequina wahagū yere. 38 Wese upuro yequina dahra cohteyequina oterariquina tiquina ijiepegū tiquiro oteye dūcare tiquinare ne dutiro ohore. Sa masare buhe

mūhtaedarina musa ijiepegūta yeequina wahatiquinare buhe dutigu ohoaja musare. Apequina pehe tiquinare buhe mūhta tuhasari. Tiquina buheriquinapūre pari turi buhe nemona, yeequina wahagū yenata musa pehe. Sa ye buhe mūhtañequina pehe tiquina yedohoro mehna apequinare yeequina wahagū yenata musa, nidi Jesu.

39 Ti pjere Samaria cjonō “Yuhū yerire tiquiro yahu pehori”, ticoro sa nigū tūhoye Samaria cjenā peyequina Jesure cahmeahye. 40 Sa ye Samaria cjenā Jesu cahapū esaye, “Usā mehna tojoarīña”, nidi tiquirore. Tiquina sa nigū usā gūhū tiquiro mehna pūa deco tojoarīi. 41 Apequina gūhū peyequina Jesure tūhoye, cahmedi tiquirore. 42 Ohō saha nidi masa numinore:

—Coā waropūre mūhū yahurire tūhona, Jesure cahmei. Yojopū pūritare tiquiro yahuducuyere tūhona tiquirore cahmeaja. Sa yena tiquiro pehere tūhona ahri yehpa cjenare pecapū wahaboriquinare yūhdūoriquire potota tiquiro ijigū yojopū usā masiaja, nidi masa Samaria cjonore.

Pūhtoro macūnore dohatiriquirore yūhdūoahye Jesu

43 Pūa deco bato Jesu usāre Galilea yehpapū siho wahari. 44 Coā waropūre ohō saha nie tiri tiquiro: “Cohācjū yere yahu mūhtariquire tiquiro ya yehpa cjenā tiquirore ño peerare. Sa ye yuhure ño peerare ohō cjenā ohōpū yuhū bucuarigu ijigū”, nie tiri Jesu. 45 Sa ye Galileapū tiquiro esagū to cjenā tiquirore quehnoano piti cari. To pano Jerusalēpū bose deco Jesu tiquiro yerire ihñariquina ijiri tiquina.

46 Sa ye Canápū Galileapū ijiri macapū acore tiquiro uhse co bajumehnedi macapū waha usā tiquiro mehna. Caná cahapū ijiri macapū Capernau wame tiri macapū pūhtoro macūno dohatiro niahye. 47 Sa yero Jesu Judeapū ijiriquiro tiquiro Galileapū esagū pūhtoro

tũhoahye. Tire tũhoro Jesu cahapũ wihiri:

—Yũhũ macũ yariaro nidi. Sa ye tiqũirore yũhdũogũ ahtaya, ni tutuaro mehna pijiri tiqũirore.

⁴⁸ Tiquiro sa nigũ tũhoro Jesu yũhtiri:

—Cohãcjũ tutuaye mehna yũhũ yegũ ihñedana, ne yũhũre wacũ tutuerare mũsa, nidi Jesu tiqũirore.

⁴⁹ Tiquiro sa nigũ pũhtoro pehe ohõ saha nidi:

—Pũhto, yũhũ macũ tiqũiro yariato pano ahtaya, nidi tiqũiro Jesure.

⁵⁰ —Tojoahya. Mũhũ macũ catiaga, nidi Jesu.

Tiquiro sa nigũ tũhoro, “Tiquiro nidiro sahata catirota yũhũ macũ”, nino, pũhtoro tojoaa wahari.

⁵¹ Sa tojoaducuriqũirore tiqũiro cahãcjẽna tiqũirore piti ca, yahuahye:

—Mũhũ macũ catiri, ni yahuahye tiqũina tiqũirore.

⁵² —¿Noho asũ ijigũ yũhdũari yũhũ macũ? ni sinituahye tiqũiro cahãcjẽnare.

—Canũre coheri pje batogã ujuaye sururi tiqũirore, niahye tiqũina.

⁵³ Tiquina sa nigũ tũhoro ohõ saha ni tũhotuahye tiqũiro: “Jesu yũhũre tiqũiro sa ni yahuri pjeta ujuaye suruaya”, ni tũhotuahye pũhtoro pehe. “Poto ninota niaya yũhũre”, nino, tiqũiro ijipihitiyequina tiqũiro acaye mehna Jesure wacũ tutuahye.

⁵⁴ Jesu Judea yehpapũ ijiriquiro Galilea yehpapũ tiqũiro esari bato pũhtoro macũnore tiqũiro yũhdũorire mari queogũ pũa taha Cohãcjũ tutuaye mehna ye ihñõ tuhasari Jesu.

5

Tini masieniquirore yũhdũoahye Jesu

¹ Came judio masa Cohãcjũre usã ño peori bõse deco ijigũ Jesu Jerusalẽpũ esari tja. ² Topũ oveja wame tiri sopecaha cahapũ cuhsari cope ijiri. Usã judio masa ye mehna niñe Betzata wame tiri cope ijiri. Ti cope cahapũ ihcã

omope tihamehneñe tucũri ijiri. ³ Ti tucũripũ peyequina dohatiyequina cuñari. Caperi bajueyequina, pari yuri wahayequina, tini masieñequina tiqũina ti cope cahapũ ijiri. [Topũ ijieye aco ñuhmi maanore cohteye nidi. ⁴ Topũ buharo ti cope cjẽ acore ihquẽ tahari ñuhmigũ ye mũjahye angel. Ti cope cjẽ aco ñuhmido bato ña mio mũhtariqũiro pehe dahse ijieye dohatiyere cũoriquiro quehnoa wahahye.] ⁵ Sa yero tore treinta y ocho cũhmari waro dohatiriquiro ijiri. ⁶ Topũ tiqũiro cuñagũ ihñano tiqũiro sa yoari pje dohatiriquiro ijigũ masidi Jesu tiqũirore. Sa masino tiqũirore sinituri:

—¿Pagũ dohatiye mariegũ iji duajari mũhũ? nidi Jesu.

⁷ Tiquiro sa nigũta dohatiriquiro yũhtiri:

—Ti aco ñuhmigũ yũhũre aco ijiri copepũ neaboriquiro mariedare. Ti copepũ yũhũ ña mio duepegũta apeqũina pehe yũhũ pano sa ña mio mũhtaducure, nidi tiqũiro Jesure.

⁸ —Wahcãdũcaya. Mũhũ cuñari cahserore ne cãhña, nidi Jesu tiqũirore.

⁹ Tiquiro sa nigũta dohatiriquiro pehe tiqũiro cuñari cahserore ne, tini dũcari. Ti deco saurũ judio masa usã sori deco ijiri. ¹⁰ Ti decore Jesu sa yegũ ihñañe judio masa usã pũhtoa pehe dohatimediquirore ohõ saha ni yahuahye:

—Miare saurũ deco mari sori deco ijiepegũta mũhũ cuñari cahserore neare mũhũ. Sa yegũ mari dutiyere yũhdũdũcagũ nine mũhũ, niahye tiqũina tiqũirore.

¹¹ —Yũhũre yũhũ dohatiyere cohãriqũiro pehe ohõ saha nidi yũhũre: “Mũhũ cuñari cahserore ne cãhña”, nidi tiqũiro yũhũre, ni yũhtiahye dohatimediquiro.

¹² —¿Tire mũhũre sa nidiquiro pehe noa boro ijiari tiqũiro? ni sinituahye tiqũina.

¹³ Topũ masa peyequina tiqũina ijigũ ihñano Jesu pehe waha tuhasari. Sa yero dohatimediquiro pehe tiqũirore yũhdũoriquiro wamene

masiedahye. ¹⁴ Came Cohãcjũ wuhũpũ Jesu tiquirore piti ca yahuri:

—Tũhorĩña mũhũ yũhũre. Yojopũre quehnoano pagũ tire mũhũ. Ñañene ye nemoedacãhña. Pari turi ñañene ye nemogũ mũhũ dohatiriro yũhdũoro wahagũta mũhũ, nidi Jesu tiquirore.

¹⁵ Tiquiro sa nidi bato dohatimediquiro pehe usã judio masa pũhtoa tiquirore sinituriquina cahapũ esaro yahuahye tiquinare:

—Jesu wame tiriquiro yũhũre yũhdũgũ yeri, ni yahuahye tiquiro.

¹⁶ Sa ye saurũ ijigũ dohatiriquirore tiquiro dohatiyere Jesu cohãgũ masiñe, judio masa usã pũhtoa pehe tiquirore ñano ye dũcari.

¹⁷ Sa ñano tiquirore tiquina ye duagũ masino Jesu pehe yahuri tiquinare:

—Yũhũ Pacũ yojopũre dahrarĩno nine. Yũhũ gũhũ dahrarĩi niaja, ni yahuri tiquirore ñano ye duayequinare.

¹⁸ Tiquiro sa nigũ judio masa usã pũhtoa pehe tiquiro mehna tutuaro usuaye, to pano tiquina nidiro yũhdũoro tiquirore wejẽ duari. Saurũ decore tiquina sori decore ihcãquiro dohatiriquirore tiquiro yũhdũogũ ihñañe tiquina usuari. Sa usuaye tiquiro Cohãcjũre “Yũhũ Pacũ”, nigũ tũhoye, tiquina pehe to pano tiquina nidiro yũhdũoro usua nemoahye tja. “ ‘Yũhũ Pacũ’, nino Jesu tiquiro basi ‘Cohãcjũ mehna ihcãno saha ijiaja’, ni wacũaga tiquiro”, ni tũhoturi judio masa usã pũhtoa.

Jesu Cohãcjũ ohoriquiro ijire

¹⁹ Sa ye Jesu tiquinare yahuari:

—Ijirota niita niaja mũsare. Yũhũ Cohãcjũ macũ, yũhũ esa tuharo yeraja. Yũhũ Pacũ tiquiro yerire ihñagũ, tire yeaja. ²⁰ Yũhũ Pacũ yũhũre tiquiro macũre cahĩne. Sa yero tiquiro yerire yũhũre ihño pehore. Ahri yojopũ tiquiro tutuaye mehna yũhũ yeri yũhdũoro tiquiro apeyere ye dutirota yũhũre. Tiquiro sa ye dutigũ tiquiro

tutuaye mehna ye ihñoutja yũhũ. Sa yena ihña maria wahanata mũsa.

²¹ Yũhũ Pacũ yariariquinare tiquiro masoriro sahata yũhũ gũhũ yũhũ cahmeñequinare masoutja. ²²⁻²³ Ne yũhũ Pacũ pehe masa tiquina ñañe buhirire buhiri dahreriquiro ijierare. Yũhũ pehere tire tiquina ñañe buhirire buhiri dahreacjũre cũri yũhũ Pacũ. Ijipihtiyequina masa tiquirore tiquina ño peoriro sahata yũhũ gũhũre tiquina ño peoatire buhiri dahreacjũre cũri yũhũre. Yũhũre tiquiro macũre ño peoerana yũhũ Pacũ gũhũre ño peoerare mũsa. Tiquiro ijire yũhũre ohoriquiro, nidi Jesu.

²⁴ Sa ni tuhasa ohõ saha ni yahu nemori:

—Ijirota niita niaja mũsare. Yũhũ yahuducuyere tũhoyequina, yũhũre ohoriquirore wacũ tutuayequina ijipihtiyere decori uhmũsepũ sa ijiducuetã. Sa yegũ tiquinare buhiri dahresi yũhũ. Sa ye tiquina pecapũ wahaboriquina yũhdũeta. ²⁵ Ijirota niita niaja mũsare. Pecapũ wahatiquina yũhũre Cohãcjũ macũre tiquina tũhoati pje yojopũ ijire. Camepũ gũhũre yũhũre tiquina tũhoeta tja. Sa tũhoye tũho nũnũñequina pehe Cohãcjũ mehna sa ijiducuetã. ²⁶ Cohãcjũ yũhũ Pacũ pehe sa ijiducugũ yeriquiro ijire. Sa yero yũhũre tiquiro macũre sa ijiducugũ yeacjũ iji dutiri tiquiro yũhũre. ²⁷ Sa yegũ yũhũ masũ Cohãcjũ tiquiro ohorigũ yũhũ ijigũ tiquiro masare buhiri dahreacjũre cũri yũhũre. ²⁸ Ahrire tũhona, tũho mariedacãhña mũsa. Ape decopũre ijipihtiyequina yariariquina masa coperipũ ijiyequina yũhũ yahuducugũ tũhoeta. ²⁹ Sa tũhoye, quehnoañene yeriquina ijipihtiyere decori Cohãcjũ mehna ijiatiquina masa mũjaeta. Ñañene yeriquina pehe ñañene tiquina yeri buhiri pecapũ wahaeta, ni yahuri Jesu.

³⁰ Sa ni tuhasa ohõ saha ni yahu nemori:

—Yuh̄u esa tuharo ne yeraja. Ne yuh̄u basi yuh̄u cahmeno ye dueraja. Yuh̄ure ohoriquiro tiquiro dutiriro sahata ye duaja. Sa yeḡu tiquiro nidiro sahata buhiri dahreja. Sa yeḡu yuh̄u masare buhiri dahreḡu queoro yeaja. ³¹ “Yuh̄u tutuaḡu ijiaja”, yuh̄u ni yahuḡu “Muh̄u yahuye ne poto ijierare”, ni masiboaga m̄sa. ³² Apequiro ijire yuh̄ure yahuriquiro. Tiquiro Ñu pehe masare yahure yuh̄ure. Masare yuh̄ure tiquiro yahuri ijirota ijire. Tire yuh̄u quehnoano masiaja. ³³ M̄sa apequina pehere Ñur̄ure yuh̄ure sinitu dutina ohori. Sa yero potota yahure tiquiro m̄sare. ³⁴ “Coh̄ãcj̄u mac̄no ijire ahriquiro”, yuh̄ure ni yahuatiquinare macaedaja. Sa macaedapeḡuta Ñu mas̄no tiquiro ijiepeḡuta yuh̄ure “Coh̄ãcj̄u mac̄no ijire”, tiquiro ni yahurire yahuḡu niaja. M̄sa yuh̄ure wac̄u tutu-atire, m̄sa pecar̄u wahaborina m̄sa yuh̄uatire yuh̄ure Ñu tiquiro yahurire yahuḡu niaja. ³⁵ Sih̄aria meheñe decoriḡa ih̄na masiḡu yero sahata Ñu m̄sare buhe m̄htano mehenoḡa tiquiro catiro puno m̄sare masiḡu yeri. Tiquiro sa buheḡu t̄hona meheñe decoriḡa bucueri m̄sa. ³⁶ Yuh̄u ijiye tiyere tiquiro sa buhepeḡuta Coh̄ãcj̄u pehe yuh̄u ijiyere quehnoano yahure. Tiquiro sa yahuḡu Ñu yuh̄u ijiyere tiquiro yahuye yuh̄uro ijire Coh̄ãcj̄u ye yahuye. Sa yeḡu Coh̄ãcj̄u tiquiro tutuaye mehna yuh̄ure tiquiro ye dutirire yojop̄u yei niaja. Ahrire yuh̄u yeḡu ih̄nana potota Coh̄ãcj̄u ohoriḡu yuh̄u ijiyere masine m̄sa. ³⁷ Sa yero yuh̄u Pac̄u yuh̄ure ohoriquiro tiquiro basi “Tiquiro yuh̄u ohoriquiro ijire”, ni yahure m̄sare. Tiquiro sa ni yahuepeḡuta tiquiro yahuducuyere ne t̄hoerari m̄sa. Sa yena m̄sa tiquirore ne masiedari. ³⁸ Yuh̄ure Coh̄ãcj̄u ohoriḡure m̄sa ne t̄ho duerari. Sa yena m̄sa Coh̄ãcj̄u yere ne cahmedari. ³⁹ Coh̄ãcj̄u yere tiquina

ojoari p̄ure m̄sa buhena, “Mari ahri p̄ure buhena ijipihtiye decori Coh̄ãcj̄u mehna sa ijiducunata”, nine m̄sa. Ti p̄uta yuh̄ure yahure. ⁴⁰ Ti p̄u yuh̄ure ti yahuepeḡuta m̄sa pehe yuh̄ure cahmedare. Ijipihtiye decori Coh̄ãcj̄u mehna m̄sa sa ijiducuatire yuh̄ure sini duerare m̄sa, ni yahuri Jesu.

⁴¹ Sa ni tuhasa oh̄o saha ni nemori: —Yuh̄ure m̄sa ño peoeraḡu ih̄naḡu usueraja yuh̄u pehe. ⁴² M̄sa pehe Coh̄ãcj̄ure m̄sa cah̄edaḡu masiaja yuh̄u. ⁴³ Coh̄ãcj̄u yuh̄u Pac̄u tiquiro yuh̄ure dutiriro sahata yuh̄u ah-taepeḡuta m̄sa yuh̄ure cahmedari. Apequiro pehere Coh̄ãcj̄u ohoriquiro tiquiro ijiepeḡuta tiquiro pehere cahmenata m̄sa. ⁴⁴ Apequina masa m̄sare tiquina ño peoḡu cahmene m̄sa. Coh̄ãcj̄u m̄sa mehna tiquiro bucueḡu cahmedare m̄sa. Tiquiro dihita Coh̄ãcj̄u waro ijire. Sa cahmedana yuh̄u ḡuh̄ure t̄hoerare m̄sa. Yuh̄ure wac̄u tutuerare. ⁴⁵ M̄sare yuh̄u Pac̄ure ne yahus̄asi yuh̄u. Tire masiña m̄sa. Moise tiquiro ojoari p̄u pehe m̄sare yahus̄anota. “Ti p̄u cj̄e dutiyere mari ye pehona, Coh̄ãcj̄u cahar̄u wahanata”, m̄sa nidi p̄u pehe m̄sare yahus̄anota. ⁴⁶ Moise tiquiro ojoari p̄ur̄u yuh̄u pehere yahuahye. Sa yena ti p̄ure “Ijirota ijire”, nina, yuh̄u yahuye ḡuh̄ure “Ijirota ijire”, niboaya m̄sa. ⁴⁷ Moise tiquiro ojoari p̄ure “Ijirota ijire”, niedana, yuh̄u yahuducuye ḡuh̄ure “Ijirota ijire”, nisi m̄sa, nidi Jesu tiquinare.

6

Cinco mil masare ihyayere ohoahye Jesu

(Mt 14.13-21; Mr 6.30-44; Lc 9.10-17)

¹ Sa tiquiro buheri bato Galilea wame tiri ditara ape sie pahr̄ep̄u us̄ã Jesu mehna peh̄ãa wahāu. Ti ditara pajiri ditara Tiberia wame tiri. ² To pano Galilea yehpap̄u Jesu dohatiyequinare tiquina dohatiyere tiquiro coh̄ãḡu masa ih̄nae tiri. Tiquina sa ih̄nari bato Jesu peh̄ãḡu ih̄nañe

masa peyequina tiquireore n̄n̄n̄ tã cãri. ³ Top̄ esana usã tiquireo buhena pehe tiquireo mehna c̄n̄p̄ m̄ja sa, t̄ buip̄ dujii. ⁴ Ti deco pas-cua wame tiri bose deco ijiato judio masa usã ya bose deco mehenogã d̄hsari. ⁵⁻⁶ Top̄ dujiro, Jesu peye-quina masa tiquireo cahap̄ tiquina ahtagũ ihñadoqueori. Sa ihñadoqueoro Felipere sinituri:

—¿Ahriquina masa tiquina ihyatire nohop̄ d̄n̄atari mari? nidi Felipere.

Jesu tiquireo basi tiquireo yeatire masieperota Felipere sinituri, “¿D̄hse ȳhtiroitari?” nino. ⁷ Tiquireo sa sinitugũ t̄horo Felipe ȳhtiri:

—Doscientos niñeru cjoeri pose ihyayere mari d̄uepegũta masare dayegã ihyayere mari itiepegũta ne esa tuhasi, nidi Felipe Jesure.

⁸ Usã mehna c̄j̄no Andre, Simo Pedro bah̄ro pehe Jesure yahuri:

⁹ —Ihcã omope pã pacare, p̄aro wahire nijino ohõ c̄ore. To punogãta tiquireo c̄oepegũta masa pehe peye-quina waro ijire. Sa yero ahri mehenogã ihyaye ne esa tuhasi, nidi Andre.

¹⁰ —Masare duji dutiya m̄sa, nidi Jesu usãre tiquireo buhenare.

Top̄ taa dayegã ijiro ijiri. Usã duji dutigũ masa nuju sa pihtiari taa buip̄. Ëm̄a dihitare mari queogũ cinco mil ijiri. ¹¹ Tiquina sa nuju sagũ ihñano Jesu pehe pãre ne, Cohãcj̄re “Quehnoare” nidi. Sa ni tuhasarota usãre tiquireo buhenare iti dutiri. Tiquireo sa dutigũ usã pehe dujiyequinare iti cã. P̄aro wahi ḡh̄re iti cã. Ijipihtiyequinare quehnoano tiquina esa tuharo ihyayere tiquireo itii. ¹² Sa ye masa pehe yapia wahari. Tiquina sa yapigũ ihñano Jesu usãre nidi:

—Tiquina ihya d̄harire quehnoano ne peho cãhña. Sa yena tiquina ihya d̄harire ne bosì, nidi.

¹³ Tiquireo sa nigũ usã pehe ihcã omope pã paca d̄hsarire usã ne cah-mecoagũ doce p̄h̄se waro wijiari.

¹⁴ Sa ye masa ti bajumehnenore Jesu tiquireo yegũ ihñañe, ohõ saha nidi:

—Ijirota ijire. Ahriquireo Cohãcj̄ yere yahu mahtariquireo ahri yehpap̄ ahtariquireo mari cohteriquirota ijire, nidi tiquina.

¹⁵ Tiquina Jesure tiquina p̄htoro ijiatiquiro ñehe s̄o duamedi. Jesu tire masino pari turi ihcãquirotata c̄n̄p̄ wahaa wahari.

Jesu aco bui tiniahye
(Mt 14.22-27; Mr 6.45-52)

¹⁶ Ñamicahap̄ usã tiquireo buhena ditarap̄ buha. ¹⁷ Top̄re buha sa, yuc̄sap̄ sajã, Capernau wame tiri macap̄ pehã. Usã pehãri pje ñamip̄ ijiri. Sa yero Jesu usã cahap̄ ahtaeranidi. ¹⁸ Wihnono tutuaro w̄gũ, pajiri ma pahcõri wahcãri. ¹⁹ Ihcã omope kilómetro esaboro waro usã esagũ waro Jesu usã cahap̄ wihiri. Aco bui tiquireo ahtagũ ihñañ usã. Sa usã cahap̄ tiquireo ahtagũ ihñana usã cuei. ²⁰ Sa usã c̄uegũ ihñano tiquireo usãre yahuri:

—Ne ȳh̄re ihña cueracãhña. Ȳh̄ta ijiaja, nidi Jesu.

²¹ Tiquireo sa nigũ t̄hona usã bucu-eye mehna tiquireore piti ca sajã dutii. Tiquireo sajãri batogãta usã wahari yehpap̄re pehã sa tuhasa.

Masa pehe Jesure macahye

²² Ti ñamine masa top̄ tojoariquina pehe ihcãriata usã pehãtiare ihñahye. Tia mehna usã pehãgũ ihñari tiquina. Jesu usã mehna tiquireo wahaeragũ ḡh̄re ihñari tiquina. Sa ye ape decore tiquireore cohteye nimahye. ²³ Tiberia wame tiri macap̄ ahtaye, Jesu Cohãcj̄re “Quehnoare”, tiquireo nidiro cahagã c̄j̄nop̄, masare tiquireo ihyaye itiriro caha c̄j̄nop̄ wahã sahye tiquina yuc̄sa mehna. ²⁴ Sa ye ape deco usã Jesu mehna ijirirore usã mariedagũ ihñañe, masa yuc̄sap̄ sajã, Capernaup̄ usãre n̄n̄n̄ tã pehã sari. Jesure maca saye nidi tiquina.

Jesu catiyere ohõ, ihyaye yero saha ijiriquiro ijire

²⁵ Ditarap̄ pehã, Jesure boca saye, masa sinituri tiquireore:

—¿Buhegũ, dahse ijigũ ahtari mahu ohõpũre? ni sinituri tiquina.

²⁶ Tiquina sa sinitugũ Jesu tiquinare yahuri:

—Ijirota niita niaja musare. Bajumehnedire yahu yepegũta yahu pehere wacũ tutuerare musa. Yuhure wacũ tutuerapenata yuhure macare musa. Yuhu mehna bujũye ihyana, musa yapirina yuhure maca cãhtari tja. ²⁷ Ihyaye ne sa ijiducuerare. Cameru pihtia wahare. Sa yena tire wacũducueracãhña. Apeye ihyaye si-joro saha ijiye ihyaye pehere macaña musa. Ti ihyayere bocana ijipihtiyere decori Cohãcjũ mehna ijinata. Sa ye ti ihyaye pũrita ne pihtierare. Ti ihyayere yahu masu Cohãcjũ ohorigu musare ohoutja. Cohãcjũ yahu Pacu yuhure tire oho dutiriquiro ijire. Cohãcjũ tiquiro ohorigu yahu ijiyere ihño tuhasari musare, nidi Jesu.

²⁸ Tiquiro sa nigũ tiquina sinituri tiquirore:

—¿Cohãcjũ tiquiro ye dutiyere yena tana dahse yenatari usã? ni sinituri tiquina.

²⁹ —Ahrire Cohãcjũ musare ye dutire: “Yuhu ohoriquirore wacũ tutu-aya”, nino musare ye dutire Cohãcjũ, nidi Jesu.

³⁰ Tiquiro sa nigũ tãhoye tiquina ohõ saha nidi tja:

—Cohãcjũ ohorigu ijigũ tiquiro tutuaye mehna ye ihñoña usãre mahuare usã quehnoano wacũ tutu- atire. ¿Yabe borore yeitjari mahu?

³¹ Mari ñecusũmua manaru panoru cjẽna masa marienoru maná wame tiye pacare ihyae tiahye. Cohãcjũ yere tiquina ojoari pũru ohõ saha ni yahuahye: “Tiquiro tiquinare ahmuse cjẽ ihyayere ohoe tiahye tiquina ihyatire”, ni ojoahye Cohãcjũ yere tiquina ojoari pũru. ¿Tiquiro sa yeriro sahata yeitjari mahu gũhu? nidi tiquina.

³² Tiquina sa nigũ Jesu yahuri tiquinare:

—Ijirota niaja musare. Moise ahmuse cjẽ ihyayere ohoerari musare. Yuhu Pacu pehe ahmuse

cjẽ ihyaye potota ijiyere musare ohoriquiro ijire. ³³ Cohãcjũ ye ihyaye ahmusepu dijia taye, ijipihtiri yehpa cjẽnare catiyere oho masine, nidi Jesu tiquinare.

³⁴ —Puhto, decoripe ti ihyayere ohoya usãre, nidi tiquina.

³⁵ Tiquina sa nigũ tãhoro Jesu yahuri tiquinare:

—Yuhu pehe catiyere oho, ihyaye yero saha ijigũ ijiaja. Mari ye ihyayere mari ihyari batota duita ujua ahbaa wahaja mari tja. Sihniñe gũhure mari sihnidi batota aco wũoa wahaja tja. Sa ijiepegũta yuhure cahmediquiro, yuhure wacũ tutuariquiro ujua ahbaerariquiro yero saha tiquiro bucueye tiquirore pihtisi. ³⁶ Musa pehe yuhure ihñaepenata yuhure wacũ tutuera- nine. Tireta musare yahue timi yuhu. ³⁷ Ijipihtiyequina yeequina iji- atiquinare yuhure yahu Pacu tiquiro cũriquina pehe yuhure cahmeeta. Sa ye yuhure cahmeñequinare ne cohãsi yuhu. ³⁸ Uhmusepu ahtagu yahu cah- meno yei ahtagu niedu yuhu. Yuhure ohoriquiro tiquiro cahmediro sahata yei ahtagu ni yuhu. ³⁹ Ahrita ijire yuhure ohoriquiro tiquiro cahmeñe waro: Ijipihtiyequina yeequina yuhure tiquiro ohoriquinare yuhu boeragũ cahmene yuhure ohoriquiro pihtiri deco ijigũ tiquina masa majatire. ⁴⁰ Ijipihtiyequina yuhure Cohãcjũ macure ihñañequina, yuhure wacũ tutuayequina ijipihtiyere decori tiquiro mehna tiquina ijigũ cahmene yuhu Pacu. Sa yegu pihtiri decoru tiquinare masoutja, nidi Jesu.

⁴¹ “Yuhu ahmusepu ahtaye ihyaye yero saha ijigũ ijiaja”, tiquiro nigũ tãhoye judio masa usã puhto pehe tiquiro mehna usua, tiquina basi Jesure ñano ni yahuducuri.

⁴² —¿Ahriqui Jesu José macũno ijierajari? Tiquiro pacuro, pacoro gũhure mari masiaja. Sa yero mari yero saha pagu tiriquireta ijire. ¿Sa ijieperota dahsero “Uhmusepu

ahtaŋ”, niajari tiquiro? ni usuari tiquina.

Tiquina sa nigũ tũhoro Jesu yahuri tiquinare:

⁴³ —Mũsa yũhũre ñano ni yahudu-cueracãhña. ⁴⁴ Yũhũ Pacũ yũhũre ohoriquiro pehe masare yũhũ pehere cahmegũ yere. Tiquiro sa yeragũ masa pehe yeequina iji masied-aboaya. Pihtiri deco ijigũ yeequinare masoutja yũhũ. ⁴⁵ Cohãcjũ yere yahu mũhtariquina pehe ohõ saha ni ojoahye: “Cohãcjũ tiquinare buherota”, ni ojoahye Cohãcjũ yere yahu mũhtariquinapũ. Ijipihtiyequina yũhũ Pacũ ye buheyere tũhoyequina, tiquirore yũhtiyequina yũhũre cahmene. Sa yeye yeequina ijire.

⁴⁶ 'Yũhũ Pacũre ne ihcãquiro masũno ihñedare. Yũhũ Cohãcjũ ohorigũ dihita yũhũ Pacũre ihñãũ. ⁴⁷ Ijirota niaja mũsare. Yũhũre wacũ tutuariquiro ijipihtiyere decori yũhũ Pacũ mehna sa ijiducurota. ⁴⁸ Yũhũ catiyere oho, ihyaye yero saha ijigũ ijiaja. ⁴⁹ Mũsa ñecũsumũa mũna iji turiayequina masa marienopũ manãre ihyae tiahye. Sa tire ihyæpeta yariaa wahæe tiahye. ⁵⁰ Uhmũsepũ ahtari ihyayere yũhũ niñe ihyayere masũno ihyaro, ne pecapũ wahasi. ⁵¹ Yũhũ uhmũsepũ ahtari ihyaye catiyere oho, ihyaye yero saha ijigũ ijiaja yũhũ. Ahri ihyayere ihyariquiro ijipihtiyere decori yũhũ Pacũ mehna sa ijiducurota. Ahri ihyaye catigũ yere. Ahri ihyaye yero saha ijiye yũhũ pagũta ijire. Ijipihtiri yehpa cjẽna Cohãcjũ mehna tiquina sa ijiducuatire yũhũ pagũre ohogũtja. Sa ohogũ yariagũtja, nidi Jesu.

⁵² Tiquiro sa nigũ tũhoye usã acaye judio masa pehe tire ohõ saha ni yahuducuri tiquina basi:

—¿Ahriquiro dũhse ye tiquiro pagũre ihyatire ohorotari? nidi tiquina basi.

⁵³ Tiquina sa nigũ tũhoro Jesu yahuri:

—Ijirota niaja mũsare. Yũhũ masũ Cohãcjũ ohorigũ ijiaja. Yũhũ pagũre ihyeriquiro, yũhũ diire sihnieniquiro uhmũsepũ wahasi. ⁵⁴ Sa yũhũ pagũre ihyariquirore, yũhũ diire sihnidiquirore pihtiri deco ijigũ masoutja. Sa yero uhmũsepũ sa ijiducurota tiquiro. ⁵⁵ Yũhũ pagũ potota ihyaye waro yero saha ijire. Yũhũ dii potota sihniñe yero saha ijire. ⁵⁶ Yũhũ pagũre ihyariquiro yũhũ diire sihnidiquiro yũhũ mehna bucueye mehna ijiducurota. Sa yegũ yũhũ gũhũ tiquiro mehna bucueye mehna ijiducuaja. ⁵⁷ Yũhũ Pacũ yũhũre ohoriquiro sa ijiducure. Sa ijiducuro, yũhũ gũhũre sa ijiducugũ yere. Sa yeye yũhũre sa ijiducugũre masa ihyaye, Cohãcjũ mehna uhmũsepũ sa ijiducuetã tiquina gũhũ. ⁵⁸ Ahri tjire uhmũsepũ ahtari ihyaye. Mari ñecũsumũa mũna iji turiayequina tiquina ihyari yero saha ijierare ahri ihyaye. Tiquina pehe ti ihyayere ihyæpeta yaria pihtia wahæe tiahye. Ahri ihyaye pehere ihyariquiro uhmũsepũ sa ijiducurota, nidi Jesu.

⁵⁹ Capernaupũ judio masa usã buheri wũhũpũ Jesu buhero, sata ni yahuri.

Jesu ye buheyere tũhona uhmũsepũ sa ijiducunata mari

⁶⁰ Peyequina Jesure cahmeñequina tiquiro sa ni buheyere tũhoye, ohõ saha ni yahuducuri:

—Ahri buheye tutuaro mijore. Sa yena mari tũho duera cjũaja, ni yahuducuri tiquina basi.

⁶¹ Tiquina sa nigũ Jesu pehe tiquina yahuducurire masidi. Sa masino tiquiro sinituri tiquinare:

—¿Ahri buheyere tũhona usuajari mũsa? ⁶² ¿Yũhũ masũ Cohãcjũ ohorigũ uhmũsepũ yũhũ tojoaa wahagũ ihñana dũhse ni tũhotunatari mũsa? ¿To gũhũre usuanatari mũsa? ⁶³ Masũno tiquiro jeripohnare cũoro catire. Tiquiro pagũ pehe tiquirore catigũ yerare. Masũno tiquiro jeripohna tiquirore catigũ yero saha yũhũ buheye pehe mũsare Cohãcjũ mehna

sa ijiducugũ yere. ⁶⁴ Apequina m̄sa mehna cj̄ena ne yah̄ure wacũ tutuerare, nidi Jesu.

Coã warop̄are Jesu tiquirote wacũ tutueyequinare masidi. Sa yero tiquirote ih̄ña tuhtieyequinare ih̄ñoatiquiro ḡuh̄ure masi tuhasari. Sa tiquirote wacũ tutueyequinare masino “Apequina m̄sa mehna cj̄ena yah̄ure wacũ tutuerare”, nidi Jesu.

⁶⁵ Sa ni tuhasa oh̄õ saha ni nemori:

—Oh̄õ saha ni yahumi m̄sare: “Yuh̄u Pacu masare yah̄u pehere cahmegũ yere. Tiquiro sa yeragũ masa pehe yeequina iji masiedaboaya”, m̄sare nie timi, nidi Jesu.

⁶⁶ Tiquiro sa ni buhegũ t̄hoye peyequina Jesure cahmemediquina tiquirote cohã, tiquiro mehna pari turi wahaerari. ⁶⁷ Tiquina sa yegũ ih̄ñano Jesu us̄are doce tiquiro buhenare sinituri:

—¿M̄sa ḡuh̄u yah̄ure cohãnatjari? ni sinituri us̄are. ⁶⁸ Tiquiro sa nigũ Simo Pedro yah̄tiri tiquirote:

—P̄hto, us̄are apequiro buheriquiro mariedare. M̄uh̄u ye buheyere t̄hona Cohãcjũ mehna sa ijiducunatja us̄ã. M̄uh̄u ye buheye dihita tire yahure us̄are. ⁶⁹ Sa yena us̄ã m̄uh̄ure wacũ tutuaja. Sa yena m̄uh̄u quehnoagu, Cohãcjũ macu tiquiro ohorigu m̄uh̄u ijigũ us̄ã masiaja. Sa yena m̄uh̄ure cohãsi us̄ã, nidi Simo Pedro Jesure.

⁷⁰ Tiquiro sa nigũ t̄horo Jesu yahuri us̄are:

—Yuh̄u pehe m̄sare doce besei. Sa ijiepegũta ihcãquiro m̄sa mehna cj̄ano wat̄ino yaquiro ijiatiquiro ijire, nidi us̄are tiquiro buhenare.

⁷¹ Sa nino Judare Simo Iscariote mac̄nore nino nidi. Juda pehe doce us̄ã mehna cj̄ano Jesure ih̄ña tuhtieyequinare ih̄ñoatiquiro ijiri.

7

Jesu acaye tiquirote “Cohãcjũ mac̄no ijire”, ni, ne masiedahye

¹ Came Jesu Galilea yehpapu tinino wahari. Judea yehpapu judio masa tiquirote wejẽ duari. Tiquina

sa wejẽ duagũ masino tiquiro ti yehpapu wahaerari. ² Judio masa daye wuh̄usegã us̄ã yeati bosc deco mehenogã d̄hsatjiãri. ³ Sa ye Jesu bahana tiquirote yahuri:

—Judeapu wahaya. Topu m̄uh̄u yequinare m̄uh̄u bajumehneñene ih̄nogu wahaya m̄uh̄u. ⁴ Masare m̄uh̄u bajumehneñene ih̄ño duagu ne n̄osi m̄uh̄u. Ye ih̄ño no cahmene. Potota ahri bajumehneñene ye masigu ijigu tire masare ih̄ñoña, nimesi tiquina.

⁵ Tiquiro bahana ijiepeta Jesure “Cohãcjũ mac̄no ijire”, niedari. Sa yeye sa nidi tiquina tiquirote. ⁶ Tiquina sa nidi bato Jesu yahuri tiquinare:

—Masa yah̄ure tiquina quehnoano masiati pje d̄hsar̄ine. M̄sa ih̄ña duana bosc deco ijigũ waha masine.

⁷ Ahri yehpa cj̄ena m̄sa pehere ih̄ña tuhtierare. Tiquina ñañe yerire yah̄u yahugũ tiquina yah̄u pehere ih̄ña tuhtire. ⁸ Bosc deco ijigũ wahaya m̄sa sehsaro. Yuh̄u pehere yah̄u wahati pje d̄hsar̄ine. Sa yegu yah̄u pehe bosc decore mianogãre ih̄ñau wahar̄isi, nidi Jesu tiquinare.

⁹ Sa nino tiquiro Galileapu tojoari.

Jesu daye wuh̄usegã tiquina yeri bosc deco ijigũ wahahye

¹⁰ Bosc decopu Jesu bahana tiquina wahari bato Jesu ḡuh̄u tiquina bato wahari. Sa waharo masa tiquina ih̄ñeno watoa wahari. ¹¹ Bosc deco ijieyequina judio masa us̄ã p̄htoa tiquirote macari:

—¿Nohopu ijiagari tiquiro? ni sinituahye tiquina.

¹² Sa ye masa ḡuh̄u Jesure peyequina yahu wajahye. Apequina “Tiquiro quehnoariquiro ijire”, ni ahye. Apequina “Tiquiro ñariquiro ijire. Masare mehoriqiro ijire”, ni yahu wajahye tiquina.

¹³ Sa niepeta judio masa us̄ã p̄htoare cueye masa tiquina ih̄ñenopu Jesure yahu wajahye.

¹⁴ Bosc decori deco mehna d̄hsagũ Cohãcjũ wuh̄upu Jesu sajã saro, buheri. ¹⁵ Tiquiro sa buhegũ us̄ã

acaye judio masa tũho maria waha, ohõ saha nidi:

—¿Ahriquiroy buheropũ buhemehnediquiro ijieperota dũhsero quehnoano masi pehoajari? nidi tiquina basi tiquirore.

16 Tiquina sa nigũ Jesu yahuri tiquinare:

—Yũhũ buheri yee yahuducuye ijierare. Yũhũre ohoriquiro ye yahuducuye pehe ijire ahri buheye. 17 Cohãcjũ cahmeñene ye duayequina yũhũ buheye pehere Cohãcjũ ye yahuducuye ti ijigũ masieta. Yũhũ esa tuharo yũhũ buheragũ gũhũre masieta tiquina. 18 Ihcãquiro tiquiro esa tuharo tiquiro masiñe mehna buhero “Yũhũ dihitarẽ ño peoya”, nino nine tiquiro. Sa ijiepegũta yũhũre ohoriquiro pehere mũsa ño peogũ cahmeaja yũhũ pehe. Yũhũ sa nigũ tũhona “Potota ni yahuducure tiquiro. Ne mehoedare”, ni masinata mũsa.

19 Cohãcjũ dutiyere Moise mũnana pehe cũahye mũsare. Tiquiro sa cũepẽgũta mũsa ijipihtina ti dutiye pehere ne yũhtierari. ¿Dũhsena yũhũre wejẽ duajari mũsa? nidi Jesu usã acaye judio masare.

20 —Tũho masiedare mũhũ. Watĩnore cũore mũhũ. Mũhũre wejẽ duayequina mariedare, ni yũhtiri tiquina Jesure.

Tiquina sa nigũ Jesu yũhtiri:

21 —Mari judio masa mari sori deco saurũ ijigũ ihcã tahata Cohãcjũ tutuaye mehna dohatiriquiro tiquiro dohatiyere yũhũ cohãgũ mũsa ihña maria wahari. 22 Mari ñecusumũa mũna panopũ cjẽna pehe tiquina pagare cuhnucunũ sohtoa cahserogãre yũhũre neñequina tiquina yeriro sahata Moise yũhũre ne dutiahre. Potota Moise pehe ti dutihirore cũedahye. Mari ñecusumũa mũna iji turiayequina pehe tire cũ, yahu turiahye. Tiquiro sa dutigũ saurũ sori deco ijiepegũta masũnore tiquiro cuhnucunũ sohtoa cahserogãre yũhũre nene mũsa.

23 Saurũ ijigũ masũnore tiquiro cuhnucunũ sohtoa cahserogãre yũhũre nene mũsa, Moise dutiyere yena tana. ¿Mũsa gũhũ saurũ decore tire yepenata ti decopũ dohatiriquirore yũhũ yũhdũogũ dũhsena yũhũ mehna usuajari mũsa? 24 Yũhũ yerire mũsa quehnoano masiedapenata, yũhũre ñano tũhotueracãhña. Mũsa quehnoano masidi bato yũhũre mũsa tũhotugũ potota ijirota. Yũhũ yerire masina, queoro masiña mũsa, nidi Jesu.

Jesu coã waropũ tiquiro ahtarirore yahuahye

25 Tiquiro sa ni yahuri bato meheñequinagã Jerusalẽ cjẽna tiquirore ohõ saha ni yahu wajari:

—¿Ahriquiroy judio masa pũhtoa tiquina wejẽ duariquiro ijierajari?

26 Sa yero tiquirore tiquina wejẽ duepegũta ijipihtiyequina ihñono masare buhero nine tiquiro. Sa ye tiquirore wejẽ duayequina ijiepetata sa ihña cãre. ¿“Tiquiro potota Cristo ijire”, ni, tũhotuagari pũhtoa pehe?

27 Sa ijiepegũta ahriquiroy Jesu tiquiro ahtarirore mari masiaja. Cristo pehe masare yũhdũoatiquiro tiquiro ahtagũ tiquiro ahtariro pehere masimehnedare. Sa yero masare yũhdũoatiquiro Cristo waro ijierare Jesu, ni yahu wajari tiquina Jerusalẽ cjẽna.

28 Tiquina sa niñene masino, Jesu ohõ saha ni tutuaro sañuducu buheri Cohãcjũ wũhũpũ:

—Yũhũre ohõ saha ni tũhoture mũsa: “Tiquirore masiaja. Sa yena tiquiro ahtariro gũhũre masiaja”, ni tũhotumene mũsa. Mũsa sa ni tũhotuepenata yũhũre ohoriquirore ne masiedare mũsa. Yũhũre ohoriquiro poto niniquiro, poto yeriquiro ijire. Tiquirore ne masiedare mũsa. 29 Tiquirota yũhũre ohori. Sa yegũ tiquiro cahapũta ahtaũ. Sa yegũ yũhũ pehe tiquirore masiaja, nidi Jesu judio masare.

30 Tiquiro sa nigũ tũhoye tiquirore ñehe duamedĩ. Tiquina sa ñehe duepegũta Jesu tiquiro ñano yũhdũati

pje dũhsarĩdi. Sa ye tiquina tiquirore ñehe masiedari. ³¹ Apequina masa pehe peyequina tiquirore wacũ tutuaye, ohõ saha nidi:

—“Cristo peye tahari Cohãcjũ tutuaye mehna ye ihñonota”, panopũ tiquina ni yahu mahtariro sahata ahriquiuro Jesu pehe peye tahari Cohãcjũ tutuaye mehna ye ihñore. Ijipihtiyequina apequina yũhdũoro Cohãcjũ tutuaye mehna ye ihñore tiquiro. Sa yero Cristo Cohãcjũ ohoriquiurota ijire ahriquiuro Jesu, nidi Jesure wacũ tutua dũcayequina.

Fariseo masa Jesure peresuye duti-ahye

³² Masa Jesure tiquina sa ni yahuducugũ tũhoahye fariseo masa. Sa ye tiquina, pahia pũhtoa mehna Jesure ñehe dutiye ohoahye surarare, Cohãcjũ wũhũre cohteyequinare.

³³ Sa yero Jesu judio masare ohõ saha nidi:

—Meheñe decorigã mũsa mehna ijiniitja. Sa yegũ mehenogã bato yũhũre ohoriquiuro cahapũ wahaũtja. ³⁴ Yũhũ ijiatore mũsa waha masiedare. Sa yena yũhũre macaepenata ne bocasi mũsa, nidi Jesu judio masare.

³⁵ Tiquiro sa nigũ tũhoye tiquina basi ohõ saha ni yahuducuri:

—¿Ahriquiuro sa nino nohopũ waha rotari, mũsa tũhotugũ? ¿Griego masa cahapũ judio masa waha siteriquina tiquina ijiye macaripũ griego masapũre buhero wahabogari ahriquiuro? ³⁶ ¿“Yũhũ ijiatore mũsa waha masiedare. Sa yena mũsa yũhũre macaepenata ne bocasi”, tiquiro nigũ dũhse nino boro ahriquiuro sa niajari? ni yahuducuri judio masa tiquina basi.

Catigũ yeye mĩrine yahuahye Jesu

³⁷ Bose deco bato tiri deco ti deco waro ijiro nidi. Ti decore Jesu topũ ducuro, tutuaro mehna sañuducu yahuri:

—Aco wũoyequina acore tiquina tutuaro cahmeno saha ijipihtiyे decori Cohãcjũ mehna mũsa ijiatire

tutuaro cahmena yũhũre siniña. Mũsa sa sinigũ tiquiro yequina mũsare iji dutiitja. ³⁸ Yũhũre wacũ tutuayequinare ohõ saha ni ojoahye Cohãcjũ yere tiquina ojoari pũpũ: “Mĩri pohteripũ catigũ yeye aco sa wijiaducuro sahata catigũ yeriquiro tiquina mehna sa ijiducurota”, ni ojoahye Cohãcjũ yere tiquina ojoari pũpũ, ni yahuri Jesu judio masare.

³⁹ Sa catigũ yeriquirore wame peo yahuro “Yũhũre wacũ tutuayequina Espĩritu Santore cũoeta”, nino nidi Jesu. Tiquiro yũhũsepũ tiquiro mũjaedarĩgũ Espĩritu Santo pehe wihieraniahye.

Judio masa tu wahye pũa curua

⁴⁰ Jesu tiquiro sa nigũ tũhoye, masa peyequina ohõ saha ni yahuducuri:

—Ahriquiuro potota Cohãcjũ yere yahu mahtariquiro mari cohteriquiro ijire, nidi masa.

⁴¹ Ohõ saha nidi apequina gũhũ:

—Ahriquiuro Cristo marine yũhdũoatiquiro ijire, nidi.

Apequina pehe ohõ saha nidi:

—Cristo ahtarõ, Galilea yehpa cãno ijisi tiquiro. Ahriquiuro Jesu pehe to cãnota ijire. ⁴² Cristo Davi manano panamino ape tjuro cãno ijiatiquiro ijirota. Sa yero Davi ya maca ijiriropũ Belẽpũ Cristo masa bajarõta. Ohõ saha ni yahure Cohãcjũ yere tiquina ojoari pũpũ. Ahriquiuro Jesu pehe Belẽpũ masa bajarahye. Sa yero tiquiro Cohãcjũ ohoriquiuro Cristo waro ijierare, nidi tiquina.

⁴³ Sa ye Jesure tũhomediquina pũa curua tu wari tiquina basi.

⁴⁴ Meheñequinagã masa pehe Jesure ñehe duamedĩ. Sa ñehe duepeta tiquirore ñehedari.

Judio masa pũhtoa Jesure ne wacũ tutuerahye

⁴⁵ Sa ye surara pahia pũhtoa cahapũ fariseo masa cahapũ tojoaa waha hye. Tiquina tojoa sagũ ihñañe tiquina surarare sinituahye:

—¿Dũhsena Jesure ñehedari mũsa? ni sinituahye tiquina pehe.

⁴⁶ —Tiquiro quehnoa yuhduaro yahuducuriquiro ijiri. Apequina tiquiro yero saha yahuducuyequina ne mariedare, ni yuhtiahye surara tiquinare.

⁴⁷ Tiquina sa nigũ fariseo masa pehe ohõ saha ni yahuahye:

—¿Mũsare tiquiro mehogũ “Potota nino niaga”, niajari mũasa gũhũ? ⁴⁸ Mari puhto Jesure wacũ tutueyequina ijiye ne tiquirore cahmedare. Uũasa gũhũ sa ijina tiquirore cahmedaja. ⁴⁹ Ahriquina masa pehe Cohãcjũ dutiyere Moiseretiquiro cũrire masiedare. (Sa masieñequina ijiye Jesure wacũ tutuayequina ijiye, tiquirore cahmene.) Tiquina sa cahmedi buhiri tiquinare mari Pacũ buhiri dahrerota, niahye fariseo masa.

⁵⁰ Fariseo masũno Nicodemo Jesure yahuducuro esariquiro topũ ijiahye tiquina mehna. Tiquina sa nigũ tũhoro ohõ saha niahye tiquiro tiquinare:

⁵¹ —Jesu ñano yerire masiedaja mari. Sa masiedana marine tiquiro yahuato pano tiquirore buhiri dahre masiedaja mari. Sa masiedapenata tiquirore buhiri dahrena, mari yetutyere yuhduaducana niaja mari, niahye Nicodemo tiquinare.

⁵² Tiquiro sa nigũ tũhoye ohõ saha ni yuhtiahye tiquina:

—¿Mũhũ gũhũ tiquiro yero saha Galilea cjũta ijiajari? Cohãcjũ yere tiquina ojoari pũre buhe pehoya. Sa buhegu “Cohãcjũ yere yahu mũhtariquina ne ihcãquiro mariedare Galileare”, ni buhe masiita mũhũ. (Sa yero sa ni maca cãno nine Jesu,) ni yuhtiahye tiquina Nicodemore.

[⁵³ Tiquina sa nidi bato tiquina ye wũhũsepu tojoaa wahahye.

8

Uũmano mehna ñano yericorore judio masa puhto wacũeno mehna esa pjeahye

¹ Jesu canũpu Olivo wame tidũpu wahari. ² Sa yero bohrearo Cohãcjũ

wũhũpu tiquiro esari tja. Tiquiro esagũ ihñañe masa peyequina tiquiro cahpu cahmecoari. Tiquina sa cahmecoagũ ihñano tiquiro pehe dujtjiãno tiquinare buhe dũcari. ³ Tiquiro sa buheri watoa uũasa acaye judio masa buheyequina, fariseo masa mehna ti wũhũpu numinore ne cãhtari. Ticoro uũmano mehna ñano yegũ waro wacũeno mehna esa pjeahye tiquina ticorore. Sa esa pjeye ticorore Cohãcjũ wũhũpu ne sajãri tiquina. Ne sajã sa tuhasa ijipihtiyequina ihñono ticorore duhu docoye ohõ saha nidi:

⁴ —Buhegu, ahricoro uũmano mehna ñano ticoro yegũ waro wacũeno mehna ticorore esa pjei.

⁵ Cohãcjũ dutiyere Moise mũnanopũ marine tiquiro cũri ohõ saha nine: “Uũmano mehna ñano yericorore uũa paca mehna doque wejẽña”, niahye Cohãcjũ dutiye. ¿Mũhũ waro dũhse ni tũhotuajari ahrire? ni sinituri tiquina Jesure.

⁶ Jesu ñano nigũ tũho duaye nimesi tiquina tiquirore yahusãñe tehe. Tiquina sa sinituepegũta Jesu muhri quehe, yehpapũ tiquiro omo piria mehna ojoari. ⁷ Sa tiquina ni sinituducugũ Jesu pehe wahcã nuju sa, tiquinare yahuri:

—Mũasa mehna cjũno ñano yeriariquiro ticorore uũa mehna doque mũhtaahdo, nidi Jesu.

⁸ Sa ni tuhasa pari turi muhri quehe, yehpapũ ojoari tja. ⁹ Tire tũhoye tiquina ñaño yerire wacũñe, tiquina wahmisũmũna pehe wijia mũhtari. Tiquina bato tiriquina mehna cjẽna gũhũ wijia pihtia wahari. Sa yero numino topũ ducuricoro Jesu mehna tojoari. ¹⁰ Sa yero Jesu wahcã nuju sa ticorore sinituri:

—¿Nohopũ wahajari tiquina? ¿Mũhũre buhiri dahre duamediquina mariedajari yojopũre? nidi ticorore.

¹¹ —Mariedare puhto, ni yuhtiri ticoro.

—Yũhũ gũhũ buhiri dahreraja mũhũre. Wahaya. Sa yego ñañene ye nemoedacãhña, nidi Jesu ticorore.]

Buhrioro marine ihña masigũ yero saha Jesu ahri yehpa cjênare mari Pacũre masigũ yere

¹² Pari turi Jesu ti wuhũpũ ijiye-quinare yahuri:

—Buhrioro marine to ihña masigũ yero sahata yũhũ ahri yehpa cjênare Cohãcjũre masigũ yeaja. Yũhũre wacũ tutuariquiro ijipihtiye decori Cohãcjũ mehna sa ijiducurota. Sa yero tiquiro quehnoañene wacũnota. Sa yero tiquiro ñañene wacũ duerare, ni yahuri Jesu.

¹³ Tiquiro sa nigũ tiquirore fariseo masa ohõ saha nidi:

—Mũhũ basi mũhũ ijiye tiyere sa ni yahuducugũ nine. Sa ye mũhũ ohõ saha ni mũhũ esa tuharo mũhũ ni yahuducu maca quẽhe ne dũhseati ijierare, nidi tiquina Jesure.

Tiquina sa nigũ Jesu yũhtiri:

¹⁴ —Yũhũ ahtarirore masiaja yũhũ. Yũhũ wahato gũhũre masiaja yũhũ. Mũsa ne tire masiedare. Mũsa ohõ saha niepegũta yũhũ ijiye tiyere mũsare yũhũ yahuri poto tjire. ¹⁵ Mũsa esa tuharo mũsa ihñari dihitare masine mũsa. Sa yena quehnoano masiedare mũsa. Sa masiedapenata yũhũre ñano ni yahuducure mũsa. Yũhũ pehe yũhũ esa tuharo masare ne sa niedaja. ¹⁶ Sa yegũ masa tiquina ijiye tiyere ihña masigũ yũhũ esa tuharo ihña masiedaja. Yũhũ pũrita yũhũre ohoriquiro mehna ihña masiaja. Sa yegũ masa tiquina ijiye tiyere yũhũ ihña masiñe poto tjire. ¹⁷ Mũsare dutiye tiquina ojoari pũ ohõ saha ni yahure. “Pũaro masa ihcãno saha tiquina yahugũ ohõ saha tiquina yahuye poto tjire”, ni yahu ojoari jiri. ¹⁸ Yũhũre yahuriquiro mehna usã pũana tjiaja. Yũhũ ijiye tiyere yahuaja yũhũ. Sa yero yũhũ Pacũ gũhũ yahure yũhũ pehere. Tiquiro tjire yũhũre ohoriquiro, nidi Jesu.

¹⁹ —¿Nohopũ ijiagari mũhũ pacũ? ni sinituri tiquina.

—Yũhũre mũsa masiedare. Yũhũ Pacũ gũhũre masiedare mũsa. Yũhũre

masina, yũhũ Pacũ gũhũre masiboaga mũsa, ni yũhtiri Jesu tiquinare.

²⁰ Jesu tiquinare buhero sa ni yahuducuri Cohãcjũ wuhũpũ tiquina niñeru sãñe acari cahapũ. Tiquiro ñano yũhdũati pje ijieranidi. Sa ye tiquina mehna tiquiro ijiepegũta tiquina tiquirore ñehedari.

—Yũhũ wahatopũre mũsa pehe waha masisi, niahye Jesu

²¹ Pari turi Jesu tiquinare yahuri tja:

—Yũhũ ahtariropũ wahautja. Yũhũ wahari bato mũsa yũhũre macanata. Sa yena mũsa ñañe buhiri tiye mehna yarianata. Yũhũ wahatopũre mũsa pehe waha masisi, ni yahuri Jesu.

²² —“Yũhũ wahatopũre mũsa pehe waha masisi”, tiquiro nigũ tũhoye, “¿Ahriquiro tiquiro basi wejẽ yariarotari, sa nino?” nidi usã acaye judio masa tiquina basi.

²³ Tiquina basi sa nigũ Jesu yahuri tiquinare:

—Mũsa pehe ahri yehpa cjãna ijire. Yũhũ pehe uhmũse cjũ ijiaja. Ahri yehpapũ bajuarina ijire mũsa pehe. Uhmũsepũ ahtarigũ ijiaja yũhũ pehe. ²⁴ Mũsa yũhũ ijiye tiyere yũhũ nidire “Poto ijierare”, nina, mũsa ñañe buhiri tiye mehna yarianata mũsa. Sa yegũ “Mũsa ñañe buhiri tiye mehna yarianata mũsa”, nimi mũsare, nidi Jesu tiquinare.

²⁵ —¿Noa boro ijiajari mũhũ? ni sinituri tiquina.

—Coã waropũre yũhũ niducuriro sahata ijiaja yũhũ. ²⁶ Mũsare yũhũ yahuati pajiro dũhsarĩne. Sa yero mũsa ñano yeri buhirire mũsare yũhũ yahuati pajiro dũhsarĩne. Sa yegũ yũhũre ohoriquiro tiquiro yahurire ahri yehpa cjênare yahuaja. Tiquiro yahuri poto tjire, nidi Jesu tiquinare.

²⁷ “Yũhũre ohoriquiro”, tiquiro nigũ tũhoye, “Mari Pacũ ijiaja”, ni tũhotuerari tiquina. ²⁸ Tiquina sa ni tũhotueragũ ihñano Jesu yahuri tiquinare.

—Yuhure masure Cohãcjũ ohorigure musa yucu teõ mehna wahcõ donata. Musa sa yena, “Tiquiro Cohãcjũ ohoriquiro tjire”, ni masinata musa yuhure. Sa yena yuhũ esa tuharo yuhũ yerarigũ ijigũ masinata musa. Sa yena yuhũ Pacũ yuhure tiquiro buheri dihitare yahurigũ yuhũ ijigũ gãhure masinata musa. ²⁹ Sa yero yuhure ohoriquiro pehe yuhũ mehna ijire. Tiquiro cahmeñene ijipihtiye decori yeducuaja. Sa yero yuhure tiquiro ne cohãedare, nidi Jesu.

³⁰ Tiquiro sa nigũ tãhoye, tiquirore masa peyequina wacũ tutuari.

Cohãcjũ pohnene, ñaÑe yeyequina gãhure yahuahye Jesu

³¹ Sa ye apequina judio masa Jesure wacũ tutuari. Sa yero Jesu tiquinare yahuri:

—Yuhũ dutiyere ye pehona, potota yuhũ buhena ijire musa. ³² Sa yena poto masinata musa. Poto ijiyere masina, ñaÑe yeyere duhu masinata. Sa yena cahacjẽna yero saha iji nemosi musa, nidi Jesu tiquinare.

³³ Tiquiro sa nigũ tãhoye ohõ saha ni yahtiri tiquina:

—Usã pehe panopũ cjãno Abrahã munano panamena iji turiana iji-aja. Sa yena ne apequina tiquina cahacjãna ijieraja usã. ¿Sa yegũ “Cahacjẽna yero saha iji nemosi”, nigũ, dahse ijiro boro usãre sa niajari mũhũ? ni sinituri tiquina Jesure.

³⁴ Tiquina sa nigũ tãhoro ohõ saha nidi tiquiro:

—Ijirota niaja musare. Ijipihtiyequina ñaÑene yeyequina pehe tiquina ñaÑene ye duhu masiedare. Sa yero ñaÑe pehe tiquina pahtoro yero saha ijire. Sa ijiyequina ijiye cahacjẽna yero saha ijire tiquina. ³⁵ Cahacjãno pehe tiquiro pahtoro ya curua cjãno ijipihtiye decori ijiducuerare. Ti wuhũ cjãno macũno pehe ijipihtiye decori potota ti curua cjãno ijire tiquiro. (Yuhũ pehe Cohãcjũ macũ ijiaja. Sa yegũ dutigũ ijiaja. Musa ñaÑe yeyere duhu

dutiitja.) ³⁶ Sa yena yuhũ Cohãcjũ macũ ñaÑene yuhũ duhugũ yenohrina ijina potota ñaÑene duhurina ijire musa. ³⁷ Abrahã munano panamena iji turiana musa ijigũ masiaja. Sa ijiepenata yuhũ yahuye pehere tũho duerare musa. Sa yena yuhure wejẽ duare musa. ³⁸ Yuhũ Pacũ yuhure tiquiro masigũ yerire yahuaja musare. Yuhũ sa yahuepegũta musa pacũ watĩno musare tiquiro dutiyere yere musa gãhũ, nidi Jesu tiquinare.

³⁹ —Abrahã munano panopũ cjãno usã ñecũ munano ijie tiahye. Sa yero watĩno usã pacũ ijierare, ni yahtiri tiquina.

Tiquina sa nigũ Jesu yahtiri:

—Abrahã panamena iji turiana ijina, tiquiro yeriro sahata yeboaga musa. ⁴⁰ Cohãcjũ yuhure poto tiquiro yahuyere musare yuhũ yahuepegũta yuhure wejẽ duare musa. Abrahã munano pehe ne sa yera tiahye. ⁴¹ Musa pacũ tiquiro yeriro sahata yere musa, nidi Jesu tiquinare.

Tiquiro sa nigũ tiquina yahtiri:

—Omoca duhtemehneñequina pohna ijieraja usã. Ihcãquirola ijire usã Pacũ. Tiquirota ijire Cohãcjũ, nidi tiquina.

⁴² Tiquina sa nigũ Jesu yahtiri:

—Cohãcjũ mehna cjũ ijigũ, ohõpũre ahtaũ. Sa yena Cohãcjũ musa Pacũ tiquiro ijigũ yuhure cahĩboya musa. Yuhũ esa tuharo ahtaerũ yuhũ pũrita. Cohãcjũ tiquiro ohogũ ahtaũ ohõpũre. ⁴³ ¿Dũhsena yuhũ yahuducuyere tũhoerajari musa? Yuhũ yahuyere tũho duerare musa. Sa yena tũhoerare musa. ⁴⁴ Musa pacũ pehe watĩno ijire. Sa yena watĩno cahmeÑe pehere ye duare musa. Ahri yehpa coã waropũ to iji dũcagũpũ, yojopũ gãhure tiquiro masare wejẽdiquiro ijire. Tiquirore poto yahuducuye mariedare. Sa yero tiquiro ne poto yahuducuerare. Tiquiro coã waropũre ni meho mahta dũcariquiro ijie tiahye. Sa yero tiquiro sa ni mehoducuriquiro ijiro, ni mehoÑene yahure. ⁴⁵ Yuhũ pehe musare poto yahuaja. Sa

yuh̄u yahuepegūta yuh̄ure tūhoerare m̄usa. ⁴⁶ “Muh̄u ñano yegū ijire”, yuh̄ure ni masiedare m̄usa. ¿Poto m̄usare yuh̄u yahuepegūta d̄hsena tūhoerajari m̄usa? ⁴⁷ Coh̄ācjū pohne pehe tiquiro yahuducuyere tūhore. Tiquiro pohne ijierana, tiquiro yahuducuyere tūho duerare m̄usa, nidi Jesu tiquinare.

Abrah̄a tiquiro ijiato pano Cristo pehe iji tuhasae tiahye

⁴⁸ Tiquiro sa nigū tūhoye judio masa tiquirore ohō saha nidi:

—“Muh̄u Samaria cjū ijire. Sa yegū wat̄nore c̄uore m̄uh̄u”, us̄a nidi poto tjire, nidi tiquina Jesure.

⁴⁹ Tiquina sa nigū tūhoro ohō saha ni yahtiri Jesu:

—Wat̄nore c̄uoreraja yuh̄u. Yuh̄u Pac̄ure ño peoaja. M̄usa pehe yuh̄ure ño peorare. ⁵⁰ Yuh̄ure masa tiquina ño peogū cahmedaja yuh̄u. Yuh̄u Pac̄u pehe yuh̄ure ño peogū cahmene masare. Tiquiro p̄ūrita yuh̄u ijiye tiyere quehnoano ih̄ña masino, sata ño peo dutire. Sa yero yuh̄ure tiquina cahmedari buhiri, buhiri dahrea-tiquiro ijirota tiquiro. ⁵¹ Ijirota niaja m̄usare. Yuh̄u dutiyere yeriquiro ijipihtiye decori Coh̄ācjū mehna sa ijiducurota, nidi Jesu.

⁵² Tiquiro sa nigū tūhoye ohō saha nidi tiquina:

—Yojop̄u p̄ūritare wat̄nore c̄uoḡu m̄uh̄u ijigū us̄a quehnoano masiaja. Abrah̄a m̄anano yariaa wahahye. Coh̄ācjū yere yahu m̄ahtariquina ḡūh̄u yaria pihtia wahahye. ¿Sa yegū “Yuh̄u dutiyere yeriquiro ijipihtiye decori Coh̄ācjū mehna sa ijiducurota”, nigū d̄hse nigū sa niajari m̄uh̄u? ⁵³ ¿Us̄a ñec̄u m̄anano Abrah̄a yuh̄d̄uro tutuajari m̄uh̄u? Tiquiro, Coh̄ācjū yere yahu m̄ahtariquina ḡūh̄u yariaa wahahye. ¿Muh̄u pehe noa boro ijiajari m̄uh̄u, sa ni yahuducuḡu? Muh̄u sa niboḡu ijierare, nidi tiquina.

⁵⁴ Tiquina sa nigū tūhoro Jesu yahu nemori:

—Yuh̄u basi “Tutuagū ijiaja yuh̄u”, yuh̄u nigū, tutuagū ijieraboaga yuh̄u. Yuh̄u Pac̄u pehe “Tiquiro tutuariquiro ijire”, nine yuh̄ure. “Us̄a Pac̄u”, m̄usa nidiquiro pehe yuh̄u Pac̄u tjire. ⁵⁵ M̄usa pehe yuh̄u Pac̄ure ne masiedare. Yuh̄u pehe tiquirore masiaja. “Tiquirore masiedaja”, nigū m̄usa yero saha ni mehoñe peyagū ijiboaga yuh̄u. Potota tiquirore masiaja. Sa yegū tiquiro dutiyere yeaja. ⁵⁶ Ahri yehpap̄u yuh̄u ahtatore mari ñec̄u Abrah̄a m̄anano masie tiahye. Sa masino tiquiro bucuee tiahye, nidi Jesu.

Tiquiro sa nigū tiquina yahtiri:

⁵⁷ —Cincuenta c̄uhmari c̄uorera m̄uh̄u. Abrah̄a m̄anano panop̄u cjūno ijiri. ¿Yojop̄ure tiquiro m̄ananore m̄uh̄u d̄hse masiboagari? nidi judio masa Jesure.

⁵⁸ —Ijirota niaja m̄usare. Abrah̄a tiquiro ijiato pano yuh̄u pehe iji m̄ahta tuhasae tii, nidi Jesu tiquinare.

⁵⁹ Tiquiro sa nigū tūhoye tiquina pehe ut̄a pacare ne, tiquirore doque duamedi. Tiquina sa doque duepegūta Jesu pehe Coh̄ācjū w̄uh̄up̄u ijiriquiro duhti wijiaa wahari.

9

Caperi bajueriquirore ih̄ñagū yeahye Jesu

¹ Sa yena Jesu us̄a tiquiro buhena mehna mahap̄u wahana, apequirore caperi bajueriquirore boca sañ. Tiquiro wahma masa bajarop̄ata caperi bajueriquiro ijie tiahye. ² Us̄a ḡūh̄u tiquirore ih̄ñana, sinituu Jesure:

—¿Buhegū, ahriquiro d̄hsero caperi bajueriquiro masa bajuayari? ¿Ñañene yeyari tiquiro sa waharo? ¿O tiquiro pac̄us̄m̄a pehe ñañene yeyari tiquiro sa wahagū? ni sinituu us̄a pehe Jesure.

³ Us̄a sa nigū tūhoro ohō saha ni yahtiri tiquiro:

—Ahriquiro ñañene yeri buhiri caperi bajueriquiro wahaerari. Tiquiro pac̄us̄m̄a ḡūh̄u ñañene

tiquina yeri buhiri caperi bajueriquiro wahaerari. Cohãcjũ tiquirore caperi bajueragũ yeri tiquirore ihñagũ yero taro, masare tiquiro ihñoatire. ⁴Yũhare ohoriquiro tiquiro cũrire yojopũre yero cahmene marine. Ñamipũ mari dahra masieno sahata camerũ yahũre ohoriquiro tiquiro cũrire ye masiedaja mari. ⁵Ahri yehpapũ buhrioro marine to ihña masigũ yero saha ijigũ ahri yehpa cjẽnare Cohãcjũ yere masigũ yeaja yahũ, nidi Jesu.

⁶Sa ni tuhasarota yehpapũ sihco puti cũri. Tiquiro sa sihco puti cũrire dihta mehna dahra more, caperi bajueriquirore tiquiro caperire wisõri. ⁷Sa wisõno ohõ saha nidi Jesu:

—Siloé wame tiri copepũ cuhsari copepũ mũhũ caperire cosegũ waha, nidi Jesu.

Siloé usã ye mehna niñe “Ohoricope”, niñe nidi.

Jesu tiquiro caperire cose dutiriquiro pehe waha, cose, caperi ihñariquiropũ tojoa wihiri. ⁸Tiquiro tojoa wihigũ tiquiro cahapũ ijiyequina tiquirore ihñari. To pano niñeru sinimediquiro tiquiro ijigũ ihñariquina tiquirore ohõ saha nidi tiquina basi:

—¿Ahriquiro sohõ ijiriquiro niñeru sinidiquiro ijierajari? nidi tiquina.

⁹—Tiquirota ijire, nidi apequina pehe.

—Tiquiro ijierare. Tiquiro saha bajuriquiro ijire, nidi apequina pehe.

Tiquina sa nigũ tũhoro caperi bajueramediquiro pehe ohõ saha nidi:

—Tiquiro tjiaja yahũ, nidi tiquinare.

¹⁰Tiquiro sa nigũ masa tiquirore sinituri.

—¿Caperi bajuegũ ijirigũ dahse waha ihñari mũhũ? ni sinituri tiquina tiquirore.

¹¹—Jesu wame tiriquiro sihco co mehna dihta mehna dahra more, yahũ caperire wisõri. Yũhare wisõ tuhasa “Siloé wame tiri copepũ mũhũ caperire cosegũ waha”, tiquiro nigũ cosegũ esã yahũ. Yũhũ sa coseri

bato yahũ caperi quehnoano bajuri yahũre, ni, yahuri tiquiro masare.

¹²—¿Mũhũre sa yeriquiro nohopũ ijiagari tiquiro? nidi tiquina.

—Õbah. Noho ijiro ijiaga, nidi tiquiro.

Caperi bajueramediquirore fariseo masa sinituahye

¹³Sa ni yahuducu tuhasa tiquina caperi bajueramediquirore fariseo masa cahapũ neari. ¹⁴Ti deco Jesu dihtare sihco co mehna dahra more caperi bajueriquirore tiquiro ihñagũ yeri deco saurũ deco ijiri. Ti deco usã sori deco ijiri. ¹⁵Sa ye fariseo masa pehe tiquirore sinituahye tja.

—¿Dũhse ye mũhũ ihñari? ni sinituahye tiquina.

—Dihta mehna yahũ caperire wisõri. Sa yegũ yahũ caperire yahũ coseri bato ihña dũcaũ yahũ, ni yahuahye tiquiro tiquinare.

¹⁶—Tiquiro saurũ decore mari sori decore mari dahra dutieri decore dahraya. Sa yero tiquiro Cohãcjũ yaquiro ijierare, niahye apequina fariseo masa pehe.

Apequina pehe ohõ saha niahye:

—Ñañene yeriquiro ohõ saha yũhdũo masiedare. Sa yero tiquiro quehnoariquiro ijiboaga, niahye apequina.

Sa ye tiquina pũa curua tu wahye tiquina basi. ¹⁷Sa ye pari turi tiquina caperi bajueramediquirore sinituahye tja.

—¿Mũhũre caperire quehnoano yeriquirore mũhũ waro dahse ni tũhotuajari Jesure? niahye tiquina tiquirore.

—Tiquiro potota Cohãcjũ yere yahu mũhtariquiro ijire, niahye caperi bajueramediquiro.

¹⁸Coã waropũre judio masa ohõ saha ni tũhotumahye. “Ahriquiro caperi bajueramediquiro ijierare”, ni tũhotumahye tiquina. Sa ni tũhotuye caperi bajueramediquiro pacũsumũare pijioahye tiquina.

¹⁹Pijio, tiquiro pacũsumũare sinituahye fariseo masa pũhto.

—¿Ahriquiroy potota m̄sa mac̄u ijiajari? ¿Duita tiquiro caperi bajueriquiro masa bajuari? ¿Potota caperi bajueriquiro ijieperota d̄hsero ihñajari yojop̄are? ni sinituahye tiquina tiquiro pac̄sum̄are.

20 —Ahriquiroy us̄a mac̄uta ijire. Sa yero duita caperi bajueriquiro masa bajue tiri tiquiro. 21 Tire masiepenata tiquiro ihñarire, tiquirore ihñaḡu yeriquiro ḡuh̄are masiedaja us̄a. Us̄a mac̄ure sinituya. Buc̄uro ijire tiquiro. Tiquiro basi yahu masine, niahye tiquiro pac̄sum̄a.

22 Judio masa us̄a p̄ah̄toa cōa warop̄are oh̄o saha nie tiahye.

—“Jesuta Cristo Coh̄ac̄j̄u ohoriquiro ijire”, niñequinare mari buheye w̄uh̄sep̄a saj̄a dutisi us̄a, nie tiahye judio masa p̄ah̄toa.

Tiquina sa niḡu t̄ahoye caperi bajueramediquiro pac̄sum̄a judio masa p̄ah̄toare cue niahye. 23 Sa c̄ueye, “Buc̄uro ijire tiquiro. Tiquirore sinituya”, niahye tiquina judio masa p̄ah̄toare.

24 Came judio masa p̄ah̄toa pari turi pijioahye caperi bajueramediquirore tja. Pijio oh̄o saha niahye tiquirore:

—Coh̄ac̄j̄u mehna poto yahuya m̄uh̄u. Jesure ni mehoriquiroy tiquiro ñañe yeriquiro ijiḡu us̄a masiaja. Sa yeḡu poto yahuya us̄are, niahye judio masa caperi bajueramediquirore.

25 Tiquina sa niḡu t̄ahoro oh̄o saha ni yahtiahye tiquiro:

—Jesure tiquiro ñañe yeriquiro ijiḡu masiedaja ȳuh̄u. Ihc̄ãnota masiaja ȳuh̄u. Panop̄are caperi bajueḡu ijie tii ȳuh̄u. Yojop̄are ihñaja ȳuh̄u. Ti dihitare masiaja ȳuh̄u, ni yahtiahye caperi bajueramediquiro tiquinare.

26 —¿D̄hse yeri m̄uh̄are tiquiro? ¿M̄uh̄u caperi ihñatire d̄hse yeri tiquiro m̄uh̄are? ni sinituahye tiquina.

27 —Tireta m̄sare yahu tuhasami ȳuh̄u. Ȳuh̄u sa niepeḡata m̄sa ne t̄aho d̄uerare ȳuh̄are. ¿D̄hse ye duana pari turi ȳuh̄u yahuḡu t̄aho duajari

m̄sa? ¿M̄sa ḡuh̄u tiquiro buhena iji duajari? niahye tiquiro tiquinare.

28 Tiquiro sa niḡu t̄ahoye tiquina tuhtiahye tiquirore:

—M̄uh̄u Jesu buheriḡu ijire. Us̄a pehe Moise buhena ijiaja. 29 Potota Coh̄ac̄j̄u Moiserere yahuducue tiahye. Jesu tiquiro ahtarirore us̄a masiedaja, niahye tiquina caperi bajueramediquirore.

30 Tiquina sa niḡu yahtiahye tiquiro:

—¿Tiquiro ahtarirore m̄sa masiedaḡu ȳuh̄are ihñaḡu yeriquiro ijio, Coh̄ac̄j̄u ohoriquiro ijieraboagari tiquiro?

31 Coh̄ac̄j̄u ñañe yeyequinare tiquina siniñene t̄ahoerare. Ti p̄uritare mari masiaja. Tiquinare t̄ahoeraperota Coh̄ac̄j̄ure ño peoriquirore, tiquiro dutiyere yeriquirore tiquiro siniñene t̄ahore Coh̄ac̄j̄u. 32 Cōa warop̄are ahri yehpa iji d̄ucaḡup̄are ne cōa masa bajarop̄a caperi bajueriquirore ne ihc̄ãquiroy ihñaḡu yeriquiro marieda tiahye. 33 Sa yero Jesu Coh̄ac̄j̄u ohoriquiro ijieraro ȳuh̄are ihñaḡu yeraboaya tiquiro, niahye tiquiro tiquinare.

34 —M̄uh̄u duita ñaḡu ijie tiahye. ¿Sa ijiepeḡata us̄are buhe duajari m̄uh̄u? niahye judio masa p̄ah̄toa tiquirore.

Sa ni tuhasayeta tiquina tiquirore coh̄a wio c̄ahye.

Jesu yere cahmeeñequina caperi bajueyequina tiquina ihña masieno saha mari Pac̄ure masiedare

35 Sa yero caperi bajueramediquirore tiquina coh̄a wiorire Jesu t̄ahori. Sa t̄ahoro caperi bajueramediquirore boca saro tiquirore sinituri:

—¿Mas̄nore Coh̄ac̄j̄u ohoriquirore wac̄u tutuajari m̄uh̄u? nidi Jesu.

36 —¿P̄ah̄to, noa ijiajari tiquiro? Tiquirore masiḡu wac̄u tutuaḡatja tiquirore, nidi caperi bajueramediquirore Jesure.

37 —Tiquirore ihña tuhasari m̄uh̄u. Yojop̄are m̄uh̄u mehna yahuducuḡu tiquirota ijiaja ȳuh̄u, nidi Jesu caperi bajueramediquirore.

38 —Pũhto, mũhare wacũ tutuaja, nidi caperi bajueramediquiro.

Sa nino tiquiro Jesu caha dũsepe curi mehna quehe sa, tiquirore ño peori.

39 Tiquiro sa ño peogũ ihñano ohõ saha nidi Jesu:

—Quehnoañequina, ñañequina gũhũ tiquina yerire masigũ yei ahtaũ ahri yehpũre. Caperi bajueyequina tiquina ihña masieno saha tiquina yero saha ijiyequina yũhũ Pacũre masiedare. Sa masieñequinare yũhũ Pacũre masigũ yei ahtaũ yũhũ. “Usã quehnoano masiaja”, ni tũhotumediquina quehnoano tiquina masiedarire masigũ yei ahtaũ yũhũ, nidi Jesu.

40 Tiquiro sa nigũ tũhoye meheñequinagã⁷ Pari turi Jesu tiquinare yahuri tja: fariseo masa tiquirore ohõ saha nidi:

—¿“Caperi bajueyequina tiquina ihña masieno saha quehnoano masiedare mũsa gũhũ”, nii niajari mũhũ mũsãre? nidi fariseo masa Jesure.

41 Tiquina sa nigũ ohõ saha nidi Jesu:

—Caperi bajueyequina tiquina ihña masieno saha potõ mũsa quehnoano masiedagũ, mũsare buhiri mariedaboaya. “Usã quehnoano masina ijiaja”, mũsa nidi buhiri, buhiri tina ijinine mũsa yojopũre, nidi Jesu tiquinare.

10

Ovejare coheriquiro quitire yahuahye Jesu

1 Came queoye mehna buhero ohõ saha nidi Jesu:

—Ijirota niaja mũsare. Ovejare coheri sahrĩno sopecaha sajãedariquiro, sopecaha marienopũ sajãriquiro pehe yaque bũcũro ijire. 2 Sopecaha sajãriquiro pehe ovejare coheriquiro ijire. 3 Sopecahare coheriquiro sopecahare põore ovejare coheriquiro sajãtore. Ovejare coheriquiro yahuducugũ tũho cãhtare tiquiro nuñequina oveja pari. Tiquinare pijioro tiquina wame mehna pisuducure tiquiro. Sa yero

tiquinare sahrĩnopũ ijiriquinare piji wiodocore sopecahapũ. 4 Tiquiro yequinare ijipihtiyequinare piji wio tiquinare sa mũhmũ tãducure. Oveja pehe tiquiro yahuducuyere tũho masiñe tiquiro bato nũnũ tãre. 5 Apequirore tiquina ihña masieniquirore nũnũ tãedare tiquina. Sa ye apequina tiquina yahuducuyere tũhoye, cue oma sitea wahare, nidi Jesu tiquinare.

6 Ahri queoyere tiquiro sa yahuepegũta tiquiro yahuyere masiedari tiquina.

Jesu ovejare quehnoano coheriquiro yero saha tiquiro yequinare quehnoano cohere

7 Pari turi Jesu tiquinare yahuri tja: —Ijirota niaja mũsare. Ovejare coheri sahrĩno sopecaha yero saha ijiaja yũhũ. 8 Ijipihtiyequina yũhũ pano ahtayequina ni mehoñene buheyequina yaqueyequina yero saha ijire. Tiquina sa ijiepegũta oveja yero saha ijiyequina yeequina pehe apequinare ne tũho cãedare. 9 Yũhũ ovejare coheri sahrĩno sopecaha yero saha ijiaja. Sopecaha sajãñequina yero saha ijire yũhũre wacũ tutuayequina. Sa yegũ tiquinare pecapũ wahaboriquinare yũhdũoutja. Ovejare cahmotari sahrĩno tiquinare cahmotariro sahata yũhũ yũhdũoyequinare cahmotautja. Sa ye tiquina cahmeñene cũoeta tiquina, nidi Jesu.

10 Sa ni tuhasa ohõ saha ni nemori: —Mũsare ni meho buheyequina ovejare yaqueyequina yero saha ijire. Apequina yaque duaye, apequina wejẽ duaye ahtare. Oveja yero saha ijiyequinare, yeequina ijipihtiyede cori Cohãcjũ mehna ijiatiquinare yegũ ahtaũ yũhũ. Sa yegũ yeequina decoripe tiquina bucueatire ahtaũ yũhũ. 11 Ovejare quehnoano coheriquiro yero saha ijiaja yũhũ. Ovejare quehnoano coheriquiro yariatiquiro ijieperota tiquiro yequina ovejare cohere, “Sijoro wahari”, nino. Yeequina Cohãcjũ

mehna tiquina sa ijiducuatire yegu yariutja yuhu. ¹² Oveja upuro cahacjano pehe oveja upuro ijierare. Sa yeye oveja tiquiro yequina ijierare. Sa yero yairo ovejare tiquiro ihyaro ahtagu ihnano tiquiro cahacjano pehe ovejare cohã doco cã, oma cãa wahare. Tiquiro sa cohã docori bato, yairo ovejare tiquiro ñehegu ihñañe oveja pari oma site cãa wahare. ¹³ Tiquiro cahacjano pehe tiquiro wapataye dihitare cahmene. Sa yero tiquiro ovejare quehnoano cohte coerare, nidi Jesu.

¹⁴ Sa ni tuhasa ohõ saha ni nemori:

—Ovejare quehnoano cohteriquiro yero saha ijiãja yuhu. Sa yegu yeequinare masiaja yuhu. Sa yeye yeequina pehe yuhure masine. ¹⁵ Sata yuhu Pacu gũhu yuhure masine. Sa yegu yuhu gũhu yuhu Pacure masiaja. Oveja yero saha ijiyequina yeequina Cohãcjũ mehna tiquina sa ijiducuatire yariutja yuhu. ¹⁶ Apequina oveja ape sahrino cjena yero saha ijiyequina apequina masa gũhu yeequina ijieta. Tiquina gũhure neagutja. Sa ye yuhu yahuducugũ tũho cãeta tiquina gũhu. Sa ye yeequina ijipihtiyequina ihcã curuata ijieta. Sa yegu yuhu dihita yeequinare cohteitja, nidi Jesu.

¹⁷ Sa ni tuhasa ohõ saha ni nemori:

—Yeequina Cohãcjũ mehna tiquina sa ijiducuatire yariutja yuhu. Yuhu yariari bato masa mujagutja. Sa yeacju yuhu ijigũ yuhu Pacu yuhure cahine. ¹⁸ Yuhu wejẽ dutieragũ yuhure wejẽ masiedaboaya tiquina. Yuhu cahmeno sahata yuhure wejẽeta. Sa yegu yeequina Cohãcjũ mehna tiquina sa ijiducuatire yariutja. Yaria masiaja yuhu. Sa yegu masa mija masiaja. Yuhu Pacu yuhure tireta ye dutiri, nidi Jesu.

¹⁹ Tiquiro sa nigũ tũhoye judio masa pua curua tu wari. Apequina sijoro tũhotu, apequina gũhu sijoro tũhoturi.

²⁰ —Tiquiro watino cuore. Sa yero tũho masiedare. ¿Dũhsena tiquirore

pari turi tũhoajari masa? nidi apequina peyequina judio masa.

²¹ Apequina pehe ohõ saha nidi:

—Watino cuoriquiro ijiro sa ni yahuducueraboaya. Caperi baueriquirore ihñagũ ye masiedare watinore cuoriquiro. Sa yero watinore cuoerare Jesu, nidi apequina judio masa.

Judio masa Jesure cahmedahye

²² Ape deco usã acaye judio masa Jerusalẽpu bose deco yeye nidi pari turi. Cohãcjũ wuhure panopu Cohãcjũre tiquina ohorire tiquina wacũati deco ijiri. Ti pjere pohecũ ijiri. ²³ Ti decore Salomo wame tiri tucũpu Cohãcjũ wuhupu ijiri tucũpu Jesu ihña tinino nidi. ²⁴ Ti tucũpu tiquiro ijigũ ihñañe usã acaye judio masa tiquiro cahapu cahmecoa, tiquirore sinituri.

—Yoabutiari pje usãre quehnoano yahueraga mũhu. Poto usãre quehnoano yahu madoqueohya mũhu. ¿Cohãcjũ ohorigu Cristota ijiajari mũhu? nidi tiquina Jesure.

²⁵ Tiquina sa nigũ tũhoro ohõ saha ni yũhtiri Jesu:

—Musare yahu tuhasamajagu. Yuhu sa yahuepegũta yuhure tũho duerare masa. Yuhu Pacu yuhure tiquiro dutiriro sahata tiquiro tutuaye mehna ye ihñoaja. Sa yegu yuhu Cristo ijiereta musare ihñogu niaja. ²⁶ Yuhu sa ihñoepẽgũta yuhure tũho duerare masa. Masa pehe yeequina ijierare. Sa yena apequiro yequina oveja yero saha ijina, yuhu pehere tũhoerare masa. ²⁷ Ovejare cohteriquirore tiquiro yequina tiquina tũhoriro saha yuhure yeequina tũhore. Sa yegu tiquinare masiaja yuhu. Sa ye tiquina yuhu mehna wahare. ²⁸ Sa yegu ijipihtiye decori Cohãcjũ mehna ijigũ yeaja tiquinare. Sa ye tiquina pecapu wahasi. Sa yegu yeequinare yuhu cohtegũ apequina pehe ne yuhure ehma masiedare yeequinare. ²⁹ Yuhu Pacu yuhure yeequinare ohoriquiro ijipihtiyequina yũhdũoro tutuariquiro ijire.

Sa ye yuhu Pacu pehe yeequinare tiquiro cohtegũ apequina pehe tiquiro gũhure ne ehma masiedare tiquinare. ³⁰ Yuhu, yuhu Pacu mehna ihcãta ijiaja, nidi Jesu judio masare.

³¹ Tiquiro sa nigũ tũhoye judio masa pehe tiquirore tiquina doque wejẽati utã pacare pari turi nemedi tja. ³² Tiquina sa yegũ ihñano Jesu sinituri tiquinare:

—Yuhu Pacu tutuaye mehna peye tahari ye ihñomi mũsare. ¿Dise boro pehere yuhu yeri buhiri yuhure utã paca mehna doque wejẽ duajari mũsa? ni sinituri Jesu.

³³ Tiquiro sa nigũ tũhoye ohõ saha nidi tiquina:

—Cohãcjũ tutuaye mehna mũhu ye ihñori buhiri mũhure utã mehna doque wejẽ dueraja usã. Cohãcjũre mũhu ñano yahuducuri buhiri mũhure utã paca mehna doque wejẽ duaja usã. Masu ijiepegũta “Cohãcjũ ijiaja yuhũ”, mũhu niñe buhiri mehna mũhure utã paca mehna doque wejẽ duaja usã, ni yũhtiri tiquina.

³⁴ Tiquina sa ni yũhtigũ tũhoro Jesu tiquinare yahuri:

—Mũsa gũhure “Cohãmana”, ni pisuri Cohãcjũ. Sata ni ojoahye tiquiro dutiyere tiquina ojoari pũpu.

³⁵ Cohãcjũ yere tiquina ojoari pũ potota ijigũ mari masiaja. “Ni mehoñe ijire”, ti pũre ni masiedaja mari. Sa yero tiquiro yere tũhoyequinare potota tiquiro “Cohãmana”, ni pisure.

³⁶ Cohãcjũ yuhure besetjiãno, ahri yehrapure ohori. Sa yegu yuhũ “Cohãcjũ macu ijiaja”, yuhũ nidi buhiri “Cohãcjũre ñano yahuducuro nine Jesu”, nine mũsa yuhure. ¿Dũhsena yuhure sa niajari mũsa?

³⁷ Yuhũ Pacu tiquiro cahmediro sahata tiquiro tutuaye mehna yuhũ ye ihñoadagũ pũritare yuhũ buherire “Poto tjire” niedaboaga mũsa. ³⁸ Yuhũ Pacu tiquiro tutuaye mehna yuhũ ye ihñopegũta yuhũ pehere tuho duerare mũsa. Sa tuho duerapenata tiquiro tutuaye mehna yuhũ ye ihñogũ ihñana yuhũ yerire “Poto tjire”,

niña mũsa. Mũsa sa nina, yuhũ Pacu mehna usã ihcãno saha ijigũ masinata mũsa. Sa yena tũhonata mũsa, nidi Jesu tiquinare.

³⁹ Tiquiro sa nigũ tiquina pari turi tiquirore ñehe duamedi. Tiquina sa ñehe duagũ ihñano tiquiro duhti wijiã wahari.

⁴⁰ Sa wijiariquiropũta Ñu masare tiquiro wame ye mũhtariropũ Jordã asũ mũja taro pehepu pari turi Jesu wahari tja. Topũ esaro tojoa cãri tiquiro. ⁴¹ Sa ye masa peyequina tiquirore ihñañe esari. Ohõ saha nidi tiquina basi:

—Ñu pehe Cohãcjũ tutuaye mehna ye ihñoadari. Sa ye ihñoadapegũta ijipihtiye Jesure tiquiro yahuri pehe queorota ijire, nidi masa tiquina basi.

⁴² Sa ye topũre masa peyequina wacũ tutua dũcari Jesure.

11

Lázaro wame tiriquiro yariaa wahahye

¹ Sa ye Betania wame tiri maca cãno Lázaro wame tiriquiro dohatiro niahye. Ti macapũ tiquiro wahmiosãnumia gũhu María, Marta mehna ijiri. ² María pehe Jesure ehme sitiye pio wisõaticoro, ticoro poari mehna tiquirore tu coseaticoro ijire. Ticoro bahũro Lázaro pehe dohatiro niahye. ³ Sa ye tiquina numia apequinare Jesure yahu dutiye ohoahye.

—Puhto, mũhu cahñiquiro dohatiro nine, ni yahu dutiye ohoahye Lázaro wahmiosãnumia.

⁴ Ti quitire tũhoro ohõ saha nidi Jesu:

—Yojopũre Lázaro tiquiro dohatiye tiquiro yariati ijierare. Cohãcjũ tutuayere masare ihñootire yojopũre tiquiro dohatire. Sa ye yuhũ tutuagu yuhũ ijigũ gũhure masa ihñaeta, nidi Jesu.

⁵ Jesu Martare, ticoro bahoro gũhure, Lázaro gũhure tutuaro cahĩdi.

⁶ Sa nino Lázaro tiquiro dohatigũ tũhoeperota topũ Jesu puã deco

tojoari. ⁷ Pua deco bato Jesu ohō saha nidi usāre tiquiro buhenare:

—Pari turi Judea yehpapu tojoa wahauna tja, nidi usāre.

⁸ —Buhegu, canagāta judio masa mūhure utā paca mehna doque wejē duamedī. ¿Duhsegū pari turi tojoa waha duajari mūhū? nii usā pehe.

⁹ Usā sa nigū tūhoro tiquirore tiquina wejē masiedarīne yahuro, queoye mehna buhero ohō saha nidi usāre:

—Pajiro tūhotueracāhña. Ihcā decore doce horari waro ijire. Asū deco cjāno ijigū quehnoano ihñaja mari. Sa yena decore tinina, ne pūha boraeraja mari. ¹⁰ Nahitianopū tiniñequina pūha boraahare. Asū deco cjāno mariedagū quehnoano ihñedare tiquina, nidi Jesu. (Sa nino ohō saha nino niahye: “Yojopure yūhū Pacu yere yūhū yahu pehoato dūhsarīne. Sa ye yūhūre wejē masiedarīne”, nino niahye.)

¹¹ Sa nino usāre yahu nemori tja:

—Mari mehna cjāno Lázaro, carīno niaga. Tiquiro sa carīpepegūta yūhū tiquirore wahcōgū wahaatja, nidi usāre.

¹² —Pūhto, Lázaro carīniquiro ijiro, yūhdurota, nii usā.

¹³ Usā sa niepegūta Jesu “Carīno niaga”, nino “Yariaa wahare”, nino nidi jimedi. Tiquiro sa nigū tūhona “Lázaro soro niaga”, ni tūhotumi usā pehe. ¹⁴ Usā sa ni tūhotugū masino Jesu poto yahuri usāre:

—Lázaro yariaa wahaga. ¹⁵ Yūhū marieno tiquiro yariagū quehnoarīne. Sa yena mūsa yūhūre wacū tutua nemonata. Isa mari ihñana wahauna tiquiro cahapu, nidi Jesu.

¹⁶ Tomasu sūhdūariquiro tiquina ni pisuriquiro ohō saha nidi usāre:

—Mari gūhū Jesu mehna wahauna. Tiquirore wejēñe, mari gūhūre wejēahdo, nidi Tomasu.

Jesu sa ijiducugū yeriquiro masare masoriquiro ijire

¹⁷ Sa ye topure usā esari bato to cjēna ohō saha ni yahuri Jesure:

—Pitia deco wahare Lázaro mūnanore masa copepu tiquina cūri bato, ni yahuri tiquirore.

¹⁸ Betania pehe Jerusalē cahapu ihtia kilómetro yoaro ijiri. ¹⁹ Sa ye usā acaye judio masa peyequina Martare, María gūhūre ñehe quea utiye ahtahye Lázaro yariari bato.

²⁰ Sa yero Jesu mehna usā esana tana yegū tūhoro Marta pehe usāre piti caro ahtari jiri. Ticoro sa piti caro wahagū María pehe tiquina ya wūhūpu tojoahye. ²¹ Sa piti caro Marta ohō saha nidi Jesure:

—Pūhto, yūhū bahū tiquiro yariato pano mūhū ohōpū ijigū tiquiro yariereaboaya. ²² Yojopū gūhūre Cohācjāre mūhū sini basagū tiquiro mūhū sinino sahata yerota, nidi Marta Jesure.

²³ —Mūhū bahū masa wijiariota, nidi Jesu ticorore.

²⁴ —Ahri yehpa pihtiatī deco tiquiro masa wijiatore masiaja yūhū, nidi ticoro.

²⁵ Ticoro sa nigū Jesu yahuri tja:

—Yūhū masa wijiagū yegū tjiaja. Yūhū sa ijiducugū yegū tjiaja. Yūhūre wacū tutuariquiro yarieperota sa ijiducurota. ²⁶ Sa ye ijipihtiyequina Cohācjū mehna ijiducuyequina yūhūre wacū tutuayequina ne pecapū wahasi. ¿Ahrire masiajari mūhū? nidi Jesu ticorore.

²⁷ —Pūhto, masiaja yūhū. Cristo Cohācjū macū, “Ahri yehpapū ahtarota”, tiquina nidigū mūhū ijigū masiaja yūhū, nidi Marta Jesure.

Lázaro masa cope cahapu esaro Jesu utiahye

²⁸ Marta sa ni tuhasa ticoro bahoro Mariare pijiro wahari.

—Marine buheriquiro mari ya macapure wihiri. Mūhūre pijire, derogā ni yahuahye Mariare.

²⁹ Ticoro sa nigū tūhoro María sojaro mehna wahcāduca, usā cahapu ahtahye Jesure ihñano taro.

³⁰ Tiquina ya macapū esera nii usā. Marta ticoro piti cariopū injinii usā.

³¹ Judio masa ti wūhūpu Mariare ñehe quea utiye niahye. Sa ye ticoro

wahagũ ihñañe, tiquina ticorore nũnũ tã cãhye. “Ticoro bahũro mũnanore tiquina cũri copepũ utiro waharo nine ticoro”, ni tũhotumahye tiquina. Sa ni tũhotuye ticorore nũnũ tã cãhye.

³² Sa yero María usã cahapũ wihiro, Jesure ihña, tiquiro dahpocãri cahapũ dũsepe curi mehna quehe sari.

—Pũhto, yũhũ bahũ tiquiro yariato pano mũhũ ohõpũ ijigũ tiquiro yarietaboaya, nidi ticoro Jesure.

³³ Sa yero judio masa ticoro mehna ahtariquina gũhũ tiquina utigũ ihñano Jesu pehe tutuaro bũjũa witi ñano jeripohna tiri.

³⁴ —¿Lázaro mũnanore nohopũ cohãri mũsa? ni sinituri Jesu.

—Ihñau taya, ni piji cãri tiquina.

³⁵ Tiquina sa nigũ tũhoro Jesu utiri.

³⁶ —Lázaro mũnanore Jesu tutuaro cahĩmeyari, nidi judio masa tiquina basi.

³⁷ Apequina pehe ohõ saha nidi:

—Caperi bajueriquirore ihñagũ yeriquiro ijire ahriquiro Jesu. ¿Sa yero Lázaro tiquiro yariato pano tiquirore yũhdũoeraboayari? nidi tiquina.

Lázaro masa wijiahye

³⁸ Sa yero Jesu pari turi tutuaro bũjũa witiri. Sa yena usã ijipihtina Lázaro masa copepũ esau. Ʋtãpũ tiquina seheri cope ijiri. Sa yero tiquiro pagũre tiquina siõ sãa cũri cope ijiri. Sa yero ti cope pajiria utã mehna tiquina bihari cope ijiri.

³⁹ —Ʋtã bihariare neña, nidi Jesu.

Tiquiro sa nigũ tũhoro Marta yariariquiro mũnanao wahmiono ohõ saha nidi:

—Pũhto, yojopũ pititia deco waha tuhasare tiquiro yariari bato. Sa yero tiquiro pagũ ijiriro urĩ yũhdũaga, nidi Jesure.

⁴⁰ —“Yũhũre wacũ tutuago Cohãcjũ tutuayere ihñagota”, mũhũre nimigũ, nidi Jesu Martare.

⁴¹ Tiquiro sa nidi bato tiquina utã bihariare ne wiori. Tiquina sa nedi bato Jesu pehe Ʋhmũsepũ ihña mũo, Cohãcjũre ohõ saha nidi:

—Mai, yũhũre mũhũ tũho tuhasari. Tire mũhũ yegũ masigũ bucueaja mũhũre. ⁴² Yũhũre mũhũ decoripe tũhoducure. Tire masiaja. Sa masiepegũta yũhũ mũhũ ohorigũ yũhũ ijigũ ohõre ducuyequina tiquina masiatire mũhũre sa niaja. Tire “Potota ijire”, tiquina nino quehnoano sa nigũ niaja, nidi Jesu tiquiro Pacũrore.

⁴³ Sa ni tuhasa Jesu tutuaro sañuducuri:

—Lázaro ahtaya, ni sañuducuri tiquiro.

⁴⁴ Tiquiro sa nigũ yariariquiro mũnanao omocarine tiquiro dahpocãri gũhũre suhti cahseri mehna tiquina dũhtemediquiro, tiquiro dapure suhtiro mehna tiquina wahmemediquiro, masa copepũ wijia tari.

—Tiquina dũhterire pãña tiquirore, nidi Jesu.

Judio masa pũhtoa pehe Jesure ñehe duamahye

(Mt 26.1-5; Mr 14.1-2; Lc 22.1-2)

⁴⁵ Tiquiro sa masogũ ihñañe peyequina judio masa mehna cjẽna María mehna ahtariquina Jesure wacũ tutua, cahmedi. ⁴⁶ Apequina tiquina mehna cjẽna pehe fariseo masa cahapũ esaye, Jesu yerire yahuahye tiquinare. ⁴⁷⁻⁴⁸ Sa ye pahia pũhtoa, fariseo masa pũhtoa gũhũ cahmecoa, tiquina basi ohõ saha ni yahuducuahye:

—Jesu peye tahari Cohãcjũ tutuaye mehna ye ihñore. Tiquiro sa ye ihñogũ “Tire yeracãhña”, mari niedagũ ijipihtiyequina masa tiquirore cahmeñe, tiquiro mehna wahaboaga. Sa ye Roma cjẽna pũhtoa Cohãcjũ wũhũre cohã dutiye ohoeta tiquina yequina surarare. Mari ya dihta gũhũre ehmaeta tiquina. (Mari ya dihta cjẽna Jesure tiquina pũhtoro cũgũ ihñañe Roma cjẽna pũhtoa “Marine cohãñe nine”, ni usua ñano yeeta marine.) ¿Sa yena dũhse yenatari yojopũre? ni yahuducuahye tiquina basi.

⁴⁹ Tiquina sa niepegũta apequiro Caifa wame tiriquiro ti cũhmare

pahia p̄h̄toro ijiro, tiquinare yahuahye:

—M̄usa pehe ne masiedare. ⁵⁰ Judio masa ijipih̄tina mari ye ijiatire ihc̄aquīro mas̄no tiquiro yariaḡū quehnoare. Tiquiro yari-eraḡū marine ijipih̄tina judio masare coh̄a peho c̄āboaga. Tire m̄usa masiedare, niahye Caifa tiquinare.

⁵¹ Sa nino tiquiro esa tuharo sa nino niedahye. Pahia p̄h̄toro tiquiro ijiḡū judio masa ye ijiatire Jesu yari-atire mari Pac̄u pehe Caifare sa ni yahu dutiahye. ⁵² Jesu yariaro judio masa dihitare ȳhd̄oro taro niedare. Sa yariaro ijipih̄tiyequina Coh̄ācj̄ū pohnene ahri yehpap̄u iji siteyequina ḡūh̄are ihc̄a curuata ijiḡū yeatire yari-atiquiro ijiri Jesu. ⁵³ Sa ye ti decota tiquina “¿Jesure d̄h̄se ye wej̄natar̄i mari?” ni yahuducuye, tiquirore wej̄ne tee niahye.

⁵⁴ Tiquina sa wej̄e duaḡū masino Jesu peyequina judio masa watoa pari turi tinino wahaerari. Sa yero masa marieno cahaḡā Efraī wame tiri macap̄u us̄are siho wahari. Us̄are ti maca siho tojoar̄i Jesu.

⁵⁵ Ti pjere pascua bose decori us̄a judio masa us̄a bose decori ijiato mehenoḡā d̄h̄satjīari. Sa ye bose deco panoḡā masa peyequina apeye macari cj̄ēna Jerusal̄ēp̄u cahmecoari. Pascua cj̄ēne tiquina ihyato pano Coh̄ācj̄ū yere yeye tehe, tiquina cah-momoh̄nore coh̄soro saha tiquina ñañene cosee tee nidi. ⁵⁶ Sa ye tiquina Jesure macañe niahye. Sa ye Coh̄ācj̄ū w̄h̄p̄u ijiyequina oh̄o saha ni yahuducuahye:

—¿Bose decore ih̄ñano ahtaer-aboari Jesu, m̄usa t̄hotuḡū? niahye tiquina basi.

⁵⁷ Sa ye pahia p̄h̄toa, fariseo masa ḡūh̄u oh̄o saha ni yahu dutiahye masare:

—Jesu wihiḡū ih̄ñana, yahuya us̄are. Tiquirore ñehena tana niaja, niahye p̄h̄toa masare.

12

María Jesu dahpoc̄arine ehme sitiye mehna pio peoahye

(Mt 26.6-13; Mr 14.3-9)

¹ Jesu, us̄a tiquiro buhena mehna Betaniap̄u us̄a esari bato pascua deco esato seis decori waro d̄h̄sar̄i. Lázaro Jesu masoriquiro ti maca cj̄āno ijiri. ² Us̄a esari bato Jesu ḡūh̄u us̄a ihyatire dahreri apequina. Sa ye Lázaro, Jesu, us̄a mehna mesa cahap̄u nuju sāu. Us̄a sa nuju sari bato Marta ihyayere peori us̄are. ³ Sa yero María ehme sitiye uhsere nardo wame tiye cohori uhsere kilo deco mehna ne c̄āhta Jesu dahpoc̄arine pio peori. Ti uhsere wapa ti ȳhd̄uari. Pio peo tuhasa ticoro poari mehna w̄h̄ori. Ticoro sa pio peori bato ti w̄h̄u quehnoano ehme siti seh̄saa wahari. ⁴ Us̄a mehna cj̄āno, Jesure ih̄ña tuhtiyequinare ih̄ñoatiquiro Juda Iscariote pehe oh̄o saha nidi:

⁵ —¿D̄h̄se yero ahricoro sa ye siteajari? Tire ticoro duaboaya. Tire duaro tres cientos ññeru cjoerire wapataboaya. Sa yero ticoro ti ññerure pejec̄oyequinare ohoboaya, nidi tiquiro.

⁶ Juda pehe pejec̄oyequinare yedoho duerari. Tiquiro us̄a ññerure ihbo basariquiro ijieperota yaqueriquiro ijiri. Sa yero tiquiro us̄a ññerure ihquē tahari ne m̄jari. Sa yero “Ti ññerure neitja”, nino, sa nidi Maríare tiquiro.

⁷ Tiquiro sa niḡū t̄horo oh̄o saha nidi Jesu:

—Sa niedac̄ah̄ña ticorore. Ticoro ehme sitiye ȳh̄are ticoro d̄harire ȳh̄are pio peori, ȳh̄are tiquina yato pano ȳh̄u paḡare quehnoyuro. Pejec̄oyequina pehe m̄usa mehna sa ijiducuenta. Sa yena tiquinare oho masine m̄usa. ⁸ Ȳh̄u pehe ahri yehpap̄ure m̄usa mehna sa ijiducusi, nidi Jesu.

Pahia p̄h̄toa Lázarore wej̄e duahye

⁹ Sa ye Jesu Betaniap̄u tiquiro ijiḡū t̄hoye, us̄a acaye judio masa peyequina tiquirore ih̄ñañe ahtari.

Tiquiro dihitare ihñañe ahtaye niedari. Lázaro yariamediquirore Jesu masoriquirore tiquiro gũhare ihñañe ahtaye nidi. ¹⁰ Tiquina ihñañe esarire masiñe, pahia pũhtoa Lázaro gũhare wejẽ duari. ¹¹ Lázaro yariamediquiro Jesu masoriquiro ijigũ ihñañe peyequina masa Jesure wacũ tutuari. Tiquiro sa masogũ ihñañe peyequina judio masa tiquina pahia ye buheye pehere duhu cãri. Tiquina sa duhugũ ihñañe pahia pũhtoa pehe usua yũhdũye Lázarore wejẽ duari.

Jerusalẽpũ esahye Jesu

(Mt 21.1-11; Mr 11.1-11; Lc 19.28-40)

¹² Pascua bose decore tiquina yegũ peyequina masa Jerusalẽpũ ihñañe wahari jiri. Ape deco Jerusalẽpũ Jesu ahtatire masa tũhori. ¹³ Sa ye iqui pohnarine ne cã, tiquirore piti caye wahari. Sa piti caye ohõ saha ni saũuducuri tiquina:

—Ahriquirore ño peouhna. Ahriquiro Cohãcjũ ohoriquiro quehnoano ijiahro. Ahriquiro judio masa mari pũhtoro tjire, ni saũuducuri tiquina.

¹⁴ Jesu burrogã tiquiro bocariquirogã bui pesari. “Ohõ sahata yerota”, ni ojoahye Cohãcjũ yere tiquina ojoari pũpũ:

¹⁵ Jerusalẽ wame tiri maca cjãna, cueracãhña mũsa. Ihñaña. Mũsa pũhtoro burrogã bui pesa cãhtare, ni yahuahye Cohãcjũ yere tiquina ojoari pũpũ.

¹⁶ “Tiquina sa ni ojoari Jesure nino niaga”, ni, usã tiquiro buhena quehnoano masiedarĩ. Sa masiedapenata uhmũsepũ Jesu mũjari bato usã ti ojoarire wacũ boca tũho masii. Ohõ saha ni tũhotuu: “Cohãcjũ yere tiquina ojoari pũ pehe Jesure yahuro nimeya. Sa ye Cohãcjũ yere tiquina ojoari pũ nidiro sahata yeri masa Jesure”, ni tũhotu, masii usã.

¹⁷ Lázarore masa copepũ ijiriquirore Jesu pisu masogũ ihñariquina pehe yahuri masare. ¹⁸ Sa ye Lázarore

Jesu masorire tũhori bato masa peyequina Jesure ihñañe ahtari. ¹⁹ Tiquina sa ahtagũ ihñañe fariseo masa tiquina basi ohõ saha niahye:

—Ijipihtiyequina Jesu yequina dihita wahaye nine yojopũre. Sa yena mari dũhse ye masiedaga tiquinare, niahye fariseo masa tiquina basi.

Meheñequinagã griego masa Jesure maca cãhtahye

²⁰ Sa ye bose deco Cohãcjũre ño peoye ahtayequina mehna cjẽna meheñequinagã griego masa ijiri.

²¹ Sa ye tiquina Felipe cahapũ wihiahye. Felipe pehe Betsaida wame tiri maca Galilea yehpapũ ijiri maca cjãno ijiri. Sa ye tiquiro cahapũ wihiriquina ohõ saha niahye tiquirore:

—Jesure ihña duaga usã, niahye tiquina.

²² Tiquina sa nigũ tũhoro Felipe Andrepũre tire yahuro wahahye. Sa ye tiquina pũaro Jesure yahuri.

²³ Tiquina sa ni yahuri bato Jesu tiquinare yahuri:

—Yũhũ masũ Cohãcjũ ohorigũ ijiaja. Yũhũre ijipihtiyequina tiquina ño peoati pje yojopũre ijirota nine. Yojopũre yũhũ yariati pje ijirota nine. ²⁴ Potota mũsare yahugũ niaja. Oteri pjere yehpapũ mari yaeragã, ti pjere mari oteragã ihcã pjeta tojoarota. Sa yero ti pjere mari yari bato pihni, dũca tirota. (Sata yũhũ yariari bato yũhũre tiquina yari bato peyequina masare Cohãcjũ mehna sa ijiducuatiquina ijigũ yeitja yũhũ.)

²⁵ Ahri yehpapũ mũsa ijiyere pajiro tũhotuboaga mũsa. Sa tũhotuna Cohãcjũre wacũedana, pecapũ wahanata mũsa. Ahri yehpapũ mũsa ijiyere sa tũhotu cãna, Cohãcjũ mehna sa ijiducunata. ²⁶ Yeere ye duana yũhũ buheyere quehnoano tũhoya mũsa. Mũsa sa yena mũsa gũhũ yũhũ ijirorpũ ijinata. Yeere yeriquirore yũhũ Pacũ pehe ño peorota, nidi Jesu.

Jesu tiquiro yariatore yahuahye

²⁷ Sa ni tuhasa ohõ saha ni nemori: —Yojopũre yũhũ ñano jeripohna tiaja. ¿Yũhũ Pacũre dũhse nigũtari

yuhu? ¿“Mai, yuhu ñano yuhduatire yeracãhña yuhure”, niboagari yuhu? Tire niedaja yuhu. Ñano yuhduacjuta ahri yehpapu ahtau. Sa yero yuhu ñano yuhduati pje yojopure ijirota nine, ni yahuri usãre tiquiuro buhenare.

²⁸ Sa yero ohõ saha nidi tiquiuro Pacurore:

—Mai, mahu tutuagu ijyere yojopure ihñoña masare, nidi Jesu tiquiuro Pacurore.

Tiquiuro sa nigũ ihmusepu yahuducuro ca tari:

—Tutuagu yuhu ijyere masare ihño tuhasau. Yojopure sa yegu pari turi ihñoutja masare, nino ca tari.

²⁹ Tiquiuro sa nigũ tuhoye topu ducuyequina masa peyequina ohõ saha nidi:

—Upo ijiaga sa bisiro, nidi masa.

—Angel Jesure yahuro nidi, nidi apequina masa.

³⁰ Ohõ saha nidi Jesu pehe:

—Ihmusepu sa bisiro yuhure tuho dutiro niedari. Musa pehere tuho dutiro sa bisiro ca tari. ³¹ Yojopure ahri yehpa cjëna tiquina ñaño yeri buhirire buhiri dahrerota tiquinare. Ahri yehpa cjëna puhtoro watinore cohãnota Cohãcjũ. ³² Sa yegu yuhure curusapu tiquina wahcõ docogũ peyequina masare yeequina ijiatiquinare yeitja yuhu, nidi Jesu.

³³ Sa nino curusapu tiquiuro yariatire yahuro nidi Jesu masare.

³⁴ Tiquiuro sa nigũ tuhoye masa pehe tiquiuro ohõ saha nidi:

—Cohãcjũ yere tiquina ojoari pũpu ohõ saha nine: “Cristo ijipihtiye decori ijirota”, ni ojoahye. ¿Tiquiuro sa ni ojoagũ mahure masure Cohãcjũ ohorigure dahse yeye curusapu wahcõ docoetari masa mahure? ¿Masuno Cohãcjũ ohoriquiro noa ijiajari tiquiuro? ni sinituri tiquina.

³⁵ Tiquina sa nigũ ohõ saha ni yuhtiri Jesu:

—Buhriero mehna mari ihña masigũ yero saha masare Cohãcjũ yere quehnoano masigũ yeaja yuhu. Came cjũnogã masa mehna ijisi

yuhu. Musare yuhu buhegũ yojopure tuhoya masa “Ñaño yeari”, nina, Cohãcjũ mehna masa sa ijiducuatire. Yuhu buheyere tuhoyequina nahitiano tiniñequina yero saha tiquina wahatore masiedare. ³⁶ Sa yegu buhriero yero saha ijigũ ijiaga yuhu. Sa yegu musare buhegũ Cohãcjũ yere quehnoano masigũ yeaja musare. Yojopure yuhu wahato pano yuhure wacũ tutuaya. Sa wacũ tutuana yeequina ijinata masa, nidi Jesu.

Sa ni yahu tuhasa duhti cãa wahari.

Judio masa Jesure cahmedahye

³⁷ Peye tahari Cohãcjũ tutuaye mehna tiquinare Jesu tiquiuro ye ihñoepẽgũta peyequina judio masa tiquiuro ne tuho duerari. ³⁸ Cohãcjũ yere tiquina ojoari pũpu Isaia manano tiquiuro ojoariro sahata yeye nidi tiquina. Ohõ saha ni ojoahye Isaia manano:

Cohãcjũ, mahu buheyere usã yahugũ masa ne tuho duerare. Mahu tutuayere tiquinare mahu ye ihñoepẽgũta, tire “Poto ijierare”, nidi tiquina, ni ojoahye Isaia manano.

³⁹ Tiquina sa tuho dueragũ ihñano Cohãcjũ tiquinare masiedagũ yeri. Ti gũhure Isaia manano ohõ saha ni ojoahye:

⁴⁰ Caperi bajueyequina yero saha ijigũ yee tiahye Cohãcjũ tiquinare. Sa yero tiquiuro yere masiedagũ yee tiahye tiquinare. Sa ye tiquiuro tutuayere ihñaepeta tiquina ihñarire masiedare. Sa ye tiquiuro buheyere tuhoepeta tire masiedare tiquina. Cohãcjũ ye buheyere masiñe tiquina ñaño yerire cohã dutiboaya. Sa yero tiquinare yuhduoboaya tiquiuro, ni ojoahye Isaia manano Cohãcjũ yere tiquina ojoari pũpu.

⁴¹ Sa ni ojoaro Isaia Cristo tutuayere masino tiquiuro nidiro sahata Cristore yahu ojoahye.

⁴² Apequina Jesure tiquina cahmedapẽgũta judio masa usã

puhto mehna cjēna peyequina Jesure wacū tutua, cahmedi. Sa cahmepeta tiquina fariseo masare cueye apequinare “Jesu yequina wahaᵐ ᵐsā”, ni yahu duerari. Tire tiquina yahugū tūhoye Jesure tiquina cahmedi buhiri judio masa ᵐsā buheri wuhupᵐ tiquinare sa jā dutieraboaga fariseo masa pehe. ⁴³ Cohācjāre bucuegū ye duepeta ti yuhduoro fariseo masa pehere bucuegū ye duari Jesure cahme ducayequina. Sa ye tiquina “Jesu yequina wahaᵐ”, ni apequinare yahu duerari.

Jesu yahuyere tiquina tūho duerari buhiri masa buhiri tieta

⁴⁴ Sa ye Jesu tutuaro sañuducu, yahuri:

—Yuhare wacū tutuariquiro yuhᵐ dihitare wacū tutuerare. Yuhare ohoriquiro gūhare wacū tutuare tiquiro. ⁴⁵ Sa ye yuhare masiñequina yuhare ohoriquiro gūhare masine. ⁴⁶ Buhrioro mehna mari ihña masigū yero saha ahri yehpapᵐ Cohācjū yere masigū yei ahtaᵐ nii yuhᵐ. Sa yegᵐ Cohācjū yere masare masigū yeaja. Ihcāquiro nahitiano wahariquiro yero saha ñañene yeducure. Yuhare wacū tutuariquiro tiquiro yero saha yesi. Yuhare wacū tutuariquiro potota tūhorota. ⁴⁷ Apequina yuhᵐ yahuyere tūhoepeta yuhᵐ nidiro saha yerare. Tiquina sa yerapegūta tiquina yerari buhirire buhiri dahresi yuhᵐ pehe tiquinare. Ahri yehpapᵐre buhiri dahregᵐ ahtagᵐ niedᵐ yuhᵐ. Ahri yehpa cjēnare pecapᵐ wahaboriquinare yuhduoacjᵐ ahtagᵐ nii yuhᵐ. ⁴⁸ Yuhare cahmeeñequina, yuhᵐ yahuye gūhare cahmeeñequina buhiri dahrenohatiquina ijieta. Tiquina yuhᵐ yahuyere tiquina tūhoerari buhiri ahri yehpa pihtiri deco ijigūpᵐ buhiri tieta. ⁴⁹ Yuhᵐ esa tuharo yeraja. Yuhᵐ Pacᵐ yuhare ohoriquiro pehe yuhare yahu dutiri. Sa yero yuhᵐ yahuye pehe tiquiro ye yahuducuye ijire. ⁵⁰ Tiquiro ye yahuducuyere tūhona Cohācjū mehna sa ijiducunata mᵐsa.

Sa yegᵐ yuhᵐ Pacᵐ tiquiro yahu dutiriro sahata yahuaja mᵐsare, nidi Jesu.

13

Jesu buheyequina dahpocārine coseahye tiquiro

¹ Sa ye pascua deco bose deco panogā ahri yehpare tiquiro cohā cātoᵐre tiquiro Pacuro cahapᵐ tiquiro wahatore masidi Jesu. Sa yero ahri yehpa cjēnare tiquiro yequinare tiquiro tutuaro cahīdi tiquina mehna tiquiro ijiro puno. Sa cahīducure tiquiro yequinare.

² Ti ñamine Jesu ᵐsā tiquiro buhena mehna ᵐsā ihyagū Juda Iscariotere Simo macnōre Jesure ihña tuhtiyequinare ihño duti tuhasari jiri watīno pehe. ³ Sa yero mari Pacᵐ Cohācjū Jesure ijipihtiyequina bui tiquiro puhtoro sōrire masidi Jesu. Sa yero Cohācjū cahapᵐ tiquiro ahtarire came uhmᵐsepᵐ tiquiro mājati gūhare masidi. ⁴ Sa masino wahcādūca, tiquiro suhtiro bui cjānōre tu we ne, tore cū tuhasa, suhtiro cahsero mehna tiquiro pari yujᵐ dūhteri. ⁵ Dūhte tuhasa, waparopᵐ acore pio sāa, ᵐsā tiquiro buhena dahpocārine cose ducari. ᵐsāre cose tuhasa tiquiro dūhteri cahsero mehna wūori ᵐsā dahpocārine.

⁶ Apequina buheyequinare cose cā, Simo Pedropᵐre esari. Tiquiro dahpocārine tiquiro coseato pano Pedro pehe tiquiore ohō saha nidi:

—¿Puhto, yuhᵐ dahpocārine cosegᵐ tᵐᵐ niajari mᵐhᵐ? nidi Pedro Jesure.

⁷ —Mianogā mᵐhᵐre yuhᵐ yeatire masiedare mᵐhᵐ. Sa masiedapegūta camerᵐ masiita mᵐhᵐ, nidi Jesu tiquiore.

⁸ —Yuhᵐ dahpocārine ne cosesi mᵐhᵐ, nidi Pedro.

—Mᵐhᵐre yuhᵐ coseragū yaquiro ijisi mᵐhᵐ, nidi Jesu.

⁹ —Puhto, yuhᵐ dahpocāri dihitare coseracāhña. Yuhᵐ dahpocārine, yuhᵐ omocarine, yuhᵐ dapu gūhare coseya, nidi Pedro.

10 Tiquiro sa nigũ Jesu queoye mehna buhero ohõ saha nidi:

—Ihcãquiro masano cuhsaro tiquiro pagure quehnoano tu cose pehore. Sa yero pari turi tiquirore tu cosero cahmedare. Tiquiro dahpocãri dihitare tu cosero cahmene. Ijipihtina m̄sa ñañe yerire cose-rina m̄sa ijiepegũta ihcãquiro m̄sa mehna cjãno tiquiro ñañene cose-mehnediquiro ijire, nidi Jesu.

11 Jesu tiquirore ihña tuhtiyequinare ihñoatiquirore masidi: Sa masino “Ihcãquiro m̄sa mehna cjãno tiquiro ñañene cosemehnediquiro ijire”, nidi.

12 Ûsã dahpocãrine cose tuhasa, tiquiro suhtirore saña tuhasa, nuju sari tiquiro dujiriroputa.

—¿Mianogã m̄sare yũhũ yerire masiajari m̄sa? 13 M̄sa yũhũre “Buhegũ”, ni pisuna, “Pũhto”, ni pisuna poto ninata nine m̄sa yũhũre. M̄sare buhegũ, m̄sa pũhto potota ijiaja yũhũ. 14 Sa yena yũhũ m̄sare buhegũ, m̄sa pũhto ijiepegũta m̄sa dahpocãrine yũhũ cosegũ ihñana m̄sa gũhũ m̄sa mehna cjẽna dahpocãrine coseya. 15 Mianogã m̄sa yeatire m̄sare ihñou. M̄sa mehna cjẽnare m̄sa yedohoatire ihñou. M̄sare yũhũ yeriro sahata m̄sa gũhũ yeya. 16 Ijirota niaja m̄sare. M̄sa yũhũ cahacjẽna yero saha ijina yũhũ bui ijierare. M̄sare buhe duti yũhũ ohorina ijire m̄sa. Sa yena yũhũ bui ijierare m̄sa. Sa yegũ “Yũhũ yeriro sahata yeya”, nii m̄sare. 17 Ahrire masina, yũhũ dutiyere yena, bucuena ijinata m̄sa.

18 M̄sare ijipihtinare sa niedaja. Yũhũ beseriquinare masiaja yũhũ. Cohãcjũ tiquiro yere tiquina ojoari pũpũ tiquiro ni ojoariro sahata waha-rotã. “Yũhũ mehna ihyariquirota yũhũre wejẽ duari”, ni ojoahye Cohãcjũ yere tiquina ojoari pũpũ.

19 Tiquiro sa yeato pano ahrire yahuyugũ niaja m̄sare. Yũhũre tiquiro sa yeri bato, “Jesuta Cristo Cohãcjũ ohoriquirota ijire”, m̄sa niatire ahrire m̄sare yahuyugũ

niaja yũhũ. 20 Ijirota m̄sare niaja. Yũhũ ohoriquinare cahmediquiro yũhũ gũhũre cahmene tiquiro. Sa yero yũhũre cahmediquiro yũhũre ohoriquiro gũhũre cahmene tiquiro, nidi Jesu ùsãre tiquiro buhenare.

Juda Jesure ihña tuhtiyequinare tiquiro ihñoatore yahuahye Jesu
(Mt 26.20-25; Mr 14.17-21; Lc 22.21-23)

21 Sa ni yahu tuhasa Jesu tutuaro bujũa witiri. Sa bujũa witiro yahuri tiquiro ùsãre.

—Ijirota m̄sare niaja. Ihcãquiro m̄sa mehna cjãno yũhũre ihña tuhtiyequinare yũhũre ihñonota, nidi Jesu.

22 Tiquiro sa nigũ tũhona Jesure ihñoatiquirore masiedana, ùsã basi cahme ihñau. 23 Jesu buheyequina mehna cjũ yũhũ, Jesu cahĩdigũ ijii. Sa yegũ tiquiro cahapũ pari paha dujii. 24 Sa yero Simo Pedro yũhũre tiquiro omoca mehna sinituri:

—¿Jesure ihñoatiquiro noa pehere nino niajari Jesu? Yahuya ùsãre, nino, tiquiro omoca mehna sinituri Pedro.

25 Tiquiro sa nigũ yũhũ pehe Jesu cahapũ dujirigũ sinituu tiquirore:

—¿Pũhto, noare nigũ niajari m̄hũ? nii yũhũ.

26 —Ahrã pãre dahra waha ne, yũhũ ña mio yũhũ ohoatiquiro pehe tiquirota ijire yũhũre ihñoatiquiro, nidi Jesu.

Sa ni tuhasa pãre tiquiro dahra waha nedirore ña mio tuhasa tire Simo Iscariote macanore Judare ohori. 27 Sa yero pãre tiquiro ñehedi bato watĩno pehe Judare ñano ye dutiri jiri. Sa yero Jesu tiquirore ohõ saha nidi:

—M̄hũ yeatore sojaro mehna ye madoqueohya m̄hũ, nidi Jesu Judare.

28 Tiquiro sa nigũ tũhona ùsã mesapũ dujina, Jesu Judare tiquiro nidire quehnoano masiedũ. 29 Ihquẽquina ohõ saha ni tũhotumi: “Juda ùsã niñerure ihboriquiro ijire. Sa yero bose deco ùsã ihyatire dú

10 Yuhũ, yuhũ Pacũ mehna pũana ijiepenata ihcũta ijiaja. ¿Tire “Poto ijierare”, niimeje niajari mũhũ? Mũsare yahugũ yuhũ esa tuharo yahugũ niedaja. Yuhũ Pacũre yahu basagũ niaja. Sa yero tiqũiro yuhũ mehna ijiriquiro tiqũiro tutuaye mehna ye ihñore. 11 Yuhũ, yuhũ Pacũ mehna pũana ijiepenata ihcũta ijiaja. Tire “Ijirota ijire”, ni wacũña mũsa. Tire “Ijirota ijire”, niedana, Cohãcjũ tutuaye mehna yuhũ ye ihñore wacũna, yuhũ Pacũ mehna yuhũ ihcũta ijiyere “Ijirota ijire”, ni wacũña mũsa. 12 Ijirota mũsare niaja. Yuhũre wacũ tutuariquiro yuhũ yeriro sahata yerota. Sa yero tiqũiro pehe yuhũ yuhũoro yerota. Yuhũ Pacũ caharũ tojoa waharũ tũ niaja yojopũre. Sa yero yuhũre wacũ tutuariquiro yuhũ yuhũoro Cohãcjũ tutuaye mehna ye ihñonota. 13 Sa yegũ yuhũre wacũ tutuayequina tiquina sinino punota yeitja. Sa yegũ yuhũ Pacũ tiqũiro tutuariquiro ijiyere ihñoutja. 14 Yuhũre wacũ tutuana mũsa ijigũ mũsa sinino punota yeitja, nidi Jesu.

—*Espíritu Santore mũsare ohoutja, ni yahuahye Jesu*

15 Sa ni tuhasa ohõ saha ni nemori: —Yuhũre mũsa cahĩna, yuhũ dutiyere quehnoano ye pehonata. 16 Yuhũ Pacũre siniitja. Yuhũ sa sinigũ yuhũ Pacũ pehe apequirore mũsare yedohoatiquirore mũsare ohorota. Sa yero tiqũiro mũsare yedohoatiquiro pehe ijipihtiye decori mũsa mehna ijirota. 17 Tiquiro poto yahuriquiro Espĩritu Santota ijire. Ahri yehpa cjẽna pehe Espĩritu Santore masiedare. Sa ye tiquirore cõ masiedare. Tiquirota mũsa mehna ijirota. Sa yena mũsa pehe tiquirore cõonata. Sa yena tiquirore masine mũsa. 18 Mũsare cohãsi yuhũ. Mũsa mehna ijigũ tagũ, tojoa tautja yuhũ. 19 Sa ijiepegũta mehenogã dahsare yuhũ wahato. Yuhũ wahari bato ahri yehpa cjẽna yuhũre wacũ tutueyequina yuhũre pari turi ihñasi. Mũsa

pehe yuhũre ihñanata. Yuhũ catigũ ijigũ mũsa gũhũ ijipihtiye decori Cohãcjũ mehna catinata. 20 Ti deco yuhũ tojoa tati deco yuhũ Pacũ mehna ihcũta usã ijigũ masinata mũsa. Sa yegũ yuhũ mehna cjãna mũsa ijigũ mũsa mehna cjũ yuhũ ijigũ gũhũre masinata mũsa. 21 Yuhũ dutiyere yeriquiro yuhũre cahĩniquirota ijire. Sa yero yuhũre cahĩniquirore yuhũ Pacũ pehe cahĩnota. Sa yegũ yuhũ gũhũ tiquirore cahĩtja. Sa ye yuhũre quehnoano masigũ yeitja tiquirore, nidi Jesu usãre tiqũiro buhenare.

22 Usã mehna cjãno apequiro Juda wame tiriquiro ijiri. Juda Iscariote Jesure ihña tuhtiyequinare ihñoatiquiro ijierari tiqũiro. Apequiro Juda ijiri. Sa yero tiqũiro Jesure sinituri:

—¿Puhto, dahse yeitjari mũhũ usãre sa nigũ? ¿Ahri yehpa cjẽnare mũhũre masigũ yeragũ, yabere yeitari mũhũ usã dihitarẽ mũhũre masigũ yegũ? ni sinituri Juda.

23 Tiquiro sa nigũ tuhoro Jesu tiquirore yahuri:

—Yuhũre cahĩnequina, yuhũ dutiyere quehnoano yeye nine. Tiquina sa yegũ yuhũ Pacũ pehe tiquinare cahĩnota. Sa yena tiquina mehna ijina ahtanatja usã. 24 Yuhũre cahĩeniquiro yuhũ dutiyere yerare. Sa ye yuhũ yahuye mũsa tuhori pehe yee yahuye ijierare. Yuhũre ohoriquiro ye yahuye pehe ijire. Tiquiro yuhũ Pacũta ijire.

25 Mũsa mehna ijinigũ ahrire mũsare yahugũ niaja. 26 Came yuhũ sinigũ yuhũ Pacũ Espĩritu Santore ohorota mũsare. Sa yero Espĩritu Santo pehe mũsare yedohoatiquiro ijiro, mũsare buhe pehorota tiqũiro. Sa yero mũsare yuhũ yahurire mũsare wacũgũ yerota tiqũiro.

27 Mũsare quehnoano ijigũ yeitja yuhũ. Yuhũ quehnoano ijiriro sahata quehnoano ijigũ yeitja yuhũ mũsare. Ahri yehpa cjẽna tiquina ni mehoriro sahata yesi yuhũ mũsare. Yuhũ pũrita potota quehnoano ijigũ yeitja mũsare. Bũjũ witi pajiro

wacũedacãhña m̄sa. Sa yena cuer-acãhña m̄sa. ²⁸ “Ȳh̄h̄ wahautja. Sa yeḡ m̄sa mehna ijiḡ taḡ tojoa taũtja”, m̄sare ȳh̄h̄ sa ni yahugũ tũho tuhasari m̄sa. Tire tũhona, bucueboaya m̄sa. Ȳh̄h̄re m̄sa poto cahĩna, bucueboaya m̄sa. Ȳh̄h̄ Pac̄u pehe ȳh̄h̄ ȳh̄dũoro tutuare. Sa yena tiquiro cahar̄ ȳh̄h̄ wahatore m̄sa masidi bato ȳh̄h̄re cahĩna, bucueboaya m̄sa. ²⁹ M̄sa ȳh̄h̄re wacũ tutuatire ȳh̄h̄ wahatore yahuyuḡ niaja m̄sare.

³⁰ Ahri yehpa cj̄na p̄h̄toro watĩno p̄h̄toro ijiro taro nine yojop̄re. Tiquiro sa ijiro taḡ ȳh̄h̄ m̄sa mehna ȳh̄h̄ yahuducu bato tiati pje mehenogã d̄hsare. Tiquiro pehe ȳh̄h̄re ȳh̄dũca masiedare. ³¹ Sa yeḡ ȳh̄h̄re ȳh̄h̄ Pac̄u tiquiro dutiro sahata yeaja ȳh̄h̄. Sata yeaja ȳh̄h̄, ȳh̄h̄ Pac̄ure ȳh̄h̄ cahĩñene ahri yehpa cj̄na tiquina masiatire. Wahcãdũcaya. Isa wahana, nidi Jesu usãre tiquiro buhenare.

15

Jesu ãhse da yero saha ijiriquiro ijire

¹ Came queoye mehna buhero usãre ohõ saha nidi Jesu:

—Ȳh̄h̄ potota ãhse da yero saha ijiḡ ijiaja. Ȳh̄h̄ Pac̄u pehe ãhse dare ihña ihboriquiro yero saha ijire. ² Yeequina ãhse da d̄p̄ri yero saha ijiequina ȳh̄h̄ mehna cj̄nata ijire. ãhse da d̄p̄ri dũca marieñe d̄p̄ri ihña ihboriquiro tiquiro pehe cohãriro saha ȳh̄h̄ Pac̄u tiquiro cahmeñene yerariquinare cohãre. Dũca tiye d̄p̄ri ihña ihboriquiro tiquiro quehnoriro saha ȳh̄h̄ Pac̄u tiquiro cahmeñene yeyequinare yedohorota tiquiro, “Ȳh̄h̄ cahmeñene ye nemoahdo”, nino. ³ Yeere tũhona, “Ijirota ijire”, nidi m̄sa. Sa yero ȳh̄h̄ Pac̄u m̄sa ñaño yerire cohã tuhasari. ⁴ Ȳh̄h̄ mehna cj̄na ijiaja m̄sa. Sa yeḡ m̄sa mehna ijitja. ãhse da d̄p̄ri ãhse da mehna wahñaedaye d̄p̄ri ijie, ti d̄p̄ri

pehe dũca mariedare. Sata ȳh̄h̄ mehna cj̄na ijierana, ȳh̄h̄ Pac̄u cahmeñene ye masiedare m̄sa.

⁵ Ȳh̄h̄ ãhse da yero saha ijiḡ ijiaja. M̄sa pehe ti da d̄p̄ri yero saha ijina ijire. Ȳh̄h̄ mehna cj̄no mehna ȳh̄h̄ ijiḡ dũca tiye d̄p̄ri yero saha tiquiro ȳh̄h̄ Pac̄u cahmeñene yere. Ȳh̄h̄ mehna cj̄na ijierana ȳh̄h̄ Pac̄u cahmeñene ye masiedare m̄sa. ⁶ Ñaño d̄p̄ri tiquiro cohãboriro saha ȳh̄h̄ mehna cj̄na ijieyequinare ȳh̄h̄ Pac̄u cohãnota. Ti d̄p̄ri ñai dijiaa wahagũ ãhse dare ihña ihboriquiro ti d̄p̄ri ne cahmecoa pecar̄ ãhã cohãnota. Sata yerota Cohãcj̄ ȳh̄h̄ mehna cj̄na ijieyequinare.

⁷ Ȳh̄h̄ mehna cj̄na ijina, ȳh̄h̄ buheyere boeraboaga m̄sa. Sa boerana, m̄sa cahmeno punota siniña. Sa yeḡ m̄sa sinino punota ye basautja. ⁸ Ȳh̄h̄ Pac̄u cahmeñene yena m̄sa ijiḡ ihñaño “Jesu yequina ijire ahriquina”, ni masieta masa. Sa ye m̄sare ihñaño ȳh̄h̄ Pac̄ure ño peoeta. ⁹ Ȳh̄h̄ Pac̄u ȳh̄h̄re tiquiro cahĩdiro sahata m̄sare ȳh̄h̄ ḡh̄h̄ cahĩ tii. Ȳh̄h̄ cahĩna ijiducuya m̄sa. ¹⁰ Ȳh̄h̄ cahĩñequina ijiducuyequina ȳh̄h̄ dutiyere yere. Ȳh̄h̄ Pac̄u ye dutiyere yeaja ȳh̄h̄. Sa yeḡ tiquiro cahñoḡ ijiducujaja ȳh̄h̄. Sata m̄sa ḡh̄h̄ ȳh̄h̄ dutiyere yena ȳh̄h̄ cahĩna ijiducunata m̄sa.

¹¹ Ahrire m̄sare yahuu ȳh̄h̄ mehna m̄sa quehnoano bucueatire. Sa yena tutuaro bucuenata m̄sa. ¹² Ohõ saha dutiaja m̄sare: M̄sare ȳh̄h̄ cahĩdiro sahata m̄sa mehna cj̄na ḡh̄h̄re cahĩña. ¹³ Ihcãquiro masano tiquiro mehna cj̄no ye buhiri yariaro tiquiro mehna cj̄nore tutuaro cahĩne, apequina tiquina cahĩdiro ȳh̄dũoro. ¹⁴ Sa yena ȳh̄h̄ dutiyere yena ȳh̄h̄ mehna cj̄na ijire m̄sa. ¹⁵ Potota ȳh̄h̄ mehna cj̄na waro ijire m̄sa. M̄sa sa ijiḡ ijipihtiye ȳh̄h̄ yerire yahujaja m̄sare. Cahacj̄no tiquiro p̄h̄toro yerire masiedare tiquiro. Sa yeḡ

“Yuhũ cahacjãna ihyo ijina ijire m̄usa”, m̄sare niedaja. Yuhũ Pacũ yuhũre tiquiro yahurire m̄sare yahu pehou. Sa yahugũ “Yuhũ mehna cjãna ijire m̄usa”, m̄sare niaja yojop̄are. ¹⁶ M̄usa pehe yuhũre ne beserari. Yuhũ pehe m̄sare besei yuhũ Pacũ cahmeñene m̄usa yeatire. M̄usa sa yegũ m̄usa yeye ne ihyo waro ijisi. Ahri deco yoaro punota sa ijiducuati ijire m̄usa yeye. M̄usa sa yegũ yuhũre m̄usa wacũ tutuagũ yuhũ Pacũre m̄usa sinino punota tiquiro m̄sare ohorota. ¹⁷ Ahrire m̄sare dutiaja yuhũ: M̄usa mehna cjẽnare cahĩña m̄usa, ni yahuri Jesu.

Jesure tiquiro yequina gũhũre ahri yehpa cjẽna ihña tuhtire

¹⁸ Sa yero tiquiro yahu nemori:

—Ahri yehpa cjẽna m̄sare tiquina ihña tuhtigũ ihñana ahrire wacũña m̄usa: M̄sare tiquina ihña tuhtiato pano yuhũ pehere ihña tuhti m̄htari tiquina. ¹⁹ Cohãcjũre cahmedana m̄usa ijigũ, ahri yehpa cjẽna tiquina cahme cahĩdiro sahata m̄usa gũhũre cahĩboaya tiquina. Ahri yehpa cjãna m̄usa ijigũ m̄sare besei. Sa yena yojop̄are ahri yehpa cjãna waro ijierare m̄usa. M̄usa sa ijieragũ ihñañe ahri yehpa cjẽna m̄sare ihña tuhtire. ²⁰ “Yeequina ijina m̄usa yuhũ bui ijierare”, m̄sare yuhũ nidire wacũña m̄usa. Sa yena yuhũ docapũ ijina yuhũ ñano yuhdũriro sahata ñano yuhdũnata m̄usa gũhũ. Yuhũre ñano yeriquinata m̄usa gũhũre ñano yeeta. Yuhũ buhegũ yuh̄tiriquinata m̄usa buhegũ gũhũre yuh̄tietta tiquina. ²¹ Ahri yehpa cjẽna yuhũre ohoriquirore masiedare. Sa ye yuhũre wacũ tutuana m̄usa ijigũ ihñañe tiquina ñano yeeta m̄sare.

²² ’Tiquinare yuhũ buhegũ ah-taeragũ yuhũre tiquina cahmedari buhiri, buhiri mariedaboaya. Yojop̄are tiquinare yuhũ buheri bato “Ñañe buhiri mariedare usãre”, ni masiedare tiquina. ²³ Yuhũre ihña tuhtiriquire yuhũ Pacũ gũhũre ihña tuhtire. ²⁴ Cohãcjũ tiquiro tutuaye

mehna apequina tiquina ne yerarire ye ihñou. Sa ye tiquinare tire yuhũ ye ihñoedagũ tiquinare ñañe buhiri mariedaboaya. Cohãcjũ tutuaye mehna yuhũ ye ihñorire tiquina ihñari bato yuhũre yuhũ Pacũ gũhũre ihña tuhtire tiquina. ²⁵ Sa ihña tuhtiyere Cohãcjũ yere tiquina ojoari pũpũ duitapũta tiquiro ni ojoariro sahata yeye nidi tiquina. Ohõ saha ni ojoahye: “Tiquinare yuhũ ñano yer-apegũta yuhũre ihña tuhtire tiquina”, ni ojoahye duitapũta Cohãcjũ yere tiquina ojoari pũpũ.

²⁶ ’Yuhũ batopũ m̄sare yedohoa-tiquiro, yuhũ Pacũ mehna ijiriquire m̄sare yuhũ ohoatiquiro Espĩritu Santota ijire. Tiquiro potota yahuriquire ijire. Sa yero tiquiro ahtaro, yuhũ ijiye tiyere yahurota m̄sare. ²⁷ Masare yuhũ buhe dũcagũpũta m̄usa gũhũ decoripe yuhũ mehna ijiducuri. Sa yena m̄usa gũhũ yuhũ ijiye tiyere yahunata apequinare, ni yahuri Jesu.

16

¹ Sa ni tuhasa usãre ohõ saha ni yahu nemori:

—Came yuhũ buheyere yuhũ gũhũre m̄usa cohãedatire ahrire ijip-ih̄tiyere yahuu m̄sare. ² Judio masa mari buheye wuhũsepũ m̄usa sajã duagũ m̄sare sajã dutisi yeequina m̄usa ijiri buhiri. Sa ye ape tahapũ m̄sare wejẽ, “Cohãcjũ cahmeñene yena niaja”, ni tuh̄otuetamaga apequina. ³ Sa ye yuhũ Pacũre, yuhũ gũhũre tiquina masiedare. Sa masiedaye m̄sare ñano yeeta tiquina. ⁴ Sa yena m̄sare ñano tiquina yegũ ihñana “Tiquina ohõ saha yeato panota Jesu yahu tuhasari usãre”, ni wacũnata m̄usa. M̄usa sa ni wacũatire yojop̄are ahrire yahu m̄htagũ niaja m̄sare, ni yahuri Jesu.

Espĩritu Santo tiquiro yeatire yahuahye Jesu

Sa ni tuhasa ohõ saha ni yahu nemori:

—Coã warop̄are m̄usa mehna ijigũ ahrire m̄sare yahuerũ. ⁵ Yojop̄are

pehere yuhare ohoriquiro cahapu wahaatja. “¿Nohopu wahaatjari mahu?” yuhare ni, ihcãquiro borota ne sinituerari musa. ⁶ Sa sinituerapenata yuhu wahatire musare yuhu yahu mujagũ musa ñano jeripohna tire. ⁷ Musare ijirota yahugata niaja. Yuhu wahari bato musare quehnoanota. Yuhu ahmasepu wahaeragũ musare yedohoatiquiro pehe ahtaeraboaya. Wahagu musare tiquirore oho dijioutja yuhu. ⁸ Yuhu sa oho dijiogũ tiquiro ahtarota. Sa wihiro ahri yehpa cjẽna ñaãe yeyequina tiquina ijiyere tiquinare masigũ yerota tiquiro. Sa yero quehnoano ijiye tiye gũhare buherota tiquiro masare. Sa yero Cohãcjũ masare tiquiro buhiri dahreato gũhare yahurota masare yedohoatiquiro pehe. ⁹ Yuhare wacũ tutueyeyquina ijiye ahri yehpa cjẽna. Sa yero yedohoatiquiro pehe masa ñaãe yeyequina tiquina ijiye tiyere tiquinare masigũ yerota. ¹⁰ Yuhu Pacu cahapu wahaatja. Yuhu sa wahari bato masa yuhare ihñasi. Sa yero quehnoano ijiye tiye gũhare buherota yedohoatiquiro pehe. ¹¹ Ahri yehpa cjẽna pahutorore watĩnore Cohãcjũ buhiri dahre duti tuhasari. Sa yero Cohãcjũ masare tiquiro buhiri dahreati gũhare yahurota yedohoatiquiro pehe.

¹² Pajiro ijiye musare yuhu yahuati. Yuhu sa yahu nemo duepegũta tire yuhu yahugũ yojopu masinisi musa. Sa yena yojopure quehnoano tuhosi musa. ¹³ Yuhu sa yahu nemoedagũ Espiritu Santo pehe musare yahu nemono ahtarota. Tiquiro esa tuharo musare yahusi. Tiquirore yuhu Pacu yahu dutirire tiquiro yahurota musare. Sa yero musare poto yahu pehorota. Sa yero “Camepu ohõ saha waharota”, ni yahurota tiquiro musare. ¹⁴ Sa yero yeere musare tiquiro yahurota. Sa yahuro yuhare ño peogũ yerota masare. ¹⁵ Ijipihtiye yuhu Pacu ye, yee gũhu ijiye. Sa yegu “Espiritu Santo pehe yeere yahurota musare”, nii musare, ni yahuri Jesu.

—*Bujua witina ijeepenata came bucuenata musa, ni yahuahye Jesu*

¹⁶ Sa ni tuhasa ohõ saha ni yahu nemori:

—Mehenogã bato musa yuhare ihñasi. Sa yena mehenogã bato musa yuhare ihñanata tja, nidi Jesu usãre tiquiro buhenare.

¹⁷ Tiquiro sa nigũ tuhona, usã pehe meheñequinagã ohõ saha ni yahuducuu usã basi:

—¿“Mehenogã bato musa yuhare ihñasi. Sa yena mehenogã bato musa yuhare ihñanata tja”, nino dahse nino sa niajari marine? ¿Sa yero “Yuhu Pacu cahapu wahaatja”, nino dahse ijiro boro marine sa niagari tiquiro?

¹⁸ ¿“Mehenogã bato”, nino dahse nino sa niajari ahriquiro? Tiquiro ni yahurire quehnoano masiedaja mari, ni yahuducuu usã basi.

¹⁹ Usã sa ni yahuducugũ Jesu tiquirore usã sinitu duarire masino, usãre yahuri:

—¿“Mehenogã bato musa yuhare ihñasi. Sa yena mehenogã bato yuhare ihñanata tja”, yuhu nidire sinitu duajari musa? ¿Tire yuhu nidire masiedajari musa? ²⁰ Ijirota musare nigũ niaja. Yuhu yariagũ ihñana musa utinata. Sa yena tutuaro bujua witinata. Sa ye yuhare ño peoyeyquina pehe bucueeta. Musa pehe bujua witina ijeepenata, came bucuenata musa. ²¹ Ohõ saha ijiye ti: Numino niji wahcõno, ticoro ñano yuhduato pano ijiye. Sa yero ticoro tutuaro bujua witire. Sa bujua witiaperota ticoro pohna tiri bato ticorore purĩdire wacũedare ticoro. Nijinogã ahri yehpapu tiquiro masa bajuagũ ticoro bucuere. Sa yero ticorore purĩdire wacũedare. ²² Sata musa yojopure bujua witinata. Came musare ihñaatja. Sa yena musa tutuaro bucuenata. Musa sa bucuegũ apequina musare bujua witiigũ ye masisi.

²³ Ti deco musa yuhare ihñari deco yuhare sinitusi musa. Masi tuhasaripapũ ijinata. Ijirota musare nigũ niaja. Yuhare musa wacũ tutuagũ

ihñano yuhũ Pacũre mũsa siniñene tiquiro mũsare ohorota. ²⁴ Ahri deco pano yuhũ tutuaye mehna Cohãcjũre siniedarĩdi mũsa. Yuhũre wacũ tuatjĩãna Cohãcjũre siniña. Mũsa sa sinigũ mũsa sinidire mũsare ohorota, mũsa quehnoano bucueatire, nidi Jesu usãre.

Ñañequinare Jesu pehe yuhũdũcãhye

²⁵ Sa ni tuhasa ohõ saha ni nemori: —Queoye mehna mũsare yahue tii. Sa yahuepegũta came mũsare queoye mehna yahusi yuhũ. Sa yahueragũ yuhũ Pacũ pehere quehnoano potu yahutja mũsare. ²⁶ Ti decore mũsare yuhũ Pacũre sini basasi yuhũ. Yuhũre wacũ tutuana, mũsa basi tiquirore sininata. ²⁷ Mũsa yuhũre cahĩne. Sa yena yuhũ Pacũ caharũ yuhũ ahtarigũ ijigũ “Ijirota ijire”, nine mũsa. Sa nina mũsa ijigũ ihñano yuhũre cahĩna mũsa ijigũ ihñano yuhũ Pacũ pehe mũsare cahĩne. Tiquiro sa cahĩgũ tiquirore mũsa sininata. ²⁸ Yuhũ Pacũ caharũ ijirigũ ahri yehpapũre ahtau yuhũ. Sa yegũ yojopũre ahri yehpapũ ijirigũ yuhũ Pacũ caharũ wahaũtja, nidi Jesu.

²⁹ Tiquiro sa nigũ usã tiquiro buhena ohõ saha nii:

—Yojopũ pũrita queoye marieno yahuducugũ quehnoano bajuro yahugũ nine mũhũ usãre. ³⁰ Mũhũ quehnoano masi pehogũ mũhũ ijigũ yojopũ pũritare usã masiaja. Sa ye apequina mũhũre buhe masiedare. Tire yojopũre usã quehnoano masiaja. Usã quehnoano masina, Cohãcjũ caharũ ahtarigũ mũhũ ijigũ “Ijirota ijire”, niaja usã, nii usã Jesure.

³¹ Usã sa nigũ Jesu yahtiri usãre:

—¿Yojopũre “Ijirota ijire”, niajari mũsa? ³² Came cjũno ijipihina mũsa wuhũsepũ waha sitena, yuhũre cohãnata mũsa. Mũsa sa cohãpepegũta yuhũ Pacũ pehe yuhũ mehna ijire. Sa yegũ yuhũ ihcũta ijieraja. ³³ Ahrire mũsare yahu mũhtaũ, yuhũre mũsa wacũ tutuaye mehna mũsa quehnoano ijiatore. Cohãcjũre cahmeeñequina caharũ

mũsa ijigũ ñano yeeta mũsare tiquina. Tiquina sa yepegũta bucueya mũsa. Ahri yehpa cjẽna tiquina ñañe yerire yuhũdũcãgũ ijiaja yuhũ. Sa yena yuhũre wacũ tutuana bucueya mũsa, nidi Jesu usãre tiquiro buhenare.

17

Jesu tiquiro buheyequinare Cohãcjũre sini basahye

¹ Sa ni yahu tuhasa Jesu uhmũanopũ ihña mũo, Cohãcjũre ohõ saha ni yahuducuri:

—Mai, yojopũre mũhũ yahu queoriro sahata yuhũre ñano tiquina yeati pje esarota nine. Yuhũre mũhũ macũre masare ño peogũ yeya. Mũhũ sa yegũ mũhũre masare ño peogũ yeitja yuhũ gũhũ. ² Ijipihtiyequina pũhto yuhũre cũri mũhũ. Sa yegũ yuhũre mũhũ ohoriquinare mũhũ mehna sa ijiducugũ yeitja yuhũ. Sa yegũ mũhũre masare ño peogũ yeitja yuhũ. ³ Mũhũ dihita Cohãcjũ waro ijire. Yuhũ Jesucristo mũhũ ohorigũ ijiaja. Sa ye ijipihtiyequina mũhũre masiñequina, yuhũ gũhũre masiñequina uhmũsepũ mari mehna sa ijiducueta, nidi Jesu.

⁴ Sa ninota ohõ saha ni nemori mari Pacũre:

—Ahri yehpapũre mũhũ ye dutirire ye peho tuhasau yuhũ. Sa yegũ mũhũre masare ño peogũ yei yuhũ. ⁵ Ahri yehpa ijiato pano mũhũ mehna yuhũ ijigũ ijipihtiyequina yuhũre tiquina ño peo mũhtariro sahata yojopũre yuhũre tiquina ño peogũ yeya tja.

⁶ Ahri yehpapũ ijieyequinare yuhũre mũhũ ohoriquinare mũhũre masigũ yei. Mũhũ ohoriquina mũhũ yequina ijire. Sa yegũ tiquinare ohori mũhũ yuhũre. Sa ye mũhũ dutiyere yeri tiquina. ⁷⁻⁸ Yuhũre mũhũ yahurire tiquinare buhei. Yuhũ sa buhegũ tũhoye yuhũ buheyere cahmedi tiquina. Sa ye potota mũhũ caharũ ahtarigũ yuhũ ijigũ masine tiquina. Sa ye mũhũ ohorigũ yuhũ ijigũ “Ijirota ijire”, ni tũhoture

tiquina. Sa ye ijipihtiye yee m̄h̄u ye ti ijiḡu masine tiquina.

9 'Tiquinare m̄h̄ure sini basagu niaja. Apequina pehere sini basagu niedaja ȳh̄u. Ȳh̄ure m̄h̄u ohoriquina m̄h̄u yequina ijire. Sa yegu tiquinare sini basagu niaja m̄h̄ure. 10 Tiquina ijipihtiyequina m̄h̄u yequina ijire. Sa ye m̄h̄u yequina pehe yeequina ijire. Ȳh̄ure wacū tutuaye ȳh̄u tutuagu ijiyere masigū yere tiquina masare.

11 'Yojop̄ure ahri yehpap̄ure tojoasi ȳh̄u. M̄h̄u cahap̄u wahau t̄u niaja. Ȳh̄u sa wahaep̄eḡuta yojop̄ure ȳh̄ure m̄h̄u ohoriquina ahri yehpare tojoare. Mai, m̄h̄u quehnoagu ijire. Ȳh̄ure m̄h̄u ohoriquinare m̄h̄u tutuaye mehna ih̄ña ihbo basaya. M̄h̄u sa ih̄ña ihboḡu mari ihc̄ata mari ijiro saha tiquina ḡh̄u ihc̄a curuata ijiahro. 12 Tiquina mehna ijiḡu m̄h̄u tutuaye mehna tiquinare quehnoano ih̄ña ihbou. Ihc̄aquirop̄urita pecap̄u waharota m̄h̄u yere tiquina ojoari p̄p̄u yahuriro sahata.

13 'Yojop̄ure m̄h̄u cahap̄u wahau t̄u niaja. Sa yegu ahri yehpap̄u ahri ijipihtiyere yeequinare yahuaja ȳh̄u mehna tiquina quehnoano bucueatire. 14 M̄h̄u yere yahuu tiquinare. Tiquina ḡh̄u ȳh̄u yero sahata ahri yehpap̄u iji do-joatiquina ijierare. Sa ye ahri yehpa cj̄ena pehe tiquinare ih̄ña tuhtire. 15 "Ahri yehpap̄u ijiyequinare, yeequinare neah̄ña", niedaja. Ȳh̄u sa niedapeḡuta tiquinare quehnoano ih̄ña ihboya. "Wat̄ino ñañene tiquinare ye dutiari", niḡu, quehnoano ih̄ña ihboya tiquinare. 16 Ahri yehpa cj̄u ijieraja. Tiquina ḡh̄u ȳh̄u yero sahata ahri yehpap̄u iji do-joatiquina ijierare. 17 Yeequinare m̄h̄u buheye mehna quehnoañequina yeya tiquinare. M̄h̄u yahuye pehe ijirota ijire. 18 Ahri yehpap̄ure ȳh̄ure m̄h̄u ohoriro sahata ȳh̄u pehe yeequina ḡh̄ure m̄h̄u yere buhe dutiḡu

ohou. 19 M̄h̄u cahmeñene yegu tagu yariacj̄u ijiḡu ȳh̄u pagure ohoaja. Sa yeaja ȳh̄u, yeequina ḡh̄u m̄h̄u cahmeñene poto tiquina quehnoano yeatire.

20-21 ' "Yeequina yojop̄ure ijiyequina dihitare yedohoya", ni sini basaeraja ȳh̄u. Yeequina apequina ḡh̄ure yeere tiquina buheri bato tiquina ḡh̄u ȳh̄ure wacū tutuata. Tiquina ḡh̄ure yedohoya, yeequina ijipihtiyequina ihc̄a curua tiquina ijiro quehnoano. Ȳh̄u m̄h̄u mehna mari p̄ana ijiepenata ihc̄ata ijiaja. Ihc̄ata mari ijiro sahata tiquina ḡh̄u mari mehna ihc̄a curuata ijiahro. Ihc̄a curuata ijiahro, m̄h̄u ohoriḡu ȳh̄u ijiyere ijipihtiyequina masa "Ijirota ijire", tiquina niatire.

22 Ȳh̄ure m̄h̄u tutuaye ohorire yeequinare ohou. Ti tutuayere c̄oye, ihc̄ata mari ijiro sahata tiquina ḡh̄u ihc̄a curuata ijietta. 23 Ȳh̄u tiquina mehna ijiaja. Sa yegu m̄h̄u ȳh̄u mehna ijire. Mari sa ijiḡu yeequina potota ihc̄a curuata quehnoano ijietta. Ihc̄a curuata tiquina ijiḡu ih̄ñañe m̄h̄u ohoriḡu ȳh̄u ijiyere ahri yehpa cj̄ena masieta. Sa ye ȳh̄ure m̄h̄u cah̄idiro sahata yeequina ḡh̄ure m̄h̄u cah̄iñene masieta masa.

24 'Mai, ahri yehpa iji d̄ucato pano ȳh̄ure cah̄ie tiri m̄h̄u. Sa cah̄igu ȳh̄u tutuagu ijiyere ih̄ñori m̄h̄u. Sa yegu ȳh̄ure m̄h̄u ohoriquinare ȳh̄u mehna tiquina ijiḡu cahmeaja, ȳh̄u tutuagu ijiyere tiquina masiatire. 25 Mai, m̄h̄u quehnoagu ijire. Ahri yehpa cj̄ena ñañequina m̄h̄ure masiedare. Ȳh̄u pehe m̄h̄ure masiaja. Sa ye m̄h̄u ohoriḡu ȳh̄u ijiḡu masine yeequina. 26 Tiquinare m̄h̄ure masigū yei. Came ḡh̄ure m̄h̄ure tiquinare masigū yeitja, ȳh̄ure m̄h̄u cah̄idiro sahata apequinare tiquina cah̄iatire. Sa yegu yeequina mehna ijiḡutja, nidi Jesu mari Pac̄ure.

18

Jesure peresu yeahye
(Mt 26.47-56; Mr 14.43-50; Lc

22.47-53)

¹ Tiquiro sa nidi bato Jesu, usã gãhũ tiquiro buhena Cedrõ wame tiri mare pehã, olivo wame tiye cju wesepũ esau. ² Peye tahari ti wesepũ Jesu mehna cahmecoae tii. Sa yero Juda Jesure ihña tuhtiyequinare ihñoatiquiro ti wesere masidi. ³ Sa masino pua curua surarare umũ tã cãhtari ti wesepũ Jesure ihño taro. Ihcã curua surara waro ijiri. Ape curua surara Cohãcjũ wuhũre cohteyequina ijiri. Tiquina pahia pũtoã, fariseo masa tiquina ohoriquina ijiri surara, Cohãcjũ wuhũre cohteyequina mehna. Sa ahtaye sihãñe pacare, sihãñe cju gãhũre sihã cãhtari. Tiquina wamoã gãhũre ne cãhtari tiquina. ⁴ Ti wesepũ tiquina wihiri bato Jesu tiquiro ñano yuhduatire masino, tiquinare piti ca, sinituri:

—¿Noare macana niajari mũsa? nidi Jesu.

⁵—Jesu Nazare cjũnore macaja usã, ni yuhtiri tiquina.

—Tiquiro tjiaja yuhũ, nidi Jesu.

Juda pehe Jesure ñehe dutiro ihñoriquiro tiquina mehna ijiri. ⁶ Sa ye “Tiquiro tjiaja yuhũ”, Jesu nigũta tiquina pehe tuho maria waha, du siti maa, yehpapũ bora quehe sari. ⁷ Tiquina sa wahagũ ihñano pari turi sinituri tiquinare Jesu:

—¿Noare macana niajari mũsa? nidi.

—Jesu Nazare cjũnore macana niaja usã, ni yuhtiri tiquina tja.

⁸ —“Yuhũ tjiaja”, ni tuhasamigu yuhũ mũsare. Sa yena yuhũre ñehena ahriquinare yuhũ mehna cjẽnare peresu yeracãhña mũsa, nidi Jesu.

⁹ Sa usãre cahño ne ihcãquirore butigũ yerari. Sa yero to pano Cohãcjũre tiquiro nidiro sahata yero nidi tiquiro. “Yuhũre mũhũ ohoriquinare ne ihcãquiro boeru”, tiquiro nidiro sahata yero nidi Jesu.

¹⁰ Sa ye Simo Pedro ñoseni pjĩne curo, ti pjĩne tuã we nedoqueo, pahia pũtoro cahacjũno Malco wame tiri quiro cahmonore dũte pahrẽ cãri.

Poto pehe cjã cahmonore dũte pahrẽ cãri. ¹¹ Tiquiro sa dũte pahrẽgũ ihñano Jesu tiquirore ohõ saha nidi:

—Mũhũ ñoseni pjĩne ihboya. Yuhũ Pacũ yuhũre tiquiro ñano yuhdu dutiro sahata ñano yuhduatja yuhũ, nidi Jesu Pedrore.

Pahia pũtoro cahapũ Jesure neahye tiquina

(Mt 26.57-58; Mr 14.53-54; Lc 22.54)

¹² Tiquiro sa ni tuhasagũta surara, tiquina pũtoro mehna, Cohãcjũ wuhũre cohteyequina surara gãhũ Jesure ñehe, tiquirore duhteri.

¹³ Duhte tuhasa Anãs cahapũ nea mũhtari tiquina. Anãs pehe Caifa mareino ijiri. Caifa pehe ti cãmure pahia pũtoro ijiri. ¹⁴ “Judio masa ye ijiatire ihcãquiro masũno yariagũ quehnoanota”, nidiquiro boro ijiri Caifa pehe.

—Jesure masiedaja, niahye Pedro

(Mt 26.69-70; Mr 14.66-68; Lc 22.55-57)

¹⁵ Sa yena yuhũ Simo Pedro mehna Jesure yoa cjũnopũ ihña nũnũ tãũ. Caifa ya wuhũpũ neañe nidi Jesure. Yuhũ pehe pahia pũtoro tiquiro ihña masinohgũ ijigũ Jesu bato pũtoro ya wuhũ ijiri sahrĩnopũ sajã wahaũ.

¹⁶ Yuhũ sa sajãgũ Pedro pehe sahrĩno sopecahapũ tojoadũca sari. Sa yegũ majare wijia ta, sopecahare cohtericorore sinituu. Yuhũ sa sinitu tuhasagũ ticoro Pedrore sajã ta dutiri. Ticoro sajã ta dutiri bato yuhũ Pedrore ne sajã wahaũ. ¹⁷ Yuhũ sa ne sajãgũ ihñano sopecahare cohtericoro pehe Pedrore sinituri:

—¿Jesu buheyequina mehna cjã ijierajari mũhũ? nidi ticoro Pedrore.

—Ijieraja yuhũ, ni yuhtiri Pedro pehe.

¹⁸ Usã esato pano to cjẽna pũtoã cahacjẽna, surara mehna tiquina sohmati pecare wijiã tuhasari jiri. Yũsuarĩdi. Sa ye tiquina ti peca duhtũ caha ducuye, sohmañe nidi. Tiquina sa sohmagũ ihñano Pedro gũhũ ahta, sohmarĩ.

Pahia p̄htoro Jesure sinituahye
(Mt 26.59-66; Mr 14.55-64; Lc 22.66-71)

¹⁹ Sa ye pahia p̄htoro Jesu buherire, usã tiquiro buhena ḡhure sinituahye Jesure. ²⁰ Tiquiro sa sinitugã Jesu pehe ȳhtiahye tiquirore:

—Ijipihtiequinare buheḡu tiquina ih̄no ducuu. Sa buheḡu judio masa mari buheye w̄husep̄u Cohãcjũ w̄hup̄u ḡhure sa buheducuu ȳh̄u. Duhtitjiãḡu buher̄u ȳh̄u. ²¹ ¿D̄hseḡu ȳh̄ure sinituajari m̄h̄u? Sinitu duaḡu ȳh̄u buheyequinare sinituya. Ȳh̄u buherire tiquina masine, ni ȳhtiahye Jesu.

²² Tiquiro sa nigã t̄horo top̄u ducuriquiro surara pehe tiquiro omoca mehna Jesure quẽahye.

—Sa niedacãh̄na pahia p̄htoro, niahye surara pehe Jesure.

²³ Tiquiro sa nigãta Jesu ohõ saha niahye:

—Ñano ȳh̄u ni yahuducurire yahuya ȳh̄ure. ¿Poto m̄sare ȳh̄u yahuepegãta, d̄hseḡu taḡu ȳh̄ure quẽajari m̄h̄u? niahye Jesu surarare.

²⁴ Came Anás Jesure tiquina d̄hteriquirore Caifa pahia p̄htoro cahap̄u ohõahye.

—Jesure masiedaja, pari turi niahye Pedro

(Mt 26.71-75; Mr 14.69-72; Lc 22.58-62)

²⁵ Sa ye Simo Pedro peca d̄ht̄u cahap̄u ducuro, sohmano nidi. Tiquiro sa sohmaducugã ih̄nañe to cj̄ena tiquirore sinituri:

—¿M̄h̄u ḡh̄u Jesu buheyequina mehna cj̄u m̄h̄u ijierajari? nidi tiquina Pedrorre.

—Ijieraja ȳh̄u, ni ȳhtiri Pedro.

²⁶ Sa yero pahia p̄htoro cahacj̄ena mehna cj̄uno Pedro tiquiro cahmono d̄te pahr̄ediquiro acaȳro pehe Pedrorre sinituri:

—¿Jesure tiquina ñehedi wesep̄u ȳh̄u ijigã m̄h̄u ḡh̄u tiquiro mehna ijieracoah̄te? ni sinituri tiquiro Pedrorre.

²⁷—Ȳh̄u tiquiro mehna ijier̄u, nidi Pedro.

Tiquiro sa nigãta canaca yahuri.

Jesure Pilato sinituahye
(Mt 27.1-2, 11-14; Mr 15.1-5; Lc 23.1-5)

²⁸ Ñami cj̄uno ijigã Caifa ya w̄hup̄u ijiriquina Jesure ne wijia, Roma cj̄ena p̄htoro Pilato ya w̄hup̄u nea wahari tiquina. Sa wahaepeta tiquiro ya w̄hup̄u sajãedari. Pascua deco ijigã tiquina ihyatiquina ijiye, ohõ saha nidi: “Judio mas̄no ijierare Pilato. Tiquiro sa ijiriquiro ijigã tiquiro ya w̄hure sajãna, mari dutiyere ȳhd̄ducana niboaga. Sa yena mari sajãgã marine bose deco cj̄i ihyayere ihya dutieraboaga”, nidi. Sa niñe p̄htoro Pilato ya w̄hure sajãedari Jesure neariquina pehe. ²⁹ Tiquina sa sajãedagã ih̄no Pilato tiquina cahap̄u w̄h̄u sopecahap̄u esad̄caro, tiquinare sinituri:

—¿Yabe buhirire ahriquirre yahusã duajari m̄sa? nidi Pilato tiquinare.

³⁰ —Ahriquirre quehnoariquirre ijigã m̄h̄ure usã ohoeraboaya. Ñariquirre ijire tiquiro, ni ȳhtiri tiquina.

³¹ Tiquina sa nigã Pilato ohõ saha nidi:

—M̄sa basita tiquirore neañã. Sa yena m̄sa ye dutiye ti nidiro sahata tiquirore buhiri dahreya, nidi Pilato tiquinare.

—M̄sa ye dutiye pehe usãre mas̄nore wejẽ dutierare, nidi tiquina Pilatorre.

Sa niñe Jesure wejẽ dutiye tee nidi.

³² Tiquina sa wejẽ dutigã Jesu pehe curusap̄u tiquiro yariatire to pano tiquiro yahuriro sahata wahari. ³³ Tiquina sa nidi bato, Pilato pehe w̄hup̄u majare sajã, Jesure pijioahye. Pijio tuhasa, tiquirore sinituahye:

—¿Judio masa tiquina p̄hto tjiajari m̄h̄u? ni sinituahye Pilato.

³⁴ —¿M̄h̄u esa tuharota sa ni sinituajari m̄h̄u ȳh̄ure? ¿O apequina pehe ȳh̄ure tiquina yahusãri bato

tire sinituajari m̄h̄u? niahye Jesu Pilatore.

³⁵—Judio mas̄u ijieraja ȳh̄u. M̄h̄u ya yehpa cjēna, pahia p̄h̄toa ḡh̄u m̄h̄ure ohori ʉs̄are. ¿Yabere ñano yeari m̄h̄u tiquina sa buhiri dahre duaḡu? niahye Pilato.

³⁶—Ahri yehpa cj̄u p̄h̄to ijieraja ȳh̄u. Ahri yehpa cj̄u p̄h̄to ȳh̄u ijiḡu, ȳh̄u buheyequina ȳh̄ure yedohoboaya. Judio masare ñehe dutieraboaya. Ȳh̄u p̄h̄to ijiye ahri yehpa cj̄e ijierare, niahye Jesu Pilatore.

³⁷—¿Sa yeḡu p̄h̄to ijiajari m̄h̄u sa niḡu? niahye Pilato.

—M̄h̄u nino sahata p̄h̄to ijiaja. Masa tiquina p̄h̄to ijiḡu taḡu masa baj̄u ȳh̄u. Sa yeḡu ahri yehpap̄u ahtāu tiquina p̄h̄to ijii t̄h̄u, poto ijiyere yahuḡu t̄h̄u. Ijipihtiyequina poto ijiyere t̄ho duayequina, ȳh̄u yahuyere t̄hore, niahye Jesu.

³⁸—¿Yabe boro ijiajari poto ijiye? niahye Pilato.

Judio masa Jesure wej̄e dutiahye (Mt 27.15-31; Mr 15.6-20; Lc 23.13-25)

Sa ni tuhasa Pilato judio masa caha majare tojoa tiquinare yahuri:

—Ahriquiroy Jesure ne buhiri mariedare. ³⁹ C̄h̄maripe pascua ijiḡu ihc̄aquiroy peresu ijiriquiroy m̄sa wio dutiducure. ¿Sa yeḡu ahriquiroy Jesureta m̄sa p̄h̄toro ijiatiquiroy m̄sare wio basagari ȳh̄u? nidi Pilato judio masare.

⁴⁰ Tiquiroy sa niḡu t̄hoye judio masa oh̄o saha ni sañuducuri:

—Tiquiroy wioerac̄h̄ña. Barrabá pehere ʉs̄are wio basaya, ni sañuducuri judio masa Pilatore.

Barrabá pehe yaque buc̄uro ijiri.

19

¹ Tiquina sa ni sañuducuri bato Pilato Jesure tana dutiahye. Sa ye tiquiroy yequina surara pehe tiquiroy tanahye. ² Tana tuhasa tiquina pota behto ye tuhasa, Jesu dapu buip̄u duhu peohye. Duhu peo tuhasa, p̄h̄toa ye suhti borore tiquiroy s̄aa tuhasa, tiquiroy cahap̄u

esa d̄uca, oh̄o saha ni buj̄upeahye tiquina:

³—Quehnoano ahtaya. Judio masa p̄h̄to, quehnoano ahtaya, ni buj̄upe, Jesu w̄h̄doare qūe m̄jahye.

⁴ Sa yero Pilato pari turi judio masa cahap̄u waha, tiquinare yahuri:

—T̄h̄hoya m̄sa. Ahriquiroy ne buhiri mariediquiroy ijire. Sa yeḡu tire m̄sa masiatire m̄sa cahap̄u tiquiroy ne c̄htāu, nidi Pilato.

⁵ Tiquiroy sa ni tuhasaḡu Jesu pota behto pesariquiroy, p̄h̄toa ye suhti borore sañariquiroy w̄h̄p̄u ijiriquiroy wijia tari. Tiquiroy sa wijia taḡu Pilato tiquinare oh̄o saha nidi:

—Ih̄ñaña. Ahriquiroy ijire tiquiroy, nidi Pilato.

⁶ Tiquiroy sa ni tuhasaḡu t̄hoye, pahia p̄h̄toa, surara ḡh̄u Jesure ih̄ñañe, sañuducuri:

—Curusap̄u qūe biha wej̄eña tiquiroy. Curusap̄u qūe biha wej̄eña tiquiroy, ni sañuducuri tiquina.

—Tiquiroy ne buhiri mariedare. Sa yena m̄sa basita tiquiroy neahña. Sa yena m̄sata tiquiroy curusap̄u qūe biha wej̄eña, nidi Pilato tiquinare.

⁷—Tiquiroy basi “Coh̄cj̄u mac̄u ijiaja”, nie tiri. Tire tiquiroy sa niḡu ʉs̄a dutiye pehe tiquiroy wej̄e dutire, nidi tiquina Pilatore.

⁸ Tiquina sa niḡu t̄horo cue ȳh̄d̄u wahari Pilato pehe. ⁹ Sa yero pari turi w̄h̄p̄u majare saj̄a, Jesure sinituahye tja:

—¿Noho cj̄u ijiajari m̄h̄u? ni sinituahye tiquiroy Jesure.

Tiquiroy sa ni sinituepeḡta Jesu tiquiroy ȳhtierahye.

¹⁰ Tiquiroy sa ȳhtieraḡu ih̄ñano Pilato tiquiroy sinitu nemoahye:

—¿Ȳh̄ure ȳhtierajari m̄h̄u? Ȳh̄u m̄h̄ure peresup̄u ijiriḡu wio masiaja. Sa yeḡu m̄h̄ure curusap̄u ḡh̄ure qūe biha wej̄e duti masiaja ȳh̄u. ¿Tire masiedajari m̄h̄u? niahye Pilato Jesure.

¹¹—Coh̄cj̄u m̄h̄ure tiquiroy dutieraḡu ȳh̄ure ñano ye dutieraboaya m̄h̄u. Ȳh̄ure ih̄ña tuhtiyequinare

ihñoriquiro pehe m̄h̄u ȳhd̄uro ñano buhiri tire, niahye Jesu Pilatore.

¹² Tiquiro sa nigū t̄horo Pilato pehe tiquirore wio duamahye. Tiquiro sa wio duepegāta pari turi judio masa sañuducuri:

—Jesu “P̄hto ijiaja”, nino mari ijipih̄tina p̄htoro Roma c̄j̄noro ihña tuhtiriquiro ijire tiquiro. Sa yeḡu tiquirore wio ḡu m̄h̄u ḡh̄u mari p̄htoro ihña tuhtiḡu ijiaja m̄h̄u, ni sañuducuri judio masa Pilatore.

¹³ Tiquina sa nigū t̄horo Jesure w̄h̄u p̄u ijiriquirore ne wijia ta, buhiri dahre dutiro taro tiquiro dujiri pahtap̄u nuju sari Pilato. Tiquiro buhiri dahre dutiri paa ut̄a mehna tiquina yeri paa judio masa ye mehna Gabata wame tiri. ¹⁴ Ti deco pascua bose deco us̄a ihyatire us̄a queh̄nori deco ijiri. Ti pjere coheri pje waro ijiri. Nuju sa tuhasa Pilato masare oh̄o saha ni yahuri:

—Ahriquiro tjire m̄sa p̄htoro, nidi tiquiro.

¹⁵ Tiquiro sa nigū t̄hoye judio masa sañuducuri:

—Yariahro tiquiro. Yariahro tiquiro. Curusap̄u quē biha wejēña tiquirore, ni sañuducuri tiquina.

—¿M̄sa p̄htoro tiquiro ijiepegāta tiquirore curusap̄u quē biha wejē dutajari m̄sa? nidi Pilato.

Tiquiro sa nigū oh̄o saha ni yahtiri pahia p̄htoa:

—Mari ijipih̄tina p̄htoro Roma c̄j̄nota tiquiro us̄a p̄htoro ijire. Apequiro p̄htoro us̄are mariedare, ni yahtiri pahia p̄htoa.

¹⁶ Tiquina sa ni yahuducuri bato Pilato Jesure curusap̄u quē biha wejē dutiro, tiquirore ohori tiquinare.

Jesure quē biha wejēahye tiquina
(Mt 27.32-44; Mr 15.21-32; Lc 23.26-43)

Sa ye tiquina Jesure ne wijari. ¹⁷ Tiquina ne wijigū Jesu pehe tiquiro ya curusare tiquiro basi w̄a ne, dapu pehtoro wame tirop̄u esari. Us̄a judio masa ye mehna Gólgota wame tiri. ¹⁸ Top̄u esaye tiquina Jesure quē biha oh̄ori. Sa ye

apequina p̄arore ihc̄aquiroy tiquiro poto pehe, apequiro tiquiro cū pehe pehe quē biha oh̄ori tiquina. Sa yero Jesu tiquina deco curusap̄u wahñari. ¹⁹ Tiquina quē biha tuhasagū Pilato taboa pj̄ne ojoa duti, Jesure tiquina quē biha oh̄ori curusap̄u quē biha oh̄o dutiri jiri ti pj̄ne. Oh̄o saha ni ojoa dutiri jiri tiquiro: “AHRIQUIRO JESU NAZARE C̄J̄NO, JUDIO MASA P̄HTORO IJIRE”, ni ojoa dutiri jiri Pilato ti pj̄ne. ²⁰ Ti pj̄ne ojoaro judio masa ye mehna, Roma c̄j̄na ye mehna, griego masa ye mehna ojoari jiri apequiro. Sa yero Jesure curusap̄u tiquina quē biha oh̄ori maca cahagā ijiri. To cahagā ijiequina peyequina judio masa Pilato ojoa dutirire ihña, buheri. ²¹ Sa buhe tuhasa judio masa us̄a pahia p̄htoa oh̄o saha nidi Pilatore:

—“Ahriquiro judio masa p̄htoro ijire”, ni ojoa dutierac̄h̄ña. Us̄a p̄htoro ijierare ahriquiro. Sa yeḡu oh̄o saha ni ojoa queh̄no dutiya m̄h̄u. “Ahriquiro ‘Judio masa p̄hto ijiaja’, ni ihc̄aquiroya tiquiro basita sa ni t̄hoturiquiro ijiri”, ni ojoa queh̄no dutiya, nidi pahia p̄htoa.

²² —Ȳh̄u ojoa duti m̄htararo sahata ijirota, nidi Pilato tiquinare.

²³ Jesure tiquina quē bihari bato pititiaro surara pehe Jesu suhtire tiquina basi itiri. Tiquina sa iti duepegāta ihc̄a suhtiro yoari suhtiro dohori marieni suhtiro ijiri. Ti suhtiro suhari suhtiro ijiri. ²⁴ Ti suhtiro sa ijigū oh̄o saha nidi tiquina basi:

—Ahri suhtirore t̄hr̄edac̄h̄ña. Ahri suhtirore neatiquirore masi duana, doquepeih̄na mari, nidi tiquina basi.

Sa doquepeye, Coh̄c̄j̄ yere tiquina ojoari p̄p̄u tiquina ni ojoariro sahata yeye nidi tiquina. “Ȳh̄u suhtire tiquina basi itiri. Sa ye ȳh̄u suhtire neatiquinare masi duaye, doqueperi tiquina”, ni ojoahye Coh̄c̄j̄ yere tiquina ojoari p̄p̄u. Tiquiro sa ni ojoariro sahata sa yeye nidi tiquina.

25 Surara tiquina sa yegũ, Jesu pacoro, Jesu m̄ono, María Cleofa namono, María Magdalena mehna Jesu curusa cahagã ihñaducuri tiquina. 26 Sa yero tiquiro pacoro yah̄u tiquiro cah̄nogũ gũh̄u tiquiro cah̄ap̄u usã ducugũ ihñano tiquiro pacorore yahuri Jesu:

—Yojop̄re ahriquiri m̄h̄u mac̄u ijire, nidi Jesu tiquiro pacorore.

27 Sa ni tuhasa, yah̄ure ohõ saha ni yahuri tiquiro:

—Yojop̄re ahricoro m̄h̄u paco ijire, nidi Jesu yah̄ure.

Tiquiro sa nidi bato Jesu pacorore ya wah̄ap̄u iji dutii.

Jesu yaria wahahye
(Mt 27.45-56; Mr 15.33-41; Lc 23.44-49)

28 Tiquiro sa ni yahuri bato ohõ saha ni t̄hotu, masiahye Jesu: “Ijip̄ihtiye Cohãcjũ yah̄ure dahra dutiro tiquiro c̄urire ye pehou”, ni t̄hotu, masiahye Jesu. Sa masino Cohãcjũ yere tiquina ojoari p̄p̄u tiquiro ni yahuriro sahata ohõ saha nidi Jesu:

—Aco w̄oaga yah̄u, nidi Jesu.

29 Sa yero top̄u vino s̄ẽñe co pose tiri sutu dujiri. Sa yero top̄u ijiriquiro aco ihmini s̄h̄tere s̄ẽñe co mehna tiquina sohari s̄h̄tere yuc̄uḡu hisopo wame tid̄u sohtoap̄u d̄hte ohõri. Sa yero Jesu d̄serop̄u siõ ohõri. 30 Ti core Jesu ihmi tuhasa ohõ saha nidi:

—To punota ijiaga, ninota tiquiro dapure muhri yo, yariaa wahari.

Surara Jesu pati pahma batogã ñoseahye ñosen̄u mehna

31 Ti deco pascua bose deco pano ijiri. Bose deco cj̄ene usã ihyatire queh̄nori deco ijiri. Sa ye ape deco saurũ ijigũ tiquina bose deco ijigũ curusarip̄u yariariquinare c̄u d̄erari. Ti deco Cohãcjũre tiquina ño peori bose deco ijiri. Sa ye ti decop̄u tiquina quẽ biha ohõriquinare curusarip̄u tiquina wahñagũ cahmedari tiquina. Sa ye tiquina quẽ biha ohõriquinare tiquina ñec̄u coh̄arine quẽ nuha dutiye tehe, judio masa siniahye Pilatore, “Tiquina yaria

madoqueoahro”, niñe. Tiquina sa yeri bato tiquina paḡure ne dijio madoqueoye tee nidi. 32 Tiquina sa dutigũ surara pehe curusari cahap̄u esa, ihcãquiro yaqueriquiro ñec̄u coh̄arine quẽ nuhari. Apequiro gũh̄ure sata yeri tiquina. 33 Sa ye Jesu ñec̄u coh̄arine quẽ nuhae tee yemehe, tiquiro yariariquiro ijigũ ihñañe, quẽ nuhaedari.

34 Sa quẽ nuhaedaye ihcãquiro surara tiquiro pati pahma batogã ñosen̄u mehna ñosed̄i. Tiquiro sa ñosegũ duita tiquiro dii, aco mehna wijiari. 35 Ti sa wahagũ ihñau yah̄u. Yah̄u ahri p̄re ojoarigũ m̄sare poto yahuaja. Poto yah̄u yah̄ure ijigũ masiaja yah̄u. M̄sare yahuaja m̄sa gũh̄u Jesure m̄sa wacũ tutuato saha. 36 Cohãcjũ yere tiquina ojoari p̄u ti nidiro sahata sa wahari: “Tiquiro coh̄arine ne ihcã coh̄are quẽ nuhaedari”, tiquiro ni ojoariro sahata Jesu ñec̄u coh̄arine ne ihcã coh̄are quẽ nuhaedari. 37 Sa yero ape p̄p̄u Cohãcjũ yere tiquina ojoari p̄p̄u ohõ saha nine. “Tiquirore tiquina ñosediquirore ihñaeta tiquina”, ni ojoahye Cohãcjũ yere tiquina ojoari p̄p̄u.

Jesu paḡure masa copep̄u c̄uahye
(Mt 27.57-61; Mr 15.42-47; Lc 23.50-56)

38 Tiquiro yariari bato José Arimatea cj̄ano Jesu paḡure ne dijioro taro, Pilatore siniahye. José pehe apequina judio masare cuero, Jesure wacũ tutuariquiro tiquiro ijiyere yahu d̄erahye. Sa yero tiquiro paḡure sinidi bato Pilato pehe Jesu paḡure nea dutiahye. Tiquiro nea dutigũ José curusa cahap̄u esa, Jesu paḡure nea wahahye. 39 Nicodemo gũh̄u José mehna wahahye. Tiquiro yuc̄uḡu cj̄e ehme sitiye, mirra wame tiye ehme sitiye yuc̄uḡu cj̄e mehna dahra moredire ne c̄ahye. Jesu paḡure tiquina coh̄ato pano tiquina quehnoati ijiahye ti ehme sitiye. Tiquiro ne c̄ah̄tari treinta kilo n̄sc̄ahye. Nicodemo sohõ ijiri pje Jesu mehna tiquiro coã yahuducuri

pje ñamirp̄ Jesu cahap̄ esariquiro ijiahye. ⁴⁰ Sa ye tiquina p̄aro Jesu paḡare ne, judio masa yariariquinare us̄a coh̄aducuro sahata tiquiro paḡare ehme sitiye mehna suhti mehna wahmeahye. ⁴¹ Curusap̄ Jesure tiquina wej̄ediro cahap̄ wese ijiri. Ti wesep̄ masa cope ut̄ap̄ wahma tiquina seheri cope ijiri. Ti copere ne ihc̄aquiroyariariquirore coh̄aedar̄i. ⁴² Pascua bose deco judio masa bose deco us̄a ihyatire queh̄nori deco ijiri. Sa ijiri deco ijiḡa ti cope cahaḡa tiquiro curusa ijiḡa, top̄ c̄uahye tiquina Jesu paḡare.

20

Jesu masa wijiahye

(Mt 28.1-10; Mr 16.1-8; Lc 24.1-12)

¹ Domingo ñami cj̄unoḡa ijiḡa, bohreato panoḡa María Magdalena Jesu masa copep̄ esahye. Top̄ esaro ti copere tiquina tu biharia ut̄are yoa cj̄unop̄ tiquina p̄o c̄uria ut̄are ihñahye ticoro. ² Sa ijiḡa ihñano, us̄a cahap̄ oma tojoa tari ticoro. Simo Pedro mehna ȳh̄ us̄a p̄ana ijii. Wihi oh̄ saha ni yahuri us̄are ticoro:

—Mari p̄ah̄toro paḡare ne c̄ari jiri. Nohop̄ ne c̄a c̄ucoayaye mari masiedaja, nidi ticoro us̄are.

³ Ticoro sa niḡa t̄hona, Pedro mehna masa copep̄ ihñana wah̄ us̄a. ⁴ Sa ihñana wahana us̄a p̄ana oma c̄a. Sa oma c̄ana, ȳh̄ Pedroro oma ȳhd̄ c̄aḡ masa copep̄ esa m̄hta. ⁵ Top̄ esaḡa muhri ihña s̄ou ti copep̄are. Muhri ihña s̄oḡa tiquirore tiquina wahmedi suhtiro dihitare ihñan̄. Sa ye ti copere saj̄aed̄. ⁶ Ȳh̄ sa ihñari batop̄ Simo Pedro ȳh̄ batop̄ wihiri. Wihi masa copep̄ saj̄a, tiquiro paḡare tiquina wahmedi suhtirore ihñari tiquiro. ⁷ Sa yero Jesu dapure tiquina wahmedi cahsero ḡah̄re ihñari tja. Ti cahsero sijoro cuñano tiquiro tor̄edi cahsero ijiri. ⁸ Sa yeḡa ȳh̄ ḡah̄ masa copep̄ esa m̄htariḡa ti copep̄ saj̄a. Jesu sa mariedaḡa ihñaḡa “Potota Jesu masa

wijiahya”, ni t̄hotuu ȳh̄. ⁹ Ti copep̄ us̄a wahato pano Coh̄c̄j̄a yere tiquina ojoari p̄p̄a Cristo tiquiro yariatire yahurire, tiquiro masa wi-jiatire yahuri ḡah̄re us̄a queh̄noano masiedar̄imi. Ti copere ȳh̄ ihñari bato, “Ijirota Jesu masa wijiahya”, ni, t̄hotuu ȳh̄. ¹⁰ Sa ihña tuhasa us̄a ye w̄h̄sep̄ tojoaa wah̄.

Jesu María Magdalenare bajuahye (Mr 16.9-11)

¹¹ Sa ye masa copep̄ María majare tojoa ta, ti cope sopecahap̄ wihi, ducuro, utiro niahye. Sa utieperota ticoro muhri ihña s̄oh̄a masa copep̄are. ¹² Sa ihña s̄ono p̄aro angelere, yehseye suhti sañañequinare Jesu tiquiro cuñamedirop̄ tiquina dujiḡa ihñahye ticoro. Ihc̄aquiroyariariquirore dapu timedirop̄ dujiahye. Apequiroyariariquirore dahpoc̄ari timedirop̄ dujiahye. ¹³ Tiquinare ticoro ihñaḡa tiquina pehe ticoro sinituahye:

—¿Numio, dahse yego utiajari m̄h̄? niahye tiquina.

—Ȳh̄ p̄ah̄toro paḡare ne c̄ari jiri. Sa yego tiquiro paḡare tiquina c̄urire masiedaga ȳh̄, niahye ticoro.

¹⁴ Sa ni tuhasa, majared̄cameno Jesure top̄ ducuriquirore ihñahye ticoro. Sa ihñaeperota Jesure masiedahye ticoro.

¹⁵ —¿Numio, dahse yego utiajari m̄h̄? ¿Noare macago niajari? niahye Jesu ticoro.

“Ahriquiroyariariquirore ijire”, ni t̄hotumahye ticoro Jesure. Sa ni t̄hoturo, oh̄ saha niahye ticoro:

—M̄h̄ tiquiro paḡare nediḡa ijiḡa m̄h̄ c̄uriroro yahuya ȳh̄are. M̄h̄ yahuri bato tiquiro paḡare negotja, niahye ticoro tiquirore.

¹⁶ Ticoro sa nidi bato Jesu oh̄ saha niahye:

—María, niahye.

Tiquiro sa ni pisuḡa t̄horo majare ihñadoqueo ticoro hebreo ye mehna oh̄ saha niahye:

—Rabuni, niahye ticoro Jesure. “Rabuni”, nino, “Buhegũ”, nino niahye.

17—Yũhũ Pacũ cahapũ mũaedarĩaja yũhũ. Yũhũ sa mũaedarĩgũ yũhũre ñehedacãhña. Sa yego apequina yeequina cahapũ wahaya. Tiquina cahapũ esago ohõ saha ni yahuya tiquinare: “ ‘Yũhũ Pacũ cahapũ wahaũ tũũ niaja. Mũsa Pacũ gũhũ ijire tiquiro. Yaquiro Cohãcjũ cahapũ wahaũ tũũ niaja. Mũsa yaquiro Cohãcjũ gũhũ ijire tiquiro’, nidi Jesu”, ni yahuya tiquinare, niahye Jesu Marĩare.

18 Tiquiro sa nidi bato María Magdalena usã Jesu buhena cahapũ wihi, yahuri usãre:

—Mari pũhtorore ihñañ, ni, Jesu tiquiro yahu dutirire yahuri usãre ticoro.

Jesu tiquiro buheyequinare bajuahye

(Mt 28.16-20; Mr 16.14-18; Lc 24.36-49)

19 Ti deco domingo ñamicahapũ usã Jesu buhena usã acaye judio masare cuena, wũhũpũ biha sajã, dujii usã. Sa usã dujigũ Jesu usã watoapũ bajuadũca saro ohõ saha nidi:

—¿Ne, ijiajari mũsa? Quehnoano ijiya mũsa, nidi.

20 Sa ni tuhasa, tiquiro omocarine, tiquiro pati pahma bato gũhũre usãre ihñori. Sa yena usã tiquirore usã pũhtorore ihñana bucuei. 21 Pari turi Jesu usãre ohõ saha nidi:

—Quehnoano ijiya mũsa. Yũhũ Pacũ yũhũre tiquiro ohoriro sahata, mũsa gũhũre yee buheye buheanare ohoaja, nidi Jesu usãre.

22 Sa ni tuhasa tiquiro usãre puti peori. Sa puti peoro Espĩritu Santore usã ñehetire ihñono nidi usãre. Ihño tuhasa ohõ saha nidi:

—Yojopũ Espĩritu Santore ñehẽña mũsa, mũsa mehna ijiatiquirore. 23 Apequina tiquina ñañe yerire mũsa bogũ, sata ijieta. Sa ye apequina tiquina ñañe yerire mũsa boeragũ ti bori ijisi, nidi Jesu usãre tiquiro buhenare.

Jesure masa wijariquirore Tomasu ihñahye

24 Jesu usã watoapũ tiquiro bajuagũ Tomasu sũhdũariquiro tiquina ni pisuriquiro usã mehna mariedari.

25 Tiquiro sa mariedagũ usã mehna cjẽna tiquirore yahumedi.

—Mari pũhtorore usã ihñañ, ni yahumi usã Tomasure.

Usã sa ni yahuepegũta ohõ saha nidi Tomasu:

—Tiquiro omocarine tiquina quẽ bihari coperire ihñedagũ, ti coperire yũhũ omo piria mehna ohbe tuhueragũ “Ijirota masa wijiahya”, nisi yũhũ. Sa yegũ tiquiro pati pahma bato ijiri copere yũhũ omoca mehna siõ sũedagũ, “Ijirota masa wijiahya”, nisi yũhũ tiquirore, nidi Tomasu.

26 Ocho decori bato pari turi usã tiquiro buhena usã wũhũpũ ijii. Ti pjere Tomasu usã mehna ijiri. Ti wũhũ bihari wũhũ ijiri. Bihari wũhũ ijiepegũta Jesu wũhũpũ sajã taro, usã watoapũ bajuadũca saro ohõ saha nidi:

—¿Ne, ijiajari mũsa? Quehnoano ijiya mũsa, nidi.

27 Sa ni tuhasa, tiquiro Tomasure yahuri:

—Ihñañe yũhũ omocarine. Sa ye mũhũ omo piria mehna yũhũ omocarine tiquina quẽ bihari coperire ohbe tuhuya. Sa yegũ mũhũ omoca mehna yũhũ pati pahma bato ijiri copere siõ sũ tuhuya. “Poto ijierare”, niedacãhña. “Ijirota ijire”, niñã mũhũ, nidi Jesu Tomasure.

28 Tiquiro sa nidi bato Tomasu yũhtiri:

—Mũhũ yũhũ pũhto ijire. Yaquiro Cohãcjũ ijire mũhũ, nidi Tomasu Jesure.

29 —Yũhũre mũhũ ihñari bato yũhũre wacũ tutuare mũhũ. Apequina pehe yũhũre ihñedapeta yũhũre wacũ tutuaeta. Sa ye tiquina mũhũ yũhdũoro bucueeta, nidi Jesu Tomasure.

Jesure mari masiatire ahri pũre ojoahye Ñũ

30 Sa yero peye apeye gāhure Cohācjū tutuaye mehna ye ihñori Jesu usā mehna ijiro. Tire tiquiro yerire ahri pūpū ojoa pehoeradū yūhū.
31 Sa ojoa pehoerapegata ahri pūpū yūhū yahurire ojoaū “Jesuta Cristo Cohācjū ohoriquiro ijire. Tiquiro potota Cohācjū macano ijire”, mūsa ni masiatire. Sa yena mūsa tiquirore wacū tutuana Cohācjū mehna mūsa sa ijiducuatire ojoaū ahri pūre.

21

Jesu siete tiquiro buheyequinare bajuahye

1 Came Tiberia wame tiri ditara dūhtū cahapū usāre tiquiro buhenare Jesu pari turi bajuari tja. Usāre bajuaro ohō saha yeri tiquiro.
2 Simo Pedro, Tomasu sūhdūariquiro tiquina niniquiro, Natanae Galilea yehpapū ijiri maca, Caná wame tiri maca cjūno, apequina pūaro buheyequina, Zebedeo pohna pūana usā ohōpequinata cahmecoāū.

3 Sa usā cahmecoari bato Simo Pedro usāre ohō saha nidi:

—Wahi wejēgū wahāū niaja, nidi tiquiro.

—Usā gūhū māhū mehna wahanatja, nii usā tiquirore.

Sa ni tuhasa buhaa wahāū. Sa yena yucūsa mehna wahāū. Ti ñamine usā quehnoano wahi wejē bohreepenata ne ihcāquiro wahi wejēdadū. 4 Bohrea parī quehagū Jesu padūropū ducugū tiquirore ihñami usā. Sa ihñāepenata tiquirore ihñā masiedū usā. 5 Sa yero tiquiro pehe usāre sinituri:

—¿Ne wahi wejēajari mūsa? nidi Jesu.

—Ne wejēdabutiaga usā, ni yūhtii usā.

6 —Yucūsa poto pehe pahrē pehe doque ñoña. Tie pehe doque ñona wahi wejēnata mūsa, nidi usāre.

Tiquiro sa nigū tūhona usā tiquiro nidirota doque ñou. Usā doque ño tuhasagūta peyequina wahi sajāri. Peyequina wahi sajāgū wēñanure yucūsapū weje sāana cūedadū usā.

7 Sa yegū yūhū Jesu cahñogū Pedroro yahuu:

—Mari pūhtorota ijire siquiro padūropū ducuriquiro, nii yūhū Pedroro.

Yūhū sa nigū tūhoro Jesuta tiquiro ijigū masino, Simo Pedro tiquiro suhtirore sañari. Wahi wejēno taro tiquiro suhtirore tu weriquiro ijinidi. Tiquiro suhtirore saña tuhasa, diapū uhpu ñojoaa wahari. 8 Sa yena usā apequina buhena yucūsapū ijina, cien metro yoaro diapūre pahsaū usā. Sa yena wēñanure wahi peyequina sajādure yucūsa mehna weje nūjūāū usā. 9 Dūhtū cahapū usā wahā sagū, topū peca niti dihita asi cuñari peca ijiri. Ti peca bui tiquiro pūhō cūriquirore wahire ihñāū usā. Pā gūhure ihñāū usā.

10 Sa usā ihñagū ihñano Jesu usāre ohō saha nidi:

—Mianogā mūsa wejēdiquinare meheñequinagā ne cāhtaya, nidi usāre.

11 Tiquiro sa nigū Simo Pedro pehe Jesu mehna ijiriquiro yucūsapū sajā, wēñanure, bajūyequina wahi ciento cincuenta y tres wahi sajādure weje majari. Peyequina wahi sajāepeta wēñanure tūhrēdari.

12 —Ihyana ahtaya, nidi Jesu usāre.

“¿Noa boro ijiajari māhū?” ni sinituerū usā tiquirore. Usā pūhtoro tiquiro ijigū masii usā. 13 Sa yero Jesu peca cahapū esaro, pāre ne, usāre itiri. Wahi gūhure itiri.

14 Sa yero Jesu tiquiro masa wijiari bato padūropū bajuaro ihtia taha usāre tiquiro buhenare bajuaro nidi.

Jesu Simo Pedro mehna yahudu-cuahye

15 Usā ihyari bato Jesu Simo Pedroro sinituri:

—¿Simo Ñu macū, ahriquinare māhū cahño yahdūoro yūhure cahājari māhū? nidi Jesu Simo Pedroro.

—Pūhto, māhūre cahāja yūhū. Māhūre yūhū cahīgū masine māhū, ni yūhtiri Simo Pedro.

16—Sa yegũ ovejagãre tiquina nuno saha yeequinare buheya mũhũ, nidi Jesu.

Sa ni tuhasa pari turi tiquiro Simo Pedrore sinituri:

—¿Simo Ñu macũ, yũhũre cahĩajari mũhũ? nidi Jesu.

—Pũhto, mũhũre cahĩaja yũhũ. Mũhũre yũhũ cahĩgũ masine mũhũ, ni yũhtiri Simo Pedro.

—Ovejare cohteriquiro ovejare tiquiro quehnoano cohtero saha, yeequinare quehnoano buhe cohteya, nidi Jesu Pedrore.

17 Sa ni tuhasa pari turi Simo Pedrore sinituri:

—¿Simo Ñu macũ, yũhũre cahĩajari mũhũ? nidi Jesu tja.

Ihtia taha sa ni tiquiro sinitugũ tũhoro Simo Pedro tutuaro bũjũa witiri:

—Pũhto, mũhũ masi pehore. Mũhũre yũhũ cahĩgũ masine mũhũ, ni yũhtiri Simo Pedro.

—Ovejare tiquina nuno saha yeequinare buheya mũhũ. 18 Ijirota mũhũre niaja. Mũhũ wahmũ ijigũ mũhũ suhtire saña, mũhũ cahmediropũ tinie tiahye mũhũ. Sa yerigũ mũhũ ijiepegũta came mũhũ bũcũ ijigũ, mũhũ omocarine mũhũ siõdoqueogũ apequiro mũhũre suhtiro sãanota. Sa yero mũhũ waha dueropũ mũhũre neanota, nidi Jesu Simo Pedrore.

19 Sa nino Simo Pedrore dũhse waha tiquiro yariatire yahuro nidi. Camerũ bũcũro tiquiro wahagũ sa yeye taye niahye apequina tiquirore. Cohãcjũ yere Pedro yeri buhiri apequina tiquirore wejẽne taye niahye. Sa yero Pedro yariatire yahuro nidi Jesu. Sa ni yahu tuhasa, ohõ saha ni nemori Pedrore:

—Poto yũhũ buheriro sahata yeya mũhũ, nidi Jesu Pedrore.

Jesu tiquiro cahĩniquiro buheriquiro ahri pũre ojoariquiro ijire

20 Tiquiro sa nigũta Pedro pehe majare ihĩadoqueo, yũhũre Ñure Jesu tiquiro cahĩogũ buherigũre tiquinare yũhũ nũnũ tãgũ ihĩano

Pedro Jesure sinituri. Yũhũ pehe Pedro ihĩarigũ to pano ohõ saha nidigũ ijii. “¿Pũhto, mũhũre ihĩa tuhtiyequinare ihĩoatiquiro pehe noa boro ijiagari tiquiro?” ni Jesure siniturigũ ijii yũhũ. Ti pjere Jesu tiquiro pari paha ihya dũjii yũhũ. Sa yero yũhũre ihĩano Pedro Jesure sinituri:

21 —¿Pũhto, ahriquiro pehe dũhse waharotari? ni sinituri.

22 —Tire mũhũre yahueraja. Ahri yehpapũ yũhũ tojoa tato pano ahriquirore ijiducugũ yũhũ yeatire masiedare mũhũ. Sa yegũ mũhũre yahueraja. Poto yũhũ buheriro sahata yeya mũhũ, nidi Jesu Pedrore.

23 Tire tiquiro yahurire ijipihtiyequina Jesu yequina tiquina basi yahu sitemedi. Tire yahu siteye ohõ saha nimesi tiquina pehe: “Jesu tiquiro cahĩniquiro buheriquiro yariasi”, ni yahu sitemedi yũhũre Jesu yequina tiquina basi. Tiquina sa niepegũta “Tiquiro yariasi”, nino niedari jimedi Jesu. “Ahri yehpapũ yũhũ tojoa tato pano ahriquirore ijiducugũ yũhũ yeatire masiedare mũhũ. Sa yegũ mũhũre yahueraja”, nidi Jesu Pedrore.

24 Jesu buherigũ ahrire yahurigũ, ahri pũre ojoarigũ ijiaja yũhũ. Sa yena ahri yũhũ yahuye poto ijigũ masiaja mari.

25 Peye apeye gũhũre Jesu yeri. Tiquiro yerire mari ojoa pehogũ ti pũri ojoari pũri peye waro wahaboaga. Sa ye ti pũrine mari ihbogũ esa tuhaeraboaga ahri yehpa. Wahpaa wahaboaga, yũhũ tũhotugũ. To puno tjire.

Jesu buhe dutiro tiquiro cūriquina tiquina yerire yahuri pū ijire

—*Espíritu Santo ahtarota, niahye ahri pūre ojoariquiro*

¹⁻² Teófilo, ahri quitire mähure ojoagu niaja. To pano yähü oja mähitari pūre Jesu yerire, tiquiro buheyere mähure yahu tuhasa. Tee ühmüsepü tiquiro mäjariire yähü yahu bato tii. Jesu tiquiro mäjato pano Espíritu Santo tutuaye mehna dutiahye tiquiro bese cūriquinare. ³ Sa ye Jesu curusapü tiquiro yariari bato ihquē tahari pagü tiriquiro bajahye tiquiro cūriquinare. Cuarenta decori bato bajua bato tiahye. Sa yero tiquiro basi catiriquiro ijyere ihñoahye tiquinare. Sa bajoaro mari Pacü tiquiro pühtoro ijyere quehnoañe buheyere yahuahye tiquinare.

⁴ Jesu tiquiro cūriquina mehna ijinino tiquinare ohō saha ni yahuahye:

—Jerusalēpüta ijiniña yojopüre. “Espíritu Santore müsare ohogütja”, yähü Pacü tiquiro nidiquirore cohteniña. Tire tiquiro nidire müsare yahuu yähü. ⁵ Ñu müsare wame yero aco mehna wame yemedi. Yähü pehe ti yühdüoro yeitja müsare. Mehenogā bato Espíritu Santore müsare mehna ijdüügü yeitja müsare, niahye Jesu.

Jesu ühmüsepü mäjaa wahahye

⁶ Sa ye ape taha cünüpü Olivo wame tidüpü Jesu tiquinare tiquiro bajuagü ihñañe tiquina sinituahye tiquirore:

—¿Pühto, Israe yehpare tiquina ehmarie yehpare dühse ijigü üsäre pari turi cügütjari mähü? ¿Dühse ijigü mari acaye warore pühtoro sögütjari mähü? niahye tiquiro yequina.

⁷ Tiquina sa nigü tühoro Jesu ohō saha niahye:

—Mari Pacü dihita ti decore müsare ya yehpare müsare quehnoano ijiatire cū masine. Ti decore müsare masino basioerare. ⁸ Sa masiedapenata müsare Espíritu Santo tiquiro wihigü Cohäcjü ye tutuayere cüonata müsare. Tiquiro ye tutuayere müsare cüona Jerusalē cjēnare, ijipihtiyequina Judea yehpa cjēnare, Samaria yehpa cjēnare, sa ye ijipihtiye yehpari cjēnare quehnoañe buheyere buhenata müsare. Yähü yariarire, yähü masa mäjariire tiquinare buhenata müsare, ni yahuahye Jesu tiquinare.

⁹ Sa ni yahu tuhasa, Jesu ühmüsepü mäjaa wahahye. Tiquina tiquirore ihña nünü tã müogüta ehmeo curua puhiapü sajã, buti mäjaa wahahye.

¹⁰ Sa ye tiquina Jesu mäjariquirore tiquina ihña müori watoa püaro angele yehseye suhti sañañequina Jesu tiquiro cūriquina watoa bajuadüca sahye. ¹¹ Sa ye tiquinare ohō saha niahye:

—¿Müsare Galilea cjäna, dühse ijiro boro ihña müoducuna nijari müsare? Ahriquiro Jesu ühmüsepü mäjariquiro, tiquiro mäjariro saha ahtarota, ni yahuahye angele.

Jesu cūriquina Juda münanore comesatiquirore beseahye

¹² Sa ye Jesu yequina cünüpü Olivo wame tidüpü ijiriquina dijia ta, Jerusalēpü tojoa sahye. Tü cünüpüre ihcã kilómetro yühdüo cjüno yoaro ijiahye Jerusalē dühtü cahapüre.

¹³ Tojoa sa, ühmüanopü tiquina ijiri tucüpü mäjaa wahahye. Ahriquina ijiahye: Pedro, Ñü, Santiago, Andre, Felipe, Tomasu, Bartolomé, Mateo, Santiago, Simo, Juda ijiahye. Santiago pehe Alfeo macüno ijiahye. Simo pehe celote wame tiri curua cjäno ijimediquiro ijiahye. Juda pehe Santiago acayüro ijiahye. ¹⁴ Peye tahari ahriquina ijipihtiyequina, numia mehna, María Jesu pacoro mehna, Jesu bahana mehna quehnoano cahmecoa, tutuaro mehna mari Pacüre sinie tiahye.

¹⁵ Sa ye ti decorire masa peyequina cahmecoahye. Ciento veinte ijiye iji-boaya. Sa yero Pedro pehe tiquiro mehna cjēna Cristo yequina watoa ducu, yahuahye tiquinare:

¹⁶ —Yuhū acaye, Cohācjū panopū tiquiro nidiro sahata waharo nidi. Tire Espiritu Santo Davire yahu dutiahye Juda mūnanore. Juda mūnano Jesure ñeheatiquinare ihñoriquiro ijiri. ¹⁷ Sa yeatiquiro ijieperota mari mehna Jesu yere yeriquiro ijimedi. Sa yero usā mehna cjānota ijimedi, niahye Pedro.

¹⁸ Jesure ihño dutiye tiquina wapa yerire Juda mūnano pehe wiari bato tiquiro basita wejē yariaa wahahye. Sa yero boraa waha, tiquiro cūhta misi da tūhnua waha, yariaa wahahye. Tiquiro wiari mehna apequina mehenogā yehpare dúahye. ¹⁹ Ijipihtiequina Jerusalē cjēna masi pihti cāri jiri Juda mūnano tiquiro ñano yerire. Sa masiñe tiquiro ye niñeru mehna tiquina dúri yehpare Acéldama wame yeri jiri tiquina ye yahuducuye mehna. Acéldama niñe, “Dii yehpa”, niñe nine. ²⁰ Came ohō saha ni nemoahye Pedro:

—Panopū tiquina ojoariro sahata sa wahari Juda mūnano. Salmo tiquiro ojoari pūpū ohō saha ni ojoahye:

Tiquiro wūhū cohōri wūhū ijiahro. Sa ye apequina ti wūhūre ijier-acāhdo, ni, ojoahye.

Ohō gūhūre ohō saha ni ojoahye:

Apequiro tiquiro dahrayere comesariquiro ijirota, ni, ojoahye Salmopū.

²¹⁻²² 'Sa yena mari ihcāquiro beseihna. Ñu wame yeriquiro mūnano masare tiquiro buheri watoa ihquēquina Jesu yequina mari mehna wahari. Tiquina mehna cjūnore ihcāquiro bese neno cahmene mari mehna cjūno ijiatiquirore. Jesu mehna mari ijigū mari mehna sa ijiducuriquirore besero cahmene. Sa mari beseri bato Jesu tiquiro masa mūjarire mari mehna buherota, ni

yahuahye Pedro tiquiro acayere Cristo yequinare.

²³ Tiquiro sa nigū tūhoye pūarore bese bocahye tiquina. Ihcāquiro José Justo wame tiriquirore beseahye. Tiquiro Barsaba tiquina ni pisuriquiro ijiahye. Sa ye apequirore Matia wame tiriquirore beseahye. ²⁴⁻²⁵ Tiquinare bese boca tuhasa, tiquina mari Pacūre ohō saha ni siniahye:

—Mūhū usā pūhto, ijipihtiequina masa tiquina tūhotuyere masine. Ahriquina pūaro usā beseriquina ijire. Juda mūnanore comesatiquirore diquiro mūhū cahmeniquirore beseya. Jesure cohātjiano Juda mūnano pehe pecapū wahahye. Tiquirore comesariquiro Jesu tiquiro cūriquiro ijirota. Sa yero usā mehna quehnoañe buheyere buherota, niahye tiquina mari Pacūre.

²⁶ Sa niñeta Juda mūnanore comesatiquirore beseye tehe utā paca mehna doque cū mūjahye “Noa pehe sajānotari”, niñe. Matia tiquiro quehnoano wijiagū, tiquiro pehe Jesu cūriquina once cūriquina mehna cjūno tojoahye.

2

Espiritu Santo Jesu yequina mehna iji dūcahye

¹ Sa ye Pentecoste wame tiri deco ijigū tiquina ijipihtiequina ihcā wūhūpū cahmecoahye. ² Ti pjereta wihnono tutuaro wēno saha ūhmūanopū bisiro ca tahye. Sa bisiro ca tagū tūhoahye ijipihtiequina ti wūhūpū ijiriquina. ³ Sa ye peca pohna yero saha ijiye tiquina ijipihtiequina dapu paca bui bajuahye. Ti peca pohnarigā ñehmeno yero saha bajuahye. ⁴ Sa yero Espiritu Santo wihiahye tiquinare tiquiro tutuayere ohoro taro. Espiritu Santo tiquinare yedohoro puno tiquina pehe apequina ye mehna quehnoano yahuducuahye.

⁵ Ti decorire Jerusalēpū peyequina judio masa ijiahye. Mari Pacūre

ño peoyequina ijiahye. Tiquina macaripe cjēna ijiahye. ⁶ Sa ye ʰmʰsepʰ bisigū tʰohoye Jesu buheyequina cahapʰ peyequina cahme-coahye. Masape ye yahuducuyere Jesu buheyequina tiquina yahuducugū tʰhoahye. Sa tiquina yahuducugū tʰohoye, tiquina tʰho maria wahahye.

⁷⁻⁸—Ahyou, ¿Dʰhse yeye ahriquina Galilea cjēna ijiepetā quehnoano mari yere yahuducujari? Tiquina mari masa bajariropʰ ahtariquina yero sahata yahuducuye ca tare, niahye tiquina pehe.

⁹⁻¹⁰ —Ijipihtiequina mari yere yojopʰare yahuducuye nine: Partia cjāna, Media cjāna, Elā cjāna, Mesopotamia cjāna, Judea cjāna, Capadocia cjāna, Ponto cjāna, Asia cjāna, Frigia cjāna, Panfilia cjāna, Egipto cjāna, Libiapʰ ijiye macaripʰ Cirene cahapʰ ijina, Romapʰ ahtarina ijiaja mari. Ihquēquina judio masa ijiaja mari. Apequina mari judio masa ijiena, judio masa ye buheyere buhenapʰ ijiaja mari. ¹¹ Creta cjēna gūhʰ, Arabia cjēna gūhʰ ijire mari mehna. Sa yena ahriquina mari yere tiquina yahuducugū tʰhoaja mari. Tiquina mari ye mehna Cohācjū tutuaye mehna tiquiro yerire yahuye nine, ni yahuducuahye masa tiquina basi.

¹² Sa niñeta tiquina tʰho acʰaa waha, tiquina ihñarire tiquina tʰhorire quehnoano masiedahye.

—¿Ahri dʰhse ijiro boro ahriquina apequina ye mehna Cohācjū yere sa quehnoano yahuducujari, mʰsa tʰhotugū? ni cahme sinituahye tiquina basi.

¹³ Tiquina sa ni tʰhotuepegūta apequina tiquina mehna cjēna bujʰpeahye:

—¿Dʰhse ahriquina sihbiori sihni, queheye niajari? ni bujʰpeahye apequina tiquina basi.

Pedro masare yahuahye

¹⁴ Sa yero Pedro once Jesu cūriquina mehna ducu, masare yahuahye:

—Mʰsa Judea yehpa cjāna, ijipih-tina Jerusalēpʰ ijina, ahrire masiña mʰsa. Yʰhʰ yahugū tʰhoya mʰsa. ¹⁵ Mʰsa tʰhotuye poto ijierare. Yojopʰata nueve hora ijire. Sa ye ahriquina queherare. ¹⁶ Ahriquina Cohācjū panopʰ tiquiro nidiro sahata yeye nine. Ti pjepe Joere Cohācjū yere yahu mʰhtariquirore, ahrire yahu dutiahye Cohācjū pehe:

¹⁷ Iji bato tiye decori ijigū ohō saha ijirota: Yaquiro Espiriture masare ijipihtiequinare ohogutja. Sa ye mʰsa pohnapʰ yeere yahueta. Sa ye mʰsa mehna cjēna wahma pjia bajumehneñene ihñæta. Sa ye mʰsa mehna cjēna bucʰna quehēnopʰ quehēeta. ¹⁸ Sa yegʰ yʰhʰ cahacjēnare, yʰhʰ cahacjēna numia gūhʰare yaquiro Espiriture ohogutja. Sa ye tiquina yahueta yeere. ¹⁹ Sa yegʰ yʰhʰ tutuaye mehna bajumehneñene ye ihñogutja ʰmʰanopʰ. Yehpapʰ gūhʰare yʰhʰ bajumehneñene ihñogutja: Diire, pecare, peca ohmeore ihñogutja. ²⁰ Sa yero asū deco cjūno nahitiaa waharota. Ñami cjūno dii yero saha sohāriquiro comesarota. Ohō saha waharota Cristo mʰsa pʰhtoro tiquiro ahtati deco, yʰhʰ nidi deco pano. Ti decopʰ ihñæ maria wahaeta masa. Sa yero ihyo ijiri deco ijisi. Ti deco quehnoari deco ijirota. ²¹ Sa yero ohō saha ijirota. Ijipihtiequina masa Cristore tiquina ñañene cohā duti siniñequinare tiquiro tiquinare pecapʰ wahaboriquinare yʰhdʰorota, nine Cohācjū, ni ojoahye Joel.

²² Mʰsa Israe masa yʰhʰ yahugū tʰhoya: Jesu Nazare cjūno pehe Cohācjū ohoriquiro ijiri. Jesure tiquiro ohorire masa tiquina masiato saha tiquiro tutuaye mehna ye ihñori mʰsare. Mʰsa tire masine. ²³ Jesure ohori mʰsare apequiro. Panopʰ

Cohãcjũ “Sa waharota”, tiquiro nidiro sahata sa yeri apequiro. Sa yena m̄sa Jesure curusap̄ wejẽ dutiri masa ñañequinare. ²⁴ Cohãcjũ pehe Jesure yariariquiro m̄nanore masori. Pari turi ne yariasi tiquiro. Tiquiro yaria dojoerare. Sa catiducuatiquiro ijire. ²⁵ Ohõ saha niahye Davi panop̄ cjũno Cristo tiquiro niboriro sahata:

Yũhũ p̄hto, yũhũ mehna ijire m̄hũ. Ijipihtiye decori Cohãcjũ yũhũ p̄hto yũhũ caha m̄hũ ijigũ ihñae tii yũhũ cuerato saha. ²⁶⁻²⁷ M̄hũ Cohãcjũ yũhũ jeripohnare yariayequina tiquina ijirop̄are ne cohãsi. Yũhũre ñanop̄ yũhũ jeripohnare cohãsi m̄hũ. Yũhũ m̄hũ cahacjũ m̄hũre ño peoḡ ijiaja. Yũhũ paḡare ahba dutisi m̄hũ. Sa yeḡ tutuaro bucueaja. Bucueye mehna yahuducuaaja. Sa yeḡ m̄hũre Cohãcjũre quehnoano wacũ tutuaḡ ijiḡ cuero marieno quehnoano iji cjã. ²⁸ Yũhũre pari turi catigũ yeḡta m̄hũ. Yũhũ mehna m̄hũ ijigũ tutuaro bucueaja, ni, ojoahye Davi m̄nanao Cristo tiquiro niboriro sahata.

²⁹ 'Acaye, ohõ saha quehnoano yahuḡtja m̄sare Davire mari acayuro, panop̄ cjũnore. Tiquiro yariaa wahahye. Sa yero tiquirore tiquina yari cope yojop̄are ijire. Sa yero “Yũhũ paḡare ahba dutisi m̄hũ”, ni ojoaro tiquiro basi wame peo yahuro niedahye. ³⁰⁻³¹ Panop̄ Cohãcjũ Davi m̄nanore ohõ saha niahye: “Poto niita niaja. M̄hũ panamena iji turiayequina mehna cjũno m̄hũ yero saha ahri yehpa cjẽna p̄htoro ijirota”, niahye Cohãcjũ Davire. Davi Cohãcjũ yere yahu m̄htariquiro ijiahye. Sa yero Cristore Cohãcjũ tiquiro p̄htoro s̄otire masino, Cristo tiquiro masa m̄jatire yahu m̄hta tuhasahye Davi pehe. Ohõ saha niahye: “Tiquiro yariayequina ijirop̄are iji dojoasi.

Tiquiro paḡ top̄ ahbasi”, niahye Davi. ³² Ahriquiore Jesure Cohãcjũ masori. Ûsã ijipihtina ihñau. ³³ Cristo mari Pac̄ poto pehep̄ ijire dutiriquiro ijiro. Sa yero tiquiro Pac̄ro “Esp̄ritu Santore yehpap̄ ohoḡtja”, niahye tiquirore. Sa yero Cristo pehe ahriquinare Esp̄ritu Santore ohori. Yojop̄are Esp̄ritu tiquiro yeyere m̄sa ihñana nine. Sa yena m̄sa t̄hore. ³⁴ Davi m̄nanao pehe Jesu tiquiro m̄jariro sahata uhm̄sep̄ m̄jaedahye. Sa yero tiquiro basi ohõ saha niahye:

Cohãcjũ nidi yũhũ p̄htoro: “Yũhũ poto pehep̄ dujiya m̄hũ. ³⁵ M̄hũre ihñã tuhtiyequinare m̄hũre yãhd̄d̄ca basautja yũhũ”, nidi Cohãcjũ yũhũ p̄htoro, niahye Davi m̄nanao.

³⁶ 'Sa yena ijipihtina Israe masa ahrire quehnoano masiña m̄sa: Ahriquiore Jesure m̄sa curusap̄ wejẽdiquirore m̄sa p̄htoro s̄ori Cohãcjũ pehe. Tiquirore m̄sare yãhd̄oatiquirore Cristore c̄uri Cohãcjũ, ni yahuahye masare Pedro.

³⁷ Tiquiro sa nigũ t̄hoye tutuaro buj̄aa witiye, cueye masa pehe Pedro ḡhũre sinituahye:

—¿Ûsã acaye, d̄hse yenatari usã? ni sinituahye tiquina.

³⁸ Tiquina sa ni sinitugũ yãhtiahye Pedro ḡhũ:

—M̄sa ñañe yeyere buj̄aa witina ijiya. Quehnoañe pehere comesaya. Sa yena Jesu wame mehna wame yenohrina ijiya m̄sa ijipihtina. M̄sa sa yegũ m̄sa ñañene borota Cohãcjũ. M̄sa sa yegũ Esp̄ritu Santo m̄sa mehna ijirota. Cohãcjũ yaquiore Esp̄ritu Santore sa oho cãnota m̄sare. ³⁹ M̄sare, m̄sa pohnare, m̄sa panamena iji turiayequinare, yoarop̄ cjẽnare, ijipihtiyequina Cohãcjũ mari p̄htoro tiquiro beseriquinare, “Potota yãhd̄oḡtja m̄sare”, ni, c̄uahye Cohãcjũ, niahye Pedro.

40 Sa ni tuhasa peye yahu nemoahye tiquiro. Sa yero tutuaro mehna yahuahye tiquinare:

—Ahri yehpa cjēnare tiquina ñano yeri buhirire buhiri dahrerota Cohācjū. Sa yena mūsa pehe Cohācjū yequina ijiya. Mūsa sa ijigū tiquiro mū sare buhiri dahresi, niahye Pedro masare.

41 Tiquiro sa nigū tūhoye peye-quina tiquiro yahuducuyere quehnoan tūhoahye. Sa yero tiquinare tiquiro wame yeahye. Sa ye Cohācjū yequina mehna cjēna tres mil masa waha nemoahye. 42 Sa ye tiquina masa Cristo cūriquina mehna decoripe ijie tiahye. Sa ye tiquina ti buheyere decoripe tūhoe tiahye. Tiquina ihyayere cahme iti, Cohācjūre sini, Cristo cūriquina mehna quehnoano ijie tiahye.

Jesu yequina coã iji ducayequina tiquina ijiye tiyere yahuahye

43 Sa ye Cohācjū tutuaye mehna ye ihñoahye Jesu cūriquina. Tiquina sa yegū ihñañe masa ijipihtiyequina ihña maria wahae tiahye. 44 Sa ye ijipihtiyequina Jesure wacū tutuayequina cahmecoa, quehnoano ijie tiahye. Sa ye tiquina yere cahme itie tiahye. 45 Tiquina yere dua, ijipihtiyequinare apee boro marieñequinare tiquinape ohoe tiahye tiquina. 46 Sa ye decoripe tiquina Cohācjū wūhūpū cahmecoae tiahye. Ijipihtiyequina tiquina ye wūhūsepū bucueye mehna cahmecoa, ihyae tiahye. 47 Tiquina sa cahmecoa, “Cohācjū quehnoariquiro ijire”, ni ño peoe tiahye. Sa ye apequina masa tiquinare cahme yūhdūe tiahye. Sa yero decoripe Cohācjū apequinare tiquiro yequina wahagū yee tiahye.

3

Tini masieniquirore yūhdūoahye mari Pacū

1 Namicahapū tres ijigū Cohācjū mehna yahuducuri pje ijigū Pedro, Ñu mehna Cohācjū wūhūpū wahaye

niahye. 2 Decoripe ti wūhū cjā sopecaha quehnoari sopecaha wame tiri sopecahapū apequina ihcāquiro masūnore ne cāhta, duhu dapoe tiahye. Tiquiro masūno pehe wahma masa bajaropūta tini masiedahye. Sa yero tiquiro ti sopecaha caha niñerure sini dujie tiahye ti wūhūpū sajāñequinare. 3 Sa ye Pedro, Ñu mehna ti wūhūpū tiquina esadūcagū tini masieniquiro pehe tiquinare ihña, niñerure siniahye. 4 Sa ye Pedro gūhū tiquirore ihña, Pedro pehe ohō saha niahye:

—Ūsāre ihñaña mūhū, niahye Pedro tiquirore.

5 Tiquiro sa nigū tūhoro “Ahriquina mehenogā yūhūre niñerure ohoeta”, ni tūhoturo ihñadoque ohō, tūhoahye tiquinare. 6 Tiquiro sa ni tūhotuepegūta Pedro tiquirore ohō saha ni yahuahye:

—Niñerure cūoeraja yūhū. Cūoerapeita, ahrire yeitja mūhūre. Jesucristo Nazare cjāno tiquiro tutuaye mehna tiniña mūhū, niahye Pedro tini masieniquirore.

7 Sa ninota tiquiro omocare poto pehe cjā omocare ñehe, tiquirore weje wahcō docoahye. Ti pjeta tini masieniquirore tiquiro ñecari tutuaa wahahye. 8 Tiquiro sa wahari bato tiquiro wahcādūca sa, waha dūcahye. Sa yero tiquiro waha, uhpū maa, “Cohācjū quehnoariquiro ijire”, ni bucueahye. Sa bucuerō tiquina mehna Cohācjū wūhūpū sajā wahahye. 9 Tiquiro sa tinigū “Cohācjū quehnoariquiro ijire”, tiquiro nigū masa ijipihtiyequina tiquirore ihñahye. 10 Sa ye masa tiquirore ihña masiahye. Tiquiro Cohācjū wūhū cjā sopecaha quehnoari sopecaha caha niñerure tiquiro sini dujirire masiahye masa. Sa ye tiquiro tinigū ihñañe, ihña maria wahahye.

Cohācjū wūhūpū Pedro masare buheahye

11 Sa ye tini masieniquiro Pedro gūhūre tiquiro ñeheni watoa, masa ijipihtiyequina ihña maria waha,

quehnoari paap_u Salomo wame tiri paap_u oma cã, cahmecoahye. ¹² Tiquina sa cahmecoari bato Pedro pehe yahuahye tiquinare:

—¿Musa Israe masa, dahse yena ahriquiore ihña mariajari? ¿Dahse yena usãre musa ihña nunajari? Usã pehe usã ye tutuaye mehna Cohãcjũre usã wacũ tutuaye mehna usã esa tuharo ahriquiore tinigũ yer_u usã. ¹³ Abrahã, Isaac, Jacob mari ñecusumua panop_u cjẽna Cohãcjũre ño peoe tiahye. Tiquiro Cohãcjũ pehe tiquiro cahacjũnore Jesure tutuariquiore, quehnoariquiore tiquiro ijigũ musare ihñoe tiri. Musa Jesure tiquirore ihña tuhtiequinare ohori. Sa yena Pilato tiquirore peresu wio duepegũta musa pehe tiquirore wiogũ cahmedari. Pilatore Jesure ohori musa. ¹⁴ Pilato tiquirore wio duamedi. Tiquiro sa wio duepegũta musa Jesure quehnoariquiore, quehnoano yeriquirore cahmedana, apequiore masa wejẽdiquiro pehere wio dutiri musa. ¹⁵ Sa yena Jesure marine catigũ yeriquirore wejẽdi musa, usã acaye judio masa. Tiquiro yariagũ Cohãcjũ tiquirore masori. Tire usã ihña. ¹⁶ Sa yena usã tiquirore wacũ tutuana ijiaja. Usã sa wacũ tutuagũ ihñano ahriquiore musa yojop_u ihñariquiore musa ihña masiniquirore Jesu pehe tiquiro tutuaye mehna tinigũ yeri.

¹⁷ Yuh_u acaye, mari pũhtoa mehna Jesure quehnoano masiedapenata tiquirore wejẽdi musa. Tire masiaja yuh_u. ¹⁸ Sa ye panop_u cjẽna Cohãcjũ yere yahu mahtariquina Cohãcjũ tiquinare tiquiro yahu dutiriro sahata yahuahye tiquina. “Cristo ñano yuhdũrota”, ni yahuahye tiquina. Tiquina sa ni yahuriro sahata sa wahari yojop_ure. ¹⁹ Sa yena yojop_ure musa ñaño yerire bujua witina ijiya. Quehnoaño pehere comesaya. Cristore wacũ tutuaya. Sa yero musa ñaño yerire borota Cohãcjũ. Sa yero musare bucueye decori cũnota tiquiro. Sa yena quehnoano jeri sajãnata. ²⁰ Sa yero Cohãcjũ Cri-

store tiquiro beseriquirore musare ohorota. Cristo Jesuta ijire. ²¹ Cohãcjũ cahap_u iji nine Jesu. Panop_u Cohãcjũ tiquiro yere yahu mahtariquinare yahuyu dutiahye. Masare ahri yehpa gũhare tiquiro yeatire yahuyu dutiahye. Sa yero tiquiro yahuriro sahata yojop_ure ijipihtiyere quehnono nine. Quehno tuhasaro pari turi Cristore ahri yehpap_u ohorota. ²² Moise tire yahuro ohõ saha niahye: “Mari mehna cjũnore mari acayurore Cohãcjũ yere yahu mahtariquiore Cohãcjũ mari pũhtoro ohorota musare. Yuhare tiquiro ohoriro saha ohorota tiquiro gũhare. Sa yena musare tiquiro yahugũ tũho pihti cãhña musa. ²³ Ohõ saha ijirota. Ijipihtiequina tiquirore tũhoerariquinare, tiquiro dutiyere yerariquinare tiquiro cohãnota. Cohãcjũ yequina mehna cjẽna ijisi tiquina”, niahye Moise.

²⁴ Ijipihtiequina Cohãcjũ yere yahu mahtariquinape Samuel, tiquiro bato ijiyequina gũh_u ahri decorire yahuahye. ²⁵ Mari ñecusumua panop_u cjẽnare yahuahye Cohãcjũ. Mari gũhare sa ni yahuro niahye. Abrahãre tiquiro nidiro sahata mari gũhare ni yahuro niahye. Ohõ saha ni yahuahye Cohãcjũ Abrahãre: “Ijipihitiri yehpa cjẽnare quehnoano yeitja. Ohõ saha tire yeitja: Camep_u iji nunu tãriquiore muh_u acayuro pehe masare quehnoano ye basarota yuhare”, niahye Cohãcjũ Abrahãre. ²⁶ Sa yero Cohãcjũ tiquiro macunore mari cahap_u oho mahtari mari ñaño yeyere duhu dutiatiquirore. Sa yero marine tiquiro quehnoano yeri, niahye Pedro tiquinare.

4

Pedro, Ñu mehna pũhtoare yahuducuahye

¹⁻³ Masa mehna tiquiro yahuducuri watoa pahia, Cohãcjũ wuhare cohteyequina surara pũhtoro, saduceo masa gũh_u tiquinare tũhoahye. Ohõ

saha ni buheahye Pedro Ñu mehna masare:

—Jesu tiquiro yariari bato masa mɔjaa wahari. Tiquiro sa masagũ ihñana mari gũhɔ came mari tiquiro yequina mari masa mɔjatire masiaja mari, ni yahuahye Pedro gũhɔ.

Tiquina sa nigũ tũhoye pũtoa pehe tiquina mehna usuahye. Sa usuaye nahi quehagũ ihñañe tiquina Pedroro, apequina Jesu cũriquina gũhɔre ñehe, peresu yeahye. ⁴ Pũtoa tiquina sa cahmedapegũta peyequina Cohãcjũ yere tũhoyequina pehe “Ijirota ijire”, ni tũhotuahye. Sa ye Jesu yequina peyequina sajãhye. Tiquinare ɔmɔa seh sarore mari queogũ Jesure wacũ tutuayequina cinco mil masa ijiahye.

⁵ Sa ye ape decopɔ ti maca cjẽna pũtoa, bɔcɔna, judio masa buheyequina mehna Jerusalẽpɔ cahme-coahye. ⁶ Sa yero pahia pũtoro, Anás wame tiriquiro topɔ ijiahye. Tiquiro acaye gũhɔ ijiahye. Caifa, Ñu, Alejandro, apequina mehna Anás acaye gũhɔ ijiahye. ⁷ Sa ye tiquina Pedro gũhɔre tiquina cahmedoqueogũ, surara pehe pũtoa watoapɔ tiquinare ne wihi docoahye. Tiquina sa yeri bato pũtoa sinituahye Pedro gũhɔre:

—¿Noa ye tutuaye mehna mɔsa tiquirore tinigũ yeari? ¿Noa ijiajari mɔsare tire ye dutiriquiro? ni, sinituahye tiquina.

⁸ Tiquina sa nigũ tũhoro Espiritu Santo tutuaye mehna yahuahye Pedro tiquinare:

⁹ —¿Mɔsa pũtoa, mɔsa bɔcɔna, ɔsã tini masieniquirore quehnoa wahagũ ɔsã yerire sinituna niajari mɔsa? ¹⁰ Ahrire masiña mɔsa ijipih-tina, Israe masa. Ahrire Jesucristo sa yeri. Jesu Nazare cjãno, mɔsa curusapɔ wejẽdiquiro, Cohãcjũ tiquiro masoriquiro pehe ahriquiro tini masieniquirore quehnoa wahagũ yeri. Sa yena ahriquirore yojopɔre mɔsa ihñonopɔ tiquiro tinigũ ihñare mɔsa. Ohõ saha nine Cohãcjũ yere tiquina ojoari pũpɔ Cristore yahuro:

¹¹ “Ahriquiro ɔtã yero saha ijiriquiro ijire. Ʋtãre wũhɔ dahreatiquina tiquina cohãno saha masa tiquirore cohãri. Tiquina sa yepegũta yojopɔre wũhɔ dahreriquina wũhɔre yeye tiquina cũ mũhtari ɔtãre tiquina cũno saha Cohãcjũ tiquirore pũtoro sõri. Tiquiro Cristo pehe mariedagũ Cohãcjũ yequina wahaeraboaya masa. Tiquiro sa ihyo ijiriquiro ijierapegũta mɔsa mari pũtoa mehna tiquirore cahmedari. Mɔsa sa cahmedapegũta Cohãcjũ pehe tiquirore mari pũtoro sõri”, ni ojoahye panopɔre. ¹² Ne, apequiro masare pecapɔ wahaboriquinare yũhdɔoriquiro ne mariedare. Ahri yehpapɔre Jesu dihita masare yũhdɔoriquiro ijire. Ne apequina tiquiro yero saha ijieyequina ne mariedare, ni yahuahye Pedro tiquinare.

¹³ Tiquiro sa ni yahuri bato Pedro, Ñu mehna buhemehneñequina tiquina ijigũ ihñañe, cuero marieno tiquina buhegũ ihñañe, pũtoa, bɔcɔna, judio masa buheyequina mehna tũho maria wahahye. Sa ye Jesu yero saha tiquina buhegũ ihñañe, ohõ saha masiahye tiquina: “Pedro, Ñu gũhɔ potota Jesu mehna cjẽna ijire ahriquina”, ni, masiahye tiquina. ¹⁴ Sa yero tini masieniquiro ijimediquiro Pedro gũhɔ mehna ijiahye. Tiquiro quehnoariquiro ijigũ ihñahye pũtoa, bɔcɔna, judio masa buheyequina mehna. Sa ye tiquina Pedro gũhɔre “Ñano yeye nine”, ni yahusã masiedahye. ¹⁵ Sa yahusã masiedaye, pũtoa tiquina cahmecoari tucũpɔ ijieyequinare Pedro gũhɔre wijia dutiahye. ¹⁶ Tiquina wijiari bato tiquina basi ohõ saha ni yahuducuahye:

—¿Ahriquinare dũhse yenatari mari? ni, yahuducuahye tiquina.

Ohõ saha ni yahuducu nemoahye:

—Pedro, Ñu mehna Cohãcjũ tutuaye mehna tini masieniquirore tinigũ yeri jiri. Sa ye Jerusalẽ cjẽna ijipih-tiequina tiquina sa yerire

masidi. Sa yena mari pehe “Sa yerari tiquina”, ni masiedaja mari. ¹⁷ Sa yena Jesu tiquiro buherire apequinare buhe dutieracãhna tiquinare, “Apequina ti buheyere cahmeari”, nina, ni yahuducuahye tiquina basi.

¹⁸ Sa ni yahuducu tuhasa Pedro gãhare pijio, ohõ saha niahye:

—Jesu tiquiro buherire ne buher-acãhña apequinare. Tire ne yahuducueracãhña, nimahye tiquinare.

¹⁹ Tiquina sa nigũ tãhoye Pedro, Ñu mehna ohõ saha niahye tiquinare:

—Musa ohõ saha nigũ musare yãhtina, Cohãcjũ pehere yãhduducana niboaga usã. ¿Noa pehere usã yãhtigũ cahmeajari musa? ¿Musa pehere usã yãhtigũ cahmeajari musa? ¿O Cohãcjũ pehere usã yãhtigũ cahmedajari musa? ²⁰ Usã pehere usã ihñarire, usã tãhorire usãre nũono basioerare, ni yãhtiahye Pedro, Ñu mehna.

²¹ Tiquina sa nigũ tãhoye pãhtoa pehe pari turi dutimahye tiquinare tja:

—Jesu tiquiro buherire musa buheri buhiri ñano yãhdunata musa, nimahye pãhtoa tiquinare.

“Ñu, Pedro mehna ñano yeye nine”, ni masiedari jiri tiquina. Sa ye masa pehe tini masieniquiro tiquiro yãhdugũ ihñañe, “Cohãcjũ potota quehnoariquiro ijire”, niahye masa. Tiquina sa nigũ tãhoye pãhtoa pehe Pedro gãhare buhiri dahre masieda, tiquinare wioahye. ²² Tini masieniquiro, tiquina yãhdoriquiro cuarenta cahmari cãoriquiro ijiahye.

Jesu yequina tiquina cueratire sini-ahye Cohãcjũre

²³ Sa ye Pedro, Ñu mehna tiquina mehna cjẽna cahapũ esa, pahia pãhtoa, bũcũna tiquinare tiquina nidire yahuahye. ²⁴ Tiquina sa nigũ tãhoye tiquina ijipihtiyequina mari Pacũre Cohãcjũre siniahye:

—Usã pãhto, mũhũ ãhmũsere, yehpare, mãri gãhare yerigũ, ijip-ihtiyequina catiyequinare yerigũ ijire mũhũ. ²⁵ Mũhũ yaquiro Espĩritu

Santo usã ñecũ munano Davire mũhũ cahacjũnore ahrire yahu dutiahye mũhũ nidiro sahata:

¿Dũhse ye Israe masa ijieyequina usuajari? Tãho masieñequina ijire masa. ²⁶ Peye yehpari cjẽna pãhtoa cahmecoa, mari pãhoro Cohãcjũre, tiquiro pãhoro sãriquiro Cristo gãhare ihña tuhti, ñano ye duare tiquinare, ni yahu dutiahye mũhũ Davire panopare.

²⁷ Sa tjire. Ahri macapũ Herode, Poncio Pilato, judio masa ijieyequina, judio masa mehna mũhũ beseriquirore Jesure quehnoariquiro mũhũ cahacjũnore wejẽ duaye, cahmecoari. ²⁸ Ti pje mũhũ cahmediro sahata “Sa waharota”, mũhũ nidiro sahata yeri tiquina. Mũhũ masiñe mehna sa ni yahuahye mũhũ. ²⁹ Sa yegũ usã pãhto, tiquina usãre “Musa buheri buhiri ñano yãhdunata”, tiquina nidire wacũña mũhũ. Usãre yãhdũoya. Sa yegũ usãre mũhũ cahacjãnare cuero marieno mũhũ buheyere yahu dutiya usãre. ³⁰ Mũhũ tutuaye mehna dohatiyequinare yãhdũoya. Sa yegũ mũhũ buheyere cuero marieno yahu dutiya usãre. Sa yegũ Jesu quehnoariquiro mũhũ cahacjũno tiquiro tutuaye mehna ye ihño dutiya usãre. Sa yegũ dohatiyequinare usã yãhdũ dutigũ tiquiro tutuaye mehna yedohoya usãre, ni siniahye tiquina mari Pacũre.

³¹ Tiquina sa ni sinidi bato, tiquina cahmecoari wãhũ ñuhmia wahahye. Sa ñuhmigũta Espĩritu Santo tiquiro tutuaye mehna wacũ tutuayequina wahagũ yeahye tiquinare. Sa wahaye, Espĩritu Santo tiquiro dutiriro sahata yeye, cuero marieno Cohãcjũ yere yahuahye tiquina.

Jesu yequina tiquina yere itie tiahye

³²⁻³³ Sa ye Cohãcjũ tiquiro tutuaye mehna tiquina Jesu cãriquina ohõ saha ni yahue tiahye masare: “Jesu tiquiro masarire usã ihñaũ”, ni, yahue tiahye tiquina masare. Sa yero tiquinare ijipihtiyequinare Cohãcjũ

quehnoano yedohoducue tiahye. Sa ye Jesure wacũ tutuayequina peyequina ijiye, tiquina ihcãno saha tãhotuayequina ijie tiahye. Sa ye tiquina yere, tiquina doeri cjẽne “Yee dihita ijire”, ne nieda tiahye. Tiquina ijipihtiyequina tiquina yere apee boro marieñequinare tiquina mehna cjẽnare itie tiahye. ³⁴ Sa ye tiquina mehna cjẽna pejecuoyequina marieda tiahye. Tiquina mehna cjẽna dihta cuoyequina, wãhuse cuoyequina tiquina yere duae tiahye. ³⁵ Sa duaye tiquina wapatarire ne cãhta, Jesu cãriquinare ohoe tiahye. Sa ye tiquina pehe tire tiquina mehna cjẽnare itie tiahye. Ijipihtiyequina cuoyequinare itie tiahye. ³⁶ Ti pjere ihcãqui tiquina mehna cjãno José wame tiriquire ijiahye. Jesu cãriquina Josére Bernabé wame yeahye. Tiquiro wame Bernabé “Masare bucueriquiro ijire”, nine griego ye mehna. Tiquiro Leví ya curua cjãno Chipre nacuo cjũno ijiahye. ³⁷ Sa yero tiquiro wese cuoriquiro ijiro tire duahe. Sa yero tiquiro wapatarire Jesu cãriquinare ohoahye tiquiro apequinare iti dutiro.

5

Anania tiquiro namono Safira mehna ni mehoahye

¹ Apequina gãhũ Bernabé yero saha yemahye. Tiquina Anania wame tiriquire, tiquiro namono Safira wame tiricoro ijiahye. Tiquina ya wesere duahe tiquiro. ² Sa dueperota tiquiro wapatarire tiquiro basi neahye. Tiquiro namono gãhũ tiquiro sa yerire masiahye. Sa yero tiquina wapatarire tiquina dũharire ne cãhta, Jesu cãriquinare ohoahye Anania pehe. Sa ohoro “Oho pehogu niaja”, nimahye tiquiro. ³ Tiquiro sa yegũ ihãno Pedro tiquirore yahuahye:

—Anania, watĩno mũhũre ni meho dutiri jiri Espĩritu Santore. Sa yegũ mũhũ ya yehpare dua, mũhũ wapatarire mũhũ basi nedi jiri. ⁴ Mũhũ

duato pano mũhũ ya wese ijiri. Sa yero mũhũ duari bato mũhũ ye wapata ijiri. ¿Sa yegũ dũhse ijiro boro sa ni mehoari mũhũ? Mũhũ usã dihitare ni mehoedari. Cohãcjũ gãhũre ni mehoari mũhũ, niahye Pedro tiquirore.

⁵ Tiquiro sa nigũ tãhorota, Anania pehe doque quehe sa, yariaa wahahye. Sa ye ijipihtiyequina tiquiro sa wahagũ masiñe, tutuaro cueahye.

⁶ Tiquiro yariari bato wahma pjia ahta, tiquiro pagũre suhtiro cahsero mehna wahme, sopecahapũ ne wijia, yahye tiquirore.

⁷ Sa ye ihtia hora bato Anania manano namono, tiquiro yariarire masiedaro Pedro cahapũ sajãhye. ⁸ Sa yero Pedro ticorore ohõ saha niahye:

—¿Mũsa ya wesere duatjiãna noho puno wapatarĩ mũsa? niahye tiquiro.

Sa yero ticoro manũno manano tiquiro nidiro punota, “To punota wapataũ usã”, ni yahumahye ticoro.

⁹ Sa yero Pedro yahuahye ticorore:

—¿Dũhse yena mũsa ihcãno saha Cohãcjũ yaquiro Espĩriture ni meho duajari? Tãhoya yojopũre. Mũhũ manũno mananore yariquina ahtare. Mũhũ gãhũre mũhũ pagũre neñe taye nine, niahye Pedro.

¹⁰ Tiquiro sa ni yahugũta ticoro doque quehe sa yariaa wahahye. Sa ye wahma pjia ti wãhũre sajã wihi, ticoro pagũre ne wijiaa wahahye. Ne wijia ticorore ne cãa wahahye. Ne cã, ticoro manũno manano pari paha yahye. ¹¹ Sa ye Jesu yequina ijipihtiyequina apequina tire tãhoye cue yãhdũahye.

Jesu cãriquina Cohãcjũ tutuaye mehna ye ihñõahye

¹² Sa ye masa watoapũ Jesu cãriquina peye tahari Cohãcjũ tutuaye mehna ye ihñõe tiahye. Sa ye tiquina Salomo wame tiri tucũpũ quehnoari tucũpũ cahmecoae tiahye.

¹³ Sa ye apequina tiquinare cueye, tiquina cahapũ wahaera tiahye. Sa cuepeta tiquinare Jesu cãriquinare, “Quehnoañequina ijire ahriquina”,

nie tiahye masa. ¹⁴ Sa ye umua, numia peyequina Jesure wacũ tutua ducahye. ¹⁵ Sa ye tiquina dohatiyequinare ne cãhta, coma cjũne mehna pũ ta, duhu cũe tiahye mahapũ tiquinare. Sa ye Pedro tiquinare tiquiro ña peogũ cahmeahye tiquinare ne cãhtariquina pehe dohatiyequina tiquina yãhdũgũ cahmeñe. Tiquinare tiquiro ña peoeragũ Pedro tiquina bui watĩdoque peogũ cahmeahye tiquina. Ti dihitare cahmeahye tiquina yãhdũato saha. ¹⁶ Sa ye Jerusalẽ caha ijiye macari cjẽna gũhũ dohatiyequinare, watĩa mehna ijiyequina gũhũre ne cãhtae tiahye. Ijipihtiyequina tiquina pagari quehnoa wahahye.

Jesu cũriquinare apequina ñano yee tiahye

¹⁷ Tiquina sa yegũ ihñañe pahia pũhoro, tiquiro mehna cjẽna mehna Pedro gũhũre ihña tuhtiahye. Pahia pũhoro mehna cjẽna saduceo masa ijiahye. ¹⁸ Sa ye tiquina usua yãhdũa, Jesu cũriquinare ñehe, peresu yeahye. ¹⁹ Sa yero ñamipũ Cohãcjũ yaquiro angel pũoahye tiquinare peresupũ dujiyequinare. Sa ye tiquinare wijia ta dutiro yahuahye angel:

²⁰ —Cohãcjũ wũhũpũ wahaya. Ti wũhũpũ ijina Cohãcjũ tiquiro masorire ahri quehnoañe buheyere yahuya masare, niahye angel tiquinare.

²¹ Tiquiro sa nigũ tũhoye, ñami cjũno Cohãcjũ wũhũpũ sajã, masare buheahye tiquina. Ti decota pahia pũhoro, tiquiro mehna cjẽna, Israe masa pũhoro mehna cahmecoa, Jesu cũriquinare peresupũ ijiyequinare ne cãhta dutimahye surara pũhtoare. ²² Sa niepegũta surara pũhoro peresu tiquina yeri wũhũpũ waha, ihñaahye. Tiquinare bocaerahye. Bocaera, tojoaa wahahye. Tojoa sa yahuahye tiquina pũhtoare:

²³ —Peresupũ ijiye sope pahmari bihari pahmari dihita ijiri. Sa ye ti pahmari cahapũ tiquina peresu yeriquinare cohteyequina ducuri. Sa

ihñaũ usã. Usã sa ihñaepẽgũta pũo sãa, usã ihñaagũ, tiquina peresu yeriquina mariedari, ni yahuahye tiquina.

²⁴ Tiquina sa nigũ tũhoye, surara Cohãcjũ wũhũre cohteyequina pũhoro, pahia pũhoro mehna tire tũho, tũho maria wahahye. “¿Dũhse waha sohtori tiroitari ahri, tiquina sa yeye?” ni, tũhotuahye tiquina. ²⁵ Sa yero tiquina cahapũ apequiro ahta, tiquinare yahuahye:

—Mũsa peresu yeriquina Cohãcjũ wũhũpũ ijiri. Ihñana wahaya. Ti wũhũpũ masare buheye nidi tiquina, ni yahuahye.

²⁶ Tiquiro sa nigũ tũhoro, surara pũhoro tiquiro yequina surara mehna waha, Jesu cũriquinare pari turi ñehe cãhtahye tja. Sa ñehẽpeta tiquinare surara tuhtierahye. Sa ye tiquinare quẽboriquina ijiepetã, masare cueye quẽdahye tiquinare. “Ahriquinare mari quẽgũ apequina masa pehe utã paca mehna doqueeta marine”, ni, tũhotuahye tiquina surara pehe. ²⁷ Sa ye tiquinare ne cãhta, pũhoro caha duhu docoahye tiquina. Tiquina sa ne wihi duhu docogũ pahia pũhoro tiquinare tuhtiahye:

²⁸ —Mũsare usã tutuaro dutimi. “Jesu yere buheracãhña”, nimi usã mũsare. Usã sa niepegũta mũsa pehe ijipihtiyequina Jerusalẽ cjẽnare buheri mũsa. Jesu tiquiro yariari buhiri, usãre buhiri tigũ ye duana niaga mũsa, niahye pũhoro pehe.

²⁹ Tiquiro sa nigũ tũhoro Pedro pehe apequina Jesu cũriquina mehna yãhtiahye:

—Cohãcjũ dutiri pehere ye mũhtanatja. Sa yena came Cohãcjũ cahmegũ masa tiquina dutiyere yematja. ³⁰ Cohãcjũ, mari acaye panopũ cjẽna pũhoro Jesure masori jiri. Tiquirota ijire mũsa curusapũ quẽ biha wejẽdiquiro. ³¹ Jesure “Quehnoagũ ijire”, ni, tiquiro poto pehe duji dutiri Jesure tiquiro Pacũro pehe. Sa yero Jesu masa pũhoro, masare masoriquiro ijiro, Israe masare tiquina ñañe yerire bũjũa

witiyequina iji dutiro, tiquina ñañene cohã duare Jesu. ³² Sa yena usã pehe Jesu tiquiro yerire ihñarina ijina tire yahuaja usã. Espíritu Santo tire ihñariquiro ijiro yahure tiquiro gãhũ. Tiquirore Espíritu Santore Cohãcjũ ohori. Ijipihtiyequina Cohãcjũ dutiyere yeyequinare tiquiro Espíritu Santore ohori, ni yahuahye tiquinare.

³³ Tiquiro sa nigũ tũhoye pũtoa pehe usua yũhdũahye. Sa ye tiquina Jesu cũriquinare wejẽ duamahye. ³⁴ Sa wejẽ duepegũta Gamalie, fariseo masũno topũ ijiriquiro tiquinare “Wejẽari”, nino tiquinare yahuro taro niahye. Tiquiro pũtoa mehna cjũno, dutiyere buheriquiro ijigã, masa tiquirore ño peoe tiahye. Tiquiro Jesu cũriquinare mehenogã cohte dutiro ape siepũ tiquinare ne cã dutiahye surarare. Tiquina sa ne cãri bato tiquiro yahuahye masare:

³⁵ —Mũsa Israe masa, ahriquinare mũsa yeatire quehnoano tũhotuya “Mũsapũ wejẽari”, nina. ³⁶ Wacũña Teuda mũnanore. Tiquiro basi “Masare yũhdũdũcagũ ijiaja yũhũ”, nidi masare. Sa ye masa peyequina cuatro cientos masa tiquiro mehna cjẽna tojoari. Sa ye apequina pehe tiquirore wejẽdi jiri. Tiquiro buheyere buheriquina pehe waha sitea wahari jiri. Sa ye tiquina mũna yojopũre mariedare. ³⁷ Came masare tiquina queori pje ijigũ Galilea cjũno Juda wame tiriquiro mũnanao masare tiquiro buhegũ tiquiro mehna masa peyequina tojoari. Tiquiro gãhũ yariaa wahari jiri. Sa ye tiquiro yequina ijipihtiyequina waha sitea wahari jiri. ³⁸ Sa nigũ mũsare yojopũ ahrire yahugũ niaja. Sa ihña cãhña ahriquinare Jesu yere yahuyequinare. Sa ye ahri buheye, ahriquina ye buheye Cohãcjũ ye buheye ijieraro, pihtia waharota Teuda gãhũ tiquina ye buheye ti pihtiro sahata. ³⁹ Sa ijiepegũta ahri Cohãcjũ ye buheye ijiro, ne pihtisi. Ahri buheye Cohãcjũ ye ijigũ ne ahrire butigũ ye masiedare mũsa.

Mũsa ahrire butigũ ye duana Cohãcjũ mehna cahmequena niboaga mũsa, niahye Gamalie tiquinare.

⁴⁰ Tiquiro sa ni yahugũ tũhoye, “Ijirota ijire”, ni tũhotuahye masa. Sa ye tiquina Jesu cũriquinare pijio, tiquina wihigũ ihñañe, tiquinare tanahye. “Jesu yere buheracãhña mũsa”, ni tuhasa, tiquinare waha dutiahye. ⁴¹ Tiquina sa waha dutigũ tũhoye tiquina pũtoa cahapũ ijiriquina wahaa wahahye. Jesu yere tiquina yeri buhiri ñano yũhdũye tutuaro bucueahye Jesu cũriquina. ⁴² Sa ye decoripe Cohãcjũ wãhũpũ, tiquina ye wãhũsepũ Cristo Jesu ye buheyere yahue tiahye tiquina.

6

Siete yedohoyequinare beseahye Jesu yequina

¹ Ti decorire Jesu buheyequina peyequina wahahye. Sa ye judio masa tiquina quehnoano yeragũ ihñañe griego masa pehe tiquina mehna cahme tuhtiahye Jesu yequina dihita ijiepetã. Griego masa wape wiha numiare decoripe tiquina ihyayere quehnoano tiquina itieragũ ihñañe, judio masare tuhtiahye. ² Sa ye doce Jesu cũriquina, peyequina Jesu buheyequinare tiquina cahapũ pijio, ohõ saha ni yahuahye:

—Usã Cohãcjũ yere buhena ijiaja. Ihyayere itiborina ijieraja usã. ³ Mũsa usã acaye, siete umũare, “Quehnoañequina”, apequina tiquina niñequinare, quehnoano tũho masiñequinare, Espíritu Santo cũoyequinare macaña. Tiquinare ihyayere iti dutiya mũsa. ⁴ Sa yena usã pehe decoripe Cohãcjũre sini, Cohãcjũ yere buhenatja, niahye tiquina Jesu cũriquina.

⁵ Tiquina sa nigũ tũhoye, “Aũ, sata yeihna”, niahye tiquina ijipihtiyequina Jesu yequina. Sa ye Èstebãre Cristore wacũ tutuariquirore, Espíritu Santo tutuayere pajiro cũoriquirore beseahye tiquina.

Apequina gũhure beseahye. Felipe, Prócorore, Nicanore, Timore, Parmenare, Nicolare ihyaye itiatiquinare beseahye tiquina. Nicola pehe judio masano ijieriquiro Antioquía cjño judio masa ye buheyere cahmeno, tiquina mehna sajãmediquiro ijiahye. ⁶ Tiquina beseriquinare Jesu cūriquina cahapũ ne wihahye apequina Jesu yequina pehe. Tiquina sa ne wihigũ ihñañe tiquina Cohãcjũre sini basaye, tiquina beseriquina bui omocarine duhu peohye.

⁷ Sa ye ti yehpa cjẽna Cohãcjũ yere masi pihti cjũñe niahye. Sa ye Jerusalẽpũ ijiyequina Jesu buheyequina peyequina wahahye. Sa ye pahia gũhũ peyequina Jesu yequina wahahye.

Apequina Estebãre ñeheahye

⁸ Sa yero Estebã Cohãcjũ tutuayere cãoriquiro ijiahye. Tiquiro Cohãcjũ quehnoano yenohriquiri ijiahye. Sa yero tiquiro Cohãcjũ tutuaye mehna ye ihñoahye masa tiquina ihñoño. ⁹ Tiquiro sa yepegũta judio masa tiquina buheri wũhũ cjẽna tiquirore ihña tuhtiahye. Sa ye tiquiro mehna cahme dũse tini wiaye niahye. Cahacjẽna ijirire yũhdũ witiriquina wame tiyequina ijiahye tiquina. Cirene cjẽna, Alejandría cjẽna, Cilicia cjẽna, Asia cjẽna mehna peyequina ijiahye tiquina. ¹⁰ Sa ye Estebã quehnoano masiniquiro Espĩritu Santore pajiro cãoriquiro tiquiro yahuducugũ tũhoye tiquina “Mũhũ nidi poto ijierare”, tiquirore ni ihño masiedahye. ¹¹ Sa tũho dueraye tiquina apequinare ni meho dutiye, wapa yeahye tiquinare. Tiquina sa ni meho dutigũ ohõ saha ni yahusãmahye tiquina:

—Ahriquiri Cohãcjũre tiquiro ñano yahuducugũ, Moiseri tiquiro ñano yahuducugũ gũhure usã tũhou, ni yahusãmahye ni mehoñequina pehe apequinare.

¹² Tiquina sa nigũ tũhoye masa, judio masa buheyequina, bũcũna

gũhũ tiquiro mehna usuahye. Sa ye tiquina Estebãre ñehe, tiquina pũhtoa cahapũ neahye tiquirore. ¹³⁻¹⁴ Sa ye tiquina apequinare ni meho dutiahye:

—Ahriquiri decoripe Cohãcjũ wũhure, tiquiro dutiye gũhure ñano yahuducuriquiro ijire. Tũhou usã tiquirore tiquiro ohõ saha nigũ: “Jesu Nazare cjño Cohãcjũ wũhure cohãnota. Sa yero tiquiro Moise dutiyere marine yahurire comesarota Jesu”, nidi Estebã usã tũhogũ, ni meho yahusãmahye tiquina.

¹⁵ Sa ye ijipihtiyequina topũ dujiyequina Estebãre quehnoano ihñadoque ohõ, tiquiro wũhdoare ihñahye tiquina. Angel yero saha bajuahye tiquiro wũhdoa.

7

Estebã Jesu yere yahuahye

¹ Sa ye pahia pũhoro sinituahye Estebãre.

—¿Ahriquina niñe potota ijiajari? ni, sinituahye tiquiro Estebãre.

² Tiquiro sa nigũ tũhoro, Estebã pehe tiquinare ohõ saha ni yahuahye:

—Yũhũ acaye, bũcũna, usã pacũsumũa tũhoya. Abrahã mari ñecu mũnano panopũ cjño Mesopotamiapũ tiquiro ijigũ, Harãpũ tiquiro ijiato pano, Cohãcjũ tutuariquiro asi siteriquiro pehe tiquirore Abrahãre bajuahye. ³ Sa bajuaro Cohãcjũ yahuahye tiquirore. “Mũhũ ya yehpare mũhũ acaye mehna ijieracãhña. Sa yegũ ape yehpapũ wahaya. Mũhũ sa wahagũ mũhure ti yehpare ihñogũtja yũhũ”, niahye Cohãcjũ Abrahãre.

⁴ Tiquiro sa nigũ tũhoye, Abrahã gũhũ Caldea yehpa cjẽna ya yehpapũ ijiriquina wahahye. Sa yero Harãpũ esahye. Topũ esa, ijiahye. Sa yero tiquiro pacũro yariari bato ahri yehpa yojopũ mũsa ijiri yehpapũ Cohãcjũ ahta dutiahye Abrahãre.

⁵ Cohãcjũ Abrahã tiquiro ijiri yehpare quehnoano waro cũedarĩahye tiquirore. Ne mehenogã cũedarĩahye.

Sa yero Abrahã pohna marieniquiro ijiepegãta Cohãcjũ pehe tiquirore ohõ saha ni yahuahye. “Mũhũre, mũhũ panamena ape tjuro cjẽnapũre ahri yehpare ohogũtja”, niahye Cohãcjũ Abrahãre. ⁶ Sa ninota ohõ saha ni yahu nemoahye Cohãcjũ. “Mũhũ panamena ape tjuro cjẽna ape yehpapũ wahaye, topũ apeqũna cahapũ ijiye, tiquina cahacjẽna ijieta tiquina. Sa ye cuatro cientos cũhmari waro to cjẽna ñano yeeta mũhũ panamena iji turiayequinare. ⁷ Sa yegũ to cjẽnare tiquina sa yeri buhiri buhiri dahregũtja yũhũ. Yũhũ sa yeri bato mũhũ panamena iji turiayequina ahri yehpapũ wihieta tja. Sa ye ahri yehpapũ yũhũ cahacjẽna ijieta tiquina”, niahye Cohãcjũ Abrahãre. ⁸ Sa nino Cohãcjũ “Yũhũ nidiro sahata yegũtja”, nino Abrahã tiquiro wacũatire ohõ saha cũahye tiquirore. Cuhnucunũ sohtoa cahserogãre yũhre ne dutiahye tiquirore, tiquiro ni yahuripũre wacũ dutiro. Sa ye Abrahã Isaare pohna tiahye. Ocho decori bato cuhnucunũ sohtoa cahserogãre yũhre neahye Isaare. Came Isaac Jacore pohna tiahye. Sa yero Jacob doce waro pohna tiahye. Tiquina doce pehe mari ye cururipe mari dahpoto cjẽna ijiatiquina ijiahye.

⁹ Sa ye tiquina mari ñecusumũa mũna panopũ cjẽna Josere cooye ihña tuhtiyey, tiquirore dua cãhye Egiptopũ wahayequinare. Sa yero Josere Cohãcjũ yedohoahye. ¹⁰ Tiquiro ñano yũhdũgũ ihñano Cohãcjũ tiquirore yedohoahye. Tiquiro sa yedohogũ José pehe quehnoano tuho masiniquiro wahahye. Sa yero faraõ Egipto cjãno pũhtoro pehe Josere cahmeahye. Tiquirore cahmegũ yeahye Cohãcjũ pehe. Tiquiro sa yegũ faraõ pehe Josere pũhtoro sũahye tiquiro yequina masare dutiatiquirore. Tiquiro faraõ ya wãhũ gũhũre pũhtoro ijiahye.

¹¹ Sa ye ti pjere Egiptopũ, Canapũ ne acoro ahtaerahye. Sa ye ñano yũhdũahye to cjẽna. Sa ye mari

ñecusumũa mũna panopũ cjẽna ihyayere bocaerahye. ¹² Sa bocaeraro Egiptopũ trigo ijigũ tãhoro, Jacob tiquiro pohnene mari ñecusumũa mũnare topũ coã ohoro niahye. ¹³ Came Egiptopũ tiquina esagũ José tiquiro wahmisumũare yahuahye. “Mũsa bahũta ijiaja yũhũ”, niahye tiquinare. Sa yero José acayere coã ihñano niahye pũhtoro faraõ. ¹⁴ Came José tiquiro wahmisumũare tiquiro pacũro Jacore piji dutiro ohoahye. Tiquiro acaye setenta y cinco masa ijiahye. ¹⁵ Tiquiro macũno pijiogũ tãhoro Jacob wahahye Egiptopũ tiquiro macũno cahapũ. Tiquiro macũno cahapũ ijiro, came yariaa wahahye. Sa ye mari ñecusumũa mũna gũhũ topũ yaria pihtia wahahye. ¹⁶ Sa ye Siquẽ wame tiropũ tiquina pagũrire nea, masa coperire sehe tuhasa cohãhye tiquina pagũrire. Abrahã tiquiro dúri yehpa ijiahye ti yehpa. Panopũ Abrahã ti yehpare Hamor pohnene dúahye niñeru mehna.

¹⁷ Sa yero Cohãcjũ Abrahãre “Ahri yehpare ohogũtja mũhũre”, niahye. Ti yehpare “Ohogũtja”, tiquiro nidi pje umũ sagũ tiquiro acaye Israe masa peyequina masa wahahye. ¹⁸ Egiptopũ tiquina ijinigũ, apeqũro pũhtoro sajãhye. Sa yero tiquiro pũhtoro pehe Josere masiedahye. ¹⁹ Tiquiro mari acayere ñano ye dua, tiquina pohnene wejẽ dua, cohã dutiahye tiquinare. Sa yero mari ñecusumũa mũna iji turiayequinare ñano yeahye pũhtoro faraõ pehe. ²⁰ Tiquiro sa yeri watoa Moise mũnano pehe masa bajuahye. Tiquiro quehnoariquiro, Cohãcjũ tiquiro quehnoano ihña coariquiro ijiahye. Sa ye ihtia asũ waro quehnoano ihboahye tiquirogãre tiquiro pacusumũa. ²¹ Sa yero Moiserere tiquina nũo nemoedagũ faraõ maconõ tiquirogãre ihña boca, ne maja, ticoro macũnore yero saha cũoahye tiquirogãre. ²² Sa ye Egipto cjẽna quehnoano masiñequina yere buheahye Moiserere. Sa yero cuero

marieno yahuducuriquiro p̄h̄toro yero saha yeriquiro ijiahye Moise.

²³ 'Sa ijieperota tiquiro cuarenta c̄hm̄ari c̄oro tiquiro acayere Israe masare ih̄ña duaro tiquina cahap̄u tinino wahahye. ²⁴ Sa tinino esaro Egipto c̄j̄ano Moise acaȳrore tiquiro ñano yeḡu Moise ih̄ñahye. Sa ih̄ñano tiquiro acaȳrore yedohohahye Moise. Tiquiro acaȳrore yedohoro, Egipto c̄j̄ano pehere wejēahye tiquiro. ²⁵ Sa yero Moise oh̄o saha ni t̄hotumahye. "Ȳh̄h̄u acaye tiquina acaȳrore ȳh̄h̄u yedohoḡu ih̄ñañe 'Coh̄ācj̄u marine quehnoano yedohoḡu ye dutiro ohori ahriquirōre', ni t̄hotueta ȳh̄h̄u acaye", ni t̄hotumahye Moise. Tiquiro sa ni t̄hotuepeḡuta tiquina pehe ne sa ni t̄hotuerahye. ²⁶ Ape decop̄u Moise tiquiro acayere p̄h̄aro tiquina basi cahmequeñequinare ih̄ñahye. Sa yero tiquiro tiquinare yahumahye. "¿M̄usa basi ijiepenata cahmequeajari m̄usa?" niahye Moise tiquinare. ²⁷ Tiquiro sa niḡu t̄horo ih̄c̄aquirō tiquiro acaȳrore ñano yeriquiro Moisere tudoqueohahye. "M̄h̄h̄u us̄ā p̄h̄to ijierare. Us̄āre dutiḡu ijierare m̄h̄h̄u. ²⁸ ¿Can̄ure Egipto c̄j̄anore m̄h̄h̄u wejēdiro sahata ȳh̄h̄u wejē duaḡu niajari m̄h̄h̄u?" niahye tiquiro Moisere. ²⁹ Tiquiro sa niḡu t̄ho maria waha, Moise oma duhti c̄ā wahahye. Madiā yehpap̄u waha wahahye. Top̄ure numino boca p̄h̄aro pohna tiahye.

³⁰ 'Sa ye Moise cuarenta c̄hm̄ari waro top̄u tiquiro ijiri bato Sinaí wame tid̄u c̄n̄h̄u caha masa marienop̄u tiquiro ijiḡu angel tiquirore bajuahye. Angel pehe yuc̄ḡu mehenuḡa uj̄ari peca pohnap̄u bajuahye. ³¹ T̄u sa uj̄uḡu ih̄ñano Moise ih̄ña maria wahahye. Ti pecare cahaḡa quehnoano tiquiro ih̄ñano wahaḡu waro Coh̄ācj̄u tiquirore yahuahye. ³² "Coh̄ācj̄u ijiaja ȳh̄h̄u. M̄h̄h̄u ñec̄sum̄ua Abrah̄a, Isaac, Jacob tiquina ño peoriḡu ijiaja", niahye Coh̄ācj̄u Moisere. Tiquiro sa niḡu t̄horo Moise pehe nanarea

wahahye. Ne ih̄ña wahc̄ōedahye. ³³ Sa yero Coh̄ācj̄u yahuahye tiquirore. "Mianoḡata ȳh̄h̄u cahap̄u ducuḡu nine m̄h̄h̄u. Sa yeḡu cua pesaro mehna m̄h̄h̄u dahpo suhtire tu weya. ³⁴ Yeequina masa Egiptop̄u tiquina ñano ȳh̄duḡu ih̄ñañ. Tiquina utiyere t̄hou. Sa yeḡu tiquinare yedohoḡu aht̄añ. Tiquina sa wahaḡu ih̄ñaḡu wahaya m̄h̄h̄u ḡh̄h̄u. Egiptop̄u m̄h̄h̄u ohoḡatja tiquinare yedoho dutiḡu", niahye Coh̄ācj̄u Moisere.

³⁵ 'Tiquina pehe mari acaye Israe masa Moisere cahmedahye. "M̄h̄h̄u us̄ā p̄h̄to ijierare. M̄h̄h̄u us̄āre dutiḡu ijierare", Moisere sa niñe cahmedaye niahye tiquina. Tiquina sa cahmedapeḡuta Coh̄ācj̄u tiquirore Egiptop̄u ohohahye, mari acayere Israe masare yedohoatiquirore, p̄h̄toro ijiatiquirore. Angel tiquirore yuc̄ḡup̄u bajuariquiro pehe oho basahye tiquirore. ³⁶ Moise mari acayere Israe masare Egiptop̄u ijieyequinare wioahye. Sa yero Egiptop̄u ahriquirō Moise Coh̄ācj̄u tutuaye mehna ye ih̄ño d̄cahaye. Sa yero pajiri ma soh̄ari map̄u sa yeahye tja. Camep̄u masa marienop̄u ḡh̄h̄u cuarenta c̄hm̄ari waro Coh̄ācj̄u tutuaye mehna ye ih̄ñoahye tiquiro. ³⁷ Ahriquirō Moise pehe mari acayere Israe masare yahuahye. "Ȳh̄h̄u yero saha ijiriquirore Coh̄ācj̄u yere yahu m̄htariquirore Coh̄ācj̄u ohorota. Sa yero tiquiro m̄usa mehna c̄j̄ano m̄usa acaȳro ijirota", niahye Moise tiquinare. ³⁸ Moise masa marienop̄u mari acaye Israe masa mehna ijiahye. Sa yero Sinaí wame tid̄u c̄n̄h̄p̄u tiquirore yahuriquiro angel mehna ijiahye. Sa yero mari ñec̄sum̄ua panop̄u c̄j̄ena mehna ijiahye tiquiro. Coh̄ācj̄u tiquiro dutiyere c̄uriquiro ijiahye Moise.

³⁹⁻⁴⁰ 'Sa ye ti dutiyere c̄n̄h̄p̄u Moisere tiquiro c̄uri watoa mari ñec̄sum̄ua panop̄u c̄j̄ena Egiptop̄u tojoa duahye, Moisere ȳh̄dud̄caye. Tiquina tiquirore cahmedahye. Sa cahmedaye, tiquina Moise bah̄ro Aar̄ore oh̄o saha niahye: "Coh̄āmana

queoyere yeya mari yequina iji-
atiquinare. Sa ye tiquina m̄h̄u
yeriquina marine dutiye mari
waha duari mahap̄u marine neaeta.
¿Tiquiro Egiptop̄u ijiyequinare ma-
rine ne cāhtariquiro Moise d̄ahse
wahayari tiquiro? Masiedaja
usā”, niahye tiquina. ⁴¹ Sa ye ti
decorire tiquina wec̄u queoyere
uru mehna yeahye. Sa ye tuhasa,
tiquina wahiquinare wejē, tiquina
yeriquiro cahap̄u ne cāhta, ño
peohaye tiquirore. Sa ye tiquina
yeriquiro wec̄ure ihña, bucue, bose
deco yeahye. ⁴² Cohācjū wec̄ure
tiquina ño peogū ihñano tiquinare
cohā cāa wahamahye. “Ȳh̄ure cohā,
ñahpicoha pehere ño peocūnahdo”,
nino cohā cāa wahamahye. Cohācjū
yere yahu m̄htariquina sa ni,
ojoahye.

M̄sa ȳh̄ure ña ȳhd̄aro yeri.
Israe masa masa marienop̄u
cuarenta c̄hmari waro
ijina, wahiquinare m̄sa we-
jēñequinare m̄sa ñj̄añequinare
ohona, ȳh̄ure m̄sa ño peo-
boriro sahata yemedi m̄sa.
Sa yepenata ȳh̄u pehere m̄sa
ño peerari. ⁴³ Sa yena m̄sa
Molo wame tiriquirore ño
peona ijina, tiquirore ño peori
w̄h̄ure c̄ori m̄sa. Ñahpicoha
apequiro cohācjū Rejā wame
tiria queoyere m̄sa yeriare
m̄sa ño peori tja. Ti queoyere
m̄sa yeriquinare m̄sa ño
peori. M̄sa sa yeri buhiri
m̄sare Babilonia ape sie
pahr̄ep̄u cohāgutja ȳh̄u, ni,
yahu ojoahye Cohācjū yere
yahu m̄htariquina.

⁴⁴ 'Sa ye masa marienop̄u Cohācjū
masa mehna tiquiro ijiri w̄h̄ure
wahiquina cahseri w̄h̄ure c̄oahye
mari ñec̄sum̄a panop̄u cjēna. Ti
w̄h̄u Cohācjū masa mehna tiquiro
yahuducuri w̄h̄u ijiahye. Ti w̄h̄up̄u
Cohācjū dutiye tiquiro ojoari p̄j̄ni
atā p̄j̄ni ijiahye. Ti w̄h̄ure Cohācjū
tiquiro yahuriro sahata Moiserere
tiquiro ihñoriro sahata dahre du-

tiahye Cohācjū Moiserere. ⁴⁵ Sa ye
mari ñec̄sum̄a panop̄u cjēna Jo-
sué mehna ti w̄h̄ure wahiquina
cahseri mehna tiquina yeri w̄h̄ure
ne cāhtahye ahri yehpap̄u mari
ijiri yehpap̄u. Tiquinare mari
acaye Israe masare Cohācjū tiquiro
cūati yehpap̄ure ahri yehpap̄ure
tiquina wihiato pano ahri yeh-
pap̄u iji m̄htariquina Canaa cjēna
m̄nare Cohācjū cohā cāh̄e. Ti
pjere Cohācjūre ño peori w̄h̄ure
wahiquina cahseri w̄h̄ure c̄oahye
mari ñec̄sum̄a. Tee Davi m̄nano
tiquiro ijiḡup̄u c̄o bato tiahye ti
w̄h̄ure. ⁴⁶ Sa yero Davi m̄nano
Cohācjūre bucuegū yeahye. Sa yero
Cohācjū ya w̄h̄u ijiatire Davi pehe
ye duaro, sinimahye Cohācjūre.
⁴⁷ Tiquiro sa siniepegūta Salomo
pehe Cohācjū ya w̄h̄ure yeahye.
⁴⁸ Tiquiro sa yepegūta Cohācjū pehe
masa tiquina yeri w̄h̄up̄ure ijierare.
Ohō saha niahye Cohācjū yere yahu
m̄htariquiro.

⁴⁹ “Uhm̄use ȳh̄u dujiro ijire. Top̄u
dujiḡu dutiaja ȳh̄u. Sa yero
yehpa pehe ȳh̄u dahpoc̄arine
duhu peoro yero saha ijire.
Ȳh̄u tutua ȳhd̄aḡu ijiaja. Ya
w̄h̄u ijiatore ye masiedare
m̄sa. Cohācjū ȳh̄u ijiḡu
ȳh̄u ijiati w̄h̄ure m̄sa ye
masiedare. ⁵⁰ Ȳh̄u basi
ahri yehpare ijipihtiro yei
ȳh̄u”, niahye Cohācjū, ni
ojoahye Cohācjū yere yahu
m̄htariquiro.

⁵¹ 'M̄sa ne ȳhti duena ijire.
Cohācjū yere t̄hoepenata, tiquirore
ȳhti duerare. Esp̄ritu San-
tore ȳhd̄ud̄ca ȳhd̄are m̄sa.
M̄sa ñec̄sum̄a tiquina yeriro
sahata yere m̄sa. ⁵² M̄sa
ñec̄sum̄a ijipihtiyequina Cohācjū
yere yahu m̄htariquinare ñano
yeahye. Tiquina Cohācjū yere
yahu m̄htariquina pehe “Came
quehnoariquiro Cohācjū yere yahu
m̄htariquiro ahtarota”, tiquina
ni yahuyequina ijiḡu t̄hoye
m̄sa ñec̄sum̄a m̄na sa ni

yahuriquinare wejêe tiahye. Sa yena “Quehnoariquiro”, tiquina nidiquirore mûsa gûhû yojopure tiquiro ya curua cjâna ijiepenata tiquirore wejêdi. ⁵³ Cohâcjû dutiyere angele pehe yahumahye mûsare. Sa yena mûsa ti dutiyere cûomahye. Sa yena ti dutiyere yûhdûdcari mûsa, niahye Estebã.

Tiquina Estebãre utã paca mehna doque wejêahye

⁵⁴ Tiquiro sa nigû tûhoye tiquina pehe tutuaro usuahye. Sa tutuaro usuaye, cuayequina wahahye. ⁵⁵ Tiquina sa usuepegûta tiquiro Espiritu Santo dutiriro sahata ye pehoriquiro ijiro, tiquiro tutuayere quehnoano cûoriquiro ijiro, ûhmûsepû ihñadoque mûo, Cohâcjû asi siteyere ihñahye Estebã. Jesu Cohâcjû pototo pehepû ducugû ihñahye tiquiro. ⁵⁶ Sa ihñano ohõ saha niahye:

—ûhmûsepû mehenogã parĩ we maagû Jesu Cohâcjû ohoriquiro Cohâcjû pototo pehepû tiquiro ducugû ihñaja yûhû, niahye Estebã.

⁵⁷ Tiquiro sa nigû tûhoye tiquina tutuaro sañuducu, tiquina cahmo coperire biha cã, ihcãno mehna tiquiro cahapû oma maa cã, tiquirore ñeheahye. ⁵⁸ Ñehe tuhasa, tiquirore ne cã, ti maca dûhtû cahapû cohãhye tiquirore. Sa ye utã paca mehna doque wejêahye tiquirore. Tiquina sa wejêato pano tiquirore yahusãriquina tiquirore utã paca mehna doquea-tiquina tiquina suhtire tu we, wahmûnore Saulo wame tiriquire tiquina suhtire cûo basa dutiahye. ⁵⁹ Sa yero Estebãre tiquina wejêato pano ohõ saha niahye tiquiro:

—Jesu yûhû puhto, yûhû jeripohnare neña, niahye tiquiro.

Tiquiro sa nino watoa tiquina pehe utã paca mehna doqueye niahye tiquirore.

⁶⁰ Sa yero tiquiro dusepe curi mehna quehe sa, ohõ saha niahye:

—Puhto Jesu, ahriquina yojopû ñano yûhûre tiquina yeyere tiquinare

buhiri dahreracãhña mûhû, niahye Estebã.

Sa nidi bato tiquiro yariaa wahahye.

8

¹ Sa yero Estebã tiquiro yariagû ihñano, “Quehnoare”, niahye Saulo pehe.

Saulo Jesu yequinare ñano yeahye

Sa ye ti decoreta Jesu yequinare Jerusalêpû ijieyquinare ñano ye ducahye apequina pehe. Tiquina sa ye ducagû Jesu yequina Judea yehpapû, Samaria yehpapû, yoaropû duhti site cãa wahahye. Jesu cûriquina dihita wahaerahye. ² Sa ye apequina Cohâcjûre ño peoyequina Estebãre ya, tutuaro utiahye tiquina. ³ Sa yero Saulo pehe Jesu yequinare ña yûhdûaro yee timahye. Tiquiro tiquina ye wahûsepû sajã, ûmûare, numiare ñehe, peresupû biha docoe tiahye.

Samariapû Jesu yere buheahye Felipe

⁴ Sa yeye yoaropû waha siteriquina Jesu yere buheahye. ⁵ Sa yero Felipe Samaria wame tiri macapû esa, Cristo yere buheahye ti maca cjênare. ⁶ Tiquiro sa buhegû ti maca cjêna quehnoano tûhoe tiahye. Sa ye Cohâcjû tutuaye mehna tiquiro ye ihñogû ihñahye tiquina. Sa ihñañe tiquirore quehnoano tûhoe tiahye. ⁷ Peyequina watãre cûoyequina tiquiro cahapû tiquina wihigû ihñano watã pehere waha dutie tiahye tiquiro. Watã pehe tutuaro sañuducu, duhu cãa wahahye tiquina. Sa yero peyequina tini masieñequinare, pari yuri wahayequinare quehnoano pagû tiyequina wahagû yeahye. ⁸ Tiquiro sa yegû ihñañe ti maca cjêna peyequina masa bucueahye.

⁹ Ti pjere Simo wame tiriquire ti maca cjêno yairo ijiahye. Sa yero yayia tiquina yerire ye ihñoie tiahye Samaria cjênare. Tiquiro sa ye ihñogû ihñañe, ti maca cjêna ihña maria

waha, tiquirore cua pesaro ihñae tiahye.

—Yuhũ masi pehogũ ijiaja, nimahye Simo pehe tiquinare.

¹⁰ Tiquiro sa yegũ ihñañe masa pehe ohõ saha nie timahye:

—Ahriquiro Cohãcjũ ye tutuayere c̃oriquiro ijire. Cohãcjũ yero saha tutuariquiro ijire, nie timahye tiquirore masa, p̃htoa mehna.

Tiquina ijipihtiyequina quehnoano t̃hoahye tiquirore.

¹¹ Tiquiro yayia tiquina yeye mehna yoari p̃je ye ihñoe tiahye tiquinare. Tiquiro sa ye ihñogũ ihñañe tiquina ihña maria wahae tiahye. Sa ye tiquina tiquirore ño peoe tiahye. ¹² Tiquina sa ño peoepegũta Felipe pehe Cohãcjũ tiquiro p̃hthora ijiyere, Jesucristo yere quehnoañe buheyere yahuahye. Tiquiro sa yahugũ tiquina tiquirore quehnoano t̃hoahye. Tiquina sa quehnoano t̃hogũ ihñano ɯm̃ua, numia g̃hure wame yeahye Felipe. ¹³ Sa yero Simo g̃hũ Felipere quehnoano t̃hoe tiahye. Sa yero tiquiro g̃hure wame yeahye. Tiquiro sa wame yeri bato Felipe mehna tojoae tiahye tiquiro. Felipe pehe Cohãcjũ tutuaye mehna tiquiro ye ihñogũ ihñano, dohatiyequinare tiquiro ỹhd̃ogũ ihñano Simo ihña maria wahahye.

¹⁴ Sa ye Samaria cj̃ena Cohãcjũ yere tiquina tutuaro cahmegũ Jesu c̃uriquina Jerusal̃p̃u ijiyequina t̃hooahye tiquinare. Sa tiquina cahmegũ t̃hooye Pedroro, Ñu g̃hure ohoahye Samariap̃u. ¹⁵ Top̃u esaye Pedro g̃hũ Cohãcjũre siniahye. “Ahriquina Samaria cj̃ena m̃hure ño peoyequina m̃hũ yaquiro Esp̃ritu Santore c̃oahro”, ni, sini basahye tiquina Cohãcjũre. ¹⁶ Tiquina Samaria cj̃ena Jesucristo wame mehna wame yeriquina ijiahye. Ti dihitare masiahye tiquina. Sa ye Esp̃ritu Santore c̃oera tiahye ti pjere tiquina. ¹⁷ Sa ye Pedro, Ñu mehna Samaria cj̃enare tiquina omocarine

tiquina bui duhu peori bato Esp̃ritu Santore c̃o d̃caae tiahye tiquina.

¹⁸ Sa yero Pedro g̃hũ tiquina omocari mehna tiquina duhu peogũ ihñahye Simo. Esp̃ritu Santore tiquina ñehegũ g̃hure ihñahye tiquiro. Sa ihñariquiro ijiro, ti tutuayere cahmeno, niñeru mehna wapa ye duamahye. Ohõ saha nimahye Simo:

¹⁹ —Yuhũ g̃hure ohoya ahri tutuayere. Yuhũ g̃hũ yuhũ omocari mehna masa bui duhu peo yegũ t̃u niaja Esp̃ritu Santore tiquina ñeheatõ saha. Sa yegũ ahri yuhũ yeati wapare wapa ye duaja, nimahye Simo tiquinare.

²⁰⁻²¹ Tiquiro sa nigũ t̃horo Pedro ohõ saha niahye:

—M̃hũ niñeru mehna Cohãcjũ ye tutuayere m̃hũ dú duari buhiri m̃hũ niñeru mehnata pecap̃u wahaya m̃hũ. Cohãcjũ m̃hũ t̃hotuyere masine. M̃hũ ñagũ ijinine. Sa yegũ ahrire ɯs̃a yeyere ye masiedare m̃hũ. Ahrire yebogũ ijierare m̃hũ. ²²⁻²³ Tutuaro ihña coore m̃hũ. Sa yegũ ñañe yeyere ne duhu masiedare m̃hũ. Sa yegũ ahrire m̃hũ ñañe yerire buj̃aa witiya m̃hũ. Cohãcjũre m̃hũ ñañe t̃hotuyere bo dutigũ siniña m̃hũ. M̃hũ sa yegũ ihñano tiquiro m̃hũ ñañene borota, niahye Pedro tiquirore.

²⁴ Tiquiro sa nigũ t̃horo Simo ỹhtiahye tiquirore.

—Yuhure sini basaya m̃sa Cohãcjũre m̃hũ nidiro saha yuhũ wahaeragũ. Ti buhiri pecap̃u waha dueraja yuhũ, niahye Simo tiquirore.

²⁵ Came Pedro Ñu mehna Cohãcjũ yere yahuahye. “Jesu tiquiro masa m̃jagũ ihñau ɯs̃a”, ni, Samaria yehpap̃u ijiye macari cj̃enare quehnoañe buheyere buheahye. Tiquinare Cohãcjũ yere buhe tuhasa Jerusal̃p̃u tojoaa wahahye.

Felipe Etiopía yehpa cj̃anore buheahye

²⁶ Sa ye Cohãcjũ tiquiro yaquiro angel Felipere yahuahye:

—Yojopure sur pehepũ wahaya. Jerusalẽ caha ijiri mahapũ Gazapũ wahari mahapũ wahaya, ni yahuahye angel Felipere.

Ti maha masa marienopũ ijire.

²⁷ Tiquiro sa nigũ tũhoro tiquiro pehe ti mahapũ wahahye. Came ti mahapũ ihcãquiro masũnore piti caro taro niahye. Tiquiro piti catiquiro ijiahye Etiopía yehpa cjũno pũhoro. Sa yero Candace wame tiricoro Etiopía cjõno pũhoro yere, niñerure ijipihiyere ihña ihboriquiro ijiahye. Sa yero tiquiro Jerusalẽpũ mari Pacure ño peoro waha tuhasahye. ²⁸ Tiquiro ya macapũ tunuria mehna tojoa taro tiapũ wahaeperota buhero niahye. Cohãcjũ yere yahu mãhtariquiro Isaia tiquiro ojoari pũre buhero niahye. ²⁹ Sa yero Espiritu Santo pehe Felipere ohõ saha ni yahuahye:

—Siquiro tunuriapũ wahariquiro cahapũ wahaya, niahye Espiritu Santo tiquirore.

³⁰ Tiquiro sa nigũ tũhoro Felipe pehe tunuria cahapũ oma cã, Isaia ojoarire Etiopía cjũno buhegũ tũhoahye. Sa tũhoro Felipe sinituahye tiquirore:

—¿Mũhũ buheyere tũho masiajari mũhũ? niahye tiquiro.

³¹ Tiquiro sa nigũ tũhoro Etiopía cjũno ohõ saha ni yũhtiahye:

—Apequiro yũhũre yahu yũhdũoatiquiro mariedagũ quehnoano masiedaga yũhũ. Ohõ yũhũre yahu dujigũ ahtaya yũhũ pari paha, ni yũhtiahye tiquiro Felipere.

—Aũ, ni, nuju sahye tiquiro caha.

³² Sa ye Cohãcjũ yere Etiopía cjũnore tiquiro buheri pũ ohõ saha niahye:

Ovejare tiquina ñehe wejẽdiro saha tiquiro gũhũre ñehe wejẽeta masa. Sa yero ovejagãre tiquiro poarire tiquina segũ tiquiro dihta marieno saha tiquiro masũno gũhũ dihta marieno ijirota. ³³ Tiquirore tiquina bũjũpeeta. Sa ye

tiquiro ñano yerapegũta tiquina pehe ñano yeeta tiquirore. Tiquiro ahri yehpapũ ijigũ tiquina tiquirore wejẽeta. Sa yero tiquiro pohna marieniquiro yariaa waharota, ni ojoahye ti pũpũre.

³⁴ Ti pũ sa ni yahugũ ihñano, Etiopía cjũno sinituahye:

—Yahuya yũhũre. ¿Ohõ saha Isaia tiquiro nidiquiro noa boro ijajari ahriquiro? ¿Isaia tiquiro basi yahuro niagari? ¿O apequirore yahuro niagari? ni, sinituahye Etiopía cjũno.

³⁵ Tiquiro sa ni sinitugũ tũhoro Felipe pehe ti pũre ihña, Jesu yere yahuahye Etiopía cjũnore. ³⁶ Sa ye tiquina tia mehna waha, mágãpũ esahye.

—Ihñaña, ohõ mágã ijire. Ahri mágãpũ yũhũre wame yeya, niahye Etiopía cjũno.

[³⁷ —Jesure mãhũ quehnoano wacũ tutuagũ ihñagũ mãhũre wame yeitja, niahye Felipe tiquirore.

—Jesure wacũ tutuaja yũhũ. Tiquiro Cristo Cohãcjũ macũno ijire. Tire quehnoano masiaja yũhũ, niahye Etiopía cjũno.]

³⁸ Sa ninota tunuria ohoturiquirore yũsũo dutiahye. Tia yũsũ quehe sari bato wijiahye tiquina. Wijia, ti mágãpũ esa, ñumudũca sahye tiquina. Topũ ñumudũca sa, Felipe pehe tiquirore wame yeahye. ³⁹ Wame ye tuhasa tiquina majadũca sagũ Cohãcjũ yaquiro Espiritu Felipere nea wahahye. Tiquiro sa wahari bato Etiopía cjũno quehnoano bucueriquiro tiquiro ya yehpapũ tojoaa wahahye. Tiquiro sa yeri bato tigũ ne pari turi Felipere ihña nemoedahye.

⁴⁰ Sa ye tuhasa Azotopũ esahye Felipe pehe. Sa yero peye macarine quehnoañe buheyere buheahye masare. Cesareapũ buhe bato tiahye.

9

Saulo Jesucristore ihñano tiquirore wacũ tutua dũcahye (Hch 22.6-16; 26.12-18)

¹ Ti pjere Saulo Jesu yequinare ihña tuhtiriquiro, “Tiquinare wejēgūtja”, nino, tiquiro pahia pūhtoro cahapū wahahye. ² Topū esaro tiquiro ojoari pūrīne siniahye pahia pūhtorore. Ohō saha niahye:

—Damasco cĵē wūhūsepū judio masa mari buheye wūhūsepū Jesu yequinare ūmūare, numiare boca sagū, tiquinare űehe dūhte, Jerusalēpū ne cāhtagūtja. Ti wūhūsepū ijiyequinare yūhū űeheatire papera pūre ohoya, ni siniahye Saulo pahia pūhtorore.

³ Ti pūre ne tuhasa, waha, Damasco cahagā tiquiro esagū waro ūhmūanopū asi sitedoque dijioahye tiquirore. ⁴ Sa asi sitedoque dijioagūta tiquiro yehpapū bora quehe saro, yahuducugū tūhoahye:

—¿Saulo, dūhsegū mūhū yūhūre ñano yeajari? nino ca tahye.

⁵ —¿Pūhto, noa boro ijiajari mūhū? niahye Saulo pehe.

—Yūhū Jesu, mūhū ñano yenohrigū ijiaja. [Mūhū yūhū mehna usuagu yūhūre yūhtieragū, mūhū basita ñano yūhdūre, niahye Jesu Saulore.

⁶ Tiquiro sa nigū Saulo cue nanare, ohō saha ni sinituahye:

—¿Pūhto, dūhse yūhū yegū cahmeajari mūhū? niahye Saulo.

Tiquiro sa nigū ohō saha niahye Jesu:]

—Wahcādūcaya mūhū. Si macapū wahaya. Ti macapū mūhū esagū ti maca cĵūno mūhū yeatire yahurota mūhūre, niahye Jesu Saulore.

⁷ Tiquiro sa nigū Saulo mehna cĵēna pehe tiquiro yahuducuye dihitare tūhoahye. Jesu pehere ihñedahye. Tiquiro sa wahagū ihñañe, cueye, tiquina yahuducu masiedahye. ⁸ Sa yero Saulo yehpapū cuñariquiro wahcādūca, tiquiro ihñagū tiquiro caperi bajuerahye. Sa ye tiquina tiquiro omocare űehe, Damascopū tūā cāa wahahye tiquirore. ⁹ Sa yero tiquiro ihtia deco waro ne ihñeda, ihyera, ne sihniedahye.

¹⁰ Sa ye Jesu buheriquiro Anania wame tiriquiro Damascopū ijiahye.

Sa yero Jesu bajaahye Ananiare. Sa bajoaro pisuahye tiquirore:

—¿Anania, ijiajari mūhū? niahye Jesu.

—Ijiaja, ni, yūhtiahye Anania tiquirore.

¹¹ Tiquiro sa nigū Jesu yahuahye tiquirore:

—Poto wame tiri mahapū wahaya. Topū wahagū Juda ya wūhūpū Tarso cĵūnore Saulo wame tiriquirore macaña. Tiquiro Cohācĵūre sinino niaga. ¹² Sa yero quehēno saha tiquiro ihñarire ihñano niaga topūre. Ohō saha ijiyere ihñano niaga tiquiro: Mūhū omocare tiquiro bui duhu peo, tiquiro caperi quehnoa wahagū ihñano niaga tiquirore bajarire, niahye Jesu Ananiare.

¹³ Tiquiro sa nigū tūhoro Anania ohō saha niahye:

—Pūhto, tiquiro mūhū yequinare quehnoañequinare Jerusalē cĵēnare ñano yeñohti. Peyequina masa yūhūre sa ni yahuri. ¹⁴ Sa yero ohōre tiquiro ijipihtiyequina mūhūre cahmeñequinare peresu yero taro niñohti. Pahia pūhtoa tiquirore sa ye dutiñohti, niahye Anania Jesure.

¹⁵ Tiquiro sa nigū Jesu pehe yahuahye tiquirore:

—Tiquiro Saulo pehe yūhū beseriquiro ijire. Tiquiro yee buheyerē peye macari cĵēnare, Israe masa ijieyequinare, tiquina pūhtoare, Israe masa gūhūre buherota. Sa yegū wahaya mūhū. ¹⁶ Sa yero peye tahari yeere tiquiro yeri buhiri tiquiro ñano yūhdūrota. Tire tiquirore masigū yegūtja, niahye Jesu Ananiare.

¹⁷ Tiquiro sa nidi bato Anania pehe waha, esa, Saulo tiquiro ijiri wūhūpū sajāhye. Sajā sa, tiquiro omocare Saulo bui duhu peo, yahuahye tiquirore.

—Yūhū acayū Saulo, mari pūhtoro Jesu pehe mahapū mūhūre bajariquiro yūhūre ohori, mūhū caperire ihña dutiro, Espiritu Santore mūhūre cūo dutiro, tiquiro dutiriro sahata mūhūre ye dutiro, ni yahuahye Anania Saulore.

18 Tiquiro sa nigūta tiquiro caperire wahi natari saha bajuyere tiquiro caperire pahna dijiagū ihñahye Saulo. Tiquiro sa ihña tuhasari bato wahcādūca sagū apeqiro pehe wame yeahye tiquirore. 19 Sa yero tiquiro ihyari bato pagu tutuariquiro wahahye.

Saulo Damascopu Jesu yere buhe dūcahye

Sa ye meheñe decorigā Damasco cjēna Jesu yequina mehna ijiahye Saulo.

20 Sa yero ti pjereta tiquiro judio masa buheye wuhusepu Jesu yere buheahye masare. Jesu Cohācjū macano tiquiro ijiyere yahuahye Saulo. 21 Tiquiro sa yahugū ihñañe ijipihtiyequina tiquirore tuhoyequina acūaa wahahye.

—Ahriquiro Cohācjū yequinare Jesure cahmeñequinare ñano yee tiriquiro ijire. Sa yero tiquiro tiquinare ñehe, dūhte, pahia pūhtoare oho duari jimedi. Sa ye duaro ohōpūre ahtari jimedi tiquiro, niahye masa tiquirore tuhoyequina.

22 Tiquina sa ni tuhoteuepegūta Saulo cuero marieno tutuaro mehna buhe dūcahye. Judio masare Damasco cjēnare quehnoano yahuahye. “Ahriquiro Jesu potota Cristo marine yuhdūoriquiro ijire”, tiquiro ni yahugū tiquina pehe tiquirore “Ni mehono nine ahriquiro”, ni masiedahye tiquirore.

23 Sa ye peye decori bato judio masa tiquirore wejē duaye, tiquina basi yahuducuahye. 24 Sa yero Saulo tiquina wejē duagū masiahye tiquiro basi. Sa ye ti maca cjē sopec-aharire decopūre, ñamipū gāhūre cohtee tiahye tiquirore wejē duaye. 25 Tiquina sa wejē duagū ihñañe ñamipū Saulo buheyequina tiquirore pūhūro pajiri pūhūdupū ne sāa, ti maca cjā sahrīno behero pehepū duhu dijiyahye tiquirore.

Saulo Jerusalēpu ijiahye

26 Sa ye Saulo Jerusalēpu esaro, topū Jesu yequina mehna tiquiro iji

duamahye. Tiquiro sa iji duepegūta tiquina tiquirore “Jesu buheriquiro ijierare ahriquiro”, niñe, tiquirore cue niahye. 27 Tiquina sa cuepegūta Bernabé pehe tiquirore ne cāhye Jesu cūriquina cahapū. Sa yero Saulo mahapū Jesure tiquiro ihñarire, Jesu mehna tiquiro yahuducurire, Damascopū cuero marieno Jesu yere tiquiro buhe dūcarire yahuahye Bernabé pehe. 28 Tiquiro sa ni yahuri bato Saulo tiquina mehna sajāno, Jerusalēpu tiquina mehna ijie tiahye. 29 Sa yero tiquiro cuero marieno Jesu yere buhee tiahye. Sa yero tiquiro judio masare Jesu yere yahu yuhdūdūcaro niahye. Tiquina judio masa griego masa yere yahuducuyequina ijiahye. Sa ye Saulo tiquiro sa yahu yuhdūdūcari buhiri tiquina tiquirore wejē duamahye. 30 Tiquina sa wejē duagū ihñañe, Saulo mehna cjēna Jesu yequina pehe tiquirore Cesareapū ne duhti cāa wahahye. Topū tiquirore siho ijiducume Tarsopū ohoahye tiquirore.

31 Sa ye ijipihtiropū, Judea yehpapū, Galilea yehpapū, Samaria yehpapū Cohācjū yequina quehnoano ijie tiahye. Ti pjere ne masa ñano yera tiahye tiquinare. Sa ye quehnoano buheahye tiquina. Sa ye tiquina Cohācjūre cua pesaro ihñahye. Espiritu Santo tiquinare tiquiro yedohogū tiquina pehe masa peyequina wahahye.

Pedro Eneare quehnoa wahagū yeahye

32 Sa ye Pedro ijipihtiyē macaripū waharo, Jesu yequina Lida maca cjēna cahapū gūhūre esahye tiquiro. 33 Topū esaro Enea wame tiriquirore boca sahye. Enea tini masieniquiro ijiro, ocho cūhmari waro cuñari cahsero mehna cuñae tiahye tiquiro. 34 Sa yero Pedro pehe tiquirore ohō saha niahye:

—Enea, Jesucristo mūhūre quehnoa wahagū yere. Wahcādūcaya. Mūhū eō tu cuñari cahserore quehnoña, niahye Pedro tiquirore.

Tiquiro sa nigūta tiquiro wahcāduca wahaa wahahye. ³⁵ Sa ye ijipihkiyequina Lida cjēna, Saronā cjēna tiquirore ihñañe, tiquina ñañe yerire duhu, Jesure wacū tutuahye.

Dorca wame tiricorore masoahye Pedro Jesu tutuaye mehna

³⁶ Sa ye Jope wame tiri macapū Jesure ño peoricoro Tabita wame tiricoro ijiahye. Ticoro wame Tabita griego ye yahuducuye mehna Dorca ijire. Ticoro quehnoañene yero, peye ohoe tiahye pejecuoyequinare. ³⁷ Sa yero ti pjere ticoro dohati wahcō, yariaa wahahye. Ticoro yariagū ihñañe, tiquina ticorore quehnoano cose, ummano cjā tucūpū cūahye ticorore. ³⁸ Lida wame tiri maca Jope cahagāpū ijiri. Sa ye Jesu buheyequina Jope cjēna Pedro Lidapū tiquiro ijigū tuhoahye. Sa tuhoye, pūaro ohoahye Pedro cahapū. Tiquiro cahapū esaye, Pedrore yahuahye tiquina.

—Sojaro mehna usā ijiropū wahaya, ni yahuahye tiquina.

³⁹ Tiquina sa nigū tuhoro tiquina mehna wahaa wahahye tiquiro. Topū tiquirore tiquina ne sari bato ummano cjā tucūpū ne mujaa wahahye tiquirore. Sa ye ijipihkiyequina wape wiha numia tiquiro cahapū esaduca, utiahye. Tabita tiquina mehna ijinopū peye suhtire yee tiahye. Sa ye tiquina ticoro yeri suhti ijirire ihñoahye Pedrore. ⁴⁰ Tiquina sa ihñoepēgūta Pedro tiquinare ti tucūpū ijiyequinare wijia dutiahye. Tiquina wijari bato tiquiro dusepe curi mehna quehe sa, Cohācjūre ticorore sini basahye. Sa yero ticoro pagure majare ihñahye.

—Tabita wahcāña, niahye tiquiro.

Tiquiro sa nigūta ticoro pehe ihña wahcō, Pedrore ihña, wahcā nuju sahye. ⁴¹ Ticoro wahcā nuju sagū ihña, tiquiro ticoro omocare ñehe, tuā wahcō docoahye ticorore. Sa yero tiquiro to cjēnare Jesu yequinare, wape wiha numiare pijio, ticorore catiricorore wiahye

tiquinare. ⁴² Tiquiro sa yeri bato ijipihkiyequina Jope cjēna tire masiñe peyequina masa Jesure wacū tutua ducahye. ⁴³ Came Jopepū Simo wahiquina cahserire quehnoriquiro mehna peye decori Pedro tiquiro mehna ijiahye.

10

Pedro Corneliore Jesu yere yahu ducahye

¹ Ti pjere Cesareapū Cornelio wame tiri tiquiro ijiahye. Tiquiro cien surara pūhtoro ijiahye. Tiquina surara pehe tiquina ya curua Italiano wame tiahye. ² Cornelio tiquiro ya wuhū cjēna mehna mari Pacūre ño peoyequina, cua pesaro ihñañequina ijie tiahye. Sa yero tiquiro judio masa pejecuoyequinare yedohoro, peye ohoahye. Sa yero decoripe tiquiro mari Pacūre sinie tiahye. ³ Sa ye ñamicahapū tres hora ijigū Cohācjū yaquiro angel tiquirore bajuahye. Sa bajuaro Cornelio cahapū sajāhye.

—Cornelio, niahye angel tiquirore.

⁴ Sa yero Cornelio tiquirore ihña cuero ohō saha niahye:

—¿Pūhto, yabere cahmeajari? niahye tiquiro.

—Pejecuoyequinare mūhū ohorire, mari Pacūre mūhū sinidire tiquiro wacūno niaga. ⁵ Sa yegū Jopepū mūhū cahacjēnare ohoya. Topū Simo Pedro wame tiri tiquiro ijire. Tiquirore ne cāhta dutiya mūhū cahacjēnare. ⁶ Tiquiro apequiro Simo wahiquina cahseri quehnoriquiro cahapū, pajiri ma duhtū cahapū ijiri wuhūpū ijire, niahye angel Corneliore.

⁷ Angel sa ni tuhasa, wijiaa wahahye. Tiquiro sa wijari bato Cornelio pūaro tiquirore yedohoyequinare ihcāquiro surara mehna cjānore pijiahye. Surara pehe mari Pacūre ño peoriquiro ijio, decoripe Corneliore yedohoe tiahye. ⁸ Sa yero Cornelio tiquinare yahu peho, Jopepū ohoahye tiquinare.

⁹ Sa ye ape deco Jopepū tiquina wahari watoa coheri pje ijigū Pedro

pehe wahu buipuh Cohācjūre sinino wahahye. ¹⁰ Sa yero tiquiro uhua ahbagū ihya duahye. Sa ihya duaro apequina tiquiro ihyayere tiquina dahreri watoa tiquiro pehe bajuagū ihñahye. ¹¹ Uhmuanopuh parī maagū, pajiri cahsero ti cahsero sohtoripuh dahteri cahsero dijia tagū ihñahye. ¹² Ti cahsero puhiapuh peyequina wahiquina nuch cjēna, yehpapuh bua tiniñequina, minicjua pari ijiahye. ¹³ Tire tiquiro ihñari bato, Pedro yahuducugū tūhoahye.

—Pedro, wahcāducaya. Ahriquinare wejē ihyaya, ni yahuducugū tūhoahye tiquiro.

¹⁴ Tiquiro sa niepegūta Pedro ohō saha niahye:

—Pūhto, ne tiquinare ihyeraja yuhū. Ñañequinare, Cohācjū tiquiro ihya dutierariquinare ne ihyera tii yuhū, niahye Pedro.

¹⁵ Sa yero Pedro pari turi yahuducugū tūhoahye:

—Cohācjū “Quehnoañequina ijire”, tiquiro nidiquinare “Ñañequina ijire”, niedacāhña mahu tiquinare, ni yahuducugū tūhoahye Pedro.

¹⁶ Sa ye ihtia taha tiquina sa ni yahuducuri bato ti cahsero uhmuanopuh mājaa wahahye tja. ¹⁷ Sa yero Pedro tutuaro wacū “¿Duhse ni yahu duaro nijari sa bajuaro?” ni tūhotuahye tiquiro basi. Tiquiro sa tūhoturi watoa Cornelio ohoriquina pehe Pedro ijiri wuhupuh esahye. “¿Simo ya wahu nohopuh ijiajari?” ni, tiquina sinituri bato ti wuhupuh esahye tiquina. ¹⁸ Sa ye tiquina sinitu madoqueoahye. “¿Simo Pedro wame tiriquire ahri wuhure ijiajari?” ni sinituahye tiquina. ¹⁹ Sa yero Pedro tiquiro tūhoturi watoa Espíritu Santo tiquirore yahuahye:

—Ihñaña. Ihtiaro umua mahure macañe nine. ²⁰ Wahcāducaya. Dijiahya. Tiquina mehna wahaya. Yabiro marieno wahaya quehnoano mehna. Yuhū pehe tiquinare ohōpūre ahtagū yei, niahye Espíritu Santo Pedore.

²¹ Tiquiro sa nigū tūhoro Pedro tiquina cahapuh dijiaa wahahye.

—Ihñaña. Ohōpū ijiaja yuhū masa maca cāhtarigū. ¿Duhse yena tana nijari masa yuhū cahapūre? niahye Pedro tiquinare.

²² Tiquiro sa nigūta tiquina pehe ohō saha niahye:

—Cornelio cien surara pūhtoro, quehnoañene yeriquiro, mari Pacare cua pesaro ihñariquiro, ijipihtiyequina judio masa “Quehnoariquiro”, tiquina nidiquiro mahure piji dutiro ohori usāre. Cohācjū quehnoariquiro yaquiro angel Corneliore mahure piji dutiñohti. Ohō saha niñohti: “Pedrore mahū ya wuhupuh ne cāhta dutiya mahū cahacjēnare. Sa ye tiquiro mahure yahurota”, ni piji dutiñohti angel Corneliore, ni yahuahye Cornelio Pedore tiquiro piji dutiriquina pehe.

²³ Tiquina sa nigū Pedro pehe tiquinare sajā ta duti, ihyaye oho, tiquiro ijiri wuhupuh carī dutiahye tiquinare. Sa yero ape deco Pedro wahcā, tiquina mehna wahaa wahahye. Sa ye apequina Cristo yequina Jope cjēna Pedore piti ti cāhye.

²⁴ Ape deco tiquina Cesareapuh esahye. Sa yero Cornelio pehe tiquiro acayere, tiquiro mehna cjēna gāhure piji cahmecoa, Pedore cohteahye. ²⁵ Sa yero Pedro Cornelio ya wahu cahapuh tiquiro ahtagū ihñano Cornelio pehe tiquirore piti ca wijia, tiquiro dahpocāri cahapuh quehe sahye. ²⁶ Sa yepegūta Pedro tiquirore ne wahcō doco ohō saha niahye:

—Ducuya mahū. Yuhū gāhū mahū yero saha ijigū ijiaja. Cohācjū ijieraja yuhū, niahye Pedro tiquirore.

²⁷ Tiquiro sa ni tuhasari bato Cornelio tiquirore ne sajāa wahahye tiquiro ya wuhupuh. Topuh sajā saro masa pari ti wuhupuh cahmecoa, tiquirore cohteyequinare ihñahye Pedro. ²⁸ Sa yero Pedro tiquinare yahuahye:

—Judio masu ijiepeguta ape curua cjēna mehna ijigu usā du-tiyere yuhduducagu niaja yuhu. Tire quehnoano masine musa. Sa ijiepeguta ape curua cjēnare “Ñañequina ijire”, yuhure ni dutierari Cohācjū. Sa ni yahuri yuhure tiquiro. ²⁹ Tiquiro sa nigū tūhogu ohōpūre musa cahapūre ahtau. Musa yuhure pijioḡā “Ne wahaeraja”, niedu yuhu. “¿Duhse ijiro boro yuhu ohōpū ahtagū cahmeari musa?” niahye tiquinare Pedro.

³⁰ Tiquiro sa nigū tūhoro Cornelio pehe ohō saha niahye:

—Tres hora ijigū waro mari Pacu yaquiro angel yuhure bajuari. Pititia deco wahare yuhure tiquiro bajuari bato. Ti decota mari Pacure yuhu sinini watoa angel asi siteri suhtiro sañariquiro yuhu cahapu ducuri. ³¹ Sa yero tiquiro yuhure ohō saha nidi: “Cornelio, mahu mari Pacure mahu sinigū tiquiro tūhori. Sa yero pejecuoyequinare tiquina cahmeñene mahu ohogū ihñano mari Pacu wacūno mūhure yedohorota. ³² Sa yegu Jopepu mahu cahacjēnare ohoya, Simore, Pedro wame tiriquire mahu cahapu tiquina ne cāhtagū. Tiquiro apequiro Simo wahiquina cahseri quehnoriquiro ya wuhupū pajiri ma dūhtu cahapu ijiri wuhupū ijire tiquiro”, ni yahuri yuhure tiquiro. ³³ Tiquiro sa nigū tūhogu yuhu cahacjēnare mūhure ne cāhta dutigu ohou yuhu. Sa yegu quehnoano yegu ahtari jiri mahu usā cahapūre. Sa yena usā ijipihtina ohōre mari Pacu tiquiro ihñonopū ijina niaja usā. Ijipihtiyere mari Pacu mūhure tiquiro yahu dutirire tūho duana, cohtei usā, niahye Cornelio Pedore.

Pedro Jesu yere yahuahye

³⁴ Tiquiro sa nigū tūhoro, Pedro ohō saha ni yahuahye:

—Yojopū masiaja. Ijirota ijire. Cohācjū ihcāno saha quehnoano yere marine. ³⁵ Sa yero ijipihtiyere macari cjēna Cohācjūre cua pesaro

tiquina ihñagū, quehnoañene tiquina yegū Cohācjū pehe tiquina mehna bucuere. ³⁶ Cohācjū usā judio masa cahapu Jesucristore ohori. Masare Cohācjū mehna quehnoano iji dutiro Jesu pehe quehnoañe buheyere yahuri. Ti buheyere musa masine. Jesucristo pehe ijipihtiyequina masa pūhtoro ijire. ³⁷ Ńu wame yeriquiro ohō saha ni yahuri: “Musa ñañene bujua witiya. Sa yena wame yenohrina ijiya”, ni, yahuri Ńu. Masare tiquiro sa ni yahuri bato Galileapū quehnoañe buheyere Jesu pehe yahu ducari. Came Judea yehpapū ti buheyere yahu pehori. ³⁸ Ahriquiro Jesu Nazare cjūnore Cohācjū pehe tiquiro tutuayere, Espiritu Santo mehna tiquiro ye masiatire ohori Jesure. Sa yero Jesu quehnoano yero wahari. Sa waharo watīare cuoyequinare ñano yuhduyequinare ijipihtiyequinare quehnoa wahagū yeri. Mari Pacu Jesu mehna ijiri. ³⁹ Judea yehpapū, Jerusalēpū gūhure ijipihtiyē tiquiro yerire usā ihñau. Came tiquina curusapū wejēdi tiquire. ⁴⁰ Sa yero ihtia deco wahaboro Cohācjū tiquire masori jiri. Sa yero Jesure apequinare bajuagū yeri jiri mari Pacu. ⁴¹ Ti pjere Jesure ijipihtiyequina ihñedari. Meheñequinagāre bajuari tiquiro. Mari Pacu tiquiro cahmenare, Jesure ihñatinare panopū usāre mari Pacu beseahye. Usā pehe Jesu tiquiro masari bato tiquiro mehna ihya, sihnii. ⁴² Sa yero usāre tiquiro dutiri. “Masare yahuya. Yuhu Jesu ijipihtiyequina catiyequinare, yariariquina gūhure buhiri dahreacjū yuhure ijigū yeri mari Pacu. Sa yena tire masare yahuya”, ni dutiri Jesu usāre. ⁴³ Ijipihtiyequina Jesure tiquina wacū tutuagū ihñano Cohācjū tiquina ñañene borota. Tire ijipihtiyequina Cohācjū yere yahu mūhtariquina panopū cjēna yahuyuahye, ni yahuahye Pedro.

Judio masa ijieyequina Espiritu Santore cuo dūcahye

44 Ti ijipihiyere tiqiro sa ni yahuri watoapɛ, ijipihiyequina tire tɛhoyequina mehna Espiritu Santo iji dɛcahye. 45-46 Sa ye judio masa ijieyequina tɛhomehneñe yahuducuye mehna bucueye mehna yahuducu dɛcahye. Ti yahuducuye mehna Cohãcjũre “Tutuagu, quehnoagu ijire”, niñe niahye. Tiquina sa nigũ tɛhoahye Pedro acaye judio masa Jesu yequina. Sa ye Espiritu Santo judio masa ijieyequina mehna tiqiro iji dɛcagũ ihñañe judio masa pehe ihña maria wahahye. Sa yero Pedro ohõ saha ni yahuahye judio masare:

47 —Mari yero sahata Espiritu Santore cɛore ahriquina gũhɛ. ¿Tiquina sa ijigũ ihñana ahriquinare wame yeraboagari mari? niahye Pedro tiquinare.

48 Sa ni tuhasa Jesu wame mehna judio masa ijieyequinare wame ye dutiahye Pedro. Tiquina sa yeri bato “Usã mehna meheñe decorigã tojoarĩña”, niahye tiquina Pedro gũhare.

11

Pedro Jerusalẽ cjẽnare Jesu yequinare yahuahye

1 Sa ye judio masa ijieyequina gũhɛ Cohãcjũ yere tiquina quehnoano cahmegũ Jesu cũriquina pehe tiquina acaye Judeapɛ ijieyequina mehna tɛhooahye. 2 Sa ye Pedro Jerusalẽpɛ tiqiro tojoa sagũ ihñañe judio masa Jesu yequina meheñequinagã tiqirore ohõ saha niahye:

3 —¿Judio masa ijieyequinare dɛhse ijiro boro ihñagũ esari mɛhɛ? ¿Dɛhse ijiro boro tiquina mehna ihyari mɛhɛ? ni, tuhtiahye Pedrorre tiquina.

4 Tiquina sa nigũ tɛhoro Pedro tiqiro yerire yahu peho cãhye tiquinare. 5 Ohõ saha ni yahuahye:

—Yɛhɛ Jopepɛ ijigɛ Cohãcjũre sinigɛ nii. Sa yero yɛhɛre ohõ saha bajuari. Pajiri cahsero ti cahsero sohtoripɛ dɛhteri cahsero ɛhmɛanopɛ yɛhɛ cahapɛ dijia tagũ ihñau. 6 Sa yegɛ ti cahserore quehnoano ihñau,

“¿Yabe boro ti cahseropɛre ijiajari?” nigɛ. Sa yegɛ ihñau ti cahseropɛre ijieyequinare: Wahiquinare nɛcɛ cjẽnare, yehpapɛ bɛa tiniñequinare, minicjɛa parire ihñau. 7 Sa yegɛ yɛhɛre tiqiro yahuducuyere tɛhou.

“Pedro, wahcãdɛcaya. Wejẽ ihyaya ahriquinare”, nino ca tari yɛhɛre.

8 Tiquiro sa nigũ tɛhogɛ ohõ saha nii yɛhɛ. “Pɛhto, ne tiquinare ihyeraja yɛhɛ. Ñañequinare, Cohãcjũ tiqiro ihya dutieyequinare ne ihyera tii yɛhɛ”, nii yɛhɛ.

9 Yɛhɛ sa niepegãta ɛhmɛanopɛ pari turi yɛhɛre yahuducuro ca tari tja.

“Cohãcjũ ‘Quehnoañequina ijire’, tiqiro nidiquinare ‘Ñañequina ijire’, niedacãhña mɛhɛ”, nino ca tari yɛhɛre.

10 Sa yero ihtia taha usã sa ni yahuducuri bato ti cahsero ɛhmɛanopɛ mɛjaa wahari tja.

11 Yɛhɛ sa ihñari watoa ihtiaro ɛmɛa usã ijiri wɛhɛpɛ esari jiri. Tiquina Cesarea cjũno ohoriquina ijiri.

12 Sa yero Espiritu Santo pehe yɛhɛre tiquina mehna waha dutiro “‘Tiquina ñañequina ijire’, niedacãhña tiquinare”, ni yahuri yɛhɛre tiqiro.

Sa ye ahriquina seis yɛhɛ acaye mehna Cesarea cjũno ya wɛhɛpɛ sajã usã.

13 Sa yero tiqiro usãre ohõ saha ni yahuri. “Angel yɛhɛ wɛhɛpɛ ducugũ ihñau yɛhɛ. Ohõ saha ni yahuri yɛhɛre: ‘Jopepɛ Simore Pedro wame tiriqirore ne cãhta dutiya.’”

14 Tiquiro mɛhɛre mɛhɛ acaye mehna mɛsare ijipihitinare pecapɛ wahaborinare mɛsa yɛhdɛatire yahurota’, nidi angel yɛhɛre”, ni, yahuri Cesarea cjũno yɛhɛre.

15 Sa ye yɛhɛ yahuducuri watoa Espiritu Santo pehe tiquina mehna iji dɛcari, marine tiqiro ye mɛhtariro sahata.

16 Sa yegɛ Jesu tiqiro yahurire wacũu yɛhɛ. Ohõ saha ni yahuri tiqiro: “Ñu mɛsare wame yero aco mehna wame yemedi. Yɛhɛ pehe tiqiro yɛhdɛoro yeitja mɛsare. Came Espiritu Santore mɛsa mehna iiducugũ yeitja”, ni yahuri.

17 Sa yero Jesucristo mari

pahutorore mari wacũ tutuagũ ihñano Cohãcjũ yaquiro Espíritu Santore ohori marine. Sa yero Cohãcjũ marine Espíritu Santore tiquiro ohoriro sahata judio masa ijieyequina gãhare tiquiro ohori. Cohãcjũ tiquiro sa yegũ ihñagũ tiquirore yãhdũdũca masiedaja yãhũ, niahye Pedro tiquinare, judio masare Jesu yequinare.

¹⁸ Tiquiro sa nigũ tãhoye, tiquina tiquirore ne ni nemoedahye. Tiquirore tuhti masiedahye. Sa ye tiquina,

—Cohãcjũ quehnoariquiro, tutu-
ariquiro ijire, niahye.

Ohõ saha ni nemoahye:

—Judio masa ijieyequina gãhũ tiquina ñañene bũjũa witiyequina ijiye, Cohãcjũ yequina ijieta. Sa tiquiro yequina ijiye, tiquina gãhũ ijipihtiye decori tiquiro mehna ijieta, ni nemoahye tiquina.

*Antioquíapũ apequna Jesu yequina
ijiahye*

¹⁹ Sa ye Estebãre tiquina wejẽdi bato masa Jesu yequinare ñano yeahye. Tiquina sa yegũ ihñañe Jesu yequina duhti sitea wahahye. Sa ye tiquina Feniciapũ, Chiprepũ, Antioquíapũ waha, judio masa dihitare Cohãcjũ yere yahue timahye tiquina.

²⁰ Tiquina sa yepegũta apequna pehe Jesu yequina mehna cjẽna Chipre cjẽna, Cirene cjẽna, Antioquíapũ esa, judio masa ijieyequinare Jesu yere buheahye Cohãcjũ tiquinare tiquiro yãhdũoatire. ²¹ Sa yero mari pahutoro tiquinare yedohoahye. Sa ye masa peyequina Jesure wacũ tutuaye, quehnoañe pehere comesahye.

²² Sa ye “Antioquíã cjẽnapũ Jesure cahmeaga”, ni tãhooahye Jerusalẽ cjẽna Jesu yequina. Tiquina sa tãhoori bato Jerusalẽ cjẽna Bernabé wame tiriquire Antioquíapũ ohoahye. ²³ Sa yero tiquiro Antioquíapũ esaro, Cohãcjũ yedohoye mehna judio masa ijieyequina tiquiro yequina tiquina wahagũ ihñano, tutuaro bucueahye. Sa

yero tiquiro to cjẽnare ohõ saha ni yahuahye:

—Jesure sa wacũ tutuaducuya. Tiquiro yere ne duhueracãhña, ni yahuahye tiquiro ijipihtiyequina tiquinare.

²⁴ Bernabé quehnoariquiro ijiro, Espíritu Santore pajiro cãoriquiro ijiro, tiquiro dutiriro sahata yeriquiro ijiro, Jesure quehnoano wacũ tutuahye tiquiro. Sa ye tiquiro buheri bato masa peyequina wacũ tutuahye Jesure.

²⁵ Came tiquiro Tarso wame tiri macapũ Saulore macano wahahye.

²⁶ Topũ tiquirore boca sahye. Tiquiro boca sari bato Antioquíapũ ne cãhye Saulore. Topũ tiquina esari bato ihcã cãhma waro tiquina Cohãcjũ yequina mehna cahmecoa, peyequina masare buhee tiahye tiquina. Sa ye Antioquíapũ Cristo yequina Cristiano wame ti dũcahye.

²⁷ Ti pjere Cohãcjũ yere yahu mahtariquina Jerusalẽpũ ijiriquina waha, Antioquíapũ esahye. ²⁸ Sa

yero tiquina mehna cjãno Agabo wame tiriquire Jesu yequina watoapũ ducuro, Espíritu Santo tutuaye mehna yahuahye tiquinare. “Ijipihtiri yehpapãre tutuaro ajuã waharota”, ni yahuahye tiquiro. Ti pjere ihyaye mariedi pje ijigã ijipihtiyequina pahutoro Claudio ijiahye. ²⁹ Sa ye Cristo buheyequina, ijipihtiyequina tiquina cãoro puno tiquina acayere oho duaye, tiquina basi cahme yahuducuahye. “Judea yehpa cjẽna Jesu yequinare niñerure ohouhna”, niahye tiquina basi.

³⁰ Tiquina sa nidi bato Bernabé, Saulo mehna ti niñerure ne cã basahye. Topũ esaye Judea yehpa cjẽnare Jesu yequina pahutoare wiahye ti niñerure.

12

Pedrore peresu yeahye

¹ Ti pjere pahutoro Herode ihquẽquinare Jesu yequinare ñano ye dũcae tiahye. ² Sa yero tiquiro Ñũ wahminore Santiago pehere

ñoseni pjĩ mehna tiquiro wejẽ dutigũ apequina pehe tiquirore wejẽahye. ³ Santiagore tiquiro wejẽgũ judio masa bucueahye. Tiquina bucueyere Herode masino, “Sa dihita cahmene tiquina”, nino Pedro gũhare peresu yeahye. Ti decorire pugũ yeye moremehneñe pãre tiquina ihyati bose deco pascua ijiahye.

⁴ Sa ye Herode ñehe dutiriquina Pedrore ñehe, peresu yeahye. Sa yero diez y seis surarare cohte dutiahye tiquirore. Pititiaro surara cohteahye tiquirore. Came pititiaro tiquina comesayequina tiquirore cohte m̄jajae tiahye. Sata yeahye tiquina diez y seis surara. Herode pehe pascua bato Pedrore peresupũ ijiriquirore masa ihñonopũ duhu doco duamahye tiquirore wejẽ dutiro taro. ⁵ Sa yero Pedro peresupũ ijiahye. Topũ tiquiro ijigũ Jesu yequina pehe Cohãcjũre tutuaro sini basae tiahye tiquirore.

Peresupũ ijiriquirore Pedrore Cohãcjũ wioahye

⁶ Sa ye ñamine Pedro come dari pũa da mehna tiquina dũhteriquiro pũaro surara watoapũ carĩno niahye. Sa ye surara sopecahapũ cohteducue tiahye tiquirore. Sa yero ti deco bohrearo Herode Pedrore judio masa ihñonopũ duhu doco duamahye tiquirore wejẽ dutiro taro. ⁷ Sa yero Cohãcjũ yaquiro angel pehe Pedro cahapũ tiquiro ducugũ peresupũ tiquiro ijiri tucũ buhrio pihtia wahahye. Sa yero angel Pedro cahapũ ducuro Pedro pati pahmapũ ohbe careahye.

—Sojaro mehna wahcãña, niahye tiquiro Pedrore.

Tiquiro sa nigãta tiquiro omocarine tiquina dũhteri dari come dari suru site dijiaa wahahye. ⁸ Sa yero angel tiquirore yahuahye:

—Weje dihoya m̄hũ weje dihori dare. M̄hũ dahpo suhti gũhare sañaña, niahye tiquiro.

Tiquiro sa nigũ Pedro pehe tiquiro nidiro saha yeahye.

—M̄hũ bui cjã suhtirore sañaña. Yũhũ mehna wahaya, niahye angel.

⁹ Tiquiro sa nigũ ti tucũpũ ijiriquiro wijia, angel bato wahaa wahahye tiquiro. Sa wahaeperota ohõ saha ni tũhotumahye tiquiro. “¿Ahri poto ijieragari? ¿Quehẽgũ niagari yũhũ?” ni, tũhotumahye tiquiro. ¹⁰ Sa ye tiquina tiquiro ijiri tucũ sopecahapũ ducuyequina surarare yũhdũ cã, apequina yoa cjũno ducuyequina gũhare yũhdũ cã, pajiri sopecahapũ esahye. Ti sope pahma macapũ wahari mahare cahmotari pahma ijiahye. Ti sope pahma esa tuharo parĩgũ tiquina wijiaa wahahye. Wijiaa waha, tiquina mahapũ wahaa wahahye. Mehenogã tiquina waha nemogũ angel pehe wahaa wahahye. Sa yero Pedro ihcãquiota tojoahye. ¹¹ Sa tiquirore angel tiquiro wahari bato tiquiro yerire Pedro masiahye. Ohõ saha ni tũhotuahye tiquiro. “Angel Cohãcjũ ohoriquiro peresupũ yũhũ ijigũ yũhare wioro wihiri. Yojopũ tire masiaja tiquiro sa yerire. Judio masa pehe yũhare tiquina ye duarire Cohãcjũ pehe tiquinare ye dutierari. Sa yero yũhare, Herode tiquiro peresu yerigure wiori”, ni, tũhotuahye Pedro.

¹² Tiquiro sa ni tũhoturi bato María Ñũ pacoro ya wũhũpũ esahye Pedro. Ñũ pehe Marco wame tiriquiro ijiri. Ti wũhũpũ masa peyequina cahmecoa, Cohãcjũre siniñe niahye. ¹³ Sa yero Pedro sope pahmare doteahye. Rode wame tiricoro cahacjõno tiquiro dotegũ tũhoro ihñano esahye ticoro. ¹⁴ Sa yero Pedro ticorore tiquiro pisugũ tũhoro tiquiro yahuducuyere tũho masi, tutuaro bucue, sopecahare põoedahye. Sa bucuemeno tiquirore põoboricoro boaa wahahye. Pedro topũ tiquiro ducugũta ticoro majaredũca oma sajãa wahahye.

—Pedro sopecahapũ wihiri, ni, yahuro sajãhye.

¹⁵ Sa ye tiquina wũhũpũ ijiyequina ticoro sa nigũ tũhoye,

—Sa nicõo niaga m̄h̄u. Sa ni macacõo nine m̄h̄u, niahye tiquina ticorore.

—Poto tjire. Poto nigota niaja, niahye ticoro.

Ticoro sa nigã tuhoye,

—Tiquiro ijieraga. Tiquiro jeripohna wihiro niaga, niahye tiquina pehe.

¹⁶ Tiquina sa nini watoa Pedro sope pahmare sata doteducuro niahye. Tiquiro sa yegã tuhoye, tiquina sopechare p̄õo, tiquirore ihña, ihña maria wahahye. ¹⁷ Sa yero Pedro tiquiro omoca mehna “Dihta mariahña”, nino, Cohãcjũ pere-sup̄u tiquirore wiorire yahuahye tiquinare.

—Ahrire yahuya Santiagore, apequna Jesu yequina ḡh̄are, niahye tiquiro.

Sa ni yahu tuhassa tiquiro ape sie pahr̄ep̄u yuh̄u cãa wahahye. ¹⁸ Sa ye bohrea quehagã surara Pedro tiquiro dahse ye wijarire ne masiedahye. Sa masiedaye ac̄aa wahahye. ¹⁹ Sa yero Herode Pedrore maca dutimahye. Sa yero tiquiro surarare peresu cohteriquinare tiquiro sinituri bato tiquinare wejẽ dutiahye Herode pehe. Sa yero Herode Judeap̄u ijiriquiro waha, Cesareap̄u ijiro wahahye.

Herode yariaa wahahye

²⁰ Sa yero Tiro wame tiri maca cjẽna mehna, Sidõ cjẽna mehna Herode pehe usuahye. Tiquiro sa usuagã ihñañe ti macari cjẽna pehe Herode tiquina mehna tiquiro usarire quehnoñe waha, tiquiro mehna yahuducuye wahahye. Sa ye tiquiro cahacjãnore Blasto wame tiriquire piti tiahye tiquina. Sa ye tiquina Blasto yedohoro mehna Herode cahap̄u esahye. Tiquiro cahap̄u esa, ohõ saha niahye:

—Mari quehnoano ijiihna. Mari basi ihña tuhtieracãhna, ni siniahye tiquina Herodere.

Tiquina ya yehpa cjẽna Herode ya yehpap̄u ihyayere bocaie tiahye.

Sa ye Herode tiquinare ihña tuhtigã cahmedahye tiquina. ²¹ Sa yero Herode tiquiro queori decop̄u, p̄h̄toro tiquiro sañañe suhti quehnoañe suhtire sañahye tiquiro. Sa yero tiquiro dujirop̄u dujitjiãno, masare yahuducu ihñoahye. ²² Tiquiro sa yahuducu ihñoã tuhoye masa pehe sañuducuahye:

—Ahriquiro yahuducuriquiro masano ijierare. Cohãcjũ ijire, ni sañuducumahye tiquina Herodere.

²³ Tiquina sa nigãta Cohãcjũ yaquiro angel Herodere dohatiyere ohoahye. “Cohãcjũ ijieraja yuh̄u”, ne niedahye Herode. Tiquiro sa niedari buhiri angel tiquirore dohatigã yeahye. Tiquiro sa dohatigã tiquirore becoa ihya wejẽ cãhye.

²⁴ Sa ye Jesu yequina peyequina masare Jesu ye buheyere buhee tiahye.

²⁵ Sa ye Bernabé, Saulo mehna buhe peho, Jerusalẽp̄u ijiyequina Antioquíap̄u tojoaa wahahye. Sa ye Ñu Marco wame tiriquire tiquina ne cãhye tiquina mehna.

13

Jesu yequina Bernabé Saulo mehna Cohãcjũ yere buhe dutiye ohoahye

¹ Ti pjere Antioquíap̄u Cohãcjũ yequina mehna cjẽna, Cohãcjũ yere yahu m̄htariquina ijiahye. Masare buheyequinata ijiahye tiquina ḡh̄u. Bernabé, Simo Negro wame tiriquire, Ludio Cirene cjẽno, Manae, Saulo mehna tiquina ijiahye. Manae pehe p̄h̄toro Herode manano mehna tiquina p̄aro ihcãno mehna buc̄ariquina ijimahye. ² Sa ye tiquina Cohãcjũre tiquina ño peori watoa, tiquina sijiri watoa, Espíritu Santo pehe yahuahye tiquinare.

—Bernabé, Saulo mehna cũña yuh̄u cahmeno saha yeatiquinare. Tire yeatiquinare bese cũḡu niaja tiquinare, niahye Espíritu Santo.

³ Tiquiro sa nigã tiquina pehe siji Cohãcjũre sini, Bernabé bui Saulo bui

tiquina omocarine duhu peoahye. Sa duhu peoye tiquinare buhe dutiye ohoahye.

Chiprepꝫ Jesu cūriquina buheahye

⁴ Sa ye tiquina Saulo, Bernabé mehna Espíritu Santo tiquiro ohoriquina ijiye, Seleuciapꝫ esa, ti macare yꝫhdꝫ cã, Chipre wame tiri nꝫcꝫopꝫ esahye tiquina. ⁵ Sa ye Salamina wame tiri petamahapꝫ esahye. Ti macapꝫ judio masa buheye wꝫhꝫsepꝫ, Cohãcjũ yere yahu dꝫcahye tiquina. Sa yero Ñu Marco gũhꝫ tiquina mehna waha, tiquinare yedohoahye. ⁶ Sa ye tiquina ti nꝫcꝫo sohtoapꝫ maja, ti nꝫcꝫo torepꝫ ijiri macapꝫ Pafo wame tiri macapꝫ esaye, yairore boca sahye tiquina. Tiquiro judio masꝫno, Barjesu wame tiri quiro ijiahye. Barjesu griego ye mehna niñe Elima tiquina ni pisuriquiro ijiahye. “Cohãcjũ yere yahu mꝫhtagꝫ ijiaja yꝫhꝫ”, ni, masare ni mehoducuriquiro ijiahye tiquiro. ⁷ Sa yero tiquiro Sergio Paulo wame tiri quiro mehna cjãno ijiahye. Sergio Paulo pehe ti nꝫcꝫo cjẽna pꝫhtoro masi pehoriquiro ijiahye. Sa yero Cohãcjũ yere tꝫho duaro tiquinare Bernabé, Saulo mehna pijioahye tiquiro. ⁸ Tiquiro sa pijiopegũta Elima, yairo pehe tiquinare buhe dutierahye. Tiquiro Sergio Paulo Jesu yere tiquiro ño peogũ cahmesãedahye yairo pehe. Sa yero yairo pehe Sergio Paulore Cohãcjũ yere cohã dutiro nimahye. ⁹⁻¹⁰ Tiquiro sa cohã dutiepegũta Saulo, Pablo tiquina nidiquiro Espíritu Santore cꝫoriquiro ijiro, yairore quehnoano ihña diho cū tiquirore yahuahye:

—Mꝫhꝫ ni mehoñe peyagꝫ, ñagꝫ, watĩno tiquiro dutiyere yegꝫ, quehnoañene ihña yabigꝫ ijire mꝫhꝫ. ¿Dꝫhse yegꝫ Cohãcjũ yere “Ni mehoñe ijire”, sa niducujari mꝫhꝫ? ¹¹ Mꝫhꝫ sa nigũ Cohãcjũ caperi bajueragũ yerota mꝫhꝫre. Sa yegꝫ meheñe decorigã mꝫhꝫ ihñasi, niahye Pablo.

Tiquiro sa nigũta yairo pehe bueri yero saha ijiyere ihña mꝫhtano,

nahitiano dihitare ihñahye. Sa yero tiquirore tꝫãtiquirore macahye tiquiro. ¹² Tiquiro sa wahagũ ihñano, Sergio Paulo pehe Jesu yere “Ijirota ijire”, ni masiahye. Mari pꝫhtoro yere tiquiro tꝫho, tꝫho maria waha, Jesure wacũ tutua dꝫcahye.

Pablo Bernabé mehna Antioquíapꝫ Pisidia yehpapꝫ ijiri macapꝫ ijiahye

¹³ Sa ye Pablo gũhꝫ Pafopꝫ ijiriquina yucꝫsa mehna waha, Pergepꝫ esahye. Perge Panflia yehpapꝫ ijire. Topꝫ esa, Ñu Marco tiquinare cohã cã, Jerusalẽpꝫ wahaa wahahye. ¹⁴ Sa ye tiquina Pergepꝫ ijiriquina waha, Antioquíapꝫ esahye. Antioquía Pisidia yehpapꝫ ijire. Topꝫ esaye, saurú deco ijigũ tiquina judio masa buheri wꝫhꝫpꝫ sajã sa, topꝫ dujiahye. ¹⁵ Sa ye ti wꝫhꝫre cohteyequina Cohãcjũ dutiyere, Moisepꝫ marine tiquiro cūrire, Cohãcjũ yere yahu mꝫhtariquina tiquina ojoarire tiquina buheri bato tiquina pijiahye Pablo gũhꝫre.

—¿¿sã acaye, masare mꝫsa yahu duaye ijiajari? Tire yahu duana yahuya mianogãta, niahye ti wꝫhꝫre cohteyequina.

¹⁶ Tiquina sa nigũ tꝫhoro, Pablo wahcãdꝫca sa, “Yahuducueracãhña”, nino tiquiro omoca mehna qué dijioahye. Tiquina dihta mariagũ ihñano, tiquiro ohõ saha niahye:

—Israe masa, Israe masa ijiena gũhꝫ mari Pacure ño peona, tꝫhoya mꝫsa. ¹⁷ Mari ñecꝫsumꝫa mꝫna panopꝫ cjẽna Cohãcjũre ño peoe tiahye. Tiquina mꝫnare Cohãcjũ besee tiahye. Sa ye mari ñecꝫsumꝫa mꝫna yoari pje Egiptopꝫ ijie tiahye ape yehpa cjẽna ijiepetã. Topꝫ tiquina ijigũ Cohãcjũ quehnoano yee tiahye tiquinare. Sa ye peyequina masaputiahye tiquina. Ohõ saha yeahye tiquinare. Tiquinare Egiptopꝫ ijiriquinare tiquiro tutuaye mehna wioahye Cohãcjũ. ¹⁸ Tiquiro sa wiori bato tiquina cuarenta cꝫhmari waro masa marienopꝫ tinie tiahye. Topꝫ tiquirore tiquina

yahduacagũ Cohãcjũ sata tuhutu cãhye. ¹⁹ Sa yero Canaa wame tiri yehpare siete cururi cjẽnare cohã tuhasa, Cohãcjũ ti yehpare ohoahye Israe masa pehere. ²⁰ Ti ijipihiyere tiquina yegũ cuatrocientos cincuenta cahmari waro yahdahye. Camerũ masare dutiatiquinare cũahye Cohãcjũ Israe masare. Cohãcjũ tiquiro cũriquina Samuel tiquiro ijigũpũ iji bato tie tiahye. Samuel pehe Cohãcjũ yere yahu mahitariquiro ijie tiahye. ²¹ Came Israe masa pehe tiquina pahoro ijiatiquirore macae tiahye. Sa ye Cohãcjũre sinie tiahye. Tiquina sa sinigũ ihãano Cohãcjũ Saulore cũahye tiquinare. Saulo Cis macano ijero, Benjami ya curua cjũno ijiahye. Sa yero cuarenta cahmari waro tiquina pahoro ijiatiquiro cũahye Cohãcjũ tiquirore. ²² Sa yero Cohãcjũ Saulore tiquiro cohãri bato Davire cũahye tiquiro. Ohõ saha niahye Cohãcjũ Davire: “Davi Isai macanore bocaũ yahũ. Tiquiro mehna bucueaja yahũ. Tiquiro yahũ cahmeñene yerota”, niahye Cohãcjũ.

²³ Ahriquiro Davi panamino iji turariquiro ijire Jesu. Cohãcjũ Jesure cũri jiri Israe masare yahduoatiquiro. “Masare quehnoano yeitja”, niahye Cohãcjũ. Tiquiro nidiro sahata yeri tiquiro. ²⁴ Tiquiro sa yeato pano Jesu wihiato pano Ñu ohõ saha ni buheri jiri: “Mũsa ñañene bujua witiya. Quehnoañe pehere comesaya. Sa yena wame yenohrina ijiya”, ni buheri jiri Ñu ijipihiyequina Israe masare. ²⁵ Sa yero Ñu tiquiro buhe bato tiato pano, tiquiro yariato pano ohõ saha ni yahue tiri jiri: “¿Noa boro ijiajari yahũ, masa tuhutugũ? Cristo ijieraja yahũ. Apegũ ijiaja. Yahũ sa ijiepegũ tuhoya yahũre. Yahũ bato yahũ yahduoro tutu-ariquiro ahtarota. Tiquiro quehnoa yahdariquiro ijire. Tiquiro yero saha ijieraja yahũ”, ni yahuahye Ñu masare.

²⁶ Yahũ acaye, Abrahã panamena iji turiana, Israe masa ijiena gũhũ

ijipihitina mari Pacure ño peona, marine ahri tiquiro yahduoatire yahuri buheyere ohori jiri mari Pacũ. ²⁷ Jerusalẽ cjẽna tiquina pahtoa mehna saurũ decori ijigũ Cohãcjũ yere yahu mahitariquina tiquina ojoarire buhepeta quehnoano masiedari jiri. Sa masiedaye, Jesu tiquinare yahduoatiquiro tiquiro ijigũ gũhũre masiedari jiri. Tiquina sa masiedapeta Jesure wejẽ dutiahye. Sa yeye Cohãcjũ yere yahu mahitariquina tiquina ojoariro sahata yeye niahye. ²⁸ Tiquirore tiquina wejẽato pano tiquina Jesure yahusãmahye. Sa ye tiquiro ñañene yerapegũta tiquina Pilatore Jesure wejẽ dutiye tee, siniahye. ²⁹ Sa ye panopũ tiquina ojoariro sahata Jesure ye tuhasa, tiquirore curusapũ ijiriquirene ne dijio, masa copepũ utãre tiquina seheri copepũ cũahye tiquirore. ³⁰ Sa ijiepegũta tiquiro yariari bato Cohãcjũ masori jiri tiquirore. ³¹ Sa ye Galileapũ ahtariquina Jerusalẽpũ tiquiro mehna esariquina peye decori tiquirore yaria masa bajuariquirene ihãae tiahye. Sa ye yojopũre tiquirore tiquina ihãarire masare yahuri tiquina.

³²⁻³³ Sa yena quehnoañe buheyere yahuaaja usã masare. Cohãcjũ mari ñecusumũare “Masare quehnoano yeitja”, panopũ tiquiro nidiro sahata yojopũre marine tiquina acayere yeri. Tire tiquiro yahurire ohõ saha yeri tiquiro. Cohãcjũ Jesure masori jiri. Sa yena Jesure tiquiro masorire yahuaaja masare. Pũaro Salmopũ panopũ tiquina ojoariro sahata sa wahari jiri. “ ‘Mũhũ yahũ macũ ijire. Miare mũhũre bajuagũ yei’, nine Cohãcjũ tiquiro macanore”, ni ojoahye panopũre. ³⁴ Sa yero Cohãcjũ Jesure tiquiro masoatire pari turi tiquiro yarieratire yahuyuro ohõ saha ni, yahu ojoahye Salmore ojoariquiro. “ ‘Davire yahũ paja ihãariro sahata tiquirore yahũ nidiro sahata potota quehnoano yegũtja mũhũ gũhũre’,

nidi Cohãcjũ”, ni ojoahye. ³⁵ Sa yero ape Salmo gãhũre ohõ saha ni, yahuahye: “Cohãcjũ mãhũ cahacjẽno quehnoariquiro tiquiro pagũre ahba dutierare mãhũ”, ni, ojoahye. ³⁶ Sa yero Davi Cohãcjũ tiquiro cahmediro sahata tiquiro ijiri pje cjẽnare yedohoahye. Came tiquiro yariaa wahahye. Tiquiro yariari bato tiquiro pacũsmũare tiquina yeriro sahata yahye tiquiro gãhũre. Sa yero tiquiro ahbaa wahahye. ³⁷ Tiquiro sa ahbaepegũta ahriquiro, Cohãcjũ tiquiro masoriquiro pehe ne ahbaerari. ³⁸ Sa yena mãsa yũhũ acaye ahrire masiña: Cohãcjũ mãsa ñañene tiquiro cohãtire mãsare yahuaja usã. Jesu pehe ñañene cohãtiquiro ijire. ³⁹ Sa yero tiquirore wacũ tutuayequinare tiquiro tiquina ñañe yerire borota. Moiserere Cohãcjũ cũri dutiyere mãsa yeri mehna Cohãcjũ cahapũ wahasi mãsa. Sa yero dutiyere yeye mehna yũhdũ duayequinare tiquina ñañene cohãsi Cohãcjũ. ⁴⁰ Sa yena quehnoano yeya. Mãsa quehnoano yeragũ Cohãcjũ yere yahu mãhtariquina tiquina ojoariro sahata mãsare wahaboaga. Ohõ saha ni ojoahye:

⁴¹ Tũhoya mãsa. Ñano ni bujũpena, yũhũre ihña tuhtina ijire mãsa. Yũhũ ohõ saha yegũ cueya mãsa. Sa yena butia wahaya. Mãsa ijiye decorire Cohãcjũ tutuaye mehna mãsare ye ihñogũtja. Yũhũ sa ye ihñogũ ihñaepenata “Ijirota ijire”, nisi mãsa. Apequiro tire mãsare tiquiro quehnoano yahuepegũta “Ijirota ijire”, nisi mãsa, ni ojoahye Cohãcjũ yere yahu mãhtariquiro, ni yahuahye Pablo tiquinare.

⁴² Tiquiro sa ni yahuri bato judio masa buheri wũhũpũ tiquina wi-jiari bato masa tiquirore tũhoriquina pehe tiquinare siniahye:

—Ape semanapũ saurũ ijigũ usãre ahrire buheya tja, ni siniahye tiquina Pablo gãhũre.

⁴³ Sa ye ti wũhũpũ ijiriquina wijia, judio masa peyequina, judio masa ijieyequina gãhũ Pablo gãhũ mehna wahahye. Judio masa ijieyequina judio masa yere buheyequina ijiahye. Tiquina sa wahagũ Pablo, Bernabé mehna quehnoano yahuahye tiquinare. “Cohãcjũ mãsare cahñe. Sa yena tiquirore ño peoducuya”, ni buheahye tiquina.

⁴⁴ Sa ye ape semanare saurũ ijigũ ijipihtiyequina Jesu yere tũho duayequina cahmecoahye. ⁴⁵ Sa yepegũta judio masa pehe peyequina masare Jesu yere tũho duayequinare ihñañe, ihña tuhtiahye. Sa ihña tuhtiye tiquina sijoro ni yahuducu, Pablora ñano quitu dojomehneahye. “Mãsare tiquiro buheye poto ijierare”, niahye tiquina. ⁴⁶ Tiquina sa nigũ tũhoye, Pablo, Bernabé mehna tiquinare quitu dojomehnediquinare cuero marieno yahuahye:

—Cohãcjũ tiquiro dutiriro sahata mãsare buhe mãhtami usã. Usã sa buhepegũta mãsa pehe tire cahmeda tuhasari. Ijipihtiye decori Cohãcjũ mehna ijiye gãhũre cahmeda tuhasari mãsa. Sa yena usã pehe judio masa ijieyequina pehere buhe dũcanatja. ⁴⁷ Sata dutiahye mari pũhtoro usãre:

“Mãsa judio masa ijieyequinare buhena tiquinare Cohãcjũ yere quehnoano masigũ yenata mãsa. Sa yegũ mãsa yoaropũ ijieyequinare mãsa buhegũ tũhoyequinare tiquina pehere pecapũ wahaboriquinare yũhdũogũtja yũhũ”, ni yahuahye usãre Cohãcjũ, ni yahuahye Pablo, Bernabé mehna.

⁴⁸ Tiquina sa nigũ tũhoye judio masa ijieyequina pehe bucueahye. “Cohãcjũ ye pehe quehnoañe ijire”, niahye tiquina. Sa ye Cohãcjũ tiquiro cahmeñequina ijipihtiye decori tiquiro mehna tiquina ijiatire tiquiro ohõ duariquina Jesure wacũ tutua dũcahye. ⁴⁹ Sa ye mari pũhtoro

Cristo yere ti yehpapure yahu pehoahye. ⁵⁰ Tiquina sa yahugū ihñañe judio masa coerahye. Topu mari Pacure ño peoye numia, quehnoañe numia ijiahye. Sa ye judio masa Pablo gūhare ñano ni yahu wajahye. Tiquina sa ni yahu wajagū tūhoye ti numia Pablo mehna, Bernabé mehna gūhare usuahye. Sa ye ti maca cjēna pūhtoā gūhu tiquina mehna usuahye. Sa usuaye to cjēna ñano yeahye Pablo gūhare. Tiquina sa yeri bato Pablo gūhare tiquina ya yehpapu ijiyequinare cohā wioahye. ⁵¹ Tiquina sa yegū ihñañe Pablo, Bernabé mehna tiquina dahpocāri cjē dihta wahārire wejē site boro cūahye ti maca cjēna tiquina ñañe buhirire ihñoñe. Sa ye tuhasa tiquina Iconiopu wahaa wahahye. ⁵² Sa ye tiquina Jesu yequina pajiro bucueye, Espiritu Santo pajiro cūoye, tiquiro dutiro sahata yeyequina ijiahye.

14

Pablo, Bernabé mehna Iconiopu ijiahye

¹ Sa ye Pablo, Bernabé mehna judio masa buheri wūhupu sajā, Jesu yere yahuahye. Sa ye judio masa peyequina Jesure wacū tutua dūcahye. Sa ye judio masa ijieyequina gūhu Jesure wacū tutua dūcahye. ² Sa ijiepegūta judio masa Jesure cahmedariquina gūhu tiquina mehna ijiahye. Tiquina judio masa ijieyequinare usuagū yeahye. Jesu yequina mehna tiquinare usuagū yeahye judio masa pehe. Tiquina sa yegū judio masa ijieyequina ñano tūhotuahye Jesu yequinare. ³ Tiquina sa tūhotugū ihñañe Jesu yequina Pablo, Bernabé mehna topu yoari pje ijiye, cuero marieno mari pūhtoro yere quehnoano buheahye. Cohācjū masare tiquiro cahñene buheahye. Tiquina sa buheri watoa Cohācjū tutuaye mehna ye ihñoahye, “Ahri buheye ijirota ijire”, ñiñe. ⁴ Sa ijiepegūta ti maca cjēna deco mehna judio masa yere cahmeñequina tojoahye.

Deco mehna Jesu yere cahmeñequina gūhu tojoahye. Tiquina puā curua tojoahye. ⁵ Sa ye judio masa ijieyequina, judio masa, tiquina pūhtoā mehna Jesu cūriquinare ñano yemahye. Utā paca mehna doque wejē duamahye tiquinare. ⁶ Tiquina sa ye duarire masiñe, Pablo, Bernabé mehna Licaonia yehpapu duhti cāa wahahye. Ti yehpapu ijiri maca Listra wame tiri macare yūhdū cā, Derbepu esahye. ⁷ Topu esaye, quehnoañe buheyere buheahye tiquina.

Listrapu Pablore utā paca mehna doqueahye

⁸ Sa ye Listrapu tini masieniquiro ijiahye. Tiquiro wahma masa bājuropūta tini masieniquiro ijiahye. ⁹⁻¹⁰ Sa yero tiquiro Pablo buhegū tūhoahye. Tiquiro tūhori watoa Pablo pehe tiquiro dihitare ihñahye.

—Ahriquirō Jesure wacū tutuare. Sa yero tiquiro quehnoariquirō waha duare, ni tūhotuahye Pablo.

Sa ni tūhoturo tutuaro mehna ohō saha niahye Pablo tiquirore:

—Wahcādūcaya, niahye Pablo tiquirore.

Tiquiro sa nigū tūhorota tini masieniquiro pehe uhpudūca sa, wahaa wahahye. ¹¹ Pablo sa yegū ihñañe masa sañuducuahye. Tiquina Licaonia ye mehna sañuducuahye.

—Cohāmana, masa saha bajuyequina uhmūsepū ijiyequina mari cahapu dijia tari jiri, ni sañuducuahye tiquina.

¹² Sa ye tiquina Bernabére “Zeus”, ni, pisuahye. Sa ye Pablo buhe māhtariquirō pūhtoro yero saha tiquiro ijigū ihñañe “Hermes”, ni, pisuahye tiquina tiquirore. ¹³ Sa yero Zeure ño peoyequina ya wūhu ti maca dūhtū cahapu ijiahye. Sa yero Zeus yequina tiquina yaquiro pahi pehe wecūare, cohorī mehna macapu sajā tari sopecaha cahapu ne cāhtahye. Zeure ño peo duaro wecūare ohō duamahye. Sa yero tiquiro wecūare

uj̄a m̄oñe mehna Pablöre, Bernabére ño peo duamahye tiquiro, masa mehna. ¹⁴ Tiquina sa yegū ihñañe Pablo, Bernabé mehna tiquina basi tiquina ye suhtire tahrēdoqueoahye tiquina buj̄a witiyere masare ihñoñe tehe. Tahrēdoqueo tuhasa masa watoa oma cã, sañuducuahye tiquina:

¹⁵ —M̄sa ohō saha yeracãhña. Ūsã gūh̄ m̄sa yero sahata masa ijiaja. M̄sa ohō saha yeye ne d̄hseati ijierare. Sa yena m̄sare buhena ahta m̄sa ohō saha yeyere duhu dutina tana. Ahriquina cohāmanare m̄sa yeriquinare ñañequinare cohãña. Sa yena Cohãcj̄re catiriquiro pehere ño peoya. Cohãcj̄ pehe ūhm̄sere, yehpare, pajiri mare ijipihtiyere yeriquiro ijire. ¹⁶ Sa yero tiquiro panop̄m̄ ijipihtiye macari cj̄na tiquina yerire sa ihña cãhye. ¹⁷ Sa yeperota tiquiro ijiye tiyere ihñore masare. Tiquiro masare quehnoañene ye, acoro ahtagū ye, d̄ca tigū ye, masare ihyayere ohoducure. Tiquiro sa ohogū masa bucuere. Sata tiquiro ijiye tiyere ihñore masare, niahye Pablo, Bernabé mehna.

¹⁸ Tiquina sa nigū t̄hoepeta masa wec̄are wej̄ uj̄a m̄o, tiquinare ño peo duamahye. Sata tiquina ño peo duagū ihñañe tiquinare sa ye dutierahye Pablo gūh̄. Tiquina sa yeyere duhu duerapeta duhuahye.

¹⁹ Sa ye apequina judio masa Antioquía cj̄na, Iconio cj̄na gūh̄ Listrap̄m̄ esahye. Top̄m̄ esaye, Pablöre ñano yahuducuahye judio masa. Tiquina sa ni yahuducugū t̄hoye, masa tiquiro mehna usuahye. Sa usuaye ūtã paca mehna doqueahye tiquirore. Ūtã paca mehna tiquirore doque tuhasa “Ahriquirō yariaa wahare”, niñe, ti maca d̄ht̄m̄ cahap̄m̄ tiquirore weje sa cū cã, wahaa wahahye. ²⁰ Tiquina sa yeri bato Jesu yequina Pablöre ihñañe esahye. Tiquiro cahap̄m̄ tiquina cahmecoada ca sagū waro Pablo wahcãd̄ca, tiquina mehna macap̄m̄ tojoaa wahahye. Sa ye ape decop̄m̄

tiquiro Bernabé mehna Derbep̄m̄ wahahye.

²¹ Sa ye top̄m̄ tiquina quehnoañe buheyere peyequina masare yahuahye. Sa ye peyequina Jesu yequina tiquina wahari bato, Pablo gūh̄ Listrap̄m̄ esa, ti macare yūhd̄m̄ cã, Iconiop̄m̄ esa, ti macare yūhd̄m̄ cã, Antioquíap̄m̄ Pisidia yehpap̄m̄ ijiri macap̄m̄ esa, ti macap̄m̄ tojoahye.

²² Ti macarip̄m̄ esaye to cj̄na Jesu yequinare quehnoañe buheyere yahuye, tiquinare quehnoano jeripohna tigū yeahye. Sa Jesure wacū tutuaducu dutiye ohō saha ni yahuahye tiquinare:

—Cohãcj̄m̄ ijirop̄m̄re mari waha duana, tutuaro marine ñano yūhd̄m̄ro cahmene, ni yahuahye Pablo gūh̄.

²³ Sa ye macaripe cj̄nare Jesu yequinare tiquina p̄h̄toa ijiatire cūahye Pablo, Bernabé mehna. Sa ye tiquina sijiri bato Cohãcj̄re siniahye:

—P̄h̄to, ahriquina m̄h̄m̄ yequinare ihña ihboya, ni sini basahye tiquina Cohãcj̄re, tiquina wacū tutu-ariquirōre.

Pablo Bernabé mehna Antioquíap̄m̄ tiquina iji m̄htari macap̄m̄ tojoaa wahahye

²⁴ Tiquina sa yeri bato tiquina Pisidia yehpap̄m̄ ijiriquina wahaa wahahye Panfilia yehpap̄m̄.

²⁵ Sa ye Pergep̄m̄re tiquina buhe tuhasa, Atalia wame tiri macap̄m̄ wahaa wahahye. ²⁶ Sa ye ti macap̄m̄ esa, Antioquíap̄m̄ tojoaye, yuc̄sa mehna wahaa wahahye. Ti macap̄m̄ta panop̄m̄ tiquina injinigū Jesu yequina Cohãcj̄m̄ yere buhe dutiye Pablo gūh̄re ohoahye. Sa ohoye, ohō saha niahye:

—Cohãcj̄m̄ m̄h̄m̄ cahñe mehna ahriquinare ihña ihboya, ni ohoahye tiquina.

Sa ye tiquina buhe dutirire buhe pehoahye Pablo, Bernabé mehna.

²⁷ Sa ye tiquina Antioquíap̄m̄ tiquina tojoa sari bato Jesu yequina mehna cahmecoa, Cohãcj̄m̄ tutuaye mehna tiquina yerire yahu pehoahye

tiquina. Judio masa ijieyequina gũhũ Cohãcjũ yequina tiquina waharire yahuahye tiquina. ²⁸ Sa ye Pablo gũhũ topũre Jesu yequina mehna yoari pje ijie tiahye.

15

Jerusalẽpũ Jesu yequina cahme-coahye

¹ Sa ye Judea yehpa cjẽna meheñequinagã Antioquíapũ esaye, Jesu yequinare ohõ saha ni buhe dũcahye tiquina:

—Cohãcjũ dutiyere Moiserere cũno ohõ saha ni cũahye. Ijipihtiyequina tiquina cuhñucunũ sohtoa cahserogãre tiquina yũhre neatire yahu cũahye Moiserere. Mũsa tire yeragũ Cohãcjũ mũsare yũhdũosi, ni buheahye tiquina to cjẽnare.

² Sa ni buheye Judea yehpa cjẽna pehe cahme dũse tini wiahye Pablo, Bernabé mehna. Tiquina sa cahme dũse tini wiari bato Jesu yequina pehe Pablore, Bernabére apeqũna to cjẽna gũhũre Jerusalẽpũ ohoahye. Judea yehpa cjẽna tiquina buherire Jesu cũriquinare, Jesu yequina pũhtoa gũhũre sinitu dutiye ohoahye Pablo gũhũre.

³ Sa ye Jesu yequina tiquinare ohogũ waha, Fenicia yehpare esa, yũhdũ cã, Samaria yehpapũ esahye. Ti macaripũ esaye, judio masa ijieyequina Cohãcjũ yere tiquina cahme dũcarire yahuahye tiquina to cjẽnare. Tiquina sa yahugũ tũhoye to cjẽna Jesu yequina tutuaro bucueahye.

⁴ Sa ye tiquina Jerusalẽpũ esagũ ihñañe to cjẽna Jesu yequina tiquiro cũriquina, tiquiro yequina pũhtoa mehna bucueye mehna quehnoano piti cahye tiquinare. Sa ye Pablo, Bernabé mehna Cohãcjũ tutuaye mehna tiquina yerire yahuahye tiquina Jerusalẽ cjẽnare. Judio masa ijieyequina Jesu yequina tiquina wahari gũhũre yahuahye tiquinare.

⁵ Sa ijiepegũta topũ fariseo masa Jesu yequina meheñequinagã ijiahye. Sa

ye tiquina topũre wahcãdũca, ohõ saha ni yahuahye:

—Tiquinare judio masa ijieyequinare tiquina cuhñucunũ sohtoa cahserogãre yũhre neno cahmene. “Cohãcjũ Moiserere tiquiro dutirire yeya mũsa gũhũ”, nino cahmene tiquinare, niahye tiquina fariseo masa gũhũ.

⁶ Tiquina sa nigũ tũhoye Jesu cũriquina, Jesu yequina pũhtoa mehna tiquina sa nidire quehnoñe tehe, cahmecoahye. ⁷ Sa ye peye tiquina yahuducuri bato Pedro wahcãdũca yahuahye tiquinare:

—Yũhũ acaye, panopũ yũhũre mũsa mehna ijirigũre Cohãcjũ ohõ saha ye dutiro yũhũre cũri. Tiquiro yũhũre quehnoañe buheyere judio masa ijieyequinare yahu dutiro cũri. Tiquinare Jesure wacũ tutua dutiro yũhũre tiquinare buhe dutiri.

⁸ Sa yero Cohãcjũ masa tũhotuyere masine. Sa yero tiquiro judio masa ijieyequinare tiquiro yequina tiquiro yerire ihñono taro Espiritu Santore ohori tiquinare, marine tiquiro yeriro sahata. ⁹ Sa ohoro tiquiro marine tiquina gũhũre ihcãno saha quehnoano yeri. Tiquirore tiquina wacũ tutuagũ tiquina ñañene bori tiquiro. ¹⁰ Mari pehe Cohãcjũ Moiserere tiquiro cũri dutiyere ye peho masiedaja. Sa ye mari ñecusumũa mũna gũhũ ti dutiyere ye peho masiedahye. ¿Sa mari ye masiedapegũta dũhse yena Jesu yequinare judio masa ijieyequinare tire ye duti duajari mũsa? Sa ye dutina Cohãcjũ tiquinare tiquiro yerire “Queoro wahaerare”, nina niaga mũsa. ¹¹ Mũsa sa niepegũta ohõ saha usã tũhotuaja. Yojobũre judio masa ijieyequina yero sahata mari gũhũre mari pũhtoro Jesu cahñe mehna Cohãcjũ yũhdũorota, niahye Pedro tiquinare.

¹² Tiquiro sa nigũ tũhoye ijipihtiyequina dihta maria wahahye. Sa ye Pablo, Bernabé mehna judio masa ijieyequina watoa Cohãcjũ tutuaye mehna tiquina ye ihñore yahuahye

tiquinare. ¹³ Sa tiquina yahu tuhasari bato Santiago yahuahye.

—Acaye, tãhoya yũhũre. ¹⁴ Cohãcjũ judio masa ijieyequinare tiquiro yequina wahagũ yeahye. Coã tiquinare sa wahagũ yeahye. Tire yahu tuhasari marine Pedro pehe. ¹⁵ Panopũ cjẽna Cohãcjũ yere yahu mũhtariquina tiquina yahuriro sahata sa wahari judio masa ijieyequinare. Ohõ saha ni mari Pacũ yere ojoahye tiquina:

¹⁶ Panopũ Davi mũnanao ya curua cjẽna tiquina pũhtoa tiquina ijiri pihtia wahari. Came tojoa tautja yũhũ. Sa yegũ pari turi Davi ya curua cjũnore pũhtoro sũutja. ¹⁷ Yũhũ sa yeri bato ijipihtiequina apequina judio masa ijieyequina yũhũre tiquina pũhtore cahmeeta tiquina. “Yeequina ijiya”, yũhũ ni pisuriquina pehe yũhũre cahmeeta. ¹⁸ Sata nine mari pũhtoro. Panopũ tiquiro ahrire masare yahue tiri jiri, ni ojoahye Cohãcjũ yere yahu mũhtariquina.

¹⁹ Sa yegũ ohõ saha tũhotuaja yũhũ. Judio masa ijieyequinare Cohãcjũ yere wahma cahme dũcayequinare peye ye dutieracũhna mari. ²⁰ Sa dutierapenata tiquinare ojoa ohouhna mari. Ohõ saha ni, ojoa ohouhna. “Ñãñe ihyayere, ‘Cohãcjũ ijire’, tiquina nimeri queoyere ño peo tiquina duhu peori ihyayere ihyeracãhña. Sa yena wũana tieracãhña. Sa yena wamũa tiquina ñehe wejẽdiquinare wahiquinare ihyeracãhña. Diire sihniedacãhña”, ni yahu ojoa ohouhna. ²¹ Yoari pje judio masa buheye wũhũsepũ saurũ ijigũ Cohãcjũ Moiseri tiquiro cũri dutiyere buhee tiri masa. Sa ye ijipihtie macaripũ Moise tiquiro yahuyere buhee tiri. Sa yena yũhũ ni diro sahata judio masa ijieyequinare Jesu yequinare ojoa ohouhna, judio masa pehe tiquina mehna “Usuari”, nina, niahye Santiago.

Judio masa ijieyequinare Jesu yequina pũhtoa ojoa ohoahye

²² Ti pjere Jesu cũriquina, Jesu yequina pũhtoa ijipihtiequina Jesu yequina mehna pũaro tiquina mehna cjẽnare beseahye tiquina ohoatiquinare. Antioquíapũ Pablo, Bernabé mehna wahatiquinare tiquinare bese ohoahye. Sa ye tiquina Judare, Sila mehna ohoahye. Juda pehe Barsaba pũaro wame wame tiahye. Tiquina acaye Jesu yequina tiquinare ño peohye. ²³ Tiquinare tiquina beseri bato Jesu yequina ojoari pũre ohoahye tiquina mehna. Ohõ saha ni ojoahye tiquina:

—Jesu cũrina, tiquiro yequina pũhtoa, mũsa acaye Jesu yequina mehna usã quehnoa dutiaja mũsare. Ijipihtina judio masa ijienare Antioquíapũ, Siriapũ, Ciliciapũ ijinare mũsare Jesu yequinare quehnoa dutiaja usã. ²⁴ Usã mehna cjẽna mũsa cahapũ esaye, mũsare peye dutiyere ye dutiñohti. Sa ye mũsare cariboñohti. Tiquina sa dutiepegũta usã pehe tiquinare tire buhe dutina ohoerũ. ²⁵⁻²⁶ Sa yena usã ijipihtina ihcãno mehna mũsa cahapũ ohoatiquinare usã besei. Mari cahĩñequinare Pablo, Bernabé mehna Cristo Jesu mari pũhtoro yere cuero marieno tiquina buhegũ peye tahari apequina tiquinare wejẽmahye. Tiquina sa wejẽ duagũ mehenogã mehna yũhdũahye tiquina. Tiquina mehna usã beseriquinare yojopũre ohoaja. ²⁷ Sa yena Judare, Sila mehna mũsa cahapũ ohoaja. Usã ojoarire tiquina pehe mũsare yahueta. ²⁸ Espiritu Santo wacũno sahata usã gũhũ tũhotuaja. Ohõ saha ijire ti: Apeye dutiyepũre cũedaja mũsare. Ahri dutie dihitare cũnatja mũsare: ²⁹ Ñãñe ihyayere, “Cohãcjũ ijire”, tiquina nimeri queoyere ño peo tiquina duhu peori ihyayere ihyeracãhña. Diire sihniedacãhña. Wamũa tiquina ñehe wejẽdiquinare wahiquinare ihyeracãhña. Sa yena wũana tieracãhña. Ahri yũhũ ye dutierarire

yerana quehnoañene yena ninata m̄usa. To puno tjire m̄usare us̄ã yahu duaye, ni ojoa ohoahye Jesu yequina Jerusalēp̄m̄ ijiyequina.

³⁰ Ti p̄ure ojoa tuhasa, ohoahye Antioquíap̄m̄ wahayequinare. Tiquina ohori bato waha, Antioquíap̄m̄ esahye. Top̄m̄ tiquina esari bato peyequina masare cahmecoa duti, tiquina ojoari p̄ure wiahye tiquinare.

³¹ Ti p̄ure tiquina buheri bato quehnoañene tiquina yahuḡã t̄ahoye, quehnoano bucueahye. ³² Sa ye

Juda, Sila mehna Cohãcj̄ã yere yahu m̄h̄tariquina ijiye, yoari p̄je Jesu yequinare Cohãcj̄ã yere yahuahye. Tiquina sa yahuḡã t̄ahoye, Jesu yequina pehe bucue, quehnoano jeripohna tiahye. ³³ Sa ye Juda, Sila mehna top̄m̄ meheñe decorigã tiquina ijiri bato tiquina tojoa taḡã to cj̄enare tiquina cohe tiḡã, “Quehnoano waha m̄usa”, niahye Antioquíã cj̄ena. Sa ye Juda ḡũh̄re ohoriquinare quehnoa dutioahye. Tiquina sa nidi bato Juda pehe tojoaa wahahye. ³⁴ Sa ijiepeḡãta Sila pehe top̄ãta tojoa cãhye Antioquíap̄ãta. ³⁵ Sa ye Pablo, Bernabé ḡũh̄ meheñe decorigã tojoar̄iahye ti macap̄m̄. Sa ye tiquina apequina peyequina mehna Jesu yere buheahye.

Pari turi Pablo quehnoañe buheyere buhe tinino wahahye

³⁶ Sa ye meheñe decorigã bato Pablo, Bernabé mehna yahuducahye:

—Ijipihtiyequinare mari buhe d̄ucariquinare ih̄ñana wahaũhna tja, niahye Pablo ḡũh̄ tiquina basi.

³⁷ Sa yero Bernabé pehe Ñure tiquina mehna nea duamahye. Ñu Marco p̄ãro wame wame tiriquire ijiahye. ³⁸ To pano tiquiro tiquina mehna Panfiliap̄m̄ esaro tiquina mehna tojoerahye. Tiquina yerire ihcãno sahaeraro, tojoaa wahahye. Tiquiro ihcãno sahaeraḡã ih̄ñano Pablo pari turi tiquirore nea duerahye. ³⁹ Tiquiro nea dueraḡã ih̄ñano Bernabé Pablo mehna p̄ãro tiquina

basi cahme yahuducu cahme tu wahye. Bernabé pehe Chipre wame tiri n̄m̄c̄op̄m̄ Marco mehna pehãa wahahye. ⁴⁰ Pablo pehe Sila mehna piti ti cã, wahahye. Sa ye tiquina buheye wahato pano Jesu yequina tiquinare ohoye, “Cohãcj̄ã m̄usare quehnoano ih̄ña ihboahro”, niahye. Tiquina sa nidi bato Pablo, Sila mehna waha wahahye. ⁴¹ Sa wahaye, Siria yehpap̄m̄, Cilicia yehpap̄m̄ ḡũh̄re esaye, top̄m̄ Jesu yequinare quehnoano jeripohna ti bucueḡã yeahye tiquinare.

16

Timoteo Pablo mehna wahahye

¹ Tiquina sa yeri bato Pablo ḡũh̄ Derbep̄m̄, Listrap̄m̄ esaye, Timoteore boca sahye. Timoteo Jesu yaquiro ijiro, judio masono mac̄no ijiahye tiquiro. Tiquiro pacoro ḡũh̄ Jesu yacorota ijiahye. Tiquiro pac̄ro pehe griego mas̄no ijiahye. ² Sa ye Listra cj̄ena, Iconio cj̄ena Jesu yequina oh̄o saha niahye Timoteore: “Timoteo masa quehnoariquire ijire”, ni yahue tiahye. ³ Sa yero Pablo Timoteore nea duahye. Sa ijiepeḡãta ti yehpa cj̄ena judio masa pehe Timoteo pac̄ro griego mas̄no tiquiro ijiḡã masiahye. Sa yero Pablo judio masare “Usuari”, nino, Timoteo cuhnucun̄ sohtoa cahseroḡãre yũhre neahye. Judio masa dutiye nidiro sahata yeahye. ⁴ Tiquiro sa yeri bato tiquina esari macari cj̄enare tiquina dutiyere ojoari p̄ũ cj̄ene yahuahye. Ti p̄ũ Jesu c̄uriquina, tiquiro yequina p̄ãh̄toa mehna Jerusalēp̄m̄ ijiyequina tiquina ojoari p̄ũ ijiahye. Sa ye ti dutiyere quehnoano yahuahye to cj̄enare Jesu yequinare. ⁵ Tiquina sa yahuḡã t̄ahoye Jesu yequina pehe Jesure wac̄ũ tutua nemoahye. Sa ye Jesu yequina decoripe peyequina wahaducuahye.

Pablo queh̄nop̄m̄ Macedonia cj̄ãnore ih̄ñahye

6-7 Sa yero Asia yehpapu pehere quehnoañe buheyere buhe dutierahye Espiritu Santo tiquinare. Sa ye tiquina Frigia yehpare yuhdua, Galacia yehpare yuhdua, Misia yehpa duhtu cahapu esahye. Bitinia yehpa pehe waha duamahye. Tiquina waha duepeguta Espiritu Santo pehe tiquinare topure waha dutierahye. 8 Tiquiro sa nidi bato tiquina pehe Misia yehpare yuhdua, Troapu wihiri. 9 Topu tiquiro wihiri bato ohõ saha quehẽahye Pablo. Macedonia yehpa cãno tiquiro caha ducugũ ihñahye tiquiro. “Usãre Macedonia yehpa cãnare yedohogu ahtaya”, ni, pijiahye tiquiro Pablore. 10 Tiquiro quehedi bato wahcã, usã yere quehno tuhasa, Macedoniapu wahaa waha usã. “Cohãcjũ ti yehpapure quehnoañe buheyere buhe dutiro nine marine”, ni tuhottuu usã.

Pablo, Sila mehna Filipopu ijiahye

11 Sa yena usã Troapu ijina yucusa mehna Samotracia wame tiri nucuporu pehã sahu usã. Sa yena ape deco Neapolipu wahahu usã. 12 Ti macare yuhdu cãna Filipopu Roma cãna ya macapu esahu usã. Ti maca Macedonia yehpapu ijiri maca ijiri. Ihyo ijiri maca ijierari. Topure meheñe decorigã usã ijii. 13 Sa yena saurũ ijigũ usã ti maca duhtu cahapu, dia duhtu cahapu esahu. Topu Cohãcjũ mehna tiquina yahuducuro ijiri. Topu dujina topu cahmecoañe numia mehna yahuducuu usã. 14 Ihcãcoro usãre tuhoricoro Tiatira cãno Lidia wame tiricoro ijiri. Sa yero ticoro quehnoañe suhti wapa tiye suhtire duaricoro, mari Pacure ño peoricoro ijiri. Sa yero Pablo yahuyere quehnoano tuhogũ yeri Cohãcjũ ticorore. 15 Sa ye ticorore, ticoro ya wahu cãna mehna wame yeri Pablo. Tiquiro sa wame yeri bato ohõ saha nidi ticoro:

—“Jesu yacoro tjire mahu gũhu”, nine musa yuhure. Sa yena ya wahupu saã tarĩña musa. Yuhu mehna tojoarĩña, nidi ticoro usãre.

Ticoro sa nigũ tuhona ticoro ya wahu tojoarĩ usã.

16 Ape deco Cohãcjũ mehna tiquina yahuducuropu usã wahagũ watĩnore cuoricoro piti cari usãre. Ticoro apequina cahacjõno ijiri. Sa yero ticoro masare “Ohõ saha waharota musare”, ni, yahuyuricoro ijiri. Sa yahuro pajiro wapata basari ticoro puhtoare. 17 Sa yero Pablo mehna usã wahagũ, usãre nahu tã, sañuducuri ticoro:

—Ahriquina Cohãcjũ tutua yuhduariquiro yedohoriquina ijire. Mari yariari bato Cohãcjũ marine tiquiro quehnoano yuhduoatire yahure tiquina, ni sañuducuri ticoro.

18 Peye decori sa ni cariboducuri Pablore. Sa yero pari turi ticoro sa ni sañuducugũ tuhoro Pablo majare ihña, ohõ saha nidi watĩnore:

—Jesucristo tutuaye mehna duti-aja mahure. Ticorore duhuya. Waharĩsa mahu, nidi Pablo.

Tiquiro sa nigãta watĩno pehe wahaa wahari.

19 Tiquina sa yeri bato ticoro puhtoa pehe niñeru ticoro wapataericoro wahagũ ihñañe, tiquina Pablore, Sila mehna ñehedi. Ñehe tuhasa, tiquinare neari ti maca decoru puhtoa cahapu. 20 Sa ne cã, buhiri dahre dutiyequina cahapu cãri tiquinare.

—Ahriquina judio masa mari ya maca cãnare cariboye nine. 21 Tiquina mari dutiyere cohã dutiye, apeye buheyere buheye nine. Mari ye dutiyere yuhduacagũ ye duaye nine. Mari Roma cãna ijina ahriquina yahuye pehere ye masiedaja mari. Sa yena tiquina buheyere mari cahmedaja, nidi ticoro puhtoa buhiri dahre dutiye-quinare.

22 Tiquina sa nigũ tuhoye masa peyequina Pablo gũhu mehna usua yuhdua wahahye. Sa ye buhiri dahre dutiyequina pehe Pablo gũhu suhtire tiquina tuhre cohãri bato daye cãgã mehna tana dutiri tiquinare. 23 Tutuaro tana tuhasa

peresu yeri tiquinare. Tiquina sa peresu yeri bato peresu ijiyequinare cohteriquirore quehnoano ihña ihbo dutiahye tiquina. ²⁴ Tiquina sa dutiri bato tiquinare cohteriquiro pehe ti wuhu puhia cjã tucũpu tiquinare cũ, taboa mehna tiquina dahpocãrine biha cũahye.

²⁵ Ñami deco Pablo, Sila mehna Cohãcjãre sini, tiquiore basa peoahye. Tiquina sa basagũ tuhoahye apequina peresupũ ijiyequina.

²⁶ Tiquina sa ni basagũta ti wuhu tutuaro ñuhmiahye. Sa ñuhmigũ ihcãno mehna ijipihtiye sope pahmari parĩa wahahye. Sa ye peresupũ ijiyequinare tiquina dahteri dari come dari suru site dijiaa wahahye.

²⁷ Sa wahagũ ihñano ti wuhure cohteriquiro pehe “Peresu ijiyequina duhti tuhasari jiri”, ni tuhotumahye. Sa ni tuhoturo tiquiore ñoseni pjĩne nedoqueo tiquiore basi ñosemahye.

²⁸ Tiquiro sa yegũ ihñano Pablo tiquiore tutuaro sañuducu ohõ saha niahye:

—Muhũ basi ñano yeracãhña. Ijipihina ohõre ijiaja usã, niahye tiquiore tiquinare cohteriquirore.

²⁹ Tiquiro sa nigũ tuhoru tiquinare cohteriquiro pehe sihã duti, tiquina cahapũ oma cã, Pablo, Sila tiquina dahpocãri cahapũ nanare doque quehe sahye tiquiore. ³⁰ Sa yero tiquiore tiquinare ti tucũpu ijiyequinare ne wijia, sinituahye:

—¿Duhse yeagari yuhũ Cohãcjũ yaquiore iji duagũ? ni, sinituahye tiquiore.

³¹ —Jesucristore wacũ tutuaya mũhũ. Mũhũ acaye gũhũ tiquiore wacũ tutuahro. Mũsa sa yegũ musare pecapũ wahaborinare Cohãcjũ yuhduorota, ni, yahuahye tiquina.

³²⁻³³ Tiquina sa nidi hora ñami deco batogã ijiahye. Tiquina sa nidi bato tiquinare cohteriquiro ya wuhupũ neahye tiquinare. Tiquiro ya wuhupũ ne sa, tiquina camine coseahye tiquiore. Tiquiro sa cose tuhasari bato tiquiore cohteriquiro acaye

mehna ijigũ Cohãcjũ yere buheahye Pablo gũhũ. Tiquina buheri bato wame yeahye tiquinare. ³⁴ Tiquina wame ye tuhasari bato tiquinare cohteriquiro Pablo gũhare ihyaye peoahye. Sa ye tiquiore acaye mehna quehnoañe buheyere tiquina tuhori bato tutuaro bucueahye, Cohãcjãre masi ducaye.

³⁵ Bohrea parĩ cãhtagũ ihñañe puhto pehe surarare peresu yeri wuhupũ ohoahye Pablo gũhare wio dutiye. ³⁶ Tiquina sa wio dutiri bato ti wuhure cohteriquiro Pablo gũhare yahuahye:

—Puhto musare wio dutiri. Sa yena cuero marieno wijiaya, niahye tiquiore Pablo gũhare.

³⁷ Tiquina sa wio duepegũta Pablo yahuahye surarare:

—Usã ñano yerũ. Sa yena usã ne buhiri mariedaja. Ihyo warota tiquina puhto pehe masa ihñonopũ yucũri mehna tanari usãre, usã Roma cjãna usã ijiepegũta. Tana tuhasa peresu yeri usãre. Sa ye yojopũ masa tiquina ihñeno wio duare usãre, usãre ñano tiquina yerire “Bũoro yuhduari”, niñe. Puhto tiquina basita wioye ahtaahro usãre, niahye Pablo surarare.

³⁸ Tiquiro sa nigũ tuhoye surara pehe puhtoare yahye wahahye. Tiquina sa ni yahuri bato Pablo, Sila mehna Roma cjẽna tiquina ijigũ masiñe puhto pehe cue niahye. ³⁹ Sa ye tiquina Pablo gũhũ cahapũ esa, ohõ saha niahye:

—Ñano yeahiti usã musare. Ne parituri sa yesi, niahye puhto Pablo gũhare.

Sa ni tuhasa puhto tiquinare peresupũ ijiyequinare wio, tiquinare ape siepũ waha dutiahye. ⁴⁰ Tiquina sa nidi bato Pablo, Sila mehna peresupũ ijiriquina wijia, Lidia wame tiricoro ya wuhupũ wahahye. Ti wuhupũ tiquina esari bato Jesu yequinare piti cahye. Sa ye tiquina Jesu yequinare quehnoano buheye, quehnoano jeripohna tigũ yeahye tiquinare. Tiquina sa yeri bato Pablo, Sila mehna wahaa wahahye.

17

Tesalónica cjēna usuahye Jesu yequina mehna

¹ Sa ye tiquina Anfipolip_u esa, y_uhd_uaye, Apoloniap_u esa, y_uhd_uaye, Tesalónicap_u esahye tiquina. Top_u judio masa buheri w_uh_u ijjahye. ² Semanaripe tiquiro yeriro sahata Pablo buheri w_uh_u wahae tiahye. Top_u esa, ihtia semana waro saurú decorire tiquiro panop_u cjē tiquina ojoarire Cohācjū yere masare buhe, tire tiquina basi cahme yahuducue tiahye Pablo. ³ Sa yero tiquiro Cohācjū yere yahuahye:

—Judio masa, m_usa p_uh_utoro m_usa coheriquiro Cristo ahtahye ñano y_uhd_uatiquiro. Sa yero tiquiro yariaa wahahye masa m_ujano taro. Sa yero ahriquiuro Jesu, y_uh_u yahuriquiro, tiquiro Cristo warota ijire marine y_uhd_uoatiquiro. Tiquirota ijire m_usa coheriquiro. Ohō sahata nine Cohācjū yere tiquina ojoari pū, ni yahuahye Pablo.

⁴ Tiquiro sa nigū t_uhoye meheñequinag_u top_u ijiyequina “Potota ijire”, ni-ahye. Sa ye tiquina Pablo g_uh_u mehna wahahye. Sa ye apequina g_uh_u griego masa peyequina mari Pac_ure ño peoyequina pehe Pabl_ure t_uhoye, tiquina mehna cjēna numia g_uh_u peyequina p_uh_utoa numia g_uh_u tiquirore t_uhoye Jesu yequina tojoahye. Sa ye Pablo g_uh_u mehna wahahye. ⁵ Sa ijiepegūta apequina judio masa pehe tiquina sa wahagū ihñañe, ihña coahye. Sa ye tiquina ñañequina dahraeyequinare peyequinare piji cahmecoahye ohō saha ni dutiahye: “Ahriquina ñano yeye nine”, ni sañuducu dutiahye tiquinare. Sa sañuducuye ijipihtiyequina ti maca cjēnare usuagū yeahye Pablo g_uh_u mehna. Sa ye judio masa Jasō ya w_uh_u sajā, Pablo g_uh_ure macamahye, tiquinare masap_ure ohoye tehe. ⁶ Sa macaepeta tiquinare bocaerahye. Sa ye Jasōre, apequina Jesu yequina g_uh_ure ñehe, weje wijiaa wahahye tiquinare. P_uh_utoa

cahap_u ne sa, ohō saha ni yahusāhye tiquina.

—Pablo g_uh_u masare ijipihtior_upare caribo y_uhd_uare. Sa ye yojop_ure tiquina mari ya macare wihi tuhasari. ⁷ Sa yero ahriquiuro Jasō tiquinare tiquiro ya w_uh_u sajā ta dutiri. Tiquina ijipihtiyequina mari p_uh_utoro Roma cjēno tiquiro dutiyere y_uhd_uucare. “Apequiuro m_usa p_uh_utoro ijire. Jesu tiquirota ijire”, niñe, mari p_uh_utoro dutiyere y_uhd_uucare tiquina, ni yahusāhye judio masa pehe p_uh_utoare.

⁸ Tiquina sa ni yahusāgū t_uhoye, ijipihtiyequina masa, p_uh_utoa g_uh_u usua, tutuaro sañuducuahye. ⁹ Tiquina sa sañuducuepegūta p_uh_utoa Jasōre, tiquiro mehna cjēna g_uh_ure, niñerure wapa ye duti, wioahye.

Pablo Sila mehna Bereap_u esahye

¹⁰ Ti pjeta ñamip_u Pablo g_uh_ure Jesu yequina n_uo ohoahye Bereap_u. Top_u esa tiquina judio masa buheri w_uh_u sajāa wahahye. ¹¹ Berea cjēna pehe Tesalónica cjēna y_uhd_uoro Jesu yere quehnoano t_uhoyequina ijjahye. Sa ye tiquina Jesu yere t_uhori bato “¿Potota ijjajari?” ni masi duaye, decoripe tiquiro yere tiquina ojoari pūre sa buheducue tiahye tiquina. ¹² Sa ye tiquina peyequina Jesure wacū tutuayequina ijjahye. Griego masa g_uh_u, m_uma, p_uh_utoa numia mehna Jesure wacū tutuayequina ijjahye. ¹³ Sa ijiepegūta Pablo Bereap_u Cohācjū yere tiquiro buhegū g_uh_ure t_uhoye, Tesalónica cjēna judio masa top_u esahye. Top_u esahye, Berea cjēnare quiti dojomehneñe, Pablo g_uh_u mehna usuagū yeahye tiquina. ¹⁴ Tiquina sa yegū ihñañe Jesu yequina Pabl_ure sojaro mehna pajiri ma d_uht_u cahap_u ohoahye. Tiquina sa ohoepegūta Sila, Timoteo mehna Bereap_u tojoahye. ¹⁵ Sa ye apequina Pabl_ure Atenap_u ne cā soahye. Tiquirore so tuhasa, majare tojoa wahahye Bereap_u tja.

—Sojaro mehna waha, piti tina wahaya Pablöre, ni yahuahye Silare, Timoteo gāhare.

Sa ni yahu dutiahye Pablo tiquinare.

Pablo Atenapū ijiahye

¹⁶ Sa yero Pablo Atenapū cohtero niahye Sila, Timoteo gāhare. Sa yero Atena cjēna “Cohācjū ijire”, tiquina niñe queoyere peye tiquina cūogū ihñano Pablo tutuaro bujua witiahye tiquina mehna. ¹⁷ Sa bujua witiro judio masa buheri wāhūpū judio masa mehna yahuducuahye. Sa yero tja judio masa ijieyequina gāhare yahuducuahye tiquiro. Tiquina ihquēquina mari Pacure ño peoyequina ijiahye. Sa yero Pablo ti maca decopū decoripe tiquiro cahapū sa tini majare sajāñequina mehna yahuducuahye. ¹⁸ Apequina Epicúreo yere buheyequina, Estoico yere buheyequina gāhū Pablo mehna yahuducuahye.

—¿Ahriquiro yahuducuye peyariquiro dāhse ni yahuducuro nijari tiquiro? niahye tiquina.

Pablo Jesu yere, tiquiro masa mūjarire tiquiro yahugū tūhoye ohō saha ni tūhotumahye masa. “Tiquiro apequina cohāmanare yahuro niaga”, ni, tūhotumahye tiquina. ¹⁹ Tiquina tūhori bato Areópago wame tiropū Pablöre nea wahahye.

—Ahri buheye, wahma buheyere yojopū māhū yahurire masi duaja usā. ²⁰ Māhū buheye sijoro saha ijire. Sa yena usā tire masi duaja, niahye tiquina Pablöre.

²¹ Ijipihtiequina Atena cjēna decoripe wahma buheyere yahuducuducu duahye. Sa ye tire tūho duahye. Ape yehpa cjēna gāhū Atenapū ijiye, sata ye duahye. Sa ye Pablo yahuyere tūho duahye tiquina.

²² Sa yero Pablo Areópago wame tiropū wahcādūca, ohō saha ni yahuahye:

—Atena cjāna, peyequina mūsa cohāmanare mūsa tutuaro ño peona mūsa ijigū masiaja yūhū. ²³ Ahri

maca mūsa ya macare cohāmanare mūsa ño peorire ihña tini yūhū. Sa ihña tinigū yūhū ihcā cuhtupū, cohāmanare ño peona mūsa ohoyere mūsa cūnopū ahrire buhei. “Cohācjū, mari masimehnediquiro ya cuhtu ijire”, ni, ojoari jiri mūsa tire mūsa cūnopū. Mūsa tiquirore masiedapenata tiquirore ño peori jiri mūsa. Tiquiroreta mūsa masiediquirore yahugū nijaja yūhū mūsare.

²⁴ ‘Cohācjū ijipihtiri yehpare, ijipihtiyere bajumehnediquiro ijire. Tiquiro ūhmūsere, yehpapūre, pūhtoro ijiro, tiquiro masa tiquina yeri wāhūpū ijierare. ²⁵ Sa yero tiquiro mari ijiyere, mari jeri neñe gāhare, ijipihtie marine apee borore ohoriquiro ijiro, mari yedohoyere cahmedare. Tiquiro pejecūoriquiro ijierare.

²⁶ ‘Tiquiro ihcāquiro ūmanore ye dūcahye. Tiquiro mehnata ijipihtiri yehpa cjēnare masare yeahye. Sa yero ijipihtiri yehpapūre marine cūahye tiquiro. “Ohō puno yoari pje ohōpūre catieta”, nino queo cūahye marine. ²⁷ “Tiquina yūhūre macañe, bocaeta”, ni tūhotuahye Cohācjū. Sa yero Cohācjū yoaropū ijierare. Mari mehnata ijire. Ohō saha ni ojoahye. ²⁸ “Marine ijigū yere tiquiro. Sa yero masa mehna sa ijiducure tiquiro”, ni ojoahye. Mūsa mehna cjēna panopū cjēna basayere quehnoano ojoayequina tiquina ojoariro sahata nii nijaja. “Mari gāhū Cohācjū pohna ijiaja”, ni ojoahye tiquina. ²⁹ Sa yena tiquiro pohna ijina ohō saha ni tūhotueracāhña mūsa. Queoyere, uru, plata, ūtā mehna mūsa esa tuharo mūsa yeriquinare “Cohāmana ijire”, ni tūhotueracāhña mūsa. ³⁰ Panopū masa tiquina masieñequina ijinigū tiquina ñañene yepēgūta Cohācjū sa ihña cāhrīahye. Sa yeperota yojopūre ijipihtiri yehpa cjēnare tiquina ñañene bujua witi dutire Cohācjū. ³¹ Came Cohācjū tiquiro queori decopū ijipihtiri yehpa cjēnare queoro beserota quehnoañequinare, ñañequinare. Tiquiro bese duti

cūriquiō Jesu pehe beserota. Jesure variariquiōre masoahye tiquiō. Sa masono “Ahriquiō ȳh̄h̄ cūriquiō ijire”, ni, ih̄no niahye Cohācjū masare, ni yahuahye Pablo Atena cjēnare.

³² Tiquiō sa nigū masa m̄jarire tiquiō yahuducugū t̄hoye apequina tiquiōre b̄j̄p̄eahye. Sa ye apequina pehe oh̄o saha niahye:

—Pari turi ahrire m̄h̄h̄ yahugū us̄a t̄ho duaja, niahye tiquina Pablore.

³³ Tiquina sa nidi bato Pablo wahaa wahahye. ³⁴ Sa ye meheñequinagā tiquiō mehna ijiye, Jesure wacū tutua d̄cah̄ye. Dionisio Areópago cj̄no p̄h̄toa mehna cj̄no Jesure wacū tutua d̄cah̄ye. Damari wame tiricoro ḡh̄h̄, apequina mehna Jesure wacū tutua d̄cah̄ye.

18

Pablo Corintop̄u ijiahye

¹ Sa ye, Pablo Atenap̄u ijiriquiō waha, Corinto wame tiri macap̄u esahye. ² Top̄u esaro, judio mas̄no Aquila wame tiriquiōre boca sahye tiquiō. Ijipihtiyequina p̄h̄toro Claudio wame tiriquiō judio masare Romap̄u ijiyequinare tiquiō cohāgū, Aquila pehe tiquiō namono Priscila mehna waha, Corintop̄u esahye. Aquila pehe Ponto wame tiri yehpap̄u masa bajuariquiō ijiahye. Sa ye tiquina Corintop̄u tiquina ijigū, Pablo tiquina cahap̄u esahye. ³ Aquila ḡh̄h̄ carpa cahseri w̄h̄sere yeyequina ijiahye. Pablo ḡh̄h̄ carpa cahseri w̄h̄sere yeriquiōta ijiahye. Sa yero tiquiō tiquina mehna dahra, top̄u tojoahye. ⁴ Sa yero Pablo saurū ijigū semanaripe judio masa tiquina buheri w̄h̄p̄u judio masare, judio masa ijieyequina ḡh̄h̄re Cohācjū yere yahuahye. Tiquiō sa ni yahugū t̄hoye, “Ijirota ijire”, niahye tiquina ih̄quēquina.

⁵ Sa ye Sila, Timoteo mehna Macedoniap̄u ijiriquina, Pablo cahap̄u esahye. Top̄u tiquina esari bato Pablo

pehe ijipihtiye decori judio masare quehnoano buhee tiahye:

—Jesu, Cristo marine ȳh̄d̄hoatiquiō mari coheriquiō ijire, ni yahue tiahye tiquiō.

⁶ Tiquiō sa ni buhepegāta, judio masa pehe tiquiōre t̄ho d̄er̄ahye. Sa ye tiquina ñano ni quit̄i dojomehneahye tiquiōre. Tiquina sa yegū Pablo tiquinare tiquiō tuht̄iboriro sahata, tiquiō suht̄iōre dihta wah̄aire wejē site cūahye.

—M̄sa ye buhiri pecap̄u wahanata. Cohācjū tiquiō dutiriro sahata m̄sare buhemi ȳh̄h̄. Sa buhepegāta m̄sa ȳh̄h̄re t̄ho d̄er̄ari. Yojop̄are judio masa ijieyequina pehere buheḡu wahaut̄ja, niahye Pablo judio masare.

⁷ Tiquiō sa nidi bato tiquiō top̄u ijiriquiō waha, Ticio Justo wame tiriquiō ya w̄h̄p̄u esahye. Justo Cohācjūre ño peoriquiō ijiahye. Tiquiō ya w̄h̄h̄ pehe judio masa buheri w̄h̄h̄ cahap̄u ijiahye. ⁸ Sa ye Crispo wame tiriquiō buheri w̄h̄h̄re coheriquiō, tiquiō namono, tiquiō pohne ḡh̄h̄ Jesure wacū tutuayequina ijiahye. Sa ye apequina Corinto cjēna peyequina Cohācjū yere t̄hoye, Jesure wacū tutuayequina ijigū tiquinare wame yeahye. ⁹⁻¹⁰ Ih̄cā ñami Cohācjū queh̄nop̄u yahuahye Pablore. Tiquiōre oh̄o saha niahye:

—M̄h̄h̄ mehna ijiaja. Ahri macare yeequina peyequina ijire. Sa ye apequina masa m̄h̄h̄re ñano ye masiedare. Sa yeḡu cueracāh̄ña m̄h̄h̄. Sa cueraga yeere tutuaro yahuya. Sa t̄hotueracāh̄ña, ni yahuahye Cohācjū Pablore.

¹¹ Sa ye ih̄cā c̄hma quehnoano, ape c̄hma deco waro to cjēnare Cohācjū yere buhe, ijie tiahye Pablo.

¹² Tiquiō sa ijiri watoa Galio wame tiriquiō Acaya yehpa cjēna p̄h̄toro tiquiō ijigū judio masa ijip̄ihtiyequina ih̄cāno mehna Pablore yahusāñe taye, tiquiōre buhiri

dahre dutiyequina cahapꝰ neahye tiquina.

¹³ —Ahriquiro masare Cohãcjüre ño peo dutiro ahri yehpa cjê dutiye pehere cohã dutiro nine, ni yahusãhye judio masa buhiri dahre dutiyequinare.

¹⁴ Tiquina sa ni yahusãgũ tãhoro Pablo pehe tiquinare yahu duamahye. Sa yahu duepegãta Galiõ pehe judio masare yahuahye:

—Ahriquiro usã Roma cjãna ye dutiyere yũhdũdcariquiro tiquiro ijigũ musare yũhtiboaya yũhũ. ¹⁵ Sa yena musa judio masa ye dutiye pehere ahriquiro yũhdũdcariquiro ijigũ musa basi quehnoña. Ahrire musa mehna masino pjerare yũhũre, ni yahuahye tiquiro judio masare.

¹⁶ Sa ninota tiquinare judio masa yahusãñe ahtamediquinare tiquiro ya tucũpꝰ ijiriquinare cohã wioahye tiquiro. ¹⁷ Tiquiro sa cohã wiori bato ijipihtiyequina ti wũhũpꝰ ijiriquina Sostenene judio masa buheri wũhũre cohteriquirore Jesu yaquirore ñehe, buhiri dahre dutiyequina cahapꝰ queãhye tiquirore. Tiquina sa quẽgũ ihñano Galiõ sa ihña cãhye.

Pablo Antioquíapꝰ tojoaa wahahye

¹⁸ Sa yero Pablo Corintopꝰ yoari pje ijiriquiro “Wahaũ niaja”, ni cohe tiahye tiquiro Jesu yequinare. Tiquiro sa nidi bato tiquiro Priscila, Aquila mehna Siria yehpapꝰ ijiri macapꝰ pehãa wahahye. Cencrea wame tiri petamahapꝰ tiquina esari bato Pablo Cohãcjüre “Ohõ saha mũhũre ye basautja”, tiquiro nidire ye tuhasariquiropꝰ ijiahye. Sa yero sa yeriquina judio masa tiquina yeducuriro sahata tiquiro poarire wũha peho dutiahye. ¹⁹ Sa yero tiquina Efeso wame tiri macapꝰ pehã sa, Priscilare, Aquila gũhũre cũahye Pablo. Tiquinare topꝰ cũ, judio masa tiquina buheri wũhũpꝰ wahahye. Ti wũhũpꝰ esa, Cohãcjũ yere yahuahye. Sa yahuro judio masa mehna yahuducuahye. ²⁰ Tiquiro sa yahuducuri bato tiquirore tiquina

mehna tojoa dutimahye. Tiquina sa dutiepegãta ohõ saha niahye Pablo:

—Tojoeraja mũsa mehna, niahye Pablo tiquinare.

²¹ Sa ninota,

—Wahagũ niaja. Cohãcjũ cahmegũ pari turi tojoa taboaga, niahye tiquinare Pablo.

Sa ni tuhasa Efesopꝰ ijiriquiro pehãa wahahye tiquiro.

²² Sa yero Cesareapꝰ pehã sa, yũhdũ cã, Jerusalẽpꝰ esahye. Topꝰ esa, to cjẽna Jesu yequinare “¿Ne ijiajari musa?” ni, tiquinare ihña yũhdũa Antioquíapꝰ esahye. ²³ Topꝰ meheñe decorigã ijiahye. Topꝰ ijiriquiro yũhdũahye. Galacia yehpapꝰ ijiye macaripꝰ, Frigia yehpapꝰ ijiye macaripꝰ pari turi esa, ti macari cjẽnare Jesu yequinare buhero, bucuegũ yeahye.

Apolo wame tiriquiro Efesopꝰ buheahye

²⁴ Ti pjere, judio masũno Apolo wame tiriquiro, Alejandria cjũno Efesopꝰ esahye. Tiquiro quehnoano yahu mihnidiquiro ijiahye. Sa yero tiquiro Cohãcjũ ojoarire quehnoano masiahye. ²⁵ Apequiro tiquirore Cohãcjũ yere yahu tuhasae tiahye. Sa yero tiquiro Ñu wame yeriquiro ye buheye dihitaro masiahye. Sa ijieperota tiquiro tutuaro bucuete mehna Cohãcjũ yere quehnoano buheahye. ²⁶ Sa yero judio masa tiquina buheri wũhũpꝰ tiquiro cuero marieno tiquinare buhe dcãhye. Tiquiro sa buhegũ tiquina tãhori bato Priscila, Aquila mehna tiquirore tiquina mehna neahye. Cohãcjũ yere tiquiro quehnoano poto yahu pehoeragũ ihñañe quehnoano poto yahu pehoahye tiquina tiquirore. ²⁷⁻²⁸ Sa ye tiquiro Apolo pehe Acaya yehpapꝰ tiquiro waha duagũ Jesu yequina tiquirore “Quehnoano wahaya”, ni, ojoari pũrine ohoahye tiquirore. Ti pũri Acayapꝰ ijiyequina Jesu yequinare Apolore quehnoano piti ca dutiye pũri ijiahye. Sa yero Apolo topꝰ esaro, to cjẽnare Jesure

wacũ tutuayequinare Cohãcjũ cahĩne mehna quehnoano yedohoahye. Judio masare ti macapũ ijiyequinare ohõ saha ni yahuahye:

—Cohãcjũ ohoriquiro m̄sa cohteriquiro ijire Jesu. Cristo waro ijire tiquiro, ni yahuahye judio masare apequina masa tiquina ihñonopũ.

Cohãcjũ yere tiquina ojoari mehna tiquiro quehnoano queoro yahugũ tũhoye tiquina “Poto ijierare”, ni masiedahye. Sa yero Cohãcjũ cahĩne mehna tiquirore wacũ tutuayequinare quehnoano yedohoahye Apolo.

19

Pablo Efesopũ wahahye

¹ Corintopũ Apolo tiquiro ijiri watoa, Pablo pehe c̄nũ cj̄pũ m̄ja yũhd̄ũ, Efesopũ esahye. Topũ esaro ihquẽquina Jesu yequinare bocahye. ² Tiquinare boca saro tiquiro tiquinare sinituahye:

—¿M̄sa Jesure wacũ tutuari bato m̄sa pehe Espĩritu Santore c̄o d̄cari? ni, sinituahye Pablo.

Tiquiro sa nigũ tũhoye tiquirore ohõ saha ni yahuahye tiquina:

—“Espĩritu Santo ijire”, ni yahuerari us̄are, ni yahuahye tiquina.

³ Tiquina sa ni yahuri bato Pablo tiquinare sinituahye tja:

—¿Noa ye buheyere m̄sa tũhori bato wame yeri m̄sare? niahye tiquiro tja.

—Ñu ye buheyere us̄ã tũhori bato wame yeri us̄are, ni yahuahye tiquina.

⁴ Tiquina sa nigũ tũhoro ohõ saha niahye Pablo:

—Masa tiquina ñãne yerire tiquina duhugũ ihñano wame yeahye Ñu. Sa yero tiquiro wame yeye pehe tiquina ñãne yerire tiquina duhurire masare ihñoati ijire. Sa yero apee boro gũhare yahu nemoahye Ñu. “Yũhũ bato ahtariquiro pehere wacũ tutuaya m̄sa”, ni yahuahye tiquiro. Sa nino Jesure yahuro niahye, ni yahuahye Pablo tiquinare.

⁵ Tiquiro sa nigũ tiquina tũhori bato, Jesu wame mehna wame yeahye tiquinare. ⁶ Sa yero Pablo tiquina ihquẽquina bui tiquiro omoca duhu peogũ, Espĩritu Santo pehe wihyahye tiquinap̄re. Tiquiro sa wihiri bato tiquina pehe tũhomehneñe yahuducuye mehna yahuducu, Cohãcjũ yere yahuahye. ⁷ Tiquina ijipihtiyequina doce am̄a ijiye iji-boaga.

⁸ Came Pablo judio masa tiquina buheri wũhũpũ sajã, ihtia asũ waro decoripe cuero marieno Cohãcjũ pũhoro tiquiro ijiyere yahuducuahye tiquina mehna. Tiquirore tiquina sa tũhori bato “Ahri ijirota ijire”, niahye tiquina. ⁹ Sa niepegũta apequina pehe tũho duerahye. Sa ye tiquina masa tũhoro quehnoañe buheyere ñano niahye. Tiquina sa nigũ tũhoro Pablo pehe Jesu yequinare piji wijia, ape siepũ wahahye. Waha, Tirano wame tiri wũhũ buheri wũhũpũ decoripe masare Cohãcjũ yere yahuahye tiquiro. ¹⁰ P̄ũ c̄h̄ma waro buhee tiahye tiquinare. Tiquiro sa buhegũ ijipihtiyequina Asia yehpa cj̄na judio masa, judio masa ijieyequina mehna mari pũhoro Jesu yere tũhoahye. ¹¹ Sa yero Cohãcjũ tutuaye mehna Pablo peye tahari ye ihñoahye. ¹² Suhti cahseri Pablo tiquiro paḡre pihari cahserire, tiquiro pihari suhti gũhare ne cã, dohatiyequinare ohoahye. Ti suhtire ohogũ tire ñeheñe tiquina dohatiye yũhd̄ũ wahahye. Sa ye watĩa tiquina mehna ijiriquina wahaa wahahye ti suhtire tiquina ñehedi bato.

¹³ Sa ijigũ apequina judio masa, sa tiniducuyequina, watĩare cohãñequina judio masa yayia ijiahye. Sa ye Pablo tiquiro yeriro sahata Jesu tutuaye mehna watĩare cohã duamahye. Sa ye watĩare duhu dutimahye tiquina.

—Pablo yahuriquiro, Jesu tiquiro tutuaye mehna dutiaja m̄sare. Wahaya. Ahriquiri mehna pari turi

ijieracãhña, nimahye tiquina watĩare ohoye.

¹⁴ Esceva wame tiriquiro siete tiquiro pohne pehe sata yemahye. Esceva pehe judio masano pahia pãhtoro ijiahye. ¹⁵ Tiquiro pohne watĩnore tiquina waha dutiri bato, watĩno pehe ohõ saha niahye tiquinare:

—Jesure masiaja. Pablo gãhure masiaja. Mũsa pehere masiedaja, niahye watĩno tiquinare.

¹⁶ Tiquiro sa nigũta watĩnore cãoriquiro pehe tutuaro tiquinare ñehe maa wahahye. Sa yero tiquinare ña yãhdũaro yeahye. Tiquiro sa yeri bato suhti marieñequina, cami tiyequina oma wijiaa wahahye tiquina ti wãhure. ¹⁷ Tiquina sa yeri bato ijipihtiyequina Efeso cjẽna, judio masa, judio masa ijieyequina mehna tire tãhoye, cue yãhdũahye tiquina. Sa ye mari pãhtoro Jesu yere bũjũpero marieno yahuducuahye masa pehe.

¹⁸ Sa ye masa peyequina Jesure wacũ tutuayequina tiquina ñano yerire yahuye ahtahye. ¹⁹ Tiquina mehna cjẽna peyequina yayia masare ujuayequina yero saha yeyequina ijiahye. Sa ye tiquina ojoari pũrine yayia tiquina yerire yahuye pũrine topũ ne cãhta, masa ihñonopũ ti pũrine wãã cohã cãhye tiquina. Ti pũri wapa tirire tiquina queogũ, ijipihtiye pũri cincuenta mil cjoeri niñeru cjoeri wapa timahye ti pũri. ²⁰ Sa ye Cohãcjũ yere cahmeñequina peyequina wahahye. Cohãcjũ tutuaye mehna tiquiro yequina wahahye.

²¹ Tiquina sa wahari bato Pablo ohõ saha ni tãhotuahye: “Macedonia yehparũ esa mãhta, ti yehpare yãhdũa, Acaya yehpare esaũtja. Ti yehpare yãhũ esari bato Jerusalẽpũ wahaũtja. Ti macare yãhũ esari bato Romapũ wahaũtja”, ni tãhotuahye Pablo. ²² Pũaro tiquirore yedohoyequinare tiquiro pano oho mãhtahye Macedonia yehparũ. Timoteo, Erasto gãhũ ijiahye tiquina. Sa yero Pablo

pehe ihcãquirola tojoa nũnũ tãrĩahye Asia yehparũ.

Efesopũ masa usua, sañuducuahye

²³ Ti pjere Efesopũ Jesu yere apequina cahmedaye, Pablo gãhure tuh-tiahye. ²⁴ Plata mehna dahrariquiro Demetrio wame tiriquiro plata mehna cohãcjõno Artemisa wame tiricoro ya wãhũ queoyere yeriquiro ijiahye. Sa yero tiquiro apequina plata mehna dahrayequina mehna ti queoyere dua, pajiro wapatahye tiquina. ²⁵ Sa yero Demetrio apequina plata mehna dahrayequinare piji cahmecoa yahuahye tiquinare.

—Tũhoya mãsa. Ahri dahraye mehna pajiro mari wapatarire masine mãsa. ²⁶ Ahriquiro Pablo yerire tiquiro buheri gãhure masine mãsa. Ohõ saha ni buhere tiquiro. “Cohãmana queoye masa tiquina yeyequina catiyequina ijierare”, ni yahue tiri tiquiro. Tiquiro sa nigũ tãhoye peyequina Efeso cjẽna, ijipihitropũ apequina Asia yehpa cjẽna gãhũ ti buheyere “Ijirola ijire”, nie tiri. ²⁷ Sa niñe mari dahrayere masa ñano yahuducuboaga. Sa ye mari yacoro cohãcjõno Artemisa ya wãhure masa cohãboaga. Sa yero ticoro ijipihtiyequina Asia yehpa cjẽna, ijipihitiri yehpa cjẽna tiquina ño peoricoro ticoro ijiepegũta ticoro tutuaye butiarota. Sa ye masa ticorore masiedaboaga, niahye Demetrio tiquinare.

²⁸ Tiquiro sa nigũ tãhoye tiquina pehe tutuaro usua, sañuducuahye:

—Artemisa Efeso cjãna mari yacoro cohãcjõno tutuaricoro ijire, ni, sañuducuahye tiquina.

²⁹ Sa ye Efeso cjẽna ijipihtiyequina sañuducu yãhdũa, tãho masiñe pih-tia wahahye. Sa wahaye, Gayore, Aristarco gãhure ñehe, masa tiquina cahmecoanopũ tiquinare weje cãhye. Gayo, Aristarco mehna Macedonia cjẽna ijiye, Pablo mehna tiniñequina ijie tiahye. ³⁰ Sa ye Pablo masa cahapũ tiquiro waha duagũ, Jesu

yequina pehe tiquireore waha dutierahye. ³¹ Sa ye apequina ti yehpa cjēna p̄h̄toa, Pablo mehna cjēna ijiye, tiquina cahacjēnare yahu dutiahye Pablöre:

—Masa tiquina cahmecoanop̄ wahaeracāhña, ni yahu duti ohoahye p̄h̄toa tiquina cahacjēnare Pablop̄re.

³² Sa ye top̄ cahmecoañequina mehna cjēna pehe peyequina “¿D̄h̄sena tana mari cahmecoana nijari?” ni, masiedahye. Sa ye tiquina sañuducu nemoahye. Ahrie pehep̄ ijiyequina sijoro ni, sañuducuahye. Apequina ḡh̄ sijoro ni sañuducuahye. ³³ Sa ye judio masa pehe Alejandro wame tiriquiöre masare yahu dutimahye. Sa yero Alejandro “Dihta mariahña”, nino tiquireo omoca mehna quē dijioahye. “Ahriquina us̄are judio masare tuhtiye nine”, ni t̄hoturo judio masare cahmota duaro, yahuducumahye. ³⁴ Tiquireo sa niepeḡta judio masano tiquireo ijiḡ ihñañe masa ijipihtiyequina ihc̄ano mehna p̄a hora waro sañuducuahye:

—Artemisa, Efeso cjāna mari yacoro coh̄c̄j̄no tutuaricoro ijire, ni, sañuducuahye tiquina.

³⁵ Tiquina sa ni sañuducuḡ ihñano, Efeso cjēna p̄h̄toare yedohoriquireo masare, “Dihta mariahña”, ni, yahuahye tiquire.

—Musa Efeso cjāna t̄h̄oya. Efeso cjāna mari yacoro tutuaricoro coh̄c̄j̄no Artemisa ya w̄h̄ cohtena mari ijiḡ ijipih̄tiri yehpa cjēna masine. Sa ye h̄m̄sep̄ bora dijia tari queoyere cohtena mari ijiḡ ḡh̄re masine masa. ³⁶ Sa ye apequina “Ahri poto ijierare”, ni masiedare. Sa yena usueracāhña masa. Quehnoano t̄hotuya masa. ³⁷ Ahriquina masa ñehe tariquina mari coh̄c̄j̄nore ñano ni yahuducuerari. Sa ye tiquina coh̄amana w̄h̄sep̄re sajā, yaquerari. Sa yena quehnoano yeya masa. ³⁸ Sa ye Demetrio, plata mehna dahrayequina mehna ahriquireare masa ñehediquinare yahusā duaye,

buhiri dahre dutiyequina pehere yahuahro tiquina. Tiquina buhiri dahre dutiyequireare ahriquireare yahusā masine. ³⁹ Pari turi cahmecoana quehnoano mehna cahmecoaña. Yojop̄re masa yeriro saha yeracāhña. ⁴⁰ Miare masa ihyo waro usua, sañuducurire mari p̄h̄toa t̄h̄oye, “Marine coh̄añe niaga”, ni t̄hotueta tiquina. Sa yena masa sa ni sañuducurire tiquireare quehnoano poto yahu masiedaja mari, niahye p̄h̄toare yedohoriquireo masare.

⁴¹ Sa ni yahu tuhasa, “To puno tjire. Wahaya”, niahye tiquireo masare.

20

Macedonia yehpap̄ ḡh̄re, Grecia yehpap̄ ḡh̄re Pablo esahye

¹ Ti sa wahari bato, Pablo pehe Jesu yequireare piji cahmeco yahuahye. Yahu tuhasa, tiquireare cohe tiahye. Cohe ti tuhasa, Macedonia yehpap̄ waha wahahye. ² Top̄ esa, buhe, to cjēna Jesu yequireare bucueḡ yeahye tiquireo. Tiquireare buhe tuhasa, Grecia yehpap̄ esahye tiquireo. ³ Top̄ tiquireo ihtia as̄ waro ijiahye. Top̄ ijiro Siria yehpap̄ peh̄a waha duamahye. Tiquireo sa waha duepeḡta judio masa duhti queahye, tiquireore ñehe duaye. Sa yero Pablo ape mahap̄, Macedoniap̄ wahari mahap̄ wahahye. ⁴ Sa waharo Asiap̄ta esahye. Top̄ Berea cj̄no Pirro mac̄no Sópater wame tiriquiöre pehe Pablöre piti ti c̄ahye. Sa ye Tesalónica cjēna Aristarco, Segundo ḡh̄ tiquireore piti ti c̄ahye. Sa ye Asia cjēna Tíquico, Trófimo ḡh̄ Asiap̄ tiquireore piti ti c̄ahye. Derbe cj̄no Gayo wame tiriquiöre Timoteo ḡh̄ tiquireo mehna wahahye. ⁵ Tiquireo mehna cjēna tiquireo pano waha, Troa wame tiri macap̄ tiquireore cohteri jiri. ⁶ Tiquina sa cohteḡ puḡ yeye moremehneñe p̄re tiquina ihyari bose deco bato us̄ pehe Filipop̄ ijirina yuc̄sa mehna waha, ihc̄a omope decori

pehã, Troapũ usã esau. Siete decori waro ijii topũre.

Troapũ Pablo tinino wahahye

⁷ Domingo ijigũ Jesu yequina cah-mecoa, pãre duhu peori Santa cena yeye tehe. Tiquina sa yeato pano Pablo tiquinare buheri. Sa yero Pablo ape decopũ wahatiquiro ijero yoari pje tiquiro buheri. Nãmi decopũ buhe duhuro taro nimedi. ⁸ Sa yena uhmũano cjã tucũpũ peye paca sihãñe paca ijiri tucũpũ cahmecoau usã. ⁹ Pablõre tiquiro tũhori watoa wahmũano Eutico wame tiriquire meheni sopecahagã buipũ mũja pje dujiri. Sa yero Pablo tiquinare yoari pje tiquiro buhe nemogũ wahmũanore wũjua ahtari. Sa yero tiquiro carĩ maa, ihtia casario buipũ dujiriquire majare maa dijiaa wahari. Tiquiro bora dijiri bato tiquina tiquirore yariariquireopũre tu wahcõ dapori. ¹⁰ Tiquina sa yegũ ihñano Pablo dijia, wahmũanore quẽ suhsuri. Tiquiro sa yeri bato Jesu yequinare yahuri tiquiro:

—Jeripohna ñaedacãhña. Yariere ahriquire. Catire, nidi Pablo pehe.

¹¹⁻¹² Tiquiro sa nigũ wahmũano yariamediquiro masaa wahari. Tiquiro sa masagũ ihñañe tiquina bucue yũhdũari. Sa bucueye uhmũano cjã tucũpũ mũja, pãre duhu peori Santa cena yeye tehe. Tiquina sa yeri bato yoari pje Pablo tiquinare buheri. Tee bohreato panogãpũ tiquinare buhe duhuri. Tiquiro buhe tuhasagũ wahaa wahau usã.

Pablo Troapũ ijiriquire waha, Miletopũ esahye

¹³ Pablo pano yucusa mehna Asõpũ usã pehe esa mũhtaũ. Pablo pehe mahapũ waha duari. Pablo tiquiro nidiro sahata Asõpũ tiquirore usã piti caũ. ¹⁴ Tiquirore usã piti cagũ, usã mehna tiquiro sajãri yucũsapũ. Tia mehna waha, Mitilenepũ usã esau. ¹⁵ Topũre esa yũhdũa, ape decopũ Quĩore yũhdũau usã. Ape decopũ Samopũ esau usã. Ape deco pehere Miletopũ esau usã. ¹⁶ Pablo

Pentecoste deco ijigũ, Jerusalẽpũ esa duari. Sa yero Asia yehpapũ yoari pje iji duerari. Sa yero Efesore potõ yũhdũa, Miletopũ wahã sau usã.

Pablo Efeso cjẽnare Jesu yequina pũhtoare yahuahye

¹⁷ Sa yero Pablo Miletopũ ijero, Efeso cjẽnare Jesu yequina pũhtoare pijiori tiquiro. ¹⁸ Sa tiquiro pijiori bato tiquina Pablo cahapũ wihiri. Tiquina wihigũ ihñano tiquinare Pablo yahuri:

—Asiapũ coã wihigũ mũsa mehna yũhũ yerire masine mũsa. ¹⁹ Mũsa mehna ijigũ ne sijoro nino marieno Jesu, mari pũhtoro yere yee tii yũhũ. Sa yegũ mũsare paja ihñau. “Mũsare yũhdũdũcaja”, niedũ yũhũ. Judio masa yũhũre tiquina ñano yepegũta Cohãcjũ yere yee tii yũhũ. ²⁰ Sa yegũ mũsa quehnoano wahatire cahmegũ mũsare yahu peho cãũ yũhũ. Masa tiquina ihñonopũ mũsa wũhũsepũ gũhũre buhei yũhũ. ²¹ Sa yegũ judio masare, judio masa ijieyequina gũhũre ihcãno mehna buhei yũhũ. “Mũsa ñañene bũjua witina, Cohãcjũ ye pehere comesaya. Sa yena Jesu mari pũhtoro wacũ tutuaya”, ni yahuu yũhũ. ²² Sa yegũ Espĩritu Santo tiquiro dutiriro sahata yojopũre Jerusalẽpũ wahau niaja. Yũhũ topũ wahagũ yũhũ dũhse wahatire masiedaja yũhũ. ²³ Ohõ saha nidi Espĩritu Santo yũhũre: “Jerusalẽpũ mũhũ ñano yũhdũta. Sa ye mũhũre peresu yeeta”, nidi Espĩritu Santo yũhũre. Yojopũre yũhũ macaripe yũhũ esagũ sa ni yahuri yũhũre. Jerusalẽpũ wahagũ Espĩritu Santo tiquiro yahuri dihitare masiaja. ²⁴ Tiquiro sa yahuepegũta quehnoañe buheyere, Cohãcjũ tiquiro cahĩñe buheyere yahuacjũ ijiaja. Jesu mari pũhtoro tiquiro ye dutirire ye peho duaja. Ahrire yerigũ ijigũ, yũhũ yariatire cueraja yũhũ.

²⁵ Sa yegũ mũsa mehna ijigũ Cohãcjũ tiquiro pũhtoro ijiyere yahue tii yũhũ mũsare. Ne mũsare pari

turi ihñasi yuhũ. Ahrire masi-
aja yuhũ. ²⁶⁻²⁷ Sa masigu miare
ahrire yahuaja musare. Ijipihtiye
Cohãcjũ yere yahuu yuhũ musare.
Sa yero ijipihtiyequina musa mehna
cjẽna Cohãcjũ yere cahmeeñequina
tiquina ijigũ yee buhiri ijierare.
²⁸⁻²⁹ Musa basi quehnoano yeya. Sa
yena Jesu yequinare Espiritu Santo
musare ihbo dutigũ, tiquiro ihbo
dutihiquinare quehnoano ihboya.
Ovejare ihboyequina ovejare tiquina
ihboro saha Jesu yequina gũhare ih-
boya musa. Cohãcjũ macano tiquiro
yariaro tiquiro dii cohãno mehna
Cohãcjũ tiquinare tiquiro yequina
ijiatiquinare yeri. Yuhũ ohõre
wahari bato apequina ñañequina
pehe yaquiro ovejare tiquina wejẽno
saha Jesu yere musa yeborire do-
jomehneeta. Sa yena Jesu yequinare
quehnoano ihboya. ³⁰ Camepure
apequina musa mehna cjẽna pehe
Jesu yequinare ni meho, apeye
buheyere tũho dutieta. Tiquina sa
dutigũ tiquina tũhoeta. ³¹ Sa yena
quehnoano yeya musa. Decoripe,
ñaminipe paja ihñañe mehna buhei
yuhũ musare. Ihtia cahma waro
quehnoano buhei yuhũ musare ijip-
ihtinare. Tire quehnoano wacũña
musa.

³² 'Yojopure yuhũ wahari bato
Cohãcjũ musare ihña ihborota.
Tiquiro cahñe buheyere buhena
quehnoano ijinata musa. Cohãcjũ
tiquiro buheye mehna musare
tiquiro yequinare quehnoano
yedoho masine. Sa yero tiquiro
yequina dihitare tiquiro ye duariro
sahata musa pũritare quehnoano
yerota. ³³ Musa niñeru cõoyere, musa
suhti cõoye gũhare "Yuhũre ohoya",
niedũ. ³⁴ Yuhũ basi dahra wapataũ
ye ijiatire. Sa yegũ yuhũ cahmeñene,
yuhũ mehna cjẽna tiquina cahmeñe
gũhare yuhũ dahra wapatarĩ mehna
nei. Yuhũ sa yerire masine musa.
³⁵ Mari ohõ saha tutuaro dahrana
apee boro cõoyequinare yedohoro
cahmene marine. Ahrire musare ye
ihñou yuhũ. Jesu mari pũhoro tiquiro

nidire wacũña musa. "Tiquiro ohogũ
ñehediquiro yuhũoro ohoriquiro
pehe bucuere", nidi jiri Jesu tiquiro
basi, ni yahuri Pablo Jesu yequina
pũhtoare.

³⁶ Sa nidi bato Pablo tiquina
mehna dusepe curi mehna quehe sa,
Cohãcjũre sinidi. ³⁷ Tiquiro sa sinidi
bato tiquina ijipihtiyequina Pablõre
quẽ suhsu, wahsupure ihmi, utiri.
³⁸ "Musare pari turi ihñasi yuhũ",
to pano tiquiro nigũ tũhoye tutuaro
bũjũa witiri tiquina. Sa ye tiquirore
tu nũnũ tã buhari petamahapũ. Topũ
usãre ihña nũnũ tãri usã wahagũ.

21

Pablo Jerusalẽpũ pari turi wahahye

¹ Jesu yequinare "Wahana niaja",
ni, yucusa mehna, Cos wame tiri
nũcõopũ poto waha, pehã saũ usã.
Ape decopũ Roda wame tiri nũcõopũ
pehã sa, yuhũa, Pátara wame tiri
macapũ esau usã. ² Pátarapũ ijina,
Feniciapũ wahatiare yucusare bocaũ
usã. Sa yena tia mehna wahau
usã. ³ Sa wahana Chipre wame tiri
nũcõore poto ihña yuhũũ usã. Cũ
pehe pehe ijiri ti nũcõo. Ti nũcõore
yuhũa, Siria wame tiri yehpapũ
esau usã. Sa yena yucusa cjẽ doeri
cjẽne yucusa cjũno Tiro wame tiri
macapũ tiquiro dure mogũ topũ pah-
sarĩi. ⁴ Topũ Jesu yequinare ihñana,
siete decori waro tojoarĩ usã ti
macapũ. Sa ye to cjẽna Jesu yequinare
Espiritu Santo tiquiro yahuriro
sahata tiquina Pablõre Jerusalẽpũ
waha dutieramedi. ⁵ Tiquina sa
niepegũta ti macare siete decori usã
ijiri bato, wahau usã. Usã wahato
panogã ijipihtiyequina Jesu yequina,
tiquina namosãnumia mehna, tiquina
põhne mehna, maca dahtũ cahapũ
usãre ihña tojoari. Sa yena ijipihina
usã padũropũ esa, dusepe curi mehna
quehe sa, Cohãcjũre sinii. ⁶ Usã
sa sinidi bato, "Wahana niaja", ni,
tiquinare quẽ suhsu bato ti wahau
usã. Usã wahagũ ihña nũnũ tã,

tiquina pehe majaa wahari tiquina ye wahuſepu.

7 Tiro wame tiri macare maja yuhduu uſa. Sa yena Tolemaidapu wahã ſa uſa. Topuſta pajiri mare waha bato tii uſa. Ti macapu eſa, Jesu yequinare “¿Uſã acaye, iſiajari?” ni, ihcã deco uſa tiquina mehna ijirii. 8 Sa yena ape decopu tja Pablo mehna mahapu wahu uſa Cesarea wame tiri macapu wahana. Topu eſa, quehnoañe buheyere yahuriquiro Felipe wame tiriquiro ya wuhapu eſa. Sa yena tiquiro mehna tojoau uſa. Felipe Jesu yequina tiquina siete besenohriquina mehna cãno ijiri. 9 Sa yero tiquiro pititiaro numia pacuro ijiri. Tiquina numia pehe Cohãcjũ yere yahuye numia ijiri. Nuhmia ijiri. 10-11 Topu uſa meheñe decorigã uſa ijiri bato, Agabo wame tiriquiro Cohãcjũ yere yahu muhtariquiro Judeapu ijiriquiro uſare ihñano wihiri. Sa yero tiquiro Pablo ya dare jeri turi dare ne, tiquiro dahpocãrine, tiquiro omo-carine duhtero, queo yahuri:

—Ohõ saha nidi Espiritu Santo. “Ahri dare cuoriquiro Jeruſalẽpu tiquiro eſagũ, judio masa ſa duhteeta tiquirore. Duhte tuhaſa, judio masa ijieyequinare ohoeta tiquina tiquirore”, nidi Espiritu Santo, ni yahuri Agabo.

12 Tiquiro ſa nigũ tuhona, uſa Cesarea cãna mehna Pablore tutuaro cahũ uſa. Tiquirore Jeruſalẽpu waha dutierami. 13 Uſã ſa nigũ Pablo pehe yuhtiri:

—¿Duhe ni utina niajari muſa? Yuhu pehere bujua witigũ yeaga muſa. Tiquina yuhare peresu tiquina yegũ quehnoanota. Yuhu Jeruſalẽpu Jesu mari puhtoro yere yahu yeri buhiri yahu yariagũ quehnoanota, nidi Pablo uſare.

14 “Wahaeraja”, tiquiro nigũ tuho duana nimi uſa. Tiquiro “Wahaũtja”, tiquiro nigũ, ſa tuhotu cãhu uſa. Ohõ saha nii:

—Mari puhtoro tiquiro cahmeno ſahata yeahro, nii uſa.

15 Tire yahu bato ti, uſa yere quehno, waha wahu uſa Jeruſalẽpu wahana. 16 Topu uſa wahagũ meheñequinagã Cesarea cãna Jesu yequina pehe uſa mehna wahari. Sa yena tiquina mehna cãno Chipre cãno Mnaſõ wame tiriquiro ya wuhapu eſa uſa. Tiquiro yoari pje Jesu buheriquiro ijiri. Sa yero tiquiro ya wahu uſa iſiati wahu ijiri. Sa yena Jeruſalẽpu eſa uſa.

Pablo Santiago ihñano wahahye

17 Jeruſalẽpu uſa eſagũ, to cãna Jesu yequina pehe “¿Wihiajari?” ni, bu-cueye mehna piti cari uſare. 18 Ape decopu Pablo uſa mehna Santiagore ihñano eſari. Uſa topu eſagũ topu iſip-ihtiyequina Jesu yequina puhtoia ijiri. 19 Sa yero Pablo tiquinare tiquiro omoca ñehedi bato judio masa ijieyequinare tiquiro buherire yahu pehori Jesu yequinare. Cohãcjũ tiquiro yedohoye mehna tiquiro yerire yahu pehori. 20 Tiquiro ſa ni yahugũ tuhoye, “Cohãcjũ quehnoagu, tutuagu ijire muhu”, ni ño peori tiquina pehe Cohãcjũre. Sa ni tuhaſa tiquina Pablore ohõ saha ni yahuri:

—Uſã acayu, yojopare peyequina judio masa Jesure wacũ tutu-ayequina ijire. Tire masine muhu. Sa ye tiquina ohõ saha ni tuhoture: “Cohãcjũ dutiyere, Moiepuſta marine tiquiro cũrire marine ye pehoro cahmene”, niñe nine. 21 Ohõ saha ni nemore tiquina. “Ape siepu ijieyequinare judio masa ijieyequina watoapu ijieyequinare judio masare Cohãcjũ Moieſere tiquiro cũrire cohã dutiahye Pablo”, nimesi ohõ cãna judio masa muhare. “Pablo judio masa pohnene cuhnucuna ſohtoa cahserogãre yuhre ne dutierare”, nimesi muhare tiquina. “Judio masa tiquina yee tiyere Pablo duhu dutire”, ni ahri gũhare ni yahu wajare muhare. 22 Sa ye muhu ohõre wihigũ tuhoye tiquina cahmecoaeta muhare tuhtiye tehe. Sa yegu ohõ saha yero cahmene muhare. 23 Muhare uſa dutiro ſahata yeya. Yojopare

ohõre pititiaro ʌmʌ Cohãcjũre wacũñequina “Ohõ saha yematja”, niñequina ijire. ²⁴ Tiquina mehna wahaya. Sa ye Cohãcjũ Moiserere tiquiro dutiriro sahata tiquina basi Cohãcjũ yere yee tehe tiquina ñano yeyere coseye nine. Mʌhʌ gũhʌ sata yeya. Sa yegʌ tiquina sa yeati wapare wapa yeya mʌhʌ pehe. Mʌhʌ sa wapa yeri bato tiquina poarire wʌha peho duti masine tiquina. Mʌhʌ sa yegũ ihñañe masa mʌhʌre tiquina niñe ni mehoru ijigũ masieta ijipihtiyequina. Cohãcjũ Moiserere tiquiro cũri dutiyere yegʌ mʌhʌ ijigũ masieta tiquina.

²⁵ Sa yena judio masa ijieyequina Jesu yequina pehere ʌsã ojoari pũre oho tuhasa. Ohõ saha ni, ojoa ʌsã. “ ‘Cohãcjũ ijire’, tiquina niñe queoyere ño peo tiquina duhu peori ihyayere, diire, wamʌa tiquina ñehe wejẽdiquinare wahiquinare ihyeracãhña mʌsa. Sa yena wʌana tieracãhña”, ni, yahu ojoa ʌsã ojoari pũpũre, nidi tiquina Pablöre.

Cohãcjũ wʌhʌpʌ judio masa Pablöre ñeheahye

²⁶ Tiquina sa ni yahuducuri bato ape deco Pablo pehe pititiaro ʌmʌ mehna tiquina basi Cohãcjũ yere yeye tehe tiquina ñano yerire coseye tehe, Cohãcjũ wʌhʌpʌ sajãa wahahye. Ti wʌhʌpʌ sajã saro, tiquinare yahuahye Pablo: “Ohõpe decori dʌhsare mʌsa coseato”, ni yahuahye tiquiro pititiarore. Sa ye tiquina cose bato tiri decopʌ tiquinapequina Cohãcjũre wahiquinare tiquina ohoati deco ijiri.

²⁷ Sa ye tiquina cose pehoboriro mehenogã dʌhsagũ waro Cohãcjũ wʌhʌpʌ Pablo tiquiro ijigũ Asia yehpa cjẽna judio masa pehe ihñañe tiquirore. Sa ihñañe Pablöre quti dojomehne, apequinare tiquiro mehna usuagũ yeahye tiquina. Sa usua, judio masa Pablöre ñehe, sañuducuahye:

²⁸ —Mʌsa ʌsã acaye, Israe masa ʌsãre yedohona ahtaya. Ahriquiroy ijire. Ahriquiroy Cohãcjũ Moiserere

tiquiro cũri dutiyere, ahri wʌhʌ gũhʌre cohã duti, buhere ijipihtiyequinare. Sa ye marine judio masare ñano ni yahuducure. Sa yero tiquiro Cohãcjũ wʌhʌpʌre judio masa ijieyequinare ne sajãri. Sa yero ahri wʌhʌre ñaña mariedi wʌhʌre tiquiro dojomehnedi, ni, sañuducuahye judio masa Asia yehpa cjẽna to cjẽnare.

²⁹ To pano Jerusalẽpʌ Pablo Trófimo mehna tiquiro ijigũ judio masa ihñañe tiahye. Trófimo Efeso cjãno judio masano ijieriquiro ijiri. Tiquiro sa ijigũ masiñe ohõ saha ni tʌhotuahye tiquina: “Pablo Trófimore Cohãcjũ wʌhʌre ne sajãno niaga”, ni tʌhotuahye judio masa. ³⁰ Masare sa ni yahu tiquina sañuducuri bato ti maca cjẽna peyequina tutuaro usuahye. Peyequina oma cãhta, Cohãcjũ wʌhʌpʌ ijiriquirore Pablöre ñehe weje wijiaa wahahye. Sa ye ti wʌhʌ sopecaharire bihahye tiquina. ³¹ Sa ye tiquina tiquirore wejẽñe tee nimahye. Tiquina sa yegũ ihñañe “Ijipihtiyequina Jerusalẽ cjẽna usua, sañuducuye nidi”, ni, apequina pehe yahuye wahahye surara pʌhtorore. ³² Tiquina sa nigũ tʌhoru pʌhtoro pehe tiquiro yequina surarare, tiquina dutiyequina gũhʌre cahmecoadoqueo, tiquina mehna Pablöre wejẽ duayequina cahapʌ oma cã esahye. Surara tiquina esagũ ihñañe Pablöre quẽmediquina quẽ duhu cãhye. ³³ Sa yero surara pʌhtoro Pablo cahapʌ esa, pʌa da come dari mehna tiquirore dʌhte dutiahye. Tiquina dʌhte tuhasagũ ihñano, pʌhtoro Pablöre sinituahye:

—¿Noa boro ijiajari ahriquiroy? ¿Yabe buhiri tiquirore sa yeajari mʌsa? ni, sinituahye tiquiro tiquinare.

³⁴ Tiquiro sa sinitugũ tʌhoye masa pehe “Ohõ saha yeri tiquiro”, ni, apequina gũhʌ sijoro saha ni sañuducu, yahuahye surara pʌhtorore. Sa ni tiquina sañuducugũ surara pʌhtoro quehnoano tʌhoerahye. Sa yero tiquiro surara ya wʌhʌpʌ Pablöre nea dutiahye. ³⁵ Ti wʌhʌpʌ esa, Pablo

mujari escareraꝑu tiquiro mujano taro yegũ masa pehe tiquirore que duaye nimahye. Tiquina sa yegũ surara pehe tiquirore ne wua mujaa wahahye. ³⁶ Masa tiquinare peye-quina nãnu tã, sañuducu nãnu tãhye.

—Tiquirore wejẽ cãhña, ni, sañuducuahye tiquina Pablore.

Pablo “Ne masare ñano yeraja yuhũ”, ni, yahuahye

³⁷ Sa ye ti wuhãꝑu tiquina peresu yeato pano, Pablo pehe puhtorore siniahye:

—Yuhũ mũhũ mehna yahuducu duaga, ni siniahye Pablo.

—¿Mũhũ griego masa yere yahuducuaajari? ³⁸ ¿Sohõ ijirigu, Egipto cã ijierajari mũhũ? Tiquiro masare tiquina puhtoare cohã dutiriquiro, cuatro mil masa wejẽnequina pehere masa marienopũ neari jiri. ¿Tiquiro ijierajari mũhũ? niahye surara puhtoro Pablore.

³⁹ Tiquiro sa nigũ tuhoro Pablo yuhtiahye:

—Tiquiro ijieraja yuhũ. Judio masũ ijiaja. Tarsopũ Cilicia yehpaꝑu ijiri macapũ masa bajuũ yuhũ. Ihyo ijiri maca cã ijieraja yuhũ. Yuhũ ahriquina masa mehna yahuducu duaga yuhũ, niahye Pablo tiquirore.

⁴⁰ Tiquiro sa nigũ tuhoro puhtoro pehe tiquirore yahuducu dutiahye masa mehna. Sa yero Pablo mujari escareraꝑu ducuro tiquiro omocari mehna “Dihta mariahña”, niahye masare. Tiquiro sa yegũ ihñañe, dihta mari pihia wahahye. Tiquina dihta mariahgũ ihñano, Pablo judio masa ye mehna yahuahye tiquinare.

22

¹—Yuhũ acaye, yuhũ yerire yahutja musare. Yuhũ yahugũ tuhoya musa, niahye Pablo.

² Tiquiro sa nigũ Pablo judio masa ye mehna tiquiro yahuducugũ tuhoye masa pehe dihta mari dojoa wahahye. Sa yero Pablo tiquinare yahuahye:

³—Yuhũ judio masũta ijiaja. Tarso wame tiri macapũ, Cilicia yehpaꝑu ijiri macapũ masa bajuũ yuhũ. Sa ijiepegũta ahri maca Jerusalẽꝑata bucũã yuhũ. Sa yero yuhũre Gamalie wame tiriquiro buhee tiri. Sa yegũ yuhũ mari ñecũsumũa mũna panopũ cãna dutiyere quehnoano buhei. Yojopũre mari Pacũre musa yero sahata yuhũ gũhũ ño peoe timi. ⁴ Sa yegũ Jesu yequinare ñano yee tii yuhũ. Ihquẽquina tiquinare wejẽe tii yuhũ. Umuare, numia gũhũre ñehe, peresu yee tii yuhũ. ⁵ Pahia puhtoro, judio masa bucũna mehna tiquina ojoaye pũrine Jesu yequinare ñehe dutiye pũrine yuhũre oja basari. Mari acayere Damasco cãnare ti pũrine ihñogu tũũ nimi Jesu yequinare ñehei tũhũ. Tiquinare ñehe, ne cãhta peresu yei tũũ nimi. Jerusalẽꝑu tiquinare ne cãhta duami buhiri dahrei tũhũ. Ohõ saha yuhũ nigũ pahia puhtoro, judio masa bucũna gũhũ quehnoano masine, ni yahuahye Pablo.

Pablo Jesu yaquiro tiquiro waha dũcarire yahuahye

(Hch 9.1-19; 26.12-18)

⁶ Sa ni tuhasa ohõ saha ni yahu nemoahye:

—Sa yero coheri pje ijigũ Damascopũ yuhũ esa quehegũ waro uhmũanopũ asi sitedoque dijiori yuhũre. ⁷ Sa wahagũ yuhũ yehpaꝑu bora quehe saa waharu yuhũ. Yuhũ bora quehe sari bato yahuducuro ca tari yuhũre. “¿Saulo, duhsegu yuhũre ñano yeajari?” nino ca tari yuhũre. ⁸ “¿Puhto, noa boro ijiajari mũhũ?” ni, sinituu yuhũ. “Yuhũ Jesu Nazare cã, mũhũ ñano yenohrigũ ijiaja yuhũ”, ni, yuhtiri yuhũre tiquiro.

⁹ Yuhũ sa wahagũ yuhũ mehna cãna buhriorore ihñari. Sa ihñaepeta yuhũ mehna tiquiro yahuducugũ tuhoerari tiquina. ¹⁰ “¿Puhto, duhse yegũtari yuhũ?” ni sinituu Jesure. “Wahcãdũcaya. Damascopũ wahaya. Topũ mũhũ wahagũ, mũhũre ijip-ihitiye yuhũ ye dutiatire apequiro yahurota mũhũre”, nidi tiquiro

yahure. ¹¹ Tutuaro tiquiro asi site-doqueogã, yahũ caperi opoa waharu yahũ. Sa ye, yahũ mehna cjẽna yahũ omocare ñehe, Damascopũ tuã cãri yahure.

¹² Topũ Anania wame tiquiro, Cohãcjũre ño peoriquiro marine Cohãcjũ dutiyere ye pehoriquiro ijiri. To cjẽna judio masa ijipihitiyequina tiquina ño peoriquiro ijiri. ¹³ Sa yero tiquiro yahũ cahapũ wihidũca yahure yahuri. “Yahũ acayũ Saulo, ihñaña pari turi tja”, nidi tiquiro. Tiquiro sa nidi bato pari turi ihñaũ yahũ. Sa yegũ tiquirore ihñaũ yahũ.

¹⁴ Yahũ sa ihñaãgũ tiquiro Anania yahure yahuri. “Mari Pacũ tiquiro cahmeñene quehnoano masiacjũre panopũ bese tuhasahye mahure. Sa yero ‘Yahũ macũ quehnoariquirore ihña, tãhorota’, ni yahuahye mahure mari Pacũ panopũ. Tiquiro ijire mari ñecũsumũna mũna tiquina ño peoriquiro. ¹⁵ Sa yegũ mahũ ihñaãrire, mahũ tãhorire yahugũta mahũ ijipihitiyequinare. ¹⁶ Sa yena yojopũre yoari pje ijieracãhna. Wahcãdũcaya. Sa yegũ wame yenohrigũ ijiya. Jesure mahũ sinigũ mahũ ñañene cohãnota”, nidi yahure tiquiro, niahye Pablo tiquirore wejẽ duariquinare.

Pablo judio masa ijieyequinare tiquiro buherire yahuahye

¹⁷ Sa ni tuhasa Pablo yahu nemoahye:

—Sa ye tuhasa yahũ Jerusalẽpũ tojoa ta, Cohãcjũ wãhũpũ Cohãcjũre sinigũ esau. ¹⁸ Yahũ topũ ijigũ Jesu yahure bajue tiri. Sa bajoaro yahure yahuri. “Jerusalẽ cjẽna yeere mahũ yahugũ tãho duerare. Sa yegũ umũñano ape sierũ wahaya”, nidi Jesu yahure. ¹⁹ Tiquiro sa nigũ tãhogũ yahuu tiquirore: “Pãhto, mahũ yequinare judio masa buheye wãhũsepũ ijieyequinare yahũ ñehe, quẽdire masine Jerusalẽ cjẽna.

²⁰ Sa yegũ mahure yahuriquirore Estebã pehere tiquina wejẽgũ ihñaãgũ ‘Quehnoano yeye wejẽne’, nimi. Tiquirore tiquina wejẽgũ tiquina

suhtire cão basau yahũ. Ti gũhure masine ahri maca cjẽna. Sa ye yahũ yahugũ tãhoboaga yahure”, ni yahuu yahũ Jesure. ²¹ Yahũ sa nigũ tãhoro Jesu yahure yahuri: “Yoaropũ judio masa ijieyequinare buheacjũre ohoutja mahure. Sa yegũ wahaya mahũ”, nidi yahure yahũ pãhtoro, niahye Pablo masare.

Surara pãhtoro Pablo mehna yahuducuahye

²² Tiquiro yahu mãhtari dihitare quehnoano tãhomahye masa. Sa tãhoepeta judio masa ijieyequina cahapũ Jesu Pablõre tiquiro ohoatire tiquiro yahugũ tãhoye tiquina sañuducu dũcahye tja:

—Ahriquiro yojopũ pũritare yariacũnahdo, ni sañuducuahye tiquina.

²³ Sa ye tiquina sañuducu nemo, usuaye mehna tiquina suhtire wahba sitedũca, dihta mehna doque mũoahye. ²⁴ Surara pãhtoro surara ya wãhũpũ Pablõre ne sajã dutiahye tiquiro yequina surarare. Sa yero surara pãhtoro “¿Dũhse ijiro boro Pablo mehna usua ñano sañuducuye niajari masa?” ni sinitu duamahye. Pablõre tire sinituro taro, yuta dari mehna tana dutimahye tiquirore. ²⁵ Sa tana dutiepegũta tiquirore tiquina dãhteri bato, tiquiro cahapũ ijiriquirore surarare yahuahye Pablo:

—Yahũ Roma cjã ijiãja. Sa yena “Ñano yeriquiro ijire ahriquiro”, yahure ni masiedare mũsa. Sa yena yuta dari mehna yahure tana masiedare mũsa, niahye Pablo tiquirore.

²⁶ Tiquiro sa nigũ tãhoro surara tiquiro pãhtõrore yahuro wahahye:

—Ahriquiro Roma cjũno ijire. Sa yegũ quehnoano yeya tiquirore, ni yahuahye tiquiro pãhtõrore.

²⁷ Tiquiro sa nidi bato surara pãhtõro pehe Pablõre sinituro wahahye:

—¿Potota mahũ Roma cjã ijiãjari? Yahuya yahure tire, niahye tiquiro.

—To cjāta ijiaja yuhū, ni yuhtiahye Pablo.

²⁸ Tiquiro sa nigū tūhoro puhtoro pehe tiquirore yahuahye:

—Yuhū Roma cjū iji duagu niñeru pajiro wapa yei, niahye tiquiro.

—Yuhū Roma cjā macapu masa baju. Sa yegu Roma cjū ijiaja yuhū pehe, niahye Pablo.

²⁹ Tiquiro sa nigū tūhoye tiquirore tanaboriquina wahaa wahahye. Sa yero Pablo Roma cjūno tiquiro ijigū masino, tiquirore come dari mehna tiquina dāhterire wacūno, cue niahye puhtoro pehe.

Pablo judio masa puhtoro yahuahye

³⁰ Sa yero surara puhtoro judio masa Pablore tiquina yahusārire quehnoano masi duahye. Sa masi duaro ape decopu come darire tiquirore pā dutiri bato, pahia puhtoare, judio masa bucuna mehna cahmecoa dutiahye surara puhtoro. Tiquiro sa cahmecoa dutiri bato tiquiro topu Pablore ne cā, tiquina ihñono duhu docoahye tiquirore.

23

¹ Sa yero Pablo judio masa bucunare ihña piti ca ducu, yahuahye:

—Yuhū acaye, Cohācjū tiquiro ihñonopu ijipihtiye decori quehnoano yeducuaja yuhū, niahye Pablo.

² Tiquiro sa nigū tūhoro ijipihtiyequina pahia bui ijiriquiro Anania pehe Pablo duserore quē dutiahye.

³ Tiquiro cahapu ducuyequinare quē dutiahye. Tiquirore tiquina quēdi bato Pablo Ananiare tuhtiahye:

—Masa ihñono dihita quehnoano iji mehogu ijire mahu. “Cohācjū dutiyere yuhduducagu nine”, yuhure niepegata yuhure quē dutire mahu. Sa quē dutigu mahu pehe dutiyere yuhduducagu niaga, niahye Pablo tiquirore.

⁴ Tiquiro sa nigū tūhoye Pablo cahapu ducuyequina ohō saha niahye tiquirore:

—Cohācjū tiquiro beseriquiro pahia puhtoro ñano yahuducueracāhña mahu, niahye tiquina Pablore.

⁵ Tiquina sa nigū tūhoro Pablo ni nemoahye tja:

—Yuhū acaye, tiquiro pahia puhtoro ijiyere masiedu yuhū. Sa yegu sa ni maca cāhti yuhū. Cohācjū yere tiquina ojoari ohō saha ni yahure tiquirore: “Mahu ya maca cjēna puhtoro ñano ni, yahuducueracāhña”, ni ojoahye, niahye Pablo tiquinare “Boya”, nino.

⁶ Sa ye topu puu curua cjēna ijiahye. Ihcā curua saduceo masa ijiahye. Ape curua pehe fariseo masa ijiahye. Puu curua tiquina ijigū masino, Pablo judio masa bucunare tutuaro sañuducu yahuahye:

—Yuhū acaye, yuhū fariseo masu ijiaja. Fariseo masano macata ijiaja yuhū gūhu. “Yariariquina masa mūjaeta”, yuhū sa nidi buhiri yuhure ñano ye duare musa, niahye Pablo.

⁷ Tiquiro sa nigū tūhoye fariseo masa, saduceo masa tiquina basi cahme tuhtiahye. Sa ye tiquina basi puu curua tu wahye. ⁸ Saduceo masa ohō saha niñequina ijiahye: “Yariariquina masa mūjasi. Espiritua, angele gūhu ne mariedare”, niñequina ijiahye. Sa ye fariseo masa pehe tiquina yero saha niedahye. Sa ye Pablo “Yariariquina masa mūjaeta”, tiquiro nigū tiquina basi cahme tuhtiahye. ⁹ Sa cahme tuhtiye, tutuaro sañuducuahye. Sa ye fariseo masa mehna cjēna judio masa buheyequina wahcādūca, tuhti, yahuahye:

—Ahriquiro Pablo ñano yerari. Sa yero espīritu o angel, poto tiquiro mehna yahuducuriquiro ijiboaga, niahye tiquina.

¹⁰ Tiquina sa nidi bato tiquina ijipihtiyequina cahme tuhti, tutuaro usuahye. Pablore tiquina wejē duagū ihñano cuesāhye surara puhtoro pehe. Sa yero Pablore tiquiro ya wuhapu ne cā dutiro, tiquiro masa watoapu surarare ohoahye.

11 Ape ñami Jesu mari p̄htoro Pablo cahap̄m ducuro, yahuahye tiqirore:

—Cueracãhña. Yojoṗ̄re ohõre Jerusalēṗ̄m yee buheyere yahuri m̄h̄m. Sa yeḡm Romap̄m ḡh̄re ohõ saḥata yei wahaya, niahye mari p̄htoro Jesu Pablore.

Judio masa Pablore wejē duamahye

12-13 Ape decop̄m ñami cjũno ijigũ judio masa cahmecoahye.

—Ohõ saḥa yeihna. Pablore wejēihna. Tiquirore mari wejēato pano sihniedacũhna. Ihyeracũhna. Tiquirore wejēdana ɱjua mehna yariũhna. Sa yero Cohãcjũ mari pehere wejēahdo, niahye tiquina.

Tiquina cuarenta bui cjũno judio masa ijiahye. 14 Tiquina sa nidi bato tiquina pahia p̄htoare, buc̄na ḡh̄re yahuye wahahye:

—Pablore ɱsã wejēato pano ihyayere ɱsã ihyeraja. 15 Sa yena m̄sa, buc̄na mehna ohõ saḥa ni pijioya. “Pablore pari turi sinitu duaja”, niña surara p̄htoro. M̄sa sa nidi bato surara p̄htoro ne cãhta dutiya Pablore. Sa yena Pablo ohõ cahagã tiqiro wihigũ waro tiqirore wejēnatja ɱsã, niahye tiquina pahia p̄htoare.

16 Sa ye Pablo pacjũno tiquina sa ni yahuducugũ t̄hoahye. Tiquina sa nigũ t̄horo waha, surara ya w̄h̄p̄m Pablore yahuro sajãh̄e. 17 Tiquiro sa yahuri bato Pablo pehe ihcãquiro surarare pijio yahuahye tiqirore:

—Ahriquiro wahm̄no p̄htoro cahap̄m neahña. Ahriquiro m̄h̄m p̄htoro yahu duaro nine, niahye Pablo.

18 Tiquiro sa nigũ t̄horo surara pehe Pablo pacjũno tiqiro p̄htoro cahap̄m ne sa, yahuahye:

—Peresup̄m ijiriqiro Pablo pehe ȳh̄re pijio, ahriquiro wahm̄no m̄h̄m cahap̄m ne cã dutiri. Ahriquiro m̄h̄re yahuro taro niñohti, niahye surara tiqiro p̄htoro.

19 Tiquiro sa nigũ t̄horo p̄htoro pehe wahm̄no omocare ñehe t̄ã

cã, masa marienop̄m tiqirore sinitu ahye:

—¿D̄h̄se niḡm t̄m̄ niari m̄h̄m ȳh̄re? niahye tiqiro Pablo pacjũno.

20 Tiquiro sa sinitugũ t̄horo ohõ saḥa ni yahuahye:

—Judio masa ihcãno mehna “Ohõ saḥa yeihna”, ni, ñamiap̄m judio masa buc̄na cahap̄m m̄h̄re Pablore nea dutieta. “Buc̄na Pablore pari turi sinitu duare”, ni mehoeta. 21 Sa niepegũta cuarenta bui cjũno masa tiqirore wejē duayequina duhti, cohte duare. Tiquina tiqirore wejēato pano ihyayere ihyasi. Sa ye sihnisi. “Tiquirore mari wejēdagũ Cohãcjũ marine wejēahdo”, nidi tiquina basi. Sa ye yojoṗ̄re m̄h̄re Pablore ne cãhta dutiye tiquina pehe duhti, cohte tuhasari, Pablore wejēñe tehe. Sa yeḡm tiquina yahuye wihigũ tiquinare ȳhtieracãhña m̄h̄m, ni yahuahye wahm̄no surara p̄htoro.

22 Tiquiro sa nigũ t̄horo surara p̄htoro ohõ saḥa niahye:

—Ȳh̄re m̄h̄m yahurire apequinare yahueracãhña, ni yahuahye wahm̄no.

Sa ni tuhasa wahm̄no “Waharĩsa”, niahye tiqiro.

Pablore p̄htoro Feli wame tiriqiro cahap̄m ohoahye

23 Sa yero surara p̄htoro p̄aro tiqiro yequina cien surara p̄htoare piji cã, tiquinare dutiahye:

—Dos cientos surarare, setenta caballo bui pesayequinare, dos cientos doqueye cj̄m c̄oyequina mehna Cesareap̄m wahatiquinare tiquina yere quehno dutina wahaya. Sa yena m̄sa mia ñami nueve ijigũ m̄sa wahatore cohteya. 24 Sa yena Pablore caballoare tiqiro pesatiquinare quehno basaya. P̄htoro Feli cahap̄m, Cesareap̄m, quehnoano soya tiqirore, niahye surara p̄htoro.

25 Sa ni tuhasa papera ojoahye. Ohõ saḥa ni ojoahye tiqiro: 26 “Ȳh̄m Claudio Lisia m̄h̄re tutuaḡm p̄hto Felire quehnoa dutiaja. 27 Judio masa

ahriquiro Pablore ñehe, wejēmedi. Sa yegu Roma cjāno tiquiro ijigū masigu, yequina surara mehna tiquirore yedohou esau. ²⁸ Sa yegu tiquirore tiquina yahusārire masi duagu judio masa bucuna cahapu ne sau tiquirore. ²⁹ Sa yegu tiquiro judio masa ye dutiye dihitare tiquiro yuhduducagū mari ye dutiyere tiquiro yuhduducaeragū ihñagu, tiquirore peresupu cū dueru. Yabe buhiri yariaro mariedare tiquirore. ³⁰ Sa yero judio masa tiquirore wejē dua, tiquina buca quehegū ihñano apequiro yahuri yuhure. Tiquiro sa yahuri bato Pablore yojopure mahu cahapu ohogu niaja. Sa yegu tiquirore yahusāriquinare tiquiro ñaife yerire mahure yahu duti tuhasau yuhu”, ni, ojoahye surara pūhtoro.

³¹ Sa ye surara tiquina pūhtoro tiquiro dutihiro sahata yeahye. Ti ñamine Antipatri wame tiri macapu Pablore ne sahye. ³² Ape decopu apequina surara caballoa bui pesaerariquina ti macapu tojoa tahye tiquina ya macapu. Apequina surara caballoa bui pesayequina dihita tiquirore ne yuhdu cāhye. ³³ Tee Cesareapu ne sahye Pablore. Sa ye surara pūhtoro tiquiro ohori pūre pūhtoro Felire wiahye. Sa ye Pablore ne sahye pūhtoro cahapu. ³⁴ Tiquina sa wiari bato pūhtoro ti pūre tiquiro ihñari bato apequinare sinituahye:

—¿Di yehpa cjāno ijiajari ahriquiro Pablo? ni sinituahye tiquiro.

—Cilicia yehpa cjāno ijire, ni yahuahye tiquirore.

³⁵ Tiquinare sinitu tuhasa, Feli Pablore yahuahye:

—Mahure yahusāriquina ohōre tiquina wihigū mahu yahugū tūhoutja, niahye Feli Pablore.

Tiquiro sa nidi bato Herode ya wuhapu tiquirore cūahye. Sa yero tiquiro yequina surarare Pablore cohte dutiahye pūhtoro.

24

Pablo “Ñano yeru yuhu”, ni yahuahye Felire

¹ Ihcā omope decori bato, Anania pahia pūhtoro, apequina judio masa bucuna, dutiyere mihnidiquiro Tertulo wame tiriquiro mehna Cesareapu esahye. Sa ye tiquina Pablore yahusā duaye pūhtoro Feli cahapu esahye. ² Sa yero Pablore topure tiquina ne sari bato Tertulo tiquirore yahusā dūcahye. Sa yahusā dūcaro ohō saha ni yahusāhye Felire:

—Mahu quehnoano masigu, usā pūhto mahu quehnoano dutigū usā ahri yehpa cjāna quehnoano iji cā usā cahmequeno marieno. Mahu dutiye mehna quehnoañe pehere comesaro nine ahri yehpa. ³ Sa yena usā quehnoano iji cāna bucueaja. Sa yena mahu mehna quehnoano bucueaja. ⁴ Yojopure mehenogā mahure cariboutja yuhu. Mehenogā mahu mehna yahuducu duaja. Usāre tūhodoqueorīña mahu. ⁵ Ahriquiro usāre caribo yuhdūare. Ijipihtiyehpari cjēnare judio masare tiquina usua sañuducugū yere ahriquiro. Sa yero masa tiquina basi cahme tuhtigū yere ahriquiro. “Pūhtoare cohāhna”, niñequina mehna cjāno ijire ahriquiro. Sa yero nazareno wame tiri curua pūhtoro ijire. ⁶ Sa yero Cohācjū wuhure ñano tiquiro ye duagū ihñana usā ñehei ahriquirore. [Usā ñehedi bato usā ye dutiyere tiquiro yuhduducariquiro ijigū tiquirore buhiri dahre duami usā. ⁷ Usā sa ye duepegūta surara pūhtoro Lisia wame tiriquiro tiquirore usāre tutuaro mehna ehma cāri. ⁸ Came tiquirore yahusāriquinare mahu cahapu waha dutiri Lisia. Tiquiro sa nigū tūhona ahtau usā.] Mahu pūrita ahriquirore sinitugu, ijipihtiyere tiquiro ye buhirire masigūta mahu, niahye Tertulo Felire.

⁹ Tiquiro sa nidi bato apequina judio masa “Tertulo tiquiro nidiro sahata poto ijire”, niahye tiquina gūhu.

¹⁰ Tiquina sa ni yahusāri bato pūhtoro

Feli Pablöre yahu dutiahye. Ohõ saha ni yahuahye Pablo:

—Peye cãhmari ahri yehpa cjênare mũhũ dutirire masiaja yũhũ. Sa yegũ yũhũ yerire mũhũre yahugũ bucueaja. ¹¹ Doce decorita wahare Jerusalẽrũ Cohãcjũre yũhũ ño peori bato. Mũhũ ahri poto ijigũ masi duagũ apequinare sinituya. ¹² Judio masa yũhũre Cohãcjũ wũhũrũre boca tiquina ñehẽgũ masare ni sañuducugũ niedũ. Sa yegũ “Mũsa pũhtoare cohãña”, nigũ niedũ. Sa yegũ judio masa buheye wũhũsere, tiquina ya maca gũhũre ne ñano yera tii. ¹³ Sa ye yũhũre yahusãriquina pehe tiquina yahusãrĩre “Ohõ saha yeri ahriquiĩro”, ni, yahu masiedare mũhũre. ¹⁴ Yojopũ yũhũ yerire yahutja mũhũre. Duita usã ñecũsũmũsa tiquina ño peoriquĩrore mari Pacũre ño peoaja yũhũ gũhũ. Sa yegũ tiquĩro yere yeaja Jesu ye quehnoañe buheye nidiro sahata. “Jesu ye ni mehoñe ijire”, ni yahuducure ahriquina judio masa. Tiquina sa niepegãta Cohãcjũ dutiye, Moisepũre tiquĩro cũrĩre ti gũhũre ño peoaja yũhũ. Sa yegũ Cohãcjũ yere yahu mũhtariquina tiquina ojoari gũhũre ño peoaja yũhũ. ¹⁵ Ahriquina apequina judio masa tiquina tũhoturo sahata Cohãcjũ ijip-ihitiyequina masare yariariquinare quehnoañequina, ñañequina mehna tiquina masa mũjagũ yerota. Yũhũ gũhũ sata ni tũhotuaja. ¹⁶ Sa yegũ buhiri mariedaja yũhũ. Cohãcjũ tire masine. Sa ye masa gũhũ tire masine. Sa ye potota yahuaja yũhũ mũhũre. Sa yegũ quehnoano tũhotuaja.

¹⁷⁻¹⁸ Peye cãhmarine ape siepũ tinidigũ ijigũ Jerusalẽne tojoa wihi, yũhũ acayere judio masa pe-jecũoyequinare niñerure ohogũ tũhũ nii yũhũ. Tojoa wihi Cohãcjũre ño peogũ tũhũ, tiquĩro ya wũhũrũ sajãmi. Sa yegũ Cohãcjũ tiquĩro cose dutiriro sahata yũhũ basi yũhũ ñañene coseri bato wahiquĩrore oho duami tiquĩrore ño peogũ tũhũ. Topũ yũhũ ijigũ ahriquina judio masa

yũhũre bocari. Tiquina bocagũ apequina yũhũ mehna mariedari. Usua, sañuducuyequina mariedari. ¹⁹ Sa ye apequina judio masa Asia yehpa cjẽna topũ ijiri. Tiquina yũhũ ñano yegũ ihñariquina ijiye, yahusãñe ahtaahro. ²⁰ Ahriquina ohõrũre ijiyequina pehe judio masa bucũna mehna yũhũ ijigũ ihñariquina yũhũ ñano yerire masiñe, tiquina gũhũ yahusãahdo. ²¹ Ihcãnogã pũritare yũhũre tiquina yahusã masine: Ti pje tiquina mehna ijigũ ohõ saha ni tutuaro sañuducuu yũhũ. “ ‘Yariariquina masa mũjaeta’, yũhũ nidi buhiri, buhiri dahrere mũsa”, nii tiquinare, ni yahuahye Pablo Felire.

²² Tiquĩro sa ni yahuri bato Feli ohõ saha ni yahuahye Pablöre:

—Yojopũ to puno tjire. Surara pũhtoro Lisia tiquĩro wihiri bato mũhũre yũhũ yeatore masiitja yũhũ, niahye Feli Pablöre.

Feli pehe Jesu yequina tiquina yerire quehnoano masi pehoriquiĩro ijiahye.

²³ Sa ni tuhasa, Pablöre cohteriquĩro surarare Feli quehnoano ihña nũnũ dutiahye “Peresupũ ijiriquĩro duhtari”, nino. Sa ijieperota mehenogã ohori tiquĩro tiniatore. Pablo mehna cjênare tiquĩrore peresupũ ijiriquĩrore yedoho dutiro sa dutiahye Feli.

²⁴ Meheñe decorigã bato Feli, tiquĩro namono Drusila wame tiri-coro mehna ahta, Pablöre pijiahye. Feli namono pehe judio masono ijiahye. Pablöre tiquina pijiri bato, Jesucristore tiquĩro wacũ tutuayere Pablo pehe yahuahye tiquinare. ²⁵ Sa yahuro quehnoañene, quehnoano wacũ masiñene, ñañene cahmedare, pihtiri deco ijigũ Cohãcjũ masare tiquĩro buhiri dahreatore yahuahye Pablo. Tiquĩro sa ni yahugũ tũhoro Feli cuero, Pablöre yahuahye:

—Yojopũre waharĩsa. Came yũhũre dahraye mariedagũ mũhũre pijitja tja, niahye Pablöre.

²⁶ Sa nino Pablo tiquĩro niñerũ ohogũ cahmemahye Feli. Sa yero

tiquiro niñerure cahmeno, peye tahari Pablöre piji, tiquiro mehna yahuducue timahye Feli. Niñerure tiquiro wapa yegũ Pablöre wioboaga, ape taha yero. ²⁷ Pua cahma bato Porcio Festo wame tiriquire Feli comesariquire ijiahye. Sa ijiepegũta Feli pehe pãhtoro ijiro, judio masare bucuegã ye duahye. Sa yero tiquiro Pablöre peresupa iji dutiniahye.

25

Pablo Festore tiquiro yerire yahuahye

¹ Sa ye Festo ti yehpapu ihtia deco tiquiro ijiri bato, Cesareapu ijiriquire waha, Jerusalẽpu esahye. ² Topu tiquiro ijigũ pahia pãhtoa, judio masa pãhtoa mehna Pablöre tiquina yahusãrire yahuahye Festore. ³ Pablo mahapu wahagũ tiquirore buca quehe, wejẽ duaye nimahye tiquina. Sa ye tiquina Festore tutuaro sinimahye:

—Pablöre Jerusalẽpu ohoya, ni, sinimahye tiquina Festore.

⁴ Tiquina sa nigũ tãhoro, Festo yahuahye tiquinare:

—Yojopare Pablo Cesareapu peresu ijire. Yojopare yuhu topu wahan tãnta niaja. ⁵ Pablo tiquiro ñano yeriquiro ijigũ, masa pãhtoa Cesareapu yuhu mehna waha, tiquirore yahusãhdo, niahye Festo.

⁶ Sa yero Festo ocho o diez decori tiquina mehna tiquiro ijiri bato Cesareapu tojoaa wahahye. Ape decopu tiquiro buhiri dahre dutiri wãhupu dujiro, Pablöre ne cãhta dutiahye.

⁷ Sa ye Pablo Festo cahapu tiquiro wihigã, judio masa Jerusalẽpu ahtariquina pehe Pablo cahapu ducu, tiquirore tutuaro mehna yahusã dcahye. Sa yahusãepeta “Ahriquire tiquiro ñano yegũ ihña”, ni, masiedahye. ⁸ Tiquina sa ni yahusãri bato Pablo tiquiro yerire yahuahye:

—Judio masa tiquina dutiyere, Cohãcjã wãhu cjẽ dutiyere, Roma

cjãno pãhtoro tiquiro dutiyere yãhdãducaeru, niahye Pablo.

⁹ Festo pehe judio masare bucuegã ye duaro, Pablöre sinituahye:

—¿Jerusalẽpu waha duajari mãhu? Mãhu yerire yãhure topu yahuta mãhu, niahye Festo Pablöre.

¹⁰ Tiquiro sa nigũ tãhoro Pablo yahuahye:

—Ijipihtiyequina pãhtoro tiquiro ya wãhupu buhiri dahre dutiri wãhupu ijiaja yojopare. Ahri wãhu boropu yuhu yerire tãhoya. Judio masare yuhu ñano yerarire quehnoano masine mãhu.

¹¹ Dutiyere yãhdãducarigu ijigu “Yãhure wejẽdacãhña”, niedaboaya yuhu. Sa yegũ ahriquina yahusãri pehe ni mehoñe ijigũ yãhure yahusãriquinare yãhure oho masiedare mãhu. Yuhu yerire ijipihtiyequina pãhtorore Césare yahu duaja, niahye Pablo.

¹² Tiquiro sa nigũ tãhoro Festo pehe quehnoano masi yahuyequinare sinitu tuhasa, yahuahye Pablöre:

—Mãhu ijipihtiyequina pãhtorore mãhu yerire mãhu yahu duagũ tiquiro cahapu ohonatja mãhure, niahye Festo Pablöre.

Festo pãhtoro Agripare Pablo tiquiro ijiye tiyere yahuahye

¹³ Cameru pãhtoro Agripa, Berenice wame tiricoro mehna Cesareapu Festore ihñañe esahye.

—¿Ne, ijiajari mãhu? niahye tiquina Festore piti caye.

¹⁴ Topu peye decori tiquina ijiri bato Festo yahuahye Agripare Pablo tiquiro ijiye tiyere:

—Ohõre Feli tiquiro peresu yeriquiro ijire. ¹⁵ Sa ye Jerusalẽpu yuhu wahagũ judio masa tiquina pahia pãhtoa, tiquina bucana mehna ahriquirere yahusãri. “Tiquiro ye buhirire wejẽña tiquirore”, ni, sinidi tiquina yãhure. ¹⁶ Tiquina sa ni sinigũ tãhogu yuhu tiquinare ohõ saha ni yahuu. “Roma cjẽna pehe peresu tiquina yeriquinare masare ohoerare. Sa yegũ tiquirore ohoeraja

m̄sare. ʘs̄a ñehediquiŕore tiq̄iŕore yahus̄ariquinare tiq̄iŕo ih̄ñato pano tiq̄iŕore buhiri dahre masiedaja ʘs̄a. Tiq̄iŕo basi tiq̄iŕo yerire tiq̄iŕo yahueraḡu tiq̄iŕore buhiri dahre masiedaja ʘs̄a”, nii tiquinare. ¹⁷ Sa yeḡu oh̄ŕe tiquina wihiḡu ih̄ñaḡu yoari pje yer̄u ȳh̄u. Sa yeḡu ape decop̄u buhiri dahre dutiri w̄h̄p̄u dujiḡu, tiquina yahus̄ariquiŕore pi-jii. ¹⁸ Sa ye ti w̄h̄p̄u tiq̄iŕo wihiḡu ih̄ñañe tiq̄iŕore ih̄ña tuhtiye-quina wahc̄ad̄ucari. Tiquina sa wahc̄ad̄ucaḡu ih̄ñaḡu “Ña ȳhd̄aro ni yahus̄aeta”, ni, t̄hotumi ȳh̄u tiquinare. Tiq̄iŕore yahus̄a duepeta yahus̄a masiedari tiquina. ¹⁹ Sa ye ahriquiŕore Coh̄ac̄j̄u yere tiq̄iŕo yahuri buhiri judio masa tiq̄iŕore tuhtiri. Jesu wame tiriq̄iŕo tiq̄iŕo yaria masa m̄jarire tiq̄iŕo yahuri buhiri yahus̄ari ahriquiŕore. Ahri dihitare yahus̄ari. ²⁰ Tire masiedaḡu tiq̄iŕore quehnoano sinituu. “¿Jerusal̄ep̄u waha duajari m̄h̄u ȳh̄u mehna? Top̄u yahuya m̄h̄u yerire ȳh̄u”, nimi tiq̄iŕore. ²¹ Ȳh̄u sa niepeḡuta tiq̄iŕo waha duerari. “Ȳh̄u yerire ijipihtiyequina p̄htorore yahu duaja”, nidi tiq̄iŕo ȳh̄u. Tiq̄iŕo sa nidi bato oh̄p̄uta tiq̄iŕore cohte dutii, ijipihtiyequina p̄htoro cahap̄u tiq̄iŕore ȳh̄u ohoato pano, niahye Festo Agripare.

²²—Ȳh̄u basi t̄ho duaja tiq̄iŕore, niahye Agripa Festore.

—Ñamiap̄u tiq̄iŕore t̄hoya m̄h̄u, ni yahuahye Festo.

²³ Ape decop̄u Agripa, Berenice mehna tiquina buhiri dahre dutiri w̄h̄p̄u esa, “P̄htoa ijiaja ʘs̄a”, niñe cua pesaro ye ih̄ñoahye tiquina, surara p̄htoa, ti maca cj̄ena p̄htoa mehna. Sata ye saj̄ahye ti w̄h̄p̄u. Tiquina saj̄a sari bato Pablore pija-hye Festo. ²⁴ Sa yero Festo oh̄ saha ni yahuahye:

—P̄hto Agripa, m̄sa ijipih̄tina ahri w̄h̄u cahmecoana, t̄hoya. Oh̄ŕe ahriquiŕo peyequina judio masa tiquina yahus̄ariquiŕo ijire.

Jerusal̄ep̄u, Cesareap̄u ḡh̄u tiquina tiq̄iŕore yahus̄ari. “Tiq̄iŕore wej̄ña”, sa niducuye nine tiquina. ²⁵ Tiquina sa niepeḡuta oh̄ saha t̄hotuaja ȳh̄u. Ahriquiŕo ne ñano yeriquiŕo ijierare. ¿Yabe buhiri wej̄boagari mari tiq̄iŕore? Sa yeḡu ijipihtiyequina p̄htorore César Augustore ahriquiŕo yerire tiq̄iŕo yahu duaḡu ijipihtiyequina p̄htoro cahap̄u ohoḡutja tiq̄iŕore. ²⁶⁻²⁷ Sa yeḡu ahriquiŕo yerire t̄ho, quehnoano masiedar̄aja ȳh̄u. Sa masiedaḡu mari p̄htorore yahu ojoa masiedaja. Sa yeḡu m̄sare tiq̄iŕo yahuḡu t̄ho dutiḡu niaja yojop̄are. P̄hto Agripa, yojop̄u p̄ritare ahriquiŕo ijire m̄h̄u sinituatiq̄iŕo. M̄h̄u sinitu tuhasa, mari masidi bato ahriquiŕore tiquina yahus̄arire quehnoano yahu ojoatja. Ahriquiŕo ñano yerire ȳh̄u masiedapeḡuta mari p̄htoro cahap̄u tiq̄iŕore ȳh̄u ohoḡu quehnoaedare. Sa yeḡu yojop̄are tiquina yahus̄arire quehnoano masi duaḡu niaja, niahye Festo tiquinare.

26

Pablo Agripare tiq̄iŕo yerire yahuahye

¹ Tiq̄iŕo sa nidi bato Agripa Pablore yahuahye:

—M̄h̄u basita yahuya, niahye tiq̄iŕo Pablore.

Tiq̄iŕo sa nidi bato Pablo pehe, “Dihta mariah̄ña”, nino tiq̄iŕo omocarine siō m̄u, tiq̄iŕo yerire yahuahye:

² —P̄hto Agripa, ȳh̄u judio masa tiquina yahus̄arire, ȳh̄u yerire m̄h̄u yahuḡu, yojop̄are quehnoano jeripohna tiaja. ³ M̄h̄u judio masa ʘs̄a yee tiyere, ʘs̄a buheye ḡh̄u m̄h̄u quehnoano masiḡu p̄ritare bucueaja ȳh̄u. Sa yeḡu m̄h̄u ȳh̄u quehnoano t̄hoya, ni d̄ucahye Pablo.

Pablo Jesu yaq̄iŕo tiq̄iŕo ijiaŕo pano tiq̄iŕo ijie tirire yahuahye

⁴ Sa ni tuhasaro oh̄ saha ni nemoahye tiq̄iŕo:

—Wahm_u yuh_u ijie tirire ijip-
ihtiyequina judio masa masine.
Ijipihtiye decori yuh_u masa bajuari
bato yuh_u ya dihtar_ure, Jerusalēp_u
gāh_ure yuh_u ijirire masine tiquina.
⁵ Coā warop_ure fariseo mas_u ijimi.
Sa yeg_u fariseo masa tiquina du-
tiyere, tiquina yeye borore ye pe-
hog_u yuh_u ijigū tiquina masine.
Tiquina m_uh_ure yahu duaye, tire
yahu masine tiquina. ⁶ Ahri
buhirita yuh_ure yahusā m_ujare.
Ūsā űec_us_um_u iji turiayequinare
“Yariariquinare masoutja”, Cohācjū
tiquiro ni cūrire “Poto tjire”, yuh_u
nidi buhiri ahriquina yuh_ure yahusā
m_ujare. ⁷ Yuh_u acaye judio masa
ijipihtiyequina doce cururi cjēna
Cohācjū masare tiquiro masoatire
bucue, cohteducure. Sa ye Cohācjūre
ño peoducure. Sa cohteducuyequina
ijiyē ūsā yero saha yere tiquina.
P_uhto Agripa, sa ihcāno saha yena
ūsā ijiepegūta tiquina pehe tiquiro
masoatire yuh_u cohteri buhiri yuh_ure
yahusā m_ujare judio masa. ⁸ űM_usa
judio masa pehe d_uhse yena Cohācjū
tiquiro masorire tiquina yahugū t_uho
duerajari m_usa, judio masa? ni
yahuahye Pablo.

*Pablo Jesu yequinare tiquiro ñano
yee tirire yahuahye Agripare*

⁹ Sa ni tuhasa ohō saha ni yahu
nemoahye:

—Jesure Nazare cjūnore ihñedarīg_u,
ñañe dihitare ye duami tiquiro
yequinare. ¹⁰ Sa yeg_u Jerusalēp_u sa
yee timi yuh_u. Pahia p_uhtoa yuh_ure
tiquina dutiri bato peyequina Jesu
yequinare peresu yee tii. Sa yeg_u
p_uhtoa tiquinare wejē dutigū, wejē
duti_u yuh_u gūh_u. ¹¹ Peyē tahari ijipi-
htiye judio masa buheye w_uh_usep_u
Jesu yequinare ñano ye dutie tir_u.
Sa yeg_u Jesu yequina Jesure tiquina
cohāgū ye duag_u nimi. Tiquina
mehna tutuaro usu_u yuh_u. Sa yeg_u
apeye macarip_u gūh_ure tiquinare
ñano yeg_u esae tii yuh_u, ni yahuahye
Pablo.

*Pablo Jesu yaquiro tiquiro wa-
harire yahuahye*

(Hch 9.1-19; 22.6-16)

¹² Sa ni tuhasa ohō saha ni yahu
nemoahye:

—Damascop_u Jesu yequinare ñano
ye duag_u esami. Tiquinare ñano yuh_u
ye duagū ihñañe pahia p_uhtoa yuh_ure
waha dutiri. ¹³ Ohō saha ijiri p_uhto
Agripa: Coheri pje ijigū waro mahap_u
yuh_u wahagū ūhm_uano cjē asi siteye,
asū deco cjūno yuh_uoro, yuh_ure
yuh_u mehna wahayequina gūh_ure
asi siteri. ¹⁴ Ūsā ijipihtina yehpap_u
bora quehe sa, judio masa ye mehna
yuh_ure tiquiro yahuducugū t_uhou.
“űSaulo, d_uhse yeg_u m_uh_u yuh_ure ñano
yeajari? M_uh_u yuh_u mehna usuag_u
yuh_ure y_uhtierag_u, m_uh_u basi ñano
yuh_ure”, nidi yuh_ure. ¹⁵ “űP_uhto, noa
boro ijiajari m_uh_u?” ni, sinituu yuh_u.
“Yuh_u Jesu, m_uh_u ñano yenohrig_u
ijiaja. ¹⁶ Wahcāduca_u m_uh_u. M_uh_ure
yuh_u cahacjū ijia_u yeg_u tag_u, yo-
jop_u bajuaja yuh_u. Miare yuh_ure
m_uh_u ihñarire, came m_uh_ure yuh_u
ihñoati gūh_ure apequinare yahug_uta
m_uh_u. ¹⁷ Judio masare, judio masa
ijieyequina gūh_ure m_uh_ure buhe
dutig_u ohog_utja. Tiquina cahap_u
m_uh_u ijigū, m_uh_ure tiquina ihñā
tuhtigū m_uh_ure yedohog_utja. ¹⁸ Yeere
tiquinare masigū yeya m_uh_u. Sa
yeg_u tiquinare ñañene duhugū yeya.
Quehnoañe pehere comesagū yeya
tiquinare. Watīnore cahmedagū yeya
m_uh_u. Sa yeg_u Cohācjū ye pehere
yegū yeya m_uh_u tiquinare. M_uh_u sa
yegū tiquina yuh_ure wacū tutuaeta.
Tiquina sa wacū tutuagū ihñag_u
tiquina ñañe yerire boutja. Sa ye
tiquina Cohācjū tiquiro beseriquina
mehna cjēna ijietā. Tiquiro ohoatire
c_uoatiquina ijietā tiquina”, nidi Jesu
yuh_ure, ni yahuahye Pablo.

*Pablo tiquiro yerire tiquiro
dahrayere yahuahye*

¹⁹ Sa ni tuhasa ohō saha ni yahu
nemoahye:

—P_uhto Agripa, ūhm_uano cjē
yuh_u t_uhoyere yuh_uducaer_u.

20 Damascopu buhe mughtau. Came Jerusalēpu buhei tja. Came Judea yehparu, judio masa ijieyequina cahapu gūhure masare tiquina ñañe yerire bujua witi dutii, Cohācjū yere cahme dutigu. “Quehnoañene mūsa yegū ihñañe ñañene mūsa bujua wiritire apequina masieta”, nigū, tiquinare quehnoañene ye dutigu buhei. 21 Cohācjū ya wuhuru yuhu ijigū yuhu sa ni yahuri buhiri judio masa yuhure ñehe, wejē duamedi. 22 Tiquina sa yepegūta decoripe Cohācjū tiquiro yedohoro mehna sa buheducuaaja. Sa yegu yojopure mūsa ijipihtina puhtoare, ihyo ijina gūhure tiquiro yere yahugu niaja. Panopu cjēna Cohācjū yere yahu mughtariquina, Moise mehna tiquina yahuyuriro sahata yahuaja yahu gūhu. Ohō saha ni yahuyuahye tiquina. 23 “Cristo Cohācjū ohoriquiro pehe ñano yuhdurota. Sa yero yariaro masa mūja mughtariquiro waharota tiquiro. Sa yero masare tiquiro yuhduoatire judio masare, judio masa ijieyequina gūhure masigū yerota”, ni yahuyu ojoae tiahye panopu cjēna. Yuhu gūhu tiquina yero sahata yahuaja, ni yahuahye Pablo Agripare.

Pablo Agripare Jesu yaquiro wahagū ye duamahye

24 Tiquiro sa ni yahuri bato Festo tiquirore tutuaro sañuducu yahuducuahye:

—Pablo, mūhu tūho masiegu ijire. Mūhu peye buhegu cohto tia wahare, ni sañuducuahye tiquiro Pablore.

25 Tiquiro sa nigū tūhoro Pablo yuhtiahye Festore:

—Puhto, tūho masiegu ijieraja yuhu. Yuhu yahuye ijirota ijire. Sa yegu yuhu ahrire cua pesaro mehna quehnoano niaja. 26 Puhtoro Agripa pehe ahri yuhu yahurire quehnoano masine. Sa yegu yuhu tiquirore cuero marieno yahuaja. Ahri yahuyere ijipihtiequina masa masine. Sa yegu ijipihtie ahrire yuhu nidire puhtoro

Agripa tiquiro masigū masiaja yuhu, niahye Pablo Festore.

Sa ni tuhasa ohō saha niahye Agripare:

27 —Puhto Agripa, Cohācjū yere yahu mughtariquina tiquina yahue tirire tūhore mūhu. Tiquina yahue tirire mūhu tūhogū masiaja yuhu, niahye Pablo Agripare.

28 —¿Ahrire yuhure yahugu mehenogā mūhu yahuye mehna Jesu yaquiro yuhu wahagū ye duagu niajari mūhu? niahye Agripa Pablore.

Tiquiro sa nigū Pablo yuhtiahye:

29 —Mehenogā yahuducugu o yoari pje yahuducugu mūsa ijipihtinare “Yuhu ijiro sahata Jesu yequina ijiaho”, ni sini basaja Cohācjūre. Sa siniepegūta yuhu yero saha peresupu mūsa ijigū cahmedaja yuhu, niahye Pablo Agripare.

30-31 Tiquiro sa nidi bato Agripa, Festo, Berenice ijipihtiequina apequina mehna wahcādaca, wijia, tiquina basi yahuducuahye:

—Ahriquiro buhiri mariedare. Sa yena tiquirore ne peresu ye masiedaja mari. ¿Sa yena mari yabe buhiri tiquirore wejēboagari? ni, yahuducuahye tiquina basi.

32 —Ahriquiro “Ijipihtiequina puhtoro César pehere yuhu yerire yahu duaja”, tiquiro niedagū mari wioboaya tiquirore peresupu ijiriquirore, niahye Agripa Festore.

27

Pablo tiquirore tiquina yahusārire Romapu yahuro wahahye

1 Pablore Italiapu yucusa mehna ohoye tehe, tiquirore apequina mehna tiquina peresu yeriquina mehna Julio wame tiriquiro mehna cūri tiquina. Julio cien surara puhtoro ijiro, tiquiro ya curua “Augusto yequina surara”, wame tiri. 2 Sa yena Adramitio wame tiro cjāria yucūsapu sajā usā. Tia Asiapu wahatia ijiri. Sajā tuhasa, tia mehna waha. Aristarco Tesalónica wame tiri maca cjūno usā mehna wahari. Tesalónica Macedonia yehparu ijire.

³ Ape decop_u usã Sidõp_u esau. Top_u esaro Julio Pablöre quehnoano yeri. Sa yero Pablöre tiquiro mehna cjêna cahap_u ihñano waha dutiri. Sa yero Pablo mehna cjêna tiquirore tiquiro cahmeñene tiquina ohogũ “Quehnoanota”, nidi Julio. ⁴ Yucusa mehna usã pehãgũ tutuaro wihnono usãre ape sier_u wêdoque pehõri. Sa yena Chipre wame tiri nucuo cahmotarop_u poto pehep_u waha_u usã. ⁵ Tee Ciliciare yuhdu_a, Panfilia gãhure yuhdu_a, Mira wame tiri macap_u Licia yehpar_u ijiri macap_u pehã sau.

⁶ Top_u esana, Alejandriap_u ahtariare, Italiap_u wahatiare yucusare bocau. Sa yero usãre tiap_u waha dutiri surara pãhtoro. ⁷ Peyecoridero dero dero waha, “Wape cuo yuhduare”, ni, waha, Gnido wame tiri maca potop_u esau usã. Top_u esa yuhdu_a, wihnono tutuaro wêgũ, usã waha duarirop_u usãre wê ohõedari. Sa yena usã cũ pehe pehep_u majare pehãa waha_u. Sa yena Creta wame tiri nucuo cahmotari pahrê pehe usã pehãa waha, Salmón wame tiri ñoare yuhdu_a waha_u usã. ⁸ Top_u yuhdu_a, ti nucuo duht_u cahap_u waha, “Wape cuo yuhduare”, ni, waha, Quehnoari petamaha wame tirop_u wahã sau. Petamaha Lasea wame tiri maca cahap_u ijiri.

⁹ Top_u yoari pje usã ijiri bato, usã wahato pehe cua yuhduari. Sa yero tiquina sijiri deco bose deco yuhduari bato, Pablo tiquinare yahuri:

¹⁰ —Tuhoya m_usa. Sijiri deco bose deco bato mari wahagũ marine minino cua yuhduare. Ahria yucusa, yucusa cjê, m_usa doeri cjê gãh_u mari mehna cjêna gãh_u mari butiboaga mari wahana, nidi Pablo.

¹¹ Tiquiro sa niepegũta surara pãhtoro yucusa uparore tuhoro, ohoturiquiro gãhure tuhoro, Pablo yahuye pehere tuhõ duerari waha duaro. ¹² Tiquina pahsari petamaha quehnoari petamaha pohec_u ijigũ tiquina pahsari petamaha ijierari. Sa ijiri petamaha ijigũ yucusa

cjêna peyequina waha dua, Fenicep_u yojoa duamedí. Fenice Creta wame tiri nucuo cjã petamaha ijiro, wihnono ahtaro pehe, asũ sajãno pehe cũ pehe pehep_u, poto pehep_u gãhure ihñadoqueo, wihnono ahtagũ quehnoano cahmotari maca ijiri. Sa ijiri petamaha ijigũ masiñe tiquina top_u ihcã pohec_u iji duamedí.

Pajiri map_u wihnono, acoro mehna pajiro wê cãhtahye

¹³ Sa ye sur pehe derogã wihnono ahta ducari. “Miare quehnoari deco mari wahati deco ijire”, ni tuhutumahye tiquina. Sa wihnono wêgũ yucusa mehna waha duca, Creta nucuo duht_u cahagã yojoa_u usã.

¹⁴ Sa yojoepegũta came cjũno wihnono noreste wame tiri wihnono tutuaro wêdi. ¹⁵ Sa yero yucusare wihnono tutuaro wahã wihiri. Wihnono ahtaro pehere waha masiedana, majare paha, wihnono wêonop_u waha_u usã. ¹⁶ Cauda wame tiri nucuo gã cahap_u sur pehep_u waha, ti nucuo gã usãre mehenogã cahmotari. “Marine wape cuo yuhduare”, nina tore pajiria yucusa cjãria meheniagã yucusagãre quehnoano weje peo duhteí usã.

¹⁷ Tiagãre yucusap_u usã weje peo duhteri bato pajiria yucusap_u pajiri da mehna tiquina wahme ñehe peori. Sirte wame tiri padarore “Tia yucusa doque wahã sari”, niñe, cue nidi tiquina. Sa ye wihno ñeheñe suhtire tiquina ne dijiori bato yucusa dihitare wihnono wêdoqueori.

¹⁸ Wihnono, acoro mehna tutuaro ahtari. Ape deco gãhure wihnono m_unanota ahtagũ ihñañe tiquina doeri cjêne diap_u duredoque ño tuhasa, pehãa waha_u usã. ¹⁹ Ape deco yucusa cjêne diap_u cohãri tiquina basi. ²⁰ Peyecoridero ñicuñe decori ijigũ, asũ deco cjũno ñahpicoha paca gãh_u ne bajuerari. Sa yero tutuaro wihnono wêdi. Sa yena “Minia wahaja mari. Sa yena yariaa wahanata”, ni tuhutumi usã.

²¹ Sa ye tiquina yoari pje tiquina sijiri bato Pablo tiquina poto ducu, yahuri tiquinare:

—To pano musare yuhū yahugū tūhoerari mūsa. “Cretapū ijinina mari wahagū cuarīaga”, yuhū nigū tūhoerari mūsa. Yuhūre tūhona, ahria cjē ijipihiyere boeraboaya mūsa. ²² Sa niepegāta yojopū musare yahuaja. Cueracāhña. Ijipihitina mari yūhdūnata. Ahria yucūsa dihita marine wahtia waharota. ²³ Mia ñamine Cohācjū yaquiro angel yuhūre bajuari. Cohācjū yaquiro ijiaja yuhū. Sa yegū tiquirore ño peoaja yuhū. Angel pehe yuhū cahapū ahtarō, yahuri. ²⁴ “Pablo, cueracāhña. Ijipihiyequina pūhtorore mūhū yerire mūhūre yahuro cahmene. Cohācjū quehnoariquiro ijire. Sa yero tiquirore mūhū sinidiro sahata yojopūre mūhū mehna cjēna gūhūre yedohorota”, nidi yuhūre angel. ²⁵ Sa yena cueracāhña mūsa. Angel yuhūre tiquiro nidiro sahata waharota. Cohācjūre wacū tutuaja yuhū. Sa yegū tiquiro yahuriro sahata “Ijirota ijire”, ni tūhotuaja yuhū. ²⁶ Yuhū sa niepegāta marine nūcūropū wihnono wēdoque ohōnota, ni yahuri Pablo tiquinare.

²⁷ Ihcā ñami pūa semana bato pajiri ma Adria wame tiri mapū wihnono ūsāre tutuaro wēdi. Ti pjere ñami decopū yucūsa cjēna ūmūa pehe “Dūhtū cahapū ijiaja mari”, ni tūhoturi tiquina. ²⁸ Sa ni tūhotuye nūcūria comea yuta da mehna dūhte, duhudoque dijio, queori. Treinta y seis metro waro ūhcūāri. Mehenogā waha, queori tja. Ti pjere veintisiete metro waro ūhcūāri. ²⁹ Sa ye ūtā pacare “Doque wahā sari”, niñe yucūsa ohoturopū pititia pjīne dūhte pohoye pjīnine duhudoque dijiori diapū. Sa ye “Sojaro mehna bohreahro”, ni, tutuaro sinidi tiquina. ³⁰ Yucūsa cjēna ūmūa pehe duhtimedī. Tiquina meheniagāre yucūsa cjāriare diapū weje boro poho, yucūsa ehquēapū dūhte pohoye pjīnine tiquina dijioriro sahata yeri tiquina meheniagāre “Marine ihñari”, niñe. ³¹ Tiquina sa yepegāta Pablo surara pūhtorore, tiquiro

yequina surara mehna yahuri:

—Ahriquina ūmūa meheniagā yucūsa mehna tiquina wahagū mūsa ijipihitina yarianata, nidi Pablo.

³² Tiquiro sa nigū tūhoye surara pehe meheniagāre dūhteyē darire yuhūre sure, tiare cohāri.

³³ Bohreato panogā Pablo tiquinare tutuaro ihya dutiri:

—Pūa semana waro mūsa dūhse wahatire masi duana, cohtena, ne ihyerari mūsa. ³⁴ Sa yena yojopūre ihyana taya. Tutuaro musare ihya dutiaja. Mūsa cati duana ihyaya. Ijipihitina mūsa yūhdūnata, nidi Pablo tiquinare.

³⁵ Tiquiro sa nidi bato Pablo pāre ne, ijipihiyequina tiquina ihñonopū Cohācjūre “Quehnoare”, ni duhu peo, tire ihya dūcari tiquiro. ³⁶ Tiquiro sa ihyagū ihñañe tiquina cuero marieno waha, ijipihiyequina tiquina gūhū ihyari. ³⁷ Ūsā ijipihitina doscientos setenta y seis masa yucūsapū ijī ūsā. ³⁸ Tiquina ijipihiyequina yapia waha “Ahria yucūsa nūcū niaga”, ni, peye trigo ihyayere diapū cohāri.

Yucūsa padūropū doque quehe sahye

³⁹ Bohreagū yucūsa cjēna ūmūa nūcūore ihñañe, “Ohō saha wame tiri nūcūo ijire ahri nūcūo”, ni, ihñā masiedari. Sa masiedapeta tiquina pari tucūpū padūro ijigū ihñañe, “Mari ti tucūpū wahana, topūre doque pje saboaga padūropū”, nidi tiquina. ⁴⁰ Sa niñe dūhte pohoye pjīnine dūhteyē darire yuhūre sure dijioahye. Ohoturi pjī dūhteyē dari gūhūre yuhūre sure cāri tiquina. Tiquina sa yeri bato yucūsa ehquēa cjā suhtirore wahcō docori, poto wihnono wēdoqueogū cahmeñe. ⁴¹ Sa yepegāta yucūsa ehquēa pehe ape padūropū quehe sa, nūjūa masiedari. Sa yero ohoturore tutuaro pahcōri quē ohōgū tia ohoturo wahtia wahari. ⁴² Tia sa wahagū ihñañe ohō saha nidi surara:

—Ahria minigū mari peresu yeriquina dūhtū cahapū ba nūjūa

duhtieta. Sa yena tiquinare wejē pehouhna, nidi surara.

⁴³ Sa niepegūta surara pūhtoro pehe Pablore wejē dueraro, ijipihitiyequina peresu ijiyequinare wejē duerari. Sa yero ijipihitiyequina ba masiñequinare surara pūhtoro poto dūhtu cahapu ba nūjua dutiri. ⁴⁴ Sa ye apequina yucusa cjē pjīni wahti siteri pjīni mehna bora ñojoa, ti pjīni bui pesa ba nūjuri. Usā sa yena usā ijipihitina dūhtu cahapu wahā sa.

28

Pablo Malta wame tiri nūcūopu iji-ahye

¹ Sa ye ti nūcūopu usā ijipihitina majadūca sana, ti nūcūo wamene masii. Malta wame tiri nūcūo ijiri. ² Ti nūcūo cjēna masa usāre quehnoano yeri. Sa yena usā acoro weri bato yūsuu yūhduari usāre. Sa ye to cjēna pehe peca wijiā tuhasa, usāre sohma dutiri. ³ Pablo pecare ne cāhta, tu tiāri. Tiquiro tu tiāri bato ti peca puhiapu sañariquiro aña tutuaro asigū wijiā taro, Pablo omocapu bahque wahā sari yaha wero marieno. ⁴ Tiquiro bahque wahā sagū ihñañe ti nūcūo cjēna tiquina basi ohō saha ni yahuducuri:

—Ahriquiro masa wejēdiquiro ijiboaga. Sa yero tutuaricoro buhiri dahrerico ro hūmūse cjōno tiquirore buhiri dahrero, cati dutierare. Tiquiro pajiri mapu minino yūhdu tuhasari jimedi. YojoPURE ticoro pehe tiquirore cati dutierare, nimedi tiquina basi.

⁵ Sa niepegūta Pablo añare pecapu wejē sitedoqueori. Tiquirore aña purīedari. ⁶ “Ipirota”, niñe, cohtemedi tiquina. Ne ipierari tiquirore. “Tiquiro yariaa waharota”, niñe tiquina cohtemedi. Tiquirore purīedari. Yoari pje bato tiquirore ipieragū ihñañe, tiquirore purīedagū ihñañe, sijoro tūhoturi tiquina. “Ahriquiro cohāmana mehna cjūno ijiboaga” nimedi tiquina.

⁷ Tiquina ba wahā sariro cahagāpu Publio wame tiriquiro ye weseri ijiri. Tiquiro ti nūcūo cjūno pūhtoro ijiri. Sa yena usāre tiquiro quehnoano yegū ihtia deco waro tiquiro ya wūhūpu ijini usā. ⁸ Publio pacūro yojoa mehna, ujuaye dohatiriquiro ijiri. Sa yero tiquiro cuñanopu cuñari. Sa yero Pablo dohatiriquiro ya tucūpu sajā, Cohācjūre sini, tiquiro omocarine tiquiro bui duhu peo, quehnoa wahagū yeri tiquirore. ⁹ Tiquiro quehnoa wahagū ihñañe ijipihitiyequina apequina ti nūcūo cjēna dohatiyequinare Pablo cahapu ne cāhtari. Tiquina sa ne cāhtagū ihñano Pablo quehnoa wahagū yeri tiquina gūhūre. ¹⁰ Came tiquina peyequina usāre wapa marieno ohori. Usā wahato panogā ijipihitiye usā cahmeñene, usā wahana ihyatire yucūsapu dure sāri tiquina.

Pablo Romapu esahye

¹¹ Ihtia asū ti nūcūopu usā ijiri bato yucusa mehna waha usā. Tia yucusa ehquēapu pūaro cohāmana Cástor, Pólux wame tiyequina tiquina queoye ducuri. Alejandriapu ahtaria ijiri tia. Pohecū ijiro puno ti nūcūopu tia yucusa pahsari. ¹² Waha, Siracusa wame tiri macapu esana, ihtia deco waro ti macare ijii usā. ¹³ Ti macare wijiā, waha, Regio wame tiri macapu usā esau. Ape decopu surpu wihnoño ahta, usāre wēdoqueori. Pua deco bato Puteoli wame tiri macapu esau. ¹⁴ Topu Jesu yequina meheñequinagā usāre piti cari.

—Ihcā semana waro usā mehna tojoaya, nidi tiquina usāre.

Tiquina sa nigū tūhona ihcā semana waro tiquina mehna tojoari. Came mahapu maja, Romapu esau usā. ¹⁵ To cjēna Jesu yequina pehe Romapu usā esatire tūhoye, Apio wame tiropu doeri cjēne duaropu usāre piti cari. Apequina Jesu yequina ihtia wūhū wame tiropu usāre piti cari. Tiquina sa piti cagū ihñano Pablo bucueye

mehna Cohãcjũre “Quehnoare”, ni quehnoano jeri sãa wahari.

¹⁶ Romapũ usã esari bato peresu tiquina yeriquinare to cjãnore peresu cohteyequina pãhtorore yahuri. Sa yahuepegũta Pablo pehere ihcãquirola cũri to cjẽna pãhtoa. Sa yero tiquiore ihcãquirola surara cohteri.

Pablo Romapũ buheahye

¹⁷ Ihtia deco bato Pablo judio masa pãhtoa mehna cahmecoano taro, tiquinare pijiri. Tiquina cahmecoari bato tiquirola tiquinare yahuri:

—Yũhũ acaye, mari acayere, mari ñecũsũmũna panopũ cjẽna tiquina yee tirire, marine tiquina buheri gũhare yũhdũdũcaera tii yũhũ. Yũhũ yũhdũdũcaerapegũta Jerusalẽpũ yũhare ñehedi apequina judio masa. Tiquina sa yeri bato Roma cjẽnare yũhare peresu ye dutiri tiquina.

¹⁸ Tiquina sa yegũ Roma cjẽna yũhare sinitu, yũhũ ñano yerarigũ yũhũ ijigũ yũhare “Buhiri tiriquirola ijire”, ni masiedari. “¿Ne yabe buhiri wejẽboagari mari tiquiore?” nidi yũhare tiquina. Sa ye yũhare sinitu yeyequina pehe yũhare wio duamedì.

¹⁹ Judio masa pehe yũhare wio dutierari. Sa yegũ yũhũ acayere judio masare yũhare tiquina yerire yahu duerapegũta “Ijipihtiyequina pãhtorore yũhũ yerire poto yahu duaja yũhũ”, ni sinii yũhũ. Judio masa yũhare tiquina wio dueragũ ihñagũ “Romapũ yahuro cahmene yũhare”, nii yũhũ. ²⁰ Sa yegũ mũsare ahrire yahu duagũ pijii. Cristo marine yũhdũoatiquirola judio masa tiquina cohteriquirola yere yũhũ yahuri buhiri yũhũ peresupũ ijiaja. Sa yegũ tire mũsare yahugũ tũhũ pijii, nidi Pablo judio masa pãhtoare.

²¹ Tiquirola sa nigũ tũhoye tiquina pehe tiquiore yahuri:

—Judio masa mũhare quiti yahuye pũrine usãre ne ohoerari. Sa ye topũ ahtariquina gũhũ usã acaye usãre mũhũ sa waharire yahuera tiri. Tiquina “Tiquirola ñano

yeriquirola ijire” ni mũhare yahuerari.

²² Tiquina sa yahuerapegũta mũhũ ya curuare ijipihtiropũ masa ñano tiquina yahuducugũ usã masiaja. Sa masina mũhũ buheyere mũhũ yahugũ tũho duaja usã, nidi tiquina tiquiore.

²³ Sa ni tuhasa, “Ape decopũ iji-ihna”, nidi tiquina. Ape decopũ Pablo mehna cahmeco mũhtariquina yũhdũoro masa peyequina tiquirola ijiropũ wihiri. Ñami cjũnogã Cohãcjũ tiquirola pãhtoro ijiyere quehnoañe buheyere tiquirola buhe dũca, tee ñamipũ buhe duhuri. Cohãcjũ dutiyere Moisepũre tiquirola cũrire, Cohãcjũ yere yahu mũhtariquina tiquina ojoari gũhare buheri. Sa buhero, tiquinare Jesure masigũ ye duaro nimedì Pablo.

²⁴ Ihquẽquina tiquirola buherire cahmedì. Sa cahmepegũta apequina pehe tũho duerari. ²⁵ Sa ye tiquina basi pũa curua tu wa, wahaye tee nidi. Tiquina wahato pano Pablo Isaia tiquirola yahuducurire yahuri. Ohõ saha nidi tiquinare:

—Isaia Cohãcjũ yere yahu mũhtariquirola tiquirola yahuri ijirola ijire. Mari ñecũsũmũna mũna iji turiayequinare yahuro taro Espĩritu Santo Isaiare ohõ saha ni yahu ojoa dutiahye:

²⁶⁻²⁷ Ahrire ahriquinare yahugũ wahaya: “Dapu paca batina ijire mũsa. Sa yena yeere tũho duerare mũsa. Cahmo coperi susueyequina yero saha tũho duerare mũsa. Sa yena yeere tũhoepenata tũhosi mũsa. Mũsa sa ijierana quehnoano tũhoboaya mũsa. Sa yena quehnoañe pehere comesaboaya mũsa. Sa yegũ mũsare pecapũ wahaborinare yũhdũoboaya yũhũ”, nidi Cohãcjũ, ni ojoahye Isaia, nidi Pablo tiquinare.

²⁸ Tiquirola sa nidi bato Pablo yahu nemori:

—Ahrire masiña mũsa. Cohãcjũ ye buheyere masare tiquirola quehnoano

yahduoyere judio masa ijieyequinare buhenatja usã. Tiquina pehe tũhoeta, nidi Pablo judio masare.

²⁹ Tiquiro sa nigũ tũhoye judio masa tire tiquina basi tutuaro cahme dũse tini wia, wijiari.

³⁰ Pũa cũhma waro Pablo apequina wasori wũhũpũ, tiquiro ijiye wapa wapa yeati wũhũpũ ijiri. Topũ ijiro, ijipihtiyequina ti wũhũpũ wihiyequinare bucueye mehna piti cari tiquiro. ³¹ Sa yero tiquiro cuero marieno Cohãcjũ pũhtoro ijiyere, mari pũhtoro Jesucristo ye gãhũre buhee tiri. Tiquiro sa buhegũ ne apequina tiquirore “Buheracãhña”, nieda tiri.

Romanos

Pablo Roma cjēnare Jesu yequinare ojoa ohoahye

¹ Yuh̄u Pablo musare Roma cjānare ojoa ohoaja. Yuh̄u Cohācjū cahacjū ijiaja. Sa yero quehnoañe buheyere buhe dutiro yuh̄ure cūri tiquiuro.

² Ti buheyere quehnoañe buheyere panopu Cohācjū “Yahugū tūu ni-aja”, nie tiahye. Tiquiuro sa ni yahuriro sahata tiquiuro yere yahu m̄htariquinare panopu cjēnare tiquiuro yahuatire tiquiuro ya p̄p̄u ojoa dutiahye. ³ Ti buheyeta tiquiuro mac̄nore yahuye ijire. Tiquiuro mas̄no waro ijiro taro Davi m̄nano panamino iji turiariquiuro ijiahye tiquiuro. ⁴ Jesucristo mari p̄htoro Cohācjū mac̄no ñañe marieniquiuro tiquiuro ijiyere ohō saha ih̄noahye Cohācjū. Tiquiuro yariari bato Cohācjū tutuaye mehna tiquiore masa wi-jiagū yeahye. Sa yero Jesucristo potota Cohācjū mac̄no tiquiuro ijiyere ih̄noahye Cohācjū masare. ⁵ Tiquiurota us̄are paja ih̄nano us̄are tiquiuro yere buhe dutiro ohoi ijipihtiyequina Jesucristore wacū tutua tiquina ño peoatire. ⁶ Sa yero masa ḡh̄ure Jesucristo yequina ijianare beseahye tiquiuro.

⁷ Musare, Cohācjū cah̄nare, Roma cjānare, tiquiuro yequina ijianare yeri musare tiquiuro. Musare ijipihtinare ahri p̄re ojoa ohoaja. Sa yegū Cohācjū mari Pac̄u, mari p̄htoro Jesucristo mehna musare quehnoa dutiaja. Tiquina yedohoye mehna quehnoano ijiya masa.

Pablo Romap̄re ih̄nano waha duaro nimahye

⁸ Ahrire yahu m̄htaūtja musare: Ijipihtiye macari cjēna Jesucristore masa wacū tutuarire masa yahuri yuh̄ure. Tiquina sa ni yahugū t̄hogū “Quehnoare”, niaja Cohācjūre. Jesucristo yedohoro mehna sa ni sini basaja. Cohācjūre sini basagū

musare sa sini basaducujaja. ⁹ Yuh̄ure tiquiuro dutigū tiquiuro mac̄no ye buheyere quehnoañe buheyere tutuaro buhegū tiquiuro cahacjūta ijiaja yuh̄u. Sa yero musare Cohācjūre yuh̄u sa sini basaducugū tiquiuro masine. ¹⁰ Sa sini basagū Cohācjū cahmegū yojopu p̄ritare masa cahapu yuh̄u ih̄nau wahatore siniaja. Yoari p̄je musare ih̄na duagu yuh̄u wahatire cohteie ye cāmaja yuh̄u. ¹¹ Cohācjū yere musare buhe duaja Jesure masa wacū tutua nemoatire. Sa yegū musare tutuaro ih̄na duaja yuh̄u. ¹² Jesure wacū tutuaja mari. Sa yegū musare ih̄na duaja Jesure mari wacū tutuaye mehna p̄na peheri mari cahme bucuegū yeatore.

¹³ Yuh̄u acaye, ahrire masa masigū cahmeaja. Quehnoañe buheyere yuh̄u buheri bato apequina masa acaye judio masa ijieyequina Jesure wacū tutuari. Sa yegū peye tahari masa cahapu waha duami apequina Jesure tiquina wacū tutuariro sahata masa mehna cjēna ḡh̄u tiquina wacū tutuatire. Sa waha duepeguta waha masiedu yuh̄u. ¹⁴ Ijipihtiyequinare quehnoañe buheyere buhero ijiro nine yuh̄ure. Pecas̄are, pohteri cjē ḡh̄ure, masiñequinare, masieñequina ḡh̄ure buheacjū ijiita niaja yuh̄u. ¹⁵ Sa buheacjū ijigū musare Roma cjānare quehnoañe buheyere tutuaro buhe duaja.

Quehnoañe buheyere masa t̄hoye Jesure wacū tutua d̄care

¹⁶ Quehnoañe buheyere t̄hoye Jesure wacū tutua d̄care masa. Sa yero ijipihtiyequinare Jesure wacū tutuayequinare Cohācjū tutuaye mehna pecapu wahaboriquinare yuh̄d̄ore. Tiquina sa yuh̄d̄ugū masigū ti buheyere quehnoañe buheyere buhegū b̄oro yuh̄d̄eraja. Ti buheyere judio masa pehere buhe m̄htari jiri Jesu ḡh̄u. Tiquina buheri bato judio masa ijieyequina ḡh̄ure us̄a buhei. ¹⁷ Ti buheye ohō saha ni yahure: Jesure wacū tutuayequinare “Quehnoañequina ijire”,

ni, ihñare Cohãcjũ. Tiquirore wacũ tutua ducayequinare sata ni ihñare Cohãcjũ. Tiquiro sa ni ihñari bato tiquirore wacũ tutuaducure tiquina. Ahri panopũ tiquina ni ojoariro sahata ijire: “‘Quehnoañequina ijire’, tiquiro ni ihñañequina Cohãcjũre wacũ tutuayequinata ijire. Sa wacũ tutuaye, ijipihtiye decori Cohãcjũ mehna sa ijiducuceta”, ni, ojoahye.

Masa tiquina ñañe yeri buhirire yahuahye Pablo

¹⁸ Cohãcjũ ãhmãsepũ ijiriquirore masa tiquina yãhdãdãcarire, tiquina ñañe yeri gãhãre ihñano, tiquina sa yeri buhiri usuare. Tiquiro sa usarire masigũ yere tiquinare. Masa tiquina ñañe yeye mehna apequinare quehnoañe buheyere tãhoeragũ yere tiquina pehe. ¹⁹ Tiquiro basi tiquiro ijiye tiyere masigũ yeahye Cohãcjũ. Tiquiro sa yegũ Cohãcjũre masigũ mijoedare masare. ²⁰ Cohãcjũ ãhmãse cjãno tiquiro ijiyere, tutuariquiro tiquiro ijiye gãhãre mari ihñedapegũta tiquiro basi tiquiro ijiyere marine masigũ yere tiquiro. Ahri yehpare tiquiro bajumehnedi bato ijipihtiye tiquiro bajumehnedire ihñañe “Cohãcjũ tiquiro yeri ijire ahri”, niñe, Cohãcjũ tiquiro ijiye tiyere masine masa. Sa ye masa Cohãcjũre masiepetã sa ñañene yeducuye, buhiri tire. “Mũhãre masiedũ. Sa yegũ ñañene yei”, ni masisi Cohãcjũre. ²¹ Sa ye Cohãcjũ tiquiro ijiye tiyere masiepetã tiquina tiquirore ño peerare. Sa ye tiquinare tiquiro quehnoano yepegũta tiquina pehe “Quehnoare”, niedare tiquirore. Sa tãho masieñequina ijiye, ñañe dihitare tãhoture tiquina. ²² “Tãho masina ijiaja”, niepetã tãho masieñequina wahare tiquina. ²³ Sa wahaye Cohãcjũre sa ijiducuriquirore tiquina ño peerare. Sa ño peeraye, “Cohãcjũ ijire”, tiquina niñe queoye pehere ño peore. Mari masa yarianaja dihita ijiaja. Mari sa ijina mari ijiepegũta Cohãcjũre ño peoyequina

pehe masa queoyere yere tiquina. Tiquina sa yeri bato ti queoye pehere ño peore tiquina. Sa ye tã minicjũa queoyere, pinoa queoyere, wãhiquina queoye gãhãre “Cohãcjũ ijire”, ni ño peo macã cãhre tiquina.

²⁴ Tiquina sa yegũ ihñano “Tiquina esa tuharo ñañene yecũnahdo”, nino Cohãcjũ cohã cãri tiquinare. Tiquiro sa cohãri bato tiquina ña yãhdãaro cahme yeducure tiquina basi. ²⁵ Sa ye Cohãcjũ ye pehere cahmedaye, ni mehoñe pehere quehnoano tãhore tiquina. Cohãcjũ ye pehere ni mehoñe yero saha ijigũ yere tiquina. Potota Cohãcjũ warore ijipihtiye yeriquirore ño peoducuro cahmene. Sata ijiaho. Tiquina pehe tiquirore ño peerare. Sa tiquirore ño peeraye, Cohãcjũ yeri pehere ño peore tiquina. Sata ijiaho.

²⁶ Tiquina sa yeducugũ ihñano “Tiquina esa tuharo ñañene yecũnahdo”, nino Cohãcjũ cohã cãri tiquinare. Sa ye tiquina mehna cjẽna numia manũ tiyequina numia yero saha ijierare. Sa ye tiquina numia, numia sehsaro ñano yere tiquina pagãri mehna. ²⁷ Tiquina yero saha ijiyequina ãmã gãhã tiquina esa tuharo ña yãhdãaro yere tiquina pagãri mehna. Sa ye tiquina basita ñano yeri buhiri tiquina pagãri pehe ñano yãhdãre.

²⁸ Sa Cohãcjũre tiquina cahmedari buhiri, Cohãcjũ tiquinare cohãri. Tiquiro sa cohãgũ tiquina pehe ñano wacũducu, ñano yeducure.

²⁹ Sa ye tiquina tutuaro ñano yeducure. Ñañene tutuaro cahmeducuyequina, apequina yere tutuaro cahmeñequina, apequinare ñano yeducuyequina, apequina apee boro tiquina cãogũ ihña cooducuyequina, masare wejẽñequina, cahme dãse tini wiayequina, ni mehoñequina, masare ihña tuhtiyequina, ñañe quitã dahreyequina, ³⁰ apequina tiquina yerapegũta ñano ni yahu wajayequina, Cohãcjũre ihña tuhtiyequina, apequinare purĩno yãhtiyequina, “Usã pehe masi yãhdãdãcaja”, ni tãhotuyequina,

apequinare sa ni yahueyquina, apeye ñañene ye ducayequina, tiquina pacusumhare yuhtieyquina, ³¹ tuho masieñequina, tiquina nino sahata yeeyequina, masare ne cahieñequina, tiquina basi cahme pihopūri duhueyequina, ne paja ihñeñequina ijire tiquina. ³² Sa ñano yeducuyequinare Cohācjū pecapū cohānota. Tiquiro sa cohātire masiepeta tiquina ti ñañene sa yeducure. Sa ye apequina tiquinare ihña cū tiquina yero saha ñano tiquina yegū ihñañe, “Usā yero saha yere”, ni bucuere.

2

Masare buhiri dahre dutiro tire mehono marieno potota yerota Cohācjū

¹ “Tiquina ña yuhduayequina ijire”, ni yahu wajaeracāhña apequinare. Mūsa gūhū tiquina yero saha yere. “Ñañene yeraja. Sa yena ñañe buhiri mariedaga”, ni masiedare mūsa. Sa yena ijina tiquinare yahu wajana ijina, mūsa basi buhiri dahre dutina niaga. ² Sa yena ñañe yena ijiepenata mūsa yahu wajagū mūsa gūhūre Cohācjū buhiri dahrerota. Potota queoro tiquiro buhiri dahregū masiaja mari. ³ Apequinare “Buhiri tieta”, ni yahu wajana mūsa ijigū mūsa gūhūre buhiri dahrerota. Sa yena “Usāre buhiri dahresi”, ni tuhotuboaga mūsa. Ijierare. Mūsa gūhūre buhiri dahrerota tiquiro. ⁴ Mūsa ñano yepegūta Cohācjū mūsa paja ihñano duita buhiri dahrerare. Sa yena “Cohācjū yuhū mehna usuasi”, ni tuhotuboaga mūsa. Ijierare. Cohācjū mūsa paja ihñano, duita buhiri dahrerare mūsa ñañene bujūa witigū ihña duaro, tiquirore mūsa yuhtigū cahmeno. ⁵ Sa buhiri dahre duerapero mūsa Cohācjūre yuhti dueragū, mūsa ñañe yerire bujūa witiaragū, buhiri dahrerota mūsa. Buhiri dahrerere deco pano mūsa tiquiro buhiri dahreboriro yuhduoro ti deco waropūre ñano mūsa buhiri

dahrerota Cohācjū. Ni mehono marieno buhiri dahrerota. ⁶ Sa yero ijipihtieyequinare tiquina ñano yeri buhiri buhiri dahrerota Cohācjū. Sa yero quehnoañene tiquina yeri wapa quehnoano yerota masare. ⁷ Ihquēyquina quehnoañene yeducuyequina ijire. Tiquina quehnoañene ye duayequina, Cohācjūre quehnoano bucuegū ye duayequina, ijipihtie decori Cohācjū mehna iji duayequina ijire. Tiquina pūritare decoripe tiquiro mehna ijigū yerota Cohācjū. ⁸ Apequina pehe tiquina yero saha ijierare. Tiquina esa tuharo yeeyequina ijire. Cohācjū yere cahmedare. Tiquina mehna Cohācjū tutuaro usarota. ⁹ Ijipihtieyequina ñano yeriquina ñano yuhdueta. Judio masare sata waha mūhtanota. Sa ye judio masa ijieyequina gūhūre sata waharota. ¹⁰ Ijipihtieyequina quehnoañene yeeyequina pehere Cohācjū “Quehnoare”, ninota. Sa ye masa tiquinare ño peoeta. Sa yero tiquinare quehnoano ijigū yerota Cohācjū. Judio masare sata waha mūhtanota. Sa ye judio masa ijieyequina gūhūre sata waharota. ¹¹ Cohācjū mari yerire ihñano queoro besere ijipihtinare, ñana, quehnoana gūhūre. ¹² Apequina Cohācjū Moiserere tiquiro dutirire masieñequina tiquina ijiepegūta ñañene tiquina yegū, buhiri dahrerota Cohācjū tiquina gūhūre. Sa yero ti dutiyere cūoyequina ñañene tiquina yegū ti dutiyere tiquina yuhduacari buhiri buhiri dahrerota Cohācjū. ¹³ Cohācjū dutiyere tuhoepeta yuhtieyequinare “Quehnoañequina ijire ahriquina”, niedare Cohācjū. Tiquiro ye dutiyere yeeyequina pehere “Quehnoañequina ijire”, ni ihñare tiquinare Cohācjū. ¹⁴ Judio masa ijieyequina Cohācjū Moiserere tiquiro cūri dutiye cūoerapeta, tiquina esa tuharo quehnoañene yeye, Cohācjū dutiyere yeye nine. Sa ye Moiserere tiquiro dutiyere ojoari pūre cūoerapeta tiquina tuhotuyepū tiquiro ye dutiyere cūore. ¹⁵ Sa

ye tiquiro ye dutiyere tiquina tūhotuyepu potota cūore tiquina. Sa cūoye ñañene yeye, duita tiquina ñañe yerire masine tiquina. Sa yero ñañene yeriquiro “¿Dūhse ijiro boro ñañene yeri yūhū?” ni tūhoture tiquiro. Sa yero quehnoañene tiquiro basi yeri gūhūre masine tiquiro. ¹⁶ Sa ye Cohācjū Jesucristore tiquiro ohoati decopu masa tiquina yahu duerarire Jesucristo masi pehorō, tiquiro tiquinare beserota quehnoañequina, ñañequina gūhūre. Sata tiquina yerire masidiquiro ijiro, beserota tiquiro quehnoañe buheye ti nino sahata. Ti buheyeta ijire māsare yūhū buheri.

Cohācjū Moiserē tiquiro dutirire yahuahye Pablo

¹⁷ Mūsa pehe judio masa ijina, Cohācjū Moiserē tiquiro dutiyere ño peona ijina, “Cohācjū yequina ijiaja”, ni tūhotumene mūsa. ¹⁸ Sa yena Cohācjū dutiyere masina ijina, tiquiro cahmeñene masine mūsa. Sa masina ijina, “Quehnoañene usā yeatire bese masiaja usā”, ni tūhotumene mūsa. ¹⁹ Sa ni tūhotuna ohō saha ni tūhotu nemore mūsa: “Apequinare ne masieñequinare quehnoano masigū yeaja usā. Tiquinare usā buheragū ne Cohācjūre masiedaboaga tiquina. Sa ye ñañene duhueraboaga”, ni tūhotumene mūsa. ²⁰ Sa yena “Tūho masieñequinare quehnoañene ye dutina, macanagā gūhūre buhena ijiaja usā”, ni tūhotumene mūsa. Sa yena “Cohācjū dutiyere cūona, poto ijiyere masi pehoaja usā”, ni tūhotumene mūsa. ²¹ ¿Sa yena apequinare buhena ijiepenata, dūhse yena mūsa pehe mūsa buheriro saha yerajari? ¿Apequinare yaque dutierapenata dūhsena mūsa pehe yaqueajari? ²² ¿Apequiro namono mehna ñano ye dutierapenata dūhsena mūsa pehe apequiro namono mehna ñano yeajari? “Cohācjū ijire”, tiquina niñe queoyere ihña yabina ijire mūsa. Sa ihña yabina ijina Cohācjū waro pehere ño peona ijimene mūsa.

¿Sa ño peona ijiepenata dūhsena tiquirore quehnoano ño peerajari mūsa? ²³ “Cohācjū Moiserē tiquiro dutiyere cūoaja usā”, nina ijiepenata ti dutiyere yūhdūdcare mūsa. Sa yūhdūdcana Cohācjūre ño peoeragū yena niaga mūsa apequinare. ²⁴ Sata nine Cohācjū yere tiquina ojoari pūpu: “Cohācjū dutiyere mūsa yūhdūdcari buhiri judio masa ijieyequina pehere Cohācjūre tiquina ñano yahuducugū yere mūsa judio masa”, ni ojoahye Cohācjū yere tiquina ojoari pūpu.

²⁵ “Cohācjū yequina ijiaja”, ni tūhoture ihquēquina judio masa cūhnucunū sohtoa cahserogāre yūhre nenohriquina. Cohācjū yere tiquina yegū judio masa tiquina ijigū quehnoarīne. Tiquiro yere tiquina yeragū judio masa tiquina ijiye tiye dūhseati ijierare. Yūhre nenohriquina tiquina ijiye tiye gūhū dūhseati ijierare. ²⁶ Sa yero judio masa ijieyequina cūhnucunū sohtoa cahserogāre yūhre nemehneñequina tiquina ijiepegūta, Cohācjū dutiyere tiquina yegū ihñano “Yeequina masata ijire”, ni ihñare Cohācjū tiquinare. Judio masa pehere tiquiro sa ni ihñaboriro sahata judio masa ijieyequina pehere sa ni ihñare. ²⁷ Peyequina judio masa Cohācjū Moiserē tiquiro dutiyere cūoepeta tire yerare tiquina. Sa ye apequina judio masa ijieyequina pehe cūhnucunū sohtoa cahserogāre yūhremehneñequina ijiepetata tiquiro dutiyere yere. Sa yeyequina ijiye judio masa tiquina ñano yerire masigū yeye nine. ²⁸ Yojopūre judio masūno waro tiquiro ijiyere yahutja māsare. Tiquiro cūhnucunū sohtoa cahserogāre yūhre nenohriquiro ijieperota Cohācjūre ño peoeraro, potota judio masūno waro ijierare. ²⁹ Cohācjū yaquiro Espiritu Santore cūoriquiro tiquirore yūhtiriquiro tiquiro tjire judio masūno waro. Sa yero tiquiro cūhnucunū sohtoa cahserogāre tiquiro yūhre ne cohāriro sahata tiquiro ñañe yerire duhure

tiquiro. Tiquiro esa tuharo dutiyere yeriquiro ijieraperota Espiritu Santo yedohoye mehna tiquiro ñañe yerire duhure. Sa ijiriquirore “Quehnoariquiro ijire”, ni ihñare Cohãcjũ pehe. Masa pehe tiquirore tiquina sa niedapegãta, sa nine Cohãcjũ pehe.

3

¹ ¿Yũhũ sa nigũ judio masa ijiye tiye ihyo waro ijiajari, masa tãhotugũ? Ne ihyo waro ijiro niedare. ¿Cohãcjũ judio masare tiquiro dutiriro sahata tiquina pagũrire cuhnucunũ sohtoa cahserogãre tiquina yũhre ne cohãñe ihyo waro ijiajari, masa tãhotugũ? Ne ihyo waro ijiro niedare. ² Judio masa tiquina ijiye tiye ihyo waro ijierare. Cohãcjũ yere tiquina ojoari pũre judio masare cũ mãhtahye. Sa ye judio masa tiquina ijigũ quehnoarĩne tiquinare. ³ Sa ye ihquẽquina judio masa Cohãcjũre tiquina tãhoerapegãta tiquiro nidi ijirota ijire. Sa yero tiquiro ni cũriro sahata yerota tiquiro. ⁴ Sata ijire. Ijipihtiyequina masa ni mehoñequina tiquina ijiepegãta Cohãcjũ pehe ne ni mehoedare. Panopũ tiquiro yere yahu mãhtariquiro tiquiro ni ojoariro sahata ne ni mehoedare Cohãcjũ.

Poto nigũ ijire mãhũ Cohãcjũ. Sa ye mãhũre masa ne “Queoro yahuducuerare”, ni yahusã masiedare, ni ojoahye panopũre.

⁵ Ohõ saha ni tãhotuboaga masa: “Mari ñañene yena Cohãcjũ quehnoañene tiquiro yeriquiro ijigũ masigũ yeaja. Sa yero ñañene mari yegũ quehnoarĩne. ¿Ti sa quehnoañe ijiepegãta dũhsero tiquiro mari ñañene yeri buhirire buhiri dahre maca cjãri?” ni tãhotuboaga masa. Masa tiquina tãhotuboriro saha nigũ niaja yũhũ. ⁶ Sa ijierare. Mari ñañe yeri pehe quehnoañe ijigũ Cohãcjũ mari ñañene yeri buhirire buhiri dahre masiedaboaga.

⁷ Masa pehe ni mehoñequina ijire. Cohãcjũ pehe ne ni mehoedare. Sa yena masa tiquina ni mehogũ ihñana Cohãcjũ pehe ne ni mehoeniquiro tiquiro ijigũ quehnoano ihña masiaja mari. Sa ye masa ni mehoñe, Cohãcjũ tiquiro ni mehoeniquiro tiquiro ijiyere ihñoñe niboaga tiquina. Sata ni tãhotumene ihquẽquina. Sa ni tãhotuye ohõ saha ni tãhotu nemomene tiquina: “Usã ni mehoñe mehna Cohãcjũ tiquiro ni mehoeniquiro ijiyere ihñona niaja. Sa ihñona quehnoano yena niaja. Sa ye usã ni mehoñe quehnoarĩne. ¿Usã ni mehoñe quehnoañe ijiepegãta dũhse ijiro boro usã ni mehoru buhirire usãre buhiri dahre maca cãboari Cohãcjũ?” ni tãhotumene ihquẽquina masa. ⁸ Sa ye ohõ saha ni mehore ihquẽquina usãre: “Ñano yena Cohãcjũ tiquiro quehnoariquiro ijigũ ihñona niaga. Sa yena ñano yeihna’, nidi Pablo gũhũ”, ni meho yahusãre usãre ihquẽquina. Tiquina sa nidi buhiri tiquinare Cohãcjũ buhiri dahrerota. Sata yero cahmene tiquinare.

Ijipihtina buhiri tina ijiaja mari

⁹ ¿Sa ye dũhse ni tãhotuajari masa? ¿Mari judio masa apequina yũhdũoro quehnoana ijiajari mari? Ijieraja mari. Judio masa, judio masa ijiena gũhũ ijipihtina buhiri tina ijiaja mari. Sata ijire ijipihtiyequinare yũhũ buheriro sahata. ¹⁰ Panopũ tiquiro ni ojoariro sahata ijire ti: Ohõ saha ni ojoahye:

Ne ihcãquiro masũno quehnoariquiro mariedare. ¹¹ Ijipihtiyequina masa tãho dueyequina di-hita ijire. Sa ye ijipihtiyequina masa ne Cohãcjũre wacũ peerare. ¹² Sa ye tiquina Cohãcjũ yere cohãñe, ijipihtiyequina ñañene yeyequina wahari. Ne ihcãquiro quehnoañene yeriquiro mariedare. ¹³ Tiquina dũseri masa coperi tiquina põo docoro yero saha ijire. Tiquina

yahuducugū, masa coperi urī wijiario saha ni mehoñe dihita tiquina duserire wijiare. Sa yahuducuye aña dusero tiquiro nima puriñe wijiario saha puriño tiquina yahuducuye wijiare tiquina duserire. ¹⁴ Sa ye tiquina apequinare ñano yahuducuyequina puriño yahuducuyequina ijire. ¹⁵ Sa ye usua ñañequina duita masare wejñequina ijire. ¹⁶ Sa ye noho tiquina waharopu tiquina masare ñano ye, ñano yuhdugū yere tiquinare. ¹⁷ Sa ye apequina masa mehna tiquina quehnoano ijierare. ¹⁸ Sa ye Cohācjäre ne ño peoerare, ni ojoahye panopare.

¹⁹⁻²⁰ Cohācjü Moiserere tiquiro dutiyere marine judio masare ohoahye tiquiro dutiyere ijipihtina mari ye pehoatire. Ti dutiyere cuoepeta, tire yeraye, “Ñañe buhiri mariedare usäre”, ni masiedare masa. Sa ye tiquina ijipihtiro cjëna Cohācjü tiquiro buhiri dahrenohatiquina tiquina ijigū, masieta tiquina basi. Sa ye ñañequina tiquina ijiyere masiñe, “Quehnoana ijiaja usä”, ni masiedare Cohācjäre. Cohācjü tiquiro ye dutiye pehere ne masa yerare. Sa ye tiquina ñañequina ijiyere tiquiro dutiye pehe masigū yere tiquinare. Sa masiñe ohō saha ni masiedare tiquina: “Cohācjü dutiyere ye pehou. Sa yero Cohācjü usäre ‘Quehnoañequina ijire’, ni ihñare”, ne ni masiedare masa.

Cohācjäre quehnoano mari wacū tutuana tiquiro yequina wahaja mari

²¹ Sa ye Cohācjü Moiserere tiquiro dutiye, tiquiro yere yahu mahtariquina tiquina ojoari gāhu Cohācjü masare tiquina ñañe yerire tiquiro borire yahuahye. Tiquiro dutiye sa yahuepegūta yojoputa Moiserere tiquiro dutiri marieno masare tiquina ñañe yerire tiquiro borire yahure marine Cohācjü. ²² Ijipihtiyequina Jesucristore wacū tutuayequinare, tiquirore tahoyequinare “Quehnoañequina”

ijire”, ni ihñare Cohācjü. Cohācjü ijipihtiyequinare ihcāno saha yeriquiro ijire. ²³ Mari ijipihtina ñañene yerina ijiaja. Sa yena Cohācjü tiquiro cahmediro sahata ne yeru. ²⁴ Mari sa yerapegūta mari Pacu marine tiquiro paja ihñagū mari ñañe yerire Jesucristo pehe bore. Tiquiro sa bogū “Quehnoana ijire”, ni ihñare Cohācjü marine Jesure wacū tutuanare. Mari esa tuharo ye dutiro marieno Jesu yedohoro mehna mari ñañe yerire bore. ²⁵ Panopu cjëna tiquina ñañe yerire ihñano Cohācjü duita buhiri dahrerahye tiquinare. Sa buhiri dahreraro tiquina ñañe yerire ihyo warota sa tahotu cāno niedahye. Came tiquiro Jesucristore ohori jiri mari ñañe buhiri yariatiquirore tiquiro diire cohātiquirore. Jesucristore mari wacū tutuagū Cohācjü pehe mari ñañe yerire borota. Sa yero tiquiro nidiro sahata yeriquiro tiquiro ijiyere masigū yero niahye. ²⁶ Sa yero yojopare tiquiro nidiro saha yeriquiro tiquiro ijiyere masa tiquina masigū cahmene tiquiro. Sa yero Jesure wacū tutuayequinare quehnoañequina tiquiro yerire tiquina masigū cahmene Cohācjü. Tiquiro sa yerire tiquina masiatire tiquiro macunore mari ñañe buhirire yariatiquirore ohori jiri.

²⁷ ¿Yojopare “Quehnoana ijiaja mari”, ni masiagari mari, masa tahotugū? Tire ne ni masiedaja mari. ¿Duhseña tire ni masiedagari mari? ¿Cohācjü tiquiro dutiyere yena, “Quehnoana ijiaja”, ni masiboari mari? Ijierare. Ti gūhare ni masiedaja mari. Mari sa ni masiedapegūta Jesure mari wacū tutuagū “Quehnoana ijire”, ni ihñanota marine Cohācjü. ²⁸ Ohō saha masiaja mari: Jesure mari wacū tutuagū ihñano marine ihña coare Cohācjü. Sa yero marine “Quehnoana ijire”, ni ihñare tiquiro. Tiquiro ye dutiyere mari yeri wapa tutuagū sa ni ihñare.

²⁹ Cohācjü judio masa puhtoro

dihita ijierare. Judio masa ijieyequina puhtoro gãhũ ijire tiquiro. ³⁰ Sa yero Cohãcjũ ihcãquiota ijiro, ijipihtiequina puhtoro ijire. Sa ijiriquiro ijiro judio masa Jesure tiquina wacũ tutuagũ tiquinare “Quehnoañequina ijire”, ni ihñanota. Sa yero judio masa ijieyequina gãhũ Jesure tiquina wacũ tutuagũ tiquina gãhũre “Quehnoañequina ijire”, ni ihñanota Cohãcjũ. ³¹ ¿Sa yena Jesure wacũ tutuana Cohãcjũ Moisere tiquiro dutiyere cohãna niboari mari? Cohãedaja mari tire. Jesure wacũ tutuana, Cohãcjũ dutiyere yena niaja mari.

4

Abrahã Cohãcjũre tiquiro wacũ tutuarire yahuahye Pablo

¹ Mari ñesu mñanano iji mñhtariquiroroyere Abrahã mñanore Cohãcjũ ohõ saha yeahye: ² Abrahã quehnoano tiquiro yepegũta “Quehnoariquiroroyere”, ni ihñedarĩahye Cohãcjũ tiquirore. Sa yero quehnoano yeperota ñariquiroroyere ijinino “Yũhũ pũrita quehnoagũ iji-aja”, ni masiedahye Abrahã, Cohãcjũ ihñagũ. ³ Cohãcjũ yere tiquina ojoari pũ ohõ saha nine: “Abrahã Cohãcjũ tiquiro nidire quehnoano tũhogũ, Cohãcjũre tiquiro wacũ tutuagũ Cohãcjũ tiquirore ‘Potota quehnoariquiroroyere ijire’, ni, ihñahye”, ni ojoahye tiquiro yere tiquina ojoari pũpũ. ⁴ Puhtoro dahrayequinare wapa yero, ihyo waro tiquiro paja ihñañe mehna wapa yero niedare. Tiquina dahrari wapa tiquinare wapa yero nine. ⁵ Cohãcjũre wacũ tutuayequina pehere dahrayequinare tiquiro wapa yero saha yerare Cohãcjũ. Cohãcjũre wacũ tutuariquirore “Quehnoariquiroroyere”, ni ihñare Cohãcjũ. Tiquiro sa ni ihñagũ ti quehnoañe tiquiro yeri wapa ijierare. Cohãcjũ pehe tiquirore cahmeñequinare quehnoañequina wahagũ yere. Sa yero masũno Cohãcjũre tiquiro wacũ tutuagũ ihñano “Quehnoariquiroroyere”, ni

ihñare Cohãcjũ tiquirore. ⁶ Sata niahye panopũ cjãno Davi mñnano. Masũno quehnoano tiquiro yepegũta Cohãcjũ pehe ihña coeranine. Cohãcjũre tiquiro wacũ tutuagũ ihñano Cohãcjũ ihña coare. Sa yero tiquirore “Quehnoariquiroroyere”, ni ihñare. Tiquiro sa ni ihñanohriquiroroyere masũno pehe tiquiro bucueyere yahuahye Davi mñnano. Ohõ saha niahye:

⁷ Tiquina ñañe yerire tiquiro bonohriquina pehe tutuaro bucuerere. ⁸ “Quehnoañequina ijire. Tiquina ñañe yerire wacũsi yũhũ”, Cohãcjũ sa ninohriquina tutuaro bucuerere, niahye Davi mñnano.

⁹ ¿Judio masa tiquina cuhnucunũ sohtoa cahserogãre yũhre nenohriquina dihitare tiquina ñañe yerire boyari Cohãcjũ? Ijierare. Judio masa ijieyequina yũhre nemehneñequina gãhũre tiquina ñañe yerire bore tiquiro. Pari turi Abrahãre wacũña mũsa. Tiquiro Cohãcjũre wacũ tutuagũ ihñano “Quehnoariquiroroyere”, ni ihñahye Cohãcjũ. ¹⁰ ¿Dũhse ijigũ sa yeari Abrahã, mũsa tũhotugũ? Tiquiro cuhnucunũ sohtoa cahserogãre tiquiro yũhre neato panopũta tiquirore “Quehnoariquiroroyere”, ni ihñahye Cohãcjũ. Sa yero yũhre nenohno, tiquiro ñañe yerire bo tuhasanohriquiroroyere yũhre nenohahye. ¹¹ Sa yero duita Cohãcjũre wacũ tutua mñhtahye Abrahã. Tiquiro sa wacũ tutuagũ ihñano “Quehnoariquiroroyere”, ni ihñahye Cohãcjũ tiquirore. Sa tiquiro wacũ tutuayere, Cohãcjũ yaquiroroyere tiquiro ijiyere tiquiro ihñoatore Cohãcjũ tiquirore cuhnucunũ sohtoa cahserogãre yũhre ne dutiahye. Sa yero Abrahã tiquiro yũhreato pano Cohãcjũ pehe “Quehnoariquiroroyere”, ni ihña tuhasahye tiquirore. Tiquiro yũhre neato pano tiquiro sa ihñariro saha ijipihtiequina Cohãcjũre wacũ tutuayequinare judio masa ijieyequina yũhremehneñequinare

“Quehnoañequina ijire”, ni ihñare Cohãcjũ. Tiquiro sa ni ihñañequina tiquina ijigũ Abrahã tiquina ñecno manano waro ijiriro saha wahare. ¹² Tiquina yero sahata judio masa, yahrenohriquina Cohãcjũre tiquina wacũ tutuagũ tiquina ñecno manano poto ijie tiahye Abrahã. Tiquiro yãhreato pano Cohãcjũre wacũ tutuahye. Sa ye tiquiro yero saha wacũ tutuayequina judio masa Abrahã panamena iji turiayequina ijire.

Cohãcjũ Abrahãre tiquiro ni cũrire “Poto tjire”, niahye Abrahã

¹³ Panopũ ohõ saha niahye Cohãcjũ Abrahãre. “Ahri yehpare mũhũre, mũhũ panamena iji turiayequinapũ gãhũre ohoutja”, ni, cũahye Cohãcjũ Abrahãre. Ti dutiyere tiquiro quehnoano yeri wapa sa niedahye Cohãcjũ tiquirore. Abrahã Cohãcjũre tiquiro wacũ tutuari wapa pehere sa niahye Cohãcjũ tiquirore, “Quehnoariquiro ijire”, tiquirore tiquiro ni ihñari bato. ¹⁴ “Cohãcjũ Moiserere tiquiro cũri dutiye dihitare yero cahmene”, nine judio masa. Sa niñequina Cohãcjũre wacũ tutuaro marieno ahri yehpa ijipihitirore ne duare. Wacũ tutuaro marieno tiquina negũ mari pehe Cohãcjũre mari wacũ tutuaye dũhseati ijieraboaya. Sa yero Cohãcjũ marine tiquiro ni cũri dũhseati ijieraboaya. ¹⁵ Moiserere tiquiro cũri dutiye pehere yerare masa. Sa ye ti dutiyere tiquina yerari buhiri ahri yehpare tiquinare neno basioerare. Sa yero ti dutiyere tiquina yãhdũdũcari buhiri masare buhiri dahrerota Cohãcjũ. Sa ye ti dutiye mariedagũ ti dutiyere yãhdũdũcaro gãhũ mariedaboaya.

¹⁶ Sa ye Cohãcjũre wacũ tutuayequina dihita tiquiro ohoatire neeta. Abrahã Cohãcjũre wacũ tutuahye. Sa yero ijipihitiyequina tiquiro yero saha Cohãcjũre wacũ tutuayequina tiquina ñecno poto yero saha tojoare Abrahã. Sa yero “Ahrire mũsare ohoutja”, Cohãcjũ

nino ijipihitiyequinare tiquirore wacũ tutuayequinare nino niahye. Sa ye Cohãcjũ Moiserere tiquiro dutirire yeyequina Cohãcjũre wacũ tutuayequina Cohãcjũ ohoatire neeta. Tiquina dihita nesi. Ijipihitiyequina Abrahã yero saha Cohãcjũre wacũ tutuayequina gãhũ tiquinare tiquiro ohoatire neeta. ¹⁷ Tire Abrahãre tiquiro nidiro sahata ojoahye panopũre: “ ‘Peye macari cjẽna tiquina ñecno ijiacjũre cũu mũhũre’, ni cũahye Cohãcjũ Abrahãre”, ni ojoahye panopũ. Sa yero tiquiro Cohãcjũre wacũ tutuahye. Sa ye tiquiro yero saha mari wacũ tutuagũ mari ñecũ ijigũ yehye Cohãcjũ tiquirore. Cohãcjũ pehe yariariquinare masoriquiro, ijipihitiyequinare bajumehnediquiro ijire. Sa yero ijipihitiyere, yojopũre mariedagũ gãhũre bajumehneatiquiro ijire.

¹⁸ “Peye macari cjẽna mũhũ panamena iji turiayequina ijietã”, Cohãcjũ tiquiro sa nigũ Abrahã pehe pohna mariediquiro ijieperota, “Ijirota ijire”, ni tãhotuahye. ¹⁹ Sa yero cien cãhmari cãoriquiro ijieperota pohna dahre masieniquiro ijieperota Sara tiquiro namono ne pohna mariedicoro ticoro ijiepegũta “Pohna ti masiedaja usã”, ni tãhotuerahye Abrahã. Sa yero Cohãcjũ tiquiro ni cũrire “Ijirota ijire”, niahye Abrahã. ²⁰ “Tiquiro nidiro sahata yeraboaga”, ne ni tãhotuerahye Abrahã. Sa yero tiquiro Cohãcjũ cũrire quehnoano tãhoahye. Sa niñene tãhotjiãno “Cohãcjũ tutuariquiro ijire”, ni ño peoro niahye. Sa yero Cohãcjũre wacũ tutua nemoahye tiquiro. ²¹ “Cohãcjũ tiquiro nidiro sahata quehnoano ye masine”, ni tãhotu quehnoano masiahye Abrahã. ²² Tiquiro sa masigũ Cohãcjũre tiquiro wacũ tutuagũ Cohãcjũ pehe “Quehnoariquiro ijire”, ni ihñahye Abrahãre. Sata ni ojoahye Cohãcjũ yere tiquina ojoari pũpũ.

²³ Sa ye Abrahã dihitare sa ni ojoaerahye. ²⁴ Tire mari masiatire

mari gũhare sa ni ojoahye. Sa yero Cohãcjũre mari wacũ tutuagũ “Quehnoana ijire”, ni ihñanota mari gũhare Cohãcjũ. Tiquiro pũrita mari pũhoro Jesu tiquiro yariagũ masori jiri tiquirore. ²⁵ Jesu pehe mari ñañe buhiri yariari jiri. Tiquiro yariari bato masa wijiari jiri tiquiro Cohãcjũ marine “Quehnoana ijire”, tiquiro ni ihñatire.

5

“Quehnoana ijire”, Cohãcjũ ni ihñagũ ohõ saha waharota marine

¹ Jesucristore mari wacũ tutuagũ ihñano “Quehnoana ijire”, ni ihñare marine Cohãcjũ. Tiquiro sa ni ihñagũ Cohãcjũ mehna cjãna marine ijigũ yere mari pũhoro Jesucristo. ² Sa yena mari tiquirore wacũ tutuagũ ihñano Cohãcjũ marine cahĩno, pecapũ wahaborinare yũhdũori tiquiro mehna mari ijiato saha. Cohãcjũ pũrita quehnoa yũhdũariquiro ijire. Sa yero tiquiro yero saha ijigũ yerota marine tiquiro. Tiquiro sa yeatire quehnoano masiaja mari. Sa yena bucueaja. ³ Mari ñano yũhdũna gũhũ bucueaja mari. Ñano yũhdũna, tire dũca cjã mari. Sa dũca cãna, ñano yũhdũepenata quehnoano Cohãcjũre wacũ tutuana wahaja mari. Sa yena Cohãcjũ yere duhueraja mari. ⁴ Mari sa yegũ ihñano “Quehnoare”, ninota Cohãcjũ marine. Tiquiro sa nigũ marine tiquiro yũhdũoatire quehnoano masiaja mari. ⁵ Sa yero Cohãcjũ marine tiquiro yaquiro Espĩritu Santore ohori mari mehna ijiatiquirore. Sa yero Espĩritu Santo pehe mari mehna ijiro Cohãcjũ marine tiquiro sa cahĩducuyere masigũ yere. Tiquiro sa masigũ yegũ marine tiquiro yũhdũoati quehnoano waro ijiro nine. Potota yũhdũnata mari.

⁶ Sa yero mari ñañe yerire mari basi mari yũhdũo masiedagũ tiquiro queoriro esagũ mari ñañe buhirire Cristo yariahye. ⁷ Quehnoañe dhitare yeriquirore yũhdũoro taro

apequiro yariaboaga ape taha yero. ⁸ Mari pehe ñana mari ijiniepegũta marine yũhdũoro taro Cristo yariahye. Tiquiro sa yegũ Cohãcjũ marine tiquiro tutuaro cahĩñene masiaja mari. ⁹ Mari ye buhirire tiquiro sa yariagũ tiquiro dii wijiagũ Cohãcjũ pehe marine “Quehnoana ijire”, ni ihñare. Tiquiro sa ni ihñari bato yojopũ pehere marine pecapũ wahaborinare yũhdũorota Jesu. “Quehnoana ijire”, tiquiro niato pano marine yũhdũoeranidi. Yojopũ pehere marine Cohãcjũ yequina tiquiro yeri bato marine buhiri dahresi pecapũ Cohãcjũ. ¹⁰ Sa yena Cohãcjũre ihña tuhtina mari ijiniepegũta tiquiro macũno yariaro, mari ñañe yerire cohãri. Sa cohãno Cohãcjũre mari mehna usueragũ yeri tiquiro. Sa yena tiquiro yequina wahaja mari. Yojopũ pũritare ti yũhdũo cjũno yerota marine. Tiquiro yequina mari ijigũ Jesu tiquiro masa mũjari mehna, marine pecapũ wahaborinare quehnoano yũhdũorota tiquiro. ¹¹ Camerũ mari yũhdũatire bucueaja. Yojopũre ahri gũhare bucueaja. Mari pũhoro Jesucristo mari ñañe buhirire tiquiro yariari bato Cohãcjũ yequina ijiaja mari. Sa yena bucueaja.

Adãre, Cristore yahuahye Pablo Roma cjẽnare

¹² Adãn tiquiro ñañene yeri bato ahri yehpare ñañe iji dũcahye. Ñañe iji dũcagũ masa yaria dũcahye. Ijipihina mari ñañene yeaja. Sa yena ijipihina ñana mari ijiri buhiri yariaja. ¹³ Cohãcjũ tiquiro dutiyere Moisere tiquiro cũato pano potota ahri yehpa cjẽna ñañene yee tiahye. Tiquina sa yepegũta ti dutiye mariedagũ ti dutiyere tiquina yũhdũdũcari buhiri buhiri dahre masiedahye. ¹⁴ Tiquiro sa buhiri dahre masiedapegũta Adãn gũhũ tiquiro bato ijiequina gũhũ dutiye mariedapegũta yarie tiahye. Moise tiquiro ijiato pano dutiye mariedapegũta masa yarie tiahye. Apequina ñañe yeye Adãn tiquiro

ñano yeriro saha waro yera timahye. Sa ijiepetata tiquina gãhũ yarie tiahye. Sa yero Adán ñañene tiquiro ye dũcariro saha yoari batopũ ahri yehpapũ ahtariquiro quehnoañene ye dũcari jiri.

15 Adán tiquiro yãhdũdũcari Cohãcjũ masare tiquiro paja ihñañe yero saha ijierare. Cohãcjũ tiquiro paja ihñañe pehe quehnoa yãhdũare. Adán ihcãquirola ijieperota ñañene tiquiro ye dũcari buhiri peyequina masa yarie tiahye. Cohãcjũ pehe marine paja ihñano, Jesucristore ohori jiri. Sa yero tiquiro ihcãquirola ijiriquiro pecapũ wahaboriquinare masare peyequinare yãhdũore. 16 Sa yero Cohãcjũ masare tiquiro paja ihñañe Adán tiquiro yãhdũdũcari yero saha ijierare. Adán pehe ihcãquirola ijiriquiro ñañene tiquiro yeri buhiri ijipihtiyequina masa buhiri tiyequina ijire. Sa tiquina buhiri tiyequina ijiepegũta masa pajiro ñañene tiquina yepegũta yojopũre masare paja ihñano Cohãcjũ tiquina ñañene bore. Sa boro “Quehnoañequina ijire”, ni ihñare tiquiro tiquinare. 17 Adán ihcãquirola ijiriquiro ñañene ye dũcagũ ijipihtiyequina masa yariaducure. Ti pota tjire. Sa ijiepegũta ahri pehere bucuenata mari. Yojopũre Cohãcjũ masare paja ihñano Jesucristo ihcãquirola ijiriquiro tiquiro yariari mehna tiquina ñañene boro, tiquinare “Quehnoañequina ijire”, ni ihñare. Sa ye ijipihtiyequina tiquiro sa ni ihñañequina ãhmũsepũ Cristo mehna pãhtoa ijietata.

18 Ihcãquirola Adán ñañene ye dũcagũ ijipihtiyequina ñañene ye dũcahye. Tiquina sa yegũ Cohãcjũ buhiri dahrerota tiquinare. Apequiro Jesu pehe quehnoañene tiquiro yegũ ijipihtiyequina tiquina ñañene bonohriquina iji masine. Ñañene tiquiro bonohriquina tiquina ijigũ “Quehnoañequina ijire”, ni ihñanota tiquinare Cohãcjũ. Sa ye ijipihtiyede decori tiquiro mehna ijiducuetata.

tiquina. 19 Ihcãquirola Adán Cohãcjũre yãhdũdũcahye. Tiquiro sa yegũ peyequina masa ñano yeyequina iji dũcahye. Sa yero apequiro Jesu pehe Cohãcjũre yãhtiahye. Tiquiro sa yegũ peyequina masa tiquina ñañe yerire bonohriquina wahahye. Tiquina sa wahagũ “Quehnoañequina ijire”, ni ihñahye Cohãcjũ tiquinare.

20 Cohãcjũ dutiyere Moiserere cũahye ijipihtiyequina masa tiquina ñañene tiquina quehnoano masiatire. Sa ye masa tiquina ñañene masiñe, ti yãhdũoro Cohãcjũ tiquinare tutuaro tiquiro cahĩñene masieta. Tiquiro marine cahĩ yãhdũare.

21 Tiquina ñañene tiquina yeri buhirire masa yariatiquina ijire. Sa ye pecapũ wahaeta. Cohãcjũ mari Pacũ pehe masare cahĩ yãhdũare. Tiquiro sa tutuaro cahĩgũ mari pãhtoro Jesucristore tiquiro ohogũ tiquiro pehe masare quehnoañequina wahagũ yere. Sa ye tiquinare “Quehnoañequina ijire”, Cohãcjũ tiquiro ni ihñagũ tiquina ijipihtiyede decori tiquiro mehna sa ijiducuetata.

6

Yariariquina mũna tiquina ñañene yerariro saha Cristo yequina gãhũ ñañene yeducuerare

1 ¿Dũhse yenatari mari yojopũre, masa tũhotugũ? ¿Cohãcjũre marine cahĩ nemo duti duana ñañene ye nemoboagari mari? 2 Ijierare. Ñañene yeracũhna mari. Yariariquina mũna ñañene tiquina yerariro saha Cristo yequina ijina mari gũhũre ñañene yeraro cahmene. 3 Sa ye Jesu yequina mari ijiyere masa tiquina masiatire aco mehna wame yeri marine apequina. Jesu mari ñañe yeri buhiri yariari jiri. Sa yena tiquiro yequina ijina, mari ñañe yerire ye dũerũ. Sa yena duhuu. Tiquiro mari ñañe buhiri yariari jiri. 4 Sa yena Cristo pagũre masa copepũ tiquina ya cohãriro sahata mari ñañe yerire duhuaja. Sa yena mari Pacũ tiquiro tutuaye mehna

Cristo tiquiro masa mɔjariro saha mari gũhɔ tiquiro tutuaye mehna quehnoañe pehere comesaja. Sa yena quehnoana wahaja.

⁵ Sa yena Cristo yequina ijina Cristo yariaro ahri yehpa cã pagure tiquiro cohãriro saha mari gũhɔ yariariquina tiquina duhuriro saha mari ñañe yerire duhuu. Sa yena Cristo yequina ijina tiquiro masa mɔjariro sahata mari gũhɔ quehnoana ijinata. Ti poto tjire. ⁶ Cristo yequina iji dɔcana tiquiro mehna yariariquina yero saha wahaɔ pari turi mari ñañene yerato saha. Sa waharina ijina ñañene yeducu nemosi mari. Tire mari masiaja. ⁷ Yariariquiro mɔnanopɔ ñañene ye nemoedare. ⁸ Cristo mehna yariariquina yero saha ijina, tiquiro masa mɔjariro sahata mari gũhɔ quehnoana ijinata. “Ti poto tjire”, ni tãhotuaja mari. ⁹ Cristo tiquiro yaria masa mɔjari bato ne pari turi yariasi. Apequiro tiquirore pari turi yariagũ ye masiedare. Tire mari masiaja. ¹⁰ Sa yero Cristo ihcã taha yariaro, masa tiquina ñañe yerire cohãno taro yariahye. Tiquiro catiriquiro ijiro mari Pacɔ tiquiro cahmeno sahata yeducuatiquiro ijire tiquiro. ¹¹ Tiquiro yero sahata mɔsa gũhɔ ohõ saha ni tãhotuya: “Yariariquina mɔna tiquina yeraro saha mari gũhɔ ñañene yeraja. Jesu yequina ijina mari Pacɔ tiquiro cahmeno sahata yeanaja ijina niaja mari gũhɔ”, ni tãhotuya mɔsa.

¹² Sa yena mɔsa yarianaja ijina ñañene yeducueracãhña. Sa yena mɔsa ñañe ye duayere tutuaro cahmepenata tire sa tãhotu cãhña. ¹³ Ñañene yeracãhña. Pecapɔ waha-borina Jesu tiquiro yũhdɔnonohrina ijire mɔsa. Tiquiro sa yenohrina ijina Cohãcjũ cahmeñe dihitare yeya mɔsa. Sa yena quehnoañene yeya mɔsa. ¹⁴ Yojopɔre Cohãcjũ Moiserere tiquiro dutiye mehna marine dutierare. Cohãcjũ marine cahño tiquiro pehe marine dutire. Sa yena tiquiro

yedohoro mehna ñañene ye duasi mari.

Mɔsa ñañene yeducugũ ti ñañe mɔsa pũhtoro yero saha ijire

¹⁵ ¿Yũhɔ sa nigũ dũhse ni tãhotuajari mɔsa? ¿Cohãcjũ pehere yũhtianaja ijina Moiserere tiquiro dutiyere yũhtianaja ijierana, ñañene yeducuboagari mari? Ijierare. Yeducusi. ¹⁶ ¿Ahrire masiedajari mɔsa? Mɔsa quehnoano yũhtiriquiro mɔsa pũhtoro ijire. Sa yena tiquiro cahacjãna ijire mɔsa. Mɔsa sa yũhti mɔsa pũhtoro tiriro sahata ñañene yeducuna mɔsa ijigũ ti ñañe mɔsa pũhtoro yero saha ijire. Sa yena ñañene duhu masiedare mɔsa. Sa yena ijina pecapɔ wahanaja ijire mɔsa. Cohãcjũre quehnoano ño peona ijina tiquiro cahacjãna ijire mɔsa. Sa yena tiquiro yequina quehnoana ijire mɔsa. ¿Tire masiedajari mɔsa? ¹⁷ Panopɔ ñañene yeducuna mɔsa ijigũ ti ñañe mɔsa pũhtoro yero saha ijimedi. Yojopɔ pehere quehnoañe buheyere tãhona Jesure wacũ tutuana Cohãcjũre quehnoano ño peona wahari mɔsa. Tire masigũ “Quehnoare”, niaja Cohãcjũre. ¹⁸ Sa wahana yojopɔre ñañe ti dutiro saha yerare mɔsa. Sa yena Cohãcjũ cahacjãna ijina quehnoañe pehere yere mɔsa. ¹⁹ Cahacjãna pũhtoare tiquina quehnoano ño peoyere masi pehore mɔsa. Sa yegɔ ti mɔsa masidi mehna queoye mehna buhei mɔsare “Ahri buheyere mɔsa esa tuharo tãhoeraboaga”, nigũ. Panopɔ ñañene yeducuna ijimedi mɔsa. Mɔsa sa yeducuriro sahata yojopɔ pehere quehnoañene yeducuna ijiya mɔsa. Sa yena Cohãcjũ cahmeñe dihitare yenata mɔsa.

²⁰ Panopɔ ñañe dihitare yerina ijina, quehnoañe pehere yera tiri mɔsa. ²¹ ¿Ti pjerɔre ñañe dihitare yena yabere wapataro mɔsa? Ti mɔsa ñañe yerire wacũna yojopɔre bue tiaga mɔsa. Ti ñañene mɔsa yeri buhiri pecapɔ wahaboaya mɔsa. Sa yena ñañene yena ne wapataerare mɔsa. ²² Yojopɔ pehere mɔsa ñañe

yerire duhuna Cohācjū cahacjāna wahari mūsa. Sa yena Cohācjū cahmeñe dihitare yena ijinata. Sa yena ijipihtiye decori Cohācjū mehna ijinata. ²³ Ñañene mari yeri buhiri pecapū wahanaja ijiaja ijipihtina mari. Mari sa ijiepegūta mari pūhtoro Jesucristore mari wacū tutuagū ihñano, ijipihtiye decori tiquiro mehna marine ijiducugū yerota. Mari sa ijiducuatire sa oho cānota.

7

Cohācjū Moiserē tiquiro ohori dutiyere yahu nemoahye Pablo

¹ Yūhū acaye, Cohācjū Moiserē tiquiro dutirire quehnoano masine mūsa. Masano tiquiro catinigū ti dutiyere yūhdūduca dutierare. Tiquiro yariari bato pūritare ti dutiyere yero basioerare. Ti gūhure masine mūsa. ² Ohō saha ijire: Numinore ticoro manūno mehna dihita iji dutire Cohācjū Moiserē tiquiro dutiri pehe. Tiquiro sa dutiepegūta ticoro manūno yariari bato ticoro pehe apequirore manū ti masine. Ticoro ti dutiro mehna iji nemoedare. Ohō saha ni yahure ti dutiye. ³ Sa yero ticoro manūno tiquiro catiepegūta ticoro apequirore manū tiro, ñano yero nine ticoro. Sa ijieperota ticoro manūno yariari batopū apequirore manū tiro, Cohācjū dutiyere yūhdūducaerare ticoro sa yericoro. Sa yero ñano yericoro ijierare ticoro.

⁴ Mūsa gūhū yūhū acaye Jesu yequina wahana, dutiyere mūsa yeri wapa tiquiro yequina wahaerare mūsa. Sa yena yariariquina mūna dutiye mehna tiquina ijieraro saha mūsa gūhū ti dutiye mehna ijierare. Mūsa Cristo ya curua cjāna ijire. Sa yena yojopūre tiquiro yequina ijire mūsa. Tiquiro pehe yariari bato masa mujari jiri Cohācjū cahmeno saha mari yeatire. ⁵ Panopū ñañene mari esa tuharo yee timi. Sa yena Cohācjū Moiserē tiquiro dutirire mari masidi bato ti dutiyere yūhdūduca duami. Ti dutiye

mariedagū yūhdūduca dueraboya. Sa yena ti dutiyere mari masidi bato ñañene tutuaro yemi mari. Sa mari ñañene yena mari pecapū wahaborinata ijie timi. ⁶ Sa wahaborina ijiepenata Cristo yequina ijina yojopūre ti dutiye mehna ijieraja mari. Sa yero Espiritu Santo mari mehna ijiriqiro marine quehnoañe pehere comesagū yere. Tiquiro sa yegū panopū cjē dutiye tiquiro ojoari ti mehna ijieraja mari yojopūre.

Tiquiro ñañe yerire yahuahye Pablo

⁷ ¿Sa yena Cohācjū Moiserē tiquiro dutirire dūhse niboagari mari? ¿Ti dutiye ñañe ijiagari, mūsa tūhotugū? Ijierare. Ti dutiye mehna ñañene masii. Sa yegū ti dutiye mariedagū ñañene masiedaboya yūhū. Ti dutiye ohō saha ijire. “Apequina yepūre tutuaro cahmedacāhña”, ñahye ti dutiye. Sa niedagū apequina yepūre tutuaro cahmeñe ti ñañe ijigū masiedaboya yūhū. ⁸ Sa yegū ti dutiyere yūhū masidi bato apequina yepūre tutuaro cahmee timi yūhū. Ti dutiyere masiedagū apequina yepūre tutuaro yūhū cahmeñe ti ñañe ijigū masiedaboya yūhū. ⁹ Ti dutiyere yūhū quehnoano masiato pano sa tūhotu cāhū. Sa yegū ti dutiyere yūhū masidi bato tutuaro ñañene ye duami. Sa yegū pecapū yūhū wahatire masie tii. ¹⁰ Sa ye Cohācjū dutiyere yūhdūducaeraye, masa tiquiro mehna quehnoano ijiducuboya. Sa ye ti dutiye pehe quehnoano ijiducugū yebori dutiye ijire. Sa ijieperota yūhū yūhdūducari buhiri yūhūre pecapū waha dutimedī. ¹¹ Sa yegū ñañene yegū Cohācjū Moiserē tiquiro dutiyere yūhdūduca duami. Ñañene tutuaro cahmegū yūhū ijigū quehnoañene masiedū. Ti ñañe pehe yūhūre dojomehnedi. Sa yegū quehnoano masiedū. Sa masiedagū Cohācjū dutiyere yūhdūduca. Sa yegū ti dutiyere yūhū masidi bato yūhū ñañe

buhirire pecarᵃ yᵃhᵃ wahaborirore masii. Ti dutiye mehna sa masii.

12 Sa ye Moiserere tiquiro cūri dutiye quehnoañe ijire. Sa ye queoro ijirota nine ti dutiye. 13 ¿Sa ijieperota marine ti quehnoañe dutiye pehe pecarᵃ wahagū yeajari? Ijierare. Topᵃ wahagū yerare. Mari ñañe yeye pehe marine pecarᵃ wahagū yere. Ti dutiyere mari masidi bato ti dutiyere yᵃhdᵃdᵃcana, ñañene yena mari ijiyere masiaja mari. Sa yena mari ñana mari ijiyere masina, mari pecarᵃ wahati gᵃhᵃre masiaja mari. Sa yena ti dutiyere masina mari yᵃhdᵃdᵃcarire ti ña yᵃhdᵃaye ijigū masiaja mari.

14 Moiserere tiquiro dutiri Cohācjū pehe tiquiro cūri ti ijigū masiaja mari. Yᵃhᵃ pehe apequna yero saha ñagu ijiaja. Sa yegᵃ ñañene yeducugᵃ ijiaja.

15 Sa yeducugᵃ ijiepegᵃta yᵃhᵃ yerire ne masiedᵃ yᵃhᵃ. Yᵃhᵃ cahmeno saha yeraja yᵃhᵃ. Sa yegᵃ yᵃhᵃ tutuaro ye dueramedireta yeaga yᵃhᵃ. Sa yegᵃ yᵃhᵃ yerire ne masiedaga yᵃhᵃ.

16 Sa yegᵃ ñañene ye duerapegᵃta ñañene yeaja yᵃhᵃ. Tire yegᵃ Cohācjū dutiye quehnoañe ijigū masiaja yᵃhᵃ.

17 Sa yegᵃ yᵃhᵃ waro ti ñañene yojopᵃre yeraja. Yᵃhᵃ tᵃhotuyepᵃ ijiiye ñañe ti pehe yᵃhᵃre ñañene yegᵃ yere. 18 Quehnoañene tutuaro ye duepegᵃta ne cūedaga. Ñañe pehe yᵃhᵃre dojomehne mᵃjare. Ahri yehpa cjū yᵃhᵃ ijigū yᵃhᵃ tᵃhotuyepᵃ ñañe dihita ijire. Ne quehnoañe mariedabutiare. 19 Quehnoañe yᵃhᵃ ye duaye pehere ne yeraja yᵃhᵃ. Yᵃhᵃ ñañene yᵃhᵃ ye dueye pehere yeaja. 20 Sa yegᵃ yᵃhᵃ ye dueyere yegᵃ yojopᵃre yᵃhᵃ waro tire yeraja. Yᵃhᵃ tᵃhotuyepᵃ ijiiye ñañe ti pehe yᵃhᵃre ñañene yegᵃ yere.

21 Sa yero yᵃhᵃre ohō saha wahare: Quehnoañene yᵃhᵃ ye duepegᵃta yᵃhᵃ tᵃhotuyepᵃ ñañe ijire. Sa yegᵃ quehnoañe pehere yeraja. 22 Cohācjū Moiserere tiquiro dutirire yᵃhᵃ tᵃhotuye mehna tutuaro cahmeaja. 23 Sa yegᵃ yᵃhᵃ ahrire

masiaja: Yᵃhᵃ tᵃhotuye mehna quehnoañene ye duaja. Sa ye duepegᵃta yᵃhᵃ basi ñañene tutuaro ye duaja. Sa yegᵃ yᵃhᵃ esa tuharo ñañene duhu masiedaga yᵃhᵃ.

24 Sa ñañene duhu masiedagu pejecᵃogᵃ ijiaja yᵃhᵃ. Ñañene yegᵃ pecarᵃ wahagᵃta yᵃhᵃ. Yohnah. ¿Yᵃhᵃ ñañene yᵃhᵃre pecarᵃ waha dutiye ñañene noa yᵃhᵃre cohā basaboagari? 25 Jesucristore yᵃhᵃ wacū tutuagū tiquirota yᵃhᵃ ñañene cohānota. Tiquiro sa yegᵃ Cohācjūre “Quehnoare”, ñiaja yᵃhᵃ. Sa yegᵃ yojopᵃre yᵃhᵃ basi yᵃhᵃ tᵃhotuye mehna Cohācjū dutiyere yeaja. Sa yegᵃ ijiepegᵃta yᵃhᵃ esa tuharo ijigū ñañe pehe yᵃhᵃre ñañene yegᵃ yere.

8

Espíritu Santore cᵃoyequina tiquina ijiiye tiyere yahuahye Pablo

1 Yojopᵃre Jesucristo yequinare tiquina buhiri tiato mariedare. [Tiquina ñañe tutuaro cahmeñene yerare. Sa ye Espiritu Santo tiquiro dutiro saha yeducure tiquina.] 2 Sa yero Jesucristo yaquiro yᵃhᵃ ijigū Espiritu Santo ñañene duhugū yere yᵃhᵃre. Sa yero Espiritu Santo ijipihtiye decori Cohācjū mehna ijigū yere yᵃhᵃre. Ñañene yᵃhᵃre duhugū yero yᵃhᵃre pecarᵃ wahaborigᵃre yᵃhdᵃore tiquiro. 3 Cohācjū Moiserere tiquiro dutirire mari esa tuharo ne ye pehosi. Sa ye pehoerana yᵃhdᵃdᵃcana ijiaja mari. Sa yena mari ijigū Cohācjū marine yᵃhdᵃoeranidi. Mari sa ijina ijiepegᵃta ohō saha Cohācjū marine yᵃhdᵃorota. Tiquiro mari ñañe buhirire yariatiquirore, ti ñañene cohātiquirore tiquiro macᵃnore ohoahye. Sa yero tiquiro macᵃno mari yero sahata pagᵃ tiahye. Sa yero mari tᵃhotuyepᵃ ijiiye ñañene tiquiro cohāri. 4 Marine sata yeri Cohācjū dutiyere tiquiro tutuaye mehna mari ye pehoatire. Ti dutiyere ye pehona ijina mari esa tuharo ijieraja. Sa

ijina Espíritu Santo yedohoye mehna tiquiro dutiro sahata yeaja mari.

⁵ Ñañene ye duayequina, ti dihitare tutuaro cahmene. Espíritu Santo dutiro sahata yeducuyequina pehe ti dihitare ye duare tiquina. ⁶ Ñañene ye duayequina ti dihitare tutuaro cahmeñe, pecap̄ wahaeta. Espíritu Santo cahmeno sahata tutuaro ye duayequina pehe ijipihtiye decori Cohãcjũ mehna ijietā. Sa ye tiquina quehnoano iji cãeta. ⁷ Tiquina esa tuharo yeyequina Cohãcjũre ihña tuhtire. Tiquina Cohãcjũ dutiyere ne yũhtierare. Tiquiro dutiyere yũhti duerare. Yũhti masiedare tiquina. ⁸ Sa ye tiquina esa tuharo yeyequina Cohãcjũre bucuegũ ye masiedare.

⁹ M̄sa pehe m̄sa esa tuharo yerare. Espíritu Santo m̄sa mehna ijigũ tiquiro cahmeno sahata yere m̄sa. Sa ye Espíritu Santore c̄oeyequina pehe Cristo yequina ijierare. ¹⁰ M̄sa pehe tiquiro yequina ijire. M̄sa ñañe buhirita m̄sa paḡari yariare. Sa m̄sa paḡari yarianaja ijiepenata Cristo m̄sa mehna tiquiro ijigũ tiquiro mehna sa ijiducunata m̄sa. Cohãcjũ m̄sare “Quehnoana ijire”, tiquiro ni ihñagũ m̄sa tiquiro mehna sa ijiducunata. ¹¹ Cohãcjũta Jesure masori jiri. Sa masoriquiro ijiro Espíritu Santo mari mehna tiquiro ijiducugũ mari yariari bato Cohãcjũ mari gũhure masonota. Sa masono mari paḡarire yariati paḡarire catigũ yerota marine.

¹² Yũhũ acaye, tiquiro sa yegũ ihñana ñañe mari tutuaro cahmedire yeracũhna. ¹³ Mari ñañene yerina ijina, pecap̄ wahaborina iji cãnata niaja. Espíritu Santo yedohoye mehna ñañe yeyere duhurina ijina, ijipihtiye decori Cohãcjũ mehna ijinata.

¹⁴ Ijipihtiyequina Espíritu Santore yũhtiyequina Cohãcjũ pohne ijire. ¹⁵ Espíritu Santo mari mehna tiquiro iji d̄ucagũta Cohãcjũ pohna iji d̄ucaũ. Sa yena tutuaro mehna tiquiro dutinohrina ijieraja mari. Sa yena

panop̄ mari cueriro saha yojop̄ pehere mari cueraja. Tiquiro pohna ijina, Espíritu Santo yedohoye mehna yojop̄re “Yũhũ Pacũ”, niaja mari Cohãcjũre. ¹⁶ Sa yero Espíritu Santo mari wacũñep̄ marine ohõ saha masigũ yere: Potota Cohãcjũ pohna ijiaja mari. Tire marine masigũ yere tiquiro. ¹⁷ Sa yena tiquiro pohna ijina, Cohãcjũ ijipihtiyere tiquiro pohnene tiquiro “Ohoutja”, tiquiro nidire mari pehe c̄onata. Jesucristo mehna mari c̄onata tire. Cristo yere mari yeri buhiri ñano yũhd̄arina ijina mari tiquiro mehna yũm̄sep̄ quehnoano bucueye mehna iji cãnata. Sa yena Cohãcjũ tiquiro pohnene “Ohoutja”, tiquiro nidire c̄onata mari.

¹⁸ Yojop̄re ahri yehpap̄ ñano yũhd̄arĩaja mari. Camep̄re mari yũm̄sep̄ quehnoano iji cãnata. Sa yena yojop̄re ñano yũhd̄una, pajiro bujua witi wacũ tuhotueracũhna. Ahri mari ñano yũhd̄ari sa iji cãno nine. Came quehnoano iji cãnata Cohãcjũ mehna. Sa yena tutuaro bucuenata. Ahri pũrita ihyo waro ijierare. ¹⁹ Cohãcjũ pohna ijina Cohãcjũ mehna quehnoano ijinata. Mari sa wahatire cohteducuro saha yero nine Cohãcjũ bajumehnedi. ²⁰ Ijipihtirop̄re tiquiro bajumehnedi quehnoano ijiborire dojomehneahye masano ñano ye d̄ucaro. Ti esa tuharo sa wahaerahye. Ñañe iji d̄ucari bato tiquiro bajumehnedi sa wahahye. Sa yero Cohãcjũ tiquiro bajumehnedire sata ñano iji dutiniahye. Came tiquiro bajumehnedire quehnoañe wahagũ yerota tiquiro. ²¹ Sa yero Cohãcjũ tiquiro bajumehnedire ahba pihtiborire quehnoañe wahagũ yerota tja. Cohãcjũ pohnene quehnoañequina tiquiro wahagũ yeriro sahata, tiquinare quehnoano tiquiro yũhd̄oriro sahata quehnoañe wahagũ yerota Cohãcjũ tiquiro bajumehnedire. ²² Ijipihtiye Cohãcjũ tiquiro bajumehnedi ñano ti iji d̄ucari bato ñano yũhd̄ae tiahye. Numino niji wahcõno ticoro ñano yũhd̄aro

sahata tiquiro bajumehnedi gũhũ ñano yũhdũducure. Tire mari masiaja. ²³ Mari pehe Espiritu Santore cũona ijiája. Tiquiro yequina mari wahagũ Cohãcjũ tiquiro yaquiro Espiritu Santore duita ohoi marine. Tiquiro bajumehnedi yero sahata mari gũhũ ñano yũhdũaja. Sa yena quehnoañe pehere tiquiro comesatire tutuaro cohteaja. Sa yena tiquiro pohna mari tiquiro mehna mari quehnoano ijiato gũhũre tutuaro cohteaja mari. Wahma pagare marine tiquiro ohoati gũhũre cohteaja. ²⁴ Mari sa cohtena ijigũ, tiquirota marine pecapũ waha-borinare yũhdũore. Tiquiro cahapũ ijirina ijina tiquiro cahapũre mari wahatire cohteraboya mari. Marine tiquiro yũhdũo tuhasari bato ijigũ tire cohte nemoedaboya. ²⁵ Sa yena tiquiro ohoatire ihñedapenata Cohãcjũ marine tiquiro yũhdũoatire cohtena, sa cohteducuaja.

²⁶ Sa yena Cohãcjũre wacũ tutuera cjũna tiquiro cahmeñene quehnoano masiena mari ijigũ Espiritu Santo marine yedohore. Cohãcjũre mari quehnoano sini masiedaja. Espiritu Santo pehe marine Cohãcjũre tutuaro sini basare. Marine tutuaro paja ihñano marine tiquiro Cohãcjũre tutuaro sini basare. ²⁷ Cohãcjũ cahmeno sahata marine Jesu yequinare sini basare Espiritu Santo. Tiquiro sa sini basagũ Cohãcjũ mari tũhotuyere masi pehoriqiro ijiro, Espiritu Santo tiquiro sini basarire masine.

Cristo tiquiro tutuaye mehna ñañe yeyere yũhdũdũcanata mari

²⁸ Ahrire yũhũ yahuatire masiaja mari: Ijipihtina Jesure cahĩna mari ijigũ tiquiro cahmeñene yeanajare beseahye marine. Sa ijina mari ijigũ ihñano Cohãcjũ sa ihña ih-boducure marine. Sa yena mari ñano yũhdũepenata ñano yũhdũducu dojoeraja. Cohãcjũ tiquiro yedohoro mehna quehnoano ijinata mari. ²⁹ Cohãcjũ marine tiquiro yequinare duitapũta masi tuhasahye. Sa masino

tiquiro macũno Jesu tiquiro ijiro sahata marine iji dutiro, marine quehnoañe pehere camesa duti tuhasahye. Tiquiro macũno yero saha marine iji dutiahye tiquiro peyequina masa tiquiro macũnore mari wahmi tiatire. ³⁰ Panopũ tiquiro yequina tiquiro iji dutirina mari ijigũ, tiquiro pohna mari ijiatina gũhũre beseahye marine. Sa yero marine tiquiro beserinare tiquiro “Quehnoañequina ijire”, ni ihñare. Marine tiquiro sa ninohrinare tiquiro mehna uhmũsepũ quehnoano ijigũ yerota marine Cohãcjũ.

³¹ Tire masina ohõ saha tũhotuaja mari: Cohãcjũ marine tiquiro cahñonare ne apequina ihña tuhtiyे cũedare. ³² Cohãcjũ mari ye buhirire yariatiquirore tiquiro macũnore ohoahye. “Yũhũ macũre cahĩaja. Sa yegũ tiquirore ohoeraja”, niedahye tiquiro. Marine sa tutuaro yedohoriqiro ijiro, ijipihtiyे mari cahmeñe dũhsarire marine oho pehorota. ³³ Cohãcjũ beserina mari ijigũ, tiquiro marine “Quehnoana ijire”, ni ihñari. Mari sa ijina ijigũ apequina marine “Ñana ijire”, ne ni yahusã masiedare. ³⁴ Cristo mari ye buhirire yaria masa wiji-ahye. Sa yero Cohãcjũ poto pehepũ yojopũre tiquiro ijire dutiriquiro ijiro. Sa yero tiquiro marine potota sini basaro nine Cohãcjũre. Sa ye apequina pehe marine ne buhiri dahre duti masiedare. ³⁵ Cristo marine tiquiro tutuaro cahĩgũ apequina tiquirore “Cahĩedacãhña”, ne ni masiedare. Cahĩ duhusi tiquiro. Mari ñano yũhdũepegũta, mari cuepegũta, apequina marine tiquina ñano yepegũta, mari ujuã ahbaepegũta, suhti mariena mari ijiepegũta, cuaropũ mari ijiepegũta, marine tiquina wejẽpegũta Cristo marine sa cahĩducurota. ³⁶ Cohãcjũ yere tiquina ojoari pũpũ mari sa wahatire yahuro, ohõ saha nine: Mũhũ yequina usã ijiri buhiri apequina usãre sa wejẽ dua-ducure. Oveja tiquina

wejōatiquina tiquina ijiriro saha usā gūhure sa wahare, ni ojoahye Cohācjū yere tiquina ojoari pūrū.

³⁷ Sa yena mari ñano yūhdūepenata Cristo marine cahīniquire tiquiro yedohoro mehna tutuaro mehna ñañene duhu pehonata mari. ³⁸⁻³⁹ Jesucristo yequina mari ijigū ihñano Cohācjū pehe marine tutuaro cahīne. Sa yero tiquiro marine ne cahī duhusi. Mari yariagū gūhure, mari catigū gūhure, yojopure, camerū gūhure, tiquiro marine cahī duhusi. Sa ye angele, watīa pūhto, ahri yehpa cjēna pūhto, ūhmuse cjēna, ñañequina bajueyequina gūhū Cohācjūre “Mūhū yequinare cahīedacāhña”, tiquina niepegūta marine ne cahī duhusi Cohācjū. Cohācjū tiquiro bajumehnedi mehna marine ne cahī duhugū yeye mariedare. Marine ne tiquiro cahī duhusi.

9

Israe masa Cohācjū beseriquina ijire

¹⁻² Yūhū acaye Israe masare wacūgū, tutuaro būjūa witiāja yūhū. Cristore cahmedare tiquina. Sa yegū ñano būjūa witi jeripohna tiaja yūhū. Ti yūhū sa ni yahuye ijirōta ijire. Yūhū Cristo yaquirota ijiāja. Sa yegū masare potota niaja. Sa yegū Espīritu Santo yūhū mehna tiquiro ijigū yojopure yūhū acayere yūhū ni yahuye ti potota ijigū quehnoano masiaja yūhū. Tiquiro tire yūhūre quehnoano masigū yere. ³ Israe masa yūhū acaye ya maca cjēna pecarū wahaeta. Cohācjūre tiquinare yūhdūo dutigū ohō saha niboā yūhū pehe: “Tiquina ye buhirire yūhū pehe pecarū wahaētja. Sa yero tiquina ye buhirire yūhū pehere buhiri dahreahro Cristo”, niboā yūhū. ⁴ Tiquina yūhū acaye Israe mūnāno panamena iji turiayequina ijire. Sa yero Cohācjū pohne ijiatiquinare cūahye Cohācjū tiquinare. Sa yero Cohācjū tiquiro asi siteye mehna

tiquina watoa ijie tiahye. Sa yero tiquina ijipihtiequinare tiquiro masare tiquiro yūhdūoatire yahue tiahye tiquinare. Sa yero Moiserē tiquiro dutirire duita cū mūhtahye Israe masare. Sa ye Cohācjūre ño peoati wūhūre ye mūhtae tiahye tiquina. Sa yero tiquinare tiquiro quehnoano yeatire yahue tiahye Cohācjū. ⁵ Usā ye cururi waro doce cururi waro ijire. Sa yena usā ñecusūmūa iji mūhtariquina mūnarū tiquina panamena iji turianarū ijiāja usā Israe masa. Sa yero mari yero saha pagū tiriquire ahtaro, usā acayūro Israe masūno waro ijire Cristo. Tiquiro Cohācjūta ijire. Sa yero tiquiro ijipihtiequina pūhtoro ijire. Ijipihtie decori tiquirore quehnoano ño peouhna mari. Sa ño peoducuuhna.

⁶ Apequina Israe mūnāno panamena iji turiayequina ijiepetā Cohācjū yequina waro ijierare. Sa yena tiquina tiquiro yequina ijieragū ihñana ohō saha ni tūhotuboa mūsa: “ ‘Israe masare yeequina ijigū yeitja’, nieperota ihquēquinare Cohācjū tiquiro nidiro sahata yere”, ni tūhotuboa mūsa. Sa ni tūhotueracāhña. ⁷ Ohō saha ijire: Apequina Israe masa Abrahā panamena iji turiayequina tiquina ijiepegūta “Abrahā panamena iji turiayequina waro ijire”, ni ihñedare Cohācjū tiquinare. Sa yero ohō saha niahye Cohācjū: “Mūhū macū Isaac panamena iji turiayequina tiquina pūrīta potota mūhū panamena iji turiayequina waro ijieta”, niahye Cohācjū Abrahāre. ⁸ Tiquiro sa ni yahugū ahrire masinata mari: Abrahā panamena tiquina masa bajuari bato duita Cohācjū pohne wahaēdaga tiquina. Cohācjū tiquiro ni cūrīre quehnoano tūhoyequina tiquirore wacū tutuayequina pehe tiquinata ijiāga Cohācjū pohne. Sa ye tiquinata ijire Abrahā panamena iji turiayequina waro. ⁹ Ohō saha niahye Cohācjū Abrahāre: “Ape cūhma ahri pje borota yūhū ma-

jare tojoa tagũ m̃h̃u namono Sara nijinogãre c̃orota m̃h̃u mac̃ure”, niahye Cohãcjũ Abrahãre. Sa nino Cohãcjũ Abrahã mac̃ano tiquiro masa bajuatire yahuyuro niahye.

¹⁰ Came Isaac namono Rebeca wame tiricoro duita p̃aro pohna tiahye. Tiquina pac̃aro Isaac usã ñec̃u m̃ñano iji turiariquiro ijiahye. ¹¹⁻¹² Sa ye tiquina pohne tiquina masa bajuato pano quehnoañene, ñañe gãh̃ure tiquina yeato pano Cohãcjũ tiquina pac̃oro ijiaticorore ohõ saha nie tiahye: “Tiquiro bah̃uro pehe tiquiro wahminore dutirota. Sa yero tiquiro p̃ah̃toro ijirota”, nie tiahye tiorore. Cohãcjũ tiquiro cahmeno sahata besere tiquiro. Sa beseriquiro ijiro ihcãquirogãre besero tiorore sata ni yahue tiahye. Sa yero masa tiquina yeyere ihñedaperota tiquiro cahmeno sahata tiquiro yequina ijiatiquinare besere. ¹³ Sata ni ojoahye tiquiro yere tiquina ojoari p̃up̃u: “ ‘Jacob pehere cah̃e tii. Sa yeg̃u Esau pehere cah̃eda tii’, niahye Cohãcjũ”, ni ojoahye panop̃u.

¹⁴ ¿Tire wac̃una dah̃se ni tuhotuboari mari? ¿Tiquina yeyere ihñedaperota ihcãquirore sa besero Cohãcjũ queoro yeraboari, m̃sa tuhotugũ? Ijierare.

¹⁵ Ohõ saha nie tiahye Cohãcjũ Moiserere: “Ỹh̃u cahmediquiro dihitare paja ihñat̃ja”, niahye tiquiro Moiserere. Sa yero ihcãquirore sa besero potota yero niahye Cohãcjũ.

¹⁶ Sa yena mari esa tuharo mari cahmeno saha Cohãcjũre marine paja ihñagũ yeraja mari. Sa yero ne mari quehnoañene mari yeri wapa gãh̃ure marine paja ihñedare tiquiro. Tiquiro esa tuharo tiquiro cahmeñequina pehere paja ihñare.

¹⁷ Sa yero sata tiquiro esa tuharo yeahye Egipto cjẽna p̃ah̃toro gãh̃ure. Ohõ saha niahye Cohãcjũ tiquirore faraõre: “Egipto cjẽna p̃ah̃to ijiac̃jũre c̃ũg̃u nii m̃h̃ure ỹh̃u tutuayere ijipihtiyequinare ỹh̃u ihñoatire. Sa yeg̃u ijipihtiye yehpari cjẽna ỹh̃ure tiquina masiatire p̃ah̃to s̃ou nii ỹh̃u m̃h̃ure”, niahye Cohãcjũ tiquirore.

Ohõ sahata nine Cohãcjũ yere tiquina ojoari p̃up̃u. ¹⁸ Sa yero tiquiro cahmeñequinare tiquiro esa tuharo paja ihñare tiquiro. Sa yero tiquiro esa tuharo apequinare yahtieragũ yere tiquiro. Sa yero Cohãcjũ tiquiro cahmediro sahata yere.

¹⁹ Tiquiro sa yeriquiro ijigũ ihñana ỹh̃u pehere ohõ saha niboaga m̃sa: “Cohãcjũ marine tiquiro cahmediro sahata tiquiro yegũ mari pehe tiquirore ỹhd̃ud̃uca masisi. ¿Mari sa ỹhd̃ud̃uca masiedapegũta dah̃se ijiro boro marine buhiri dah̃re duajari tiquiro?” ni pihop̃uri sinituboaga m̃sa ỹh̃ure. ²⁰ Ohõ saha ni yahtiaja m̃sare: “¿Masa ihyo ijina ijiepenata Cohãcjũre tuhtiajari m̃sa? Dihi sutu dah̃reriquirore ¿Dah̃seg̃u ỹh̃ure ohõ saha ijiri sutu yeri m̃h̃u?” ti sutu ni sinituboriro saha nina niaga m̃sa Cohãcjũre. Sa ni masiedare m̃sa. ²¹ Dihi sutu dah̃reriquiro dihi mehna tiquiro cahmeno sahata yere. Sa yero quehnoañene pose yeati suture ye masine tiquiro. Tia dihi ỹb̃u mehnata ihyo ijiyere pose yeati sutu gãh̃ure ye masine tiquiro. Tiquiro yero saha Cohãcjũ gãh̃u tiquiro ye duaro sahata yere.

²² Sa yero Cohãcjũ pecap̃u tiquiro cohãtiquinare tiquina ñañe yerire tiquiro ihña usuario tiquinare buhiri dah̃re duamahye. Sa buhiri dah̃re dueperota, yoari pje tiquina ñañe yeyere sa ihña cãriahye, ijipihtiyequinare tiquiro buhiri dah̃reatire, tiquiro tutuayere ihñono taro. ²³ Sata yeahye Cohãcjũ tiquiro quehnoa butiariquiro tiquiro ijiyere, tiquiro tutuaye gãh̃ure mari masiatire. Panop̃u marine tiquiro paja ihñanohanajare tiquiro beseahye, ijipihtiye tiquiro tutuayere tiquiro quehnoañene mari c̃oatire. ²⁴ Sa yena mari pehe tiquiro beserina ijinata naja. Sa ye tiquiro beseriquina pehe ihquẽquina judio masa dihita ijierare. Ihquẽquina judio masa ijieyequina gãh̃u ijire tiquiro beseriquina. ²⁵ Sata nine judio masa ijieyequinare Cohãcjũ

yere Osea m̄n̄n̄ano tiquiro ojoariro sahata:

Yeequina ijieyequina ḡh̄ure camep̄u tiquinare “Yeequina ijire”, ni-itja. Sa yeḡu ȳh̄u cah̄eñequina ḡh̄ure camep̄u tiquinare “Ȳh̄u cah̄ina ijire m̄sa”, niitja, niahye Coh̄c̄j̄. ²⁶ “Yeequina ijierare m̄sa”, Coh̄c̄j̄ tiquiro nimedi yehpari c̄j̄na tiquina Coh̄c̄j̄ catiriquiro poh̄neta ijiet̄a, ni ojoahye Osea panop̄ure.

²⁷ Sa yero panop̄u c̄j̄no Isaia m̄n̄n̄ano Israe masare oh̄o saha ni yahuahye: “Pajiri ma c̄j̄ pad̄u p̄jeriḡare mari queona c̄uedaja. Israe masa ti pad̄u p̄jeriḡa yero saha ijiyequina peyequina ijiepeḡuta meheñequinaḡa Coh̄c̄j̄ ȳhd̄orota tiquinare. ²⁸ Coh̄c̄j̄ ahri yehpa c̄j̄nare peyequina masare sojaro mehna potota buhiri dahre mado-queorota”, niahye Isaia. ²⁹ Sa yero pari turita oh̄o saha ni ojoahye Isaia: Mari p̄h̄toro ijipihtiequina p̄h̄toro meheñequinaḡa mari mehna c̄j̄nare ȳhd̄oeraro, marine judio masare ijipihtinare butiḡu yeboya tiquiro. Sodoma c̄j̄nare, Gomorra c̄j̄na ḡh̄ure tiquiro butiḡu yeriro sahata mari ḡh̄ure butiḡu yeboya tiquiro, ni ojoahye Isaia ȳh̄u acaye Israe masare tiquiro yeato panop̄u.

Judio masa quehnoañe buheyere cahmedahye

³⁰ Sa tjire. Sa yena ahrire masi nemoña m̄sa: Judio masa ijieyequina Coh̄c̄j̄re macaedapeta tiquirore bocare. Jesucristore tiquina wac̄u tutuaḡu, “Quehnoañequina ijire”, ni ih̄nari tiquinare Coh̄c̄j̄. ³¹ “Coh̄c̄j̄ dutiyere mari yeḡu tiquiro marine ȳhd̄orota”, niñe judio masa pehe Coh̄c̄j̄ Moisere tiquiro dutiyere yepeta, c̄uedari. Sa yero ti dutiyere tiquina yepeḡuta Coh̄c̄j̄ “Quehnoañequina ijire”, ni ih̄nedari. Sa ye quehnoañequina iji duepeta c̄uedari. ³² Oh̄o saha ye,

tiquina c̄uedari: Tiquina Coh̄c̄j̄re wac̄u tutuaro marieno tiquina esa tuharo Moisere tiquiro dutirire ye duamedi, tiquiro yequina iji du-aye. Mari queoye mehna buheḡu Cristo ut̄a yero saha ijiriquiro ijire. Omaperiquiro ut̄ap̄u doque wah̄a sa bora quehero, tiquiro esaborirore ne eserare. (Tiquiro yero saha tiquina Cristore ut̄a yero saha ijiriquirore cahmeeñequina Coh̄c̄j̄ cahap̄u ne esasi.) ³³ Sata ni ojoahye Coh̄c̄j̄ yere tiquina ojoari p̄p̄u:

Jerusalē wame tiri macap̄u ut̄a yero saha ijiriquirore c̄ḡu niaja. Mari queoye mehna buheḡu oh̄o saha ijire: Omaperiquiro ut̄ap̄u doque wah̄a sa bora quehero tiquiro esaborirore eserare. (Tiquiro yero saha ti maca c̄j̄na ut̄a yero saha ijiriquirore tiquina cahmedari buhiri Coh̄c̄j̄ cahap̄u ne esasi. Tiquiro pehe tiquinare top̄ure waha dutisi.) Sa ye tiquirore wac̄u tutuayequina pehe quehnoano bucueeta, ni ojoahye.

10

¹ Ȳh̄u acaye, Israe masare pecap̄u wahaboriquinare Coh̄c̄j̄ tiquiro ȳhd̄oatire, tutuaro ȳh̄u jeripohna mehna cahmes̄ja ȳh̄u. Sa yeḡu Coh̄c̄j̄ tiquinare tiquiro ȳhd̄oatire sini basaja ȳh̄u. ² Potota tiquina Coh̄c̄j̄ cahmeñene ye duamene. Sa ye duepeta tiquiro cahmeñene masiedare. ³ Sa ye tiquinare Coh̄c̄j̄ tiquiro quehnoañequina wahaḡu yeborire tiquina masiedare. Sa masiedaye tiquina esa tuharo quehnoañene yepeta, c̄uedari. Tiquina sa yeḡu Coh̄c̄j̄ tiquiro wac̄u tutua dutiriro sahata tiquina yeraḡu ih̄n̄ano, tiquiro pehe tiquinare “Quehnoañequina ijire”, ni ih̄nedari. ⁴ Ijipihtiequinare Cristore wac̄u tutuayequinare “Quehnoañequina ijire”, ni ih̄n̄are Coh̄c̄j̄. Sa yena dutiye yeye mehna ȳhd̄u witieraja mari. Cristo mehna ȳhd̄uaja.

5 Moise manano panopure cãno ohõ saha ni ojoahye: “Cohãcjũ dutirire mari duhuro marieno ye pehogũ Cohãcjũ yãhdũorota marine”, ni ojoahye tiqiro. 6-7 Tiquiro sa ni ojoaepẽgũta yojopure masa Cristore tiquina wacũ tutuagũ Cohãcjũ tiquinare “Quehnoañequina ijire”, ni ihñare. Ti buheye quehnoañequina wahagũ yeri buheye ohõ saha ni yahure: Cristo tiqiro basi ahri yehpapũ wihi tuhasari jiri. Sa yero masa mũja tuhasari jiri. Sa yena ohõ saha ni tãhotueracãhña mũa: “¿Diquiro pehe ãhmũsepũ Cristore ne cãhta basaro wahaboagari marine tiqiro yãhdũoato saha? ¿Diquiro pehe yariariquina cahapũ Cristore maso basaro ne cãhtaboagari? Tiquirore ne cãhtaboriquiro mariedare”, ni tãhotueracãhña mũa. 8 Sa yero ohõ saha ni yahure Cohãcjũ yere tiquina ojoari pũpũ: “Cohãcjũ ye buheyere mari macagũ ti buheye ohõpũ ijire. Ti buheyere masi tuhasare mũa. Sa yena ti buheyere yahuducue tire mũa”, ni ojoahye. Ti buheyere Cristore wacũ tutuaye buheyere masare yahuaja mã. 9 Ti buheye ohõ saha ni yahure: “Jesu mari pãhtoro ijire”, ni mari yahugũ, “Cohãcjũ Jesure yariariquirore potota masori”, ni mari tãhotugũ, Cohãcjũ marine pecapũ wahaborinare yãhdũorota. 10 Jesure mari wacũ tutuagũ Cohãcjũ pehe marine “Quehnoana ijire”, ni ihñanota. Sa yero Jesure mari wacũ tutuayere apequinare mari yahugũ tiqiro marine pecapũ wahaborinare yãhdũorota.

11 Ohõ saha nine Cohãcjũ yere tiquina ojoari pũpũ: “Cohãcjũre wacũ tutuayequina tiquirore tiquina wacũ tutuarire ne bũjũa wĩtisi”, niahye Cohãcjũ yere tiquina ojoari pũpũ. 12 Judio masare, judio masa ijieyequina gũhũre Cohãcjũ ihcãno saha yedohore. Mari pãhtoro ijipih̄tiyequina pãhtoro ijire tiqiro. Sa yero ijipih̄tiyequinare tiquirore siniñequinare quehnoano pajiro ohorota tiqiro. 13 Ohõ saha ni

ojoahye panopure: “ ‘Yũhũ ñañene cohãña. Sa yegũ yũhũre yãhdũoya’, ni mari pãhtoro masa tiquina sinigũ tiquinare pecapũ wahaboriquinare mari pãhtoro yãhdũorota”, ni ojoahye Cohãcjũ yere. 14 Sa ye masa Cristore wacũ tutueraye tiquirore sini masiedare tiquina. Sa ye tiqiro buheyere tãhoeraye, tiquirore wacũ tutua masiedare. Sa ye tiqiro buheyere yahuriquiro mariedagũ tire tiquina ne masisi. 15 Sa ye tiqiro ye buheyere yahuatiquinare Cohãcjũ pehe tiqiro ohoeragũ tiqiro ye buheyere yahu masiedare. Tire ojoahye Cohãcjũ yere tiquina ojoari pũpũ: “Quehnoañe buheyere yahuatiquina tiquina ahtagũ ihñana quehnoano bucueaja mari”, ni ojoahye panopure.

16 Ti sa ijiepegũta masa peyequina quehnoañe buheyere tãho dũerare. Sata ni ojoahye Isaia manano: “Pãhto, tiquinare mari yahurire tiquina ne tãho dũerari”, ni yahuahye Isaia Cohãcjũre. 17 Sa ye masa quehnoañe buheyere tãhoye Cristore wacũ tutuari. Sa ye Cristo yequina tiqiro yere tiquina yahugũ, tiqiro ye buheyere tãhore masa.

18 Sa yegũ ahrire sinitu duaja mãsare: ¿Israe masa Cohãcjũ yere tãhoera tiari, mãsa tãhotugũ? Poto waro tiquina tãhomedĩ. Sata nine Cohãcjũ yere tiquina ojoari pũ gũhũ: Cohãcjũ yere yahuyequina ijipih̄tiropũ yahu siteye wahari. Sa ye ijipih̄tiro cãnapũ tiqiro yere tãhori, ni ojoahye panopũ.

19 Pari turi mãsare sinitu duaja tja: ¿Israe masa tãhoepeta quehnoano masiedari tiquina, mãsa tãhotugũ? Masie timahye. Ahrire yahu nemogũ Moise nidire yahu mãhtaũtja. Ohõ saha ni ojoahye tiqiro:

Ohõ saha ni yahure Cohãcjũ Israe masare: “Tãho masieñequina, ñañequina, ihyo ijieyequina ijire”, ni mãsa ihñañequinare yeequina ijiatiquina yeitja. Yũhũ sa yegũ mãsa pehe

tiquinare ihña coonata. Sa yegu musare usuagũ yeitja yuhũ, ni yahuri Cohãcjũ Israe masa ijieyequinare tiquiro yequina ijigũ yero taro, ni ojoahye Moise.

²⁰ Ape pũpũre Isaia cuero marieno ohõ saha niahye:

Ohõ saha nine Cohãcjũ: Yuhũre macaedariquina pehe yuhũre bocari. Sa yegu yuhũre cahmeeñequinare tiquinare yuhũre masigũ yei yuhũ, nidi Cohãcjũ, ni ojoahye Isaia judio masa ijieyequinare.

²¹ Israe masa pehere ohõ saha ni ojoahye Isaia: “Ohõ saha nine Cohãcjũ: Tiquina yuhũre yuhũdũdũcayequina, yuhũre cahmeeñequina ijire. Sa yegu tiquinare tiquina ñañene bujũa witi dutigu Yeequina ijiya’, sa niducumi tiquinare”, nidi Cohãcjũ, ni ojoahye Isaia.

11

Meheñequinagã Israe masare pecapũ wahaboriquinare yuhũdũorota Cohãcjũ

¹ ¿Sa yero Israe masare Cohãcjũ tiquiro beseriquinare yojopũre cohãyari tiquiro, musa tũhotugũ? Ijierare. Tiquinare cohãedari tiquiro. Yuhũ gũhũ Israe masũ, Abrahã panami iji turiagũpũ ijiaja. Sa yegu Benjami ya curua cjũ ijiaja yuhũ. ² Panopũ Israe masare Cohãcjũ besee tiahye. Tiquiro sa beseriquinare cohãedari. Cohãcjũ yere tiquina ojoari pũpũ Elia mũnano tiquiro yerire yahure. ¿Ti pũpũ Israe masare Elia Cohãcjũre tiquiro yahusãrire masiedajari musa? Ohõ saha ni yahusãhye tiquiro: ³ “Pũhto Cohãcjũ, tiquina Israe masa mũhũ yere yahu mũhtariquinare wejedi. Sa ye tiquina mũhũre wacũ usã ño peoye altarire cohãri. Sa yegu yuhũ dihita mũhũ yaquiro dũhsaja yojopũre. Yuhũ sa ijigũ tũhoye yuhũ gũhũre wejẽ duare tja, yojopũre”, niahye Elia Cohãcjũre. ⁴ Tiquiro sa nigũ

tũhoro Cohãcjũ pehe ohõ saha ni yũhtiahye Eliare: “Siete mil mũmũa yeequina ijire yojopũre. Tiquinare ihbou yuhũ. Baal wame tiriquire queoyere ne ño peera tiri tiquina, yeequina”, niahye Cohãcjũ Eliare panopũre cue dutieraro. ⁵ Ti pjere Elia tiquiro ijiri pjere tiquiro yequina masare beseriro sahata yojopũ gũhũre meheñequinagã Israe masare tiquiro yequina ijiatiquinare beseri jiri Cohãcjũ. Cohãcjũ tiquinare paja ihñano beseri jiri. ⁶ Quehnoañene tiquina yeri wapa tiquinare beserari jiri. Tiquinare paja ihñano beseri jiri. “Quehnoañene musa yeri wapa musare beseitja”, nino, tiquiro tiquinare potota paja ihñano niedaboya.

⁷ Sa ye ohõ saha ijire. Israe masa Cohãcjũ tiquinare “Quehnoañequina ijire”, tiquiro ni ihñagũ cahmepeta tiquina ihcãno sahaerari. Cohãcjũ tiquiro basi tiquiro beseriquina pehe quehnoañequina tiquiro yequina wahari jiri. Apequina pehe tiquirore ihcãno sahaeraye, tiquina pehe tiquiro yere tũho duerari. ⁸ Sata niahye Cohãcjũ yere tiquina ojoari pũpũ: “Cohãcjũ tiquirore cahmeeñequinare tiquiro yere tũhoeyequina ijigũ yeri. Sa yero potota ijiyere tiquina tũhopegũta tiquinare quehnoano tũhogũ yerari Cohãcjũ. Sata ijiducure tiquina yojopũ gũhũre”, ni ojoahye panopũre. ⁹ Sa yero ohõ saha niahye Davi panopũ cjũno Cohãcjũre:

Tiquina Israe masa tiquina bose decori tiquina bucueye decori yeye, ñano yere tiquina. Tiquina sa yegũ ihñagũ buhiri dahreya mũhũ. ¹⁰ Tiquinare quehnoano tũhoeragũ yeya mũhũ. Sa ye sa buhiri tiducueyehina ijiaho tiquina. Sa ye sa bujũa witiducuenta, niahye Davi Cohãcjũre.

Judio masa ijieyequinare pecapũ wahaboriquinare yuhũdũorota Cohãcjũ

11 Judio masare Cristore tiquina cahmedagũ ihñano Cohãcjũ tiquinare cohãno, cohã bo cãno niboari, m̄sa t̄hotugũ? Cohã bosì tiquinare. Sa cohãedaperota tiquina Cristore tiquina cahmedagũ yojop̄are judio masa ijieyequina pehere Cohãcjũ ȳhd̄orota. Yojop̄are tiquinare tiquiro yequina wahagũ yeri Cohãcjũ. Tiquiro sa yegũ ihñañe ihquẽquina judio masa pehe tiquinare ihña cooboa.

12 Judio masa tiquina ȳhd̄ud̄cagũ tiquina quehnoano yeragũ apequina pehere ahri yehpa cjẽnare ihquẽquinare Cohãcjũ ȳhd̄ori. Tiquiro sa ȳhd̄ogũ tiquina pehere quehnoano wahari. Tiquiro sa yeriro ȳhd̄oro, came judio masa pehe Cristore tiquina quehnoano wacũ tutua d̄cagũ p̄iritare ahri yehpa cjẽnare quehnoa ȳhd̄aro waharota.

13 Yojop̄are m̄sare judio masa ijienare yahugũ t̄m̄ niaja. Cristo c̄uri ȳh̄are judio masa ijieyequinare buheacj̄are. Sa buhegũ ihyo waro yei niedaja. 14 Sa niaja ȳh̄m̄ acayere judio masare m̄sare tiquina ihña coogũ ye duagũ. Cohãcjũ ȳhd̄orina m̄sa ijigũ ihñañe tiquina ḡh̄m̄ Cristore cahme, tiquiro ȳhd̄oriquina wahaboa. 15 Judio masare mehenogã cohãbo curero, judio masa ijieyequina pehere quehnoañe buheyere Cohãcjũ yahu d̄utiri. Ti buheyere tiquina t̄hori bato Jesure tiquina wacũ tutuari bato ihquẽquina ahri yehpa cjẽna Cohãcjũ yequina wahari. Sa ye judio masare mehenogã tiquiro cohãbo curegũ quehnoano wahari ahri yehpa cjẽnare. Tiquiro sa yeriro ȳhd̄oro judio masare tiquiro yequina ijiatiquina tiquiro yegũ p̄rita quehnoa ȳhd̄aro waharota ahri yehpa cjẽnare. Tiquiro yequina tiquina wahagũ peyequina masa Jesure wacũ tutuayequinare pecap̄m̄ wahaboriquinare ȳhd̄orota.

16 Ohõ saha ijire: Mehenogã trigo ȳb̄m̄ Cohãcj̄are ño peo tiquina duhu peori ȳb̄m̄ quehnoari ȳb̄m̄ Cohãcjũ tiquiro yegũ, d̄hsari ȳb̄m̄ ḡh̄m̄ quehnoari ȳb̄uta ijire. Sa

yero yuc̄ḡm̄ n̄h̄cori quehnoagũ, t̄m̄ d̄p̄ari ḡh̄m̄ quehnoañe d̄p̄ari ijire. (Ohõ saha mari ni queoye mehna buhegũ Abrahã usã ñec̄m̄ manano quehnoariquiro tiquiro ijiriro sahata tiquiro panamena iji turiayequinap̄m̄ ḡh̄m̄ quehnoañequina ijietã Cristore wacũ tutuayequina ijiye.)

17 Ihquẽquina sa ijiatiquina tiquina ijiepegũta apequina tiquina acaye pehere judio masare Cohãcjũ mehenocohãbo cureri. Olivo wame tid̄m̄ d̄p̄arire ihquẽ d̄p̄arire tiquiro d̄te cohãboriro saha apequina judio masa pehere Cohãcjũ mehenocohãbo cureri. Sa yuc̄ḡm̄ d̄p̄arire cohãno tiquiro cohãri d̄p̄ari ijirirop̄m̄ apeye d̄p̄arire n̄c̄m̄ cjãnm̄ olivogũ d̄p̄arire camesa doho ohõri. Sata Cohãcjũ m̄sare judio masa ijienare Abrahã panamena iji turianare comesari m̄sare, m̄sa ḡh̄are ȳhd̄oro taro.

18 M̄sare tiquiro sa c̄gũ “Judio masa ȳhd̄oro quehnoana ijiaja usã”, ni t̄hotueracãhña. Ahrire ȳh̄m̄ yahuatire wacũña m̄sa: Judio masa pehere bese m̄htahye Cohãcjũ. Sa besero tiquina acayuro ijiatiquirore c̄uh̄ye Cristore, marine ȳhd̄oro taro. Sa yena “Judio masa ȳhd̄oro quehnoana ijiaja”, ni t̄hotueracãhña m̄sa.

19 M̄sa judio masa ijiena pehe ohõ saha niboã: “Ihquẽ ñañe d̄p̄arire tiquiro cohãboriro saha Cohãcjũ judio masare cohãbo cureri ihquẽquinare. Sa cohãbo cureri tiquiro apeye d̄p̄arire camesa tiquiro doho ohõno saha tiquiro yequina marine c̄no taro”, niboã m̄sa judio masare ȳhd̄ud̄ca duana. 20 Ti m̄sa niñe ijirota ijire. Sa ijiepegũta tiquina Jesure tiquina wacũ tutuerari buhiri Cohãcjũ cohãbo cureri tiquinare. Sa yero m̄sa ḡh̄are Jesure m̄sa wacũ tutueragũ tiquiro yequina ijianaja m̄sare c̄edaboaya. Sa yena “Judio masa ȳhd̄oro quehnoana ijiaja usã”, niedacãhña m̄sa. Sa niedana Cohãcj̄are quehnoano ño peoya. 21 Æhm̄m̄ tãñe d̄p̄ari yero saha judio masa pehe Cohãcjũ yequina

iji mahtahye. Tiquiro comesari dɔpɔrɔre tiquiro doho ohōboriro saha camepɔ Cohācjũ tiquiro yequina mɔsa pehere cūahye. Sa yero tiquiro yequina iji mahtariquina judio masa tiquirore tiquina wacũ tutueragũ, tiquinare cohābo cureri. Tiquinare tiquiro cohāriro saha mɔsa gũhare cohānota, tiquirore mɔsa wacũ tutueragũ. Sa yena Cohācjũre quehnoano ño peoya mɔsa. ²² Cohācjũ mɔsare quehnoano yeriquiro tiquiro ijigũ masiña mɔsa. Sa yena cua pesaro mehna buhiri dahreriquiro tiquiro ijigũ gũhare masiña mɔsa. Tiquirore ño peoyequinare tiquiro buhiri dahrerota. Sa mɔsa tiquirore ño peoducugũ pũrita mɔsare quehnoano yerota tiquiro. Ño peoerana ñaŋe dɔpɔrɔre tiquiro cohāboriro saha mɔsa gũhare cohānota Cohācjũ. ²³ Sa yero judio masa tiquiro cohābo cureriquina Cristore tiquina wacũ tua dɔcagũ, yucugũ dɔpɔrɔre masa tiquina doho ohōno saha Cohācjũ tiquiro yequina ijigũ yerota tiquinare. Cohācjũ tiquiro sa yeati tutuayere cɔori. Sa yero tiquiro tiquinare ihquēquinare tiquiro yequina wahagũ yerota. ²⁴ Mɔsa judio masa ijiena ijina, nɔcɔ cjānɔ olivogũ dɔpɔri yero saha ijire mɔsa. Sa ijina mɔsa ijiepegũ olivogũ otedɔpɔ nɔcɔ cjē dɔpɔrɔre masa tiquina ohōno saha Cohācjũ mɔsare tiquiro yequina ijigũ yerota. Judio masa Cohācjũ tiquiro bese mahtariquina ijire. Sa yero tiquiro bese mahtarina mɔsa ijierapegũta tiquiro yequina mɔsare ijigũ yeri tiquiro. Judio masare tiquiro bese mahtariquina pehere tiquiro yequina ijigũ ye duare. Tire tiquiro yegũ mɔsare yero yɔhdɔoro mijoeda cjũre.

Came judio masare pecapɔ wahaboriquinare yɔhdɔorota Cohācjũ

²⁵ Yɔhɔ acaye, ahrire masa tiquina masiedarire mɔsare yahutja. “Yojopɔre ɔsã dihitare besere Cohācjũ. Ʋsã pehe masi peho cjã”, mɔsa ni

tɔhotuerato saha ahrire yahutja. Ohō saha ijire: Yojopɔre peyequina judio masa Cohācjũre tɔho duasi. Sa ye peyequina judio masa ijieyequinare Cohācjũ tiquiro queoriro puno tiquiro yequina tiquiro yeri bato judio masa pehe tiquirore cahmeeta. ²⁶ Tiquina sa cahmegũ ijipihtiyequina tiquirore cahmeŋequinare judio masa pecapɔ wahaboriquinare Cohācjũ yɔhdɔorota. Cohācjũ yere tiquina ojoari pũpɔ sata ni ojoahye:

Jerusalē wame tiri macapɔ judio masa ya macapɔ tiquinare yɔhdɔotiquiro ahtarota. Sa yero Jacob panamena iji turiayequinare tiquina ñaŋe yerire tiquiro cohānota. ²⁷ Sa yegũ tiquinare yɔhdɔogũ panopɔ tiquinare yɔhɔ ni cũriro sahata yei niaja, nidi Cohācjũ, ni ojoahye Cohācjũ yere tiquina ojoari pũpɔ.

²⁸ Yojopɔre tiquina judio masa Cristo yere ño peoyequina Cohācjũre ihña tuhtire. Tiquina sa yegũ yojopɔre mɔsa pehe judio masa ijiena Cristore wacũ tutua dɔcari. Judio masa pehere Cohācjũ bese mahtahye. Sa yero judio masa ñecɔsumɔa mɔna panopɔ cjēna tiquiro beseriquina tiquina ijigũ yojopɔ ijieyequina judio masa gũhare tiquiro cahŋe. ²⁹ Cohācjũ tiquiro ni cũriro sahata masare tiquiro beseriro sahata potota yerota tiquiro. Tiquiro nidire bosu tiquiro. ³⁰ Panopɔre mɔsa gũhɔ Cohācjũre yɔhdɔɔcari jiri. Yojopɔre judio masa Cohācjũre tiquina yɔhdɔɔcagũ ihñano tiquiro mɔsa pehere paja ihñano yɔhdɔori. ³¹ Yojopɔre judio masa tiquirore yɔhdɔɔcari. Tiquina sa yepegũta Cohācjũ mɔsare tiquiro paja ihñariro sahata tiquina gũhare camepɔre paja ihñanota. ³² Ohō saha ijire: Ijipihtiyequina masare “Buhiri tiyequina ijire”, nine Cohācjũ. Sa yero ijipihtiyequina buhiri tiyequina tiquina ijigũ ihñano ijipihtiyequinare paja ihña masine tiquiro.

³³Yohou. Cohãcjũ tutua yũhdũariquiro saha ni yahu nemoutja yũhũ: Mari ijiajari. Quehnoano masi pehoriquiro ijire tiquiro. Sa yero tiquiro tũhotuyere, tiquiro yerire marine quehnoano masino basioerare. ³⁴Ohõ saha ni ojoahye Cohãcjũ yere: “Cohãcjũ mari pũhtoro tiquiro tũhotuyere ne masa quehnoano masiedare. Sa ye masa tiquirore ‘Ohõ saha yeya’, ni masiedare. ³⁵Sa ye masa Cohãcjũre apee borore tiquina ohoi bato ‘Tiquiro marine wapamore’, ni masiedare masa”, ni ojoahye panopũre. ³⁶Cohãcjũ ijipihtiyere yeahye. Sa yero tiquiro tutuaye mehna ijipihtiyere ijigũ yere tiquiro. Sa ye ijipihtiyere tiquiro ye ijire. Tiquiro sa ijiriquiro ijigũ ijipihtiyere decori tiquirore ño peouhna mari. Sata yeducuuhna.

12

Cohãcjũ cahmeñene marine yeducu dutiahye Pablo

¹Cohãcjũ marine tutuaro paja ihñari. Tiquiro sa paja ihñariquiro ijigũ ihñana yũhũ acaye, mũsa basita Cohãcjũ yere yeducuya. Sa yena quehnoañe pehere comesarina, ñaño mariena ijiya. Mũsa sa ijigũ tiquiro bucuero. Sata yero cahmene marine Cohãcjũre ño peona. Sa yegũ mũsare tire tutuaro ye dutiaja. ²Ahri yehpa cjẽna ñañoquina tiquina yero saha ye nemoedacãhña mũsa. Sa yena mũsa tũhotuyepũre quehnoañe pehere comesaya mũsa. Sa yena quehnoañe pehere comesarina ijinata mũsa. Sa comesana Cohãcjũ mũsare tiquiro ye dutirire masinata mũsa. Sa yena quehnoañene, Cohãcjũ cahmeñene, ñaño marieñene masinata mũsa.

³Cohãcjũ yũhũre paja ihñano mũsare buhe dutiro beseri yũhũre. Sa yegũ ijipihtinare mũsare ahrire ni dutieraja yũhũ. “Quehnoa yũhdũana iji yũhdũdũcaja usã”, ni tũhotueracãhña. Sa tũhotu cãhña. Jesure mũsa wacũ tutuari bato Cohãcjũ mũsare tiquiro yedohoro punota “To punota ye masiaja usã”, ni tũhotuya. ⁴Ohõ

omocari, mari dahpocãri, mari caperi, ijipihtiro mari pagũpũ ijiye peye ijire. Mari pagũpũ ijiye ihcã pagũpũ ijiepetata sijoro saha ijiye dahraye dihitare cũore. ⁵Mari queoye mehna buhegũ ahri yero saha ijire. Cristo pagũ yero saha ijina ihcã curuata ijiaja mari. Sa yena mari ijipihtina peyequina ijiepenata ihcã curuapũta ijiaja mari.

⁶Cohãcjũ marine tiquiro yedohoro punota tiquiro tutuaye mehna ye dutire. Sa yero maripe sijoro saha ijiye dahrayere cũre tiquiro. Tiquiro sa yegũ marine tiquiro cũrire mari quehnoano yeihna. Sa ye Jesu yequina ohõ saha yeahro. Ihquẽquinare Cohãcjũ tiquiro yere yahuatiquinare cũre. Sa ye tiquina Cristore tiquina masino puno tiquiro yere quehnoano yahuahro. ⁷Ihquẽquinare Cohãcjũ masare yedohoatiquinare cũre. Sa ye tiquina masare quehnoano mehna yedohoahro. Ihquẽquinare Cohãcjũ masare buheatiquinare cũre. Sa ye tiquina masare quehnoano buheahro. ⁸Masare bucuegũ yeatiquina ijiye, tire quehnoano yeahro. Sa ye apee borore ohoyequina quehnoano mehna jeripohna ti, pajiro ohoahro. Sa ye apequinare dutiyequina quehnoano mehna dutiaho. Sa ye pejecũoyequinare yedohoyequina bucueye mehna yedohoahro.

Jesu yequina ijina ohõ saha yena ijiya

⁹Apequinare cahña, potota cahña tiquinare. Sa yena ñaño ihña yabina ijiya mũsa. Sa yena quehnoañe pehere cahmeña. ¹⁰Mũsa bahanare mũsa cahño sahata Jesu yequinare mũsa mehna cjẽnare cahña. Sa yena mũsa mehna cjẽnare quehnoano cahme ño peoya.

¹¹Cohãcjũ cahmeñene yena, ne caperacãhña. Sa yena mari pũhtoro tiquiro dutiriro sahata quehnoano bucueye mehna yeya.

12 Cohãcjũ musare pecapũ waha-
borinare tiqũiro yãhdũorinapũ ijire
mũsa. Tire masina bucueya mũsa.
Sa yena ñano yãhdũna, ihcãno sahaya
“Cristo yere duhuari”, nina. Sa yena
Cohãcjũre sa siniducuya.

13 Apee boro Jesu yequinare
dãhsagũ ohoya tiqũinare. Sa yena
mũsa ye wãhũsepũ masa tiquina
esagũ quehnoano jeripohna ti,
tiqũinare piti caya.

14 Mũsare ñano yeyequina pehere
quehnoa dutiya. Sa quehnoa dutina,
tiqũinare “Ñano yãhdũcũnahdo”,
niẽdacãhña.

15 Apequina bucueyequina mehna
ijina mũsa gãhũ bucueya. Sa yena
utiyequinare ihñana, uti dohoya.

16 Mũsa mehna cjẽna mehna
quehnoano ijiya mũsa. Sa yena
“Apequina yãhdũoro quehnoana
ijiaja”, ni tãhotueracãhña. Ohõ saha
ni tãhotuya. “Ihyo ijina ijiaja”, ni
tãhotu, ihyo ijiyequina mehna ijiya.
Sa yena “Masi yãhdũdũcana ijiaja
ũsã”, ni tãhotueracãhña.

17 Apequina mũsare tiquina
ñano yepegũta, tiqũinare ñano
ye cahmedacãhña. Sa yena
quehnoañene yeya, quehnoana mũsa
ijiye tiyere ijipihtiyequina masa
tiquina masiatire. 18 Tutuaro mehna
quehnoañene yeya mũsa, ijipihtiye-
quina mehna mũsa quehnoano
ijiatire. 19 Mũsa yãhũ cahña, yãhũ
acaye apequina mũsare tiquina ñano
yepegũta tiquina yero saha ñano ye
cahmedacãhña. Cohãcjũ pehe mũsare
tiquina ñano yeri buhiri buhiri
dahreahro tiqũinare. Cohãcjũ yere
tiquina ojoari pũpũ sata ni ojoahye:
“Yãhũ pehe masa tiquina ñano yeri
buhiri buhiri dahreacjũ ijiaja. Sa
yegũ potota buhiri dahreitja’, nine
mari pãhtoro”, ni ojoahye panopãre.
20 Sa yena ohõ saha yeya mũsa:
“Mũsare ihña tuhtiriqũiro tiqũiro
ẽjũa ahbagũ ihñana nuña tiqũirore.
Tiqũiro aco wũogũ ihñana tiqũirore
sihõña. Mũsa sa yegũ ihñano tiqũiro
bũe tirota”, nine mari pãhtoro. 21 Sa
yena apequina mũsare tiquina ñano

yepegũta mũsa pehe tiqũinare ñano
ye cahmedacãhña. Sa yena tiqũinare
quehnoano yeya. Sa yena ñañene ye
duerana ninata mũsa.

13

1 Ijipihtiyequina pãhtoare Cohãcjũ
dihita cũre. Sa yero mũsa pãhtoa
gũhũre Cohãcjũ bese cũre. Tiquiro
sa cũriquina tiquina ijigũ ihñana
ijipihtina mũsa tiqũinare yãhtiya.

2 Mari bui cjẽna pãhtoare quehnoano
yãhtierana Cohãcjũ tiqũiro bese
cũriquinare yãhdũdũcana niaga
mari. Sa yãhdũdũcariquinare
Cohãcjũ pehe buhiri dahrerota.

3 Quehnoañequinare cwegũ yeatiquina
ijierare pãhtoa. Ñañene yeye-
quina pehere cwegũ yeatiquina ijire
tiquina. Quehnoañene yeya mũsa
pãhtoare mũsa cueratire. Sa yena
cuesi mũsa. Quehnoañene mũsa
yegũ pãhtoro pehe “Quehnoano yeri
mũsa”, mũsare ninota. 4 Mũsa pãhtoa
mũsare yedohoatiqũinata ijire mũsa
quehnoano ijiatire. Sa ye tiquina
mũsare buhiri dahreatiquinata
ijire. Ijipihtiyequina ñañene
yeriquinare buhiri dahre dutiro
Cohãcjũ tiqũinare beseri. Tiquina
sa buhiri dahreatiquina ijigũ ñañene
yena mũsa pãhtoare cueya. 5 Sa
yena mari pãhtoare yãhtina, tiquina
buhiri dahreatire cueracãhna. Sa
yena ño peoye mehna “Quehnoañene
yero cahmene yãhũre”, ni tãhoturo
mehna quehnoano yãhtihna. 6 Mũsa
pãhtoare tiquina dahrayere cũri
Cohãcjũ. Sa yena tiquina dahrayere
tiquina yegũ ihñana mũsa pãhtoare
wapa ne cohteyequinare wapa yere
mũsa.

7 Ijipihtiyequinare mũsa pãhtoare
quehnoano yãhtiya. Sa yena
pãhtoare wapa ne cohteyequinare
wapa yeya mũsa. Sa yena pãhtoa
pehe apeyere tiquina wapa ye dutigũ
gũhũre wapa yeya. Sa yena ijip-
ihtiyequina pãhtoare quehnoano
ñõ peoya. 8 Apequina masare
wapamoedacãhña. Tiquinare
cahño cahmene. Sa ye cahĩ

nemono cahmene. Tiquiro cahapũ ijiriquirore cahĩdiquiro Cohãcjũ dutiyere ye peho tuhasariquiro ijire. Sa yena m̄sa caha ijiyequina gũhare cahĩña. ⁹ Ohõ saha nine Cohãcjũ dutiye: “Apequiro namono mehna ñano yeracãhña. Masare wejẽdacãhña. Yaqueracãhña. Apequina yere tutuaro cahmedacãhña”, ni yahure tiquiro dutiye. Apeye dutiye gũhũ ijire. Sa ijiepegũta ihcãno dutirore m̄sare yahugũ tũhũ niaja. Ti dutiro ihcãno dutiro ijiepegũta ti dutirore yena, Cohãcjũ dutiyere ye pehona niaja mari. “Mũhũ basi mũhũ cahĩno saha mũhũ caha ijiyequina gũhare cahĩña”, nine ti dutiro. Ti dutirore yena Cohãcjũ dutiyere ye pehona ijina nine m̄sa. ¹⁰ M̄sa caha ijiriquirore cahĩna, tiquirore ñano yesi. Sa yena tiquirore cahĩna, Cohãcjũ dutiyere ye pehona nine m̄sa.

¹¹ Sa yena carĩnequina yero saha ijieracãhña m̄sa. Quehnoano wacũ masiña. Jesure quehnoano wacũ cohteya. Jesu marine tiquiro tojoa ta, tiquiro neato mehenogã dũhsatjiãre. Tiquirore mari coã masi dũcana, “Yoari batopũ marine yũhdũoro tarota Jesu”, ni tũhotumi. Mari sa ni tũhotuepegũta yojopũre mehenogã dũhsare Jesu marine tiquiro yũhdũoro ahtato. Ahri yũhũ nidire masine m̄sa. ¹² Yojopũre ñañene tiquina yeri deco ijire. Cristo tiquiro ahtagũ ahri deco pihtirota. Tiquiro ahtato mehenogã dũhsare. Tiquiro ahtato mehenogã dũhsagũ ihñana ñañene duhu pehocũhna mari. Sa yena Cohãcjũ cahmeñe pehere yeihna mari. Sa Cohãcjũ yere yena, ñañene duhu pehocũhna mari. ¹³ Sa yena quehnoañe pehere yeihna. Sa yena bõse decorire yena ñano yeracũhna. Sa yena queheracũhna. Sa yena wũana tina, apequina mehna ñano yena, cahme dũse tini wiana, ihña coona ijieracũhna. ¹⁴ Sa yena mari pũhtoro Jesucristo tiquiro yedohoye mehna quehnoano ijiya m̄sa. Sa yena ñañene m̄sa tutuaro

cahmeñene yeracãhña.

14

M̄sa acayere Jesu yequinare “Ñano yee nine”, ni yahu wajaeracãhña (1 Co 8.1-13)

¹ Jesure wacũ tutuariquiro Jesu yere tiquiro quehnoano masiedarĩgũ tiquirore quehnoano yedohoya. Sa yena Jesu yere tiquiro quehnoano masiedarĩgũ ihñana “Ne masiedare mũhũ”, ni cahme dũse tutueracãhña tiquiro mehna. ² “Ijipihtiyere ihya masiãja yũhũ”, ni tũhoture apequina. Sa ye apequina pehe Jesu yere quehnoano masiedarĩne, wahiquinare ihyeraye, oteye dũca dihitare ihyare. ³ Ijipihtiyere ihyayequina pehe oteye dũcare ihyayequinare ihña tuhtieracãhdo. Sa ye oteye dũca dihitare ihyayequina pehe ijipihtiyere ihyayequinare “Ñano yeye nine”, ni yahu wajaeracãhdo. Ijipihtiyere ihyayequina pehe Jesure wacũ tutuayequina tiquina ijigũ Cohãcjũ tiquinare tiquiro yequina ijigũ ye tuhasari. Tiquiro yequina tiquina ijigũ ihñañe wahiquinare ihyeyequina pehe tiquinare yahu wajaeracãhdo. ⁴ Jesure wacũ tutuayequina Cohãcjũ cahacjẽna ijire. Tiquina sa ijigũ ihñana m̄sa tiquinare yahu waja masiedare. Jesure wacũ tutuayequina Jesu cahmeno saha tiquina yeragũ ihñano tiquiro dihita tire yahu masine. Tiquina quehnoano yegũ gũhare tire yahu masine tiquiro tiquinare. Sa yero tiquiro pehe “Ñano yeri mũhũ”, ni yahuatiquiro ijirota. Sa yero tiquiro cahacjẽnare quehnoañene yeducu masigũ yeriquiro ijire Cohãcjũ.

⁵ Ihquẽquina ihcã decore Cohãcjũre tiquina ño peoati deco yere. Sa ye apeye decorire “Dahraye decori ijire”, ni tũhoture. Apequina pehe decoripe Cohãcjũre ño peoducure. Tiquina ihcãno saha sa yerariquina ijiepetã ijipihtiyequina ohõ saha ni tũhotuahro: “Jesu tiquiro cahmeno

sahata quehnoano yena niaja”, ni tūhotu masiahdo. ⁶ Masano ihcā deco tiquiro ño peoati deco yere Cohācjāre ño peoro taro. Sa yero decoripe ño peoducuriquiro Cohācjāre quehnoano ño peore tiquiro gūhū. Sa yero sijieriquiro gūhū ihyaro, Cohācjāre “Quehnoare”, ni sinine. Sa yero tiquiro gūhū ihyariquiro ijiro Cohācjāre ño peoriquiro ijire. Sa yero ihquē ihyayere sijiriquiro pehe tiquiro sijire Cohācjāre ño peoro taro. Sa yero tiquiro gūhū Cohācjāre “Quehnoare”, ni sinine.

⁷ Mari cahmeñe dihitare yena iji masiedaja mari. Cristo ijire mari pūhtoro. Sa yero mari catigū mari yariagū gūhūre mari pūhtoro ijire. ⁸ Yojopūre mari catiro puno Cristo yere yeana ijiaja mari. Tiquiro yequina ijiaja. Mari yariari batopū gūhūre tiquiro yequina ijinata. Sa yero mari catigū mari yariagū gūhūre Cristo mari pūhtoro ijire. ⁹ Sata ijire. Cristo yaria masa mājahye, catiyequina, yariariquina gūhū tiquina pūhtoro ijiro taro.

¹⁰ ¿Dūhsena tana mūsa acayūrore Jesu yaquirore “Ñano yero nine”, ni yahu waja duajari mūsa? ¿Dūhsena tana mūsa acayūrore cūhta diho cū duajari mūsa? Mari ijipihtina Cristo caha mari ducugū tiquiro pehe mari yerire masi pehoro, marine beserota quehnoana, ñana gūhūre. Tiquiro sa beseatiquiro ijigū mūsa acayūrore “Ñariquiro ijire” ni yahu wajaeracāhña. ¹¹ Cohācjū yere tiquina ojoari pūpū ohō saha ni ojoahye:

Ohō saha nidi mari pūhtoro: “Ahri potota ijire. Ijipihtiyequina yūhū poto dūsepe curi mehna quehe saeta. Sa ye ijipihtiyequina ‘Quehnoagū, tutuagū ijire’, ni, yūhūre ño peoeta”, nidi mari pūhtoro, ni ojoahye.

¹² Sa yena ijipihtina mari yerire Cohācjū siniturota. “¿Dūhse yena sa yeari?” ni siniturota. Tiquiro sa ni sinitugū yūhtiro cahmene marine.

Mūsa acayūrore ñano yegū yeracāhña mūsa

¹³ Sa yena mari mehna cjēna gūhūre “Ñañequina ijire”, ni yahu wajaeracāhña. Sa yena mari acayūrore Jesu yaquirore ñano yegū yeracāhña.

¹⁴ Yūhū Jesucristo yaquiro ijiaja. Sa yegū ahri yūhū niatire quehnoano masiaja yūhū: Yūhū pehe ijipihtiyehyayere yūhū ihyagū yūhū ihyari buhiri, buhiri mariedare. Apequiro pehe “Ahri ihyayere ihyagū ñano yei niaja”, ni tūhoturiquiro pehe ihyaro, potota buhiri tiriquiro ijire.

¹⁵ Ti potota ijire. Mūsa apee borore mūsa ihyagū mūsa acayūro mū sare ihña cū ihyaro, “Yohou, ñano yei niaga yūhū”, ni pajiro tūhotuboaga tiquiro. Tiquirore sa ihña cū ihyagū yena, tiquirore cahiedare mūsa. Apee borore mūsa ihyagū ihña cū ihyaboaga tiquiro. Sa ihyaro “Ñano yei niaja”, ni tūhoturo Cristore duhuboaga. Mūsa acayūro ye buhirire yariari Cristo. Sa yena “Cristore duhuari”, nina tiquirore ihña cūgū yeracāhña.

¹⁶ Sa ye “Ahri usā yeri quehnoariaga”, mūsa ni tūhotugū apequina mū sare yahu wajaaboaga. Tiquina sa yahu wajagū ihñana, mūsa sa yerire ye nemoedacāhña, “Yahu waja nemoari” nina. ¹⁷ Cohācjū pehe mari pūhtoro ijire. Tiquiro sa ijigū mari ihyaye, mari sihniñe gūhū sa iji cāno nine. Ihyo warota ijire. Sa ye mari pūhtoro tiquiro dutiyere, quehnoañe gūhūre mari yegū ti waro ijiro nine. Sa ye apequina mehna mari quehnoano ijigū gūhūre quehnoañe waro ijiro nine. Sa ye Espiritu Santo yedohoye mehna mari bucuegū quehnoañe waro ijiro nine. ¹⁸ Sata Cristo yere yeriquirore ihñañe Cohācjū, masa gūhū “Quehnoano yeri mūhū”, nieta.

¹⁹ Sata yeihna mari pūrita quehnoano mari ijiatire, mari basi mari cahme yedohoatire. Sa yena Jesure wacū tutua nemonata.

²⁰ Apequiro Jesu yaquiro tiquiro ihya dutierarire mūsa ihyagū ihñano tire coeraro, Cohācjū yere cohāboaga.

Sa yena tire ihyeracãhña. Potota ijipihtiye ihyaye quehnoañe ihyayeta ijire. Sa ijiepegãta apee borore mari ihyagũ apeqiro “Ñañe ihyaye ijiaga ahri”, nidiquiro ijieperota ihña cũ ihyaboaga. Sa ihyaro ñano yero niaga tiquiro. Sa yena marine tiquiro ihña cũ ihyagũ, mari gũhũ ñano yena niaja. ²¹ Wahiquina dihire m̄sa ihyagũ ihñano, v̄nore m̄sa sihnigũ ihñano, apeqiro Jesu yaquiro “Tire ihyagũ ñano yei niaga yũhũ”, ni t̄hoturiquiro ijieperota tiquiro gũhũ ihña cũ, ihya sihniboaga. Sa ni t̄hoturiquiro p̄rita ihya sihnino ñano yero nine. Sa yena tiquiro ñano yerato saha Jesure tiquiro wacũ tutua duhuerato saha wahiquina dihire, vino gũhũre m̄sa pehe m̄sa duhugũ quehnoarĩne. ²² “Ijipihtiyere ihya masiaja”, ni t̄hotuna, tire Cohãcjũ dihitare yahuya. Ñañene yerariquiro, “Quehnoano yei niaga yũhũ”, ni t̄hoturiquiro bucueriquiro ijire. ²³ Apeqiro pehe “Ahri ihyayere ihyagũ ñano yei niboaga yũhũ”, ni t̄hoturiquiro ijieperota ti ihyayere ihyaro, buhiri tiriquiro ijire tiquiro. “Ahrire ihyagũ potota quehnoañene yei niaja”, ni t̄hotuerare tiquiro. Sa ni t̄hotueraro tire ihyaro, tiquiro ihyari buhiri buhiri tire tiquiro. “Quehnoañene yei niaja”, ni t̄hotueraro tire yero, buhiri tire tiquiro.

15

Mari caha ijieyequinare quehnoano yeihna

¹ Mari Cohãcjũre quehnoano wacũ tutuana pehe wacũ tutuera cjũñequinare yedohouhna. Sa yena mari ye dihitare yeducueracãhna. ² Sa yena mari caha ijieyequinare Jesu yequinare quehnoano yeihna tiquina quehnoano ijiatire, Cohãcjũre tiquina quehnoano wacũ tutua nemoatire. ³ Cristo pehe tiquiro ye dihitare yerahye. Sata nine Cohãcjũ yere tiquina ojoari p̄p̄h.

Ohõ saha ni ojoahye: “Cristo ohõ saha nidi Cohãcjũre: ‘M̄hũ pehere ñano yahuducuboriquina yũhũ pehere ñano yahuducuri’, nidi Cristo Cohãcjũre”, ni ojoahye panop̄re. (Sa tiquina ñano yahuducunohriquiro ijiro Cristo tiquiro Pac̄ro ye pehere ye basaro niahye.) ⁴ Panop̄ Cohãcjũ yere tiquina ojoari p̄p̄h tiquina ojoahye mari quehnoano buheatire. Sa yena ti p̄re buhena bucueaja. Sa buhena mari ñano yãhd̄na ihcãno sahanata. ⁵ Cohãcjũ m̄sare tutuagũ yeriquiro bucuegũ yeriquiro m̄sare ijipihtinare ihcãno saha quehnoano ijigũ yeahro, Cristo cahmediro sahata. ⁶ Sata yeahro tiquiro m̄sa ijipihtina ihcãno mehna Cohãcjũre mari p̄h̄toro Jesucristo Pac̄rore “Quehnoagũ, tutuagũ ijire”, ni m̄sa ño peoatore.

Judio masa ijieyequinare quehnoañe buheyere yahu d̄cahye

⁷ Cristo marine tiquiro yeriro sahata m̄sa mehna cj̄nare quehnoano cahme piti caya. M̄sa sa yegũ ihñañe “Potota Cohãcjũ quehnoariquiro ijire”, ni ihñaeta masa pehe. ⁸ M̄sare ahrire niita niaja: Judio masare yedohoatiquiro ahtahye Cristo. Cohãcjũ tiquirore ohoro judio masa usã ñecusum̄na m̄nap̄re panop̄ cj̄nare tiquiro ni yahuriro sahata yero niahye. Tire tiquiro yerire masare masigũ yeatiquiro ahtahye Cristo. ⁹ Masare Cristo tiquiro yedohogũ Cohãcjũ paja ihñagũ judio masa ijieyequina gũhũ Cohãcjũre “Quehnoagũ, tutuagũ ijire”, ni, ño peore yojop̄re. Tiquina gũhũre tiquiro yequina ijigũ yero ahtahye Cristo. Cohãcjũ yere tiquina ojoari p̄p̄h sata ni ojoahye:

Cristo ohõ saha niahye Cohãcjũre: Judio masa ijieyequina caha m̄hũre “Cohãcjũ quehnoagũ, tutuagũ ijire”, ni ño peoutja. Sa yegũ tiquina caha basagũ m̄hũre basatja, niahye

Cristo Cohãcjüre, ni ojoahye panopure.

¹⁰ Sa yero ohõ saha ni ojoahye tja: Cohãcjü tiquiro beseriquina judio masa mehna cahme bucueya mûsa gũh judio masa ijiena, ni ojoahye panopure.

¹¹ Sa yero ohõ saha ni ojoahye tja: Judio masa ijieyequina ijipihtiyequina Cohãcjüre ño peohro. Sa ye ijipihtiro cjëna tiquirore “Quehnoagũ, tutuagũ ijire”, ni ño peohro, ni ojoahye.

¹² Sa yero Isaia manano gũh ohõ saha ni ojoahye:

Isaí panamino iji turiariquiro ahtarota. Sa ahtarota judio masa ijieyequina pãhtoro ijirota tiquiro. Sa ye tiquina pehe tiquirore wacũ tutua, tiquinare pecapũ wahaboriquinare tiquiro yũhdũoatire masieta tiquina, ni ojoahye panopure.

¹³ Cohãcjü marine yũhdũoro ahta-tiquiro quehnoano mûsare bucuegũ yeahro. Sa yero Jesure mûsa wacũ tutuagũ mûsare quehnoano ijigũ yeahro tiquiro. Mûsare tiquiro sa yegũ mûsare tiquiro yũhdũoatire Espiritu Santo tutuaye mehna bucueye mehna masi nemonata mûsa.

¹⁴ Ahrire mûsare yũh yahuatire quehnoano masiaja. Mûsa pehe quehnoana ijire. Sa yena Jesu yere quehnoano masine. Sa masina mûsa mehna cjënare cahme quehnoano yahu, buhe masine mûsa. ¹⁵ Mûsa sa masina mûsa ijiepegũta ihquẽ tahari ahri pũpũre mûsare cuero marieno quehnoano yahu peho ojoa mûsa wacũato saha. Cohãcjü yũhũre cahĩno mûsare buhe dutiro cũri yũhũre. Sa yegũ tiquiro cũriro sahata yegũ tagũ mûsare wacũgũ yei. ¹⁶ Yũhũre tiquiro sa cũgũ Jesucristo cahacjũ ijigũ tiquiro yere quehnoañe buheyere judio masa ijieyequinare buheaja yũhũ. Yũhũ sa buhegũ tũhoye judio masa ijieyequina Jesure wacũ tutuaeta. Tiquina sa wacũ tutuagũ ihñano tiquinare Cohãcjü “Quehnoañequina

ijire”, ni ihñanota. Sa yero tiquinare cahmenota. Sa yero Espiritu Santo pehe Cohãcjü yequina ijigũ yerota tiquinare. Pahia yjũa mũo Cohãcjüre tiquina ohoriro sahata, tiquinare ñañe marieñequinare Cohãcjüre oho duaja.

¹⁷ Sa yegũ Jesucristore wacũ tutuagũ ijigũ Cohãcjü tiquiro buhe duti cũrigũ ijigũ bucueye mehna buheaja mûsare. ¹⁸⁻¹⁹ Apequina judio masa ijieyequinare Cristo yedohoye mehna tiquinare yũhũ buhegũ tũhoye, yũhũ yerire ihñañe, Cohãcjü tutuaye mehna ye ihñorire ihñañe, Espiritu Santo tiquiro tutuaye mehna tiquina Cristore wacũ tutuari.

Ahri pũritare mûsare pototi yahu duaja. Apequinapũ tiquina yerire yahueraja. Jerusalẽpũ coã yũhũ buhe dũcari bato ijipihtiye macaripũ buhe dũcaũ. Tee Ilirico yehpapũ gũhũre Cristo ye buheye quehnoañe buheyere buhei esaũ. ²⁰ Sa yegũ Cristo yere masieñequina dihitare quehnoañe buheyere tutuaro buhe duaũ, yũhũ mehna cjëna tiquina buhenohriquinapũre buhe dueragũ.

²¹ Sata ni ojoahye Cohãcjü yere tiquina ojoari pũpũ:

Panopũ tiquirore ne tũhoerariquina tiquirore masieta. Sa ye tiquirore ne tũhoerariquina tiquiro yere quehnoano tũhoeta, ni ojoahye Cohãcjü yere tiquina ojoari pũpũ.

Pablo Romapũ tiquiro wahatire yahuahye

²² Sa yegũ ijipihtiro cjënare buherigũ ijigũ peye tahari mûsa cahapũ waha duepegũta waha masiedahti. ²³ Yojopũre ahri yehparipũre yũhũ dahraye pihtia wahari. Sa pihtigũ ihñagũ, peye cahmari mûsa cahapũ waha duarigũ ijigũ mûsa cahapũ wahautja. ²⁴ Sa ye Espaãapũ wahagũ mûsare topũ ihña yũhdũ cãutja. Sa yegũ mûsa mehna bucueitja. Sa yegũ mûsa mehna yũhũ mehenogã ijiri bato yũhũre mûsa yedohoye mehna

Españapɩ wahautja. ²⁵ Yojopure Jerusalēpɩ wahau tɩɩ niaja. To cjēnare Jesu yequinare yɩhɩ acayere niñerure sogɩ wahau tɩɩ niaja. ²⁶ Macedonia yehpa cjēna, Acaya yehpa cjēna gũhɩ quehnoano mehna Jesu yequinare Jerusalēpɩ ijiyequinare pejecuoyequinare niñerure ohori tiquinare yedohoye. Sa yegɩ tiquinare tire oho basagɩ wahau tɩɩ niaja. ²⁷ Ti niñerure ohoye, quehnoano mehna ohori tiquina. Tiquina sa yegũ quehnoarĩne, yɩhɩ tɩhotugũ. Tiquinare judio masa ijieyequinare judio masa pehe Cohãcjũ yere buhe mɩhtari. Sa ye tiquinare tiquiro yɩhdɩoato gũhare buhe mɩhtari judio masa. Tiquina sa buhegũ ihñagũ Macedonia cjēna, Acaya cjēna mehna tiquinare tiquina yedohogũ quehnoarĩne yɩhare. Tiquinare tiquina buheri wapa yero saha ijire ti, yɩhɩ tɩhotugũ. ²⁸ Sa yegɩ Jerusalē cjēnare ti niñerure oho tuhasagɩ Españapɩ wahautja. Topɩ wahagɩ mɩsare ihña yɩhdɩ cãutja. ²⁹ Sa yegɩ mɩsa cahapɩ yɩhɩ wahagũ Cristo yere mɩsare yɩhɩ buhegũ tiquiro mɩsare quehnoano jeripohna tigũ yerota.

³⁰ Yɩhɩ acaye, mari pɩhtoro Jesucristore wacũ tutuare mɩsa. Sa yena Espiritu Santo tutuaye mehna apequinare cahĩne mɩsa. Sa yena yɩhɩ gũhare tutuaro sini basaya Cohãcjũre. ³¹ Ohõ saha ni sini basaya: Judea yehpa cjēna Jesure ño peoyequina yɩhare tiquina ñano ye duagũ Cohãcjũ yɩhare tiquiro yedohoato saha sini basaya. Sa yena Jerusalē cjēnare niñerure yɩhɩ ohogũ tiquina tire bucueye mehna tiquina ñeheat saha sini basaya. ³² Mɩsa sa sinigũ Cohãcjũ cahmegũ bucueye mehna mɩsa cahapɩ wahautja. Sa yegɩ mɩsa mehna ijigɩ bucueye mehna soutja. ³³ Cohãcjũ marine quehnoano ijigũ yeriquiro mɩsa mehna ijiducuahro. Sata ijiahro.

16

Pablo quehnoa dutiahye

¹ Mari acayoro Febe wame tiri-coro mɩsa cahapɩ waharo taro nine. Ticoro Cencrea wame tiri macapɩ Jesu yequinare cahmecoañequinare yedohoricoro ijire. ² Sa yero peyequinare yedohoricoro yɩhɩ gũhare yedohoricoro ijiri ticoro. Sa yero mari pɩhtoro Jesu yacoro ijire. Sa yena ticorore quehnoano mehna piti caya. Sata yero cahmene marine Jesu yequinare. Sa yena apee boro ticorore mariedagũ ihñana ticorore ohoya mɩsa.

³ Aquila, tiquiro namono Priscila gũhɩ quehnoahdo. Jesucristo yere yɩhɩ buhegũ tiquina gũhɩ yɩhɩ mehna dahrari. ⁴ Tiquinare meheni wejēmedi, apequina yɩhare tiquina wejē duagũ tiquina yedohori buhiri. Sa yegɩ tiquina mehna bucueaja yɩhɩ. Sa ye judio masa ijieyequina Jesu yequina ijipihtiyequina tiquina gũhɩ tiquina mehna bucueri. ⁵ Sa ye Aquila ya wɩhɩpɩ cahmecoañequina gũhɩ Jesu yequina quehnoahdo. Yɩhɩ cahĩniquiro Epeneto gũhɩ quehnoahdo. Tiquiro Asia yehpa cjēno topɩ ijiro Cristore wacũ tutua mɩhtariquiro ijiri. ⁶ María gũhɩ quehnoahdo. Ticoro mɩsa mehna tutuaro dahrari. ⁷ Yɩhɩ acaye Andronico, Junia gũhɩ quehnoahdo. Peresupɩ yɩhɩ ijigũ tiquinata yɩhare piti tiyequina ijiri. Sa ye yɩhɩ pano Cristore wacũ tutua mɩhtari tiquina pehe. Apequina Jesu cūriquina pehe tiquinare “Potota quehnoañequina ijire”, ni yahuducure.

⁸ Amplia gũhɩ yɩhɩ cahĩniquiro Jesu yaquiro ijire. Tiquiro quehnoahdo. ⁹ Sa yero Urbano gũhɩ quehnoahdo. Tiquiro gũhɩ mari mehna Cristo yere dahrari. Sa yero yɩhɩ cahĩniquiro Estaqui quehnoahdo. ¹⁰ Sa yero Apele gũhɩ quehnoahdo. Tiquiro potota quehnoano Jesure wacũ tutuare. Tiquiro yerire ihñana tire masiaja mari. Sa ye Aristobulo ya wɩhɩ cjēna ijipihtiyequina tiquiro namono tiquiro pohne gũhɩ quehnoahdo. ¹¹ Yɩhɩ acayoro Herodiõ quehnoahdo. Sa ye Narciso

ya wáhu cjēna Jesu yequina quehnoa pihti cāhdo. ¹² Sa ye Trifena, Trifosa gāhu quehnoahdo. Ti numia mari pūhtoro Jesu ye dahrayere tutuaro yere. Mari cahñnicoro Pérsida gāhu quehnoahdo. Ticoro mari pūhtoro yere tutuaro dahrari. ¹³ Sa yero Rufo mari pūhtoro Jesure quehnoano wacū tutuariquiro, tiquiro yere quehnoano yeriquiro quehnoahdo. Tiquiro pacoro gāhu quehnoahdo. Ticoro yáhu paco yero saha ijiricoro ijire. ¹⁴ Asincrito, Flegonte, Herma, Patroba, Herme, apequina Jesu yequina tiquina mehna cjēna gāhu quehnoahdo. ¹⁵ Sa ye Filologo, Julia, Nereo, tiquiro bahoro gāhu, Olimpa, apequina tiquina mehna cjēna gāhu Jesu yequina quehnoahdo.

¹⁶ Sa yena mūsa mehna cjēnare piti cana, quehnoano mehna piti caya. Ijipihtiyequina Jesu yequina ijipihtiro cjēna mū sare quehnoa dutire.

¹⁷ Yáhu acaye, mūsa mehna cjēna ihquēquina mū sare cahme ihña tuhtigū yeyequina, cahme tu wagū yeyequina ijiñohiti. Sa ye mū sare Jesu ye buheyere dojomehnene. Sa yena sa yeyequinare ihñana quehnoano yeya, “Dojomehneari”, nina. Sa ijiyeyequinare piti tieracāhña. ¹⁸ Sa yeyequina mari pūhtoro Jesucristo yere yerare. Ñañene tiquina tutuaro cahmeñe dihitare yere. Sa ye quehnoano tūho coaro dero majare doco ni meho buhere quehnoano masieñequinare. Tiquina sa ni mehogū tiquinare quehnoano tūhore. Sa yena tiquinare piti tieracāhña mūsa. ¹⁹ Mūsa pehe Jesure quehnoano yáhtina ijiñohiti. Tire ijipihtiyequina masine. Sa quehnoano yáhtina mūsa ijigū bucueaja yáhu. Sa yegū quehnoano mūsa yeatire mūsa masigū cahmeaja yáhu. Sa yegū ne ñañene mūsa yeragū gāhure cahmeaja yáhu. ²⁰ Sa yero Cohācjū marine quehnoano ijigū yeriquiro mehenogā bato mū sare yedohorota “Satanare yáhdudcaahro”, nino.

Mari pūhtoro Jesucristo mehna mū sare quehnoa dutiaja.

²¹ Timoteo yáhu piti mū sare quehnoa dutire. Yáhu acaye judio masa gāhu, Lucio, Jasō, Sosipate mū sare quehnoa dutire.

²² Yáhu Tercio ahri pūre Pablöre ojoa basagū ijiaja. Yáhu Jesu yaquiro ijigū mū sare Jesu yequinare quehnoa dutiaja.

²³ Gayo ya wáhu pū ijigū niaja yáhu Pablo. Tiquiro ya wáhu pū Jesu yequina cahmecoare. Tiquiro gāhu mū sare quehnoa dutire. Sa yero Erasto ahri maca cjēna pūhtoare niñeru ihbo cohteriquiro mū sare quehnoa dutire. Mari acayuro Jesu yaquiro Cuarto gāhu mū sare quehnoa dutire.

[²⁴ Mari pūhtoro Jesucristo mehna mū sare ijipihtinare quehnoa dutiaja.]

Pablo Cohācjūre ño peoro ojoa bato tiahye

²⁵⁻²⁷ Mari pūhtoro Jesucristo ye buheye mehna quehnoañe buheye mehna Cohācjū mū sare tiquirore wacū tutua nemogū ye masine. Panopure quehnoañe buheye ne masare yahuerari buheye ijimahye. Yojopure Cohācjū yere yahu mūhtariquina mūna tiquina ojoari mehna ti buheyere yahuri jire. Yáhu gāhu tire buheaja. Ti buheyere ijipihtiro cjēna yojopure masine. Cohācjū sa ijiducuriquiro tiquiro dutiro sahata tiquina masine. Ti buheyere tiquirota yahu dutiahye masa tiquirore tiquina yáhtiatire, tiquirore tiquina wacū tutuati gāhure. Sa yena tiquirore “Potota quehnoagū, tutuagū ijire”, ni ño peouhna. Tiquiro ihcāquirota Cohācjū dihita quehnoano masi pehoriquiro ijire. Jesucristo yedohoye mehna Cohācjūre sa ño peoducuuhna mari. Sata ijiducuuhna.

1 Corintios

*Pablo Cohãcjũ yequinare Corinto
cjẽnare ojoa ohoahye*

¹⁻² Yũhũ Pablo, Jesucristo yere buhe duti tiquiro cũrigũ ijiaja. Cohãcjũ tiquiro cahmeno sahata Jesu tiquiro cũacjũre beseahye yũhũre tiquiro. Mũsare Cohãcjũ yequinare Corinto cjãnare ojoa ohoaja yũhũ. Sostene mehna quehnoa dutiaja mũsare. Ahriquiro gũhũ mari acayũro Jesu yaquiro ijire. Jesucristo mehna cjãna mũsa ijigũ Cohãcjũ yequina ijiana beseahye Jesu mũsare. Sa ye ijipihtiyequina apequina mari pũhtoro Jesucristore siniñequina ijiye, tiquina gũhũ Cohãcjũ yequinata ijire. Tiquina sa ijigũ Jesucristo pehe mari ijipihtina pũhtoro ijire. Sa yena mũsare ijipihtinare ojoa ohoaja yũhũ. ³ Sa yena Cohãcjũ mari Pacũ, mari pũhtoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

*Jesucristo pehe mũsare quehnoano
ye basahye mari Pacũ tiquirore du-
tiro sahata*

⁴ Jesucristo yequina mũsa ijiri bato tiquiro pehe mũsare quehnoano ye basare Cohãcjũre. Tiquiro sa yegũ ihñagũ, Cohãcjũre “Quehnoare”, niducuaaja yũhũ decoripe. ⁵ Cristo yequina mũsa ijigũ ihñano Cohãcjũ pehe mũsare quehnoano ijigũ yere. Sa yero tiquiro yere mũsare apequinare quehnoano yahuanare yeri tiquiro. Sa yero tiquiro yere quehnoano masigũ yeri mũsare. ⁶ Cristo yere mũsare usã buheriro sahata sata wahari mũsare, Cristo yequina mũsa wahagũ. ⁷ Sa yero Cohãcjũ mũsare quehnoano yedoho peho cãnota. Mari pũhtoro Jesucristo ahri yehpapũ tiquiro tojoa tatire mũsa cohtero watoa Cohãcjũ pehe mũsare sa yedohoducurota. ⁸ Sa yero Jesucristo pehe mũsa ñaño yerire cohãriquiro ijire. Tiquiro sa ijiriquiro

ijigũ mũsa pehe decoripe, ahri deco pihtigũpũ gũhũre mũsa ñaño yerire tiquiro cohãnohrina ijiducunata. Sata tiquiro mũsare yedohorota. Sa yena Jesucristo mari pũhtoro tiquiro tojoa tagũpũre ñaño buhiri mariena ijinata mũsa. ⁹ Tire Cohãcjũ tiquiro nidiro sahata tiquiro yere. Tiquiro macũno mari pũhtoro Jesucristo yequina ijianare marine beseahye. Tiquiro sa besenohrinare Jesu yequina ijigũ yeri marine.

*Jesu yequina Corinto cjẽna cahme-
coaño cahme tuhtiahye*

¹⁰ Yũhũ acaye, mari pũhtoro Jesucristo tiquiro dutiro mehna mũsare tutuaro dutigũ tagũ niaja ahrire: Mũsa basi cahme tuhtieracãhña. Sa yena mũsa basi cahme tu waeracãhña. Ihcã curuata ijiya mũsa. Sa yena sijoro saha ni yahuducueracãhña mũsa basi. Sa yena mũsa yeatire tuhotuna, ihcãno mehna yeya mũsa.

¹¹ Yũhũ acaye, mũsa basi cahme tuhtina niñohti mũsa. Sa ni yahuri Cloe ya wũhũ cjẽna yũhũre. ¹² Ihquẽquina mũsa mehna cjẽna ohõ saha ni cahme tuhtiñohti: “Pablo ya curua cjãna ijiaja usã”, ni cahme tuhtiñohti ihquẽquina mũsa. Sa ye apequina “Apolo ya curua cjãna ijiaja usã”, niñohti tiquina gũhũ. Sa ye apequina pehe “Pedro ya curua cjãna ijiaja usã”, niñohti tiquina gũhũ. Sa ye apequina pehe “Cristo ya curua cjãna ijiaja usã”, niñohti tiquina gũhũ. ¹³ Mũsa sa niepegũta Cristo yequina ihcã curuata ijiaja mari. Mari basi cahme tu wa doco masiedaja mari. Ihcã curuata ijiaja mari. Yũhũ Cristo ijieraja. Tiquiro yero saha mũsa ye buhirire curusapũ yariarigũ ijierũ. Tutuayere cãoeraja. Sa yegũ ihyo ijigũ ijiaja. Sa yero mũsare apequiro wame yero, Cristo ye tutuaye mehna wame yeri. Yee tutuaye mehna wame yerari. ¹⁴ Mũsare, mũsa mehna cjẽna gũhũre wame yerũ yũhũ. Crispore, Gayo gũhũre tiquina dihitare wame yei. Apequina pehere wame yerarigũ yũhũ ijigũ quehnoare

yuhare. ¹⁵ Peyequina masare wame yerigu yuhu ijigũ “Pablo ye tutuaye mehna tiquiro wame yeri usãre”, ni ihñaboaga m̄sa yuhare. Sa yegu tire cahmedu. ¹⁶ Estefana ya wuhu cjēna gũhure wame yei yuhu. Topequinata wame yei yuhu. Apequinare yuhu wame yeriquinare boaa wahan yuhu. ¹⁷ Cristo yuhare ohoro, wame yeacjũre cũdari tiquiro yuhare. Quehnoañe buheyere buheacju pehere cũri yuhare. Cristo curusapu tiquiro yariarire yahuye buheye marine quehnoana wahagũ yere. Tiquiro sa yepegũta quehnoañe buheyere yuhu esa tuharo yuhu buhegũ yuhu pehere ihña wahãboaga m̄sa. M̄sa sa ihña wahãna quehnoañe buheye pehere ño peoeraboaga m̄sa. Sa yena quehnoana wahaeraboaga. Sa yegu Jesu ye buheyere buhegu yuhu esa tuharo yuhu masiñe mehna buheraja yuhu.

Cohãcjũ tiquiro tutuayere tiquiro masiñe gũhure c̄horiquiro ijire Cristo

¹⁸ Pecapu butiatiquina pehe Cristo curusapu tiquiro yariarire yahuye buheyere “Tũho masieñequina ye buheye ijire ti”, nimene butiatiquina pehe. Mari pehe Cristo tiquiro yuhduonohatina ijina ohõ saha niaja: “Curusapu tiquiro yariarire yahuye buheye ti waro ijiro nine. Ti buheye Cohãcjũ tiquiro tutuayere yahure marine”, niaja mari. ¹⁹ Cohãcjũ pehe tiquiro yere tiquina ojoari pũpu ohõ saha nine:

Ahri yehpa cjēnare “Quehnoano masiñequina ijire”, tiquina niñequinare tiquina masidire dũhseati ijieragũ masigũ yeitja yuhu, niahye Cohãcjũ tiquiro yere tiquina ojoari pũpu.

²⁰ Sa ye ahri yehpa cjēna quehnoano masiñequina dũhseatiquinamasi ijierare. Usã acaye judio masare buheyequina gũhu dũhseatiquinamasi ijierare. Yojopare yahuducu mihniñequina gũhu dũhseatiquinamasi ijierare. Ahri yehpa cjēna quehnoano

masiñequina tiquina ijiepegũta masieñequina tiquina ijiyere masigũ yeri Cohãcjũ. ²¹ Cohãcjũ pũrita quehnoano masiniquiro ijire. Tiquiro sa ijigũ ahri yehpa cjēna tiquina esa tuharo tiquina masiñe mehna Cohãcjũre ne masiedare tiquina. Cohãcjũ tiquiro masi dutiero sahata sa wahari tiquinare. Cohãcjũre cahmeeñequina pehe ohõ saha nine quehnoañe buheye warore: “Tũho masieñequina ye buheye ijire”, nimene. Sa yeye quehnoañe buheyere “Tũho masieñe buheye”, tiquina niñe buheyere tũhoye, Cristore masi dũcare masa. Tiquina sa masi dũcagũ Cristore tiquina wacũ tutuagũ ihñano tiquinare tiquiro yequina wahagũ yere Cohãcjũ. Sa waha dutiri tiquiro.

²² Judio masa Cohãcjũ tutuaye mehna tiquiro ye ihñorire ihña duaye nine. Sa yeye griego masa pehe, judio masa ijieyequina pehe quehnoano tiquina masiatire macañe nine.

²³ Mari pehe Cristo curusapu tiquiro yariarire yahuye buheyere buheaja mari. Ti buheyere judio masa pehe ihña tuhtire. Sa ye ti buheyere judio masa ijieyequina pehe “Tũho masieñequina ye buheye ijire”, ni tũhoture. ²⁴ Tiquina sa ni tũhotuepegũta Cohãcjũ yequina ijiatire tiquiro beseriquina pehe ti buheyere ohõ saha nine. “Cristo ye buheye Cohãcjũ tutuayere tiquiro quehnoano masiñene masigũ yere marine”, nine tiquina ahri buheyere. Tiquina judio masa, judio masa ijieyequina ijiepeteta, sa nine Jesu yequina.

²⁵ Cohãcjũ masi pehoriquiro ijire. “Tiquiro tũho masieniquiro ijire”, masa tiquina ni tũhotuepegũta ahri yehpa cjēna yuhduoro quehnoano masi pehoriquiro ijire tiquiro. Sa yero Cohãcjũre “Tutueriquiro ijire”, masa tiquina ni tũhotuepegũta tiquina bui tutua yuhduocariquiro ijire tiquiro. ²⁶ Ti yuhu nidi ijirota ijire.

Yuhū acaye, Cohācjū mūsare tiquiro yequina wahagū tiquiro yegū mūsa peyequina ihyo ijina mūsa ijirire wacūña mūsa. Ahri yehpa cjēnare “Quehnoano masiñequina”, tiquina niñequinare meheñequinagā Jesu yequina ijiatiquinare beseahye Cohācjū. Sa yero pūhtoā gūhure meheñequinagā Jesu yequina ijiatiquinare beseahye tiquiro. Sa yero pūhtoā pohne gūhure meheñequinagā Jesu yequina ijiatiquinare beseahye tiquiro. ²⁷ “Tūho masieñequina ijire”, tiquina niñequinare Cohācjū beseahye “Quehnoano masiñequina ijire”, tiquina niñequina tiquina būoro wahatire. Sa yero “Wacū tutueyequina ijire”, tiquina niñequinare Cohācjū beseahye, “Wacū tutuayequina ijire”, tiquina niñequina tiquina būoro wahatire. ²⁸ Masa tiquina ihña tuhtieyequinare “Dūhseatiquina ijierare”, nine masa. Tiquina sa nidiquinare Cohācjū tiquiro yequina ijiatiquinare beseahye tiquinare. Sa besero “Pūhtoā waro ijire”, tiquina niñequinare ihyo ijiyequina tiquina ijiyere masigū yeahye Cohācjū tiquinare. ²⁹ Tiquiro sa yegū ahri yehpa cjēna ne ihcāquiro “Tutuagū, quehnoano masigū ijiaja”, ne ni yūhdūca masiedare, Cohācjū ihñonopū.

³⁰ Cohācjū pehe marine Jesu yequina ijigū yeri. Tiquiro yequina ijina marine tiquiro yūhdūori bato ijiptiye decori Cohācjū mehna ijinata mari. Jesucristo pehe Cohācjū yere quehnoano masigū yere marine. Sa yero mari ñañe buhirire cohāre. Sa yero mari ñañe yerire cosero, marine “Quehnoañequina ijire”, Cohācjū ni ihñagū yere Cristo Cohācjūre. Sa yero marine pecapū wahaborinare yūhdūore. ³¹ Tiquiro sa yegū Cohācjū yere tiquina ojoari pūpū tiquiro ni ojoariro sahata sa wahare: “Yuhū esa tuharo masi pehogū ijiaja”, nidiquiro tire niedacāhdo. Ohō saha niahdo: ‘Mari pūhtoro Cristo pehe marine yūhdūoriquiro ijire’, niahdo tiquiro”, nine Cohācjū yere tiquina

ojoari pūpū.

2

Ahri buheye Cristo curusapū tiquiro yariarire yahure

¹ Yuhū acaye, mūsa cahapū esagū “Quehnoano masi pehoaja”, mūsare ni buherū. Cohācjū yere mūsare buhegū, sa ni buhegū niedū. ² “Ohō saha ni buheitja”, nigū mūsa mehna ijigū Jesucristo ye dihitare curusapū tiquiro yariari dihitare wacūgū, ti buheyere buhei yūhū. ³ Sa yegū mūsa mehna ijigū ihyo ijigū yero saha ijii yūhū. Sa yegū Cohācjū yere queoro buhe duagū ijigū cuegū, nanaredigū yero saha ijii yūhū. ⁴ Sa yegū Cohācjū yere buhegū, “Masi pehoaja”, ni buherū. Tiquiro yere yūhū buhegū Espiritu Santo tutuaye mehna yūhū buhegū ihñari mūsa. ⁵ Ohō sahata ni buhei yūhū mūsare masa tiquina esa tuharo buheye pehere mūsa cahmedatire. Cohācjū pehere mūsa wacū tuatire sa ni buhei yūhū.

Espiritu Santo pehe Cohācjū ijiye tiyere buhere marine

⁶ Sa yena Cohācjū ye buheyere tiquiro masiñene mūsare Jesure quehnoano wacū tutuanapūre yahuaaja usā. Masa tiquina esa tuharo tiquina buheye yero saha ijierare ahri mūsare usā buheye. Ti buheye pūhtoā ye buheye gūhū ijierare. Tiquina pūhtoā pehe pihitia wahaeta. ⁷ Apequina tiquina masiedarire Cohācjū ye yahuducuyere yahuaaja usā pehe. Panopū ahri buheyere Cohācjū yequina mūna quehnoano masi pehoerahye. Ahri yehpa ijiato pano ahri buheye ti nidiro sahata “Sata wahaahro”, ni tuhasahye Cohācjū. Marine pecapū wahaborinare tiquiro yūhdūotire, tiquiro mehna mari ijiati gūhūre “Sata wahaahro”, ni tuhasae tiahye tiquiro. ⁸ Tiquiro sa nigū Cohācjūre cahmeeñequina pūhtoā ne tiquiro ye buheyere tūho dueraye, masiedare. Tire quehnoano masiñe, mari pūhtoro Cohācjū macūno warore

curusap_u quē biha wejēdaboaya tiquina. ⁹ Cohācjū yere tiquina ojoari pūp_u ohō saha nine:

Ijipihtiyequina Cohācjūre cahñequina ye ijiatire Cohācjū quehnoano quehno basa tuhasahye. Quehnoa yahduyere tiquiro quehno basahye. Tire masa ne ihñedari. Sa ye tire ne tūhoerari. Tire dūhse masino basioerare marine, nine Cohācjū yere tiquina ojoari pūp_u.

¹⁰ Tiquiro sa niepegāta Espiritu Santo pehe Cohācjū yere masigū yere marine. Ijipihtiye Cohācjū yere Espiritu Santo masi pehore. Sa masino tiquiro marine tire masigū yere.

¹¹ Ne apequina pehe masuno tiquiro masiñene ne masiedare. Sa ijiepegāta masuno pehe tiquiro esa tuharo tiquiro wacūñep_u tiquiro tūhotuyere masine. Sata apequina Cohācjū tiquiro masiñene ne masiedare. Cohācjū yaquiro Espiritu Santo dihita tiquiro masiñene masine, masuno tiquiro esa tuharo tiquiro wacūñene tiquiro masino sahata. ¹² Sa yena mari pehe Jesu yequina ijina masa tiquina esa tuharo tiquina buheyere cūoeraja. Cohācjū yaquiro Espiritu Santore ohori marine masigū yero taro. Marine tiquiro quehnoano yeatire masigū yere Espiritu Santo pehe. ¹³ Sa yena Cohācjū yere mūsare buhena, masa ye masiñe mehna usā esa tuharo buheraja usā. Espiritu Santo tiquiro buheye pehere mūsare buheaja. Sa buhena Espiritu Santore cūoyequinare Cohācjū yere quehnoano buheaja usā.

¹⁴ Espiritu Santore cūoyequina pehe Espiritu Santo yere ne cahmedare. “Tiquiro ye ihyo warota ijire”, nimene tiquina. Espiritu Santo tiquiro yedohoro marieno tiquiro yere masino basioerare masare. Sa ye tiquina tiquiro yere ne masiedare. Espiritu Santo yedohoro mehna tiquiro yere masiaja

mari. ¹⁵ Espiritu Santore cūoyequina pehe Cohācjū yere quehnoano masine. Apequina pehe tiquinare “Quehnoañequina ijire. Ñañequina ijire”, ni bese masiedare Espiritu Santore cūoyequinare. ¹⁶ Ohō saha nine Cohācjū yere tiquina ojoari pūp_u: “Mari pūhtoro Cristo tiquiro tūhotuyere masiñequina ne mariedare. Sa ye tiquirore masa duti masiedare”, nine tiquiro yere tiquina ojoari pūp_u. Mari pehe Cristo yequina ijina, Cristo yero sahata masiaja.

3

Jesu yequina ihcāno saha Cohācjūre dahra cohteyequina ijire

¹⁻² Yūh_u acaye, mūsare buhegu Espiritu Santore quehnoano yūhtiyequinare yūh_u buheriro sahata buhe masied_u mūsa pehere. Cristo yequina ijiepenata, macanagā dihire tiquina ihya masieno saha Cohācjū yere quehnoano masiedare mūsa. Yojop_u gūh_ure quehnoano masiedañohti mūsa. Ahri yehpa cjēna ñañequina yero saha tūhotuñohti mūsa. Sa yena macanagā epēcore tiquina apūno saha mijoeda cjūñe buheye dihitare tūhoñohti mūsa. Sa yeg_u ti yero saha ijiye buheye dihitare buhei mūsare. Cristo yequina ijiepenata macanagā tiquina ihya masieno sahata Cristo yere quehnoano masiedañohti mūsa. ³ Mūsa pehe mūsa mehna cjēnare cahme coona, cahmequena, mūsa basi ihquē cururi tu wadūca sana, Espiritu Santore cūoyequina yero saha yena niñohti mūsa. Sa yena ahri yehpa cjēna Cristore cahmeeñequina yero saha yeñohti mūsa. ⁴ Ohō saha niñohti mūsa: “Pablo ya curua cjāna ijiaja usā”, niñohti mūsa ihquēquina. Sa yena apequina mūsa mehna cjēna pehe “Apolo ya curua cjāna ijiaja usā”, niñohti. Mūsa sa ni yahuducuna Espiritu Santo marieñequina yero saha ni yahuducuñohti mūsa.

⁵ ¿Yūh_u Pablo, Apolo mehna dūhseanaja ijiajari usā, mūsa

tuhotugũ? Ohõ saha yeanaja ijina niaja usã: Cohãcjũ tiquiro dutiriro sahata tiquirore dahra cohtena ihyo ijina ijiaja usã. Sa yena musare usã buhegũ tuhona Jesucristore wacũ tutua ducare musa. ⁶ Quehnoañe buheyere buheyequina wesepũ dahrayequina yero saha ijire, mari queoye mehna buhegũ. Wese upũro tiquiro ote mũhtariro saha yũhũ gũhũ musare buhe mũhtaũ. Sa yero apequiro wesere tiquiro cure nũnũ tãno saha Apolo pehe yũhũ bato musare buhe nũnũ tãri. Usã sa buhepegũta wese cjẽ oteyere bũcũa nemogũ tiquiro yeriro saha Cohãcjũ pehe musare tiquiro yere masi nemogũ yeri. ⁷ Sa yegũ yũhũ buhe mũhtarigũ ijiepegũta ihyo ijigũ ijiaja. Sa yero Apolo yũhũ bato buhe nemoriquiro gũhũ ihyo ijiriquirota ijire. Cohãcjũ pũrita oteyere tiquiro bũcũa nemogũ yeriro saha tiquiro yequinare tiquirore masi nemogũ yere. Sa yena Cohãcjũ pehere ño peoro cahmene musare. ⁸ Ote mũhtariquiro, came cure nũnũ tãriquiro ihcãno saha dahra cohteyequina ihyo ijiyequinata ijimene tiquina. Sa ye tiquina dahrariro punota wapatare tiquina. Sata ijiaja usã, Apolo mehna. ⁹ Sa yena usã Cohãcjũ yere dahra cohtena ijiaja. Sa yero Apolo yũhũ mehna cjũno ijire. Usã sa ijigũ musa pehe Cohãcjũ ya wese yero saha ijire. Musã sa ijigũ Cohãcjũ ya wese cjẽ oteyere tiquiro bũcũa nemogũ yero saha musare tiquiro yere masi nemogũ yerota tiquiro.

Sa ye Cohãcjũ musare tiquiro yequinare quehnoari curua yero nine. Sa yena utã mehna tiquina yeri wũhũ yero saha ijire musa tiquiro ya curua cjãna, mari queoye mehna buhegũ. ¹⁰ Musã sa ijigũ Cohãcjũ yũhare tiquiro dutiriro sahata yũhũ pehe wũhũ dahre mihnidiquiro utãre tiquiro cũ mũhtariro sahata Jesucristo yere musare buhe mũhtaũ. Sa yero ti utã paca bui apequiro tiquiro ye nemo mũjano sahata apequiro

yũhũ bato buhe nemo nũnũ tãno nine. Sa buhe nemono quehnoano mehna buherota. Sa yero Cristo ye dihitare buherota tiquiro. Sata buheahro tiquiro. ¹¹ Wũhare tiquina dahre dũca tiquina cũ mũhtararia utã yero saha ijire Cristo. Sa yena ti utãre usã quehnoano cũ mũhtariro saha Cristo yere buhe tuhasaũ. Apequiro ye buheye pehere mari buhegũ quehnoaedaga.

¹²⁻¹⁵ Uru mehna, plata mehna, wapa bũjũye utã paca mehna mari yeri wũhare mari ujuã tuhugũ ujuẽdare. Sata Jesucristo yere mari quehnoano yeri bato pihtiri deco ijigũ Cohãcjũ mari yerire ujuã tuhuriro saha yerota mari yerire masino taro. Sa tiquiro yegũ quehnoano yeri wũhũ ujuẽdariro saha mari yerire ti quehnoañe ijigũ masinota. Sa yero mari quehnoano yerina mari ijigũ masigũ yerota tiquiro. Quehnoano mari yeri wapa quehnoano yerota marine.

Sa yero yucari mehna, taa mehna, ñaidi pũri mehna mari yeri wũhare mari ujuã tuhugũ ujuã wahare. Sata Jesucristo yere mari quehnoano yerari bato pihtiri deco ijigũ, Cohãcjũ mari yerire ujuã tuhuro yero saha yerota mari yerire masino taro. Sata tiquiro yegũ ñano yeri wũhũ ti wũhũ ujuãriro saha mari yerire ñañe ijigũ masinota. Sa yero mari quehnoano yerari bato ijigũ marine masigũ yerota tiquiro. Sa yero quehnoano yerarina mari ijigũ ihñano quehnoañene mari yemedi wapare quehnoano yesi marine. Sa ijiyequinare Cohãcjũ yũhdũorota. Sa ye sa quehnoano yerariquina mehenogã mehna yũhdũeta.

¹⁶ Musã pehe Jesu yequina Cohãcjũ ya wũhũ yero saha ijire. Musã sa ijigũ ihñano ti wũhũpũ tiquiro ijiboro saha Espiritu Santo pehe musa mehna ijire. ¿Tire masiedajari musa? ¹⁷ Cohãcjũ ya wũhũ ñañe marieni wũhũ ijire. Sa yena musã gũhũ ti wũhũ yero saha ijina tiquiro yequina waro ijire. Sa

yero Jesu yequinare ihcãquiro do-jomehnegũ Cohãcjũ pecapũ cohãnota tiquiro pehere.

¹⁸ Ni mehoñene tuhoturacãhña m̄sa. “Yojopũ cjẽna ye masiñene quehnoano masiaja”, ni tuhoturiquiro m̄sa mehna cjũno ijiro Jesu ye pehere quehnoano masiahdo. Tiquiro sa masigũ ihñañe apequina tiquirore “Tũho masieniquiro ijire”, nieta. Sa yero Jesu yere masino, potota quehnoano masidiquiro waharota. ¹⁹ Masa esa tuharo tiquina basi tiquina masiñene “Ihyo warota ijire”, ni tuhature Cohãcjũ. Sata nine Cohãcjũ yere tiquina ojoari pũpũ: “Tiquina esa tuharo masiñequina tiquina masiñe dũhseati ijierare, Cohãcjũ tiquiro ihñagũ. Sa yero tiquina cahmeno saha yeragũ yere tiquinare”, nine Cohãcjũ yere tiquina ojoari pũpũ. ²⁰ Sa ye ape pũpũ ohõ saha nine: “Masa tiquina esa tuharo masi pehoyequina tiquina tuhutuye dũhseati ijieragũ masine mari pũhoro Cohãcjũ pehe”, nine Cohãcjũ yere tiquina ojoari pũpũ.

²¹⁻²² Sa yena “Pablo ya curua cjãna ijiaja usã”, niedacãhña. “Apolo ya curua cjãna ijiaja usã”, niedacãhña. “Pedro ya curua cjãna ijiaja usã”, niedacãhña. Usã ijipihtina m̄sa yequina dihita ijiaja. Ijipihtiyẽ m̄sa ye ijire. Cohãcjũ tiquiro bajumehnedire, catiyẽ gũhure ohori m̄sare. Sa yero pecapũ wahaeragũ yerota m̄sare. Yojopũ ijiyere, camerũ ijiaji gũhure m̄sare ohorota. Sa ye ijipihtiyẽ m̄sa ye ijire. ²³ Sa yena m̄sa pehe Cristo yequina ijire. Sa yero Cristo pehe Cohãcjũ yaquiro ijire.

4

Cristo tiquiro yere buhe duti tiquiro cũriquina tiquina dahrayere yahuahye Pablo

¹ Ohõ saha ni tuhutuya m̄sa yũhure Apolo gũhure: “Tiquina Cristore dahra cohteyequina ijire. Sa ye masa tiquina masiedarire Cohãcjũ yere buheyequina ijire”, ni, tuhutuya

m̄sa usãre. ² Dahra cohteyequinare tiquina pũhoro tiquiro dutiriro saha ye cohtero cahmene tiquinare. Yũhũ gũhure sata yero cahmene Cristore. ³ Sa ijiepegũta yũhure m̄sa yahu wajaepẽgũta sa tuhutu cjã yũhũ. Apequina pũhota yũhure tiquina yahu wajaepẽgũta sa tuhutu cjã yũhũ. Yũhũ yerire ihñana “Ahri quehnoañe ijire. Ahri ñañe ijire”, ni masiedare m̄sa. Yũhũ gũhũ masata ijiaja. Sa yegũ yũhũ yerire quehnoano masi pehoeraja yũhũ gũhũ. ⁴ “Cristo yere yũhũ yũhdũdũcari yũhure mariedare”, ni tuhutumaja yũhũ. Yũhũ ohõ saha ni tuhutuepegũta buhiri tiboaga yũhũ. Mari pũhoro Cristo dihita yũhũ yerire ihñano, quehnoano masine. ⁵ Sa yena mari pũhoro tiquiro tojoa tato pano masare ñano ni yahu wajaeracãhña m̄sa. Tiquiro tojoa taro masa tiquina yerire, panopũ apequina tiquina masiedarire Cristo masigũ yerota. Sa yero mari ye duayere, mari tuhutuyere tiquiro masigũ yerota. Sa yero tiquiro yere yeriquinare “M̄sa quehnoano yeri”, ninota Cohãcjũ.

⁶ Yũhũ acayẽ, yũhũ Apolo mehna usã buherire yahuu yũhũ, m̄sare buhegũ tagũ. Sa ni yahuu yũhũ Cohãcjũ tiquiro yere tiquina ojoari pũpũ tiquiro nidiro sahata m̄sa yeducuatire. Sa yena m̄sa mehna cjẽnare ihcãno saha cahme ño peoya. Ihcãquiroreta ño peoeracãhña. ⁷ M̄sa pehe apequina yũhdũoro quehnoana ijierare. Masi yũhdũdũcana ijierare m̄sa. Cohãcjũ m̄sare tiquiro ohori dihitare cũore m̄sa. Sa yena m̄sare tiquiro yahuri dihitare masine m̄sa. ¿M̄sa esa tuharo cũona, m̄sa esa tuharo masina ijierapenata, dũhse yena “Masi pehona ijiaja”, niajari m̄sa? Sa nina “Cohãcjũ usãre ohoerari. Sa yero usãre yahuerari”, niboriro saha yere m̄sa.

⁸ M̄sa pehe “Cohãcjũ yere masi pehoaja usã. Usãre yabe boro dũhsaerare”, nimene m̄sa. Sa yena m̄sa cahapũ usã ijieragũ m̄sa ohõ saha ni tuhutumene: “Pũhota

yero saha masina ijiaja usã”, ni tãhotumene m̄sa. Potota Cohãcjũre masi pehona pũhtoa yero saha masina m̄sa ijigũ m̄sare quehnoa yũhdũaboaga. M̄sa sa ijigũ m̄sa mehna usã gũhũ pũhtoa yero saha masina ijiboaga. “Masina ijiaja usã”, ni tãhotuna, quehnoa yũhdũaro ni tãhotumene m̄sa. ⁹ Ohõ saha ni tãhotuaja yũhũ pũrita: Ûsãre Jesu tiquiro yere buhe dutiro cũno, ijipih̄tiyequina iji bato tiri cjã curua cũri usãre. Tiquina wejẽ dutinohriquina yero saha ijianare cũri usãre. Masa tiquina cahacjẽna yero saha ijiaja usã. Ahri yehpa cjẽna masa, angele gũhũ cahacjẽna yero saha ihñare usãre. ¹⁰ Cristo yere usã buhegũ ihñañe “Tũho masieñequina ijire”, nine masa usãre. Sa Cristo yere usã yegũ ihñañe, usãre ihña tuhtire. M̄sa pehe quehnoa yũhdũaro Cristo yere masina ijiajari m̄sa. “Cohãcjũre wacũ tutueyequina ijire”, ni tãhotumene masa usãre. M̄sa pehe quehnoa yũhdũaro wacũ tutua yũhdũana ijiajari. M̄sa pehere masa ño peore. Ûsã pehere masa ne ño peorare. ¹¹ Ûsã pehe yojopũre ñano yũhdũna, uja ahbana, aco wũona, ñano suhti mariena, wũhuse mariena ijiaja. Sa ye apequina usãre ño peoera, usãre ñano yere. ¹² Sa yena usã tutuaro dahraja. Sa yena apequina usãre tiquina ñano yahuducuepegũta usã pehe tiquinare “Quehnoano ijiya”, niaja usã. Sa yena apequina usãre ñano tiquina yepegũta sa tãhotu cjã usã. ¹³ Sa yena “Ñano yeyequina ijire”, usãre tiquina niepegũta usã pehe quehnoano mehna tiquinare yũhtiaja. Sa ye panopũ, yojopũ gũhũre ñañe wete yero saha masape cururi iji bato tiri curua cjẽna yero saha ihñare masa usãre.

¹⁴⁻¹⁵ M̄sare quehnoañe buheyere buhe m̄htagũ m̄sa pacũ yero saha wahau yũhũ. Peyequina m̄sare Cristo yere buheyequina tiquina ijiepegũta m̄sare buhe m̄htarigũ ihcũta ijiaja yũhũ. Sa ijigũ m̄sare bue tigũ yegũ tagũ ahrire

ojoagu niedũ yũhũ. Yũhũ pohnare, yũhũ cahñare yũhũ dutiboriro saha m̄sare quehnoano mehna dutigũ tagũ ahrire ojoau yũhũ. ¹⁶ Sa yegũ ahrire m̄sare tutuaro mehna dutigũ tagũ niaja yũhũ. Yũhũre ihña cuña m̄sa.

¹⁷ Ahrire ye dutigũ tagũ m̄sa cahapũ Timoteore ohou. Tiquiro yũhũ macũ yero saha ijiriquiro yũhũ cahñiquiro mari pũhtoro Jesu yaquiro ijire. Sa yero Cristo yere yeducure tiquiro. Cristo yere mari yeatire ijipih̄tiyequina Jesu yequina cahapũ buhei yũhũ. Timoteo tire m̄sare wacũducugũ yerota. Sa yegũ Cristo yere yũhũ yeriro sahata m̄sa ihña cũato saha Timoteore ohou yũhũ. ¹⁸ Timoteore yũhũ ohogũ ihquẽquina m̄sa mehna cjẽna pũhtoa iji duayequina ohõ saha nine: “Pablo marine cuero, mari cahapũ ahtasi”, ni tãhotumene tiquina. ¹⁹ Cohãcjũ cahmegũ m̄sa cahapũ mianogãta esautja. Sa esagu pũhtoa iji duayequinare m̄sa mehna cjẽnare Cohãcjũ ye tutuayere tiquina cãogũ masigũtja yũhũ. Sa yegũ tiquina sa ni maca cãri gũhũre masigũtja yũhũ. ²⁰ “Cohãcjũ usã pũhtoro ijire”, mari ni yahuepegũta tiquiro yere mari yeragũ ti mari niñe dũhseati ijierare. Cohãcjũ tutuaye mehna tiquiro cahmeno saha ye masiaja. Ti ihyo waro ijierare. ²¹ ¿M̄sa cahapũ m̄sare buhiri dahreacju m̄sare tuh̄tiacju yũhũ wahagũ cahmeajari m̄sa yũhũre? ¿O m̄sare cahĩgũ m̄sare bucuegu yũhũ wahagũ cahmeajari m̄sa yũhũre? ¿Dũhse ijigũ yũhũ wahagũ cahmeajari m̄sa?

5

Corinto cjẽna tiquina wũana tirire yahuahye Pablo

¹ Potota ohõ saha qiti tire usãre apequina: Ihcãquiro m̄sa mehna cjũno tiquiro m̄nonore wũana tiñõhti. Sa ni yahuri masa usãre. Apequina pehe Cohãcjũre cahmeeñequina ijiepetata tiquina pehe sa yerare. ² M̄sa mehna cjũno tiquiro sa

yepegūta mūsa pehe “Quehnoana ijiaja usā”, ni tūhotumene. ¿Dahse yena tiquiro ñano yeyere masiepenata bujūa witierajari mūsa? Sa yena sa ñano yeriquirore mūsa mehna Jesu yequina mehna ijiriquirore cohāña mūsa. ³⁻⁴ Yūhū mūsa mehna ijierapegūta yūhū wacūñepū mūsa mehnata ijiaja yūhū. Sa yegū mūsa mehna ijigū yūhū niboriro saha ñano yeriquirore tiquiro sa ñano yeri buhiri buhiri dahre duti tuhasaja yūhū. Jesu tiquiro dutiro mehnata sa ye dutiaja. Sa yena mūsa cahmecoana yūhū wacūñe mehnapū mūsa mehna yūhū ijigū mari pūhtoro Jesu tiquiro tutuaye mehna tiquirore ñano yeriquirore cohāña, ohō saha niña: ⁵ “Watino tiquiro cahmeno saha mūhare yecūnahdo”, niña tiquirore. Sata niña tiquirore ñañene tiquiro tutuaro cahmeñene tiquiro duhatire. Mūsa sa cohāgū tiquiro ñano yūhdūrota. Mari pūhtoro Jesu tiquiro tojoa tati deco ñano yeriquiro Jesu mehna tiquiro quehnoano yūhdūatire yojopūre tiquirore sa niña.

⁶ “Quehnoana ijiaja usā”, niepenata ñano yena niaga mūsa. Ñano yeriquirore mūsa sa ihña cāna, ti ñañene mūsa ijipihtina piha pihia wahanata. Pāre pugū yeye trigore ti quehnoano sehsaro saha ti ñañe mū sare piharo quehnoano sehsaa waharota. ¿Tire masiedajari mūsa? ⁷ Yūhū acaye judio masa pascua ijigū ovejare wejē, ujuā mūo, Cohācjūre ño peore. Sata oveja tiquiro yariariro saha Cristo mari ñañe buhirire yariaa wahahye. Tiquiro sa waharire masina mūsa pehe ñano yeriquirore mūsa mehna cjūnore cohāña ti ñañe mū sare “Pihari” nina. Mūsa ñañe yerire cohā tuhasari Cristo. Sa yena ñano yeriquirore cohāña “Pari turi ti ñañene pihari”, nina. ⁸ Pāre pugū yeye trigore ti sehsariro saha panopū ñañene ihña cū, ye pihirina ijimi mari. Sa yena pascua bōse decopū pāre pugū yeye marieno pāre tiquina ihyariro saha mari gūhū

ñañene cahmeno marieno ñano yero marieno ijihna mari. Panopū mari ñañene yeriro saha yeracūhna. Sa yena potota quehnoano tūhotuye mehna, quehnoañene yehna.

⁹ Mū sare yūhū ojoari pūpūre Jesu yaquiro tiquiro ijiepegūta sa wūana tiducuriquirore ne piti ti dutierami. ¹⁰ Sa nigū wūana tiyequinare, apequina yere tutuaro cahmeñequinare, yaqueyequinare, “Cohācjū ijire”, tiquina niñe queoyere ño peoyequinare Jesu yequina tiquina ijieragū “Tiquina mehna ijieracāhña”, niedaja. Ahri yehpapū sa ijieyequina marieno Jesure cahmeeñequina marieno mari dihita iji masiedaja. Ijipihtirōpūre ijire tiquina pehe. ¹¹ Sa yegū mū sare ojoagū ohō saha dutimi: Mūsa mehna cjūno “Jesu yaquiro ijiaja”, nidiquiro ijieperota numino mehna ñano yeriquiro, apee borore tutuaro cahmediquiro, “Cohācjū ijire”, tiquina niñe queoyere ño peoriquiro, ñano quiti yeducuriquiro, queheriquiro, yaqueriquiro tiquiro ijigū tiquirore piti tieracāhña. Sa yeriquiro “Jesu yaquiro ijiaja”, nidiquiro ijigū tiquirore piti tieracāhña. Sa yena sa yeriquiro mehna ihyeracāhña. ¹² Sa yegū Jesu yequina ijieyequinare tiquina ñañe yeri buhirire buhiri dahre dutirigū ijieraja yūhū. Sa yūhare yeraro cahmene. Yūhū sa niepegūta mūsa mehna cahmecoañequina Jesu yequina mūsa basi mūsa yerire ihñana, masino cahmene mū sare. Sa ihña cāedarō cahmene. Sa yena tiquina ñano yegū ihñana mū sare buhiri dahrero cahmene tiquinare. ¹³ Jesu yequina ijieyequina pehere Cohācjū pehe buhiri dahrerota. Sa yena mūsa pehe mūsa mehna cjūnore ñano yeriquirore buhiri dahrena tiquirore cohāña.

6

Jesuyequinare yahusārire yahuahye Pablo

¹ ¿Mūsa basi cahme ihña tuhti yahusā duana dahse ijiro boro Jesu

yequina ijieyequina cahapũ mũsa acayere Jesu yequinare yahusãna wahajari? Jesu yequinare mũsa mehna cjẽnare yahusã duana apequina Jesu yequinare tire yahuro cahmene mũsare. Sa ye Jesu yequinapũ be-seahro. ² Pihtiri deco ijigũ mari Jesu yequina pehe masa ijipihtiyequina tiquina yerire ihñana besenata mari tiquinare. ¿Tire masiedajari mũsa? Sa yena pihtiri deco ijigũ masa ijipihtiyequinare beseatina ijina, yojopũ gãhũre bese masiaja mari. Sa yena yojopũre ihyo ijiyegã buhiri gãhũre bese masiaja mari. ³ Angele tiquina yerire ihñana tiquina gãhũre besenata mari. ¿Tire masiedajari mũsa? Mari sa beseatina ijina potota ti yũhdũoro yojopũ gãhũre Jesu yequina tiquina yerire ihñana bese masiaja mari. ⁴ ¿Sa yena dũhse yena mũsa mehna cjẽnare yahusã duana Jesure cahmeeñequina cahapũ ihyo ijiyegã buhirire yahusãna wahajari mũsa? ⁵ Ahrire nigũ niaja mũsa queoro yerarire mũsa bujũa witiatire. ¿Mũsa mehna cjẽnare mũsa cahme dũse tini wiagũ mũsare yahuatiquiro mũsa mehna cjũno quehnoano masiniquiro mariedajari? Ijire. ⁶ Sa ijiepegũta mũsa mehna cjũno Jesu yaquiro apequiro Jesu yaquirore yahusã duaro Jesu yequina ijieyequinare yahusãno wahare.

⁷ Masare beseyequina pũhtoa cahapũ mũsa mehna cjẽnare yahusãna Cohãcjũ ye pehere yũhdũũcana nine mũsa. Apequiro mũsa mehna cjũno mũsare ñano tiquiro yegũ sa tũhotu cãboaga mũsa. Jesu yequina ijieyequinare mũsa yahusãto pano mũsa acayũrore mũsa sa tũhotu cãgũ quehnoa yũhdũaboaga. Jesu yaquiro mũsare tiquiro yaquegũ tiquirore mũsa yahusãto pano tiquiro yaquere mũsa sa tũhotu cãgũ quehnoa yũhdũaboaga. ⁸ Mũsa gãhũ sa ijinata ijire. Apequinare ñano yere mũsa. Sa yena yaquere mũsa. Sa yena apequina mũsa mehna cjẽna Jesu yequina tiquina ijiepegũta tiquinare ñano yena, yaquere mũsa.

⁹ Sa yequequina Cohãcjũ pũhtoro ijiropũre uhmũsepũre waha masiedare. ¿Tire masiedajari mũsa? Ni mehoñene tũhotueracãhña mũsa. Mari pũhtoro ijiropũ ne wahasi ohõ saha yequequina: Wũana tiyequina, “Cohãcjũ ijire”, tiquina niñe queoyere ño peoyequina, numia mehna ñano yequequina, uhmũ mehna ñano yequequina numia, uhmũ sehsaro tiquina pagũri mehna ñano yequequina, numia sehsaro tiquina pagũri mehna ñano yequequina numia, ¹⁰ ni meho ehmañequina, apequina yere tutuaro cahmeeñequina, queheyequina, masare ñano tuhtiyequina, yaqueyequina, ne Cohãcjũ pũhtoro ijiropũre uhmũsepũre waha masiedare. ¹¹ Panopũre mũsa gãhũ sa yerina ijimedi. Sa yemedina mũsa ijiepegũta yojopũre mũsa ñano yerire cose tuhasari Jesucristo pehe. Sa tiquiro cosenohrina mũsa ijigũ tiquiro yequina ijiatinare yeri Cohãcjũ mũsare. Sa yero “Quehnoana ijire”, ni ihñare mũsare tiquiro. Sata yere mũsare mari pũhtoro Jesucristo, Espiritu Santo gãhũ tiquina tutuaye mehna.

Mari pagũri Cristo ye pagũri ijire

¹² “Yũhũ cahmeno saha ye masiaja yũhũ”, nine ihquẽquina. Sata ijire. Yũhũ gãhũ sa nidigũ ijiepegũta tire yegũ apequinare yedohorigũ ijieraboaga yũhũ. Yũhũ cahmeno saha ye masiaja. Sa ye masiepegũta ihquẽ tahari sa yegũ ijigũ duhu masiedaboaga yũhũ. Sa yegũ tire pari turi yesi yũhũ, “Duhu masiedaboaga”, nigũ. ¹³ Ohõ saha nine mũsa: “Ijipihtiye ihyaye mari paa cjẽ ijiati ijire. Sa yero mari paa ihyaye pose tiati paa ijire”, nine mũsa. Ti ijirota ijire. Sa ijieperota came Cohãcjũ pehe mari ihyayere mari paa gãhũre pihtia wahagũ yerota. Sa ye mari ihyaye ihyo warota ijiro nine. Ihyaye mari paa cjẽ ijiati ijire. Sa ijieperota mari pagũri numia mehna ñano yeati pagũri ijierare. Mari pagũri pehe mari pũhtoro Cristo ye pagũri ijiye nine. Sa yero mari pũhtoro pehe

mari pagurire quehnoano yeatiquiro ijire. ¹⁴ Sa yero Cohãcjũ tiquiro tuuaye mehna mari pũhoro Cristore masoahye. Sa tiquiro yeriro sahata mari gãhũre masonota tiquiro.

¹⁵ ¿Sa yena mũsa paguri Cristo ye paguri ijigũ masiedajari mũsa? ¿Ti sa ijigũ Cristo ya pagũ mehna wũana tiri-coro mehna mari ñano yegũ quehnoa-jari? Quehnoaedare. ¹⁶ Wũana tiri-coro ñeheniquiro tiquiro pagũ pehe ticoro ya pagũ mehna ijiro, ihcã pagũ yero saha ijire. ¿Tire masiedajari mũsa? Sata ni ojoahye Cohãcjũ yere tiquina ojoari pũpũ: “Tiquina pũaro ijiepetahcã pagũ yero saha wahare”, ni ojoahye. ¹⁷ Mari pũhoro Jesu tiquiro yaquiro masũno mehna ijiro nine. Sa yero masũno mari pũhoro mehna pũaro ijiepetahcã pagũ yero saha ijire.

¹⁸ Sa yena wũana tieracãhña. Tire mũsa yabiro saha tire yeracãhña. Apeye ñañene mari yena mari pagũre dojomehnedaja. Wũana tiri-quiri pehe tiquiro pagũre ñano dojomehnene. ¹⁹ Espĩritu Santore marine ohori Cohãcjũ. Sa yero mari paguri mehna ijire Espĩritu Santo. ¿Tire masiedajari mũsa? Sa ye mũsa paguri, mũsa jeripohnari gãhũ mũsa ye waro ijierare. ²⁰ Mũsa ñañe buhirire buhiri dahre tuhasari Cristore. Sa yena tiquiro yequina waro ijire mũsa. Tiquiro yequina ijina mũsa paguri mehna Cohãcjũ tiquiro cahmeno sahata yeya. Sa yena Cohãcjũre ño peona nine mũsa. Sa yena apequina gãhũre tiquirore ño peogũ yena nine.

7

Namo tiyere yahuahye Pablo

¹ Yojopũre yũhũre mũsa sinitu ojoarire yũhũ gãhũ yũhti cahmegũ tagũ niaja: Masũno namo tieragũ quehnoare, yũhũ ihñagũ. ² Ti sa ijiepegũta apequina wũana pehe namo tiahro apequina numia mehna tiquina “Ñano yeari”, niñe. Sa ye

ihquẽ numiata manũ tiahro ape-quina mehna tiquina “Ñano yeari”, niñe. ³⁻⁴ Manũ tiricoro pagũ ticoro ya pagũ dihita ijierare. Ticoro manũno ya pagũ gãhũ ijire. Ticoro manũno gãhũ tiquiro pagũ tiquiro ya pagũ dihita ijierare. Tiquiro namono ya pagũ gãhũ ijire. Sa yena mũsa wũana pehe mũsa namosãnumiare quehnoano cũoya. Sa yena mũsa numia gãhũ mũsa manũsumũare “Yũhũ pagũre piheracãhña”, niedacãhña. ⁵ Sa ijiepegũta Cohãcjũre pũaro mũsa sini duana “Meheñe decorigã yũhũ mehna ijieracãhña. Cohãcjũre sini-ihna”, ihcãno mehna sa nina, sa ye masine mũsa. Mũsa sa nidi bato mũsa iji mũhtariro saha ijiducuya tja, Sata mũsare “Ñano ye dutiari”, nina. “Apequina mehna ñano yeboaga”, nina, mũsa basi piti ti duhueracãhña. Mũsa iji mũhtariro saha ijiducuya tja.

⁶ Ahrire mũsare yojopũ yũhũ nidire nigũ mũsare dutiye waro mehna niedaja. Sa yahugũ niaja mũsa yeatire mũsa masiatire. ⁷ Ijipihtina mũsa yũhũ yero saha namo tiena mũsa ijigũ quehnoaboaga yũhũre. Sa iji duepenata mari ijipihtina ihcãno saha ijieraja. Ihquẽquinare namo ti dutire Cohãcjũ. Sa yero tiquiro ihquẽquinare namo ti dutierare.

⁸ Sa yegũ namo marienare, manũ marienare, wape wiha numia gãhũre ohõ saha niaja mũsare: Namomariena, manũ mariena iji masina, sata iji cãhña yũhũ yero saha. ⁹ Sa iji masiedana tutuaro ñañene cahmena, namo tiya. Sa yena manũ tiya. Ñañene mũsa tutuaro cahmegũ quehnoaedare mũsare. Mũsa sa tutuaro cahmegũ mũsa namo tigũ pũrita quehnoarĩne. Sa yena mũsa manũ tigũ gãhũre quehnoarĩne.

¹⁰ Mũsa namo tinare, manũ tina numiare ohõ saha dutiaja. Yũhũ sa niepegũta yee dutiye waro ijierare ahri. Mari pũhoro Cristo ahrire dutire: Mũsa numia pehe mũsa manũsumũare cohãedacãhña. ¹¹ Mũsa manũsumũare cohãna, manũ mariena numia tojoaya. Sa tojoerana

pari turi m̄sa man̄sum̄ma mehna quehnoano ijiya tja. Sa yena m̄sa ḡh̄m̄ m̄sa namos̄numiare coh̄edac̄h̄na.

12 Sa yeḡm̄ m̄sa ḡh̄m̄re apequinare oh̄o saha niaja ȳh̄m̄. Mari p̄h̄toro tiquiro dutiye ijierare ahri. Ȳh̄m̄ pehe oh̄o saha niaja m̄sare: Ih̄quēquina m̄sa mehna cj̄na Jesu yequina pehe Jesure cahmeeñequina numiare namo tiquina ijire. Sa ye tiquina namos̄numia tiquina mehna tojoa duaḡm̄ tiquina numiare coh̄edac̄h̄do tiquina. 13 Sa ye

ih̄quēquina m̄sa mehna cj̄na numia Jesu yequina numia Jesure cahmeeñequinare man̄ tiquina numia ijire. Sa ye tiquina man̄sum̄ma tiquina numia mehna tojoa duaḡm̄ tiquinare coh̄edac̄h̄do. 14 M̄sa

man̄sum̄ma Jesure cahmeeñequina ijiepeḡta Jesu yequina numiare tiquina namo tiḡm̄, Coh̄ac̄j̄ quehnoañequina yero saha ih̄n̄are tiquinare. Sa yena m̄sa m̄m̄ pehe Jesu yequina m̄sa ijiḡm̄ m̄sa namos̄numia Jesure cahmeeñequina numia ijiboaga. Tiquina sa ijiepeḡta m̄sa mehna tiquina numia man̄ tiḡm̄ Coh̄ac̄j̄ quehnoañequina yero saha ih̄n̄are tiquina numiare. Tiquiro sa ih̄n̄edaḡm̄ m̄sa pohna Jesure cahmeeñequina pohne yero saha ih̄n̄aboaga Coh̄ac̄j̄. Sa yero tiquina pohne ḡh̄m̄re quehnoañequina yero saha ih̄n̄are Coh̄ac̄j̄. 15 Sa ye m̄sa m̄m̄ pehere m̄sa namos̄numia Jesure cahmeeñequina numia m̄sare coh̄a duaye, sata yeahro. M̄sa

man̄sum̄ma ḡh̄m̄ sa coh̄a duaye, sata yeahro. Quehnoano mari ijiḡm̄ cahmene Coh̄ac̄j̄. Sa yero tiquina numia Jesu yequina ijieye numia m̄sare coh̄a duaḡm̄ “Tiquina numia mehna ijiniña”, ni, dutierare Coh̄ac̄j̄. 16 Tiquina namos̄numia Jesu yequina numia pehe quehnoano yeḡm̄ ih̄n̄añe camep̄m̄ tiquina man̄sum̄ma Jesure cahmeboaga. Sa cahmeḡm̄ Coh̄ac̄j̄ tiquinare pecap̄m̄ waha-

boriquinare ȳh̄d̄orota. Sa ye tiquina man̄sum̄ma Jesu yequina

pehe quehnoano yeḡm̄ ih̄n̄añe camep̄m̄ tiquina namos̄numia Jesure cahmeboaga. Sa cahmeḡm̄ Coh̄ac̄j̄ tiquina numiare pecap̄m̄ waha-boriquina numiare ȳh̄d̄orota. Sa Jesure cahmeboriquina tiquina ijiepeḡta potota Jesure tiquina cahmeatire masiyuro basioerare m̄sare.

17 Sa yena ijipihtina m̄sa mari p̄h̄toro Cristo m̄sare tiquiro iji dutiriro sahata yeya. Sa yena Coh̄ac̄j̄ m̄sare tiquiro c̄r̄ire yeya m̄sa. Tire ijipihtiyequina Jesu yequinare sa ye dutiducuaaja ȳh̄m̄. 18 Jesu yequina m̄sa ijiato pano cuhnucun̄ sohtoa cahseroḡare ȳh̄re nena ijina, tire ih̄n̄a yabierac̄h̄na. Sa yena Jesu yequina m̄sa ijiato pano cuhnucun̄ sohtoa cahseroḡare ȳh̄re nedarina ijina yojop̄m̄ ḡh̄m̄re sata ijiducuya.

19 Yojop̄m̄re ti cahseroḡare ȳh̄re nedina m̄sa ijiḡm̄ d̄h̄seati ijierare. Tire yerarina m̄sa ijiḡm̄ ḡh̄m̄re d̄h̄seati ijierare. Sa ijiepeḡta Coh̄ac̄j̄ dutiyere mari yeḡm̄ ti p̄rita ihyo waro ijierare. 20 Sa yena Coh̄ac̄j̄ Jesu yequina m̄sare tiquiro c̄r̄i p̄je m̄sa

ijiriro sahata tojoaya. 21 Jesu yaquiro mah̄m̄ iji d̄cato pano apequiro cahac̄j̄ mah̄m̄ ijiḡm̄ quehnoanota. Sata tojoaya. Mah̄m̄ p̄h̄toro mah̄m̄re tiquiro wio duaḡm̄ pehere wijiaya mah̄m̄. Mah̄m̄ wijiaḡm̄ quehnoanota mah̄m̄re. 22 Sa yero mari p̄h̄toro Jesu yaquiro ih̄c̄aquiroyo ijero mas̄no cahac̄j̄no ijieperota Jesu tiquiro ȳh̄d̄oriquiro ijire. Sata apequiro mari p̄h̄toro Jesu yaquiro ijero, mas̄no cahac̄j̄no ijieraperota Jesu cahac̄j̄no ijire tiquiro ḡh̄m̄. 23 Mari ñañe buhirire buhiri ti tuhasahye Cristo. Sa yena tiquiro dihitare potota m̄sa p̄h̄toro waro t̄hotuya m̄sa. Apequina m̄sare tire tiquina ye dutieraḡm̄ tiquinare t̄hoerac̄h̄na.

24 Sa yena ȳh̄m̄ acaye, Jesu yequina ijiatiquina Coh̄ac̄j̄ m̄sare tiquiro c̄r̄i p̄je m̄sa ijiriro sahata tojoaya. Sa tojoana Coh̄ac̄j̄ mehna cj̄na ijiya.

25 Yojop̄m̄re namo marienare, man̄ mariena numia ḡh̄m̄re yahu duaja

m̄sare. Mari p̄horo ahrire “Ohō saha niña”, niedare ȳh̄re. Ȳh̄re tiq̄iro paja ihñagū ȳh̄re tiq̄iro yedohogū tiq̄iro cahmeno sahata yeducurigū ijiaja ȳh̄. Sa ijirigū ijigū ahrire quehnoano yahutja m̄sare. ²⁶ Yojop̄re m̄sa ñano ȳhd̄na niaga. Sa yena m̄sa namo mariena ḡh̄, man̄ mariena ḡh̄ m̄sa tojoagū quehnoanota, ȳh̄ t̄hotugū. ²⁷ Namō mariena, man̄ mariena numia m̄sa ijina sata tojoaya. Sa yena m̄sa pehe namo tina, man̄ tina numia ḡh̄ sata tojoaya. ²⁸ Namō tina ñano yerare m̄sa. Sa yena m̄sa nuhmia man̄ tina, ñano yerare m̄sa ḡh̄. Sa yena namo tina, man̄ tina numia m̄sare wape c̄oro tojoarota. Sa yegū m̄sare “Sa wape tiari”, nigū “Namō mariena, man̄ mariena numia tojoaya”, niaja ȳh̄.

²⁹ Ȳh̄ acaye, ahrire m̄sare yahugū niaja. Cristo ahri yehpap̄ tiq̄iro tojoa tato mehenogā d̄hsare. Sa ye yojop̄re namo marieñequina Cohācj̄ cahmeno saha tiquina quehnoano ye masino sahata quehnoano yero cahmene namo tiyequina ḡh̄re. Sa ye man̄ tiyequina numia ḡh̄re sata Cohācj̄ tiq̄iro cahmeno saha quehnoano yero cahmene. ³⁰⁻³¹ Ahri yehpa yojop̄ ijiro saha camer̄ ijisi. Camesa pihtia waharota. Sa pihtiat̄i yehpa ijigū yojop̄re mari ñehe quea utiye, mari bucueye, mari c̄oye pihtia waharota. Sa ye ti ihyo waro ijire. Cohācj̄ yere yeye pehe ihyo waro ijierare. Sa ye ahri yehpa cj̄ne c̄oyequina, c̄oyequina yero saha ijiahro. Ahri yehpa cj̄ne pajiro t̄hotueraro cahmene. Ahri yehpa yojop̄ ijiri yehpa camesa pihtia waharota.

³² M̄sa ñano ȳhd̄eragū cahmeaja ȳh̄. Sa yegū m̄sa pajiro m̄sa t̄hotueragū ḡh̄re cahmeaja. Namō mariediquiro Jesu yaquiro ijiro Jesu yere wacūducure. Sa wacūducuro Jesu cahmeñene tutuaro ye duare. ³³ Namō tiriquiro pehe tiq̄iro namono cahmeñe pehere tutuaro ye

duare. Sa yero ahri yehpa cj̄ne pajiro t̄hoture. ³⁴ Sa yero tiq̄iro p̄arore ye duare. Jesu cahmeñene, tiq̄iro namono cahmeñe ḡh̄re tiq̄iro ye duare. Sa yero b̄c̄oro man̄ mariedicoro ijiro, ticoro mari p̄horo Jesu cahmeñene tutuaro ye duare. Nuhmino ḡh̄ sata ye duare. Sa ye duaro ticoro tutuaro Cohācj̄ yacoro iji duare. Man̄ tiricoro pehe ahri yehpa cj̄e pehere ticoro man̄no cahmeñe pehere tutuaro ye duare. Sa yero ahri yehpa cj̄ne pajiro t̄hoture.

³⁵ Ahrire m̄sare nii niaja m̄sare yedohogū tagū. Tutuaro dutiyere m̄sare cū d̄eraja. Sa cū d̄erapegūta quehnoano m̄sa yegū cahmeaja. Sa yegū Jesu mari p̄horo yere m̄sa tutuaro ye duagū cahmeaja ȳh̄.

³⁶ M̄sa mehna cj̄no tiq̄iro cahmedicoro b̄c̄oro wahagū ihñano ticorore namo tiahero. “Sata yero cahmene”, ni t̄hoturo, namo tiahero. Sa yero ticorore namo tiro ñano yero niedare. ³⁷ Apequiro pehe tiq̄iro cahmedicorore “Ȳh̄re namo tiro cahmene”, ni d̄eraro, tiq̄iro cahmediro sahata yeahro. Tiq̄iro namo ti d̄eragū, quehnoanota. Quehnoano yero nine. ³⁸ Sa yero tiq̄iro cahmedicorore namo tiriquiro ḡh̄ quehnoano yere. Sa yero yojop̄re ticorore namo tieriquiro pehe apequiro ȳhd̄oro quehnoano yere.

³⁹ Man̄ tiricorore ticoro man̄nore cohā dutierare Cohācj̄. Tiq̄iro sa cohā dutierapegūta ticoro man̄no tiq̄iro yariari bato ticoro apequiro mehna ticoro cahmediquiro mehna man̄ ti masine. Ticoro man̄ tiriquirore Jesu yaquiro ijiro cahmene tiq̄irore. ⁴⁰ Ticoro man̄ mariedicoro tojoaro, man̄ tiricoro ȳhd̄oro quehnoano bucuericoro ijirota ticoro. Sata ni t̄hotuaja ȳh̄ pehe. Cohācj̄ yaquiro Esp̄ritu Santore c̄ogū ijiaja. Ȳh̄ sa c̄ogū ijigū masina, ahri ȳh̄ yahurire masiña m̄sa.

8

“Cohãcjũ ijire”, tiquina niñe queoyere ño peo, ihyayere duhu peoahye masa. Ti ihyayere yahuahye Pablo

¹ Yojoꝑure “Cohãcjũ ijire”, tiquina niñe queoyere ño peo, tiquina duhu peori ihyayere yahu duaja. Ijipihtina m̄sa ti borore “Masiaja”, ni t̄hoture m̄sa. Sa ni t̄hotuna “Apequinare masi ȳhd̄ducaja”, ni t̄hotumene m̄sa. Sa ni t̄hotuna apequinare yedohoerare m̄sa. Apequinare cah̄na tiquinare yedohore m̄sa. Sa ye masiñe ȳhd̄oro apequinare cah̄ñe pehe ihyo waro ijierare. ² “Masi peho cjã”, nina ijina, Cohãcjũ quehnoañene tiquiro masi dutiyere masiedar̄aga m̄sa. ³ Sa ijiepegũta Cohãcjũre m̄sa cah̄gũ m̄sare masine tiquiro. Sa yena tiquiro yequina ijire m̄sa.

⁴ “Cohãcjũ ijire”, tiquina niñe queoyere ño peo, tiquina ihyayere duhu peore. Ti ihyayere m̄sare yahutja: Ti queoye ne d̄hseati ijierare. Potota ti queoye jeripohna mariedare. Cohãcjũ pehe ihcãquirola ijire. Apequina cohãmana mariedare. Ahrire masiaja mari. ⁵⁻⁶ “Peyequina cohãmana ijire. Tiquina mari p̄h̄toa ijire”, ni t̄hotumene masa. Sa yero uhm̄seꝑu, ahri yehpaꝑu ḡh̄ure “Cohãmana”, tiquina niñequina ijiepegũta mari pehere ihcãquirola ijire Cohãcjũ. Tiquiro mari Paꝑu ijipihtiyere bajumehnediquiro ijire. Sa yero tiquiro yequina ijiatina yeahye tiquiro marine. Sa yero mari p̄h̄toro Jesucristo ihcãquirola ijire. Tiquiro ijipihtiyere mari Paꝑu ye basariquiro ijire. Tiquiro yequina ijiatinare yeahye tiquiro marine. Sa yena tiquiro mehna sa ijiducunata mari.

⁷ Ȳh̄u nidiro saha ijiepegũta apequina Jesu yequina tire masiedare. Panopu tiquina “Cohãcjũ ijire”, tiquina niñe queoyere “Catiyequina ijire”, ni t̄hotuducumahye. Ti p̄jẽꝑure sa yeriquina ijiye yojopu ḡh̄ure ti queoyere ño peo, tiquina

duhu peo ihyayere “Cohãmana ye ihyaye ijire”, ni t̄hotumene. Sa ye ti ihyayere ihyaye, “Mari ñano yena niaja”, ni t̄hotumene. Tire tiquina yerire quehnoano masiedaye, sa ni t̄hotumene. ⁸ Ti ihyayere mari ihyagũ mari ihyeragũ ḡh̄ure Cohãcjũ marine “Quehnoañequina ijire”, ni ihñedare. Sa ye ti ihyayere mari ihyagũ ihyo warota iji cãhno nine ti ihyaye. Mari tire ihyana ñano yeraja. Ti ihyayere mari ihyeragũ ḡh̄ure ihyo warota iji cãhno nine. Mari ihyerana apequina ȳhd̄oro quehnoana ijieraja mari ḡh̄u. ⁹⁻¹⁰ Sa ijiepegũta quehnoano yeya m̄sa. Ti ihyayere ihyarina m̄sa ijigũ apequina m̄sare “Masiaja”, ninare ihña cũ ihyaboaga. Sa ihña cũ ihyaye tiquina yerire quehnoano masiedaye, “Ñano yena niaja mari”, ni t̄hotueta tiquina ḡh̄u. Tiquina sa ni t̄hotugũ tiquina pehere ñano yegũ yena niaga m̄sa. Sa yena quehnoano yeya m̄sa. ¹¹ “Mari ti ihyayere mari ihyagũ quehnoanota marine”, m̄sa ni t̄hotuna ijina apequina quehnoano masieñequinare ñano yegũ yeboaga m̄sa, m̄sare tiquina ihña cũgũ. Sa yeriquina ye ijiati ḡh̄ure yariahye Cristo. Sa yena Cristo yequinare m̄sa acayere ñano yegũ yena niboaga m̄sa. ¹² Quehnoano masieñequinare Cristo yequinare m̄sa ñano yegũ yena, Cristo ḡh̄ure ñano yena nine m̄sa. ¹³ Sa yegũ ti queoyere ño peo, tiquina duhu peo ihyayere ȳh̄u ihyagu Cristo yequinare ñano yegũ yegũ niboaga ȳh̄u. Jesu yequina ñano yegũ cahmedaja. Sa yegũ “Ȳh̄u tiquinare ñano yegũ yeari”, nigũ ti ihyayere ne pari turi ihyasi ȳh̄u.

9

Pablo Jesu c̄riquiro tiquiro ijiyere yahuahye

¹ Jesu tiquiro yere buhe dutiro c̄rigũ ijiaja. Sa yegũ apequina tiquiro c̄riquina tiquina yero saha ye masiaja ȳh̄u ḡh̄u. Jesu c̄rigata

ijiaja yuhũ gũhũ. Mari pũhoro Jesure ihñarigata ijiaja yuhũ. Sa yena Jesu yere yuhũ buhegũ mũsa pehe tire quehnoano tũhona tiquiro yequina wahare mũsa. Sa yena Jesu cũrigũ yuhũ ijiyere masi tuhasare mũsa. ² Apequina yuhũre yahu wajaye “Jesu cũriquiro ijierare”, niboaga. Tiquina sa niepegũta mũsare yuhũ buheri bato Jesu yequina wahana, “Jesu cũriquiro ijire”, ni, yuhũre masi tuhasare mũsa. Sa yena apequina yahu wajaepẽgũta mũsa pehe tiquiro cũrigũ yuhũ ijiye tiyere masine.

³ Yuhũre yahu wajayequinare ohõ saha ni yũtiitja. ⁴ Mũsare yuhũ buheri bato yuhũ ihyatire yuhũ sihniati gũhũre yuhũre ohoro cahmene mũsare. ⁵ ¿Sa yegũ namo tigũ ijigũ yuhũ namono Jesu yacoro ticoro ijigũ ticoro mehna tini masiedaboagari yuhũ? Apequina Jesu cũriquina, Jesu bahana, Pedro gũhũ tiquina namosãnumia mehna tiquina tinidiro sahata yuhũ gũhũ tini masiboaga. Yuhũ sa tinigũ yuhũ namo tigũ ijigũ ticoro gũhũre ihyayere ohoboaga mũsa. ⁶ Yuhũ Bernabé mehna mũsare quehnoañe buheyere usã buhepegũta usãre ne apee borogã ohoerari mũsa. Sa yena usã basita usã ihyatire dahra wapataũ usã. ¿Usã dihitare wapataro marieno buhero cahmeajari, mũsa tũhotugũ? ¿Usã sa buhena apeye dahraye pehere duhu masiedaboagari usã? ⁷ Ahriquina yuhũ queoye mehna yahuatiquina pehe tiquina dahrari wapa wapatare. Ihcãquiro surara dahragũ tiquiro pũhota tiquirore wapa yere. Tiquiro basi wapa yerare. Ihyayere oteriquiro gũhũ tiquiro oteri dũca tigũ tireta ihya masine. Sa yero wapatare tiquiro. Sa yero ovejare ihña ihboriguero tiquiro nuñequina epẽcore sihni masine tiquiro. Sa yero wapatare tiquiro gũhũ. ⁸ “Tiquina dahrari wapare wapa yero cahmene”, nigũ masa tiquina dutiye dihitare mũsare yahueraja. Cohãcjũ dutiyepũ tiquiro nidi gũhũre mũsare yahugũ niaja. ⁹ Tiquiro dutiyere tiquina ojoari pũpũ

ohõ saha ni yahure: “Wecũ trigo pjerire tiquiro dahpocãri mehna suhti weriquiro ihya duagũ tiquiro dũserore cahmotaeracãhña”, niahye Cohãcjũ dutiye. Sa dutiro wecũare nino niedahye. ¹⁰ Sa dutiro marine nino niahye marine buhero taro. Wesere seheriquiro gũhũ ti dũcare nediquina gũhũ tiquina dahrari bato dũca tiri pje ijigũ tiquina wapatatire cohtere. Sa yena dahrayequinare tiquina dahrari wapare ohoro cahmene marine. ¹¹ Mũsare Cohãcjũ yere quehnoañe buheyere buhei usã. ¿Usã sa buhegũ mũsa pehe usãre ihyayere ohoeraro cahmeajari, mũsa tũhotugũ? Ohoro cahmene. Mũsa ohogũ quehnoaboaga usãre. Sa ijiepegũta mũsa ohoerari usãre. ¹² Sa ohoerapenata apequina ihyayere mũsare sinigũ tiquina pehere ohore mũsa. Tiquina mũsare ihyayere sinigũ tiquina yuhũoro usã pehe oho dutiboaga mũsare.

Sa oho dutiborina ijiepenata usã pehe “Usãre ohoya” ne niedũ. “Cristo ye buheyere mũsapũ cahmedaboaga” nina, usãre mariedapegũta mũsare ne siniedũ. ¹³ Cohãcjũ wũhũpũ dahrayequina ti wũhũputa tiquina ihyayere nene. Sa ye Cohãcjũre tiquina ño peori altarpũ cohteyequina wãhiquirore tiquina mũã mũoriquirore mehenogã ne, ihyari tiquina gũhũ. ¿Tire masiedari mũsa? ¹⁴ Sa tiquina yeriro saha quehnoañe buheyere buheyequinare tiquina buheri wapare tiquina ihyatire tiquinare ohoro cahmene mũsare. Sata ye dutiri mari pũhoro Jesu. ¹⁵ Sa yegũ mũsare siniborigũ ijiepegũta yuhũ ne apee borore siniedũ mũsare. Sa yegũ ahrire yojopũre ojoa ohogũ apee borore wapa cahmegũ tagũ ojoagũ niedaja. Mũsare ne wapa cahme dueraja. Yariacjũ ijiepegũta ne wapa cahmesi yuhũ mũsare. Wapa marieno buhegũ tutuaro bucueaja. Sa yegũ mũsare yuhũ buheri wapa ne wapata ihyasi.

¹⁶ Quehnoañe buheyere buhe dutiro yuhũre cũri Cohãcjũ. Tire

buheacjuta ijigũ niaja yũhũ. Quehnoañeyegũ masa tiquina ijie tiro saha ijiaja. buheyere buheragũ pejecũogũ iji-boaga yũhũ. Sa yegũ ti buheyere buhegũ “Apequinare masi yũhdũdũcaja” niasjũ ijieraja yũhũ. ¹⁷ Quehnoañe buheyere yũhũ esa tuharo buhegũ yũhũ buheri wapa wapa neboaga yũhũ. Cohãcjũ yũhũre tiquiro yere buhe dutiro cũri yũhũre. Sa yegũ yũhũre tiquiro cũrire yegũ niaja. Sa buheacjũ ijiaja yũhũ. ¹⁸ ¿Tiquiro yere sa buhegũ yabe borore wapatajari yũhũ? Ohõ saha ijire yũhũ wapataye: Quehnoañe buheyere buhegũ mũsare ne apee borore siniedagũ wapa marieno ti buheyere buheaja mũsare. Yũhũ sa nidire masigũ bucueaja. Yũhũ bucueyeta ijire yũhũ wapataye.

¹⁹ Ne masa cahacjũ ijierapegũta ijipihtieyeguina cahacjũ yero saha ijiaja yũhũ apequina masa Jesu yequina tiquina wahatire. ²⁰ Sa yegũ yũhũ acaye judio masa mehna ijigũ, tiquina yero saha yeaja yũhũ Jesu yequina tiquina wahatire. Cohãcjũ dutiyere Moisere tiquiro cũrire ño peorigũ ijierapegũta, ti dutiye dihitare ño peoyequina mehna ijigũ ti dutiyere ño peoriquiro yero saha ijiaja yũhũ. Sata yeaja yũhũ tiquina Jesu yequina tiquina wahatire. ²¹ Sa yegũ Cristo yaquiro ijigũ Cohãcjũ dutiyere Moisere tiquiro cũrire cohã dueraja. Ti dutiyere cohã duerapegũta ti dutiye marieñequina mehna ijigũ ti dutiye marieniquiro yero saha ijiaja. Sata yeaja yũhũ Jesu yequina tiquina gũhũ wahatire. ²² Jesu yere quehnoano masieñequina mehna ijigũ tiquina yero saha ijiaja. “Masi pehogũ ijiaja”, niedaja yũhũ. Sata yeaja yũhũ Jesu yequina tiquina gũhũ wahatire. Sa yegũ ijipihtieyeguina masa tiquina ijie tiro saha ijiaja yũhũ, ihquẽequina Jesu yequina tiquiro yũhdũoriquina tiquina wahatire. ²³ Ahrire yeaja quehnoañe buheyere ijipihtieyeguina tiquina tũhoatire. Yũhũ sa yegũ ihãano Jesu tiquiro buheriro saha yũhũ gũhũre quehnoano yere. Sa

²⁴ Ohõ saha ijire mari queoye mehna buhegũ. Oma cohãpeyequina tiquina ijipihtieyeguina omare. Tiquina sa oma pihtiepegũta oma tutuariquiro pehe esa mũhtare. Sa esa mũhtariquiro wapatare. Sa yena tiquina omariro saha mũsa gũhũ Cohãcjũ cahmeñene yeya mũsa wapatare. ²⁵ Ijipihtieyeguina omañequina tiquina pagũre dojomehneñene duhu cã, quehnoano omapore tiquina oma tutuatire. Sa ye tiquina quehnoano omatire queoro ihyaye, queoro carĩne, quehnoano yere tiquina. Sata yere tiquina wapatare saha. Sa ye tiquina wapatare pũri mehna tiquina yeri behto ijire. Ti behto pehe yoari pje ijierare. Duita ahbaa wahare. Mari pehe Cohãcjũ yere quehnoano buheaja tiquiro yere mari wapatare saha. Ti wapatare pũrita ne ahbaerare. ²⁶ Sa yegũ yũhũ ape siepũ omariquiro yero saha yeraja. Sa yegũ cahmequeperiquiro ape siepũ dote maca cãriquiro yero saha yeraja. Sa yegũ Cristo yere queoro ye duaja. ²⁷ Sa yegũ omapeyequina, cahmequepeyequina gũhũ tiquina pagũrire tiquina buheriro saha, quehnoano queoro tiquina yeriro saha yũhũ gũhũ yũhũ pagũ mehna quehnoañe dihitare yepoaja. Sa yeragũ apequinare buherigũ yũhũ ijiepegũta dũhseacjũ ijieraboaga yũhũ pehe.

10

“Cohãcjũ ijire”, tiquina niñe queoyere ño peo dutierahye Pablo

¹ Sa yena yũhũ acaye, ahrire masiña mũsa. Usã Israe masa ñecũsumũna mũna panopũ cjẽna ijipihtieyeguina Cohãcjũ ya ehmeo curuare ihãa nũnũ tã cãa wahahye. Sa wahaye, aco sohãri mare aco pũa peheri tojoadũcari mahapũ wũa queheri mahapũ tiniñe, pehãa wahahye. ² Sa wahaye, tiquina ijipihtieyeguina ehmeo curua mehna aco sohãri ma cjẽ aco mehna Cohãcjũ ye ijiatire

wame yenohriquina yero saha wahahye. Wame yenohrina wahana Cristo yequina mari ijiyere ihñoña niaja. Sa tiquina aco sohãri mare wame yenohriquina yero saha wahahye, Moise yequina tiquina ijiyere ihñoñe niahye. ³ Sa ye tiquina ijipihtiequina ùhmuse cjẽ ihyayere ihyae tiahye Cohãcjũ tiquiro ohoyere. ⁴ Sa ihyaye tiquina ijipihtiequina Cohãcjũ ohori aco gũhure sihnie tiahye. Ti pjeprẽ ti acore Cohãcjũ cũri ùtãpũ wijiari acore sihnie tiahye tiquina. Tia ùtã yero saha ijiriquiro, tiquinare aco ohoriquiro Cristo ijiahye. ⁵ Tiquina sa wahariquina ijiepegũta apequina tiquina mehna cjẽna ñano yegũ ihñoño Cohãcjũ pehe peyequina tiquina mehna bucuerahye. Sa yero tiquinare masa marienopũ yariagũ yeahye Cohãcjũ.

⁶ Sata yeahye tiquinare Cohãcjũ marine buhero taro. Sa yero tiquinare ihña cũ ñañene mari tutuaro cahmedatire Cohãcjũ sa yeahye tiquinare. ⁷ Sa yena “Cohãcjũ ijire”, tiquina niñe queoyere tiquina ño peoriro saha yeracãhña m̄sa. Ti queoyere tiquina ño peorire Cohãcjũ yere tiquina ojoari pũpũ yahuro ohõ saha niahye: “Tiquina ihya duji sihni tuhasa, wahcãdũca, bose deco ye dũcahye wecũ queoyere ño peoye tehe”, ni ojoahye panopũre. ⁸ Came apequina Israe masa pehe numia mehna ñano yeahye. Tiquina yeriro saha yeraro cahmene marine. Tiquina ñano yeri bato ihcã decota tiquina veintitres mil masa yariaa wahahye. ⁹ Apequina Israe masa Cohãcjũre tiquina mehna usuagũ yeahye. “Marine buhiri dahresi”, niñe Cohãcjũre tuhtiahye. Sa tuhtiye tiquirore usuagũ yeahye. Tiquina sa yeri buhiri Cohãcjũ añaa pari mehna bahque wejẽahye tiquinare tja. Sa yena tiquina yero saha Cristore yeracãhña m̄sa. ¹⁰ Apequina Cohãcjũre unure tuhtigũ angel masare wejẽdiquiro tiquinare wejẽahye. Sa yena tiquina yero saha yeracãhña.

¹¹ Sa wejẽ dutiahye tiquinare Cohãcjũ marine buhero taro. Mari pehe pihtiri deco panogã ijina ijiaja. Mari sa ijina ijigũ panopũ cjẽna tiquina sa waharire Cohãcjũ ojoa dutiahye marine quehnoano buhero taro. ¹² Sa yena “Quehnoana ijiaja, Cohãcjũ tiquiro ihñagũ”, ni tuhotu, quehnoano yeya m̄sa “Ñañene yeari”, nina. ¹³ Mari ijipihtina ihcãquiro dũhsaro marieno ihquẽ tahari ñañene wacũaja. Sa wacũna ti ñañene ye duaja. Mari sa ye duepegũta Cohãcjũ marine yedohoducuriquiro ijire. Sa yero ti ñañe wacũñene mari bo masiedagũ tiquiro pehe marine yedohorota. Sa yero ti ñañene mari ye duagũ ihñoño Cohãcjũ ti ñañene marine ye dueragũ yerota. Tiquiro sa yegũ ti ñañene ye duasi mari.

¹⁴ Sa yena yũhũ cahña yũhũre tuhoya. “Cohãcjũ ijire”, tiquina niñe queoyere ne ño peoracãhña. ¹⁵ M̄sa quehnoano masina ijigũ m̄sare yahuaja. Sa yena yũhũ niato poto ijigũ masiña m̄sa basi. ¹⁶ Cristore tiquina ñehedi ñamine vinore tiquiro sihniato pano Cohãcjũre “Quehnoare”, niahye. Tiquiro nidiro saha mari gũhũ ti vinore sihnina Cohãcjũre “Quehnoare”, nina, mari ye buhiri Cristo tiquiro yariarire masigũ yena niaja. Tiquiro dii wijiari masigũ yena niaja. Sa yena tiquiro yequina mari ijiye gũhũre masigũ yena niaja mari. Sa yena pãre mari Cristo yequina nuhana mari ye ijiatire tiquiro pagũ curusapũ tiquiro yariarire masigũ yena niaja. Sa yena tiquiro yequina mari ijiye tiye gũhũre masigũ yena niaja. ¹⁷ Sa yena peyequina masa ijiepenata ihcãria pãgãre ihyana, ijipihtina mari Cristo yequina ihcã curuata ijiaja. Sa yena peyequina ijiepenata ihcã curuata ijiaja.

¹⁸ Israe masa tiquina yerire wacũña m̄sa: Tiquina wahiquirore wejẽñe, ùjũa m̄o, ohoye, Cohãcjũre ño peore. Sa tiquina ohori bato ihcã curuata tiquina ohoriquirore

ihyare. Sa ihyaye Cohãcjũ yequina tiquina ijiye tiyere masigũ yere tiquina. ¹⁹ Ohõ sahata nii niaja musare: “Cohãcjũ ijire”, tiquina niñe queoye dahseati ijierare. Sa yero queoyere ño peo tiquina duhu peoye ihyaye pehe ihyo warota ijiro nine. Ti ihyaye marine sijoro saha wahagũ yerare. ²⁰ Ti ihyaye sijoro saha wahagũ yerapegũta ti ihyayere ihyeraro cahmene. Ohõ saha ijire ti. Cohãcjũre cahmeeñequina wahiquireore wejẽ, ujãa muo, Cohãcjũre ño peoye niedare. Sa ye queoyere ño peoye watã pehere ño peore tiquina. Tiquina sa ño peoyequina ijigũ tiquina mehna ihyana watãno yequina yero saha yena niaga musa. Musa sa yegũ pũritare ne cahmedaja. ²¹ Santa cenare mari yeri deco mari puhtoro Jesure wacũna tana sihniaja. Mari sa sihnina, watãno ye pehere sihni masiedaja mari. Sa yena Jesure wacũna tana pãre ihyaja. Mari sa ihyana, watã ye pehere ihyama siedadaja mari. ²² ¿Jesure musa mehna usuagũ ye duajari musa? ¿Tiquiro yuhduoro tutuana ijiajari musa? Ijierare musa. Sa yena quehnoano yeya musa.

Cohãcjũ cahmeñe dihitare yeya

²³ Musa yeri ñañe ijierapegũta tire yena apequinare yedohoeraboaga musa. Sa yena tire yena Jesure wacũ tutua nemogũ yeraboaga musa apequinare. ²⁴ Musa cahmeñe dihitare yeracãhña. Apequina pehere quehnoano yedohoya musa.

²⁵⁻²⁶ Ihyaye duaropure ihyayere dúna “¿Ahri ihyaye cohãmana queoye cahapũ tiquina duhu peori ihyaye ijiajari?” ni, sinitueracãhña. “Ñañene yeari”, nina, sinituboaga musa. Sa ni sinitueracãhña. Ahri yehpa, ahri yehpapũ ijiye gũhũ Cohãcjũ ye ijire. Sa yena ti ihyayere “¿Ñañe ihyaye ijiajari?” niedacãhña.

²⁷ Jesure cahmeediquiro musare ihyama dutiro tiquiro pijiogũ waha duana wahaya. Sa wahana musare

tiquiro duhu peoyere ihyaya. “¿Ahri ihyaye Cohãcjũ queoye cahapũ tiquina duhu peori ihyaye ijiajari?” ni, sinitueracãhña. ²⁸ Sa yena apequiro Jesu yaquiro “Ahri ihyaye Cohãcjũ queoyere tiquina duhu peori ihyaye ijire”, musare tiquiro ni yahugũ ti ihyaye pũritare ihyeracãhña. Musare sa ni yahuriquiro “Ñañe ihyayere ihyare ahriquina”, musare tiquiro ni tãhotueratire ihyeracãhña. ²⁹ Sa ihyama dutieragũ musa pehere yedohogũ tagũ sa niedũ. Musare ahrire yahuriquiro pehere yedohogũ tagũ sa ihyama dutieraja. Tiquiro pehe musare “Ñañe ihyayere ihyare ahriquina”, niboaga. “Sa niari”, nina ti ihyayere ihyeracãhña.

“Ihyeracãhña”, yuhũ nigũ ohõ saha ni sinitu yuhtiboaga musa yuhure: “¿Duhse ijiro boro apequireore ‘Sijoro saha wacũari’ ”, nina ihyeraboagari usã? ³⁰ “¿Ti queoyere ohori ihyayere usã ihyagũ Cohãcjũ warore ‘Quehnoare’, usã niepegũta dahsero tire usã ihyari buhiri apequiro usãre yahu wajaboagari?” ni sinitu yuhtiboaga musa yuhure. ³¹ Ahri ijipihitiyere yahugũ ohõ saha nigũ niaja musare: Decoripe Cohãcjũ tiquiro dutiriro sahata bucueye mehna ihyama, sihniaja, Cohãcjũre masa tiquina ño peotire. Sa yena ijipihitiyere quehnoano yeducuya Cohãcjũre masa tiquina ño peotire. ³² Ne judio masare, judio masa ijieyequinare, Cohãcjũ yequina gũhure ñano yegũ yeracãhña musa tiquinare. ³³ Ohõ saha yeaja yuhũ pehe. Masa ijipihitiyequinare yedoho duaja. Sa yegũ yee ijiati pehere pajiro tãhotueraja. Yuhũ ñano yuhdugũ quehnoanota. Masa pehere yedohoaja tiquinare pecapũ wahaboriquinare Cohãcjũ tiquiro yuhduotire.

11

¹ Sa yena Cristore yuhũ ihña cũriro sahata musa gũhũ yuhure ihña cũña.

Corinto cjẽna cahmecoanopũ nunia tiquina yeatire yahuahye

² M̄sare ȳh̄u buhe turiarire wac̄ũ pehoñoh̄ti m̄sa. Sa wac̄ũna m̄sare ȳh̄u nidire ȳh̄u ye dutiriro saha yeñoh̄ti m̄sa. Sa yena quehnoano yere m̄sa. ³ Sa yena m̄sa ijiepeḡata ahri ḡh̄ure m̄sa masiḡũ cahmeaja: Ijipihtiyequina ̄m̄sa tiquina p̄h̄toro, Cristo ijire. Sa yero tiquiro namono p̄h̄toro ijire ticoro man̄no. Sa yero Cristo p̄h̄toro tiquiro Pac̄ro ijire. ⁴ Coh̄c̄j̄ure sinidiquiro tiquiro dapure mohariquiro sinino, tiquiro basi p̄h̄toro ijiyere wijiario nine. Coh̄c̄j̄ũ yere yahuriquiro ḡh̄u tiquiro dapure mohano, sata yero nine tiquiro ḡh̄u. ⁵ Sa yero ticoro dapure moheno Coh̄c̄j̄ure sinino, ticoro man̄no p̄h̄toro ijiyere wijiaḡũ yero nine. Coh̄c̄j̄ũ yere yahuricoro ḡh̄u ticoro dapure moheno, sata yero nine ticoro ḡh̄u. Sa yero ticoro poarire w̄hari p̄j̄i mehna w̄ha pehoricoro yero saha yere ticoro. ⁶ Ticoro dapure moha dueraro ticoro poarire se peho c̄a dutiahero. Ticoro sa yeri bato ticoro dapure b̄e tiro, ticoro mohaahdo ticoro dapure. ⁷ ̄m̄sa pehe Coh̄c̄j̄ũ yero saha p̄h̄toa ijire. Sa ye Coh̄c̄j̄ũ quehnoariquiro, tutu-ariquiro tiquiro ijiye tiyere ih̄ore tiquina pehe. Sa ye tiquina dapure moheñequinata ijiahero. Numia pehe ̄m̄sa tiquina p̄h̄toa ijiye tiyere ih̄ore. Sa yeye tiquina dapure mohaahdo. ⁸ Coh̄c̄j̄ũ ̄m̄n̄ore yero, numino ya paḡũ c̄j̄ẽ mehna ̄m̄n̄ore yerahye. Numino pehere yero, ̄m̄no ya paḡũ c̄j̄ẽ mehna yeahye ticorore. ⁹ Sa yero ̄m̄n̄ore yero, numino yaquiro ijiatiquirore yerahye. Numino pehere yero ̄m̄no yacoro ijaticorore yeahye Coh̄c̄j̄ũ ticorore. ¹⁰ Sa ye numia tiquina dapure mohaahdo angele ḡh̄u tiquina ih̄na bucueatire. Sa mohañe ̄m̄sa tiquina p̄h̄toa tiquina ijiyere ih̄oñe nine. ¹¹⁻¹² Coh̄c̄j̄ũ numinore yero, ̄m̄no paḡũ c̄j̄ẽ mehna yeahye. Sata yojop̄re ̄m̄no masa bajuaro, numino paḡũp̄ masa bajuare. Sa yero ijipihtiyequinare Coh̄c̄j̄ũ pehe

yeahye. Sa yero ̄m̄no tiquiro iji mahtaedaḡũ numino mariedaboaga. Sa ye numino ticoro mariedaḡũ ̄m̄no ḡh̄u mariedaboaga. Sa ye tiquina ̄m̄sa numia ḡh̄u tiquina basi cahme yedohore masa putiatire. Sa yero ijipihtiyequinare ijiatiquinare bajumehnediquiro ijire Coh̄c̄j̄ũ.

¹³ ¿M̄sa basi d̄h̄se ni t̄hotuajari? ¿Numino ticoro dapu mohedico, Coh̄c̄j̄ure ticoro siniḡũ quehnoajari, m̄sa t̄hotuḡũ? Ne quehnoaedare. ¹⁴ Sa yero ̄m̄no poa nahmo c̄oriquiro tiquiro ijiḡũ ñar̄ne. Ijipihtiyequina masa tire masine. ¹⁵ Sa yero numino ticoro poa nahmo ticoro dapure mohari cahsero yero saha ijire. Sa yero ticoro poa nahmo c̄oricoro ijero quehnoaricoro bajure ticoro. Ti ḡh̄ure ijipihtiyequina masine. ¹⁶ M̄sa mehna c̄j̄ano ahrire ȳh̄u yahurire tiquiro cahmedaḡũ, oh̄o saha ni yahutja tiquirore: “Ȳh̄u ni yahuriro saha yeducuaja mari. Apequina Jesu yequina ḡh̄u sata yere tiquina ḡh̄u. ̄s̄a sa yerina ijiḡũ ih̄n̄aḡũ ȳh̄u ni yahuriro saha yero cahmene m̄h̄u ḡh̄ure”, ni yahutja ȳh̄u yahurire cahmeediquirore.

Santa cenare tiquina ihyari watoa dojomehneahye Corinto c̄j̄ena

¹⁷ Yojop̄re m̄sare ahrire yahuḡũ t̄h̄, “Quehnoano yena ijire”, niedaja ȳh̄u m̄sare. M̄sa cahmecoana quehnoano yerare. Ñano yere m̄sa. ¹⁸ Oh̄o saha ni yahu mahtaũtja m̄sare: M̄sa cahmecoanop̄ cahme d̄se tutuana m̄sa basi ih̄quẽ cururi tu wana niñoh̄ti m̄sa. Apequina tire ȳh̄ure tiquina yahuḡũ “Potota ijiaga”, ni t̄hotuaja ȳh̄u. ¹⁹ Sata yere m̄sa. Sa yena oh̄o saha ni t̄hotumene m̄sa. “Mari tu warina ijina, Jesu yequina waro ijiyequina pehere masinata mari. Sa yena marine tu waro cahmene”, ni t̄hotumene m̄sa. ²⁰ M̄sa basi sa cahme ih̄na tuhtina, m̄sa ih̄c̄anop̄ cahmecoa ihyana quehnoano yerare. Potota Santa cena waro

yena niedare. ²¹ MUSA cahme-coana ihquẽquina mUSA sehsaro ihya mahtana, apequina pehere ujua ahbagũ yere. Sa ye sihni mahtana quehea wahare. ²² ¿MUSARE mUSA ihyaye wuhuse mariedajari? ¿MUSARE mUSA sihniñe wuhuse mariedajari? Ti wuhusepata ihya, sihniña. Yojopure Cohãcjũ yequina tiquina cahme-coanore dojomehnena niaga mUSA. Sa yena apequina Jesu yequina pe-jecuoeyequinare ihyaye marieñequina pehere mUSA pehe buoro yuhdagũ yere. ¿Duhse ni yahugutari yuh mUSARE? “Quehnoano yerare mUSA”, niaja yuh.

Santa cenare ihyarire yahuahye Pablo

(Mt 26.26-29; Mr 14.22-25; Lc 22.14-20)

²³ Mari puhtoro Jesu tiquiro ihya bato tirire yahuri yuhure. Sa tiquiro yahuri bato yuh pehe musare tire yahuu. Ti ohõ saha ijire: Tiquirore ihña tuhtiyequinare Juda tiquiro ihñoati ñamine mari puhtoro Jesucristo pãre ne, ²⁴ Cohãcjũre “Quehnoare”, niñohti. Tiquiro sa nidi bato ti pãre nuha, tiquiro buheyequinare itiñohti. Sa itiro ohõ saha niñohti: “Ahrire ihyaya. Ahri yuh pagu ijire. MUSA ye ijiatire yariutja. Yuhure mUSA wacũatire ahrire ihyaya”, niñohti Jesu mari puhtoro. ²⁵ Sa tiquina ihyari bato tiquiro sihni pare neno ohõ saha niñohti: “MUSA ñaño yeyere cohãgũ tagu yariutja. Sa yegu ye diire cohãgutja. Cohãcjũ ‘MUSARE yuhduoutja’ tiquiro nidiro esagũ yuh yariaro mehna tiquiro nidiro sahata sohtori tirota. Ahri papu pose tiyere sihni, yuh dii wijiarire wacũnata. Ahrire sihni, yuhure mUSA wacũatire sihniña”, niñohti Jesu. ²⁶ Sa yena Santa cena cje pãre mUSA ihyana, sihniñene sihni, Jesu mari puhtoro mari ye buhirire tiquiro yariarire wacũ, ihñoa nine mUSA. Sa ihñoducunata mUSA tee ahri yehpapu tiquiro tojoa tato pano.

“Santa cenare ihya sihniña ohõ saha yeya”, ni yahuahye Pablo

²⁷ Santa cenare ihya, sihniña, Jesure ño peoro marieno cua pesaro yerana, tiquiro pagure tiquiro dii cohãri gũhure bujupero saha yena niaja mari. Sa yena Jesure bujupena niaja mari. Sa yeyequina buhiri tiyequina ijire. ²⁸ Sa yena mari yerire, mari ijiye tiyere quehnoano wacũuhna. Sa wacũna Santa cenare ihya, sihni masiaja mari. ²⁹ Mari puhtoro mari ye ijiatire tiquiro pagu yariarire wacũno marieno Santa cenare ihya, sihniña mari buhiri tinata. ³⁰ Ohõ saha dihita yere peyequina mUSA mehna cjeña. Sa ye tiquina ihquẽquina tutueyequina, dohatiyequina wahare. Sa ye apequina tiquina sa yeri buhiri yariaa wahare. ³¹ Sa ijiepegũta tiquina ihya, sihniña tiquina yerire, tiquina ijiye tiyere quehnoano wacũñe, tiquina ñaño yerire duhu, ti buhirire buhiri tieraboaga. ³² Mari puhtoro pehe marine tuhtire, tiquina ye buhirire marine buhiri ti dutieraro. Apequina ñañoquina Jesure ño peoyequina buhiri tiatiquina dihita ijire. Tiquina yero saha marine buhiri tigã cahmedare mari puhtoro.

³³ Sa yena yuh acaye, Santa cenare ihyana tana cahmecoana, mUSA basi cohteniña. ³⁴ Sa ye mUSA mehna cjeña ujua ahba, tiquina ye wuhusepu ihyarĩahdo. Sa yena Santa cenare ihyana tana cahmecoana, cua pesaro yerariquina ye buhiri buhiri tisi mUSA. Apee borore yahu duami musare. Came yuh basi esagupu musare yahutja tire.

12

Cohãcjũ yere mari yeatire cño marine ye masigũ yere Espĩritu Santo

¹ Yuh acaye ahrire yahu duaja musare. Cohãcjũ yere mari yeatire cño marine ijipihtinare ye masigũ yere Espĩritu Santo. Sa yegu tire mUSA quehnoano masigũ cahmeaja.

2 Jesu yequina ijieranina sijoro saha ijiye buheyere t̄aho n̄an̄ana ijina, m̄asa pehe “Cohãcjũ ijire”, tiquina niñe queoyere, yahuducueye queoyere ño peomedi. Tire masine m̄asa. 3 Sa ijimedina m̄asa ijigũ yojop̄are ohõ saha ni yahutja m̄asare. “Jesu ñano wahacũnahdo”, niñequina Cohãcjũ yaquiro Espiritu Santo tutuaye mehna sa niñe niedare. Espiritu Santo warore c̄uoerare tiquina. Sa ijiye “Jesu mari p̄ahoro ijire”, niñequina pehe Espiritu Santo tutuaye mehna sa niñequina ijire tiquina.

4 Cohãcjũ yere ye masiñe peye ijire. Ti sa ijiepegũta marine ye masigũ yeriquiro pehe ihcãquirola ijire. Tiquiro Espiritu Santo ijire. 5 Sa ye apequinare yedohoye ḡah̄u peye ijire. Ti sa ijiepegũta mari p̄ahoro Jesu pehe marine yedoho dutiriquiro ihcãquirola ijire. 6 Sa ye Cohãcjũ yere yeye ḡah̄u peye ijire. Ti sa ijiepegũta Cohãcjũ ijipihtina marine ye masigũ yeriquiro pehe ihcãquirola ijire. 7 Marine Jesu yequinare Espiritu Santo yedohoro, Cohãcjũ tutuayere ih̄ono nine. Ohõ sahata yedohore tiquiro Jesu yequinare ijipihtiyequinare mari quehnoano yeatire. 8 Ihquẽquinare quehnoano masi yahugũ yere Espiritu Santo. Sa yero apequinare Cohãcjũ yere quehnoano buhegũ yere tiquiro. 9 Sa yero apequinare Cohãcjũre quehnoano wacũ tutuagũ yere tiquiro. Sa yero apequinare Cohãcjũ tutuayere ohore tiquiro. Ti tutuaye mehna tiquina pehe dohatiyequinare ȳahd̄ugũ yere. Cristore tiquina wacũ tutuagũ ih̄ano tiquirore tiquina sinidiro sahata yere tiquiro. Espiritu Santo ihcãquirola ijiriquiro ti tutuayere ohore. 10 Sa yero apequinare Cohãcjũ tutuaye mehna ih̄oñene ye masigũ yere tiquiro. Sa yero apequinare Cohãcjũ yere quehnoano yahu masigũ yere tiquiro tiquinare. Sa yero apequina Jesu yequinare buheyere quehnoano bese masigũ yere tiquiro. Sa masiñe wat̄no ye buheye ti ijigũ masine

tiquina. Espiritu Santo waro ye buheye ḡah̄u ti ijigũ masine tiquina. Sa yero apequinare t̄ahomehneñe yahuducuyere yahuducu masigũ yere tiquiro. Sa yero t̄ahomehneñe yahuducuyere yahuducuyequina tiquina nino sahata yahu ȳahd̄uo masigũ yere tiquiro apequinare. 11 Espiritu Santo ihcãquirola ijiriquiro tiquiro cahmeno saha marine ijipihinare ȳah̄u yahuriro saha ye masigũ yere. Ihquẽquinare sijoro saha ye masigũ yere. Apequina ḡah̄u sijoro saha ye masigũ yere.

Cristo yequina ijina ihcã curuata ijiaja mari

12 Ohõ sahata ijire ahri mehna mari queoye mehna yahugũ: Mari pagũ ihcã pagũ ijiepegũta omocari, caperi, dahpocãri, cahmo ti p̄urita peye ijire mari pagup̄u ijiye. Sata ijiaja mari Cristo yequina ḡah̄u. Cristo yequina tiquiro pagũ yero saha ihcã curuata ijiaja. 13 Sa yena Cristo yequina ijina, tiquiro pagũ yero saha ihcã curuata ijiaja mari. Judio masa, judio masa ijiena, cahacjãna, cahacjãna ijiena peye cururi mari ijiepenata ihcãquirola ijiriquiro tiquiro pagũ yero saha ihcã curuata ijiaja mari. Espiritu Santo ihcãquirola ijiriquiro tiquiro tutuaye mehna wame yenohrina ijiaja mari ijipihtina. Sa yena ihcãquirola Espiritu Santore c̄uoaja mari, Cristo ya curua cjãna ijina.

14 Mari pagũ ihcã pagũ ijiepegũta omocari, caperi, dahpocãri, cahmo, ti mari pagup̄u ijiye peye ijire. 15 M̄ah̄u dahpocã yahuducuri dahpocã ijiro, ohõ saha niboaga m̄ah̄u sijoro saha ni duaro: “Omoca ijieraja ȳah̄u. Sa yegũ pagũ cjã dahpocã ijieraja ȳah̄u”, niboaga. M̄ah̄u dahpocã sa nieperota pagũ cjã dahpocã ijirota nine. 16 M̄ah̄u cahmono yahuducuri cahmono ijiro, ohõ saha niboaga m̄ah̄u sijoro saha ni duaro: “Capea ijieraja ȳah̄u. Sa yegũ pagũ cjã cahmono ijieraja ȳah̄u”, niboaga. M̄ah̄u cahmono sa nieperota pagũ cjã cahmono

ijirota nine. ¹⁷ ¿Mari pagu capea dihita ijigũ dũhse tũhoboagari mari? Basioerare. ¿Sa yena mari pagu cahmono dihita ijigũ dũhse wijĩboagari mari? Basioerare. ¹⁸ Sa ijierare mari pagu. Ohõ saha ijire. Mari pagupũ ijiyere Cohãcjũ tiquiro cahmeno saha cũahye mari pagure. ¹⁹ ¿Mari pagupũ ijiye mariedagũ dũhse wahaboagari mari pagu? ¿Mari omocari dihita ijigũ dũhse wahaboagari mari pagu? ²⁰ Mari pagu ohõ saha ijire: Ihcã pagu ijiepegũta mari pagupũ ijiye peye ijire.

²¹ “Mũhũ yedohogũ cahmedaja”, mũhũ capea ni masiedare mũhũ omocare. Sa yero mũhũ dapu mũhũ dahpocãrine “Mũsa yedohogũ cahmedaja”, ni masiedare. ²² Apeye mari pagupũ ijiyere “Ihyo iji cjuñe ijire”, mari niñe pehere pototi cahmeaja mari apeye mari pagupũ ijiye yũhdũoro. ²³ Sa yena mari pagupũ ijiyere “Ihyo ijiye ijire”, mari ni tũhotuepenata tire mari pagupũ ijiyere cahmeaja mari, mari quehnoano ijiato saha. Sa yena apeye mari pagupũ ijiyere mari bũe tiyere suhti mehna nũoaja mari. ²⁴ Apeye mari pagupũ ijiyere nũoedaja mari. Ti pũritare ihñona, bũe tieraja. Ohõ saha iji dutiahye Cohãcjũ mari pagure. Mari ihñoeñene mari pagupũ ijiyere mari quehnoano ño peoye mehna cũoaja. Sata ye dutiahye Cohãcjũ. ²⁵ Sa ye mari pagupũ ijiye ti basi cahme yedohore. ²⁶ Sa ye mari caperi ñano yũhdũgũ apeye mari pagupũ ijiye gũhũ ñano yũhdũare. Sa ye mari caperi quehnoañe wahagũ mari pagupũ ijiye gũhũ quehnoano tũhoture.

²⁷ Sa yegũ ohõ saha nigũ niaja mũsare: Mũsa pehe Cristo pagu yero saha ihcã curuata ijire. Sa yena ijipihtina mũsa tiquiro pagupũ ijiye yero saha tiquiro yequina ijire. ²⁸ Sa yero Jesu yequinare mari yedohoatire cũahye Cohãcjũ marine. Ohõ saha cũahye tiquiro marine. Ihquẽquinare marine buhe dutiro Jesu cũ mũhtarinare cũahye

tiquiro. Apequinare tiquiro yere yahu mũhtariquinare cũahye. Apequinare masare buheatiquinare, apequinare Cohãcjũ tutuaye mehna yeatiquinare, apequinare dohatiyequinare yũhdũoatiquinare, apequinare masare yedohoatiquinare, apequinare masa puhtoia ijiatiquinare, apequinare tũhomehneñe yahuducuyere yahuducuatiquinare cũahye Cohãcjũ marine. ²⁹ Sa tiquiro cũgũ ijipihtina ihcãno saha tiquiro cũrina ijieraja mari. Apequina Cohãcjũ buhe dutiro tiquiro cũriquina ijierare. Sa yena apequina Cohãcjũ yere yahu mũhtarina ijieraja mari. Sa yena apequina masare buhena ijieraja mari. Sa yena apequina Cohãcjũ tutuaye mehna yeatina ijieraja mari. ³⁰ Sa ye apequina dohatiyequinare yũhdũoatiquina ijierare. Sa yena apequina tũhomehneñe yahuducuyere yahuducuna ijieraja mari. Sa yena apequina tũhomehneñe yahuducuyere yahu yũhdũoana ijieraja mari. Sa yero maripe mari yeatire cũahye tiquiro. ³¹ Sa yena Cohãcjũ yere ye masi duana quehnoa yũhdũye pehere tutuaro cahmeña mũsa. Sa yegũ ijipihtiyere yũhũ nidi yũhdũoro mũsa cahmeatire yojopũre yahutja mũsare yũhũ.

13

Apequinare quehnoano tiquina cahĩatire yahuahye Pablo

¹ Masa ye yahuducuyere yahuducu masiepenata, angele ye yahuducuyere yahuducu masiepenata apequinare cahĩedana, dũhseanaja ijieraja mari. Sa ye mari yahuducuyere gũhũ dũhseati ijierare. Sa yena apequinare cahĩedana mari yahuducuna, ihyo waro yahuducuna niaja. ² Cohãcjũ yere quehnoano yahu masiepenata, masa tiquina masiedarire Cohãcjũ yere tiquina buheri gũhũre masi pehoepenata apequinare cahĩedana dũhseanaja ijieraja mari. “Ahdũ cũnũ ape sierũ

wahaahro”, mari nigũ “Potota mari nidiro sahata Cohãcjũ yerota”, ni mari tũhotugũ sata yerota. Cohãcjũre sa ni tũhotuyequina ijiepenata apequinare cahĩedana ne dũhseanaja ijieraja mari. ³ Ijipihtiyere pejecũoyequinare mari ohoepẽgũta apequinare mari cahĩedagũ ti mari ohori dũhseati ijierare. Sa yena Cohãcjũ yere yena tana mari pagũre mari ẽjũa mũo dutiepegũta apequinare mari cahĩedagũ ti mari sa yeye dũhseati ijierare.

⁴ Usueraja apequinare cahĩna. Tiquinare cahĩna quehnoano yeaja tiquinare. Sa yena apequinare cahĩna tiquinare coeraja. Sa yena mari cahĩniquiõ mehna ijina “Mũhũ yũhdũoro ijigũ ijiaja”, niedaja mari. ⁵ Apequinare cahĩna “Mũsare masi yũhdũũcaja”, niedaja mari tiquinare. Sa yena apequinare cahĩna tiquinare ño peoro mehna yeaja mari. Apequinare cahĩna “Usã cahmeno saha yeaja. Mũsa cahmeno saha yeraja”, niedaja mari. Sa yena tiquinare cahĩna dũita usueraja mari tiquina mehna. Sa yena apequinare cahĩna marine ñano tiquina yegũ gũhũre tiquina mehna sa usuaducueraja mari. ⁶ Apequinare cahĩna ñañene tiquina yegũ ihñana bucueraja mari. Quehnoañe pehere tiquina yegũ ihñana tutuaro bucueraja. ⁷ Apequinare cahĩna tiquina ye buhiri ñano yũhdũepenata tiquinare sa cahĩducuaaja mari. Apequinare cahĩna apequina pehe mari cahĩnequinare tiquina yahu wajagũ tũhoepenata tire tũho dueraja. Mari cahĩnequinare apequina yahugũ quehnoañe dihitare tũho duaja mari. Apequinare cahĩna “Tiquina ñañene yesi”, ni tũhotuaja mari tiquinare. Apequinare cahĩna ñano yũhdũepenata tiquinare cahĩ duhusi mari.

⁸ Ti cahme cahĩne ne pihtisi. Cohãcjũ yere yahuye pehe came pihtia waharota. Tũhomehneñe yahuducuye gũhũ came pihtia waharota. Cohãcjũ yere masa tiquina buheri gũhũ came pihtia waharota.

Apequinare cahme cahĩne pehe ne pihtisi. ⁹ Yojopũre Cohãcjũ yere mari masi peho masiedaja. Sa yena tiquiro yere yahuna mari yahu peho masiedaja. Mari masi pehoati dũhsare. ¹⁰ Sa yena Cristo ñañe marieniquiro tiquiro tojoa wihiri bato mari masi pehonata. Sa yena ñañe mariena ijinata. Ti pjere masi pehonata. “Masiedaja”, ni nemosi.

¹¹ Mari masi pehoati ohõ saha ijire: Nijigũ ijigũ nijinogã yero saha yahuducumi yũhũ. Sa yegũ nijinogã yero saha tũhotumi. Sa yegũ bũcũ wahagũ nijinogã tiquiro yeriro saha duhu cãhũ. Sata mari yojopũre “Masi pehoeraja”, niepenata camerũre masi pehonata. ¹² Eõno quehnoano wũhdoa bajuego saha yojopũre quehnoano masi pehoeraniaja mari. Came apequiõre quehnoano mari ihña masino saha mari masi pehonata. Yojopũre mari masi pehoati marine dũhsare. Cohãcjũ marine tiquiro quehnoano masi pehoriro saha came mari gũhũ quehnoano masi pehonata. ¹³ Sa ye ihtiarore mari ye masiaja yojopũre. Cohãcjũre wacũ tutua masiaja. Sa yena marine tiquiro yũhdũoatire masina, mari quehnoano cohte masiaja. Sa yena apequinare cahme cahĩ masiaja. Ahri ihtiaro ijire pototi mari yeati. Sa yena apequinare cahme cahĩna, ahri pũaro yũhdũoro yena niaja. Wacũ tutuaye, tiquiro yũhdũoatire cohteyẽ yũhdũoro ijire cahme cahĩne pehe.

14

Tũhomehneñe yahuducuyere yahuahye Pablo

¹ Sa yena apequinare cahme cahĩna mũsa. Sa ye Cohãcjũ yere mũsa quehnoano ye masiatire cahmeña mũsa. Cohãcjũ yere mũsa yahuati pũritare tutuaro cahmeña mũsa. ² Tũhomehneñe yahuducuyere yahuducuriquiõ Cohãcjũ mehna dihitã yahuducure. Sa ni yahuducuro masa mehna yahuducuro niedare tiquiro. Tiquiro sa ni yahuducugũ

tuhoye masa pehe ne tahoerare tiquirore. Masa tiquina masiedarire Espiritu Santo tutuaye mehna yahuducuro nine tiquiro. ³ Cohãcjũ yere yahuriquiro pehe masa pehere yahure. Sa yahuro tiquiro masare yedohoro nine. Sa yero tiquinare buhero nine tiquiro. Sa yero tiquina ñano yãhdũgũ tiquinare bucuegũ yere. ⁴ Tũhomehneñe yahuducuyere yahuducuriquiro ihcãquiota buhere. Apequinare buherare. Cohãcjũ yere yahuriquiro pehe apequinare Jesu yequinare buhero, yedohore tiquiro.

⁵ Tũhomehneñe yahuducuyere ijip-ihntina m̄sa yahuducugũ quehnoaboaggũ yãhũ tãhotugũ. Sa ijiepegũta Cohãcjũ yere m̄sa yahugũ pũritare tutuaro cahmeaja. Cohãcjũ yere yahuriquiro pehe tũhomehneñe yahuducuyere yahuducuriquiro yãhdũoro apequinare yedohore. Sa ijiepegũta tũhomehneñene yahuducuriquiro tiquiro yahuducuyere apequiro yahu yãhdũogũ tiquina pehe pototi apequinare yedohore. Tiquiro yahuducuyere yahu yãhdũoriquiro ijiro tiquiro pehe apequinare Jesu yequinare buhero nine. ⁶ Tũhomehneñe yahuducuyere m̄sa mehna yãhũ yahuducugũ, apequiro m̄sare tiquiro yahu yãhdũoeragũ m̄sare yedohoeraboaga yãhũ. Sa yegũ Cohãcjũ yãhũre tiquiro yahurire yahugũ, tiquiro yere yãhũ masiñene yahugũ, apeyere tiquiro yere yahugũ m̄sare yedohogũ niaja. Tire m̄sa tũhoatire m̄sare buhegũ m̄sare quehnoano yedohogũ niaja yãhũ.

⁷ Tũhomehneñene yahuducuriquiro tiquiro yahuducuye basa wamoã yero saha ijire. Carisure putina, arpare b̄na putẽna tire mari queoro yeragũ ti basayere apequinare masino basioerare. ⁸ Sa yero cornetare putiriquiro surara ijiro tiquina cahme wejẽato panore queoro tiquiro putieragũ apequina surara pehe tiquina cahme wejẽatire masisi. Sa ye tiquina cahme wejẽato pano tiquina wejẽatire wamoare quehnoyuriquina ijisi tiquina. ⁹ Sata

m̄sa gũhũ tũhomehneñe yahuducuyere m̄sa yahuducugũ tũhoye, yahu yãhdũoriquiro mariedagũ apequina tire ne masisi. Tiquina sa masiedagũ m̄sa yahuducuye dũhseati ijierare. ¹⁰ Ahri yehpapũ peye yahuducuye ijiaga. Sa ye tire yahuducuyequina tiquina basi sa yahuducuyere quehnoano tũhore.

¹¹ Ihcãquiro ye yahuducuyere yãhũ tũhoeragũ ihñano tire yahuducuriquiro pehe “Ape dihta cjũno ijire”, ni tãhoturota yãhũre. Sa yegũ yãhũ gũhũ sata ni tãhotutja tiquirore. ¹² Sata ijiri m̄sa gũhũ tũhomehneñene yahuducuna. Espiritu Santo tiquiro tutuaye mehna tutuaro ye duamene m̄sa. Tiquiro tutuaye mehna sa ye duana apequina Jesu yequinare m̄sa buheatire tiquinare m̄sa yedohoatire tutuaro cahmeña m̄sa.

¹³ Sa yero tũhomehneñene yahuducuriquiro tiquiro yahuducurire tiquiro quehnoano yahu yãhdũoatire Cohãcjũre siniahdo tiquiro. ¹⁴ Tũhomehneñe yahuducuye mehna Cohãcjũre sinigũ yãhũ tãhotuye mehna sinigũ niaja. Sa sinigũ yãhũ tãhotuyere apequinare quehnoano yahueraja. Sa yegũ apequinare yedohoeraja yãhũ.

¹⁵ Ahrire masina, ohõ saha yenata mari: Espiritu Santo tutuaye mehna tũhomehneñe yahuducuye mehna Cohãcjũre sininata. Sa yena ape deco quehnoano masi tãhotu, apequina tiquina quehnoano tũhoatire tiquina ye mehna Cohãcjũre sinina, ti gũhũre sininata tja. Espiritu Santo tutuaye mehna tũhomehneñe yahuducuye mehna Cohãcjũ yere basanata. Sa yena ape deco quehnoano masi tãhotu, apequina tiquina quehnoano tũhoatire tiquina ye mehna Cohãcjũ yere basana, ti gũhũre basanata tja.

¹⁶ Mari sa yeragũ tũhomehneñe yahuducuye mehna Espiritu Santo tutuaye mehna Cohãcjũre “Quehnoariquiro, tutuariquiro ijire”, mari niepegũta apequina pehe ne tãhoerare. Sa tãhoeraye “Poto ijire”, ni masiedare.

17 Tuhomehneñe yahuducuye mehna Cohãcjüre “Quehnoare”, ni masiaja mari. Mari sa niñe quehnoañe ijiepegũta tire yahu yuhduoerana apequinare buheraja mari. Sa yena tiquinare yedohoeraja mari. 18 Ijipihtina m̄sa yuhduoro yuh̄u pehe tuhomehneñene yahuducujaja. Sa yeḡu Cohãcjũ yuh̄u sa yahuducu masigũ tiquiro yegũ tiquirore “Quehnoare”, niaja yuh̄u. 19 Sa yahuducuḡu yuh̄u ijiepegũta Jesu yequina cahmecoañequina watoa yuh̄u ijigũ, tuhomehneñe yahuducuye mehna peye yuh̄u yahuepegũta duhseati ijierare. Ti yuhduoro masa tiquina quehnoano tũhoati pehe meheñegã yuh̄u yahuepegũta quehnoarĩne, yuh̄u tũhotugũ.

20 Yuh̄u acaye, macanagã tũho masieñequinagã tiquina ijiro saha ijieracãhña m̄sa. Sa yena coã bajuayequina ñañe yeyere tiquina masieno saha ijiya m̄sa gũh̄u. Sa yena bucuna tũho masieñequina tiquina ijiro saha ijiya m̄sa. 21 Cohãcjũ yere tiquina ojoari pũpu ohõ saha nine: “Tuhomehneñene yahuducuyequinare ahriquina masare yeere yahu dutiitja. Sa yeḡu ape dihta cjẽnare yeere yahu dutiitja ahriquina masare. Yuh̄u sa yahu dutiepegũta ahriquina yuh̄u yahuyere tũhosi’, nine Cohãcjũ mari pũhoro”, nine Cohãcjũ yere tiquina ojoari pũpu. 22 Sa ye tuhomehneñene yahuducuye Jesu yequinare Cohãcjũ tutuayere masigũ yeati ijierare. Ti yahuducuye Jesure cahmeeñequina pehere Cohãcjũ tutuayere masigũ yeati ijire. Sa yero Cohãcjũ yere yahuye Jesure cahmeeñequinare Cohãcjũ tutuayere masigũ yeati ijierare. Cohãcjũ yere yahuye Jesu yequina pehere Cohãcjũ tutuayere masigũ yeati ijire.

23 Sa ye ijipihtina m̄sa Jesu yequina cahmecoagũ tuhomehneñene m̄sa yahuducugũ tire masieñequina, apequina Jesure cahmeeñequina gũh̄u sajà, tũhoboaga. Sa tũhoye “Tiquina tũho masieñequina ijire”,

niboaga m̄sare tiquina. 24 Ijipihtina m̄sa Cohãcjũ yere m̄sa yahugũ pũrita tire masiedariquiro, Jesure cahmedariquiro sajà duca tũhoro, tiquiro ñañe yerire masiboaga tiquiro. Sa yero tiquiro ñañe yerire bujua witiboaga tiquiro. 25 Sa yero poto tiquiro ijiye tiyere tiquiro tũhotuye gũh̄u masiboaga tiquiro. Sa yero Cohãcjũ poto duhsepe curi mehna quehe saro, tiquirore ño peorota. Sa yero “Cohãcjũ potota m̄sa mehna ijire”, ninota tiquiro m̄sare.

M̄sa cahmecoana quehnoano yeya dojomehneneno marieno

26 Sa yeḡu yuh̄u acaye, m̄sare ahrire niḡu niaja: Cahmecoana ihquẽquina m̄sa mehna cjẽna Cohãcjũ yere basa duare. Sa yena apequina buhe duare. Sa yena apequina Cohãcjũ m̄sare tiquiro buherire yahu duare m̄sa. Sa yena apequina tuhomehneñe mehna yahuducu duare m̄sa. Sa yena m̄sa apequina ti yahuducuyere yahu yuhduo duare m̄sa. Ti ijipihtiyere sa yena apequina m̄sare tũhoyequina tiquina quehnoano masiatire tire yeya.

27 Sa yena tuhomehneñe mehna m̄sa yahuducuna pũana, ihtiana topenata yahuducuya m̄sa. Sa yena camesa yahuducuya. M̄sa sa yahuducugũ, ihcãquiro m̄sa mehna cjũno m̄sa yahuducurire apequinare yahu yuhduoahro. 28 M̄sa yahuducuyere yahu yuhduoriquiro mariedagũ m̄sa cahmecoana ijipihtina m̄sa tuhomehneñene yahuducu duana yahuducueracãhña. Sa yena masa marienopũ Cohãcjũ mehna yahuducuya m̄sa. 29 Sa yena Cohãcjũ yere yahu duana pũana, ihtiana topenata yahuya m̄sa. M̄sa sa yahugũ apequina m̄sare tũhoyequina m̄sa yahurire quehnoano tũho nũnũhdo. 30 Sa yero Espiritu Santo Cohãcjũ yere apequirore topũ dujiriquirore yahu dũcaboaga. Tiquiro yahu dũcagũ tiquirore tũhoriquiro gũh̄u Jesu

yequinare yahu duaboaga. Sa yero tiquiro pano yahuriquiro pehe dihta mariahdo. ³¹ Sa yena ijipihtina m_{usa} Cohãcjũ yere yahuna, comesa yahuya m_{usa} ijipihtiyequina apequina tiquina quehnoano tãhoatire, tiquina quehnoano bucueatire. ³² Sa yena Cohãcjũ yere yahuna ijina, quehnoano tãho masi, quehnoano tãhotu yahuducuya.

³³ Cohãcjũ tiquiro yequina tiquina cahmecoanop_u tiquina cahme yahuducugũ, suhrigũ cahmedare tiquiro. Dojomehnenno marieno tiquina quehnoano ijigũ cahmene tiquiro. Ijipihtiro_u Jesu yequina cahmecoa, ohõ saha yere tiquina. ³⁴ Tiquina cahmecoanop_u numiare yahuducu dutierare. Tiquina numiare mari pehe yahuducu dutieraja. Cohãcjũ ojoari pũ_u tiquiro nidiro sahata numiare um_uare quehnoano yahtiyequina numia ijiro cahmene. Sa ye cahmecoanop_u numia masare yahuducueracãhdo. ³⁵ Jesu yequina tiquina cahmecoanop_u numia tiquina yahuducugũ ñarĩne. Sa yero apee borore masi duaro numino ticoro ya wãhãpãta ticoro manãnore sinituahro.

³⁶ Ahri yãhã yahuatire quehnoano masiña m_{usa}. Cohãcjũ yere yahu mãhtana ijierare m_{usa}. Sa yena tiquiro yere tãhorina m_{usa} dihita ijierare. Apequina gũhã tiquiro ye buheyere cãore. ³⁷ M_{usa} mehna cjũno “Yãhã Cohãcjũ yere yahugũ ijiaja”, ni tãhoturiquiro ijiro ahri m_{usare} yãhã ojoari Cohãcjũ dutiye ijigũ masiahdo tiquiro. Sa yero apeqiro “Espíritu Santo tutuaye mehna ye masiaja”, ni tãhoturiquiro ijiro tiquiro gũhã ahri yãhã ojoari Cohãcjũ dutiye ijigũ masiahdo tiquiro. ³⁸ Tire tiquiro masi dueragũ yãhã ojoarire “Poto ijierare”, tiquiro nigũ tiquirore duhu cãhña. Tãhoeracãhña tiquirore.

³⁹ Sa yena yãhã acaye, Cohãcjũ yere yahuna m_{usa} ijiatire tutuaro cahmeña m_{usa}. Sa yena m_{usa} mehna cjẽna m_{usa} cahmecoanop_u tãhomehneñe yahuducuye mehna

tiquina yahu duagũ “Sa yahuducueracãhña”, niedacãhña tiquinare. ⁴⁰ Sa cahmecoana quehnoano, cahme dojomehnenno marieno yeya m_{usa}.

15

Quehnoañe buheyere tiquiro yahurire yahuahye Pablo

¹ Yojo_ure yãhã acaye, quehnoañe buheyere m_{usare} yãhã yahurire m_{usare} wacũgũ ye duaja. Ti buheyere quehnoano cahmene m_{usa}. Sa cahmena ti buheyere ne cohãedare m_{usa}. ² M_{usa} sa cahmegũ tire m_{usa} cohãedagũ Cristo m_{usare} pecar_u wahaborinare yãhã tuhasari. M_{usa} sa tãhori bato Cristo yere m_{usa} duhu cãgũ ti m_{usa} tãhori dãhseati ijierare.

³ Ohõ saha ni yahu mãhtantja m_{usare}. Ahri ihyo waro ijierare. M_{usare} buhegã yãhãre Cristo tiquiro yahurire m_{usare} ohõ saha ni yahuu: Cohãcjũ yere tiquina ojoariro sahata mari ñañe buhirire Cristo yariahye. ⁴ Sa yero Cohãcjũ yere tiquina ojoariro sahata Cristo tiquiro yariari bato apequina tiquirore tiquina yagũ ihtia deco wahaboro tiquiro pehe masa wijiahye. ⁵ Tiquiro sa masa wijari bato Pedrore bajuahye. Tiquiro sa bajuari bato apequinare tiquiro buheyequinare bajuahye tja. ⁶ Tiquiro sa bajuari bato ihcã tahata quinientos bui ijiyequinare tiquiro yequinare bajuahye tja. Ihquẽquina tiquirore ihñariquina mãna yojo_ure yariariquina mãna ijire. Tiquina sa ijiepegãta peyequina tiquina mehna cjẽna yojo_ure ijinine. ⁷ Came Cristo Santiagore bajuahye tja. Sa tiquiro bajuari bato ijipihtiyequina buhe duti tiquiro cũriquinare bajuahye tja.

⁸ Ijipihtiyequina apequinare tiquiro bajuari bato yãhã gũhãre bajuari tja. Nijinogã queoro masa bajueriquirogã tiquiro masa bajua nãnã tãriro saha yãhã gũhã Jesure wacũ tutua nãnã tãrigã ijiaja. Yãhã sa ijirigã ijigũ tiquina batop_u bajuari Jesu yãhã gũhãre tja. Yãhãreta

tiquiro bajua bato tiri. ⁹ Panopure Jesu yequinare ñano yemi. Sa yerigũ ijigũ apequina Jesu cūriquina ijipihtiyequina tiquina docapũ waro ijiaja yũhũ. Sa yegũ yojopũ gũhare Jesu buhe duti tiquiro cūnohborigũ ijierami yũhũ. ¹⁰ Sa ijiepegũta Cohãcjũ yũhare cahĩgũ yojopure Jesu cūrigũ ijiaja yũhũ. Sa yegũ yũhare tiquiro cahĩgũ yojopure tiquiro cahmeñene ye pehoaja. Sa yegũ yũhare cahĩgũ tiquiro yaquiro sa iji cãgũ niedaja. Ijipihtiyequina apequina tiquiro cūriquina yũhdũoro yũhũ pehe tutuaro buhei. Sa buhegũ yũhũ esa tuharo buherũ. Cohãcjũ yũhare cahĩno yũhare yedohori. ¹¹ Ũsã buheye pehe ihyo waro ijierare. Yũhũ mũsare quehnoañe buheyere buherigũ yũhũ ijigũ apequina yũhdũoro yũhare mũsa ño peogũ ihyo waro ijiro nine. Tiquina gũhũ mũsare buheyequina ijigũ apequina yũhdũoro tiquina gũhare mũsa ño peogũ ihyo waro ijiro nine. Ũsã pehe ahrire buhena ijiepenata ihyo ijina ijiaja. Ũsã buheye pehe ihyo waro ijierare. Sa yena mũsa pehe ahri buheyere quehnoano tũhore.

Yariariquina mũna tiquina masa wijiari yahuahye Pablo

¹² Cristo yariari bato tiquiro masa wijiari ùsã buhepegũta “Yariariquina mũna ne masa wijiare”, nine mũsa mehna cjẽna ihquẽquina. ¿Dũhse ijiro boro sa niajari tiquina tire? ¹³ Sa yero yariariquina mũna masa wijiaregũ Cristo gũhũ ne masa wijaeraboya. ¹⁴ Sa ye Cristo masa wijaeragũ quehnoañe buheyere ùsã yahuri ne dũhseati ijieraboya. Tiquiro masa wijaeragũ tiquirore mũsa wacũ tutuaye gũhũ dũhseati ijieraboya. ¹⁵ Masa wijiaro mariedagũ ùsã pehe Cohãcjũ yere ni mehona niboya. Yariariquina mũna tiquina masa wijaeragũ Cohãcjũ pehe Cristore masa wijiagũ yeraboya. Tiquiro sa yeragũ “Cohãcjũ Cristore masa wijiagũ yeahye”, nina ni mehona

ijiboaga ùsã. ¹⁶ Yariariquina mũnare Cohãcjũ masoedaro, Cristo gũhare tiquiro masoedaboya. ¹⁷ Sa yero Cristo masa wijaeragũ tiquirore mũsa wacũ tutuaye dũhseati ijieraboya. Sa yena mũsa ñañe buhiri, buhiri tiboaga mũsa. ¹⁸ Masa wijiaro mariedagũ Cristo yequina mũna yaria mũhtariquina pecapũ waha tuhasaboya. ¹⁹ Cristore mari wacũ tutuari bato mari yariana masa wija masiedana ijipihtiyequina apequina masa yũhdũoro pejecũona ijiboaga mari pehe. Sa yena tiquirore ihyo warota wacũ tutuana niboaga mari.

²⁰ Potota Cohãcjũ Cristore masa wijiagũ yeahye. Cristo masa wijiari bato mari gũhũ yarianapũ masa wijiari ijiaja. Tiquiro sa masa wijiaro, marine siho masa wija mũhtariquiro ijire. ²¹ Ohõ saha ijire ahri: Adãn mehna masa yaria dũcahye. Ohõ saha apequiro mehna yariariquina mũna masa wijaeta. ²² Adãn yequina iji nũnũ tãnapũ mari ijipihina yarianata. Sata Cristo yequina mari ijigũ mari yariari bato marine masa wijiagũ yerota Cohãcjũ. ²³ Ihquẽ cururi masare tiquina queori pje ijigũ masa wijaeta. Cristo marine iji mũhtariquiro masa wija mũhtahye. Came ahri yehpapũ tiquiro tojoa tagũ tiquiro yequina gũhũ masa wijaeta. ²⁴ Ti pjeta pihtiri deco ijirota. Sa yero ijipihtiyequina watĩare, watĩa pũhtoare, tutuayequinare cohãno, Cristo yũhdũdũcarota. Tiquiro sa yeri bato ijipihtiyequina pũhtoro tiquiro ijirire Cristo wijiaro, Cohãcjũre mari Pacũre comesarota. ²⁵ Tiquiro wijiato pano mari Pacũ Cristore ihña tuhtiyequinare tiquiro yũhdũdũca pehoato pano Cristo pũrita ijipihtiyequina pũhtoro ijirota. Sa ijiriquirota ijiro cahmene tiquirore. ²⁶ Tiquirore ihña tuhtiyequinare tiquiro yũhdũdũcari bato, yariamedi gũhare cohã cãnota. Yariaye pihtia waharota. ²⁷ Ijipihtiyequina bui dutiatiquirore cũahye Cohãcjũ Cristore. Ijipihtiyere cũoriquiro gũhare cũahye

tiquirore. Sata nine Cohãcjũ yere tiquina ojoari pũpũ. Cohãcjũ pehe tiquirore cũriquiuro ijire. Sa yero “Ijipihtiyequina bui dutiatiquirore cũahye tiquirore”, nino, “Cohãcjũ bui dutiriquiro ijire tiquiro”, nino niedahye tiquiro yere tiquina ojoari pũpũ. ²⁸ Ijipihtiyequina bui dutiriquiro Cristo Cohãcjũ macano ijigũ Cohãcjũ tiquirore cũriquiuro pehe tiquiro macano bui dutiriquiro ijirota. Sa yero Cohãcjũ pehe ijipihtiyequina pũhoro waro ijire. Ijipihtiyere cãoriquiro gũhũ ijire.

²⁹ ¿Masa wijiario mariedagũ dahse ye apequina masa yariariquina muna ye ijiatire tiquina wame yenohriquina ijajari? Yariariquina muna masa wijiaeragũ tiquina ye ijiatire apequina wame yegũ ihyo warota wame yenohriquina ijiboaya.

³⁰ Usã pehe usã buheri buhiri decoripe apequina usãre tiquina ñano ye duagũ cuarĩne usã gũhũre. Usãre sa cuaepagũta masa wijiario ijigũ masina sa buheducuaaja usã. ³¹ Mari pũhoro Jesucristo yequina muna ijigũ tiquirore wacũ tutua nemona muna wahagũ yũhũ pehe tutuaro bucueaja yũhũ muna mehna. Ti ijirota ijire. Sa yero “Dũhse ijiri decopũ yũhũre yariario cuarĩne”, yũhũ nigũ ti gũhũ ijirota ijire. ³² Efeso cjẽna usuayequina quehnoañe buheyere yũhũ buheri buhiri yũhũre quẽdi. Masa wijiario mariedagũ Jesu yaquiuro yũhũ ijieragũ, yũhũ sa ñano yũhdũri dũhseati ijieraboya. Ihyo waro ñano yũhdũgũ niboya yũhũ. Yariariquina muna tiquina masa wijiaeragũ ohõ saha niboaga mari: “Came cjũnogã yarianata. Dũhse wahasi mari. Sa yena ihya sihniihna. Mari esa tuharo yeihna”, niboaga mari.

³³ Ni mehoñene tũhotueracãhña muna. “Ñañequinare piti tina, quehnoañe muna yerire bonata muna”, nine masa. Ti ijirota ijire. ³⁴ Quehnoañene tũhotuna ijiya muna. Sa yena quehnoañene yena ijiya tja. Sa yena ñañene ye nemoedacãhña tja. Ihquẽquina muna mehna cjẽna

ne Cohãcjũre masiedare. Muna bũoro wahati pehere musare sa niaja.

Yariariquina muna tiquina masa wijiario yahu nemoahye Pablo

³⁵ Sa ye muna mehna cjũno ohõ saha ni sinituboaga yũhũre: ¿Dũhse yariariquina muna masa wijiaetari? ¿Dũhse ijiye pagũri masa wijiaetari? ni sinituboaga. ³⁶ Sa sinituriquiro tũho masieniquiro ijire. Oteri pjere mari oteri bato ti pje ahbagũ waro pihnine. Ahbaeraro ne pihni. Tire masine muna. ³⁷ Bũjũye cjũpũre oteraja mari. Ti pjeri dihitare oteaja mari. Ti pjeri trigo pjeri ijiro ijiboaga. O apee boro pjeri ijiro ijiboaga. ³⁸ Ti pjerire mari oteri bato Cohãcjũ tiquiro cahmediro saha ti pjerire bũcũa mũjagũ yere. Sa yero oteye pjerire bũjũye pihni gũ yere tiquiro. Sata pihni dutire Cohãcjũ.

³⁹ Ijipihtiyequina pagũri ihcãno saha bajuerare. Masa pagũri pehe ihcãno saha ijire. Wahiquina pagũri gũhũ sijoro saha bajure. Minicjũa pagũri gũhũ sijoro saha bajure. Sa yeye wahi gũhũ sijoro saha pagũ tire. ⁴⁰ Sa ye uhmũse cjẽ gũhũ sijoro saha bajure. Sa yeye ahri yehpa cjẽna gũhũ sijoro saha pagũ tire. Sa yeye uhmũse cjẽna pagũri gũhũ sijoro saha bajure. Sa yeye ahri yehpa cjẽ uhmũse cjẽ yero saha ijierare. ⁴¹ Ohõ saha ijire. Asũ deco cjũno asi sitere. Sa ye ñami cjũno gũhũ sijoro saha ijire tiquiro gũhũ. Ihyo buhriore. Sa yeye ñahpicoha gũhũ sijoro saha asi paare. Ñahpicoha pari gũhũre mari ihñagũ ihquẽ paca mehenogã asiye paca bajure. Sa yeye apeye paca tutuaro asiye paca bajure.

⁴² Ohõ saha ijire yariariquina muna tiquina masa wijiagũ. Masũno tiquiro pagũre mari yari bato tiquiro pagũ ahbaa waharota. Sa yero ape pagũ sijoro saha ijiri pagũ ijipihtiye decori catiati pagũ masa wijiario. ⁴³ Ti pagũre mari yagũ yariariquiuro mnanano pejecũo nine. Cohãcjũ tiquirore masogũ tiquiro pagũ quehnoa yũhdũri pagũ ijire.

Sa yero tiquiro pagu mari yari pagu tutuaye mariedi pagu ijire. Sa yero Cohãcjũ tiquirore masogũ tiquiro pagu tutua yũhdũare. ⁴⁴ Ahri yehpa cjã pagure mari yagũ yariariquiro mũnanao tiquiro masa wijiagũ tiquiro pagu uhmũse cjã pagu ijirota. Ahri yehpa cjã pagure mari cũona, uhmũse cjã pagu gũhare cũonata, masa wi-jiana.

⁴⁵ Sata ni yahure Cohãcjũ yere tiquina ojoari pũpu: “Ahri yehpapu iji mũhtariquiro Adãn wame tiriquire catiriquiro wahahye”, ni ojoahye. Ti sa ijiepegũta Adãn yero saha ijiriquiro bato tiriquire Cristo pehe catiyere ohoro ahtahye. ⁴⁶ Ahri yehpa cjã pagu iji mũhtari pagu ijire. Caperu uhmũse cjã pagu ijirota. ⁴⁷ Ohõ saha ijire: Iji mũhtariquiro Adãn pehe ahri yehpa cjãno dihta mehna tiquiro yeri pagure pagu tiahye. Tiquiro bato ahtariquiro, Cristo pehe uhmũsepũ ahtahye. ⁴⁸ Dihta mehna tiquiro yeri pagure pagu ti mũhtariquiro tiquiro ijiriro saha ijipihtina apequina dihta mehna tiquiro yeri pagure pagu tina ijiaja mari. Sa yena uhmũsepũ ahtariquiro yero saha tiquiro yequina ijipihtina tiquiro yero saha pagu tina ijinata mari. ⁴⁹ Dihta mehna tiquiro yeri pagure pagu tiriquire yero saha bajuaja mari. Tiquiro yero saha mari ijiriro saha uhmũse cjãno yero saha baju-nata mari.

⁵⁰ Yũhu acaye, mũsare ahrire yahu duaja: Ahri yehpa cjã pagu dii mehna, dihi mehna ijiri pagu Cohãcjũ puhtoro ijropure uhmũsepure ne wahasi. Mari pagu ahbati pagu ijire. Sa ye uhmũsepũ ijipihtiyere decori mari ijiatopure ahri pagu wahasi. ⁵¹⁻⁵² Panopure masa tiquina masiedarire yojopure mũsare yahu duaja: Mari mehna cjẽna ihquẽquina yariasi. Sa ye duita, tiquina pagurire comesayequina ijietã. Cornetare tiquiro puti, bato tiri decopũ sata waharota marine. Ohõ saha waharota. Corneta bisiri bato yari-

ariquina mũnare Cohãcjũ masonota ijipihtiyere decori tiquina ijiatire. Sa yena pagurire comesarina ijinata mari gũhu. ⁵³ Mari pagurire tiquiro comesagũ to pano mari ahbati paguri ijiepegũta mari comesari bato ne ahbasi. Sa ye mari paguri comesagũ to pano mari yariati paguri ijiepegũta ne yariasi. ⁵⁴ Mari ahbati paguri ne ahbaerati pagurire comesarota. Sa ye mari yariati paguri sa ijiducuatã pagurire comesarota. Sa marine comesagũ panopũ tiquiro ojoariro sahata sa waharota: “Cohãcjũ yariayere cohã cãri. ⁵⁵ Yojopure ne pari turi mari yariasi. Sa yena yariaro mehna pari turi ñano yũhdũsi mari”, ni ojoahye panopure. ⁵⁶ Mari ñaũe buhiri ijigũ pũrita yariaro mehna ñano yũhdũnata. Sa ye Cohãcjũ dutiyere Moisere tiquiro cũrre mari masidi bato, buhiri tiaja mari. Sa yero marine pecapũ waha dutire Cohãcjũ dutiyere. ⁵⁷ Tiquiro sa dutiepegũta mari puhtoro Jesucristo pehe marine pecapũ wahaeragũ yere. Tiquiro sa yeriquiro ijigũ masina Cohãcjũ mehna bucue, “Quehnoare”, niaja mari.

⁵⁸ Sa yena yũhu acaye, yũhu cahĩna, Cristore wacũ tutua duhueracãhĩna. Sa yena apequina mũsare quehnoaũe buheyere tiquina cohã dutigũ, ne cohãedacãhĩna tire. Sa yena decoripe mari puhtoro Jesucristo tiquiro ye dutiyere quehnoano yeducuya mũsa. Mari puhtoro Jesucristo yere mari yegũ, ahri ihyo waro ijierare. Ahrire masina tiquiro ye dutiyere quehnoano yeducuya mũsa.

16

Apequinare Jesu yequinare Corinto cjẽna niũneru tiquina ohoatire yahuahye Pablo

¹ Yojopure apequinare Jesu yequinare mũsa niũneru ohoatire yahu duaja mũsare. Galacia yehpa cjẽnare Jesu yequinare yũhu dutiriro sahata mũsa gũhu yeya. ² Semanaripe domingo ijigũ ijipihtina mũsa Jesu yequinare ohoati niũnerure mehenogã

ohoya. Mehenogã c̄ona mehenogã ohoya. Sa yena paji cj̄unogã c̄ona paji cj̄unogã ohoya. Semanaripe m̄usa sa yegũ m̄usa cahap̄u ȳuh̄u esagũ m̄usa ohoati niñeru iji tuhasarota. ³ M̄usa ohoatire yahuye p̄urine ojoautja. Sa yegũ ȳuh̄u top̄u esagũ ti p̄urine top̄u wahatiquinare m̄usa b̄eriquinare ohoutja. Sa oho tuhasagũ Jesu yequinare m̄usa ohori niñerure neatiquinare ohoutja Jerusal̄p̄u. ⁴ Ti macap̄ure ȳuh̄u yeati ijigũ ȳuh̄u ḡuh̄u wahagutja. Ȳuh̄u sa wahagũ ȳuh̄u mehna tiquina wahaeta.

Tiquiro tiniatire yahuahye Pablo

⁵ Macedonia yehpa cj̄enare ihña ȳuh̄dutja ȳuh̄u. Ȳuh̄du cã, m̄usa cahap̄u Corintop̄u esautja. ⁶ Top̄u esagũ m̄usa mehna meheñe decorigã iji-boaga ȳuh̄u ape taha yegũ. Yoa cj̄uri pje pohero ijiro puno m̄usa mehna iji-boaga ȳuh̄u. Sa yena ape siep̄u ȳuh̄u wahagũ m̄usa ḡuh̄u ȳuh̄ure yedoho masine. ⁷ Meheñe decorigã iji dueraja ȳuh̄u m̄usa mehna. Sa yegũ Cohãcj̄u cahmegũ yoa cj̄uri pje m̄usa mehna ijiitja ȳuh̄u. ⁸ Sa iji duepeguta Pentecoste b̄ose deco ijigãp̄u Efesop̄u ijiniitja ȳuh̄u. ⁹ Ohõp̄u Efesop̄u yojop̄ure mari p̄ah̄toro Jesu yere tuho duayequina peyequina ijire. Tiquina sa ijigũ tiquinare yahuaja. Ȳuh̄u sa yahugũ ȳuh̄ure ihña tuhtiyequina peyequina ijire.

¹⁰ Timoteo ȳuh̄u yero saha mari p̄ah̄toro yere yere. Tiquiro sa yeriquiro ijigũ m̄usa cahap̄u esagũ quehnoano mehna tiquirore piti ca, tiquiro mehna quehnoano bucueye mehna ijiya m̄usa. ¹¹ Sa yena tiquirore ȳuh̄ducaeracãhña m̄usa. Sa yena tiquiro cohe tigũ quehnoano mehna tiquirore yedohoya ȳuh̄u cahap̄u tiquiro tojoa tagã. Apequina Jesu yequina mehna usã tiquirore cohtena niaja. Sa yena quehnoano yedohoye mehna tiquirore ohoya.

¹² Apolo mari acayuro Jesu yaquiro m̄usare ihñano wahagũ tutuaro cahmemi. Sa yegũ tiquirore waha dutimi apequina Jesu yequina mehna

tiquiro wahatire. Ȳuh̄u sa waha dutiepegãta yojop̄ure tiquiro waha duerare. Sa yero came tiquiro yeye mariedagũ m̄usa cahap̄u waharota.

Pablo quehnoa duti bato tiahye

¹³ Quehnoano wacũ masiña m̄usa. Cristore wacũ tutua duhueracãhña. Ne cuenata ijuducuya m̄usa. Sa yena Cohãcj̄u tutuaye mehna tutuana ijiya m̄usa. ¹⁴ Apequinare sa cahiducuya.

¹⁵ Yojop̄ure ȳuh̄u acaye m̄usare ahrire yahu duaja: Estefana ya w̄uh̄u cj̄ena Acaya yehpa cj̄ena quehnoañe buheyere tuho mahtariquina, tiquina ya yehpap̄u Cristore wacũ tutua mahtariquina ijire tiquina pehe. Sa ye apequinare mari acayere Jesu yequinare tiquina quehnoano yedohoducure. Tire m̄usa masine. ¹⁶ Tiquina yero saha ijiyequinare, apequina Cristo yere yedohoyequinare m̄usa quehnoano yuh̄tigũ cahmeaja ȳuh̄u. ¹⁷ Estefana, Fortunato, Acaico ḡuh̄u ȳuh̄u cahap̄u wihi tuhasare. Ohõp̄u tiquina ijigũ quehnoano bucueaja ȳuh̄u. M̄usare tiquina bucuegũ yeriro saha ȳuh̄u ḡuh̄ure bucuegũ yere tiquina. M̄usa mariedagũ m̄usare tutuaro wacũmi ȳuh̄u. Sa yegũ tiquina wihigũ bucueaja ȳuh̄u. ¹⁸ Tiquina mehna ijigũ quehnoano jeripohna tigũ iji ȳuh̄u. M̄usa ḡuh̄ure sata bucuegũ yere tiquina, ȳuh̄u tahotugã. Tiquinare quehnoano ño peoya m̄usa. Sa yena apequina tiquina yero saha ijiyequina ḡuh̄ure ño peoya.

¹⁹ Asia yehpa cj̄ena Jesu yequina m̄usare quehnoa dutire. Sa ye Aquila, Priscila, tiquina ya w̄uh̄up̄u cahmecoañequina mehna Cristo tiquiro cahñe mehna m̄usare tutuaro quehnoa dutire. ²⁰ Ohõ cj̄ena Jesu yequina ijipihtiyequina m̄usare quehnoa dutire. M̄usa mehna cj̄enare quehnoano mehna piti caya.

²¹ Ȳuh̄u, Pablo ȳuh̄u basi ahri dhitare ojoaja. M̄usare quehnoa duti-aja.

²² Mari p̄ah̄toro Jesucristore apequiro tiquiro cahiedagũ, Cohãcj̄u

tiquirore buhiri dahreahro. Mari
p̄h̄toro sojaro mehna tojoa taahro.

²³ Mari p̄h̄toro tiquiro cahĩñe
mehna m̄sare quehnoa dutiaja.

²⁴ Mari ijipih̄tina Jesucristo yequina
ijiaja. Sa yeḡu m̄sare tutuaro cahĩaja.

2 Corintios

Ohõ saha ojoa ohoahye Pablo Corinto cjēnare

¹ Yũhũ Pablo, Jesucristo yere buhe duti tiquiro cūrigũ ijiaja. Mari Pacũ tiquiro cahmediro saha cūri yũhare Jesu. Yũhũ, mũsare Cohãcjũ yequinare, Corinto cjānare ojoa ohoaja. Ijipihtina Cohãcjũ yequinare Acaya cjānare mũsa gũhare ojoa ohoaja. Mari acayũro Timoteo mehna quehnoa dutiaja mũsare. ² Sa yena Cohãcjũ mari Pacũ, mari pũhoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

Pablo tiquiro ñano yũhdũrre ohõ saha niyahuahye:

³ Mari pũhoro Jesucristo Pacũro Cohãcjũ marine paja ihñare. Sa yero tiquiro dihita marine yedohore. Quehnoa yũhdũariquiro ijire tiquiro. ⁴ Mari ñano yũhdũgũ ihñano ijipihinare marine tiquiro yequinare yedohore tiquiro apequinare mari yedohoatire. Sa yena apequina tiquina ñano yũhdũgũ ihñana tiquina pehere yedohoro cahmene marine. Cohãcjũ marine tiquiro yedohoye mehna mari gũhũ tiquina gũhare yedohonata. ⁵ Cristo yequina mari ijiri buhiri mari ñano yũhdũgũ tiquiro tutuaro yedohorota marine. ⁶ Ũsã pehe mũsare yedohona ñano yũhdũaja. Sa yena Cristo mehna mũsa yũhdũatire mũsare usã yahuri buhiri ñano yũhdũaja. Sa yena Cristo usãre tiquiro yedohogũ usã pehe mũsa gũhare yedoho masiaja. Sa yena usã ñano yũhdũriro sahata mũsa gũhũ ñano yũhdũana, quehnoano mehna ihcãno sahanata mũsa, yũhũ tũhotugũ. ⁷ Quehnoano mehna mũsa ihcãno sahatire usã masiaja. Ũsã ñano yũhdũriro sahata ñano yũhdũri mũsa gũhũ. Sa yena Cohãcjũ tiquiro yedohoye mehna usã ihcãno sahariro

sahata mũsa gũhũ ihcãno sahanata, yũhũ tũhotugũ.

⁸ Ũsã acaye, yojopũre ahri yũhũ yahuatire mũsa quehnoano masigũ usã cahmeaja. Asia yehpapũ ña yũhdũaro yũhdũe tii usã. Ohõ saha ni tũhotumi usã: “Ne yũhdũsi mari. Sa yena mari yarianata”, ni tũhotumi usã. ⁹ Sa yena “Marine wejẽ cãeta”, ni tũhotumi usã. Sa ñano yũhdũana Cohãcjũ dihitare usã wacũ tutua nemou. Ũsãre tiquina ñano yegũ cahmeahye Cohãcjũ tiquirore usã wacũ tutua nemoatire. Tiquiro pehe yariariquinare masoriquiro ijire. Sa tiquirore wacũ tutuana usã esa tuharo usã ihcãno sahaerarire masiaja. Cohãcjũ marine yedohore. ¹⁰⁻¹¹ Ũsãre cuaro yepegũta tiquiro yedohoro mehna usã yũhdũhũ. Camepũ gũhare pari turi usãre yũhdũorota. Ũsãre Cohãcjũre mũsa sini basagũ tiquiro usãre yedohorota. Ũsãre tiquiro yedohoatire masiaja usã. Sa yena usãre tiquiro yedohogũ ihñana, tiquirore “Quehnoare”, ninata mũsa. Peye mũsa sini basarire tiquiro yũhtigũ ihñana bucue, “Quehnoare”, ninata mũsa Cohãcjũre. Peyequina apequina gũhũ sata nieta.

Pablo Corintopũ tiquiro waha duamedire yahuahye

¹² Sa yena mũsa mehna usã ijirire wacũna bucueye mehna ohõ saha tũhotuaja usã: Ahri yehpapũ Cohãcjũ tiquiro yedohoye mehna ñañe marieno quehnoano mehna masare piti ti buhei. Mũsa pũritare quehnoano piti ti buhei. Ohõ saha yena usã esa tuharo yerũ. Cohãcjũ cahĩne mehna tiquiro tutuaye mehna sa yei. ¹³⁻¹⁴ Sa yena quehnoano yahu ojoaũ mũsare, quehnoano mũsa masiatire. Yojopũ usãre quehnoano masiedare mũsa. Ũsã ijiye tiyere mũsa quehnoano masigũ tutuaro cahmeaja usã. Sa yena mari pũhoro Jesu tiquiro tojoa tagũ usã mehna bucuenata mũsa. Mũsa mehna usã bucueriro sahata mũsa gũhũ usã mehna bucuenata.

15-16 Ohõ saha nigũ Macedonia yehpapũ waha duamaja yũhũ. Sa yegũ musare ihña yũhdũ cã duamaja yũhũ. Sa yegũ topũre esarigũ tojoa tagũ pari turi mũsa mehna meheñe decorigã ijiboaga yũhũ. Sa yena pũa taha mũsa mehna yũhũ ijigũ ihñana pajiro yũhũ mehna mũsa bucueboaga. Mũsa cahapũ ijirigũ Judea yehpapũ yũhũ wahagũ ihñana yũhũre yedohoboaga mũsa. 17 ¿“Wahautja”, yũhũ nigũ tũhorina ijina mũsa cahapũ yũhũ eseragũ ihñana “Pablo ni mehono nine”, ni tũhotuajari mũsa? “Wahautja”, nigũ yũhũ esa tuharo sa nigũ niedaja yũhũ. ¿“Tiquiro nidiro saha yerare”, yũhũre ni tũhotuajari mũsa? 18 Ohõ saha ni mehogu ijieraja yũhũ. Sa yegũ “Yeitja”, nigũ yũhũ nidiro saha yeaja yũhũ. Tire masine Cohãcjũ.

19 Yũhũ, Sila, Timoteo mehna Jesucristo Cohãcjũ macũno yere musare yahuu usã. Cristo pehe “Yeitja”, nino, poto yeriquiro ijero nine. Cohãcjũ tiquiro nidiro sahata Cristo yere. 20 Ijipihtiyere Cohãcjũ tiquiro yahurire Cristo ye pehoahye. Tiquiro sa yeriquiro ijigũ ihñana tiquiro yere usã apequinare yahuaja Cohãcjũre tiquina ño peotire. 21 Cristo yequina marine ijiducugũ yeriquiro Cohãcjũta ijire. Sa yero tiquiro yere yahuanajare marine sõri tiquiro. 22 Sa yero tiquiro yequina mari ijiyere ihñano tire marine masigũ yere tiquiro. Sa yero tiquiro yaquiro Espiritu Santore mari mehna iji dutiri tiquiro. Mari mehna ijero tiquirota marine Cohãcjũ yũhdũoatore masigũ yere.

23 Yojoapũre poto yahutja musare. Poto yũhũ yahueragũ Cohãcjũ pehe musare poto yahuahro. Tiquirota yũhũ tũhotuyere masine. Musare tuhti dueragũ mũsa cahapũ wahaerũ. “Musare bujua witigũ yeari”, nigũ mũsa cahapũre Corintopũre wahaerũ. 24 Sa yena “Musare dutina ijiaja usã”, nina niedaja. Cristore quehnoano wacũ tutua tuhasari mũsa. Sa yena “Ohõ saha Cristore wacũ tutuaro cahmene musare”,

nina niedaja usã. Musare quehnoano bucuegũ ye duaja usã.

2

1 Sa yegũ ohõ saha ni tũhotuu: “Pari turi tiquinare bujua witigũ ye dueraja. Sa yegũ yojoapũre wahaeraja”, ni tũhotuu. 2 Musare bujua witigũ ye dueraja. Mũsa bujua witigũ ihñagũ yũhũ pehe musare bucueraboaga. Sa yena yũhũre bucuegũ yeatina ijieraboaga mũsa pehe. 3 Sa yegũ mũsa cahapũ wahaerũ. Sa wahaeragũ musare ihyo ojoaũ. Mũsa yũhũre bucuegũ yeatina ijiepenata yũhũre bujua witigũ yeboaga mũsa, mũsa cahapũ yũhũ esagũ. Mũsa mehna yũhũ bucuegũ, mũsa gũhũ bucuenata. Tire masiaja yũhũ. Sa yegũ yojoapũre mũsa mehna bujua witi dueragũ wahaerũ mũsa cahapũ. 4 Pajiro tũhotugũ, ñano jeripohna tighũ, tutuaro utighũ musare ojoaepegũta musare bujua witigũ ye duerũ. Musare tutuaro yũhũ cahĩñene musare masigũ ye duagũ musare ojoaũ.

Corinto cjẽna mehna cjũno tiquiro ñano yerire bo dutiahye Pablo Jesu yequinare

5 Ihcãquiro mũsa mehna cjũno yũhũre bujua witigũ yeriquiro ijiri. Sa yeriquiro ijiepegũta musare tiquiro tutuaro bujua witigũ yeriro saha yũhũ pehere pajiro bujua witigũ yerari tiquiro. Tiquiro sa ñano yepegũta pajiro waro buhiri dahre duti dueraja. 6 Peyequina mũsa mehna cjẽna tiquirore buhiri dahre tuhasañohti. To punota buhiri dahre duhuro cahmene tiquirore. 7 Tiquirore mũsa buhiri dahreducugũ tutuaro bujua witiboaga tiquiro. Sa yero Cristo yere duhuboaga. Sa yena tiquiro ñaño yerire boya mũsa. Tiquirore yedohoya tiquiro bucuegũ. 8 Sa yena tiquirore quehnoano yeya mũsa tiquirore mũsa cahĩñene tiquiro masigũ. Mũsa sa yegũ tutuaro cahmeaja yũhũ. 9 To pano musare ojoagũ “¿Potota yũhũre yũhtietari?” nigũ sa ni ojoaũ musare. Yũhũre

musa yuhtigũ ihña duagu musare sa ni ojoau. ¹⁰⁻¹¹ Yojopure tiquiro ñañe yerire musa bogũ ihñagu yũhũ gũhũ tire boutja. Yũhare ñano yerahye tiquiro. Musa pehere ñano yeahye. Tiquiro sa ijiepegũta tiquiro ñañe yerire boaja yũhũ gũhũ. Musare quehnoano yedoho duagu Cristo ihñonopu tiquiro ñañe yerire boaja. Tire boaja Satana marine tiquiro yũhdũcaerature. Tiquiro marine ñañene yegũ cahmene. Tire quehnoano masiaja mari. Sa yena Jesu yequina tiquina ñañe yerire wacũducueraja mari, “Tiquinapu Satana yere yeari”, nina.

Troa wame tiri macapu ijiro Titore bocaeraro pajiro bujua witi tũhotuahye Pablo

¹² Sa yegu Troa wame tiri macapu esau Cristo yere buhegu wahagu. Topu yũhũ ijigũ peyequina masa quehnoañe buheyere tũho duayequina ijiri. Mari puhtoro tiquiro yedohoye mehna tiquiro yere yũhũ buheatiquina peyequina masa ijiri. ¹³ Sa ijiepegũta mari acayurore Titore bocaeragu pajiro bujua witi tũhotuu. Sa yegu to cjẽnare cohe ti tuhasagu Macedonia yehpapu wahaũ.

Cristo yedohoye mehna ñañene yeducueraja mari

¹⁴ Sa ye Cohãcjũ pehe marine ñañene yeragũ yere. Cristo yequina mari ijigũ ihñano marine ñañene yeragũ yere. Sa yegu Cohãcjũre bucue, “Quehnoare”, niaja. Sa yena Cohãcjũ marine tiquiro dutigũ masina ijipihtiropu Cristore masare masigũ yeaja mari. Sa tiquirore masiñe tiquina quehnoano tũhoture. ¹⁵ Cristo yequina ijina, Cohãcjũ pehere bucuẽgũ yeaja mari, ehme sitiye mari bucuero saha. Sa ye Cristo yequina mari ijiyere ihña masine apequina Cohãcjũ yũhdũoatiquina. Apequina tiquina ñañe buhiri pecapu wahatiquina gũhũ Cristo yequina mari ijiyere ihña masine. ¹⁶ Cristo yequina mari ijigũ ihñañe, tiquina ñañe buhiri

pecapu wahatiquina pehe pecapu tiquina wahatire masine. Cohãcjũ yũhdũoatiquina pehe marine Jesu yequinare ihñañe, ijipihtiye decori tiquiro mehna tiquina ijiatire masine. Sa ye Cristo ye ihyo ijiye buheye ijierare. Sa yero ahrire Cristo yere ihcãquiro esa tuharo buhe sohtori tiquiro ne mariedare. Cohãcjũ yedohoro mehnata tiquiro yere mari buhe masiaja. ¹⁷ Peyequina apequina Cohãcjũ yere buhemene niñerure wapata duaye. Uã pehe tiquina yero saha yeraja. Ni mehono marieno Cristo tutuaye mehna tiquiro yere buheaja uã. Cohãcjũ uãre cũgũ tiquiro ihñonopu quehnoano buheaja uã.

3

“Ohõ saha yeitja”, Cohãcjũ ni cũrire wahma buheyere yahuahye Pablo

¹ ¿Pari turi uã ijiye tiyere musare yahuna niajari uã, musa tũhotugũ? Apequina musare tiquina buheato pano tiquina ijiye tiyere masi duana tiquina ojoari pũre cahme mahtari musa. Uãre masi tuhasari musa. ¿Uãre masiepenata ti pũ borore cahmeajari musa? ¿O apequina cahapu uã buhena wahana ti pũ borore uãre neno cahmeajari, musa tũhotugũ? ² Ti pũ borore cahmedaja uã. Musa pehere ijipihtiyequina apequina ihñañe musare uã quehnoano buherire masieta. Musare uã buhegu Cristo yequina iji ducari musa. ³ Cristo yequina musa ijigũ ihñañe masa musare Cohãcjũ ye buheye warore uã queoro buherire masi tuhasare. Musare buhena Cohãcjũ yaquiro Espiritu Santo tiquiro yedohoye mehna buhei. Tiquiro Cohãcjũ catiriquiro waro ijire. Uã sa buhegu tũhona Cristore quehnoano cahmedi musa. Sa cahmena musa ijigũ apequina musare ihñañe Cristo yequina musa ijiyere quehnoano masine. Sa masiñe musare Cohãcjũ ye buheye warore uã queoro buherire masine masa.

⁴ Ahrire ijipihitoyere t̄hotuaja us̄ã Cohãcj̄ure quehnoano wacũ tutuana. Cristo tiquiro yedohoye mehna sa wacũ tutuaducuaaja mari. ⁵⁻⁶ “Us̄ã esa tuharo ahri dahrayere yeaja us̄ã”, ni masiedaja us̄ã. Cohãcj̄ũ tiquiro yedohoye mehna ye masiaja us̄ã.

Yojop̄ure tiquiro yahuyere quehnoañe quehnoano t̄hona, Cohãcj̄ũ mehna buheyere Cohãcj̄ũ pehe quehnoano us̄ãre buhe masigũ yere. Ahri buheye panop̄ũ tiquiro dutiye tiquiro ojoari yero saha ijierare. Quehnoañe buheye pehere buheaja us̄ã. Panop̄ũ tiquiro dutirire mari esa tuharo ne ye masiedaja. Sa mari ye masiedari buhiri pecap̄ũ wahaboya mari. Quehnoañe buheye pehere t̄hona Cristore wacũ tutuaja. Sa yena ijipihitiye decori Cohãcj̄ũ mehna ijinata mari. ⁷ Cohãcj̄ũ tiquiro dutiyere ut̄ã p̄j̄inip̄ũ ojoaro Moiserere c̄uahye. Tiquiro sa c̄ũri bato tiquiro asi siteye bajuahye. Moise w̄hdoahye. Came ti asi siteye pihtia wahahye. Came ti asi siteye pihtia wahati ijiepegũta coã warore tiquiro w̄hdoare masa ne ihñadoque ohõ masiedahye. Ti dutiyere masa tiquina ye pehoerari buhiri pecap̄ũ wahatiquina ijiahye. Sa ye ti dutiye masare pecap̄ũ waha dutiepet̄a, tutuaro asi siteye mehna iji d̄cahye ti dutiye.

⁸ Ti dutiye ȳhduoro quehnoañe buheye pehe quehnoa ȳhduare. Ahri buheyere apequinare mari buhegũ tiquina quehnoano t̄hogũ Esp̄ritu Santo tiquina mehna ijirota. Sa ye panop̄ũ cj̄ẽ dutiye ȳhduoro Cristo ye pehe quehnoa ȳhduare. ⁹ Cohãcj̄ũ dutiye panop̄ũ cj̄ẽ masare pecap̄ũ waha dutiahye. Sa dutieperota Cohãcj̄ũ tutuaye mehna tiquiro asi siteye mehna iji d̄cahye. Ti ȳhduoro quehnoañe buheye pehe Cohãcj̄ũ tutuaye mehna ijire. Ti buheye mehna quehnoañequina wahare masa, Cohãcj̄ũ ihñagũ. ¹⁰ Panop̄ũ Cohãcj̄ũ tiquiro dutiri pehe ihyo ijiye dutiye yero saha tojoa c̄ahre yojop̄ure quehnoañe buheye mehna mari ihña piti cagũ. Quehnoañe

buheye pehe quehnoa ȳhduare. Ti buheye mehna uhm̄usep̄ũ mari waha masiaja. ¹¹ Panop̄ure tiquiro ye dutiye yoa cj̄ũri pje asi siteye ijiducume, pihtia wahahye. Ti dutiye ȳhduoro quehnoañe buheye pehe quehnoa ȳhduare. Ti buheyere quehnoano t̄hona, Cohãcj̄ũ mehna sa ijiducunata.

¹²⁻¹³ Mari sa ijiducuatire masina, cuero marieno quehnoañe buheyere quehnoano yahu peho cj̄ã us̄ã. Moise pehe us̄ã yero saha ijierahye. “Cohãcj̄ũ asi siteye pihtiro nine”, Israe masa ni ihñari”, nino, tiquiro w̄hdoare cahmotahye Moise. Bue tiro sa cahmotahye. Tiquiro yee tiriro saha bue tieraja us̄ã pehe. Sa yena cuero marieno tiquiro yere quehnoañe buheyere buheaja. ¹⁴ Ti p̄jep̄ũ cj̄ẽna Israe masa pehe ne masieda tiahye. Yojop̄ũ ḡũh̄ure Cohãcj̄ũ yere panop̄ũ tiquiro ojoari p̄ũrine tiquina buheye, ne masiedare. Moise tiquiro w̄hdoare cahmotagũ Cohãcj̄ũ asi siteyere tiquina ihñadoque ohõedariro saha tiquina quehnoañe buheyere quehnoano masiedare. Cristore cahmedaye, masisi tiquina. Tiquirore tiquina wacũ tutuari bato, tiquiro yere masieta.

¹⁵ Yojop̄ũ ḡũh̄ure Israe masa Cohãcj̄ũ dutiye Moiserere tiquiro c̄ũrire buheye, tiquinare cahmotaro saha ne masiedare tiquina. ¹⁶ Mari pehe mari p̄htorore cahmegũ tiquirota marine masigũ yere. Moise tiquiro w̄hdoa cahmotarirore tiquiro ne c̄aboriro saha mari p̄htoro marine tiquiro yere quehnoano masigũ yere. ¹⁷ “Mari p̄htoro”, nigũ Esp̄ritu Santore nigũ niaja. Cohãcj̄ũ yaquiro Esp̄ritu mari mehna tiquiro ijigũ pecap̄ũ wahaborinare tiquiro ȳhduorina ijiaja. Sa yena “Panop̄ũ cj̄ẽ dutiye mehna mari ȳhduanata”, niedaja mari. Sa yena ti dutiyere duhuna, Esp̄ritu Santo ye dutiye pehere yeaja mari. ¹⁸ Sa yena Jesu yequina ijina, Cohãcj̄ũ yere masiaja mari. Tiquina w̄hdoa pacare

cahmotamehneñequina yero saha Cristo tutuayere ihñona niaja mari. Sa yero mari pãhtoro Espíritu Santo marine quehnoañe pehere comesagũ yere. Tiquiro sa yegũ Cristo quehnoa yũhdũariquiro tiquiro ijiro saha wahana niaja mari.

4

¹ Sa ye Cohãcjũ usãre paja ihñano, quehnoañe buheyere yahuanajare cũri usãre. Tiquiro sa cũgũ masina, tiquiro yere buhena caributieraja usã. ² Tiquiro yere buhena ni meje cũ buheraja. Sa yena usã tire comesaeraja. Sijoro saha cjũnogã buhena buoro yũhdũboaga. Sa yena tire buhe dueraja. Cohãcjũ ihñonopũ ijiaja usã. Sa yena quehnoañe buheyere quehnoano poto buheaja usã. Usã sa buhegũ ihñañe tire quehnoano masine usãre ihñañequina waro. ³ Usã buheyere quehnoañe buheyere buheaja usã. Usã tire buhepegũta apequina ne tũho duerare. Sa tũhoeyequina pecapũ wahatiquina ijire. ⁴ Satana ñariquiro ahri yehpa cjẽna pãhtoro tiquinare masiedagũ yere. Caperi bajueyequina tiquina ihña masiedaro saha masiedagũ yere tiquinare. Quehnoañe buheyere Cristo tutuayere tiquinare masiedagũ yere tiquiro. Cristo pehe Cohãcjũ ijiye tiyere marine masigũ yere. Tiquiro Cristo Cohãcjũ waro ijire. ⁵ Usã buhena “Usã pehere ño peoya”, ni buheraja. Ohõ saha ni buheaja usã: “Jesucristo pehe ijire mari pãhtoro”, ni buheaja usã. Usã pehe Jesure yũhtina ijiaja usã. Sa yena musare yedohoaja usã. ⁶ Panopũ ohõ saha niahye Cohãcjũ: “Nahitianopũre buhrioro ijiya”, ni, dutiahye tiquiro. Yojoopũre tiquirota ijire marine tiquiro tutuayere masigũ yeriquiro. Buhrioro marine ti ihñagũ yero saha, tiquiro tutuayere marine masigũ yere. Cristo Cohãcjũ tutuayere marine masigũ yere.

Cristo tutuaye mehna mari ijiaja

⁷ Sa masina ijina, tiquiro tutuayere apequinare masigũ yeaja. Sa yena ijiepenata tutueraja usã. Dihi sutu duita wahtiro ti butiro saha usã gũhũ tutueraja. Sa ijiepenata Cohãcjũ tutuayere apequinare buheaja usã. Usã sa tutuerapenata tire buheaja usã. Usã sa buhegũ ihñañe usãre “Tiquina esa tuharo ahri buheyere masiedare. Cohãcjũ pehe tiquinare masigũ yere”, ni masieta apequina usãre. ⁸ Ijipihtiyequina apequina usãre ñano yepeta Cohãcjũ usãre tiquiro yedohogũ tiquina usãre yũhdũducaerare. Sa yena usã caributiepenata, Cohãcjũ yere ne yahu duhueraja. ⁹ Usãre tiquina ñano yeducuepegũta Cohãcjũ usãre sa yedohoducure. Usãre tiquina quẽdoque cũ mũjaepẽgũta tiquiro yedohoye mehna yarieraja usã. ¹⁰ Tiquina wejẽatina ijinata niaja usã, Cristo ahri yehpapũ tiquiro ñano yũhdũriro saha. Tiquina wejẽatina ijiducuna niaja usã Cristo catiducugũ yeriquiro tiquiro ijiyere masa tiquina masiato saha. Usã sa ñano yũhdũgũ ihñañe tire masieta masa.

¹¹ Sa ye decoripe usãre apequina wejẽno cuarĩne Cristo yequina usã ijiri buhiri. Ohõ sahata ñano yũhdũaja usã Cristo catiducugũ yeriquiro tiquiro ijiyere apequina tiquina masiato saha. Usã paguri came yariaa waharota. Usã sa wahatina ijiepenata Cristore catiducugũ yeriquirore masigũ yeaja usã apequinare. ¹² Sa ye musare usã buheri buhiri usã pehere apequina wejẽno cuarĩne. Usã buheyere musa tũhori bato ijipihtiyede decori Cohãcjũ mehna ijiatina ijire musa.

¹³ Cohãcjũ yere tiquina ojoari pũpũ ohõ saha nine: “Cohãcjũre wacũ tutuagũ, tiquiro yere buhei”, ni ojoahye panopũ cjũno. Usã gũhũ sata yeaja. Cohãcjũre wacũ tutuana, tiquiro yere buheaja. ¹⁴ Ahri yũhũ niati gũhũre quehnoano masiaja usã: Cristo yariari bato Cohãcjũ tiquirore masoahye. Sa yero Cristo yequina mari ijigũ ihñano tiquiro mari gũhũre masonota. Tiquiro sa masori bato

tiquiro cahapꝰ neanota marine. ¹⁵ Sa yena mꝰsare yedoho duana, ñano yꝰhdꝰaja ꝰsã. Sa yena Cristo yequina mꝰsa peyequina wahana, peyequina mꝰsa Cohãcjũre bucueye mehna ño peonata. Tiquirore “Quehnoare”, ninata.

¹⁶ Mꝰsa sa wahagũ ihñana, ꝰsã ñano yꝰhdꝰepenata bujꝰa witieraja. Sa yena Cristo yere buhe duhueraja. ꝰsã pagꝰa tutuaye decoripe pihti cãno nine. ꝰsã tutuaye sa pihti cãepẽgũta quehnoano jeri sajãja ꝰsã.

¹⁷ Yojopꝰre ñano yꝰhdꝰepenata ñano yꝰhdꝰa dojoeraja. Ti mari ñano yꝰhdꝰaye pihtia waharota. Sa yena marine mehenogã ñano yꝰhdꝰaro cahmene. Sa mari ñano yꝰhdꝰarina ijina, camepꝰre tutuaro bucueye mehna ijiducunata Cohãcjũ mehna. Sa yena mari ñano yꝰhdꝰari yꝰhdꝰoro pajiro bucueye mehna ijiducunata.

¹⁸ Mari ihñari ahba pihtia waharota. Mari ihñedari pehe sa ijiducurota. Sa yena mari ihñarire wacũducueraja. Mari ihñedari pehere Cohãcjũ yere sa wacũducuaaja mari. Sa yena camepꝰa mari quehnoano ijiatire bucueaja.

5

¹ Wꝰhꝰre tiquiro cohãboriro saha came mari pagꝰari pehe butia waharota. Sa yero wahma wꝰhꝰre tiquiro yeboriro saha Cohãcjũ wahma pagꝰarire yerota. Sa yero ti pagꝰarire marine ohorota. Ti pagꝰari masa tiquina yeri pagꝰari ijierare. Sa yena ꝰhmꝰsepꝰa sa ijiducunata ti pagꝰari mehna. Tire mari masiaja.

² Sa yena ti pagꝰarire ꝰhmꝰse cjẽ pagꝰarire tutuaro cahmena, mari sa cohteducuna niaja. ³ Suhtirore tutuaro mari saña duaro saha ti pagꝰarire tutuaro cahmeaja mari. Sata cohteaja mari pagꝰari mariena iji duerana. ⁴ Yojopꝰre ahri pagꝰarire cohã duerapenata wahma pagꝰari pehere tutuaro cohteaja mari. Yojopꝰre mari pagꝰarire cohã duerapenata ijipihtiyey decori Cohãcjũ mehna mari ijiatire tutuaro cahmeaja mari. Sa yena ahri mari pagꝰari yariati pagꝰari

ti ijigũ masina, wahma pagꝰari mehna Cohãcjũ mehna sa ijiducu duaaja mari.

⁵ Mari sa ijiducuatire quehnoahye Cohãcjũ pehe. Sa quehnono tiquiro yaquiro Espiritu Santore ohori marine. Sa yero tiquiro yaquiro Espiritu Santo mari mehna ijero, marine Cohãcjũ tiquiro yeatire “Poto tjire”, nino, marine masigũ yere tiquiro.

⁶ Sa yena Cohãcjũre wacũ tutuaducuaaja mari. Cuero marieno ijiaja mari. Ahri mari iji mꝰhtari pagꝰapꝰa ijina, mari pꝰhtoro mehna ijieraniaja. ⁷ ꝰhmꝰse cjẽne Cohãcjũ gũhꝰre mari ihñedapenata “Ti potota ijire”, ni tꝰhotuaja mari. Sa yena tiquirore wacũ tutuaja mari. ⁸ Sa yena mari cueraja. Mari pagꝰarire ahri yehpꝰa cohãna mari pꝰhtoro mehna ꝰhmꝰsepꝰa ijiducunata mari.

Sa yero mari yariagũ quehnoanota marine. ⁹ Sa yena Cristore bucuegũ ye duaaja mari. Ahri yehpa cjã pagꝰa mehna ijinina tiquirore bucuegũ ye duaaja. ꝰhmꝰsepꝰa gũhꝰre tiquirore bucuegũ ye duaaja. ¹⁰ Ijipihtina Cristo cahapꝰa mari wahagũ ihñano tiquiro mari yerire ihñano marine beserota. Ñano mari yerire masinota tiquiro.

Sa masino marine tiquiro ohoborire marine ohosi tiquiro. Quehnoañene mari yeri gũhꝰre masinota. Sa masino bucuero marine quehnoano yerota. Tiquiro sa masidiquiro ijigũ ihñana tiquirore bucuegũ ye duaaja mari.

Cohãcjũre mari ihña tuhtigũ ihñano Cristo pehe marine bosare

¹¹ Sa yena cua pesaro mehna Cristore ño peoro cahmene marine. Tire masina, Cristo yere masigũ yeaja ꝰsã masare. Tiquinare cuesãna, tiquirore wacũ tutuagũ ye duaaja ꝰsã tiquinare. Quehnoano mehna tire ꝰsã buherire Cohãcjũ quehnoano masine. ꝰsã sa buherire mꝰsa gũhꝰre quehnoano masigũ cahmeaja yꝰhꝰa.

¹² Pari turi quehnoana ꝰsã ijiye tiyere mꝰsare yahuna niedaja. “Apequinare yꝰhdꝰdꝰcaja”, niñequinare mꝰsa yahuati pehere quehnoano

mehna usã buherire yahuna niaja usã musare. Tiquina pehe tiquina wacũñepu ñañequina ni mehoñequina ijiepetata masa tiquina ihñono di-hita quehnoañequina yero saha ye ihñomene. Sa yena usã mehna musa bucueati pehere ahri ijipihtiyere musare yahu ojoana niaja. “Pablo gũhu usãre quehnoano mehna buhere”, usãre apequinare musa ni cahmotati pehere ahri ijipihtiyere musare yahu ojoana niaja. ¹³ ¿Usã ohõ saha ni yahuna tuho masiena ijiajari usã, musa tuhotugũ? Masa usãre ihñañe, tuho masieñequina yero saha ihñare usãre. Cohãcjũ yere usã yegũ ihñañe sa ihñaboaga usãre. Sa tiquina ihñanohrina ijiepenata sa ijina ijieraja musare yedoho nemonata tana.

¹⁴ Cristo marine tiquiro cahĩgũ ihñana musare sa yedohoaja. Tiquiro sa cahĩgũ ihñana tiquiro yere sa yahuducuaaja usã. Ihcãquirotata Cristo ijipihtina mari ñañe buhirire yariari jiri. Tiquiro sa yariari bato mari pehe ijipihtina mari ñañe buhirire yariariquina yero saha ijiaja. Tiquiro buhiri dahre tuhasariquina yero saha ijiaja. Cristo tiquiro yariari mehna marine tiquiro buhiri dahre tuhasariquina yero saha ihñanota Cohãcjũ. ¹⁵ Ijipihtina mari ñañe buhiri yariari jiri Cristo tiquiro ye dihitare mari yeato saha. Sa yero tiquiro cahmeñe pehere marine ye dutiro yariari jiri tiquiro. Mari ye ijiatire yariaro, masa mujari jiri. ¹⁶ Sa yena yojopure usã esa tuharo masare “Quehnoañequina ijire. Ñañequina ijire”, ni ihñedaja usã. Panopu usã esa tuharo yee timi. Sa yena Cristore masiedu. Yojopure Espiritu Santo yedohoye mehna tiquirore quehnoano masi tuhasaja. ¹⁷ Sa yena Cristo yequina wahana quehnoañe pehere yena wahaja mari. Panopu mari esa tuharo mari yemedire duhu cjã mari. Yojopure quehnoañe pehere comesana tire yeaja mari.

¹⁸ Cohãcjũ pehe marine quehnoañe pehere comesagũ yeri. Cohãcjũre

ihña tuhtina mari ijigũ ihñano Cristo pehe mari ñañene cohãri. Sa cohãno mari ihña tuhtiyere duhugũ yeri tiquiro. Sa yegũ yeri Cohãcjũ Cristore. Sa yero usãre tiquiro yere buhe dutiro cũri. Sa buhena, apequinare Cohãcjũ mehna tiquina ihña tuhtirire duhugũ yeaja usã gũhu. ¹⁹ Ohõ saha masare yahu dutiri Cohãcjũ usãre: “Cristore mari wacũ tutuagũ ihñano mari ñañe buhirire buhiri dahrerare Cohãcjũ marine. Sa yero marine ihña tuhtiriquiro ijieperota tiquiro marine tiquiro yequina ijigũ yere”, ni yahu dutiri Cohãcjũ usãre. ²⁰ Sa yena Cristo yere buheanaja tiquiro cũrina ijiaja usã. Cohãcjũ musare tiquiro yahuboriro saha usã pehe ohõ saha ni musare yahuaja: Cristore yahu basana niaja. Sa yena musare ihña tuhtieragũ yeaja. Cohãcjũre musa ihña tuhtiyere to punota duhuya. ²¹ Cristo tiquiro ñañene yerapegũta Cohãcjũ pehe tiquirore mari ñañe buhirire yaria dutiahye. Sa yero mari ñañe buhirire buhiri dahreahye Cohãcjũ tiquiro pehere. Sa yero Cristo yequina mari wahagũ Cohãcjũ yero saha quehnoana marine ijigũ yere tiquiro.

6

¹ Cohãcjũre yedohona ijiaja usã. Sa yena ahrire tutuaro musare ye dutiaja usã. Cohãcjũ yere quehnoañe buheyere musa tuhoriro sahata yeya musa. Musa tuhoriro sahata musa yeragũ ti musa tuhori dahseati ijierare. ² Ohõ saha nine Cohãcjũ:

Musare yahu quehnoano yeati pjere musa siniñene tuho yuhtitja. Sa yegu musare yahu yuhduoati decore musare yedohoutja, nine tiquiro.

Tuhoya musa. Yojopure Cohãcjũ musare tiquiro quehnoano yeati pje ijire. Yojopure Cohãcjũ musare tiquiro yuhduoati deco ijire.

³ Ne mehenogã apequinare ñano yeraja usã. Apequinare ne ñano ni yahuducueraja, “Quehnoañe buheye pehere cahmedari”, nina. ⁴ Sa yena

Cohãcjũ cahacjãna usã ijyere musare masigũ ye duaja. Sa yena ohõ saha ijiaja usã: Ñano yuhduna, apee borore cuoerana sa tãhotu cjã. Usãre tiquina ñano yepegũta usuaro marieno ijiaja. ⁵ Ohõ saha ñano yuhdũ usã: Masa usãre quẽgũ, peresu tiquina yegũ, peyequina masa usãre wejẽ duagũ tiquina sañuducugũ ñano yuhdũ usã. Usã tutuaro dahra wahyia yuhduna, wujua purĩepẽgũta carĩedana, ujua ahbana ñano yuhdũ. ⁶ Numia mehna ñano yeru. Sa yena Cohãcjũ yere quehnoano masiñe mehna buhei musare. Sa yena ne usueru usã. Sa yena quehnoano cahĩne mehna yei usã musare. Sa yena Cohãcjũ cahacjãna usã ijyere musare masigũ yena nii usã. Espĩritu Santo tiquiro yedohoye mehna Cohãcjũ cahacjãna usã ijyere masigũ yena nii musare. Sa yena poto musare usã cahĩgũ ihñana, tiquiro cahacjãna usã ijyere masine musa. ⁷ Sa yena quehnoañe buheyere musare poto usã buhegũ ihñana, Cohãcjũ tutuaye mehna usã yegũ ihñana tiquiro cahacjãna usã ijyere masine musa. Quehnoañe pehe ijipihtiye usã yeri usã wamoa yero saha ijire quehnoano usã cahmotati pehe. Tire quehnoañene yena watĩnore usã cahmotana niaja. Sa yena ti quehnoañene usã yeri mehna tiquirore usã yuhdũcaja.

⁸ Apequina usãre ño peore. Apequina pehe usãre ño peoerare. Apequina ñano ni yahuducure usãre. Apequina pehe quehnoano ni yahuducure usãre. Poto usã buhepegũta “Ni mehoñequina ijire”, ni yahusãre apequina usãre. ⁹ Apequina usãre ihña masiñequina yero saha yere. Ihquẽ tahari usãre masieñequina yero saha yere. Usãre tiquina wejẽ duepegũta catiniaja usã. Ihñaña usãre. Ijirota ijire. Tiquina wejẽ dutinohrina ijiepenata, yarieraniaja usã. ¹⁰ Usã ihquẽ tahari bujua witina ijiepenata, sa bucueducuaja. Pejecuona ijiepenata apequinare quehnoañe buheyere buhena tiquinare pajiro

doeri cjẽne usã ohoboro saha yena niaja tiquinare. Apee boro cuoena ijiepenata, potota Cohãcjũ ye pehere cuo peho cjã usã.

¹¹ Ne Corinto cjãna yuhũ acaye, musare quehnoano mehna yahu peho ojoau usã musare. Musare tutuaro cahĩna, sa yahuu musare. ¹² Usã pehe musare cahĩ duhueraja. Musa pehe usãre cahĩeda cjũre. ¹³ Sa yegu pohna tigu yuhũ pohñare yuhũ yahuboro saha musare yahutja: Musare usã tãhoturiro sahata musa gũhũ sata quehnoano tãhotuya usãre. Sa yena usãre cahĩña musa.

Cristore cahmeeñequinare piti ti dutierahye Pablo

¹⁴ Sa yena Cristore cahmeeñequina mehna sa piti tiducueracãhña. Tiquina mehna cjãna ijieracãhña. Ihcãno saha ijierare musa. Quehnoañene yeriquiro ñañene yeriquiro mehna quehnoano iji masiedare. Cohãcjũre cahmeeñequina Cohãcjũre cahmeeñequina mehna quehnoano cahme piti ti masiedare. ¹⁵ Sa yero Cristo watĩno mehna ihcãno saha tãhotuerare. Sa yero Cristo yaquiro, Cristore cahmeediquiro mehna quehnoano cahme piti ti masiedare. ¹⁶ Cohãcjũ wuhũpũ “Cohãcjũ ijire”, tiquina niñe queoyere mari cuogũ ñarĩne. Ti wuhũpũ ti queoyere mari cũgũ quehnoaedare. Ti yero sahata Cristo yequina Cristore cahmeeñequina mehna mari piti tiducugũ gũhare ñarĩne. Ti cururi pũa curua ihcãno mehna iji masiedare. Cohãcjũ catiriquiro tiquiro ya wuhũ yero saha ijiaja mari. Ti wuhũpũ tiquiro ijiro saha mari mehna ijire tiquiro. Ohõ saha nine Cohãcjũ:

Tiquina mehna ijigutja yuhũ. Sa yegu tiquina watoa sa ijiducugutja. Yuhũ Cohãcjũ tiquina pũhto ijigutja. Sa ye tiquina pehe yeequina masa ijietta, nine tiquiro.

¹⁷ Sa yero ohõ saha ni nemore tiquiro mari pũhtoro:

Ñañequina mehna tojoeracãhña. Sa yena tiquinare piti tieracãhña. Cristore cahmeeñequinare tiquina ñañene ne piherracãhña. Sa yegu yuh pehe musare piti tigutja. ¹⁸ Sa yegu musa Pacu ijigutja. Musa pehe yuhu pohna ijinata, nine Cohãcjũ mari pũhtoro tutua yuhdũariquiro.

7

¹ Yuhu acaye, yuhu cahña, musare ahrire yahutja: Ahri ijipihtiyere Cohãcjũ tiquiro sa ni yahugũ tuhona ijipihtiyere mari ñañene yeyere duhuuhna. Sa yena mari ñañene wacũñe gũhare duhuuhna. Sa yena Cohãcjũre quehnoano ño peoye mehna ñano yero marieno ijiihna mari.

Pablo bucueye mehna yahuahye Corinto cjẽnare

² Quehnoano mehna ijiya musa usã mehna. Ne mehenogã mehna ñano yeru usã musare. Sa yena usã buheye mehna musare ñano yegũ yeru usã. Ne ihcãquiro musa mehna cjũnore ni mehoñe mehna wapa cahmedu. ³ Sa nigu “Usãre wapa yerari. Sa yena buhiri tina ijire musa”, nigu niedaja musare. Musare yahu tuhasau. Musare cahñaja usã. Catinina ihcã curuata ijiaja mari. Mari yariari batopu gũhare ihcã curuata ijinata mari. ⁴ Quehnoano musa yerire masiaja yuhu. Sa yegu musare wacũdoqueogu bucueaja. Sa yena usã ñano yuhdũari watoa musa pehe yuhare pajiro bucuegũ yeri.

⁵ Sa ye Macedonia yehrapu usã esari bato topu ijina, ne soeru usã. Topure ñano yuhdũu usã. Apequina usã mehna cahmeque duari. Sa yena “Cristo yere duhuari”, nina Cristo yequina pehere cuesã nii usã. ⁶ Usã sa ñano yuhdũepẽgũta Cohãcjũ usãre bucuegũ yeri. Tiquiro bujua witiyequinare bucuegũ yeriquiro ijire. Sa yero Tito usã cahapu tiquiro wihiro mehna usãre bucuegũ yeri Cohãcjũ.

⁷ Tito wihigũ ihñana bucuei. Ahri

gũhare bucuei. Musare tiquiro quitu yahugũ gũhare tutuaro bucuei usã. Yuhare musa ihña duarire yahuri usãre. Yuhare musa wacũe ti bujua witiri gũhare yahuri tiquiro. Tiquiro sa ni yahugũ tuhogu tutuaro bucuei yuhu.

⁸ To pano yuhu ojoari pũ mehna musare bujua witiigũ yemi. Sa yerigu ijiepegũta bujua witierraja yuhu pehe. Ti pũre musa buheri bato bujua witiñohti musa. Sa yena mehenogã bujua witi, duhuñohti musa. Sa yegu coã oja muhtagu bujua witipegũta yojopure bujua witierraja. ⁹ Yojopu pũritare bucueaja yuhu. Musa bujua witiigũ tuhogu bucueraja. Sa ijiepegũta sa bujua witina, quehnoañe pehere cameñahti musa. Sa yero musa bujua witiigũ ihñano, Cohãcjũ pehe musare quehnoañene comesagũ yere. Sa yena musare bujua witiigũ yena, ñano ye dojomehnena niedu usã musare.

¹⁰ Sa yena Cohãcjũ tiquiro cahmeno saha bujua witina, mari ñañene bujua witinata. Quehnoañe pehere comesanata. Sata mari bujua witiigũ ihñano marine pecapu wahaborinare yuhdũore Cohãcjũ. Mari sa bujua witiigũ quehnoarĩne marine. Cristore cahmeeñequina pehe tiquina ñañene bujua witierrapeta, sa bujua witi maca cã, pecapu wahatiquina ijinine.

¹¹ Musa pehe Cohãcjũ tiquiro cahmeno saha bujua witiñohti. Musa sa bujua witina ohõ saha yeñohti musa: Yojopure ñañene yeyequinare sa ihña cãedañohti musa. Tiquinare duhu ditiñohti musa. Sa yena tiquina ñañe yeyere cueñohti musa “Tiquina yero saha yeari”, nina. Sa yena yuhare ihña duañohti musa. Sa yena ñañene yeriquirore buhiri dahre duañohti musa. Ti ijipihtiyere musa yena yojopure poto yena musa ijiyere masigũ yeri musa usãre. ¹² Panopu ñano yeriquirore musare yahu ojoepẽgũta tiquirore yedohogu tagu sa ni yahu ojoeru. Tiquiro ñano yenohriquiro gũhare yedohogu tagu sa ni ojoeru. Musa pehere yedohogu

tagu ti pũre ojoau. Usãre quehnoano ño peore musa. Tire musa ño peorire quehnoano musa masiatire ti pũre ojoau musare. Cohãcjũ tire musare masigũ cahmene. ¹³ Sa yena Tito musa yerire tiquiro quitu yahugũ tuhona tutuaro bucuei usã.

Tito gũhu tutuaro bucueri. Tiquirore musa quehnoano mehna musa piti cagũ tuhona, musa mehna tiquiro bucuerire tuhona usã gũhu quehnoano bucuei. ¹⁴ Coã waropu musa cahapu tiquiro wahato pano musa mehna yahu bucuerire, quehnoana musa ijirire yahu tiquirore. Sa yena yahu nidiro sahata quehnoano yeñohti musa tiquirore. Sa yegu tiquirore yahu nidire bæ tieraja. Musare poto sa yahuducuaja usã. Ohõ saha Tito gũhure poto usã yahu musare tiquiro ihñariro saha. ¹⁵ Musa cahapu tiquiro esagũ ño peoye mehna tiquirore piti cañohti musa. Sa yena quehnoano yuhtina yuhducaro mariena musa ijigũ ihñañohti tiquiro. Sa yero musare cahĩ nemore tiquiro. ¹⁶ Yojopure quehnoano yuhtina, Cohãcjũ cahmeno saha musa quehnoano ye pehona musa ijigũ quehnoano masiaja yahu. Sa masigũ tutuaro bucueaja.

8

Cristoyequina ijina, pejecuoyequinare sa oho cãno cahmene marine

¹ Usã acaye, ahri yahu yahutire musare masigũ cahmeaja usã. Cristo yequina Macedonia yehpa cjẽna Cohãcjũ cahĩne mehna tiquiro paja ihñañe mehna tiquina yerire musare yahutja. ² Tiquina ñano yuhdupepetu, niñeru marieñequina ijiepetu cahĩno marieno sa oho cãhri pejecuoyequinare Jesu yequinare. Cristo mehna tutuaro bucueyequina ijiye, tiquina Judea yehpa cjẽnare quehnoano mehna tiquina cuoyere sa oho cãhri. ³ Musare niita niaja. Tiquina cuoro puno ohori. Ijierare. Bui cjũnogã ohori. Usã sini basaerapegãta pejecuoyequinare ohori tiquina. ⁴ Cohãcjũ yequinare

pejecuoyequinare tutuaro yedoho duaye, tiquinare tiquina ohoatire nea dutiri usãre. ⁵ “Ohõ puno ohoeta”, tiquinare usã ni tuhoturiro bui cjũnogã ohori tiquina. Ohõ saha yeri tiquina: Coã warore niñerure tiquina ohoato pano mari puhtoro Cristo cahmeno saha ye pehori jiri tiquina. Sa ye Cohãcjũ cahmeno saha usã gũhure ño peoye mehna yuhtiri jiri. Sa yeyequina ijiye tiquina niñerure ohori.

⁶ Tiquina sa oho tuhasagũ ihñana Titore usã pehe ohõ saha nii: “Corinto cjẽnare mahu buhe ducariro sahata quehnoano mehna pejecuoyequinare tiquina ohoatire buhe pehoya”, nii usã tiquirore. Musa gũhu apequinare paja ihñana, musa yedohoatire sa nii tiquirore. ⁷ Sa yena musa pehe ijipihtiyere quehnoano yena iji tuhasare: Cristore potota quehnoano wacũ tutuare musa. Sa yena tiquiro yere quehnoano yahure musa. Sa yena Cohãcjũ yere quehnoano masine musa. Sa yena Cohãcjũ cahmeno saha tutuaro ye duare musa. Sa yena usãre cahĩne musa. Ohõ saha quehnoano yena iji tuhasare musa. Musa sa quehnoana ijiepegãta mehenogã duhsare musare. Pejecuoyequina puiritare musa paja ihñagũ cahmeaja usã. Sa yena cahĩno marieno tiquinare quehnoano mehna musa pajiro ohogũ cahmeaja usã.

⁸ Sa nigu musare dutigu niedaja. Sa ni yahugãta niaja musare. Apequina pejecuoyequinare tiquina tutuaro yedohorire musare yahugu niaja. “¿Potota paja ihñana ijiajari musa?” ni, masi duagu niaja. ⁹ Mari puhtoro Jesucristo pehe marine tiquiro paja ihñarire masine musa. Ti ijirota ijire. Tiquiro ahmusepu pajiro cuoriquiro ijieperota ahri yehpau ahtaro pejecuoriquiro wahahye. Sa yero mari ye ijiatire yariaro pejecuoriquiro wahahye. Ohõ saha wahahye tiquiro mari pehe tiquiro yere pajiro mari cuoatire, tiquiro mehna mari sa ijiducuatire.

¹⁰ M̄sare sa yahuḡta niaja. Oh̄o saha tuh̄otuaaja ȳh̄h̄ pehe: Ihc̄ã c̄h̄ma wahare m̄sa oho duaḡũ. M̄sa pehe pejec̄oyequinare oho dua m̄htamed̄i. Sa yena tiquinare oho m̄htaborina ij̄imedi m̄sa. ¹¹ Sa yena m̄sa ye duar̄iro saha yojop̄are sohtori tiya. M̄sa oho dua m̄htar̄iro saha yojop̄are quehnoano oho pehoya. Sa yena paj̄iro c̄h̄ona ij̄ina paj̄iro ohoya. Mehenoḡã c̄h̄ona ij̄ina mehenoḡã ohoya. ¹² Tutuaro m̄sa oho duaḡũ tire m̄sa ohor̄ire Coh̄ãcj̄ũ bucuerota. Sa yena noho m̄sa c̄h̄oro puno ohoya. M̄sa ohoro punota bucuerota Coh̄ãcj̄ũ. “Pejec̄oyequinare m̄sa c̄h̄oye ȳhd̄oro ohoya”, m̄sare nino niedare Coh̄ãcj̄ũ.

¹³ “Pejec̄oyequinare ohoya”, niḡh̄ tiquinare paj̄iro c̄h̄o dutiḡh̄ niedaja. Sa yeḡh̄ m̄sa pehere pejec̄h̄oro ye dueraja. ¹⁴ M̄sare ihc̄ãno saha c̄h̄o dutiḡh̄ sa niḡh̄ niaja. Yojop̄are m̄sa pehe paj̄iro c̄h̄ore. Sa c̄h̄ona apee boro marieñequinare oho masine m̄sa. Came m̄sare apee boro mariedaḡũ tiquina ḡh̄h̄ oho masine m̄sare. M̄sa sa cahme ohona ihc̄ãno saha c̄h̄onata ij̄ipihtina Cristo yequina. ¹⁵ Oh̄o saha nine Coh̄ãcj̄ũ yere tiquina ojoari p̄ũp̄h̄: “Paj̄iro nediquiro ḡh̄h̄ apequina bui cj̄ũnoḡã c̄h̄oerari. Mehenoḡã nediquiro ḡh̄h̄re ne mehenoḡã d̄h̄saerari”, nine Coh̄ãcj̄ũ yere tiquina ojoari p̄ũp̄h̄.

Tito tiquiro mehna cj̄ẽna mehna Corintop̄h̄ wahahye

¹⁶ Sa ye m̄sare ȳh̄h̄ yedohor̄iro sahata Tito ḡh̄h̄ m̄sare yedoho duare. Coh̄ãcj̄ũ pehe tiquiro yedoho duaḡũ yeri tiquirore. Tiquiro sa yeḡũ ih̄ñaḡh̄ “Quehnoare”, niaja Coh̄ãcj̄ũre. ¹⁷ Titore m̄sa cahap̄h̄ us̄ã waha dutiḡũ tiquiro quehnoano mehna ȳht̄iri. Sa yero tiquirore us̄ã waha dutiato pano tiquiro basita m̄sa cahap̄h̄ tutuaro waha duar̄iquiro iji tuhasari.

¹⁸ Tiquirore apequiro Jesu yaquiro mehna piti dahrei us̄ã tiquirore. Tito mehna cj̄ũnore ij̄ipihtiyequina apequina Jesu yequina quehnoano ño peore. Quehnoañe buheyere tiquiro quehnoano yahuriquiro ij̄iḡũ ih̄ñañe tiquirore quehnoano ño peore. ¹⁹ Sa ye Jesu yequina tiquirore cahmene us̄ã mehna tiquiro tinino wahaḡũ. Tiquina ye niñerure pejec̄oyequina cahap̄h̄ us̄ã neaḡũ us̄ã mehna waha-tiquirore cahmene tiquirore. Sa ye ti niñerure us̄ã ohoḡũ ih̄ñañe “Marine yedohoriquiro ij̄ire”, nieta masa Coh̄ãcj̄ũre. Us̄ã sa ohona, tiquinare tutuaro mari yedoho duar̄ire masiḡũ yenata tiquinare. ²⁰ Sa yena ahri niñerure, paj̄iro Jesu yequina tiquina ohor̄ire neana, quehnoano ih̄ña ihbonata tiquina ohor̄ire, “Us̄ãre yahus̄ãri”, nina. ²¹ Mari p̄ht̄oro tiquiro ih̄ñonop̄h̄ queoro, quehnoano ye duaja us̄ã. Sa yena masa tiquina ih̄ñono ḡh̄h̄re queoro ye duaja.

²² Sa yena tana apequirore mari acaȳrore ohonatja Tito ḡh̄h̄ mehna. Us̄ã piti dahreriquirore peye tahari apequinare tiquiro quehnoano yedohoḡũ ih̄ñah̄ us̄ã. Sa yero yojop̄are m̄sa pehe apequinare m̄sa yedoho duaḡũ ih̄ñano to pano tiquiro yeriro ȳhd̄oro quehnoano m̄sare yedoho duare. ²³ Tito pehere m̄sare yahutja. Tiquiro ȳh̄h̄ mehna cj̄ũno ij̄ire. M̄sare ȳh̄h̄ yedohoḡũ tiquiro ȳh̄h̄ mehna dahrariquiro ij̄ire. Apequina tiquiro mehna waha-tiquina Jesu yequina tiquina bese ohor̄iquina ij̄ire. Cristo yere tiquina yere, apequina tiquirore ño peotire. ²⁴ Sa yena cah̄no mehna quehnoano mehna tiquinare piti caya m̄sa. M̄sa sa yeḡũ ih̄ñañe apequina Jesu yequina quehnoañequina pehe m̄sa cah̄ñene masieta. “Quehnoano piti caeta Corinto cj̄ẽna”, ni yahu tuhasap̄h̄ apequinare. M̄sa sa quehnoano piti caḡũ ih̄ñañe tiquina us̄ã yahuri poto ij̄iḡũ masieta apequina Jesu yequina.

Jesu yequinare pejecuoyequinare tiquina ohoatire yahuahye Pablo

¹ Sa yena Cohācjū yequinare m̄sa yedohoatire m̄sa ohoatire masi tuhasare m̄sa. ² Apequinare m̄sa yedoho duagū masiaja ȳh̄. Sa masigū Macedonia yehpa cjēnare ohō saha ni yahuu: “Corinto cjēna Jesu yequina pehe apequinare yedoho dua tuhasari. Ihcā c̄hma ȳhd̄re tiquina yedoho duari”, ni yahu tuhasa tiquinare. M̄sa sa yedoho duagū t̄hoye peyequina tiquina ḡh̄ pejecuoyequinare yedoho duari. ³ M̄sare sa ni yahugū yojop̄re ahriquinare mari acayere m̄sa cahap̄ ohogū tagū niaja, ȳh̄ yahuriro saha m̄sa yeato. Sa yegū pejecuoyequinare m̄sa ohoatire m̄sa cahmecoa c̄oyuatire ahriquinare ohogū niaja. ⁴ Tiquinare ohoeragū Macedonia yehpa cjēna mehna m̄sa cahap̄ esagū, m̄sa ohoatire m̄sa c̄oeragū ihñagū bue tisāboaga ȳh̄ m̄sare. “Pejecuoyequinare ohoeta”, m̄sare ȳh̄ ni t̄hoturi bato m̄sa ohoeragū ihñagū bue tisāboaga ȳh̄. M̄sa ḡh̄ b̄oro ȳhd̄boaga. ⁵ Sa yegū m̄sa cahap̄re ȳh̄ esato pano tiquinare mari acayere oho m̄htagū niaja. “Pejecuoyequinare ohonatja”, to pano m̄sa nidire m̄sa c̄oyuatire tiquinare oho m̄htagū niaja. M̄sa ohoatire m̄sa cahmecoa tiquina pehe m̄sare yahueta. M̄sa ohoatire m̄sa c̄oyu tuhasagū bucueye mehna m̄sa oho duari ijigū masiitja. ⁶ Sa yena ahrire wacūña m̄sa: Meheñe p̄erigā oteriquiro meheñe pacagā nenota. Peye p̄eri oteriquiro peye paca nenota. (Ohō saha ijire pejecuoyequinare mari ohogū. Mehenogā mari ohogū, Cohācjū mehenogā ohorota marine. Pajiro mari ohogū, pajiro marine ohorota.) ⁷ Sa yena ihquēquina m̄sa “Ohō puno ohonatja”, ni ohoya. Cah̄no marieno ohoya. “Marine oho dutiri”, nino marieno ohoya. Bucueye mehna ohoyequinare cah̄ne Cohācjū. ⁸ Tiquiro pehe m̄sa cah-

meno ȳhd̄oro m̄sare ohorota. Sa yena ijipihtiye m̄sa cahmemedire d̄hsaro marieno c̄o pehonata. Sa yero apequinare m̄sa ohogū ḡh̄re quehnoano esa tuharota m̄sa c̄oye. ⁹ Sata nine Cohācjū yere tiquina ojoari p̄p̄:

Pejecuoyequinare pajiro ohore tiquiro. Quehnoano mehna masare sa yeducure tiquiro, nine tiquiro yere tiquina ojoari p̄p̄.

¹⁰ Sa yero oteye d̄ca tiri bato oteriquiro tiquiro oteati capere ohore Cohācjū. Came tiquiro oterire d̄ca tigū yere tiquiro ihyatire. Pejecuoyequinare m̄sa pajiro ohogū oteriquirore tiquiro ohoriro saha m̄sa ḡh̄re pajiro ohorota Cohācjū. Sata m̄sare ohorota pejecuoyequinare m̄sa oho nemoatire. ¹¹ Sata ijire. Pajiro ohorota m̄sare apequinare pajiro m̄sa sa ohoducuatire. Sa ye m̄sa oho dutirire pejecuoyequinare usā ohogū peyequina tiquina pehe Cohācjūre bucueye mehna “Quehnoare”, ni eta. ¹² Sa yena pejecuoyequinare Cohācjū yequinare ohona, tiquinare yedohore m̄sa. Sa yedohona bucueye mehna Cohācjūre “Quehnoare”, tiquina nigū yenata m̄sa. ¹³ Sa m̄sa apequinare yedohogū ihñañe, Cohācjūre ño peoye mehna yahuducuenta masa. Sa ye tiquinare apequina ḡh̄re pajiro m̄sa ohogū ihñañe Cohācjūre “Quehnoa ȳhd̄gū ijire m̄h̄”, nieta masa. Ohō saha nieta Cristo buheye quehnoañe buheye ti nidiro sahata m̄sa yegū ihñañe, tiquinare m̄sa ohogū ihñañe. ¹⁴ Sa ye Cohācjū m̄sare tiquiro paja ihñano sahata m̄sa ḡh̄ tiquinare m̄sa paja ihñagū tiquina pehe m̄sare cahmeeta. Sa cahmeñe m̄sare sini basaeta Cohācjūre. ¹⁵ Cohācjū marine quehnoa ȳhd̄aro yerota. Tiquiro sa yeatire masina “Quehnoa ȳhd̄are”, nihna mari tiquirore.

10

Jesu cūriquiroy tiquiro ijyere

yahuahye Pablo

¹ Yojopare yuhū Pablo, mūsare yahutja. Ihquēquina mūsa mehna cjēna ohō saha nine yuhūre: “Mari mehna ijiro apequinare yuhūduca dueriquiro, ihyo ijiriquiro yero saha ijire. Sa ijieperota ape siepū ijiro marine cuero marieno tuhti ojoadoqueore”, nine mūsa ihquēquina yuhūre. Cristo pehe ne usueriquiro, masare quehnoano yeriquiro ijire. Tiquiro yero saha yuhū gūhū iji duaja. ² Sa yegū mūsare ahrire tutuaro mehna yahutja: Mūsa cahapū yuhū esagū quehnoano yeya mūsa “Pablo usāre tuhtiarī”, nina. Ihquēquina yuhūre ohō saha nine: “Tiquiro esa tuharo, Cohācjū dutiro marieno yere”, nine yuhūre ihquēquina. Sa niñequina pūritare tuhtiboaga yuhū.

³ Usā gūhū ahri yehpa cjānata ijina niaja. Sa ijiepenata ahri yehpa cjēna tiquina esa tuharo tiquina yero saha yeraja usā. ⁴ Surara cahme wejē tiquina yuhūducariro saha usā pehe ñañene yuhūduca duaja. Ti ñañene ye dueraja. Usā sa yegū usā wamoā ahri yehpa cjēna tiquina wamoā yero saha ijierare. Surara tiquina wamoare tiquina cūoro saha usā pehe Cohācjū tutuayere cūoaja. Ti tutuaye mehna Cohācjūre cahme dutieyequinare cohāja usā. Masa tiquina esa tuharo tiquina masiñene ti dūhseati ti ijieragū masigū yeaja usā ti tutuaye mehna. ⁵ Sa yena ijipihtiequina tiquina esa tuharo tūhotueyquinare Cohācjūre tiquina masi dutierarire duhugū yeaja usā. Sa yena ti tutuaye mehna Cohācjūre cahmeeñequinare Cristore quehnoano yūhtiequina tiquina ijigū yeaja usā. Cristo cahmeno saha tiquinare tūhotugū yeaja usā. ⁶ Sa yena apequina mūsa mehna cjēna Cristore tiquina yuhūduccagū ihñana tiquinare buhiri dahrenatja usā. Mūsa pehe mūsa quehnoano yūhtiri bato Cristore yuhūduccayequinare sa buhiri dahreatinata ijinata mūsa.

⁷ Yuhū pagū dihitarē masine mūsa. Yuhū ijiye tiye pehere ne

masiedare mūsa. “Cristo yequina ijiaja”, nina ijina, ohō saha masiñā mūsa: Usā gūhū mūsa yero saha Cristo yequinata ijiaja. ⁸ “Mari pūhtoro ye buheyere quehnoañe buheyere buhe dutiro, cūri usāre”, nigū peye tahari mūsare sa ni yahuepegūta bue tieraja yuhū. Usāre sa buhe dutiro mūsare yedohoanajare cūri usāre. Mūsare dojomehneanajare cūno niedari usāre. ⁹ Ohō saha poto ni yahuaja mūsare “Cueari”, nigū. Ahri yuhū ojoari pūre ihñana mūsa ihñā mariagū cahmedaja. ¹⁰ Ihquēquina mūsa mehna cjēna ohō saha nine: “Pablo ojoaro dūsero purīniquiro yero saha oja mūjare marine. Sa ijiriquiro ijieperota mari mehna ijiro ne sa ijiaga niediquiro ijire. Pejecūoriquiro yero saha ijire. Sa yero marine tiquiro yahuducuye dūhseati ijierare”, nine ihquēquina. ¹¹ Sa niñequinare ohō saha ni yahutja: Mūsare usā oja ohoiro sahata yahumatja mūsare mūsa cahapū ijina. Sa yena “Ohō saha yenata”, usā ni ojoariro sahata yenatja usā, mūsa cahapū ijina.

¹² Ihquēquina mūsa mehna cjēna “Quehnoano masi pehona ijiaja”, ni yahuducure tiquina basi. Yohou, quehnoa yuhūduaro masiñequina ijiajari tiquina sa ni yahuducuye. Usā pehe tiquina yero saha ne sa nisi. Tiquina basi cahme ihñā piti ca “Mari pehe quehnoa yuhūduccana ijiaja”, nine tiquina basi. Sa ni maca cāñe nine tiquina basi. ¹³ Usā pehe tiquina yero saha yesi. Cohācjū usāre buhe duti tiquiro cūri dihitarē yahuaja usā pehe mūsare. Apequina ye dahrayere “Yei”, nina niedaja. Cohācjū mūsare buhe dutiro usāre cūri. ¹⁴ Ohō saha nina, ni mehona niedaja usā. Quehnoañe buheyere Cristo yere mūsare buhe mūhtana esau usā. ¹⁵ Sa yena apequina ye dahrayere “Usā pehe tire yei”, ne niedaja usā. Sa yena Cristore mūsa wacū tutua nemogū cahmeaja usā. Sa cahmena mūsare buhe nemo duaja usā. Sa buhena Cohācjū

tiquiro cūriro punota buhe duaja m̄sare. ¹⁶ Sa yena m̄sa ya yehpa ȳhd̄rop̄ quehnoañe buheyere yahuna wahanatja. Sa wahana apequina tiquina buheri bato esana, “Us̄a buhei”, nisi us̄a.

¹⁷ Mari yerire “Us̄ata yeaja”, niedaro cahmene. Mari p̄h̄toro Jesu tiquiro yeri pehere ih̄nana bucuero cahmene. Ti pehere apequinare yahuro cahmene. ¹⁸ Masa tiquina basi “Us̄a pehe yei”, tiquina nigū bucuere Coh̄c̄j̄. Mari p̄h̄toro Cristo “Ahriquina quehnoano yeri”, tiquiro ninohriquina pehere bucuere Coh̄c̄j̄.

11

“Jesu cūrina ijiaja us̄a”, ni mehoñequinare yahuahye Pablo

¹ Ȳh̄ ȳ ijiye tiyere yahuḡ t̄ho masieḡ yero saha yahuḡ niaja. Ȳh̄ ijiye tiyere yahuḡ mehenoḡ b̄e tiaja. Sa yahuriḡ ȳh̄ ijiepeḡta ȳh̄re t̄hor̄ña m̄sa yojop̄re. ² Coh̄c̄j̄ m̄sare tiquiro cah̄no saha tutuaro cah̄aja ȳh̄ ḡh̄ m̄sare. Sa yeḡ m̄sare cues̄aja ȳh̄ “Ñañene yeari”, niḡ. Nuhmino omoca d̄hteaticoro am̄no mehna ijericoro quehnoaricoro ticoro ijiro saha quehnoana m̄sa ijiḡ tutuaro cahmeaja, Cristo dihitare m̄sare cahme dutiḡ. Sa yeḡ Cristo cahap̄ m̄sa wahaḡ ñañe mariena m̄sa ijiḡ cahmeaja.

³ Apequina ñañequina m̄sare ni mehoñe, sijoro saha ijiye buheyere cahmeḡ yeboaga m̄sare. Pinono Evare ni mehono tiquiro masiñe mehna ticorore Coh̄c̄j̄re ȳhd̄d̄caḡ yeahye panop̄re. Tiquiro sa yeriro sahata yojop̄re ñañequina m̄sare ni mehoñe, Cristore m̄sare quehnoano ño peoeraḡ yeboaga. Sa yeḡ m̄sare cues̄aja. ⁴ “Oh̄ saha ijiriquiro ijire Jesu”, tiquina esa tuharo sijoro saha ni meho buhepeḡta t̄homene m̄sa. M̄sare us̄a buheri saha ijierapeḡta m̄sare ni meho buheyequinare t̄homene m̄sa. Sa yena

“Oh̄ saha ijiriquiro ijire Esp̄ritu Santo”, tiquina esa tuharo sijoro saha ni meho buhepeḡta t̄homene m̄sa. Us̄a m̄sare buheriquiro Esp̄ritu Santo waro ijire. Tiquiro pehere queoro tiquina yahuerapeḡta m̄sare ni meho buheyequinare t̄homene m̄sa. Tiquina sijoro saha ijiye buheyere tiquina ni meho buheḡ quehnoañe buheyere tiquina buherapeḡta tire t̄homene m̄sa.

⁵ M̄sa mehna cj̄na “Jesu cūrina ijiaja”, nimediquina ȳh̄re masi ȳhd̄d̄caerare. Tiquinare docad̄caeraja ȳh̄. ⁶ Quehnoano yahu mih̄niḡ ijieraboaga ȳh̄. Quehnoano yahu mih̄niedapeḡta Coh̄c̄j̄ yere quehnoano masiaja. Ȳh̄ sa masiñene peye tahari m̄sare quehnoano masiḡ yei.

⁷ Quehnoañe buheyere Coh̄c̄j̄ yere m̄sare buheḡ ne wapa cahmed̄. M̄sare yedoho duaḡ wapa cahmed̄. Ihyo ijiriquiro yero saha ijii ȳh̄. ¿Ȳh̄ sa wapa cahmedaḡ quehnoaedajari, m̄sa t̄hotuḡ? ⁸ M̄sare ȳh̄ buheḡ apeye macari cj̄na Jesu yequina ȳh̄re niñerure ohori. Tiquina sa ohoḡ ti niñerure ñehei sinino marieno m̄sare buheḡ taḡ. M̄sa pehe ȳh̄re m̄sa ohoborire tiquina pehe ȳh̄re ohori. ⁹ M̄sa mehna ijiḡ apee boro ȳh̄re d̄hsaep̄eḡta m̄sare niñerure ne sinied̄. Mari acaye Macedonia yehpa cj̄na Jesu yequina ijipihtiye ȳh̄ cahmedire ne wihiri ȳh̄re. Panop̄re m̄sare ne cariboer̄ ȳh̄. Camer̄ ḡh̄re m̄sare ne caribosi. ¹⁰ Cristo potota tiquiro yahuriro sahata ȳh̄ ḡh̄ yojop̄re m̄sare potota yahuḡ niaja. Ijipihtiro Acaya yehpap̄ ijiyequinare ahri m̄sare ȳh̄ siniedarire sa yahuducuḡtja. ¹¹ ¿M̄sare ȳh̄ siniedarire apequinare ȳh̄ sa yahuducuḡ t̄hona, d̄hse t̄hotuajari m̄sa? ¿“Pablo sa yahuro us̄a cah̄edaro niaga”, ni t̄hotuboagari m̄sa? Ijierare. M̄sare cah̄aja. M̄sare ȳh̄ cah̄iḡ Coh̄c̄j̄ masine.

¹² Wapa cahmeno marieno musare yuhu buhe ducariro sahata sohtori tiitja. Yuhu buheri wapa yuhu wapa negu ihñañe tiquina “Jesu cūrina ijiaja”, ni mehoñequina ohō saha niboaga: “Pablo quehnoañe buheyere buhero, wapa cahmene. Sa yena usā gūhu tiquiro yero sahata yenatja”, niboaga tiquina wapa cahmeñe. ¹³ Tiquina potota Jesu cūriquina waro ijierare. Tiquinare ne cūdari tiquiro. “Jesu cūrina ijiaja”, ni mehoñe, usā yero saha ijimene. ¹⁴ Tiquina sa ni mehoñequina ijigū masi tuhasaja yuhu. Satana gūhu quehnoariquiro yero saha comesa mujare. Tiquiro angel asi siteriquiro yero saha iji duaro comesamene. ¹⁵ Tiquiro sa yeriquiro ijigū masigu, Satanare yedohoyequina “Jesu cūrina ijiaja”, ni mehoñequina Cohācjūre yedohoyequina yero saha tiquina comesagū ihñagu, ni mehoñequina tiquina ijigū masi tuhasaja yuhu. Yojopure tiquina sa comesaepegūta pihtiri deco ijigū ijipihtiyē tiquina ñano yeri buhirire buhiri dahrerota Cohācjū tiquinare.

Tiquiro ñano yuhdūrire yahuahye Pablo

¹⁶ Pari turi ahrire musare yahutja. Ne “Tūho masieniquiro ijire”, yuhare niedacāhña. Yuhu sa ni dutierapegūta yuhare musa sa ni tūhotugū quehnoanota yuhare. “Tūho masieniquiro ijire”, yuhare ni tūhotuepenata tūhorñña musa yuhare. Mehenogā yuhu ijiye tiyere yuhu yahugū tūhoya musa. ¹⁷ Musare sa yahugu tūho masiegu yero saha yei niaja. Yuhu ijiye tiyere yahugu mehenogā bue tiaja. Mari puhtoro Jesu yuhare “Muhu basi muhu ijiye tiyere yahuya”, niedare yuhare. ¹⁸ Tiquiro sa niedapegūta ahrire yahutja musare. Tiquina esa tuharo “Quehnoana ijiaja”, niñequina tiquina ijigū ihñagu yuhu gūhu yuhu ijiye tiyere musare yahutja. ¹⁹ Musa pehe tūho masieñequinare tūhona bucueye mehna ihñare musa tiquinare.

Quehnoa yuhduaro masina ijiajari musa pehe sa tūhona. ²⁰ Musare cahacjāna tiquina yegū, musa yere tiquina ehmagū, sa ihña cāhre musa. Sa yena musare tiquina doca cūgū, musa wahsupurire tiquina quēgū sa tūhotu cāhre musa. ²¹ Quehnoa yuhduaro yeajari musare tiquina. Usā pehe tiquina yero saha yuhdūducaeraja.

Sa yena tiquina yero saha yeraja. Tiquina yero saha ijierapegūta tiquina “Ohō saha ijina ijiaja”, tiquina nigū tūhogu yuhu gūhu sata ni yahuboaga. Pari turi bue tiepegūta ohō saha ni yahutja musare tja. ²² Tiquina “Hebreo masa ijiaja”, nine apequinare masi yuhdūduca duaye. Hebreo masata ijiaja yuhu gūhu. “Israe masa mari Pacu tiquiro beserina ijiaja”, nine tiquina pehe. Tiquina yero saha tiquiro beserigu ijimaja yuhu gūhu. “Abrahā panamena iji turiana ijiaja”, nine tiquina tja apequinare masi yuhdūduca duaye. Tiquina yero saha Abrahā panami iji turiagūta ijimaja yuhu gūhu. ²³ “Cristo cahacjāna ijiaja”, nine tiquina pehe. Yuhu gūhu Cristo cahacjūta ijiaja. Tiquina yuhduoro Cristo yere quehnoano yeaja yuhu. Yohou, sa nigū tūho masieniquiro yero saha yahuducugu niaja. Sa yahuducugu mehenogā bue tiaja yuhu. Tiquina yuhduoro tutuaro dahrū yuhu Cristo yere yegu. Peye tahari tiquina yuhduoro Cristo yaquiro yuhu ijiri buhiri peresu yeri apequina yuhare. Tiquina yuhduoro peye tahari tanari yuhare masa. Tiquina yuhduoro Cristo yaquiro yuhu ijiri buhiri masa yuhare wejē duamedi. Sa yegu mehenogā yuhduu yariaborigu. ²⁴ Ihcā omope tahari judio masa yuhare ñehedi. Yuhare tiquina ñehepe tahari treinta y nueve tahari yuhare tanari. ²⁵ Ihtia taha apequina yuhare ñehedi. Sa ñeheñe tiquina pūrta yuhare ñano yucūri mehna quēdi. Ape taha yuhare apequina utā paca mehna doqueri. Ihtia taha yucusa mehna utāpū doque

quehe sa, minii. Sa yegu ihcã deco, ihcã ñami taboa pji bui pajiri ma decopure ba pahsau. ²⁶ Peye tahari macaripure buhe tinigu esau. Yuhu sa buhe tinigũ cua yuhduari yuhure. Yuhure minino cua yuhduari. Yuhure apequina yaquero cua yuhduari. Ya dihta cjẽna judio masa, judio masa ijieyequina gũhu yuhure ñano yero cua yuhduari. Macaripure, masa marienopure, pajiri mapure gũhure yuhure yariaro cua yuhduari. “Mũhu mehna cjãna ijiaja”, ni mehoñequina gũhu yuhure ñano yero cua yuhduari. ²⁷ Cristo yere yegu tutuaro dahrae tii. Sa dahragu ñano wahyie tii. Peye tahari yuhure wujua ñano puriepegũta sa dahraducue tii. Ñano ujua ahbae tii. Sa yegu ñano aco wuoe tiru. Peye tahari ihyaye bocaera tii. Yuhu suhti sañaboye gũhu ne marieda tiri yuhure. Sa yero yuhure yusua yuhduae tiru.

²⁸ Sa ñano yuhduapegũta decoripe ijipihtiyequina apequina Cristo yequinare, musa gũhure pajiro wacũ tũhotuaja. ²⁹ Sa yegu ihcãquiro Cristo yaquiro tiquiro sa iji cãriquiro ijigũ ihñagu bujua witiaja. Apequina Cristo yaquirore ñano ye dutiboaga. Tiquina sa yegũ ihñagu Cristo yaquirore cuesãgu, tiquina ñañequina mehna usuaja.

³⁰ Yahu duerapegũta yuhu ijiye tiyere yahugu tagu, yuhu esa tuharo tutuegu yuhu ijiye tiyere musare bucueye mehna yahuaja. ³¹ Cohãcjũ mari puhtoro Jesu pacuro decoripe mari ño peoatiquiro tiquirota musare yuhu ni mehoedagũ masine. Ahrire musare poto yahutja. ³² Damasco wame tiri macapure yuhu ijigũ ihñano, ihcãquiro puhtoro yuhure ñehe duamedí. Ijipihtiyequina masa puhtoro Areta wame tiri quiro doca ijiri quiro puhtoro pũrita yuhure ñehe duamedí. Sa ñehe duaro ti maca cjã sahrĩno sopecaharipe surarare cohte dutimedí. ³³ Tiquina sa cohteri watoata yuhu mehna cjẽna pajiri puhudupure yuhure duhu sã, ti sahrĩno cjã sopecahagãpũ yuhure duhu dijiori. Ti

sahrĩno behero pehepũ yuhure duhu dijiori. Tiquina sa duhu dijiori bato duhti cãa wahaũ.

12

Pablo Cristo tiquiro ihñorire yahuahye

¹ Yuhu ijiye tiyere bucueye mehna yuhu yahugũ dahseati ijierare. Sa ni yahugu mehenogã bue tiepegũta yahu nemoutja musare. Mari puhtoro Jesu yuhure tiquiro ihñorire tiquiro masigũ yerire yahutja musare. ² Ohõ saha ihñõ ducari tiquiro yuhure: Catorce cãhmari waro wahare yuhure Cristo yaquirore ahmũsepũ tiquiro ne mujari bato. Ahmũsepũ ñahpicoha buipure yuhure ne mujari. Yuhu jeripohna dihitare tiquiro negũ masiedaja yuhu. O yuhu pagu gũhure tiquiro negũ masiedaja. Cohãcjũ dihita tire masine. ³⁻⁴ Sa yero paraíso wame tiropure ne mujari yuhure. Yuhu jeripohna dihitare tiquiro negũ masiedaja yuhu. O yuhu pagu gũhure tiquiro negũ masiedaja. Cohãcjũ dihita tire masine. Tiquiro sa ne mujagũ esagu topure tiquiro yahurire tũhou. Ti yuhu tũhorire masa ne masiedare. Tiquiro yahurire yahu dutierare.

⁵ Ohõ saha yuhure tiquiro ihñorire musare yahugu, “Yuhu ihcãta apequinare yuhduaducaja”, niboaga yuhu. Sa niedaja yuhu. Yuhu esa tuharo masiegu yuhu ijiyere, yuhu tutuegu yuhu ijiyere bucuegu musare yahutja. Ti dihitare bucuegu musare yahutja. ⁶ “Apequinare yuhduaducaja”, musare ni yuhu yahu duagũ yuhu nidi potota ijiboaga. Sa yegu sa ni yahugu tũho masiegu ijieraboaga yuhu. Sa ijierapegũta “Ohõ saha apequinare yuhduaducaja”, ni yahusi yuhu musare, “Cua pesa yuhduaro yuhure ihñari”, nigũ. Yuhure ihña masina ño peore musa. Musa ño peoepẽgũta ti yuhduoro yuhure musa ño peogũ cahmedaja.

⁷ Cristo quehnoa yuhduayere ahmũsere yuhure tiquiro ihñogũ

ihñarigu ijigu, “Apequinare yuhducajajijiyere ihñogu nimi musare. ¹³ Apeye niboaga yuhu pehe. Sa yuhu niedatire Satana yuhu pagure tiquiro duti dahregū ihñano “Quehnoanota”, nidi Cohācjū. Yuhure duti dahreri Satana yuhure ñano wahagū yero. Ahri dohatiye pota sajāno purīno saha yuhure purīne. ⁸ Ohō yuhu dohatiyere yuhure yuhduo dutigu sinie timi Cristore mari pūhtorore. Ihtia taha sinimi. ⁹ Ohō saha ni yūhtie tiri yuhure tiquiro: “Ohō mūhu dohatiye pūritare mūhure yuhduosi yuhu. Sa mūhure yuhduoerapegata mūhure cahñaja. Yuhu cahñe mehna quehnoano ijiita mūhu. Dohatigu tutuegu ijigu yuhu tutuayere quehnoano ihñogata mūhu. Tutuayequina yuhduoro mūhu pehe yuhu tutuayere masare masigū yeita mūhu”, ni yūhtie tiri tiquiro yuhure. Tiquiro sa nigū tūhogu tutuegu yuhu ijiire masigu bucueaja. Sa yegu tutuegu yuhu ijiyere musare bucueye mehna yahutja. Ohō saha ni yahutja Cristo tiquiro tutuaye pehere musare yuhu quehnoano masigū yeatire.

¹⁰ Sa yegu Cristo yaquiro yuhu ijiri buhiri yuhure purīepēgūta bucueaja. Apequina ñano yuhure tiquina yahu wajaepēgūta, ña yuhduaro yuhduerapegata bucueaja. Yuhure tiquina ñano yeducuepēgūta yuhure bñjua witigū tiquina yepēgūta bucueaja yuhu. Sa ñano yuhduerapegata Cristo tutuaye mehna ihcāno sahaja, tiquirore wacū tutuagu. Sa yegu bucueaja.

Corinto cjēnare Cristo yequinare pajiro bñjua witi tūhotuahye Pablo

¹¹ Yuhu ijiye tiyere yahugu mehenogā bue tiaja yuhu. Yuhu sa yahuepēgūta ti musa ye buhiri ijiere. Musa pehe yuhu ijiye tiyere apequinare quehnoano yahuboaga. Yuhu esa tuharo ijigu dahseacju ijieraboaga yuhu. Sa ijiborigu ijiepegūta “Jesu cūrina, masi pehona ijiaja”, ni mehoñequinare docaducaeraja yuhu. ¹² Potota ñano yuhdurigu ijiepegūta Cohācjū tutuaye mehna ye ihñomi musare. Sa ihñogu Jesu cūrigu yuhu

macari cjēnare Jesu yequinare musa gūhure ihcāno saha yee timi yuhu. Sa yepegūta musa pehere sijoro saha cjūnogā yemi. Musa dihitare cariboerami. Musa dihitare apee boro gūhure siniedami. ¿Yuhu sa siniedagū ñaniajari, musa tūhotugū? Ti ñañe ijigū ti ñañene boya musa yuhure.

¹⁴ Ahri yuhu yahuatire tūhoya musa. Pua taha musa cahapu yuhu esari bato pari turi waha duaja tja. Topu esagu musare caribosi yuhu. Apee borore sinisi yuhu musare. Musa yere cahmedaja. Cristo ye pehere musa yūhtigū cahmeaja yuhu. Masa pohne pehe tiquina pacusumare tiquina cahmeñene ohoerare. Tiquina pacusumua pehe tiquina pohne cahmeñe pehere ohore. Ohō saha musa yuhu pohna yero saha ijina yuhu cahmeñe pehere ohosi musa. ¹⁵ Sa yegu yuhu pūrita yuhu cūoye pehere oho duaja musare yedohogu tagu. Musa cahacjūno yero saha iji duaja musare yedohogu tagu. Musa pehere yuhu tutuaro cahīepēgūta yuhu pehere musa mehenogā cahñe, yuhu tūhotugū.

¹⁶ Sa yegu musa mehna ijigu musare cariboeru. ¿Sata ijiyari yuhu, musa tūhotugū? Yuhu sa ijiepegūta ihquēquina musa mehna cjēna ohō saha niboaga: “Pablo apee borore marine ne duaro ni mehorī marine”, niboaga. ¹⁷ ¿Musa sa nidiro saha yerigu ijigu, dahse tire yeari yuhu, musa ihñagū? ¿Musa cahapu yuhu ohoriquina yabe borore yuhure ni meho ehma basari tiquina musare, musa ihñagū? Ni meho ehmedari jiri. ¹⁸ Sohō ijiri pjeru musa cahapu Titore waha duti tuhasu tiquirore. Sa yegu apequirore Cristo yaquirore tiquiro mehna piti dahre ohou. ¿Tito apee borore musare ni meho ehmari, musa ihñagū? Ni meho ehmedari jiri. Tiquiro yuhu yero saha Cohācjū cahmeno saha yeriquiro ijiere. ¿Sa yero yuhu yero saha yerari tiquiro, musa ihñagū? Yuhu yero saha yeri jiri.

¹⁹ “Ñano yeraja usā”, ni cahmotana

niedaja usã. Cristo yequina ijiaja. Sa yena Cohãcjũ tiquiro ihñonopu musare yahuna niaja. Yuhũ acaye, yuhũ cahĩna, musare yahuu musa pehere yedoho duana. Musare yahuna, usã pehere musare cahmegũ yena niedu. ²⁰ Topu yuhũ esagũ yuhũ cahmeno saha yerapena ijiboaga musa. Sa yegu musare tutuaro cuesãja. Sa yegu musa cahmeno saha yerigu ijieraboaga yuhũ gũhũ, topu esagu. Sijoro saha musa yegũ ihñagu yahutja musare. Topu yuhũ esagũ musa pehe cahme duse tini wiana, apee boro tiquina cãogũ ihña coona, duita usuana, musa esa tuharo apequinare yuhũdũca duana, apequinare ñano yahuducuna, ñano quitĩ yena, “Apequinare masi yuhũdũcaja”, nina, musa cahmecoanore dojomehnena ijiboaga musa. “Tire yeari”, nigu cuesãja yuhũ musare. ²¹ Topu yuhũ esagũ yuhũare musare bue tisãgũ yeboaga Cohãcjũ. Sa yegu ijipihtiyequinare panopu ñano yeyequinare, tiquina ñañene bujua witieyequinare ihñagu, tutuaro bujua witiitja yuhũ. Numia mehna ñano yeyequinare, umã mehna ñano yeye numiare, wãana tiyequinare, ñañene tutuaro cahmeñequinare ihñagu bujua witiitja yuhũ.

13

Pablo yahu bato tiahye

¹ YojoPURE musa cahapu wahagu ihtia taha esagutja topure. Pua taha topure esa tuhasa. Sa yegu musare ahrire yahutja. Ohõ saha nine Cohãcjũ yere tiquina ojoari pũpu: “Ihcãquirore mari buhiri dahreato pano ihtiaro tiquirore yahusãno cahmene. Ihtiaro mariedagũ puaro tiquirore yahusãno cahmene. Tiquina sa yahusãri bato buhiri dahre masiaja mari”, nine Cohãcjũ yere tiquina ojoari pũpu. ² Panopure ñano yerina musa ijigũ musare, ijipihtiyequina apequina gũhare pari turi ahrire cuaro mehna yahutja. Ihcã taha musa cahapu pari turi

esagu musare ahrire yahuu. YojoPURE musa mehna ijieragu pari turi musare ahrire yahutja: YojoPURE musa cahapure esagu, ñano yeyequinare potota buhiri dahregutja yuhũ. ³ Sa yeitja Cristo yuhũ mehna tiquiro buherire musa ihño dutigũ. Cristo pehe musare dutiriquiro tutua yuhũdũariquiro ijire. Sa yero tiquiro tutuayere ihñore musare. ⁴ Mari yero saha pagu tiro, tiquiro tutueriquiro ijiro, curusapu yari-ahye. Sa yarieperota Cohãcjũ tutuaye mehna catiriquiro ijire tiquiro yojoPURE. Tiquiro curusapu ijiro tiquiro tutuerariro saha usã gũhũ tutuena ijiaja. Sa yena usã esa tuharo musare yedoho masiedaboaga. Sa yena Cohãcjũ tutuaye mehna ijinata musare yedohona tana.

⁵ Sa ye musa pehe musa basi ohõ saha ni tãhotuya. “¿Potota Cristore wacũ tutuajari yuhũ?” ni tãhotuya musa. ¿Potota Cristo musa mehna cãno ijiajari? Tiquiro ijieragũ tiquiro yequina waro ijierare musa. Tiquiro yequina ijierana ni mehona ijire musa. ⁶ Usã pehe “Jesu yequina ijiaja”, ni mehona ijieraja. Tiquiro yequina waro ijiaja usã. Tire musa masigũ cahmeaja yuhũ. ⁷ Sa yegu musa ñano yeratire Cohãcjũre sini basaja musare. Sata sini basaja usã musa quehnoañene musa yeatire. Musa sa yegũ ihñana usã ohõ saha niboaga: “Usã pehe tiquinare quehnoañequina wahagũ yei usã”, niboaga usã apequinare usãre ño peo dutina. Sa ño peo dutieraja usã. Sa yena Cohãcjũre sini basana, musa ye ijiatire sini basana niaja. Apequina usãre “Ni mehoñequina ijire”, tiquina niepegũta quehnoañene musa yegũ pũritare cahme yuhũdũaja usã. ⁸ Ijipihtiye musa quehnoañene yegũ cahmeaja usã. Cohãcjũ yere quehnoañene dojomehne masiedaja usã. ⁹ “Cristo cahmeñene yeaja usã”, ni ihño masiedana, tutueyequina yero saha ijiboaga usã, musa ihñagũ. Quehnoanota. Quehnoañene yena musa pehe tutuana ijire. Musa sa

ijigũ ihñana tutueyequina yero saha usã ijiepenata bucueaja. Sa yena quehnoana m̄sa wahatire Cohãcjũre sini basana niaja usã m̄sare. ¹⁰ Sa yegũ m̄sa mehna ijieragũ m̄sare ahri pũre ojoayugũ niaja. M̄sa cahapũ esagũ, m̄sa ñano yerina ijigũ ihñagũ m̄sare buhiri dahreitja. Cristo yũhare tiqũiro dutiriro sahata m̄sare buhiri dahreitja. Yũhũ sa buhiri dahreratire ahri pũre m̄sare ojoayugũ niaja. Cristo yũhare tiqũiro dutiriro sahata m̄sare yedohoacjũ ijiaja. M̄sare dojomehneacjũ ijieraja.

¹¹ Yojopũre, yũhũ acaye, m̄sare quehnoa dutiaja. Cristore wacũ tutua nemoña. Sa yena quehnoana ijiya. M̄sare yũhũ yahurire quehnoano tũho nũnũña. M̄sa mehna cjẽna mehna ihcãno mehna ijiya. M̄sa basi quehnoano mehna ijiya. M̄sa sa ijigũ ihñano m̄sa mehna Cohãcjũ ijirota. Tiquiro marine cahme cahĩgũ yeriquiro, marine quehnoano mehna ijigũ yeriquiro ijire. ¹² Sa yena m̄sa mehna cjẽnare quehnoano bucueye mehna piti caya. ¹³ Ijipihtiyequina ohõ cjẽna Cohãcjũ yequina m̄sare quehnoa dutire.

¹⁴ Mari pũhtoro Jesucristo mehna m̄sare ijipihtinare quehnoa dutiaja. Sa yegũ Cohãcjũ mari Pacũ tiqũiro cahĩne mehna ijipihtina m̄sare quehnoa dutiaja. Sa yero Espĩritu Santo ijipihtina m̄sa mehna quehnoano ijire.

Gálatas

Galacia wame tiri yehpa cjēnare Jesu yequinare ojoa ohoahye Pablo

¹ Yuhū Pablo, Cristo yere buhe duti tiqairo cūrigū ijiaja. Masa cūrigū ijieraja yuhū. Masa pehe yuhūre buhe dutiye cūedari. Cohācjū mari Pacū pehe Jesure yariariquirore masoriquiro yuhūre cūri tiqairo yere buheacjūre. Jesucristo gūhū yuhūre cūri. Tiquina sa cūrigū ijigū ahrire ojoa ohoaja mūsare. ² Yuhū mūsare Jesu yequinare Galacia yehpa cjānare quehnoa dutiaja. Yuhū mehna cjēna Jesu yequina gūhū mūsare quehnoa dutire. ³ Cohācjū mari Pacū, mari pūhtoro Jesucristo mehna mūsare quehnoa dutiaja. Tiquina yedohoye mehna quehnoano ijiya mūsa. ⁴ Tiquiro Jesucristo pehe mari ñañene yeri buhirire yariahye. Yojoḡure masa tiquina ñañene yeri pje ijire. Sa yero tiqairo yariahye Cohācjū mari Pacū tiqairo cahmediro saha marine yūhdūoro taro. Sa tiqairo yūhdūogū yojoḡure ñañene tiquina yeriro saha ye duasi mari. ⁵ Sa ye ijipihtiye decoripe tiqairore mari Pacūre ño peouhna. Sata yeihna.

Cohācjū masare tiqairo yūhdūoati buheye ihcānota ijire. Apeye buheye mariedare

⁶ Cristo mūsare cahīno tiqairo yequina ijianajare mūsare cūri. Sa yegū mūsare cūriqairo yere cohāna sijoro saha ijiye buheye pehere duita mūsa cahmegū ihña acūaa wahaja. ⁷ Apeye buheye quehnoañe buheye yero saha ijiye buheye waro ijierare. Ti sa ijierapegūta ihquēquina mūsa cahapū ijiyequina mūsare cariboye, sijoro saha ijiye buheye buheye, quehnoañe buheye dojomehne duare. ⁸ Sa yena mūsare usā buhe mūhtarire mari cohāgū sijoro saha ijiye buheye mari buhegū Cohācjū marine buhiri dahreahro. Sa yero angel ūhmūse cjūno sa tiqairo buhegū

tiqairo gūhūre buhiri dahreahro Cohācjū. ⁹ Mianogāta usā nidiro saha pari turi niitja: Ihcāqairo mūsare usā buherire cohāno, sijoro saha ijiye buheye tiqairo buhegū Cohācjū tiqairore buhiri dahreahro.

¹⁰ Sa nigū yuhū “Pablo dihita quehnoano buheriquiro ijire”, yuhūre ni dutigū niedaja. Cohācjū pehe yuhūre “Quehnoano buheri mūhū”, tiqairo nigū cahmeaja. Masare bucuegū yegū tagū sijoro saha ijiye buheye buheboaga yuhū. Masa dihitare bucuegū yegū ijigū ne Cristo cahacjū ijieraboaga yuhū.

Pablo Cristo cūriqairo tiqairo iji dūcarire yahuahye

¹¹ Yuhū acaye, ahrire mūsa masigū cahmeaja yuhū: Quehnoañe buheye yuhū buheri masa ye buheye ijierare. ¹² Ti buheye masare yuhū tūhori ijierare. Sa ye apequina masa yuhūre ti buheye yahuerari. Jesucristo pehe yuhūre ti buheye masigū yeri.

¹³ Panopū judio masū yuhū ijie tirire masine mūsa. Ohō saha yee tii yuhū: Jesu yequinare tutuaro ñano yegū tiquinare quehnoano wejē peho cā duami. ¹⁴ Mari ñecūsumūa mūna iji turiayequina tiquina buherire tutua yūhdūaro ye duagū yuhū acaye yuhū ihcāno mehna masariquina yūhdūoro ye mūhtarigū ijie timi yuhū. ¹⁵ Yuhū sa ijirigū ijiepegūta yuhū masa bajuato pano Cohācjū yuhūre bese tuhasari jiri. Sa yero yuhūre cahīno tiqairo yaqairo ijiascū cūri yuhūre. ¹⁶ Sa yero tiqairo cahmeno saha tiqairo macūnore yuhūre masigū yeri. Tiquiro yere quehnoañe buheye judio masa ijieyequinare buheacjū yuhū ijiatire tiqairo macūnore masigū yeri yuhūre. Tiquiro sa yegū “¿Dūhse ni buhero cahmeagari yuhūre?” ni masare sinituerū yuhū. ¹⁷ Sa yegū Cristo cūriquina yuhū pano ijiriquina cahapūre Jerusalēpūre sinitugū waherū. Duita Arabia yehpūre wahān.

Sa yegu Damascoru majare tojoa wihii.

¹⁸ Ihtia cahma bato Pedrore ihñagũ wahau Jerusalẽru. Topure puã semana waro ijii. ¹⁹ Sa yegu apequinare Cristo cõriquinare ihñedu. Santiago dihitare mari puhtoro bahurore ihñau. ²⁰ Ohõ saha ni ojoagu Cohãcjũ mehna ne ni meho ojoaeraja.

²¹ Came Siria yehparu, Cilicia yehparu gãhure wahau. ²² Topure yuhu esagũ ti pjere Judea yehparu ijiyequina Jesu yequina yuhure ihña masiedari. ²³ Sa ye ahri dihitare yuhure masi ducari tiquina: “Panopure marine ñano yeriquiro yojopure quehnoañe buheyere tiquiro cohã duari buheyere buhero nine”, ni, masi ducari tiquina. ²⁴ Yuhure sa masiñe Cohãcjũre “Quehnoa yuhduagu ijire”, nidi tiquina.

2

Apequina Cristo cõriquina Pablöre piti ca, duita cahmene

¹ Catorce cahmari bato pari turi Jerusalẽru wahagu Bernabé mehna wahau. Tito gãhu wahari yuhu mehna. ² Cohãcjũ yuhure tiquiro waha dutigũ topure wahau. Jerusalẽru ijigu “Jesu yequina puhtoã”, masa niñequina tiquina sehsaro cahmecoagũ quehnoañe buheyere judio masa ijieyequinare yuhu buherire yahuu tiquinare. “Judio masa ijieyequinare quehnoañe buheyere yuhu buhegũ quehnoajari, masa tuhutugũ?” nigu, sa yahuu tiquinare. Sa yahuu tiquinare panopu yuhu buherire, yojopure yuhu buheri gãhure tiquina quehnoano masiatire, tire “Quehnoare”, tiquina niatire. Tiquina sa niedagũ yuhu buheri dahseati ijieraboaga.

³ Yuhu mehna cjãno Tito judio masano ijieriquiro ijiri. Sa yero cuhnucunu sohtoa cahserogãre yuhre nemehnediquiro ijire. Sa yuhremehnediquiro tiquiro ijiepegũta Jesu yequina puhtoã “Muhu gãhu ti cahserogãre yuhre

neña”, niedari tiquirore. ⁴ Tiquina sa niedapegũta ihquẽquina “Jesu yequina ijiaja”, ni mehoñequina wacũeno mehna usã mehna sajã, tiquirore ti cahserogãre yuhre negũ cahmemedi tiquina. Jesu yequina mari ijina “Panopu cjẽne tiquina dutihiro saha yena ti mehna yuhduasi”, ni tuhutuaja mari. Mari sa ni tuhutugũ mari yeyere ihña duaye tiquina pehe usã mehna ni meho sajãri. Sa yeye usã ñecusumua mana iji turiayequina ye dutiyere ye duti duaye, ti dutiyere ño peoducugũ ye duamedi usãre tiquina. ⁵ Tiquina sa ye duepegũta quehnoañe buheyere poto masa masiatire ne mehenogã mehna taho dueru usã tiquinare.

⁶ Sa ye Jesu yequina puhtoã quehnoañe buheyere yuhu buherire tiquina tuhori bato “Ahri buheye mehna apeye buheyere buhe moreña”, ne niedari tiquina yuhure. Jesu yequina puhtoãre ihyo ijiyequina yero saha tuhutuaja tiquinare. Cohãcjũ pehe ijipihtiyequinare ihcãno saha ihñare. Sa yegu sata tuhutuaja yuhu gãhu puhtoã gãhure, ihyo ijiyequina gãhure. ⁷ Sa ye yuhu buheri mehna tiquina “Ahri buheye mehna apeye buheyere buhe moreña”, ne niedari. Sa ye judio masa ijieyequinare yuhu buheatire Cohãcjũ yuhure tiquiro cõrire tuhoye, “Tita ijire”, nidi tiquina. Judio masare buheyere Cohãcjũ Pedrore tiquiro cõriro sahata yuhu gãhure cõri judio masa ijieyequinare yuhu buheatire. ⁸ Judio masare Pedrore buhe dutiriquirota Cohãcjũ yuhu gãhure tiquirota buhe dutiri judio masa ijieyequinare.

⁹ Sa ye Santiago, Pedro, Ñu mehna Jesu yequina puhtoã waro quehnoañe buheyere buherire Cohãcjũ yuhure tiquiro cõrire tuhoye “Tita ijire”, nidi tiquina. Sa nieta yuhure Bernabé mehna quehnoano bucueye mehna omoca ñehedi usãre piti tiye tehe. Sa yena judio masa ijieyequinare buhena ijiaja usã. Santiago gãhu pehe judio masare

buheyequina ijire. “Sata ijiahro”, nii usã basi. ¹⁰ Sa niepeta tiquina judio masare pejecuoyequinare yedoho dutiri usãre. Pejecuoyequinare yedo-hoacjũ ijiita niaja yũhũ.

Antioquíapũ Pablo Pedrore tuhti-ahye

¹¹ Sa ye Antioquíapũ yũhũ esari bato Pedro gũhũ esari. Sa yegũ quehnoano tiquiro yerari buhiri tuhtii tiquirore. ¹² Ohõ saha yeri tiquiro: Santiago ohoriquina Antioquíapũ tiquina esato panogã, Pedro pehe judio masa ijieyequina mehna ihyaro nidi, judio masũno ijieperota. Santiago ohoriquina judio masa ijieyequinare “Cuhnucunũ sohtoa cahserogãre yũhre neña”, niñequina, usã judio masa panopũ cjẽna ye dutiyere ye dutiyequina ijiri. Pedro sa ihyari watoa Santiago ohoriquina esari. Sa ihyariquiro ijieperota tiquina tiquiro cahapũ esagũ ihñano, tiquinare cuero, Pedro judio masa ijieyequinare duhu cã, pari turi tiquina mehna ihyaro wahaerari. “Panopũ cjẽna mari judio masa yere yũhdũdcagũ niaja. Sa yeye yojopũre wihiyequina yũhare tuhtiarĩ”, nino, judio masa ijieyequina mehna ihyar nemoedari. ¹³ Tiquiro sa ye mehoriro saha tiquiro yegũ ihñañe, apequina judio masa gũhũ tiquiroreta ihña cũ, tiquina gũhũ tiquiro yero saha yeri. Sa yero Bernabé quehnoariquiro ijieperota tiquina yero saha yeri tiquiro gũhũ.

¹⁴ Cristo ye buheye marine quehnoano, queoro ye dutire. Sa ye Pedro gũhũ ti buheye nidiro sahata yerari, judio masa ijieyequina mehna ihyar duhuye. Tiquina sa yegũ ihñagũ, ijipihtiyequina Jesu yequina ihñonopũ Pedrore ohõ saha ni yahuu: “Mũhũ judio masũ ijiepegũta judio masa ye dutiyere, tiquina ijiye tiyere duhu cãri mũhũ, Jesu yere yegũ tũhũ. Sa yegũ judio masa ijieyequina dutiye marieñequina yero saha yee tiri mũhũ. Sa yerigũ ijiepegũta apequina judio masa wihigũ ihñagũ, judio masa

ijieyequinare piti ti nemoedari mũhũ. ¿Judio masa dihitare mũhũ piti tigũ ihñañe, dũhse ni tũhotuetari judio masa ijieyequina pehe? ‘Judio masa yero saha ijiihna’, ni tũhotuboaga tiquina. ¿Tiquina gũhũre judio masare ihña cũgũ cahmeajari mũhũ? To ijierare”, nii tiquirore.

Judio masare apequina masa yero saha Jesure wacũ tutua dutiahye Cohãcjũ

¹⁵ Usã pehe judio masa masa bajuana, apequina ñano yeyequina judio masa ijieyequina yero saha ijieraja usã. ¹⁶ Sa ijina ijiepenata Cohãcjũ dutiyere Moiserere tiquiro cũrire usã yerina ijigũ “Quehnoana ijire”, ni ihñedare Cohãcjũ usãre. Tire mari masiaja. Sa yero Jesucristore mari wacũ tutuagũ Cohãcjũ marine “Quehnoana ijire”, ni ihñanota. Tire masina, usã gũhũ Jesucristore wacũ tutuaja tiquirore usã wacũ tutuari mehna usãre “Quehnoana ijire”, Cohãcjũ tiquiro ni ihñatire. Sa yero tiquiro dutiyere usã yerina ijigũ “Quehnoana ijire”, ni ihñedare Cohãcjũ usãre. Ne masa ti dutiyere yeye mehna “Quehnoañequina ijire”, ni ihñedare Cohãcjũ tiquinare.

¹⁷ Cristore mari wacũ tutuaye mehna quehnoana Cohãcjũ yequina mari waha duagũ, ñana mari ijiyere masigũ yerota Cristo. ¿Cristo mari ñañene marine masigũ yero, ñana marine ijigũ yeajari tiquiro, masa tũhotugũ? Ne mehenogã mehna sa yerare. ¹⁸ Usã dutiye yeye mehna yũhdũ duamedina ijiepenata ti buheyere cohãhũ. Sa cohãepenata pari turi ti buheyere yena ti dutiyere usã ye pehoerari buhiri potota buhiri tinata usã. ¹⁹ Cohãcjũ dutiyere Moiserere tiquiro cũrire ihcãno sahaeraja mari. Sa yena ti dutiye mehna ne yũhdũsi mari. Sa yena Cohãcjũ tutuaye mehna tiquiro yequina ijiaja mari.

²⁰ Cristo mehna curusapũ yariariquina yero saha ijiaja mari. Sa yena yariariquiro tiquiro esa tuharo

tiquiro yerariro saha mari esa tuharo yeraja. Cristo ye tutuaye mehna yeaja. Sa yena yojopure Cohãcjũ macunore wacũ tutuaye mehna ijiducujaja mari. Tiquiro Cohãcjũ macuno marine cahĩne. Sa yero mari ye buhirire yariari. ²¹ Ti dutiye yeye mehna quehnoana Cohãcjũ yequina mari wahagũ Cristo yariari pehe ne dahseati ijieraboaga. Cohãcjũ marine tiquiro cahĩdire, Cristo tiquiro yariarire ihyo ijiye waro yero saha ijigũ ye dueraja yũhũ pehe. Sa yegũ “Dutiye mehna yũhdugutja”, ne nisi yũhũ.

3

Cohãcjũ dutiye Moiserere tiquiro cũrire, wacũ tutuaye gũhare yahuahye Pablo

¹ Yũhũ acaye, m̃sa Galacia cjãna tũho masiena iji wame tire m̃sa. Jesucristo curusapũ tiquiro yariarire buheyere ijipihtiyequina tiquina ihñonopũ m̃sare yahuu. ¿Sa yena yojopure tiquiro yere m̃sa yũhdũdũcatire ni mehoñequina m̃sare tiquina dojomehnegũ dahse yena tiquinare yũhtiri m̃sa? ² Ahrireta yahu duaja m̃sare: Dutiyere m̃sa yeye mehna Espĩritu Santore c̃uo dũcaerari m̃sa. Quehnoañe buheye pehere tũhona Cristore m̃sa wacũ tutuaye mehna Espĩritu Santore c̃uo dũcari m̃sa. ³ Espĩritu Santo tutuaye mehna m̃sa Cristo yequina iji dũcagũ yojopure m̃sa basi dutiyere m̃sa yeye mehna Cohãcjũ cahapũ m̃sa waha duagũ ñarĩne. Tũho masiena ijire m̃sa, sa yena. ⁴ ¿Quehnoañe buheyere m̃sa yeri buhiri peye tahari m̃sa ñano yũhdũna ihyo warota ñano yũhdũna niyari m̃sa, sa wahana? Ihyo waro ijierare m̃sa sa ñano yũhdũri. Dutiyere yeye mehna Cohãcjũ cahapũ m̃sa waha duana ihyo warota ñano yũhdũna niboaga m̃sa. ⁵ ¿Dahse m̃sa yeri wapa Espĩritu Santore m̃sare ohori Cohãcjũ, m̃sa tũhotugũ? Tiquiro dutiyere m̃sa yeri wapa ohoerari tiquiro. Tiquiro

buheyere quehnoano m̃sa tũhogũ ihñano tiquirore m̃sa wacũ tutuari batopũ Espĩritu Santore ohori tiquiro. ¿Cohãcjũ m̃sa watoa tiquiro tutuaye mehna ye ihñono dahse ijiro boro sa ye ihñojari tiquiro, m̃sa tũhotugũ? Tiquiro dutiyere m̃sa yeri wapa sa ye ihñoadari tiquiro. Tiquiro buheyere quehnoano m̃sa tũhogũ ihñano tiquirore m̃sa wacũ tutuagũ sa ye ihñori tiquiro.

⁶ Abrahã Cohãcjũre wacũ tutu-ahye. Tiquiro sa yegũ tiquirore Cohãcjũ “Quehnoariquiro ijire”, ni ihñahye. ⁷ Sa yena ahri yũhũ niatire masiña m̃sa: Cohãcjũre wacũ tutuayequinata potota Abrahã panamena iji turiayequina ape tjuro cjẽna yero saha ijire. ⁸ Panopũ Cohãcjũ yere tiquina ojoari pũpũ ohõ saha ni yahuahye: Judio masa ijieyequina Cohãcjũre tiquina wacũ tutuagũ ihñano “Quehnoañequina ijire”, ni ihñare Cohãcjũ. Tiquiro sa ni ihñatire Cohãcjũ panopũ masiyuro, tiquiro quehnoañe buheyere Abrahãre yahu m̃hta tuhasahye. “Mũhũ mehna ahri yehpa cjẽnare ijipihtiyequinare quehnoano yeitja”, niahye Cohãcjũ Abrahãre. ⁹ Sa yero Abrahã Cohãcjũre quehnoano tũho wacũ tutuahye. Tiquiro sa wacũ tutuagũ ihñano Cohãcjũ tiquirore quehnoano yeahye. Sa ye apequina masa Cohãcjũre tiquina wacũ tutuagũ, tiquina gũhare quehnoano yerota Cohãcjũ, Abrahãre tiquiro yeriro sahata.

¹⁰ “Ti dutiyere Moiserere tiquiro cũri mehna Cohãcjũ yequina wahanata”, ni tũhotuyequina buhiri tiyequina ijire. Tiquiro ojoari pũpũ sata nine: “Cohãcjũ dutiyere tiquiro ya pũpũ tiquina ojoarire ye pehoeyequina buhiri tiyequina ijire tiquina ijipihtiyequina”, ni ojoahye. ¹¹ Cohãcjũ yere tiquina ojoari pũpũ ohõ saha nine: “Cohãcjũre wacũ tutuayequinare ‘Quehnoañequina ijire’, ni ihñare Cohãcjũ. Sa wacũ tutuaye ijipihtiyere decori Cohãcjũ mehna sa ijiducujeta”, nine Cohãcjũ yere

tiquina ojoari pũpũ. Tiquiro sa nigũ ahri yũhũ niatire mari quehnoano masiaja: Ti dutiyere tiquina yeye mehna masare quehnoañequina yero saha ihñedare Cohãcjũ. ¹² Dutiyere yeye mehna Cohãcjũ cahapũ waha duayequina Cohãcjũre wacũ tutuerare. Ohõ saha nine Cohãcjũ yere tiquina ojoari pũpũ: “Dutiyere yeye mehna quehnoañequina waha duayequinare ti dutiyere ye pehorõ cahmene tiquinare”, nine Cohãcjũ yere tiquina ojoari pũpũ.

¹³ Sa ye ti dutiyere marine buhiri tigũ yere. Mari buhiri tigũ ihñano Cristo pehe tiquiro basi mari ye buhirire buhiri tiriquire waharõ, mari buhiri tiborire buhiri ti basahye marine. Cristo tiquiro buhiri tiatire yahuro ohõ saha ni ojoahye panopũre: “Ijip-ihitiyequina yucãripũ tiquina duhu ohõriquina buhiri tiriquina ijire”, ni, ojoahye panopũre. ¹⁴ Tiquiro sa ni ojoariro sahata sa yeahye Cristore. Cohãcjũ Abrahãre “Ahri yehpa cjẽnare quehnoano yeitja”, tiquiro nidiro sahata yero niahye masare. Sa yeahye Cristo mehna. Tiquiro yariahye judio masa ijieyequinare Cohãcjũ quehnoano tiquiro yeatire. Sa yero Jesucristo mehna sohtori tiahye Cohãcjũ Abrahãre tiquiro nidiro sahata. Sa yeahye tiquirore mari wacũ tutuari bato Espĩritu Santore mari cõoatore.

Tiquiro buherire quitu mehna yahu nemoahye Pablo

¹⁵ Yũhũ acaye, masa ye quitu mehna ti yũhũ nidire yahutja mũsare: Tiquina pacũro tiquiro yariato pano tiquiro pohne comesatire yahuri pũ ohõ saha ni ojoare. “Yeere yũhũ pohñare ohoutja”, ni ojoare. Tiquiro sa ni oja cũri pũre tiquiro yariato pano apeqũro pehe ti pũre sijoro saha ni oja nemo masiedare. Sa yero ti pũre “Poto ijierare”, ni masiedare. ¹⁶ Ti pũre tiquina pacũro tiquiro pohñene tiquiro cũriro saha “Mũsare quehnoano yeitja”, Cohãcjũ nino, Abrahãre tiquiro panamino

iji turiariquire gũhũre nino niahye. Sa nino apeqũna tiquiro panamena iji turiayequinapũre nino niedahye. Ihcãquioreta tiquiro panamino iji turiariquire dihitare nino niahye Cohãcjũ. Tiquiro Abrahã panamino iji turiariquire Cristo ijire. ¹⁷ Yojopũre quehnoano yahutja mũsare: Abrahã gũhũre Cohãcjũ “Mũsare quehnoano yeitja”, tiquiro ni cũri bato cuatro ciento treinta cahmari yũhdũri bato tiquiro dutiyere Moiserere cũahye. Sa cũno Abrahã gũhũre Cohãcjũ “Mũsare quehnoano yeitja”, tiquiro nidire boro taro niedahye. ¹⁸ Cohãcjũ marine yũhdũoro dutiyere mari yeye mehna marine yũhdũoerare. Dutiyere yeye mehna mari yũhdũgũ Cohãcjũ “Mũsare quehnoano yeitja”, tiquiro nidi pehe dũhseati ijieraboaga. Marine yũhdũoro taro Cohãcjũ Abrahãre tiquiro ni cũri mehna sa yero taro niahye.

¹⁹ ¿Sa yero dũhse yeatire tiquiro dutiyere cũri Cohãcjũ? Tiquiro dutiyere cũahye ti dutiyere mari yũhdũdũcarire mari quehnoano masiatire. Sa yero panopũre Cohãcjũ “Mũhũ panamino iji turiariquire mehna masare quehnoano yeitja”, Abrahãre tiquiro nidiquiro tiquiro wihiato pano Cohãcjũ dutiyere cõomahye masa. Sa yero Cohãcjũ dutiyere tiquiro cũgũ tiquiro yequina angele pehe tire duti turiahye. Sa ye Moiserere tiquina cũgũ, tiquiro pehe masare cũ turiahye tja. ²⁰ Ti dutiyere Moise cũ turiagũ Cohãcjũ tiquiro basita masare cũedahye. Sa cũedaperota Cohãcjũ “Mũhũre quehnoano yeitja”, Abrahã pehere ni cũno, tiquiro basita sa ni cũahye.

²¹ Cohãcjũ Moiserere tiquiro dutiyere cũno, to pano Abrahãre tiquiro nidire “Abrahãre yũhũ nidiro saha yesi yũhũ”, nino niedahye tiquiro. Abrahãre tiquiro nidiro sahata yero taro niahye. Tiquiro dutiyere yeye mehna Cohãcjũ yequina wahana ti pje pũrita dutiyere mari yeye mehna quehnoana wahaboaga mari.

22 Sa yero Cohãcjũ tiquiro yere tiquina ojoari pũ pehe ijipihtiyequina ñaÑe buhiri tiyequina tiquina ijiyere yahuahye. Sa ni yahuahye Cohãcjũ “Musare quehnoano yeitja”, to pano tiquiro nidiro sahata yero taro. Sa yero Jesucristore wacũ tutuayequinare quehnoano yere to pano tiquiro nidiro sahata.

23 Cohãcjũre wacũ tutuati buheyere marine tiquiro cũato pano tiquiro dutiye pehe mari ñaÑe yerire marine masigũ ye tuhasari. Sa ye marine yahuri ti dutiye pehe. Cohãcjũre wacũ tutuati buheyere marine tiquiro yahugũpũ tiquiro dutiye marine yahu duhuri. 24 Sa ye Cohãcjũ dutiye pehe Cristo wihato pano marine yahuri. Sa yahuri marine Cristore mari wacũ tutuaye mehna Cohãcjũ “Quehnoana ijire”, marine tiquiro ni ihñatire. 25 Yojopũ pũritare Cristore mari wacũ tutuari pje ijire. Ti sa ijigũ tiquiro dutiye pehe marine yahu nemoedare. Marine duti nemoedare.

26 Sa yena Cristo Jesure m̄sa wacũ tutuaye mehna Cohãcjũ pohna ijire m̄sa. 27 Ijipihina m̄sa Cristo wame mehna wame yenohrina ijina, Cristo Cohãcjũ mac̄no tiquiro ijiro sahata tiquiro pohmata ijire m̄sa gũhũ. 28 Yojopũre p̄na curua ijierare m̄sa. Judio masa ijiena, judio masa mehna p̄na curua ijierare m̄sa. Cahacjãna, cahacjãna ijiena mehna p̄na curua ijierare m̄sa. Um̄na, numia mehna p̄na curua ijierare m̄sa. Sa yena ijipihina m̄sa Cristo yequina ijina, ihcã curuata ijire m̄sa. 29 Sa yena Cristo yequina ijina, Abrahã panamena iji turiana yero saha ijire m̄sa. M̄sa sa ijina ijigũ Cohãcjũ Abrahãre “Musare quehnoano yeitja”, tiquiro nidiro sahata m̄sa gũhũre quehnoano yerota tiquiro. Cristo yequina m̄sa ijigũ ihñano musare quehnoano yerota.

4

1 Ohõ saha ijire ahri quitu mehna yuhũ yahu nemogũ: Tiquiro pac̄ro came tiquiro yere neatiquiro

wahm̄no iji cãhtariquiro ijirorpũ ijipihtiyequiro ye ijiepegũta cahacjãno yero saha ijire tiquiro. 2 Sa ye tiquiro wahm̄no iji cãhtariquiro ijigũ tiquirore ihña ihboyequina tiquiro yere ihña ihbore. Sa yero tiquiro pac̄ro queoriro esagũpũ tiquiro pac̄ro yere c̄orota. 3 Ohõ saha wahm̄no iji cãhtariquiro yero saha ijimi mari gũhũ. Sa ijina mari ijigũ cahacjẽnare tiquina dutiro saha ahri yehpa cjẽ dutiye masa ye dutiye marine dutinimedi. 4 Mari sa ijina ijiepegũta tiquiro queori pje esagũ Cohãcjũ tiquiro mac̄nore ohoahye. Sa tiquiro ohogũ tiquiro mac̄no ihcãcoro nuhmino mehna masa bajuahye. Sa yero tiquiro judio mas̄no masa bajuagũ Cohãcjũ dutiye Moisere tiquiro cũri tiquirore dutinimahye. 5 Mari gũhũre ti dutiyeta dutinimahye. Sa yero marine yuhd̄oatiquirore ohoahye Cohãcjũ tiquiro mac̄nore, tiquiro pohna mari wahatire.

6 Sa yero tiquiro pohna mari ijigũ Cohãcjũ mac̄no tiquiro yaquiro Espiritu Santore mari mehna ijiatiquirore ohoahye Cohãcjũ. Tiquiro yaquiro Espiritu Santo pehe Cohãcjũre “Mai”, niniquiro ijire. 7 Sa yena m̄sa Cohãcjũ yedohoye mehna cahacjãna ijierare m̄sa yojopũre. Tiquiro pohna ijire m̄sa. Sa yena tiquiro pohna ijina, Cohãcjũ tiquiro ohoatire c̄onata.

Pablo Galacia cjẽnare Jesu yequinare cuesãhye

8 Panorpũ Cohãcjũre m̄sa masiena ijina “Cohãcjũ ijire”, m̄sa niÑe queoyere ño peona ti queoye cahacjãna ijimahye m̄sa. M̄sa sa ño peoyequina cohãmana waro ijierahye. 9 Sa ijirina ijiepenata yojopũre Cohãcjũre masine m̄sa. Ijierare. Tiquiro pũrita m̄sa pehere masine. ¿Tiquiro sa masiepegũta dũhse yena ahri yehpa cjẽna ye buheye pehere cahmeajari m̄sa? Ti buheye dũhseati ijierare. ¿Dũhse yena panorpũ m̄sa yeriro sahata Cristo marieno ye duajari m̄sa?

¿Dahse yena dutiyere m̄sa yeducuri mehnata Cohãcjũ cahap̄ waha duajari m̄sa? Wahasi m̄sa. ¹⁰ Ihquẽ decorire, ihquẽ asũrine, ihquẽ pohecũrre, ihquẽ cahmarine bose decorire dahre dutire m̄sa. “Mari sa yeye mehna dutiye mehna ȳhd̄nata”, ni, t̄hotumene m̄sa. ¹¹ M̄sa sa ni t̄hotugũ m̄sare tutuaro ȳh̄ buheri dahseati ijieraboaya, ȳh̄ t̄hotugũ. Sa yeḡ m̄sare cuesãja.

¹² Ȳh̄ acaye ahrire tutuaro dutiitja m̄sare: Cristore ȳh̄ t̄hoturiro sahata m̄sa ḡh̄ tiquirore t̄hotuya. Panop̄ dutiye yeye mehna ȳhd̄ duayequina ijieramahye m̄sa judio masa ijiena ijina. Yojop̄ pehere ȳh̄ ḡh̄ m̄sa yero saha waha, dutiye yeye mehna ȳhd̄ dueraḡ. Sa yena Cristore ȳh̄ t̄hoturiro sahata m̄sa ḡh̄ sata tiquirore t̄hotuya.

M̄sa mehna ȳh̄ ijigũ quehnoano yeri m̄sa ȳh̄. ¹³ Dohatigup̄ta m̄sare quehnoañe buheyere coã warore buhe d̄ca ȳh̄. ¹⁴ Ȳh̄ sa dohatiḡ ijiepegãta ȳh̄re yabierari m̄sa. Sa yena ȳh̄re cohã tojoerari m̄sa. Sa yena Cohãcjũ yaquiro angelre, Jesucristo ḡh̄re m̄sa piti caboriro saha ȳh̄re quehnoano piti cari m̄sa. ¹⁵ ¿Yojop̄re dahse wahari m̄sa bucueye? M̄sare ahrire niitja: Purĩñene d̄cana m̄sa caperire ore we ne ȳh̄re ohoboaya m̄sa. ¹⁶ ¿Ȳh̄ mehna cjãna ijiepenata yojop̄re queoro m̄sare ȳh̄ yahuri buhiri ihña tuhtiajari m̄sa ȳh̄re?

¹⁷ Sohõ ijiriquina m̄sare tutuaro cahmesãre. Tiquina t̄hotuye sijoro saha ijire. Quehnoañe ijierare. Tiquina m̄sare ȳh̄re ȳhd̄d̄cagũ cahmene, tiquina pehere ño peo dutiye. ¹⁸ Quehnoano mehna m̄sa quehnoano wahati pehe m̄sare tiquina cahmesãgũ quehnoarĩboaga. Sa ye top̄re ȳh̄ mariedagũ ḡh̄re tiquina sa cahmesãgũ quehnoarĩboaga. ¹⁹ Ȳh̄ pohmagã, niji wahcõricoro ticoro ñano ȳhd̄ro saha m̄sare ñano wacũ t̄hotuaja ȳh̄. Tee Cristo yero saha

m̄sa ijigũp̄ m̄sare wacũ duhutja. ²⁰ Mianogã m̄sa mehna ijigũ tuhtiro marieno bucueye mehna m̄sa mehna ȳh̄ yahugã quehnoaboaga ȳh̄re. M̄sare pajiro t̄hotuḡ niaja ȳh̄.

Agar Sara mehna tiquina ijirire yahuahye Pablo

²¹ T̄hoya m̄sa ȳh̄re. Cohãcjũ dutiyere yeye mehna ȳhd̄ duana ijiepenata tiquiro dutiye pehere quehnoano masiedare m̄sa. ²² Ohõ saha niahye Cohãcjũ yere tiquina ojoari p̄p̄: Abrahã p̄aro pac̄ro ijiahye. Tiquiro cahacjõno Agar wame tiricoro mehna ihcãquirore pohna tiahye. Sa ye tiquiro namono poto Sara wame tiricoro mehna ḡh̄re ihcãquiro pohna tiahye. ²³ Sa ijiepegãta tiquiro cahacjõno mac̄no masa mari yero saha masa bajuahye tiquiro. Tiquiro namono poto mac̄no pehe “Ihcãquirogã pohna tinata m̄sa”, Cohãcjũ ni yahuriro sahata masa bajuahye tiquiro pehe. ²⁴ Ahri quiti marine quehnoano queoye mehna yahure: Cohãcjũ p̄a taha masare “M̄sare yedohoutja”, tiquiro niñe yero saha ijire ahriquina numia p̄aro numia. Ihcãcoro Sinaí wame tid̄p̄ Cohãcjũ dutiyere ohori yero saha ijire. Ticoro Agar ijire. Ticoro mehna mari queoye mehna buhegã judio masa ḡh̄ dutiyere yeducuye mehnata ȳhd̄ duayequina ticoro yero saha ijire. Tiquina cahacjẽna yero saha ijire. ²⁵ Ticoro Sinaí wame tid̄ Arabiap̄ ijid̄ yero saha ijiricoro ijire. Yojop̄re Jerusalẽ cjẽna judio masa dutiye yeye mehna ȳhd̄ duayequina dutiye cahacjẽna yero saha ijire. Sa yeye mari queoye mehna buhegã tiquina ticoro yero saha ijire cahacjõno ticoro ijiro saha. Tiquina Cohãcjũ pohne ijierare. ²⁶ Mari pehe Cristo yequina ijina Cohãcjũ pohna ijiaja. Sa yena ãhm̄se cjãna ijiaja. Jerusalẽ ãhm̄sep̄ ijiri maca cjãna ijiaja mari. Top̄re masa tiquina ȳhd̄atire dutiyere yeye mariedare.

27 Cohãcjũ yere tiquina ojoari pũpũ ohõ saha ni ojoahye Cohãcjũ pohne warore, Sara yero saha ijiricorore yahuro:

Pohna mariego, bucueya. Sa ijigo bucueye mehna sañuducuya, niji wahcõno purĩnore masiego ijigo. Mũhũ pehe manũ cohõrigo ijigo apecoro manũ tiricoro yũhdũoro peyequina pohna tigota. Sa yego bucueya, ni ojoahye panopũre ticoro pohna tiato pano Sara yero saha ijiricorore yahuro.

28 Yũhũ acaye, Cohãcjũ nidiro sahata Isaac masa bajuahye. Mari gãhũ tiquiro yero saha Cohãcjũ nidiro sahata tiquiro pohna ijiaja mari. 29 Sa ijiepegũta ti pjeppure ihyo ijiriquiro yero saha masa bajuariquiro ñano yeahye apequirore Espĩritu nidiro sahata masa bajuariquirore. Yojopũ gãhũre sata ijire Cohãcjũ yequinare masa ñano yegũ. 30 Sa yero ohõ saha nine Cohãcjũ yere tiquina ojoari pũpũ: “Cahacjõno macũno tiquiro pacũro yere cũo masiedare. Tiquiro namono poto macũno pehe tiquiro pacũro yere cũo masine. Sa ye tiquiro cahacjõnore ticoro macũno mehnata cohã cãhña”, ni ojoahye. 31 Yũhũ acaye, ne cahacjõno pohne yero saha ijieraja mari. Sa yena Abrahã namono poto pohne yero saha ijiaja. (Sa yena Cohãcjũ mari Pacũ yere cũo masiaja.)

5

Cristo marine cahacjẽna yero saha ijiyere tiquiro duhugũ yeri bato tutuana ijiro cahmene marine

1 Sa yero mari cahacjẽna yero saha ijirire potota Cristo marine duhugũ yeri. Tiquiro sa duhugũ yeri bato tutuana ijiya mũsa. Ti dutiye mehna yũhdũ duayequina cahacjẽna yero saha ijimedina pari turi cahacjãna sajãedacãhña mũsa.

2 Yojopũre yũhũ Pablo ahrire yahutja mũsare: “Cuhnucunũ sohtoa cahserogãre mari yũhre nedi mehna

yũhdũnata”, mũsa ni tũhotugũ Cristo mũsare tiquiro yedohori dũhseati ijierare mũsare. 3 Ijipihtina ti cahserogãre mũsa yũhre nedi mehna yũhdũ duanare pari turi ohõ saha ni yahutja yũhũ. Ti cahserogãre mũsa yũhre nedi mehna yũhdũ duana, apeye Cohãcjũ dutiyere ye pehoerana, yũhdũsi mũsa. 4 Dutiyere yeye mehna yũhdũ duana Cristo pehere cohãri mũsa. Sa yena mũsare Cohãcjũ tiquiro cahĩñene, tiquiro yũhdũ duayere duhu cãri mũsa. 5 Sa ijiepegũta Espĩritu Santo tutuaye mehna Cohãcjũre mari pehe wacũ tutuaja. Mari sa wacũ tutuagũ “Quehnoana ijire”, ni ihñare Cohãcjũ marine. Tiquiro sa ni ihñagũ marine tiquiro yũhdũoatire masiaja mari. 6 Cristo Jesu yequina ijina cuhnucunũ sohtoa cahserogãre mari yũhre negũ ne dũhseati ijierare. Ti cahserogãre mari yũhre nedagũ gãhũre ne dũhseati ijierare. Sa ijiepegũta Cristo pũritare wacũ tutuana apequinare cahĩnata mari. Ti wacũ tutuaye pehe ihyo waro ijiro niedare.

7 Mũsa Cristore quehnoano wacũ tutuamedi. ¿Quehnoañe buheyere mũsare yũhũ acaye judio masa tiquina yũhdũdũca dutigũ dũhse yena tiquinare yũhtiri mũsa?

8 Tiquina ye buheye Cohãcjũ mũsare cũriquiro tiquiro ye buheye ijierare.

9 Ahri yũhũ niatire wacũña mũsa: Mehenogã pã pugũ yeye trigo yũbũre quehnoano ti sehsaro saha yũhũ acaye judio masa ye buheye pehere peyequina mũsa mehna cjẽna cahmeboaga. 10 Mari pahtoro Cristore wacũ tutuaja yũhũ. Sa yegũ ahri yũhũ niatire masiaja yũhũ. Cristo yedohoye mehna apeye buheyere camerũre cahmesi mũsa. Tire masiaja yũhũ. Mũsare dojomehne cohteyequina noho ijieyequina ijiaga. Tiquinare Cohãcjũpũ buhiri dahrerota.

11 Yũhũ acaye, “Dutiye yeye mehna yũhdũnata”, tiquina ni buheyere yũhũ buhegu ijigũ judio masa yũhũre ñano yeraboaga. Cristo curusapũ tiquiro yariarire yahuye buheyere

yuh buheri buhiri tiquina ñano yeri yuhare. Cristo ye buheye mehna judio masa ye buheyere yuh buhe moregũ yuhare ñano yeraboaga tiquina. ¹² Mũsare dojomehne cohteyequina mũa cuhnucunũ sohtoa cahserogãre yuhre ne dutiyequina tiquina basi dihita yuhre neahdo.

¹³ Yuhũ acaye, “Dutiye mehna yuhdũnata”, ni tũhotu dutiare Cohãcjũ mũaare. Ti dutiye mehna yuhdũerapenata ti dutiyere yuhdũdũcaeracãhña mũa. Sa ye mũa mehna cjẽnare cahme cahña, tiquina cahacjẽna yero saha yedohoya tiquinare. ¹⁴ Ihcã dutirore quehnoano yena, Cohãcjũ dutiyere ye pehona niaja mari. Ohõ saha ijire ti dutiro: “Mũhũ basi mũhũ cahño saha mũhũ cahapũ ijiyequina gũhũre cahña”, ni, dutiahye. ¹⁵ Sa yena wahiquina yero saha mũa basi cahme dũse tutueracãhña. Sa yena cahmequedacãhña. Mũa mehna cjẽna “Cristo yere duhuari”, nina, quehnoano yeya mũa.

Masa ñañene tiquina tutuaro cahmeñene, Espiritu Santo cahmeñe gũhũre yahuahye Pablo

¹⁶ Espiritu Santo tiquiro cahmeno sahata ijiya mũa. Sa yena mũa ñañene mũa tutuaro cahmeñene yeracãhña. ¹⁷ Ñañene mũa tutuaro cahmegũ Espiritu Santo ihña tuhtire. Tiquiro sa ihña tuhtigũ ti ñañene duhu duare mũa. Sa yena ñañene mũa tutuaro cahmena, Espiritu Santore ihña tuhtire mũa. Sa ihña tuhtina tiquiro cahmeno saha yerare mũa. Sa ye ñañene mũa tutuaro cahmeñe Espiritu Santo tiquiro cahmeñe yero saha ijierare. Sa ye Espiritu Santo tiquiro cahmeñe ñañene mũa tutuaro cahmeñe yero saha ijierare ti. Sa yena mũa cahmeno saha yerare mũa. ¹⁸ Sa yena Espiritu Santo tiquiro cahmeñene yena ijina “Dutiye mehna mari yuhdũnata”, ni, tũhotuerare mũa.

¹⁹ Masa ñañene tiquina yeyere mari quehnoano masi tuhasaja. Ohõ saha ijire ti: Numino mehna

ñano yeye, umũno mehna ñano yeye, wũana tiye, bũe tiro marieno ñano yeye, ²⁰⁻²¹ “Cohãcjũ ijire”, tiquina niñe queoyere ño peoye, masare ujuayequina yayia tiquina yeye, ihña tuhtiye, cahme dũse tini wiaye, doeye, usuaye, tiquiro basi dihita cũo duaye, ihña tuhti cahme tu waye, ihcã curua cjẽna ape curua cjẽnare ihña tuhtiye, apequina yere cooye, masare wejẽñe, queheye, queheye bose decorire yeye, ohõ saha ijiye ijire ñañene yeye. Panopũ mũaare cuaro mehna yuhũ nidiro sahata yojopũ gũhũre niitja: Ti borore yeriquina Cohãcjũ pũhtoro ijiropũre umũsepeũre ne esasi.

²² Espiritu Santo pehe marine ohõ saha yena ijigũ yere: Masare cahña, bucuena, cueye mariena, usua mũñena, apequinare quehnoano yena, quehnoana, duhuro marieno Cohãcjũ cahmeñene yena, ²³ quehnoano mehna yena, tiquina ñañe ye duarire yerana ijigũ yere marine tiquiro. Sa yeyequinare “Sa yeracãhña”, ne ihcãquiro niedare. ²⁴ Cristo Jesu yequina ijina tutuaro mari ñañene ye duarire cohã tuhasaũ. ²⁵ Espiritu Santo marine Cohãcjũ mehna sa ijiducugũ yerota. Sa yena tiquiro cahmeno sahata yeducuna ijihna mari.

²⁶ “Apequinare masi yuhdũdũcaja usã”, ni, tũhotuna ijieracũhna mari. Sa yena mari mehna cjẽnare usuagũ yeracũhna mari. Sa yena mari basi cahme coeracũhna.

6

Mũa mehna cjẽnare yedohoya

¹ Yuhũ acaye, ihcãquiro mũa mehna cjãno tiquiro ñañene yegũ Cristore quehnoano wacũ tutuana ijina cahñe mehna tiquirore yedohoya quehnoañene pari turi tiquiro yeatire. Sa yena mũa gũhũ “Ñañene tutuaro cahmeari”, nina quehnoano yeya. ² Mũa mehna cjẽna tiquina ñano yuhdũgũ gũhũre yedohoya tiquinare. Mũa sa yena Cristo

tiquiro dutiro saha yena ninata m̄sa.

³ Ihcãquiro ihyo ijiriquiro ijieperota “Apequinare masi ȳhd̄d̄caja”, ni t̄hoturo, tiquiro basi ni mehoñe dihitare t̄hoturiquiro ijire.

⁴ Ihquẽquina m̄sa sehsaro m̄sa yerire “Ahri quehnoañe ijire. Ahri ñañe ijire”, ni masiña. Sa masina m̄sa yeri quehnoañe ijigũ m̄sa basi bucuenata. Sa yena “Apequinare masi ȳhd̄d̄caja”, nisi m̄sa. Sa niedana apequinare m̄sa ȳhd̄d̄cari mehna bucuesi m̄sa.

⁵ Sa yero Jesu yaquiro Cohãcjũ yere tiquiro basi yere. Apequiro mas̄no tiquirore tire yedoho masiedare.

⁶ Sa yena quehnoañe buheyere buheriquirore apee boro m̄sa c̄oyere tiquirore ohoya m̄sa tiquiro buhena.

⁷ Oteyere oteriquiro ñañe pjerire otero ñañe d̄care c̄orota. Quehnoañe pjerire otero quehnoañe d̄care c̄orota. Ohõ saha mari gũh̄ ñañene yena ñañene c̄onata. Sa yero mari ñari buhiri buhiri dahrerota. Quehnoañene yena quehnoañene c̄onata. Sa yena quehnoano ijinata. Sa yena “Usã ñañene yegũ Cohãcjũ us̄are buhiri dahresi”, ni t̄hotueracãhña. Ñañene yeyequina Cohãcjũre b̄j̄peyequina ijire. Cohãcjũre b̄j̄peyequinare buhiri dahrerota tiquiro. ⁸ Mari ñañene tutuaro cahmena, tire yena, ti mehnata yarianata. Sa yena pecap̄ wahanata. Espiritu Santo pehe tiquiro cahmeñene mari yegũ tiquiro marine ijipihtiyē decori ẽhm̄sep̄ ijiducugũ yerota. ⁹ Sa yena quehnoañene yena tire caributieracãhna mari. Cohãcjũ tiquiro queori pje ijigũ quehnoañene c̄onata mari caributierana. ¹⁰ Sa yena ijipihtiyequinare mari ihñañequinape quehnoano yeihna mari. Mari acaye Jesu yequina p̄ritare apequina ȳhd̄oro quehnoano yeihna.

Pablo yahu bato tiro, quehnoa duti bato tiahye

¹¹ B̄j̄ye letra ȳh̄ ojoari mehna ya omoca mehna m̄sare ȳh̄ ojoarire ihñaña m̄sa. ¹² M̄sare c̄h̄nucun̄ sohtoa cahserogãre ȳh̄re ne dutiyequina masa tiquinare ño peogũ cahmene. Cristo curusap̄ tiquiro yariarire yahuye buheyere mari buheri buhiri masa ñano yere marine. Tiquina sa yegũ ihñañe ahriquina m̄sare c̄h̄nucun̄ sohtoa cahserogãre ȳh̄re ne dutire “Judio masa ye buheyere yeaja”, niñe. Sa tiquina ye dutigũ judio masa tiquinare ñano yeraboaga. Sa ye ti cahserogãre ȳh̄re ne dutire. ¹³ M̄sare ti cahserogãre ȳh̄re ne dutiyequina pehe Cohãcjũ tiquiro dutirire ye pehoerare. Sa ye ti cahserogãre m̄sare tiquina ȳh̄re ne dutiri bato m̄sa ȳhtigũ ihñañe, judio masa pehe tiquinare m̄sare ȳh̄re ne dutiyequinare ño peoboaga. Tiquina sa ño peotire m̄sare dutire tiquina.

¹⁴ Ȳh̄ pehe masa ȳh̄re tiquina ño peogũ cahmeda ȳhd̄aja. Mari p̄htoro Jesucristo curusap̄ tiquiro yariari pehere masa tiquina ño peogũ cahmesãja ȳh̄. Sa curusap̄ tiquiro yariagũ ahri yehpa c̄j̄ ñañene wat̄no ȳh̄re tiquiro ye dutigũ yer̄ ȳh̄. Sa yariaro ti ñañene ȳh̄re cahmedagũ yeri tiquiro. ¹⁵ Tiquiro sa yegũ Cristo Jesu yequina ijina ti cahserogãre mari ȳh̄re negũ ne d̄h̄seati ijierare. Ti cahserogãre mari ȳh̄re nedagũ gũh̄re ne d̄h̄seati ijierare marine. Sa ijiepegũta quehnoañe pehere mari comesagũ p̄ritare quehnoare. ¹⁶ Ijipihtina ahri ȳh̄ buherire yena, potota Cohãcjũ yequina ijina, cuero marieno quehnoano ijiya m̄sa. Sa yena Cohãcjũ tiquiro paja ihñano mehna ijiya m̄sa.

¹⁷ Mari p̄htoro Jesu cahacjũ ȳh̄ ijiri buhiri ȳh̄ pagure cam̄ tiaja ȳh̄. Ȳh̄ sa ijirigũ ijigũ vojop̄re apequina ȳh̄re cariboeracãhdo.

¹⁸ Ȳh̄ acaye, mari p̄htoro Jesucristo mehna m̄sare ijipihtinare quehnoa dutiaja. Sata ijiyahro.

Efesios

Efeso cjēnare ojoa ohoahye Pablo

¹ Yuhū Pablo mūsare Efeso wame tiri maca cjānare ojoa ohoaja. Yuhū Jesucristo yere buhe duti tiquiro cūrigū ijiaja. Cohācjū tiquiro cahmeno sahata Jesu yuhūre tiquiro yere buheacjūre cūri. Sa yegū mūsare Jesucristore sa wacū tutuaducunare ojoa ohoaja yuhū. ² Sa yegū Cohācjū mari Pacū mehna, mari pūhtoro Jesucristo mehna mūsare quehnoa dutiaja. Tiquina yedohoye mehna quehnoano ijiya mūsa.

Cristo yequina mari ijigū ihñano Cohācjū quehnoano yere marine

³ Cohācjū, mari pūhtoro Jesucristo Pacūro marine quehnoano yeducure. Ijipihtiyē tiquiro ye ūhmūse cjē quehnoañe mehna tiquiro marine quehnoano yeducure. Marine tiquirore quehnoano wacū tutuagū yeducure. Cristo yequina mari ijigū ihñano sa marine quehnoano yeducure. Tiquiro sa yeriquiro ijigū ihñana quehnoano ño peoye mehna tiquirore quehnoano yahuducuhna. ⁴ Ohō saha yeahye tiquiro marine tiquiro yequinare: Ahri yehpa ijiato pano tiquiro yequina ijianajare bese tuhasahye tiquiro marine. Sa beseahye marine ñañe mariena mari ijiatire. Sa yena ñañe mariena ijiaja mari, tiquiro ihñagū. Sa yero marine “Ñana ijire mūsa”, nisi tiquiro. ⁵ Marine cahño, paja ihñano panopū ohō saha niahye tiquiro marine: “Yuhū macū Cristo yedohoro mehna tiquina yuhū pohna ijieta”, ni cūahye marine panopū. Tiquiro cahmediro sahata sa yeahye tiquiro marine. ⁶ Marine tiquiro sa quehnoano yegū ihñana ño peoye mehna tiquirore quehnoano yahuducuhna. Tiquiro macūno tiquiro cahñiquiro yequina mari ijigū ihñano quehnoano yere marine. Sa

yena tiquirore quehnoano yahuducuhna.

⁷⁻⁸ Cristota ijire marine pecapū wahaborinare yuhūoriquiro. Mari ñañe yerire tiquiro cohāgū ihñano, Cohācjū pehe mari ñañene bore. Cristo mari ñañe buhirire yariaro tiquiro diire cohāhye. Marine tutuaro cahño, marine paja ihñano sa ye dutiahye Cohācjū. Tiquiro masi pehoye mehna sa ye dutiahye tiquiro. ⁹⁻¹⁰ Sa yero marine tiquiro yeatire marine masigū yeri. Panopū apequinare tire masigū yerahye tiquiro. Ohō saha ijire marine tiquiro yeati: Tiquiro cahmediro sahata tiquiro tūhoturiro sahata ijipihtiyequinare ihcā curuata Cristo yequina ijigū yerota. Sa yero ijipihtiyere tiquiro ye ijigū yerota. Tiquiro queori pje ijigū ūhmūse cjēnare, ahri yehpa cjēna gūhūre, ihcā curuata tiquiro yequina ijigū yerota. Sa yero ūhmūse cjēne, ahri yehpa cjē gūhūre tiquiro ye ijigū yerota. Sa yero Cristo pehe ijipihtiyequina pūhtoro ijirota. Sa ye ijipihtiyē tiquiro ye dihita ijirota. Sa ijiatiquiro iji dutiahye Cohācjū tiquirore.

¹¹ Sa yero Cristo yequina mari ijiatire masino panopū Cohācjū marine bese tuhasahye tiquiro yequina mari ijiatire. Ahri ijipihtiyere cūahye tiquiro tūhoturiro sahata, tiquiro cahmediro sahata yero taro. ¹² Sa yeahye tiquiro yere mari yeatire. Mari sa yegū ihñañe apequina tiquirore ño peoye, “Tutuagū ijire mūhū”, nine. Ūsā pehe pehe masa Jesure cahme dūcarina ijina tiquirore wacū tutu mūhtarina ijii. ¹³ Mūsa gūhū poto yahuducuyereta quehnoañe buheyere tūhori. Ti buheye mehnata Cohācjū cahapū wahanata mūsa. Tire tūhona tiquirore wacū tutuari mūsa. Sa wacū tutuana tiquiro yequina wahari mūsa. Tiquiro yequinare ohō saha niahye Cristo: “Mūsare Espiritu Santore ohoutja”, ni yahu cūahye. Sa yero tiquirore mūsa wacū tutuagū ihñano Espiritu Santore ohori

m̄sare. Sa yero Esp̄ritu Santo m̄sa mehna ijire Coh̄c̄jũ yequina m̄sa ijiye tiyere masigũ yere tiquiro pehe. ¹⁴ Coh̄c̄jũ marine ȳhd̄ugũ yere. Sa yero came tiquiro cahap̄u neanota marine. Marine tiquiro neato pano Esp̄ritu Santo pehe Coh̄c̄jũ yere mari c̄oatire masigũ yere marine. Coh̄c̄jũ marine tiquiro sa yegũ ih̄ñana tiquirore ño peoye mehna “Quehnoagũ ijire m̄ah̄u”, niaja mari.

Pablo Coh̄c̄jũre sini basahye Jesu yequinare

¹⁵⁻¹⁶ Cristore m̄sa wacũ tutuana ijigũ ih̄ñagũ Coh̄c̄jũre sa sini basaducuaaja m̄sare. Jesucristore m̄sa wacũ tutuarire, ijipihtiyequina tiquiro yequinare m̄sa cah̄idire t̄hogũ Coh̄c̄jũre “Quehnoare”, niaja. Oh̄o saha tiquirore sini basaja m̄sare: ¹⁷ Coh̄c̄jũ ùhm̄use cj̄no tiquiro yere m̄sa quehnoano masiatire sini basaja. Sa yegũ tiquirore m̄sa quehnoano masiatire sini basaja m̄sare. Tiquiro mari p̄h̄toro Jesucristo Pac̄uro ijire. ¹⁸ Sa yegũ m̄sa quehnoano masiatire m̄sare sini basaja Coh̄c̄jũre. Tiquiro m̄sare ȳhd̄uro, tiquiro yequina ijigũ yeri m̄sare. Tiquiro sa yegũ quehnoa ȳhd̄are marine. Tire m̄sa masiatire sini basaja m̄sare Coh̄c̄jũre. Sa yegũ marine tiquiro ohoatire quehnoa ȳhd̄aye ti ijigũ ḡh̄ure m̄sa masiatire sini basaja. ¹⁹ Oh̄o saha m̄sa masiatire sini basaja m̄sare Coh̄c̄jũre. Coh̄c̄jũre wacũ tutuana mari ijigũ ih̄ñano tiquiro tutuaye mehna marine yedohore. Tutua ȳhd̄ariquiro ijire. Ti ḡh̄ure m̄sa masiatire sini basaja Coh̄c̄jũre. ²⁰ Ti tiquiro tutuaye mehna tiquiro Cristo yariariquirore masoahye. Sa yero ùhm̄sep̄u tiquiro pototo pehep̄u Cristore dujigũ yeahye Coh̄c̄jũ, ijipihtiyequinare tiquiro dutiato saha. ²¹ Top̄u dujiro ijipihtiyequina ùhm̄use cj̄na p̄h̄toa bui, ijipihtiyequina apequina bui ijire Cristo. Sa yero yojop̄are ijipihtiyequina ahri deco cj̄na bui p̄h̄toro

ijire. Camep̄u ijipihtiyequina ape deco cj̄nap̄u ḡh̄ure tiquina bui p̄h̄toro ijiatiquirota ijire tiquiro. ²² Sa yero ijipihtiyequina bui c̄uahye Coh̄c̄jũ Cristore. Sa yero ijipihtiyere c̄oriquiro yeahye tiquirore. Sa yero Cristo yequina ih̄c̄a curua ijiyequina bui p̄h̄toro s̄oh̄aye tiquirore. Tiquina dapu ijire tiquiro pehe. ²³ Cristo yequina ih̄c̄a curuata ijina, tiquiro pagũ yero saha ijiaja. Cristo ijipihtirop̄u sa ijiducure. Sa yero ijipihtiye tiquiro bajumehnedi mehna sa ijiducure.

2

Coh̄c̄jũ marine cah̄no, paja ih̄ñano ȳhd̄oahye marine

¹ Ñañe buhiri tina, pecap̄u butiborina m̄sa ijiepegũta Coh̄c̄jũ m̄sare ȳhd̄ori. ² Panop̄are ahri yehpa cj̄na Coh̄c̄jũre ȳhd̄ud̄cayequina yero saha yemedi m̄sa. Sa yena wat̄no tiquiro nidiro saha yemedi m̄sa. Tiquiro wat̄no ahri yehpap̄u dutiriquiro Coh̄c̄jũre ȳhd̄ud̄cayequina p̄h̄toro ijire. ³ Panop̄are ijipihtina mari oh̄o saha dihita yerina ijimi. Mari ñañe dihitare tutuaro cah̄memi. Mari esa tuharo, mari t̄hoturiro saha yemi. Sa yena ijina ijipihtiyequina apequina yero saha, mari ḡh̄u ñana ijimi. Mari sa yena ijigũ ih̄ñano Coh̄c̄jũ mari mehna usuaro, buhiri dahre duamahye. ⁴ Sa ye duariquiro ijieperota marine tutuaro paja ih̄ñano, quehnoano cah̄idi marine. ⁵ Sa cah̄i ȳhd̄aro, mari ñañe buhiri pecap̄u butiborina mari ijiepegũta marine tiquiro mehna sa ijiducuanaja ijigũ yeri. Cristo yequina mari ijigũ ih̄ñano marine sa yeri. Marine paja ih̄ñano, ȳhd̄ori tiquiro marine. ⁶ Sa yero Cristo yequina mari ijigũ ih̄ñano Coh̄c̄jũ marine came tiquiro masoatinare c̄uri. Cristo tiquiro masoatinare c̄uri marine. Sa yena tiquiro mehna masa m̄janata mari. Sa yero ùhm̄sep̄u marine Cristo mehna ijigũ yerota Coh̄c̄jũ.

7 Ohõ saha yeri marine tiqiro paja ihñarire, camepũ ijiatiquinare masigũ yero taro. Sa yeri tiqiro tutuaro cahñene tiquinare masigũ yero taro. Cristo yequina mari ijigũ ihñano sa yũhdũori tiqiro marine.

8 Cristore mari wacũ tutuagũ ihñano Cohãcjũ marine pecapũ wahaborinare yũhdũori. Marine paja ihñano, marine cahño marine yũhdũori. Mari esa tuharo mari quehnoano yeye mehna Cohãcjũ cahapũ waha masiedaja mari. Cohãcjũ pehe marine yũhdũore. Sa yero tiqiro mehna mari sa ijiducuatire ohore marine. Tiqiro sa ohogũ mari esa tuharo quehnoañene mari yeri wapa ijierare ti. 9 “ ‘Ûsã esa tuharo pecapũ wahaborina yũhdũũ’, niboaga”, nino ohõ saha dutiahye tiqiro: Mari esa tuharo yũhdũ dutierare marine. 10 Cristo yequina ijigũ yeri marine Cohãcjũ pehe quehnoañe dihitare yeanaja mari ijiatire. Panopũ quehnoañene mari yeatire cũ tuhasahye tiqiro marine.

Cristore cũona mari quehnoano iji- aja

11 Sa yena panopũ mũsa ijie tirire yojopũ gũhare wacũña mũsa. Cristo yequina ijieranina judio masa ijiena ijina mũsa acaye yero saha yerina ijimedi mũsa. Cuhnucunũ cahserogãre yũhre nedari mũsa. Mũsa sa yũhre nedagũ ihñana usã judio masa pehe cuhnucunũ cahserogãre yũhre nena pehe mũsare ihñã tuhtina ohõ saha nie tii. “Cuhnucunũ cahserogãre yũhre neñequina ijiye, Cohãcjũ yequina ijierare”, nie tii mũsare. 12 Ti pjere Cristo yequina ijierari jimedi mũsa. Ûsã judio masa pehe Cohãcjũ beserina ijie tii. Ûsã sa ijigũ “Mũsare yũhdũoutja”, ni cũahye Cohãcjũ usãre. Sa yena mũsa pehe tiqiro sa ni cũrina ijierari jimedi. Sa ye Cohãcjũ beseriquinare ihñã tuhtina ijinimedi mũsa. Mũsa ñañe buhirire pecapũ wahanaja ijiri jimedi mũsa. Cohãcjũ mariena ijina

pecapũ waha, butiborina ijie tiri jimedi mũsa.

13 Yojopũ pehere Cristo Jesu yequina ijire mũsa. Panopũ Cohãcjũre ihñã tuhtirina ijiepenata, yojopũre tiqiro yequina ijire mũsa. Cristo mũsa ñañe buhiri curusapũ tiqiro dii cohãri bato Cohãcjũ yequina ijigũ yeri mũsare. 14 Ûsãre judio masare ihñã tuhtina mũsa ijigũ ihñano Cristo marine ihñã tuhti dutierari. Masare sa ni yahuriqiro ijire tiqiro. Ûsã judio masa, judio masa ijiena mehna pũa curua mari ijigũ ihñano, tiqiro ihcã curuata ijigũ yeri marine. Mari cahme ihñã tuhtirire duhugũ yeri tiqiro. 15-16 Ohõ saha tire yeri tiqiro: Mari ñañe buhirire curusapũ yariaro marine pecapũ wahaborinare yũhdũori. Sa yũhdũoro tiqiro yequina ijigũ yeri marine. Sa yero pũa curua mari ijiepegũta ihcã curuata wahma curua ijigũ yeri marine. Sa yero panopũ mari cahme ihñã tuhtirina mari ijiepegũta marine ihñã tuhtieragũ yeri. Sa yero judio masa usã dutiyere cohãri tiqiro. Ti dutiye marine pũa curua iji dutiri jimedi. Yojopũre ihcã curuata ijiaja mari. Sa yero Cristo Cohãcjũ yequina ijigũ yeri marine.

17 Sa yero marine cahme ihñã tuhtieragũ yero taro Cristo quehnoañe buheyere yahuro ahtahye. Mũsa judio masa ijiena Cohãcjũ yere cũoerari jimedi. Mũsa sa cũoeragũ ihñano mũsare yahuro ahtahye. Ûsã judio masa pehe Cohãcjũ yere cũou. Ûsã gũhare yahuro ahtahye. Sa yero ijipihtinare marine cahme ihñã tuhtieragũ yero, bosaro ahtahye tiqiro. 18 Yojopũre ijipihtina mari judio masa, judio masa ijiena gũhũ mari Pacũ mehna quehnoano iji masiaja mari. Espiritu Santo tiqiro yedohoye mehna mari Pacũ mehna quehnoano iji masiaja mari. Cristo pehe marine sa ijigũ yeri.

19 Sa yena yojopũre ape dihta cjẽna yero saha ijierare mũsa. Yojopũre Cohãcjũ yequinare ihñã tuhtina ijierare mũsa. Cohãcjũ yequina

mehna cjāna ijire m̄sa. Tiquiro ya curua cjāna ijire m̄sa. ²⁰ Cohācjū yere yahu māhtariquina panop̄m̄ cjēna tiquiro ye yahuducuyere ojoa, m̄sare yahue tiahye. Ūsā gāh̄m̄ tiquiro yere yahu dutiro tiquiro cūr̄ina gāh̄m̄ Cristo yere yahue tii m̄sare. Ūsā ijipihtina sa yahugū t̄hona, Cristore wacū tutua d̄cari m̄sa. Quehnoa ȳhd̄m̄ariquiro, ñañe marieniquiro ijiro, tiquiro yequina ijigū yeri tiquiro m̄sare. Tiquiro mariedagū mari ne ȳhd̄m̄eraboya. ²¹ Sa yero tiquiro masiñe mehna marine tiquiro yequinare ihcā curua ijigū yeri tiquiro. Sa yena tiquiro masiñe mehna quehnoana wahaja mari. Mari sa ijigū ihñano, tiquiro mari mehna ijire. ²² Sa yena Cristo yequina ijina ijipihtiyequina apequina tiquiro yequina mehna ihcā curua wahari m̄sa gāh̄m̄. M̄sa sa wahagū Cohācjū yaquiro Esp̄ritu Santo m̄sa mehna ijiro nine.

3

Judio masa ijieyequinare quehnoañe buheyere yahuriquiro ijiahye Pablo

¹ Sa yeḡm̄ ȳh̄m̄ Pablo, Cristo Jesu yere m̄sare ijipihtina judio masa ijienare ȳh̄m̄ yahuri buhiri peresup̄m̄ ijiaja ȳh̄m̄. ² Cohācjū ȳh̄m̄re paja ihñano, ȳh̄m̄re cah̄no, quehnoañe buheyere m̄sare judio masa ijienare ȳh̄m̄re yahu dutiro, cūr̄i. Tire t̄ho tuhasari m̄sa. ³ Panop̄m̄ m̄sare tiquiro yahuerarire Cohācjū yojop̄m̄re ȳh̄m̄re masigū yeri. Ahrire mehenogā yahu, m̄sare ojoa tuhasa. ⁴ Ȳh̄m̄ sa ojoarire buhena Cristo yere ȳh̄m̄re tiquiro masigū yerire masinata m̄sa. ⁵ Ti tiquiro yahurire panop̄m̄ cjēnare tiquiro yahuerahye. Yojop̄m̄ pehere ūsāre Jesu cūr̄inare, Cohācjū yere yahu māhtariquina gāh̄m̄re tiquiro yahurire masigū yeri Cohācjū. Tiquiro yaquiro Esp̄ritu Santo pehe ūsāre masigū ye basari tiquirore. ⁶ Ohō saha ijire tiquiro yahuri: Ūsā judio

masa dihitare Cohācjū ȳhd̄m̄oerare. Judio masa ijieyequina gāh̄m̄re ȳhd̄m̄orota tiquiro. Quehnoañe buheyere tiquina quehnoano t̄hogū ȳhd̄m̄orota tiquiro tiquinare. Sa yena ūsā judio masa, m̄sa judio masa ijiena mehna ihcā paḡm̄ yero saha ihcā curuata ijiaja mari. Sa yena mari ijipihtina Cristo Jesu yequina ijina ihcāno saha Cohācjū “M̄sare ȳhd̄m̄outja”, tiquiro ni cūr̄iro sahata tiquiro ȳhd̄m̄onohrina ijiaja mari.

⁷ Cohācjū ȳh̄m̄re paja ihñano, ȳh̄m̄re cah̄no ahri quehnoañe buheyere yahuacj̄re ȳh̄m̄re cūr̄i. Tiquiro masiñe mehna sa cūr̄i ȳh̄m̄re tiquiro. ⁸⁻¹⁰ Ijipihtiyequina apequina Jesu yequina docap̄m̄ ijieyequina tiquina docap̄m̄ waro ijiaja ȳh̄m̄. Ȳh̄m̄ sa ijiepegāta judio masa ijieyequinare quehnoañe buheyere yahuacj̄re cūr̄i Cohācjū ȳh̄m̄re. Ti buheye Cristo quehnoa ȳhd̄m̄ariquiro tiquiro ijiyere, quehnoa ȳhd̄m̄ye tiquiro c̄oyere tiquiro ohoatire yahure marine. Ȳh̄m̄re sa cūr̄no Cohācjū “Ohō saha ȳhd̄m̄outja masare pecap̄m̄ wahaboriquinare”, nino tiquiro ȳhd̄m̄oatire quehnoano yahu pehoacj̄re cūr̄i tiquiro ȳh̄m̄re. Sa yero panop̄m̄ cjēnare ti buheyere ne yahu pehoeraniahye Cohācjū. Ijipihtiyere bajumehnediquiro ijire tiquiro. Yojop̄m̄re quehnoañe buheyere yahu dutiro cūr̄i tiquiro ȳh̄m̄re, tiquiro quehnoano masi pehoyere masigū yero taro. Masi pehoriquiro tiquiro ijieye tiyere ūhm̄se cjēna dutiyequinare, angele p̄h̄toa gāh̄m̄re masigū ye duahye tiquiro. Sa yero taro quehnoañe buheyere buhe dutiri marine Jesu yequinare. M̄sare judio masa ijienare yahu dutiri ȳh̄m̄re.

¹¹ Ahri yehpa ijiato panop̄m̄ata “Masare pecap̄m̄ wahaboriquinare ȳhd̄m̄outja” niahye Cohācjū. Sa nidiquiro ijiro yojop̄m̄re mari p̄h̄toro Cristo Jesu tiquiro yariaro mehna tiquiro nidiro sahata marine ȳhd̄m̄ori Cohācjū. ¹² Tiquiro sa

yahduogũ yojopure Cristore wacũ tu-
tuana tiquiro yequina wahaja mari.
Tiquiro yequina ijina cuero marieno
Cohãcjũ mehna yahuducu masiaja
mari. ¹³ Quehnoañe buheyere
musare yũhũ buheri buhiri yo-
jopure peresupũ ijigũ yũhũ ñano
yahduogũ ihñana bujua witeracãhña.
Quehnoañe buheyere yũhũ yahugũ
tãhona Cohãcjũ yequina wahari
musa. Yũhũ sa yeri buhiri peresupũ
ijiaja. Sa yegũ musa ye ijiatire ñano
yahduogũ niaja. Sa yena bucueya
musa. Tire tutuaro bucue dutiaja
musare.

Cristo masare tutuaro cahñe

¹⁴ Sa yegũ ahri ijipihtiye mari
Pacũ tiquiro yerire wacũgũ tiquiro
poto dusepe curi mehna quehe sagũ
sini basaja musare. ¹⁵ Tiquiro ijipi-
htiye cururi cjẽna, tiquiro yequina
ũhmũsepũ ijiyequina, ahri yehpapũ
ijiniñequina gũhũ tiquina Pacũro ijire.
Ijipihina mari Pacũ ijire tiquiro.
¹⁶ Tiquirore ohõ saha ni sini basaja
musare: Tiquiro masi pehoriquire
ijire. Tutua yahduariquire ijire. Sa
yero tiquiro masiñe mehna musare
quehnoano tiquiro wacũ tutuagũ
yeatire sini basaja. Espiritu Santo
yedohoro mehna sa yerota.

¹⁷ Sa yegũ Cristore musa wacũ
tutua nemoatire tiquiro musa
mehna tiquiro quehnoano ijiatire
sini basaja musare. Sa yegũ ape-
quinare quehnoano cahña musa
ijigũ, Cristo tiquiro tutuaro cahñene
musa masiatire sini basaja musare.
¹⁸⁻¹⁹ Ijipihtiyequina apequina
Cohãcjũ yequina gũhũ Cristo tiquiro
tutuaro cahñene tiquina masiatire
sini basaja. Tiquiro ijipihtiyequina
masare cahñi yahduariquire ijire.
Sa cahñiquiro tiquiro ijiye tiyere
musa quehnoano masiatire sini
basaja musare. Sa yegũ tiquiro
cahñene musa masigũ cahmeaja
musa mehna Cohãcjũ quehnoano
ijiatire. Quehnoa yahduariquire,
ñañe marieniquiro tiquiro ijiro saha
musa wahatire tiquiro cahñene musa
masigũ cahmeaja. Sa yegũ tiquiro

cahñene musa masiatire sini basaja
musare Cohãcjũre.

²⁰ Sa ye Cohãcjũre ño peoye mehna
“Tiquiro tutuariquire ijire”, ni-
ihna mari. Tiquiro masiñe mehna
quehnoañe pehere camesa masine
tiquiro marine. Marine quehnoana
ijigũ ye masine. Mari sinidi yahduoro
ye masine tiquiro. Mari cahmeñene
mari tãhoturi yahduoro ye masine
tiquiro. ²¹ Cristo Jesu yequina mari
ijigũ ihñañe, Cristo ijiye tiye gũhũre
ihñañe, ijipihtiye decori ijipihtiye-
quina Cohãcjũre ño peohro. Sata
yeahro.

4

*Cristo yequina ijina ihcã curuata
ijiaja mari*

¹ Sa yegũ musare tutuaro yahuaja:
Cohãcjũ tiquiro yequina ijiatinare
musare besee tiahye. Sa yena tiquiro
beserina ijina tiquiro iji dutiriro saha
quehnoana ijiya musa. Tire musare
yahuaja yũhũ. Mari pãhtoro yũhũ
yedohori buhiri peresupũ ijiaja yũhũ.
Sa ye musare quehnoana iji dutiaja.
² “Usã pũrita masi yahduũcaja”, ni
tãhotuna ijieracãhña. Apequinare
quehnoano mehna yeya usuario
marieno. Musa mehna cjẽna musare
tiquina ñano yepegũta tiquinare
cahñe mehna sa ihña cãhña. ³ Sa
yena Espiritu Santo yedohoye mehna
quehnoano mehna ihcãno mehna
ijiducuya musa. Sa yena cahme-
queno marieno ijinata musa. ⁴ Ihcã
pagũ yero saha ihcã curua ijiaja mari.
Sa yero Espiritu Santo ihcãquiota
ijire. Cohãcjũ tiquiro yequina ijiana-
jare musare besee tiahye musare
yahduoro taro. Sa yena tiquiro
yahduoatire masine musa. Ti musa
masidi ihcãnota ijire. ⁵ Mari pãhtoro
Cristo ihcãquiota ijire. Tiquiro
buheye gũhũ ihcãnota ijire. Tiquiro
yequinare wame yeye gũhũ ihcãnota
ijire. ⁶ Sa yero Cohãcjũ ihcãquiota
ijire. Tiquiro ijipihtiyequina Pacũro
ijire. Sa yero mari pãhtoro ijire. Sa
yero ijipihinare marine yedohore
tiquiro. Ijipihina mari mehna ijire

tiquiro. Sa yero ijipihtiropu ijire tiquiro.

⁷ Ihcã curua mari ijiepegũta ijipihina marine mari ye masiatire cũri Cristo. Tiquiro cũriro sahata ye masi-aja mari. Tiquiro marine sa cũno apee borore tiquiro sa oho cãriro saha yero nidi tiquiro. ⁸ Sata nine Cohãcjũ yere tiquina ojoari pũpu:

Cohãcjũre ihña tuhtiyequinare tiquiro yũhdũdcari bato tiquiro pari turi mũjaa waharota. Sa mũjano tiquiro peye sa oho cãnota masare, ni ojoahye panopũre.

⁹ “Tiquiro pari turi mũjaa waharota”, tiquiro nigũ coã warore tiquiro dijia tari gũhare mari masi-aja. Ahri yehpapũre tiquiro dijia tarire mari masi-aja. ¹⁰ Sa yero ohõpũre dijia tariquiro tiquirota ijire mũjaa wahariquiro. Ijipihtiye bui mũjaa wahari tiquiro, ijipihtiropu ijiro taro. ¹¹ Tiquiro ijire “Masare peye sa oho cãriquiro”, tiquina nidi-iquiro. Masare tiquiro sa oho cãno saha tiquiro peye tiquina ye masiatire cũri masare.

Ohõ saha cũri tiquiro: Ihquẽquinare Cristo ye buheyere buheatiquinare cũri. Apequinare Cohãcjũ yere yahu mũhtatiquinare cũri. Quehnoañe buheyere buhe tiniatiquinare apequinare cũri. Cristo yequina cahmecoañequina pũhtoia ijiatiquinare, quehnoano buheatiquinare cũri apequinare.

¹² Sa dihita cũri marine apequinare tiquiro yequinare mari yedohoatire. Sa cũri marine tiquiro yequinare tiquirore mari wacũ tutua nemoatire, tutuana mari wahatire. ¹³ Sa yena mari ijipihina quehnoano mehna ihcãno mehna ijinata. Sata ijiro cahmene marine Cristore wacũ tutuana ijina. Sa yena mari ijipihina Cohãcjũ macũnore quehnoano masinata. Sa yena Cristo tutuariquiro, quehnoano masiniquiro tiquiro ijiriro saha mari gũhu quehnoano masina wahanata.

¹⁴ Mari sa wahana macanagã yero saha ijisi mari. Macanagã quehnoano tũho masiedarĩaga. Apequina tiquina buhegũ “Ahri pote ijire”, ni tiquina ni meho buhegũ macanagã yero saha ijiequina apeye buheyere tũho, beseducure. Sa ye apequina tiquina sijoro saha buhegũ ti buheye pehere cahmene. Tiquina yero saha ijisi mari.

¹⁵ Ohõ saha yenatja mari: Mari mehna cjẽnare cahme cahña, pote quehnoañe buheyere yahumatja tiquinare. Sa yena macanagã tiquina bucua tũho masiñequina tiquina wahariro saha mari gũhu tutuana, Cohãcjũ yere quehnoano masina wahanatja. Cristo ijiro saha wahanata.

Tiquiro ijire mari dapu. ¹⁶ Tiquiro yequina ijina tiquiro pagu yero saha ihcã curuata ijiaja mari. Sa yena mari caperi, mari cahmo, mari dahpocãri ihcã pagupu ti quehnoano ijiro saha mari gũhu peyequina ijiepenata ihcãno mehna quehnoano ijiaja. Mari sa ihcãno mehna mari ijiatire Cristo yedohore. Mari omocari mari pagure ti quehnoano yedohoro saha mari quehnoano yedohoaja apequinare Cristo yequinare. Sa yena mari mehna cjẽnare Cristo yequinare quehnoano cahña, tiquinare quehnoano yedohona, tutuana Cristore wacũ tutua nemoni wahanata mari.

Cristo yequina wahana mari ñañe yeyere duhu, quehnoañe pehere came-saja mari

¹⁷ Sa ye mari pũhtoro Cristo tiquiro dutiro mehna ohõ saha niitja mũsare: Cohãcjũre cahmeeñequina waro yero saha yeracãhña mũsa. Tiquina tũhotuye pehe ñañe dihita ijire. Sa ye tiquina tũhotuye dũhseati ijierare. ¹⁸ Sa yero Satana Cohãcjũ yere tiquinare tũhoeragũ yere. Sa ye tiquiro yere ne tũhoerare. Tũho duerare tiquina. Sa ye Cohãcjũ tiquiro quehnoano iji dutiriro saha ijierare tiquina. ¹⁹ Sa ye tiquina ñano yeye ne bue tiera yũhdũare.

Ne bujua witiere. Ñañene tiquina tutuaro cahmeñe dihitare yeducure. Ijipihtiye ti ñañene yeducuye duhu duerare. ²⁰⁻²¹ MUSA pehe poto tiquiro yere tũhona mUSA ijigũ, Jesu yere quehnoano masina mUSA ijigũ mUSA pehere tiquina yero saha ye dutierare tiquiro. ²² Sa yena panopũ mUSA yerire duhu cãhña. Ti pjere ñañene yeducuna mUSA ijigũ ti ñañe pehe mUSARE dojomehneneno nimesi. “Ñañene yena, quehnoano bucuenata”, ni tũhotuna ijiepenata ne bucuerari mUSA. ²³ Sa ye mUSA tũhotuyere quehnoañe pehere came-saro cahmene mUSARE. ²⁴ Panopũ mUSA ñañe yerire duhu cãhña. Sa yena quehnoañe pehere comesarina ijiya mUSA. Ohõ saha ijiyequina Cohãcjũ yero saha ijire. MUSA sa ijina, quehnoañene yeducunata. Sa yena ñañene yabinata mUSA.

²⁵ Sa yena mUSA ni mehorire duhu cãhña. MUSA mehna cjẽnare poto yahuya, ni mehono marieno. Mari ihcã pagũ yero saha ihcã curua cjãnata ijina niaja. Sa yena mUSA basi ni mehoedacãhña.

²⁶ Apequinare usuana, tiquinare ñano yeracãhña. Sa yena usuana, ne yoari pje usuaducueracãhña mUSA. ²⁷ Yoari pje usuana, watĩno tiquiro cahmeno saha yena niaga mUSA. Sa yeracãhña.

²⁸ Ihquẽquina mUSA mehna cjãna Jesu yequina mUSA ijiato pano yaquerina ijina pari turi yaqueracãhña. Sa yena yojopũre quehnoano dahraya pejecũoyequinare mUSA ohoatire.

²⁹ Ne ñano yahuducueracãhña. Quehnoañene yahuducuna apequinare yedohore mUSA. Sa yena quehnoañe dihitare yahuducuya. ³⁰ Ñañene yena Espĩritu Santore bujua witiẽ yena niaga mUSA. Sa yeracãhña. Yojopũre pihtiri deco pano Cristo marine tiquiro neato pano Espĩritu Santo marine ihña ihbore marine ñañene ye dutieraro. Sa yero Cristo yequina mari ijiyere

masigũ yere tiquiro marine. Sa yena tiquirore bujua witiẽ yeracãhña.

³¹ Sa yena ne ñano ye nemoedacãhña. Usua, cahme duse tutua nemoedacãhña. Apequinare ñano ni sañuducu nemoedacãhña. Apequinare quitĩ dahre nemoedacãhña. Ne apequinare ñano ni tũhotu nemoedacãhña. ³² Sa ye mUSA mehna cjẽnare quehnoano mehna quehnoano yeya. Cristo yequina mUSA ijigũ ihñano mUSA ñañene bo cãhri Cohãcjũ. Ohõ saha apequina mUSARE tiquina ñano yegũ ihñana tiquina ñañene bo cãhña mUSA gũhu.

5

“Cohãcjũ pohnene ohõ saha ijiro cahmene”, ni yahuahye Pablo

¹ Sa ye Cohãcjũ pohna tiquiro cahñona ijina Cohãcjũre ihña cũña mUSA. ² Sa yena apequinare sa cahĩducuya. Cristo marine cahño, mari ñañe buhiri yariahye. Sa yariaro Cohãcjũre bucuegũ yeahye tiquiro. Sa yena marine tiquiro cahĩdiro saha mUSA gũhu apequinare cahñña.

³ Sa yena Cohãcjũ yequina ijina ne numia mehna ñano yeracãhña. Numia gũhu amua mehna ñano yeracãhña. Apeye ñañene ohõ saha ijiye ñañene yeracãhña. Apee borore cahme yũhdũeracãhña. Ne sa yeraro cahmene mUSARE Cohãcjũ yequina ijina. ⁴ Sa yena buoyere cahme yahuducueraro cahmene mUSARE. Tũho masieñequina yero saha yahuducueraro cahmene mUSARE. Sa yena ñano ni bujũperaro cahmene mUSARE. Ahri pehere yero cahmene mUSARE. Cohãcjũ mehna yahuducuro cahmene mUSARE. Sa yahuducuna tiquirore “Quehnoano yeri mũhu usãre”, nino cahmene. ⁵ Apee borore cahme yũhdũana, “Cohãcjũ ijire”, mari niñe queoyere mari cahmeno saha yena niaja mari tire. Doeri cjẽne ño peoyequina yero saha yena niaja mari. Sa ye wũana tiyequina, ñañe dihitare tũhotuyequina, apee borore cahme yũhdũayequina

Cohãcjũ, Cristo mehna tiquina pũhoro ijiropũ ne wahasi tiquina. Tire quehnoano masiaja mari. 6 Ohõ saha yeyequina tiquina yeri buhiri buhiri dahrerota Cohãcjũ tiquiore yũhdũcayequinare. Sa yena apequina mũsare “Ahri ñaño ijierare”, tiquina ni mehogũ tũhoeracãhña. 7 Sa yena ohõ saha ñano ye yũhdũcayequinare ne piti tieracãhña.

8 Cristo yequina mũsa ijiato pano sa ijirinata ijĩmedi mũsa gũhũ. Yojopũ pehere tiquiore yequina ijina, Cohãcjũre quehnoano masine mũsa. Cohãcjũ yequina quehnoañene yere. Sa yena sa yero cahmene mũsare. 9 Sa yena Cristo yequina ijina quehnoañene, Cohãcjũ cahmeñene, ni mehono marieno yeducunata mũsa. 10 Quehnoañene mari yegũ ihñano mari pũhoro Cristo bucuere. Sa yena tire yeya. 11 Cristore cahmeeñequina ñaño tiquina yeye ñaño waro ijire. Sa yena tiquina yero saha mũsa pehe yeracãhña. Quehnoañene buheyere Cristo yere yahuya tiquinare. Sa yena tiquina ñaño yeyere tiquinare masigũ yeya. 12 Masa ihñenopũ tiquina ñano ye cohtere. Tiquina sa yerire yahuducuna mari bæ tiboaga. Sa yeye ña yũhdũaro yere tiquina. 13 Sa yena tiquinare quehnoañene buheyere mari yahuna, ña yũhdũayequina tiquina ijiyere masigũ yena niaja mari tiquinare. Ijipihtiyere mari yerire marine masigũ yere quehnoañene buheye, buhrioro marine ti ihña masigũ yero sahata. 14 Ti ijirota ijire. Sa ye ohõ saha ni yahure Cohãcjũ yere yahuyequina:

Ne, yũhũre tũho duena, tũhoya mũsa. Mũsa ñaño yeyere bujũa witi, tire duhuya. Cristo mũsa ñaño yeyere masigũ yerota, ni yahure.

15 Sa yena decoripe quehnoano yeya mũsa. Tũho masieñequina yero saha ijieracãhña. Tũho masina ijiya. 16 Yojopũ cjẽna masa ña yũhdũaro yeducure. Sa yena mũsa pehe quehnoañene, Cristo

yere sa yeducuya mũsa. 17 Sa yena tũho masiena ijieracãhña. Cohãcjũ cahmeñene quehnoano masiña. Sa yena tire yeya. 18 Sa ye pairure sihni queheracãhña. Queheyequinare ñano yũhdũro cua yũhdũare. Sa yena pairure tutuaro cahmedacãhña. Espĩritu Santo pehere tutuaro cahmeña mũsa mehna tiquiore quehnoano ijiatire. Tiquiore quehnoano yũhtiya. 19 Sa yena mũsa basi Cohãcjũre ño peo basayere cahme yahuducuya. Sa yena Salmore Cohãcjũ yere basayere, apeye tiquiore ño peo basaye gũhũre tiquiore basa peoya mũsa. Quehnoano wacũ ño peoye mehna basa peoya. Sa yena mari pũhoro Cristore ño peoya. 20 Cohãcjũ mari Pacũ ijipihtiyere mũsare tiquiore ohorire bucue “Quehnoare”, sa niducuya mũsa tiquiore. Mari pũhoro Jesucristo yequina ijina mari Pacũre “Quehnoare”, sa niducuya mũsa.

“Mũsa ihcã wũhũ cjãna Jesu yequina ijina, ohõ saha yeya”, ni yahuahye Pablo

21 Sa ye mũsa mehna cjẽnare cahme ño peoye mehna yũhtiya. Sa cahme ño peo yũhtina Cristo gũhũre ño peona nine mũsa.

22 Mũsa namosãnumiare yahutja yojopũre. Mari pũhoro Cristore mari yũhtiro saha mũsa manũsumhare quehnoano mehna yũhtina numia ijiya. 23 Jesucristo marine yũhdũore tiquiore ya curua cjãna mari ijiatire. Sa yero mari tiquiore ya curua cjãna mari pũhoro tiquiore ijiro saha mũsa manũsumhũa mũsa namosãnumia pũhota ijire. 24 Sa yena Cristo yequina ijina tiquiore sa yũhtiducujaja mari. Sata mũsa namosãnumia mũsa manũsumhare quehnoano yũhtiducuna numia ijiya.

25 Mũsa manũsumhũa pehere yahutja yojopũre. Cristo marine tiquiore yequinare cahĩno, mari ye ijiatire yariahye. Sa yena marine tiquiore cahĩdiro saha mũsa gũhũ mũsa namosãnumiare quehnoano

cahĩducuya. ²⁶ Cristo mari ye ijiatire variahye mari ñaÑe yerire cosero taro. Tiquiro buheye quehnoañe buheye mehna mari ñaÑe yeyere cosere. Sa yero tiquiro yequina mari ijigũ ihñano aco mehna marine wame yere. ²⁷ Sa cosere marine tiquiro yequina ijianare yero taro. Tiquiro sa cosegũ ne ñaÑe buhiri mariena ijinata, tiquiro ihñagũ. Sa yena quehnoana, Cristo yero saha ijinata. ²⁸ M̄sa namosãnumiare cahĩna, m̄sa basi m̄sa pagurire m̄sa cahĩno saha tiquina numiare cahĩña. Mari namonore cahĩna mari pagure cahĩna niaja.

²⁹⁻³⁰ Ne mari pagurire ñano wahagũ cahmedaja. Mari ihyayere ihyana quehnoano yena niaja mari pagurire. Cristo yequina ijina tiquiro pagu yero saha tiquiro ya curua cjãna ijiaja mari. Sa yero marine quehnoano yere tiquiro. Sa yena Cristo marine tiquiro quehnoano yeriro sahata mari gũhu mari pagure quehnoano yeaja. Mari namosãnumia gũhure sata quehnoano yero cahmene marine. ³¹ Sata nine Cohãcjũ yere tiquina ojoari pũpũ: “Sa ye am̄no tiquiro pacusum̄are wijiario tiquiro namono mehna ijirota. Sa ye tiquina p̄aro ijiepetahcãquiro yero saha ijietã”, ni ojoahye panopũ. ³² Ahri tiquiro ojoarire apequina quehnoano tãhoerari jiri. Sa yegu tire ohõ saha ni yahutja m̄sare. Ohõ saha ni yahuro niaga. “Cristo tiquiro yequina mehna ihcã pagu yero saha ihcã curuata ijire”, ni yahuro niaga. ³³ Sa yegu m̄sare ohõ saha ni yahu nemoutja tja: M̄sa pagurire m̄sa cahĩno saha m̄sa namosãnumiare cahĩña. Sa yena m̄sa manusum̄are quehnoano ño peoya m̄sa.

6

¹ Yojopure macanagãre yahutja. Mari p̄horo Cristo yequina ijina m̄sa pacusum̄are quehnoano yuhtiya. M̄sa sa yegũ quehnoarĩne. ²⁻³ Ohõ saha niahye Cohãcjũ dutiye: “M̄sa pacusum̄are quehnoano

ñõ peoya”, ni dutiahye tiquiro. Ahri dutiro mehna Cohãcjũ yahu nemoahye. Ohõ saha niahye: “M̄sa pacusum̄are ñõ peona, ahri yehpapu yoari pje bucueye mehna ijinata m̄sa”, ni yahuahye. Tiquiro sa ni yahugũ ahri dutiro ihyo ijiri dutiro ijierare. Sa yena tiquiro nidiro saha m̄sa pacusum̄are ñõ peoya.

⁴ Yojopure tiquina pacusum̄are yahutja: M̄sa pohnare sa tuhtiducueracãhña, “Usuagũ yeari”, nina. Mari p̄horo Cristo tiquiro cahĩne mehna tiquiro yedohoye mehna tiquinare quehnoano cohteya. Sa yena tiquinare quehnoano yahuya.

⁵ Yojopure cahacjãnare m̄sare yahutja: Cua pesaro mehna, ñõ peoye mehna ahri yehpa cjẽnare m̄sa p̄htoare quehnoano yuhtiya. Ni mehono marieno quehnoano yuhtiya. Cristore m̄sa yuhtiro sahata tiquinare yuhtiya m̄sa.

⁶ Tiquina ihñono dihitare yuhtina ijieracãhña. Sa yeyequina masa dihitare tiquinare ihña bucuegũ cahmene. M̄sa pehe Cristo tiquiro cahacjãna m̄sa ijiro saha m̄sa p̄htoa gũhure sa yuhtiducuya. Cohãcjũ tiquiro cahmeno sahata quehnoano bucueye mehna yuhtiya.

⁷ Sa yena Cristore yuhtina m̄sa ijiro saha bucueye mehna yuhtiya m̄sa p̄htoa gũhure. “Masa dihitare yuhtina niaja”, ni tãhotueracãhña.

⁸ Sa yena ahrire wacũña: Ijipihtina quehnoañene mari yegũ ihñano Cohãcjũ quehnoano yerota marine. Cahacjẽnare, cahacjẽna ijieyequina gũhure quehnoano yerota.

⁹ Yojopure p̄htoare yahutja: M̄sa cahacjẽnare quehnoano yeya. Tiquinare quehnoano yuhu ye dutiro sahata yeya m̄sa gũhu tiquinare. Tiquinare tuhtiperacãhña. Æhmuse cjãno Cohãcjũ potota tiquina p̄horo ijire. M̄sa yaquiro p̄horo ijire tiquiro gũhu. Sa yena ijipihtina m̄sa tiquiro cahacjãna dihta ijire. Sa yero tiquiro ihcãno saha ihñare m̄sare ijipihtinare. Sa yena m̄sa cahacjẽnare tuhtiperacãhña.

Cristo yequina watĩnore tiquina cahmotarire yahuahye Pablo

¹⁰ Ahrire yahu bato tiitja m̄sare: Quehnoano wacũ tutuana ijiya m̄sa. Mari p̄h̄toro Cristo m̄sa mehna ijire. Sa yena tiquiro ye masiñe mehna wacũ tutuana ijiya.

¹¹ Watĩno marine ni mehono, ñano ye dutire marine. Cohãcjũ marine cahmotare mari ñañene yeborire. Marine tiquiro cahmotaye surara tiquiro cahmotari suhtiro, come suhtiro yero saha ijire. Sa yena ti suhtirore m̄sa sañano saha Cohãcjũ tiquiro cahmotayere quehnoano c̄o pehoya. ¹² Jesu yequina mari ijigũ, marine ihña tuhtiyequina masa waro ijierare. Ëhm̄se cj̄ena ijimediquina ñañequina, tutuayequina, tiquina pehe ijire marine ihña tuhtiyequina. Watĩa ahri yehpa cj̄ena p̄h̄toa ijire. Sa ye tiquina ḡh̄u ijire marine Jesu yequinare ihña tuhtiyequina.

¹³ Sa yena yojop̄are cahmotari suhtirore m̄sa sañano saha Cohãcjũ m̄sare tiquiro cahmotatire tiquiro yere quehnoano c̄o pehoya. Sa yena watĩno m̄sare tiquiro ñano ye dutigũ, m̄sare tiquiro ñano ye duagũ, tiquirore cahmotanata. Sa yena ȳh̄d̄d̄canata. Sa tiquirore ȳh̄d̄d̄cana, tutuana tojoanata m̄sa.

¹⁴ Sa yena tutuana ijiya. Cohãcjũ m̄sare tiquiro cahmotatire oh̄o saha yeya m̄sa:

Surara tiquiro come suhtiro mehna tiquiro jeripohnare cahmotariro saha poto yahuyere Cohãcjũ yere quehnoano t̄h̄oya m̄sa watĩnore m̄sa cahmotatire. Sa yena Cristo yedohoye mehna quehnoana ijiya m̄sa, watĩnore m̄sa quehnoano cahmotatire.

¹⁵ Surara tiquiro dahpo suhti mehna tiquiro dahpoc̄arine tiquiro cahmotariro saha quehnoañe buheyere quehnoano masiña m̄sa, watĩnore m̄sa cahmotatire. Ti buh-eye marine quehnoano ijigũ yere.

¹⁶ Surara tiquiro tohoro mehna tiquiro cahmotariro saha Cristore quehnoano wacũ tutuaducuya m̄sa

watĩnore m̄sa cahmotatire. Bueye cj̄u mehna tiquiro sihã m̄sare tiquiro b̄uedoqueboro saha watĩno m̄sare ñano yegũ ye duare. Sa yena Cristore quehnoano wacũ tuana, cahmotanata m̄sa.

¹⁷ Surara tiquiro come sapea mehna tiquiro dapure cahmotariro saha m̄sare pecap̄a waha-borinare Cristo ȳh̄d̄d̄orina ijiya m̄sa, watĩnore m̄sa cahmotatire.

Surara tiquiro ñoseni pj̄i mehna tiquiro cahmotariro saha Cohãcjũ ye buheyere quehnoano masiña m̄sa, quehnoano m̄sa cahmotatire. Sa yena apequinare quehnoano yahuya tiquiro yere. Ti Cohãcjũ ye buheyere Esp̄ritu Santo marine yahure.

¹⁸ Sa m̄sa watĩnore cahmotana Cohãcjũre decoripe sa siniducuya. Esp̄ritu Santo yedohoye mehna sa siniducuya. Sa yena quehnoano wacũ masiña. Sa sinina, caributieracãhña. Ijipihtiyequina Cohãcjũ yequinare sa sini basaducuya.

¹⁹ Sa yena ȳh̄u ḡh̄ure sini basaya Cohãcjũre. Oh̄o saha ni sini basaya: Quehnoañe buheyere, panop̄u tiquina masiedarire quehnoano ȳh̄u yahuatire sini basaya ȳh̄ure. Sa yena cuero marieno ȳh̄u yahuatire sini basaya ȳh̄ure. ²⁰ Cristo tiquiro yere yahu dutiro ȳh̄ure ohori. Ȳh̄u sa yahuri buhiri p̄eresup̄u ijiaja yojop̄are. Oh̄op̄u ȳh̄u ijiepegãta cuero marieno tiquiro yere ȳh̄u yahuatire sini basaya ȳh̄ure. Tiquiro yere yahucj̄u ijiḡata niaja ȳh̄u.

Pablo quehnoa duti bato tiahye

²¹ Yojop̄are Tiquico m̄sa cahap̄u esaro ȳh̄u ijiye tiyere m̄sare yahu pehorota. Tiquiro mari acaȳro mari cahñiquiro ijire. Sa yero mari p̄h̄toro yere quehnoano yedohoriquiro sa ijiducure. ²² Ësã ijiye tiyere m̄sare yahu dutiḡu tiquirore ohoḡu niaja m̄sa quehnoano bu-cueatire.

²³ Cohãcjũ mari Pac̄u mari p̄h̄toro Jesucristo ḡh̄u tiquina mehna m̄sa

ijiphtinare ʘsã acayere quehnoa dutiaja. Cristore mʘsa quehnoano wacũ tutuaye mehna mʘsa cahme cahĩatire Cohãcjũre sini basaja mʘsare.
²⁴ Ijiphtiyequina mari pãhtorore Jesucristore sa cahĩducuyequinare Cohãcjũ mehna quehnoa dutiaja.

Filipenses

Peresupꝑꝑ ijiriquiro ahri pũre ojoa ohoahye Pablo

¹ Yũhũ Pablo, Timoteo mehna Jesucristo cahacjãna ijiaja usã. Sa yena ijipihtinare mũsare quehnoanare Jesucristo yequinare Filipino cjãnare quehnoa dutiaja usã. Mũsare, mũsa pũhtoa gãhũre, mũsare yedohoyequina gãhũre ojoa ohoaja yũhũ, Pablo. ² Sa yena Cohãcjũ mari Pacũ, mari pũhoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

Pablo Jesu yequinare Cohãcjũre sini basahye

³⁻⁶ Cohãcjũ mũsare quehnoañe pehere comesagũ yero nine. Sa yero mũsare tiquiro sa ye dũcariro sahata sohtori dahrerota tiquiro. Sa yena Jesucristo ahri yehpapũre tiquiro wi-higũpũre ñañe mariena ijinata mũsa. Sa yena coã waropũre Jesu yequina mũsa ijiri bato, yojopũ gãhũre yedohore mũsa yũhũre quehnoañe buheyere yũhũ buhegũ. Mũsa sa yegũ ihñagũ Cohãcjũre “Quehnoare”, niaja yũhũ. Mũsare wacũgũ sa dihita niaja yũhũ. Mũsare Cohãcjũre sini basagũ, bucueye mehna sini basaja.

⁷ Mũsare yũhũ sa tũhotugũ quehnoarĩne. Quehnoañe buheyere “Poto tjire”, pũhtoare yũhũ tutuaro ni yahuducugũ mũsa yũhũre yedohori. Poto ti buheye ijigũ yũhũ tiquinare yahugũ mũsa yũhũre yedohori. Peresupũ yũhũ ijigũ gãhũre mũsa yũhũre yedohori. Sa yero Cohãcjũ marine quehnoano yero, tiquiro ye buheyere cũri marine. Mũsa yũhũre yedohori. Sa yena ti buheyere yũhũ mehna mũsa buheboriro saha yena nine mũsa, yũhũre yedohona. Sa yegũ yũhũ jeripohna mehna tutuaro wacũaja yũhũ mũsare. ⁸ Jesucristo cahĩne mehna tutuaro

mũsare wacũaja yũhũ. Yũhũ sa wacũgũ Cohãcjũ tire masine.

⁹ Mũsare ohõ saha ni sini basaja yũhũ Cohãcjũre: Cohãcjũ yere quehnoano masiñe mehna, tũho masi pehoye mehna apequinare mũsa cahĩ nemoatire sini basaja yũhũ mũsare Cohãcjũre. ¹⁰ Quehnoa yũhũdũyere mũsa masiati gãhũre sini basaja mũsare. Mũsa sa masina Cristo ahri yehpapũ tiquiro tojoa tagũ quehnoañene yena, ñañe buhiri mariena ijinata mũsa. ¹¹ Sa yena ijina Cohãcjũ cahmeñene yenata mũsa. Mũsare sa yegũ yerota Jesucristo pehe. Cohãcjũ quehnoa yũhũdũariquiro, tutuariquiro tiquiro ijiyere ihñono taro, ijipihtiyequina tiquirore tiquina ño peoatire tiquiro cahmeñene mũsare yegũ yerota.

Pablo Cristo yaquiro tiquiro ijiye tiyere yahuahye

¹² Yũhũ acaye, ahri yũhũ niatire mũsa quehnoano masigũ cahmeaja yũhũ. Yojopũre peresupũ yũhũ ijiepegũta quehnoañe buheye pehe sa uhmũ tãducuro nine. ¹³ Sa ye Cristo yaquiro yũhũ ijiri buhiri peresupũ yũhũ ijirire masi pihtire pũhoro ya wũhũ cjẽna surara. Ijipihtiyequina apequina gãhũ ohõpũ ijiyequina tire masine. ¹⁴ Sa ye peresupũ yũhũ ijigũ ihñañe, peyequina mari acaye Jesu yequina mari pũhoro Jesure wacũ tutua nemoñe nine. Sa wacũ tutuaye, cuero marieno quehnoañe buheyere apequinare buhere tiquina.

¹⁵ Ihquẽquina Cristo yere buheraboriquina ijiepetã yũhũre ihña cooye, Cristo yere buhere apequinare tiquinare ihña wahãgũ cahmeñe. Apequina pehe quehnoano mehna Cristo yere buhere. ¹⁶⁻¹⁷ Quehnoañe buheyere yũhũ tutuaro yahuatire Cohãcjũ yũhũre tiquiro cũrire quehnoano masine ahriquina pehe. Sa masiñe tiquina cahĩne mehna Cristo yere buhere. Apequina pehe yũhũre ihña tuhtiyẽ, masare tiquina

pehere tiquina ihña wahāgū cahmeñe, Cristo yere buhere. Sa ye peresupᵃ yᵃhᵃ ijigū tiquina yᵃhᵃre bᵃjᵃa witiḡᵃ ye duare. ¹⁸ Quehnoanota. Cristo yereta buheye nine. Tiquina Cristore poto cahñedapeta Cristo yereta buhere. Apequina pehe quehnoano mehna buhere. Ijip-ih̄tiyequina tiquina tiquiro yere buheḡᵃ bucueaja.

¹⁹ Sa yegᵃ sa bucueducugᵃtja yᵃhᵃ. Cohācjᵃre mᵃsa sini basari mehna Jesucristo yaquiro Espᵃritu yedohoye mehna Cohācjᵃ yᵃhᵃre wiorota peresupᵃ ijirigᵃre. Tire masiaja. ²⁰ Ohō saha yeitja yᵃhᵃ. Decoripe yᵃhᵃ yeriro sahata yojopᵃ gᵃhᵃre cuero marieno Cristo yere buheaja, masa tiquirore quehnoano tiquina ño peoato saha. Ohō saha ye duaja yᵃhᵃ yerire yᵃhᵃ bᵃoro yᵃhdᵃerato saha. Catinigᵃ waro ohō saha ye duaja. Tiquina yᵃhᵃre wejē duepegᵃta ohō saha ye duaja. ²¹ Catinigᵃ Cristo yere yenigᵃtja. Yariagᵃpᵃ pᵃrita ti yᵃhdᵃoro quehnoano tojoagᵃtja yᵃhᵃ. ²² Sa niepegᵃta catinigᵃ Cristo yere yᵃhᵃ ye nemoato saha cati nemo duaja. Sa niepegᵃta yariaye gᵃhᵃre cahmeaja. ¿Dise boro pehere yᵃhᵃ cahmeboagari? Masiedaja yᵃhᵃ. ²³ Yᵃhᵃ ohō saha ni yahuducugᵃ mijorñe yᵃhᵃre. Cristo mehna tutuaro iji duaja. Sa yegᵃ yojopᵃre tiquiro cahapᵃ waha duaja. Catiye yᵃhdᵃoro ahri pehe quehnoa yᵃhdᵃᵃcare. ²⁴ Sa ijiepegᵃta mᵃsare yᵃhᵃ yedo- hoato saha catinino cahmene yᵃhᵃre. ²⁵ Tire masigᵃ ohōpᵃ mᵃsa mehna yᵃhᵃ ijiniatire masiaja yᵃhᵃ. Sa ijinigᵃtja Cristore mᵃsa wacᵃ tutua nemoatire, ti wacᵃ tutuaye mehna mᵃsa bucueatire. ²⁶ Ahri yehpapᵃ ijinigᵃ mᵃsa cahapᵃ pari turi yᵃhᵃ wahagᵃ mᵃsa bucuenata. Cristo Jesu yᵃhᵃre tiquiro yedohogᵃ masina, “Tutuagᵃ ijire mᵃhᵃ”, ni ño peonata mᵃsa tiquirore.

²⁷ Yojopᵃre ahri dihitare yahutja mᵃsare. Cristo ye buheye ti nidiro sahata ijiducuya mᵃsa. Wacᵃ tutu-

ana ijiya. Sa yena cahme tu waro marieno quehnoañe buheyere yahu tutuaya. Sata yᵃhᵃ mariedagᵃ gᵃhᵃre yᵃhᵃ ijigᵃ gᵃhᵃre mᵃsa yegᵃ cahmeaja. Sa ijina mᵃsa ijigᵃ tᵃhoo duaja yᵃhᵃ. ²⁸ Mᵃsare ihña tuhtiyequinare cueracāhña. Mᵃsa sa cueragᵃ ihñañe Cohācjᵃ yequina mᵃsa ijigᵃ masieta tiquina. Sa masiñe pecapᵃ tiquina wahati gᵃhᵃre masieta. Sa ye Cohācjᵃ mᵃsare tiquiro yᵃhdᵃoati gᵃhᵃre masieta. Ohō saha masigᵃ yere Cohācjᵃ masare. ²⁹ Cristore mᵃsa wacᵃ tutuatire Cohācjᵃ cᵃri. Ahri gᵃhᵃre cᵃri. Cristo yere mᵃsa yeri buhiri mᵃsa ñano yᵃhdᵃati gᵃhᵃre cᵃri Cohācjᵃ. ³⁰ Sa ye Cristo yequina mᵃsa ijiri buhiri apequina mᵃsare ñano yere. Mᵃsare tiquina yeriro saha yᵃhᵃ gᵃhᵃre ñano yere tiquina. Mᵃsa mehna yᵃhᵃ ijigᵃ yᵃhᵃre tiquina sa yegᵃ ihñari mᵃsa. Yojopᵃ gᵃhᵃre yᵃhᵃre tiquina sa yegᵃ tᵃhoore mᵃsa. Sa yena mari ihcāno saha ñano yᵃhdᵃaja.

2

Cristo ihyo ijiriquiro sajāno, ijip-ih̄tiyequina pᵃh̄toro ijiatiquiro ijiahye

¹⁻² Cristo mᵃsare quehnoano jeripohna tigᵃ tiquiro yegᵃ, Cristo tiquiro cahñe mehna mᵃsa bucuenta, yᵃhᵃre quehnoano bucueḡᵃ yeya mᵃsa. Sa yena Espᵃritu Santo ijip-ih̄tina mᵃsa mehna tiquiro ijigᵃ apequinare cahña, paja ihñana ijina, yᵃhᵃre quehnoano bucueḡᵃ yeya mᵃsa. Ahrire mᵃsa yegᵃ bucueitja: Ihcāno mehna quehnoano jeripohna tiya mᵃsa. Sa yena mᵃsa basi cahme cahña. Quehnoano mehna ijiducuya. Sa yena ihcāno mehna quehnoano ijiya. ³ Apequinare yᵃhdᵃᵃca dueracāhña. Sa yena sa tᵃhotu cāhña mᵃsa. Sa yena apequinare quehnoano ño peo, ohō saha ni tᵃhotuya: “Tiquina pehe yᵃhᵃ yᵃhdᵃoro quehnoañequina ijire”, ni tᵃhotuya. ⁴ Ihcāquiro apequinare yedoho dueraboaga. Tiquiro yero

saha yeracãhña. Apequina gãhure yedohoya.

⁵ Cristo Jesu apequinare yãhdũdũca dueriquiro tiquiro ijiro saha m̃sa gãhũ apequinare yãhdũdũca dueracãhña. ⁶ Tiquiro pehe Cohãcjũ waro ijieperota “Cohãcjũ mehna ihcãno saha ijigũ wijiasĩ yãhũ”, ni tãhotuerahye tiquiro. ⁷ Sa yero tiquiro Cohãcjũ mehna ihcãno saha tiquiro ijiyere wijia, ohõpũ ahtaromasũnota masa bajoaro tiquiro cahacjũno yero saha iji dũcahye. ⁸ Sa yero tiquiro masũno ihcãno saha pagũ tiriquire ijiro, ihyo ijiriquire waro wahahye. Sa waharo “Curusapũ wejẽña tiquirore”, tiquina nigũ tiquiro yãhdũdũcaerahye. Curusapũ yariatiquiro ijieperota tiquiro yãhdũdũcaerahye. ⁹ Sa yero mari Pacũ ijipihtiyequina tiquina ño peoatiquirore cũahye Jesure. Sa yero ijipihtiyequina apequina pũhtoro sãahye Cohãcjũ tiquirore, ¹⁰ ijipihtiyequina ãhmũse cjẽna, ahri yehpa cjẽna, yariariquina gãhũ Jesu wamene tãhoyequina tiquina dũsepe curi mehna quehe sa, tiquina ño peoato saha. ¹¹ Sa pũhtoro sãahye tiquirore mari Pacũ, “Jesucristo mari pũhtoro ijire”, ijipihtiyequina tiquina niatiquirore. Sa niñe Cohãcjũre mari Pacũre ño peoye nine.

Cristo yequina buhrioro yero saha ijiye, quehnoano masare yahu, masigũ yere

¹² Sa yena yãhũ cahĩna, m̃sa mehna yãhũ ijigũ m̃sa yãhtiducuriro saha, yojopũ yãhũ yoaropũ ijigũ gãhũre panopũ m̃sa yãhtiriro yãhdũoro yãhtiya yãhũre. Sa yena ijipihtina m̃sa quehnoana ijina tana Cristo yedohoro mehna ñañene yeracãhña. Sa yena ño peoye mehna apepero marieno Cohãcjũ yere yeya. ¹³ Cohãcjũ quehnoañe pehere m̃sare cahmegũ yero nine tiquiro cahmeno saha m̃sa yeato saha. Sa yero tire m̃sa yeatire yedohorota Cohãcjũ. Tiquiro sa yedohogũ ti yãhũ nidiro saha yeya m̃sa.

¹⁴ Ijipihtiyere yena tuhtiro marieno, m̃sa basi unureno marieno yeya. ¹⁵ Sa yeya m̃sa ñañe buhiri mariena, ñañene yerarina Cohãcjũ pohna m̃sa ijiatire. Sa yeya m̃sa masa ni mehoñequina, ñañequina watoapũ dojomehnenomarieno m̃sa ijiatosaha. Tiquina ñañequina watoapũ ijina, buhrioro ihña masigũ yero saha quehnoañe buheyere buhena, masigũ yere m̃sa ahri yehpa cjẽnare. ¹⁶ Ti buheyere m̃sa tãho ñehedi bato Cohãcjũ mehna sa ijiducwana wahari m̃sa. Ti buheyere ahri yehpa cjẽna pehere m̃sa sa buhegũ ihñagũ m̃sa mehna bucuetja. Sa yegũ m̃sare yãhũ buherire “Ihyo waro buherari ijii yãhũ”, niitja yãhũ. Sa yegũ Cristo ahri yehpapũ tiquiro tojoa tagũ m̃sa mehna bucuetja. Sa yegũ bũoro yãhdũsi yãhũ. ¹⁷ Cristore m̃sa wacũ tutuagũ Cohãcjũ m̃sa mehna bucuerota. Tiquiro sa bucuegũ masigũ m̃sare Cristo yere yãhũ buheri buhiri yãhũre tiquina wejẽ duepegũta bucuetja. Sa yena mari ijipihtina ihcãno saha bucuenata. ¹⁸ Sata m̃sa gãhũre bucuerdo cahmene yãhũ mehna, came yãhũ sa yariagũ ihñana.

Timoteore, Epafrodito gãhũre yahuahye Pablo

¹⁹ Mari pũhtoro Jesu tiquiro cahmegũ sojaro mehna Timoteore m̃sa cahapũ oho duaja yãhũ m̃sa ijiye tiyere masigũ tãhũ. Sa masigũ bucuetja. ²⁰ Ijirota ijire. Timoteo m̃sa quehnoano ijiatire pajiro tãhoture m̃sare. Apequiro tiquiro yero saha ijiriquire mariedare yãhũ mehna. ²¹ Apequina pehe ijipihtiyequina tiquina cahmeñe dihitare ye duaye, Cristo Jesu tiquiro cahmeñe pehere ye duerare. ²² Timoteo pehe quehnoano yeriquiro tiquiro ijiyere masine m̃sa. Yãhũ macũ yero saha tiquiro yãhũ mehna quehnoañe buheyere yahue tiri. Sa yena usã ihcãno saha Cristo yere buhee tii. ²³ Sa yegũ pũhtoa yãhũre tiquina

dahse yeatire masigu, Timoteore musa cahapu oho duaja. ²⁴ Sa yegu mari puhtoro Jesu yedohoye mehna sojaro mehna yuhu guhu musa cahapu wahaatja.

²⁵⁻²⁶ Yuhure yedoho dutina musa Epafroditore oho yuhu cahapu. Tiquiro yuhu acayuro yuhu mehna dahrariquiro, yuhu mehna cjuño, Cohacju yere buhe tutuariquiro ijire. Tiquiro musare tutuaro wacue tiri. Sa yero tiquiro dohatirire musa tuhogu masino tiquiro pehe pajiro bujua witi tuhaturi. Sa pajiro tiquiro tuhotugu ihnagu “Tiquirore musa cahapu oho majare tojoro cahmene yuhure”, ni tuhotuaja yuhu yojopure. ²⁷ Potota ijire. Tiquiro tutuaro dohatiri. Meheni yariabo cure yuhduri. Tiquiro sa tutuaro dohatiepeguta Cohacju tiquirore paja ihnano, yuhdugu yeri. Tiquiro yariagu yuhu pehe tutuaro bujua witiboya. Sa yero Cohacju yuhu guhure paja ihnari tiquirore yuhdugu yero. ²⁸ Sa yegu yojopu puritare sojaro mehna tiquirore musa cahapu oho duaja pari turi musa tiquirore ihna, musa jeri sajano quehnoano. Musa sa bucuegu ihnagu yuhu guhu bucueitja. ²⁹ Sa yena tiquirore Epafroditore mari puhtoro yaquirore mari acayurore quehnoano bucueye mehna piti caya. Sa yena apequinare tiquiro yero saha ijiyequinare no peoya. ³⁰ Tiquiro Cristo yere yedohomehno yariamedi. Musa pehe yuhu cahapu ijieragu, yuhure yedoho masiedagu tiquiro pehe yuhure yedohomedi. Sa yero yariamedi tiquiro.

3

Quehnoano yeye warore yahuahye Pablo

¹ Yojopu puritare ahrire yahutja. Mari puhtoro yequina ijina bucueya. Ahri buheyere to pano yuhu yahurire pari turi musare ni ojoagu bucueaja yuhu. Sa yegu musare ahrire yahugu yedohogu niaja musare. ² Quehnoano yeya musa. Nane

yeducuyequina, diayea yero saha ijiyequina nanequina cuhnucunu cahserogare yuhre ne dutiye, musa pagurire yuhre ne duare. Quehnoano yeya musa, “Sa ye dutiyequina sijoro saha ni buheari”, nina. ³ Tiquina cuhnucunu cahserogare yuhre nepeta Cohacju dutiyere quehnoano yerare. Mari pehe potota Cohacju dutiyere quehnoano yena ijiaja mari. Espiritu Santo tiquiro yedohoye mehna Cohacjüre no peoja mari. Sa yena Jesu yequina mari ijiyere bucueye mehna apequinare mari yahuaaja. “Usa esa tuharo Cohacju dutiyere ye peho masiaja”, ne ni tuhotueraja. ⁴ Sa ni tuhotuerapeguta “Tiquinare doca cu cja”, tiquina yero saha nidigu ijigu sa tjiboa yuhu guhu. Apequiro ohõ saha ni yuhdudaca duare. Yuhu pehe tiquiro yuhdudoro sa niboaga yuhu.

⁵ Ohõ saha yerigu ijimi yuhu: Ocho decori yuhu masa bajuari bato cuhnucunu cahserogare yuhre nedi jiri yuhure. Israe masu ijigu Benjami ya curua cju ijiaja yuhu. Yuhu pacusumua hebreo masa tiquina ijigu potota hebreo masu warota masa baju. Cohacju dutiyere potota peho duagu fariseo curua mehna sajami yuhu. ⁶ “Cohacju ye ijiri”, nigu quehnoano yemi. Sa yegu Jesu yequina pehere nano yee timi yuhu. Potota Cohacju dutiyere yegu tire yuhduducaro marieno ye pehou.

⁷ Panopure “Ti quehnoane ijiri”, ni tuhotumi. “Ti yuhu sa ni tuhaturi panopu yuhu ijie tiri dahseati ijierari”, ni tuhotuaja yojopure. Sa ni tuhotu ducan yuhu Cristore wacu tutuagu tuh. ⁸ Cristo Jesu yuhu puhtoro yuhu masigu purita quehnoa yuhdudare. Sa yegu apeye pehere masa “Quehnoane ijire”, tiquina nidire “Ti ijipihtiyeh dahseati ijierari”, ni tuhotuaja yuhu. Tire ijipihtiyere duhu cuhu Cristo ye pehere yegu tuh. Sa yegu tire yuhu cohurire “Nane waro ijire”, ni tuhottu Cristore quehnoano masigu tuh, tiquiro mehna cju ijigu tuh. ⁹ Sa

yero yuh̄u esa tuh̄aro quehnoano yuh̄u yeri wapa “Quehnoagu ijire”, ni ih̄nedare Coh̄ãcjũ yuh̄are. Sa yero Coh̄ãcjũ dutiye Moiserere tiquiro cūrire yuh̄u yeri wapa ḡuh̄are “Quehnoagu ijire”, ni ih̄ñare. Cristore yuh̄u wacũ tutuari bato “Quehnoagu ijire”, ni ih̄ñare tiquiro yuh̄are. Coh̄ãcjũ pehe marine buhiri mariena ijigũ yere, tiquirore mari wacũ tutuagũ.

¹⁰ Sa yegu to pano yuh̄u ni t̄hotu m̄htamedire duhu cjã Cristore quehnoano masigu t̄h̄u. Coh̄ãcjũ tutuaye mehna Cristo masa m̄jahye. Ti tutuaye mehna iji duaja. Sa yegu ti tutuaye mehna quehnoañene ye duaja. Cristo curusapu yariahye mari ñañe yerire coh̄ano taro. Sa yegu tiquiro yere yuh̄u yeri buhiri tiquiro yero saha ñano yuh̄du duaja yuh̄u ḡuh̄u. ¹¹ Sa yegu Cristo tiquiro masa m̄jariro sahata masa m̄jacju ijiitja yuh̄u ḡuh̄u.

¹² Ahri ijipih̄tiyere sa niḡu, “Cristo yero saha ñañe marieḡu ijiaja”, ni t̄hotueraja. Yuh̄u sa ni t̄hotuerapeḡuta Cristo tiquiro yaquiro ijigũ ye tuhasari yuh̄are. Sa yegu tiquiro yere tiquiro ḡuh̄are quehnoano masi duagu tutuaro mehna tiquiro yere yeaja yuh̄u.

¹³ Yuh̄u acaye, “Tiquirore quehnoano masi peho tuhasaja”, ni t̄hotueraja. Sa ni t̄hotuerapeḡuta ahri p̄ritare yeaja: ¹⁴ Omaperiquiro tiquiro wapata duariro saha tutuaro yeaja yuh̄u, yuh̄u wapatarire yuh̄u ñeheatu saha. Cristo yaquiro yuh̄u ijigũ ih̄ñano Coh̄ãcjũ ti yuh̄u wapatarire yuh̄are ohoro taro ah̄m̄sep̄u pijiori yuh̄are.

¹⁵ Oh̄o saha yuh̄u t̄hoturiro sahata t̄hotuya m̄sa ḡuh̄u Cristore quehnoano masina. Sa yero ahri m̄sare yuh̄u yahurire m̄sa t̄ho dueragũ, sijoro saha m̄sa t̄hotugũ Coh̄ãcjũ m̄sare quehnoano masigũ yerota. ¹⁶ Sa yena tiquiro yere mari masidire quehnoano ye sohtori ti ih̄na.

¹⁷ Yuh̄u acaye, m̄sa ijipih̄tina yuh̄are ih̄ña cũña. Sa yena apequina us̄a yero saha yeyequinare

quehnoano ih̄ña diho cũña m̄sa tiquinare m̄sa ih̄ña cũato saha.

¹⁸ Peye tahari apequina tiquina ijiye tiyere yahuu yuh̄u m̄sare. Yojop̄u ḡuh̄are tutuaro buj̄ua witigu tiquinareta yahuaja m̄sare. Tiquina Cristo curusapu tiquiro yariari buheyere ih̄ña yabiyequina ijire.

¹⁹ Tiquina pecapu wahatiquina ijire. Tiquina ñañe tutuaro cahmeñe pehere tutuaro ye duare tiquina. Sa ye tiquina bu t̄boyere yeye, tire quehnoañe yero saha t̄hoture tiquina. Ahri yehpa cjẽ dihitare quehnoano t̄hoture tiquina.

²⁰ Mari pehere mari ya maca ah̄m̄sep̄u ijire. Sa yero top̄uta marine yuh̄duatiquiro, mari p̄htoro Jesucristo ahtarota. Sa yena tiquiro ahtatire cohtena niaja mari.

²¹ Tiquiro ahtarota mari pagurire pejec̄oye pagurire sijoro saha ijiye paguri dihita comesarota tiquiro. Sa yero tiquiro ya pagu yero saha quehnoari pagure asi siteri pagure ohorota marine tiquiro tutuaye mehna.

Ijipih̄tiyequina p̄htoro sajãri tiquiro, tiquiro tutuaye mehna. Sa yero ijipih̄tiye up̄aro ijire tiquiro ti tutuaye mehna.

4

Decoripe mari p̄htoro mehna bucueya

¹ Sa yena yuh̄u acaye, yuh̄u cah̄na, tutuaro yuh̄u wacũna, yuh̄are bucuegũ yena, yuh̄u buhegũ quehnoano t̄horina, panop̄u m̄sa wacũ tutuaro saha mari p̄htorore tutuaro wacũ tutuaya m̄sa.

² Ahrire yahutja m̄sare Evodiare, Síntique ḡuh̄are: Jesu yequina numia ijire m̄sa. Sa yena cahme d̄se tutuaro marieno quehnoano mehna ijiducuya m̄sa.

³ M̄h̄u pehe potota yuh̄u mehna cjũ warota ijire. M̄h̄u ḡuh̄are yahutja: Tiquina numia yuh̄u mehna, Clemente mehna, apequina yuh̄u piti tiyequina mehna dahrari quehnoañe buheyere us̄a buhegũ. Coh̄ãcjũ tiquinare ijipih̄tiyequina wamene oja oh̄ahye tiquiro ya

tjupɤ. Ijipihtiye decori catiyere tiquiro ohoriquina wamene tiquiro ojoa ohōri tjupɤ ojoa ohōahye. Sa yegɤ tiquina numiare bosaya mɤhɤ.

⁴ Decoripe mari pɤhtoro mehna bucueya. Pari turita yahutja: Bucueya. ⁵ Quehnoano yeya ijipihtiyequinare. Mari pɤhtoro Cristo ahtato mehenogã dɤhsare.

⁶ Ne bɤjɤa witi tɤhotueracãhña. Cohãcjɤre quehnoano yahu pehoya. Sa yena tiquirore siniña. Sa yena mɤsa sinidire tiquiro yɤhtigũ ihñana “Quehnoare”, niña tiquirore. ⁷ Mɤsa sa yegũ quehnoano ijigũ yerota mɤsare Cohãcjɤ. Tiquiro sa yegũ quehnoa yɤhdɤare. Ahri mari quehnoano ijiye quehnoa yɤhdɤare. Sa yero Cristo Jesu yequina mari ijigũ marine quehnoano ijigũ yero, Cohãcjɤ marine quehnoano jeripohna tigũ yerota. Sa yero bɤjɤa witi tɤhotueragũ yerota marine.

Quehnoañene tɤhotuya

⁸ Ahrire yahu bato tigɤ tɤhɤ niaja mɤsare, yɤhɤ acaye. Queoro ijiyere, masa tiquina ño peoyere, quehnoano yeyere, ñañe marieñene, bucueyere, masa “Quehnoañe ijire”, tiquina niñene tɤhotuya mɤsa. Quehnoa yɤhdɤaye ijigũ tireta tɤhotuya. Masa quehnoañene ihñañe tiquina bucueye pehere mɤsa gũhɤ bucue tɤhotuya.

⁹ Mɤsare yɤhɤ buheriro sahata sa yeducuya mɤsa. Sa yena yɤhɤre ihña cũña mɤsa. Mɤsa sa yegũ Cohãcjɤ mɤsare quehnoano ijigũ yeriquiro mɤsa mehna ijirota.

Filipo cjɛna Pablora tiquina ohorire yahuahye tiquiro

¹⁰ Yojopɤ pũrita yoari pje bato mɤsa pari turi yɤhɤre wacũna, mɤsa yedohoyere bucueaja. Sa bucuegɤ mari pɤhtoro Cristore “Quehnoare”, niaja. “Yɤhɤre boaa wahari mɤsa”, niedaja yɤhɤ. Panopɤre yɤhɤre yedoho duepenata yedoho masiedari mɤsa.

¹¹ Yɤhɤre mɤsa yedohorire yahugɤ yɤhɤre dɤhsarire mɤsare yahuu tɤhɤ niedaja. Mɤsare apee borore

cahmegɤ sa nigɤ niedaja. Yɤhɤ cɤoye mehna iji masiaja yɤhɤ. ¹² Apee boro cɤoeragɤ gũhɤ quehnoano iji masiaja yɤhɤ. Sa yegɤ pajiro cɤogɤ gũhɤ quehnoano iji masiaja. Decoripe ɤjɤa ahbagɤ gũhɤ dɤcapoa wahaja. Yapigɤ ijigɤ gũhɤ ijipoa wahaja. Pajiro cɤogɤ gũhɤ ijipoa wahaja. Yɤhɤre apee boro mariedagũ gũhɤre ijipoa wahaja. ¹³ Cristo yɤhɤre tutuagũ yeriquiro mehna ijipihtiye Cohãcjɤ cahmeñene ye masi pehoaja yɤhɤ. ¹⁴ Yɤhɤ sa ijiporigɤ yɤhɤ ijiepegũta yɤhɤ ñano yɤhdɤagũ mɤsa yedohona yɤhɤre quehnoano yeri mɤsa.

¹⁵ Quehnoañe buheyere yɤhɤ buhe dɤcagũ Macedonia yehpapɤ mɤsa ya yehpapɤ ijirigɤ yɤhɤ wahagũ mɤsa dihita yɤhɤre yedohori. Sa yedohona, mɤsare yɤhɤ buheri wapa mɤsa wapa yero saha yena nidi mɤsa. ¹⁶ Sa yena Tesalónicapɤ yɤhɤ ijiri watoa yɤhɤre yedohona, ihquẽ tahari ohori mɤsa. ¹⁷ Apee borore sinigɤ sa nigɤ niedaja. Apequinare mɤsa yedohogũ Cohãcjɤ mɤsare quehnoano yerota. Tiquirore mɤsa yedohori wapa Cohãcjɤ mɤsare tiquiro quehnoano yegũ cahmeaja yɤhɤ. Sa yegɤ yɤhɤre mɤsa yedohorire wacũgũ yeaja mɤsare. ¹⁸ Yojopɤre yɤhɤre quehnoano oho pehori mɤsa. Yɤhɤ cahmedi yɤhdɤoro ohori mɤsa yɤhɤre. Yɤhɤre Epafrdito mehna mɤsa ohori bato apee boro ne dɤhsaerare yɤhɤre. Cohãcjɤ wɤhɤpɤ ehme sitiye bue mɤo, Cohãcjɤre tiquina quehnoano bucuegũ yeriro saha yɤhɤre mɤsa ohori gũhɤ Cohãcjɤre quehnoano bucuegũ yeri. ¹⁹ Mɤsa Cristore wacũ tutuare. Sa yero ijipihtiye mɤsare dɤhsarire ohorota mari Pacɤ mɤsare, quehnoa yɤhdɤaye tiquiro cɤoyere. ²⁰ Ijipihtiye decori mari Pacɤre Cohãcjɤre ño peouhna. Sata yeihna.

Pablo quehnoa dutiahye

²¹ Ijipihtiyequina quehnoañequina Jesucristo yequina quehnoahdo. Mari acaye gũhɤ Jesu yequina yɤhɤ mehna cjɛna mɤsare quehnoa

duitire. ²² Ijipihtiyequina ohō
cjēna quehnoañequina Jesu yequina
quehnoa duitire. Roma cjēna p̄h̄toro
ya w̄h̄h̄ cjēna p̄rita tutuaro quehnoa
duitire.

²³ Mari p̄h̄toro Jesucristo cahĩne
mehna quehnoano ijiya.

Colosenses

Colosa cjēnare ojoa ohoahye Pablo gāh

1-2 Yuh Pablo mari acayaro Timoteo mehna musare Colosa cjānare quehnoa dutiaja usā. Yuh Jesucristo yere buhe dutiro tiquiro cūrigū ijiaja. Cohācjū cahmeno sahata Jesu yahure tiquiro yere buheacjūre cūri. Sa yegū musare usā acaye Cristore wacū tutuaducunare ojoa ohoaja yuh. Sa yena Cohācjū mari Pacu mehna musare quehnoa dutiaja. Sa yena tiquiro mehna quehnoano ijiya musa.

Jesu yequinare Pablo sini basahye Cohācjūre

3-8 Musa ye ijiatire Cohācjūre sini basana “Quehnoare”, sa niducuaaja usā. Tiquiro pehe mari puhtoro Jesucristo Pacuro ijire. Ijipihtiye decori uhmusepu musare ijigū yerota Cristo pehe. Tiquiro sa yeatiquiro ijigū tire musa sa cohteducu wame tire. Cristo Jesure wacū tutua wame tire musa. Sa yena tiquiro yequinare cahī wame tire musa. Musa sa iji wame tigū Cohācjū mehna bucue, tiquirore “Quehnoare”, niaja usā. Ijipihtiropure Jesu yequina poto ijiye buheyere quehnoañe buheyere tiquina yahugū tūhoye masa quehnoañe pehere came-sare. Ahrireta musa gāhare Epafra quehnoañe buheyere yahuri jiri. Tiquiro usā tutuaro cahīniquiro usā mehna Cristore dahra cohteriquiro ijire. Sa yero Cristo yere ne duhuerare tiquiro. Musare tiquiro sa yahugū tūhona, duita quehnoano ye wame tire musa. Sa yena Cohācjū musare tiquiro cahīñene poto masina, duita quehnoano ye wame tire musa. Musa sa yerire Epafra yahuri usāre. Espiritu Santo yedohoye mehna Jesu yequinare musa cahīñene yahuri tiquiro usāre. Tiquiro sa yahugū tūhona “Quehnoare”, niaja usā Cohācjūre.

9 Sa yena musare tūhona musare duita sa sini basaducuaaja usā Cohācjūre. Cohācjū cahmeñene musa masi pehoatire tiquirore sini basaja usā. Tiquiro yere quehnoano masina musa ijiatire sini basaja usā. 10 Sa sini basaja usā mari puhtoro Cristo cahmeno sahata quehnoano musa yeatire. Musa sa yegū ihñano tiquiro bucuero. Sa yena ijipihtiye quehnoañene musa yeatire sini basaja. Cohācjūre musa masi nemoatire sini basaja. 11 Ahri yuh yahuati gāhare sini basaja usā. Cohācjū tutuaye mehna musa tutuatire musare sini basaja. Sa sini basaja ñano yuhdūepenata musa ihcāno sahatire. Ñano yuhdūepenata musa sa tūhotu cātire, musa bucuere mehna musa sa ijiducuaati gāhare sini basaja. 12 Cohācjū tiquiro yequina ijianare marine yere. Sa yero tiquiro ohoyere cuoanajare yere marine tiquiro. Tiquiro ijiropu buhrioropu marine ohorota tiquiro. Tiquiro sa yegū ihñana tiquirore musa “Quehnoare”, niatire sini basaja usā musare.

13 Tiquirota marine pecapu wahaborinare yuhdugū yere. Panopure ti ñañene ye duhu masiedami mari. Ñariquiro pehe marine dutiriquiro ijinimedi. Cohācjū pehe marine pecapu wahaborinare yuhdugū yeri. Macunore tiquiro cahīniquirore puhtoro sōno uhmusepu marine ijigū yere. Sa yena tiquiro macuno mehna ijinata. 14 Tiquiro macuno mehna marine yuhdūore Cohācjū. Tiquiro macuno yariari mehna mari ñañe yerire bori Cohācjū.

Masa Cohācjū mehna tiquina cahme ihña tuhtigū ihñano Cristo bosahye

15 Mari Pacure ihñamehnedare. Tiquiro macuno pehe tiquiro Pacuro ijiye tiyere ihñore masare. Tiquiro macuno ijipihtiyequina pano, ijipihtiye pano iji tuhasari jiri. Sa yero puhtoro ijire tiquiro. 16 Mari Pacu tiquiro dutigū tiquiro macuno

pehe tiquiro Pacuro mehna ijip-
ihtiyequinare, ijipihtiyere ba-
jumehneahye. Æhmusepæ ijiyere,
ahri yehpapæ ijiye gũhare ba-
jumehneahye. Mari ihñarire, mari
ihñedari gũhare bajumehneahye.
Æhmuse cjēna pũtoare, dutiye-
quinare ijipihtiyequinare ba-
jumehneahye. Tiquiro ijipihtiy-
quina gũhare ijipihtiyere gũhare ba-
jumehneahye. Sa yeye ijipihtiy-
quina tiquiro yequina ijiatiquina
ijimahye. Ijipihtiyere gũhæ tiquiro ye
ijiatu ijimahye. ¹⁷ Ijipihtiyequina
pano, ijipihtiyere pano Cristo iji
tuhasahye. Sa ye tiquiro tutuaye
mehna ijipihtiyere gũhæ, ijipihtiy-
quina gũhæ yojopære ijiye nine.

¹⁸ Mari tiquiro yequina ijipihina
tiquiro pagæ yero saha tiquiro ya
curua cjāna ijiaja. Sa yero tiquiro
mari dapu ijire. Tiquiro yariaro
masa mæja mũhtariquiro ijire ijip-
ihtiyequina pũtoro, ijipihtiyere
cũoriquiro ijiro taro. ¹⁹ Cristo ihcāno
sahata ijire mari Pacæ tiquiro ijiro
sahata. Tiquiro sa ijigũta cahmeahye
mari Pacæ pehe. ²⁰ Ijipihtiyequina
masa tiquiro Pacurore cahme ihña
tuhtie tiahye. Sa tiquina cahme
ihña tuhtigũ ihñano Cristo bosa
duahye. Æhmuse cjēnare, ahri yehpa
cjēna gũhare tiquiro Pacurore ihña
tuhtieragũ ye duahye Cristo. Sa
yero æhmuse cjē, ahri yehpa cjē gũhæ
quehnoano ijigũ cahmeahye tiquiro.
Sa bosa duahye tiquiro curusapæ
yariaro, tiquiro diire cohāno. Tiquiro
Pacuro cahmediro sahata yeahye
Cristo.

²¹ Mæsa gũhare sata yeri tiquiro.
Tiquiro Pacurore ihña tuhtina tiquiro
mehna cjāna ijieramahye mæsa
gũhæ. Ñañene yeri jimedi mæsa.
²² Tiquiro yariari mehna tiquiro
Pacurore mæsa ihña tuhtieragũ yeri
tiquiro. Sa yeri tiquiro quehnoana,
ñañe mariena, buhiri mariena
mæsa ijigũ yero taro. Mæsa sa
ijigũ mæsa sa buhiri marienapære
tiquiro Pacurore ohorota. ²³ Sata
ohorota, mæsa tiquirore wacũ tutua-

ducugũ. Sa yerota tiquiro quehnoañe
buheyere mæsa tũhorire mæsa
boeragũ. Ti buheyere quehnoañe
buheyere ijipihtiyequina ahri yeh-
papære ijiyequina tũhori jire. Sa
yegæ yũhæ gũhæ Pablo ti buheyereta
yahugata ijiaja.

Jesu yequinare yedohoriquiro ijiro, bucueahye Pablo

²⁴ Cristo mari ñano yeri buhirire
ñano yũhdæahye. Sa yegæ yũhæ gũhæ
mæsa yũhæ buheri buhiri ñano
yũhdægæ bucueaja. Sa ñano yũhdægæ
Cristo marine tiquiro cũrire ye so-
hori tigu niaja. Sa yegæ bucueaja.
Cristo yere mari yeri buhiri mari
ñano yũhdæ nemoati dæhsarĩne. Sa
yegæ tiquirore mæsa wacũ tutuatire
ñano yũhdægæ bucueaja yũhæ. Tiquiro
pagæ yero saha ijina tiquiro ya
curua cjāna ijire mæsa. ²⁵ Jesu
yequinare yedohoacjære cũri Cohãcjæ
yũhare. Mæsa ye ijiatire yedo-
hoacjære yũhare cũri tiquiro. Tiquiro
yere masare yahu pehoacjære cũri
yũhare. ²⁶ Tiquiro yere peye cahmari
panopæ cjēnare yahu pehoera tiahye
mari Pacæ. Yojopæ cjēnare tiquiro
yequinare tire quehnoano yahu
peho cãhre. ²⁷ “Judio masa ijieye-
quinare yũhæ buhegũ yee buheye
quehnoa yũhdæare”, ni tiquiro
yequinare tire yahuri. Panopæ
tiquiro yahuerarire yojopæ yahuri.
Ohõ saha ijire tiquiro ye: Cristo
tiquiro yequina mehna ijire. Tiquiro
sa ijigũ tiquiro yequina æhmusepæ
quehnoa yũhdæaropæ ijietta. Ti ijire
panopæ tiquina masiedari mari Pacæ
ye.

²⁸ Cristoreta yahuaja. Ijipihtiy-
equinare cuesãgæ tiquinare buheaja
yũhæ. Quehnoano masiñe mehna
buheaja yũhæ quehnoano Cristore
masare masigũ yegæ tagæ. Sa buheaja
yũhæ tiquiro yere tiquina quehnoano
yeyequina ijigũ yegæ tagæ. ²⁹ Ahri ijire
yũhæ dahraye. Mari Pacæ tiquiro ye
tutuaye mehna yũhare tiquiro ohori
tutuaye mehna tutuaro dahraja yũhæ,
tiquiro yere buhegæ.

2

¹ Ahrire m_{usa} masigū cahmeaja. M_{usa} ye ijiatire, Laodicea cjēna ye ijiatire, ijipihtiyequina apequina ye ijiati gāhure tutuaro dahraja y_{uh}. Ijipihina m_{usa} y_{uh}re ihñena ye ijiati gāhure tutuaro dahraja y_{uh}. ² Sa dahraja y_{uh} m_{usa} quehnoano jeripohna tiatire. M_{usa} mehna cjēnare m_{usa} cahme cahīati gāhure sa dahraja y_{uh}. Cohācjū ye panop_u tiquiro yahuerari Cristore masigū yeye ijire. Tiquiro yere masina tiquirore wacū tutuare m_{usa}. Tiquirore m_{usa} quehnoano masiatire, tiquiro mehna m_{usa} quehnoano ijiatire tutuaro yedo-hoaja m_{us}are. ³ Apequina tiquina masiedarire Cristo dihita quehnoano masi peho cāhre. Sa yero quehnoano masiniquiro ijire tiquiro. ⁴ Ahrire niaja m_{us}are “Apequina m_{us}are sijoro saha tūho coaye buheye mehna ni mehoari”, nig_u. ⁵ Y_{uh} m_{usa} watoa ijierapeg_uta y_{uh} wacūno mehna m_{usa} watoa ijig_u yero saha tūhotuaja. Sa yeg_u Cristore m_{usa} quehnoano wacū tutuaducurire, m_{usa} quehnoano yeri gāhure masigū bucueaja y_{uh}.

⁶ Sa yena Cristore m_{usa} wacū tutua d_ucariro sahata sata tiquirore wacū tutuaye mehna decoripe quehnoano ijiducuya. ⁷ Tiquirore quehnoano masina ijiya m_{usa}. Sa yena decoripe tiquirore masi nemoña panop_u m_{us}are apequina tiquina buheriro sahata. Sa yena Cristore bucue, “Quehnoare”, niducuna ijiya m_{usa}.

Cristo yequina ijina, quehnoañe pehere cahmeaja mari

⁸⁻¹⁰ Quehnoano yeya m_{usa}. Masa tiquina esa tuharo tiquina buheye tiquina ni mehoñene tūhoeracāhña. Tiquina panop_u cjēna tiquina esa tuharo niñene buhere. Tiquina sa niñe d_uhseati ijierare. H_muse cjēna p_uhtoa yere, watīa ye gāhure sa buhe maca cāhre. Cristo ye pehere buherare. Cristo mari Pac_u ijiro sahata ijiriquiro ijiro, Cohācjū warota ijirota

nine. Tiquiro yequina ijina Cohācjū mehna quehnoano ijiaja mari. Tiquirota ijipihtiyequina p_uhtoa bui, angele p_uhtoa bui gāhure p_uhtoro ijire. Tire masina ni mehoñene buheyequinare tūhoeracāhña. ¹¹ Sa yena Cristo yequina ijina cuhnucun_u cahserogāre y_{uh}re nediquina yero saha ijire m_{usa}. Ti cahserogāre tiquina y_{uh}re ne cohāriro sahata Cristo m_{usa} ñañene tutuaro cahmeñene cohāri. ¹² Tiquiro yequina ijina wame yenohrina wahari jiri m_{usa}. Tiquiro wame yenohrina wahana ohō saha ni ihñona nidi jiri m_{usa}: Panop_u cjē m_{usa} ñañe yerire m_{usa} duhurire ihñona nidi jiri m_{usa}. Ti m_{usa} ñañe yerire m_{usa} ya cūboro saha tire duhuri jiri m_{usa}. Cristo masa m_ujano quehnoanop_u wahahye. Tiquiro sa wahariro sahata Cohācjūre wacū tutuana “Tiquiro tutuariquiro ijire”, nina, quehnoañe pehere comesari jiri m_{usa}. Tiquiro Cohācjū pehe Cristore masoriquiro ijire. Tiquiro wame yenohrina ijina quehnoañe pehere m_{usa} comesarire ihñona niaga m_{usa}.

¹³ Panop_ure m_{usa} ñana m_{usa} ijiri buhiri pecap_u wahaborina ijimahye m_{usa}. Sa wahaborina ijimahye m_{usa} Cohācjū yequina ijierana. Tiquiro dutiye mariena ijimahye m_{usa}. Yojop_ure mari Pac_u marine tiquiro mehna sa ijiducuanare yeri. Cristo tiquiro yariari mehna sa yeri tiquiro marine. Sa yero ijipihina mari ñañe yerire bo cāhri jiri tiquiro. ¹⁴ Cohācjū tiquiro dutiyere y_uhd_ud_ucana mari ijiepeg_uta tiquiro marine buhiri ti dutierari jiri. Ti dutiye marine buhiri dahre dutiepeg_uta ti dutiyere sa ihña cāhno, marine buhiri ti dutierari jiri. Cristo curusap_u tiquiro yariari mehna Cohācjū pehe mari ñañe buhirire cohā cāhre. ¹⁵ Masa tiquina ihñonop_u watīa p_uhtoare Cohācjū y_uhd_ud_ucahye. Ihyo ijieyequina tojoa cāhye tiquina pehe. Sa yero tiquinare buoro wahagū yeahye. Curusap_u yariaro Cristo ñañequina p_uhtoare y_uhd_ud_ucahye.

Cristo yequina mari ijiato panore ñañene yemi mari

⁵ Sa ye ñañene ye duhu cãhña m̄sa: Omoca d̄uhterina ḡh̄u, d̄uhterarina ḡh̄u w̄uana tiyere, ña ȳhd̄uaro yeyere, apequiro namonore tutuaro cahmeñene, apecoro man̄nore tutuaro cahmeñene, ñañene tutuaro cahmeñene duhu cãhña m̄sa. Apee borore tutuaro cahmedacãhña. Apee borore tutuaro cahmena “Cohãcjũ ijire”, tiquina niñe queoyere mari cahmeno sahata yena niaja mari tire. Doeri cjẽne ño peoyequina yero saha yena niaga m̄sa. ⁶ Ti ñañene yeyequina Cohãcjũre ȳhd̄ud̄ucayequina ijire. Tiquina sa ye ȳhd̄ud̄ucagũ ihñano tiquinare buhiri dahrerota. ⁷ Panop̄ure m̄sa pehe ti ñañene yena ijina tiquina mehna ijinina ijimahye m̄sa.

⁸ Sa ijimedina ijiepenata yojop̄ure ahri ñañene duhu peho cãhña m̄sa: Usuayere, apequinare ñano ni t̄hotuyere, apequinare ñano quitidahreyere, ñano yahuducuyere tire ijipihtiyere duhu cãhña. ⁹⁻¹⁰ M̄sa pehe Jesu yequina wahana ti ñañe yeyere duhu tuhasari jiri. Sa yena quehnoañe pehere comesarina ijire m̄sa. M̄sare quehnoañe pehere cahmegũ yero nine Cohãcjũ tiquiro yero saha m̄sa ijiato saha. Sa yere tiquiro quehnoano tiquirore m̄sa masiato saha. Sa yena m̄sa mehna cjẽnare ni mehoedacãhña. ¹¹ Cristo yequina ijina judio masa, judio masa ijiena ḡh̄u ihcãno saha ijire m̄sa, Cohãcjũ ihñagũ. Cuhnucun̄ cahserogãre ȳhre nediquina, ȳhre nedariquina ḡh̄u Cristo yequina ijie ihcãno saha ijire, Cohãcjũ ihñagũ. Ape yehpa cjẽna, m̄sa masieñequina, m̄sa ya yehpa cjẽna ḡh̄u Cristo yequina ijie ihcãno saha ijire, Cohãcjũ ihñagũ. Dahra cohteyequina, dahra cohteyequina ijieyequina ḡh̄u Cristo yequina ijie ihcãno saha ijire, Cohãcjũ ihñagũ. Jesu ijipihtiyequina tiquiro yequina mehna ijire. Ihyo ijiriquire ijierare, tiquiro yequina ihñagũ.

¹²⁻¹³ Sa ye Cohãcjũ beserina, quehnoana, tiquiro cahña ijina ohõ saha ijiya m̄sa: Apequinare paja ihñana, apequinare quehnoano yena, apequinare quehnoano mehna yena, “Apequinare masi ȳhd̄ud̄ucaja”, niena, m̄sare tiquina ñano yepegũta sa t̄hotu cãna ijiya m̄sa. M̄sa mehna cjẽna mehna usuana, tiquinare quitidahrena, m̄sa basi usua duhuya. Mari p̄htoro m̄sa ñañe yerire bori. Sa tiquiro boriro sahata m̄sa ḡh̄u m̄sa mehna cjẽna m̄sare tiquina ñañe yerire boya. ¹⁴ Ahri dutiye ȳhd̄uoro ohõ saha ni dutiaja m̄sare: Apequinare cahña. M̄sa sa yena quehnoano ijipihtiyequina mehna ihcãno mehna ijinata. ¹⁵ Cristo marine quehnoano ijigũ yere unureno marieno mari ijiato saha. Tiquiro sa yegũ quehnoano ijiya m̄sa basi. Sa yeatinare tiquiro yequina ijiatinare c̄ahye mari Pac̄ m̄sare. Sa yena Cristo paḡu yero saha ihcã curuata ijire m̄sa. Sa ye Cohãcjũre “Quehnoare”, ni bucuena ijiya m̄sa.

¹⁶ Cristo ye buheyere quehnoano wac̄ducuya m̄sa. Quehnoano masi buheya tiquiro yere. Cua pesaro mehna tire yahuya. Sa yena Salmore Cohãcjũ yere basayere, apeye tiquirore ño peo basayere tiquirore basa peoya. Quehnoano wacũ ño peoye mehna basa peoya. Sa basana tiquiro yere quehnoano wacũña m̄sa. Sa yena Cohãcjũre “Quehnoare”, ni bucuena ijiya m̄sa. ¹⁷ Ijipihtiyere d̄h̄se ijiyere m̄sa yeyere quehnoano jeripohna ti yeya, mari p̄htoro Jesu tiquiro bucueato saha. Cristore ño peore m̄sa. Sa yena tiquirore ño peoye mehna quehnoañe dihitare yahuducuya. Sa yena Cristo yedohoye mehna Cohãcjũ mari Pac̄re sinina “Quehnoare”, ni bucueya tiquirore.

Jesu yequinare ihcãno mehna iji dutiye ohõ saha ijire

¹⁸ M̄sa man̄ tina numia, m̄sa man̄sm̄are quehnoano yahtiya

musa. Sata yero cahmene musare mari puhtoro Cristo yequina numia ijina.

¹⁹ Musa namo tina, musa namosãnumiare cahña. Sa yena tiquina numiare tuhtieracãhña.

²⁰ Musa tiquina pohna gãhu, musa pacusumhare yuhducacacãhña. Musa sa yegũ ihñano mari puhtoro quehnoano bucuere.

²¹ Musa tiquina pacusumha gãhu musa pohmare sa tuhtiducueracãhña “Bujua witigũ yeari”, nina.

²² Cahacjãna, musa puhtoare ahri yehpa cjẽnare quehnoano yuhtiducuya. Tiquinare bucue dutina tiquina ihñonopu dihitare yuhtina ijieracãhña. Tiquina mariedagũ gãhure yuhtiya. Mari puhtoro Cristore cua pesaro mehna musa ihñano sahata quehnoano mehna yuhtiya musa puhtoa gãhare.

²³ Potota Cristo yequina ijina quehnoano yuhtire musa tiquirore. Sa yena musa puhtoare ahri yehpa cjẽnare yuhtina, Cristore musa yuhtiro saha yuhtinata nine musa. Sa yena musa puhtoa tiquina dutiro sahata tutuaro mehna dahraya, Cristo ye dutiye ti ijiboriro saha.

²⁴ Musa sa yegũ Cristo musare quehnoano yerota. “Musare ohoutja”, tiquiro niñene musare ohorota mari puhtoro. Tire masine musa. Mari puhtoro Cristo cahacjãna ijire musa. Sa yero tiquiro pehe musa puhtoro waro ijire. ²⁵ Tiquina puhtoare yuhducayequinare buhiri dahrerota mari puhtoro pehe. Sa yuhducayequinare ihcãquiro dũhsaro marieno ihcãno saha buhiri dahrerota tiquiro.

4

¹ Musa puhtoa pehe, musa cahacjẽnare poto queoro quehnoano yeya tiquinare. Musa gãhu puhtorore cõore. Musa puhtoro musa cõoriquiro pehe uhmuse cjẽno ijire. ² Decoripe Cohãcjũre siniña musa. Quehnoano wacũ tuhotu siniña. Sa yena “Quehnoare”, niña mari Pacure.

³⁻⁴ Usã ye ijiati pehere sini basaya tja. Cristo yere apequina panopu tiquina masiedarire buhena niaja usã. Tiquinare usã quehnoano masigũ yeati pehere sini basaya mari Pacure. Cristo yere yuhu buheri buhiri yuhu yojopure peresupu ijiaja. Sa yegu musa sa sini basagũ cahmeaja tiquiro yere yuhu quehnoano yahuatire. Cristo dutiriro saha yuhu yahuati pehere sini basaya.

⁵ Jesu yequina ijieyequina mehna ijina quehnoano yeya musa. Cristo yere yahuya tiquinare. Tiquina mehna musa ijiro puno sata quehnoano yeya. ⁶ Tiquina mehna yahuducuna quehnoano bucueye mehna yahuducuya. Quehnoañe dihitare yahuducuya. Apequina musare tiquina sinitugũ quehnoano masiña musa yuhtiatire.

Quehnoa duti bato tiahye Pablo

⁷ Tiquico mari acayuro Jesu yaquiro ijire. Tiquiro yuhu ijiye tiyere musare yahurota. Tiquiro mari cahñiquiro ijire. Cristo yere buhero, usã mehna dahrariquiro ijire. Sa yero Cristo yere ne duhuerare tiquiro. ⁸ Musa cahapu tiquirore ohou yuhu usã ijiye tiyere musa masino quehnoano. Tiquirore ohou yuhu musare bucuẽgũ yeatiquirore. ⁹ Onésimore mari acayurore musa cahapu ohou. Tiquiro gãhu Cristo yere ne duhuerare. Musa mehna cjẽno ijire. Tiquina puaro usã ohõre dahse yuhdurire yahueta musare.

¹⁰ Aristarco peresupu ijiriquiro yuhu mehna cjẽno musare quehnoa dutire. Marco gãhu quehnoa dutire. Tiquiro Bernabé basuriro ijire. Tiquirore yahu tuhasau musare. Musa cahapu tiquiro esagũ quehnoano mehna tiquirore piti caya. ¹¹ Jesu “Justo”, tiquina ni pisuriquiro quehnoa dutire tiquiro gãhu. Ahriquina ihtiarota yuhu mehna dahrayequina judio masa waro ijire. Judio masa waro tiquina dihita Cohãcjũ yere yuhu mehna buhere. Sa buheaja usã Cohãcjũ

yequina masa wahatire, Cohãcjũre tiquina pũtoro tiatire. Tiquina yũhare quehnoano yedohoriquina ijire. ¹² Epafra m̄sa mehna ijiriquiro m̄sare quehnoa dutire. Tiquiro Cristore dahra coheriquiro ijire. Cohãcjũre sinino, m̄sa ye ijiatire tutuaro sini basaducuro nine tiquiro. Cohãcjũre quehnoano wacũ tutuaducuatiquinare, tiquiro cahmeno saha yeatiquinare m̄sa ijiatire sa sini basaducuro nine tiquiro Cohãcjũre. ¹³ Tiquiro m̄sa ye ijiatire tutuaro sini basare. Laodicea cjẽna ye ijiatire, Hierapoli cjẽna ye ijiasi gũhare tiquiro tutuaro sini basare. Tiquiro sa yeriquiro ijigũ ihãagũ m̄sare yahugũ niaja. ¹⁴ Duturu Luca mari cahĩniquiro m̄sare quehnoa dutire. Dema gũhare quehnoa dutire.

¹⁵ Quehnoahdo mari acaye Jesu yequina Laodicea cjẽna. Ninfa gũhare quehnoahdo. Jesu yequina ticoro ya wũhũpũ cahmecoañequina gũhare quehnoahdo. ¹⁶ Ahri pũre yũhare ojoa ohori pũre m̄sa mehna cjẽnare m̄sa buhe tuhasari bato Laodicea cjẽna gũhare ohoya. Sa yena tiquinare Laodicea cjẽnare yũhare ojoa ohori pũre m̄sa gũhare buheya. ¹⁷ Sa yena ohõ saha niãa Arquipore: “Mari pũtoro Jesu yaquiro m̄hũ ijigũ tiquiro yere buheacjũre cũri m̄hũre. Tiquiro sa cũgũ quehnoano buhe sohtori tiya m̄hũ”, niãa tiquirore.

¹⁸ Yũhare Pablo, yũhare omoca mehna ahrire ojoaja. M̄sare quehnoa dutiaja yũhare. Peresupũ yũhare ijiyere wacũ, sini basaya m̄sa Cohãcjũre. Quehnoano ijia m̄sa. Cohãcjũ cahĩne mehna m̄sare quehnoa dutiaja.

1 Tesalonicenses

*Pablo ojoa ohoahye Jesu yequinare
Tesalónica cjēnare*

¹ Ȳh̄h̄ Pablo, Silvano, Timoteo ḡh̄h̄ m̄sare quehnoa dutiaja. Sa yeḡh̄ ahr̄ire m̄sare ojoa ohoaja ȳh̄h̄, Pablo. M̄sa pehe Tesalónica cjāna mari Pac̄h̄ Cohācj̄ȳ yequina ijire. Mari p̄h̄toro Jesucristo yequina ḡh̄h̄ ijire m̄sa. Sa yena Cohācj̄ȳ mari Pac̄h̄, mari p̄h̄toro Jesucristo mehna m̄sare quehnoa dutiaja. Tiquina yedohoye mehna quehnoano ijiya m̄sa.

*Jesu yequina Tesalónica cjēna pehe
Jesure quehnoano wacū tutuahye*

² Cohācj̄ȳre sinina ijipihtiyequina Jesure m̄sa wacū tutuayere wacūna, “Quehnoa ȳh̄d̄h̄are ūs̄are”, niducuaaja ūs̄a m̄sare. Cohācj̄ȳre sinina, m̄sa ye ijiatire sa sini basaducuna niaja ūs̄a. ³ M̄sa pehe Jesucristore quehnoano wacū tutuañoh̄ti. Sa wacū tutuana, Jesu yere yeñoh̄ti m̄sa. Jesucristore, apequina ḡh̄h̄are m̄sa cahñoh̄ti. Sa cahñina, Jesu yere tutuaro yena niaga m̄sa. Jesucristore mari p̄h̄torore wacū tutuaducuañoh̄ti m̄sa. Sa wacū tutuaducuna m̄sare tiquiro ȳh̄d̄h̄oatire masina, tire cohtena niñoh̄ti m̄sa. Sa yena tiquirore wacū tutua duhuerañoh̄ti m̄sa. Cohācj̄ȳ mari Pac̄h̄re sinina, tire m̄sa sa yerire wacūaja ūs̄a. ⁴⁻⁵ Ūs̄a acaye, Cohācj̄ȳ cahñona ijire m̄sa. M̄sare tiquiro beserire masiaja ūs̄a. Sohō ijiri p̄je m̄sare quehnoañe buheyere buhena sa yahu cāna nied̄h̄ m̄sare. Esp̄ritu Santo tiquiro tutuaye mehna quehnoañe buheyere buhena nii m̄sare. Sa buhena ti buheye poto ijiḡh̄ quehnoano masii ūs̄a. Sa yena m̄sa watoa ūs̄a ijina, ūs̄a yerire masine m̄sa. M̄sare yedohona sa yei ūs̄a. M̄sare buherina ijina, Cohācj̄ȳ beserina m̄sa ijiḡh̄ masiaja ūs̄a.

⁶ Sohō ijiri p̄jep̄ure m̄sa ñano ȳh̄d̄h̄ana, quehnoañe buheyere cahmedi m̄sa. M̄sa sa cahmeḡh̄, Esp̄ritu Santo pehe m̄sare quehnoano bucueḡh̄ yeri. Tiquiro sa yeḡh̄ m̄sa pehe ūs̄are ihña cū, ūs̄a yeriro sahata yeri. Sa yena Jesu ḡh̄h̄are ihña cūri m̄sa. ⁷ Sa ye Jesu yequina Macedonia yehpa cjēna, Acaya yehpa cjēna ḡh̄h̄ Jesu yere m̄sa yerire masidi. Sa masiñe tiquina ḡh̄h̄ m̄sare ihña cū, m̄sa yeriro sahata yeri. ⁸ Macedonia yehpa cjēna, Acaya yehpa cjēna ḡh̄h̄ mari p̄h̄toro yere m̄sa buheḡh̄ t̄h̄ooñoh̄ti. Cohācj̄ȳre m̄sa wacū tutuarire t̄h̄oriquina pehe tiquina dihita ijierare. Ijipihtiro cjēna m̄sa wacū tutuarire t̄h̄ooñoh̄ti. Sa ye ūs̄a tiquinare yahuerapeḡh̄ta tire masi tuhasari tiquina. ⁹ Sa ye m̄sa cahap̄h̄ ūs̄a tinidire, ūs̄are m̄sa quehnoano piti carire yahuri tiquina ijipihtiro cjēnare. Sa yena Cohācj̄ȳ pehere wacū tutuana, “Cohācj̄ȳ ijire”, ni m̄sa ño peoye queoyere cohā c̄ari m̄sa Cohācj̄ȳ ye pehere yena tana. Tiquiro Cohācj̄ȳ pehe catiriquiro, Cohācj̄ȳ waro ijire. ¹⁰ Sa ye “Cohācj̄ȳ mac̄n̄ore ūhm̄sepe ahtatiquirore Tesalónica cjēna cohteye nine”, ni yahuri masa m̄sare. Tiquiro mac̄n̄ore yariariquirore Cohācj̄ȳ masoahye. Tiquiro sa masoḡh̄ tiquiro mac̄no Jesu pehe marine ña ȳh̄d̄h̄aro tiquiro buhiri dahreborinare ȳh̄d̄h̄ori jiri.

2

*Tesalónica wame tiri macap̄h̄
tiquiro dahrarire yahuahye Pablo*

¹ M̄sa cahap̄h̄ ijina ūs̄a sa iji cāna nieda tii. M̄sare quehnoano yedohorina ijie tii ūs̄a. Tire quehnoano masine m̄sa, ūs̄a acaye. ² Sa yena Filipop̄h̄ ijina ñano ūs̄a ȳh̄d̄h̄are, ūs̄are ñano tiquina yerire quehnoano masine m̄sa. Ūs̄are tiquina sa yepeḡh̄ta Cohācj̄ȳ yedohoye mehna cuero marieno Cohācj̄ȳ yere quehnoañe buheyere buhei ūs̄a m̄sa ḡh̄h̄are. Ūs̄are masa peyequina tiquina ihña

tuhtiepegūta quehnoañe buheyere buhei usã musare. ³ Musare buhena quehnoano usã masidire buhei usã musare. Sa buhena potota musare yedohona nii. Musare buhena ni mehoedũ. ⁴ Cohãcjũ cahmeno saha buheaja usã. Quehnoañe buheyere buheanare Cohãcjũ beseri usãre. Tiquiro sa beserina usã ijigũ tiquiro ye buheyere usã buhegũ quehnoarĩne, Cohãcjũ ihñagũ. Sa yena ohõ saha buheaja usã. Masa tiquina ihña bucueatire buhena niedaja usã. Cohãcjũ pehe usãre tiquiro ihña bucueatire tiquiro yere buheaja usã. Tiquiro pehe mari tuhutuyere, mari ye duayere quehnoano masine. ⁵ Quehnoañe buheyere buhena tũho bucueati yahuducuye mehna buhena niedũ. Queoro quehnoano mehna buhei usã musare. Ahrire masine musa. Sa yena usã buhena, musare apee borore wapa cahmena niedũ usã. Ahrire Cohãcjũ masine. Potota nigũ niaja. ⁶ Sa buhena masa usãre tiquina ño peoatire yena niedũ usã. Musare apequina gũhũre usãre ño peo dutina tana niedũ.

⁷ Sa ño peo dutierapenata Cristo cũrina ijiaja. Sa tiquiro cũrina ijina musare wapa cahmeboya usã. Sa yena pũhtoa yero saha musare dutina ijiboya usã. Sa ijiepenata numino ticoro nijinogãre ticoro quehnoano masoriro saha quehnoano mehna yei usã musare. ⁸ Sa yena musare quehnoano cahmena, Cohãcjũ yere quehnoañe buheyere buhei usã musare. Sa yena ti dihitare yena niedũ musare. Musare quehnoano yedohou, usã catinina. Usã cahĩna musa ijigũ musare sa yedohou usã. ⁹ Sa musare cahĩna tutuaro yedohou usã musare. Tire wacũre musa, usã acaye. Cohãcjũ yere quehnoañe buheyere buhena musa choyere sini cariboerũ musare. Sa yena decori, ñamini gũhũre dahraũ usã.

¹⁰ Quehnoano, poto, ni mehono marieno musare Jesu yequinare usã yerire masine musa. Cohãcjũ gũhũ tire masine. ¹¹ Sa yena ihcãquiro

masuno tiquiro pohnene tiquiro quehnoano yahu bucuegũ yeriro saha musa gũhũre yahuna bucuegũ yei. Tire masine musa. ¹² Cohãcjũ tiquiro pũhoro ijiropũ, quehnoa yũhdũaropũ musare pijiori. Sa yena tiquiro yequina musa ijigũ Cohãcjũ cahmediro sahata musare iji dutii usã.

¹³ Cohãcjũ yere musare usã yahurire musa tũhona, ohõ saha ni tũhoturi musa: “Masa tiquina esa tuharo tiquina buheye ijierare. Cohãcjũ ye buheyeta ijire”, ni tũhoturi musa. Tire musa tũhotugũ masina bucueaja usã. Sa yena Cohãcjũre sinina “Quehnoare”, niaja usã tiquirore. Ijirota ijire. Musare usã buheye Cohãcjũ yahuducuye poto ijirota nine. Sa yero musa Jesure wacũ tutuana ijigũ Cohãcjũ tiquiro ye buheye mehna musare quehnoañe pehere comesagũ yere.

¹⁴ Jesucristore wacũ tutuayequinare Judea yehpa cjẽnare tiquina yeriro saha musa gũhũre yeri apequina. Judea yehpa cjẽna Jesu yequina pehere tiquina acaye ijiepetã ñano yũhdũgũ yeri judio masa pehe. Musã gũhũre musa ya dihta cjẽna ñano yũhdũgũ yeri. ¹⁵⁻¹⁶ Judio masa pehe Cohãcjũ yere yahu mũhtariquinare panopũ cjẽnare wejẽe tiahye. Sa ye mari pũhoro Jesu gũhũre wejẽahye tiquina. Sa yeye tiquina usãre cohãri. Cohãcjũre tiquina bũjũa witigũ yeri. Sa ye peyequina masare ihña tuhtiri tiquina. Judio masa ijieyequinare Cohãcjũ yere usã yahu duami tiquina gũhũre pecarũ wahaboriquinare “Cohãcjũ yũhdũoahro”, nina. Usã sa yahu duepegũta judio masa pehe usãre ne Cohãcjũ yere apequinare yahu dutierari. Sa yahu dutieraye pajiro buhiri ti nemoñe nine tiquina. Yojopũre tiquinare tutuaro Cohãcjũ buhiri dahrerota.

Pablo Tesalónica cjẽna cahapũ pari turi tini duamahye

¹⁷ Usã acaye, yojopũre mehenogã musa cahapũ ijierana musare wacũna niaja. Sa yena musare tutuaro ihña

duana, m̄sa cahap̄ waha duami. 18-19 Ihquē tahari ȳh̄ Pablo m̄sare ihñaḡ waha duami. Ȳh̄ sa waha duepeḡta Satana pehe us̄ waha borirore dojomehnedi. Sa yena wahaer̄ us̄. Us̄are bucueḡ yena m̄sa ijiḡ m̄sare ihña duami. Us̄ buheḡ quehnoano t̄horina ijire m̄sa. Mari p̄h̄toro Jesu ahri yehpap̄ tiquiro tojoa taḡ m̄sa pehe us̄are bucueḡ yenata. Sa yena bucueye mehna m̄sa mehna Jesu poto ducunata. 20 Sata ijire. M̄sare ihñano Jesu pehe “Quehnoano buheri m̄sa”, ninota us̄are. Sa yena quehnoano bucueaja us̄.

3

1-2 Sa ye m̄sare yoari pje ihñedana m̄sare tutuaro t̄ho duana tire wac̄na, Timoteore m̄sa cahap̄ ohou. Tiquiro mari acaȳro Jesu yaquiro Coh̄cj̄ cahac̄j̄no ijiro, us̄ mehna quehnoañe buheyere buheriquiro ijire. Sa yena tiquirore ohou Jesucristore quehnoano m̄sa wac̄ tutuatire, m̄sa bucueati ḡh̄re. Tiquirore ohona us̄ sehsaro Atena wame tiri macap̄ tojoar̄i. 3 M̄sa ñano ȳhd̄epenata Jesu yere m̄sa coh̄edatire ohou us̄ Timoteore. Jesu yequina ijina ñano ȳhd̄nata mari. Tire masine m̄sa. 4 Panop̄re m̄sa mehna us̄ ijinina, mari ñano ȳhd̄atireta yahu tuhasa m̄sare. Sa yena us̄ nidiro sahata mari ñano ȳhd̄. Tire m̄sa quehnoano masine. 5 Sa yeḡ m̄sare yoari pje ihñedaḡ m̄sare tutuaro t̄ho dua. Sa yeḡ Jesure m̄sa wac̄ tutuarire masiḡ taḡ Timoteore ohou ȳh̄. “Wat̄no m̄sare ñano ye dutiari”, niḡ, “M̄sare us̄ buherire m̄sap̄ duhuari”, niḡ, tiquirore ohou ȳh̄. Jesu ye buheyere m̄sa duhuḡ m̄sare us̄ buheri dahseati ijieraboaga.

6 Sa yero yojop̄re Timoteo m̄sa cahap̄ ijiriquiro us̄ cahap̄ tojoa wihiri. Sa tojoa wihiro quehnoañe quitire us̄are yahuri tiquiro. Jesure m̄sa quehnoano wac̄ tutuayere,

apequinare m̄sa cah̄ne ḡh̄re tiquiro yahuri us̄are. Sa ni tuhasa us̄are m̄sa quehnoano wac̄r̄ire, m̄sare us̄ ihña duariro sahata m̄sa ḡh̄ tutuaro us̄are m̄sa ihña duarire yahuri us̄are tiquiro. 7 Sa yena us̄ acaye yojop̄re ñano ȳhd̄epenata m̄sa Jesure quehnoano wac̄ tutuaḡ t̄hona us̄ bucueaja. 8 Jesure m̄sa quehnoano wac̄ tutuarire tiquiro yere m̄sa coh̄edarire t̄hona quehnoano jeri saj̄ja us̄. 9 Sa ni t̄hotuna, Coh̄cj̄ ihñonop̄ us̄ tutuaro bucueaja. Sa bucuenta Coh̄cj̄re “Quehnoare”, niaja us̄. 10 Deco ḡh̄re, ñamip̄ ḡh̄re Coh̄cj̄re siniaja m̄sare us̄ ihñatire. Jesu yere m̄sa quehnoano masi pehoḡ ye duaja us̄ quehnoano m̄sa tiquirore wac̄ tutua nemoatire.

11 Coh̄cj̄ mari Pac̄ tiquiro basi, mari p̄h̄toro Jesu ḡh̄ us̄are tiquina yedohoḡ cahmeaja m̄sa cahap̄ us̄ wahatire. 12 Sa yero mari p̄h̄toro Jesu ijipihtiyequina m̄sa mehna cj̄nare, ijipihtiyequina apequina ḡh̄re cah̄ nemoḡ yeahro m̄sare. M̄sare us̄ cah̄diro sahata tutuaro cah̄ nemoḡ yeahro m̄sare. 13 M̄sare quehnoano tiquiro yedohoḡ, buhiri mariena, ñañe mariena ijinata m̄sa, Coh̄cj̄ mari Pac̄ ihñaḡ. Mari p̄h̄toro Jesu ijipihtiyequina tiquiro yequina quehnoañequina mehna ahri yehpap̄ tiquiro tojoa taḡ sata ijinata m̄sa.

4

“Coh̄cj̄re bucueḡ ye duana oh̄ saha yeya”, ni yahuahye Pablo

1 Yojop̄re Jesu mari p̄h̄toro tiquiro dutiro mehna m̄sare oh̄ saha ni yahuaja: “Coh̄cj̄re bucueḡ ye duana oh̄ saha yeya”, ni buhei us̄ m̄sare. Us̄ sa buheri bato us̄ buheriro sahata yeñohti m̄sa. M̄sa sa yeriro sahata ye nemoña. Tire tutuaro ye dutiaja m̄sare.

2 Jesu mari p̄h̄toro tiquiro buhe dutiro mehna m̄sare us̄ buherire quehnoano masine m̄sa. 3 Ahrire m̄sare yahu nemoutja: M̄sa

ohō saha ijigū cahmene Cohācjū: Ñañene yeracāhña. Cohācjū ye pehere yeya. Sa yena numia mehna ñano yeracāhña. MUSA numia gūhū amua mehna ñano yeracāhña. ⁴ Ñano yero marieno, ño peoye mehna MUSA namosānumiare cūoya. Cohācjū MUSA tire masigū cahmene. ⁵ Cohācjūre cahmeeñequina Cohācjūre masieñequina ñañene tutuaro cahmeñe, numia mehna ñano tiquina yeriro saha yeracāhña MUSA pehe. ⁶ Tiquina yero saha MUSA yeragū cahmene Cohācjū, MUSA acayuro namono mehna MUSA ñano yeratire. MUSA sa ñano yena MUSA acayurore yuhduducana niaga. Mari puhtoro Cohācjū ti ñañene tiquina yegū ihñano buhiri dahreatiquiro ijiro nine. Sa yena MUSA cuesāna tire yahuaja MUSA. ⁷ Ñañene yeanare beserahye Cohācjū marine. Ñañene ye dutieraro beseahye marine. ⁸ Sa yena ijipihtina MUSA ahri usā buherire yuhduducana, masa ye buheyere yuhduducana niedare MUSA. Cohācjū ye pehere yuhduducana nine. Tiquiro MUSA Espiritu Santore ohoriquiro ijire.

⁹⁻¹⁰ MUSA acayere Jesu yequinare cahme cahñene Cohācjū MUSA buhe tuhasari. Tiquiro sa buhegū potota Jesu yequinare Macedonia cjēnare ijipihtiequinare quehnoano cahñe MUSA. MUSA sa cahīgū ihñana “MUSA acayere cahme cahña”, ni buheraja MUSA. Tiquinare cahñe tuhasare MUSA. Sa ni buhe nemoedapenata ahri pehere MUSA dutiaja. Yojopure apequinare MUSA cahño sahata cahñe nemoña MUSA. ¹¹ Sa yena MUSA basi cahme ihña tuhtiro marieno ijiya MUSA. Apequinare sijoro saha ni yahuducueracāhña. Sa ihña cāhña tiquinare. Sa yena MUSA ye dahraye pehere quehnoano dahraya. Panoputa MUSA sa ye dutii. ¹² Sata yeya MUSA, apequina MUSA tiquina ño peoatire, apequina yere MUSA cariboeratire.

Ahri yehpapure Jesu tojoa tatire yahuahye Pablo

¹³ Yojopure yariariquina MUSA yahutja MUSA: Jesure cahmedaye, masa Cohācjū cahapū wahasi. Sa ye tiquina mehna cjēna tiquina yariagū ihñañe tutuaro bujua witire. Yariariquina MUSA tiquina dahse wahatire potota quehnoano MUSA masigū cahmeaja usā, apequina tiquina bujua witiro saha MUSA bujua witieratore. ¹⁴ Jesu yariari bato masa MUSA jiri. “Ti potota ijire”, niaja mari. Sa yena ahri gūhūre “Ijirota ijire”, ninata. Cohācjū pehe tiquiro yequina MUSA yariariquina MUSA masa MUSA jagū ye, neanota Jesu mehna. Ti gūhūre “Ijirota ijire”, niaja mari.

¹⁵ Jesu tojoa tagū tiquiro yequina yariariquina MUSA catiequina pano masa MUSA MUSA. Mari puhtoro Cohācjū ye yahuyeta ijire ahri. ¹⁶ Ohō saha ijirota Jesu tojoa tagū: Mari puhtoro tiquiro basi tutuaro sañuducu MUSA. Sa yero tiquiro yequina angele puhtoro tutuaro pisurota. Sa tiquiro pisugū Cohācjū ya corneta bisirota. Tiquina sa yegū Jesu yequina yariariquina MUSA masa MUSA MUSA. ¹⁷ Came catiequinare, yariariquina MUSA mehna Cohācjū ahmusepū MUSA jagū yerota. Tiquiro sa yegū mari puhtoro Jesure piti canata mari. Sa piti cana ijipihtie decori mari puhtoro Jesu mehna ijinata mari. ¹⁸ Ahri yuhū yahurire MUSA mehna cjēnare yahuya. Sa ni yahuna, bucuenata MUSA ijipihtina.

5

¹ Jesu tojoa tati decore “Ahri deco tojoa tarota”, ni, MUSA yahu ojoasi. ² Yojopure MUSA masino saha tiquiro tojoa tati decore marine masino basioerare. Yaqueriquiro ñamipū wacūeno mehna tiquiro yaquero ahtarō saha ahri yehpapure mari puhtoro wacūeno mehna tojoa tarota. Ahrire MUSA basita masine. ³ “Yojopure mari quehnoano ijiaja. Cuaro mariedare

marine”, masa tiquina ni wacũgũ duita ñano waharota tiquinare. Sa wahagũ tiquina duhti masisi. Niji wahcõricoro wacũeno mehna ticoro purĩno tãhoturo saha wacũeno mehna sa waharota masare.

⁴ Yũhũ acaye, m̄sa pehere sa wahasi. Yaqueriquiro wũhũ cjanore tiquiro cuegũ yeriro saha m̄sa pehere sa wahasi. Jesu ahtaro m̄sare cuegũ yesi. Nahitianopũ ijiyequina tiquina ihña masieno saha apequina Jesure ne masiedare. M̄sa pehe tiquina yero saha ijierare. ⁵ M̄sa ijipihtina Jesu yequina ijire. Sa yena buhrioropũ tiquina ihña masino saha Jesu ahtatire masine m̄sa. Apequina tiquirore masieñequina yero saha ijieraja mari.

⁶ Sa yena Cohãcjũre tũho nũnũna ijiihna. Carĩñequina yero saha Cohãcjũre tũho nũnũna ijieracãhna mari. Apequina sata yere. Tiquina yero saha yeracãhna mari. Carĩñequina yero saha, queheeyequina yero saha quehnoano wacũ masina ijiihna mari. ⁷ Carĩñequina ñamipũ carĩne. Sa ye queheeyequina ñamipũ quehere. ⁸ Mari pehe buhrioropũ ijiyequina yero saha Jesure masina ijina, quehnoano wacũ masina ijiihna. Sa yena surara come suhtiro mehna tiquiro cutirore saña cahmotariro saha Cohãcjũre wacũ tutuaya m̄sa, watĩnore tiquiro cahmotatire. Sa yena Cohãcjũre, apequina gũhũre cahña. M̄sa sa yegũ Cohãcjũ m̄sare ihña ihborota. Sa yena m̄sare pecapũ wahaborinare Jesu tiquiro yũhdũoatire “Potota ijire”, niña m̄sa. M̄sa sa nigũ surara tiquiro dapure come sapea mehna tiquiro pesa cahmotariro saha watĩno m̄sare ñano ye dutigũ Cohãcjũ tiquirore cahmotarota.

⁹ Tiquiro buhiri dahreatinare marine beserahye Cohãcjũ. Jesucristo mari pũhtoro pecapũ wahaborinare tiquiro yũhdũoatinare marine be-seahye tiquiro. ¹⁰ Jesu mari ye ijiatireta yariahye tiquiro mehna mari ijiatire. Catiyequina, yariariquina

gũhũ tiquiro mehnata ijietã. Sa yena ijipihtina tiquiro mehna ijinata mari tiquiro yequina ijina. ¹¹ Sa yena m̄sa mehna cjẽnare yojopũ m̄sa bucuegũ yeriro saha m̄sa basita bucuegũ ye nemoña m̄sa. Sa yena m̄sa basita Cohãcjũre wacũ tutua nemogũ yeya m̄sa mehna cjẽnare.

Jesu yequinare Pablo yahu bato tiahye

¹² M̄sare buheyequinare mari pũhtoro buhe dutiro beseri jiri. Tiquiro sa ni besenohriquinare quehnoano ño peoya m̄sa. M̄sa sa ño peogũ cahmegũ m̄sare tutuaro dutiaja. ¹³ Tiquina dahrayere yegũ tiquinare cahñe mehna quehnoano ño peoya. Sa yena m̄sa mehna cjẽna mehna cahmequeno marieno ijiya.

¹⁴ M̄sare usã acayere, ahrire tutuaro dutiaja: Dahra dueyequinare dahra dutiya m̄sa. Bũjũa witiyequinare bucuegũ yeya m̄sa. Jesure wacũ tutuera cjũñequinare yedohoya. Tiquina ijipihtiyequina mehna quehnoano usuario marieno bucueye mehna ijiya m̄sa.

¹⁵ Ihcãquiro m̄sare tiquiro ñano yegũ ihñana tiquirore ñano ye cahmedacãhña. Sa yena m̄sa mehna cjẽnare, ijipihtiyequina apequina gũhũre quehnoano yeya.

¹⁶ Sa yena decoripe sa bucueducuya m̄sa. ¹⁷ Sa yena decoripe Cohãcjũre siniducuya. ¹⁸ M̄sa ñano yũhdũepenata Cohãcjũre bucue, “Quehnoare”, niña. M̄sa quehnoano yũhdũari pje gũhũre “Quehnoare”, niña. Sa nina Cohãcjũ cahmeno sahata yena niaga m̄sa. Cristo Jesu yequina m̄sa ijigũ ihñano m̄sa sa nigũ cahmene tiquiro.

¹⁹ Espĩritu Santore yũhtiena ijieracãhña. ²⁰ Espĩritu Santo masiñe mehna apequina m̄sare buhere. Tiquina sa buhegũ ti buheyere yũhtiena ijieracãhña. ²¹ Apequina m̄sare sijoro saha tiquina ni buhegũ ti Cohãcjũ ye ijieragũ masiña m̄sa. Sa yena Cohãcjũ ye buheye ti ijigũ gũhũre masiña m̄sa. Sa masina

quehnoañe buheye dihitare cahmeña. ²² Sa yena ijipihtiye ñañene yeracãhña m̄sa.

²³ Cohãcjũ marine quehnoano ijigũ yeriquiro ijire. Tiquiro basi m̄sare tiquiro yequinare quehnoana, ñañe mariena ijigũ ye nemoahdo m̄sare. M̄sa paguri gũhure m̄sa jeripohnari gũhure quehnoano ihña ihboahro. Mari p̄h̄toro Jesucristo ahri yehpap̄re tiquiro tojoa tato pano m̄sare Cohãcjũ quehnoano ihña ihboahro m̄sare “Ñañene yeari”, nino. Tiquiro sa yegũ Cristo ahtagũ ñañe mariena ijinata m̄sa. ²⁴ Sata ijigũ yerota Cohãcjũ. Tiquiro m̄sare beseriquiro tiquiro nídiro sahata yere.

Pablo gũh̄ quehnoa dutiahye

²⁵ Ūsã ye ijiatire Cohãcjũre sini basaya m̄sa, ūsã acaye.

²⁶ M̄sa mehna cjẽnare quehnoano mehna piti caya.

²⁷ Ijipihtiyequina Jesu yequinare ahri p̄re buheya m̄sa. Jesu mari p̄h̄toro dutiye mehna ahrire m̄sare dutiaja ȳh̄.

²⁸ Jesucristo mari p̄h̄toro cahĩne mehna m̄sare tutuaro quehnoa dutiaja.

2 Tesalonicenses

*Pablo ojoa ohoahye Jesu yequinare
Tesalónica cjēnare*

¹ Yuh Pablo, Silvano, Timoteo gāh m̄sare quehnoa dutiaja. Sa yeguh Pablo ahrire ojoa ohoaja. M̄sa pehe Tesalónica cjāna mari Pacu Cohācjū yequina ijire. Mari p̄horo Jesucristo yequina gāh ijire m̄sa. ² Sa yena Cohācjū mari Pacu, mari p̄horo Jesucristo mehna m̄sare quehnoa dutiaja. Tiquina yedohoye mehna quehnoano ijiya m̄sa.

*Ahri yehpap̄re Cristo tojoa tagū
buhiri dahrerota Cohācjū*

³ Cohācjūre sinina, Jesure m̄sa wacū tutuayere wacūna “Quehnoa yuhduare usāre”, niducuaaja usā Cohācjūre. Usā sa nigū quehnoarīne. Decoripe Cohācjūre m̄sa quehnoano wacū tutua nemona niñoh̄ti. Sa yena decoripe m̄sa mehna cjēnare cah̄i nemona niñoh̄ti m̄sa. Sa ye Cohācjūre “Quehnoa yuhduare usāre”, usā nigū quehnoarīne. ⁴ Apequina m̄sare ñano tiquina yepegūta Jesure wacū tutuaducūñoh̄ti m̄sa yojopuh gāhure. Sa yena tiquirore wacūna duhuerañoh̄ti. M̄sa sa yegū ih̄nana tire m̄sa yerire apequinare Cohācjū yequinare bucueye mehna yahuaja usā. ⁵ Sa wacū tutuaducuna Cohācjū mari p̄horo yequina m̄sa ijiri buhiri ñano yuhduna niñoh̄ti m̄sa. Sa yero Cohācjū tiquiro p̄horo ijirop̄re waha dutiri jiri m̄sare. Tiquiro sa dutigū queoro yeriquiro tiquiro ijigū masiaja mari.

⁶ Sa yero Cohācjū queoro yeriquiro ijire. Sa yero m̄sare ñano yuhdugū yeyequina pehere ñano yuhdugū yerota tiquiro. ⁷ Sa yero mari ñano yuhdurina ijigū ih̄nana tiquiro marine quehnoano ijigū yerota. Mari p̄horo Jesu tiquiro yequina angele tutuayequina mehna, peca mehna uhm̄sep̄u bajoaro quehnoano ijigū yerota

marine, ñano yuhdurinare. ⁸ Sa yero Cohācjūre masieñequinare, mari p̄horo Jesu ye buheyere quehnoañe buheyere yuhduacariquinare Cohācjū buhiri dahrerota. ⁹ Sa yero Cohācjū tiquinare oh̄o saha buhiri dahrerota: Pecapuh tiquina ñano yuhducueta. Sa ye tiquina tutuariquiro mari p̄horo Jesu cahapuh ne waha masiedare. Sa ye tutua yuhduriquiro tiquiro ijiyere ih̄nasi tiquina. ¹⁰ Sata waharota ti decopuh Jesu tiquiro tojoa tagū. Ti decoputa tiquiro ahtarota tiquiro yequina “Quehnoariquiro, tutuariquiro ijire Jesu”, tiquina ni ño peotire. Sa ye tiquirore wacū tutuayequina ño peota tiquirore. M̄sare usā buherire m̄sa quehnoano t̄hori. Sa yena m̄sa pehe tiquiro mehna ijinata.

¹¹ Sa yena Cohācjūre sa sini basaducuaaja usā m̄sa ye ijiatire. Oh̄o saha ni Cohācjūre sini basaja usā: Tiquiro cahmeno sahata m̄sa yeatire, m̄sa mehna tiquiro bucueatire sini basaducuaaja usā m̄sare. M̄sa quehnoana iji duanata niñoh̄ti. Sa yena Cohācjū tutuaye mehna quehnoana m̄sa iji duariro sahata m̄sa ijiatire sini basaducuaaja usā. M̄sa Cohācjūre wacū tutuañoh̄ti. Sa wacū tutuana tiquiro yere yeñoh̄ti m̄sa. Tire m̄sa quehnoano ye nemoatire Cohācjūre sini basaducuaaja usā m̄sare. ¹² Sa yena mari p̄horo Jesucristore apequinare tiquina ño peogū yenata m̄sa. M̄sa sa yegū Jesucristo yequina m̄sa ijigū ih̄nane apequina ño peota m̄sare. Cohācjū cah̄ne mehna, mari p̄horo Jesucristo gāh tiquiro cah̄ne mehna sa waharota.

2

*Ñano yeducuriquirore yahuahye
Pablo*

¹ Yojop̄re mari p̄horo Jesucristo ahri yehpap̄re tiquiro tojoa tatire, tiquirore mari cahmecoa mari piti catire yahu nemo duaja yuh. Ahrire tutuaro yahu duaja m̄sare, usā

acaye. ² Apequina m̄sare ohō saha niboaga: “Mari p̄h̄toro tiquiro tojoa tati deco, mianogã pihtiri decop̄u ijiro nine”, ni mehoboaga m̄sare. Tiquina sa nigũ tuhona, tuhō mariedacãhña. Sa yena tuhō wisieracãhña. “Cohãcjũ yuh̄ure sata nidi ijiri”, ni mehoboaga m̄sare apequiro. Apequiro ḡh̄u m̄sare buhero, sata ni mehoboaga. Apequiro ḡh̄u sata ni ojoa ohoboaga, “Yuh̄u Pablota ijiaja”, ni meho ojoaro. Tire m̄sare yahuriquirore masiedaja yuh̄u. ³ Apequina m̄sare tiquina ni mehogũ tuhōeracãhña m̄sa. Ti decop̄u ahri yehpa pihtiato panogã peyequina masa Cohãcjũre duhueta. Sa yero ti decop̄u ñano yeducuriquiro pecap̄u wahatiquiro ijirota. ⁴ Tiquiro Cohãcjũ warore, “Cohãcjũ ijire”, tiquina niñe queoye ḡh̄ure ijipihtiequina masare ño peo dutisi ñano yeducuriquiro. Tiquiro ohō saha ni tuhōturota. “Ahriquina ijipihtiequina p̄h̄to tjiaja yuh̄u”, ni tuhōturota. Sa yero Cohãcjũ wuh̄up̄u dujiro “Yuh̄u pehe Cohãcjũ ijiaja”, ninota.

⁵ M̄sa mehna ijiniḡu tireta yahuu m̄sare. ¿Tire wacũajari m̄sa? ⁶ Yojop̄are apequiro pehe ñano yeducuriquirore ne iji dutieranine. Sa yena tiquirore iji dutieriquirore masine m̄sa. Sa yero tiquiro dutigũ tiquiro queori deco ijigũ ñano yeducuriquiro ijirota. ⁷ Yojop̄are masa ihñenop̄u tiquiro yero saha apequina ñañene ye tuhasari. Tiquina sa yepegũta ñañene ye dutieriquiro tiquiro wahato pano ñano yeducuriquiro pehe ijisi. ⁸ Tiquiro wahari bato p̄ritare ñano yeducuriquirota ijirota. Sa yero came mari p̄h̄toro Jesucristo tiquirore yaria dutirota. Tiquiro asi siteye mehna ahri yehpap̄u tojoa taro, tiquiro putiye mehna tiquirore wejẽ borota. ⁹ Ñano yeducuriquiro pehe watĩno ye tutuaye mehna ahtarō, ti tutuaye mehna ni meho, peye ye ihñonota. ¹⁰ Tiquiro peye ñañe mehna ni mehogũ pecap̄u wahatiquina pehe tiquirore tuhōeta.

Tiquina pehe quehnoañe buheyere cahmedare. Tiquina sa cahmedagũ Cohãcjũ tiquinare pecap̄u waha-tiquinare yuh̄d̄uosi. Sa ye tiquina ñano yeducuriquiro ni mehoriqiro tiquiro yerire “Ijirota ijire”, nieta. ¹¹ Sa yero, quehnoañe buheyere tiquina cahmedari buhiri Cohãcjũ tiquinare wisiagũ yerota. Sa wisiaye ni mehoñene cahmeeta tiquina. ¹² Sa yero ijipihtiequina quehnoañe buheyere tuhō dueyequinare, ñañe ye coayequinare tiquirota buhiri dahrerota.

“Cohãcjũ m̄sare beseahye tiquiro yequina ijigũ yero taro”, ni yahuahye Pablo

¹³ M̄sa usã acaye, mari p̄h̄toro Jesu tiquiro cahñona ijire m̄sa. Duita coã warop̄areta m̄sare pecap̄u wahaborinare tiquiro yuh̄d̄uotinare Cohãcjũ beseahye m̄sare. M̄sare beseahye Esp̄ritu Santo tutuaye mehna tiquiro yequina ñañe mariena m̄sare ijigũ yero taro. Sa yero quehnoañe buheyere “Ijirota ijire”, nianaja m̄sa ijigũ ihñano m̄sare bese neahye. Tiquiro sa besenohrina m̄sa ijigũ ihñana Cohãcjũre bucuena, “Quehnoare”, niducuaaja usã. ¹⁴ Quehnoañe buheyere m̄sare usã buhegũ Cohãcjũ m̄sare beseahye mari p̄h̄toro Jesucristo tiquiro masa m̄jariro sahata m̄sa ḡh̄u masa m̄jatire.

¹⁵ Sa yena quehnoano wacũ tutuana ijiya m̄sa. Sa yena usã yahuducuye mehna usã ojoari p̄ri mehna m̄sare usã buherire quehnoano wacũña m̄sa. Sa yena ti buheyere yuh̄d̄ucaeracãhña. ¹⁶ Mari p̄h̄toro Jesucristo tiquiro basi, Cohãcjũ mari Pac̄u ḡh̄u marine cahñe, ijipihtie decori marine bucegũ yere. Marine cahñe, marine pecap̄u wahaborinare yuh̄d̄uota. Sa yena Cohãcjũ tiquiro yuh̄d̄uatire quehnoano masina, bucueaja mari. ¹⁷ Jesucristo, mari Pac̄u mehna m̄sare quehnoa dutiaja quehnoano m̄sa bucueatire. Sa ye ijipihtiyere quehnoañene m̄sa

yeatire, m̄sa quehnoano yahuducuatire Cohãcjũre m̄sare sini basaja.

3

“Usã ye ijiatire Cohãcjũre sini basaya”, ni ojoahye Pablo gũhũ

¹ Yojopũ usã acaye, usã ye ijiatire Cohãcjũre sini basaya mari pũhoro Jesu ye buheyere peyequina masare usã buheatire. Sa yena tiquiro ye buheyere m̄sa quehnoano cahmediro sahata apequina pehe ti buheyere ño peoye mehna tiquina cahmeatire sini basaya m̄sa Cohãcjũre. ² Ihquẽquinata Jesure wacũ tutuare. Apequina pehe tiquiro yere tũho dueraye, Jesure wacũ tutuerare. Sa yena ñañequina masa usãre tiquina ñano ye duagũ Cohãcjũre sini basaya m̄sa usãre tiquiro yedohogũ. ³ Mari pũhoro Jesu tiquiro nidiro sahata yeriquiro ijire. Sa yero m̄sare tiquirore wacũ tutuagũ yerota. Sa yero watĩno m̄sare tiquiro ñano ye dutigũ Jesu m̄sare yedohorota. ⁴ Cohãcjũ m̄sare tiquiro yedohorire masiaja usã. Sa yena m̄sare usã dutiriro sahata m̄sa yegũ gũhare masiaja usã. Sa yena sata yeducunata m̄sa. Ti gũhare masiaja usã. ⁵ Cohãcjũ m̄sare tiquiro cahĩñene m̄sare masigũ yeahro. Sa yero Cristo yero saha m̄sa ñano yũhdũepẽgũta ihcãno saha gũ yeahro m̄sare mari pũhoro. Sa ihña cãhña m̄sare ñano ye yequinare.

Marine tutuaro dahraro cahmene

⁶ Jesucristo mari pũhoro tiquiro dutiro mehna ohõ saha ni dutinatja m̄sare: Jesu yequinare dahra dueyequinare, usã dutiyere yeeyequinare, tiquinare piti ti duhuya. ⁷ Sohõ ijiri pje m̄sa mehna usã ijigũ tutuaro usã dahragũ ihñari m̄sa. Sa yena usã yeriro saha m̄sa gũhare dahraro cahmene. Tire quehnoano masine m̄sa. ⁸ Sa yena m̄sa ihyayere wapa yero marieno ihyerũ usã. Sa yena decorũre, ñamipũ gũhare tutuaro dahraũ usã “M̄sa

ihyayere siniari”, nina. ⁹ Usã buheri wapa m̄sare wapa ye dutiboaga usã. Sa wapa ye dutiborina ijiepenata wapa ye dutierana, tutuaro dahraũ usã, usãre m̄sa ihña cũatire. ¹⁰⁻¹¹ M̄sa mehna ijina, ohõ saha ni buhei m̄sare: “Dahraeyequina ihyeracãhdo”, ni buhei usã m̄sare. Ihquẽquina m̄sa mehna cjẽna ne dahra duerañohiti. Sa ye apequinare ñano quitu yeye, caribo yũhdũañohiti tiquina. Sa ye yequina m̄sa mehna tiquina ijigũ ihñana ohõ saha ni ojoaja m̄sare: “Dahraeyequina ihyeracãhdo”, niaja usã. ¹² Mari pũhoro Jesucristo tiquiro dutiro mehna dahra dueyequinare ohõ saha niaja: Quehnoano bucueye mehna dahraahro quehnoano tiquina ijiatire.

¹³ Usã acaye, m̄sa pehe quehnoañene yeducuna caributieracãhña. ¹⁴ Ihquẽquina to cjẽna ahrire usã ojoarire yũhdũdcaboaga. Tiquina sa yegũ tiquina yerire quehnoano ihñaña. Sa ihñana tiquinare piti ti duhuya tiquina buoro wahatire. ¹⁵ Sa piti ti duhuepenata tiquinare ihña tuhtieracãhña. Tiquina m̄sa acaye, Jesu yequinata ijire. Tiquina sa ijigũ tiquina yũhdũdũcarire yahuya tiquinare tire tiquina duhugũ.

Pablo tiquinare quehnoa duti bato tiahye

¹⁶ Mari pũhoro Jesu marine quehnoano ijigũ yeriquiro mehna decoripe quehnoano ijiducuya m̄sa. Sa yegũ “Mari pũhoro m̄sa mehna ijipihtina mehna ijiducuahro”, nigũ m̄sare quehnoa dutiaja.

¹⁷ Yũhũ Pablo, yũhũ omoca mehnata yojopũre yũhũ basita ojoa bato tiaja. Sa yegũ m̄sare quehnoa dutiaja. Ijipihtiye yũhũ ojoari pũrine ohõ saha dihita yũhũ omoca mehna ojoa bato tiaja yũhũ. Yũhũ ohõ saha dihita yũhũ ojoa bato tigũ ihñana yũhũ ojoari pũ ijigũ masinata m̄sa. ¹⁸ Mari pũhoro Jesucristo cahĩñe mehna tutuaro quehnoa dutiaja m̄sare ijipihtinare.

1 Timoteo

Pablo Timoteore ojoa ohoahye

¹ Yuhũ Pablo ahrire mũhũre Timoteore ojoa ohoaja. Cohãcjũ marine pecapũ wahaborinare yũhdũoriquiro ijire. Jesucristo yere buhe duti tiquiro cũrigũ ijiaja yũhũ. Mari Pacũ, Jesu mehnata tiquina dutiriro sahata tiquiro cũrigũ ijiaja yũhũ. Jesuta marine yedohore. Sa yena marine tiquiro yũhdũoatire masina, tire cohteaja mari. ² Mũhũre Timoteore Jesu yere buhei. Yũhũ sa ni buhegũ tũhogũ Jesure wacũ tutua dũcari mũhũ. Sa yegũ mũhũ potota yũhũ macũ yero saha ijigũta nine. Sa yegũ Cohãcjũ mari Pacũ mehna, mari pũhtoro Jesucristo mehna mũhũre quehnoa dutiaja. Sa yegũ mũhũre paja ihñañe tiquina yedohoye mehna quehnoano ijiya mũhũ.

Pablo ni mehoñe buheyere buhe dutierahye

³ Sohõ ijiri pjere Macedonia yehrapũ wahagũ mũhũre Efesopũ cũ yũhdũ cãũ. Topũ ihquẽquina tiquina ye buheyere ni mehoñe buheyere buheyequina ijiri. Ti buheyere buhe dutieracjũre mũhũre cũu yũhũ. ⁴ Tiquina esa tuharo sa buhe macãre. Sa ye tiquina acaye panopũ cjẽna tiquina esa tuharo tiquina buherire sa buheducure. Ti buheye mehna apequina mehna cahme dũse tutuaducure. Cohãcjũ marine tiquiro dutirire quehnoano yegũ yerare tiquina sa buheye. Cohãcjũ ye pehere yena tiquirore wacũ tutuaja. Sa yegũ tiquina esa tuharo tiquina buherire buhe dutieracjũre cũu mũhũre.

⁵ Sa cũu mũhũre Jesu yequina apequinare “Cahĩahdo”, nigũ. Ñaño buhiri marieno mehna, quehnoañe wacũñe mehna, poto Cohãcjũre wacũ tutuaye mehna apequinare tiquina cahĩatire sa cũu mũhũre. ⁶ Ihquẽquina ahri quehnoañe buheyere cohã tuhasa, apeye buheye pehere

cahmene. Sa ye ti buheye pehere cahme dũse tutuaye wisia wahare. Ti buheyere tiquina cahme dũse tutuaye ti dũhseati ijierare. ⁷ Sa ye tiquina Cohãcjũ dutiyere buheyequina iji duamene. Sa buhe duepeta ti buheyere tiquina basi quehnoano masiedare. Sa ye ti buheyere masiñequina yero saha buhepeta ti buheyere ne masiedare tiquina.

⁸ Cohãcjũ dutiyere Moise marine tiquiro cũrire queoro mari buhegũ quehnoañe dutiye ijire. Tire mari quehnoano masiaja. ⁹⁻¹⁰ Ti dutiyere buhena ahrire masino cahmene: Ti dutiye quehnoañequinare tiquina buheati ijierare. Ahriquina pehere tiquina buheati ijire. Dutiyere yũhdũdũcayequinare, Cohãcjũre yũhdũdũcayequinare, ñaño dihitare yeyequinare, Cohãcjũre cahmeeñequinare, tiquina pacũsumũare wejẽñequinare, tiquina pacosãnumia gũhũre wejẽñequinare, apequina masare wejẽñequinare, wũana tiyequinare, cahme numia mehna tiquina ñano yeriro saha umũa sehsaro o numia sehsaro ijiepetata tiquina paguri mehna ñano yeyequinare, masa tiquina ijiepegũta tiquinare duayequinare, ni mehoñequinare, Cohãcjũ dutiye Moise marine tiquiro cũri pehe tiquinare buheati ijire. Sa yero apequina ijipihitiyequinare quehnoañe buheyere yũhdũdũcayequinare buheati ijire Cohãcjũ dutiye. ¹¹ Quehnoañe buheye pehe quehnoariquiro Cohãcjũ tiquiro ye buheyeta ijire. Ti buheye pehere yũhũre Cohãcjũ buhe dutiri.

Cohãcjũ paja ihñañene yahuahye Pablo

¹² Sa yũhũ buhegũ Jesucristo mari pũhtoro yũhũre tutuayere ohoro, yũhũre yedohore. “Pablo buhero, yee buheyere quehnoano buherota”, ni tũhoturi Jesu yũhũre. Sa yero yũhũre besero tiquirore yedohoacjũre cũri yũhũre. Tiquiro sa yegũ “Quehnoare”, niaja yũhũ tiquirore. ¹³ Panopũre Cristore yũhũ ñano yahuducuepegũta, tiquiro

yequinare ñano yũhũ yepegũta, tiquiro yũhũre beseri. Sa yegũ tiquirore masiedarĩgũ tiquirore ñano yegũ “Ñano yei niaga yũhũ”, ni tũhotuerũ. Yũhũ sa masiedagũ ihñano tiquiro paja ihñari yũhũre. ¹⁴ Sa yero Cohãcjũ mari pũhoro yũhũre tutuaro cahĩno, quehnoano yeri yũhũre. Sa yero Cristo Jesure wacũ tutuagũ yeri yũhũre tiquiro. Sa yero apequinare cahĩgũ yeri yũhũre Cohãcjũ.

¹⁵ Yũhũ pehe apequina yũhdũoro ña yũhdũagũ ijimi. Ñana mari ijiepegũta Jesucristo ahri yehpapũ ahtari jiri ñañequinare pecapũ waboriquinare yũhdũoatiquiro. Ti ijirota ijire. Tiquiro sa ijiriquiro ijigũ ijipihtiyequina tire masiahdo.

¹⁶ Ña yũhdũagũ yũhũ ijiepegũta tiquiro yũhũre paja ihñari. Sa paja ihñano Jesucristo usuaro marieno yũhũre tiquiro quehnoano yerire masigũ yero nidi apequinare came tiquirore wacũ tutuatiquinare masigũ yero taro. Sa wacũ tutuatiquina ahmũsepũ sa ijiducueta. ¹⁷ Cohãcjũ ijipihtiyey decori masa pũhoro ijire. Tiquiro ne yariere. Sa yero mari mehna tiquiro ijiepegũta tiquirore ihñedaja mari. Sa yero tiquiro dihita Cohãcjũ waro ijire. “Potota quehnoariquiro, tutuariquiro ijire tiquiro”, niñna mari tiquirore. Ijipihtiyey decori tiquirore ño peouhna. Sata yeihna.

¹⁸ Timoteo yũhũ macũ yero saha ijire mũhũ. Sa yegũ yojopũre ahrire mũhũre dutiaja: Mari acaye Jesu yequina Cohãcjũ yere yahu mũhtariquina mũhũre tiquina ni mũhtariro sahata mũhũre dutiaja. Cristo yere quehnoano yahuducuya. Sa yegũ ñano yũhdũepẽgũta tiquirore wacũ tutua duhueracãhña mũhũ.

¹⁹ Jesure sa wacũ tutuaducuya. Ñañe buhiri mariegũ ijiya mũhũ. Sa yegũ quehnoañe dihitare yeya. Ihquẽquina tire yeraye, Jesu yere cohãre. Sa cohãñe tiquirore wacũ tutua duhuri.

²⁰ Sata yeri Himeneo, Alejandro mehna. “Watĩno tiquiro cahmeno

sahata yecũnahdo mũsare”, ni cũu tiquinare, Cohãcjũre tiquina ñano yahuducu nemoedatire.

2

Cohãcjũre sini basayere yahuahye Pablo

¹ Yojopũre ohõ saha ni duti mũhtaja mũsare: Ijipihtiyequina ye ijiatire Cohãcjũre sini basaya. Sa sini basana “Quehnoare. Bucueaja”, niña Cohãcjũre. ² Pũhoro, apequina masa bui dutiyequina gũhũ tiquina ye ijiasi gũhũre Cohãcjũre sini basaya, cahmequeno marieno Cohãcjũre ño peona mari quehnoano ijiatire. Sa sini basana mari quehnoañe yena quehnoano iji masiaja. ³⁻⁴ Sata apequina ye ijiatire mari sini basagũ quehnoarĩne. Tire mari yegũ ihñano Cohãcjũ marine yũhdũoatiquiro pehe marine quehnoano ihña bucuere. Ijipihtiyequina pecapũ waboriquinare tiquiro yũhdũoriquina ijigũ cahmene Cohãcjũ. Sa yero quehnoañe buheyere tiquina masigũ cahmene tiquiro. Sa yero apequina ye ijiatire mari sini basagũ bucuere tiquiro. ⁵ Ihcãquirola ijire Cohãcjũ. Sa yero Cohãcjũre mari ihña tuhtigũ Cohãcjũ gũhũ marine tiquiro ihña tuhtigũ, marine bosariquiro ihcãquirola ijire. Tiquiro Jesucristota ijire. Jesucristo gũhũ masũnota ijiri. ⁶ Sa yero wapamonore wapa ye basaro saha ijipihtina mari ñañe buhirire yariahye. Cohãcjũ tiquiro queori pjepũ tire masare masigũ yeri. ⁷ Tire yahuacjũre, Jesu tiquiro cũacjũre Cohãcjũpũ yũhũre beseri. Sa yero judio masa ijieyequinare Jesure wacũ tutuayere, quehnoañe buheyere buheacjũre beseri yũhũre. Potota mũsare yahugũ niaja yũhũ. Ni mehoedaja.

⁸ Cohãcjũ yere quehnoano yeyequina, ijipihtiro cjẽna pehe Cohãcjũre tiquina sinigũ cahmeaja. Sa yegũ tiquina usuaro marieno, unureno marieno tiquiro mehna tiquina yahuducugũ cahmeaja.

⁹ Sa yegu numia pehere quehnoañequinamasiñequinare, cua pesayequinare, numia ye suhti yero saha sañañequina masare quehnoano mehna tiquina numia ijigã cahmeaja. Sa ye sijoro ya wãhãre sajã ta dutiyequinare, saha bajuye poari tiquina poarire apequinare quehnoano buhe mi- yeracãhdo. Uru dari busaye darire, hniñequinare beseya mãhã. ³ Sa perla dari gãhãre busaeracãhdo, besegu queheye marieñequinare, tiquina mãhãre “Ihña ñe pjeari”, cahmequeñe marieñequinare, masare niñe. Sa ye wapa bujaye suhtire quehnoano yeyequinare, cahme sañaedacãhdo tiquina Jesu yequina duse tutueyequinare, niñerure numia. Ñmãhãre tutuaro ñe pjegã cahñeñequinare beseya mãhã. ⁴ Sa ye yeracãhdo. ¹⁰ Sa ye tiquina numia mãhã beseriquina tiquina pohne, quehnoañe pehere yeahro. Sata yero tiquina namosãnumia gãhãre ño cahmene “Cohãcjũ yequina numia peoye mehna yãhtigã yeyequina ijiaja”, niñequina numiare. ¹¹ Dihta marieno ño peoye mehna buheyere ijahro. ⁵ Tiquinare yãhtigã ye masie- tãhoahro tiquina numia. ¹²⁻¹⁴ Sa yeye daye Jesu yequina gãhãre yãhtigã ye numia mãhãre buheracãhdo. Sa yeye masiedaboaga tiquina. ⁶ Jesu yequina pãhtoa iji du- mãhãre dutieracãhdo. Tiquina numia ayequina Jesu yequina coã sajãñequina pehe dihta marieno ijiaho. Coã sajãñequinare Jesu yequina Adãre Cohãcjũ ye mãhtahye. Tiquiro pãhtoa mãsa cãgã tiquina “Quehnoa Evare yeahye. Sa yero watño ni yãhdãana ijiaja”, ni tãhotuboaga. Tiquiro ni mehogã tãhoricoro pehe Cohãcjũ tiquinare buhiri dahre dutirota mehogã tãhoricoro pehe Eva ijiahye. Sa tiquiro ni mehogã watñore tiquiro yeriro saha. Watño tãhoro, Cohãcjũre yãhdãdãcaricoro gãhã sata ni tãhotumahye Cohãcjũre wahahye ticoro. Sa yeye, numia pehe yãhdãdãca duaro. mãhãre dutieracãhdo.

¹⁵ Numino iji mãhtaricoro ticoro yãhdãdãcapegãta numia tiquina yãhdãdãca capegãta numia tiquina pohna tigã ihñano tiquinare Cohãcjũ yedohorota. Tiquina numia pohna tiye numia pehe Cohãcjũre tiquina wacũ tutuaducugã tiquiro yedo- horota tiquinare. Sa yero masare, Cohãcjũ gãhãre tiquina cahãducugã, quehnoañequina numia tiquina ijidu- cugã, ñaño marieñequina numia tiquina ijigã Cohãcjũ tiquinare yedo- horota.

3

Jesu yequina pãhtoa tiquina yeatire yahuahye Pablo

¹ Masa Jesu yequina pãhtoa iji duaye, quehnoañene ye duaye niaga tiquina. Ti ijirota ijire. ² Jesu yequina pãhtoare besegu ohõ saha ijieyequinare beseya: Buhiri marieñequinare beseya “Ape- quina tiquinare ñano ni yahusãri”, nigã. Sa yegu ihquẽquina numiare namo tiyequinare, quehnoano tãho

masiedare. ³ Sa yeye yãhtigã yeyequina ijiaho. ⁵ Tiquinare yãhtigã ye masie- daye Jesu yequina gãhãre yãhtigã ye masiedaboaga tiquina. ⁶ Jesu yequina pãhtoa iji du- ayequina Jesu yequina coã sajãñequina ijieye, tiquina pãhtoa iji masiedare. Coã sajãñequinare Jesu yequina pãhtoa mãsa cãgã tiquina “Quehnoa yãhdãana ijiaja”, ni tãhotuboaga. Tiquina sa ni tãhotugã Cohãcjũ tiquinare buhiri dahre dutirota watñore tiquiro yeriro saha. Watño gãhã sata ni tãhotumahye Cohãcjũre yãhdãdãca duaro. ⁷ Sa ye Jesu yequina pãhtoa ijia- tiquina ohõ sahata ijiro cahmene. Jesu yequina ijieyequina tiquina ño peonohñequina ijiro cahmene tiquinare. Quehnoano yeyequina tiquina ijigã ihñaño apequina ño peoeta tiquinare. Sa quehnoano yeye, watño cahmeñene wacũeno mehna tiquiro ye dutigã tiquina pehe watño cahmeñene yesi. Sa ye masa tiquinare ñano quitu dahresi.

Jesu yequinare yedohoatiquina tiquina yeatire yahuahye Pablo

⁸ Sa yegu Jesu yequinare yedo- hoatiquina pehere besegu ohõ saha ijieyequinare beseya: Tiquina cua pesaro ijieyequinare, quehnoano potota yahuducuyequinare, queheye marieñequinare, apequina yere ni meho ehmeñequinare beseya mãhã. ⁹ Sa yegu ñaño buhiri marieno Cohãcjũ ye buheyere sa wacũ tu- tuaducuyequinare beseya mãhã.

¹⁰ Sa yegũ Jesu yequinare yedohoa-tiquina iji duayequinare tiquina yerire ihñaña mũhũ. Tiquinare mũhũ sa ihñari bato tiquina pehe buhiri marieñequina ijiye, Jesu yequinare yedohoa-tiquina sañãahdo tiquina.

¹¹ Sa yena tiquina namosãnumia ohõ saha tiquina ijigũ cahmeaja mari. Cua pesayequina numia, ñaño quti marieñequina numia, tũho masiñequina numia, ijipihtiyere quehnoañene yeducuyequina numia tiquina ijigũ cahmeaja mari.

¹² Sa yegũ Jesu yequinare yedohoa-tiquinare besegũ ihquẽquina numiare namo tiyequinare, tiquina pohnene apequina tiquina ya wũhũ cjẽna gũhare quehnoano yũhtigũ yeyequinare beseya.

¹³ Sa ye mũhũ beseriquina Jesu yequinare tiquina yedohogũ apequina tiquinare quehnoano ihña bucueta. Sa ye tiquina yedohoyequina pehe quehnoañe buheyere, Jesucristo tiquina wacũ tutuaye gũhare cuero marieno buheeta tiquina.

Cohãcjũ ye buheyere yahuahye Pablo

¹⁴⁻¹⁵ Yojopũre mũhũ cahapũ waha duagũ niaja. Sa waha duepegũta yojopũre wahaeranigũ ahri pũpũ yahu, mũhare oja ohogũ niaja. Jesu yequina cahmecoañequina watoa mũsa yeatire mũhare yahu oja ohogũ niaja, “Mianore waharĩsi”, nigũ. Jesu yequina Cohãcjũ catiriquiro yequina ijire. Tiquiro yequina poto ijiye buheyere Cohãcjũ ye buheyere cõore. Sa cõoye tire buheducure. ¹⁶ Ahri ijirota ijire. Marine Cohãcjũ tiquiro buheri, panopũ mari quehnoano masiedari quehnoa yũhdũaye buheye ijire. Ahri buheye ohõ saha ijire:

Tiquiro Cristo mari pagũ yero saha pagũ tiriquire masa bajuahye. Quehnoariquire, ñaño marieniquiro tiquiro ijigũ ihñori Espĩritu Santo pehe. Angele gũhũ tiquirore ihñari. Sa ye tiquiro buhe duti

cũriquina pehe apeye yehpari cjẽnare tiquiro yere yahu buhere. Sa ye ahri yehpapũ masa peyequina tiquirore wacũ tutuari. Came uhmũsepũ Cohãcjũ neari tiquirore. Ti ijire quehnoañe buheye.

4

Quehnoañe buheyere cohãriquinare yahuahye Pablo Timoteore

¹ Espĩritu Santo ahrire quehnoano yahure: Pihtiri deco panogã ihquẽquina masa Jesu ye buheyere cohãeta. Sa ye ni meho buheyere wafĩno ye buheye pehere tũho nunũeta tiquina. ² Ti buheyere ni mehoducuyequina yahueta masare. Tiquina ni mehoducuyequina pehe “Ñaño buhiri mariedare usãre”, ni tũhotuyequina ijire. Sa ye tiquina ñaño yeyere “Ñaño ijire”, ni tũhotuerare. ³ Ohõ saha ni buheeta tiquina: “Namo tieracãhña. Ahri ihyayere ihyeracãhña”, ni buheeta tiquina. Tiquina sa ihya dutierapegũta Cohãcjũ ihyayere bajumehnenõ mari ihyatire quehnoañene cũahye tiquiro. Mari Cristo wacũ tutuana ijigũ quehnoañe buheyere mari masina ijigũ, mari ye ijiatire ti ihyayere bajumehneahye tiquiro. Ti ihyayere cõona tiquirore “Quehnoare”, mari nigũ cahmene tiquiro. ⁴ Ijipihtiyere Cohãcjũ tiquiro bajumehnedi quehnoañe ijire. Sa yena tiquiro bajumehnedi ihyayere nena, Cohãcjũre “Quehnoare”, nina, tire marine cohãedaro cahmene. Tire marine bucu ihyaro cahmene. Sa yegũ apequina tiquina ihya dutieragũ tũhoeracãhña tiquinare. ⁵ Tiquiro bajumehnedi quehnoañe ti ijigũ yahu tuhasahye Cohãcjũ. Sa ye tiquirore “Quehnoare”, mari ni bucueri bato ti ihyaye tiquiro yeri ihyaye quehnoañe waro ijiro nine.

Jesucristo cahacjũnõre Timoteore quehnoariquire yahuahye Pablo

6 Ahri yuhū yahurire Jesu yequinare mari acayere buhegū Jesucristo cahacjū quehnoagū ijire mūhū. Sa buhegū quehnoañe buheyere, quehnoano mūhū tūhorire quehnoano masi pehogū ijire mūhū. 7 Sa yegū tiquina esa tuharo tiquina buherire, Cohācjū ye ijieyere tūhoeracāhña. Sa yegū Cohācjū cahmeñe pehere yepogū ijiya mūhū. 8 Mūhū dahrapogū quehnoa cjūre. Mūhū dahraporiro yūhdūoro Cohācjū cahmeñene mūhū yepogū quehnoa yūhdūare mūhūre. Cohācjū cahmeñene yepogū yojopure quehnoano ijigūta mūhū. Sa yegū mūhū yariari batopū gūhūre masa mūjagū quehnoano ijigūta mūhū. 9 Ti ijirota ijire. Ijipihtiyequina tire yūhū nidire masiñequinare “Ijirota ijire”, nino cahmene tiquinare. 10 Ijipihtiyequina tire tiquina nitire Cohācjū cahmeñene tiquina yeatire mari tutuaro dahraja. Sa yena ñano yūhdūaja mari apequina marine ñano tiquina yegū. Cohācjū catiriquiro, ijipihtiyequinare pecapū wahaboriquinare yūhdūoriquiro ijire. Tiquirore wacū tutuayequina pūritare tiquiro yūhdūorota. Sa yena tiquiro yūhdūoatire masina, cohteaja mari. Sa yena Cohācjū cahmeñe pehere masa tiquina yeatire tutuaro buhe dahraja mari.

11 Ti ijipihtiye yūhū nidire dutiya Jesu yequinare. Sa yegū tire buheya mūhū. 12 Wahmū mūhū ijigū ihñañe apequina Jesu yequina mūhūre yūhdūdūca duaboaga. Tiquina “Sa yeari”, nigū, ohō saha ye ihñoña tiquinare. Masare cahña. Sa yegū Jesure wacū tutuaducuya. Sa yegū buhiri mariegū ijiya. Wahmū ijiepegūta mūhū sa yegū ihñañe mūhūre yūhdūdūcasi tiquina. Sa ye mūhū yahuducurire tūhoye, mūhū yerire ihñañe mūhūre ihña cūeta. 13 Sa yegū mūhū cahapū yūhū esato pano Jesu yequinare Cohācjū yere tiquina ojoari pūre buhe tuhasa tiquinare sa yahu quehnoducuya. 14 Jesu yequina pūhtoare Cohācjū

tiquiro dutigū tiquina pehe Cohācjū yere yahu tuhasa mūhū bui tiquina omocarine duhu peori. Tiquina sa duhu peogū Cohācjū ye ijiatire mūhū ye masiatire cūri mūhūre Cohācjū. Tiquiro sa cūrire ye duhueracāhña.

15 Ahri dutiyere sa yeducuya mūhū. Sa yegū ahri dutiyere quehnoano masiña. Mūhū sa yeri bato quehnoañene mūhū ye nemogū ijipihtiyequina ihñaeta. 16 Mūhū pehe quehnoano yeya mūhū, “Sijoro saha yeari”, nigū. Sa yegū quehnoano buheya mūhū, “Sijoro saha buheari”, nigū. Sa yegū mūhū basita pecapū wahaborigū yūhdūgūta mūhū. Sa ye mūhūre tūhoriquina gūhū pecapū wahaboriquina yūhdūeta.

5

“Apequina Jesu yequinare ohō saha yeya mūhū”, niahye Pablo Timoteore

1 Ne bucurore tuhtieracāhña. Mūhū pacure mūhū quehnoano yeriro sahata bucuro gūhūre quehnoano mehna yahuya. Sa yegū mūhū bahanare mūhū quehnoano yeriro sahata wahma pjia gūhūre quehnoano ño peoro mehna tiquinare yahuya.

2 Sa yegū mūhū pacore mūhū quehnoano yeriro sahata bucuna numia gūhūre quehnoano ño peoye mehna yahuya. Sa yegū mūhū bahana numiare mūhū quehnoano ño peoriro sahata nuhmia gūhūre ñano ũe pjero marieno, quehnoano ño peoye mehna yahuya tiquinare.

3 Sa yegū wape wiha numiare potota acaye marieñequina numiare ño peoye mehna yedohoya tiquinare.

4 Wape wihoro pohna tiricoro ijigū, o panamena tiricoro ticoro ijigū gūhūre ticoro pohne, ticoro panamena gūhū yedohoahro ticorore. Sa yedohoye Cohācjū masare tiquina acayere tiquiro ye dutiyere yeye nine tiquina. Sa yeye tiquina ticorore wapamonore wapa yeye niaga. Tiquina sa yegū ihñano Cohācjū quehnoano bucuere.

5 Pejecuricoro, wape wihoro acaye marienicoro ijiro, Cohācjū ticorore tiquiro yedohoatire

cohtere ticoro. Sa yero ñaminipe, decoripe ticoro Cohãcjũre sa siniducure. ⁶ Apecoro pehe wape wihoro ñañe mehna bucue duaricoro ijiro ticoro catiricoro ijieperota pecapũ wahaticoro ijire.

⁷ Ahri ijipihtiye yũhũ yahurire Jesu yequina gũhũre ye dutiya mũhũ, quehnoañe dihitare tiquina yeatire. Tiquina sa yegũ ihñañe apequina tiquinare “Ñano yeye nine”, ni masiedare. ⁸ Ihcãquiro tiquiro acayere ihña ihboeraro, tiquiro pohne tiquina pacoro gũhũre quehnoano ihña ihboeraro “Jesu yaquiro ijiaja”, ni masiedare. Sa yero Jesure cahmeeñequina yũhdũoro ña yũhdũariquiro ijire tiquiro.

⁹ Wape wiha numiare yedohonata mũsa. Ohõ saha beseya mũsa yedohoatiquina numiare. Tiquina wamene ojoa ohõati pũpũ ojoagũ tagũ ohõ saha beseya tiquina numiare: Sesenta cũhmari cũoericorore ticoro wamene ojoa ohõedacãhña. Sa yegũ wape wihoro ihcãquiroreta manũ timedicorore ticoro wamene ojoa ohõña. ¹⁰ Sa manũ timediquina numiare “Quehnoañene yeyequina numia ijire”, masa tiquina niñequina numiare, tiquina pohnene quehnoano masori numiare beseya. Sa yegũ tiquina ye wũhũsepũ apequinare quehnoano sajã ta dutiyequina numiare, cahacjẽna yero saha Jesu yequinare yedohoye numiare, tiquina dahpocãrine coseri numiare, ñano yũhdũyequinare yedohoye numiare, quehnoañe dihitare yeye numiare beseya. Tiquina numiare mũsa yedohoati numiare bese tuhasagũpũ, tiquina wamene ojoa ohõña mũhũ.

¹¹ Sa ye wape wiha numia nuhmia cjũno tiquina ijigũ tiquina numia pehere beseracãhña. Sa yegũ ti pũpũ tiquina wamene ojoa ohõedacãhña. Came tiquina yere tutuaro ye duaye, Cristore cohã, pari turi manũ tiboaga. ¹² Tiquina Cristore “Mũhũ yequinare yedohonatja”, nidiquina numia ijiepetã camepũre tiquina nidiro

sahata yedohoeraboaga tiquina. Tiquina sa yedohoerari buhiri buhiri tieta. ¹³ Tiquina numia ohõ saha yere: Dahraeye numia ijipore. Sa ye apequina ye wũhũsepũ waha, ñañe quitu dahre, sijoro saha mari yegũ marine sa yahuducure. Sa ye tiquina yahu dutierarire yahu wajare tiquina numia.

¹⁴ Sa yegũ tiquina numia ohõ saha yegũ cahmeaja yũhũ: Wape wiha numia nuhmia cjũnogã ijiye numia manũ tiahro. Sa ye Jesu yequinare “Ƨsãre yedohoya”, nino marieno ijiahiro tiquina numia. Sa ye tiquina pohna tiahro. Sa ye tiquina ye wũhũse cjẽnare quehnoano ihña ihboahro. Mari ye numia wape wiha numia tiquina sa yegũ marine ihña tuhtiyequina marine “Ñañene yeye nine”, ni tuhti masiedare. ¹⁵ Yojopũ pũritare ihquẽ numia wape wiha numia Cristo yere duhu, watĩno cahmeeñe pehere ye tuhasare. Sa yegũ sa ni yahuaja mũhũre.

¹⁶ Jesu yequina tiquina acayoro wape wihoro ticoro ijigũ tiquina ticoro acaye ticorore yedohoahro. Apequina Jesu yequina pehe ticorore yedohoeracãhdo. Sa ye Jesu yequina ticoro acaye cũoricorore yedohoeraye, apequina numia wape wiha numia acaye marieñe numia pehere yedoho masine.

¹⁷ Jesu yequina pũtoã mũsare tiquina quehnoano buhegũ tiquina dahrayere tiquina quehnoano yegũ ihñana ño peoya tiquinare. Sa yena quehnoano wapa yeya tiquinare. Ihquẽquina tiquina mehna cjẽna Cohãcjũ yere yahuyequina mũsare buheyequina gũhũ ijire. Tiquina pũritare apequina yũhdũoro quehnoano ño peoya. ¹⁸ Cohãcjũ yere tiquina ojoari pũpũ ohõ saha nine, dahrariquirore tiquina wapa yeatire yahuro: “Wecũ trigo pjerire tiquiro dahpocãri mehna suhti wegũ tiquiro dũserore cahmotaeracãhña. Tiquiro cahmeno ihyaahro”, ni ojoahye. Sa yero ape pũpũ ohõ saha nine:

“Dahrariquirore tiquiro dahrari wapore ohoro cahmene”, nine Cohācjū yere tiquina ojoari pūpū. Tiquiro sa nigū tūhona Jesu yequina pūhtoare quehnoano ño peoya mūsa. Sa yena quehnoano wapa yeya tiquinare.

¹⁹ Jesu yequina pūhtorore tiquiro ñano yegū ihñano ihcāquirota yahusā masiedare. Pūhtorore ñañene yahusātiquina ihtiaro ijiye, tiquirore yahusā masine. Ihtiaro mariedagū pūaro yahusā masine. ²⁰ Sa yena ñañene yeducuriquirore ijipihtina mūsa watoa tiquiro ijigū tiquirore tuhtiya, apequina cueatire, ñañene tiquina yeratire. ²¹ Sa yegū Cohācjū, Jesucristo, tiquiro beseriquina angele gūhū tiquina ihñonopū ahrire dutiaja mūhūre: Yojopū mūhūre yūhū dutirire ye pehoya. Sa yegū ijigū ijipihtiyequinare Jesu yequinare ihcāno saha yeya. Apequirore sijoro saha, apequirore sijoro saha yeracāhña. ²² Apequinare Cohācjū dahrayere mūhū cūatire tiquina bui mūhū omocarine mūhū duhu peoato pano sojaro marieno quehnoano tūho masiñe mehna tiquinare beseya. Tiquina ñañequina ijiboaga. Sa ijiyequinare Cohācjū dahrayere cūedacāhña. Sa cūgū mūhū gūhū mūhū duhu peoyequina tiquina ñañene yero sahata yegū niboaga mūhū. Sa yeracāhña. Sa yegū ñañe mariegū ijiya mūhū.

²³ Ūsaro waro paa purīnohū ijire mūhū. Sa yegū yojopūre aco dhitare sihnimene mūhū. Sa yegū mehenogā vino gūhūre sihniña mūhū. Paa purīñe co ijire ti.

²⁴ Ihquēquina tiquina ñañene yegū mari ihñaja. Sa yena Cohācjū tiquinare tiquiro buhiri dahreatire masiaja mari. Apequina pehere tiquina ñañe yerire mari masiedaja. Tiquina ñañe yerire came masinata. ²⁵ Ti ijiro sahata ihquēquina quehnoañene tiquina yegū tire mari masiaja. Apeye tiquina quehnoañene yerire yojopūre masiedapenata camepū masinata

mari. Ti quehnoañene nūono basioerare.

6

¹ Cahacjēna Jesu yequina pehe tiquina pūhtoare quehnoano ño peoahro. Tiquina sa ño peogū ihñañe apequina Cohācjūre, mari buheye gūhūre ñano yahuducu masiedare. ² Tiquina pūhtoa Jesu yequina tiquina ijigū ihñañe tiquina cahacjēna pehe Jesu yequina ijiye, tiquinare ihñapoye ño peoeraboaga. Sa yeraro cahmene. Tiquina pūhtoa Jesu yequina tiquina ijigū pūritare tiquina cahacjēna quehnoano ño peoahro tiquinare. Sa ño peoye tiquina cahacjēna pehe Jesu yequinare, tiquina cahññequinare yedohoye nine. Tiquina pūhtoare Jesu yequinare yedohoye, Jesure cahmeeñequinare tiquina ño peoriro yūhdūoro Jesu yequina pehere ño peoahro tiquina cahññequina ijigū. Ahri yūhū yahurire buheya. Sa yegū ahrire dutiya.

Cohācjūre ño peoye gūhūre quehnoano ijiye gūhūre yahuahye Pablo

³ Sijoro saha ijiye buheyere buheriquiro mari pūhtoro Jesucristo ye buheyere quehnoañe buheyere “Ijirota ijire”, ni tūho duerare. Sa yero mari ye buheyere Cohācjūre ño peoye buheyere cahmedare. ⁴ Sa yero tiquiro “Masi pehogū ijiaja”, nieperota tire ne masiedare. Sa yero tūho masieniquiro yero saha tutuaro cahme dūse tutua duare tiquiro. Sa yero Cohācjū yere sa ni maca cāriquiro ijire. Masa tiquiro yero saha ijiyequina cahme dūse tutuaye, tiquina basi cahme ihñā cooye, cahme ihñā duerare. Sa ye apequinare ñano quitī dahreye, masiedapeta masare ñano ni tūhoture tiquina. ⁵ Sa ye tiquina ñañe dhitare tūhotuyequina, potō ijiyere ne masieñequina sa cahme dūse tutuaducure. Sa ye “Cohācjū yere buhena, niñerure wapatanata mari”, ni tūhoture tiquina.

⁶ Mari ye mehenogā mari cūoye mehna bucuena, Cohācjūre ño peona,

potota quehnoano ijina niaja mari. ⁷ Ahri yehpapure masa bajuana ne apee borore ne cãhtaerũ mari. Sa yena mari yariari bato wahana, ne apee borore nea masiedaja mari. Sa yena m̃sa yere m̃sa c̃oye mehna to punota bucueya. Pajiro cahme nemoedacãhña. ⁸ Sa yena mari ihyayere mari suhti gũhũre c̃ona apeyere cahme nemoedacãhña. M̃sa c̃oro punota bucueya m̃sa. ⁹ Doeri c̃jẽ opana iji duayequinare watĩno ñañene tiquiro ye dutigũ tiquina pehe peye ñañene yeducuyequina ijiboaga. Sa ye tiquina peye tahari tũho masieñequina yero saha apee borore tutuaro cahmeñe, ñañe yeyere duhueraye, tiquina basita ñano yũhdũre. Sa duhueraye, pecapũ wahaeta tiquina. ¹⁰ Niñerure tutuaro cahmeñe, peye ñañene ye dũcare masa. Ihquẽquina niñerure cahĩne, tutuaro cahmeñe, Jesure wacũ tutua duhuye, peye tahari ñano jeripohna tire tiquina.

Cohãcjũ yere yena ñañene duhuya

¹¹ M̃hũ pũrita Cohãcjũ yaquirola ijire. Sa yegũ ahri ñañene yeracãhña. Sa yegũ quehnoañe pehere cahmeña. Cohãcjũ yere yeya. Sa yegũ Jesure wacũ tutuaya. Sa yegũ apequinare cahĩña. Ñano yũhdũrepegũta ihcãno sahaya. Sa yegũ sa tũhotu cãhña. ¹² Æhm̃sepũ sa ijiducucjũre Cohãcjũ beseri m̃hũre. Sa yegũ Cohãcjũre m̃hũ wacũ tutuayere peyequina masare quehnoano yahuri m̃hũ. Sa yegũ ñano yũhdũrepegũta tiquirore wacũ tutua duhueracãhña Æhm̃sepũ m̃hũ sa ijiducuatire. ¹³ Cohãcjũ ijipihtiyequinare catigũ yeriquiro ijire. Ijipihtiyere ijigũ yeriquiro ijire. Sa yero Jesucristo pehe Poncio Pilatore Cohãcjũ yere quehnoano yahuriquiro ijire. Sa yegũ Cohãcjũ, Jesucristo gũhũ tiquina ihñonopũ ahrire m̃hũre ye dutiitja: ¹⁴ M̃hũre tiquiro dutirire ye peho cãhña. Jesucristo tiquiro tojoa tato pano masa m̃hũre ñañene tiquina “Yahusãri”, nigũ, tiquiro dutirireta yeducuya.

¹⁵ Tiquiro queoriro sahata Cohãcjũ Cristore tojoa tagũ yerota. Cohãcjũ quehnoariquiro, tiquiro dihita masare dutiriquiro ijire. Sa yero ijipihtiyequina apequina pũhtoa bui pũhoro ijire tiquiro. ¹⁶ Sa yero tiquiro dihita ne yarieriquiro ijire. Tiquiro asi siteye mehna ijiriquiro ijire. Sa ye masa tiquiro asi siteye cahapũ waha masiedare. Sa yeye tiquirore masa ne ihñedari. Sa yeye yojopũ gũhũre tiquirore ihñedare. Tiquiro pehere ño peouhna. Sa yena “Ijipihtiyecore decori tutuariquiro ijire tiquiro”, niñna tiquirore. Sata niñna.

¹⁷ Ahri yehpa c̃jẽna doeri c̃jẽ opanare ohõ saha ni dutiya m̃hũ: “Apequinare masi yũhdũcãja”, ni tiquina basi tũhotueracãhdo. Tiquina doeri c̃jẽ tiquina c̃oye pihtia waharota. Sa yeye tiquina c̃oye dihitare bucueracãhdo. Cohãcjũ pehere bucueahro. Ijipihtiyecore pototi mari cahmeñene ohoriquiro ijire tiquiro. Tiquiro pehere wacũ tutuahro tiquina doeri c̃jẽ opana. ¹⁸ Sa yeye tiquina quehnoañe pehere yeahro pajiro quehnoañene yeyequina tiquina ijiatire. Sa yeye tiquina c̃orire apequinare ohoahro. ¹⁹ Tiquina sa yegũ Æhm̃sepũ Cohãcjũ cahapũ tiquina ye ijirota. Topũ tiquina ye ijigũ ne butisi. Sa ye topũ sa ijiducuceta tiquina.

Pablo Timoteore duti bato tiahye

²⁰ Timoteo, m̃hũre Cohãcjũ tiquiro cũrre tiquiro buhe dutirire quehnoano yeya. Boeracãhña m̃hũ. Ihquẽquina masa Cohãcjũre cahmeeñequina yero saha ni mehoñe, tũho masieñequina ye buheyere yahuducuducure. Sa yahuducuye “Quehnoano masieñequina ye buheye ijire”, nimene tiquina. Sa tiquina ni buheyere tũho nũnedacãhña. ²¹ Ihquẽquina ti buheyere tũho nũñeñequina Cristo yere cohã cãhre. Cohãcjũ tiquiro cahĩne mehna m̃hũre tutuaro quehnoa dutiaja.

2 Timoteo

Pablo Timoteore pari turi ojoa ohoahye

¹ Yũhũ Pablo, ahrire mũhũre Timoteore ojoa ohoaja. “Ijipihtiyequina Jesucristore wacũ tutuayequina uhmũsepũ sa ijiducuenta”, ni, cũri marine Cohãcjũ. Tiquiro sa ni cũrire yahuacjũre yũhũre bese cũri Jesu. Sa cũno Cohãcjũ tiquiro cahmeno sahata yero nidi yũhũre. ² Mũhũ Timoteo yũhũ cahĩgũ ijire. Mũhũre Jesu yere yũhũ buhegũ tũhogũ tiquirore quehnoano wacũ tutua dũcarĩ mũhũ. Sa yegũ yũhũ macũ yero saha ijire mũhũ. Sa yegũ Cohãcjũ mari Pacũ, mari pũhtoro Jesucristo mehna mũhũre quehnoa dutiaja. Sa yeye mũhũre paja ihña, tiquina yedohoye mehna quehnoano ijiya mũhũ.

Masare Cristo yere tiquina yahurire yahuahye Pablo

³ Ñamĩpũ, decopũ gũhũre Cohãcjũ mehna yahuducugũ mũhũ ye ijiatire sini basagũ mũhũ mehna bucueaja. Sa bucuegũ Cohãcjũre “Quehnoare”, niaja yũhũ. Panopũ cjẽna yũhũ acaye ñaũe buhiri marieno Cohãcjũ yere tiquina yeriro sahata yũhũ gũhũ yojopũre tiquiro yere yeaja. ⁴ Sohõ ijiri pjere yũhũ wahagũ mũhũ uti nũnũ tãe tĩrĩre wacũgũ mũhũre tutuaro ihña duaja, mũhũ mehna quehnoano bucue duagũ. ⁵ Sa yegũ Jesure potota mũhũ wacũ tutuarire wacũaja yũhũ. Mũhũ ñeco, Loida, mũhũ paco Eunice gũhũ mũhũ yero sahata Jesure wacũ tutua mũhtari mũhũ pano. Sa yegũ yojopũre mũhũ gũhũ tiquirore mũhũ wacũ tutuagũ quehnoano masiaja yũhũ.

⁶ Sa yegũ ahrire mũhũre wacũgũ ye duaja. Mũhũ bui yũhũ omocarine yũhũ duhu peogũ Cohãcjũ yere mũhũ yeatire tutuayere ohoi mũhũre. Ti tutuaye mehna ye nemoña mũhũ. ⁷ Cohãcjũ marine tiquiro yaquiro Espĩritu Santore

ohori. Sa yero masare marine cueragũ yere Espĩritu Santo. Sa yero tutuana, masare cahĩna, tũho masina marine ijigũ yere tiquiro. ⁸ Sa yegũ mari pũhtoro ye ijiatire apequinare yahugũ, bũe tieracãhña mũhũ. Yũhũ tiquiro yere yũhũ yeri buhiri peresupũ ijigũ niaja. Peresupũ yũhũ ijigũ yũhũre bũe tisãedacãhña mũhũ. Sa yegũ quehnoaũe buheyere mũhũ buheri buhiri ñano yũhdũgũ “Quehnoanota”, niña mũhũ gũhũ. Mũhũ sa ñano yũhdũgũ Cohãcjũ mũhũre yedohorota. ⁹ Cohãcjũ pehe marine pecapũ wahaborinare yũhdũori. Sa yero quehnoana, tiquiro yequina ijianare tiquiro beseahye marine. Mari quehnoano yeye mehna tiquirore marine besegũ yerũ. Tiquiro esa tuharo tiquiro cahmediro sahata yero ahri yehpare tiquiro bajumehneato pano marine cahĩno, tiquiro marine beseahye. Marine sa cahĩno marine yũhdũoatiquirore Jesucristore ohoahye Cohãcjũ. ¹⁰ Yojopũre Jesucristore marine yũhdũoatiquirore ohoro, marine potota tiquiro cahĩñene masigũ yero niahye Cohãcjũ. Jesu marine tiquiro yequinare pecapũ wahaeragũ yeri. Sa yero “Yũhũre wacũ tutuana Cohãcjũ mehna sa ijiducunata”, nino, quehnoaũe buheyere marine yahuro ahtahye tiquiro.

¹¹ Ti buheyere quehnoaũe buheyere yahuacjũre tiquiro cũacjũre beseri yũhũre. ¹² Sa tiquiro beserigũ ijigũ yojopũre ñano yũhdũaja yũhũ. Ohõ saha ñano yũhdũepẽgũta yũhũ bũe tieraja. Yũhũ wacũ tutuariquirore Jesure masiaja yũhũ. Tutuariquiro ijire tiquiro. Sa yero yũhũre tiquiro yere buhe duti cũno quehnoano yedohorota. Sa yero ahri yehpapũ tiquiro tojoa tato pano, “Mũhũre yũhdũogũtja”, tiquiro nidiro sahata sohtori tirota yũhũre. Yũhũre yũhdũorota tiquiro. Tire quehnoano masiaja.

¹³ Mũhũre quehnoano yũhũ yahurire ye pehoya. Cristo Jesu

yequina ijina tiquirore quehnoano wacũ tutuaja mari. Sa yena apequinare quehnoano cahñaja. Sa yegũ tiquirore sa wacũ tutuaducuya mũhũ. Apequinare quehnoano cahñaducuya. ¹⁴ Sa yegũ Espiritu Santo mari mehna ijiriquiro tiquiro yedohoro mehna quehnoañe buheyere quehnoano yeya. Queoro buheya.

¹⁵ Ijipihtiyequina Asia yehpa cjẽna Jesu yequina yũhare yedoho dueraye, cohã cãa wahari. Tiquina mehna cjẽna pũaro Figelo, Hermógene sata yeri tiquina gãhũ. Tiquina sa cohã cãrire masi tuhasare mũhũ. ¹⁶⁻¹⁷ Tiquina sa cohãepẽgũta Onesíforo pehe peye tahari yũhare yedohoro quehnoano jeri sajãgũ yeri. Sa yero yũhũ peresupũ ijigũ tiquiro yũhare bũe tisãedari. Sa yero yũhũ Romapũ ijigũ sa macaducuri jiri yũhare. Sa macaducuro yũhare bocari. Sa yero tiquiro pohnene, tiquina pacoro gãhũre paja ihñanota Jesu mari pũhtoro. Tiquirore sa paja ihña dutigũ tiquirore sini basaja. ¹⁸ Sa yero ahri yehpapũ Jesu mari pũhtoro tiquiro tojoa tati deco tiquirore paja ihñanota. Tiquirore sa paja ihña dutigũ tiquirore sini basaja. Efesopũ marine Onesíforo tiquiro yedohorire quehnoano masine mũhũ.

2

Ñano yũhdũepenata Jesu yequina ijina ihcãno saharo cahmene marine

¹ Mũhũ pehe yũhũ macũ yero saha ijigũ, Jesucristo yedohoro mehna tiquirore wacũ tutuaducuya.

² Sa yegũ peyequina masare yũhũ buherire mũhũ tũhorire apequina gãhũre buheya mũhũ. Tiquina mũhũ buheyequina Cohãcjũ yere yeducuyequina ijiahro. Sa ye apequinare buhe masiñequina ijiahro.

³ Surara ñano yũhdũeperota tiquiro ihcãno saharo saha mũhũ gãhũ Jesu yaquiro ijigũ ñano yũhdũgũ, ihcãno sahaya mũhũ. Sa yegũ apequina Jesu yequina yero saha yegũ nine mũhũ. ⁴ Surara tiquiro pũhtoro dutiye pehere yere. Sa

yero tiquiro surara ijieyequina yero saha ihyo ijiyere yerare tiquiro. Mũhũ gãhũ sata Cohãcjũ dutiye dihitare yeya. ⁵ Omariquiro oma dutiyequina tiquina dutiyere queoro yeraro, tiquiro oma yũhdũdũcari wapare ne masiedare. (Sa yegũ omariquiro ti dutiyere queoro tiquiro yeriro saha Cohãcjũ dutiyere quehnoano ye pehoya mũhũ.) ⁶ Sa yero wese dahrariquiro quehnoano dahrariquiro pehe apequina pano quehnoano wapatare. (Sa yegũ mũhũ gãhũ tiquiro yero saha quehnoano dahraya mũhũ.) ⁷ Ijipihtiyere quehnoano masigũ yerota Jesu mari pũhtoro mũhũre. Sa yegũ yojopũre mũhũre yũhũ nidire quehnoano wacũ tũhotuya.

⁸ Sa yegũ Jesucristore wacũña. Tiquiro pũhtoro Davi mũnano panopũ cjãno tiquiro panamino iji turiariquiro ijiahye. Sa yero yariaro masa mũjahye tiquiro. Quehnoañe buheyere buhegũ tiquiro sa waharireta buhegũ niaga. ⁹ Tiquiro yere buhegũ ñano yũhdũaja yũhũ. Sa yegũ tire yũhũ buheri buhiri ñañene yeriquiro yero saha peresupũ ijiaja yũhũ. Yũhũ sa ijiepegũta Cohãcjũ ye yahuducuyere buhe duhugũ ye masiedare masa yũhare. ¹⁰ Sa yegũ Cohãcjũ beseriquinare buhegũ peye tahari ñano yũhdũaja yũhũ, tiquina gãhũ Jesucristo yequina tiquina ijiatire. Tiquiro yequina ijiye tiquina pecapũ wahaboriquina pehe tiquiro yũhdũoatiquina ijieta. Sa ye tiquina Cohãcjũ mehna sa ijiducuetata.

¹¹ Ahri yũhũ niati ijirota ijire. Cristo yere mari yeri buhiri apequina marine tiquina wejẽgũ tiquiro mehna uhmũsepũ sa ijiducunata.

¹² Sa yena tiquiro yere mari yeri buhiri ñano yũhdũepenata ihcãno sahana tiquiro pũhtoro ijiropũre tiquiro mehna pũhtoata ijinata mari gãhũ.

¹³ “Cristore usã masiedaja”, mari nigũ, tiquiro gãhũ marine sata ninota. Tiquirore mari

yahducagũ ihñano tiquiro nidiro sahata marine buhiri dahrerota. Tiquiro nidiro sahata yeriquiro ijire tiquiro. Ne ni mehoedare. Ahri ijipihitiye tiquiro yahuri ijirota ijire.

Cohãcjũ tiquiro ihña coayequinare, tiquiro yere buheyequinare yahuahye Pablo Timoteore

¹⁴ Ahri yũhũ yojopũ yahuatire mũhũ mehna cjẽnare wacũgũ yeya. Tiquina esa tuharo ihyo ijiyere tiquina yahuducuye dũhseati ijierare. Sa yeye tiquinare tũhoriquinare ñano yegũ yere. Sa yegũ mari pũhtoro ihñonopũ ohõ saha ni yahuya tiquina esa tuharo buheriquinare. “Mũsa yahuducuro saha yahuducueracãhña”, niña tiquinare.

¹⁵ Mũhũ pehe Cohãcjũ yere quehnoano buheya. Sa yegũ Cohãcjũ yere tutuaro yeya. Mũhũ sa yegũ ihñano “Quehnoano yeri mũhũ”, ninota Cohãcjũ mũhũre. Sa yegũ mũhũ buherire tiquiro ihñagũ bue tisi mũhũ. Sa yegũ tiquiro ye buheyere quehnoano masiña. Sa yegũ tire queoro buheya. ¹⁶ Tiquina esa tuharo yahuducuyequina ñañene sa yeducure. Sa yegũ tiquina sa ni yahuducuyere tũho yabiya mũhũ. ¹⁷ Tiquina pehe tiquina yahuducuye camino ahba mũjano yero saha ijire. Camino ahba mũjano saha tiquina yahuducuye gũhũ apequina Jesu yequinare ñañequina wahagũ yeeta. Sa yahuducuyequina mehna cjẽna Himeneo, Fileto gũhũ ijire. ¹⁸ Sa yeye tiquina “Jesu yequina masa mũja tuhasari”, ni buheye, quehnoañe buheyere duhu cãri tiquina. Sa sijoro saha buheye, meheñequinagã Jesu yequinare tiquirore wacũ tutua duhugũ yeri tiquina. ¹⁹ Tiquina sa ñano buhepegãta Cohãcjũ ye buheye pehe ne comesaerare. Ohõ saha nine tiquiro ye buheye: “Mari pũhtoro Jesu tiquiro yequinare masine. Sa ye, ijipihitiyequina ‘Jesu yequina ijiaja’, niñequina ñañene duhu cãhdo”, ni yahure Cohãcjũ ye buheye.

²⁰ Mari queoye mehna buhegũ masa sihniñe pari yero saha ijire. Pajiri wũhũpũ uru, plata mehna tiquina yeri pari ijire. Sa yero ti wũhũpũ apeye pari yucũgũ mehna, dihi mehna tiquina yeri pari ijire. Uru, plata mehna tiquina yeri pari quehnoañene tiquina pose yeati ijire. Apeye pari ihyo ijiyere tiquina pose yeati ijire. ²¹ Sa yero ñañene yerariquiro uru pa quehnoari pa yero saha ijirota. Sa yero tiquiro pehe Jesu ye dihitare yeducuriquiro ijirota. Sa yero wũhũ cjãno quehnoari pa mehna quehnoañene tiquiro yeriro saha, ñañene yerariquiro Jesu ye ijiatire quehnoañene yerota.

²² Wahmũ ijire mũhũ. Sa yegũ wahma pjia ñañene tiquina tutuaro ye duaro sahata yeracãhña mũhũ. Sa yegũ quehnoañene yeya. Jesure wacũ tutuaducuya. Sa yegũ tiquirore, masa gũhũre cahñña. Sa yegũ mũhũ mehna cjẽna Jesu yequina mehna ijigũ cahmequeno marieno quehnoano ijiya mũhũ. Sa yeya mũhũ Cohãcjũre yũhtiyequina tiquirore siniducuyequina mehna ijigũ. ²³ Sa yegũ tũhoturo marieno tiquina cahme yahuducuyere mũhũ gũhũ tũho nũnũedacãhña. Sa yegũ mũhũ gũhũ sa cahme yahuducueracãhña. Sa ni yahuducuye masa tiquina basi cahme tuhti, usuare. ²⁴ Cohãcjũ cahacjũno ihcãquiro ijiro, cahme tuhtieraro cahmene tiquirore. Sa yero ijipihitiyequinare quehnoano yeriquiro, buhe mihnidiquiro, duita usueriquiro ijiro cahmene tiquirore. ²⁵ Sa yero apequina tiquiro mehna tiquina cahme tuhtigũ tiquiro tiquinare yahuro, quehnoano mehna usuario marieno yahuro cahmene tiquirore. Tiquiro sa yahugũ ihñañe Cohãcjũ yedohoye mehna tiquina pehe tiquina ñañe yerire bũjua witiboaga. Sa ye quehnoañe buheyere masi dũcaboaga. ²⁶ Tiquinare watĩno cũomedi tiquiro cahmeñene yeatiquinare. Sa ye tiquina ñañe yerire bũjua witiri bato quehnoañe

buheyere masiñe, watĩnore cohã cãeta.

3

Pihtiati deco ijiatire yahuahye Pablo Timoteore

¹ Pihtiati deco panogãre ñano yãhdũeta masa. Tĩre quehnoano masiña mũhũ. ² Ti pjere masa apequinare wacũ peoyequina, niñerure cahme yãhdũdũcayequina, “Apequinare masi yãhdũdũcaja”, ni tiquina basi tãhotuyequina, masare ñano tuhtiyequina, tiquina pacũsmũare yãhdũdũcayequina, tiquina ohopegũta “Quehnoare”, nieñequina, Cohãcjũre ño peoyequina ijieta. ³⁻⁴ Sa ye masare cahieñequina, paja ihñeñequina, ñaño quti dahreyequina, tiquina esa tuharo ñano yeducuyequina, masare sa quẽducuyequina, quehnoañene yabiyequina, tiquina mehna cjẽnare ñano yeyequina, tãho masieñequina, “Masi pehoaja”, ni tãhotuyequina ijieta masa. Sa ye ñañoene cahme yãhdũdũcayequina ijiye, Cohãcjũ pehere cahmeeñequina ijieta. ⁵ Sa ye tiquina masa ihñonopũ Cohãcjũre ño peopeta “Cohãcjũ ihyo ijiriquiro ijire”, ni tãhotumene tiquina.

Sa niñequinare piti tieracãhña mũhũ. ⁶ Tiquina mehna cjẽna tãho masieñequina numia ye wãhũsepũ sajã, tiquina numiare ni mehoñene buhere. Tiquina numia pehe sa ñañoene yeducuyequina numia, tutuaro ñañoene ye duare. ⁷ Tiquina numia sa buheducuye ihyo ijiye buheyere, sijoro saha ijiye buheyere tãhoye numia ijiye, Cohãcjũ ye buheye pehere ne masiedare. ⁸ Panopũ Jane, Jambre yayia mũna Moiserere tiquina ihña tuhtiro sahata pihtiati deco panogã ijiyequina masa quehnoañe buheye pehere ihña tuhtietã. Tiquina ñaño dihitarẽ tãhotuyequina ijieta. Sa ye Jesure wacũ tutuayequina waro ijierare. ⁹ Sa yeyequina tiquina ni mehoñene tãho duasi apequina pehe. Came tiquina ni mehoñene, tãho masieñequina tiquina

ijiye gãhũre ijiipihtiyequina masieta. Jane, Jambre mehna tiquina ni mehoñene panopũ masa tiquina masidiro sahata sata masieta pihtiati deco panogã ni mehoñequina tiquina ijiyere.

Pablo Timoteore duti bato tiahye

¹⁰ Yũhũ buheyere, yũhũ yee tirire, yũhũ ijiye tiyere, yũhũ ye duayere, Jesure yũhũ wacũ tutuayere masine mũhũ. Sa yegũ usuaro marieno yũhũ yerire, masare yũhũ cahĩñene, ñano yãhdũepegũta yũhũ ihcãno saharire masine mũhũ. ¹¹ Sa yegũ yũhũre tiquina ñano yerire, yũhũ ñano yãhdũrĩre masine mũhũ. Sa yegũ Antioquiãpũ, Iconiopũ, Listrapũ, yũhũre ña yãhdũaro tiquina yerire masine mũhũ. Yũhũ sa wahagũ ihñano mari pũhoro Jesu pehe yũhũre yedohori. ¹² Ijiipihtiyequina Jesucristo yequina tiquina iji duagũ Cohãcjũ dutiriro sahata tiquina yeducu duagũ apequina tiquinare ñano yeeta. Ti ijirota ijire. ¹³ Sa ye ñañoequina pehe ni mehoñequina gãhũ ña yãhdũayequina wahaeta. Apequinare ni mehoñe, tiquina basi ni mehoñene “Sa tjire”, niñe, ña yãhdũayequina wahaeta.

¹⁴ Mũhũ pehe mũhũre yũhũ buherire, quehnoano mũhũ tãhorire sa wacũducuya. Sa yegũ yũhũ buheriro sahata yeya. Mũhũre buheriquinare masine mũhũ. ¹⁵ Mũhũ nijigũ ijigũpũta Cohãcjũ yere tiquina ojoari pũre masi dũcahye mũhũ. Tiquiro yere tiquina ojoari pũpũ ohõ saha ni yahure mũhũre: Jesucristore wacũ tutuayequina dihitarẽ pecapũ wahaboriquinare yãhdũore Cohãcjũ. ¹⁶ Cohãcjũ yere tiquina ojoari pũpũ ijiipihtiyere Cohãcjũ pehe oja dutiahye. Sa yena ti pũre buhena mari masi nemoaja. Ti pũre buhena Cohãcjũ dutiyere mari yeatire masiaja. Sa buhena mari ñaño yerire “Ahri ñaño ijire”, ni tãhotuaja mari. Sa yero ti pũ marine quehnoañe pehere camesa dutire. Sa yero decoripe quehnoañene mari yeducuatire yahure ti pũ. ¹⁷ Sa

yero Cohācjū yaquiro tiquiro ya pūre buhero, masi pehorota. Sa masino ijipihtiyere quehnoañene ye masinota tiquiro.

4

¹ Jesucristo ijipihtiyequina pūhtoro, tojoa tatiqiro, catiyequinare, yariariquina gāhare buhiri dahre dutiatiquiro tiquiro ihñonopu mūhare ohō saha ni yahutja. Cohācjū ihñonopu gāhare ohō saha ni yahutja mūhare: ² Decoripe masa tiquina tūho duagū tiquina tūho dueragū gāhare Cohācjū yere yahuya. Sa yahugu masa tiquina ñaṇe yerire masigū yeya tiquinare. Sa yegu tiquina ñaṇe yerire “Ye nemoedacāhña”, ni yahuya tiquinare. Quehnoañe pehere ye dutiya. Sa buhegu ne usuegu, caributieracāhña mūhu. Sa yegu ne apeqinare buhe duhueracāhña. ³⁻⁴ Camerpu masa quehnoañe buheyere tūho duasi. Sa tūho dueraye, tiquina cahmeno sahata yeye, tiquina tūho coaye dihitare buheyequinare cahmeeta tiquina. Sa ye ni mehoṇe buheyere peyequina buheyequinare cūoeta. Tiquina sa yeye quehnoañe buheye pehere cohā, tiquina sa buhe maca cārire tūho nūneta. Sa yegu quehnoañe buheyere buhe duhueracāhña mūhu. ⁵ Mūhu gūhu sa ijigu decoripe tūho masigu ijiya. Sa yegu ṇano yūhduepegūta ihcāno sahaya. Sa yegu quehnoañe buheyere sa buheducuya. Cohācjū mūhare tiquiro ye dutirire ye peho cāhña mūhu.

⁶ Yūhu Cohācjū yere yūhu yeri buhiri yūhu yariato mehenogā dūhsare. Sa yegu meheṇe decorigā catiniitja. ⁷ Yūhu yariato panogā ahrire yahutja: Jesu quehnoañe buheyere yūhare buhe dutiro tiquiro cūrire quehnoano buhe sohtori tii. Tiquiro ye dutiyere quehnoano ye pehou. Sa yegu ṇano yūhduepegūta tiquirore ne wacū tutua duhueru. ⁸ Yojoṛe quehnoañene yūhu yeri wapare ūhmūsepu ihboro niaga. Sa yero mari pūhtoro, ijipihtiyequinare

masi pehoriqiro, buhiri dahre dutiro queoro yahuriqiro tiquiro tojoa tati deco tiquiro yere yūhu yeri wapare ohorota yūhare. Apequina gāhare tiquiro tojoa tatire cohteyequinare tiquirore cahñequinare tiquiro yere tiquina yeri wapare ohorota Jesu.

Pablo yahu nemoahye Timoteore

⁹ Yūhu cahapu ūmūṇano ihñagu ah-taya mūhu. ¹⁰ Dema ahri yehpa cje ijipihtiyere tutuaro cahmeno yūhare yedoho dueraro cohā cāa wahari Tesalónicapu. Crescente gūhu Galacia yehpapu wahari. Sa yero Tito gūhu Dalmaciapu wahari. ¹¹ Luca di-hita yūhu mehna ijire. Marco yūhare quehnoano yedohoatiquiro ijire. Sa yegu tiquirore ne cāhtaya mūhu. ¹² Sa yegu Tíquicore Efesopu ohou. ¹³ Ohōpu ahtagu, yūhu bui sañari suhtirore, Troapu Carpo ya wūhūpu yūhu cūri suhtirore ne cāhtaya. Sa ye sohō ijiri tunuri ojoari tunuri gūhare ne cāhtaya. Sohō ijiri cahseri ojoari cahseri pūritare tutuaro cahmeaja yūhu. Sa yegu ti cahseri gūhare ne cāhtaya.

¹⁴ Alejandro comene dahrariqiro yūhare ña yūhdūaro yeri. Sa yero tiquiro sa yeri buhiri Cohācjū buhiri dahrerota. ¹⁵ Tiquiro Alejandro mari ye buheyere tutuaro ihña tuhtiri. Sa yegu tiquiro mūhare “Ñano yeari” nigū, tiquirore ihñagu, quehnoano wacū masiña.

¹⁶ Masare beseriquirore peresupu ye dutiriquirore yūhu yerire, yūhu buherire tiquirore yūhu coā yahugū ne ihcāquiro boro Jesu yaquiro yūhare yedohoerari. Ijipihtiyequina yūhare yedohoeraye, cohā cāa wahari. Tiquina sa cohāuepegūta yūhare tiquina cohāri buhiri Cohācjū buhiri dahreracāhdo. ¹⁷ Yūhu sa wahauepegūta Cohācjū yūhare yedohori. Sa yero tiquiro ye buheyere yūhu quehnoano yahuatire tiquiro ye tutuayere ohori yūhare, ijipihtiyequina judio masa ijieyequina ti buheyere tiquina tūhoatire. Sa yero yūhare tiquina ṇano tiquina

ye duepegãta yũhũre tiquina ñano yeborigũre yedohori mari pũhtoro. ¹⁸ Ijipihtiyequina yũhũre ñano yeyequinare yũhdũdũcaro, yũhũre yedohorota mari pũhtoro. Sa yero mũmũsepũ tiquiro pũhtoro ijiropũ yũhũre iji dutiro, yũhũre yũhdũorota tiquiro. Sa yena “Tiquiro quehnoa yũhdũariquiro, tutua yũhdũariquiro ijire”, niihna mari ijipihtiye decori. Sata niihna.

Pablo quehnoa dutiahye Timoteo cahapũ ijiyequinare

¹⁹ Prisca, Aquila, Onesíforo ya wũhũ cjẽna gũhũ quehnoahdo. ²⁰ Erasto Corintopũ tojoari. Trófimo Miletopũ dohatia wahari. Sa yegũ tiquirore topũ cũu yũhũ. ²¹ Pohero pano mũmũñano ahtaya mũhũ. Eubulo, Pudente, Lino, Claudia gũhũ, ijipihtiyequina Jesu yequina mũhũre quehnoa dutire.

²² Mari pũhtoro Jesucristo mũhũ mehna ijirota. Sa yegũ mũsare ijipihtinare Cohãcjũ mehna pajiro quehnoa dutiaja.

Tito

Pablo Titore oja ohoahye

¹ Yuhu Pablo Cohãcjũ cahacjũ, Jesu-
cristo yere tiquiro buhe duti cūrigu
ijiaja. Cohãcjũ beseriquina Jesure
tiquina wacũ tuatire quehnoañe
buheyere tiquina masiatire Jesu
buhe dutiro yahure cūri. Ti buheye
Cohãcjũ dutiro saha mari yeatire
yahure. ² Sa yegu ijiphihiye decori
Cohãcjũ yequina uhmusepu tiquina
ijiducuatĩ gũhare buheaja tiquinare.
Cohãcjũ ne ni mehoñe marieniquiro
ahri yehpare tiquiro bajumehneato
pano ohõ saha ni cūahye marine:
“Uhmusepu sa ijiducunata masa”, ni
cūahye marine. ³ Sa yero tiquiro
queori pje Cohãcjũ tiquiro ni cūrire
yahu dutiri masare. Sata yahure ni
yahu dutiri tiquiro. Marine pecapu
wahaborinare yuhdūoriquiro ijire.
⁴ Mũhare Titore Jesu yere buhei.
Yuhu sa buhegũ tũhogũ Jesure wacũ
tutua dũcari mũhu. Sa yegu mũhu
potota yuhu macu yero saha ijigũta
nine. Mũhare ahrire ojoagu niaja.
Sa yegu Cohãcjũ mari Pacu mehna,
Jesucristo marine yuhdūoriquiro
mehna mũhare quehnoa dutiaja.
Sa ye paja ihñañe, mũhare tiquina
yedohoye mehna quehnoano ijiya
mũhu.

Creta wame tiri nũcũopũ Tito tiquiro yeatire yahuahye Pablo

⁵ Creta wame tiri nũcũopũ mũhare
yuhu cūgũ Jesu yequina tiquina
buheatĩ dũhsarĩdi ti pjere. Sa yegu
tiquina yeatire yahuyucjũre cūgũ nii
yuhu mũhare. Sa yegu macaripe cjẽna
Jesu yequina pũtoa ijiatiquinare
bese dutigu cūgũ nii mũhare.
⁶⁻⁸ Tiquina pũtoa Cohãcjũ cahacjẽna
ijire. Sa yegu tiquinare besegu
quehnoañequinare beseya sijoro saha
yeeyequinare. Sa yegu ihquẽquina
numiareta namo tiyequinare, “Ape-
quinare masi yuhdũdũcaja”, ni
tũhotueyequinare, usueyequinare,

queheye marieñequinare, cahme-
queñe marieñequinare, apequina
yere ni meho ehmeñequinare be-
seya. Sa besegu tiquina wũhusepu
sajã sayequinare quehnoano ihña
ihboyequinare, quehnoañe pehere
quehnoano bucueyequinare, tũho
masiñequinare, quehnoañene yedu-
cuyequinare, ñañe marieñequinare,
ñañene yeeyequinare, niji siaro
marieno dahrayequinare, quehnoañene
yeducuyequinare beseya. Sa ye
mũhu beseatiquina pohne ohõ
saha ijiyequina ijiro cahmene:
Jesure wacũ tutuayequina, quehnoano
yeducuyequina, ijiphihiyequinare
quehnoano yũhtiyequina ijiro
cahmene pũtoa pohne. ⁹⁻¹⁰ Sa ye
quehnoañe buheyere queoro mari
buheducuro saha ne duhuyequina
ijiahro pũtoa mũhu besea-
tiquina. Sa ye tiquina quehnoañe
buheyere yahuyequina ijietã. Sa ye
quehnoañe buheyere ihña tuhtiyequi-
nare buheye, tiquina ye ni
mehoñe ijigũ masigũ yeeta tiquina.
Sa yegu quehnoano beseya Jesu
yequina pũtoa ijiatiquinare.

Peyequina tiquina pũtoare
yuhdũdũcayequina, quehnoano
tũhotu yahuducueyequinã, ni
mehoñequina ijire yojopũre. Sa ye-
quina judio masa pũrita ña yuhdũaro
yeye nine. Tiquina ye buheye
poto ijieragũ tiquinare masigũ yero
cahmene. ¹¹ Tiquina judio masa pehe
niñerure wapata dua, buhere. Sa
yeraro cahmene. Sa buheye ihquẽ
wũhuse cjẽnare ijiphihiyequinare
Cohãcjũ ye pehere cohãgũ yeye niaga
tiquinare. Tiquina sa yegũ tiquinare
sa ye dutieraro cahmene.

¹² Tiquina yere panopũ yahuriquiro
ti nũcũo cjãno ijieperota ohõ saha
ni yahuahye: “Creta nũcũo cjẽna
sa ni mehoducuyequina ijire. Ti
nũcũo cjẽna wahiquina yero saha
usuayequina ijire. Sa ye sa ihyadu-
cuyequina ijiye ne dahra dũerare”,
niahye tiquiro, tiquiro ya nũcũo
cjẽnare. ¹³ Tiquiro sa niñe ijirota ijire.
Tiquina sa ijigũ ihñagũ tiquinare tu-

tuaro tuhtiya Jesu ye buheye pehere quehnoano tiquina masiatire. ¹⁴ Sa yeg_u judio masa panop_u cjēna tiquina esa tuhoro tiquina ni maca cārire, Jesu yere cahmeeñequina tiquina dutiye gūh_ure Creta cjēna tiquina tūho nun_uedatire tuhtiya tiquinare.

¹⁵ Buhiri marieñequina quehnoañe dihitare tūhoture. Ñañene yeducuequina, Jesure wacū tutueyequina pehe ñañe dihitare tūhoture. Tiquina tūhotuyep_ure ña yūhd_uare. Sa ye quehnoañe pehere bese masiedare. ¹⁶ Tiquina “Cohācjūre masiaja usā”, niepeta, ñañene yere. Sa yeyequina tiquina ijigū ihñana Cohācjūre masieñequina tiquina ijigū masiaja mari. Sa ye tiquina ña yūhd_uayequina, Cohācjū yere yūhd_uucayequina ijire. Sa ye tiquina quehnoañene ye masiedare.

2

Quehnoañe buheyere queoro yahu dutiahye Pablo Titore

¹ Mūh_u pehe buheg_u, quehnoañe buheye ti nidiro sahata quehnoano buheya. ² Bucunare ohō saha ni yahuya: Cua pesayequina, masa ño peonohñequina, tūho masieñequina, Jesure quehnoano wacū tutuayequina, quehnoañe buheyere quehnoano yeyequina, Jesure masa gūh_ure cahñequina, ñano yūhd_uepeta ihcāno sahayequina ijiahro tiquina. ³ Bucuna numia gūh_ure sata ni yahuya: Cua pesaye numia, ñañe quitu dahreraye numia, queheraye numia ijiahro tiquina numia gūh_u. Sa yeye numia ijiye, quehnoañene buheahro apequina numiare. ⁴ Apequina numiare ohō saha ni buheahro bucuna numia: Tiquina man_us_um_uare, tiquina pohne gūh_ure cahñahdo. ⁵ Sa yeye tiquina tūho masieñe numia, apequina m_uma mehna ñano yeraye numia, ihcā wūh_u cjēna ijiyequinare quehnoano ihña ihboye numia, masa quehnoañe numia, tiquina man_us_um_uare quehnoano yūhtiye

numia ijiahro tiquina, Cohācjū ye buheyere apequina “Ñano yahu wajari”, niñe.

⁶ Sa yeg_u wahma pjia gūh_ure ohō saha ni yahuya: Tūho masieñequina ijiahro tiquina. ⁷ Sa yeg_u mūh_u pehe quehnoañe dihitare yeducuya mūh_ure tiquina ihña cūatire. Buheg_u ne ni mehono marieno buheya. Sa buheg_u cua pesaro mehna buheya mūh_u. ⁸ Sa buheg_u tūho masieñe mehna quehnoano buheya apequina mūh_ure “Yahu wajari”, nig_u. Mūh_u sa buhegū ihñañe marine ihña tuhtiyequina ijiepete marine ihyo warota yahu waja masiedare. Marine sa yahu waja maca cāñe, buoro wahaeta tiquina.

⁹ Sa yeg_u cahacjēnare ohō saha ni yahuya: Tiquina pūhtoare quehnoano yūhtiahro. Sa yeye tiquina pūhtoare quehnoano bucuegū yeahro. Sa dihita yeahro. Sa ye tiquina pūhtoare purīno yūhtieracāhdo. ¹⁰ Sa ye tiquina pūh_utoa yere yaqueracāhdo. Sa ye quehnoañequina ijiahro. Tiquina pūh_utoa dutiyere queoro yeducuahro. Tiquina sa quehnoano yūhtiyequina ijigū ihñañe, Cohācjū marine yūhd_uoriquiro ye buheyere tūho bucueeta apequina.

¹¹ Masare tiquiro cahñene Cohācjū ihño tuhasari. Sa cahño ijipihtiyequina pecap_u wahaboriquinare Cohācjū tutuaro yūhd_uo duare. ¹²⁻¹³ Masare sa cahño Cohācjū marine ohō saha ni buhere: Cohācjūre ihña tuhtiyere, ñañe tutuaro cahmeñene duhu cā dutire marine. Cohācjū tutuariquiro, Jesucristo marine yūhd_uoriquiro tiquiro asi siteyere mari ihñati decore, quehnoari decore mari cohtena niaja. Sa yero mari cohteri deco pano tūho masina, quehnoañene yeducuna, Cohācjūre ño peoducuna marine iji dutire Cohācjū. ¹⁴ Tiquiro Jesucristo mari ye ijiatire yariahye ijipihtiyere mari ñañe yerire duhugū yero taro, marine tiquiro yequina wahagū yero taro.

Mari ñañene tiquiro sa cohãgũ mari ñañe buhiri mariena ijinata. Sa yena tutuaro quehnoañene ye duana ijinata.

¹⁵ Ahri ijipihiyere ti nũcũo cjẽnare Jesu yequinare buheya mũhũ. Tiquina pũhoro ijigũta nine mũhũ. Sa yegũ tiquinare yahuya. Sa yegũ tiquina ñañene yegũ ihñagũ tuhtiya tiquinare. Sa ye ijipihiyequina apequina mũhũre doca cũedacãhdo.

3

Jesu yequina tiquina yeatire yahuahye Pablo

¹ Ohõ saha ni yahuya to cjẽnare Jesu yequinare: Tiquina pũhoro quehnoano yũhtiyequina ijiahro. Ijipihiyere quehnoañene yeatiquina ijiahro. ² Sa ye apequinare ne ñañe quitu dahreracãhdo. Cahme tuhtieracãhdo. Sa ye masa quehnoañequina, ijipihiyequinare ño peoyequina ijiahro.

³ Panopũre mari gũhũ tũho masiena, yũhdũdcana, ni mehoñene tũho nũnũna, ñañene ye duana, ñañene tutuaro cahme duhu masiena, decoripe ñañene yeducuna, apequinare ihña coona ijie timi mari gũhũ. Sa ye marine apequina ihña tuhtiri. Sa yena mari gũhũ tiquinare ihña tuhtimi. ⁴⁻⁵ Sa ijirina mari ijiepegũta Cohãcjũ marine pecapũ wahaborinare yũhdũori. Sa yũhdũoro tiquiro quehnoariquiro ijiyere, masare tiquiro cahñe gũhũre marine ihñono nidi. Quehnoano mari yeri mehna yũhdũoerare marine. Marine paja ihñano mari ñañe yerire cohãno Espĩritu Santo mehna marine yũhdũori. Sa yero marine tiquiro pohna wahagũ yeri. Espĩritu Santo pehe quehnoana mari ijiatire comesagũ yeri marine. ⁶ Jesucristo marine yũhdũoriquiro tiquiro yaria masa mũjañe mehna Cohãcjũ yaquiro Espĩritu Santore ohori marine pajiro tiquiro tutuayere mari cũoatire. ⁷ Marine cahño, marine quehnoano ye duari. Sa

yero tiquiro yaquiro Espĩritu Santore marine ohori ñañe buhiri mariena mari ijiatire, yũmũsepũ mari sa ijiducuatire. Mari sa ijiducuatire masina, tire cohtena niaja.

⁸ Ti yũhũ nidi ijirota ijire. Sa yegũ tire yũhũ ni ojoariro sahata masare buhegũ, ti dutiyere ye peho dutiya mũhũ. Sa yegũ Cohãcjũre wacũ tutuayequinare tire buheya quehnoañene tiquina quehnoano yeatire. Ahri yũhũ ni buheri quehnoañe buheye ijire. Sa ye masa ahri buheyere tiquina tũho nũnũgũ ihyo waro ijierare. ⁹ Apequina tiquina yahuducuye pehe dũhseati ijierare. Sa ye masiedapeta tiquina yahuducu yũhdũdcayere mũhũ tũho nũnũgũ ihyo waro tũho nũnũgũ nine mũhũ. Sa ye tiquina acaye panopũ cjẽna tiquina ijie tirire yahuducu yũhdũdcayere, Cohãcjũ Moiserere tiquiro dutirire tiquina yahuducu yũhdũdcayere ti ijipihiyere quehnoano mũhũ tũho nũnũgũ ihyo waro tũho nũnũgũ nine mũhũ. Sa yegũ tire tũho nũnũedacãhña. Mũhũ gũhũ tiquina yero saha yahuducu yũhdũdcaeracãhña.

¹⁰ Mũsa mehna cjãno sa ni yũhdũdcariquiro mũsare cahme tu wagũ tiquiro yegũ ihñagũ “Yeracãhña”, niña tiquirore. Pũa taha tire tiquirore mũhũ ye dutierari bato tiquiro yũhtieragũ ihñagũ tiquirore piti ti duhuya. ¹¹ Ohõ saha yeriquiro ñañe dihitare tutuaro cahmeducuriquiro ijire. Tiquiro sa ijigũ ihñana tiquiro ñariquiro ijigũ masiaja mari.

Pablo duti bato tiahye

¹² Nicopolipũ pohecũ ijiro puno ijigũ tagũ niaja. Sa yegũ Artemare o Tĩquicore mũhũ cahapũ yũhũ oho mũhũtagũ topũre yũhũre piti caya mũhũ. ¹³ Sa yegũ dutiyere quehnoano mihnidiquirore Zena wame tiriquire, Apolo gũhũre quehnoano yedohoya tiquina wahatire. Sa yegũ apee boro tiquina cahmeñene ijipihiyere tiquinare ohoya tiquinare tiquina cahmeno

puno. ¹⁴ Sa ye Jesu yequina mari mehna cjěna quehnoañene yepoahro apee borore dũhsayequinare tiquina yedohoatire, quehnoañene yeducuyequina tiquina ijiatire.

Pablo quehnoa dutiahye Jesu yequinare

¹⁵ Ijipihtiyequina yũhũ mehna cjěna mũhare quehnoa dutire. Topũ ijiyequina Jesu yequina ʘsãre cahĩñequina quehnoahdo. Ijipihtinare mũsare Cohãcjã mehna pajiro quehnoa dutiaja.

Filemón

Pablo Filemo wame tiriquire ojoa ducahye

¹ Yuhũ Pablo, Jesucristo yaquiro yuhũ ijiri buhiri peresupũ ijiaja. Yuhũ, mari acayuro Jesu yaquiro Timoteo mehna mähũre Filemore quehnoa dutiaja usã. Sa yegũ mähũre ojoa ohoaja yuhũ, Pablo. Mähũ usã cahĩgu Cristo yere usã mehna dahradohogũ ijire mähũ. ² Sa yena Jesu yequina mähũ ya wuhũpũ cah-mecoañequina gũhũre ojoa ohoaja yuhũ. Mari acayoro Jesu yacoro Apia gũhũre ojoa ohoaja yuhũ. Mari cahĩniquire Arquipo gũhũre ojoa ohoaja yuhũ. Arquipo pehe usã yero saha Cristo yere yahuriquire ijire. ³ Sa yena Cohãcjũ mari Pacũ, mari pãhtoro Jesucristo mehna musare quehnoa dutiaja. Tiquina yedohoye mehna quehnoano ijiya musa.

Filemo apequinare tiquiro cahĩnene, Cristore tiquiro wacũ tutuayere yahuahye Pablo

⁴⁻⁵ Yuhũ acayũ Filemo, Cohãcjũre mähũre sini basagũ mähũre wacũgu “Quehnoare”, niaja tiquirore. Cristore mähũ cahĩgũ tiquirore mähũ wacũ tutuagũ, apequina Cohãcjũ yequinare mähũ cahĩgũ tãhou yuhũ. Sa yegũ Cohãcjũre “Quehnoare”, ni bucueaja. ⁶ Mari ihcãno mehna Cristore wacũ tutuana ijiaja. Sa wacũ tutuagũ mähũ ijigũ ohõ saha ni sini basaja Cohãcjũre. Jesucristo yequina ijina, pajiro quehnoañene cãonata mari. Tire quehnoano mähũre masi peho dutigũ sini basagũ niaja Cohãcjũre. ⁷ Yuhũ acayũ, yojopũre apequinare mähũ cahĩgũ tãhogũ bucueaja yuhũ. Ijipihtiye-quina Cohãcjũ yequinare quehnoano bucuegũ yeñohti mähũ. Mähũ sa yegũ tãhogũ bucueaja yuhũ.

Pablo Onésimore sini basahye Filemore

⁸⁻¹⁰ Sa yegũ yojopũre Onésimore mähũ cahacjũnore mähũ quehnoano yeatire mähũre sini basa duaja. Peresupũ yuhũ mehna tiquiro ijigũ Cristo yere yahuu yuhũ tiquirore. Tire tãhoro Cristore cahmedi tiquiro. Sa yero tiquiro Cohãcjũ yaquiro wahari. Sa waharo yuhũ macũ yero saha ijire. Sa yegũ yuhũ Pablo bucũ ijigũ Cristo yere yuhũ buheri buhiri peresupũ ijigũ mähũre yahutja Onésimore mähũ yeatire. Cristo buhe dutiro tiquiro cũrigũ ijiaja yuhũ. Sa tiquiro cũrigũ ijigũ Onésimore mähũ yeatire dutioborigũ ijiaja yuhũ. Sa niepegũta mähũre dutisi yuhũ. Cahĩne mehna mähũre yahutja, to punota.

¹¹ Cristo yaquiro tiquiro ijiato pano Onésimo mähũ cahacjũno ijiro dũhseatiquiro ijierari jiri. Mähũre quehnoano yedoho masiedari jiri. Yojopũ pũritare tiquiro mähũre, yuhũ gũhũre quehnoano yedohoriquire ijirota. Yojopũre Cristo yaquiro ijiro ihyo ijiriquire waro ijierare.

¹² Sa yegũ yojopũre tiquirore mähũre wia tojogũ niaja. Sa yegũ tiquirore quehnoano piti caya mähũ. Tiquirore tutuaro cahĩaja. ¹³ Quehnoañe buheyere yuhũ buheri buhiri peresupũ yuhũ ijiri watoa tiquirore yuhũre yedoho dutiboaya yuhũ tiquirore ohoeragũ. Sa yegũ yuhũ mehna tojoa dutiboaya yuhũ. Mähũ pehe yuhũre mähũ yedohoro basioeragũ tiquiro pehe mähũre comesariquire ijiboaya. ¹⁴ Yuhũre yedohoboriquire tiquiro ijiepegũta tiquirore mähũre oho tojoaja. Mähũ pehe tiquirore “Pablo mehna tojoarĩña”, mähũ nigũ masigũ yuhũ mehna tiquirore tojoa dutiboaya yuhũ. Yuhũ pehe “Yuhũ mehna cũña tiquirore”, ni dueraja mähũre. Sa yegũ tiquirore oho tojorĩaja.

¹⁵ Tiquiro Onésimo meheñe decorigã mähũre tiquiro duhti cãri bato pari turi mähũ mehna ijire. Cohãcjũ tiquiro cahmediro sahata mähũre duhti cãri jiri tiquiro Cohãcjũ yaquiro tiquiro wahato saha, yuhũ

tuhotugã. Sa yero pari turi mahũ mehna ijero, sa ijiducurota mahũ mehna. ¹⁶ Sa yero tiquiro yojopũre cahacjãno ijierare. Cahacjẽna tiquina bui cjũno ijiriquiro ijire tiquiro, yũhũ ihñagã. Yojopũre tiquiro mahũ acayũro Jesu yaquiro ijire. Sa yegũ tiquirore tutuaro cahĩaja. Mahũ pehe yũhũ yũhũoro tiquirore cahĩgata. Mahũ sa cahĩdiquiro ijero, cahacjãno ijieperota yojopũre cahacjãno tiquiro ijiriro saha ijierare tiquiro. Tiquiro mahũ acayũro Jesucristo yaquiro ijire.

¹⁷ Sa yegũ yũhũre mahũ piti caboriro sahata Onésimo gãhũre quehnoano piti caya. Mahũ mehna cjũ yũhũ ijigũ tuhotugũ tiquiro gãhũre quehnoano piti caya mahũ. ¹⁸ Sa yegũ mahũre sijoro saha tiquiro yeriquiro ijigũ mahũre tiquiro wapamoriqũro ijigũ yũhũ pehe tire wapa yeitja. ¹⁹ Yũhũ Pablo, yũhũ basi ahrire mahũre yahu ojoautja: Yũhũ pehe wapa yeitja mahũre. Mahũre yũhũ buheri bato Cristo yaquiro wahagũ ijipihtiye decori Cohãcjũ mehna ijiajũ ijire mahũ. Mahũre yũhũ sa buheri bato mahũ gũhũ yũhũre pajiro wapamorigũ ijiboaya. Mahũ sa ijiepegũta mahũre wapa yeitja tiquiro wapamoñene. ²⁰ Sa yegũ yũhũ acayũ, yũhũ cahĩgũ, mari pũhũto Cristo yaquiro ijire mahũ. Sa yegũ Onésimore quehnoano piti caya. Cristo yaquiro ijigũ yũhũ acayũ ijire mahũ. Sa yegũ yũhũre quehnoano bucuegũ yeya.

²¹ Ahri yũhũ yahurire quehnoano yegũta mahũ. Sa yegũ yũhũ yahuri yũhũoro yegũta mahũ. Tire masigu mahũre oja ohogũ niaja. ²² Ahri gãhũre yahugũtja mahũre. Mũsa cahapũ yũhũ wahatire Cohãcjũre sini basañohti mũsa yũhũre. Mũsa sa sini basarire tiquiro yũhtiboaga. “Au”, tiquiro nigũ cahmeaja yũhũ. Sa yegũ mũsa cahapũ yũhũ esati tucũre quehnoyuya mahũ.

*Pablo quehnoa duti bato tiahye
Filemore*

²³ Epafra mahũre quehnoa dutire. Tiquiro pehe Cristo yere tiquiro yeri buhiri yũhũ mehna peresupũ ijire.

²⁴ Sa ye Marco, Aristarco, Dema, Luca mehna mahũre quehnoa dutire. Cristo yere yũhũ buhegũ tiquina pehe yũhũre yedohoyequina ijire.

²⁵ Mari pũhũto Jesucristo mehna quehnoa dutiaja mũsare. Tiquiro mũsare quehnoano yerota.

Hebreos

¹ Panopꝛ Cohācjū ijiahye. Tiquiro peye tahari mari acayere panopꝛ cjēnare tiquiro yere yahuahye. Apequinare tiquiro bajoaro yahuahye. Apequinare quehēnopꝛ yahuahye. Apequinare tiquiro piti caro yahuahye. Tiquiro yere yahu m̄htariquinare yahu dutiro, sa yahuahye tiquiro mari acayere. ² Yojopꝛe pihtiri deco panogā ijiye decorire tiquiro macꝛnore tiquiro yere yahu dutigū tiquiro pehe marine yahue tiri. Tiquiro Pacꝛo ye dutiro mehna ahri yehpare, uhm̄use gūhꝛe yeriquiro ijire. Tiquiro Pacꝛo pehe pihtiri deco ijigū ijipihiyere c̄oatiquirore cūahye tiquiro macꝛnore. ³ Sa yero tiquiro macꝛno pehe tiquiro Pacꝛo ye asi siteyere c̄oriquiro ijiro, tiquiro tutuayere marine ihñore. Sa yero ihcāno saha tiquiro Pacꝛo yero sahata ijiro, tiquiro Pacꝛo ijiye tiyere marine ihñore tiquiro macꝛno. Sa yero tiquiro macꝛno tiquiro tutuaye mehna dutigū ahri yehpa, uhm̄use gūhꝛe sa ijiducure. Sa yero mari ñano yerire tiquiro coseri bato uhm̄usepꝛ tiquiro Pacꝛo tutua yūhdꝛariquiro poto pehe dujiahye, p̄htoro tiquiro ijiyere ihñono.

Cohācjū macꝛno angele yūhdꝛoro ijire

⁴ Tiquiro “Cohācjū macꝛno”, wame tire. Ti wamene Cohācjū cūahye tiquirore. Sa wame tiro apequina p̄htoro ijire. Sa yero tiquiro angele yūhdꝛoro ijire. ⁵ Tiquiro yequina angele pehere Cohācjū ne ohō saha ni yahuera tiahye:

Yūhꝛe macꝛ ijire m̄hꝛe. Miare m̄hꝛe bajuagū yei, niahye Cohācjū tiquiro macꝛnore.

Angele pehere ne sa ni yahuera tiahye. Sa yero tiquinare ahri gūhꝛe ne yahuera tiahye:

Tiquiro Pacꝛo ijitja yūhꝛe. Sa yero tiquiro yūhꝛe macꝛ

ijirota, niahye Cohācjū tiquiro macꝛnore.

Angele pehere ne sa ni yahuera tiahye. Sa yero tiquiro macꝛno tiquina yūhdꝛoro ijire. ⁶ Sa yero ape taha tiquiro macꝛnore coā masa bajoariquirore ahri yehpapꝛ cūno ohō saha niahye Cohācjū tiquirore: Ijipihtiyequina yeequina angele d̄usepe curi mehna quehe sa, ño peoeta tiquina yūhꝛe macꝛe, niahye tiquiro.

⁷ Sa yero tiquiro yequina angele pehere yahuro taro ohō saha niahye tiquiro:

Yeequina angelere wihnono yero saha pagꝛ tigū yeaja yūhꝛe. Tiquina yūhꝛe cahacjēna ijire. Sa yegꝛ tiquinare peca pohna yero saha pagꝛ tigū yeaja yūhꝛe, ni yahuahye Cohācjū.

⁸ Tiquinare sa nieperota tiquiro macꝛno pehere ohō saha niahye:

M̄hꝛe Cohācjū ijipihtiyequina p̄hto sa ijiducugata. Queoro dutigata m̄hꝛe, m̄hꝛe yequinare. ⁹ Ni mehono marieno yeyere, quehnoano yeyere tutuaro cahmene m̄hꝛe. Sa yegꝛ ñañe yeyere ihña yabire m̄hꝛe. M̄hꝛe sa ijigū ihñagꝛ yūhꝛe m̄hꝛe Pacꝛ ijipihtiyequina apequina yūhdꝛoro m̄hꝛe bucuegū yei, niahye Cohācjū mari Pacꝛ.

¹⁰ Ahri gūhꝛe niahye tiquiro, tiquiro macꝛnore “P̄hto” ni pisuro:

P̄hto, coā waropꝛe ahri yehpare, uhm̄use gūhꝛe bajumehnedi m̄hꝛe. ¹¹ Ti ijipihtiyē comesa pihtia waharota. M̄hꝛe pehe ne comesasi. Sa ijiducugata m̄hꝛe. Ti ijipihtiyē suhtiro ahba bora dijiaro saha pihtia waharota. ¹² Ti ijipihtiyē uhm̄usere, ahri yehpa gūhꝛe comesagū yeita m̄hꝛe. M̄nano suhtirore m̄hꝛe cohāboro saha ti ijipihtiyere comesagū yeita m̄hꝛe. Sa yero suhtiro ahba bora dijiaro saha ti ijipihtiyē comesarota. M̄hꝛe pehe ne

comesasi. Sa ijiducuguta m̄h̄h̄, niahye Cohācj̄ tiqiro mac̄n̄ore.

13 Ne angele pehere ahrire yahuera tiahye mari Pac̄h̄:

Ȳh̄h̄ potō pehe dujiya m̄h̄h̄. P̄h̄to ijire m̄h̄h̄. Sa yeḡu m̄h̄h̄re ih̄ña tuhtiyequinare ȳh̄d̄h̄c̄a basaḡt̄ja. Sa yeḡu tiquina p̄h̄to ijiḡta m̄h̄h̄, niahye Cohācj̄ tiqiro mac̄n̄ore.

14 Ijipihtiyequina angele pehe Cohācj̄ cahac̄j̄na ijire. Sa yero mari Pac̄h̄ ohore tiqiro yequina angelere Cristo ȳh̄d̄h̄oatiquinare yedoho dutiro.

2

Cohācj̄ yere quehnoañe buheyere marine sa t̄hotu c̄h̄no cahmedare

1 Sa yena Cohācj̄ mac̄no waro marine yahuriqiro tiqiro ijiḡ masina tiqiro yahuyere mari t̄horire quehnoano wac̄no cahmene marine, “Tire boari”, nina. 2-3 Angele yahurire masa pehe ȳh̄d̄h̄c̄aḡ ih̄ñano Cohācj̄ tiquinare buhiri dahreahye. Sa buhiri dahrero angele tiquina yahuri potō ijiḡ ih̄ño niahye. Sa yena angele yahuri potō ijiḡ masina, tire marine ȳhtiro cahmene. Ti ȳh̄d̄h̄oro Cristo pehere ȳhtiro cahmene. Tiqiro mari p̄h̄toro marine tiqiro ȳh̄d̄h̄oatire yahu m̄htahye. Sa ye tiqirore t̄horiquina pehe tiqiro yahurire marine yahu turiari, marine quehnoano masiḡ yee tehe. Sa yero ti buheyere marine tiqiro ȳh̄d̄h̄oati buheyere mari sa t̄hotu c̄ḡ Cohācj̄ marine buhiri dahrerota. Tire duhti masiedaja mari.

4 Ti buheyere t̄ho m̄htariquina tiquina buheri watoa Cohācj̄ pehe ti buheye potō ijiḡ ih̄ño nidi. Tiqiro tutuaye mehna ih̄ño nidi. Sa yero peye tahari tiqiro tutuaye mehna ye ih̄ño ti buheyere potō ijiḡ ih̄ño nidi. Sa yero tiqiro yequinare tiquina ye masiatire

tiqiro cahmeno sahata c̄ahye. Esp̄ritu Santo pehe ijire marine ye masiḡ yeriqiro.

Jesu Cristo mari yero sahata paḡu tiriqiro masa bajuahye

5 Pihtiri deco bato ijiyequina Cohācj̄ caha ijiyequina p̄h̄toa ijisi angele pehe. Tiquinare p̄h̄toa s̄osi mari Pac̄h̄. 6 Sa yero ihc̄a qiro mari Pac̄h̄re tiqiro yahuducurire oh̄o saha ni ojoahye panop̄h̄:

Masa ihyo ijiyequina tiquina ijepeḡta tiquinare wac̄re m̄h̄h̄. Masare quehnoano yere m̄h̄h̄. 7 Meheñe decoriḡ angele docap̄ masare c̄ahye m̄h̄h̄. Sa c̄uepeḡta yojop̄re tiquinare tutuayere ohoḡ, p̄h̄toa s̄ahye m̄h̄h̄. 8 M̄h̄h̄ sa s̄oḡ ahri yehpap̄ ijiyequina wahiquina ḡh̄h̄ bui d̄hsaro marieno masare c̄ahye m̄h̄h̄, niahye panop̄h̄ c̄j̄no mari Pac̄h̄re.

Sa s̄ono ahri yehpap̄ ijiyequina wahiquina ḡh̄h̄ bui d̄hsaro marieno masare c̄ahye. Masare tiqiro sa p̄h̄toa s̄oep̄ḡta ijip̄ihtiyequina ahri yehpap̄ ijiyequina wahiquina masare ih̄ña wah̄edar̄iaga, us̄a t̄hotuḡ. Ahri yehpap̄ ijiyequina wahiquinare ih̄ña wah̄ḡ yeraniaga masa. Ijipihtiy bui ijieraniaga masa. 9 Sa tiquinare ih̄ña wah̄ḡ yerap̄nata Jesu pehere wac̄u tutuaja mari. Meheñe decoriḡ angele docap̄ mari Pac̄h̄ tiqiro mac̄no ḡh̄h̄re c̄ahye, mari ñañe buhiri yariatiqirore. Mari Pac̄h̄ marine cah̄no mari yariaborirore Jesure yariaḡ cahmeahye. Sa yero tiqiro sa yariaḡ ih̄ño tiqirore tutuayere ohoro, p̄h̄toro s̄ahye tiqirore.

10 Cohācj̄ ijipihtiyere bajumehnediqiro ijire. Sa ye ijipihtiy tiqiro ye dihita ijire. Sa yero Jesure yaria dutiro ñañene coh̄ḡ yeahye tiqirore. Sa yeahye tiqiro masa peyequina tiqiro yequina ijiatiquinare ah̄m̄sep̄h̄ neano taro. Jesu sa

yero, ñañe marieniquiro, quehnoa yuhduariquiro tiquiro ijiyere ihñono niahye. Sa yero Jesu pehe marine yuhduoriquiro, mari pãhtorota ijire. ¹¹ Ijipihtiyequina masare tiquina ñañe yerire cose were tiquiro. Sa yero Jesu mari tiquiro cose wenohrina mehna Pacu tire Cohãcjãre. Mari Pacu ihcãquirota ijire. Mari Pacu tiquiro ijigũ Jesu marine tiquiro yequinare tiquiro cose wenohrinare “Yuhũ acaye ijire”, ni pisuro ne buetierare. Tiquiro sa ni pisurire musare yahutja. ¹² Ohõ saha nino niahye tiquiro:

Cohãcjã, mũhũ ijiye tiyere yahutja yuhũ acayepũre. Ijipihtiyequina yeequina ihñonopũ mũhare ño peogũ “Tutuariquiro ijire”, ni yahutja yuhũ tiquinare, niahye tiquiro Pacurore.

¹³ Ahri gũhare niahye tiquiro:

Cohãcjãre wacũ tutuaũtja yuhũ, niahye tiquiro.

Ahri gũhare niahye tiquiro:

Ohõ ijiaja yuhũ. Cohãcjã pohne mehna ohõ ijiaja. Yuhũre tiquiro cũriquina yuhũ acaye mehna ohõ ijiaja, niahye tiquiro yequinare “Yuhũ acaye” ni pisuro.

¹⁴ “Tiquiro pohne” tiquiro niñequina pagũ tiyequina mari ijigũ ihñano, Jesu pehe mari ya pagũ saha pagũ tiriquiro ahtahye. Sa ijiriquiro ahtahye tiquiro curusapũ yariaro taro, watĩnore butigũ yero taro. Tiquiro watĩno pehe yaria dutiriquiro ijire. ¹⁵ Sa ye watĩnore butigũ yero, marine yuhduore. Mari pehe decoripe mari yariatire cuemi. Sa cuerina ijina pecapũ wahaborina ijimi mari. Sa ijina mari ijigũ ihñano tiquiro marine yuhduore. ¹⁶ Sa yuhduoro angele pehere yedohoro ahtaerahye tiquiro. Abrahã panamena iji turianare Cohãcjã yequinare mari pehere yedohoro ahtahye. ¹⁷ Sa yero tiquiro mari acayuro warota ahtahye. Ihcãno saha mari yero saha pagũ tiriquiro ahtahye. Sa

ahtaro mari yuhduatire mari ñañe yerire mari Pacure cohã dutiro ahtaro niahye. Sa yero mari yequina pahia pãhtoa tiquina yeriro saha yero ahtaro niahye. Mari yero saha ijiro marine quehnoano paja ihñare. Sa yero Cohãcjã cahmeno saha sa yeducuriquiro ijire. Sa yero tiquiro mari yaquiro pahia pãhtoro ijiro nine. ¹⁸ Tiquiro ñano yuhduahye. Sa yero watĩno tiquirore ñano ye dutimahye. Yerahye tiquiro. Sa ñañene yerariquiro ijiro, tiquiro pehe mari gũhare ñañene yeragũ ye masine. Watĩno ñañene tiquiro ye dutigũ ihñano marine ñañene yeragũ ye masine Jesu.

3

Jesu Moise yuhduoro ijiriquiro ijire

¹ Jesu tiquiro sa ijiriquiro ijigũ ihñana tiquirore quehnoano wacũña musa. Yuhũ acaye Jesu yequina, Cohãcjã besenohrina ijire musa. Tiquiro Jesu pehe Cohãcjã cũriquiro ijiro mari yaquiro pahia pãhtoro ijire. Tiquiro ye buheyere quehnoañe buheyere mari quehnoano ño peoaja. Tiquiro pehere quehnoano wacũña musa. ² Cohãcjã tiquirore marine yuhduoatiquirore tiquiro cũgũ tiquiro pehe Cohãcjã cũriro saha yeahye. Ne yuhduadũcaerahye. Moise gũhũ Cohãcjã yequina Israe masare yedohoro ne yuhduadũcaerahye. Sata yeahye Jesu gũhũ.

³ Sa yero Moisere tiquina ño peoriro yuhduoro Jesu pehere ño peoro cahmene marine. Ohõ saha ijire ti mari queoye mehna buhegũ. Wuhũre mari ño peoriro yuhduoro wuhũ dahreriquiro pehere ño peoro cahmene marine. Sa yero Jesu pehe wuhũ dahreriquiro yero saha ijiriquiro tiquiro ijigũ Moisere mari ño peoriro yuhduoro tiquiro pehere ño peoro cahmene marine. ⁴⁻⁶ Ohõ saha ijire ti. Mari Cristo yequina Cohãcjã ya curua cjãna ijiaja. Cristo pehe wuhũre tiquiro cũboriro saha

marine tiquiro ya curua cjāna iji-
atinare cūno nine. Masa pehe wāhuse
yeyequina ijire. Cohācjū pehe ijipi-
htiyere yeriquiro ijire. Moise pehe
Cohācjū ya curua cjēnare yedoho-
ducuriquiro ijiro, camepā Cohācjū
yahuatire yahue tiahye masare.
Cristo pehe Cohācjū macano ijiro,
Cohācjū yere yeducuriquiro ijiro,
Cohācjū ya curua cjēna pāhoro ijire.
Sa ijiriquiro ijigū ihñana Moisere
mari ño peoriro yūhdūoro Cristo
pehere ño peoro cahmene marine.
Sa yena mari pehe Cristore wacū
tutua duhuerana, marine tiquiro
yūhdūoatire sa bucueducuna, tiquiro
ya curua cjāna ijiaja mari.

*Cohācjū tiquiro yequinare tiquiro
mehna quehnoano sogū cahmene*

⁷ Sa yena Cristore mari wacū tutua
duhueratire ohō saha yero cahmene
marine. Ohō saha nine Espiritu
Santo:

Miare yūhū, Cohācjū, mūsare
yūhū yahugū, yūhti dueye-
quina yero saha ijieracāhña.

⁸ Quehnoano yūhtiya mūsa
yūhūre. Panopā Israe masa
masa marienopā ijiye, sa
yūhdūdūcari yūhūre. Sa ye
yūhūre ne bucueregū yeri
tiquina. Sa yena tiquina

yero saha yeracāhña mūsa
yūhūre. ⁹ Topāre cuarenta
cūhmari waro tiquinare yūhū
tutuaye mehna ye ihñomi.
Yūhū sa ye ihñoepegūta tiquina
pehe ohō saha ni tūhotue
timedi: “¿Ñañene mari yegū
ihñano Cohācjū marine buhiri
dahreboagari?” ni tūhotue
timedi. Sa ni tūhotuye ñano
ye tuhue tiri. ¹⁰ Tiquina sa
yegū ihñagū tiquina mehna
usuagū. Sa usuagū ohō saha nii:
“Tiquina yūhū yahuducuyere
tūhō dueraye, sijoro saha
ijiye buheyere sa wacūducuye
nine. Yee pehere ne yūhti
duerare”, nii tiquinare. ¹¹ Sa
yegū tiquina mehna usuagū

ohō saha ni yahuu: “‘Tiquina
yūhū mehna cjēna ne ijisi. Sa
ye wape tiro marieno ijisi
tiquina’, ni yahuu yūhū”, ni
yahuahye Cohācjū, niahye
Espiritu Santo pehe.

¹² Sa yena yūhū acaye, quehnoano
yeya mūsa, “Cohācjūre cohāri”,
nina. Mūsa ñañene tūhotuna,
Cohācjūre catiriquirore wacū tutuer-
ana, tiquirore cohāboaga mūsa. Ne
ihcāquiro mūsa mehna cjūno sa
yeracāhdo. ¹³ Sa yena ahri pehere
yero cahmene: Mūsa mehna cjēnare
decoripe Cohācjū yere mūsa basi
cahme yahuducuya “Ñañene yeari”,
nina. Ñañene yena, “Ti mehna bu-
cueaja”, nina ni mehoñene tūhotuna
niaja mari. Sa ni tūhotueracāhña.

Ñañene yeducuna Cohācjū ye pehere
cahmedaja mari. Sa yena ñañene
duhu dueraja. “Sa yeari”, nina,
mūsa mehna cjēnare Cohācjū yere
mūsa basi cahme yahuducuya. Cristo
tiquiro ahtato pano decoripe tire sa
cahme yahuducuya. ¹⁴ Sa yena coā
waropā Cristore mari wacū tutua
dūcaro saha mari wacū tutuadu-
cuna, mari catiro puno tiquiro yere
duhuerana, tiquiro mehna cjāna
ijiaja.

¹⁵ Ohō saha nine Cohācjū yere
tiquina ojoari pūpā:

Miare yūhū Cohācjū mūsare yūhū
dutigū quehnoano yūhtiya
mūsa yūhūre. Panopā cjēna
Israe masa yūhū yahuepegūta
ñō peo dueraye, yūhūre yūhti
duerari. Sa yena tiquina yero
saha yeracāhña mūsa, niahye
Cohācjū, ni ojoahye panopāre.

¹⁶ Sa ye Cohācjū tiquiro yahurire
tūhomediquina ijiepetā tiquina
tiquirore yūhtierahye. Tiquina
ijipihtiyequina Egiptopā ijiyequina
Cohācjū wioriquina ijiepetā tiquirore
ne yūhtierahye. ¹⁷ Sa ñano yeye
cuarenta cūhmari waro Cohācjūre
usuagū yee tiahye. Tiquina sa yeri
buhiri masa marienopā yariahye
tiquina. ¹⁸ Tiquirore tiquina sa yūhti

dueragũ ihñano ohõ saha cua pesaro mehna niahye tiquiro: “Tiquina yãhã mehna cjêna ne ijisi. Sa ye wape tiro marieno ne ijisi tiquina”, niahye tiquiro. ¹⁹ Tiquiro sa nigũ tãhona ahri pehere masinata mari: Cohãcjũre tiquina wacũ tutuerari buhiri tiquiro mehna cjêna iji masiedahye. Sa ye tiquiro mehna quehnoano so, iji masiedahye.

4

¹ Sa yero panopã cjênare tiquiro mehna tiquina quehnoano soatire cahmeno, tiquinare “Yãhã mehna wape tiro marieno sonata”, ni cãahye Cohãcjũ. Mari gãhũre sata ni cãahye tiquiro. Sa yena cua pesaro mehna Cohãcjũre quehnoano yãhtihna mari, “Wiheari”, nina. Sa wihena tiquiro mehna quehnoano sosi mari. ² Panopã cjêna Cohãcjũ yere tiquina tãhoriro saha mari gãhũ quehnoañe buheyere tãhou. Tiquina tãho mãhtariquina pehe tãhoye, “Cohãcjũ ye waro ijire”, ni tãhotuerahye. Sa ye tiquina tãhori dãhseati ijierahye. ³ Mari pehe tiquirore wacũ tutuana Cohãcjũ mehna cjãna ijinata. Sa yena tiquiro mehna quehnoano iji, sonata. Wape tiro marieno ijinata. Cohãcjũ tiquiro nidiro sahata ijire ti. Ohõ saha niahye tiquiro tiquirore yãhtierariquinare:

Tiquina mehna usuagã cua pesaro mehna ohõ saha ni yahuu: “Tiquina yãhã mehna cjêna ne ijisi. Sa ye wape tiro marieno ne ijisi”, ni yahuu, niahye Cohãcjũ yere tiquina ojoari pũpã.

Ahri yehpare tiquiro yeri bato dahra duhurĩahye tiquiro. ⁴ Ahrire mari masiaja. Seis decori ahri yehpare tiquiro yeri bato tiquiro dahra duhurire yahuro ohõ saha niahye Cohãcjũ ye yahuducuyere tiquina ojoari pũpã:

Seis decori bato ijipihtiyere tiquiro dahrarire pehorõ, Cohãcjũ dahra duhuahye, niahye

tiquiro yere tiquina ojoari pũpã.

⁵ Sa yero Cohãcjũ yere tiquina ojoari pũpã ohõ saha ni yahure tiquiro mehna quehnoano ijieyequinare:

“Tiquina yãhã mehna cjêna ne ijisi. Sa ye wape tiro marieno ne ijisi”, niahye Cohãcjũ, nine tiquiro yere tiquina ojoari pũpã.

⁶ Sa ye quehnoañe buheyere tãho mãhtariquina tiquirore tiquina yãhdãdãcari buhiri tiquiro mehna cjêna ijisi tiquina. Sa ye tiquiro mehna wape tiro marieno ijisi tiquina. Apequina pehe tiquiro mehna cjêna ijieta. Sa ye tiquiro mehna wape tiro marieno soyequina ijieta. ⁷ Sa yero masare tiquiro yãhdãoati deco ihcã deco cãahye pari turi Cohãcjũ. Ti decota yojopãre ijire. Peye cãhmari bato Israe masa Cohãcjũre tiquina tãho mãhtari bato ti decore yahuahye Davi pehe. Cohãcjũ tiquirore yahu dutigũ yahuahye. Cohãcjũ ye yahuducuye tiquina ojoarire mãsare yãhã yahuri decore ohõ saha ni ojoahye Davi:

Ahri decore yãhã Cohãcjũ mãsare yãhã yahugũ yãhdãdãcaro marieno quehnoano yãhtiya mãsa yãhãre, ni ojoahye panopãre.

⁸ Coã waropãre Josué Israe masare Cohãcjũ ohori yehpapã ne sahye. “Yãhã mehna wape tiro marieno soyequina ijieta”, nino, ti yehpapã tiquina soatire nino niedahye Cohãcjũ. Ti yehpapã so dutiro, ape deco tiquiro yãhdãoati decore cãedaboaga tiquiro. ⁹ Seis decori bato ahri yehpapãre tiquiro yeri bato Cohãcjũ tiquiro dahra duhuriro saha mari tiquiro yequina gãhũ tiquiro mehna wape tiro marieno mari soati ijirota. Tiquiro mehna mari quehnoano ijiato ijirota. ¹⁰ Sa yero Cohãcjũ tiquiro dahrarire duhu cãrĩahye. Sa yena mari gãhũ mari wape tirire duhu cãnata. ¹¹ Sa yena mari tiquiro yequina quehnoano

yeihna. Cohãcjũ yere quehnoano yuhtiuhna tiquiro mehna mari quehnoano soato saha. Panopũ cjẽna mari acaye tiquina yuhduhcari bato Cohãcjũ mehna cjẽna iji masiedahye tiquina. Tiquina yero saha yeracũhna mari.

¹² Cohãcjũ ye yahuducuye marine catigũ yere. Quehnoañe pehere marine comesagũ yere. Sa ye tiquiro ye yahuducuye ihyo ijiye ijierare. Sa ye ñoseni pjĩ pua peheri siori pjĩ mehna dihirore tiquina yuhre ihña tiquina masino saha tiquiro ye yahuducuye gũhũ mari ijiye tiyere quehnoano masigũ yere. Tiquiro ye yahuducuyere mari tuhogũ, tire mari buhegũ mari ijiye tiyere quehnoano masi pehogũ yere marine. ¹³ Ne Cohãcjũre mari ijiye tiyere mari yerire nũo masiedaja mari. Ijipihitiyere tiquiro bajumehnedire, tiquiro bajumehnediquina gũhare ihñare tiquiro. Sa yena mari yerire tiquirore yahu yuhduro cahmene marine.

Jesu tutuariquiro mari yaquiro pahia puhtoro ijire

¹⁴ Jesu Cohãcjũ macũno tiquiro Pacũro cahapũ tojoariquiro ijire. Tiquiro tutuariquiro mari yaquiro pahia puhtoro ijire. Sa yero marine Cohãcjũre sini basare. Tiquiro sa ijiriquiro ijigũ ihñana mari pehe tiquiro yere quehnoano yuhtiuhna. Tiquirore quehnoano wacũ tutuaducuhna. ¹⁵ Tiquiro mari yaquiro pahi mari ñano yuhdugũ ihñano quehnoano paja ihñariquiro ijire. Mari ñañene tutuaro cahmeñene masine tiquiro. Watĩno ijipihitiyere ñañene marine tiquiro ye dutiriro sahata tiquiro gũhare ñañene ye dutimahye. Tiquiro sa ye dutiepegũta tiquiro ñañene yerahye. Sa ñañene tiquiro ye dutinohriquiro ijiro, marine paja ihñano tiquiro yedoho masine marine. ¹⁶ Sa yena cuero marieno Cohãcjũre siniuhna. Tiquiro marine cahñe. Sa yero tiquirore mari sinigũ tiquiro pehe paja ihñano, marine yedohorota.

Watĩno marine tiquiro ñañene ye dutigũ, mari ñano yuhdugũ gũhare tiquiro marine yedohorota.

5

¹ Ijipihitiyequinare pahia puhtoare besero, masare besere Cohãcjũ. Sa tiquiro beseri bato pahia puhtoa pehe tiquina mehna cjẽnare yedohoye tehe Cohãcjũ cahacjẽna ijire. Sa ye ñañene tiquina yeri buhiri Cohãcjũre sini basare tiquina mehna cjẽnare. Wahiquirore wejẽ ujũa mũoñe, Cohãcjũre sini basare. ² Pahia puhtoa apequina masa yero saha quehnoano masi pehoeyequina ijire. Sa masieñequina ijiye, apequina masieñequinare yedoho masine. Sa ye quehnoano yerariquina gũhare quehnoano yedoho masine. ³ Sa ye pahia quehnoano ye pehoeyequina ijiye ñañe buhiri tiyequina ijire. Sa ye tiquina basi ñañene tiquina yeri buhiri wahiquirore wejẽ ujũa mũo, Cohãcjũre sinine. Apequina masare yedohoye tehe, tiquina ñañe buhiri tiquina sini basariro sahata tiquina basi tiquina ñañe buhiri gũhare sinine Cohãcjũre.

⁴ Sa yero tiquiro basi tiquiro esa tuharo pahia puhtoro sajãedare. Cohãcjũ pehe tiquirore besero, pahia puhtoro sõre. Panopũ cjũno Aaron mananore tiquiro cũriro sahata apequina pahia puhtoa gũhare cũre tiquiro. ⁵ Sata Cristo gũhũ tiquiro basi tiquiro esa tuharo pahia puhtoro sajãedahye. Cohãcjũ pehe tiquirore puhtoro sõno, ohõ saha niahye:

Yuhũ macũ ijire mũhũ. Miare mũhare bajuagũ yei, niahye Cohãcjũ.

⁶ Ape taha ohõ saha niahye Cohãcjũ Cristore:

Ijipihitiye decori pahi ijiducugũta mũhũ. Melquisede tiquiro ijiriro saha pahi ijiducugũta mũhũ, niahye tiquiro macũnore.

⁷ Cristo ahri yehpapũ ijiro sañuducuye mehna, utiye mehna mari Pacũre tutuaro siniahye tiquiro “Yuhũre masoña”, nino. Mari Pacũ pehe tiquirore

yariariquirore maso masiniquiro ijire. Tiquiro sa sinigū mari Pacu tūhoahye tiquirore. Mari Pacu cahmeñe dihitare tiquiro ye duagū ihñano mari Pacu pehe tiquiro sinidire tūhoro, tiquirore yūhtiahye. ⁸ Sa yero Cristo Cohācjū macano ijieperota ñano yūhdūahye tiquiro. Sa ñano yūhdūro yūhtiahye mari Pacure. Sa yūhtiro quehnoano yūhti masiahye. ⁹ Sa ñano yūhdūro, curusapū yariaro ijipihtiyequina tiquirore yūhtiatiquinare yūhdūoatiquiro wahahye. ¹⁰ Sa yero mari Pacu pehe tiquirore pahia pūhtoro cūahye. Sa yero Melquisede pahia pūhtoro tiquiro ijiriro saha ijire Cristo.

Cristo yequina tiquirore wacū tutua duhugū cuarīne

¹¹ Peye ohō saha ijiyere mūsare yahu nemo duaja ūsā. Ūsā sa yahu nemo duepegūta mūsa pehe dapu bātina ijire. Sa yena mūsare yahuro basioerare ūsāre. ¹² Yoari pje Cristo yequina ijimene mūsa. Sa yena yojopūre apequinare buhenapū iji tuhasaboya mūsa. Mūsa sa ijiborina ijiepegūta apequina mūsa pehere buheeta. Cohācjū yere mijoeda cjūñe buheye dihitare tūhore mūsa. Macanagā epēco dihitare tiquina apū masino saha mūsa gūhū mijoeda cjūñe dihitare quehnoano tūhore. Coā buhe dūcayequina yero saha ijire mūsa. ¹³ Epēcore apūñequina macanagā ijinine. Tiquina yero saha mūsa gūhū ijire. “Ahri ñañe ijire. Ahri quehnoañe ijire”, ni ihña masiedare mūsa. ¹⁴ Ihyayere ihyayequina pehe būcūna ijire. Tiquina yero saha ijiyequina quehnoano tūho masiñequina quehnoano buheriquina ijire. “Ahri ñañe ijire. Ahri quehnoañe ijire”, ni ihña masine tiquina pehe.

6

¹⁻² Sa yena Cohācjū yere quehnoano masina, quehnoano yūhtina ijiihna. Cristo yere coā warore mari buhe dūcana ohō saha masi dūcañ: Mari ñañene yerire būjūa witi, duhuro cahmene. Mari ñañene yeri buhiri

pecapū wahanata. Sa yena Cohācjūre wacū tutuaro cahmene marine. Ahrire coā waropūre marine buhe dūcari. Sa ye wame yeyere, omocarine marine tiquina duhu peoyere, yariariquina tiquina masa mūjañene, ahri deco pihitiri bato Cohācjū buhiri dahreatire, tiquiro buhiri dahreatiquina tiquina ñano yūhdūducuato gūhūre ahri gūhūre coā waropūre marine buhe dūcare. Sa ijiye buheyere masi tuhasana, quehnoano buhe nemouhna tja. ³ Sa yena Cohācjūre, tiquiro ye gūhūre masi nemouhna. Cohācjū cahmegū sa yenata mari.

⁴ Mari sa yerana Cohācjū yere duhuboaga mari. Cohācjū yere duhuriquinare ne pari turi tiquina ñañe yerire tiquinare būjūa witigū ye masiedare. Sa ijiyequina Cristo tiquiro yūhdūomediquina ijiye, Espiritu Santore cūomedi. ⁵ Sa ye Cohācjū ye yahuducuyere tūhoye quehnoañe ti yahuducuye ijigū masimedi. Sa ye pihitiri deco batopū Cohācjū tutuaye mehna mari sa ijiducuatire, masare tiquiro buhiri dahreato gūhūre tiquina masimedi.

⁶ Sa ijiriquinapūre Cristo yere tiquina duhugū pari turi tiquina ñañe yerire tiquinare būjūa witigū ye masiedare. Sa duhuriquina Cohācjū macanore pari turi curusapū tiquina quē bihaboriro saha tiquirore yeye nine. Tiquina sa yegū ihñañe apequina masa Cristore būjūpere. Sa ye tiquina ñañe yerire tiquinare būjūa witigū ye masiedare. ⁷ Ohō saha ijire ti mari queoye mehna buhegū: Quehnoari yehpare pajiro acoro ahtagū ti oteye quehnoano būcūa, dūca tire. Sa yero ti wese upūro dūcare cūore tiquiro ihyatire. Ti yehpa Cohācjū quehnoano tiquiro yeri yehpa ijire. Sa quehnoano yere tiquiro yequina gūhūre. ⁸ Sa ijiepegūta pota mehna, taa mehna ti yehpa diaro dūhseati ijierare. Sa ijiri yehpare Cohācjū ūjūa cohānota. Sata yere tiquiro tiquirore duhuyequinare.

Cristore sa ño peoducuyequinare yãhdũore Cohãcjũ

⁹ Yũhũ cahĩna, mũsare sa ni yahuepegũta mũsa pehere “Cristore duhuna ijire”, nigũ niedaja. Mũsa pehe Cristo yãhdũonohrina ijire. Sa yena quehnoañene yena niaga mũsa. Ahrire masiaja yũhũ. ¹⁰ Quehnoano mari yeri wapa queoro marine quehnoano yeriquiro ijire mari Pacũ. Sa yero tiquiro yere mũsa tutuaro dahrari wapare bosu tiquiro. Tiquirore cahĩna quehnoano yedohore mũsa tiquirore. Apequina Cristo yequina gũhũre yedohore mũsa. Sa yena tiquinare yedohona niaga mũsa. Sa yerina mũsa ijigũ ihñano bosu tiquiro. ¹¹ Mũsa catiro puno apequinare mũsa cahĩducugũ, mũsa yedohoducugũ gũhũre cahmeaja usã. Mũsa sa yeri wapa queoro quehnoano yerota mari Pacũ mũsare. ¹² Sa yena mũsa cape bujana mũsa ijigũ cahmedaja usã. Apequina Cristo yequina ñano yãhdũepeta tiquiro yere ne duhuerare. Tiquina sa yegũ ihñano mari Pacũ “Mũsare ohoutja”, tiquiro nidire tiquinare oho pehorota. Sa yena mũsa gũhũ tiquina yero saha yeducuya.

¹³⁻¹⁴ Panopũ Cohãcjũ Abrahãre ohõ saha ni cũahye. “Yũhũ wame mehna ahrire poto nii niaja mũhũre. Mũhũre quehnoano yeitja. Sa yegũ mũhũ panamena iji turiayequinare peyequina masa ijigũ yeitja”, ni yahu cũahye Cohãcjũ. Sa ni yahu cũno tiquiro ye wame mehna wame peo yahuro niahye. Apequiro tiquiro bui ijiriquiro ne mariedagũ tiquiro ye wame mehna tiquiro basita sa wame peo yahuahye. ¹⁵ “Mũhũre quehnoano yeitja”, Cohãcjũ tiquiro ni cũrire Abrahã pehere quehnoano tiquiro cohtegũ ihñano tiquiro nidiro sahata tiquirore quehnoano yeahye. ¹⁶ “Cohãcjũ mehna poto nina niaja”, masa pehe niñe, tiquina bui ijiriquiro wame mehna wame peo yahuye nine. “Cohãcjũ mehna poto nii niaja”, ihcãquiro nigũ tãhoro apequiro pehe tiquiro mehna cahme dũse tutu-

ariquiro pehe “Ijirota ijire”, ninota. Sa ye cahme dũse tutua duhueta tiquina. ¹⁷ Sa yero Cohãcjũ Abrahãre “Mũhũre quehnoano yeitja”, ni cũno wame peo yahuahye. Tiquiro sa wame peorire tãhona “Ijirota ijire ti. Tiquiro sa nidi ne comesasi”, ni, masiaja mari. Tire mari masiato saha tiquiro ni cũri mehna wame peo yahuahye.

¹⁸ Sa yero pũaro tiquiro ni yahuducuri mehna tiquiro nidi poto ijigũ masigũ yeahye Cohãcjũ marine: Tiquiro ni cũri gũhũ tiquiro wame peori gũhũ ti pũaro mehna tiquiro ni yahuducurire yahuahye tiquiro. Sa ye tiquiro ni cũri gũhũ, tiquiro wame peori gũhũ ne comesaerare. Sa yero Cohãcjũ ne ni mehoedare. Tiquiro sa ijiriquiro ijigũ masina, mari tiquirore quehnoano wacũ tutuana, bucueye mehna marine tiquiro yãhdũoatire cohtenatja mari. ¹⁹⁻²⁰ Sa tiquiro yãhdũoatire cohtena, wacũ tutuana ijirota mari. Sa yena cueraja. Pahia pũhoro Cohãcjũ ijiri tucũ waropũ sajãno, cahmotari suhtirore yãhdũ sajãre. Sa sajãno masa ye ijiatire sini basare Cohãcjũre. Tiquiro sa yeriro sahata Jesu gũhũ came mari wahato sahata ãhmũsepũ Cohãcjũ cahapũ waharo, mari ye ijiatire sini basare Cohãcjũre. Topũ mari wahato pano tiquiro pehe wahahye. Sa yero ijipihtiye decori pahia pũhoro ijire tiquiro. Melquisede pahi tiquiro ijiriro saha pahia pũhoro ijire tiquiro gũhũ.

7

Melquisede pahi tiquiro ijiriro saha Jesu pahia pũhoro ijire

¹ Melquisede Salẽ wame tiri maca cjẽna pũhoro ijiahye. Sa yero pahi ijiro Cohãcjũ tutuariquirore, ãhmũse cjãnore sini basariquiro ijiahye. Sa yero apequina pũhtoare Abrahã wejẽ tuhasa, tiquiro tojoa tagũ waro Melquisede tiquiro ya macapũ ijiriquiro Abrahãre piti caro esahye. Sa piti caro tiquirore sini

basahye Cohãcjãre. “Quehnoano yeya ahriquirore”, ni sini basahye Abrahãre Cohãcjãre. ² Tiquiro sa piti cato pano Abrahã pehe tiquirore ihña tuhtiyequinare wejê tuhasa tiquiro wejêdiquina pũtoa yere neahye. Tiquiro sa nedire mehenogã ohoahye Melquisedere. Melquisede tiquiro wame pehe “Pũtoro quehnoano yeriquiro ijire”, nino nine. Sa yero tiquiro Salê wame tiri maca cjëna pũtoro ijigũ tiquiro wame ohõ saha nino nine: “Pũtoro quehnoano ijigũ yeriquiro”, nino nine. “Salê” nino, “Quehnoano ijiye”, nino nine. ³ Ne Melquisede pacũsmũare, tiquiro pano iji mũhtariquinare, tiquiro acayere tiquina yahu ojoa ohõri mariedare. Tiquiro masa bajuarire, tiquiro yariari gãhũre yahu ojoa ohõri mariedare. Sa yero sa ijiducuriquiro yero saha ijire tiquiro. Tiquiro sa ijiriquiro ijigũ Cohãcjũ tiquiro mehna marine queoye mehna buhere. Cohãcjũ macũno tiquiro pahi ijirire marine buhere. Melquisede pahi sa ijiducuriquiro yero saha ijire. Tiquiro yero saha Cristo gãhũ pahi sa ijiducuriquiro ijire.

⁴ Sa yero Melquisede ne ihyo ijiriquiro ijierahye. Abrahã mari ñecũ mũnano pũtoro waro ijieperota mehenogã tiquiro nedire Melquisede pehere ohoahye. ⁵ Sa yero Cohãcjũ dutiye Moiserere tiquiro cũri ijipihtiyequina apequina Israe masare to punota wapa ye dutire. Sa dutiro Leví panamena iji turiayequinare tiquina acaye wapa yerire ñehe dutiro, cũahye. Leví panamena pahia wahae tiahye. Sa ye Israe masa Abrahã panamena iji turiayequina ijiepetata tiquina pahiare wapa yee tiahye. ⁶ Melquisede pehe Leví panamino iji turiariquiro ijieraperota wapa neahye Abrahãre. Sa yero Cohãcjũ “Mũhũre quehnoano yeitja”, tiquiro ni cũriquiroro ijieperota Abrahã pehe Melquisedere wapa yeahye. Sa yero Melquisede pehe Cohãcjãre Abrahãre sini basaro

quehnoano ye dutiahye.

⁷ Quehnoano ye dutiriquiro Melquisede pehe tiquiro quehnoano ye dutinohriquiroro Abrahã bui ijire. Tire mari quehnoano masi-aja. ⁸ Mari mehna cjëna pahia marine mehenogã wapa neñequina mari yero saha masa ijire. Sa ye yariatiquinata ijire tiquina gãhũ. Ahriquiroro Melquisede pehe Abrahãre mehenogã wapa nediquiro sa catiducuriquiro yero saha ijire. Tiquiro yariarire yahueraro, sata nino niahye Cohãcjũ yere tiquina ojoari pũpũ. ⁹ Yojopũ cjëna Leví panamena iji turiayequina pahia ijiye, mehenogã wapa nene. Sa ijiyequina tiquina ijiepegũta Abrahã Melquisedere mehenogã wapa yero, ijipihtiyequina Leví panamena ye ijiatu gãhũre oho basaro saha yero niahye. Sa ye tiquina gãhũ Melquisedere mehenogã ohoyequina yero saha ijire. ¹⁰ Melquisedere Abrahã tiquiro wapa yeri pjere Leví pehe masa bajueraniahye. Sa ijieperota tiquiro ñecũno mũnano Abrahã pagũpũ tiquiro ijiboriro saha Leví pehe iji tuhasaro niahye. Sa yero Melquisede Abrahãre tiquiro piti cagũ Leví gãhũ tiquiro ñecũno mũnano mehna ijiro saha ijiro niahye. Sa ye Leví, tiquiro panamena mehna Melquisedere mehenogã wapa yeyequina yero saha ijiye, tiquina tiquiro docapũ ijiye niahye.

¹¹ Tiquiro dutiyere cũno Cohãcjũ Levíre tiquiro acaye gãhũre pahia iji dutiahye. Sa ye tiquiro dutiye nidiro sahata tiquina pahia wahiquinare wejê mũjũa mũo, Cohãcjãre sini basahye masare. Tiquina sa yeri mehna mari yũhdũna, apequiro pahi sijoro saha ijiriquiro pahire cahme nemoedaboya mari. Sa yena apequiro pahire cahmeaja mari yojopũre, Melquisede yero saha ijiriquirore. Leví ya curua cjũno Aaron mũnano yero saha ijiyequina pahiare yojopũre mari cahmedaja. ¹² Sa yena pahiare comesana niaja

mari. Mari sa comesana, marine dutiye gāhure comesaro cahmene marine. ¹³ Aaron, Leví gāhū tiquina ya curua cjēna dihitare pahia sajā duti māhtamahye Cohācjū, tiquiro dutiyere cūno. Tiquiro sa dutiepegāta yojopure mari pūhtoro pahi sōriquirō ape curua cjūno ijire. Sa ye ti curua cjēna ne pahia sajāedahye. ¹⁴ Tiquiro Cristo Judá ya curua cjūno masa bajuahye. Tire mari quehnoano masiaja. Sa yero, Moise pahia sōno, Judá ya curua cjēnare ne pahia sōeda tiahye.

¹⁵ Ahrire masina, ohō saha mari quehnoano masiaja: Yojopure wahma tiquiro sōriquirō pahi Cristo Melquisede yero saha ijiriquiro ijire. ¹⁶ Panopū cjē dutiye ti nidiro sahata Leví ya curua cjēna dihita pahia sajāhye. Yojopure tiquiro sōriquirō pahia tiquina yero saha pahi sajāedare. Tiquiro Cohācjū tutuaye mehna ijipihtiyē decori ijiriquiro ijire. Sa yero ti tutuaye mehna pahi sajāhye tiquiro. ¹⁷ Ohō saha nine Cohācjū yere tiquina ojoari pūpū:

Ijipihtiyē decori pahi ijiducugāta mūhū. Melquisede pahi tiquiro ijiriro saha pahi ijiducugāta mūhū, niahye Cohācjū tiquiro macūnore, ni ojoahye panopū.

¹⁸ Ti dutiye tiquiro cū māhtari dutiye dāhseati ijierahye. Sa yero ti dutiyere duhu cāhye Cohācjū. ¹⁹ Moiserē tiquiro cūri dutiye mehna ne yūhdūerare masa. Sa yero yojopū pehere Cohācjū marine tiquiro yūhdūoatire marine cūre. Tiquiro sa yegū yojopure tiquiro mehna yahuducu masiaja.

²⁰ Sa yero Cristore pahi sōno, wame peoro mehna tiquirore sōahye. Apequina pahiare tiquiro yero saha wame peo sōedahye. ²¹ Cristo pehe Cohācjū wame peoro mehna pahi sajāhye. Ohō saha niahye tiquiro Pacuro Cristore:

Yūhū mūhū pūhto yūhū wame mehna mūhūre poto yahutja. Sa yegū ahrire ne duhu cūno marieno

yahuaja mūhūre. Pahi sa ijiducugāta mūhū, ni cūahye Cohācjū tiquiro macūnore.

²² Sa wame peo cūno, wahma buheyere quehnoañe buheyere marine cūno, marine tiquiro yūhdūoatire cūno niahye. Panopū cjē dutiye yūhdūoro mari quehnoano ijiatire cūno niahye. Sa yero Cohācjū “Mūsare yūhdūoutja”, tiquiro nidiro sahata yero taro, Jesure ohoahye marine yūhdūoatiquirore. ²³ Iji māhtariquina pahia tiquina yariagū ihñañe apequina comesa sajāre tja. Sa ye tiquina peyequina pahia wahare. ²⁴ Jesu pehe sa ijiducure. Sa ye tiquirore comesayequina mariedare pahia. ²⁵ Sa yero tiquiro sa ijiducuro, Cohācjūre sa sini basaducure tiquiro yequina ye ijiatire. Sa yero Cohācjū mehna tiquina sa ijiducuatō saha masare yūhdūo masine tiquiro. Ijipihtiyequina tiquirore wacū tutuayequina Cohācjū cahapū wahaeta. Sa yero Jesu ijire potota tiquinare yūhdūoriquiro.

²⁶ Sa yero Jesu ijire mari yaquirō pahia pūhtoro. Tiquiro pūritare tutuaro cahmeaja mari. Ne ñañe buhiri marieniquiro ijire tiquiro. Sa yero masa yero saha ne ñañene yerare. Sa yero Cohācjū tiquirore ñañequina cahapū ijiriquirore neano, ūhmūsepū cū, ijipihtiyequina apequina bui pūhtoro sōahye. ²⁷ Apequina pahia yero saha ijierare tiquiro. Tiquina pehe decoripe wahiquinare wejē, ūjūa mūo, Cohācjūre sinie tiri. Tiquina basi tiquina ñañe buhirire sini māhtae tiri. Came apequina masa tiquina ñañe buhiri gāhure sini basae tiri tiquina. Sa ye peye tahari tiquina Cohācjūre sinie tiri. Jesu pehe pahi ijiro, ihcā tahata tiquiro yariari mehna siniahye Cohācjūre masa tiquina ñañe buhirire yūhdūoro taro. Sa yariaro tiquiro basi tiquiro pagure tiquiro jeripohna gāhure tiquiro ohoboriro saha yero niahye. ²⁸ Cohācjū dutiye Moiserē tiquiro cūri pahia pūhtoare sajā dutire. Sa sajāepeta ñañe marieñequina ijierare

sa pahia sajãñe. Ti dutiye bato ijiye buheye mehna Cohãcjũ wame peoro mehna tiquiro yahuri buheye mehna tiquiro macano pahia pãhtoro sajãhye. Tiquiro pehe ñãñe marieniquiro sa ijiducure.

8

Cohãcjũ “Mũsare yãhdũoutja”, ni cũahye tja Moiserre tiquiro cũrre came-saro. Tire yahu basariquiro ijire Jesu

¹ Ti ijipihtiyere yahuna, ahri pũritare mũsare yahuna tana ni-aja: Mũsare usã yahuriquiro pahia pãhtoro tiquiro pũrita mari yaquiro waro ijire. Æhmũsepũ Cohãcjũ tutua yãhdũariquiro tiquiro pãhtoro dujiro poto pehe dujire Cristo mari yaquiro pahia pãhtoro. ² Sa yero ahri yehpa cjã wãhũpũ, masa tiquina yeri wãhũpũ pahia dahrayere yerare tiquiro. Æhmũsepũ ijiri wãhũpũre mari pãhtoro tiquiro yeri wãhũpũre pahia dahrayere yere tiquiro. Ti wãhũ pũrita Cohãcjũ waro ya wãhũ ijire.

³ Ijipihtiyequina ahri yehpa cjẽna pahia pãhtoa wahiquinare wejẽ ujũa mũo, ohore Cohãcjũre ño peoye. Sa ye dutie tiahye tiquinare. Mari yaquiro pahi gũhũre Cohãcjũre oho dutiahye. Sa yero Cristo mari ñãñe buhiri yariaro bucuegũ yeahye Cohãcjũre, pahia pãhtoa Cohãcjũre ohoye tiquina bucuegũ yeriro saha.

⁴ Mari judio masa mari dutiye ti nidiro sahata ahri yehpãpũ pahia masa tiquina ñãñe buhirire ohore Cohãcjũre siniñe. Sa ye ahri yehpãpũ pahia iji tuhasare. Sa yero Jesu pehe mari yaquiro pahi ahri yehpãpũ ijinino, pahi ijieraboa tiquiro pehe.

⁵ Ahri yehpa cjẽna pahia tiquina dahrayere ahri yehpa cjã wãhũpũta dahrare. Ti wãhũpũ Cohãcjũre tiquina ño peorire ihñana Æhmũse cjã wãhũpũre tiquirore mari ño peotire masi cjũna niaja. “Ti wãhũ yero saha ijire”, nino niahye Cohãcjũ cãnpũ Moiserre tiquiro ya wãhũre dahre

dutiro. Tiquiro sa dahreato panogã Cohãcjũ ohõ saha niahye tiquirore. “Cãnpũ mãhũre yãhũ ihñoriro sahata ti wãhũ ijiriro sahata ya wãhũre queoro dahreya”, niahye Cohãcjũ tiquirore. ⁶ Sa yero yojopũ pehere Jesu pahi ijiro, tiquiro dahraye apequina pahia ye dahraye yãhdũoro ijire. Ihyo waro ijierare. Cohãcjũ marine “Mũsare yãhdũoutja”, tiquiro ni yahuri panopũ cjẽ dutiye Moiserre tiquiro cũri dutiye yãhdũoro ijire. Marine tiquiro yahuri ti dutiye yãhdũoro marine quehnoano ijigũ yeeta. Sa yero marine yãhdũo basariquiro ijiro, Cristo pehe apequina pahia yãhdũoro ijire.

⁷ Coã waropũre tiquiro dutiri mehna mari yãhdũeraja. Ti dutiye mehna mari yãhdũagũ, apeye buheyere cũedaboya Cohãcjũ. ⁸ Sa yero ti dutiyere tiquina ihcãno sahaerare yahuro ohõ saha niahye tiquiro yeequinare Israe masare:

Ohõ saha nine mari pãhtoro: “Quehnoano tãhoya. Camepũ apeye buheyere yahutja yequinare Israe masare, Judá ya curua cjẽna gũhũre. ⁹ Ti buheye tiquina ñecũsumã mana iji turiayequinare yãhũ yahu cũri yero saha ne ijisi. Yãhũ basi tiquinare Egipto yehpãpũ ijiyequinare wlogũ tiquinare yahu cũmi. Yãhũ sa ni yahu cũrre yãhdũũcare tiquina. Tiquina sa yegũ ihñagũ wahmanore tiquinare yãhũ yahumedire duhu cãhũ.

¹⁰ Sa yegũ camepũ Israe masare ohõ saha ni yahutja: Yãhũ dutiyere tiquinare wacũgũ yeitja. Sa ye yãhũ dutiyere yãhtieta. Sa yegũ yãhũ Cohãcjũ tiquina pãhto, tiquinare ihña ihbogũ ijigũtja. Sa ye tiquina pehe yeequina masa ijieta. ¹¹ Sa ye ti pjere tiquina mehna cjẽnare ne tiquina ohõ saha cahme nisi: ‘Mari pãhtorore Cohãcjũre masiña mũsa’, ne ni cahme buhesi. Tiquina

ijipihtiequina yuhure masi tuhasaeta. Macanagã, бꙋсꙋна gũhũ yuhure masiñequina dihita ijietã. ¹² Sa yegũ tiquina ñaÑe yerire boutja yuhũ. Sa yegũ tiquinare buhiri dahresi yuhũ. Tiquina ñaÑe yerire pari turi wacũsi yuhũ”, niahye mari pũhtoro, nine Cohãcjũ yere tiquina ojoari pũpũ.

¹³ Yojoꝑũre marine tiquiro ye buheyere cũno, panopũ cjẽ dutiyere duhuro nidi. Sa yero mũna dutiyere tiquiro duhuri bato ti dutiye comesaa wahare.

9

Ahri yehpa cjã tucũre uhmũse cjã tucũ gũhũre Cohãcjũre ño peori tucũre yahuahye

¹ Coã waropũre Cohãcjũ tiquiro dutiyere Moiserẽ cũno, masa tiquirore tiquina ño peoato gũhũre cũahye. Sa yero Cohãcjũre tiquina ño peoati wuhũ gũhũre ye dutiro cũahye. ² Ti wuhũ wahiquina cahseri wuhũ ijiahye. Pũa tucũ cũoahye. Paji cjũri tucũ tiquina sajã sa mũhtari tucũ “Cohãcjũ ya tucũ”, wame tiahye. Ti tucũpũ tiquina sihõ docodũ ijiahye. Sa yero mesa gũhũ ijiahye. Ti mesa bui Cohãcjũre tiquina ohori pã pesahye. ³ Ape tucũ suhti cahseri mehna tiquina cahmotari tucũ ijiahye. Ti tucũ “Cohãcjũ ijiri tucũ waro”, wame tiahye. ⁴ Ti tucũpũ uru mehna tiquina yeri altar, ehmeo bueyere tiquina uũari altar ijiahye. Sa yero uru quehnoañe mehna tiquina duhu ohõri acaro topũ cuñahye. Ti acaro puhiapũ uru pa maná wame tiye ihyaye pose tiri pa ijiahye. Sa yero ti acaro puhiapũ Aaron yadũ tuadũ pũri tidũ ijiahye. Sa yero pũa pjĩ utã pjĩni Cohãcjũ dutiyere tiquiro ojoari pjĩni gũhũ ti acaro puhiapũ sañahye. ⁵ Ti acaro bui pũaro angele queoye ijiahye. Ti queoye Cohãcjũ asi siteyere, ti tucũpũ tiquiro ijiyere ihñõÑe niahye. Ti acaro mohano bui tiquina wũye dũpũri mehna mohahye. Ti acaro

mohano bui masa ñaÑe buhirire tiquina ohorire wejẽ site peoe tiahye pahia pũhtoro. To punota yahutja ahri wuhũ cjẽne yojoꝑũre.

⁶ Sa ye ti wuhũre tiquina quehnoano quehnori bato pahia decoripe tiquina sajã sa mũhtari tucũpũ sajã sa, tiquina dahrayere yee tiahye. ⁷ Sa yero pahia pũhtoro dihita ape tucũpũ sajãhye. Cũhmaripe ihcã tahata tiquiro sajãri deco boropũta sajãe tiahye tiquiro. Sa sajãno tiquina wejẽdiquiro wahiquiro tiquina ohoriquiro diire ne sajãno, Cohãcjũre ño peoe tiahye. Dii marieno ne sajãedahye. Tiquiro basi tiquiro ñaÑe yeri buhirire diire ne sajãe tiahye. Sa yero ijipihtiequina apequina Israe masa “ÑaÑe ijiaga”, nino marieno tiquina ñaÑe yeri buhiri gũhũre diire ne sajãe tiahye tiquiro Cohãcjũre sinino taro.

⁸ Ijipihtie ahri mehna Espĩritu Santo ohõ saha ni marine buhero nine: Ti wuhũpũ Moiserẽ tiquiro cũri wuhũpũ mari ño peorĩna, tiquiro cũri dutiyere yeatina ijinina, ihyo ijina Cohãcjũre ño peona wahaeraboya mari. Pahia pũhtoro dihita Cohãcjũ ijiri tucũ waropũ sajã masine. Sa yena ihyo ijiequina tiquina ño peoye wahaeraro saha sa ijiboya mari Moiserẽ tiquiro cũri dutiyere yena.

⁹ Ahri ijipihtiyere Cohãcjũre ño peori wuhũpũ ijiyere marine cũno, marine yojoꝑũ cjẽnare buhero niahye Cohãcjũ. Wahiquinare wejẽ uũa mũo, masa Cohãcjũre tiquina ño peori mehna ne Cohãcjũ cahapũ wahasi. Tiquina sa yeri mehna tiquina ñaÑe yerire cose werahye. ¹⁰ Sa wahiquinare ohoye, tiquina ihyaye, tiquina sihniÑe, tiquina pagũ coseye, tiquina ohõ saha yeye mehna Cohãcjũre ño peoe timahye. Ahri tiquina sa yeri ihyo warota ijire yojoꝑũre. Sa yeye ti dutiye Moiserẽ tiquiro cũri dutiye marine quehnoana wahagũ yerahye. Sa ye wahma buheyere Cohãcjũ tiquiro

cūri bato muna dutiye pehe dahseati ijierare.

¹¹ Cristo pehe mari pahia puhtoro ijiro ahta tuhasari jiri. Sa ijiro marine quehnoañene cū tuhasari jiri. Cohācjūre ño peori wuhū uhmasepu pahia puhtoro tiquiro dahrari wuhū apequina pahia tiquina dahraye wuhūse yuhduoro quehnoari wuhū ijire. Uhmase cjā wuhū ijire. Ti wuhū ahri yehpa cjā wuhū ijierare. Sa yero masa tiquina yeri wuhū ijierare. ¹² Sa yero Cristo uhmasepu Cohācjū ijiro waropu ihcā taha sajāhye mari ñañene yeri buhirire Cohācjūre ohoro saha yero taro. Topu uhmasepu ohōpu tiquiro ijiri tucū waro yero saha ijire mari queoye mehna buhegū. Sa yero chivoa diire, wecūagā diire ne sajā, ohoerahye tiquiro. Tiquiro pehe tiquiro ye dii warore Cohācjūre tiquiro ohoro saha yero niahye yariaro. Ijipihtiyē decori Cohācjū mehna mari ijiducuatō saha tiquiro ye diire cohāhye. Mari ñañe buhirire yariahye.

¹³ “Yariariquinare dahra peona mūsa pagu wete tina ijire”, ni cūahye Cohācjū Moiserē. Sa ijiye ñañene wete tiyere cose wee tiahye chivoa diire tiquina ohori mehna. Wecūa diire tiquina ohori mehna, wecūagāre tiquina ujūari nitine tiquina ohori mehna sa ijiye ñañene cose wee tiahye. ¹⁴ Sa ijiye ñañene wahiquina diire tiquina ohori mehna, nitine tiquina ohori mehna tiquina cose weriro saha ti yuhduoro Cristo pehe tiquiro diire cohāno mehna mari ñañe yerire quehnoano cose we peho cāre. Tiquiro ñañe marieniquiro ijiro, curusapu yariaro tiquiro basita tiquiro pagu, tiquiro jeripohna mehna Cohācjūre ohoro saha yeahye. Espiritu Santo sa ijiducuriquiro yedohoye mehna sa yeahye tiquiro. Sa ye mari ñañe yerire tiquiro cose wegū ihñano mari ñañe buhirire Cohācjū bo cāhye. Ti ñañe buhirire cūona pecapu wahaborina ijimi mari. Tiquiro cose wenohrina ijina, Cohācjū catiriquiro tiquiro cahmeñene ye masiaja mari.

¹⁵ Sa yero “Ohō saha mū sare yuhduoutja”, masare pari turi Cohācjū ni yahu cūgū Cristo pehe tiquiro yahuyere yahu basariquiro ijire. Sa yahu basare tiquiro Cohācjū beseriquinare yuhduoro taro. Tiquiro sa yuhduogū ijipihtiyē decori tiquiro mehna ijinata mari tiquiro yequina. Sa yena mari tiquiro yequinare Cohācjū marine ohoatire cūonata mari. Moiserē tiquiro cūri dutiye dihita ijigū masa tiquina ñañe buhiri ijiniahye. Sa yero curusapu yariaro ti pjeta tiquina ñañe yeri buhirire yuhduoahye tiquiro yequinare.

¹⁶⁻¹⁷ Masūno came tiquiro acayere tiquiro ohoatire ojoa ohōyure papera pūpu. Tiquiro ohoatire yahuro taro ojoa ohōyure. Ti pūre ojoa ohōyuriquiro tiquiro yarieranigū ti pū dahseati ijierare. Tiquiro acayē tiquiro cūorire nea masiedare. Sa ye tiquiro yariagū ihñañe ti pūpu tiquiro ni ojoariro sahata tiquiro yere neañeta tiquina. ¹⁸ Tiquiro yariato pano ti pū dahseati ijieraro sahata yariaro marieno dii wijiaro marieno Cohācjū Moiserē tiquiro cūri dutiye gūhū ne dahseati ijieraboya. Sa yero wahiquiro diire tiquiro wejē siteri bato ti dutiyere potota yero niahye.

¹⁹ Sa yero ohō saha ye mūhtahye Moise: Cohācjū tiquiro cūri dutiyere masare yahu pehoahye. Came wecūagā diire, chivoa diire aco mehna moreahye. Sa yero hisopo wame tidu dūpu mehna oveja poari sohāñe mehna tiquina ñimiori poarire torēahye. Ti dūpu mehna diire soharo, Cohācjū dutiyere tiquiro ojoari pū bui wejē site peoahye. Ijipihtiyequina masa bui gūhare wejē site peoahye.

²⁰ Sa yero ohō saha niahye tiquiro: “Cohācjū marine tiquiro yahuri tiquiro dutiri ahri dii mehna poto ijigū masiaja mari. Ahri diire ihñana tiquiro nidiro sahata marine tiquiro yeatire masiaja mari. Ti dutiyere

yah̄ti dutiah̄ye tiquiro marine”, ni-ah̄ye Moise. ²¹ Sa yero masare tiquiro yeriro saha Coh̄c̄jũre tiquina ño peori w̄h̄u wahiquina cahseri w̄h̄ure, ijipih̄tiye ti w̄h̄uᵑᵑᵑ ijiye ḡh̄ure wejē siteah̄ye. ²² Sa tjire. Ti dutiye ti nidiro sahata peye ñañene dii coh̄no mehna cose wero cahmene. Mehenoḡa d̄h̄saye ñañene apee boro mehna cose weḡũ quehnoare. Sa yero Coh̄c̄jũ mari ñañe yerire ne bosì dii coh̄edaḡũ.

Cristo tiquiro diire coh̄no, yariaro, tiquiro yequina ñañe yerire cose weah̄ye

²³ Ti ijipih̄tiye Coh̄c̄jũre tiquina ño peori w̄h̄u, ti w̄h̄uᵑᵑᵑ ijiye ḡh̄u ᵑᵑᵑse c̄j̄a w̄h̄uᵑᵑᵑ ijiye yero saha ijiah̄ye mari queoye mehna buheḡũ. ᵑᵑᵑse c̄j̄a w̄h̄u pehe potota Coh̄c̄jũ ya w̄h̄u waro ijire. Sa yero ah̄ri yehpa c̄j̄a w̄h̄ure, ti w̄h̄uᵑᵑᵑ ijiye ḡh̄ure wahiquina diire tiquiro wejē siteri mehna cose wero cahmeah̄ye. Sa ye ti ȳh̄d̄uro ᵑᵑᵑsep̄u waha-tiquinare tiquina ñañe buhiri tiye-quinare cose wero cahmene. Sa yero wahiquina ȳh̄d̄uro ijiriquiro ye dii tiquiro coh̄no mehna tiquina ñañe yerire cose wero cahmene.

²⁴ Sa yero Coh̄c̄jũre tiquina ño peori w̄h̄u masa yeri w̄h̄u ijire. ᵑᵑᵑse c̄j̄a w̄h̄u yero saha ijire ti w̄h̄u ḡh̄u, mari queoye mehna buheḡũ. Sa yero Cristo pah̄i ijiro, marine sini basaro taro ah̄ri yehpa c̄j̄a w̄h̄ure saj̄edah̄ye. Potota ᵑᵑᵑsep̄u wahah̄ye tiquiro Coh̄c̄jũ caha marine sini basaro taro. ²⁵ Mari judio masa mari pah̄ia p̄h̄toro c̄h̄maripe Coh̄c̄jũ ijiri tuc̄ũ waroᵑᵑᵑ saj̄e tiah̄ye wahiquina diire ohoro taro. Cristo pehe tiquiro diire Coh̄c̄jũre ohoro saha yero taro, yariaro, peye tahari saj̄edah̄ye. ²⁶ Peye tahari yariariquiro ijiro, ah̄ri yehpa ijì d̄c̄ari bato peye tahari yariaboya tiquiro. Peye tahari tiquiro mari ñañe buhirire yariaducuriquiro ijiboya. Sa ijiboriquiro ijieperota pih̄tiri deco panoḡa yojop̄are marine

ijipih̄tinare ȳh̄d̄uro taro ih̄c̄a taha bajuah̄ye tiquiro ah̄ri yehpap̄u. Sa bajuah̄ye yariaro taro, mari ñañe buhirire coh̄no taro.

²⁷ Ijipih̄tiyequina masa ih̄c̄a tahata yarieta. Tiquina sa yariari bato masa quehnoañequinare, ñañequina ḡh̄ure beserota Coh̄c̄jũ. ²⁸ Ih̄c̄a tahata mari yariaro saha Cristo ḡh̄u ih̄c̄a tahata yariah̄ye peyequina masa tiquina ñañe yerire coh̄no taro. Came pari turi ahtarota. Mari ñañe yerire coh̄a tuhasariquiroᵑᵑᵑ ijirota. Sa yero pari turi mari ñañe yerire coh̄no taro ahtasi. Sa ahtarotiquirore cohteyequinare, bucueye mehna tiquirore ih̄ña duayequinare ȳh̄d̄uro ahtarota.

10

¹ Coh̄c̄jũ dutiye Moiseretiquiro c̄ũri quehnoañe buheye yero saha ijiepete, ih̄c̄ano saha ijierare. Ti dutiye ti ye dutiriro saha c̄h̄maripe wahiquinare wejē, ᵑᵑᵑa m̄uo, Coh̄c̄jũre ño peoducure. Tiquina sa yeye mehna masa tiquina ñañe yerire boerare Coh̄c̄jũ. ² Ti mehna tiquina ñañe yerire Coh̄c̄jũ boḡũ, ih̄c̄a tahata Coh̄c̄jũre tiquina ño peori bato “Yojop̄are buhiri mariedare ᵑᵑᵑre”, ni t̄hotuboya masa. Sa ye pari turi wahiquinare wejē ᵑᵑᵑa m̄uo, Coh̄c̄jũre ño peo ohoeraboya. Duhu c̄aboya. ³ C̄h̄maripe wahiquinare wejē ᵑᵑᵑa m̄uo, Coh̄c̄jũre tiquina ño peoḡũ tiquinare ñañe buhirire wac̄ũḡũ yere. To punoḡata yedoho duare ti tiquinare. ⁴ Wec̄a dii mehna mari ño peori mehna, chivoa dii mehna mari ño peori mehna ne mari ñañe buhirire coh̄edare.

⁵ Ti ijirota ijire. Ti sa ijiḡũ ih̄ñano Cristo ah̄ri yehpap̄are tiquiro ahtato pano oh̄o saha niah̄ye Coh̄c̄jũre:

Wahiquinare ᵑᵑᵑa m̄uo tiquina ohoḡũ, trigore tiquina ohoḡũ ḡh̄ure m̄h̄u ih̄ñaḡu bucuere m̄h̄u. Sa yeḡu ȳh̄u paḡure yeri m̄h̄u ya paḡu ijiatire.

⁶ Ñañene tiquina coh̄atore wahiquinare wejē, tiquina

ujãa m̄ogũ ihñagu bucuere m̄h̄u. ⁷ M̄h̄u sa bucuere ihñagu ohõ saha nii m̄h̄u: “M̄h̄u cahmeno sahata yegu wahagutja. Sata ni yahure m̄h̄u ya p̄r̄u”, nii ȳh̄u, niahye Cristo tiquiro Pac̄rore.

⁸ “Wahiquinare ujãa m̄o tiquina ohogũ, trigore tiquina ohogũ ḡh̄u ihñagu bucuere m̄h̄u”, ni yahu m̄htahye tiquiro. Coã warop̄re tiquiro ye dutiye wahiquinare, trigo ḡh̄u tiquina ohoye mehna ti ño peo dutiepegũta sa niahye tiquiro. ⁹ Sa ni tuhasa ohõ saha ni nemoahye: “M̄h̄u cahmeno sahata yegu wahagutja”, niahye. Tiquiro sa nigũ ohõ saha masiaja mari. Panop̄u wahiquinare wejẽ ujãa m̄oñe mehna tiquina ño peorire duhugũ yero, apeye buheye pehere cũno niahye Cohãcjũ. (Sa cũno yojop̄re Cristo tiquiro yariari mehna masare ȳhd̄orota Cohãcjũ.) ¹⁰ Jesucristo tiquiro paḡre ohoro, yariaro, ijipihina marine mari ñano yerire cohãre. Ihcã tahata tiquiro paḡre ohore mari ñañene cohãno taro. Sa yero Cohãcjũ cahmeno sahata yero niahye.

¹¹ Ijipihina mari judio masa mari yequina pahia decoripe Cohãcjũre ño peori w̄h̄p̄u dahraducure. Sa dahraducuye decoripe m̄nanota wahiquinare wejẽ, ujãa m̄o, Cohãcjũre siniducure. Tiquina sa wejẽ ujãa m̄oep̄egũta ti ujãa m̄ori mari ñano yerire ne cohãedare. ¹² Cristo pehe ihcã tahata mari ñañe buhirire yariahye, mari ñañe yerire quehnoano cohã pehorro taro. Tire cohã tuhasa, wahaa wahahye tiquiro Pac̄ro cahap̄u tiquiro potop̄e dujiro waharo. P̄h̄toro ijiro, top̄u dujire. ¹³ Top̄u dujiro, cohtero nine. Tiquirore ihña tuhtiequinare Cohãcjũ pehe tiquiro ȳhd̄ad̄uca basatore cohtero nine. ¹⁴ Sa yero ihcã tahata tiquiro yariari mehna tiquina ñañene cohãnohriquinare ñañe marieñequina sa ijiducugũ yere tiquinare. ¹⁵ Ti ijirota ijire. Sata ni

yahure Espiritu Santo marine. Ohõ saha ni yahure tiquiro:

¹⁶ Ohõ saha nine Cohãcjũ: “Camer̄are ohõ saha ni yahutja Israe masare. ‘Ȳh̄u dutiyere tiquina wacũñep̄u cõtja’, ni yahutja”, nine tiquiro.

¹⁷ Ohõ saha ni nemore Cohãcjũ:

“Tiquina ñañe yerire pari turi wacũ nemosi ȳh̄u”, nine tiquiro, ni yahure Espiritu Santo.

¹⁸ Mari ñañe yerire tiquiro sa bogã pari turi mari ñañe buhiri yariatiquirore cahmedaja mari.

Cohãcjũ cahap̄u esana, cuero marieno tiquiro mehna mari yahuducuboriro saha tiquiro mehna yahuducu masiaja yojop̄re

(Mt 27.51; Mr 15.38; Lc 23.45)

¹⁹ Sa yena ȳh̄u acaye, Cristo tiquiro yariaro mehna tiquiro dii cohãno mehna yojop̄re mari ḡh̄u cuero marieno Cohãcjũ mehna yahuducu masiaja. Sa yena tiquirore sini masiaja. ²⁰ Ahri yehpa cjũno pahia p̄h̄toro Cohãcjũ ijiri tucũ warop̄u tiquiro yemedi yojop̄re marine dahseati ijierare. Ti mehna Cohãcjũ mehna yahuducu masiedaja mari. Cristo pehe mari ñañene yeri buhirire yariaro tiquiro dii cohãri mehna Cohãcjũ mehna yahuducu masiaja mari. Pahia p̄h̄toro ti tucũp̄u tiquiro sajãriro sahata Cristo pehe Cohãcjũ cahap̄u esahye mari ñañe yerire bo dutiro waharo. Ti tucũ cjã cahserore cahmotari cahserore tiquiro tãhrẽ cohãriro saha Cristo tiquiro paḡre cohãh̄e Cohãcjũ mehna marine iji dutiro. ²¹ Sa yero Cohãcjũ ya w̄h̄p̄u dahrariquiro mari yaquiro pahitutua ȳhd̄ariquiro ijire tiquiro. ²² Sa yena Cohãcjũre sinihna potop̄e ni mehono marieno. Tiquirore quehnoano wacũ tutua, cuero marieno tiquirore sinihna. Cristo mari ñañe yerire tiquiro cose wenohrinap̄u ijiaja. Sa yena “Buhiritina ijiaja mari”, ni tãhotuna ijieraja mari. Sa yena wete marieñe aco

mehna mari cose wero saha Espiritu Santo tiquiro cose wenohrinapũ ijjaja. Sa yena Cohãcjũre siniihna. ²³ “Mũsare yũhdũoutja”, tiquiro nidiro sahata yerota. Sa yena marine tiquiro yũhdũoatore quehnoano masiaja mari. Tire masina, ne boeracũhna. Cohãcjũre sa wacũ tutuaducuhna. Sa wacũ tutuana tire apequinare yahuaja. ²⁴ Mari mehna cjẽnare cahĩna, tiquinare yedohouhna mari, ijipihtina mari ihcãno saha mari cahme cahĩ yedo-hoato saha. ²⁵ Sa yena quehnoano cahmecoaducuhna Cohãcjũ yere yena tana. Apequina pehe tiquina cahmecoamedirore duhuye nine. Tiquina yero saha yeracũhna. Mari mehna cjẽnare bucuegũ yeihna. Ahri yehpapũre mari pũhtoro ahtato mehenogã dũhsare. Tire masina tutuaro bucuegũ yeihna mari mehna cjẽnare Jesu yequinare.

²⁶ Poto ijiye buheyere quehnoañe buheyere mari masiepenata ñañene mari pari turi sa yeducugũ mari ñañene cose we nemoato ne mariedare. ²⁷ Sa yero sa yeye-quinare cuarĩne. Ijipihtiyequina tiquirore ihña tuhtiyequinare buhiri dahrero, tutuaro ẽjũnopũ cohãnota Cohãcjũ tiquinare. Sa ye tiquiro buhiri dahreatire cueyequina di-hita ijimene tiquirore duhuye-quina. ²⁸ Cohãcjũ dutiye Moisere tiquiro cũrire yũhdũdũcayequinare buhiri dahreye, mari acaye judio masa wejẽne tiquinare. Ne paja ihñano marieno wejẽne tiquinare. Ihtiaro tiquina yahusãgũ tũhoro beseriquiro tiquina yũhdũdũcarire masino tiquinare buhiri dahre du-tire. Ihtiaro mariedagũ pũaro tiquina yahusãgũ tiquinare buhiri dahre dutire. Sa dutigũ tiquinare wejẽne.

²⁹ Ti bui cjũno Cohãcjũ macũnore ihña yabiyequina tiquiro buhiri dahreatiquina ijieta. Cristo dii cohãri mehna mari ñañe yerire cohãre Cohãcjũ. Sa cohãtore yahuahye tiquiro marine. Sa yeye tiquina ñañe yerire cohãnohriquina ijiepetata

pari turi ñañene yeye, tiquina ñañe yerire tiquiro cohãrire tiquiro dii gũhũre “Ihyo waro ijire”, ñiñe ni-eta. Sa ñiñequina tiquiro buhiri dahreatiquina waro ijiye nieta. Sa ñiñequina Espiritu Santore ñano ni yahuducuyequina ijire. Tiquiro tiquinare cahĩniquiro ijire. Tiquina sa ñano yahuducugũ ihñano tutuaro buhiri dahrerota Cohãcjũ tiquinare. ³⁰ Ahrire mari quehnoano masiaja. Cohãcjũ tiquiro basita ohõ saha niahye: “Yũhũ ijjaja buhiri dahreacjũ. Tiquina ñañene yeri buhiri buhiri dahreitja yũhũ”, niahye tiquiro. Ohõ saha ni nemoahye: “Yeequina ijimediquinare ñano yeyequinare buhiri dahreitja yũhũ”, niahye tiquiro. ³¹ Cohãcjũ catiriquiro marine tiquiro buhiri dahregũ cua yũhdũare.

³² Panopũ mũsa ijirire wacũña mũsa. Ti pjere Cohãcjũ yere coã masi dũcana peye tahari ñano yũhdũepenata tiquiro yere cohãedari mũsa. ³³ Ihquẽ tahari masa tiquina ihñonopũ apequina mũsare ñano ni, ñano yeperi mũsare. Sa yena apequina Jesu yequinare tiquina ñano yegũ ihñana, tiquinare paja ihñari mũsa. ³⁴ Peresupũ ijiiyequinare paja ihñari mũsa. Sa yena mũsa yere tiquina ehmaepẽgũta bucueye mehna, “Quehnoanota”, nidi mũsa. Ahri yehpa cjẽ yũhdũoro quehnoañene cũore mũsa ẽhmũsepũ. Ti quehnoañe sa ijiducuenta. Tire masina, mũsa cũoyere tiquina ehmagũ bũjũa witierare mũsa. ³⁵ Sa yena cueracãhña. Cohãcjũre sa wacũ tutuaducuya. Mũsa sa yeri wapa tiquiro quehnoano yerota mũsare. ³⁶ Cohãcjũ “Mũsare ohõ saha yedohoutja”, tiquiro ni cũrire quehnoano cohteya mũsa tiquirore wacũ duhuro marieno. Sa cohtena tiquiro cahmeñene yenata mũsa. Sa yena tiquiro ni cũrire cũonata. ³⁷ Ohõ saha nine Cohãcjũ yere tiquina ojoari pũpũ:

Mehenogã dũhsare Cristo wihi-ato. Sa ahtaro duita wihi madoqueorota. ³⁸ Yeequina

quehnoañequina pehe yuhure wacū tutuaducueta. Sa ye yeequina yuhh mehna sa ijuducueta. Yeere cohñequina pehere ihña yabiaja yuhh, niahye tiquiro ye yahuducuye tiquina ojoari pūp.

³⁹ Mari pehe Cohācjū yere cohārina ijieraja mari. Sa yena pecap wahatina ijieraja mari. Cohācjūre wacū tutuaja mari. Sa yena tiquiro yuhdūorina ijiaja.

11

Wacū tutuayere yahuahye

¹ Ohō saha ijire wacū tutu-aye: Cohācjūre wacū tutuana, marine tiquiro quehnoano yeatire quehnoano masiaja mari. Cohācjū tiquiro nidiro sahata yeraniepegūta tiquiro yahuyere “Ijirota ijire”, ni tūhotuaja mari tiquirore wacū tutuana. Tiquirore ihñedapenata, wacū tutuana, “Ijirota ijire”, ni tūhotuaja mari tiquiro yahuyere tūhona.

² Panop cjēna Cohācjūre tiquina wacū tutuagū ihñano bucueahye tiquiro pehe.

³ Cohācjū tiquiro yahuducuye mehna ijipihtiyere bajumehnee tiahye. Sa yero tiquiro mari ihñedari mehna ijipihtiyē mari yojop ihñañene bajumehnee tiahye. Tīre mari quehnoano masiaja Cohācjūre wacū tutuana pūrita.

⁴ Cohācjūre wacū tutuaro Abe pehe corderore wejē, ujā mūo, Cohācjūre ño peo “Quehnoare”, niahye. Tiquiro wahmino Caī yuhdūoro quehnoanore ohoro, ño peoahye tiquiro Cohācjūre. Sa yero Cohācjū tiquiro ohorire bucueahye. Sa bucuero “Quehnoariquiro ijire”, ni ihñahye tiquiro Abere. Sa Cohācjūre tiquiro wacū tutuagū ihñana mari tiquirore ihña cūaja. Sa yena tiquiro yariari bato ijiepegūta tiquiro wacū tutuarire ihña cūaja mari.

⁵ Enoco Cohācjūre tiquiro wacū tutuagū ihñano bucueahye Cohācjū. Sa bucuero tiquirore tiquiro cahap ne

mūoahye. Sata nine Cohācjū yere tiquina ojoari pūp. Tiquiro ne mūori bato masa tiquirore ne bocaerahye. Tiquiro ne mūonohriquiro ijiro ne yarierahye. ⁶ Cohācjūre wacū tutuerana tiquirore bucuegū ye masiedaja mari. Cohācjūre wacū tutuerana, tiquirore ño peo masiedaja mari. “Potota tiquiro Cohācjū warota ijire. Sa yero tiquirore mari ño peogū marine quehnoano yere tiquiro”, mari ni tūhotuerana mari tiquirore sini masiedaja.

⁷ Noé Cohācjūre wacū tutuaro, tiquirore Cohācjū yahurire quehnoano yūhtiahye. Camep tiquina ñano wahatore tiquiro yahugū tūhoro quehnoano yūhtiahye tiquiro. Sa yūhtiro, pajiria yucū sare yeahye. Sa yeye tia yucūsa mehna tiquiro acaye mehna dia miniore yuhdūahye. Sa wacū tutuariquiro ijiro ahri yehpa cjēna ñañequina tiquina wacū tutuerarire tiquina pecap wahato gūhure ihñono niahye. Sa yero tiquiro wacū tutuagū ihñano “Quehnoariquiro ijire”, ni ihñahye Cohācjū tiquirore.

⁸ Abrahā gūhū Cohācjūre wacū tutuaro tiquirore yūhtiahye. Ape dihtapere tiquirore ohoati dihtapere Cohācjū waha dutigū tūhoro Abrahā yūhtiahye. Tiquiro ya dihtap ijiriquiro wijiaa waharo, tiquiro masiedi dihtap esahye. ⁹ “Ahri dihtare mūhure ohoutja”, Cohācjū nigū tūhoro tiquirore wacū tutuaro ti dihtapata tojoahye tiquiro. Top ijiro ape dihta cjēno ijieperota topata tojoa cāhye. Tiquirore, tiquiro macūno Isaac gūhure, tiquiro panamino Jacob gūhure tiquinare “Ahri dihtare mū sare ohoutja”, ni Cohācjū yahue tiahye tiquinape. Tiquina tūhoe tiahye. Sa yeye tiquina ti dihtap ijie, wahiquina cahseri wūhūsep ijie tiahye mūnano ijieyequina ijieye. ¹⁰ Top ijinie tiahye Abrahā Cohācjū mehna tiquiro ijiatore cohtero. Ape macap Cohācjū ijiri macap ūhmūsep tiquiro wahatore cohtero

niahye. Ti macare dahreahye Cohācjū. Sa yero ti maca ne pihtisi.

¹¹ Cohācjūre wacū tutuaro, b̄uc̄uro waro ijieperota, tiquiro namono Sara b̄uc̄uro waro ticoro ijiepegāta, Abrahā pohna tiahye. “Tiquiro nidiro sahata yerota”, Cohācjūre nino sa pohna tiahye. ¹² Sa yero Abrahā b̄uc̄uro waro ijieperota pohna tiahye. Sa yeye tiquiro panamena iji turiayequinap̄u peyequina waha cāhye. N̄ahpicoha parire, padu p̄jeri gūh̄are mari queona ihcāno sahaeraro sahata tiquiro panamena iji turiayequina gūh̄are queona ihcāno sahaeraja mari.

¹³ Ijipihtiyequina ahriquina yahuriquina Cohācjūre wacū tutua tuhasayequinap̄u yariahye. Cohācjū tiquinare “M̄usare ohō saha yeitja”, tiquiro ni cūrirore eserapeta yariaa wahahye. Tire n̄ehedapeta Cohācjū tiquiro nidiro sahata camep̄u tiquina c̄uoatire masiahye. Sa masiñe bucueahye. Sa yeye ohō saha niahye tiquina: “Ahri yehpap̄u tinina iji-aja. Ape yehpa cjāna ijiaja”, niahye tiquina. ¹⁴ Sa niñequina ape yehpare tiquina ya yehpa ijiatore cohteye nine. Tire mari quehnoano masiaja. ¹⁵ “Ape yehpa cjēna ijire”, niḡu panop̄u tiquina cohāri yehpare niḡu niedaja. Ape yehpap̄u tiquina iji m̄htari yehpap̄u waha dua, wahaa wahaboya. ¹⁶ Quehnoa ȳhd̄uari yehpa pehere cahmeñe niahye. Ti yehpa ūhm̄sep̄u ijire. Tiquina sa cahmegū ihñano “Cohācjū ūsā p̄htoro ijire”, tiquina nigū t̄horo b̄ue tisi Cohācjū. Tiquina ya maca ijiatore dahre basa tuhasahye tiquiro.

¹⁷⁻¹⁸ Cohācjū Abrahāre tiquiro mac̄nore Isaare wejē ūjūa m̄uo dutiahye. Tiquirore ihña duaro sa dutiahye, “¿Ijirota ȳh̄are wacū tutuajari?” nino. Cohācjūre wacū tutuaro tiquiro nidiro sahata yemahye Abrahā. “M̄h̄u mac̄u Isaac mehna panamena iji turiayequinare peyequinare c̄uoḡuta m̄h̄u”, Cohācjū tiquiro nidiquiro ijiepegāta tiquiro mac̄nore wejēno taro nimahye

Cohācjūre ño peoro taro. ¹⁹ “Ȳh̄u mac̄u Isaare ȳh̄u wejēgū Cohācjū tiquirore masonota”, ni t̄hoturo, tiquirore wejēno taro nimahye. Sa nidiquiro ijieperota Cohācjū tiquirore cahmota, wejē dutierahye. Tiquiro pac̄uro tiquiro sa wejēboriquiro ijiro yaria masariquiro yero saha ijiahye Isaac, Abrahā ihñagū. Sa yero Abrahā tiquirore catiriquirore pari turi c̄uoahye.

²⁰ Isaac Cohācjūre wacū tutuaro, tiquiro pohnene Jacore, Esaú gūh̄are “Camep̄u Cohācjū m̄usare pajiro quehnoano yerota”, niahye.

²¹ Cohācjūre wacū tutuaro Jacob tiquiro yariato panogā José pohnene, ūm̄are “Cohācjū m̄usare pajiro quehnoano yerota”, niahye Jacob. D̄usepe curi mehna quehe sa, tiquiro tuad̄u mehna tua ñehe cuña, Cohācjūre ño peoro “Cohācjū m̄usare quehnoano yerota”, ni cūahye.

²² Cohācjūre wacū tutuaro José tiquiro yariato panogā Israe masa Egiptop̄u ijiyequina tiquina wiji-atire yahuyuahye. Sa tiquina wiji-atire masiyuro tiquiro yariari bato tiquiro paḡare nea dutiahye tiquiro pohnene.

²³ Cohācjūre wacū tutuaye, Moisegāre ihtia asū waro n̄uo c̄uoahye tiquiro pac̄us̄m̄ua, tiquiro masa bajuari bato. Quehnoariquirogā tiquiro ijigū ihñañe tiquirogāre n̄uoahye. Ti yehpa cjēna p̄htoro tiquina pohnene tiquiro wejē dutirore ȳhd̄ud̄uca cāhye tiquina. Tiquirore cuerahye.

²⁴ Moiserere masoricoro Egipto yehpa cjēna p̄htoro macono ijiahye. Sa ticoro masonohriquiore ijiro, Cohācjūre wacū tutuaro “Ticoro mac̄no ijire”, ni pisugū cahmedahye Moise. ²⁵ Cohācjūre ȳhd̄ud̄ucariquiore ijiro tiquirore masoricoro cahap̄u meheñe decorigā quehnoano ijiboya. Sa ijiboriquiro ijieperota ti ȳhd̄uro tiquiro Cohācjū yequina mehna ñano ȳhd̄u duahye. ²⁶ Sa ñano ȳhd̄uro Cristore tiquina b̄aj̄peato sahata

tiquina bujuperiquiro ijiahye. Cameru tiquiro quehnoano yeri wapa Cohãcjũ tiquirore tiquiro quehnoano yeatire masino ñano yũhdũ duahye, Cristo tiquiro ñano yũhdũato sahata. Ijipihtiyequina Egipto cjẽna quehnoañene tiquina curo yũhdũoro tiquiro Cohãcjũ pehere tutuaro cahmeahye. Ñano yũhdũeperota, Cohãcjũre cahmeahye.

²⁷ Cohãcjũre wacũ tutuaro, Egipto cjẽna puhtoro tiquiro mehna usuagũ cuerahye. Sa cueraro ti yehparu ijiriquiro ti yehpare cohãcã wahahye. Sa yero Cohãcjũre bajueriquirore tiquiro ihñaboriro saha cuerariquiro ijiahye. Cohãcjũ tiquirore ye dutirire ne cohãedahye Moise. ²⁸ Cohãcjũre wacũ tutuaro Moise Israe masare Cohãcjũ yũhdũoatire masiahye. Sa masino Cohãcjũ dutiriro sahata Israe masa tiquina sopecaharire ohõne pjĩnine dii mehna wejẽ site dutiahye tiquiro. Tiquina sa yegũ ihñano angel masare wejẽdiquiro tiquina wahmisũmare wejẽboriquiro Israe masa pohne wahmisũmare wejẽdahye.

²⁹ Cohãcjũre wacũ tutuaye, Israe masa “Sohãri ma”, tiquina nidi mapu aco watoa ijiri mahapu aco marieni mahapu pehãa wahahye. Tiquina sa pehãgũ ihñañe Egipto cjẽna gũhu tiquinare ihña cũ, nũnu tã pehãmehe, mini yariaa wahahye.

³⁰ Cohãcjũre wacũ tutuaye, Israe masa Jericó wame tiri maca cjã sahrĩno pajiri sahrĩno behero pehe majare sotoahye. Siete decori waro ti macare majare sotoa tiniahye. Tope decori tiquina majare sotoa tinidi bato ti sahrĩno sehte bora dijia pihtia wahahye. ³¹ Cohãcjũre wacũ tutuaro mũna mehna ñano yeducumedicoro Rahab wame tiricoro, ti maca cjõno Israe masare yedohoahye. Ti macare tiquina cohãto pano meheñequinagã Israe masa topu sajã tiquina duhti ihñagũ, ticoro tiquinare yedohoahye. Ticoro sa yedohogũ ihñañe Is-

rae masa wejẽdahye ticorore. Sa yeye ti maca cjẽnare Cohãcjũre yũhdũacayequinare wejẽpeta ticoro pehere wejẽdahye.

³² Apequinare Cohãcjũre wacũ tutuayequinare yahu nemoboa yũhu. Sa yahu duepegata peyequinare sa Cohãcjũre wacũ tutuayequinare yahu ojoa peho masiedaga yũhu. Peyequina ijire tiquina. Gedeõ, Barac, Sansõ, Jefte, Davi, Samuel, Cohãcjũ yere yahu mũhtariquina gũhu ahriquina ijipihtiyequina yũhu yahuboriquina ijire. ³³ Cohãcjũre wacũ tutuayequina ihquẽquina ap-eye yehparipu ijiye macari cjẽnare cahme wejẽ yũhdũacahye. Sa yeye apequina quehnoano dutiyequina ijiahye. Cohãcjũ tiquinare “Mũsare yedohoutja”, tiquiro nidiro sahata tiquinare yedohoahye. Tiquirore tiquina wacũ tutuagũ ihñano sa tiquinare yedohoahye. Sa wacũ tutuaye, yayia tiquinare ihya duagũ tiquina dũserire bihagũ yehahye tiquina. ³⁴ Tutuaro mũri pecapu ijiepetata mũjedahye tiquina Cohãcjũre wacũ tutuaye. Apequina tiquinare ñose wejẽ duagũ duhti cãa wahahye Cohãcjũre wacũ tutuaye. Tutueyequina ijiepetata Cohãcjũre wacũ tutuaye tutuayequina wahahye. Cohãcjũre wacũ tutuayequina ijiye, cahme wejẽne tutuayequina ijiahye. Sa ye apeye yehpari cjẽna surara tiquinare wejẽne ahtayequina ne ihcãno sahaerahye tiquinare. ³⁵ Ihquẽquina numia Cohãcjũre wacũ tutuagũ ihñano tiquina acaye yariagũ ihñano Cohãcjũ pehe tiquinare maso basahye.

Apequina “Cohãcjũre cahmedacãhña”, tiquina ni peresu yenohriquina ijiepetata Cohãcjũre duhu duerahye. “Cohãcjũre mũsa duhugũ mũsare wionata”, nimahye tiquinare peresupu yenohriquina Cohãcjũ yequinare. Tiquina sa niepegata tiquinare yũhtierahye, Cohãcjũ cahapu tutuaro waha duaye. Sa yeye tiquinare ña yũhdũaro tiquina yepegũ yariaa wahahye.

³⁶ Apequinare Cohãcjüre wacũ tutuayequinare ñano ni bujape tiquinare tana mujae tiahye. Sa yeye apequinare dahpocãrine, omocarine duhte cãa, peresu yeahye.

³⁷ Cohãcjüre wacũ tutuayequinare ñañequina utã mehna doque wejẽahye. Apequinare tiquina pagurire seroti mehna yuhre sure mujahye. Apequinare ñoseñe pjĩni mehna ñose wejẽahye tiquina. Sa yeye tiquina sa ñano yepenohñequina oveja cahseri mehna, cabra cahseri mehna suhti tiyequina pejecuoyequina ijiahye. Sa ye apequina tiquinare ñano yepeahye.

³⁸ Tiquina quehnoa yuhduayequina ijigũ ahri yehpa cjẽna ñañequina tiquina mehna ijiboriquina ijierare. Ahriquina Cohãcjüre wacũ tutuayequina wuhuse marieñequina ijiye, masa marienopu, cãnu cãpu iji soto tae tiahye. Sa iji soto tae, cãnu ijiye coperipu, yehpapu ijiye coperipu gũhare carĩ soto tae tiahye.

³⁹ Ahriquina ijipihtiyequina Cohãcjüre tiquina wacũ tutuagũ ihñano bucueahye tiquiuro. Tiquina sa wacũ tutuepegũta Cohãcjũ tiquinare “Mũsare yuhduoutja”, tiquiuro nidiro eseraniahye.

⁴⁰ Tiquiuro yuhduoeranidire yahuro ohõ saha ni tãhotuahye Cohãcjũ. “Ahriquina yeequina camepure ijiatiquina mehna ihcãno saha ihcã curuapũta yuhduoutja”, ni tãhotuahye. Sa ni tãhoturo tiquiuro nidiro sahata yerota. Tiquiuro sa yegũ quehnoa yuhduare panopu tiquiuro yeriro yuhduoro.

12

Jesure sa wacũducuhna mari

¹ Sa yena ahriquina yuhũ yahuriquinare peyequina Cohãcjüre wacũ tutuayequinare ñañene yeeyequinare masina, ijipihtiye ñañe yeyere duhu cãhna mari gũhu. Ohõ saha ijire mari queoye mehna buhegũ: Omaperiquiurore oma tutuagũ cahmotaye ijire apeye. Tiquiuro dahpo suhti nũcũñe suhti tiquiurore

oma tutueragũ yeboaga. Ti yero saha Cohãcjũ cahmeñene mari ye duagũ cahmotaye gũhu ijire. Ti gũhare duhuuhna mari. Sa yena omapeyequina tiquina oma tutuaro saha mari gũhu tutuaro Cohãcjũ cahmeno saha yeihna. ² Sa yena Jesure sa wacũducuhna mari. Tiquiurota ijire marine wacũ tutua ducagũ yeriquiro. Sa yero marine wacũ tutua nemogũ gũhare yere tiquiuro. Curusapu yariaro wacũ tutuahye. Came tiquiuro bucueatore masino curusapu yariahye. Sa yariaro bæ tiboriquiro ijieperota bæ tierahye tiquiuro. Sa yero yojopure Cohãcjũ tiquiuro puhtoro dujiro poto pehe dujitjiãno tiquiuro dutiriquiro ijire.

³ Ñañequina masa tiquiurore tiquina ña yuhduaro yegũ ihcãno sahahye tiquiuro. Tire wacũña masa, masa gũhu ñano yuhduna, “Ihcãno sahaeraboa”, nina. Tire wacũña masa “Tiquiurore wacũ tutua duhuari”, nina.

⁴ Ñano yuhduepenata ñañene yerare masa. Sa ñano yuhduepenata ña yuhduaro waro yuhdueraniaga masa. Ñañequina mũsare wejẽdarĩaga.

⁵ ¿Cohãcjũ mũsare tiquiuro pohñare tiquiuro yahurire bo cjãri masa? Mũsa ñano yuhduatire tiquiuro yahurire wacũña masa. Ohõ saha niahye tiquiuro:

Yuhũ macu, mũhare yuhũ yahugũ usueracãhña ñano yuhdupegũta. Mũhare yuhũ tuhtigũ tuhogu bujua witieracãhña. ⁶ Ijipihtiyequina yuhũ cahñequinare yahuaja. Sa yegu ijipihtiyequina “Yuhũ pohña ijire masa”, yuhũ ni ihñañequinare yuhduuca dutieraja. Sa yegu tiquina yuhduucagũ ihñagu tiquinare buhiri dahreja, niahye Cohãcjũ.

⁷ Ñano yuhduna Cohãcjũ yere duhueracãhña. Cohãcjũ mũsare tiquiuro pohñare buhiri dahrero nine. Tiquina pacũsumma tiquina pohñene sa yahuducure. Sa yeye tiquinare buhiri dahreducure. Sata

yere Cohãcjũ gãhũ marine tiquiro pohmare. ⁸ Ijipihtiyequina tiquiro pohmene yahure Cohãcjũ. Cohãcjũ musare yahueragũ tiquiro pohna waro ijierare musa. Pacusumua marieñequina yero saha ijire musa tiquiro yahumehnena ijina. Sa ijina “Usã pacu waro ijire”, ni masiedare musa Cohãcjũre, musare tiquiro yahueragũ. ⁹ Mari pacusumua marine tiquina yahugũ tuhona tiquinare ño peoja mari. Mari pacusumua mari ño peoro yuhduoro ño peoro cahmene mari Pacure Cohãcjũre tiquiro yahugũ. Sa yena tiquirore yuhtiro cahmene marine. Sa yuhtina ijina ijipihtiye decori tiquiro mehna ijinata. ¹⁰ Meheñe decorigã ahri yehpapu mari ijinigũ mari pacusumua marine yahuye, buhiri dahrere. Tiquina esa tuharo tiquina masino punota marine yahuye, buhiri dahrere. Cohãcjũ pehe marine quehnoano yahure. Sa yero tiquiro masiñe mehna marine buhiri dahrere, marine quehnoana bucua dutiro. Sata yere marine tiquiro yero saha quehnoana marine iji dutiro. ¹¹ Marine tiquiro buhiri dahregũ bucueraja mari. Mari ihyo bujua witiaja. Sa bujua witiopenata tiquiro sa buhiri dahreri bato quehnoana wahanata mari. Sa yena ñañene yero marieno quehnoano ijinata.

Cohãcjũ marine tiquiro dutiyere mari yuhtieragũ cuarñe marine

¹² Sa yena wacũ tutuera cjũna ijiepenata Cohãcjũre wacũ tutuana ijiya. Tiquirore duhueracãhña.

¹³ Quehnoano potori mahare musa waharo saha quehnoano poto yeya musa. Musa sa yegũ ihña cũñe apequina Jesu yequina ñañene yesi. Musa quehnoano yegũ ihña cũñe quehnoano wacũ tutuera cjũñequina gãhũ wacũ tutuayequina wahaeta.

¹⁴ Ijipihtiyequina masa mehna quehnoano ijiya, cahmequeno marieno. Sa yena ñano yeracãhña. Ñañe marieñequina dihita mari puhtoro Cristore ihñaeta.

¹⁵ Quehnoano yeya musa. Cohãcjũ musare tiquiro yedohogũ quehnoano yuhtiya. Ñañe taa diaye tiquina oteyere ti dojomehnenno saha musa gãhũ Cristo yere duhueracãhña, “Apequinare dojomehnenari”, nina. ¹⁶ Ne wuana tieracãhña. Sa yena Cohãcjũ yere cahmeena ijieracãhña. Cohãcjũre cahmeediquiro ijiahye Esaú. Tiquiro wahmino ijimahye. Sa yero tiquiro pacuro yariari bato tiquiro pacuro yere cœatiquiro ijimahye. Cohãcjũ tiquiro pacurore tiquiro ni cũri gãhũre cœatiquiro ijimahye. Sa yero ihcã deco ihcã pa ihyaye pose tiri pare cahmeno, ti pa mehna tiquiro bahuro pehere tiquiro wahmino wahagũ yero taro comesahye. ¹⁷ Tiquiro sa yeri bato tiquiro dahse waharire masine musa. Tiquiro pacuro tiquirore ohoatire tutuaro cahmemahye Esaú. Tiquiro sa cahmepegũta tiquiro bahurore wahmino wahagũ yeri buhiri, came tiquiro cœoborire ohoerahye tiquiro pacuro. Tire utiye mehna tiquiro siniepegũta tiquirore ohoerahye.

¹⁸ Cohãcjũ dutiyere Moiserere tiquiro cũgũ mari acaye Israe masa muna Cohãcjũ mehna ijie tiahye. Tiquina tiquiro mehna ijiriro saha musa pehe ijierare. Ohõ saha yeahye tiquina pehe. Cũnũre Cohãcjũ mehna ijiye taye, esahye. Ti cunũ pehe Sinaí wame tidũ ijiahye. Ti cunũre dahra tuhu masiahye masa. Ti cunũre tiquina esagũ tutuaro peca ujuahye. Sa yero nahitiano, bueri, tutuaro wihnono mehna ijiahye ti cunũre. ¹⁹⁻²⁰ Ti cunũre tiquina esagũ corneta bisiro ca tahye. Sa yero yahuducuye bisiro ca tahye. Ti sa yahuducuye bisigũ tuhoye, masa ihcãno sahaerahye. Cohãcjũ cuaro mehna ohõ saha ni, dutiahye tiquinare: “Ijipihtiyequina ahdu cunũre dahra tuhuyequinare utã mehna doque wejẽña tiquinare. Ahdure dahra tuhuriquiro wahiquiro waro tiquiro ijiepegũta tiquiro gãhũre utã mehna doque wejẽña tiquirore. O ñosenũ

mehna ñose wejēña tiquirore”, ni-ahye Cohācjū. Tiquiro sa nigū tūhoye ihcāno sahaerahye tiquina. ²¹ Sa yero ijipihtiye tū canapū ijiro tiquiro ihñarire ihña cuero, ohō saha niahye Moise: “Cuegū nanaregū niaja”, niahye tiquiro.

²² Sa Cohācjū mehna tiquina iji ducariro sahata ijierare mūsa pehe. Cohācjū mehna ijina wahana, Siō wame tidapū ūhmūse cjādapū mūsa esaboro saha potota Cohācjū mehna yahuducure mūsa. Cohācjū catiriquiro ya macapū mūsa esaboro saha potota tiquiro mehna yahuducure mūsa. Ti maca ape maca wahma maca Jerusalē ūhmūse cjā maca ijire. Topūre peyequina angele pari ijire. ²³ Tiquina Cohācjū mehna bucueye tehe cahmecoañequina ijire. Sa yena mūsa pehe tiquiro ya maca cjāna ijina, topū Cohācjū pohne iji mūhtañequina mehna mūsa cahmecoaboriro saha ijire. Tiquina tiquiro pohne wamene tiquiro ojoa ohōri tjupū ūhmūsepū tiquina wamene tiquiro ojoa ohōnohriquina ijire tiquiro pohne. Tiquiro pehe mari Pacū pehe ijipihtiyequinare beseatiquiro ijire. Tiquiro mehna cjāna ijire mūsa pehe. Sa yena tiquina quehnoañequina Cohācjū yequina mehna cahmecoano saha ijire mūsa gūhū. Tiquinare iji mūhtariquinare ñañe marieñequina ye tuhasahye Cohācjū. ²⁴ Sa yena Jesu mehna cjāna ijire mūsa pehe. Wahmanopū Moiserere tiquiro duti cūrire comesaro “Mū sare yūhdūoutja yūhū”, ni cūahye Cohācjū marine. Tiquiro sa ni cūriro sahata yeriquiro ijire Jesu. Tiquiro diire cohā, tiquiro yariari mehna marine sa yūhdūore. Abe mūnāno tiquiro dii cohāgū ihñano Cohācjū Aberere wejēdiquirore buhiri dahreahye. Jesu pehe tiquiro diire cohāgū, tiquiro yariari mehna quehnoano yūhdūaja mari. Sa yero Abe tiquiro dii cohāri ihyo warota ijiahye. Cristo pehe tiquiro dii cohāri bato quehnoa yūhdūaro yeahye Cohācjū marine. Sa ye tiquiro dii

cohāri ihyo warota ijierare.

²⁵ Sa yena quehnoano yeya mūsa. Cohācjū yere mū sare yahuriquirore quehnoano yūhtina ijiya. Panopū ahri yehpapū ijiriquiro Moise Cohācjū yere tiquiro yahugū tūhoye, peyequina tire tūho duerahye. Sa tiquina tūhoerari buhiri buhiri dahreahye Cohācjū tiquinare. Tiquina yūhdūoro buhiri dahrerota Cristore cohāñequinare. Cristo pehe ūhmūsepū ijiriquiro Cohācjū yere yahuriquiro ijire. ²⁶ Ti pjere Moiserere tiquiro dutiyere cūri pjere Cohācjū tiquiro yahuducuro mehna yehpa ñuhmigū yeahye. Yojopū pehere ohō saha ni yahuahye tiquiro: “Ihcā tahata ahri yehpa ñuhmigū ye nemoutja. Ahri yehpa dihitare ñuhmigū yesi yūhū. Ūhmūsepū gūhare ñuhmigū yeitja”, ni yahuahye tiquiro. ²⁷ “Ahri yehpa ñuhmigū ihcā tahata ye nemoutja”, nino, ijipihtiyere tiquiro bajumehndire tiquiro cohātire masigū yero niahye. Cohācjū pūhtoro ijiropūre cohāno basioerare. Sa yero tiquiro bajumehndire cohāgū tiquiro pūhtoro ijiro dihita tojoarota. ²⁸ Tiquiro pūhtoro ijiropū wahanata mari. Sa yena tiquiro pūhtoro ijirore tiquiro cohāedagū ihñana, Cohācjūre “Quehnoare”, ni ihna mari. Sa yena tiquirore ño peoye mehna, cua pesaro mehna tiquiro yere yeihna mari tiquirore bucuegū yena tana. ²⁹ Peca ūjūno cuaro saha Cohācjū gūhū cuaro mehna buhiri dahreriquiro ijire.

13

Ohō saha Cohācjūre bucuegū yeya

¹ Mūsa mehna cjēnare cahī duhueracāhña. ² Masa mūsa ihña masieñequina tiquina ijepegūta tiquinare mūsa wūhūsepū quehnoano mehna sajā ta dutiya. Apequina sa yeye, masiedapeta angelere tiquina ye wūhūsepū sajā ta dutiahye. Sa yena tiquina yero saha yeya mūsa gūhū.

3 Peresup_u ijiyequinare paja ihñaña. M_usa pehe tiquina mehna peresup_u ijina m_usa ijiboro saha tiquinare paja ihñaña. Apequina tiquina ñano yenohriquina g_uhure paja ihñaña. Tiquina yero saha m_usa g_uh_u ñano y_uhd_uboro saha tiquinare paja ihñaña.

4 Omoca d_uhterina ijiphtina m_usa basi quehnoano cahme ño peoya. Sa yena apequina mehna ñano yeracãhña. Ijiphtiyequina numia mehna ñano yeyequinare, _um_ua mehna ñano yeye numia g_uhure buhiri dahrerota Cohãcj_u.

5 Niñerure ne cahñedacãhña. Ohõ saha niahye Cohãcj_u: “M_usare ne cohãsi y_uh_u. M_usare sa yedohoducug_utja”, niahye tiquiro. Sa yena noho puno m_usa c_uoye mehna to punota bucueya. Pajiro cahme nemoedacãhña. 6 Sa yena cuero marieno ohõ saha ni t_uhotunata mari:

Mari p_uhtoro Cohãcj_u marine yedohoriquiro ijire. Ne cuesi mari. Masa marine tiquina ñano yeatire cuesi mari, ni t_uhotunata.

7 Cohãcj_u yere m_usare yahuriquinare m_usare dutiriquinare wacũña m_usa. Sa yena quehnoano tiquina ijie tirire quehnoano tiquina yee tirire wacũña. Sa wacũna, Cristore tiquina wacũ tutuariro saha yeya m_usa g_uh_u.

8 Jesucristo ne comesaerare. Panop_u, yojop_u g_uhure, camep_u g_uhure tiquiro ijiriro sahata ijiducurota tiquiro. 9 Peye buheyere sijoro saha ijiye buheyere t_uhoeracãhña m_usa “Quehnoañe buheyere _usãp_u cohãri”, nina. “Ahrire ihyaya. Ahrire ihyeracãhña”, ni buhere ihquẽquina. Sa tiquina ni buheyere mari y_uhtig_u ti marine yedohoerare. Sa yero sa ijiye buheyere mari yeg_u ihyo warota ijire. Ti marine wacũ tutuana ijig_u yerare. Cohãcj_u pehe marine wacũ tutuana ijig_u yere. Sa yena tiquiro ye tutuaye mehna tiquirore wacũ tutuana ijiya m_usa g_uh_u.

10 Cristo mari ñañe buhirire yari-ahye mari ñañene cohãno taro. Pahia pehe ohõ saha niñequina ijire: “Wahiquina mari wejẽ _ujã m_uo, mari ohoyequina mehna y_uhd_unata”, niñequina ijire pahia. Sa niñequina tiquina ñañe yerire cohãnohriquina iji masiedare. 11 Mari judio masa mari pahia p_uhtoro Cohãcj_u ijiri tucũ warop_u diire ne sajãno wejẽ siteahye, masa tiquina ñañe yerire cose wero taro. Sa yero tiquiro wejẽdiquiro wahiquiro pagure ti maca d_uht_u cahap_u _ujã cohã cãre.

12 Tiquiro yeriro saha Jesu g_uh_u maca d_uht_u cahap_u yariahye, masa tiquina ñañene tiquiro dii cohãno mehna cose wero taro. 13 Maca d_uht_u cahap_u tiquiro yariag_u ihñañe, tiquina ye buheyere tiquiro cohãg_u ihñañe judio masa p_uhtoa tiquirore ihña tuhtiahye. Sa yena mari g_uh_u tiquiro mehna cjãna ijihna. Mari sa ijig_u ihñañe, masa mari g_uhure ihña tuhtieta. 14 Ahri yehpap_u mari iji dojoati maca ne mariedare. Mari camep_u ijati macare cohtena niaja mari.

15 Sa yena Jesu yedohoro mehna mari Pac_u mehna yahuducuaja mari. Sa yena tiquirore quehnoano sinihna. “M_uh_u _usã Pac_u quehnoag_u, tutuag_u ijire”, ni, ño peoducuuhna. “Jesu yequina ijiaja”, ni, sa niña mari Pac_ure. Mari sa nig_u tiquiro bucuerota. 16 M_usa mehna cjẽnare quehnoano yeya. Sa yena tiquinare yedohoya. Tire boeracãhña. M_usa sa quehnoano yena Cohãcj_ure ño peona niaga m_usa. Sa yena tiquirore bucueg_u yena niaga.

17 M_usa p_uhtoare quehnoano y_uhtiya. Tiquina dutiro sahata yeya. Cohãcj_u ihña ihbo, buhe dutiro c_ure m_usare tiquinare. Sa c_unohriquina ijiye m_usare sa ihña ihboducuye nine “Cohãcj_ure y_uhd_udcari”, niñe. Camep_u m_usare tiquina dutirire, tiquina yerire Cohãcj_ure yahueta. Sa yena tiquinare quehnoano y_uhtiya m_usa. M_usa sa y_uhtig_u ihñañe bucueye mehna m_usare yedohoeta tiquina. M_usa y_uhtierag_u ihñañe

tiquina bujua witieta. Sa yuhtierana quehnoano ijisi musa.

¹⁸ Usãre sini basaducuya Cohãcjũre. Decoripe quehnoañe dihitare ye duaja usã. Sa yena “Ñañene yena niaja”, ni tuhotueraja usã. ¹⁹ Ahri pũritare tutuaro sini basaya Cohãcjũre yuhure: Sojaro mehna musa cahapu yahu wahatire tiquirore sini basaya.

Ahri pũre ojoariquiro quehnoa duti bato tiahye

²⁰ Cohãcjũ mari puhtoro Jesure variariquirore masoahye. Marine quehnoano ijigũ yeriquiro ijire. Tiquiro “Musare yuhduoutja”, ni cũahye Cohãcjũ marine. Tiquiro sa ni cũrire yeriquiro marine yuhduoriquiro Jesu pehe ijire. Mari ñañe buhirire yariahye tiquiro. Sa yero tutuariquiro ovejare ihña ihboriquiro yero saha ijiro, marine tiquiro yequinare quehnoano ihña ihbore. ²¹ Sa yero Cohãcjũ tiquirore masoriquiro musa gũhure yedohoahro ijipihtiyete quehnoañene tiquiro cahmeñene musa yeatire. Sa yero Jesucristo yedohoro mehna Cohãcjũ cahmeno saha ijipihtinare marine quehnoañe pehere comesagũ yeahro. Sa yena ijipihtiyete decori Cristore ño peouhna. Sata yeihna.

²² Yuhu acaye, ahrire tutuaro musare dutiitja: Ahri pũpu yuhu yahurire quehnoano mehna tuhoya musa. Ahri musare yuhu ojoari pũ pajiro ijierare. Sa yena ahrire quehnoano tuhoya. ²³ Ahri gũhure musare yahutja: Mari acayurore Timoteore peresu ijiriquirore wioñohiti. Sojaro mehna tiquiro wihigũ musare ihñagu wahagu tiquirore neagutja. Yuhu mehna waharota.

²⁴ Musa puhtoare, ijipihtiyequina apequinare Cohãcjũ yequinare topu ijiyequinare quehnoa dutiaja. Italia cjẽna Jesu yequina gũhu musare quehnoa dutire.

²⁵ Ijipihtinare musare Cohãcjũ mehna quehnoa dutiaja.

Santiago

Santiago Israe masare macari wahariquinare ojoa ohoahye

¹ Yuhũ, Santiago ahri pũpũ musare quehnoa duti ojoa ohogũ niaja. Mari Pacũ, mari pũhtoro Jesucristo gũhũ cahacjũta ijiaja yuhũ. Sa yegũ Israe masa ye cururi cjãnare doce cururi cjãnare Jesu yequinare macari waharinare yuhũ acaye musare ojoa ohogũ niaja.

Cohãcjũ pehe quehnoano masigũ yere

² Yuhũ acaye, peye ijietã mũsa ñano yũhdũati. Sa ñano yũhdũepenata quehnoano bucueye mehna tũhotuya.

³ Sa ñano yũhdũna, potota Jesure mũsa wacũ tutuarire ihũona ninata mũsa. Sa yena ñano yũhdũepenata Jesure mũsa quehnoano wacũ tutuana ijina, tiqũrore wacũ tutua nemonã wahanata. Sa wahanã mũsa ñano yũhdũyere ihcãno sahanata.

⁴ Sa yena duhuro marieno sa ihcãno sahana ijiducuya mũsa quehnoano tũho masina mũsa ijiatire.

⁵ Mũsa masiatĩ dũhsagũ tũhotuna Cohãcjũre siniña. Tiquiro dũhsaro marieno ijipihitiyequinare ohore. Sa ohoro tiqũrore siniñequinare sijoro saha nino marieno ohore tiqũro. Tiquiro sa ijiriquiro ijigũ masina, mũsa masiatĩ dũhsagũ tũhotuna, tiqũrore siniña. Mũsa sa sinigũ musare masi nemogũ yerota tiqũro.

⁶ Sa sinina Cohãcjũre quehnoano wacũ tutuatjiãna siniña mũsa. “Ƴsã sinigũ Cohãcjũ ohoeraboaga usãre,” ni tũhotueracãhña. Sa ni tũhotuyequina pajiri ma cjẽ pahcõri yero saha tiquina gũhũ tiquina wacũñepũre usũro comesare. Ihcãno saha yerare tiquina. Sa ye Cohãcjũre wacũ tutuerare. ⁷ Sa ni tũhotuyequinare tiquina siniepegãta ne mehenogã tiquina siniñene tiquinare ohosi mari pũhtoro, Cohãcjũ. ⁸ Miare ahrire

cahmediquiro ijieperota ñamiare sijoro saha tũhoture tja. Sa yeriquiro queoro yerare.

⁹ Jesu yequinare ihyo ijiyequinare Cohãcjũ pehe pũhtoã sõnota. Sa ijia-tiquina ijiye bucueahro tiquina. ¹⁰ Sa ye Jesu yequina doeri cjẽ opana ijiye tiquina ye doeri cjẽ pihtiatire masiñe bucueahro. Ti doeri cjẽ ihyo warota ijire, Cohãcjũ ihñagũ. Cohori ti duitã ahba bora dijiaã waharo saha ti doeri cjẽ pihtia waharota. Sa ijiye tiquina gũhũ bucueahro. ¹¹ Asũ mũja taro tiqũro tutuaro asigũ taa pehe ñaia wahare. Sa ye cohorĩ gũhũ ñai bora dijiaã waha, quehnoañe cohorĩ ti ijiye pihtia wahare. Sata waharota doeri cjẽ opanare doeri cjẽne tiquina ne cahmecoano watoã. Tiquina, ti doeri cjẽ mehnata butia wahaeta.

Ñano ye dutiyere yerariquiro bucueriquiro ijire

¹² Ñano yũhdũriqũro ihcãno saharo, ñano ye dutiyere yeraro bucueriquiro ijirota. Tiquiro sa ihcãno sahaagũ, tiqũro ñañene yeragũ ijipihitiye decori uhmũsepũ ijiducugũ yerota Cohãcjũ tiqũrore. “Sa uhmũsepũ ijiducugũ yeitja”, ni cũahye Cohãcjũ ijipihitiyequina tiqũrore cahĩñequinare. ¹³ Musare apequina ñano ye dutigũ “Cohãcjũ yũhũre ñano ye dutiro nine,” ni tũhotueracãhña. Ñano yeyere tũhoturiquiro ijierare Cohãcjũ. Sa yero tiqũro pehe masare ñano ye dutiriquiro ijierare. ¹⁴ Masa ñañene tiquina tutuaro cahmeñeta tita tiquinare ñano yegũ yere. ¹⁵ Sa ye ñañene tutuaro cahmene masa. Sa ye ti pehere tũhoture. Sa tũhotuye, ti ñañene yeducure tiquina. Tiquina sa yeducuri buhiri Cohãcjũ tiquinare pecapũ cohãnota.

¹⁶ Sa yena yuhũ acaye yuhũ cahña, “Cohãcjũ yũhũre dutigũ ñano yei,” ni tũhotueracãhña. Poto ijierare ti. ¹⁷ Mari Pacũ uhmũse cjũno marine quehnoañe dihitare ohore. Tiquiro pũrita asũ deco cjãnore, ñami cjãnore, ñahpicoha paca gũhũre bajumehnediquiro ijiro, tiqũro

pehe tiquiro ijiriro sahata sa ijiducu cãre. ¹⁸ Tiquiro cahmediro sahata quehnoañe buheye mehna marine tiquiro pohna wahagũ yeri. Sa yeri tiquiro, tiquiro pohna iji mahtana marine iji dutiro.

Potota Cohãcjũre ño peoye ohõ saha ijire

¹⁹ Yũhũ cahĩna, yũhũ acaye, ahrire quehnoano tũhoya mũsa. Cohãcjũ yere quehnoano tũhoya mũsa. Sa tũhona, tũhoturo marieno yahuducueracãhña. Sa yena usueracãhña. ²⁰ Ihcãquiro usuariquiro ijigũ tiquiro yerire bucuereare Cohãcjũ. ²¹ Sa yena ijipihtiyẽ mũsa ñañe yeyere, mũsa ñañene tutuaro cahmedire duhuya mũsa. Sa yena Cohãcjũre quehnoano yũhtina ijina tiquiro buheyere tũho, cahmeña mũsa. Tiquiro ye buheyere mũsa tũho cahmegũ Cohãcjũ pehe mũsare pecapũ wahaborinare yũhdũorota.

²² Tiquiro yere tũhoepenata yũhtierana ni mehoñene tũhotuna nine mũsa. “Yũhtieragũ quehnoanota,” ni tũhotuna ni mehoñene tũhotuna nine mũsa. Sa yena tiquiro yere tũhona ti pehere yeya. ²³ Cohãcjũ yere tũhoepenata, yũhtierana, tiquiro wãhdoare eõno mehna ihñariquiro yero saha ijire mũsa. ²⁴ Tiquiro wãhdoare tiquiro ihñari bato waha, tiquiro ihñarire boaa wahare. ²⁵ Sa yero apequiro pehe tiquiro ihñarire boero saha Cristo ye dutirire tũhorõ tire yero, bucueriquiro ijirota. Ti dutiye Cristo cahĩne mehna masare tiquiro yũhdũoati buheye ijire. Ti buheyere ne cohãediquiro bucueriquiro ijirota. Tiquiro pũrita tiquiro tũhorire yeriquiro ijire. Sa yeriquirore quehnoano yerota Cohãcjũ.

²⁶ Ihcãquiro sa ni maca cãriquiro ijiro, potota Cohãcjũre ño peoerare. “Cohãcjũre quehnoano ño peoaja,” ni tũhoturiquiro ijieperota ni mehoñene tũhoture tiquiro. “Cohãcjũre ño peoaja,” nidiquiro ijiepegũta tiquiro ño peoye ne dũhseati ijierare.

²⁷ Ijirota Cohãcjũre mari Pacũre mari ño peona, tiquiro cahmeno saha ño peona, ohõ saha yeaja mari: Pacũsumũa marieñequinare, wape wiha numia gũhũre tiquina ñano yũhdũgũ ihñana, tiquinare yedohoaja mari. Sa yena ahri yehpa cjẽna ñañene tiquina yerire ne ye dueraja mari. Sa yena potota Cohãcjũre ño peonata ijiaja mari.

2

Masare ihcãno saha quehnoano yero cahmene marine

¹ Yũhũ acaye, quehnoa yũhdũariquirore Jesucristore mari pũhtorore tũhona, tiquirore wacũ tutuana ijire mũsa. Sa wacũ tutuana masare ihcãno saha quehnoano yero cahmene mũsare. ²⁻³ Sa ye uru behtorire, omoca sañañe behtorire cãoriquiro, wapa bajũye suhtire sañariquiro mũsa Jesu yequina cahmecoano cahapũ tiquiro ahtagũ ihñana tiquirore quehnoano mehna piti caboaga. “Ohõpũ dujiro ijire,” niboaga mũsa tiquirore. Sa niepenata ti pjeta pejecãoriquiro gũhũ ñano suhti tiriquiro mũsa cahapũ tiquiro ahtagũ ihñana tiquiro pehere quehnoano piti caeraboaga. “Ohõpũ ducuya. O yehpapũ dujiya,” niboaga mũsa tiquirore. ⁴ Mũsa sa yena masare ihcãno saha yena niedaga mũsa. Sa yena ñañene tũhotuyequina masare beseyequina yero saha ijina niaga mũsa. “Ahriquiro pehe quehnoariquiro ijire. Ahriquiro ñariquiro ijire,” ni besemene mũsa.

⁵ Yũhũ acaye, yũhũ cahĩna, yũhũre tũhoya. Peyequina pejecũoyequina pehere Cohãcjũ beseahye. Tiquirore quehnoano wacũ tutuatiquinare, tiquiro pũhtoro ijiropũre ijiatiquinare beseahye tiquinare. “Topũre wahanata mũsa,” ni cũahye Cohãcjũ tiquirore cahĩnequinare. ⁶ Tiquinare tiquiro sa besepegũta mũsa pehe pejecũoyequinare quehnoano ño peoerare. Doeri cjẽ opana pehe mũsare ñano yere. Sa ye tiquina masare beseriquiro cahapũ mũsare neare

m̄sare yahusãñe tehe. ⁷ M̄sa pehe “Cristo yequina,” masa tiquina ninohna ijire. Peyequina doeri cjẽ opana pehe Cristore ñano ni yahuducuyequina ijire. Sa ye pe-jec̄oyequinare m̄sa ño peoriro ȳhd̄oro doeri cjẽ opanare m̄sa ño peogũ ñarĩne.

⁸ Cohãcjũ dutiye mehna cjã duti-rore apeye dutiye bui cjũnogã ijiri duti-rore ohõ saha ni ojoahye: “M̄h̄u basi m̄h̄u cahĩno saha m̄h̄u cahapũ ijiyequina gũh̄are cahĩña,” nine Cohãcjũ dutiro. Ahri duti-rore yena, quehnoañene yere m̄sa. ⁹ Masare ihcãno saha yerana ñano yena nine m̄sa. Sa yena Cohãcjũ dutiyere ȳhd̄ud̄ucana ijire m̄sa. Sata nine Cohãcjũ yere tiquina ojoari pũp̄u. ¹⁰ Cohãcjũ dutiyere yena ijiepenata ihcãno dutirogãre m̄sa yeragũ apeye dutiyere m̄sa yepegũta d̄h̄seati ijierare. Sa yena ñañe buhiri tina ijinine m̄sa. ¹¹ “Apequiro namono mehna ñano yeracãhña,” ni, m̄sare dutiriquiro Cohãcjũta ijire. “Masare wejẽdacãhña,” nidiquiro tiquirota ijire Cohãcjũ. Apequiro namono mehna ñano yerapenata mas̄nore wejẽna Cohãcjũ dutiyere ȳhd̄ud̄ucana ijire m̄sa.

¹² Cristo marine tutuaro cahĩno, marine dutire marine ȳhd̄oro taro. Tiquiro dutiyere mari yerire, mari yerari gũh̄are ihñano marine besero ahtarota. Tiquiro sa besenohanaja ijina tiquiro dutiyere quehnoano yeihna. Sa yena tiquiro cahmeno sahata yahuducuuhna mari. ¹³ Yojoꝑ̄are mari apequinare paja ihñedagũ Cohãcjũ pehe masare tiquiro beseri pje ijigũ marine paja ihñasi. Sa yena apequinare mari paja ihñagũ Cohãcjũ pehe marine paja ihñano, marine buhiri dahresi.

Cristore wacũ tutuayequina pehe quehnoañene yere

¹⁴ Ȳh̄u acaye, t̄hoya m̄sa. “Cristore wacũ tutuaja ȳh̄u,” ihcãquiro tiquiro ni t̄hotuepegũta tiquiro quehnoañene yeragũ tiquiro sa

nimedi pehe ne d̄h̄seati ijierare. Sa ni wacũ tutua maca cãriquirore Cohãcjũ ȳhd̄osi. ¹⁵⁻¹⁶ Jesu yaquiro, Jesu yacoro ñañe suhti dihita tiquina c̄ogũ ihñana, tiquina ihyati mariedagũ ihñana, d̄h̄se yeajari m̄sa tiquinare apee boro c̄ona ijina? “Quehnoano ijiya m̄sa. Sa yena quehnoano suhti sañaña. Sa yena quehnoano ihyaya yapi iji cãhña,” niepenata tiquina cahmeñene m̄sa ohoeragũ m̄sa sa nimedi ne d̄h̄seati ijierare. ¹⁷ Sa yena “Cristore wacũ tutuaja,” m̄sa niepegũta quehnoañene m̄sa yeragũ Cristore m̄sa wacũ tutuaye ne d̄h̄seati ijierare.

¹⁸ M̄sa mehna cjũno ahri ȳh̄u buherire t̄ho dueraro ohõ saha masiahdo. Quehnoañene yeraperota “Cristore wacũ tutuaja,” niboaga tiquiro. Quehnoañene yeraro Cristore tiquiro wacũ tutuayere apequinare masigũ ye masiedare. Quehnoañene yeriquiro pũrita quehnoañene tiquiro yeye mehna Cristore tiquiro wacũ tutuayere masigũ ye masine. ¹⁹ “Cohãcjũ ihcãquirota ijire,” ni t̄hoture m̄sa. M̄sa sa ni t̄hotugũ quehnoañene. Sa ijipegũta to punota Cohãcjũre ȳhtiro marieno tiquirore m̄sa masigũ ti d̄h̄seati ijierare. Wat̄ia gũh̄u m̄sa t̄hoturo sahata t̄hotuñohti. Sa ijiye Cohãcjũ tiquiro ijiye tiyere masiñohti tiquina. Sa masiñe, cue, nanareñohti. ²⁰ Ihcãquiro quehnoañene yeraperota “Cristore wacũ tutuaja,” ni t̄hoturiquiro ijiro t̄ho masieniquiro ijire. Cristore wacũ tutuamediquiro quehnoañene yeraro potota Cristore wacũ tutuare.

Ohõ saha ni yahutja m̄sare ahrire: ²¹ Abrahã mari ñecu m̄nano tiquiro mac̄no Isaac wame tiriquirore wejẽ basamahye Cohãcjũre. Sa yero tiquirore ut̄a paca mehna tiquina yeri buhu bui duhu peomahye. Sa duhu peoro Cohãcjũ dutiriro sahata tiquiro mac̄nore wejẽno taro nimahye Cohãcjũre ño peoro taro. Tiquiro sa yegũ ihñano “Potota

quehnoariquiro ijire,” ni ihñahye Cohācjū tiquirore. ²² Tiquiro sa ni ihñagū ahrire masine m̄sa: Abrahā Cohācjūre wacū tutuaro tiquirore yuhtiahye. Sa yuhtiro Cohācjūre tiquiro wacū tutuayere ihñono ni-ahye. ²³ Sa yero Cohācjū yere tiquina ojoari p̄p̄u tiquiro nidiro sahata sa wahahye: “Abrahā Cohācjūre wacū tutuahye. Tiquiro sa yegū ihñano ‘Quehnoariquiro ijire tiquiro’, ni ihñahye Cohācjū tiquirore”, ni ojoahye Cohācjū yere tiquina ojoari p̄p̄u. Tiquiro sa ni ihñagū masiñe “Abrahā Cohācjū mehna cj̄no ijire”, nine masa tiquirore.

²⁴ Sa yena ahri yuħu yahuatire masine m̄sa: “Cohācjūre wacū tutuaja,” nidiquiro, tiquiro quehnoañene yeragū ihñano Cohācjū pehe tiquirore “Quehnoariquiro ijire,” ni ihñedare. Cohācjūre wacū tutuariquiro pehere potota tiquiro quehnoañene yegū ihñano “Quehnoariquiro ijire,” ni ihñare Cohācjū tiquiro pehere. ²⁵ Sata ni ihñahye Cohācjū Rahab wame tiricorore um̄a mehna ñano yeducumedicorore. Josué m̄n̄ano tiquiro ohoriquinare quehnoano piti ca, “Quehnoano sajā taya,” niahye ticoro. Sa yero tiquina tojoa duagū ticoro pehe ape maha pehere ihñoahye tiquinare “Tiquinare ihña tuhtiequina wej̄ari,” nino. Ticoro sa yegū ihñano “Quehnoaricoro ijire,” ni ihñahye Cohācjū ticorore.

²⁶ Sata ijire. Mari pagupure jeripohna mariedagū catieraja mari. Sa yero jeripohna mariedagū mari pagu d̄hseati ijierare. Sata “Cohācjūre wacū tutuaja,” mari niepegūta mari quehnoañene yeragū queoro ijierare mari wacū tutuaye. Sa yero mari quehnoañene yeye mariedagū mari wacū tutuaye d̄hseati ijierare, jeripohna marieni pagu yero saha.

3

Mari d̄seropu wijiayere mari yahuducuyere yahuahye

¹ Cohācjū yere masare buheyequina tiquiro yere tiquina quehnoano yeragū ihñano tiquina p̄ritare masare buheyequina yuħduoro Cohācjū buhiri dahrerota. Tire m̄sa masine. Sa yena m̄sa mehna cj̄na masare buheyequina peyequina ijieracāhdo.

² Ijipihtiequina peye tahari mari ñañene yeaja. Ihcāquiro ñañene yahuducueriquiro Cohācjū cahmeñene quehnoano yeriquiro ijire tiquiro. Sa yero apeye ñañe gūhare yerare.

³ Ohō saha ijire ahri mari queoye mehna buhegū: Caballo d̄seropu come p̄ji tiquiro ñehmenore ña dihori p̄jine mari cūaja, tiquirore mari majareducagū yena tana. Sa yena ti p̄ji come p̄ji mehna tiquirore tiquiro wahatopu mari weje majare docoaja. Ti p̄jigā meheni p̄jigā ijiepegūta ti p̄jigā mehna tiquirore wahagū yeaja mari. Sata mari d̄sero mehenogā ijiepegūta ti d̄sero mehna pajiro yeaja mari.

⁴ Yucasa quiti mehna queoye mehna yahu nemoutja m̄sare: Yucasa pajiria ijiepegūta tiare wihnono tutuaro w̄doqueoepegūta ohoturiquiro pehe meheni p̄jigā mehna tiare noho tiquiro waha duaropu ohoture. ⁵ Sata ijire mari d̄seropu wijiaye. Mari d̄sero mehenogā ijiepegūta ti d̄sero mehna pajiro yeaja mari. Meheni pecagā pajiro ti peca ūjū cāno saha mari d̄sero mehna mari yahuducuye mehna pajiro ñañene yeaja. ⁶ Sa yero mari d̄sero ūjūri peca yero saha ijire. Mari d̄seropu wijiaye ijipihtie ñañene yegū yere marine. Peca ūjū d̄caro saha mari d̄seropu wijiaye mehna mari quehnoano ijiborire ña yuħduaro yeaja mari. Ñañene yahuducuna wat̄no tiquiro dutiro saha mari yena niaja.

⁷ Ijipihtiequinare n̄c̄u cj̄nare wahiquinare, minic̄uare, sihcō cāhñequinare, wahire mari ihña wahāgū ye masiaja. Sa yena mari peyequina tiquina borore ihña

wahāgū ye tuhasa. Sa ye tiquina quehnoano tūho masine. ⁸ Tiquinare mari yūhtigū yepegūta mari dūsero pehe ñañene yahuducuro ne duhuera yūhdūare. Sa yero nuñequinare mari yūhtigū yero saha mari dūsero pehere ne yūhtigū ye masiedaja mari. Mari dūseropū wijiaye ña yūhdūaye ijire. Sa yero aña apequinare tiquiro wejēno saha marine apequina gūhure ña yūhdūaro wahagū yere mari dūsero.

⁹ Mari dūsero mehna Cohācjū mari pūhtoro mehna mari quehnoano yahuducujaja. Sa yahuducuepenata masa Cohācjū yero saha ijiyequinare tiquiro bajumehnediquina tiquina ijipegūta tiquinare ña yūhdūaro ni yahuducujaja mari. ¹⁰ Ihcā dūseropūta quehnoañene yahuducuye gūhu, ñañene yahuducuye gūhu wijiare. Yūhu acaye, sa ni yahuducueracāhña. ¹¹ Māgā pohterū aco wijiari copepū quehnoañe aco, ñañe aco gūhu ne wijaerare. ¹² Yūhu acaye, higuera gū olivo pacare dūca tierare. Sa yero ūhse da higuera pacare dūca tierare. Sa ye moreno mehna pūe paca dūca tierare. Sa ye māgā pohterū aco wijiari copepū moa yūaye co wijiagū moa marieñe co wijaerare. Sata mari dūseropū quehnoañe yahuducuye, ñañe yahuducuye mehna wijaeracāhdo.

Quehnoano masiñe waro ohō saha ijire

¹³ Ihquēquina mūsa mehna cjēna quehnoano masiñequina ijire. Sa yena “Apequina yūhdūoro quehnoano masiaja ūsā,” niedacāhña. Sa niedana quehnoañene yeya mūsa. Sa quehnoano yena potota quehnoano masina ijire mūsa. ¹⁴ Sa yena apequiro apee borore tiquiro cūogū ihñana cahme ihña coona, apequina mehna usuaducuna, apequinare yūhdūdūca duana, “Cohācjū yere quehnoano masiaja ūsā,” niedacāhña mūsa. Mūsa sa nina ni mehona ijire mūsa. ¹⁵ Sa yeyequina tiquina wacūñe Cohācjū

ye wacūñe ijierare. Tiquina wacūñe ahri yehpa cjēna tiquina ñañe wacūñe ijire. Tiquina wacūñe pehe watño ye ijire. ¹⁶ Masare cahme ihña cooyequina, apequinare yedoho dueyequina sa cahme tuhtiducure. Sa ye ijipihtiye ñañene yeducure.

¹⁷ Apequina pehe Cohācjū yere quehnoano masiñequina pehe tiquina pūrita sa ye maca quēhe niedare. Sa ye tiquina ne cahme tuhtierare. Sa ye masa quehnoañequina, dutiyere quehnoano yūhtiyequina, paja ihñañequina, masare yedohoyequina, masare ihcāno saha yeyequina ijire tiquina. Tire yeye, ni mehono marieno yere tiquina. ¹⁸ Sa yena cahmequeno marieno ijina, apequinare “Cahmequedacāhña,” mari ni yahuna quehnoañequina wahagū yena niaja mari masare.

4

Ahri yehpa cjē ñañene cahmena, Cohācjūre ihña tuhtina ijire mūsa

¹ ¿Dūhse ijiro boro mūsa cahme tuhtiajari? ¿Sa yena dūhse ijiro boro cahmequeajari mūsa? Ñañene tutuaro cahmena, cahmeque duare mūsa. Quehnoañene ye duepenata ñañene yere mūsa. ² Apee borore mūsa cahmene. Sa cahmena masare wejēne mūsa tiquina yere nena tana. Sa yena apequiro apee borore tiquiro cūogū ihñana tire mūsa tutuaro cahmene. Sa cahmepenata tire nea masiedare mūsa. Sa yena tire cahme sehña soducure mūsa. Cohācjūre siniedana, mūsa cahmeñene ne bo-caerare. ³ Sa yena Cohācjūre sinina, mūsa ye ijiati dihitare sinimene mūsa, mūsa cahmeno sahata yeducuna tana. Apequina ye ijiati pehere sini basaerare. Sa mūsa sinigū Cohācjū mūsa siniñene ohoerare.

⁴ Cohācjūre duhurina ijire mūsa. Ahri yehpa cjē ñañene cahmena, Cohācjūre ihña tuhtire mūsa. ¿Tire masiedajari mūsa? Sa yero ahri yehpa cjē ñañene cahmediquiro Cohācjūre ihña tuhtiriquiro iji

tuhasare. ⁵ Ohō saha niahye Cohācjū yere tiquina ojoari pūrū: “Cohācjū yaquiro Espiritu Santore mari mehna ijiatiquirore cūri. Sa yero Espiritu Santo pehe marine cahño, ñañene mari tutuaro cahmepegūta cahmesāedare tiquiro. Ihcāquiro namonore tiquiro cahī doero saha marine tutuaro cahñe Espiritu Santo”, ni ojoahye panopū. Tiquiro sa ni ojoari ihyo warota ijierare. Poto ijirota nine.

⁶ Sa yero Cohācjū marine quehnoano yedohore tiquirore mari quehnoano yūhtiatire. Ohō saha nine Cohācjū yere tiquina ojoari pūrū: “Yūhū pūrta apequinare masi yūhdūcaja,” nidiquirore, Cohācjū ihña tuhtire. Apequiro pehere ‘Ñagū, ihyo ijigū ijiaja,’ nidiquiro pehere Cohācjū yedohore, tiquirore quehnoano yūhti dutiro”, nine tiquiro yere tiquina ojoari pūrū.

⁷ Sa yena Cohācjūre quehnoano yūhtina ijiya mūsa. Sa yena watñnore yūhtieracāhña. Sa mūsa yūhtieragū ihñano tiquiro pehe mū sare duhti oma cāa waharota. ⁸ Cohācjūre quehnoano yūhtiya mūsa. Mūsa sa yegū tiquiro pehe mū sare yedohorota.

Ñana ijire mūsa. Sa yena ñañene ye nemoedacāhña. Ñañe gūhūre cahmena, quehnoañe gūhūre cahmena ijire mūsa. Sa yena mūsa ñañe yerire būjūa witiya. Mūsa sa yegū ihñano Cohācjū mūsa ñañe yerire cohānota. ⁹ Mūsa ñañene yerire tutuaro būjūa witiya. Sa yena mūsa ñañe yeri buhirire utiya. Bucueye mehna būjūa ijieracāhña. Sa yena mūsa ñañe yerire ñano jeripohna tina, tire bue tina ijiya. ¹⁰ “Ñagū ihyo ijigū ijiaja yūhū”, nina, Cohācjūre ño peoya. Mūsa sa yegū tiquiro pehe mūsa ñañe yerire cohāno, quehnoano yerota mū sare.

Tiquina acayere Jesu yequinare tiquina basi ñano quitu ye dutierahye

¹¹ Yūhū acaye, Jesu yequina ijina, mūsa basi ñano quitu yeracāhña.

Mūsa acayūrore ñano quitu yena tiquirore buhiri dahre duti duana niaga mūsa. Cristo ye dutiye pehe masare buhiri dahre dutiye iji tuhasare. Sa yena masare ñano quitu yena Cristo ye dutiyere ohō saha nina niaga mūsa: “Marine quehnoano dutierare Cristo ye. Sa yena mari esa tuharo buhiri dahre dutiuhna”, nina niaga mūsa masare ñano quitu yena. Sa nina Cristo ye dutiyere ñano ni yahuducuna tojoare mūsa. Sa yena ti dutiyere yerana tojoare. ¹² Masare dutiyere ohoriquiro, masare beseriquiro Cohācjūta ijire. Sa yero masare pecapū wahaboriquinare tiquirota yūhdūo masine. Sa yero tiquirota masare pecapū cohā masine. Sa yena mari pehe masare “Ñañequina ijire”, ni masiedaja. Cohācjū dihita mari acayere beseatiquiro ijire.

Ñamiare dūhse mari ijiatire masiedaja mari

¹³ Yojoapūre yūhūre tūhoya mūsa. Ohō saha nina tūhoya yūhūre: “Miare, ñamiare ape macapū ijina wahanata. Topūre ihcā cūhma ijina, apee boro dua, dūnata. Sa yena wapatanata mari”, nine ihquēquina mūsa mehna cjēna Cohācjūre wacūno marieno. Sa nina ijina, yūhū pehere tūhoya mūsa. Sa ñañequinare ahrire yahugū tagū niaja. ¹⁴ Ñamiapū dūhse mūsa ijiatire masiedare mūsa. Ehmeo iji, duita pihti mūjano saha ijire mari ijiye tiye. Ehmeo mehenogā iji, pihtia wahare. Ohō saha mari gūhū mehenogā ijina, yariaa wahanata. ¹⁵ Sa yena ohō saha ni tūhotuya mūsa: “Cohācjū cahmegū ijinata mari. Sa yena tiquiro cahmegū ohō saha yenata mari”, ni tūhotuya mūsa. ¹⁶ Yūhū sa niepegūta yojoapūre “Mari esa tuharo ohō saha yenata”, niducumene mūsa pehe Cohācjūre wacūno marieno. Sa niducuna ñañene yere mūsa. ¹⁷ Quehnoañene mari yeatire masiepenata tire yerana, ñañene yena niaja mari.

5

Doeri cjë opanare yahuahye Santiago

¹ Doeri cjë opana m̄sa yojop̄are t̄hoya ȳh̄are. Camer̄are m̄sa ñano ȳhd̄anata. Sa yena uti sañuducuya m̄sa. ² M̄sa doeri cjë ahba pihtia waharota. Sa ye m̄sa suhtire casia ḡh̄ ihya pehoeta. ³ M̄sa niñerure m̄sa pajiro ihboḡu ne ti d̄h̄seati ijierare. Pihtiri deco panoḡa m̄sa sa ihboḡu ihñano niñerure m̄sa cah̄iḡu masine Coh̄aj̄. Sa yena niñerure m̄sa cah̄id̄i buhiri pihtiri deco ijiḡu ñano ȳhd̄anata pecar̄u m̄sa ɱj̄ḡu m̄sa paḡure ɱj̄ p̄jero saha. ⁴ M̄sa weserire dahra cohteyequinare wapa yerari m̄sa. Sa yena m̄sa tiquinare ni mehor̄i. Sa yero tiquinare m̄sa wapa yerari niñerure ihñano, m̄sa ni mehor̄ire masine Coh̄aj̄. M̄sare dahra cohteyequina wapa ye dutiye, sañuducure tiquina. Tiquina sa ni sañuducuḡu mari p̄htoro Coh̄aj̄ tutua ȳhd̄ariquiro tiquinare t̄hore. ⁵ Ahri yehpap̄are peye doeri cjë mehna ijie tiri m̄sa. Sa yena m̄sa bucueye dihitare yee tiri m̄sa. Sa yena pajiriquiro wec̄u tiquina quehnoano nuriquiro yero saha ijire m̄sa. Sa ye pajiriquiro wec̄u pajiro tiquiro ihyar̄i bato tiquirore tiquina wej̄ati cuhtup̄u ne c̄are. Sata m̄sa ḡh̄are pajiro m̄sa c̄ori bato m̄sare tiquiro buhiri dahreatop̄u ne c̄anota Coh̄aj̄. ⁶ Quehnoañequinare peresu ye, wej̄ dutiri m̄sa tiquinare. M̄sa sa yeḡu tiquina pehe duhti wijia masiedare.

Cristo tiquiro tojoa tatire quehnoano cohte dutiahye marine Santiago

⁷ Sa yena ȳh̄u acaye, mari p̄htoro Cristo ahri yehpap̄are tiquiro tojoa tatire quehnoano cohteya. Wese up̄aro tiquiro oteye d̄uca tiati p̄jere quehnoano tiquiro cohtero saha quehnoano cohteya. Tiquiro oteyep̄are “Acoro ahtaahro” nino tiquiro ya wesere ti quehnoano pihtiatire quehnoano cohtere tiquiro.

⁸ Sata m̄sa ḡh̄u quehnoano cohteya. Mari p̄htoro tiquiro tojoa tato mehenoḡa d̄h̄sare. Sa yena Coh̄aj̄re sa wac̄u tutuaducuya m̄sa. Sa yena tiquiro ahtatire sa cohteducuya m̄sa. ⁹ Ȳh̄u acaye, m̄sa basi ñano q̄uti yerac̄ah̄ña Coh̄aj̄ m̄sare “Buhiri dahreari”, nina. Sa yena ahrire wac̄ñña m̄sa. Buhiri dahreatiquiro tiquiro ahtato mehenoḡa d̄h̄sare. ¹⁰ Ȳh̄u acaye, ñano ȳhd̄epenata mari p̄htoro quehnoano cohteya Coh̄aj̄ yere yahu m̄htariquina tiquina yeriro sahata. Tiquina ihc̄ano sahariro sahata ihc̄ano sahaya, tiquinare ihña c̄una.

¹¹ Sa yena ahri ȳh̄u yahuatire wac̄ñña m̄sa. Ñano ȳhd̄epeta Coh̄aj̄re duhueyequina bucueyequina ijire. Panop̄u c̄j̄nore Job wame tiriquirore t̄hori m̄sa. Tiquiro ñano ȳhd̄eperota Coh̄aj̄re duhuerahye. Sa yero tiquiro ñano ȳhd̄ari bato Coh̄aj̄ tiquirore quehnoano yeahye. Coh̄aj̄ mari p̄htoro quehnoano paja ihñariquiro ijiro, sata yeahye tiquiro. Ti ijip̄htiyere masine m̄sa.

¹² Ȳh̄u acaye, ahrire t̄hoya. Oh̄o saha ni wame peore masa: “Ŭhm̄se c̄j̄no mehna poto nina niaja”, nine masare t̄ho dutiye. Tiquina yero saha sa ni wame peoerac̄ah̄ña. Ŭhm̄se mehna, ahri yehpa mehna, apee boro mehna sa ni wame peoerac̄ah̄ña. Ahrire m̄sare tutuaro dutiaja. M̄sa apequinare yahuna, quehnoano potota yahuya tiquinare. Ni wame peo yahu nemoedac̄ah̄ña. Sa m̄sa poto yahuḡu ihñano Coh̄aj̄ sijoro saha m̄sa nidi buhirire buhiri dahresi.

¹³ M̄sa mehna c̄j̄no ñano ȳhd̄ariquiro ijiro, Coh̄aj̄re sini-ahdo tiquiro. Apequiro bucueriquiro ijiro Coh̄aj̄re bucueye mehna basaahro. ¹⁴ M̄sa dohatina, Jesu yequina p̄htoare pijioya m̄sa. M̄sa sa pijioḡu tiquina pehe m̄sare ɱh̄se mehna wis̄eta. Sa yeye mari p̄htoro Coh̄aj̄re m̄sare sini

basaeta tiquina. ¹⁵ Sa tiquina sini basagũ “Mari sinino sahata tiquiro yerota”, tiquina ni tũhotugũ Cohãcjũ m̄sare dohatinare yãhdũorota. Sa yero m̄sare quehnoana wahagũ yerota mari pũhtoro. Sa ye m̄sa ñãñe yeri buhiri m̄sa dohatina ijigũ ihñãñe m̄sare sini basaeta. Tiquina sa sini basagũ ihñano m̄sa ñãñe yerire borota Cohãcjũ. ¹⁶ Sa yena m̄sa mehna cjẽnare m̄sa ñãñe yerire cahme p̄a peheri yahu yãhdũya. Sa yena m̄sa basi Cohãcjũre cahme sini basaya. M̄sa sa sini basagũ m̄sa sini basariquinare Cohãcjũ yãhdũorota. Quehnoañene yena m̄sa ijigũ Cohãcjũre tutuaro m̄sa sini basariro sahata yerota Cohãcjũ. Sa ye m̄sa sini basaye tutuarĩaga. Ihyo ijiye ijierare. ¹⁷ Cohãcjũ yere yahu m̄htariquiro m̄nano Elia wame tiriquiro mari yero sahata masũno ijie tiahye. Sa yero “Acoro ahtaeracãhdo” ni tutuaro siniahye Cohãcjũre. Tiquiro sa ni sinigũ ihtia c̄hma quehnoano ape c̄hma deco ahri yehpap̄are ne acoro ahtaerahye. ¹⁸ Sa yero pari turi tja Cohãcjũre acorore tiquiro sinigũ acoro ahtaahye. Sa yero pari turi ahri yehpap̄a yuc̄ari pihni, b̄c̄ca, d̄ca tiahye. Sa ye Cohãcjũre mari siniñe ihyo ijiye ijierare.

¹⁹ Yũhũ acaye, m̄sa mehna cjũno Cohãcjũ yere cohãriquiro Cohãcjũ yere pari turi tiquiro cahmeatire tiquirore yahuna, quehnoano yena nine m̄sa. ²⁰ Sa yena ahrire masiña m̄sa: Cohãcjũre duhuriquirore Cohãcjũre pari turi cahmegũ yena, pecap̄a wahaboriquirore yãhdũgũ yena niaga m̄sa. Sa yero tiquiro ñãñe yerire Cohãcjũ borota.

1 San Pedro

Jesu yequinare macari wahariquinare ojoa ohoahye Pedro

¹ Yuh, Pedro, Jesucristo tiquiro buhe duti cūrigata ijiaja. Sa yeguh mūsare yoaro cjē macaripuh waharinare Ponto yehparuh, Galacia yehparuh, Capadocia yehparuh, Asia yehparuh, Bitinia yehparuh ti yehparipuh waharinare mūsare ijipihinare ojoa ohoaja yuh. Mūsare quehnoa duti ohoaja yuh. ² Coā waropure Cohācjū mari Pacu “Ohō saha yeitja”, tiquiro ni wacūyuriro sahata mūsare beseahye. Tiquiro sa beseri bato tiquiro yaquiro Espiritu Santo mūsare Cohācjū yequina ijigū yeahye. Sa yeahye tiquiro Jesucristore quehnoano yahtiana mūsā ijiatire, tiquiro dii cohāno mehna mūsā ñañene cosenohrina mūsā ijiatire. Cohācjū cahñe mehna tutuaro quehnoa dutiaja mūsare.

Jesuyequina ijina marine hhmūsepū tiquiro neatire cohtena niaja mari

³⁻⁵ Cohācjū marine tutuaro paja ihñano, Jesucristo yaria masa mājari mehna marine pecaruh wahaborinare yuhdugū yere tiquiro. Sa marine yuhdugū tiquiro yegū pari turi mari masa bajuariro saha Cohācjū pohnata wahaja mari. Sa wahana tiquiro mehna mari sa ijiducuatire quehnoano masiaja mari. Sa yero mūsare quehnoano yero taro mūsare cohtero nine. Tiquiro mehna mūsā sa ijiducuatire cūnota tiquiro. Sa yena sa ijiducunata mūsā. Sa yero tiquirore mūsā wacū tutuagū, Cohācjū tiquiro tutuaye mehna mūsare ihña ihboro, yuhdugū yerota. Pihtiri deco ijigū mūsare tiquiro yuhdūore masigū yerota tiquiro. Marine tiquiro sa paja ihñagū ihñana, tiquirore Cohācjūre mari pūhtoro Jesucristo pacūore ño peouhna.

⁶ Sa tiquiro yuhdūoana ijina, mehenogā ahri yehparuh mūsā ijiro puno peye tahari mūsā ñano yuhdūepenata bucuere mūsā. ⁷ Sa ñano yuhdūepenata Cohācjūre cohādana mūsā tiquirore wacū tutuaye potota ti ijigū tire masigū yena niaga mūsā. Uru ahri yehpa cjē pūrita pihtia waharota. Uru yuhdūoro mūsā wacū tutuaye pehe ihyo waro ijierare. Sa ye masa uru ti ijiyere masi duaye doha tuhu ihñare. Urure tiquina doha tuhu ihñano saha mūsā wacū tutuayere Cohācjū ihña duaro “Ñano yuhdūahro”, niboaga mūsare. Mūsā sa ñano yuhdūri bato potota tiquirore mūsā quehnoano wacū tutuaducugū ihñano, Cristo ño peoye mehna mūsare “Quehnoano yeri mūsā”, ninota. Ahri yehparuh tojoa taro sa ninota.

⁸ Tiquirore Jesucristore mūsā ihñedapenata cahñe mūsā. Sa yena yojopure tiquirore ihñedapenata tiquirore wacū tutuare. Sa wacū tutuana, tutuaro bucuere mūsā. Cohācjū tiquiro sa mūsare bucuegū yegū tutuaro bucuere mūsā. Ti bucueye quehnoa yuhdūare. ⁹ Sa yero Cohācjū mūsare pecaruh wahaborinare yuhdugū yerota, mūsā tiquirore quehnoano wacū tutuagū.

¹⁰ Cohācjū mūsare tiquiro sa yuhdūoatire panopuh cjēna Cohācjū yere yahu māhtariquina tire masi duaye, sinitue tiahye. ¹¹ Cristo tiquiro ñano yuhdūatire, tiquiro masa mājatire, ijipihtiyequina pūhtoro tiquiro ijiatire tiquiro masa bajuato panoputa tire yahuyu tuhasae tiahye tiquina. Jesucristo yaquiro Espiritu Santo tiquiro yedohoye mehna sa yahuyuahye tiquina. Sa ye tiquina Cohācjū yere yahu māhtariquina tiquina yahurire quehnoano masi duaye sinitue tiahye tiquina Cohācjūre. “Cristo wihirota”, Espiritu Santo tiquiro nidire “¿Noa boro pehe ijirrotari?” ni sinitue tiahye tiquina. Tiquiro wihiati pje gūhare sinitue tiahye. ¹² Tiquina yahuyuri tiquinare masi

pehogū yeati ijierahye. Maripure masi pehogū yeatire sa ni yahue tiahye. Tire tiquinare masigū yeahye Cohācjū. Ҫhmusepм ahtariquiro Espiritu Santo yedohoye mehna yojopure quehnoañe buheyere musare usā yahuaaja. Panopм musa masiatire tiquina yahuyuri tita ijire yojopure musare usā yahuye. Ti buheyere angele gūhм tutuaro masi duae tiahye.

Cohācjū marine ñañe mariena iji dutire

¹³ Sa yena quehnoano wacū masitjiāna ijiyuya musa. Sa yena tuho masina ijiya. Cristo tiquiro tojoa tagū Cohācjū musare quehnoano tiquiro yeatire wacūña. Sa yena tire quehnoano cohteya. ¹⁴ Panopм Cohācjūre masiedarīna ñañene tutuaro cahmena ijimedi musa. Yojopure tire yeracāhña. Sa yena tiquina pohne tiquina pacusummare quehnoano tiquina yūhtiro saha yeya musa. ¹⁵ Sa yena tiquiro yequina ijiatire musare beseriquiro ñañe marieniquiro tiquiro ijiro sahata musa gūhм ñañe mariedacāhña. Sa yena quehnoañe dihitare yeya. ¹⁶ Sata ni ojoahye Cohācjū yere tiquina ojoari pūpм: “Ñañe mariegū ijiaja yūhм. Yūhм sa ijigū musa gūhм ñañe mariena ijiya”, ni, ojoahye.

¹⁷ Tiquiro Cohācjū ijipihtiyequinare tiquina yerire ihñano ihcāno saha besere tiquinare. Ñañequinare, quehnoañequinare besere. Tiquiro sa yeriquiro ijigū tiquirore “Yūhм Pacм” ni duana quehnoano yeya. Ahri yehpapм musa ijiro puno cua pesaro mehna quehnoano ijiducuya musa. ¹⁸ Mмsa ñecsumмa mнna panopм cjēna tiquina yeri ne dūhseati ijierahye. Mмsa gūhм tiquina yeriro saha yena musa ijiepegūta Cristo musare tiquiro yequina ijigū yeri. Wapamoñequinare tiquina wapamorire tiquina boriro sahata tiquiro pehe musa ñañe yerire potota bo cāhri. Tire quehnoano masine musa. Musare sa yero plata mehna, uru mehna wapa

ye wioerare tiquiro musare sa yero. Plata, uru butia waharota. ¹⁹ Tiquiro pehe oveja quehnoariquiro, wete marieniquiro yero sahata ijiriquiro Cristo tiquiro dii mehna tiquiro yariari mehna musa ñañe yerire cohā, musare yūhdмorota. Tiquiro dii mehna marine sa yero quehnoano waro yero nidi. ²⁰ Panopмre ahri yehpare tiquiro bajumehneato pano Cristo tiquiro sa wahatire masi tuhasahye mari Pacм. Yojopм pehere pihtiatu deco panogā ijigū, Cristore quehnoano masigū yeri mari Pacм musare. ²¹ Cristo yedohoro mehna mari Pacмre wacū tutuare musa. Mari Pacм pehe Cristore yariariquirore masori jiri. Sa yero tiquirore ҫhmusepм cūno ijipihtiyequinare tiquirore ño peogū yeahye mari Pacм. Tiquiro sa yegū mari Pacмre wacū tutuare musa. Sa yena musare tiquiro yūhdмoatire quehnoano masine musa.

²² Quehnoañe buheyere tiquiro nidiro sahata yena ijina, musa ñañe yerire cohānohrina ijire musa. Sa yena potota mari acayere Jesu yequinare cahñ masine musa. Sa yena musa mehna cjēnare musa jeripohnari mehna tutuaro cahñña. ²³ Sa yena coā bajuayequina yero saha ijina Cohācjū pohna wahari musa. Mari pacusumмa mehna masa bajarina ijina came yarianata. Ti yero saha ijierare Cohācjū pohna musa wahagū. Cohācjū buheye mehna tiquiro catigū yeye buheye mehna tiquiro pohna wahari musa. Ti buheye mehna Cohācjū mehna sa ijiducunata mari. ²⁴ Ohō saha nine Cohācjū yere tiquina ojoari pūpм:

Ijipihtiyequina masa taa yero saha ijire. Sa ye quehnoañe tiquina cмoye, taa cohoru yero saha ijire. Taa ñaia wahare. Cohori gūhм buru dijia, ahbaa wahare. Ti yero saha yariare masa gūhм. ²⁵ Mari pūhtoro ye buheye pehe ne pihtisi. Tiquiro nidiro sahata sa waharota, ni ojoahye.

Ti buheye m̄sare tiquina yahuri quehnoañe buheyeta ijire.

2

¹ Sa yena ijipihtiye ñañe yeyere, ni mehoñene, masa ihñono dihita quehnoano iji mehoñene, apee borore tiquina c̄moḡ cooyere, apeqinane ñano quitu yeyere tire duhuya m̄sa. ² Sa yena coã masa bajuayequina ep̄core tiquina cahmeno saha m̄sa ḡh̄ quehnoañe buheyere Coh̄cj̄ yere tutuaro cahme nemoña. Sa cahme nemoña m̄sa tiquiore m̄sa wac̄u tutua nemoatire, tiquiore ȳhd̄onohatina m̄sa ijiatire. ³ Sata ijinata m̄sa. Mari p̄htoro m̄sare tiquiore quehnoano yeyere mehenoḡ masi tuhasare m̄sa.

Cristo catiḡu yeriquiro ut̄a yero saha ijire

⁴ Cristo catiḡu yeriquiro ut̄a yero saha ijire. W̄h̄ dahreyequina ihc̄aria ut̄are tiquina cahmedaro saha masa tiquiore cahmedare. Coh̄cj̄ pehe tiquiore ihñaḡu tiquiore beseriquiro quehnoa ȳhd̄ariquiro ijire. Tiquiro sa ijiriquiro iji ḡu tiquiore wac̄u tutuaya. ⁵ Sa yena m̄sa ḡh̄ w̄h̄ cj̄ ut̄a paca yero saha ijire. M̄sa sa ijina Coh̄cj̄ ya w̄h̄ cj̄ ut̄are ihc̄ano saha tiquina c̄uriro saha m̄sa tiquiore yequina ḡh̄ ihc̄ano saha quehnoano ijinata. Sa yena Coh̄cj̄ ya w̄h̄ cj̄ana quehnoana pahia ijinata m̄sa. Sa yena Jesucristo yedohoye mehna Coh̄cj̄ yere quehnoano yenata m̄sa. M̄sa sa yeḡu ihña bucuero Coh̄cj̄. ⁶ Oh̄ saha nine Coh̄cj̄ yere tiquina ojoari p̄p̄:

Ut̄a w̄h̄p̄ tiquina c̄u m̄htaria mariedaḡu w̄h̄re ye d̄ca masiedare. Sata Cristo marieno yeequina waha masiedare masa. Sa yero tiquiore ihyo ijiriquiro ijierare. Sa yeḡu tiquiore Jerusal̄p̄ yojop̄re c̄ḡu niaja. Tiquiro ȳh̄ beseriquiro quehnoa ȳhd̄ariquiro ijire. Sa ye

tiquiore wac̄u tutuayequina bucueeta, ni ojoahye.

⁷ Tiquirore wac̄u tutuayequina pehe quehnoa ȳhd̄aro wahaeta. Sa yero ihyo ijiriquiro ijierare tiquiore. Tiquirore wac̄u tutuayequina pehe sijoro saha wahaeta. Tiquinare oh̄ saha nine Coh̄cj̄ yere tiquina ojoari p̄p̄.

Ahriquiro Cristo ut̄a yero saha ijire. Ut̄are w̄h̄ dahreyequina tiquina bese coh̄ano saha masa tiquiore coh̄eta. Tiquina sa yepeḡuta yojop̄re w̄h̄ dahreyequina w̄h̄re yeye, tiquina c̄u m̄htaria ut̄are tiquina c̄uno saha Coh̄cj̄ tiquiore p̄htoro c̄uri, ni, ojoahye.

⁸ Ahri ḡh̄re nine Coh̄cj̄ yere tiquina ojoari p̄p̄:

Omariquiro ut̄are doque wah̄a saro tiquiore esaborirore ne eserare. Sata ut̄a yero saha ijiriquirore Cristore cahmedana, tiquiore ȳhd̄ucana, Coh̄cj̄ cahap̄ esasi mari, ni ojoahye panop̄.

Tiquina Coh̄cj̄ ye buheyere ȳhtierare. Sa yeye panop̄ tiquiore ni ojoariro sahata Cristore cahmedare. Coh̄cj̄ panop̄ “Sa waharota”, tiquiore nidiro sahata Cristore cahmedare tiquina. Sa yeatiquinare c̄ahye Coh̄cj̄ tiquinare.

Oh̄ saha ijire Coh̄cj̄ yequina

⁹ M̄sa pehe Coh̄cj̄ beserina ijire. Tiquiro mari p̄htoro tiquiore yequina pahia, tiquiore yere ye basana ijire m̄sa. Sa yena tiquiore ya curua cj̄ana ñañe mariedana, Coh̄cj̄ yequinata ijire m̄sa. Sata ijire m̄sa. Coh̄cj̄ tiquiore quehnoa ȳhd̄ayere tiquiore yerire apeqinane yahuatina ijire m̄sa. M̄sare beseahye tiquiore m̄sare ñañene ye dutieraro. Sa besero quehnoañe pehere yeana-jare c̄uri m̄sare. ¹⁰ Panop̄re d̄hseatina ijierari jiri m̄sa. Yojop̄ p̄ritare Coh̄cj̄ yequina ijire m̄sa. Panop̄re m̄sare paja ihñariquiro

m̄sare mariedahye. Yojop̄ p̄ritare m̄sare Coh̄c̄j̄ paja ih̄nari.

Coh̄c̄j̄ yere yena ijiya m̄sa

¹¹ Ȳh̄ cah̄na, ahri yehpap̄ iji dojoatina ijierare m̄sa. Coh̄c̄j̄ yequina ijire m̄sa. M̄sa sa ijina ijiḡ ahrire tutuaro yahuaja m̄sare: M̄sa ñāne tutuaro cahmeñene yerac̄h̄na. Ti ñāne tutuaro cahmena, ñana wahana niaga m̄sa. ¹² Coh̄c̄j̄re cahmeeñequina watoa ijina quehnoano yena ijiya m̄sa, m̄sare “Yahus̄ari”, nina. M̄sa sa yeḡ tiquina yojop̄re m̄sare ñano yahus̄a duepeta, m̄sa quehnoano yeyere masieta tiquina. Sa masiñe, tiquina Coh̄c̄j̄re “Quehnoaḡ, tutuaḡ ijire”, nieta. Sata nieta Cristo ahri yehpap̄ tiquiro tojoa taḡ.

¹³ Mari p̄htorore ȳhti duana ahri yehpa c̄j̄na p̄htoa ḡh̄re ȳhtiya m̄sa. Roma c̄j̄nore m̄sa ijipihtina p̄htorore tiquiro ḡh̄re ȳhtiya.

¹⁴ P̄htoare ȳhd̄ucayequinare buhiri dahre dutiro, ohori p̄htoro tiquirore yedohoyequinare. Sa yero quehnoano yeyequinare “Quehnoano yeri m̄sa”, ni dutiro ohori tiquiro tiquinare. Tiquiro sa ohoḡ, tiquinare ȳhtiya m̄sa.

¹⁵ M̄sa quehnoano yeḡ ih̄ñañe tuho masieñequina tiquina esa tuhoro m̄sare q̄iti dahre duepeta q̄iti dahre masiedare. M̄sa sa yeḡ cahmene Coh̄c̄j̄. Sa yena m̄sa p̄htoare ȳhtiya.

¹⁶ Coh̄c̄j̄ m̄sa p̄htoro ijire. Apequina cahac̄j̄na ijierare m̄sa. Sa ijiepenata “Us̄are dutiriquiro mariedare. Sa yena ñāne yemat̄ja”, ni t̄hotuerac̄h̄na, “Ñāne yeari”, nina. Coh̄c̄j̄ cahac̄j̄na ijire m̄sa. Sa yena tiquirore quehnoano ȳhtina ijiya m̄sa. ¹⁷ Ijipihtiequina masare ño peoya. Mari acaye Jesu yequinare cah̄ña. Coh̄c̄j̄re ño peoye mehna ih̄ñañe. Ahri yehpa c̄j̄na p̄htoro ḡh̄re ño peoya.

Cristo ñano ȳhd̄oro tiquiro ihc̄no sahariro sahata ihc̄no sahaya m̄sa ḡh̄

¹⁸ Cahac̄j̄na, m̄sa cua pesaro mehna m̄sa p̄htoare ȳhtiya. Quehnoañequina, m̄sare quehnoano yeyequina dihitare ȳhtina ijierac̄h̄na. M̄sa mehna usuayequina ḡh̄re ȳhtiya m̄sa. ¹⁹ M̄sa ñano yerapeḡta m̄sare tiquina buhiri dahreḡ “Coh̄c̄j̄ cahmeno sahata ye duaja”, m̄sa ni t̄hotuḡ tire m̄sa ihc̄no sahaḡ “Quehnoano yeri m̄sa”, ninota Coh̄c̄j̄ m̄sare. ²⁰ M̄sa ñano yeri buhiri tiquina m̄sare buhiri dahreḡ tire m̄sa ihc̄no sahaḡ ti d̄hseati ijierare. Sa yena m̄sa quehnoano m̄sa yeri buhirire tiquina buhiri dahreḡ tire m̄sa quehnoano mehna ihc̄no sahaḡ Coh̄c̄j̄ “Quehnoano yeri m̄sa”, ninota m̄sare.

²¹ Sa ñano ȳhd̄anajare m̄sare tiquiro yequina iji dutiri jiri Coh̄c̄j̄. Cristo m̄sa ye ijiatire ñano ȳhd̄ari tiquirore m̄sa ih̄ña c̄uatire. ²² Tiquiro ne ñano yerari. Sa yero ne ni mehoedari. ²³ Tiquirore tiquina tuhtiḡ, tiquiro pehe tiquinare tuhti cahmedari. Tiquirore tiquina ñano yepeḡta “Qūit̄ja m̄sare”, ne niedari. Tiquina sa yepeḡta tiquinare Coh̄c̄j̄ tiquiro buhiri dahreatire potota tiquiro yeatire masino, “Ȳh̄ Pac̄p̄ tiquinare buhiri dahrerota”, ni t̄hoturi. ²⁴ Tiquiro basi curusap̄ mari ñāne buhirire yariari. Sa waha yariari pari turi mari ñāne yeratire, Coh̄c̄j̄ cahmeñe pehere mari yeatire. Tiquiro ñano cami tire, marine pecap̄ wahaborinare ȳhd̄oro taro. ²⁵ Oveja wisiaye tiquina butiro sahata mari ḡh̄ pecap̄ butiatina ijimi. Yojop̄ pehere Cristore, ovejare ih̄ña ihboriquiro yero saha ijiriquirore, marine ih̄ña ihboriquirore wac̄ tutuaja mari. Sa wac̄ tutuana, tiquiro yequina waha mari.

3

Omoca d̄hteriquinare oh̄ saha yero cahmene tiquinare

1 Sa yegũ cahacjēnare yũhũ dutiitja. Mũsa manũsumũare yũhdũdũcaeracãhña tiquina Cohãcjũ buheyere tiquina cahmeatire. Ihquẽquina tiquina Cohãcjũ buheyere cahmeeñequina ijiye, tiquinare mũsa yũhdũdũcaeragũ ihñañe Cohãcjũ ye buheyere cahmeboaga tiquina. Ti buheyere mũsa yahuerapegũta tiquiro yere cahmeboaga tiquina. 2 Sata cahmeboaga tiquinare mũsa quehnoano yeyere, mũsa ño peoye gũhũre ihñañe. 3 Mũsa numia, cariboyequina numia yero saha yeracãhña. Sa yena mũsa poarire wũhapo sepahtana numia, uru darire bũsana numia, wapa bũjũye suhtire sañana numia ijieracãhña, mũsa mũsare “Ue pjegũ yeari”, nina. Mũsa pagũrire masa tiquina ñe pjegũ yeracãhña. 4 Sa yena mũsa cua pesaro mehna apequinare tutuaro cahñe mehna yena, cua pesaro mehna yahuna, ti pehere ihña bucuẽgũ yeya. Ti pehere mũsa yegũ ihyo waro ijierare, Cohãcjũ ihñagũ. 5 Sata yee tiahye panopũ cjēna numia Cohãcjũ yequina numia. Tiquina numia Cohãcjũre wacũ tutuaye numia ijiye, tiquina manũsumũare yũhdũdũcaera tiahye. 6 Sata Sara ticoro manũno Abrahãre quehnoano mehna yũhtie tiahye. Sa yero tiquirore “Pũhto”, ni pisuahye. Sa yena mũsa quehnoano yena numia ijina, cuero marieno ijina numia ijina, Sara yero saha ijire mũsa gũhũ.

7 Sata mũsa mũsa gũhũ mũsa namosãnumiare quehnoano yeya. Tiquina numia mari mũsa yero saha tutuayequina numia ijierare. Sa yena ño peoye mehna quehnoano yeya tiquina numiare. Cohãcjũ ijipihtiyē decori tiquiro mehna mari ijiatire tiquiro ohoriro sahata tiquina numia gũhũre ohorota tiquiro. Tiquina sa ijiyequina ijigũ tiquina numiare quehnoano yeya. Cohãcjũre mũsa siniñene mũsa dojomehnedatire tiquina numiare quehnoano yeya.

Quehnoano tiquina yepegũta apequina tiquinare ñano yeyere yahuahye Pedro

8 Ahri mehna mũsare yahu bato tiitja: Mũsa ijipihtina ihcãno saha quehnoano mehna ijiya. Sa yena mũsa mehna cjēnare quehnoano paja ihñaña. Mũsa acaye Jesu yequinare pũa peheri cahme cahña. Sa yena quehnoano yeya tiquinare. Sa ye “Ihyo ijina ijiaja”, ni tũhotuya. 9 Apequina mũsare tiquina ñano yegũ tiquinare ñano ye cahmedacãhña. Mũsare tiquina tuhtigũ tiquinare tuhti cahmedacãhña. Mũsare tiquina sa yepegũta quehnoano yeya tiquinare. Sa yena “Quehnoano ijiya”, niña tiquinare. Tire yeatinare tiquiro yequinare cũri mũsare Cohãcjũ pehe mũsare quehnoano yero taro.

10 Sata nine Cohãcjũ yere tiquina ojoari pũpũ:

Mũsa quehnoano bucuẽye mehna iji duana ne ñano ni yahuducueracãhña. 11 Ñaño yeyere duhu cãhña. Quehnoañe pehere yeya. Cahme mũsa basi ihña tuhtiro marieno ijiya. Tire tutuaro yeya. 12 Quehnoañequinare mari pũhtoro sa ihña ihboducuro nine. Sa yero tiquirore tiquina siniñene sa tũhoducuro nine. Ñano yeyequina pehere tiquiro ihña tuhtire, ni ojoahye.

13 Quehnoañene mũsa tutuaro ye duagũ apequina pehe mũsare ñano yũhdũgũ ye duaye, ye masisi tiquina. 14 Quehnoano mũsa yepegũta mũsare tiquina ñano yũhdũgũ yegũ ihñaño Cohãcjũ mũsare quehnoano yerota. Tiquiro sa yegũ mũsare ñano ye duayequinare cueracãhña. Sa yena bũjũa witieracãhña. 15 Mũsa Cristore “Uã pũhtoro ijire”, ni tũhotuna, ño peoya tiquirore. Sa yena Cristore mũsa wacũ tutuayere, Cohãcjũ mehna mũsa ijiatire apequina sinituboaga. Tiquina sa sinituato pano tiquinare mũsa yũhtiatire quehnoano masiyuya. Sa

yɔhtina cahĩno mehna, quehnoano ño peoye mehna yahuya tiquinare. ¹⁶ Quehnoana ijiya. Sa yena “Ñañene yeaja”, ni tɔhotusi mɔsa. Sa ye Cristo yere quehnoano yena mɔsa ijigũ apequina mɔsare ñano quitu yeye, bɔoro wahaeta tiquina. ¹⁷ Ñañene mɔsa yeri buhiri mɔsa ñano yɔhdugũ quehnoaedare. Sa yero Cohãcjũ cahmegũ quehnoañene mɔsa yeri buhiri mɔsa ñano yɔhdugũ quehnoarĩne ti pũrita.

¹⁸ Sata ñano yɔhduri Cristo. Ihcã tahata ijipihtiequina tiquina ñañe buhirire yariari tiquiro. Quehnoariquiro ijiri. Sa yero mari ñañe buhiri ñano yɔhduri tiquiro. Ñano yɔhduri tiquiro marine Cohãcjũ yequina wahagũ yero taro. Tiquiro pagũ yariaa wahari. Yariari bato tiquiro masari jiri. ¹⁹ Sa masariquiro ijiri tiquina buhiri dahreatire cohteyequina mɔna yariariquina mɔna jeripohnarine buheahye tiquiro. ²⁰ Sa cohteyequina panopũ Cohãcjũre yɔhtierariquina mɔna ijiahye. Ti pjerɔre Noé tiquiro ijiri pjerɔre, pajiria yucɔsare dohoro niahye. Tiare tiquiro dohori watoa Cohãcjũre yɔhtierariquina mɔnare tiquina yɔhtigũ cahmeno, tiquina yɔhtiatire yoari pje cohtemahye Cohãcjũ. Sa ye meheñequinagã ocho masa dia minidi pjere yɔhdɔahye. ²¹ Minigũ tiquina yɔhduriro saha wame yeye mehna yɔhdure masa. Mari pagure mari wete tu cosero saha ijierare wame yeye. Sijoro saha ijire wame yeye. Ñañe mariena mari ijiatire Cohãcjũre mari siniñe ijire ahri wame yeye. Sa yena Jesucristo tiquiro masa mɔjari mehna yɔhdɔaja mari. ²² Tiquiro Jesucristo ɔhmɔsepũ wahahye potu pehepũ dujiro taro, Cohãcjũ mehna dutiro taro. Sa yero tiquiro angele bui, ɔhmɔse cjẽna pɔhto bui, dutiequina bui tiquina pɔhtoro ijire.

4

Cristo yequina ijina quehnoañe pehere comesarina ijinata

¹ Mari ñano yɔhdɔna ñañe yeyere duhu cjã mari. Sa yena Cristo ñano yɔhdɔro tiquiro cuerariro sahata tiquiro usuerariro sahata mɔsa gũhũ tiquiro yero sahata yeya. ² Sa yeya mɔsa ñañene mɔsa ɔe pjerire mɔsa duhuro quehnoano, Cohãcjũ cahmeñe pehere mɔsa yero quehnoano.

³ Panopũ Cohãcjũre cahmeeñequina ñañene tiquina ɔe pjerire tiquina yeriro sahata yeducumahye mɔsa gũhũ. Bɔe tiro marieno ñano yena, ñañene tutuaro mɔsa ɔe pjerire yena, quehena, queheye bose decorire yena, “Cohãcjũ ijire”, mɔsa niñe queoyere ño peona ti pehere yee timahye mɔsa. Ti queoyere ihña yabire Cohãcjũ. Sa yena to punota ye bato tiya. ⁴ Sa ye ti ña yɔhdɔayere yeyequina mehna mɔsa ijigũ yojopure mɔsa tire yeragũ ihñañe tiquina pehe ihña maria wahari. Sa ye tiquina mɔsare quitu dojomehnedi. ⁵ Tiquina sa yegũ ihñano tiquina ñañe yerire Cohãcjũ pehe sinitulo, yahu yɔhdɔ dutirota tiquinare. Tiquiro catiequinare, yariariquina gũhũre beseatiquiro buhiri dahreatiquiro ijire. ⁶ Tiquiro sa beseatiquiro ijigũ Jesu yequina pehe yojopure yariariquina mɔnare quehnoañe buheyere yahuri tiquina yariato pano. Sa ni yahuri tiquina pagurire Cohãcjũ tiquiro yaria dutiepegũta. Sa yahuri tiquinare Cohãcjũ ijipihtie decori tiquiro ijiri saha tiquiro mehna tiquina ijiducuatire.

⁷ Pihtiatu deco mehenogã dɔhsare. Sa yena quehnoano wacũ masina ijiya, yojopure Cohãcjũ mehna mɔsa quehnoano yahuducuatire. ⁸ Apequinare cahĩna, peye tahari tiquina ñañene tiquina yepegũta sa ihña cjã mari. Sa yena mɔsa mehna cjẽnare sa cahĩducuya. Apeye dutie yɔhdɔoro ahrieta yeya. ⁹ Mɔsa mehna cjẽnare unureno marieno mɔsa ye wɔhɔsepũ sajã ta dutiya. ¹⁰ Cohãcjũ mɔsare ijipihtinare mɔsa yeatire cũri. Tiquiro sa cũgũ, mɔsa ye masino sahata mɔsa mehna

cjēnare tire quehnoano yeya. Cohācjū mūsape cūri mūsa yeatire. Tiquiro cūriro sahata apequinare quehnoano yedohona, Cohācjū cūriro saha quehnoano yena niaga mūsa. ¹¹ Mūsa quehnoano yahuna, Cohācjū tiquiro yahuboriro saha quehnoano yahuya mūsa gūhū. Masare yedohona Cohācjū tiquiro cūri tutuaye mehna apequinare yedohoya. Ti ijipihtiyere yena Cohācjūre masa tiquina ño peotire sa yeducuya. Jesucristo pehe tire mūsa yegū yedohorota. Tiquirore ijipihtiye decori ño peo, “Tutuagu ijire”, nino cahmene ijipihtiyequinare. Sata niahdo.

Jesu yequina tiquina ijiri buhiri tiquina ñano yūhdūyere yahuahye Pedro

¹² Yūhū cahña, yojopure ña yūhdūaro yūhdūna, “Yohou, sijoro saha ijiro wahaga yūhare”, ni, wacūedacāhña. ¹³ Cristo tiquiro ñano yūhdūriro saha mūsa gūhū tiquiro yero saha sa wahana, bucueya mūsa. Sa bucuenta Cristo asi siteye mehna tiquiro tojoa tagū mūsa quehnoano bucuenata. ¹⁴ Cristo yequina mūsa ijiri buhiri apequina mūsare tiquina tuhtigū Cohācjū yaquiro Espiritu Santo asi siteriquiro mūsa mehna ijiro nine. Sa yena bucueya mūsa. ¹⁵ Sa yena masare wejēdacāhña mūsa. Apee borore yaqueracāhña. Ñano yeracāhña. Sa yena apequina tiquina yerire ihñana tiquinare sijoro saha ni dojomehnedacāhña. Ti buhiri mūsa ñano yūhdūgū ñarīne. ¹⁶ Sa yena Cristo yequina mūsa ijiri buhiri ñano yūhdūna, bue tieracāhña. Ñano yūhdūepenata Cristo yequina mūsa ijiye mehna bucuenta, Cohācjūre “Quehnoare”, ni, ño peoya mūsa.

¹⁷ Cohācjū tiquiro yequina yerire ihñano tiquiro beseati pje ijiro nine yojopure. Ijipihtina mari tiquiro yequina mari yerire ihñano bese mūhtanota, “Ahri ñañe ijire. Ahri quehnoañe ijire”, nino. ¿Sa bese mūhtano dūhse yerotari

tiquiro yequina ijiyequina pehere? Tiquirore yūhtieyequina pehere tutuaro buhiri dahrerota. ¹⁸ Sa ye quehnoañequina yūhdūeta. Tiquina sa yūhdūati mijo cjūre. Ti sa mijo cjūgū Cohācjūre cahmeeñequina, ñañequina pehe ne yūhdūsi. Basioerare tiquinare. ¹⁹ Sa yena Cohācjū cahmegū mūsa ñano yūhdūna, quehnoañene mūsa yerire duhueracāhña. Sa yena mūsare bajumehnediquirore, mūsare ne duhueriquirore tiquirore wacū tutuaya mūsa.

5

Jesu yequina tiquina yeatire yahuahye Pedro

¹ Yojopure Jesu yequina pūhtoare yahutja. Yūhū Jesu yequina pūhto iji-aja. Mūsa gūhū tiquina pūhtoata ijire. Mūsare yūhū yero saha pūhtoata ijinare ahrire yahugū tagū niaga yūhū. Cristo tiquiro ñano yūhdūriro ihñarigu ijigū, ūhmūsepū Cristo mehna yūhdūacjū ijigū ahrire mūsare yahutja: ² Cohācjū yequina oveja yero saha ijire. Mūsa pehe ovejare ihña ihboyequina yero saha ijire. Tiquinare Cohācjū mūsare tiquiro cūriquinare tiquiro yequinare quehnoano ihña ihboya. Sa yena Cohācjū tiquiro cahmediro sahata quehnoano jeripohna tiye mehna tiquinare ihña ihboya. Sa yena tiquinare ihña ihbona, “Ūsā ihña ihbori wapa niñerure wapatanata”, niedacāhña mūsa. Cohācjū cahmeno sahata yeducuna ijiya. ³ Sa ihña ihbona tiquinare ñano dutiperacāhña. Sa yena quehnoano yeya mūsa Jesu yequina mūsare tiquina ihña cūatore. ⁴ Mūsa sa yena Cristo ijipihtinare marine ihña ihboriquiro tojoa tagū tiquiro mūsare quehnoañene ohoatire mūsa yūhdūatire cūonata. Ti mūsa cūoati ne pihtisi.

⁵ Tiquinare yūhū dutiriro sahata mūsa wahma pjia gūhū mūsa pūhtoare yūhtiya. Sa yena mūsa mehna cjēnare ijipihtiyequinare ño peoya.

“Masi yãhdũdũcaja”, niñequina pehere Cohãcjũ ihña tuhtire. Apequinare ño peoyequina pehere “Ihyo ijina ijiãja”, ni tãhotuyequina pehere quehnoano yere tiquiro.

⁶ Sa yena Cohãcjũ tutuariquiro m̄sare tiquiro dutigũ tiquirore ño peoya. M̄sa sa yegũ tiquiro queori pje ijigũ m̄sare apequina ño peoeta tiquiro dutiro mehna. ⁷ Tiquiro m̄sare pajiro tãhotu ihña ihbore. Sa yena tiquirore wacũ tutuana, ne pajiro tãhotueracãhña m̄sa pehe.

⁸ Sa yena wacũ masi ijiya. M̄sare ihña tuhtiriquiro watĩno yairo usuariquiro tiquiro maca ihya duaro saha m̄sare ñano yãhdũgũ ye duare. Sa yero m̄sare ñano ye dutire.

⁹ Ijipihtirop̄a ahri yehpap̄are apequina Jesu yequinare ñano yãhdũgũ yere watĩno. Tire masina, tiquirore yãhtieracãhña. Sa yena Cristore tutuaro wacũ tutuaya m̄sa. ¹⁰ Sa yena mehenogã m̄sa ñano yãhdũri bato Cohãcjũ m̄sare yedohorota. M̄sare quehnoana ijigũ yerota. Sa yero tiquirore m̄sa wacũ tutua nemogũ, tiquirore m̄sa ne duhueragũ yerota m̄sare. Tiquiro ijipihtiye decori ãhm̄sep̄a Cristo mehna m̄sa ijiatire m̄sare cũriquiro ijire. Tiquiro Cohãcjũ ijire ijipihtiyequinare paja ihñariquiro. ¹¹ “Ijipihtiye decori tiquiro tutuariquiro ijire”, ni ño peouhna tiquirore. Sata yeihna.

Quehnoa duti bato tiahye Pedro

¹² Ahri pũ meheni pũgãre m̄sare yãhũ oho ñuagũ Silvano pehe yãhũre ojoa basari. Tiquiro Jesu yaquiro yãhũ acayũro Jesure duhueriquiro ijire, yãhũ tãhotugũ. M̄sare quehnoano yahu duaja. Sa yegũ “Ahri buheye potota Cohãcjũ marine tiquiro cahĩñene yahuri buheye ijire”, ni yahugũ m̄sare ahri pũre ojoaja. Sa yena ahri buheyerere ne duhueracãhña m̄sa.

¹³ M̄sare tiquiro yequina ijiatınare tiquiro beseriro sahata Jesu yequina Babilonia cjẽna gãhũre

beseahye Cohãcjũ. Tiquina pehe m̄sare quehnoa dutire. Marco gũhũ yãhũ macũ yero saha ijiriquiro m̄sare quehnoa dutire. ¹⁴ M̄sa mehna cjẽnare quehnoano mehna piti caya.

Ijipihtina Jesucristo yequinare quehnoa dutiaja m̄sare.

2 San Pedro

Jesu yequinare ojoa ohoahye Pedro

¹ Yuhũ Simo Pedro, Jesucristo buhe duti tiquiro cūrigũ ijiaja. Sa yegũ tiquiro cahacjũta ijiaja. Sa yegũ musare ojoa ohoaja yuhũ. Cohãcjũ marine yuhdũoriquiro Jesucristo pehe ñañe marieniquiro ijire. Sa yero tiquirore musa wacũ tutuagũ, tiquiro yequina wahagũ yeri jiri musare. Sa wahana musa gũhũ usã yero saha tiquiro yequina ijire. Mari ihcãno saha tiquiro yequina ijiaja. Sa yegũ musare ojoa ohoaja. ² Sa yena Cohãcjũ gũhare, mari pũhoro Jesu gũhare masi nemona tiquina cahĩne mehna quehnoano ijiducunata musa. Sa quehnoano musa ijiatire musare sini basaja. Sa yegũ musare quehnoa dutiaja.

Ohõ saha ijire Cristo yequina

³⁻⁴ Tiquiro yequina ijiatinare Cristo marine pijiri. Tiquiro sa pijigũ tũhona, tiquirore yũhtii mari. Sa yũhtina Cohãcjũre masi nemona, tiquiro tutuaye mehna tiquiro cahmeno sahata quehnoana ijinata mari. Tiquiro ijire tiquiro yequina ijiatinare marine pijiriquiro. Quehnoariquiro, masi pehoriquiro tiquiro ijiro sahata ijiatinare marine pijiriquiro ijire. Sata tiquiro tutuaye mehna marine quehnoa yuhdũaro yeri. “Ohõ sahata musare quehnoano yeitja”, tiquiro nidiro sahata marine quehnoa yuhdũaro yeri. Marine tiquiro sa yegũ ahri yehpa cjẽ ñañene, ñañene mari ñe pjeje pehere mari duhu cjã. Ti ñañe pehe marine ñano wahagũ yemedi. Sa yena tiquirore yũhtina, Cohãcjũ ijiro saha ijinata mari. ⁵ Sa yena Cristore wacũ tutuana iji tuhasare musa. Sa yena ohõ saha ye nemoña tja: Quehnoana ijiya musa. Quehnoano wacũ masina ijiya musa. ⁶ Ñano ye duepenata Cohãcjũ cahmeñe pehere yeducuya musa.

Sa yena Cristo yequina musa ijiri buhiri ñano yuhdũepenata sa ihcãno sahaducuya musa. Sa yena Cohãcjũre ño peona, tiquiro cahmeñene yeya musa. ⁷ Sa yena musa mehna cjẽnare cahme cahĩna, tiquinare quehnoano yedohoya musa. Sa yena ijipihtiyequina apequina gũhare cahĩna musa.

⁸ Musa sa ye nemogũta quehnoa yuhdũare. Musa sa ye nemona, quehnoañene yena ijiducunata. Sa yena Cristo tiquiro cahmeñene quehnoano yeducuna ijinata musa. Ihyo ijina ijisi musa. Sa ye Cristore musa wacũ tutuari ihyo warota ijisi. Yuhũ nidiro sahata musa ye nemogũ quehnoa yuhdũare. ⁹ Musa sa ye nemoedana Cohãcjũ yere ne masiedabutiare musa. Sa ye nemoedana Cristo musa ñano yerire tiquiro cohãrire ne wacũedare musa. Sata bo cã duare musa. ¹⁰ Sa yena, yuhũ acaye, Cohãcjũ yequina ijiatinare musare tiquiro iji dutigũ yũhtiri musa. Sa yũhtirina ijina, tiquiro yere wacũducu duana, tiquiro cahmeñene tutuaro sa yeducuya.

Musa sa yena potota Cohãcjũ mehna ijinata musa. Sa yena potota tiquiro beserina ijinata musa. Sa yena ñañene yeducusi musa. ¹¹ Musa sa tiquiro cahmeno saha yerina ijina mari pũhoro marine yuhdũoriquiro Jesucristo tiquiro ijiropeh quehnoano wahanata musa. Potota tiquiro yequina waro musa ijigũ ihñano “Quehnoano mehna yuhũ mehna ijiya musa”, ninota Jesu musare.

¹² Sa yegũ ahrire musare sa wacũgũ yeducuutja. Ahri musare yuhũ yahurire masi tuhasari musa. Sa masina Cohãcjũ yere musa tũhoro sahata quehnoano yena nine musa. Sa yerina musa ijiepegũta ahri musare yuhũ yahurire sa wacũgũ yeducuutja musare. ¹³⁻¹⁴ Mehenogã dũhsare yuhũ yariato. Tire quehnoano yahuri mari pũhoro Jesucristo yuhũre. Sa yegũ catinigũ waro ahri yuhũ yahurire musare sa wacũgũ yeducuutja. Yuhũ sa yegũ quehnoarĩne. ¹⁵ Sa yegũ ahri

yħħu yahu ojoarire mħsare oja cħ pehogutja, yħħu yariari bato mħsa quehnoano masiatire. Sa yena ahri yħħu yahurire sa wacũducunata mħsa.

Cristo tutuariquiro tiquiro ijyere tiyere ihñahye Pedro għħu

16 Sa yena Cristo tiquiro tutuaye għħure tiquiro ahtati għħure mħsare yahuna, ĩsã esa tuharo yahuna niedaja. Tutuariquiro tiquiro ijyere ĩsã basita ihñau. 17 Cristo tutua yħdħuariquiro tiquiro ijyere ĩsãre ihñori Cohãcjũ mari Pacũ. Tiquiro sa ihñogũ tiquiro pehe quehnoano asi siteriquiro ijiri. Tiquiro sa asi sitegũ ohõ saha nino ca tari ti asi siteropũ: “Ahriquiro yħħu macũ, yħħu cahñiquiro ijire. Tiquiro mehna quehnoano bucueaja”, nino ca tari ĩsã tũhogũ. 18 Uħmħsepũ tiquiro sa nigũ tũhou ĩsã. Cħnũ buipũ Cohãcjũ tiquiro ijiri cħnũpũ Cristo mehna ijii ĩsã.

19 Tire ihñarina ijina, Cohãcjũ yere yahu mħhtariquina panopũ cjẽna tiquina ojoari potota ijigũ quehnoano masiaja ĩsã. Tiquina ojoarire quehnoano buheducuna quehnoano yena nine mħsa. Ti tiquina ojoari Cohãcjũ yere marine quehnoano masigũ yere. Ahri yehpapũ ñano tiquina yeri yehpapũ mari ijigũ quehnoano masigũ yere marine. Sa yena Cohãcjũ yere tiquina ojoarire sa buheducuya. Sa buheducuna Cristo tiquiro tojoa tagũpũ buhe duhunata. Sa tojoa taro tiquiro yere mari masiedarire marine quehnoano masi pehogũ yerota. 20 Ijipihtiye ti yħħu yahuri yħdħoro ahri pehere quehnoano masiña mħsa: Cohãcjũ yere panopũ tiquina ojoarire buhena mari esa tuharo tire buhena, “Ohõ saha nino niaga”, ni masiedaja mari. Espĩritu Santo yedohoro mehna masiaja mari. 21 Ne masa tiquina esa tuharo Cohãcjũ yere ojoerahye. Panopũ cjẽna Cohãcjũ yere tiquina ojoagũ Espĩritu Santo pehe tiquina ojoatire tiquinare masigũ yeahye.

2

“Cohãcjũ ye buheye ijire”, ni meho buheyequinare yahuahye Pedro (Jud 1.4-12)

1 Panopũ mari acaye judio masa mehna cjẽna “Cohãcjũ yere yahu mħhtarina ijiaja”, ni mehoñequina ijie tiahye. Tiquina yero sahata yojopũ għħure mħsa mehna cjẽna sa ni mehoñequina ijietta. Potota tiquina buheboro sahata ni mehoñe pehere buheeta. Sa buheye Cristo ye buheye pehere dojomehneeta. Sa ye “Cristo yħdħonohrina ijiaja”, niepeta Cristo dutiyere ne yũhtierare tiquina. Sa ye tiquirore “Uĩsã pũhtoro ijire”, ni tũhotuerare. Ti ijipihtiye tiquina sa yeri buhiri duita tiquinare Cohãcjũ pecapũ waha dutirota. 2 Sa ni meho tiquina buhegũ tũhoye tiquina ñañene tutuaro cahmediro sahata peyequina masa tiquinare ihña cħ ñano yeeta. Tiquina sa ñano yegũ ihñañe apequina masa għħu quehnoañe buheyere ñano quiti dahreeta. 3 Sa ye tiquina ni mehoñequina niñerure wapa cahmeñe, ni mehoñe buheyere buheeta mħsare. Tiquina sa buheri buhiri Cohãcjũ tiquinare pecapũ waha dutirota. Panopũre sa yeyequinare buhiri dahre duti tuhasahye tiquiro.

4 Sata panopũ buhiri dahre dutiahye ñañequina angele għħure. Tiquinare pecapũ peresu yeahye. Sa yero pihtiri deco bato tiquinare buhiri dahrerota. 5 Sata panopũ cjẽnare Cohãcjũre cahmeeñequinare buhiri dahreahye. Sa yero ijipihtiro ahri yehpare miono, ijipihtiyequina ñañequina masare mio wejẽahye. Sa yero Noéne tiquiro mehna cjẽna għħure yħdħoahye. Tiquina ijipihtiyequina tiquiro yħdħoriquina ocho masa ijiahye. Noé pehe quehnoañene ye dutiro ti pje cjẽnare buhee timahye. 6 Sata Sodoma wame tiri maca cjẽnare, Gomorra wame tiri maca cjẽna għħure Cohãcjũ buhiri dahreahye. Ti macarine peca mehna quehnoano uĩũa peho cãhye. Sa

yero camep̄a ijatiquinare tiquirore cahmedatiquinare ihñono niahye. Ñañequinare tiquiro buhiri dahreatire ihñono niahye tiquinare. ⁷ Sa yero Lote wame tiriquire ȳhd̄uoahe. Lote pehe quehnoariquiro ijiahye. Sa quehnoariquiro ijiro Sodoma cjēna Cohācjū dutiyere ȳhd̄uacayequina ña ȳhd̄uaro tiquina yegū ihñano caributia wahahye tiquiro Lote. Sa yero um̄a tiquina basi tiquina pagari mehna tiquina ñano yegū ihñano caributia wahahye tiquiro. ⁸ Tiquiro quehnoariquiro ñañequina watoa ijiahye. Sa yero decoripe ña ȳhd̄uaro tiquina yegū ihñano, ñano tiquina yahuducugū t̄horo ñano jeripohna tiahye. ⁹ Tiquirore Cohācjū ȳhd̄uogū ihñana ahri ȳh̄u yahuatire masiaja mari. Cohācjū mari p̄htoro tiquirore cahmeñequinare tiquina ñano ȳhd̄ugū ihñano tiquinare ȳhd̄uorota. Sa yero ñañequina pehere peresu yero, tiquinare c̄ore pihtiri deco ijigū tiquiro buhiri dahreatiquinare.

¹⁰ Ñañene tutuaro ue p̄yeyequina Cohācjūre ȳhd̄uacayequina tiquina p̄ritare ñano buhiri dahrerota tiquiro. Tiquina m̄sa mehna cjēna ni meho buheyequina ñañene yeye, ne cuerare. Sa ye b̄e tierare tiquina. “Apequinare masi ȳhd̄uacaja”, ni t̄hotuyequina ijire tiquina. Sa ijiyequina ijiye um̄ase cjēna tutuayequinare ne ño peora, ñano ni b̄j̄p̄ere tiquinare. ¹¹ Angele pehe ne tiquina yero saha yerare. Tiquina pehe ni meho buheyequina ȳhd̄uoro tutuayequina ijire. Sa ijiepeta tiquina ne b̄j̄p̄eye mehna ni meho buheyequinare ñano yahusāedare Cohācjūre, ȳhd̄uacayequina ijiye.

¹² Sa ye ahriquina ni meho buheyequina pehe n̄sc̄a cjēna wahiquina yero saha t̄ho masieñequina ijire. N̄sc̄ap̄a boca sa tiquina wej̄atiquina yero saha ijire tiquina. Tiquina basi cahmeno saha yere tiquina. Sa ye tiquina masieñequinare b̄j̄p̄e, ñano

ni yahuducu cohtere. Sa yeyequina ijigū wahiquinare mari wej̄ediro saha Cohācjū tiquinare pecap̄a cohānota. ¹³ Sa yero tiquina ñano yeri buhiri buhiri dahrerota Cohācjū. Tiquina ñañene tutuaro cahmene. Sa ye ñano yeducure. M̄sa mehna bōse deco yeye, ti bōse deco ijigū tiquina ñañene ye ȳhd̄uare. Sa yeye m̄sa bōse deco tiquina wete oh̄no saha tiquina ñañene pihore m̄sare.

¹⁴ Sa ye numiare ihñañe, ñehe duare tiquina. Sa ye ñañene sa yeducu duare. Cohācjūre wacū tutuera cjūñequinare ñañene ye dutiye, sa ijiyequinare tiquinare ihñañe cūgū yere. Sa ijiye tiquina sehsaro apee borore, niñeru ḡh̄ure ni meho ehma mihniñequina ijire. Tiquina Cohācjū tiquiro buhiri dahreatiquina ijire. ¹⁵ Tiquina Cohācjū yere buheraye, sijoro saha ijiye buheye pehere buhere. Sa ye Balāa yero saha yeye nine. Balāa, Beor mac̄no ijiahye. Tiquiro pehe panop̄a tiquiro ñañe yeri mehna niñerure wapata duamahye. ¹⁶ Tiquiro sa yegū ihñano tiquiro yacoro burro tuhtiahye ticoro up̄ore. Tiquiro yacoro burro yahuducuericoro ijipegūta Cohācjū ticoro up̄ore tuhti dutiahye ticorore. Ticoro sa tuhtigū t̄horo Balāa tutuaro tiquiro ñañene ye duamedire duhu c̄ahye.

¹⁷ Ahriquina ni mehoñequina m̄ari pohterip̄a aco marieno yero saha ijire. Aco marieñe pohteri ti d̄h̄seati ijieraro saha tiquina ni mehoñequina ne d̄h̄seati ijierare. Sa ye ehmeo cururi wihnono ti w̄doqueoye cururi ti sa comesaducuro sahata, tiquina ni mehoñequina ḡh̄u ihc̄ano saha yahuducuera, sa comesaducure. Sa yero nahitiano warore quehno tuhasahye Cohācjū top̄a tiquinare buhiri dahrero taro. ¹⁸ Tiquina ni mehoñequina tiquina yahuducuye d̄h̄seati ijierare. Masiñequina yero saha masare sa buhe maca c̄ahre. Oh̄ saha ni buhere tiquina: “Mari cahmeno sahata mari yegū quehnoar̄ne”, ni buhemene tiquina.

Tiquina sa ni buhegũ masa tũhoye ñañene ƚe pjeje, tiquina ye buheyere cahmene. Apequina masa Cohãcjũre potota coã cahme dũcayequina mehenogãta wahare tiquina ñañene tiquina duhuri bato. Tiquinare ni mehoñequina buhegũ tũhoye ñañene cahmene tja Cohãcjũ yequina iji-boriquina ijiepetã. ¹⁹ Tiquinare ohõ saha ni buhere ni mehoñequina: “Mari cahmeno sahata mari yegũ quehnoarĩne”, ni buhemene tiquina. Tiquina sa ni buhepegũta tiquina nidiro saha wahaerare tiquinare. Ñañene duhu dueraye, tire duhu masiedabutiare. Tiquina sa ñano yeye, “Queoro ijire usã yeri”, ni tũhotumene tiquina. Sa ye tiquina ti ñañene ne duhu masiedare. Ti ñañe tiquina pũhtoro yero saha ijire.

²⁰ Mari pũhtoro Jesucristore marine yũhdũoriquirore coã cahme dũcayequina pehe ahri yehpa cjẽ ñañene duhu cãmedi. Tiquina sa duhuri bato pari turi ñañene yeye, ña yũhdũaro tojoare tiquina. Cristore tiquina masiato pano tiquina iji mũhtariro yũhdũoro ña yũhdũaro tojoare, pari turi ñañene yeye. ²¹ Sa ña yũhdũaro tojoaye quehnoañe buheye pehere tiquina ne masi mũhtaedagũ quehnoa yũhdũboya tiquinare. ²² Sa ye pari turi ñañene yeye, masape tiquina ni yahuducue tiriho saha yee nine tiquina. Ohõ saha ni yahuducue masa: “Diero etoa tuhasa pari turi tiquiro etoa cũrre ihyare. Sa yero yesere tiquina coseri bato pari turi tiquiro ñari sahbarũ cuhsare tja. Sata yere quehnoañene cahmemediquina gũhũ pari turi ñañene cahmeñe tja”, ni yahuducue tire masa.

3

Cristo ahri yehpapũ tiquiro tojoa tatire yuahye Pedro

¹ Yũhũ cahĩna, mũsare ihcã pũ ojoa oho tuhasaũ. Sa yegũ ahri pũre tja yojopũre mũsare ojoa ohogũ niaja. Sa yegũ pũa taha ojoagũ

ahri ijipihtiyere mũsare wacũgũ ye duagu niaja quehnoañe dihitare mũsare tũhotu dutigũ. ² Ahri yũhũ yahuatire wacũña masa: Panopũ cjẽna quehnoañequina Cohãcjũ yere yahu mũhtariquina mũna tiquina yahu ojoarire wacũña. Sa yena mari pũhtoro marine yũhdũoriquiro Cristo tiquiro dutiye gũhũre wacũña. Ti dutiyere usã tiquiro cũrina mũsare buhei.

³ Sa yena ahrire wacũ mũhtaña: Pihtiatĩ deco panogã Cohãcjũ yere bũjũpeyequina ijietã. Tiquina ñañene tutuaro cahmeducuyequina ijiye, ti ñañene yeducueta. Ohõ saha ni bũjũpeeta: ⁴ “Cristo ‘Tojoa tautja’, nieperota ne tojoa tasi. ¿Tojoa ta dueperota dũhsero ne bajuerajari tiquiro? Ahri yehpa iji dũcari bato mari ñecusũmũa mũna iji turi-ayequina tiquina yariari bato ijip-ihitiro sijoro saha waharo marieno sa ijiducure. Mũnanota sa ijiducu cãre. Sa yero ahri yehpare ah-tatiquiro ƚhmũsepare mariedare”, ni bũjũpeyequina ijietã. ⁵ Sa ni bũjũpeye ahri pehere ne wacũ duerare tiquina: Panopũre Cohãcjũ tiquiro dutiro mehna ahri yehpare, ƚhmũse gũhũre bajumehneahye. Sa yero ahri yehpapũ aco dihitã ijirirore dihta ijigũ yeahye tiquiro. Sa yero aco mehna ahri yehpa yojopũre ti ijiro sahata ahri yehpare yeahye tiquiro. ⁶ Sa yero camerũ ahri yehpare miono, cohã pehoahye ahri yehpa cjẽne. Sa yero ahri yehpare ihcã tahata sijoro saha wahagũ ye tuhasahye Cohãcjũ. ⁷ Sa sijoro saha wahagũ yeperota yojopũre ƚhmũsere, ahri yehpa gũhũre pari turi comesagũ yerari tiquiro. Tiquiro dutiro mehna ahri yehpare, ƚhmũse gũhũre yojopũre ti ijiro sahata ijiducu nemogũ yero nine. Sa yero cohtero nine came ijipihtiroperũre ƚjũano taro. Sa cohtero nine Cohãcjũ tiquirore cahmeeñequinare buhiri dahrero taro. Sa buhiri dahrero tiquinare pecapũ cohãnota.

⁸ Yũhũ cahĩna, ahrire wacũña masa:

Mil cahmarine “Yoa yahduari pje ijire”, mari ni tahotuepegata ihca decota ijire, Cohacjũ ihñagũ. ⁹ “Cohacjũ tiquiro nidiro saha umañano yerabutiare”, nine masa. Sa ijierare. Masare quehnoano ye duaro cohtenino nine. Ne ihcaquiro masunore pecapũ cohã duerare tiquiro. Sa yero ijipihtiyequina tiquina ñañene bujua witigũ, ñañene duhugũ cahmeno nine tiquiro.

¹⁰ Ñamipũre yaque bucuro tiquiro wacũeno mehna yaquero sajãriro saha Cristo ahri yehpapũre wacũeno mehna ahtarota. Tiquiro ahtagũta to tutuaro bisigũta umũse cjẽ pihtia waharota. Ujũ pihtia waharota. Sa yero ahri yehpa gũhũ, ahri yehpa cjẽ gũhũ ujũ pihtia waharota.

¹¹ “Ahri ijipihtiyepihtia waharota”, Cohacjũ nigũ tahona ñañene duhuna, Cohacjũ cahmeñene yero cahmene marine. ¹² Mari puhtoro ahri yehpapũ tiquiro ahtatire cohtena, sojaro mehna tiquiro ahtagũ yeya mũsa. Ti deco umũse cjẽ ujũ pihtia waharota. ¹³ Ti sa cuaro wahati ijiepegũta mari pehe Cohacjũ ni cũriro sahata ijipihtiyere tiquiro comesagũ yeatire cohteaja mari. Ijipihtiyepihtia ti ujũ pihtiaro bato ohõ saha ijirota. Umũsepũ gũhũ ahri yehpapũ gũhũ wahma ijirota. Sa ye ti pjeũre quehnoañe dihitare yeeta ijipihtiyequina. Tireta cohteaja mari.

¹⁴ Sa yena yahũ cahĩna, mari puhtoro tiquiro ahtatire cohtena, Cohacjũ ihñonopũ quehnoano yena ijiya mũsa. Sa quehnoano yena ijiya mũsa Cohacjũ mũsa mehna tiquiro bucueatire. ¹⁵ Sa yena yoa cjũri pje tiquiro bajueraagũ ihñana ahrire masiña mũsa. Masa tiquirore cahmeñequina tiquiro yahduoatiquina duhsarĩne yojopũ. Sa yero tiquinare cohtenino nine Cohacjũ. Sata ni mũsare oja ohori jiri mari acayuro mari cahĩniquiro Pablo. Cohacjũ masiñe mehna tire ojaari jiri tiquiro.

¹⁶ Sa dihita ni ojaari jiri Pablo tiquiro ojaripe. Cristo tiquiro ahtatire, ñañene yeeyequina mari ijiati gũhare

yahuro ohõ saha dihita ni ojaari jiri tiquiro. Ihquẽ tahari mijo cjũñene tiquiro yahu ojaari jiri. Apequina ne masieñequina, taho masieñequina ni mehoñe mehna tiquiro sa nidire comesa mũjare. Sa ye tiquiro sa nidi ijiepegũta sijoro saha ni comesa yahure tiquina. Apeye Cohacjũ yere tiquina ojaari pũri gũhare sata yeri tiquina. Tiquina sa yegũ ihñano Cohacjũ tiquinare buhiri dahrero, pecapũ cohãnota.

¹⁷ Yahũ acaye, yahũ cahĩna ahri ijipihtiyere ti sa wahato pano yahuu mũsare. Sa yena ahrire masina, quehnoano yeya mũsa. Ñañequina mũsare sijoro saha ni tiquina buhegũ tahoeracãhña tiquinare, “Cristo yere duhuari”, nina. ¹⁸ Sa yena mari puhtoro marine yahduoriquirore Cristore quehnoano wacũ tutua nemoña mũsa. Tiquirore quehnoano masi nemoña mũsa. Yojopũre, ijipihtiyepihtia tiquirore quehnoano ño peuhna mari. “Quehnoariquiro, tutuariquiro ijire”, niñna mari tiquirore. Sata niñna.

1 San Juan

Jesucristo catiyere ohoriquiro ijire

¹ Jesu Cohãcjũ mari Pacũ ye yahuducuyere yahuriquiro ijire. Duita coã waropũta ijiriquiro tiquiro mari Pacũ mehna masare sa ijiducugũ yeriquiro ijiahye. Yojopũre usã tiquiro yere, tiquiro ijiye tiyere yahu ojoana niaja. Tiquirore tũhona, tiquiro waroreta ihñau usã. Sata ijire. Tiquirore ihñana, usã omocari mehna tiquirore dahra tuhuu. ² Ahriquiro mari Pacũ mehna sa ijiducugũ yeriquiro ahri yehpapũ tiquiro masa bajuari bato tiquirore usã ihñau. Sa yena tiquirore yahuaja usã mũsare. Ijipihtiye decori mari Pacũ mehna tiquiro ijiducuriquiro ijigũ, yojopũre mari Pacũ tiquirore ihñori usãre. Tire yahuaja usã mũsare. ³ Mari Pacũ mehna cjãna ijiaja usã. Tiquiro macũno mehna cjãna gũhu ijiaja usã. Sa yena mũsa gũhu usã mehna cjãna, mari Pacũ mehna cjãna, tiquiro macũno mehna cjãna mũsa ijiatire usã ihñarire, usã tũhorire mũsa gũhare usã yahuaja. ⁴ Ahrireta usã ojoaja quehnoano mari bucueatire.

Buhrioro to wete marieno saha Cohãcjũre ñaňe ne mariedare

⁵ Ahri buheye Cohãcjũ macũno usãre tiquiro yahuri ijiye nine. Yojopũta ahriye yahumatja usã mũsare: Cohãcjũ buhrioro yero saha ijire. Buhrioro to wete marieno saha tiquirore ne ñaňe mariedare. Ñaňe nahitiano yero saha ijire. Cohãcjũre ne ñaňe mariedare. Tiquiro sa ijiye tiyere yahuaja mũsare. ⁶ Sa yena nahitianopũ ijina yero saha mari ñaňene yena ijiepenata “Cohãcjũ mehna cjãna ijiaja”, nina, mari ni mehona niaja. Sa yena Cohãcjũ yere queoro yeraja. ⁷ Sa yena buhrioropũ ijina yero saha Cohãcjũ tiquiro yeriro sahata mari quehnoañe pehere yena, apequina Jesu yequina mehna quehnoano ijina niaja. Mari sa

yegũ Cohãcjũ macũno Jesu tiquiro dii cohãno mehna, curusapũ tiquiro yariari mehna ijipihtiye mari ñaňe yerire bore.

⁸ “Yũhu pũrita ne ñaňene yeraja”, ni wacũna, mari ni mehoňene tũhotuna niaja. Mari sa ni tũhotuna Cristo yere ne masiedaja. ⁹ Sa yena Cohãcjũre mari ñaňene mari yahu yũhdugũ tiquiro poto yeriquiro mari ñaňene borota. Sa yero ijipihtiye mari ñaňe yeri gũhare, mari ñano tũhotuye gũhare cose werota tiquiro. Tiquiro ni diro sahata yeriquiro ijire. ¹⁰ “Ñaňene yeraja”, nina, “Cohãcjũ ni mehoriquiro ijire”, nina niaja mari. Sa niñequina tiquiro buheyere cahmedare.

2

Cristo marine yedohore

¹ Yũhu pohna, mũsare “Ñaňene yeari”, nigũ ahriye ojoagu niaja. Yũhu sa ni ojoaepegũta ñaňene yeboaga mũsa. Mũsa sa yegũ ihñano Jesucristo quehnoariquiro mũsa ye ijiatire tiquiro Pacũrore ohõ saha ni sini basarota: “Ahriquina tiquina ñaňene yeri buhirire buhiri dahreracãhña”, ni sini basarota tiquiro Pacũrore. ² Cristo mari ñaňene cohãriquiro ijire. Mari ñaňene mari dihitare cohãedare. Ijipihtiro cjẽna gũhare tiquina ñaňene cohã masine tiquiro.

³ Cohãcjũ dutiyere yena, tiquirore potota quehnoano masiaja mari. ⁴ Ihcãquiro Cohãcjũ dutiyere yeraperota “Yũhu Cohãcjũre masiaja”, nino, tiquiro ni mehoriquiro ijire. Sa yero Cristo yere ne masiedare. ⁵ Apequiro pehe Cohãcjũ dutiyere yeriquiro Cohãcjũre tutuaro cahñiquiro ijire. “¿Cohãcjũ mehna cjãna ijiajari mari?” ni masi duana, ohõ saha mari masinata: ⁶ Cohãcjũ mehna cjũno Jesucristo quehnoañene tiquiro yeriro sahata yeriquiro ijire. Sata yeducuuhna mari.

Wahma dutirore yahuahye

⁷ Yũhu cahña, ahri dutiro yojopũre mũsare yahu yahuati wahma dutiro

ijierare. Ahri dutiro m̄sa coã warop̄re c̄oriro m̄na dutirota ijire. Ti dutirore m̄sa t̄ho tuhasari. ⁸Yojop̄ pehere m̄sare ȳh̄ yahuati m̄na dutiro ijieperota wahma dutiro ḡh̄ ijire. Cristo ḡh̄, m̄sa ḡh̄ ti dutirore yere. Yojop̄ nahitiano pihti cã mari ih̄na masino saha mari masiedarire masi d̄ca cãna niaja mari. Sa yero buhrioro mehna mari ih̄na masino saha Cristo m̄sare pototo ijire masiḡ yero ahta tuhasari.

⁹“Ȳh̄ buhriorop̄ ijiriquiro yero saha Cohãcj̄ dutiyere yeḡ ijaia”, ihcãquiro nieperota, apequinare ih̄na tuhtiro, tiquiro Cohãcj̄ dutiyere yere. ¹⁰Sa yero apequirore cah̄niquiro p̄rita buhriorop̄ ijiriquiro yero saha Cohãcj̄ dutiyere yeriquiro ijire tiquiro. Sa yero ñañene pari turi ye duerare. ¹¹Masare ih̄na tuhtiriquiro pehe nahitianop̄ ijiriquiro yero saha ijero nine. Tiquiro caperi bajueriquiro yero saha ijire. Tiquiro wahatore ih̄na masiedare tiquiro.

¹²Ȳh̄ pohna, Cristo tiquiro variari mehna m̄sa ñañe yerire cohãri jiri. Sa yeḡ m̄sare yahu ojoaḡ niaja. ¹³M̄sa pac̄sum̄a ḡh̄, m̄sa Cristore coã warop̄ ijiriquirore masine m̄sa. M̄sa sa masiḡ ih̄naḡ m̄sa ḡh̄ yahu ojoaḡ niaja. M̄sa wahma p̄ia ñariquiro wat̄nore ȳhd̄dcari m̄sa. M̄sa sa ȳhd̄dcana ijiḡ m̄sa ḡh̄ yahu ojoaḡ niaja.

Ȳh̄ pohna, mari Pac̄re m̄sa masine. M̄sa sa masiḡ ih̄naḡ m̄sare yojop̄re yahu ojoaḡ niaja. ¹⁴M̄sa pac̄sum̄a, m̄sa Cristore coã warop̄ ijiriquirore masine m̄sa. M̄sa sa masiḡ ih̄naḡ m̄sare yahu ojoaḡ niaja. M̄sa wahma p̄ia potota m̄sa Cohãcj̄re wac̄u tutuana ijire. Sa yena m̄sa Cohãcj̄ yere yena niaga. Sa yena, m̄sa ñariquiro wat̄nore ȳhd̄dcari. Sa yeḡ m̄sare yahu ojoaḡ niaja. ¹⁵Ahri yehpa cj̄ ñañene cahmedacãh̄na. Ahri yehpa cj̄ ñañene cahmena mari Pac̄ pehere cahmedare m̄sa.

¹⁶Ñañequina tiquina basi ñañene tiquina tutuaro cahmedi, ñañene tiquina ih̄na duari mari Pac̄ Cohãcj̄ ye ijierare. “Ijipihtiye c̄o pehoḡ, masi pehoḡ ijaia ȳh̄. Ne ihcãquiro mas̄no ȳh̄re ȳhd̄dcare”, masa tiquina ni t̄hotuye mari Pac̄ ye ijierare. Ti ijipihtiye ahri yehpa cj̄ ijire. ¹⁷Ahri yehpa, ahri yehpa cj̄ ḡh̄ masa tiquina cahmeñe pihtia waharota. Sa yero Cohãcj̄ cahmeñene yeriquiro ijipihtiye decori Cohãcj̄ mehna ijirota.

Cristore ih̄na tuhtiriquiro pehere yahuahye Ñu

¹⁸Ȳh̄ pohna, ahri yehpa pihtiatu deco mehenogã d̄hsare. “Cristore ih̄na tuhtiriquiro ahtarota”, ni, Jesu yequina m̄sare yahu tuhasari. Yojop̄re Cristore ih̄na tuhtiequina peyequina iji tuhasare. Tiquina sa ijiḡ ih̄nana yojop̄re pihtiatu deco mehenogã d̄hsaḡ masiaja mari. ¹⁹Ahriquina Cristore ih̄na tuhtiequina pehe mari caha ijiepetapotota mari mehna cj̄na ijierare. Sa ye tiquina marine cohã cãri. Tiquina mari mehna cj̄na ijiye, mari mehna ijiboaga. Marine cohã cãri. Tiquina sa cohãḡ mari mehna cj̄na tiquina ijieraḡ masiaja mari.

²⁰Cristo Esp̄ritu Santore m̄sa pehere oho. Sa yero Esp̄ritu Santo m̄sa mehna ijire. Sa yena m̄sa ijipih̄tina Cristo yere masi tuhasare. ²¹M̄sare yahuḡ “Cristo yere masiedare m̄sa”, ni t̄hotueraja ȳh̄. M̄sa Cristo yere masiḡ ih̄naḡ m̄sare yahuaja. Cristo ye ne ni mehoñe mariedare. Ti ḡh̄re masina m̄sa ijiḡ masiaja ȳh̄. ²²Ahriquiro ijire ni mehoriquiro: “Jesu Cohãcj̄ mac̄no ijierare”, nidiquiro pehe ni mehoriquiro ijire. Potota Cristore ih̄na tuhtiriquiro ijire tiquiro. Mari Pac̄re, tiquiro mac̄no ḡh̄re cahmedariquiro ijire Cristore ih̄na tuhtiriquiro. ²³Oh̄ saha ijire: Jesure cahmeediquiro pehe mari Pac̄ ḡh̄re cahmeediquirota ijire.

Jesure cahmediquiro pehe mari Pacu gũhare cahmediquiro ijire.

²⁴ Coã waropu Cohãcjũ yere m̄sa tũhorire quehnoano wacũña. Tire m̄sa wacũna, Jesu mehna cjãna ijinata. Sa yena mari Pacu mehna cjãna ijinata. ²⁵ Tireta Jesu marine yahuri. Ohõ saha ijire tiquiro yahuri: “M̄sa ijipihitiye decori Cohãcjũ mehna ijiducunata”, ni cũri Jesu marine.

²⁶ Apequina m̄sare ni mehoñe nine. Tiquina sa ni mehogũ masigu m̄sare yahu ojoagu niaja. ²⁷ Tiquina sa ni mehonohrina m̄sa ijiepegũta m̄sa pehere Cristo tiquiro yaquiro Espĩritu Santore oho tuhasari. Espĩritu Santo m̄sa mehna ijire. M̄sa mehna ijiro m̄sare buheriquiro ijire. Tiquiro ijipihitiyere m̄sare yahure. Tiquiro yahuye ijirota ijire. Ni mehoñene yahuerare tiquiro. Espĩritu Santo nidiro sahata yeya m̄sa yojopure. Sa yena m̄sa Cristo yere tũhona, tiquiro mehna quehnoano ijiya.

²⁸ Sata ijire. Yũhu pohna, m̄sa Cristo mehna cjãna ijiya. Sa yena Cristo ahtati decore cuesi m̄sa. Sa yena tiquiro ahtati decore bue tiye mehna duhtisi m̄sa. ²⁹ Cristo quehnoañene yeriquiro tiquiro ijigũ m̄sa masine. Tire masina ahri gũhare masiña m̄sa. Ijipihitiyequina quehnoañene yeyequina Cohãcjũ pohmeta ijire. Ti gũhare masiña m̄sa.

3

M̄sata Cohãcjũ pohna ijire

¹ “M̄sa yũhu pohna ijire”, nino, tutuaro cahĩ yũhdũcaro nine marine mari Pacu. Tiquiro sa cahõna ijina tiquiro pohna ijiaja mari. Ahri yehpa cjẽna ñañequina Cohãcjũre masiedare. Sa yeye Cohãcjũ pohna mari ijigũ ihñañe tiquina mari gũhare masiedare. ² Yũhu cahĩna, yojopure Cohãcjũ pohna ijiaja mari. Sa ijiepenata came mari ijiatire mari quehnoano masiedaja. Sa masiedapenata ahri pehere masiaja. Cristo tojoa tagũ mari ihñana, tiquiro ijiriro sahata tiquirore mari ihñanata.

Sa yena Cristo marine bajuagũ ihñana tiquiro yero saha mari comesanata.

³ Ijipihitiyequina ahrire masiñequina Cristore ihña cũne, ñañene ye duerare.

⁴ Ñañene yena dutiyere yũhdũcana niaja. Sa ye ijipihitiyequina ñañene yeyequina Cohãcjũ dutiyere yũhdũcayequina ijire. ⁵ Cristo masare tiquina ñañene cohãtiquiro bajuahye. Tiquiro ne ñañene yerare. Tire masine m̄sa. ⁶ Sa ye ijipihitiyequina Cristo yequina ñañene yeducuerare. Apequiro pehe ñañene sa yeducuriquiro Cristore ne masiedare. Sa yero Cristo yaquiro ijierare. ⁷ Yũhu pohna, m̄sare ni mehoñequinare tũhoeracãhña. Ijipihitiyequina quehnoañene yeyequina Cristo yero saha quehnoañequina ijire. ⁸ Apequiro pehe ñañene sa yeducuriquiro watĩno yaquiro ijire. Watĩno pũrita duita ñañene yeriquiro ijiahye. Sa yero watĩno tiquiro ñañene ye dutiyere cohãtiquiro Cohãcjũ macano masa bajuahye.

⁹ Cohãcjũ pohna ijina Cohãcjũ yero saha ijina ijiaja. Sa yena ñañene yeducueraja. Cohãcjũ mari Pacu tiquiro ijigũ mari pehe ñañene yeducu masiedaja. ¹⁰ Ohõ saha ijieyequina Cohãcjũ pohne tiquina ijigũ masinata: Cohãcjũ pohne watĩno pohne yero saha ijierare. Ñañene yeducuyequina, apequinare cahĩñequina Cohãcjũ pohne ijierare.

M̄sa mehna cjẽnare cahĩña

¹¹ “Mari mehna cjẽnare cahĩhna”, ni buheyere coã waropure tũho tuhasari m̄sa. ¹² Mari Caĩ tiquiro ñano yeriro sahata yeracãhna. Tiquiro watĩno yaquiro ijiro, tiquiro bahũrore wejẽahye. ¿Dũhse yero tiquirore wejẽyari, m̄sa tũhotugũ? Tire yahutja m̄sare: Caĩ tiquiro yeri ñañe ijiahye. Tiquiro bahũro pehe quehnoañene yeriquiro ijigũ ihñano tiquiro wahmino pehe tiquirore wejẽahye.

¹³ Sa yena yũhu acaye, ahri yehpa cjẽna m̄sare tiquina ihña

tuhtigũ “¿Dũhse ijiro boro yũhũre ihña tuhtiajari tiquina?” ni, tũhotueracãhña. ¹⁴ Mari pecapũ wahaborina ijimi. Yojoþũre uhmũsepũ sa ijiducuatina comesarina ijiaja mari. Jesu yequinare cahña, Cohãcjũ marine tiquiro comesagũ yerire masiaja mari. Masare cahñeniquiro pecapũ wahatiquiro ijire. ¹⁵ Tiquiro acayũrore ihña tuhtiriquiro masare wejẽdiquiro ijire, Cohãcjũ ihñagũ. Masare wejẽñequina uhmũsepũ ijiducusi. Tire quehnoano masine mũsa. ¹⁶ Masare cahñene ohõ saha masinata. Ijipihtiyere decori Cohãcjũ mehna mari ijiatire Cristo yariaro marine tutuaro cahĩdi. Sa yariaro marine tiquiro sa cahĩducure masigũ yero nidi. Sa yena mari gãhũre Jesu yequina ye ijiatire yariaro cahmeboaga. ¹⁷ Peye cœoriquiro Jesu yaquirore pejecœoriquirore ihñaeperota tiquirore paja ihñedaro, Cohãcjũre cahĩedare tiquiro. ¹⁸ Yũhũ pohna, masare mari cahñe pehe mari dũsero dihita wijiaeracãhdo. Masare mari cahña, tiquinare yedohoro cahmene marine.

Cuero marieno Cohãcjũ cahapũ iji masiaja mari

¹⁹⁻²⁰ Sa cahña mari potota Cohãcjũ yequina mari ijiye gãhũre masinata. Sa yena Cohãcjũ cahapũ cuero marieno mari iji masiaja. Sa yena “Ñãñe buhiri ijiaga yũhũre”, mari ni tũhotuepegũta, Cohãcjũ cahapũ cuero marieno iji masiaja. Tiquiro pehe mari yũhdũoro tutuariquiro ijiro ijipihtiyere masine. ²¹ Yũhũ cahña, quehnoañene yena, “Quehnoañe pehere yena niaja”, ni tũhotuna, Cohãcjũ cahapũ mari cuero marieno iji masiaja. ²² Cohãcjũ dutiyere, tiquiro cahmeñe gãhũre mari yegũ, tiquirore mari sinino punota tiquiro ohorota. ²³ Ohõ saha dutire tiquiro marine: “Cohãcjũ macũnore Jesucristore wacũ tutuaya. Sa yena Cristo marine tiquiro dutiriro sahata mũsa mehna cjẽnare cahñña mũsa”, nino, ye dutire marine. ²⁴ Cohãcjũ dutiyere

yeriquiro Cohãcjũ mehna cjũno ijiro nine. Sa yero Cohãcjũ tiquiro mehna cjũno ijire. Cohãcjũ mari mehna cjũno tiquiro ijiyere mari masi duagũ marine tiquiro ohoriquiro Espĩritu marine masigũ yerota.

4

Ni mehoñe buheye gãhũre, Cohãcjũ ye buheye gãhũre quehnoano ihña masi dutiahye

¹ Yũhũ cahña, apequina “Cohãcjũ yaquiro Espĩriture cœoaja”, niñequina tiquina ijepegũta tiquina ye buheye ni mehoñe ijire. Sa ye apequina pehe Espĩritu Santo warore cœoyequina ni mehono marieno buhere tiquina. Peyequina “Cohãcjũ yere yahu mũhtarina ijiaja”, niepeta ni mehoñequina ijire yojoþũre. Ijipihtiroþũre ijire tiquina. Sa yena apequina mũsare tiquina buheye ni mehoñe buheye ijigũ ihña masiña mũsa. Cohãcjũ ye ti ijigũ gãhũre ihña masiña mũsa. ² Cohãcjũ yaquiro Espĩriture cœoyequinare mũsa ihña masi duana, ohõ saha masinata: “Jesucristo ahri yehpapũ masũno pagũ waro cœoriquiro ahtari jiri”, ni, buheyequina Cohãcjũ yaquiro Espĩriture cœoyequina ijire tiquina. Sa yena sa ni buheyequinare ihña masinata mũsa. ³ Apequina pehe “Jesu ahri yehpapũ masũno pagũ waro cœoriquiro ahtaerari jiri”, ni buheyequina Cohãcjũ yaquiro Espĩriture cœoyequina ijire. Tiquina ye tũhotuye Cristore ihña tuhtiriquiro tiquiro tũhoturo saha ijire. “Cristore ihña tuhtiriquiro ahtarota”, tiquina nidire tũho tuhasari mũsa. Sa ye tiquiro ye buheye ahri yehpapũre wihi tuhasari.

⁴ Mũsa pehe yũhũ pohna, Cohãcjũ yequina ijire mũsa. Sa yena “Cohãcjũ yere yahu mũhtarina ijiaja usã”, ni, mehoñequinare yũhdũdũca tuhasari mũsa. Mũsa mehna ijiriquiro Espĩritu Santo pehe tutua yũhdũdũcare. Sa yero ahri yehpa cjẽna yaquiro watĩno yũhdũoro tutuare. Sa yena ni mehoñequinare yũhdũdũcari mũsa.

Sa yena ti buheyere cahmedari m̄sa. ⁵ Ni mehoñequina pehe ahri yehpa cjēna ijire. Sa ye tiquina ahri yehpa cjē ñañene tiquina buhegū ahri yehpa cjēna ñañequina pehe tiquinare quehnoano t̄hore. ⁶ Mari pehe Cohācjū yequina ijiaja. Sa ye Cohācjūre masiñequina marine quehnoano t̄hore. Apequina pehe Cohācjū yequina ijieraye, marine ne t̄ho duerare. Tiquina sa t̄ho dueragū ihñana tiquina ye buheye Cohācjū ye buheye ti ijieragū masinata mari. Sa yena apequina pehe marine tiquina t̄hogū tiquina ye buheye quehnoañe buheye ti ijigū gūh̄are masiaja mari.

Cohācjū masare tutuaro cah̄iducuriquiroy ijire

⁷ Ȳh̄h̄u cah̄ina, Cohācjū marine apequinare cah̄igū yeriquiro ijire. Tiquiro sa yeriquiro ijigū ihñana mari mehna cjēnare cah̄ihna mari. Masare quehnoano cah̄iñequina pehe Cohācjū pohne ijire. Sa ye tiquina Cohācjūre quehnoano masine. ⁸ Cohācjū masa ijipihtiyequinare tutuaro cah̄iducuriquiroy ijire. Tiquiro sa cah̄iducuriquiroy ijigū masare cah̄iñequina pehe Cohācjūre masiedare. ⁹ Cohācjū marine tiquiro cah̄iñene mari masi duana, ohō saha masinata: Cohācjū pehe tiquiro mac̄nore ihcāquiroya ijiriquirore marine ȳh̄d̄h̄oatiquirore ahri yehpap̄are ohoahye. Sa ohoro marine tiquiro cah̄iñene marine masigū yero niahye. ¹⁰ Apequinare cah̄iñe waro ohō saha ijire: Cohācjūre mari cah̄iñe pehe poto cah̄iñe waro ijierare. Marine Cohācjū tiquiro cah̄iñe pūrita potota cah̄iñe waro ijire. Sa yero tiquiro mac̄nore mari ñañene coh̄atiquirore ohoro marine tutuaro cah̄iñe tiquiro.

¹¹ Ȳh̄h̄u acaye, Cohācjū marine tiquiro sa tutuaro cah̄igū ihñana mari gūh̄u mari mehna cjēnare cah̄ihna. ¹² Masa pehe ne Cohācjūre ihñedari. Tiquirore mari ihñedapegūta mari mehna cjēnare mari cah̄igū, Cohācjū

pehe mari mehna sa ijiducuro nine. Sa yero potota marine cah̄i nemoducugū yere tiquiro. ¹³ Cohācjū pehe marine tiquiro yaquiroy Espiriture ohori. Sa yena Espiriture c̄ona, Cohācjū mehna mari quehnoano ijiyere masiaja mari. ¹⁴ Sa yena mari Pac̄u tiquiro mac̄nore ahri yehpa cjēnare ȳh̄d̄h̄oatiquirore tiquiro ohorire us̄a ihñan̄. Tire ihñana apequinap̄are tire yahuaja us̄a. ¹⁵ Cohācjū mehna cjēno ohō saha nidiquiro ijire: “Jesu Cohācjū mac̄no ijire”, nidiquiro tiquiro pūrita Cohācjū mehna cjēno ijiro nine. Sa yero Cohācjū gūh̄u tiquiro mehna cjēno ijiro nine.

¹⁶ Sa yena marine Cohācjū tiquiro cah̄iñene mari masiaja. Sa yena marine potota cah̄iniquiro tiquiro ijigū masiaja mari. Cohācjū masa ijipihtiyequinare tutuaro cah̄iducuriquiroy ijire. Sa yero apequiroy masare cah̄iducuriquiroy Cohācjū mehna cjēno ijire. Sa yero Cohācjū gūh̄u tiquiro mehna cjēno ijire. ¹⁷ Sa yena mari quehnoano cah̄i nemoducuaaja Cohācjūre, apequina gūh̄are, buhiri dahreri deco ijigū mari cuero marieno mari ijiatire. Sa yena cuesi mari ahri yehpap̄u Cristo yero saha ijina. ¹⁸ Apequinare mari cah̄igū cuero mariedare. Cohācjū marine tiquiro cah̄iñene masina mari ne cueraja. Masa cueye tiquinare buhiri dahreatire cue nine. Sa cueye ñano ȳh̄d̄are. Sa yero cueriquiro pehe Cohācjū cah̄iñene masieniquiro ijire. ¹⁹ Marine Cohācjū cah̄i m̄htahye. Sa yena mari gūh̄u tiquirore cah̄aja. ²⁰ Ihcāquiroy “Cohācjūre cah̄aja”, nidiquiro ijieperota apequiroy ihñana tuhtiro, ni mehoriquiroy ijire tiquiro. Tiquiro ihñariquiroy cah̄edaro, Cohācjūre tiquiro ihñeniquiro gūh̄are cah̄i masiedare tiquiro. ²¹ Sa yero ahri ijire marine Cristo tiquiro dutiroy: Cohācjūre cah̄ina, m̄sa cahap̄u ijieyequina gūh̄are cah̄iña.

Cohãcjũ pohne ahri yehpa cjẽ ñañene ye duerare

¹ Ijipihtiyequina Jesure “Cristo ijire. Cohãcjũ ohoriquiro ijire”, ñañequina, Cohãcjũ pohne ijire. Apequina pacurore cahña, tiquiro pohne gũhare cahñaja mari. Sata Cohãcjũre cahña, tiquiro pohne gũhare cahñaja mari. ² Cohãcjũre cahña, tiquiro dutiyere quehnoano yena, tiquiro pohne gũhare mari cahña niaja. ³⁻⁴ Tiquiro dutiyere yena Cohãcjũre cahña niaja. Marine Cohãcjũ dutiyere yegũ mijoedare. Mari ijipihina Cohãcjũ pohna ijina, ñañene cahmedaja mari. Sa ye marine tiquiro dutiyere yegũ mijoedare. Cohãcjũre wacũ tutuana ñañene cahmedaja. Sa yena tiquirore mari wacũ tutuari bato ñano ye dueraja. ⁵ Ñañene cahmedana ohõ saha nina ijiaja mari: “Jesu Cohãcjũ macũno ijire”, nina ñañene cahmedaja mari.

Cohãcjũ macũnore yahuahye Ñu

⁶ Jesucristo ahri yehpapũ tiquiro ahtagũ tiquirore Ñu aco mehna wame yerire masina, curusapũ tiquiro dii cohãri gũhare masina, Cohãcjũ macũno tiquiro ijiyere masiaja mari. Tiquiro wame yeri dihita Cohãcjũ macũno tiquiro ijiyere marine masigũ yerare. Tiquiro dii cohãri gũhare marine tire masigũ yere. Espiritu Santo “Ahri ijirota ijire”, ni yahure marine. Tiquiro pototo ni yahuriquiro ijire. [⁷ Sa ye Jesu Cohãcjũ macũno tiquiro ijiyere ahmũse cjẽna yahuyequina ihtiaro ijire: Mari Pacũ, tiquiro macũno Jesu, Espiritu Santo mehna “Jesu potota Cohãcjũ macũno ijire”, ñañequina ijire tiquina. Tiquina ihtiaro ijiepetata ihcãno mehna yahure tiquina Jesure.] ⁸ Jesu Cohãcjũ macũno tiquiro ijiyere ahri yehpapũre ihtiaro yahure: Cohãcjũ macũno tiquiro ijiyere Espiritu Santo pehe marine yahure. Sa yena Jesure aco mehna tiquiro wame yeri gũhare masina, Cohãcjũ macũno tiquiro ijiyere masiaja mari. Sa yena mari

ye ijiatire tiquiro yariarire tiquiro dii cohãrire masina, Cohãcjũ macũno tiquiro ijiyere masiaja mari. Sa ye ti ihtiaro ihcãno mehna marine masigũ yere Cohãcjũ macũno Jesu ijiyere.

⁹ Masa tiquina yahuyere tũhona “Ijirota ijire”, niaja mari. Sa niepenata mari Pacũ tiquiro macũnore yahugũ masa tiquina yahuye yahũdũoro tiquiro pehere tũhoro cahmene marine. Cohãcjũ waro tiquiro ijigũ tiquiro yahuyere tũhoro cahmene marine. ¹⁰ Sa ye ijipihtiyequina Cohãcjũ macũnore wacũ tutuayequina Jesure yahuri buheyere quehnoano tũhore. “Queorota ijire”, ni tũhoture tiquina Jesure yahuri buheyere. Cohãcjũ macũnore tiquiro yahurire tũhoeriquiro “Cohãcjũ ni mehoriqiro ijire”, nidiquiro ijire tiquiro. ¹¹ Cohãcjũ marine ijipihtiye decori tiquiro mehna sa ijiducugũ yerota. Cohãcjũ macũno yequina mari ijigũ tiquiro mehna sa ijiducugũ yerota marine. Ahri ijire Cohãcjũ marine tiquiro yahuye. ¹² Cohãcjũ macũno yequina ijiye tiquiro mehna sa ijiducueta. Sa ye apequina pehe tiquirore cahmeeñequina tiquiro mehna sa ijiducusi.

Ñu yahu oja bato tiahye

¹³ Mũsa Cohãcjũ macũnore wacũ tutuana Cohãcjũ mehna sa ijiducunata. Tire mũsa masiatire mũsare yahu ojoagũ niaja.

¹⁴ Cohãcjũ tiquiro cahmediro sahata mari tiquirore dũhse ijiyere mari sinigũ tiquiro marine quehnoano tũhorota. Sa mari sinina “Potota quehnoano tũhore tiquiro”, ni masiaja mari. ¹⁵ Tiquirore mari sinigũ, marine tũhore. Tiquiro sa tũhorire masina, tiquirore mari sinino punota tiquiro ohoati gũhare masiaja mari.

¹⁶ Mũsa acayũro tiquiro ñañene yegũ ihñana, ti ñañe Cohãcjũ pecapũ tiquiro waha dutiye ñañe ijieragũ, tiquirore sini basaya Cohãcjũre. Sa yero Cohãcjũ tiquirore yedohoro tiquiro mehna sa ijiducugũ yerota

tiquirore. Cohãcjũ pecarũ tiquiro waha dutieyequina dihitare sini basaya mũsa. Apeye ñañe pehe Cohãcjũ pecarũ tiquiro waha dutiye ñañe waro ijire. Ihcãquiro ti ñañe warore tiquiro yegũ “Tiquirore sini basaya mũsa”, niedaja yũhũ. ¹⁷ Ijipihtiye ñañe yeye ñañe warota ijire, Cohãcjũ ihñagũ. Ti sa ijiepegũta apeye ñañe Cohãcjũ pecarũ tiquiro waha dutiye ñañe ijierare.

¹⁸ Cohãcjũ macũno Jesu pehe Cohãcjũ pohnene quehnoano ihña ihbore. Tiquiro sa ihña ihbogũ watĩno pehe Cohãcjũ pohnene ñano ye masiedare. Sa ye Cohãcjũ pohne pehe ne ñañene sa yeducuerare. Ahrire mari masiaja.

¹⁹ Mari pehe Cohãcjũ yequina ijiaja. Watĩno pehe ahri yehpa cjẽna pahtoro ijire. Ahri gũhũre mari masiaja.

²⁰ Cohãcjũ macũno ahri yehpapũre ahtaro marine quehnoano masigũ yeri tiquiro. Tiquiro sa yegũ potota Cohãcjũ waroreta mari quehnoano masiaja. Ahri gũhũre mari masiaja. Cohãcjũ macũno Jesucristo yequina ijiaja mari. Sa yena potota Cohãcjũ waro mehna cjãna ijina niaja mari. Ahriquiro yũhũ nidiquiro potota Cohãcjũ waro ijire. Sa yero tiquiro uhmũsepũ sa ijiducugũ yeriquiro ijire.

²¹ Yũhũ pohna, “Cohãcjũ ijire”, tiquina niñe queoyere ño peoer-acãhña.

2 San Juan

Jesucristo yere, potota apequinare cahĩne gũhare yahuahye Ñu

¹⁻² Yũhũ bucũ musare Cohãcjũ beserinare ahri pũre ojoa ohoaja. Jesucristo yere yũhtina ijiaja mari. Sa ye tiquiro buheye gũhũ mari mehna ijipihitiye decori sa ijiducurota. Sa yegũ potota musare cahĩaja yũhũ. Yũhũ dihita cahĩgũ niedaja musare. Apequina Jesu yere masiñequina tiquina gũhũ potota cahĩne musare. ³ Cohãcjũ mari Pacũ, Jesucristo tiquiro macũno gũhũ poto tiquina cahĩne mehna marine quehnoano yeeta. Sa ye marine paja ihñaeta. Sa yeye marine quehnoano ijigũ yeeta tiquina. Sata yeahro marine. Sa nigũ musare quehnoa dutiaja.

⁴ Mari Pacũ marine tiquiro dutiriro sahata ihquẽquina musa mehna cjẽna tiquiro yere yũhtiyequina tiquina ijigũ masigũ bucueaja yũhũ. ⁵ Yojopũre musare yũhũ dutiati wahma dutiro ijierare. Coã waropũre ahri dutiro marine duita ijiahye. Ohõ saha dutire marine. Mari mehna cjẽnare cahĩihna. ⁶ Tiquiro ye dutiyere ye pehona mari tiquirore cahĩaja. Sa yero coã waropũre musa tũhoriro sahata yojopũ gũhare ohõ saha dutire musare. Apequinare sa cahĩducuya.

Peyequina ni mehoñequina ijire

⁷ Peyequina ni mehoñequina “Potota Jesucristo ahri yehpapũ masũno pagũta cũoriquiro ahtaerari jiri”, niñequina gũhũ ahri yehpa cjẽnare buheye wahari. Cristore ihña tuhtiriquiro ni mehoriquiro tiquina yero sahata ijire. ⁸ Quehnoano yeya musa. Cohãcjũ ye wapare musa quehnoano yeri wapare boeracãhña. Musa sa boeragũ Cohãcjũ quehnoa yũhdũaro yerota musare.

⁹ Ijipihitiyequina Cristo yere yũhdũdũcayequina, Cristo yere cohãñequina mari Pacũ yequina

ijierare. Sa ye Cristo yere ne duhueyequina Cohãcjũ mari Pacũre, tiquiro macũno gũhare masine tiquina. ¹⁰ Cristo ye buheyere cahmedariquiro, ap-eye buheyere buheriquiro musa cahapũ ahtagũ, tiquirore musa ya wũhũpũ sajã ta dutieracãhña. Tiquirore piti caeracãhña. ¹¹ Apeye buheyere buheriquiro Cristo yere cahmedariquiro ñano yere. Sa yero tiquirore piti cariquiro pehe ñano yeriquirore yedohoro nine. Sa yena tiquirore piti caeracãhña.

Ñu yahu ojoa bato tiahye

¹² Peye musare yahu duepegũta tire ojoa dueraja. Musare ihñagũ waha duaja. Musare ihñagũ musa mehna yahuducutja, mari quehnoano bucueatire.

¹³ Cohãcjũ beseriquina ohõpũ cahmecoañequina, musa mehna cjẽna musare quehnoa dutire.

3 San Juan

*Ñu Gayo wame tiriquire
“Quehnoariquire ijire”, niahye*

¹ Yuhũ bucu mähũre Gayore potota yuhũ cahĩgũre ahri pũre ojoa ohoaja.

² Yuhũ cahĩgũ, Cohãcjũ mehna cjũ mähũ ijigũ masiaja yuhũ. Tiquiro mehna mähũ quehnoano ijiriro sahata mähũ quehnoano yuhduatire, mähũ pagũ dohatiro marieno mähũ ijiatire Cohãcjũre sini basaja mähũre.

³ Ihquẽquina Jesu yequina yuhũ caharũ wihiyẽ mähũ ijiye tiyere yahuri yuhũre. “Cristo cahmeno sahata potota yere Gayo”, ni yahuri tiquina yuhũre. Tiquina sa ni yahugũ tũhogũ tutuaro bucuei yuhũ. ⁴ Mũsa Jesu yere yuhũ buherina tiquiro cahmeno sahata mũsa yegũ tũhogũ tutuaro bucueaja.

⁵ Yuhũ cahĩgũ, Jesu yequinare yedohogũ quehnoano yeri mähũ. Sa yegũ Jesu yequinare mähũ ihña masieñequina pehere yedohogũ quehnoa yuhduaro yeri mähũ. ⁶ Tiquina panorũ mähũ ihña masieñequina pehe Jesu yequina ohõrũ cahmecoañequinare usãre ohõ saha ni yahuri: “Gayo usãre quehnoano cahĩne”, ni yahuri panorũ mähũ ihña masieñequina pehe. Came mähũ ya macare tiquina yuhdu cãgũ ihñagũ tiquinare quehnoano yedohoya Cohãcjũ tiquiro bucueatire. ⁷ Tiquina Jesu yere buhe tiniñe wahaye, Cohãcjũre cahmeeñequinare yedohogũ cahmedari. ⁸ Sa yena tiquinare Jesu yere buhe tiniñequinare yedohuhna mari. Tiquinare sa yedohona, tiquina yero saha mari gũhũ Cohãcjũre yedohona niaja.

Diotrefe tiquiro ñaño yerire yahuahye Ñu

⁹ To cjẽnare Jesu yequinare ojoami. Yuhũ sa ojoaepẽgũta Diotrefe tiquiro basi tiquina pũhtoro yero saha iji duaro, yuhũre tũho duerari. ¹⁰ Mũsa

caharũ yuhũ esari bato tiquiro yerire mũsare yahu pehoutja. Usãre ñano yahuducure tiquiro. Sa yero ni mehoño peyariquire ijire tiquiro. Sa yero apeye ñaño gũhũre yere tiquiro. Jesu yequinare tiquiro yere buhe tiniñequinare tiquiro ya wuhũre sajã dutierare. Sa yero apequina to cjẽna Jesu yequina pehe buhe tiniñequinare tiquina sajã dutigũ ihñano tiquiro pehe “Buhe tiniñequinare sajã dutieracãhña mũsa ye wuhũsepũre”, ni yahusãre tiquinare. “Mũsa ye wuhũsepũ buhe tiniñequinare mũsa sajã dutiri buhiri mari Jesu yequina mari ya wuhũpũre mari cahme-coari wuhũpũre sajãedacãhña mũsa pehe”, nine Diotrefe to cjẽnare Jesu yequinare.

¹¹ Yuhũ cahĩgũ, ñañoquinare ihña cũedacãhña. Quehnoano yeyequina pehere ihña cũña. Quehnoañene yeyequina Cohãcjũ yequina ijire. Ñañene yeyequina Cohãcjũre masiedare.

Demetrio quehnoañene tiquiro yerire yahuahye Ñu

¹² Ijipihtiyequina quehnoano yahuducuri Demetriere. Sa ye tiquiro yerire ihñaño quehnoano tiquiro yeriquiro ijigũ masine masa. Usã gũhũ tiquirore sata ni yahuaaja. Sa yena usã yahuye pehere potota ijigũ masine mũsa.

Yahu bato tiahye Ñu

¹³ Mähũre peye yahu duami. Sa yahu duepegũta tire ojoaeraja. ¹⁴ Mehenogã batota mähũre ihña duaja. Sa yena mari basi cahme yahuducunata.

¹⁵ Quehnoa dutiaja mähũre. Mari mehna cjẽna ohõ cjẽna Jesu yequina mähũre quehnoa dutire. To cjẽna mari mehna cjẽna ijipihtiyequina quehnoahdo.

San Judas

Juda Jesu yequinare ojoa ohoahye

¹ Yuh_u Juda Santiago bah_u, Jesu-cristo cahacjũ m̄sare Jesu yequinare ahri pũre ojoa ohoaja. M̄sare mari Pac_u Cohãcjũ beseahye. Sa yena tiquiro cahĩne mehna quehnoano ijire m̄sa. Sa yero Jesucristo yedohore m̄sare “Ñañene yeari”, nino. ² Quehnoa dutiaja m̄sare. Cohãcjũ yedohoro mehna quehnoano ijiya m̄sa. Sa yeg_u Cohãcjũre paja ihña dutig_u, m̄sare cahĩ dutig_u sini basaja Cohãcjũre yuh_u.

Ni mehoñequina tiquina ye buheyere yahu d̄cahaye Juda

³ Cohãcjũ marine pecap_u waha-borinare tiquiro yuhd̄uoye pehere tutuaro ojoa duami m̄sare, yuh_u cahĩnare. Sa ojoa duepeg_uta m̄sare yojop_ure ni mehoñe buheyere cahme dutierag_u m̄sare ojoaja. Sa yena Jesucristo ye buheye pehere tutuaro buheya m̄sa. Ahri buheye pehe Jesu yequinare Cohãcjũ cũri buheye sa ijiducurota comesaro marieno. ⁴ Ihquẽquina masa ñañequina wacũeno mehna m̄sa cahap_u esari. M̄sa mehna ijiye tiquina ohõ saha ni buhemene m̄sare: “Cohãcjũ yequina m̄sa ijigũ, tiquiro cahĩne m̄sare. Sa yero numia mehna m̄sa ñano yegũ tiquiro m̄sare ne buhiri dahresi”, ni buhemene tiquina. Sa ye mari p̄htoro ihcãquiota ijiriquirore Jesucristore “Cohãcjũ mac̄no ijierare”, ni buhemene tiquina. Ohõ saha ni buheyequinare Cohãcjũ tiquiro buhiri dahreatire yahuahye panop_ure. Tiquiro yere tiquina ojoari pũ_u sata ni yahuahye.

⁵ Yojop_ure m̄sare apeyere wacũgũ ye duaja. Ahrire m̄sa masiepeg_uta pari turi ahrire m̄sare wacũgũ ye duaja. Cohãcjũ judio masare Egiptop_u ijiyequinare tiquiro wiori bato tiquina mehna cjẽnare

tiquirore wacũ tutueyequinare tiquiro wejẽahye.

⁶ Sa yena m̄sa apequina gũh_ure wacũña. Apequina angele pehe Cohãcjũ dutiyere ye duerahye. Sa ye tiquinare tiquiro iji duti cũrirore tiquina iji duerahye. Sa ye tiquina ijimedirore duhu cãh_uye tiquina. Tiquina sa duhugũ ihñano Cohãcjũ nahitianop_u tiquinare peresu yeahye. Sa ye tiquina pihtiat_u deco pano come dari mehna d̄hteriquina yero saha ijiducuet_u. Sa yero pihtiat_u deco ijigũ tiquinare buhiri dahrerota Cohãcjũ.

⁷ Sata yeahye apequina gũh_u. Tiquina gũh_ure wacũña m̄sa. Tiquina Sodoma wame tiri maca cjẽna, Gomorra wame tiri maca cjẽna ti macari cahap_u ijiye macari cjẽna gũh_u numia mehna ñano yeahye. Sa ye sijoro saha yeye gũh_ure ye, um̄a pehe tiquina basita tiquina pag_uri mehna ñano yeahye. Numia gũh_u sata yeahye. Tiquina sa yeri buhiri Cohãcjũ tiquinare ujuã peho cãh_uye. Tiquinare ujuãno Cohãcjũ ijipihtiyequina tiquirore yuhd̄u_ucariquinare tiquiro buhiri dahreatire masare ihñono niahye. Tiquinare tiquiro buhiri dahrer_u peca ne yatisi.

⁸ Tiquina Cohãcjũ buhiri dahrenohriquina m̄na yero saha yojop_u gũh_ure sata yeducure ni mehoñene buheyequina. Tiquina quehẽñequina yero saha ijiye, tiquina pag_uri mehna ñano yere. Sa yeye Cohãcjũ dutiyere cahmedare tiquina. Sa ye tiquina yuhd̄uoro tutuayequinare tiquina pehe ñano yahuducu cohtere. ⁹ Quehnoañequina angele pehe tutuayequina ijiepet_u sa ni yahuducuerare. Miguel wame tiriquiro angele p̄htoro pehe Moise pag_ure cahmeno, watĩno mehna cahme sehña soahye. Tutua yuhd̄uariquiro ijieperota tiquiro “Watĩno yuhd̄uoro yuh_u pũrita tutuaja”, ni tuh_utuerahye. Sa yero tiquiro esa tuharo watĩnore ñano yahuducuera, tiquirore tuhtierahye. Sa yero ohõ saha niahye

watĩnore. “Cohãcjũpũ mahũre tuh-tiahro”, niahye Miguel watĩnore. ¹⁰ Sa ye ahriquina ni mehoñequina pehe tiquina masieñequinare ñano yahuducu cohtere. Sa ye wahiquina tuhõ masieñequina tiquina esa tuharo tiquina yero saha ni mehoñequina pehe yere. Sa yeyequina ijiye, pecapũ wahaeta.

¹¹ Tiquinata ñano yahdueta. Caĩ yeriro saha ñano yeri tiquina. Sa ye Balãa tiquiro yeriro saha tiquina niñerure cahĩ wapata duaye, ni mehoñene buhere. Sa ye niñeru neati dihitare tuhõtu, ti dihitare yere. Sa ye Coré tiquiro pũhtorore cohã duariro saha tiquina gãhũ tiquiro yero saha yere. Sa ye tiquiro yero saha tiquina gãhũ pecapũ wahaeta. ¹² Tiquina ni mehoñequina pehe mũsa cahme cahĩati bõse decorire ihyaye, ñõ peoro marieno tiquina cahmeno saha apere. Sa ye tiquina sehsarota ihyayere bore apequinare ohoro marieno. Wete yero saha tiquina mũsa bõse decorire quehnoañe decori ijiBORIRORE DOJOMEHNE COHTERE.

Ehmeo cururi acoro marieñe cururi ti dũhseati ijieraro saha tiquina ni mehoñequina ne dũhseatiquina ijierare. Sa ye ehmeo cururi wihnono wẽdoqueoye cururi ti sa comesaducuro saha tiquina ni mehoñequina gãhũ ihcãno saha yahuducueraye, sa comesaducure.

Sa ye, dũca tiri pje ijigũ dũca marieñe cjũ yero saha ijire tiquina. Ti cjũ pũa tahapũ yariaa wahare. Ihcã taha dũca tieye cjũ, yariaye cjũ yero saha waha tuhasare. Ti cjũre tiquina duhari bato pari turi yariaa wahare tja. Ti cjũ yero saha ijiye dũhseatiquina ijierare tiquina ni mehoñequina.

¹³ Sa ye pajiri ma cjẽ pahcõri bũjũye pahcõri yero saha ijire tiquina. Ti pahcõri quẽ ohõgũ, wete bũjũye sahpori wahare. Dũhse ijiyere tiquina ni mehoñequina tiquina yegũ pahcõri cjẽ sahpori wete bũjũye sahpori ti

waharo saha ni mehoñequina tiquina ñano yeye ijire.

Sa ye asi maa cãe paca ñahpicoha paca yero saha ijire tiquina. Sa yeye ñahpicoha paca nahitianopũ ti waharo saha tiquina gãhũ ñanopũ wahaeta. Sa ye topũre sa ijiducuenta tiquina ni mehoñequina.

¹⁴⁻¹⁵ Enoco panopũ cjãno Adãn panamino iji turiariquiro seis cururi bato masa bajuariquiro ohõ saha niahye. Tiquinare ni mehoñequinare ohõ saha niahye: “Tũhõya yahũre. Cohãcjũ peyequina tiquiro yequina angele quehnoañequina mehna ijipih-tiyequina ñañequinare tiquina ñañe buhiri buhiri dahrero ahtarota. Sa yero ijipih-tiyequina Cohãcjũre ihña tuhtiyequinare tiquina ñañe yeri buhiri tiquinare buhiri dahre dutiro ahtarota Cohãcjũ. Sa yero Cohãcjũre ñano tiquina yahuducuri buhiri gãhũre tiquinare buhiri dahre dutiro ahtarota”, niahye Enoco. ¹⁶ Tiquina ni mehoñequina unureducuyequina, apequinare yahu wajayequina tiquina ñano wacũñe dihitare yere tiquina. Sa ye “Apequinare masi yahducaja ʘsã”, niducure tiquina. Sa ye tiquina cahmeno saha ye duaye, apee borore ehma duaye, tuhõro quehnoanopũta yahuducure masare.

Jesu yequinare yahu nemoahye Juda

¹⁷ Mari pũhtoro Jesucristo buhe duti tiquiro cũriquina tiquina buherire wacũña mũsa, yahũ cahña. ¹⁸ Ohõ saha nidi tiquina mũsare. “Ahri yehpa pihtiato panogã Cohãcjũre ñano yahuducu bũjũpeyequina ijieta. Sa ye tiquina Cohãcjũre cahmedaye, ñañene tiquina tutuaro cahmeñene yeeta tiquina”, ni yahuri Jesu cũriquina mũsare. ¹⁹ Jesu yequinare tiquina basi tiquina cahme ihña tuhtigũ yere tiquina ni mehoñequina pehe. Sa ye tiquina ñañequina ahri yehpa cjẽna ijiye, Espĩritu Santore ne cãoerare tiquina. Sa ye tiquina ñañene tutuaro cahmeñe dihitare yere tiquina.

20 MUSA pehe yuħu cahĩna, Jesucristo ye buheyere quehnoano tuħo nemoña, quehnoano wacũ tutuana mUSA ijiro quehnoano. Ti buheye pehe quehnoa yuħduare. Espĩritu Santo yedohoye mehna Cohãcjũ mehna yahuducuya mUSA. 21 Quehnoañene yeya mUSA Cohãcjũ musare tiquiro cahĩñene mUSA masino quehnoano. Sa yena Jesucristo mehna mUSA sa ijiducuatire cohteya. Tiquiro marine paja ihñano uhmusepũ sa ijiducugũ yerota.

22 Cristo yere tuħo duera cjũñequinare paja ihñaña. Sa yena tiquinare buhe, masigũ yeya. 23 Tiquinare pecapũ wahaboriquinare Cohãcjũre yuħduogũ yeya mUSA. Sa yena apequinare paja ihñaña mUSA. Tiquinare yedohona mUSA gũhu tiquina ñaÑe yeyere ihña cũedacãhña. Wete tiri suhtirore mUSA yabiro saha, apequina tiquina ñaÑe yeyere yabiya, “Tiquina ñaÑe yeyere pihari”, nina.

Juda Cohãcjũre tiquiro ño peoye ijire

24-25 Cohãcjũ mari puħtoro marine ihña ihbo masine “Ñañene yeari”, nino. Sa yero tiquiro marine ñaÑe buhiri marienare uhmusepũ tiquiro cahapũ cũ masine. Sa marine topũ tiquiro cũgũ mari bucuenata. Tiquiro Cohãcjũ ihcãquiota ijire. Apequiromo mariedare. Sa yero marine pecapũ wahaborinare yuħduoriquiro ijire tiquiro. Tiquiro pehe panopũ, yojopũre, ijipihtiye decori gãhare quehnoa yuħduariquiro, mari puħtoro, tutua yuħduariquiro, ijipihtiyequinare dutiriquiro ijire. Tiquiro sa ijigũ mari puħtoro Jesucristo yedohoro mehna tiquirore ño peouhna. Sata yeihna.

Apocalipsis

Camep̄re ahri deco d̄hse wahatire marine masigū yeahye Jesu-cristo

¹ Ahri p̄p̄u Jesucristo marine tiquiro masigū yerire yahu ojoagu ni-aja. Mari Pacu pehe tire yahu dutiro cūahye tiquirore, tiquiro yequinare tiquiro cahacjēnare masigū ye dutiro. Sa yero mianota d̄hse wahatire masigū yeri tiquiro. Mehenogā d̄hsatjiāno nine sa wahato. Jesu-cristore tiquiro sa cūgū tiquiro pehe angelre tire yuh̄re Ñure yahu dutiro ohoi. ² Sa yegū yuh̄ Ñu ijipihtiyere yuh̄ ihñarire yahu ojoagu ni-aja. Cohācjū ye yahuducuyere Jesucristo ye buheyere yahu ojoagu ni-aja.

³ Ahri p̄p̄u camep̄re d̄hse wahatire yahu ojoagu ni-aja. Mehenogā d̄hsatjiāno nine ahri ijipihtiyere sa wahato. Sa ye ijipihtiyequina ahri p̄re buheyequina, yuh̄ yahurire quehnoano t̄hoyequina ahri p̄ ni-điro saha yeyequina bucuyequina ijieta.

Siete cururi cjēnare Jesu yequina cahmecoañequinare oja ohoahye Ñu

⁴ Yuh̄, Ñu m̄sare siete cururi cjānare Jesu yequinare Asia yehpa cjānare oja ohoaja: Cohācjū tiquiro cahñe mehna m̄sare quehnoa duti-aja. Sa yena tiquiro yedohoye mehna quehnoano ijiya m̄sa. Tiquiro panop̄ta sa ijiducuriquiro ijie tiahye. Yojop̄ gūh̄re sa ijiducure. Camep̄ ahtarota. Tiquiro p̄horo dujiro poto ijiyequina siete pagū bajueyequina ijire. Tiquina cahñe mehna m̄sare quehnoa duti-aja tja. ⁵ Cristo tiquiro cahñe mehna m̄sare quehnoa duti-aja tja. Cohācjū yere ni mehono marieno yahuriquiro ijire tiquiro. Sa yero tiquiro yariari bato tiquiro masa m̄jari bato ne pari turi yariasi tiquiro. Sa yero ijipihtiyequina ahri yehpa cjēna p̄hota tiquina bui p̄horo ijire

tiquiro. Marine cahñe tiquiro dii cohāri mehna mari ñañene coseri tiquiro. ⁶ Sa cosero marine p̄hota sōri tiquiro. Marine pahia wahagū yeri tja. Cohācjū mari Pacu tiquiro yere yeatiquinare marine sa sōri tiquiro. Ijipihtiyere decori “Tutuagu ijire m̄h̄”, ni ño peoduceta ijipihtiyequina tiquirore. Ijipihtiyequina p̄horo sa ijiducure tiquiro. Sata ijiahro.

⁷ Quehnoano wacū masi cohteya m̄sa. Ehmeo cururi watoa dijia tarota Cristo. Tiquiro sa ahtagū ihñæta ijipihtiyequina. Tiquirore quē biha wejēdiquina gūh̄ tiquirore ihñæta. Sa ye tiquiro ahtagū ihñæne ahri yehpa cjēna ijipihtiyere cururi cjēna tutuaro utieta. Sata utiahro.

⁸ Ohō saha nine mari p̄horo Cohācjū: “Yuh̄ ijipihtiyere bajumehnedigū iji-aja. Sa yegū ijipihtiyere pih̄tigū yeacjū iji-aja. Tutua yuh̄d̄ucagū iji-aja yuh̄. Panop̄ gūh̄re sa ijiducue tii. Yojop̄ gūh̄re sa ijiducua-ja. Came ahta-utja”, nine Cohācjū.

Cristore asi siteriquirore tiquiro ihñarire yahuahye Ñu

⁹ Yuh̄ Ñu m̄sa acayū Jesu yaquiro iji-aja. Sa yegū m̄sa yero saha yuh̄ gūh̄ Jesu yere yuh̄ yeri buhiri ñano yuh̄d̄. Sa yegū m̄sa yero saha yuh̄re tiquina sa ñano yepegāta Jesu yedohoye mehna Jesure cohāed̄. Mari ihcāno saha tiquiro p̄horo ijiro cjāna ijiana iji-aja mari. Ya dihta cjēna tiquina cohārigū ijigū Patmo wame tiri n̄c̄op̄ iji-aja. Cohācjū yere, Jesucristo tiquiro buheri gūh̄re apequinare yuh̄ buheri buhiri oh̄p̄ tiquina cohārigū iji-aja. ¹⁰ Oh̄p̄ yuh̄ ijigū ihcā deco domingo ijigū Esp̄ritu Santo yuh̄re queh̄nop̄ ihñono nidi. Tiquiro sa ihñogū yuh̄ behero pehep̄ tutuaro yahuducuro ca tari. Corneta tutuaro bisiro saha tutuaro bisiro ca tari tiquiro yahuducuye. ¹¹ Ohō saha nino ca tari yuh̄ t̄hogū:

—Yuhũ ijipihtiyere bajumehnedigũ ijiaja. Sa yegũ ijipihtiyere pihtigũ yeacjũ ijiaja. Yojobũ mũhũ ihñatire ojoati pũpũ ojoa ohõña. Mũhũ sa ojoa ohõri bato siete cururi cjẽnare Cohãcjũ yequinare ohoya ti pũre. Tiquina siete cururi Asia dihtapũ ijiye macari cjẽna ijire. Efeso cjẽnare, Esmirna cjẽnare, Pẽrgamo cjẽnare, Tiatira cjẽnare, Sardis cjẽnare, Filadelfia cjẽnare, Laodicea cjẽnare mũhũ ihñatire ojoa ohoya, nino ca tari yũhũre.

¹² Tiquiro sa nigũ tũhogũ majaredũcaũ yũhũre yahuducuriquiore ihñagũ tũhũ. Sa majaredũcagũ siete sihãñe pacare tiquina duhu peoye cjũre uru mehna tiquina yeri cjũre ihñãũ. ¹³ Ti cjũ watoa ducuriquiore masũno yero saha bajuriquiore ihñãũ. Tiquiro yoari suhtiro dahpocãripũ esari suhtirore sañariquiore ijiri. Sa yero uru mehna tiquina yeri cahsero mehna tiquiro cutiro bui tũã dihoriquiore ijiri. ¹⁴ Sa ye tiquiro poari buhsa cohoru yero saha yehseri. Sa ye tiquiro caperi peca pohna yero saha asiri. ¹⁵ Sa ye tiquiro dahpocãri bronca wame tiye come asiyẽ come yero saha asisiteri. Broncere peca mehna tiquina quehnoano wãã weri bato tire wahtere quehnoano asi paha dutiye. Ti quehnoano wahtenohriro yero saha tiquiro dahpocãri quehnoano asisiteri. Sa yero tiquiro yahuducuye peo tutuaro cuari peo yero saha tutuaro bisiro ca tari. ¹⁶ Tiquiro omoca potu pehe siete ñahpicoha pacare cũori. Sa yero tiquiro dũseropũ ñoseni pjĩ pũa peheri siori pjĩne cuhñuri. Sa yero asũ deco cjãno tiquiro tutuaro asi sitero saha tiquiro wũhdoa tutuaro asi siteri.

¹⁷ Sa yegũ tiquirore ihñagũ tiquiro dahpocãri cahapũ doque quehe saũ yariariquiore yero saha. Yuhũ sa doque quehe sagũ ihñano tiquiro potu pehe cjã omoca mehna yũhũre duhu peo ohõ saha nidi:

—Cueracãhña. Yuhũ ijipihtiyere bajumehnedigũ ijiaja. Sa yegũ

ijipihtiyere pihtigũ yeacjũ ijiaja. ¹⁸ Catigũ ijiaja yũhũ. Yariarigũ ijimi. Yojobũre ihñãña. Ijipihtiyẽ decori sa catiducugũ ijiaja yũhũ. Pari turi masagũ masare pari turi yariaragũ ye masiaja yũhũ. Sa yegũ masare yariariquina tiquina ijiropũ wahaeragũ ye masiaja yũhũ. ¹⁹ Sa yegũ yojobũ wahatire ihñagũ, ojoa ohõña. Camerũ dũhse wahati gũhũre ihñagũ ojoa ohõña mũhũ. ²⁰ Ahri siete ñahpicoha pacare yũhũ potu pehe yũhũ cũoye pacare yahutja mũhũre. Sa yegũ siete sihãñe pacare tiquina duhu peoye cjũ uru cjũ gũhũre yahutja. Ohõ saha ijiye yahuyere panopũ cjẽna masare ne yahuera tii. Ohõ saha ijire ti: Siete ñahpicoha paca siete cururi cjẽna yeequina pũhtoa ijiye nine, mari queoye mehna buhegũ. Sa ye siete sihãñe pacare tiquina duhu peoye cjũ siete cururi cjẽna yeequina ijiye nine, mari queoye mehna buhegũ, nidi yũhũre.

2

Efeso cjẽnare Jesu yequinare ojoa oho basa dũca dutiahye Ñure

¹ Sa ni tuhasa ohõ saha ni nemori yũhũre ojoa dutiriquiro:

—Efeso cjẽna yeequina, tiquina pũhoro gũhũre ohõ saha ni ojoa oho basaya mũhũ: “Yuhũ omoca potu pehe siete ñahpicoha pacare cũogũ ijiaja. Sa yegũ siete sihã docoye cjũ watoa tinigũ ijiaja. Sa tinigũ ijigũ mũsare ohõ saha ni yahuaja: ² Ijipihtiyẽ mũsa yerire masi pehoaja. Yee ijiatire mũsa tutuaro dahrarire, yũhũre mũsa wacũ tutua duhuerari gũhũre quehnoano masiaja. Ñañene yeriquinare mũsa ihña yabigũ gũhũre masiaja. Sa yena ‘Jesu buhe dutiro tiquiro cũrina ijiaja’, nimediquinare queoro tiquina buheragũ ihñana, ni mehoñequina tiquina ijigũ masidi mũsa. ³ Yeere mũsa yeri buhiri mũsa ñano yũhdũepenata ihcãno sahari mũsa Efeso cjãna. Sa yena yũhũre ne duhuerari mũsa. ⁴ Sa quehnoano yena ijiepenata ihcãnore queoro

yerari m̄sa. Ahri ijire ti: Ȳhure m̄sa quehnoano cahĩ m̄htariro saha yojop̄re yerare m̄sa. ⁵ Ȳhure m̄sa cahĩ m̄htarire wacũña m̄sa tja. Yojop̄re ȳhure m̄sa cahĩeda cjũrire wacũña. Sa yena m̄sa ñaÑe yerire baj̄aa witiya. Tire duhuya. Sa duhuna, yeere m̄sa ye m̄htariro sahata yeya tja. M̄sa ñaÑe yerire m̄sa duhueragũ sojaro mehna sihãriare ȳh̄u duhu peodu m̄sa ya d̄re ȳh̄u dapod̄re ne cohãntja. (Sa niḡu ohõ saha ni yahuḡu niaja m̄sare. M̄sa to cjãna ȳhure cohãboaga. Sa cohãna to punota pihtinata m̄sa ñaÑe yeyere duhuerana.) ⁶ Ȳhure cahĩeda cjũna ijiepenata ahrire quehnoano yeri m̄sa: Nicolaita wame tiyequinare ñaÑequinare ihña yabire m̄sa. Ȳh̄u ḡh̄u tiquinare ihña yabiaja. ⁷ Cahmo tina ijire m̄sa. Sa yena m̄sa ye cururi cjẽnare yeequinare Espĩritu Santo tiquiro yahurire t̄hoya m̄sa. Ohõ saha nine tiquiro: ‘Ijipihtiyequinare Jesure wacũ tutua duhueyequinare Cohãcjũ ya wese paraiso wame tiro cjãdu d̄care ihya dutiitja. T̄u d̄ca catigũ yeye ijire’, nine Espĩritu Santo”, ni yahu oja oho basaya Efeso cjẽna yeequinare, tiquina p̄htoro ḡh̄ure.

Esmirna cjẽnare Jesu yequinare oja oho basa dutiahye Ñure

⁸ ‘Esmirna cjẽna yeequinare, tiquina p̄htoro ḡh̄ure ohõ saha ni oja oho basaya m̄h̄u: “Ȳh̄u ijipihtiyere bajumehnediḡu ijiaja. Sa yeḡu ijipihtiyere pihtigũ yeacj̄u ijiaja. Yariaa wah̄u. Pari turi catiaja tja. Sa yeḡu ohõ saha ni yahuaja m̄sare: ⁹ M̄sa ñano ȳhd̄urire masiaja. Pejec̄ona m̄sa ijigũ ḡh̄ure masiaja. Sa ijiepenata Cohãcjũ yere quehnoañene pajiro c̄ore m̄sa. Apequina pehe ‘Judio masa ijiaja’, nimediquina ni mehonẽquina ijire. Tiquina m̄sare ñano quitĩ yerire masiaja. Tiquina Satana yequina ijire. ¹⁰ Yojop̄re m̄sa ñano ȳhd̄uatire cueracãhña. T̄hoya m̄sa. Watĩno m̄sare Cohãcjũre duhu dutiro ihquẽquina m̄sa mehna cjẽnare peresu ye dutirota. P̄na

omope decori waro ñano ȳhd̄unata m̄sa. Tiquina sa ñano yegũ m̄sare tiquina sa wejẽ duepegũta ȳhure, yee ḡh̄ure cohãedacãhña. M̄sa sa ȳhure cohãedagũ ihñaḡu ijipihtiye decori Cohãcjũ cahap̄u m̄sare sa ijiducugũ yeitja. ¹¹ Cahmo tina ijire m̄sa. Sa yena m̄sa ye cururi cjẽnare yeequinare Espĩritu Santo yahurire t̄hoya m̄sa. Ohõ saha nine tiquiro: ‘Ijipihtiyequina Jesure wacũ tutua duhueyequina pecap̄u wahasi. Tiquina yariari bato pecap̄u wahasi’, nine Espĩritu Santo”, ni oja oho basaya Esmirna cjẽna yeequinare, tiquina p̄htoro ḡh̄ure.

Pérgamo cjẽnare Jesu yequinare oja oho basa dutiahye Ñure

¹² ‘Pérgamo cjẽna yeequinare, tiquina p̄htoro ḡh̄ure ohõ saha ni oja oho basaya m̄h̄u: “Ȳh̄u ñoseni pjĩ p̄na peheri siori pjĩne c̄oḡu ijiaja. M̄sare ohõ saha ni yahutja: ¹³ M̄sa yerire, m̄sa ya maca cjẽna tiquina yeri ḡh̄ure masiaja. To cjẽna p̄htoro Satana ijire. To cjẽna Satanare ño peoyequina Antipare yeere quehnoano yahuriquirore wejẽdi. Tiquirore tiquina sa wejẽgũ ihñaepenata ȳhure ne wacũ tutua duhuerari m̄sa. ¹⁴ M̄sa sa wacũ tutua duhuerapenata mehenogã ȳhure ȳhd̄ud̄cari m̄sa. Ihquẽquina m̄sa mehna cjẽna Balãa ye buheyere cahmene. Panop̄u Balac wame tiriquire p̄htoro ohõ saha ni buhee tiri Balãa pehe: ‘Israe masare ȳhd̄ud̄ca duana “Cohãcjũ ijire”, m̄sa niÑe queoyere ño peo m̄sa duhu peo ihyayere ihya dutiya tiquinare. Sa yena numia mehna ñano yegũ yeya tiquinare’, ni buhee tiri Balãa m̄nana. Panop̄u tiquiro yeriro saha yojop̄u ḡh̄ure ñano yegũ yere ihquẽquina m̄sa mehna cjẽna apequinare. ¹⁵ Sa ye tiquina yero saha apequina m̄sa mehna cjẽna Nicolaita wame tiyequina ye buheye pehere cahmene. ¹⁶ Sa yena m̄sa ñaÑe yerire duhuya m̄sa. M̄sa sa duhueragũ ihñaḡu sojaro

mehna m̄sa cahap̄u wahaḡu, sa ñano yeyequina mehna cahmequeitja ȳh̄u d̄userop̄u ijiri p̄j̄i ñoseni p̄j̄i mehna. ¹⁷ Cahmo tina ijire m̄sa. Sa yena m̄sa ye cururi cj̄enare yeequinare Esp̄ritu Santo tiquiro yahurire t̄hoya m̄sa. Oh̄o saha nine tiquiro: ‘Ijipihtiequinare Jesure wac̄u tutua duhueyequinare maná wame tiye ihyayere uhm̄se cj̄e ihyayere ohoutja. Yehseye ut̄a paca ḡh̄ure ohoutja tiquinare. Ti ut̄a pacap̄ure wahma wamene ȳh̄u ojoa oh̄oti ut̄a paca ijirota. Apequina ti wamene ne masisi. Ti ut̄a pacare neñequina dihita ti wamene masieta’, nine Esp̄ritu Santo”, ni ojoa oho basaya Pérgamo cj̄ena yeequinare, tiquina p̄h̄toro ḡh̄ure.

Tiatira cj̄enare Jesu yequinare ojoa oho basa dutiahye Ñure

¹⁸ Tiatira cj̄ena yeequinare, tiquina p̄h̄toro ḡh̄ure oh̄o saha ni ojoa oho basaya m̄h̄u: “Ȳh̄u Coh̄ac̄j̄u mac̄u ȳh̄u caperi peca pohna yero saha asire. Sa ye ȳh̄u dahpoc̄ari bronce wame tiye come tiquina wahteri come yero saha asi sitere. M̄sare oh̄o saha ni yahuaaja.

¹⁹ M̄sa yerire masiaja ȳh̄u. Coh̄ac̄j̄ure, apequina ḡh̄ure m̄sa cah̄idire, ȳh̄ure m̄sa coh̄edarire, apequinare m̄sa yedohorire, ñano ȳh̄u d̄epenata ȳh̄ure m̄sa duhuerarire masiaja. Coã warop̄u m̄sa yeriro ȳh̄u d̄uro yojop̄u pehere quehnoano ye nemona nine m̄sa. Ti ḡh̄ure masiaja ȳh̄u.

²⁰ M̄sa sa quehnoano yena ijiepenata oh̄o saha ȳh̄ure ȳh̄u d̄ucari m̄sa: Jezabe wame tiricoro ‘Coh̄ac̄j̄u yere yahugo ijiaja’, ni mehoricoro m̄sare ticoro ñano buheḡu t̄hona ticorore tuhtierari m̄sa. Ni meho buhero yeequinare ȳh̄u cahac̄j̄enare numia mehna ñano yeḡu yere. Sa yero ‘Coh̄ac̄j̄u ijire’, tiquina niñe queoyere apequina ño peo, tiquina duhu peoe tiri ihyayere. Ti ihyayere yeequinare ihya dutire ticoro.

²¹ Ticoro ñañene buj̄ua witiatire cohtenimi. Ȳh̄u sa cohtepeḡuta uhm̄a mehna ticoro ñano yeyere duhu duerari. ²² Ȳh̄ure t̄hoya m̄sa. Ticorore dohatiḡu yeitja. Ticoro mehna ñano yeriquina ḡh̄ure dohatiḡu yeitja. Sa ye tiquina tutuaro ñano ȳh̄u d̄eta. Sata yeitja tiquinare ticoro mehna tiquina ñano yerire tiquina buj̄ua witieraḡu, tire tiquina duhueraḡu.

²³ Sa yeḡu ticoro pohne wej̄eitja. Ȳh̄u sa yeḡu ih̄ñañe ijipihtiequina yeequina ȳh̄u quehnoano masiḡu ijiḡu masieta. Masa t̄hotuyere tiquina tutuaro cahmeñe ḡh̄ure masiaja. Ȳh̄u sa masiñene masieta tiquina ticorore ȳh̄u buhiri dahreḡu ih̄ñañe. Ijipih̄tina m̄sa ñañene yeri buhirire buhiri dahreitja m̄sare. Sa yeḡu m̄sa quehnoañene yeri wapa pehere quehnoano yeitja m̄sare. ²⁴ Apequina m̄sa mehna cj̄ena Tiatira cj̄ena ticoro ye buheyere cahmedari. M̄sa pehe Satana ye buheyere ‘Panop̄u tiquiro yahuerari jiri’, tiquina niñe buheyere cahmedari m̄sa. Sa yeḡu m̄sa pehere duti nemosi ȳh̄u.

²⁵ Ahri dihitare ye duti nemoutja m̄sare: M̄sa cahap̄u ȳh̄u tojoa tato pano ȳh̄u buheyere m̄sa masidire ne mehenoḡa duhuerac̄h̄ña.

²⁶⁻²⁷ Ijipihtiequina ñañene duhuyequinare, yeere sa yeducuyequinare p̄h̄toa s̄outja. Ȳh̄u Pac̄u ȳh̄ure tiquiro p̄h̄toro s̄oriro sahata m̄sa ḡh̄ure p̄h̄toa s̄outja. Ijipihtie yehpari cj̄ena bui p̄h̄toa s̄outja m̄sare. Sa p̄h̄toa saj̄ana, m̄sa docap̄u ijiequinare ijipihtie yehpari cj̄enare tutuaro dutinata m̄sa. Dihi suturire mari yuc̄uḡu mehna pohaḡu duita wahtiro saha tiquina duita pihtia wahaeta. ²⁸ Sa yeḡu m̄sare yeere ne duhueyequinare ñahpicoha bohrea m̄ja tariare ohoutja m̄sare. Sa yeḡu m̄sa mehna ijiitja ȳh̄u.

²⁹ Cahmo tina ijire m̄sa. Sa yena m̄sa ye cururi cj̄enare yeequinare Esp̄ritu Santo tiquiro yahurire t̄hoya m̄sa”, ni ojoa oho basaya Tiatira cj̄ena yeequinare, tiquina

pũhoro gũhare.

3

Sardis cjẽnare Jesu yequinare ojoa oho basa dutiahye Ñure

¹ Sardis cjẽna yeequinare, tiquina pũhoro gũhare ohõ saha ni ojoa oho basaya mũhũ: “Yũhũ siete pagũ bajueyequinare Cohãcjũ yequinare cũogũ ijiaja. Sa yegũ siete ñahpicoha pacare cũogũ ijiaja. Mũsare ohõ saha ni yahuaja:

Mũsa yerire masiaja. Ohõ saha ni tũhotumene apequina mũsare: ‘Tiquina Cohãcjũ yere quehnoano ye pehoyequina ijire’, ni tũhotumene mũsare apequina. Tiquina sa ni tũhotuepegũta Cohãcjũ yere quehnoano yerare mũsa. ² Sa yena quehnoano yeya mũsa ‘Ñañene yeari’, nina. Cohãcjũ yere mũsa masidire quehnoano wacũña, ‘Tiquiro yere duhuari’, nina. Cohãcjũ ihñagũ quehnoano ye pehoerare mũsa. ³ Sa yena yeere mũsa tũho mũhtarire quehnoano wacũña mũsa. Sa wacũna yeere yeya. Mũsa ñañe yerire duhuya. Yũhũ nino saha mũsa yeragũ wacũeno mehna mũsare buhiri dahreitja. Yaqueriquiro wacũeno mehna tiquiro yaquero sajãriro saha mũsare wacũeno mehna buhiri dahreitja. ⁴ Ihquẽquina mũsa mehna cjẽna Sardis cjẽna ñañene yeducuerare. Wete marieni suhtirore mũsa sañaboriro saha ti ñañe yeyere piha duerare mũsa. Sa quehnoana ijina, yehseri suhtiro sañana yũhũ mehna ijinata mũsa pehe. ⁵ Ijipihtiyequina yeere duhueyequina sata yehseye suhti sañaducuyequina ijieta. Sa yeeye yũhũ mehna sa ijiducuatiquina wamene tiquiro ojoa ohõri tjupe tiquina gũhũ tiquina wamene ojoa ohõnohriquina ijieta. Tiquina wamene tiquiro ojoa ohõrire cosesi yũhũ. Yũhũ Pacũ ihñonopũ, angele gũhũ tiquina ihñonopũ yeequina mũsa ijirire yahutja tiquinare.

⁶ Cahmo tina ijire mũsa. Sa yena mũsa ye cururi cjẽnare yeequinare Espĩritu Santo tiquiro yahurire

tũhoya mũsa”, ni ojoa oho basaya Sardis cjẽna yeequinare, tiquina pũhoro gũhare.

Filadelfia cjẽnare Jesu yequinare ojoa oho basa dutiahye Ñure

⁷ Filadelfia cjẽna yeequinare, tiquina pũhoro gũhare ohõ saha ni ojoa oho basaya mũhũ: “Yũhũ ñañe mariegũ ijiaja. Poto yegũ ijiaja. Davi mũnana panopũ cjẽno sawire tiquiro cũoboriro saha, masare tiquiro pũhoro ijiropũ tiquiro põoboriro saha yeitja yũhũ. Sa yegũ Cohãcjũ tiquiro pũhoro ijiropũ sajãtore yũhũ põogũ ne apequina tire biha masiedare. Yũhũ bihagũ ne apequina põo masiedare.

⁸ Ijipihtiye mũsa yeyere masiaja yũhũ. Wacũ tutuera cjũna ijiepenata yũhũ buheyere quehnoano tũhori mũsa. Sa yena yũhare, yee gũhare duhuerari mũsa. Sa yegũ yeere cũu mũsare. Sa ye apequina ‘Tire yeracãhña’, ni cahmota masiedare mũsare. ⁹ Sa yegũ ohõ saha yeitja: Apequina mũsa caha ijieyequina Satana yequina ijire. ‘Judio masa ijiaja’, niepeta judio masa waro ijierare. Tiquinare mũsa caha dũsepe curi mehna quehe sa, mũsare ño peogũ yeitja tiquinare. Yũhũ sa yegũ ihñañe mũsare yũhũ cahĩñene masieta tiquina. ¹⁰ Mũsare yeere yũhũ duhu dutieragũ tũhona quehnoano yũhtiri mũsa. Mũsa sa yegũ ihñagũ ahri yehpa cjẽna ijipihtiyequina tiquina ñano yũhdũati pje ijigũ mũsare cahmotatja. Ti pje ijipihtiyequina tiquina ñano yũhdũati pje ijirota. ¹¹ Mehenogã dũhsare ahri yehpapũ yũhũ tojoa tato. Yeere mũsa masidire boeracãhña. Sa yena yũhare sa yũhtiducuya, mũsa quehnoano yeri wapare ‘Boari’, nina. ¹² Sa yegũ yeere sa yeducuyequinare yũhũ Pacũ ya wũhũ cjẽna ijiatiquinare cũtja tiquinare. Tiquiro ya wũhũ cjẽ botari ti yoari pje ijiducuro saha Cohãcjũ mehna ijiducugũ yeitja tiquinare. Sa ye tiquina mehna cjẽna sa ijiducuenta. Sa yegũ Cohãcjũ wũhũ

cjē botaripɯ yɯhɯ ojoa ohōno saha tiquinare tiquina paguripɯ ohō saha ni ojoa ohōutja: Cohācjū yɯhɯ Pacɯ wamene, tiquiro ya maca wame gūhɯre ojoa ohōutja. Tiquiro ya maca wahma maca Jerusalē ijirota. Ti maca ɯhmɯsepɯ Cohācjū cahapɯ ahtari maca ijirota. Yɯhɯ wahma wame cɯoutja. Ti wame gūhɯre ojoa ohōutja tiquina paguripɯ.

¹³ Cahmo tina ijire mɯsa. Sa yena mɯsa ye cururi cjēnare yeequinare Espiritu Santo yahurire tɯhoya mɯsa”, ni ojoa oho basaya Filadelfia cjēna yeequinare, tiquina pɯhtoro gūhɯre.

Laodicea cjēnare Jesu yequinare ojoa oho basa dutiahye Ñure

¹⁴ 'Laodicea cjēna yeequinare, tiquina pɯhtoro gūhɯre ohō saha ni ojoa oho basaya mɯhɯ: “Yɯhɯ poto yegɯ ijiaja. Sa yegɯ ni mehono marieno yɯhɯ ihñarire, yɯhɯ tɯhorire sa yahuducugɯ ijiaja. Ijipihtiyere mari Pacɯ tiquiro yerire ye basagu ijiaja yɯhɯ.

¹⁵ Ijipihtiye mɯsa yerire masi-aja yɯhɯ. Yɯhɯre wacū tutuana ijiepenata mehenogā wacū tutuana ijire mɯsa. Ohō saha ijire ti: Aco yɯsɯeye aco asū mehna asi busuye aco yero saha ijire mɯsa. Sata ijiye acore mari coaero saha yɯhɯre wacū tutuera cjūna mɯsa ijigū yɯhɯ gūhɯ mɯsare coaeraja. Yɯhɯre mɯsa quehnoano wacū tutuagū quehnoaboaga yɯhɯre. Yɯhɯre mɯsa wacū tutueragū ñarīboaga yɯhɯre. Ti yɯhdɯoro mehenogā wacū tuana mɯsa ijigū ña yɯhdɯare. ¹⁶ Mɯsa sa ijigū ihñagɯ yabi yɯhdɯaja yɯhɯ. Ñañe acore yɯhɯ sihco puti cohāno saha yɯhɯre mehenogā wacū tutuayequinare yabi yɯhdɯaja yɯhɯ.

¹⁷ Sa yena ohō saha ni tɯhotumene mɯsa: ‘Ijipihtiyere cɯoaja. Ne yabe dɯhsaerare marine’, ni tɯhotumene mɯsa. Sa niepenata pejecɯoyequina yero saha ijire mɯsa. Sa yena suhti marieñequina bɯe tiro saha Cohācjū ihñonopɯ mɯsa ñañe yerire

bɯe tiana ijire mɯsa. Sa yena caperi bajueyequina tiquina ihña duayere tiquina masieno saha Cohācjū yere ne masiedare mɯsa. ¹⁸ Mɯsa sa yena ijigū ihñagɯ ohō saha ni yahutja mɯsare: Uru warore mɯsa dúro saha quehnoañene yɯhɯ cɯoyere neña mɯsa. Mɯsare yɯhɯre wacū tutuagū yeitja. Sa yena potota Cohācjū ye mehna pajiro cɯonata. Sa yena yehseri suhtirore mɯsa dú mɯsa sañano saha yɯhɯ dii cohāri mehna yɯhɯ yariari mehna mɯsa ñañe yerire cosenohrina ijiya. Sa yena quehnoañe suhti sañañequina tiquina bɯe tiero saha mɯsa ñañene cosenohrina ijina ne bɯe tisi mɯsa gūhɯ. Sa yena mɯsa caperire mɯsa aco tiri bato quehnoano mɯsare caperi bajuro saha Cohācjū yere quehnoano tɯhoya, mɯsa masino quehnoano.

¹⁹ Ijipihtiyequina yɯhɯ cahññequinare yahuaja. Sa yegɯ yɯhɯ cahññequina tiquina ijigū ihñagɯ, tiquina yɯhtieragū tiquinare buhiri dahreaja, tiquinare yedohogɯ tɯhɯ. Sa yena yee pehere tutuaro cahmeña. Sa yena ñañene duhuya. ²⁰ Tɯhoya yɯhɯre. Mɯsa wɯhɯre bihari wɯhɯre yɯhɯ esadɯca yɯhɯ sajā duaboriro saha mɯsa mehna cjū iji duagɯ ñaja. Yɯhɯ sa ye duagū tɯhona yɯhɯre mɯsa mehna iji dutiya. Yeequina ijiya. Mɯsa sa ye dutigū mɯsa mehna ijiitja. Sa yegɯ mari siho ihyaro saha mɯsa mehna quehnoano ijiitja. Sa yena yɯhɯ mehna cjāna ijinata mɯsa. ²¹ Ñañene yɯhɯ cohāri bato yɯhɯ Pacɯ pɯhtoro tiquiro dujiro cahapɯ dujiaja yɯhɯ gūhɯ dutigɯ tɯhɯ. Sata mɯsa gūhɯ ñañene mɯsa duhuri bato yɯhɯ pɯhtoro dujiro cahapɯ dujinata mɯsa dutina tana. Mɯsare yɯhɯ cahapɯ dujigū yeitja.

²² Cahmo tina ijire mɯsa. Sa yena mɯsa ye cururi cjēnare yeequinare Espiritu Santo tiquiro yahurire tɯhoya mɯsa”, ni ojoa oho basaya Laodicea cjēna yeequinare, tiquina pɯhtoro gūhɯre, nidi yɯhɯre ojoa dutiriquiro.

4

Ɖhmusepɱ Cohãcjũ cahapɱ dusepe curi mehna quehe sa tiquina ño peoyere ihñahye Ñu

¹ Yuhure tiquiro sa ni yahuri bato uhmusepɱ pōori sopecahare ihñaa. Pari turi corneta tutuaro bisiro saha tutuaro yahuducuye bisiro ca tari, yuhɱ tuhogũ. Ohõ saha nidi yuhɱ tuhogũ.

—Ohõpɱ mɱja taya. Ahri yuhɱ yahuati camepɱre sijoro saha waharota. Sa wahatire mɱhure ihñoutja. Yuhɱ nidiro sahata waharota, nino ca tari uhmusepɱ.

² Tiquiro sa ni yahugũta topɱ mɱja esagɱ Espiritu Santo tutuaye mehna ihñagɱ nii. Sa yegɱ pɱhtoro dujirore uhmusepɱ ihñaa. Topɱ ihcãquiro dujiri. ³ Sa yero quehnoano asi siteriquiro dujiri. Jaspe wame tiri utã yero saha, cornalina wame tiri utã yero saha quehnoano asi siteriquiro dujiri tiquiro. Sa yero buheni da esmeralda yero saha asi siteri da docapɱ dujiri tiquiro. ⁴ Sa yero tiquiro dujiro cahapɱ veinticuatro dujiyere ihñaa. Ti dujiye pɱhtoa ye dujiye yuhɱ ihña mɱhtariquirore duji behtori. Ti dujiyepɱ veinticuatro Jesu yequina pɱhtoa dujiri. Yehseye suhti sañañequina ijiri. Sa ye pɱhtoa pesaye behtori uru behtorire pesariquina ijiri tiquina. ⁵ Yuhɱ ihña mɱhtariquiro dujiropɱ miadoqueori. Sa yero sijoro saha ijoro bisiro ca tari. Ɖpo gũhɱ bisiro ca tari. Ti dujiro poto siete sihãñe paca ijiri. Siete sihãñe paca mehna tiquiro queoye mehna buhegũ Cohãcjũ yequina siete pagɱ bajueyequina ijiri. ⁶ Sa yero tiquiro dujiro poto pajiri ma yero saha vidrio yero saha, quehnoano aco sitiri ma yero saha ijiri.

Ti dujiro cahapɱ pititiaro sijoro saha bajueyequina ijiri. Tiquina pagari paa pehe gũhure tiquina beheero pehe pehe gũhure peye caperi tiyequina ijiri tiquina. ⁷ Yuhɱ ihña mɱhtariquiro sijoro saha bajuriquiro yairo sohãriquiro yero

saha bajuri. Tiquiro bato ijiriquiro wecɱ yero saha bajuri. Tiquina bato ijiriquiro masano wãhdoa saha wãhdoa tiriquiro ijiri. Tiquina ihtiaro bato ijiriquiro cacɱ wãye dɱpɱrere seõ dujiriquiro yero saha bajuri. ⁸ Tiquiro seis dɱpɱri wãye dɱpɱri tiriquiro ijiri. Tiquiro mehna cjena gũhɱ sa dihita wãye dɱpɱri tiri. Sa ye tiquina wãye dɱpɱri pɱa peheripata peye caperi tiye dɱpɱri ijiri. Sa ye decoripe, ñaminipe sa basaducuye nidi. Ne basa duhuerari. Ohõ saha ni basari:

Quehnoariquiro, quehnoariquiro, quehnoariquiro, Cohãcjũ mari pɱhtoro tutua yɱhdariquiro ijire. Tiquiro panopata sa ijiducuahye. Yojopɱ gũhure sa ijiducure. Camepɱ ahtarota, ni basaducuye nidi.

⁹ Sa basaye tiquina pititiaro sijoro saha bajueyequina tiquiro tutuayere basa peoye nidi. Sa ye tiquirore ijipihtiye decori ijiducuriquirore ño peoye “Quehnoare”, niñe nidi. ¹⁰ Tiquina sa ye peogũ ihñañe veinticuatro Jesu yequina pɱhtoa pehe pɱhtoro dujiropɱ dujiriquiro poto dusepe curi mehna quehe sa, tiquirore ño peori. Tiquiro ijipihtiye decori ijiducuriquiro ijire. Sa ño peoye tiquina pɱhtoa pesaye behtorire tiquiro dujiro caha doque peori. Sa doque peoye ohõ saha nidi tiquina:

¹¹ Mɱhɱ Cohãcjũ usã pɱhto waro ijire. Tutuagɱ, quehnoagɱ ijire mɱhɱ. Mɱhɱ usã ño peogata ijigɱ nine. Mɱhure sa ño peoducuro cahmene usãre. Ijipihtiyere bajumehnedigɱ ijire mɱhɱ. Mɱhɱ cahmediro sahata ti ijipihtiyere bajumehneahye mɱhɱ, nidi tiquina Cohãcjũre, topɱ dujiriquirore.

5

Ojari pũre torẽdi tunure cordero gũhure yahuahye Ñu

1 Came topu dujiriquiro tiquiro omoca poto pehe tiquiro caori püre ojoari püre ihñau. Ti pū pua peheri ojoari pū tiquiro torēdi tunu ijiri. Sa yero siete piha ñeheñe mehna tiquiro piha ñehedi tunu ijiri. 2 Sa yegu tutu-ariquiro angelre ihñau. Tiquiro tutu-aro yahuducuye mehna ohō saha ni yahuri:

—Ahri tunure piha ñeheñene quehnoariquiro dihita tahrē masine. ¿Diquiro pehe ijiajari tahrēatiquiro? nidi tiquiro angel.

3 Sa nieperota tiquina ti tunure tahrēatiquirore bocaerari. Ti tunure tahrēatiquirore, quehnoariquirore bocaerari. Uhmusepu, ahri yeh-papu, catiyequina watoapu, yaria tuhasariquina watoapu ne ti tunure ñeheñene tahrēatiquiro mariedari. Sa yero ti tunure buheatiquiro mariedari. 4 Sa yegu tahrēatiquirore, ti püre buheatiquirore tiquina bo-caeragū ihñagu tutuaro utii yahu. 5 Yahu sa utigū ihñano ihcāquiro Jesu yequina pūtoa mehna cjāno ohō saha nidi yahure:

—Utieracāhña. Ti tunure ñeheñene ihcāquiro tahrē masine. Tiquiro Judá ya curua cjāno tutuariquiro ijire. Tutuariquiro ijiro “Yairo sohāriquiro”, tiquina ni pisuriquiro ijire. Tiquiro pūtoaro Davi panamino iji turariquiro ijire. Watīnore yahduducariquiro ijire tiquiro. Sa yero tiquiro ti tunure siete ñeheñene tahrē masidiquiro ijire, nidi tiquiro yahure.

6 Tiquiro sa nigū tahogu pūtoaro dujiro poto cordero ducugū ihñau. Pititiaro sijoro saha bajuyequina, Jesu yequina pūtoa gūhu tiquina watoa ducuri cordero. Tiquiro tiquina wejēdiquiro mūnano saha bajuri. Siete sahari tiriquiro, siete caperi tiriquiro ijiri. Ti siete caperi mehna tiquiro queoye mehna buhegū Cohācjū yequina pagu bajuyequina siete bajuyequina yero saha ijire. Tiquina tiquiro yequina pagu bajuyequina ijipihitiro ahri yehpau Cohācjū ohoriquina ijiri.

7 Sa yero cordero pehe pūtoaro dujiro cahapu esaro, tiquiro poto pehe caori tunure tūā we nedi tiquirore. 8 Tiquiro sa tūā we negū ihñañe cuatro sijoro bajuyequina, veinticuatro pūtoa gūhu cordero poto dusepe curi mehna quehe sa, tiquirore ño peori. Tiquina pūtoa ijipihitiyequina arpa wame tiye bua pūteñene, uru pari gūhure caori. Ti pari bueye ehme sitiye quehnoano wahpaye pose tiye pari ijiri. Ti ehme sitiye mehna tiquiro queoye mehna buhegū Cohācjū yequina tiquirore tiquina sini basari yero saha ijiri. 9-10 Sa tiquirore ño peoye ohō saha ni wahma basayere tiquina basa peori tiquirore:

Mahu tiquina wejēdigu ijire. Sa yegu mahu dii cohāri mehna usā ñañe yerire coseri mahu Cohācjū yequina usāre iji dutigu. Sa yegu usāre ijipihitiye cururi cjānare, ijipihitiye yahuducuyere yahuducunare, ijipihitiye yehpari cjānare usāpe usāre ijipihitinare mahure cahmena dihitare usā ñañe yerire mahu dii cohāri mehna cosere mahu Cohācjū yequina usāre iji dutigu. Usāre ijipihitinare Cohācjū yequina ijiatigare cūri mahu. Sa yegu pahia cūri mahu usāre Cohācjū cahacjana usāre iji dutigu. Sa yegu peye yehpari cjēna bui pūtoa sōri mahu usāre. Sa yerigu ijigu mahu ti tunure piha ñeheñene tahrēacju ijire mahu, ni basa peori tiquina corderore.

11 Pari turi ihñagu millones angele parire ihñau. Pūtoaro dujirore pititiaro sijoro saha bajuyequinare, veinticuatro pūtoare angele pehe tiquinare wahme dūca sari. Tiquina angele pari tutuaro tiquina sañuducu peogū ihñau. 12 Ohō saha ni tutuaro yahuducu peori tiquina:

Cordero tiquina wejēdigu mahu ijipihitiyequinare dutigu, ijipihitiyere chogū, masi pehogū, tutua yahdugū ijire mahu.

Masa tiquina ñaÑe buhiri tiquina wejēdigu muhmu ijigū ihñana sa ni ño peoaja muhure. “Quehnoa yuhdugmu ijire”, ninatja muhure. Muhure quehnoano yahuducunatja, ni yahuducu peori angele pari.

¹³ Sa yegu apequina gūhare tiquina yahuducu peoye ca tagū tūhou. Ijipihtiyequina umhuse cjēna, ahri yehpa cjēna, catiyequina, yariariquina gūhu, pajiri ma cjēna, ijipihtiropu ijiyequina ohō saha ni yahuducu peoye ca tari:

Cohācjāre muhmu dujiropu dujigure, Cordero gūhare musare pūanare quehnoano yahuducunatja. Musare ño peonatja. “Quehnoa yuhduna ijire. Tutua yuhduna ijire”, nina, ijiphtiye decori sa niducunatja musare, ni yahuducu peoye ca tari.

¹⁴ Sa ye tiquina pititiaro sijoro saha bajuyequina tiquina sa yahuducu peogū tūhoye “Sata ni yahuducu peoahro”, nidi. Sa ye Jesu yequina pūhtoa pehe dusepe curi mehna quehe sa Cohācjāre, Cordero gūhare ño peori.

6

Papera tunure tiqiuro nedi tunure piha ñeheñene tūhrēne Cordero

¹ Came papera tunure tiqiuro nedi tunure Cordero piha ñehe muhtaritore tūhrēdi. Tiquiro sa tūhrēgū ihñau. Tiquiro sa tūhrēdi bato ihcāqiuro sijoro saha bajuyequina mehna cjāno, “Ihñana ahtaya”, nidi. Sa nino upo yero saha bisiri tiqiuro.

² Tiquiro sa nidi bato ihñau yuhmu. Yehseriquiro caballore ihñau. Tiquiro bui pesariquiro buedure cūori. Tiquirore pūhthora pesari behtore ohori apequiro pehe. Tiquiro sa ohori bato tiqiuro pehe tiqiurore ihña tuhtiyequinare yuhduducaro wahari.

³ Came ihcāno ñehenore tūhrē tuhasa Cordero apero ñehenore tūhrēdi tja. Tiquiro sa tūhrēdi bato

apequiro sijoro saha bajuyequina mehna cjāno “Ihñana ahtaya”, tiqiuro nigū tūhou tja.

⁴ Sa yegu apequiro caballore sohāriquirore ihñau tja. Tiquiro bui pesariquirore tutuayere ohori apequiro pehe. Ahri yehpa cjēnare cahme wejē dutiatiquirore cūri tiqiurore. Sa ye ijipihtiropu cjēna cahme wejēeta ahri yehpamu. Sa yero pajiri pjī ñoseni pjīne ohori tiqiurore.

⁵ Came pūarore tūhrē tuhasa Cordero apero ñehenore tūhrēdi tja. Tiquiro sa yegū pūaro tiquina yahuducuri bato apequiro sijoro saha bajuyequina mehna cjāno “Ihñana ahtaya”, tiqiuro nigū tūhou.

Tiquiro sa nidi bato ñiniquiro caballore ihñau. Tiquiro bui pesariquiro balanza nūcūñe queorore cūori.

⁶ Tiquirore yuhmu ihñari bato sijoro saha bajuyequina watoapmu ohō saha bisiro ca tari:

—Ihcā deco dahrari wapa mehna trigore ihcā kilota dúeta masa. Ihcā deco dahrari wapa mehna cebada wame tiye pjerire ihtia kilota dúeta masa. Trigo, cebada gūhu pihtia waharota. Sa ye ti wapa bujaninota. Sa ijiepegūta ihyaye dahreye uhse, vino gūhu peye ijininota, nino ca tari.

⁷ Came ihtiarore tūhrē tuhasa Cordero apero ñehenore tūhrēdi tja. Tiquiro sa tūhrēdi bato apequiro sijoro saha bajuyequina mehna cjāno iji bato tiriqiuro “Ihñana ahtaya”, nidi tja.

⁸ Tiquiro sa nigū tūhogu opoariquiro caballore ihñau. Tiquiro bui pesariquiro “Yariagū yeriquiro”, wame tiri. Sa yero tiqiuro bato ahtariquiro “Peca”, wame tiri. Sa yero tiquinare tutuayere ohori apequiro pehe. Ahri yehpamure deco mehna ijiyequina docapmu peyequina masare wejē dutiri. Cahme wejēne mehna, ujma ahbaye mehna, dohatiye mehna, wahiquina nūcūri cjēna usuayequina mehna peyequina masare tiquina wejēatire cūri tiquinare.

⁹ Came pititiaro ñehedire tūhrē tuhasa Cordero apero ñehenore

tührēdi tja. Tiquiro sa tührēgū altar docapꝰ Jesu yequinare tiquina wejēdiquina jeripohnarine ihñau. Cohācjū yere tiquina yahuri buhiri, “Jesu yequina ijiaja”, tiquina ni yahuri buhiri tiquinare wejēdi jiri. ¹⁰ Tiquina sañuducuye ohō saha nidi Cohācjūre:

—Muhꝰ usā pꝰhto, ñañe mariegꝰ, ni mehoñe mariegꝰ, mahꝰ nidiro sahata yegꝰ ijire mahꝰ. ¿Ahri yehpa cjēnare, usāre wejēdiquinare dahse ijigū buhiri dahreitjari mahꝰ? ni sañuducuri tiquina.

¹¹ Sa yero tiquinare yehseye suhti yoaye suhtire ohori. Tiquinare sa ohoro ohō saha nidi tiquinare:

—Sorñña. Apequina mꝰsa acaye Jesu yequina mꝰsa yeriro sahata yojopꝰ gūhꝰre quehnoañe buheyere buheniñe nine. Mꝰsare tiquina wejēdiro sahata tiquina gūhꝰre tiquina wejē pehoato dahsarīne. Sa yena tiquinare ijipihtiyequinare tiquina wejēato pano mehenogā sorñña mꝰsa, nidi tiquinare.

¹² Came ihcā omope ñehedire tührē tuhasa Cordero apero ñehenore tührēdi tja. Tore tiquiro sa tührēgūta tutuaro yehpa ñuhmidi. Sa yero asū deco cjāno ñiniquiro wahari. Ñini suhtiro yero saha ñiniquiro wahari. Sa yero asū ñami cjāno dii yero saha sohāriquirō wahari. ¹³ Sa ye ñahpicoha paca yehpapꝰ bora dijiaa wahari. Yucꝰ dꝰca yahsayere wihnono wē bure dijioro saha ñahpicoha paca bora dijiaa wahari. ¹⁴ Sa yero uhmꝰse butia wahari. Papera tunure mari torēgū bajuero saha bajuerari uhmꝰse. Sa ye ijipihtiye cꝰnꝰ cjꝰ gūhꝰ, nꝰcꝰpꝰo gūhꝰ ape siepꝰ esadꝰcari. ¹⁵ Sa wahagū ihñañe, ahri yehpa cjēna pꝰhtoa cꝰnꝰ cjꝰ cjē utā wꝰhꝰsepꝰ duhtiri. Apequina pꝰhtoa, surara pꝰhtoa, doerī cjē opana, tutuayequina, ijipihtiyequina tiquina cahacjēna, cahacjēna ijieyequina gūhꝰ topꝰta duhtimedi. ¹⁶ Sa duhtiye, cꝰnꝰ cjꝰre, utā wꝰhꝰse gūhꝰre ohō saha nidi:

—Usā bui bora pjeya. Usāre nꝰoñña. Siquiro pꝰhtorore, dujiropꝰ dujiriquirore cue yꝰhdꝰaja. Cordero usāre ñano buhiri dahrerota. Sa yena nꝰoñña usāre. ¹⁷ Ijipihtiyequinare tutuaro buhiri dahreati deco iji tuhasare. Sa ye ti buhiri dahreatire ne ihcāquirō duhtiriquiro ihcāno sahasi, nidi tiquina ijipihtiyequina.

7

Israe masa pagꝰrire Cohācjū tiquiro wame ña ohōatire yahuahye Ñu

¹ Came pititiaro angelere ihñau. Tiquina ijipihtiropꝰ wahari. Ihcāquirō norterꝰ waharo topꝰ ahtari wihnonore ahtaeragū yeri. Apequirō surpꝰ, apequirō asū mꝰja taropꝰ, apequirō asū sajānopꝰ wahaye, norterꝰ wahariquiro yero saha yeri tiquina gūhꝰ. Sa yero ahri yehpapꝰ, pajiri mapꝰ gūhꝰre ne wihnono ahtaerari. Ne ihcādu yucꝰgꝰre wihnono ñuhmigū yerari. ² Sa yegꝰ apequirō angelre ihñau tja. Asū mꝰja taropꝰ ahtaro nidi tiquiro. Cohācjū catiriquiro tiquiro wame ña ohōnore ne cāhtaro nidi tiquiro. Sa ne cāhtaro apequina pititiaro angelere tiquiro sañuducuri. Tiquina angele pehe ahri yehpare, pajiri ma gūhꝰre Cohācjū tiquiro ñano wahagū ye dutinohriquinapꝰ ijiri. ³ Tiquinare sañuducuro ohō saha nidi angel:

—Cohteniña. Cohācjū cahacjēna tiquina wꝰhꝰdoa pacare tiquiro wamene ohōna tana niaja. Usā sa ohōato pano ahri yehpare, pajiri mare, yucꝰri gūhꝰre ñano wahagū yeracāhña mꝰsa, nidi tiquiro apequina pititiaro angelere.

⁴ Sa yero Cohācjū tiquiro wame mehna tiquina wꝰhꝰdoa pacare tiquina ohōatiquinare “Ohōpequina ijire”, ni yahuri yꝰhꝰre ihcāquirō. Israe masa doce cururi cjēna ciento cuarenta y cuatro mil masa tiquina ohōatiquina ijiñohiti. ⁵ Ahriquina ijiñohiti tiquina ohōatiquina: Doce mil masa Judá panamena iji turiayequina tiquina ohōatiquina ijiri.

Apequina doce mil masa Rubē panamena iji turiayequina tiquina ohōatiquina ijiri. Apequina doce mil masa Gad panamena iji turiayequina tiquina ohōatiquina ijiri. ⁶ Apequina doce mil masa Aser panamena iji turiayequina, apequina doce mil masa Neftalí panamena iji turiayequina, apequina doce mil masa Manase panamena iji turiayequina tiquina ohōatiquina ijiri. ⁷ Apequina doce mil masa Simeo panamena iji turiayequina, apequina doce mil masa Leví panamena iji turiayequina, apequina doce mil masa Isacár panamena iji turiayequina tiquina ohōatiquina ijiri. ⁸ Apequina doce mil masa Zabulón panamena iji turiayequina, apequina doce mil masa José panamena iji turiayequina, apequina doce mil masa Benjami panamena iji turiayequina tiquina ohōatiquina ijiri. Topequinata ijipihtiyequina masa ciento cuarenta y cuatro mil tiquiro wame mehna tiquiro ohōatiquina ijiri.

Peyequina yehseye suhti sañañequinare yahuahye Ñu marine

⁹ Came peyequina masare ihñaa. Ijipihtiye yehpari cjēnare, ijipihtiye cururi cjēnare, ijipihtiye yahuducuyere yahuducuyequinare, ijipihtiye macari cjēnare peyequinare Cristore cahmeñequina dihitare topu ducuyequinare ihñaa. Puhoro dujiro poto, Cordero caha ducuri tiquina masa. Peyequina masa ijiri. Sa ye queo pehoyequina ijierari. Yehseye suhti sañañequina ijiri tiquina. Sa ye iqui pohnarine cūori. ¹⁰ Sa ye tiquina ijipihtiyequina ohō saha ni tutuaro sañuducuri:

Cohācjū ijire usāre yuhduoriquiro. Tiquiro dujiropu dujiriquiro ijire. Cordero gūhu usāre yuhduoriquiro ijire, ni sañuducuri tiquina.

¹¹ Sa ye ijipihtiyequina angele, Jesu yequina puhtoa gūhu, sijoro saha bajuequina mehna puhoro dujiro cahapu ducuri. Sa ducuye tiquiro du-

jiro poto dusepe curi mehna quehe sa, Cohācjūre ño peori. ¹² Ohō saha ni ño peori tiquina:

Sa tjire. Cohācjū usā puhto, mūhare quehnoano yahuducujaja. Quehnoa yuhduagu ijire mūhu. Masi pehogu ijire mūhu. Mūhare “Quehnoare”, niaja. Mūhare ño peoja. Tutua yuhduagu ijire mūhu. Mūhu tutuaye mehna yerigu ijire mūhu. Sa ijiducugu ijire mūhu ijipihtiye decori. Sa tjire, ni ño peori tiquina.

¹³ Sa yero ihcāquiro Jesu yequina puhto mehna cjāno yuhare sinituri:

—¿Ahriquina yehseye suhti sañañequinare masiajari mūhu? ¿Tiquina ahtaritore masiajari mūhu? ni sinituri yuhare.

¹⁴ Tiquiro sa nigū tūhogu,

—Masiedaja, ni yuhtii.

—¿Noa ijiajari tiquina? ni sinituu tiquirore.

Yuhu sa nigū tūhoro ohō saha nidi yuhare:

—Ahriquina ña yuhduaro yuhdari deco ijigū ihcāno sahayequina ijire. Tiquina suhti cosenohriquina tiquina ijiro saha Cordero tiquiro dii cohāno mehna tiquina ñañene cosenohriquina ijire. Sa ye quehnoano yehseye suhti sañañequina ijire.

¹⁵ Sa tiquiro cosenohriquina ijiye Cohācjū dujiro poto tiquirore sa ño peoducure. Decoripe, ñaminipe tiquirore sa ño peoducure, pahia Cohācjū wuhupu tiquina yeriro saha. Sa yero tiquina mehna sa ijiducuro, tiquinare yedohorota Cohācjū “Sijoro saha wahari”, nino.

¹⁶ Ne pari turi ujua ahbasi tiquina. Sa ye ne aco wuosi tiquina. Ne asū deco cjāno asiyere tiquina asiye posi. Tutuaro asiye tiquinare ñano yuhdugū yesi. ¹⁷ Puhoro dujiro poto ducuriquiro Cordero tiquinare ihña ihborota. Ovejare ihña ihboriquiro yero saha tiquinare ihña ihborota.

Sa yero mári pohterip_u catigũ yeye mári pohterip_u tiquinare _uhm_u tã cãnota, ovejare ihña ihboriquiro tiquiro _uhm_u tã cãno saha. Sa yero sa bucueducugũ yerota tiquinare. Sa ye ne pari turi utisi tiquina, nidi Jesu yequina pãhtoa mehna cjãno yãhare.

8

Seis papera tunurine tiquina piha ñehedire tãhrẽ tuhasaro aperore tãhrẽahye tja Cordero

¹ Seis papera tunurine tiquina piha ñehedire tãhrẽ tuhasaro aperore tãhrẽdi tja Cordero. Tiquiro sa tãhrẽ tuhasagũ hora deco top_u _uhm_usep_u quehnoano dihta mariaa wahari. ² Sa yeg_u siete angelere Cohãcjũ potu ducuyequinare ihña_u. Sa yero tiquinare siete cornetarire ohori apequiro. ³ Apequiro angel uru pare bueye ehme sitiye pose yeati pare cãoriquiro altar cahap_u esa, ducuri. Top_u tiquiro ducugũ peye ehme sitiye tiquirore ohori ijipihtiyequina Cohãcjũ yequina tiquirore tiquina sinidi mehna moreatire. Sa yero uru altarp_u Cohãcjũ dujiro caha ijiri altarp_u ti ehme sitiye bueri Cohãcjũre. ⁴ Sa ye angel tiquiro cãori pa cjẽ ehme sitiye altarp_u tiquiro poho siteri bato ti ehme sitiye cjẽ ohmeo Cohãcjũ yequina tiquirore tiquina sinidi mehna mujaa wahari. ⁵ Sa wahari bato altar cjẽ nitine ti pap_u wehe sãa tuhasa, yehpap_u doque cãri. Tiquiro sa doque cãgũta mia sitedoqueo, tutuaro _upo pari. Sa yero sijoro saha ijiro bisi maa, yehpa ñuhmi maari.

Cornetarire yahuahye Ñu

⁶ Came siete angele tiquinape tiquina cornetarire putie tee nidi.

⁷ Ihcãquiro angel tiquiro yariare puti mãtari. Tiquiro sa putigũ aco paca y_us_uaye paca, peca mehna, dii mehna moreñe paca yehpap_u doque dijiori. Sa doque dijioğũta yehpa _ujũa wahari. Ohõ puno _ujũri: Ahri yehpa

deco esaro taro yemehno _ujũa wahari. Sa yero to puno poseta yucari gũh_u, taa gũh_u _ujũa wahari.

⁸ Angel ihcãquiro tiquiro sa puti mãtari bato apequiro angel tiquiro yaria cornetare putiri tja. Tiquiro sa putigũ pajid_u c_un_u yero saha bajud_u quehnoano _ujũducud_u pajiri mapare waha maa ñojoaa wahari. Sa yero yehpa _ujũriro puno to punota pajiri ma dii ma dojoa wahari. ⁹ Sa ye pajiri ma cjẽna wahi deco mehna meheno esaboro yariaa wahari. Sa ye tope yuc_usari gũh_u minia wahari pajiri mapare.

¹⁰ Pãaro angele tiquina putiri bato apequiro angel gũh_u tiquiro yaria cornetare putiri tja. Tiquiro sa putigũ pajiria ñahpicoha, sihãria yero saha asiria yehpap_u bora sa quehea wahari. Ahri yehpa cjẽ mári deco mehna meheno esaboro tope mári bui bora sa quehea wahari ñahpicoha. Tope mári pohteri bui bora sa quehea wahari. ¹¹ Tope márita suẽñe mári wahari. Sa wahagũ peyequina masa ti mári cjẽ acore sihnime, yariaa wahari. Tia ñahpicoha “Suẽnia”, wame tiri.

¹² Ihtiaro angele tiquina putiri bato apequiro angel gũh_u tiquiro yaria cornetare putiri tja. Tiquiro sa putigũ asũ deco cjũno, ñami cjũno gũh_u deco mehna meheno esaboro dojoa wahari. Ñahpicoha pari gũh_u deco mehna meheno esaboro tope pacata dojoa wahari. Tope paca _uhm_use cjẽ paca quehnoano buhrioerari. Decop_u pititia hora waro asũ deco cjũno ne buhrioerari. Ñamine pititia hora waro asũ ñami cjũno, ñahpicoha pari gũh_u ne buhrioerari.

¹³ Came ihña doque m_uou tja. _uhm_usep_u wãriquirore cacãre ihña_u. Sa yeg_u tiquiro sañuducugũ tãhou. Ohõ saha nidi tiquiro:

—Ña yãhdãare. Ña yãhdãare. Ihtiaro angele dãhsari yojop_u putiatiquina. Tiquina putiri bato ña yãhdãaro waharota. Sa wahagũ ahri yehpap_u ijiequina ña yãhdãaro yãhdãeta, nidi tiquiro.

9

1 Came pititiaro angele tiquina putiri bato apequiro angel tiquiro yaria cornetare putiri tja. Tiquiro sa putigũ ñahpicoha yero saha ijiriquiro angel uhmusepu bora dijia tariquirore ihñau. Sa yero tiquirore uhcuãri cope cjã sawire ohori. 2 Sa yero tiquiro ti copere tiquiro põogũ peca ohmeo wijiari. Pajiri peca cjẽ ohmeo yero saha pajiro ohmeo wijiari ti copere. Sa wijiario ti ohmeo duita asũ deco cjãnore, uhmuse gũhare butia wahagũ yeri. 3 Sa ye ti ohmeo puhiapu ijiyequina poreroa yehpapu ahtari. Sa ye cutipa tiquina tutuaro purĩno saha tiquina gũhu tutuaro purĩdi. 4 Sa yero taare, yucarire, apeye oteyere ñano ye dutierari tiquinare. Masa dihitare ñano ye dutiri tiquinare. Cohãcjũ wamene tiquina wãhdoa pacare ohõmehneñequina dihitare ñano ye dutiri tiquinare poreroare. 5 Sa ñano ye dutieperota tiquinare wejẽ dutierari. Tiquinare wejẽ dutieraperota ihcã omope asũri waro tiquinare ñano purĩgũ ye dutiri. Cutipa toaye tiquina purĩno saha purĩgũ yeyequina ijiri poreroa gũhu. 6 Tiquinare tiquina sa purĩgũ yegũ masa yariaa duaeta. Tiquina sa yaria duepegũta tiquinare yaria dutisi.

7 Poreroa pehe caballoa yero saha bajuri. Tiquina cahme wejẽato pano caballoare tiquina suhti sãariro saha sa bajuyequina ijiri tiquina poreroa gũhu. Tiquina dapu paca bui pahtoa pesaye behtori uru behtori yero saha bajuri. Tiquina wãhdoa paca masa yero saha bajuri. 8 Tiquina poari numia poari yero saha ijiri. Sa ye tiquina upiri yayia upiri yero saha ijiri. 9 Jeripohna cahmotari cahsero come cahsero yero saha bajuri tiquina cutiro. Sa ye tiquina wãgũ peyequina caballoa omañequina tiquina omano saha tiquina wãgũ bisiri. Caballoa tunuñe paca wejeyequina tiquina cahme wejẽnopu wahaye, tiquina bisiro saha bisiri poreroa wãgũ. 10 Sa ye cutipa picõno

tiro saha, toaria tiquiro cuoro saha ijiri tiquina poreroa. Sa ye tiquina toaye paca mehna toaye, ihcã omope asũri waro masare purĩgũ yeri. 11 Sa ye tiquina pahtoro tiyequina ijiri. Uhcũãri cope upuro ijiri tiquina pahtoro. Tiquiro angel ijiri. Hebreo ye mehna Abadón wame tiri tiquiro. Griego ye mehna Apolión wame tiri. (Apolión “Dojomehneniquiro” nino nine.)

12 Poreroa masare ñano tiquina purĩgũ yeri bato ahri tiquina ñano yũhdu mũhtariro pihtia wahari. To bato puã taha pari turi ñano yũhdmeta masa.

13 Came ihcã omopequina angele tiquina putiri bato apequiro angel tiquiro yaria cornetare putiri tja. Tiquiro sa putigũ Cohãcjũ caha ducuri altarpu uru altarpu yahuducuye bisi wijiario ca tari. Ti altar cjẽ sahari pititia saharopu yahuducuye bisi wijiario ca tari. 14 Sa yahuducuro cornetare putiriquiro angelre yahuri:

—Eufrates wame tiri ma pajiri mapu peresupu ijiyequinare angelere wioya. Tiquina pititiaro angele ijire, nino ca tari.

15 Sa nigũ tũhoru angel pehe tiquinare pititiarore wiori, peyequina masare wejẽatiquinare. Ahri cãhmare, ahri asũre, ahri decore, ahri horare queoro cohteye nidi tiquina pititiaro angele. Tiquina cohteriro esa tuhasare. Sa ye wejẽne tee nine. Ijipihtiyequina deco esaboro caha masare wejẽatiquina ijire. 16 Sa yegũ tiquina yequina surarare “Ohõpequina ijire”, tiquina nigũ tũhou. Tiquina caballoa bui pesayequina ijiri. Doscientos millones surara ijiri.

17 Sa yegũ caballoare tiquina bui pesayequina gũhare ihñau. Sa ye caballoa bui pesayequina tiquina jeripohnarine cahmotaye suhti come suhti sohãñe suhti, yahsaye suhti, bojoyaye suhti ijiri. Sa ye caballoa tiquina dapu paca yayia sohãñequina yero saha bajuri. Tiquina dũseripu peca, ohmeo, azufre wame tiye

ohmeo gāh̄u wijiari. ¹⁸ Sa ye caballo duserip̄u wijiaye masare wejēdi. Ijipihtiyequina deco mehna meheno esaboro waro topequina masare wejēdi. Sa ye peca mehna, ohmeo mehna, azufre mehna peyequina masare wejēdi. ¹⁹ Tiquinare caballo duseri mehna wejēdi. Sa ye caballo picōri mehna wejēdi tja. Tiquina picōri sohtoap̄u añaa dapu paca yero saha bajuri. Sa ye tiquina picōri mehna ñano yeri tiquina masare.

²⁰ Peyequina masa yarieyequina tiquina wejē d̄uhariquina pehe tiquina ñaṅe yerire ne duhuerari. Wat̄iare ño peo duhuerari. “Cohācjū ijire”, tiquina niṅe queoye gāh̄u ño peo duhuerari. Ti queoye uru mehna, plata mehna, bronce wame tiye come mehna, ut̄a mehna, yuc̄uri mehna tiquina yeri queoye ijiri. Sa ye ti queoye pehe ih̄nedari. T̄uhoerari. Tiniedari. ²¹ Peye ñaṅe gāh̄u tiquina ne b̄aj̄ua witierari. Masare tiquina wejēdire, tiquina numia mehna tiquina ñano yerire, tiquina yaqueri gāh̄u ne b̄aj̄ua witierari tiquina. Sa ye masare ujuayequina yayia tiquina yero saha yeye, ti gāh̄u ne b̄aj̄ua witierari tiquina.

10

Meheni tunugāre papera tunugāre ne cāhtahye angel

¹ Came apequiro tutuariquiro angel uhm̄usep̄u tiquiro dijia tagū ih̄naṅ. Ehmeo curua watoap̄u ahtari. Sa yero buheni da tiquiro dapu bui pesari. Tiquiro w̄h̄doa asū deco cjāno yero saha asi siteri. Tiquiro ñecari ūj̄uri peca yero saha bajuri. ² Sa yero meheni tunugā papera tunugāre tiquiro p̄ari tunugāre c̄ori tiquiro. Tiquiro dahpocā poto pehe cjā dahpocā mehna pajiri map̄u c̄hta cūri. Tiquiro dahpocā cū pehe pehe mehna dihtap̄u c̄hta cūri. ³ Sa ducuro yayia tiquina sañuducuro saha tiquiro tutuaro sañuducuri. Tiquiro sa sañuducuri bato siete upoa yahuye ca tamedī. ⁴ Tiquina sa yahugū t̄hogu

ojoa d̄ucami. Ȳh̄u sa ojoa d̄ucagūta uhm̄usep̄u ȳh̄u yahuducuro ca tari.

—Siete upoa tiquina nidire apequinare yahueracāh̄ña. Sa yeḡu tire ojoa nedacāh̄ña, nino ca tari ȳh̄u.

⁵ Tiquiro sa nidi bato pajiri map̄u c̄hta cū, dihtap̄u c̄hta cūriquiro angel tiquiro omoca poto pehe siōdoque m̄ori uhm̄usep̄u. ⁶ Sa siōdoque m̄ono Cohācjū sa catiducuriquiro wame mehna wame peori. Tiquiro Cohācjū pehe ijipihtiyere uhm̄usere, uhm̄use cjēne, ahri yehpare, ahri yehpa cjēne, pajiri mare, pajiri ma cjēne yeriquiro ijire. Sa yero oh̄o saha nidi angel:

—Cohācjū mehna poto nii nija. To punota cohtenatja. ⁷ Seis angele cornetarire tiquina putiri bato apequiro angel putigū Cohācjū panop̄u tiquiro “Oh̄o saha yeitja” nidiro sahata yerota. Panop̄u masare tire quehnoano yahuerahye. Came tiquiro cahacjēnare, tiquiro yere yahu mahtariquina pehere quehnoano yahu pehoahye tiquiro. Ti tiquiro yahu cūrire yojop̄u yerota tiquiro, nidi angel.

⁸ Tiquiro sa nidi bato uhm̄usep̄u ȳh̄u yahuducuriquiro pari turi yahuducuro ca tari tja. Oh̄o saha nino ca tari ȳh̄u:

—Pajiri map̄u c̄hta cūriquiro dihtap̄u c̄hta cūriquiro siquiro angel cahap̄u wahaya. Sa wahaḡu papera tunugāre tiquiro c̄ori tunugāre neña, nino ca tari ȳh̄u.

⁹ Tiquiro sa nigū t̄hogu angel cahap̄u wahaṅ. Tiquirore papera tunugāre ȳh̄u sinigū t̄horo oh̄o saha ni ȳhtiri ȳh̄u:

—Neña. Sa yeḡu ahri tunu papera tunugāre ihyaya. M̄h̄u coā ihyagū umi yero saha quehnoano bisirota. M̄h̄u paap̄u m̄h̄u ihya s̄ori bato s̄ēñe waharota, nidi ȳh̄u.

¹⁰ Tiquiro sa nigū t̄hogu ti tunugāre angelre ȳh̄u nedi bato ihyāṅ. Ȳh̄u coā ihyagū umi yero saha bisiri. Ȳh̄u

ihya sōri bato yuhū paapū suēno wahadū. ¹¹ Yuhū sa ihyari bato ohō saha nidi yuhūre:

—Pari turi ijipihtiye macari cjēna, ijipihtiye yehpari cjēna, peye yahuducuyere yahuducuyequina, tiquina pūhtoā gūhū came tiquina dūhse wahatire yahuyuya mūhū, nidi yuhūre.

11

Pūaro Cohācjū yere yahuatiquinare yahu ojoahye Nū marine

¹ Came yuhūre queodūre ohori Cohācjū. Tuadū puno yoadū ijiri tū. Tūre ohoro ohō saha nidi yuhūre:

—Ya wuhūre queogū wahaya. Ti wuhū cjā altar gūhūre queoya. Sa yegū ti wuhūpū yuhūre ño peoyequinare queoya. ² Sopecaha wijia sadūcari paare quehnoari paare queoeracāhña. Ti paa yuhūre cahmeeñequinare tiquina cūri paa ijire. Tiquina cuarenta y dos asūri waro Cohācjū ya macare, ti maca cjēna gūhūre ñano yeeta. Sa yegū queoeracāhña tiquina ya paare quehnoari paare. ³ Sa yegū yeere yahuatiquinare pūarore ohoutja. Mil doscientos sesenta decori waro yeere yahueta. Masa dija suhtire sañañequina ijietā tiquina yuhū yahu dutiyequina, ni yahuri yuhūre.

⁴ Ahri yehpa cjēna pūhtoro potō pūadū Olivo wame tiye cjū ducure. Pūadū sihā peoye cjū gūhū ti cjū cahapū ducure. Ti cjū mehna queoye mehna yuhū buhegū ahriquina pūaro mari pūhtoro yere yahuyequina ti cjū yero saha ijire. ⁵ Sa ye tiquinare ihña tuhtiyequina tiquinare ñano ye duagū tiquina pehe dūseri cjē peca mehna ūjūa pehoeta tiquinare ihña tuhtiyequinare. Sata tiquinare ñano yeyequinare wejēta tiquina pūaro mari pūhtoro yere yahuyequina pehe. ⁶ Sa ye tiquina pūaro acoro ahta dutieragū acoro ahtasi. Sa yero mari pūhtoro yere tiquina yahuro puno acoro ahtasi. Sa ye mārīne dii mārī

wahagū yeeta tiquina. Sa ye ahri yehpare ñano wahagū yeeta. Ijipihtiye dūhse ijiyere, ijipihtiyequina dūhse ijyeyequinare masare ñano wahagū yeeta. Tiquina cahmeno sahata sa ñano wahagū yeeta ahri yehpare.

⁷ Tiquina sa ye pehogū ūhcūāri coperpū ijiriquiro ñariquiro nūcū cjūno wijiarota. Sa wijiaro Cohācjū yere yahuyequina mehna cahmequenota. Sa cahmequeno tutua yūhdūdūcaro tiquinare wejēnota. ⁸ Tiquiro sa wejēdi bato tiquina pagūri pajiri maca cjā mahapū cuñaeta. Yahuyequina pūhtorore tiquina quē biha wejēdi maca ijire ti maca. Ti maca cjēna ñañequina ijyē Sodoma cjēna, Egipto cjēna yero saha ijire. ⁹ Sa cuñañe ihtia deco quehnoano cuña, ape deco deco mehna tiquina pagūri mahapū cuñaeta. Sa ye ijipihtiye yehpari cjēna, ijipihtiye cururi cjēna, ijipihtiye yahuducuyere yahuducuyequina tope decori waro tiquina pagūrire ihñaducuetā. Sa ye tope decori waro tiquina pagūrire ya dutisi. ¹⁰ Tiquina sa yariariquina ijigū ihñañe ahri yehpa cjēna bucuetā. Sa bucueye bose decore yeye, tiquina basi apee borore sa oho quēeta. Tiquina pūaro Cohācjū yere yahuyequina masare ñano yūhdūgū yeriquina ijyahye. Sa ye tiquina sa yariagū ihñañe bucue yūhdūeta ahri yehpa cjēna.

¹¹ Sa yero ihtia deco ape deco mehna bato Cohācjū tiquina pagūrire masonota. Tiquiro sa masogū tiquina pari turi wahcādūcaeta. Tiquina sa wahcādūcagū ihñañe ijipihiyequina cue yūhdūeta tiquinare. ¹² Came tiquina pūaro ūhmūsepū tutuaro yahuducugū tūhoeta. Ohō saha ninota tiquinare.

—Ohōpū mūja taya mūsa, ninota.

Tiquiro sa nigū tūhoye ehmeo curua watoa mūjaa wahaeta. Tiquina yabiriquinare mūjagū ihñaeta masa. ¹³ Tiquina sa mūjagūta yehpa tutuaro ñuhminota. Sa ñuhmigū ti maca cjē wuhūse peye bora dijāa waharota. Sa ye yehpa ñuhmino mehna siete

mil masa yariaa wahaeta. Apequina dũhsariquina pehe acũaa wahaeta. Sa ye Cohãcjũre Ʃhmũse cjũnore “Tutuagũ ijire” ni ño peoeta tiquirore.

¹⁴ Ahri ijipihtiye tiquina sa wahari bato pũa taha masa ñano yũhdũ tuhasariquina ijietã. Tiquina sa yũhdũri batogãta pari turi duitã masa ñano yũhdũeta tja.

Seis cornetarire tiquina putiri bato apeqiro putiahye

¹⁵ Came seis cornetarire tiquina putiri bato apeqiro angel tiquiro variare putiri. Tiquiro sa putigũ Ʃhmũsepũ tutuaro yahuducuye ca tari. Ohõ saha nino ca tari:

Yojoꝛũ mari Рачũ, Cristo mehna ahri yehpa cjẽna pũtoa ijietã. Sa yero pũtoro sa ijiducurota Cohãcjũ, nino ca tari.

¹⁶ Sa ye Cohãcjũ poto pũtoa dujiyepũ dujiyequina veinticuatro Jesu yequina pũtoa Cohãcjũ poto quehe sa, tiquirore ño peori. ¹⁷ Sa ño peoye ohõ saha nidi:

Ʃsã pũto Cohãcjũ, tutua yũhdũagũ ijire mũhũ. Mũhũ panopũ sa ijiducuahye. Sa yegũ yojoꝛũ gũhũre sa ijiducure. Camepũ ahtaũta mũhũ. Mũhũ tutuaye mehna masa tiquina pũto mũhũ ijiducagũ “Quehnoare” niaja mũhũre.

¹⁸ Ijipihtiyequina ahri yehpa cjẽna mũhũre cahmedariquina mũhũ mehna usuamedĩ. Yojoꝛũre tiquinare mũhũ buhiri dahreati pje ijire. Yariariquina gũhũre mũhũ buhiri dahreati pje ijire. Sa yero mũhũ yequina pehere quehnoañene tiquina yeri wapare mũhũ ohoati pje ijire. Ihquẽquina tiquina mũhũ cahacjẽna mũhũ yere yahu mũhtariquina ijire. Sa ye tiquina, apequina mũhũ yequina mehna ijipihtiyequina mũhũre ño peoyequina ijire. Sa yegũ pũtoare, ihyo ijiyequina gũhũre mũhũ yequina tiquina ijiri wapa quehnoano yeita mũhũ. Sa

yero ahri yehpa cjẽnare dojomehne cohteriquinare mũhũ cohãti pje ijire yojoꝛũre, ni ño peori pũtoa Cohãcjũre.

¹⁹ Tiquina sa yeri bato Ʃhmũse cjã wũhũ Cohãcjũ ya wũhũ tiquiro põori wũhũ ijiri. Sa yena ti wũhũpũ ijiri acarore ihñau. Ti acaro puhiapũ Cohãcjũ masare tiquiro yedohoatire yahuri pũ sañari. Yũhũ sa ihñagũta mia sitedoqueo, Ʃpo pa maari. Sa yero sijoro saha ijiro bisi maa, yehpa ñuhmi maa, aco paca yũsuaye paca Ʃhmũsepũ peye bora dijia tari.

12

Numino gũhũre pinono gũhũre yahuahye Ñũ

¹ Came ahri yehpa dũhse wahatire Ʃhmũsepũ ihñori. Tiquiro sa ihñori ihyo waro ijierari. Ohõ saha ihñã mũhtau: Ʃhmũsepũ numinore ihñau. Ticoro suhtiro asũ deco cjũno yero saha asi siteri. Sa yero asũ ñami cjũno bui ducuri. Pũtoro pesari behto borore doce ñahpicoha paca cõori behtore pesaricoro ducuri. ² Sa yero mehenogã dũhsari ticoro pohna tiato. Sa yero ticoro sañuducuri.

³ Came pari turi ihñau Ʃhmũsepũ tja: Pajiriquiro pinonore sohãriquirõre ihñau. Siete dapu paca tiriquiro ijiri. Ijipihtiye tiquiro dapu paca pũtoa pesaye behtori borore pesaye dapu paca ijiri. Sa yero diez waro sahari tiriquiro ijiri tiquiro. ⁴ Tiquiro picõno mehna ñahpicoha pacare wahba sitedoque dijiori yehpapũ. Ijipihtiye ñahpicohare deco esaboro caha wahba sitedoque dijiori. Sa yero numino pohna tiaticoro poto ducuri pinono. Ticoro macũnogã bajuagũ tiquirogãre ihyaro taro nimedĩ. ⁵ Camegãta cõo tuhasari nininogãre. Ijipihtiye yehpari cjẽna pũtoro ijiatiquiro ijiri tiquirogã. Tiquiro sa pũtoro tutuariquiro ijigũ, masa tiquirore yũhdũdcaye ihcãno sahasi. Tiquiro sa masa bajuagũta Cohãcjũ tiquiro dujiro cahapũ tiquirogãre ne cãa wahari.

⁶ Tiquiro sa yegũ numino pehe masa marienopũ duhti cãa wahari. Cohãcjũ tiquiro quehnoyuriropũ duhti cãa wahari ticoro. Topũre mil doscientos sesenta decori waro Cohãcjũ ticorore ihña ihbori.

⁷ Coã waropũre ʘhmũsepũ cahme wejẽ dũcahye. Miguel wame tiriquire angel tiquiro yequina angele gũhũ pinono mehna cahmequeahye. Tiquina sa cahmequegũ pinono tiquiro yequina angele mehna Miguel gũhũ mehna cahmequeahye. ⁸ Sa ye Miguel gũhũ pinonore yũhdũdũcahye. Sa yero pinono yequina angele gũhũre ʘhmũsepũ iji nemo dutierahye. ⁹ Sa yero pajiriquiro pinonore cohã cãhye Cohãcjũ. Tiquiro pinono watĩnota ijiro nidi. Satana wame tiriquire ijiri. Panopũ tiquiro pinono pagũ saha bajuriquiro ijiahye. Sa yero ijipihtiri yehpa cjẽnare ni mehoriquire ijire. Tiquirore tiquiro yequina angele mehna yehpapũ cohã dijioahye.

¹⁰ Came ʘhmũsepũ sañuducuro ca tagũ tũhou:

Yojopũre mari Pacũ masare yũhdũori. Yojopũ pũritare mari Pacũ mari pũhtoro ijiro ahtari tiquiro tutuayere ihñono taro. Sa yero tiquiro ohoriquire Cristo gũhũ tiquiro pũhtoro ijiyere tiquiro tutuayere ihñori ijipihtiyequinare. Watĩnore ʘhmũsepũ ijiriquirore yehpapũ cohã dijiori. Sa yero tiquiro tutuayere ihñori mari Pacũ. Tiquiro watĩno pehe decoripe, ñaminipe Jesu yequinare “Ahriquina ñañequina ijire”, ni yahusãno niahye mari Pacũre. Sa yero mari acayere Jesu yequinare yahusãriquire ijiahye. ¹¹ Cristo Cordero wame tiriquire tiquiro dii cohãri mehna mari acaye Jesu yequina tiquirore wacũ tutuayequina tiquina ñano yerire tiquiro cohãnohriquina ijire. Sa wacũ tutuayequina ijire, watĩnore yũhdũdũcari.

Sa ye quehnoañe buheyere buheye, watĩnore yũhdũdũcari. Tiquiro yere buheye apequina tiquinare wejẽ duepegũta, Cristo yere duhuerari. ¹² Sa yena mũsa ʘhmũse cjãna bucueya. Watĩnore yehpapũ tiquiro cohã dijiogũ ihñana bucueya. Sa yepegũta ahri yehpa cjãna, pajiri ma cjãna gũhũ pejecũona wahanata mũsa pehe. Mũsa cahapũ dijiari watĩno. Tiquirore buhiri dahreato mehenogã dũhsare. Sa yero usua yũhdũare tiquiro. Mũsa cahapũ tiquiro esagũ pejecũona mũsare tojoagũ yerota tiquiro, ni sañuducugũ tũhou.

¹³ Sa yero pinono tiquiro cohã dijioriquiro numinore, nijinogã pacorore nũnũ tã cãri. ¹⁴ Sa yero ticorore pajiriquiro cacũ tiquiro wũye dũpũrĩre ohori Cohãcjũ, masa marienopũ ticoro wũ duhti cãtore. Topũ ticoro esari bato ihtia cũhma quehnoano ape cũhma deco waro ticorore ihña ihbori Cohãcjũ. Tiquiro sa ihña ihbogũ pinono ticorore ñano ye masiedari. ¹⁵ Topũ ticoro ijigũ ihñano pinono acore pajiro puti sitedoqueori ticorore miono taro. ¹⁶ Tiquiro sa yegũ yehpa pehe ticorore yedohori. Pinono dũseropũ wijiaye acore yehpa pehe aco ihmi peho cãri. ¹⁷ Sa wahagũ ihñano pinono numino mehna usua yũhdũari. Sa usuario ihquẽquina ticoro panamena iji turiayequina mehna cahmequeno wahari. Tiquina pehe Cohãcjũ dutiyere yeyequina ijire, Jesu ye buheyere quehnoañe buheyere ne duhueyequina ijire. ¹⁸ Sa yero pinono pajiri ma dũhtũ cahapũ ducuri.

13

Pũaro nũcũ cjẽnare yahuahye Ñũ

¹ Pajiri ma dũhtũ cahapũ ducugũ, nũcũ cjũnore ti mapũ ijiriquirore wahcã pahagũ ihña. Tiquiro pehe

siete dapu paca, diez sahari waro c̄aoriquiro ijiri. Tiquiro sahari p̄h̄toa pesaye behtori borore pesari. Sa yero tiquiro dapu pacare tiquiro wamene ojoa oh̄ori dapu paca ijiri. Ti wame tiquiro ñano wame tiḡũ ih̄ña yabiri Coh̄ãcj̄ũ. ² Sa yero tiquiro n̄c̄ũ cj̄ũno yairo dohroriquiro yero saha bajuri. Sa yero mie yero saha dahpoc̄ari tiriquire ijiri. Sa yero yairo soh̄ariquiro pajiriquirodu yero saha d̄usero tiriquire ijiri. Sa yero pinono pehe tiquiro tutuayere ohori n̄c̄ũ cj̄ũnore. Sa ohoro tiquirore p̄h̄toro dujirop̄ũ c̄ũno tiquiro yero saha peyequina masare dutiḡũ yeri pinono n̄c̄ũ cj̄ũnore. ³ Ihc̄ã dapu n̄c̄ũ cj̄ũno dapu tiquina wej̄ẽbo cureriquiro dapu yero saha bajuri. Sa bajuepeḡata tiquiro camino pehe yatia wahari. Ti dapu catiḡũ ih̄ñañe, ih̄ña maria wahari ijipihtiyequina ahri yehpa cj̄ẽna. Sa ih̄ña maria wahaye, n̄c̄ũ cj̄ũnore ño peori. Sa ye tiquiro yequina wahari masa. ⁴ Sa ye n̄c̄ũ cj̄ũnore pinono tiquiro tutuayere tiquiro ohoḡũ ih̄ñañe masa pehe tiquirore pinonore d̄usepe curi mehna quehe sa, ño peori. Sa ye n̄c̄ũ cj̄ũno ḡãh̄are d̄usepe curi mehna quehe sa, tiquirore ño peori. Sa ño peoye oh̄o saha nidi:

—Ne apequiro m̄ũh̄ũ yero saha tutuariquiro mariedare. Apequiro m̄ũh̄ũ ne ȳhd̄ũd̄ũca masiedare, ni ño peori masa n̄c̄ũ cj̄ũnore.

⁵ Sa yero tiquiro n̄c̄ũ cj̄ũno “Tutua ȳhd̄ũd̄ũcaḡũ ijiaja”, tiquiro niepeḡata Coh̄ãcj̄ũre tiquiro ñano yahuducuepeḡata sa t̄ahotu c̄ãr̄idi Coh̄ãcj̄ũ pehe. Sa yero cuarenta y dos as̄uri waro tiquiro n̄c̄ũ cj̄ũno masare dutinimedi. To punota tiquiro p̄h̄toro ijiḡũ cahmedi Coh̄ãcj̄ũ. ⁶ Sa yero tiquiro Coh̄ãcj̄ũre ñano yahuducuri. Tiquiro wamene, tiquiro ya w̄h̄ũre, h̄m̄ũsep̄ũ tiquiro ijiro cj̄ẽna ḡãh̄are ñano yahuducuri n̄c̄ũ cj̄ũno. ⁷ Sa yero Coh̄ãcj̄ũ yequinare cahme wej̄ẽno tiquinare ȳhd̄ũd̄ũcari. Tiquiro sa yepeḡata sa ih̄ña c̄ãr̄idi Coh̄ãcj̄ũ. Coh̄ãcj̄ũ tiquiro sa ye du-

tieraḡũ yeraboya. Sa yero ijipihtiyequina ahri yehpa cj̄ẽna bui p̄h̄toro ijinimedi n̄c̄ũ cj̄ũno. Ijipihtiye curi cj̄ẽna bui, ijipihtiyequina macari cj̄ẽna bui, yehpari cj̄ẽna bui, ijipihtiye yahuducuyere yahuducuyequina bui p̄h̄toro ijinimedi tiquiro. ⁸ Sa ye ijipihtiyequina ahri yehpa cj̄ẽna tiquiro n̄c̄ũ cj̄ũno poto d̄usepe curi mehna quehe sa tiquirore ño peori. Ahri yehpare Coh̄ãcj̄ũ tiquiro bajumehneato pano tiquiro yequina ijiatiquinare, sa ijiducuatiquinare tiquina wamene ojoa oh̄o tuhasahye. Ti tju tiquiro sa ojoa oh̄ori tju Cordero tiquina wej̄ẽdiquiro ya tju ijire. Ti tjup̄ũ tiquina wamene ojoa oh̄onohedariquina dihita n̄c̄ũ cj̄ũnore ño peori.

⁹ Cahmo tina ijire m̄ũsa. Sa yena t̄ahoya. ¹⁰ Ijipihtiyequina masare peresu yenohatiquinare came tiquinare peresu yeeta. Ijipihtiyequina masa ñose wej̄ẽnohatiquinare tiquinare ñose wej̄ẽeta. Tire masina mari Coh̄ãcj̄ũ yequina ñano ȳhd̄ũepenata tiquirore coh̄ãedac̄ũh̄na. Sa yena tiquirore wac̄ũ tutuũh̄na.

¹¹ Came apequiro n̄c̄ũ cj̄ũnore ih̄ñaũ tja. Yehpa puh̄iap̄ũ ijiriquiro wijiaḡũ ih̄ñaũ. P̄ũa saharo oveja sahari yero saha bajuye sahari sahari tiriquire ijiri. Sa yero pinono yero saha yahuducuri. ¹² Sa yero n̄c̄ũ cj̄ũno iji m̄ãhtariquiro pehe came ijiriquiro pehere p̄h̄toro s̄õri. Tiquiro sa p̄h̄toro s̄õnohriquiro pehe ijipihtiye yehpari cj̄ẽnare iji m̄ãhtariquirore ño peoḡũ yeri. Iji m̄ãhtariquiro n̄c̄ũ cj̄ũno tiquina wej̄ẽbo cureriquiro camino yatiriquiro ijiri. ¹³ Sa yero came ijiriquiro n̄c̄ũ cj̄ũno tutuaye mehna ye ih̄ñori masa tiquina ih̄ña mariatore. Sa yero masa tiquina ih̄ñonop̄ũ peca pajiri peca h̄m̄ũsep̄ũ bora dijia taḡũ yeri. ¹⁴ Sa yero iji m̄ãhtariquiro ih̄ñonop̄ũ apequiro n̄c̄ũ cj̄ũno pehe tutuaye mehna masare mehori “Ahriquiro m̄ũsa ño peoatiquiro ijire”, nino. Sa

yero tiquiro masare mehono, iji m̄htariquiro queoyere masare ye dutiri. Tiquiro iji m̄htariquiro ñoseni p̄j̄ mehna tiquina ñosediquiro ijieperota catiriquiro ijiri. Tiquiro yero saha bajuye queoye ye dutiri apequiro n̄c̄c̄ cj̄no masare. Tiquina sa yeḡ Coh̄c̄j̄ yabieperota sa ih̄ña c̄ñahye. ¹⁵ Sa yero came ijiriquiro n̄c̄c̄ cj̄no pehe iji m̄htariquiro queoyere catiḡ yeri masare ti queoye dutiato saha. Sa yero ti queoyere ño peoyequinare wej̄ dutiri masare queoye pehe. ¹⁶ Sa yero ijipihtiequinare tiquina omocari poto pehe, tiquina w̄hd̄oa paca ḡh̄are oja oh̄ dutiri n̄c̄c̄ cj̄no came ijiriquiro. Ihyo ijiequinare, p̄htoare, doeri c̄j̄ opanare, pejec̄oyequinare, tiquina cahac̄j̄nare, cahac̄j̄na ijieyequinare, ijipihtiequinare tiquina omocarine tiquina w̄hd̄oa paca ḡh̄are oja oh̄ dutiri. ¹⁷ Tiquiro iji m̄htariquiro n̄c̄c̄ cj̄no tiquiro wamene, tiquiro ya numerore oja oh̄eñequinare ne dú dutierari. Sa yero tiquinare dua dutierari.

¹⁸ Tire quehnoano wac̄ masiña m̄sa. T̄ho masina ijina n̄c̄c̄ cj̄no tiquiro ya numerore quehnoano ih̄ña masiña. Ti numero am̄no wame yero saha ijire. Ti numero seis cientos sesenta y seis ijire.

14

Coh̄c̄j̄ tiquiro ȳhd̄oriquina wahma basayere basahye

¹ Came Siō wame tid̄ c̄n̄ bui ducuriquirore Corderore ih̄ñan̄. Tiquiro mehna ciento cuarenta y cuatro mil masa ijiri. Tiquina tiquiro ye wamene, tiquiro Pac̄ro ye wame ḡh̄are tiquina w̄hd̄oa pacare tiquina oja oh̄nohriquina ijiri. ² Tiquinare ȳh̄ ih̄ñaḡta am̄sep̄ yahuducuro ca tari. Pajiri peo bisiro saha upo tutuaro bisiro saha bisiro ca tari tiquiro yahuducue. Sa yero arpa wame tiyere tiquina b̄a p̄t̄no saha bisiro ca tari tiquiro yahuducue. ³ Top̄ p̄htoro

dujiro cahap̄ pititiaro sijoro saha bajuyequina, Jesu yequina p̄htoa ḡh̄ ijiri. Sa ye tiquina poto ciento cuarenta y cuatro mil masa ducuri. Top̄ ducuye, wahma basayere basaye nidi. Ti basayere tiquina dihita masidi. Cristo ȳhd̄oriquina dihita ti basayere masidi. Tiquina ahri yehpap̄ ijimediquina tiquiro ne m̄oriquina ijiri. ⁴ Ne tiquina ih̄c̄ tahaḡ numino mehna ñano yerari. Sa ye Corderore ih̄ña c̄ñequina ijieye, tiquiro yere sa yeducuyequina ijiri. Sa yero ñañequina mehna ijieyequinare tiquiro ȳhd̄oatiquinare nedi Coh̄c̄j̄ pehe. Sa tiquiro ȳhd̄oriquina ijieye, Coh̄c̄j̄ yequina ijiatiquina, Cordero yequina ijiatiquina ḡh̄ ijieye m̄htariquina ijiri. ⁵ Sa ye tiquina mehna c̄j̄na ne ih̄c̄quiro ni mehoriquiro mariedare. Sa ye Coh̄c̄j̄ tiquiro t̄hotuḡ ñañe marieñequina ijiri tiquina.

Ihtiaro angele yahuducu dijioahye

⁶ Came am̄sep̄ w̄riquirore angelre ih̄ñan̄. Tiquiro ahri yehpa c̄j̄nare, ijipihtie cururi c̄j̄nare, ijipihtie yahuducuyere yahuducuyequinare, ijipihtie yehpari c̄j̄nare, quehnoañe buheyere yahuatiquiro ijiri. Ti buheye ne comesaeraye, sa ijiducure. ⁷ Sa yero angel sañuducuro oh̄ saha ni yahuducu dijiori:

—Coh̄c̄j̄re cueya. “Tutua ȳhd̄aḡ, quehnoa ȳhd̄aḡ ijire”, niña tiquirore. Yojop̄re masare tiquiro buhiri dahreati p̄je ijiro nine. Tiquiro am̄sere, ahri yehpare, pajiri mare, mári pohteri ḡh̄are yeriquiro ijire. Sa yena tiquirore d̄sepe curi mehna quehe sa, ño peoya, ni sañuducuri angel.

⁸ Tiquiro sa nidi bato apequiro angel am̄sep̄ w̄riquirore oh̄ saha ni yahuducu dijiori:

—Tiquinare coh̄ c̄hri. Pajiri maca Babilonia wame tiri maca c̄j̄nare coh̄ c̄hri Coh̄c̄j̄. Tiquina tiquiro coh̄riquina pehe ijipihtiequinare ñano yeḡ yeri.

Queheyequina vinore tiquina tutuaro cahmeno saha tiquina ñañene tutuaro cahmeñe, Babilonia cjênare ihña cûri. Sa yero Cohâcjû tiquinare tutuaro buhiri dahreri, ni yahuducu dijiori apequiro angel.

⁹⁻¹⁰ Tiquina p̄h̄aro angele tiquina sa nidi bato apequiro angel tiquina bato w̄h̄riquiro oh̄o saha ni yahuducu dijiori:

—Ijipihtiequina n̄h̄c̄h̄ cjânore ño peoyequinare, tiquiro queoyere ño peoyequinare, tiquina w̄h̄h̄doa pacare, tiquina omocarine tiquiro wamene ojoa oh̄onohriquina ḡh̄h̄re buhiri dahrerota Cohâcjû. Tiquina mehna usuaro, tiquina p̄h̄ritare tutuaro waro buhiri dahreducurota Cohâcjû. N̄h̄c̄h̄ cjânore ño peoyequina ijipihtiequina pecap̄h̄ wahaeta. Top̄h̄ tutuaro pur̄inota tiquinare peca mehna, azufre wame tiye mehna tiquina wijiâri peca mehna. Quehnoañequina angele, Cordero ḡh̄h̄ tiquina ih̄nonop̄h̄ ñano ȳh̄d̄h̄eta tiquina. ¹¹ Ti peca sa ohmeo tiducurota. Ne yatisi. Tiquinare sa pur̄iducuḡh̄ yere. Ijipihtiequina n̄h̄c̄h̄ cjânore poto d̄h̄sepe curi mehna quehe sa, ño peoyequinare sa pur̄iducurota. Decoripe, ñaminipe sa pur̄iducu cãhnota. Tiquiro queoyere ño peoyequina, tiquiro wamene ojoa oh̄onohriquina ḡh̄h̄ sata ñano ȳh̄d̄h̄eta, ni yahuducu dijiori angel.

¹² Sa tiquina ñano ȳh̄d̄uḡh̄ ihñana Cohâcjû yequina tiquiro dutiyere yena, Jesure cohâedarina ijina, tiquiro yere duhueracãhña. Ñano ȳh̄d̄h̄epenata Cohâcjû yere cohâedacãhña.

¹³ Came ùh̄m̄sep̄h̄ ȳh̄h̄re yahuducuro ca taḡh̄ t̄h̄ou. Oh̄o saha nidi ȳh̄h̄re:

—Ahr̄ire ojoaya m̄h̄h̄. Cohâcjû yequina tiquirore cohâedarina ijina yojop̄h̄re m̄h̄sa yariari bato ḡh̄h̄re bucuena ijire m̄h̄sa, ni yahuducu dijiori ȳh̄h̄re.

Tiquiro sa nidi bato Esp̄ritu Santo pehe oh̄o saha ni nemori tja:

—Sa tjire. Poto tjire. Tiquina tutuaro tiquina dahrayere duhu, soeta. Ùh̄m̄sep̄h̄ tiquina wahaḡh̄ quehnoano tiquina yerire wac̄n̄ota Cohâcjû. Sa yero tiquina sa yeri wapa tiquinare quehnoano yerota. Sa ye tiquina bucueyequina ijire, ni nemori Esp̄ritu Santo.

Wese cjê oteye d̄h̄care mari bese neno saha Cohâcjû tiquiro yequinare bese nenota. Ñañequina pehere sijoro bese docorota

¹⁴ Came ehmeo curua yehseri curuare ih̄ñ̄a. Ti curua bui mas̄no yero saha bajuriquiro dujiri. Tiquiro uru behto p̄h̄toro pesari behto borore pesari. Sa yero dihi pj̄i siori pj̄ine c̄h̄ori tiquiro. ¹⁵ Came apequiro angel Cohâcjû w̄h̄h̄p̄h̄ ijiriquiro wijiata. Sa wijiata taro tutuaro sañuducuri ehmeo curua bui dujiriquirore:

—M̄h̄h̄ dihi pj̄i mehna wese cjê d̄h̄care ahri yehpa cjê d̄h̄care d̄te ne pehoya. Yojop̄h̄re tiquiro queori pje esare. Yojop̄h̄re d̄ca neni pje esare, nidi angel.

¹⁶ Tiquiro sa niḡh̄ t̄h̄oro tiquiro dihi pj̄i mehna ahri yehpa cjê d̄h̄care ne d̄cari ehmeo curua bui dujiriquiro.

¹⁷ Came apequiro angel ḡh̄h̄ Cohâcjû w̄h̄h̄p̄h̄ ijiriquiro wijiata. Tiquiro ḡh̄h̄ dihi pj̄i siori pj̄ine c̄h̄ori. ¹⁸ Sa yero apequiro angel altar cahap̄h̄ ijiriquiro wijiata. Tiquiro pehe altar cjã pecare ih̄ña ihboriquiro ijiri. Sa wijiata taro dihi pj̄i siori pj̄ine c̄h̄oriquirore sañuducuri:

—M̄h̄h̄ dihi pj̄i mehna ahri yehpap̄h̄ ijiri wese, ùh̄se wese cjê d̄h̄care neña. Ùh̄se pehe ñi tuhasari, ni sañuducuri.

¹⁹ Tiquiro sa niḡh̄ t̄h̄oro angel tiquiro ya pj̄i dihi pj̄i mehna ahri yehpa cjê ùh̄se t̄h̄orine ȳh̄re nedi. Tiquiro sa yeri bato ti t̄h̄orine ùh̄se t̄h̄orine tiquiro ñatih̄atop̄h̄ coh̄ari. Tiquiro sa coh̄ari saha Cohâcjû tiquirore cahmeeñequinare tutuaro usuaro, coh̄nota. ²⁰ Ti maca d̄h̄t̄h̄ cahap̄h̄ tiquina ñatih̄atop̄h̄ ti ùh̄se t̄h̄orine ñatih̄ari. Top̄h̄ tiquina

ñatihãgũ dii wijiari. Dii ma yero saha ijiri. Tres cientos kilómetro yoari ma, ihcã metro quehnoano ape metro deco uhcũãri ma ijiri.

15

Masa tiquina ñano yãhdũatire angele cũ bato tiahye masare

¹ Came uhmũsepũ sijoro saha ijirore ihñau. Tire ihñañe masa ihña maria wahaga. Ahri yehpapũre dũhse wahatore marine ihñori. Sa yero ti ihyo waro ijierare. Ohõ saha ihñau: Siete angele ijiri. Cohãcjũ usuaro, siete tahari masare buhiri dahre bato tiro taro nidi. Sa ye tiquina siete angele pehe buhiri dahre dutiro tiquiro cũatiquina ijiri.

² Angelere yũhũ ihñari bato pajiri mare quehnoano aco sitiri ma yero saha ijiri mare ihñau. Ti ma peca mehna ijiri ma ijiri. Sa yegũ nũcũ cjũnore tiquiro queoye gũhũre yãhdũdũcayequinare ihñau. Tiquina tiquiro wamene tiquiro ya numerore cũoeyequina ijiri. Tiquina yũhũ ihñagũ pajiri ma aco sitiri ma dũhtũ cahapũ ducuri. Topũ ducuyequina arpa wame tiyere bũa pũtẽñene cũori. Ti bũa pũtẽñe Cohãcjũ tiquiro ohori ijiri. ³ Sa ye Cohãcjũ cahacjũno, Moise ye basayere basaye nidi. Cordero ye basaye gũhũre basaye nidi. Ohõ saha ni basari:

Usã pũhto mũhũ Cohãcjũ tutua yãhdũagũ ijire. Mũhũ yerire ihñana ihña maria wahaja usã. Mũhũ yeri quehnoa yãhdũare. Mũhũ ijipihtiye yehpari cjẽna pũhto ijire. Quehnoano ni mehono marieno yeducure mũhũ. Ijipihtiyequina mũhũre cueeta. ⁴ Ijipihtiyequina mũhũre “Tutuagũ ijire”, nieta. Mũhũ dihita ñañe mariegũ ijire. Ijipihtiye yehpari cjẽna mũhũ cahapũ esaye, dũsepe curi mehna quehe sa, mũhũre ño peoeta. Sata yeeta tiquina ijipihtiyequina queoro mũhũ yerire ihñañe, ni basaye nidi tiquina.

⁵ Came uhmũsepũ ihña mũogũ, Cohãcjũ wũhũ põori wũhũre ihñau. Topũ Cohãcjũ ijiri tucũ waropũ Cohãcjũ dutiye tiquiro ojoari pjĩni utã pjĩni tiquina ihbori pjĩni ijiri.

⁶ Ti wũhũre yũhũ ihñagũta siete angele ti wũhũ puhiapũ ijiriquina wijia tari. Tiquina Cohãcjũ buhiri dahre dutiro tiquiro cũatiquina ijiri. Tiquinape tiquina buhiri dahreatire cũori tiquina angele. Quehnoañe suhti, yehseye suhti sañañequina ijiri. Sa ye tiquina cutiro bui uru cahsero mehna tũã dihoriquina ijiri. ⁷ Ti wũhũpũ ijiriquina tiquina wijia tagũ pititiaro sijoro saha bajuyequina mehna cjũno tiquinare siete angelere siete uru parire ohori. Ti pari Cohãcjũ usua tiquiro buhiri dahreati mehna quehnoano wahpari ti pari. Tiquiro Cohãcjũ sa ijiducuriquiro ijire. ⁸ Tiquiro sa ohogũ Cohãcjũ wũhũ puhiapũ tiquiro asi siteye mehna tiquiro tutuaye mehna ohmeo ti sehsoa wahari. Sata ohmeo wũhũ wahagũ ne masa ti wũhũre sajà masiedari. Siete angelere Cohãcjũ buhiri dahre dutiro tiquiro cũriro saha masare tiquina buhiri dahre tuhasari bato pari turi ti wũhũpũ sajà masine tja. Tiquiro buhiri dahreato pano sajà masiedari.

Cohãcjũ masare tiquiro buhiri dahreatore yahuahye

16

¹ Came Cohãcjũ wũhũpũ tutuaro yahuducuro ca tari. Siete angelere yahuro nidi:

—Siete paripũ pose tiyere yehpapũ pio sitedoque dijiona wahaya. Yehpa cjẽnare Cohãcjũ tiquiro nidiro sahata buhiri dahreya yojopũre, ni yahuducuro ca tari.

² Tiquiro sa nigũ tũhoro iji mãhtariquiro angel tiquiro cũori papũ pose tiyere yehpapũ pio sitedoque dijiori. Tiquiro sa pio sitedoque dijioğũ nũcũ cjũno wamene ojoa ohõnohriquina, tiquiro queoyere ño peoriquina ñano cami tiri. Ti cami tutuaro purĩdi tiquinare.

3 Tiquiro sa pio siteri bato apequiro angel tja tiquiro c̄ori pap̄u pose tiyere pio sitedoque dijiori tja pajiri map̄u. Tiquiro sa pio sitedoque dijioḡuta ti ma dii ma wahari. Yariariquiro dii yero saha ijiri ti dii. Sa wahaḡu ti ma puhiap̄u ijiyequina varia pihtia wahari.

4 P̄uaro tiquina sa pio siteri bato apequiro angel tja tiquiro c̄ori pap̄u pose tiyere pio sitedoque dijiori tja m̄arip̄u, ti m̄ari pohterip̄u ḡuh̄are. Tiquiro sa pio sitedoque dijioḡu m̄ari dii m̄ari dihita wahari. 5 Sa wahaḡu ih̄n̄ano apequiro angel m̄arine cohteriquiro oh̄o saha nidi:

Coh̄ac̄j̄u m̄uh̄u ñāne marieḡu ijire. Yojoṑ̄u ḡuh̄are sa ijiducuḡu ijire m̄uh̄u. Panop̄u ḡuh̄are sa ijiducue tiri m̄uh̄u. Sa yeḡu masa tiquina ñano yeḡu ih̄n̄agu queoro buhiri dahreri m̄uh̄u tiquinare. Dii m̄arine yeḡu quehnoano yeri m̄uh̄u. 6 N̄uc̄u c̄j̄no yequina pehe m̄uh̄u yequinare wej̄ñe, dii coh̄aḡu yeri. M̄uh̄u yere yahuyequina ḡuh̄are wej̄ñe, dii coh̄aḡu yeri. Tiquina sa wej̄di buhiri m̄ari dii m̄ari wahari. Sa ye tiquinare diire m̄uh̄u sa sihniḡu yeḡu quehnoar̄ine. Sata m̄uh̄u buhiri dahreḡu tiquina ye buhiri ijire, nidi m̄arine cohteriquiro angel.

7 Tiquiro sa nidi bato altarp̄u yahuducuro ca tari:

—Sa tjire. Coh̄ac̄j̄u us̄a p̄hto tua yuh̄daḡu ijire m̄uh̄u. Ni mehono marieno, queoro masare bese, buhiri dahrere m̄uh̄u, ni yahuducuro ca tari.

8 Ihtiaro angele tiquina pio siteri bato apequiro angel tiquiro c̄ori pap̄u pose tiyere pio sitedoque dijiori tja as̄u deco c̄j̄no bui. Tiquiro sa pio sitedoque dijioḡuta as̄ure masare tutuaro asiḡu yeri Coh̄ac̄j̄u. 9 Sa yero as̄u deco c̄j̄no masare tutuaro asiri. Sa ye Coh̄ac̄j̄u tiquinare tiquiro buhiri dahre dutiḡu masiñe, tiquirore ñano yahuducuri masa. Sa ñano yuh̄d̄epeta tiquina ñāne yerire

ne buj̄ua witierari. Sa ye duhuerari. Coh̄ac̄j̄ure “Tutuagu ijire”, ni ño peo duerari.

10 Pititiaro angele tiquina pio siteri bato apequiro angel tja tiquiro c̄ori pap̄u pose tiyere pio sitedoque dijiori tja n̄uc̄u c̄j̄no tiquiro dujiro bui. P̄htoro dujiro ijiri tiquiro dujiro. Tiquiro sa pio siteri bato tiquiro yequina tiquina ijiri yehpap̄u nahitiaa wahari. Sa ye tiquiro yequina masa ñano pur̄iḡu bahque dihori. 11 Tiquinare ñano pur̄iepeḡuta ñano cami tiepeta, ne tiquina ñāne yerire buj̄ua witierari. Sa ye tire duhuerari. Sa ye Coh̄ac̄j̄u tiquinare tiquiro cami dahreḡu masiñe tiquirore ah̄m̄use c̄j̄nore ñano yahuducuri.

12 Ihc̄a omopequina angele tiquina pio siteri bato apequiro angel tja tiquiro c̄ori pap̄u pose tiyere pio sitedoque dijiori tja Eufrates wame tiri ma pajiri map̄u. Tiquiro sa pio sitedoque dijioḡuta ti ma sihbi quehea wahari. As̄u m̄aja taro c̄j̄na p̄htoa yequina masa mehna ti mare tiquina peh̄a tatore sa yeri.

13 Came ihtiaro wat̄are taharoc̄ua yero saha bajuyequinare ih̄n̄au. Ihc̄aquirop̄u pinono puhiap̄u ijiriquiro tiquiro d̄userop̄u wijia tari. Apequiro wat̄ino n̄uc̄u c̄j̄no d̄userop̄u wijia tari. Apequiro wat̄ino “Coh̄ac̄j̄u yere yahu m̄htaḡu ijiaja”, ni mehoriquiro d̄userop̄u wijia tari. 14 Sa ye tiquina ihtiaro wat̄a tutuaye mehna yeyequina ijiri. Ijipihtiro c̄j̄na p̄htoare cahmecoaḡu yeri tiquina cahme wej̄e dutiye tehe. Tiquina sa cahme wej̄eati deco Coh̄ac̄j̄u tua yuh̄d̄ariquiro ijipihtiyequinare tiquiro dutiati deco, pihtiati deco ijire.

15 Oh̄o saha nidi Jesu: “Ih̄ñaña m̄usa. Yaqueriquiro wac̄ueno mehna tiquiro yaquero ahtaro saha yuh̄u ḡuh̄u wac̄ueno mehna ahtautja. Yuh̄u ahtatore quehnoano cohteriquiro bucueriquiro ijirota. Tiquiro ye suhtire quehnoano quehnoyuriquiro yero saha yeere

quehnoano yeriquiro ijire bu-
cueriquiro. Sa yeriquiro ijiro yahu
ahtagū suhti marieniquiro tiquiro
bue taboriro saha bue tisi tiquiro”,
nidi Jesu.

¹⁶ Came ihtiaro watia yehpari cjēna
pūhtoare cahmecoagū yeri tiquinare.
Tiquina cahmecoano Hebreo ye
mehna “Armagedon”, wame tiri.

¹⁷ Seis angele tiquina pio siteri bato
apequiro angel tja tiquiro cūori papū
pose tiyere ehmeo cururi cahapū pio
sitedoque dijiori tja. Tiquiro sa pio
sitedoque dijiori bato pūhtoro du-
jiropū Cohācjū wūhūpū tiquiro du-
jiropū tutuaro yahuducuro ca tari:

—To punota ijiaga, nino ca tari.

¹⁸ Tiquiro sa nigāta mia sitedo-
queo, upo pa maa, sijoro saha ijiro
bisi maa, cuaro yehpa űuhmīdi. Ahri
yehpapū masa tiquina iji dūcari
bato ne sa űano yehpa űuhmīda
tiri. Apeye űuhmīne yūhdūoro cuaro
yehpa űuhmīdi. ¹⁹ Sa űuhmigū pajiri
macare ihtia maha yihti maa wahari.
Sa ye bujūye macari ahri yehpapū
ijiyē macari sehte dijiaa wahari.
Sa yero Babilonia wame tiri maca
pajiri maca cjēnare wacūri Cohācjū
tiquinare buhiri dahrero taro.
Tiquina űañene yeri buhiri tiquina
mehna tutuaro usuari. Sa usuaro
tiquinare tutuaro buhiri dahreri.

²⁰ Tiquiro sa yegū ijipihtiye nūcūpo,
cūnū cjū gūhū cohō pihtia wahari.
Sa ye ne mariedare. ²¹ Sa ye bujūye
paca aco paca yūsuaye paca yehpapū
masa bui bora dijia tari. Ijipihtiye
paca aco paca cuarenta kilo nūcūne
paca ijiri. Tiquina bui ti paca sa bora
dijia tagū Cohācjū masare tiquiro
tutuaro buhiri dahregū masiñe űano
yahuducuri masa Cohācjūre.

17

*Ūmūa mehna űano yeducuricorore
űa yūhdūaro yericorore buhiri dahre
dutirotā*

¹ Came siete pari cūoyequina an-
gele mehna cjūno yūhū cahapū wi-
hiro ohō saha nidi yūhūre:

—Ihñagū ahtaya. Peye mări bui
dujiricorore ūmūa mehna űano yedu-
curicorore űa yūhdūaro yericorore
Cohācjū tiquiro buhiri dahreatire
ihñagū ahtaya mūhū. ² Ahri yehpa
cjēna pūhtoā ticoro mehna tiquina
űano yeboro saha ticoro yero saha
yeri. Cohācjū ye pehere cahmedari.
Ahri yehpa cjēnare ticoro quehegū
yeboro saha tiquina mehna ticoro
űano yeboro saha ticoro masare
űañene tutuaro cahmegū yeri. Sa yero
űañene yegū yeri masare, ni yahuri
angel yūhūre.

³ Tiquiro sa nidi bato Espiritu
Santo pehe yūhūre ihñori: Angel
pehe masa marienopū neari yūhūre.
Topū numinore ihñāū. Ticoro nūcū
cjūno sohāriquiro bui pesaricoro ijiri.
Nūcū cjūno pehe tiquiro pagūpū peye
wame tiquina ojoa ohōnohriquiro ijiri.
Ti wame űañe wame Cohācjū tiquiro
ihñā yabiye wame ijiri. Sa yero
siete dapu paca tiriquiro, diez sahari
tiriquiro ijiri nūcū cjūno. ⁴ Sa yero
numino pehe quehnoano yahsaye
suhti pūhtoā tiquina sañāne suhti
saha ijiyere sañaricoro ijiri. Sohāne
suhti gūhūre sañaricoro ijiri. Peye
urure, wapa tiye utāre, perla pjeri
gūhūre ohōri suhtire sañaricoro ijiri
ticoro. Sa yero uru pare cūori
ticoro. Ti papū pose tiye űañe
ticoro yeri jiri. Ūmūa mehna űano
yero, pajiro űano yeri ticoro. Ti
űañene ihñā yabire Cohācjū. ⁵ Ticoro
wūhdoapū ticoro wame tiquina
ojoa ohōnohricoro ijiri. Ti wamene
quehnoano masiedaja mari. Ti
wame queoye mehna buheri wame
ijire. Ahri ijire ti wame: “Pajiri maca
Babilonia wame tiri maca ijire. Ijip-
ihtiyē wūana tiye dahpoto cjōno, űa
yūhdūayere yericoro ijire”, ni, ticoro
wūhdoapū tiquina ojoa ohōnohricoro
ijiri. ⁶ Sa yero ticoro peyequina
Cohācjū yequinare wejēdicoro ticoro
ijigū masii. Queheyere ticoro bu-
cuero saha tiquinare wejēno, tiquina
dii cohāgū bucueri ticoro. Jesure
tiquina cohāedari buhiri ticoro wejēdi
tiquinare. Ticorore ihñagū, ihñā

maria waha.

⁷—¿Dahsegu mahuh ihña maria wahajari? nidi angel yahure.

Sa nino yahure ohõ saha ni nemori:

—Mahuh masiedarire mahure yahutja. Numinore mahure yahutja. Ticoro pesariquiro gahure yahutja. Tiquiro nucu cjãno ijiri. Sa yero siete dapu paca tiriquiro, diez sahari tiriquiro ijiri. ⁸ Tiquiro panopu ijiriquiro ijiri. Yojopure mariedare tiquiro. Came tiquiro uhcãri copepu ijiriquiro wijia tarota. Tiquiro sa wijia tari bato pecapu waharota. Ahri yehpa cjëna tiquirore ihña maria, ño peori tiquirore. Ahri yehpa ijiato pano Cohãcjũ tiquiro yequina ijiatiquinare sa ijuducuatiquinare tiquina wamene oja ohõahye. Tiquiro oja ohõnohedariquina ijiri nucu cjãnore ño peoyequina. Tiquiro pehe panopu ijiri. Yojopu pehere mariedare. Cameru pari turi bajuarota. Sa ye tiquiro bajuagũ ihñañe masa tiquirore ihña maria wahaeta.

⁹ 'Yojopure yahu yahuatire masi duana, quehnoano tãhonata musa. Sa yena tãho masina ijiya. Nucu cjãno dapu paca siete dapu paca siete canu cju ijire, mari queoye mehna buhegũ. Ti canu cju buipru pesare ticoro umua mehna ñano yeducuricoro. ¹⁰ Ti dapu paca siete pãhtoa yero saha ijire, mari queoye mehna buhegũ. Peyequina masa pãhtoa ijire. Ihcã omopequina pãhtoare cohã tuhasari. Apequiro tiquina bato ijiriquiro pãhtoro ijire yojopure. Apequiro pehe came pãhtoro sajãnota. Sa sajãno mehenogã pãhtoro ijirota tiquiro. ¹¹ Sa yero nucu cjãno sohãriquiro panopu iji mahitariquiro, yojopure marieniquiro tiquina siete pãhtoa bato pãhtoro ijirota. Siete pãhtoa mehna cjãno ijire. Came pecapu waharota.

¹² 'Nucu cjãno sahari diez sahari diez pãhtoa yero saha ijire, mari queoye mehna buhegũ. Peyequina masa pãhtoa ijire. Tiquina pãhtoa sajãedare yojopu. Cameru pãhtoa sajãñe mehenogã pãhtoa ijieta. Yoari

pje iji dutisi tiquinare. Sa pãhtoa ijiye nucu cjãno mehna pãhtoa ijieta. ¹³ Tiquina diez pãhtoa ihcãno saha tãhotuyequina ijire. Sa ijiye tiquina nucu cjãnore tiquina ye yehpari cjëna pãhtoro sõeta. ¹⁴ Sa ye Cordero mehna cahme wejëta. Tiquina sa cahme wejëpegũta Cordero tiquiro beseriquina mehna tiquirore ne cohãñequina mehna tiquinare yãhduducaeta. Tiquiro ijipihtiyequina apequina pãhtoa bui pãhtoro ijire. Sa yero tiquinare yãhduducarota, nidi angel yahure.

¹⁵ Ahrire yahure yahu nemori angel:

—Umua mehna ñano yeducuricoro mári bui dujiri. Ti mári ahri yero saha ijire mari queoye mehna buhegũ: Ijipihtiye yehpari cjëna, peye cururi cjëna, peye yahuducuyere yahuducuyequina yero saha ijire ti mári. ¹⁶ Nucu cjãno, diez pãhtoa gãhu umua mehna ñano yeducuricoro ihña yabieta. Tiquina diez pãhtoa nucu cjãno mehna ticoro yere ehma peho, suhti mariedicoro cohãeta ticoro. Sa ye ticoro pagure ihyaeta. Tiquina sa yeri bato ticoro ujãa pehoeta. ¹⁷ Tiquina diez pãhtoa ihcãno saha tãhotuye, nucu cjãnore tiquina ye yehpari cjëna pãhtoro sõeta. Tiquinare sa yegũ yeri Cohãcjũ, tiquiro cahmeno saha yero taro. Sa yero nucu cjãno pehe pãhtoro ijirota. Ijipihtiye Cohãcjũ panopu tiquiro yahuriro sahata tiquiro yeri bato nucu cjãnore cohãnota. ¹⁸ Ticoro mahuh ihñaricoro mehna ohõ saha ni queoye mehna buhere: Ticoro pajiri maca Babilonia wame tiri maca yero saha ijire. Ijipihtiyequina apequina pãhtoa bui ijire ti maca cjëna, nidi angel yahure.

18

Babilonia wame tiri maca tiquiro cohãri maca ijire

¹ Came apequiro angel uhmusepu dijia tariquirore ihña. Tiquiro pãhtoro waro ijiri. Sa yero tiquiro asi siteye ijipihtiropu quehnoano buhrio

sehſaa wahari. ² Tiquiro ſa dijiari bato tutuaro ſañuducu yahuri:

—Cohāri jiri. Babilonia wame tiri maca pajiri maca cjenare cohāri jiri. Yojopare watīa, peyequina ñañequina pagu bajueyequina gūhu ti macapu ijiye nine. Ñañequina boro minicjua pari gūhu ti macapu ijiye nine. Tiquina minicjua masa tiquina ihña yabiyequina ijiri. ³ Ijipihtiye yehpari cjenā ti maca cjenare ñañequinare ihña cūñe, tiquina gūhu ñano yeri. Sa ye ahri yehpari cjenā puhtoā ti maca cjenā numia mehna ñano yeri. Ticoro ſa umua mehna ñano yeducuricoro ijiro wapa tiyere dūe tiri. Pajiro ticoro ſa dūgū ahri yehpa cjenā doeri cje duayequina pajiro wapatarī, ni yahuri angel.

⁴ Came pari turi umuſepu yahuducuro ca tari. Ohō ſaha nidi:

—Yeequina, ahricoro umua mehna ñano yeducuricoro mehna ijieracāhña muſa. Ticoro mehna muſa ijigū muſa gūhure buhiri dahrerota. Sa yena ticoro ñano yeyere ihña cūedacāhña. ⁵ Ticoro ñano yeri peye ijire. Ticoro ñano yerire pari tju mari duhu peo muogū ti tju pehe umuſepu wahā ſa cāboaga. Sa ye ticoro ñano yeri peye ijire. Sa yero ticoro ñano yerire wacūre Cohācjū. Sa wacūno ticorore buhiri dahre dutirota. ⁶ Ticoro tutuaro tiquiro buhiri dahrenohaticoro ijiahro. Masare ticoro ñano yegū yeriro ſaha ticoro gūhure ñano yuhdugū yeahro. Masare ticoro ſa ñano wahagū yeriro ſaha ti yuhdoro ticorore ñano buhiri dahreahro. ⁷ Ticoro “Quehnoago ijiaja”, ni tuhotumedi. Sa ni tuhoturo, wapa bujuyere pajiro ſori ticoro. Ti wapa bujuyere pajiro ticoro ſoro punota ticorore pajiro ñano yuhdugū yeahro. To punota ticorore bujua witi gū yeahro. Ticoro baſi ohō ſaha ni tuhotumene. “Ohōru dutigo dujiaja. Wape wiho ijieraja. Sa yego ne ñano yuhduſi yuh”, ni tuhotumene ticoro. ⁸ Sa ni tuhoturicoro ijigū wacūeno mehna ticorore buhiri dahrerota. Ticoro

dohati, yariariquinare yahco uti, ujua ahbarota. Sa yero ticorore ujua borota. Muſa puhtoro Cohācjū ticorore buhiri dahre dutiriquiro tutua yuhduriquiro ijire. Sa yero ſa yuhu nidiro ſaha ticorore buhiri dahre dutirota, nino ca tari umuſepu.

⁹ Sa ye ticoro yero ſaha ijiri macare Cohācjū tiquiro buhiri dahreri bato ahri yehpa cjenā puhtoā tutuaro bujua witi, utieta. Ti maca cjenā mehna ñano yeyequina ijiri. Ti maca ujūgū ihñañe utieta tiquina. ¹⁰ Sa ujūgū ihñañe tiquina puhtoā yoaropu ihñadoqueoducuetā, “Uſā gūhure buhiri dahreari”, niñe. Topu ihñadoqueoducuye ohō ſaha nieta:

—Yohou, pejecuro maca ijire, Babilonia. Si maca pajiri maca tutuaro maca ijimedi. Wacūeno mehna ſi macare buhiri dahreri, nieta tiquina.

¹¹ Ijipihtiro cjenā doeri cje duayequina ti macare ihñañe tutuaro bujua witi utieta. Ti maca pihtigū ihñañe, tiquina ye doeri cje dūyequina mariedagū ihñañe bujua witieta tiquina. Sa ye utieta. ¹² Tiquina ne cāhtarire urure, platare, wapa bujue utāre, perla wame tiye paca gūhure dūyequina marisi. Sa ye apeye tiquina ne cāhtarire suhti quehnoañe suhtire, yahſaye suhti puhtoā tiquina ſañañe suhti ſaha ijiye suhtire, ſeda wame tiye suhtire, ſohāñe suhtire dūyequina marisi. Sa ye apeye tiquina ne cāhtarire yucari ehme ſitiye yucare dūyequina marisi. Sa ye apeye tiquina ne cāhtarire marfil wame tiye mehna tiquina yerire, wapa bujue cju mehna tiquina yerire, bronze wame tiye come mehna tiquina yerire, come buſiye mehna tiquina yerire, marmol wame tiye mehna tiquina yerire dūyequina ne marisi. ¹³ Sa ye apeye tiquina ne cāhtarire canela wame tiyere tiquina ihyayere ocagū yeyere, apeye tiquina ihyayere ocagū yeyere, bueyere, mirra wame tiye ehme ſitiyere, apeye ehme ſitiyere dūyequina marisi. Sa ye apeye tiquina

ne cãhtarire vinore, ùhse ihyaye moreñene, trigore, trigo pjerire, wecũare, corderoare, caballoare, tunuñe cohrori caballoa tiquina wejeye cohrore dúyequina marisi. Cahacjẽnare dú tiquinare cõoyequina gũhũ marisi. Masa tiquina ijiepegũta tiquinare dúyequina ijimedi. Yojoþure marisi. Sa ye bujũa witieta doeri cjẽne duayequina. ¹⁴ Sa ye ohõ saha nieta tiquina ti maca cjẽna ijiriquinare:

—Adei, ñabutiario wahayari. Ijipihtiye mũsa cahĩmedi pihtia wahari. Sa ye ijipihtiye quehnoañe mũsa cõomedi pihtia wahari. Sa yena tire pari turi bocasi mũsa, nieta doeri cjẽne duayequina.

¹⁵ Tiquina ti macare doeri cjẽne duaye, pajiro wapatamedi. Sa ye tiquina ti macare yoaropũ ihñadoqueoducueta, “Usã gũhũre buhiri dahreari”, niñe. Sa ihñadoqueoducuye ti macare tutuaro bujũa witi utieta. ¹⁶ Ohõ saha nieta ti macare:

—Adei, pejecõoyequina ijire si maca pajiri maca quehnoari maca cjẽna mũna. Si maca numino yero saha quehnoañene cõori. Numino pehe quehnoañe suhtire, yahsaye suhti pũhtoa tiquina sañañe saha ijiye suhtire, sohãñe suhti gũhũre sañari. Sa yero uru, wapa bujũye utã, perla wame tiye paca ohõri suhtire sañari. Sa yeri si maca cjẽna. ¹⁷ Sa ye wacũeno mehna si maca buti pihtia wahari, nieta ti macare.

Sa ye ijipihtiyequina yucũsari mehna tiniñequina, ti yucũsari opana, tiquina amũa, apequina pajiri mapũ dahra wapatayequina gũhũ ti macare yoaropũ ihñadoqueoducueta. ¹⁸ Topũ ihñadoqueoducuye ti macare to ujugũ ihñañe ohõ saha ni sañuducueta:

—Quehnoañe macari si maca yero saha ijiye macari ne apeye macari mariedare, ni sañuducueta tiquina.

¹⁹ Sa bujũa witiyequina ijiye tiquina dapu paca bui dihtare orẽ peoeta. Sa ye tutuaro yahco utiye ohõ saha nieta:

—Adei, pejecõoyequina ijire si maca cjẽna mũna. Quehnoari maca

ijimedi. Ijipihtina yucũsarire cõona pajiri mapũ tinina ijina si maca cjẽ doeri cjẽ mehna quehnoano wapatami mari. Sa ye dũita si maca cjẽ buti pihtia wahari, nieta yucũsari cjẽna.

²⁰ Ti macare tiquiro cohãgũ ihñana bucueya mũsa ùhmũse cjãna. Cohãcjũ yequina, Jesu tiquiro cõrina, tiquiro yere yahu mũhtarina ijipihtina mũsa bucueya. Ti maca cjẽna mũsare ñano yũhdagũ yeri. Tiquina sa yeri buhiri buhiri dahreri Cohãcjũ. Sa yena bucueya mũsa.

²¹ Sa yero tutuariquiro angel pajiria utãre ne wahcõ, pajiri mapũ doque ñori. Sa doque ñono ohõ saha nidi:

—Ahria utã bora ñojoariro saha pajiri maca Babilonia wame tiri maca boraro tutuaro bisirota. Sa borari bato ti macare pari turi ihñasi masa.

²² Ti macare butia wahagũ yerota. Sa ye ti macapũ basayere mũsa basaducuriro saha ne acaro tisi. Arpa wame tiyere mũsa bua pũtẽducuriro saha, flauta wame tiye pacare, corneta gũhũre mũsa putiducuriro saha pari turi ti macapũ acaro tisi. Sa ye ti maca mariedagũ pari turi ti macapũ dahrayequina dahrasi. Sa ye utã mehna trigore mũsa ña mũtoñe gũhũre tũhonohsi. ²³ Ne ti maca buhrio cuñariro saha ne ijisi. Sa ye omoca dũhtena mũsa bucue yahuducuriro saha pari turi ne acaro tisi. Ti maca cjãna mũsa doeri cjẽne duana, dúna gũhũ apequina yũhdũoro cõomedi mũsa. Sa yena yayia masare ujuayequina yero saha yena ijipihtiro cjẽnare mehori mũsa. Mũsa sa yerire ihña mariañe, Cohãcjũ pehere cahmedari masa, nidi tutuariquiro angel.

²⁴ Ti maca cjẽna Cohãcjũ yere yahu mũhtariquinare apequina tiquiro yequina gũhũre ijipihtiro cjẽnare wejẽdi jiri. Tiquina sa wejẽdi buhiri buhiri dahreri Cohãcjũ Babilonia cjẽnare.

19

¹ Babilonia d̄hse wahatire ȳh̄h̄ ihñari bato ʘhm̄sep̄h̄ peyequina masa sañuducue ca tari ȳh̄h̄ t̄h̄oḡũ. Ohõ saha ni sañuducuri:

Aleluya. Cohãcjũre quehnoano yahuducuuhna. Cohãcjũ marine ȳh̄d̄ariquiro ijire. Tiquirore quehnoano ño peouhna. Tutua ȳh̄d̄ariquiro ijire tiquiro. ² Mehono marieno queoro masare buhiri dahrere tiquiro. Ñāne buhiri marieñequinare tiquinare buhiri dahrerare. Ñaricorore ʘm̄h̄a mehna ñano yeducuricorore ihña cũñe ijipihtiro cj̄ena, ahri yehpa cj̄ena ñano yeri. Ticoro pehere buhiri dahreri Cohãcjũ. Sa yero tiquiro cahacj̄enare ticoro wej̄edi buhirire buhiri dahreri tiquiro, ni sañuducue ca tari.

³ Pari turi sañuducue ca tari tja: Aleluya. Cohãcjũre quehnoano yahuducuuhna. Ti maca ñari maca tiquiro ʘj̄ari maca sa ohmeo tiducurota, ni sañuducue ca tari.

⁴ Sa yeye veinticuatro Jesu yequina p̄h̄toa, pititiaro sijoro saha bajuyequina mehna d̄sepe curi mehna quehe sa, mari Pac̄re tiquiro dujirop̄h̄ dujiriquire ño peori. Ohõ saha ni ño peori tiquina: “Aleluya. Sata yeihna. Mari Pac̄re quehnoano yahuducuuhna,” nidi tiquina. ⁵ Came p̄h̄toro dujirop̄h̄ ohõ saha nino ca tari:

Mari p̄h̄toro Cohãcjũre ño peoya. Tiquiro cahacj̄ana, tiquirore ño peona, ihyo ijina, p̄h̄toa ḡh̄h̄ ijipihtina masa tiquirore quehnoano yahuducuya, nino ca tari.

Cordero tiquiro omoca d̄h̄teati deco bose decore yahuahye Ñũ

⁶ Came peyequina masa tiquina yahuducuḡũ t̄hou. Sa ye pajiri peo, ʘpo mehna tutuaro bisiro saha yahuducue ca tari ȳh̄h̄ t̄h̄oḡũ:

Aleluya. Cohãcjũre quehnoano yahuducuuhna. Tiquiro mari p̄h̄toro pehe p̄h̄toro sajã tuhasari. Tutua ȳh̄d̄ariquiro ijire tiquiro. ⁷⁻⁸ Cordero tiquiro omoca d̄h̄teati pje ijire yojop̄re. Tiquiro omoca d̄h̄teaticoro quehnoano tiquina quehno tuhasari-corop̄h̄ ijire. Ticorore quehnoari suhtiro wete marieni suhtirore ohori. Ti suhtiro Cohãcjũ yequina quehnoañene tiquina yeri yero saha ijire, mari queoye mehna buheḡũ. Sa yena ti omoca d̄h̄teati pje ijiḡũ bucueihna mari. Cohãcjũre “Tutua ȳh̄d̄ariquiro ijire”, ni h̄na, ni yahuducue ca tari.

⁹ Tiquina sa nidi bato angel ohõ saha nidi ȳh̄h̄re:

—Ahr̄ire ojoa neña: “Cordero tiquiro omoca d̄h̄teri deco bose decore tiquiro pijioriquina bucueyequina ijire”, ni ojoa neña, nidi angel ȳh̄h̄re.

Sa ninota ohõ saha ni nemori:

—Ijirota ijire ahri ȳh̄h̄ yahuri. Cohãcjũ ye yahuducuye ijire, ni nemori ȳh̄h̄re.

¹⁰ Tiquiro sa niḡũ t̄h̄oḡuta tiquiro caha d̄sepe curi mehna quehe sa, tiquirore ño peou t̄h̄h̄ nimi. Ȳh̄h̄ sa yeḡũ waro ohõ saha nidi tiquiro ȳh̄h̄re:

—Tire yerac̄h̄ña. M̄h̄h̄ yero saha ȳh̄h̄ ḡh̄h̄ Cohãcjũ cahacj̄ata ijiaja. M̄h̄h̄ acaye Jesu yequina ijipihtiyequina tiquiro ye buheyere duh̄ueyequina yero saha ȳh̄h̄ ḡh̄h̄ Cohãcjũ cahacj̄ata ijiaja. Sa yeḡũ Cohãcjũ pehere d̄sepe curi mehna quehe sa, tiquirore ño peoya, nidi angel ȳh̄h̄re.

Cohãcjũ yere yahu m̄h̄tariquina m̄ana panop̄h̄ cj̄ena Esp̄ritu Santo yedohoro mehna ti buheyere Jesu ye buheyere yahuyuahye.

Caballo yehseriquiro bui p̄sariquire yahuahye Ñũ

11 Came ʌhmʌse parĩ maa wahagũ ihñaa. Topʌ caballo yehseriquiro ijiri. Tiquiro bui pesariquiro ohõ saha wame tiri: Tiquiro nidiro sahata yeriquiro pototo yeriquiro wame tiri tiquiro. Queoro masare dutiriquiro ijiri, tiquirore ihña tuhtiyequina mehna cahme wejẽne. 12 Tiquiro caperi peca pohna yero saha ijiri. Sa yero tiquiro dapupʌ peye pʌhtoa pesaye behtori ijiri. Sa yero tiquiro pagupʌ wame ojoa ohõnohriquiro ijiri. Ti wamene tiquiro dihita masidi. Apequina masiedari. 13 Tiquiro sañari suhtiro yoari suhtiro dii wahñari suhtiro ijiri. Tiquiro ohõ saha wame tiri: Cohãcjũ ye yahuducuyere yahuriquiro wame tiri tiquiro. 14 Sa ye tiquiro yequina surara ʌhmʌse cjẽna tiquirore nʌnʌ tãri. Yehseyequina caballoa bui pesayequina quehnoañe yehseye suhtire, wete marieñe suhtire sañariquina ijiri. 15 Tiquiro dʌseropʌ ñoseni pjĩne siori pjĩne culñuri. Ti pjĩ ijipihtiye yehpari cjẽnare tiquiro yʌhdʌdʌcati pjĩ ijiri. Sa yero tiquiro tutuaye mehna tiquiro dutigã ne ihcãquiro tiquirore yʌhdʌdʌcaro cũsi. Cohãcjũ ijipihtiye yehpari cjẽna mehna usuare. Tiquiro sa usuagã caballo bui pesariquiro tiquinare tutuaro buhiri dahrerota. 16 Tiquiro suhtiropʌ, tiquiro ñecʌ gũhare ahri wamene ojoa ohõri jiri: “Ijipihtiyequina apequina pʌhtoa bui pʌhtoro”, ni ojoa ohõri jiri.

17 Came asũ asiropʌ ducuriquirore angelre ihñaa. Ijipihtiyequina ʌhmʌsepʌ wʌyequina yucaa parire sañuducu mʌori tiquiro. Ohõ saha ni tutuaro sañuducu mʌori:

—Cahmecoana ahtaya. Cohãcjũ tiquiro bose decopʌ ihyana ahtaya. 18 Peye yehpari cjẽna pʌhtoare, surara pʌhtoare, surara parire, caballoare, tiquina bui pesayequinare, ijipihtiyequina apequina masare, cahacjẽnare, cahacjẽna ijieyequinare, apequina pʌhtoare, ihyo ijieyequinare tiquina ijipihtiyequina tiquina paguri ijirire ihyana ahtaya,

nidi angel yucaare.

19 Came nʌcʌ cjũnore, ahri yehpa cjẽna pʌhtoa tiquina yequina surara pari gũhare ihñaa. Caballo bui pesariquiro mehna tiquiro yequina surara pari mehna cahme wejẽne tehe cahmecoari tiquina. 20 Tiquina sa cahme wejẽgã caballo bui pesariquiro nʌcʌ cjũnore peresu yeri. Apequiro “Cohãcjũ yere yahu mʌhtagʌ ijiaja”, ni mehoriquiro gũhare peresu yeri. Tiquiro ni mehoriquiro pehe nʌcʌ cjũno tiquiro ihñonopʌ tutuaye mehna ye ihñoriquiro ijiri. Tiquiro sa ye ihñori mehna nʌcʌ cjũno wamene wahñañequinare tiquiro queoyere ño peoyequinare ni mehori “Ahri Cohãcjũ ye ijire”, nino. Tiquina pʌarore tiquiro peresu yeri bato tiquinare catiequinareta pecapʌ cohãri. Ti peca pajiri ma yero saha pajiri peca azufre mehna ʌjũri peca ijiri. 21 Sa yero dʌhsariquinare tiquina yequina surara parire ñoseni pjĩ mehna tiquiro dʌseropʌ ijiri pjĩ mehna wejẽdi caballo bui pesariquiro pehe. Sa tiquiro wejẽdi bato yucaa pari tiquina paguri ijirire ihyaye, yapi yʌhdʌa wahari.

20

Mil cʌhmari waro Cristo tiquiro yequina mehna masare dutirota

1 Came apequiro angel ʌhmʌsepʌ tiquiro dijia tagũ ihñaa. ʌhcũari cope cjã sawire, pajiri da, come da gũhare cʌori tiquiro. 2 Sa dijia wihiro pinonore ñehedi tiquiro. Tiquiro pinono panopʌ pinono saha pagʌ tiriquiro ijiri, watĩno Satana wame tiriquiro ijiri. Tiquirore ñeheno tiquirore dʌhteri mil cʌhmari waro peresu yero taro. 3 Sa dʌhte tuhasa, ʌhcũari copepʌ cohãri tiquirore ahri yehpari cjẽnare mil cʌhmari waro tiquiro “Mehoari”, nino. Sa cohã tuhasaro ti copere biha, piha ñehe cãri. Sa yero mil cʌhmari bato pari turi meheñe decorigã tiquirore wiorĩnota.

⁴ Came pũhtoa dujiyere ihñau. Ti dujiyepũ dujiyequina gũhare ihñau. Tiquinare masare tiquina beseatore ñañene yeyequinare tiquina buhiri dahreatore cũri Cristo. Apequina gũhare ihñau. Tiquina pehe Jesu yere Cohãcjũ yere tiquina yahuri buhiri tiquina dapu pacare dũte cohãnohriquina ijiri. Nũcu cjãnore tiquiro queoye gũhare dũsepe curi mehna quehe sa ño peoerari. Sa ye tiquina wãhdoa pacare tiquina omocari gũhare tiquiro wamene ojoa ohõ dutierari tiquina. Sa ye apequina tiquinare wejẽdi bato masaa wahari tja. Masari tiquina mil cãmari waro Cristo mehna pũhtoa ijiye tehe. ⁵ Apequina Cristo yequina yariariquina mũna masaedarĩdi. Tiquina wejẽdiquina tiquina masari bato mil cãmari pũhtoa tiquina ijiri bato apequina gũhũ masaa wahaeta. Sa ye tiquina wejẽdiquina mũna Cristo yequina tiquiro bato masa mũhtañequina ijiri. ⁶ Tiquiro maso mũhtariquina pehe tutuaro bucueyequina ijieta. Ñañe marieñequina ijieta tiquina. Sa ye pecapũ wahaasi tiquina. Masa pecapũ wahaye, pari turi tiquina yariaro saha wahare. Sa ye tiquina pecapũ wahaerare. Masa mũhtariquina Cohãcjũ, Cristo yequina pahia ijieta tiquina. Sa ye mil cãmari waro Cristo mehna masa pũhtoa ijieta.

⁷ Mil cãmari bato Satanare perezupũ ijiriquirore wiorota. ⁸ Tiquirore sa wiori bato ahri yehpa cjẽnare mehono waharota tiquiro. Gog wame tiyequinare, Magog wame tiyequina gũhare mehono waharota. Sa ye tiquina tiquiro mehoñene tũhoye, tiquina yequina surara parire cahmecoaeta cahme wejẽne tehe. Surara pari peyequina ijieta. Pajiri ma cjẽ padũ pjeri peye ti ijiro saha peyequina surara ijieta.

⁹ Sa ye ahri yehpapũre waha siteye, Cohãcjũ yequina tiquina ijiri macare Cohãcjũ tiquiro cahĩdi macare majare behtoa cahmotaeta. Tiquina sa cahmotari bato Cohãcjũ tiquinare

ũhmũse cjã peca mehna ỹũadoque dijiorota. ¹⁰ Sa wahari bato watĩnore tiquinare mehoriquireore pecapũ cohãnota. Ti peca pajiri ma yero saha ijiri peca azufre mehna ỹũari peca ijiri. Topũ nũcu cjãnore, “Cohãcjũ yere yahu mũhtagũ ijiaja”, ni mehoriquireo gũhare cohã tuhasari. Topũ tiquina ijigũ deco, ñamipũ gũhare sa ñano purĩducurota tiquinare.

Cohãcjũ masare buhiri dahre bato tire

¹¹ Came pajiro dujirore quehnoano yehserore pũhoro dujirore ihñau. Ti dujiro bui dujiriquiro gũhare ihñau. Ahri yehpa cjẽna gũhũ ỹhmũse cjẽna gũhũ tiquirore cueye, duhti oma cãa wahari. Sa duhtiepetã tiquirore duhtiyẽ cũedari. ¹² Sa yegũ pũhoro poto yariariquina mũna tiquina ducugũ ihñau. Tiquina ihyo ijiyequina, pũhtoa ijiriquina gũhũ ijiri. Topũ tiquina ducugũ ojoa ohõñe tjurire põori. Ti tjuri masa tiquina yerire tiquina ojoa ohõñe tjuri ijiri. Sa yero beseriquiro ti tjurire ihña tuhasa tiquina yerire masidi. Tire masino yariariquinare beseri ñañequina, quehnoañequina gũhare. Came ape tju gũhare põori. Ti tju Cohãcjũ mehna sa ijiducuatiquinare tiquina wamene ojoa ohõri tju ijiri. ¹³ Came pajiri mapũ, diapũ gũhare yaria dijariquina wahcã mũjaa wahari. Sa ye yehpa puhiapũ ijiyequina, yariariquina tiquina ijiropũ ijiyequina gũhũ mũjaa wahari. Tiquina sa mũja sagũ topũ dujiriquiro tiquina yerire masi pehorõ, tiquinare beseri ñañequina, quehnoañequina gũhare. ¹⁴ Came yariarore, yariariquina tiquina ijiro gũhare cohã cãhri Cohãcjũ pari turi mari yariatore. Pecapũ cohã cãhri. Ti peca pajiri ma yero saha ijiri peca pajiri peca ijiri. Pecapũ wahayequina pehe pari turi yariaro saha wahare. ¹⁵ Sa yero sa ijiducuatiquina tiquina wamene Cohãcjũ tiquiro ojoa ohõri tjupũ ijipihtiyequina tiquina wamene ojoa

ohōmehneñequina pehere pecapũ cohãri tiquiro.

21

Uhmũsepũ, ahri yehpa gãhũre wahmare comesarota Cohãcjũ

¹ Came uhmũsepũ, ahri yehpa gãhũre wahmare tiquiro comesarire ihñau. Uhmũsepũ iji mũhtari, yehpapũ iji mũhtari, pajiri mapũ iji mũhtari gãhũ pihtia wahari. Mariedari. ² Sa yegũ yũhũ Ñu quehnoari macare, wahma macare Jerusalēne ihñau. Ti maca uhmũsepũ Cohãcjũ cahapũ dijia tagũ ihñau. Omoca dũhteaticorore quehnoañe suhti mehna wahma sũore omoca dũhteatiquirore bucuegũ yero taro. Sata ti macare quehnoyuri jiri Cohãcjũ, tiquiro yequinare bucuegũ yero taro. ³ Tire yũhũ ihñari bato pũhtoro dujiropũ tiquiro sañuducugũ tũhou:

—Ihñaña. Yojoapũre masa watoapũ ijiro nine Cohãcjũ. Tiquina mehna ijirota tiquiro. Sa ye tiquiro yequina ijieta tiquina. Sa yero Cohãcjũ tiquiro basi tiquina mehna cjũno ijiro, tiquina yaquiro Cohãcjũ ijirota. ⁴ Sa yero sa bucueducugũ yerota tiquiro tiquinare. Sa ye pari turi bujũa witisĩ tiquina. Sa ye ne pari turi yariasi tiquina. Ne ñano jeripohna tiye, utiye, purĩne gãhũ marisi tiquinare. Ahri ijipihtiyere panopũ cjẽ ijiri pihtia waharota, ni sañuducuro ca tari.

⁵ Came pũhtoro dujiropũ dujiriqũiro ohō saha nidi:

—Ihñaña. Ijipihtiyere wahma comesagũ yeitja, nidi.

Tiquiro sa nidi bato yũhũre ohō saha nidi tja:

—Ahri yũhũ niñene ojoa neña. Yũhũ niñe ijirota ijire. Sa yero yũhũ nidiro sahata sa waharota. Sa yegũ yũhũ niñene ojoa neña, nidi yũhũre.

⁶ Came ohō saha nidi tja yũhũre:

—To punota ijiaga. Yũhũ ijipihtiyere bajumehnedigũ ijiaja. Sa yegũ ijipihtiyere pihtigũ yeacjũ ijiaja. Aco wũoyequina tutuaro tiquina acore cahmeno saha yũhũ

cahapũ ahta duayequina yũhũre cahmeeta. Sa ye yũhũre yũhtieta. Yũhũ catigũ yeye aco yero saha ijigũ ijiaja. Yũhũre cahmeñequinare yũhũ mehna sa ijiducugũ yeitja tiquinare. Tiquina esa tuharo ye dutiro marieno, yũhũ tutuaye mehna yũhũ mehna sa ijiducugũ yeitja. ⁷ Ijipihtiyequina yũhũre wacũ tutua duhuyequinare ohō saha yeitja: Tiquina yaquiro Cohãcjũ ijiitja. Sa ye tiquina pehe yũhũ pohna ijieta. ⁸ Sa ijiepetã cueye, yeere duhuyequina, yũhũre cahmeeñequina, ña yũhdũyere yeyequina, masare wejẽñequina, wũana tiyequina, masare ujuayequina yero saha yeyequina yayia, “Cohãcjũ ijire”, tiquina niñe queoyere ño peoyequina, ijipihtiyequina ni mehoñequina pecapũ wahtaeta. Topũ pajiri ma yero saha ijiri peca pajiri peca azufre mehna ujũno nine. Topũ wahayequina pari turi tiquina yariaro saha wahaye nine, nidi yũhũre.

Wahma maca Jerusalēne yahuahye

⁹ Came ihcãquiro angel yũhũ cahapũ wihiri. Tiquiro siete pari cũoyequina, tiquiro buhiri dahre duti cũriquina angele mehna cjũno ijiri. Sa wihiro, ohō saha nidi yũhũre:

—Ihñagũ ahtaya. Cordero tiquiro omoca dũhtericorore ihñoutja mahũre, nidi angel yũhũre.

¹⁰ Sa yero Espĩritu Santo yũhũre Cohãcjũ ya macare ihñori. Ohō saha bajuro ihñori yũhũre: Uhmũanũ canũ buipũ yũhũre ne mũjari. Tũpũ usã ijigũ Jerusalēne Cohãcjũ ya macare quehnoari macare ihñori yũhũre. Cohãcjũ cahapũ uhmũsepũ ijiri maca dijia taro nidi ahri yehpapũ. ¹¹ Cohãcjũ tiquiro asi siteye mehna asi siteri maca ijiri ti maca. Wapa tiye utã yero saha asi siteri. Jaspe wame tiye utã yero saha asi siteri. Sa yero vidrio yero saha quehnoano aco sitiri maca ijiri ti maca. ¹² Sa yero pajiri sahrĩno uhmũari sahrĩno tiquina sahrĩ sãri maca ijiri ti maca. Doce sopecahari tiri ti sahrĩno. Ti

sopecaharipe cohteri angele. Ti maca cjẽ sope pahmaripũ Israe masa cururi doce cururipe tiquina wame wahñari. ¹³ Asũ mũja taro pehe ti sahrĩno cœori ihtia sopecaha. Sur cũ pehe pehe ihtia sopecaha ijiri. Norte poto pehe ihtia sopecaha ijiri. Asũ sajãno pehe gũhũre ihtia sopecaha ijiri. Ijipihtiro doce sopecahari waro cœori ti sahrĩno. ¹⁴ Ti sahrĩno doce utã paca bui pesari. Ti utã pacape Cordero cũrina doce tiquiro cũrina usãpe wame wahñari.

¹⁵ Sa yero angel yũhũre yahuriquiro queodũ uru mehna tiquina yedũre cœori. Ti macare, ti maca cjẽ sopecaharipe, sahrĩno gũhũre queoro taro nidi. ¹⁶ Ti maca yoaro punota ehsaro gũhũ to punota ehsari. Hmũano gũhũ to punota umũari. Sa yero angel queodũ mehna ti macare queori. Ti maca dos mil doscientos kilómetro yoari maca ijiri. To punota ehsari maca ijiri. To punota umũari maca ijiri. ¹⁷ Sa yero ti maca cjã sahrĩnore queori angel. Sesenta y cinco metro umũari sahrĩno ijiri. Masa mari queoro sahata queoro nidi tiquiro angel.

¹⁸ Ti sahrĩno jaspe wame tiye utã paca mehna tiquiro yeri sahrĩno ijiri. Sa yero ti maca pehe uru mehna tiquiro yeri maca ijiri. Ti uru wete marieñe ijiro quehnoano asi siteri. ¹⁹ Ti sahrĩno docapũ ijiye utã pacapũre peye sijoro saha ijiye wapa tiye paca wahñari. Ti utã paca sahrĩnopũ pesaye paca doce paca ijiri. Iji mũhtaria utãre jaspe wame tiye utã wahñari. Ti paca bato ijiria utãre zafiro wame tiye utã wahñari. Pũaria bato ijiria utãre ágata wame tiye utã wahñari. Ihtitaria bato ijiria utãre esmeralda wame tiye utã wahñari. ²⁰ Pititaria bato ijiria utãre ónice wame tiye utã wahñari. Ihcã omope paca bato ijiria utãre cornalina wame tiye utã wahñari. Seis paca bato ijiria utãre crisólito wame tiye utã wahñari. Siete paca bato ijiria utãre berilo wame tiye utã wahñari. Ocho paca bato ijiria utãre topacio wame

tiye utã wahñari. Nueve paca bato ijiria utãre crisoprasa wame tiye utã wahñari. Diez paca bato ijiria utãre jacinto wame tiye utã wahñari. Once paca bato ijiria utãre amatista wame tiye utã wahña bato tiri.

²¹ Sa ye doce sope pahmari doce perla mehna tiquiro yeri pahmari ijiri. Ti pahmaripe ihcã pje perla pje mehna tiquiro yeri pahmari ijiri. Sa yero ti maca cjã maha uru mehna tiquiro yeri maha ijiri. Ti uru wete marieñe uru ijiri. Sa yero quehnoano aco sitiri maha ijiri ti maha.

²² Ti macapũ Cohãcjũ wũhũre ihñedu. Mariedari. Ti macapũ ijipihtiropũ mari pũhtorore Cohãcjũ tutua yũhdũariquirore, Cordero gũhũre ño peore masa. Sa yero ti maca ijipihtiro Cohãcjũ wũhũ yero saha ijiri. ²³ Sa yero ti macapũ Cohãcjũ tiquiro asi siteye quehnoano buhriori. Cordero gũhũ sihãria yero saha buhriori. Sa ye asũ deco cjũno gũhũre ñami cjũno gũhũre topũ tiquina buhriogũ cahmedari. ²⁴ Sa ye ahri yehpapũ ti buhrioye mehna ijieta ijipihtiro cjẽna. Sa ye ijipihtiyeyehpari cjẽna pũhtoa ti macapũ quehnoa yũhdũayere tiquina cœoyere ne wihieta. ²⁵ Sa ye decore ti maca cjẽ sopecahari pœori sopecahari ijieta. Topũre ne ñami marisi. Sa ye ti sopecaharipe ne bihasi. Sa susuducurota. ²⁶ Sa ye ahri yehpari cjẽna quehnoañene tiquina cœoyere ti macapũ ne wihieta. ²⁷ Ñañe pehere ti macapũ ne ne wihisi. Bũe tigũ yeyequina, ñañene yeyequina gũhũ ti macapũ ne wahasi. Mehoñequina gũhũ ne wahasi. Cordero tiquiro ojoari tjupũ tiquina wame wahñañequina dihita ti macapũ wahaeta. Ti tju tiquiro yũhdũoriquina tiquina wamene tiquiro ojoa ohõri tju ijire. Ti tjupũ tiquina wame wahñañequina sa ijiducuenta.

22

¹ Came quehnoari mare catigũ yeri mare ihñori yũhũre angel. Ti ma

quehnoano aco sitiri ma Cohācjū, Cordero gūhū tiquina dujiropū ahtari ma ijiri. ² Sa yero ti maca cjā maha deco bŕgŕari ti ma. Ti ma pŕa peheri dŕhtŕ cahapŕ catigū yeye cjŕ ducuri. Ti cjŕ asŕripe dŕca tiri. Ihcā cŕhmare doce tahari dŕca tiri. Sa ye ti cjŕ cjē pŕri mehna quehnoano aco tieta ahri yehpa cjēna. ³ Ti macare ne ñañe buhiri dahreati marisi. Ti macapŕ Cohācjū dujiro ijirota. Cordero dujiro gūhū ijirota topŕ. Sa ye ijipihtiyequina masa topŕ ijiyequina tiquina cahacjēna tiquina poto dŕsepe curi mehna quehe sa, tiquinare ño peoeta. Sa yero topŕ ñañe ne marisi. ⁴ Tiquina Cohācjūre ihñā piti ca dujieta. Sa ye tiquina wŕhdoa pacapŕ tiquiropŕ wame wahñañequina ijieta. ⁵ Topŕre ñami ne marisi. Sa ye sihñāne paca gūhŕre cahmesi topŕ ijiyequina. Asū buhriogū gūhŕre cahmesi. Mari pŕhtoro Cohācjū buhriorota. Sa ye ti macapŕ ijiyequina ape sie cjēna pŕhtoa ijiducueta.

Jesucristo ahri yehpapŕ tiquiropŕ tojoa tato mehenogā dŕhsare

⁶ Came angel yŕhŕre ohō saha nidi:

—Ijipihtiye ahri tiquina yahuri ijirota ijire. Sa ye tiquina nidiropŕ sahata waharota. Mari pŕhtoro Cohācjū tiquiropŕ yere yahu mŕhtariquinare masigū yeriquiropŕ ijire. Tiquiropŕ pehe yojopŕre tiquiropŕ yaquiropŕ angelre ohori tiquiropŕ cahacjēnare masigū yero taro. Came cjŕnogā dŕhse wahatire masigū yero taro tiquiropŕ yaquiropŕ angelre ohori, nidi angel yŕhŕre.

⁷ Jesu pehe ohō saha nidi:

—Tŕhoya mŕsa. Mehenogā dŕhsare yŕhŕ tojoa tato. Ahri pŕ cjē yahuyere yŕhdŕdŕcaeyequina bucueyequina ijieta, nidi Jesu.

⁸ Yŕhŕ Ñŕ ahri ijipihtiyere yŕhŕ ojoa nedire tŕhou. Sa yegŕ tire ihñā. Sa yegŕ yŕhŕ tŕhori bato, yŕhŕ ihñari bato yŕhŕre ihñoriquiropŕ angel poto dŕsepe curi mehna quehe sami. Tiquiropŕre ño peogŕ tŕhŕ nimi. ⁹ Yŕhŕ sa yegŕ ihñano ohō saha nidi yŕhŕre:

—Sa yeracāhñā. Mŕhŕ yero saha yŕhŕ gūhŕ Cohācjū cahacjēta ijieta. Mŕhŕ acaye Cohācjū yere yahu mŕhtariquina, ijipihtiyequina ahri pŕ cjē dutiyere yeyequina gūhŕ tiquina ijiro saha yŕhŕ gūhŕ Cohācjū cahacjēta ijieta. Sa yegŕ Cohācjū poto dŕsepe curi mehna quehe sa, tiquiropŕ pehere ño peoya, nidi angel yŕhŕre.

¹⁰ Sa yero ohō saha ni yahu nemori yŕhŕre:

—Ahri pŕpŕ came dŕhse wahatire yahure. Sa wahato mehenogā dŕhsare. Sa mehenogā dŕhsagū ahri pŕpŕ yahurire nŕoedacāhñā mŕhŕ. ¹¹ Ti pje yŕhŕ yahuri pjere ñañequina pehe sa yeducucŕnahdo ñañene. Ñabutiayequina gūhŕ ña yŕhdŕaro yeducucŕnahdo. Quehnoañequina pehe quehnoano yeducuahro. Sa ye ñañe marieñequina gūhŕ ñañe marieñequina sa ijiducuahro ti pjere, nidi angel yŕhŕre.

¹² Ohō saha nidi Jesu:

—Tŕhoya mŕsa. Mehenogā dŕhsare yŕhŕ tojoa tato. Mŕsare yeequinare yŕhŕ ohoatire ne cŕhtagŕ tŕhŕ nieta. Sa yegŕ quehnoañene mŕsa yeri wapa mŕsare quehnoano yeitja. ¹³ Yŕhŕ ijipihtiyere bajumehnedigu ijieta. Sa yegŕ ijipihtiyere pihtigū yeacjŕ ijieta.

¹⁴ 'Ijipihtiyequina wete marieñe suhtire sañañequina tiquina ijiro saha tiquina ñañe yerire cosenohriquina ti macapŕ esaeta. Sa ye ti maca cjē cjŕ catiyere ohoye cjŕ dŕcare ihyaeta. Sa ye bucueyequina ijieta tiquina, nidi Jesu. ¹⁵ Ti macapŕ eseyequina pehe ahriquina ijire: Ña yŕhdŕayequina, masare ujuayequina yero saha yeyequina yayia, wŕana tiyequina, masare wejēñequina, “Cohācjū ijire”, tiquina niñe queoyere ño peoyequina, ni meho peyayequina gūhŕ ijire ti macapŕ eseyequina.

¹⁶ Sa yero ohō saha ni yahu nemori Jesu:

—Yŕhŕ, Jesu, yaquiropŕ angelre ohou mŕsare yeequinare ahri pŕ cjēne yahugŕ tŕhŕ. Pŕhtoro Davi panami

iji turiagu ijiaja yuh. Yuh bohrearia yero saha ijigu ijiaja, ni yahu nemori Jesu.

¹⁷ Espiritu Santo Jesure “Tojoa taya”, nine. Jesu yequina tiquiro omoca dhteaticoro yero saha ijiyequina gah “Tojoa taya”, nine. Ijipihtiequina tiquina “Tojoa taya”, nidire tuhoyequina gah “Tojoa taya”, niahdo Jesure.

Aco woyequina acore tutuaro tiquina cahmeno saha Cohacjũ cahap waha duana Jesure tutuaro cahmeña. Tiquiro catigã yeye aco yero saha ijire. Tiquirore cahmeñequinare ahmusep sa ijiducugã yerota Cohacjã. Tiquina esa tuharo ye dutiro marieno Jesu yedohoro mehna sa ijiducugã yerota.

¹⁸ Yuh Ñu, ijipihtina ahri pũ cje Cohacjũ yere tuhoreinare musare ohõ saha ni cua pesaro mehna yahutja. Ahri buheye mehna ap-

eye buheye mehna more yahu nemoñequina Cohacjũre yuhducaye nine. Tiquina sa yuhducagã ihñano ijipihtie ahri pũp tiquiro buhiri dahreatire tiquiro yahuriro sahata cũnota tiquina gahare. Sa yero sata tiquina gahare buhiri dahrerota.

¹⁹ Sa ye ahri pũ cje yahuyere yahu dhayequina Cohacjũre yuhducayequina ijire. Tiquina sa yuhducagã ihñano catigã yeye cju ducare tiquinare ihya dutisi. Sa ye sa ijiducusi tiquina. Sa yero tiquiro ya macap quehnoari macap waha dutisi. Ti cju, ti maca gah ahri pũp tiquina yahurip ijire.

²⁰ Ijipihtie ahri pũ cje yahuriquiro ohõ saha nine:

—Sa tjire. Mehenogã dhsare ahri yehpap yuh tojoa tato, nine tiquiro.

Sa tjiya. Usã pũhto Jesu, tojoa taya.

²¹ Mari pũhtoro Jesu tiquiro yedohoro mehna ijipihtina musa quehnoano ijiya.